


Cohamacu Yare Yahari
Tjuel



New Testament in Guanano

Cohamacu Yare Yahari Tjuel

New Testament in Guanano

copyright © 2007 Wycliffe Bible Translators, Inc.

Language: Guanano

Translation by: Wycliffe Bible Translators, Inc.

Copyright Information

© 2007, Bible League International. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Guanano

© 2007, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 18 Apr 2025 from source files dated 29 Jan 2022
1f3a4366-edba-553b-a17f-bc47c9049c98

Contents

SAN MATEO	1
SAN MARCOS	50
SAN LUCAS	79
SAN JUAN	130
HECHOS	167
ROMANOS	212
1 CORINTIOS	234
2 CORINTIOS	255
GÁLATAS	269
EFESIOS	277
FILIPENSES	285
COLOSENSES	290
1 TESALONICENSES	295
2 TESALONICENSES	299
1 TIMOTEO	302
2 TIMOTEO	308
TITO	312
FILEMÓN	315
HEBREOS	317
SANTIAGO	334
1 SAN PEDRO	340
2 SAN PEDRO	346
1 SAN JUAN	350
2 SAN JUAN	355
3 SAN JUAN	356
SAN JUDAS	357
APOCALIPSIS	359

San Mateo

Jesucristo Cohamacu macuno to coyea panopu macaina jira
(Lc 3.23-38)

¹ Jesucristo coyeare panopu macainare õ sehe ni yahuihtja yahu. Jesucristo ñuchuno cjiro panopu macariro Davi wama tirirowa jia tiha. To jihto pano ti ñuchuno cjiro Abrahã wama tirirowa jia tiha.

² Abrahã Isaa pucuro jia.

Isaa Jacobo pucuro jia.

Jacobo Juda cãhu pucuro jia.

³ Juda pohna puaro jia. Fares, Zara jia. Ti pocoro Tamar wama tiricoro jia.

Fares Esrom pucuro jia.

Esrom Aram pucuro jia.

⁴ Aram Aminadab pucuro jia.

Aminadab Naasón pucuro jia.

Naasón Salmón pucuro jia.

⁵ Salmón Booz pucuro jia. Booz pocoro Rahab jia.

Booz Obed pucuro jia. To pocoro Rut jia.

Obed Jesé pucuro jia.

⁶ Jesé Davi pucuro jia.

Davi sehe Israe masa bui puhtoro jia. Tiro Uria wama tirirowa cjiro namonore to nuoari baharo Salomo wama tirirore pohna tiha.

⁷ Salomo Roboã pucuro jia.

Roboã Abías pucuro jia.

Abías Asa pucuro jia.

⁸ Asa Josafat pucuro jia.

Josafat Joram pucuro jia.

Joram Uzías pucuro jia.

⁹ Uzías Jotam pucuro jia.

Jotam Acaz pucuro jia.

Acaz Ezequia pucuro jia.

¹⁰ Ezequia Manase pucuro jia.

Manase Amón pucuro jia.

Amón Josia pucuro jia.

¹¹ Josia Jeconia cãhu pucuro jia. Tina ti jiri pjare Israe yahpa macainare Babilonia macaina sehe ñaha wahcãha ti ya yahpau.

¹² Æ yoa Babilonia yahpai ti sari baharo,

Jeconia Salatiere pohna tiha.

Salatie Zorobabe pucuro jia.

¹³ Zorobabe Abiud pucuro jia.

Abiud Eliaquim pucuro jia.

Eliaquim Azor pucuro jia.

¹⁴ Azor Zadoc pucuro jia.

Zadoc Aquim pucuro jia.

Aquim Eliud pucuro jia.

¹⁵ Eliud Eleazar pucuro jia.

Eleazar Matán pucuro jia.

Matán Jacobo pucuro jia.

¹⁶ Jacobo José pucuro jia. José María manano jia. María sehe Jesu pocoro

jire. Jesu sehe masare yuhdohtiro jiro Cristo ti ni pisuriro jire.

¹⁷ Tô sehe jiro Abrahãre mari quihõ mæhtachu, pu Davipure mari quihõ batoachu ahrina jipihitina ti panamana ji turiana mehne jia, catorce curuari waro jia. Pari turi Davire mari quihõ mæhtachu, pu Babiloniapu Israe masare ti naahto pano mari quihõ batoachu jipihitina ti panamana ji turiana mehne jia, catorce curuari waro pari turi jia. Æ yoa tuhsu Babiloniapu ti sari baharo mari quihõ mæhtachu, pu Cristo to masa bajuachupu mari quihõ batoachu jipihitina ti panamana ji turiana mehne jia, catorce curuari waro jia tjao.

Jesucristo to masa bajarire yahuha
(Lc 2.1-7)

¹⁸ Æ yoa õ sehe Jesucristo masa bajuari jire. To pocoro María sehe José namono cjihto jiri jire. Wiho mejeta ti puaro ji dæchto pano Espiritu Santo to tuaa mehne wahma nijinocãre bocaro masiha ticoro to basi.

¹⁹ Æ yoa José to manano cjihto quihõno yoariro jiro, ture masino, ticorore cohãno taro nimaha. Masa ti ñurocaroi ticorore buhiri tichu yoa duaeraro, masa ti tuhoerasinichuta yaroca ticorore cohãno taro nimaha.

²⁰ Ture to tuhoturo watoi Cohamacu anjo sehe cahãnopu Josere bajuaro, õ sehe niha:

–José, Davi cjiro panamino, Mariare buo tiro marieno namo tiga. Ticoro Espiritu Santo to yoadohoro mehne wahma nijinocãre bocaricoro jira. Æ jicu buo tiro marieno namo tiga ticorore.

²¹ Ticoro pohna tirohca. Tirota to macanota to masare, pichacapu wahaborinare yuhdohtiro jirohca. To Æ yuhdohtiro jichu ñucu, Jesu ni wama pisuihca mahu –niha anjo Josere.

²² Panopu macariro Cohamacu yare yahu mæhtariro cjiro “Æ waharohca”, to ni joariro seheta ahri jipihitia Æ wahaa tiha. Ahri Æ wahatore õ sehe ni joa dutia tiha Cohamacu tirore:

²³ “Cucoro nuhmino, ne muno mehne jieraricoro, nijinocãre bocaro pohna tirohca to macnocãre.

Tirocã Emanuel wama tirohca”, ni joaa tiha Cohamacu yare. (Emanuel nino: “Cohamacu mari mehnetajira”, nino nica.)

²⁴ Cohamacu anjo Josere to Æ ni yahuri baharo José sehe wahcã, anjo to dutiriro seheta tiro María mehne wamomaca duhteha.

²⁵ To macnocãre to pohna tihto pano José sehe ticoro mehne jiera tiha. Baharo ticoro sehe pohna tia wahaha. Tiro sehe wihãrirocãre Jesu wamoaha.

2

Sū mūja taro macaina Jesucāre űua sūha

¹ Herode Judea yahpa macaina ti bui puhtoro to jiri pja ti yahpai jiri macai Belēi Jesu masa bajuaha. To ā masa bajuari baharo űahpichohare buheina űahpichohare noano masiina sū mūja taro macaina ta, Jerusalēpu wihaha.

² Ā wihaha, masare tó macainare sinituha:

—Ĵudio masa ti bui puhtoro jihtiro cjihto mipure nohoru masa bajuacari tiro? Sū mūja taropu jina, űahpichohaca to wahma bajua wahā sūchu űua, “Puhtoro masa bajuaro nica”, ni masihi sā. Ā to bajuachu űua, sā cāno mehne tirore űo payona tana tahi ōpu —ni yahuha buheina masare.

³ Ā yoa paina Herodere tīre yahua tiha. Ti ā yahuchu tuhoro Herode sehe soro tuhotuha. Ā jia jipihtina Jerusalē macaina cāhu to yoaro seheta soro tuhotuha tina cāhu.

⁴ Ā jiro Herode sehe jipihtina sacerdotea puhtoare, mari judio masare buheina cāhure to pjirocari baharo ti cahmachu pitichu űua, tinare sinituha tiro:

—ĴNohoru masa bajuarohcari Cristo sehe masa tuhotucha? —ni sinitu űua tiro.

⁵ Ō sehe ni yahuha tirore:

—Belēi, Judea yahpai jiri macai Cristo masa bajuarohca. Ō sehe ni joaa tiha Cohamacu yare yahu muhtararo cjiro:

⁶ “Belēi yu yainare Israe masare dutihtiro tarohca.

Ā jiro paye macari Judea yahpai jia macari yuhdoro jira Belē”,

ni joaa tiha Cohamacu yare —ni yahuha tina Herodere.

⁷ Ti ā ni yahuri baharo Herode masa ti marieno watoi sū mūja taropu tarinare pjirocaha. To caharu tina ti sūchu űua, tinare sinitu űua. To ā sinitu űuchu tuhoa, űahpichohare ti űuri dachore yahuha tina.

⁸ Ti ā yahuri baharo Herode sehe tinare Belēpu warocaro ō sehe niha tinare:

—Tirocāre noano macaga. Tirocāre bocana tjuahna yuhare yahu tjuahga. Yahu cāhu tirocāre űo payoi wahai tai nija —nimaha tinare Herode.

⁹ To ā niri baharo, tina wahaa wahaha. Ti ā wahachu sū mūja taroi ti űuria űahpichohaca sehe mū tārucuha. Ā yoa wihārirocā to jiro bui waroi tjuah wahā suha tia sehe.

¹⁰ Ā jia űahpichohare űua, tuaro wahcheha tina.

¹¹ Wihārirocā to jiri wuhupu su, sāa wahaha tina. Ā sāa sua, wihārirocāre to pocoro mehne jirocāre űua tina. Ā űua tina na tuhca caha su, tirocāre űo payoha. űo payo tuhsu ti caa pocare naroca pjōroca, urure,

incienso, mirra wama tia me sitia cāhure na wio, tīre tirocāre wapa marieno waa tiha.

¹² Tīre wa tuhsu carīa wahaha tina. Ti ā carīchu cahānoru Cohamacu yahuha tinare: “Herode cahai tjuahna tjiga”, ni yahuha Cohamacu tinare cahānorure. To ā ni yahuri baharo, tina sehe wahcāha. Ti ā wahcāri baharo pa maharu ni ya dihtarpu tjuah wahaa tiha.

José cāhu Jesucāre Egiptoru na duhti wahcāa wahaha

¹³ Ti ā wahari baharo Cohamacu anjo cahānoru Josere bajuaro, ō sehe niha:

—Wahcāga. Herode sehe maharirocāre wajāno taro, macano nina mipure. Ā yoa maharirocāre, to pocoro cāhure Egiptoru cjero na duhti wahcāa wahaga. Tōpore yu niri purota jiga —ni yahuha anjo Josere.

¹⁴ To ā nichu tuhoro, José sehe űamihta wahcā, maharirocāre to pocoro cāhure Egiptoru na duhti wahcāa wahaha.

¹⁵ Egiptoru sua, Herode to catiro puro tōpore jiha tina. Ā yoaha panoru macariro Cohamacu yare yahu muhtararo cjiro to ni joariro seheta. Tīre tirore Cohamacu joa dutia tiha. Ō sehe ni joaa tiha Cohamacu yare: “Egiptoru jirirore yu macare pjirocahi”, ni joaa tiha Cohamacu yare.

Herode macanacāre wajā dutiri jire

¹⁶ Ā yoa űahpichohare buheina ti duhti yuhduachu tuhoro Herode sehe sua yuhduaha. Ā suaro, Belē macainare, ti maca duhtu caha macaina cāhure ti pohmare mūa pohmare pu cāhma cjuainacāre wajā batoa dutiha tiro. Wahmanore űahpichoha buheina űahpichohare ti űuri dachore yahuha Herodere. Ti ā nichu tuhoro tiro to wajā duarirocā to masa bajuari dachore masino, “Ōpe cāhmari cjuara” nino, pu cāhma cjuainare wajā batoa dutiha.

¹⁷ Panoru macariro Jeremia Cohamacu yare yahu muhtararo cjiro to ni joariro seheta ā wahaha. Ō sehe ni joaa tiha tiro:

¹⁸ “Ramā wama tiropu bisiro coa tarohca.

Tuaro cahyaa mehne tiiro coa tarohca.

Raquel panamana numia ji turia numiapu Israe masa namosānumia ti pohmare tuaro tiha.

Ti pohmare ti wajāchu űua, ne cahya duhusi”,

ni joaa tiha panoru.

¹⁹ Ā yoa Herode to yariari baharo Egiptoi jirirore Josere Cohamacu yairo anjo cahānoru bajuaha. Ā bajuaro ō sehe niha Josere:

²⁰ —Maharirocāre wajā duaina cjiri yariaa wahahre. Ā jicu tirocāre to pocoro mehne Israe yahpau na tjuah wahaga muhu —ni yahuha anjo Josere.

²¹ To ā niri baharo tiro wahcā, maharirocāre to pocoro mehneta Israe yahparu na tjuua wahaha.

²² Wiho mejeta Arquelao Herode macano sehe to pucaro cohtotariro to jichu tuhoro José sehe Judea yahpai cuiro, tjueraha. Ā jiro pari turita cahānopu tirore yahu namoha tjoa. Tirore pari turi Judea yahpare ji dutieraha. To ā ni yahuri baharo, tina Galilea yahparu wahaa wahaha.

²³ Ti yahparure Nazare wama tiri macai jiha tina. Ā yoaha tina Cohamacu yare yahu muhtaina cjiri ti joariro seheta. Ō sehe ni joaa tiha: “Cristo Nazare macariro tjira’, ni jahca masa”, ni joaa tiha Cohamacu yare yahu muhtaina panopu macaina.

3

*João masare bautisariro masare yahuha
(Mr 1.1-8; Lc 3.1-9, 15-17; Jn 1.19-28)*

¹ Ā yoa baharopu João masare bautisariro jiha. Judea yahpai masa marienopu tiro Cohamacu yare yahu ducaha masare.

² Ō sehe ni yahuha tinare:

—Mvano macariro Cohamacu masa puhtoro to suho jihto mahanocā duhsara. Ā jina “Nāno yoaeraja”, masa ni tuhotumari cjirire duhuga. Masa űaa buhirire cahya, Cohamacu sehene cahmaga masa —ni yahuha tiro tinare.

³ Panopu macariro Isaia Cohamacu yare yahu muhtariro cjiro João to buhehtore ō sehe ni joaa tiha:

“Masa marienopu cūiro sañurucu, ō sehe ni buherohca:

‘Mari puhtoro to tahto pano tirore cahmaeraina cjiri masa tuhotuare cohtota, tirore cahmaina jiga masa’, ni sañurucu buherohca”, ni joaa tiha Isaia cjiro João cjihtore.

⁴ Tiro João camello pjoari suhtirore sāariro, wahiquiro cahsaroreta tuā dihoriro jiha. Poroare, macaroca macaina miquina mi cūhare chaa tiha.

⁵ Jerusalē macaina, jipihtiro Judea yahpai jiina, Jordāo wama tiri ma cahai jiina cūhu tirore tuhoa taha.

⁶ Wihi, tirore tuho, ti űaa yoarire Cohamacu yahuha tina. Ti ā ni yahuchu tuhoro Jordāo wama tiri mai João tinare bautisaha.

⁷ Ā jiro payu fariseo curua macaina, sādudeo curua macaina cūhu Joãoire ti bautisa dutia tachu űano tiro tinare ō sehe ni yahuha:

—¿Masa cūhu agāa űima tiina yoaro sehe masa mahñoa buhea mehne masare dojomehneina jina, Cohamacu musare to buhiri dahrehto pano tirore cui, duhti masierara masa?

⁸ Ā jina potocāta masa űaa buhirire bujua witi, Cohamacu cahmana jiihna, noaa yoa űoga.

⁹ Ō sehe ni tuhotuena tjiga: “Panopu macariro Abrahā mari űuchu cjiro jia tiha. Ā jina to panamana jina mari Cohamacu yaina jija”, ni tuhotuena tjiga masa. Musare niita nija. Abrahā panamana jiina jimana masa. Masa ā jipachuta ti masa ā jia yaba cjihti jierara. Cohamacu sehe ahri taa mehne Abrahā coyeare dahre masina. Ā jiro Abrahā coyea masa jia wiho waro jira taa ti wiho waro jiro seheta.

¹⁰ Ō sehe jira: Masa yucari yoaro seheta jira. Cohamacu sehe coma mehne yucarire cjā cohāriro yoaro sehe jira. Ā jiro noaa dica maria yucare nuhcōri mehneputa cjā cohānohca tiro. Tiro to cjā cohāri baharo, pichacapu jū cohānohca tiro. Āta yoaro taro nina masa cūhare tirore cahmaerainare.

¹¹ Yu baharo yu bui tuariro tarohca. Noa yuhduariro jira tiro. Tiro yoaro sehe jieraja yuhu sehe. Ā jicu tirore tuhotucu, “Wiho jiriro jija yuhu”, ni tuhotuja yuhu. Yuhu sehe masa űaare tuhotumari cjirire tuhotu cohtotainare diapu bautisacu, co mehne yoamahi. Tiro sehe yu yuhdoro yoarohca. Espiritu Santore masa mehne ā jirucuchu yoarohca tiro. Wiho mejeta paina sehene űaare ti tuhotumari cjirire duhu du-aeraina sehene tiro pichaca mehne buhiri dahrerohca.

¹² Yu baharo tariro cahsari cohāriro yoaro sehe jira. Cahsari cohāriro to batiro mehne jipihtia to trigo yapari cahsarire putiwera. To ā putiweri baharo trigo sehene to wihbori wūhi wihborohca. Tō sehta yoarohca tirore cahmainare yu baharo tariro. To putiwea cahsari sehene tiro jūnohca. Ti pichaca ne yatisi. Āta yoarohca tiro yu baharo tariro tirore cahmaerainare —ni yahuha João.

*João Jesure bautisaha
(Mr 1.9-11; Lc 3.21-22)*

¹³ Baharo Jesu Galileapu jiriro cjiro waha, Jordāo wama tiri mapu buhu suha Joãoire bautisa dutiro.

¹⁴ Wahmanore João tirore bautisa du-aeramaha.

—Neho, muhu sehe yu yuhdoro tuariro yuhu sehene mu bautisachu noaboa. Muhare bautisaboriro jieraja yuhu —ni yuhtimaha João Jesure.

¹⁵ Jesu sehe ō sehe ni yuhtiha tirore:

—Yuhare bautisasiniga. Ō sehe yoana, Cohamacu to dutiriro seheta sohtori tina nija mari —niha Jesu.

To ā nichu tuhoro:

—Jai —ni yuhtiha João.

¹⁶ Ā ni tuhsu, Jesure bautisaha. To bautisa tuhsu Jesu diarū ducuriro maja sūrcu suha. To maja sūrcu sūchūta, muano parī muaha. Cohamacu to Espiritu buja yoaro sehe tiro bui to duji tachū űūha.

¹⁷ To ā duji tachū muanopū durucuro coa taha:

—Ahrīro yu macu yu cahīriro jira. Tiro mehne tuaro wahcheja —nino coa taha muanopū.

4

*Watīno űaare yoa dutimaha Jesure
(Mr 1.12-13; Lc 4.1-13)*

¹ Ā yoa Espiritu Santo sehe Jesure masa marienopū naaha, tōpū watīno tirore űaare to yoa duti űūhto sehe.

² Tōpū sūro cuarenta dachori waro chūro marieno jiha Jesu. Ā jiro jūca baaha.

³ Jūca to baachū űūno watīno sehe tiro caharū sūro, ō sehe niha:

—Mūhū Cohamacu macūno jicu, ahrī tāa pocare chūa dojomehnega —nimaha tiro Jesure.

⁴ Jesu ō sehe ni yūhtīha:

—Yoaeraja. Cohamacu yare ti joari pūi ō sehe nina: “Masare chūa mehne dihta catieraro cahmana. Jipihtia Cohamacu to ya yahua mehne jiro cahmana”, nina Cohamacu —ni yūhtīha Jesu watīnore.

⁵ To ā ni yūhtiri baharo watīno sehe Jerusalēpū “Cohamacu ya maca”, ti niri macarū Jesure naaha. Tōpū na sūro, Cohamacu ya wūhū bui Jesure na suha tiro.

⁶ Na su tuhsu, tirore ō sehe nimaha:

—Cohamacu yare ti joari pūi ō sehe nina: “Cohamacu to anjoare mūhūre űū wihbo dutirohca. Ā jia tina sehe mūhūre űū wihboahca,

“Tācarū pūha tu muari’ nia”, nina ti joari pūi. To ā niri potocā jichū mūhū Cohamacu macūno jicu yahrapū pju bora űūűūjūta yūhūre. Mūhūre tina ti yoad-ohochū űūűūjūta yūhūre —nimaha watīno.

⁷ Jesu pju bora űū duaeraro ō sehe ni yūhtīha:

—Cohamacu yare ti joari pūi ō sehe nina: “Musa pūhtoro Cohamacu to niri cjirire ‘¿Potocā tjjari?’ ni masi duana Cohamacure yoa űū duti macaena tjjā”, nina Cohamacu yare ti joari pūi —niha Jesu.

⁸ To ā ni yūhtiri baharo mūa yūhdūdu tācarū Jesure na mūjaha watīno tjoa. Tu buirū mūja pja su, jipihtia macarine űūroca boroha Jesure. Ti cjuaa cūhūre űūha.

⁹ Ā űūno Jesure ō sehe nimaha:

—Yūhūre na tuhcuca caha su, űū payoga mūhū. Mū ā yoachū jipihtia ahrī macarine mūhūre waihtja —ni yahumaha watīno.

¹⁰ To ā nichū Jesu ō sehe ni yūhtīha:

—Satana, wahaga mūhū. Ō sehe nina Cohamacu yare ti joari pūi: “Mū pūhtoro Cohamacu dihtare űū payoga. To ya dutia dihtare yoaga”, nina Cohamacu yare ti joari pūi —niha Jesu watīnore.

¹¹ To ā nichū tūhoro watīno wahaa wahaha. To wahari baharo anjoa sehe wihī, Jesure yoadohoa tirore chūa wahaha.

*Galilea yahpai Jesu buhe dūcaha
(Mr 1.14-15; Lc 4.14-15)*

¹² Ā yoa Joāore peresu ti yoachū tūhoro, wahaa wahaha Jesu. Waha, Galilea yahpapū suha.

¹³ Tōi jiri macarū Nazarepū waha, yūhdū wahcā, Capernau wama tiri macarū suha. Galilea wama tiri bucupariro duhtū cahai jira Capernau. Ti maca Zebulō yahpa cahai, Neftalī yahpa cahai jire Capernau. Tōpū su, jiha Jesu.

¹⁴ Āta yoaha Jesu panopū macariro Cohamacu yare yahu mūhtariro Isaia cjiro to ni joariro seheta. Ō sehe ni joaa tiha:

¹⁵ “Zebulō yahpa cahai, Neftalī yahpa cahai, bucupariropū waharoi, Jordāo pa buhūsehe coarū Galilea yahpa jira.

Ti yahpa judio masa jieraina ya yahpa jira.
¹⁶ Tō macaina Cohamacu yare noaare masierara.

Ā masierapahta noarirore űūarū masiahca. Tina sehe Cohamacure ne masierara.

Ā jia pichacarū wahaborina jimaha.

Ā jiro cūiro tinare Cohamacu yare masichū yoarohca”, ni joaha Isaia cjiro.

¹⁷ Tōpū jiro, Cohamacu yare yahu dūcaha Jesu:

—Musa űaare tūhotumari cjirire duhu, noaa sehere tūhotu cohtota, Cohamacureta macaga mūsa. Muano macariro Cohamacu jipihtina bui pūhtoro to sūho jihto mahānocā dūhsara —ni yahu dūcaha tiro.

*Pititiro wahi wajāinare tiro mehne
macaina cjihtire pjiha Jesu
(Mr 1.16-20; Lc 5.1-11)*

¹⁸ Ā yoa Galilea wama tiri bucupariro duhtū caharū Jesu sito wahcāmahnū űūha Simore, to bahūro Andre mehne. Simota Pedro ti ni pisuriro jiha. Tina sehe wahi wajāina jia, ti waűūyucarire doca űū mūjaa niha bucupariropū.

¹⁹ —Yūhū mehne macaina cjihti taga mūsa. Yūhū mehne mūsa tachū, mūsa wahire űūha cahmachuina mūsa jiro seheta, Cohamacu yaina cjihtire masare pji cahmachuina cjihtire yoihtja mūsa. Yūhū mehne mūsa tachū ā yoihtina cjihtire cūihtja mūsa —niha tiro tinare.

²⁰ To ā nichū tūhoata ti waűūyucarire cūnoca, tiro mehne wahaa wahaha.

21 Ā yoa Jesu tina mehne yǎhdǎ wahcǎ, Santiagore to bahǎro Joǎo mehne boca sǎha tǎoa. Tina Zebedeo pohna jiha. Ti yaria dohoriai ti pǎcǎro mehne tina cǎhu ti waǎnyucǎrǎre cahnoa niha. Tina pǎarore tiro pjǎrocaha.

22 To ā pjǎrocachǎ tǎhoa, tina sehe dǎihta ti pǎcǎrore, dohoria cǎhure cǎ, Jesu mehne wahaha.

*Payu masare buheha Jesu
(Lc 6.17-19)*

23 Ā yoa jipihtiro Galilea yahpare Jesu buhe tiniha. Judio masa mari buhea wǎhǎsepǎ noaa buheare, mǎano macariro pǎhtoro to sǎho jia tiare buheha. Tinare buhe, dohatiinare noaina wahachǎ yoaro jipihtia dohatiare cohǎha tiro.

24 To ā yoaare tǎhoa Siria yahpa macaina jipihtiropǎ tǎ yahpai jiina tirore masi dǎcaha. Ā masia, sǎo jia dohatia cǎjǎinare, tuaro purǎre cǎjǎinare, watǎ ti sǎanohrinare, ĩama yaria mǎnare dohatin-
inare, tini masieraina cǎhure na sǎha. Ti ā na sǎchǎ ĩǎno jipihtina tinare noaina wahachǎ yoaha Jesu.

25 To ā yoachǎ ĩǎna, Galilea yahpa macaina, Decapoli wama tiropǎ jia macari macaina, Jerusalǎ macaina, Judea yahpa macaina, Jordǎo pa bǎhǎsehe coa macaina payu masa tiro mehne wahaha.

5

Tǎcǎpǎ mǎjǎ, tǎi buheha Jesu masare

1 Masa payu to cahai ti sǎchǎ ĩǎno Jesu tǎcǎpǎ mǎjǎha. Mǎjǎ sǎ, tǎi dujiha. Tǎi to dujichǎ to buheina sehe tiro cahapǎ sǎha.

2 Ti sǎchǎ ĩǎno ō sehe ni buhe dǎcaha:

*Ō sehe jiina jira wahcheina
(Lc 6.20-23)*

3 –Ti ĩaa tǎhotumari cǎjǎrǎre duhu, noaa sehere tǎhotu cohtotaina Cohamacǎre cahmaina wahcheina jira. Mǎano macariro pǎhtoro to sǎho jiropǎre wahaahca tina. Mǎano macaa ti ya jira.

4 *Yahco tiina cǎhǎ wahcheina jira. Tinare wahchechǎ yoarohca mari Pǎcǎ.

5 *Painare yǎhdǎrǎca duaeraina ā jica nieraina wahcheina jira. Cohamacǎ “Wahǎtǎjǎ”, tinare to nirire cǎjǎahca tina.

6 *Cohamacǎ to dutiro sehe yoa duaina, noaare yoa duaina wahcheina jira. Cohamacǎ to yoadohochǎ tina noaare yoa sohtori tǎahca.

7 *Painare pǎ ĩǎina wahcheina jira. Ti ā pǎ ĩǎchǎ Cohamacǎ tina cǎhure pǎ ĩǎnohca.

8 *Ti ĩaa buhirire cosanohrina wahcheina jira. Cohamacǎre ĩǎahca tina.

9 *Masare bosaina wahcheina jira. Tinare “Yǎ pohna jira”, ninohca Cohamacǎ.

10 *Cohamacǎ dutiare ti yoari buhiri ti ĩano yoanohrina sehe wahcheina jira. Mǎano macariro pǎhtoro to sǎho jiropǎ to yare cǎjǎahca tina.

11 *Yǎ yare mǎsa yoari buhiri paina mǎsare ti tuhtipachǎta wahcheina jira mǎsa. Mǎsare ti ĩano yoapachǎta wahcheina jira mǎsa. Yǎ yaina mǎsa jiri buhiri mǎsare jipihtia ĩaa ti quiti dojomehnepachǎta ti mahǎnopachǎta wahcheina jira mǎsa.

12 Cohamacǎ yare yahu mǎhtainare mǎsa pano jiinare tinapǎreta ĩano yoa mǎhtaha. Mǎsa cǎhure ti yoariro sehe ti yoachǎ wahchega. Noano yajeripohna tiga. Ā jiro mǎanopǎ mǎsa sǎchǎ pjǎro noano yoarohca mǎsare Cohamacǎ –ni yahuha Jesu.

*Moa yoaro sehe, buhriaro yoaro sehe jira
Jesu yaina*

(Mr 9.50; Lc 14.34-35)

13 Ā yoa Jesu ō sehe ni buhe namoha:

–Moa wahiquiro dihire to ĩano wahaerachǎ yoaro sehta mǎsa sehe yǎ yaina sehe jipihtina painare ĩaare ti yoa duaerachǎ yoara. Wiho mejeta moa sehe ti ĩaa wahachǎ pari turi noaa yoahno basioerara. Ti moa ne noaerara. Ti ā wahachǎ ti moare cohǎno cahmana. Ti ā cohǎri baharo tǎ bui masa tǎ cǎna. Ne yaba cǎjǎhti jierara tǎ moa ti cohǎ. (Ti yaba cǎjǎhti jieraro sehta jiena tǎjiga mǎsa. Cohamacǎ ya sehere cohǎena tǎjiga) –ni yahuha Jesu.

14 Ā yoa tiro ō sehe ni buhe namoha:

–Buhriaro marine to ĩǎchǎ yoaro sehta mǎsa sehe yǎ yaina sehe ahri yahpa macainare Cohamacǎre masichǎ yoara. Tǎcǎ bui jiri macare nǎohto basioerara.

15 Ā yoa sihǎriare masa sihǎa, biato docapǎ nǎoerara. Tiare sihǎriare mǎanoi duhu payora ti wǎhǎ macaina jipihtina ti ĩǎhtiare.

16 Ō sehta mǎsa cǎhǎ buhriaro yoaro sehe jiina jina, noaare yoaga. Mǎsa ā yoachǎ ĩǎna masa mari Pǎcǎ mǎano macarirore ĩo payo, “Tuariro, noariro jira”, nǎahca –ni yahuha Jesu.

*Cohamacǎ to dutiare to joari cǎjǎrǎre
yahuha Jesu*

17 Ā ni tuhsǎ, tinare ō sehe ni yahu namoha:

–Ahrire mǎsa masichǎ cahmaja yǎhǎ. Cohamacǎ to dutiare Moise cǎjǎrore to cǎrǎre, to yare yahu mǎhtaina cǎjǎri ti joari cǎjǎri cǎhure cohǎi tai nierahi. Tǎ dutiare mǎsare noano yahu potoi tai ni. Tǎ dutiare ti quihǎno jichǎ ĩoi tai. Ti niriro sehta yoa sohtori tǎi tai ni.

18 Potocǎ mǎsare ni ĩjǎ. Pihtiri dachcho pano jisnichǎ Cohamacǎ dutia Moise cǎjǎrore to cǎrǎre ne mahanocǎ baro cohǎsi

mari. Ahri yahpa, muano cãhu ti jisninino puro to dutia cãhu jirucuahca. Ā jirucua ti niriro seheta sohtori tirohca.

¹⁹ Ā jia ti dutiare cãina yuhdurãca, painare tó sehe yuhdurãca dutia, muano macariro puhtoro to suho jiropu cahamaca yoaro sehe jiahca. Cãno dutiacã to jipachãta tina yuhdurãca, cahamaca yoaro sehe jiahca tina. Paina ti dutiare noano yoaa, painare ti yoaro sehe yoa dutia, muano macariro puhtoro to suho jiropu puhtoa yoaro sehe jiahca tina sehe.

²⁰ Mũsare niita nija yuħu. Judio masare buheina, fariseo curua macaina cãhu Cohamacũ cahmaare quihõno yoaerara. Tina ti yoariro yuhdoro Cohamacũ cahmaare yoaga mũsa sehe. Mũsa ā yoaerana, puhtoro Cohamacũ to suho jiropu ne susi mũsa –ni yahuha Jesu.

Susinare yahuha Jesu

(Lc 12.57-59)

²¹ Ā ni tuhsũ, tinare õ sehe ni yahu namoha:

–Panopũ macaina õ sehe ni ti yahuri cjirire tuħori jimare mũsa: “Masare wajãena tjiga. Masare wajãiro ti buhiri dahrehtiro jira”, ti niri cjirire tuħori jimare mũsa.

²² Ahri ti yahuri yuhdo curero mũsare ahri sehene yahu namoihtja. To coyeiro mehne susiniriro sehe ti buhiri dahrehtiro jira masunore wajãiro yoaro seheta. To coyeirore tuhtiriro, “Ne tuho masia maer-ariro jira mũhu”, niriro buhiri dahre dutina चाहति नाहतिरो जिरा. “Tuho masierariro jira mũhu”, to coyeirore nirirore pichacaru wahahto cua yuhduara tirore.

²³ Mũsa coyeiro mũsare to ñũ tuhtichũ õ sehe yoaga. Cohamacũ wũħaru Cohamacũre mũsa ño payohto pano, wahiquire jũ mũo, mũsa wahto pano õ sehe yoaga.

²⁴ Mũsa wahtire duhu cũ, mũsa coyeiro caharu waha, “Pari turi cahmachena tjijihna. Tó purota duhujihna tĩre”, niga tirore. Mũsa ā niri baharo Cohamacũre wa, ño payona wahaga to wũħaru.

²⁵ Pairo mũhare to yahusã duachu, puhtoro masare beseriro caharu mũhare to naa duachu, tiro mehne suaro marieno wahaga. Masare beseriro caharu to na suhto pano tiro mehne noano jiga. Mũ ā yoachu ñano tiro mũhare yahusãeraboca. Mũ ā yoaerachu tũpũre mũsa suchu tiro sehe mũhare masare beserirore yahusãnohca. To ā yahusãchu, beseriro sehe peresu yoainapũre mũhare warohca. Ā jia tina mũhare peresu yoaahca.

²⁶ Potocã nii nija mũhare. Tũpu jisinihca mũhu. Pu ti wapa dutirire mũhu wapa pahũõipũ wijaiihca mũhu –ni yahuha Jesu.

Pairo namono mehne ñano yoaare yahuha Jesu

²⁷ Õ sehe ni yahu namoha Jesu:

–Panopũ macainare õ sehe ti ni yahuri cjirire tuħori jimare mũsa: “Pairo namono mehne ñano yoaena tjiga”, ti niri cjirire tuħori jimare mũsa.

²⁸ Ahri ti yahuri yuhdo curero mũsare ahri sehene yahu namoihtja. Numinore ñahaeraparota, cãiro ticorore ñano goa pjaro, ñano wacũ tuhoturo ñano yoa tuhsũha ticoro mehne.

²⁹ Ā jichũ mũ capariaca poto buħusehei jiri-acã mehne ñano yoaçu, tiare orewa na mũ cohãboriro seheta ti ñaa yoaare duhuga. Tĩre duhueracu pichacaru wahaiihca. Mũ capari-acare mũ cohãchu tia capariaca dihta butira. Mũhu sehene pichacaru mũ wahachu ña yuhduara. Ā jichũ ti ñaa yoaare duhuga.

³⁰ Ā jichũ mũ wamomaca poto buħusehei jiri wamomaca mehne ñano yoaçu, ti wamomacare mũ dute cohãboriro seheta ti ñaa yoaare duhuga. Tĩre duhueracu pichacaru wahaiihca. Mũ wamomacare mũ cohãchu ti wamomaca dihta butira. Mũhu sehene pichacaru mũ wahachu ña yuhduara. Ā jichũ ti ñaa yoaare duhuga –ni yahuha Jesu.

To namonore cohãare yahuha Jesu

(Mt 19.9; Mr 10.11-12; Lc 16.18)

³¹ Õ sehe ni yahu namoha Jesu:

–Panopũ ahri cãhũre niha: “To namonore cohã duariro to cohãhtore yahuri pũ mehne ticorore cohã masina”, nimaha panopũ.

³² Ahri ti yahuri yuhdo curero mũsare ahri sehene yahu namoihtja. To namono pairo mehne ñano yoaeraricoro to jipachãta to manũno ticorore cohãboca. To ā cohã daporicoro pairore manũ tiro ñano yoaro nica ticoro pairo mehne jiro. To manũno ticorore ā cohãno ticorore pairo mehne ñano yoaçu yoara. To baharo namo tĩrore cãhu ticoro mehne ñano yoaro nina –ni yahuha Jesu.

Wama payo niare yahuha Jesu

³³ Õ sehe ni yahu namoha Jesu:

–Panopũ macaina õ sehe ti ni yahuri cjirire tuħori jimare mũsa: “Mũsa niriro seheta yoaga. ‘Cohamacũ mehne potocã ā yoihtja’, mũsa niriro seheta yoaga”, ti ni yahuri cjirire tuħori jimare mũsa.

³⁴ Ahri ti yahuri yuhdo curero mũsare ahri sehene yahu namoihtja. “Muano mehne potocã nii nija”, ni muano mehne wama payo niena tjiga. Muano sehe Cohamacũ mari puhtoro to suho jiro jira. Wiho jiro jierara. To ā jichũ ñana muano mehne ā niena tjiga.

³⁵ Ahri yahpa mehne ne wama payo “Potocã nii nija”, niena tjiga. Ahri yahpa Cohamacũ ya yahpa jira. To ā jichũ ñana

ã niena tjiga. “Jerusalē mehne potocã nii nija”, ne wama payo niena tjiga. Tuariro mari puhtoro ya maca jira Jerusalē. Wiho jiri maca jierara. To ã jichu ñna ã niena tjiga.

³⁶ “Y_u dapu mehne potocã nii nija”, ni wama payo niena tjiga. M_{usa} pjoari ti yehsea wahach_u yoa masierara m_{usa}. Ti ñia wahach_u cãhure yoa masierara m_{usa}. Æ yoa masieraina jina “Y_u dapu mehne potocã nii nija”, ni wama payo niena tjiga.

³⁷ “Yoanahtja”, nina wama payoro marieno õ sehe dihta tire nirucuga. “Yoasi”, nina cãhu wama payoro marieno nirucuga. M_{usa} wama payo nina, wafino ñariro to dutiriro seheta yoana nica m_{usa} —ni yahuha Jesu.

*Ti cahma suaare yahuha Jesu
(Lc 6.29-30)*

³⁸ Õ sehe ni yahu namoha Jesu:

—Panop_u õ sehe ti ni yahuri cjirire tuhori jimare m_{usa}. “Muhure paio m_u capariacare to cjã tihãr_{iro} seheta muh_u cãhu tireore cjã tihã cahmaga. M_u piriacare to cjã nuhariro seheta muh_u cãhu cjã nuha cahmaga”, ti niri cjirire tuhori jimare m_{usa}.

³⁹ Ti yahuri yahdo curero ahri sehene yahu namoihtja musare. Muhure ñano yoiroro ã ñnocahga. Cã buhusehe m_u wahsupure to cjãch_u, pa buhusehe cãhure cjã dutiga tireore.

⁴⁰ Paio buhiri dahre dutirirore muhure to yahusãch_u, dutiriro sehe m_u camisare muhure yahusãr_{irore} wa dutiboca. To ã wa dutich_u, tireore waga. M_u bui macari suhtiro cãhure wa namoga tireore.

⁴¹ Paio surara paye barore cã kilómetro muhure to naabasa dutich_u, pa kilómetrore waha namoga tjoga.

⁴² Muhure sinirirore waga. Tuhs_u, paio muhure to waso dutich_u wasoga tireore —ni yahuha Jesu.

*Musare ñu tuhtiinare cahiga
(Lc 6.27-28, 32-36)*

⁴³ Õ sehe ni yahu namoha Jesu:

—Masa õ sehe nina: “Musa mehne macainare cahiga. Æ yoa musare ñu tuhtiinare ñu tuhti cahmaga tjoga”, ti niri cjirire tuho muhtari jimare m_{usa}.

⁴⁴ Ti yahuri cjiri yahdo curero ahri sehene yahu namoihtja musare: Musare ñu tuhtiinare cahiga. Æ cahina tinare noano yoaga. Musare ñano yoainare ti ya cjihtire Cohamacure sini payoga.

⁴⁵ M_{usa} ã yoana mari P_{ucu} muano macariro pohna jira m_{usa}. Cohamacu sehe cãno potori yoara masare. Ñaina cãhure, noaina cãhure sã sich_u yoara tiro. Tuhs_u, Cohamacu dutiare yoaina cãhure, yoeraina cãhure coro tach_u yoara tiro.

Masare cãno potori to yoiroro seheta m_{usa} cãhu yoaga.

⁴⁶ Musare cahina dihtare m_{usa} cahich_u ti ne yaba cjihti jierara paina sehene m_{usa} cahierach_u. Puhtoa ya cjihtire wapa na cohtaina cãhu to seheta yoara. Æ jina jipihinare cahiga.

⁴⁷ M_{usa} coyea dihtare m_{usa} noano piti bocach_u ti cãhu ne yaba cjihti jierara paina sehene m_{usa} noano piti bocaerach_u. Cohamacure masieraina cãhu to seheta yoara. Æ jina jipihinare noano piti bocaga.

⁴⁸ Ñaa marieina jiga m_{usa}. M_{usa} P_{ucu} muano macariro to ñaa marieriro to jiriro seheta m_{usa} cãhu ñaa marieina jiga —ni yahuha Jesu.

6

Noaa yoare yahuha Jesu

¹ Pari turi tiro õ sehe ni yahu namoha:

—Cohamacu ya cjihtire noare yoana, “Cohamacu yare yoa pahnoina jija sã”, ni yahua tjiga painare. M_{usa} ã ni yahuri buhiri noare m_{usa} yoari cjiri ne yaba cjihti jierara. Æ jiro Cohamacu muano macariro noare m_{usa} yoari wapa musare ne wasi.

² Æ jina pjacoinare yoadohona, tire masare yoa ñoena tjiga. Masa ti ñenoi yoadohoga tinare. Cãina noaa ti yoare yoa ñohna mahap_u jjinare, judio masa mari buhea wuhusep_u jiina cãhure. Tina mari baharo buhusehei ñano yoa cohtaina jira. Æ yoa ñohna tina, “Noaina jira”, masare ni ñu dutia. Ti ã ni ñuch_u ã yoa ñoina sehe wahche tuhsure. “Noaina jira” ni, masa ti ño payoch_u wahche tuhsure tina. Æ jiro Cohamacu sehe ne wahche namoch_u yoasi tinare.

³ Æ jina pjacoinare yoadohona, masa ti ñenoi yoadohoga tinare. M_{usa} mehne macaina mehne jina ti ñenoi pjacoinare yoadohoga.

⁴ Masa ti ñerarop_u m_{usa} yoadohopachuta Cohamacu sehe ñna. Æ ñno m_{usa} ã yoari wapa warohca musare —ni yahuha Jesu.

*Cohamacure siniare yahuha Jesu
(Lc 11.2-4)*

⁵ Pari turi tiro õ sehe ni yahu namoha:

—Cohamacure sinina, mari baharo buhusehei ñano yoa cohtaina yoaro sehe yoaina tjiga m_{usa}. Judio masa mari buhea wuhusep_u ducu, mahap_u cãhure ducu, Cohamacure sini ñohna tina masare. Æ sini ñoa potocã masa tinare ti ño payoch_u ti mehne tina wahche tuhsure.

⁶ Cohamacure sinicu tac_u, m_u ya tahiar_u biha sãaga. Biha sãa, m_{usa} P_{ucu} ñmahnoerarirore siniga. M_{usa} ã yoach_u masa marienoi m_{usa} sinipachuta m_{usa} P_{ucu}

músare tũhorohca. Ā tũhoro músare noano yorohca tiro.

⁷ Ā jina Cohamacũre sinina, tũhoturo marieno mƳsa sinirireta pari turi sini majare tjuu mƳjaena tjiga. Ō sehetu yoara Cohamacũre masieraina. “Payũ durucua mehne Cohamacũre sã sinichũ tiro sãre tũhorohca”, ni tũhotumana tina.

⁸ Tina yoaro sehe yoena tjiga. MƳsa sinihito pano mƳsa RƳcu mƳsa cahmaare masi tuhsara.

⁹ Ā jina ō sehe ni sininahca Cohamacũre: “Sã RƳcu, mƳano macariro mũhũ ñaa mari-eriro ā jirucura.

¹⁰ Mipũre jipihitina bui pũhtoro jiga. MƳanopũ mũ dutiro sehetu ti yoariro sehetu ahri yahpa macaina cãhũ yoajaro.

¹¹ Ā jicu dachoripe sã chũhtire warucuga sãre.

¹² Paina sãre ti ñano yoarire sã boja.

Ā jicu mũhũ cãhũ sã ñano yoarire boga.

¹³ Ā jicu sã ñaare yoa duana sã goa pjachũ ñũcu tíre yoa dutii tjiga.

Ā jicu sãre ñaare yoerachũ yoaga.

[Mũhũ sã pũhtoro tuariro ā jirucuihca. Jipihitina mũhũre ā ño payorucuahca], ni siniga Cohamacũre.

¹⁴ Paina músare ti ñaa yoarire mƳsa bochũ ñũno, mƳsa RƳcu mƳano macariro cãhũ mƳsa ñaa yoarire borohca.

¹⁵ Wiho mejeta paina músare ti ñaa yoarire mƳsa boerachũ mƳsa RƳcu cãhũ mƳsa ñaa yoarire ne bosĩ –ni yahuha Jesu.

Chũ duhuare buheha Jesu

¹⁶ Ā jiro tiro tinare ō sehe ni yahu namoha:

–Cohamacũre ño payona tana chũ duhuna bujũa witiina yoaro sehe yoa ñoena tjiga. Tó sehe yoara mari baharo buhũsehei ñano yoa cohtaina. Tina ti wũhdũa poca cahyaina yoaro sehe jira. Ti ā jiina jichũ ti chũ duhuchũ ñũ masina masa. Potocãta músare nii nija. Tinare masa ño payochũ cahmana tina. Ā jia tinare ti ño payochũ ñaa tina wahche tuhsare. (Cohamacũ sehe tirore ti ño payori wapa tinare wahchechũ yoasi. Ā jina tina yoaro sehe yoa ñoena tjiga mƳsa.)

¹⁷ MƳsa chũ duhuna, mƳsa pjoarire co mehne wa payo waha majare payoga. Ā jina mƳsa wũhdũa pocare cosaga.

¹⁸ MƳsa ā yoachũ mƳsa chũ duhuchũ ñũ masisi masa. Mari ñũ mahnoerariro Cohamacũ dihta mƳsa chũ duhuare ñũ masinohca. MƳsa sahsero mƳsa jichũ tiro mƳsa mehne ā jirucura. Ā ñũno tiro músare noano yorohca tirore mƳsa ño payori wapa –ni yahuha Jesu.

MƳano macaare cjuu dutiha Jesu (Lc 12.33-34)

¹⁹ Ā jiro tiro ō sehe ni yahu namoha:

–Ahri yahpa macaare na cahmachuena tjiga. Ō macaa baa wahaboca. Ti baerachũ yacariro naboca tíre. To yacaerachũ machũ tuaboca. Ā jia ahri yahpa macaa nu butihto cuara. Ā jina ahri yahpa macaare tuaro cahmaena tjiga.

²⁰ MƳano macaare sehere cahmaga mƳsa. MƳano macaare machũ tua masierara. Tóru mƳsa cjuua ne baaerara. Tóru yacariro na masierara. Ā jina mƳano macaare cahmaga mƳsa.

²¹ Tóru mƳsa cjuua ti jichũ, mƳano macaare Cohamacũ yare tuaro wacũna mƳsa –ni yahuha Jesu.

Masa ti tũhoturo sehetu yoara (Lc 11.34-36)

²² Ā jiro ō sehe ni yahu namoha tinare:

–Sihãria to noano buhriachũ mari ñũ masino sehetu Cohamacũ yare tũhotuna to yare noano yoa masinahca mƳsa. MƳsa tũhoturo sehetu yoara mƳsa. Cohamacũ yare tũhotuna noaare yoara mƳsa.

²³ To yare tũhotuerana ñaare yoara mƳsa. MƳsa ñaa dihtare mƳsa tũhoturucuchũ tí ñaa sehe ñabiaa jira –ni yahuha Jesu.

Niñerure cahĩna, Cohamacũ sehere cahierara (Lc 16.13)

²⁴ Ā jiro tiro ō sehe ni yahu namoha tinare:

–Cãiro Cohamacũ sehere wacũno, tuabiaro niñeru sehere wacũerara. Niñeru sehere tuabiaro wacũno Cohamacũ sehere wacũerara. Niñeru dihtare cahmariro jiro Cohamacũre wahchechũ yoerara. Cohamacũ cãhũre, niñeru cãhũre pũarore cahma yũhdũacãhto basioerara músare –ni yahuha Jesu.

Cohamacũ to pohmare ñũ wihbora (Lc 12.22-31)

²⁵ Ā jiro tinare ō sehe ni yahu namoha:

–Ā jicu músare nii nija: MƳsa chũare, silniare, suhti cãhũre pjiro cahya tũhotuena tjiga. Músare bajuamehnenno chũare chũhtina cjihti dihtare suhti sãhtina cjihti dihtare Cohamacũ yoeraha músare.

²⁶ Minichahca perire Cohamacũ to ñũ wihboare masiga mƳsa. Tina weseri maeraina jira. Ā yoa chũare ti wihboa wũhũse tinare mariahana. MƳsa RƳcu mƳano macariro sehe tinare ti chũhtire wara. Minichahca yũhdoro mƳsa sehere cahĩna Cohamacũ. Ā jiro mƳsa cãhũre ñũ wihborohca tiro.

²⁷ Pjiro mƳsa tũhotua mehne cã hora músare cati namochũ yoa masierara mƳsa. Ā jiro mƳsa pjiro tũhotua yaba cjihti jierara.

²⁸ Ā jina mūsa suhti sāhtire pjīro cahya tūhotuena tjiga. Macaroca macaa cohoṛi ti cohoare tūhotuga. Tí cohoṛi ti basi suhtire yoaerara. Wiho mejeta tí cohoṛi noaa suhti yoaro sehe noaa cohoṛi bajura.

²⁹ Salomo cjiro noaa suhtire sāariro to jipachūta tí cohoṛi sehe tiro yūhdoro noabia cohoṛi waro jira.

³⁰ Cohorire noaa cohoṛi yoara Cohamacū sehe. Tí cohoṛi sehe mahaa dachoricā jirucuma űai boraa wahara. Mahanocā ji, pa dachoi pichacapū jāa wahara. Tí ā jipachūta cohorire noaa cohoṛi jichū yoara Cohamacū. Ā jiro Cohamacū cohorire to noaa cohoṛi to yoariro yūhdoro mūsa cūhure noano yoarohca. Suhtire warohca. Cohamacūre mahanocā wacū tuara mūsa.

³¹ Ā jina mūsa chūhtire, mūsa sihnihtire, mūsa suhti sāhtire pjīro cahya tūhotuena tjiga.

³² Cohamacūre cahmaeraina sehe tíre ā macarucua nina. Mūsa Ручи муано macariro jipihtia mūsa cahmaere masina. To ā masichū pjīro cahya tūhotuena tjiga.

³³ Cohamacū mūsa puhtoro to jihto cijhore cahma muhtaga mūsa. Jipihtia paye baro yūhdoro tirore cahmaga mūsa. Noaare to yoa dutia cūhare cahmaga. Mūsa ā yoari baharo Cohamacū sehe mūsa cahmaa dūhsachū warohca.

³⁴ Ā jina űamichapūre mūsa dohse wahatore pjīro cahya tūhotuena tjiga. Mūsa ā pjīro cahya tūhotuena payūbiaa jahca mūsa tūhotuho sehe. Micha macaa dihtare mūsa tūhotuchū tó purota mū sarohca –ni yahuha Jesu.

7

*Painare “űaina jira”, niena tjiga
(Lc 6.37-38, 41-42)*

¹ Ā jiro tiro tinare ō sehe ni yahu namoha: –Painare “űaina jira”, niena tjiga mūsa. Mūsa ā nierachū Cohamacū mūsaare “űaina jira”, nisi.

² Painare “Noano yoaerara”, mūsa ni űūgīro seheta Cohamacū sehe mūsa cūhure āta ni űūnohca.

³ Mari piti dahre buhechū ō sehe yoaina jira mūsa. Mūsa coyeiro to capariacapū mahari pohcarocā to sāachū tí pohcarocāre noano űūna mūsa. Mūsa ya capariaca sehere pjīri pji to jipachūta tí pjiűe ne űūerara mūsa. Mahari pohcarocāre mūsa űūno seheta mūsa coyeiro to űūno yoaa sehere noano űūna mūsa. Mūsa basi mūsa űūaare tuaro yoapanahata tíre masierara mūsa, pjīri pjiűe mūsa űūeraro seheta. ĀDohse jiro baro ā jijari mūsa?

⁴ Ō sehe niina jira mūsa: “Coyeiro, űūaare yoai nica mūhū. Ā jicu tíre duhuga”, niina jira mūsa. Ā niina jipanahta pjīro űūaare

yoara mūsa sehe. ĀDohseana mūsa űūaare yoapanahata tíre masierari mūsa?

⁵ Masa ti baharo buhūsehei űūano yoa cohtaina jira mūsa ā yoaina. Pjīri pjiűe mūsa capariacai jiri pjiűe mūsa na muhtaboriro seheta mūsa űūano yoaa sehere duhu muhtaga. Mūsa ā yoari baharo mūsa coyeiro to űūano yoaaare duhuchū yoa masiboca, mahari pohcarocāre mūsa naboro seheta.

⁶ Dieya yoaro sehe jiina, yesea yoaro sehe jiina cūhū űūabiainare Cohamacū ya noa yūhdūare ti űūo payoeraare yahuena tjiga tinare. “Tinapū bujūpe, űūano ni, mūsaare űūabiaro yoari”, nina yahuena tjiga tinare –ni yahuha Jesu.

*Cohamacūre mari siniare yahuha Jesu
(Lc 11.9-13; 6.31)*

⁷ Ā jiro tiro tinare ō sehe ni yahu namoha: –Cohamacūre siniga mūsa. Mūsa sinina mūsa sinirire űūahanahca. Mūsa sinirire bocanahca. Tirore ā sinirucuga mūsa. Mūsa ā yoachū tiro mūsaare warohca.

⁸ Jipihtina Cohamacūre siniina naahca. Ā yoa ti sinirire bocaahca. Jipihtina Cohamacūre ā sinirucuinare tiro tinare warohca.

⁹ ĀMūsa pohna pāo curire mūsaare ti sinichū tāca sehere wabocari mūsa tinare? Ne wasi mūsa.

¹⁰ ĀMūsa pohna wahire mūsaare ti sinichū agā sehere wabocari mūsa tinare? Ne wasi.

¹¹ Mūsa űūaina jipanahta mūsa pohnaare noaare waa tíre mūsa. Ā jiro Cohamacū sehe mūsa yūhdoro noaare wara mūsaare to pohnaare tirore siniinare. Mūsa pohnaare mūsa wariro yūhdoro Cohamacū sehe to pohnaare wara.

¹² Paina mūsaare ti noano yoachū cahmana mūsa. Tinare mūsa noano yoachū cahmano seheta mūsa cūhū noano yoaga tinare. Tí noano yoaerapachūta mūsa sehe tinare noano yoaga. Āta yoa dutira Cohamacū dutia Moise cjirore to cūripū Cohamacū yare yahu muhtaina cjiri tí joari cjiri cūhū –ni yahuha Jesu.

*Mahari sopacacā quitire yahuha Jesu
(Lc 13.24)*

¹³ Ā jiro tiro ō sehe ni yahu namoha tinare:

–Manopū Cohamacū cahapū waha duana to yare yoaro cahmana mūsaare. Ā jina to yare ā yoamacanocaeraro cahmana. Mahari sopacacāpū mūsa sāa duachū mijo curera. Tó seheta mijo nina Cohamacū cahapū mūsa waha duachū. Pichacapū masa ti wahachū mijoerara. Pjīri sopacapū mari sāachū mijoerara. Tí sopacapū masa ti sāaboro seheta pichacapū masa ti wahachū

mijoerara. Ā jia payu masa tóru wahaahca nina.

¹⁴ Cohamacu cahapu masa waha duachu mijo nina. Mahainacā masa tóru wahaahca. Tóru wahaahca jipihtia dachoripe Cohamacu mehne jirucuaahca —ni yahuha Jesu.

Masa ti yoarire ñuna ti jia tiare masija mari

(Lc 6.43-44)

¹⁵ Ā jiro tiro ō sehe ni yahu namoha tinare:

—Noano yoaga. “Cohamacu yare yahu maitaina jija”, ni mahñoinare tahoena tjiga masa. Tina oveja yaro sehe suaeraina sehe bajumana. Ti tūhotuapu ñaina jira tina.

¹⁶ Ti ñano yoachu ñuna, ñaina ti jichu masinahca masa. Ti noano yoachu ñuna noaina ti jichu masinahca masa. Agā potacu se tōhorine dicha tierara. Pota tidu cāhu higuera pocare dicha tierara.

¹⁷ Noadu yucacu noare dicha tira. Ñadu sehe ñaare dicha tira.

¹⁸ Noadu yucacu ñaare ne dicha tierara. Ā yoa ñadu noare dicha tierara.

¹⁹ Noare dicha tiera yucare date cohānoca, pichacapu jūnohca. Āta yoarohca Cohamacu to cahmaare yoerainare.

²⁰ Ā jina “Cohamacu yare yahu maitaina jija”, ni mahñoinare ō sehe masinahca. Ti yoarire ñuna, mahñoina ti jiare masinahca —ni yahuha Jesu.

“Musare ne masieraja”, ninohca Cohamacu payu masare

(Lc 13.25-27)

²¹ Ā jiro tiro ō sehe ni yahu namoha tinare:

—Payu yuhure “Puhtoro”, niina jipahta muano macariro puhtoro Cohamacu to saho jiropure wahasi tina. Yu Pucu muano macariro to cahmaare yoina dihta puhtoro to saho jiropure wahaahca.

²² Pihtiri dacho jichu payu masa ō sehe nahca yuhure: “Puhtoro, mu yare sã buhehi. Mu wama mehne watiare cohã wiohi. Ā yoa mu tuaa mehne payu yoa ñohi sã”, yuhure niina jahca.

²³ Ō sehe ni yuhtihca tinare: “Musare ne masieraja. Ñaa buhiri tiina jira masa. Ā jina yu cahai taena tjiga”, ni yuhtihca tinare.

Pna wuhu yoina quitire yahuha Jesu

(Lc 6.47-49; Mr 1.22)

²⁴ Ā yoa jipihtina ahri yu buherire tūhorina yu dutiare yoina, noano tūho masiro wuhu dahreriro yaro sehe jira tina. Tiro sehe sua copari tã wapapu saha, wuhure noano dapo dūcaha.

²⁵ Ti wuhure to tuhsari baharo coro tuaro ta, dia mini yuhdu waha, tuaro wihnono wāha. Ā to tuaro wāpachuta ti wuhu suaano

tã wapa bui to dapori wuhu jiro ne waha su cahaerara.

²⁶ Ā jia jipihtina yu buherire tūhopahta yu dutiare yoeraina, tūho masierariro wuhu dahreriro yaro sehe jira. Tiro sehe to wuhure paduro buicã dapo, noano yoa dūcaeraha.

²⁷ Ti wuhure to tuhsari baharo, coro tuaro ta, dia mini yuhdu waha, wihnono tuaro wāha. Ā tuaro wāno ti wuhu sehere wāroca cūnocaha. Ā jiro ti wuhu tuaro bora su cahaa wahaha —ni yahuha Jesu.

²⁸ To ā ni buhechu tūhoa, sua wahaha masa.

²⁹ “Tiro potocãta puhtoro jira. Ā jiro noano masi pahñoriro marine buhera tiro. Mari judio masare buheina yaro sehe buherara”, ni tūhotuha tina.

8

Jesu cami baarirore noariro wahachu yoaha

(Mr 1.40-45; Lc 5.12-16)

¹ Jesu tūcupu buhe dujiriro cjiro dujia wahaaha. To ā dujiachu ñua masa payu tiro baharo wahaha.

² To ā wahachu cūiro cami bucu baariro tirore piti boca, na tuhcu caha su, tirore siniha:

—Puhtoro, muhu yuhure noariro yoa duacu yoaga —niha.

³ To ā nichu tūhoro to wamomaca mehne Jesu tirore ña payoha.

—Jai, muhure noariro wahachu yoaja —niha Jesu tirore.

To ā nichuta ti to cami baari cjiri yati muu wahaha.

⁴ Ā ni tuhsu Jesu tirore ō sehe niha tjoa:

—Yu muhure ō sehe yoarire ne painare yahui tjia. Mu pjacure noari pjacu to waharire sacerdotere ñoi wahaga. Moisere Cohamacu to cūiro seheta sacerdotere minichahcare waga mu yuhdure ti noano masihtō sehe —niha Jesu.

Surara puhtoro to muno to dohatichu Jesu noariro wahachu yoaha tirore

(Lc 7.1-10)

⁵ Tō baharo Jesu Capernau wama tiri macapu to suchu cien surara puhtoro to cahai su, tirore tuaro ō sehe ni siniha:

⁶ —Puhtoro, yuhure dahra cohtariro pjacu bahariro jiro waha masieratjāhno tirore tuaro purichu yu wuhuru coahre tiro —niha tiro Jesure.

⁷ To ā nichu, Jesu “Jai”, ni yuhtihca:

—Tirore to dohatiare yuhduchu yoai waihtja —niha Jesu.

⁸⁻⁹ To ā nichu ō sehe niha surara puhtoro:

—Puhtoro, noanohca. Tai tjia. Yu yuhdoro noa yuhdure jira muhu. Ya wuhu muhure

sãa ta dutiboriro jieraja yuhũ. Mũ masia mehne noariro wahachũ yoaga tirore. Mũ ã yoachũ yũ yũhũre dahra cohtariro noariro waharohca. Yũhũre yũ bui jiina paina pũtooa dutira. Yũhũ cãhũ surarare dutija. Cãirore “Wahaga”, yũ nichũ tiro wahara. Pairore “Taga”, yũ nichũ tiro tara. Yũhũre dahra cohtarirore “Ahrĩre yoaga”, yũ nichũ tíre yoara. (Mũhũ cãhũ dutirirota jira. Æ jiro mũ dutiro seheta tiro dohatiriro yũhdũrohca) –niha tiro.

¹⁰ To ã nichũ tũho cãaa waharo payũ masa tiro mehne jiinare õ sehe niha Jesu:

–Potocãta mũsare niita nija. Ahrĩro surara pũtoro Israe masano jierariro Cohamacũre tuaro wacũ tuara. Tirore dahra cohtarirore yũ noariro wahachũ yoahĩre masi tuhsũha. Ne Israe mũsare ahrĩro yoaro sehe jiinare ñuerasinija.

¹¹ Mũsare niita nija. Payũ ahrĩro yoaro sehe Cohamacũre wacũ tuaina jipihĩro macaina mũano macariro pũtoro to sũho jiropũ sũa, tórpũ jiina mehne chũahca. Abrahã, Isaa, Jacobo mehne chũahca tina.

¹² Masa paina sehe pũtoro Cohamacũ to sũho jiropũ wahaborina ti jipachũta ñanopũ nahĩtĩanopũ cohãnocanohca tinare. Tórpũ to cohãrina tuaro tii, cahyaa mehne bahca dihoahca –ni yahuha Jesu.

¹³ Tĩre ã ni tuhsũ, surara pũtorore õ sehe niha:

–Tjuahga mũ ya wũhũrũ. Mũhũre dahra cohtariro yũhdũrohca. “Potocãta yũhdũrohca”, ni mũ tũhoturiro seheta yũhdũrohca –niha Jesu.

To ã nino watoihta tirore dahra cohtariro sehe noa tuhsũha.

Pedro marechonore dohatiricorore yũhdoha Jesu

(Mr 1.29-31; Lc 4.38-39)

¹⁴ Baharo Jesu Pedro ya wũhũrũ sũ, Pedro marechono dohatichũ ñũha tiro. Juaro tichũ cama bui cõãha ticoro.

¹⁵ To ã jichũ ñũtjĩãhno to wamomacare ña payoha. To ã ña payochũta juaro surua wahaha. Suruchũ tũhoturo ticoro sehe wahcãrũca, tinare chũare payoha.

Jesu payũ dohatĩnare yũhdoha

(Mr 1.32-34; Lc 4.40-41)

¹⁶ Æ yoa ñamichahapũ payũ watĩa ti sãanohrinare masa na wihĩha Jesu cahapũ. Ti ã na wihichũ ñũno cũ tahata to waha dutichũ watĩa wahaa wahaha. Tuhsũ, jipihĩtina dohatĩna ti na sũrinare ti dohatĩare cohã pahũõha Jesu. Æ jia noaa wahaha tina.

¹⁷ Æta yoaha tiro panopũ macariro Cohamacũ yare yahu mũhtariro Isaia cjiro to niriro seheta. Õ sehe ni joaa tiha: “Mari dohatiare yũhdonocanohca tiro. Mari duti

tiare cohãnocanohca”, ni joaa tiha Isaia cjiro Jesure.

Cãina Jesu mehne waha duamaha
(Lc 9.57-62)

¹⁸ Jesu payũ masa to cahai ti jichũ ñũno:

–Sie coarpũ basa pahãjihna –niha.

¹⁹ Ti pahãhto pano judio masare buheriro Jesu cahapũ sũ, õ sehe niha:

–Buheriro, mũhũ mehne waha duaja nohoi mũ waharoi –niha.

²⁰ Jesu õ sehe ni yũhtiha:

–Cãina macaroca macaina wahĩquina ti copari cjuara. Minichahca cãhũ ti suhti cjuara. Yũhũ masũno Cohamacũ warocariro sehe yũ carĩri wãhũ maeraja. (Æ jina yũhũ mehne tana ñano yũhdũnahca mũsa) –ni yũhtiha Jesu.

²¹ Æ yoa paio Jesu buheriro õ sehe niha:

–Pũtoro, yũ pũca to yariachũ yasinii wahãhĩtja. Æ ya tuhsũ pinihta mũhũ mehne wahãhĩtja –niha tiro Jesure.

²² Jesu õ sehe ni yũhtiha:

–Yũhũre cahmaeraina yariaina yoaro seheta jira. Tina sehe yariainare yajaro. Æ jicũ mũhũ sehe yũhũ mehne macariro cjihto taga –niha tiro.

Jesu wĩhnonore yũsũ dutiha

(Mr 4.35-41; Lc 8.22-25)

²³ Æ ni tuhsũ Jesu to jiriapũ dohoriapũ samuha. Æ jia to buheina cãhũ tiro mehne waha, samuha.

²⁴ Ti bucupariopũ ti pahãchũ waro wihnono tuaro taha. Æ jia pahcõri dohoriare mionocamaha. Æ wihnono wãpachũta Jesu sehe carĩno niha.

²⁵ To ã wahachũ ñũa tina tirore wahcõha. Wahcõ õ sehe niha:

–Pũtoro, yũhdoga. Mari mini yariana tana nija –niha tina.

²⁶ Ti ã nichũ Jesu õ sehe ni yũhtiha:

–¿Dohse jiro baro cuimacanocana nijari mũsa? Yũhũre wacũ tuaeraina jira mũsa –niha Jesu tinare. Æ ninota wahcãrũca sũ, wihnonore pahcõri cãhũre “Yũsũa wahaga”, niha. To ã nichũ wihnono yũhdũna wahaha. Æ jia pahcõri cãhũ yũsũ boraa wahaha.

²⁷ To ã yoachũ ñũ cãaa, õ sehe niha tina:

–¿Cue, dohse jiriro baro masũno jijari ahrĩro? Ahri wihnono, pahcõri cãhũ to dutichũ yũhdũrũcaerara tirore –niha tina.

Watĩare cohã wioha Jesu

(Mr 5.1-20; Lc 8.26-39)

²⁸ Tinare ã wahari baharo pahã sũ, Gadara macaina ya yahrapũ sũha. Tórpũ ti sachũ pũaro mũa masa copari watopũ jiina Jesure piti bocaha. Tina watĩa ti sãanohorina cuaina jiha. Æ jiro tórpũ masa ti wahamahnoeno jiha.

²⁹ Tirore piti boca, õ sehe ni sañũrucuha:

—¿Mahu Cohamacu macuno dohse yoai tai tajari mahu sā cahapure? ¿Sāre Cohamacu to buhiri dahrehti pja to jierapachuta sāre buhiri dahrei tai nijari mahu? —ni sañurucuha tina.

³⁰ Tó cahai payu yesea maca chua niha.

³¹ Tinare ñua, watia ō sehe niha Jesure:

—Sāre cohā wocu sina yesea cahapu yeseare sāa dutiga sāre —ni siniha watia Jesure.

³² —Jai, wahaga —niha Jesu.

To ā nichu watia puaro masa mehne jirina cjiri waha, yesea ti pjacuripu sāaha. Ā yoa tinare ti sāari baharo, yesea pari canupu muroca buha, bucpariropu bora ñoja, mini yaria pihtia wahaha.

³³ Ti ā wahachu ñua yeseare ñu wihboina sehe cui, murocaa wahaha. Macapu su, yesea ti minirire yahu site pahñoha. Watia ti sāanohinare Jesu to cohā wiori cūhure yahu pahñoha tina.

³⁴ Ā ti yahu siteri baharo tí maca macaina jiphtina Jesure ñua taha. Ā jia tirore ñua, tuaro mehne waha dutiha tirore.

9

Pjacu buhariroro noariro wahachu yoaha Jesu

(Mr 2.1-12; Lc 5.17-26)

¹ Ā ti waha dutiri baharo Jesu dohoriapu samu, bucpariropu pahā, to bucuari macapu suha.

² Tóru paina pjacu buhariroro to coāri cahsaro mehne yo wua wihaha Jesu cahai: “Jesu ahrirore to dohatiare yuhdachu yoarohca”, ni tūhotuha tina. Ti ā ni tūhotuchū masino dohatirirore ō sehe ni yahuha Jesu:

—Macu, wahchega mahu. Ñano mu buhiri tiare cohā tuhsuja yuhu —niha tiro.

³ To ā nichu tuhoa cāina mari judio masare buheina ō sehe ni tūhotumaha: “Ahriri wiho jiriro ā nino, ‘Cohamacu jija’, nino nina. Ā nino Cohamacure ñano nino nina”, ni tūhotumaha tina.

⁴ Ti ā ni tūhotuchū masino, ō sehe niha Jesu:

—¿Dohseana ā ñano tūhotujari masa?

⁵ “Ñano mu buhiri tiare cohā tuhsuja”, yu nichu, “Mahñoriro jira”, nina masa noano masierapanahta. “Wahcāruca, wahaga”, yu nichu yu niri potocā jia jichu dōihta masa masinahca.

⁶ Yuhu masuno Cohamacu warocariro ahri yahpai masa ti ñano buhiri tiare cohā masija yuhu. Masa ti ñano buhiri tiare cohāntiro cjihtore cūre Cohamacu yuhure. Yu ā cohārire masa masihtō sehe ō seheta yoa ñoihtja masa ñuhti cjihtire —niha Jesu.

Tinare ā ninota, pjacu buhariroro ō sehe niha:

—Wahcāruca. Mu coāri cahsaro ni wahcāga mu ya wuhuru —niha tirore.

⁷ To ā nichu tūhoro pjacu buhariroro wahcāruca su, to ya wuhuru tjuua wahaha.

⁸ Masa to ā wahachu ñua cuiha. Ā yoa Jesure Cohamacu to tuare to wachu ñua masa Cohamacure ño payo, noano durucuha.

Jesu Mateore pjija

(Mr 2.13-17; Lc 5.27-32)

⁹ Ti ā yoari baharo Jesu tóru jiriro ta, yuhure Mateore boca wihire. Puhtoa ya cjihtire masare wapa na cohtariro jimai. Ā jicu tí pjare yu dahrari tahtiaru dujii. Tó yu dujichu ñuno ō sehe nire yuhure:

—Yuhu mehne macariro cjihto taga mahu —nire Jesu yuhure.

To ā nichu tūhocu wahcāruca tiro mehne wahai.

¹⁰ Baharo ya wuhuru Jesu cūhu chua tare. Payu puhtoa ya cjihtire wapa na cohtaina, “Ñano yoaina”, ti niina cūhu sā mehnetā chure.

¹¹ Tina mehne sā chuchū ñua, fariseo curua macaina sāre Jesu buheinare ō sehe nire:

—¿Dohsearo masare buheriro wapa na cohtaina mehne, ñano yoaina mehne chūjari? —nire tina sāre to buheinare.

¹²⁻¹³ Ti ā nichu tūhoro Jesu sehe piti dahre buhea mehne yuhtire:

—Dohatieraina duhturure macaerara. Dohatiina dihta duhturure macana. Ñaare yoaina dohatiina yoaro sehe jira. Ā jicu ñaare yoaina dihtare ti ñaare ti tūhotumari cjirire duhu, noaa sehete ti tūhotu cohtotachu yoai tai nii yuhu. Ti basi “Noaina jija sā”, ni tūhotuina barore yahui tai nierahi. Cohamacu to nirire ti joarire masiga masa. “Wahiquinare masa wajā, jū moa mehne yuhure masa ño payochu cahmaeraja. Painare masa pja ñuchū sehete cahmaja”, ni joaha. Ahri to joari to dohse niare masiga masa. Tīre noano buhe namona wahaga —nire Jesu fariseo curua macainare.

Chu duhuare sinituha Joāo buheina Jesure

(Mr 2.18-22; Lc 5.33-39)

¹⁴ Baharo Joāo masare bautisariro to buheina Jesu cahapu su, ō sehe ni siniture:

—Sā Joāo buheina sehe Cohamacure ño payona tana, chu duhuja. Fariseo curua macaina cūhu āta chu duhura. ¿Dohse yoaa mu buheina sehe chu duhuerajari? —nire tina Jesure.

¹⁵ Jesu to tūhotua mehne piti dahre buhero taro tinare ō sehe ni yuhtire:

—Ō sehe jira tí: Wamomaca duhteroru ti pjirocaina wamomaca duhteriro mehne jia,

ch_u duhu masierara. Tó seheta y_u buheina c_uh_u y_uh_u mehne jia, ch_u duhu masierara. Y_uh_u wamomaca d_uhteriro yoaro sehe jija. Wamomaca d_uhteriro bose n_um_u to yoach_u tiro mehne macaina cahyaa mehne jierara. Á jia ch_u duhuina jierara. Y_u P_uc_u Cohamac_u y_uh_ure to naari baharo pinihtare y_u buheina mehne jisi y_uh_u. Á jia tí p_uap_uta y_u buheina c_uh_u ch_u duhuahca –ni y_uhtire Jesu.

¹⁶ Панор_u macaa buhea wahma buhea mehne ti buhe more duach_u ñ_uno ò sehe ni namore Jesu tinare piti dahre buhero:

–Ne wahma cahsaro suhtiro cahsaro mehne m_unano suhtirore sere òno cahmaerara. Á yoach_u wahma cahsaro mari cosari baharo m_unano suhtirore waja cahmachu, p_ujiario t_uh_un_uch_u yoara. (Ahri yoaro sehe ni, m_una buhea wahma buhea mehne piti dahre buheraro cahmana.)

¹⁷ Á jina ne se co bisia core wahiquiro cahsaro wajuru mehne m_una wajuru mehne posaeraro cahmana. Á yoach_u se co bisia pahmoap_um_una wajuru t_uh_ur_uenocahna. To t_uh_un_uch_u se co c_uh_u, wajuru c_uh_u coh_uo wahara. Á jina se co wahma core wahma wajurup_u posaro cahmana. Á yoach_u se co coh_ueraa, wajuru c_uh_u coh_uerara. (Tó seheta wahma buhea m_una buhea mehne buhe moreraro cahmana) –ni yahure Jesu tinare.

Jairo maconore noaricoro yoa, cah_u ñ_uricoro c_uh_ure noaricoro yoaha Jesu (Mr 5.21-43; Lc 8.40-56)

¹⁸ To á ni yahuro watoi judio masa mari buheri w_uh_u p_uhtoro Jesu cahap_u wihire. Wihi, na tuhcuca caha s_u, ò sehe nire:

–Y_u maco yoatap_u yariaa wahahre. Ticoro m_u wamomacare duhu payoi taga. M_u á yoach_u masanohca –nire tiro Jesure.

¹⁹ To á nich_u t_uhoro Jesu wahc_ur_uca tiro mehne wahare. S_u to buheina c_uh_u wahai.

²⁰ S_u mahai waharucuch_u tói numino á cah_u ñ_urucuricoro Jesu baharo buhusehei ta, to suhtiro sohtoare ñaha ñaha. Doce cahmari waro dachoripe cah_u ñ_urucuricoro jiha.

²¹ Ò sehe ni t_uhotuha ticoro á yoaro: “To suhtirore ñaha ñ_uco, noaricoro wahaco-hca”, ni t_uhotuha ticoro.

²² To á yoach_u masino Jesu majareg_uch_u s_u, ticoro ò sehe nire:

–Maco, wahchega m_uh_u. M_u y_uh_ure wac_u tuaa mehne noaricoro tjuara m_uh_u mipare –nire tiro.

To á nich_uta noaa wahare ticoro.

²³ Á yoa tuhs_u Jesu p_uhtoro ya w_uh_up_u sure. S_ua s_uro, ñahacaha tiinare teneniaca yoaro sehe jiriare putiinare ñare. Pay_u masa ti ñano bisich_u c_uh_ure t_uhore tiro.

²⁴ Ti á nich_u t_uhoro masare ò sehe nire:

–Wijaahga m_usa. Yariaerari jira ticoro. Car_uno nina –nire tinare.

To á nich_u t_uh_uo, “Á nimacanocano nina ahriro”, nia masa buj_ure tirore.

²⁵ Á jiro w_uh_u puhichap_ure masare to wio pah_uñori baharo yariaricoro cahap_u s_u, to wamomacare ñahaha. To á ñahach_u masa caha s_u, wahc_ur_uca saha ticoro.

²⁶ To á yoarire t_uh_uo, tó macaina masa jipih_utina yahu sitere.

P_uh_uro capari bajuerainare ñ_uch_u yoaha Jesu

²⁷ Á yoaro Jesu tó jiriro to wahach_u, p_uh_uro capari bajueraina tirore p_usu n_un_u tire:

–Davi panamino masare y_uh_udohtiro, s_ure p_uja ñ_uga m_uh_u –ni sañurucure tina.

²⁸ Ti á nich_uta Jesu pa w_uh_up_u s_uare. To á s_uach_u masia capari bajueraina to cahap_u s_ua wahare. Ti á s_ua s_uch_u ñ_uno tiro sehe siniture tinare:

–“Marine ñ_uch_u yoarohca tiro”, ¿ni t_uhotujari masa y_uh_ure? –nire tiro.

–P_uhtoro, áta ni t_uhotuja s_u –ni y_uhtire tina.

²⁹ Ti á nich_uta ti caparire ña payore. Á ña payorota ò sehe nire:

–Y_uh_ure “Á yoarohca”, masa ni t_uhoturiro seheta á yoaja –nire Jesu.

³⁰ To á nich_uta ti capari sehe noaa wahare. Á yoa Jesu ò sehe nire tinare:

–Ahri y_u ò sehe yoarire painare ne yahuena tjiga –nire.

³¹ To á nipach_uta waha, tó jiiinare yahu sitere tina to á yoarire.

Durucuerarore durucuch_u yoaha Jesu

³² Ti w_uh_ure ni wijaauch_u waro c_uiro durucuerarore na tare masa. Wat_uno tiro mehne jiriro tirore durucuerach_u yoaha.

³³ Ti na s_uch_u ñ_uno wat_uno Jesu coh_u wiore. To á coh_u wioch_u wat_uno to s_uanohriro cjiro sehe durucua wahare. To á yoach_u ñ_ua jipih_utina c_ua pihtiare.

–Ne, ahri yahpa Israe yahrap_ure ò sehe yoare ñ_uera tihi mari –ni durucure tina ti basi.

³⁴ Fariseo curua macaina sehe soro ni durucure:

–Wat_ua p_uhtoro to tuaa mehne wat_ure coh_una ahriro –ni durucure tina.

Masare p_uja ñ_uha Jesu

³⁵ Á yoa jipih_utia macari tó jia macaric_ure, buj_ua macari c_uh_ure buhe tinino wahare Jesu. Noaa buheare judio masa mari buhea w_uh_use_up_u buhero wahare tiro. Á jiro p_uhtoro Cohamac_u to s_uho j_uhtore yahure. Jipih_utia dohatia c_uh_ure tó macainare y_uhdore tiro.

³⁶ Masa pay_u ñ_uno y_uh_uina, p_uac_uoro wahaina ti jich_u ñ_uno Jesu tinare p_uja ñ_ure. Tina

oveja pua marieina yoaro sehe ti jichu ñano Jesu tuaro pja ñare tinare.

³⁷ Æ jiro õ sehe nire tiro säre to buheinare, piti dahre buhero:

—Yo payu ti bucua tuhsuchu payu jichu dahraa pjíro jira. Wiho mejeta dahraina sehe mahainacá jira. (Tó seheta noaa buheare tuhohtina payu jichu pjíro jira mari dahraa. To ã jipachuta mahainacá dahrari masa yoaro seheta noaa buheare buhehtina cãhu mahainacá jira.)

³⁸ Æ jina noaa buheare buhehtinare painare to warocahtore siniga Cohamacure —nire Jesu.

10

Jesu doce waro bese dapoha to warocahinare

(Mr 3.13-19; Lc 6.12-16)

¹ Baharo doce säre to buheinare Jesu pjíroca, tuaare cüre säre. Watíare sã cohã masihtu cjihtire jipihtia dohatiare sã cohã masihtu cjihtire cüre säre.

² Õ sehe wama tii sã Jesu to bese cürina: Simo jire. Tiroreta Pedro ni pisure Jesu. Simo baharo Andre cãhu jire. Santiago cãhu to baharo João mehne jire. Tina Santiago cãhu pucuro Zebedeo wama tire.

³ Felipe, Bartolomé, Toma, yuhu Mateo jii sã. Yuhu sehe puhtoa ya cjihtire masare wapa na cohtariro jimai. Sã mehne paio Santiago jire. Tiro sehe Alfeo macano jire. Æ jiro Tadeo cãhu jire.

⁴ Simo cananeo ya curua macariro cjiro, Juda Iscariote cãhu jire. Juda sehe Jesure ñu tuhtiinare ñohtiro jire.

Jesu to buheinare buhe dutiro warocaha

(Mr 6.7-13; Lc 9.1-6)

⁵ Æ yoa säre doce to buheinare warocaro, “Õ sehe musa yoanahca”, ni yahu quihõre säre Jesu:

—Judio masa jieraina cahapure wahaena tjiga. Ne Samaria yahpai jia macaripu cãhure wahaena tjiga.

⁶ Israe yahpa macaina cahapu sehene wahaena. Tina oveja peri wisia wahaina yoaro sehe Cohamacure masieraina jira.

⁷ “Mũano macariro to suho jilto mahocã dahsara”, ni buhega tinare.

⁸ Æ jina camí bucú baainare, paye payu soro jia dohatiare cjuaina cãhure noaina yoaga. Yariainare masoga. Watia masare ti sãanohorinare cohã wioga tinare. Musare ã wanocai nija ahri tuaare. Æ jina musa cãhu yu ã wanocariro seheta masare noaina ã yoanocahga.

⁹ Musa wahana niñerure ne naaena tjiga.

¹⁰ Ne musa wajure, puaro camisare, pua wahpa dahpo suhtire, musa tjua yucu cãhure naaena tjiga. Musa sãano dihtare

sãa wahcãga. Paye suhtire naaena tjiga. Musa buhena waharopu jiina tina sehe musare musa puhu cjihtire waahca. Æta waro cahmana tinare.

¹¹ Tí macaripu suna, ji coaro mehne carĩnore warirore macaga. Æ jina tí wuhũhta tjuasiniga. Pu, coã wahanapu wijaahga tí wuhure.

¹² Æ jina wuhupu sãahna, “¿Jimajari musa?” niga tí wuhũ macainare.

¹³ Musare noano tí cahmachu “Cohamacu mehne noano jiga musa”, niga tinare. Musare tí cahmaerachu, musa ã niborire niena tjiga.

¹⁴ Æ jina musare tí cahmaerachu, tí tuho duaerachu tí wuhure wijaahga. Wijaana, dahpo suhti maca dihta pohcarire wajã site cãga musa tinare tí ya buhirire masichu yoana. Tí maca macaina musare tí cahmaerachu ãta yoaga tina cãhure.

¹⁵ Potocã musare niita nija. Ahri dacho pihtichupure Sodoma macaina, Gomorra macaina cãhu tuaro buhiri tihtinata jira. Tí ã jipachuta tina yuhdoro musare cahmaeraina buhiri tihtina jahca —ni yahure Jesu.

Jesu yainare paina ti ñano yoahtere yahuha Jesu

¹⁶ Æ ni tuhsu õ sehe ni namore:

—Yuhure tuhoga musa. Oveja yoaro sehe jiiinare musare ñaina watoi warocai nija. Tina ñaina macaroca macaina yaya suaina yoaro sehe jira. Æ jina musa sehe paina wahiquina wacũ masiina yoaro sehe tjiga. Æ jiina jipanahta buja yoaro sehe ne suaeraina jiga musa.

¹⁷ Noano yoaga musa. Masa musare puhtoare waahca. Tuhsu Judio masa mari buhea wuhusepu cãpeahca musare.

¹⁸ Æ jia yu yaina musa jiri buhiri macari macaina puhtoa cahapu tí bui jiina puhtoa cahapu cãhure naahca musare. Æ jina musare tópu tí naachu tinare judio masa jieraina puhtoa cãhure noaa buheare buhenahca musa.

¹⁹⁻²⁰ Musare puhtoare tí wachu tinare musa nihtire “Cue, masieraboca”, ni tuhohtuena tjiga. Musare tí sinituchuta musa nihtire masinahca. Æ masina tinare yahuna musa tĩre musa mu sũro durucuna nisi. Cohamacu sehe musa pũcu to Espĩritu mehne musare durucuchũ yoarohca.

²¹ Tí pjare tí wahmisuma tí bahanare wajã dutia waahca puhtoare yu yaina tí jiri buhiri. Tí pũcusuma tí pohñare wajã dutia waahca puhtoare. Tí pohna sehe tí pũcusumare wajã dutia waahca puhtoare.

²² Jipihtina masa sehe yu yaina musa jiri buhiri musare ñu tuhtiahca. Tí ã yoapachuta ahri yahpai musa catisinino puro

m̄sare ti ñano yoarire c̄ano p̄jana yuh̄are, yu buhea c̄uh̄are duhuerana, yuh̄d̄nahca m̄sa.

²³ C̄amacai m̄sare ti ñano yoach̄u pa macap̄u duhti wahc̄āga. Potoc̄a m̄sare ni ita nija. Israe yahpai jia macarine jipih̄tia ti macarip̄u m̄sa duhti wahc̄āhto pano, yuh̄u mas̄ano Cohamac̄u warocariro ahri yahrap̄u tjua taihtja.

²⁴ Ne c̄airo buheriro tirore yahuriro buip̄u jierara. Cahamac̄ano c̄ahu to p̄htoro bui cure jierara.

²⁵ Ā jiro ò sehe t̄hoturo cahmana buherirore: “Yuh̄are buheriro yoaro seheta jiihtja”, ni t̄hoturo cahmana. Cahamac̄ano c̄uh̄are āta ni t̄hoturo cahmana. “Yu p̄htoro yoaro seheta jiihtja”, ni t̄hoturo cahmana. (“To bui jiihtja. Ā jicu yu p̄htoro to ñano yuh̄dariro seheta ñano yuh̄d̄si yuh̄u sehe”, ni t̄hotueraro cahmana.) Yuh̄u sehe w̄hu p̄ro yoaro sehe jija. M̄sa sehe ti w̄h̄u dahrainā yoaro sehe jira. Ā jia masa yuh̄are “Beelzebú jira”, ni yahus̄a, m̄sa c̄uh̄are yu yainare ñano ni durucuahca tina —ni yahure Jesu.

“¿Diro barore cuichu noajari?” ni yahuha Jesu

(Lc 12.2-7)

²⁶ Ā ni tuhs̄u ò sehe ni namore:

—Ā jina m̄sare ñano yoainare cuiena tjiga. Masa ti ya s̄ari cjirire baharo paina masiahca. Ā jia ti n̄ori cjiri c̄uh̄are paina masiahca.

²⁷ M̄sare yaroca yu yahuri cjirire payu masa watoi buhe turiaga m̄sa.

²⁸ Mas̄anore waj̄aina to pjacu dihtare waj̄ana. To yajeripohna yariaerara. Ā jina m̄sare waj̄a duainare cuiena tjiga. Cohamac̄u sehene cuiga. Tiro masa pjac̄urire, m̄sa yajeripohnari c̄uh̄are pichacap̄u coh̄a masina. Ā jina tiro sehene cui, yuhtiga m̄sa.

²⁹ P̄h̄aro siripia wapa mariahna. Ti ā wapa mariapach̄ata c̄airoc̄are Cohamac̄u ne boerara. Cohamac̄u to dutierach̄u ne yarierara tiroc̄a.

³⁰ Ā jiro m̄sa pjoarire ne c̄u pjoada d̄hsaro marieno masi pah̄ona Cohamac̄u. Tó seheta m̄sa jia tia c̄uh̄are masi pah̄ona Cohamac̄u. Ā masino m̄sare ñu wih̄borucura.

³¹ Siripiare to cah̄ino yuh̄doro, m̄sa sehene cah̄ina Cohamac̄u. Ā jina pj̄iro t̄hotuena tjiga m̄sa —ni yahure Jesu.

Jesure m̄sa wac̄u tuari cjirire yahuga masare

(Lc 12.8-9)

³² Ā jiro tinare ò sehe ni yahu namore:

—C̄airo “Jesu yairo jija”, masare to ni yahuch̄u yuh̄u c̄ahu tirore “Yu yairo jira”, ni yahuihtja yu P̄sc̄are m̄n̄ano macarirore.

³³ Wiho mejeta c̄airo “Jesu yairo jieraja”, masare to nich̄u yuh̄u c̄ahu “Yu yairo jierara tiro”, ni yahuihtja yu P̄sc̄are —ni yahure Jesu.

Jesu masare tju wach̄u yoara
(Lc 12.51-53; 14.26-27)

³⁴ Ā ni tuhs̄u ò sehe ni yahu namore:

—¿Dohse ni t̄hotujari m̄sa yuh̄are? “Tiro masare to buheri baharo paina tinare ñu tuhtisi”, ¿ni t̄hotujari m̄sa? Ā jierara. Masare yu buheri baharo c̄aina yu yare t̄hoahca. Paina sehe tinare ñu tuhtiahca. C̄ano potori waro jisi masa.

³⁵ Buc̄ana yu buheare ti t̄hori buhiri ti pohna yu buheare cahmaeraa, tinare ñu tuhtiahca. Buc̄u numia yu buheare ti t̄hori buhiri ti pohna numia yu buheare cahmaeraa, tinare ñu tuhtiahca. Ti marechosanumia yu buheare ti t̄hori buhiri ti mac̄u namos̄anumia yu buheare cahmaeraa, tinare ñu tuhtiahca.

³⁶ Ā jia masa ti coyeare ñu tuhtiina jiahca.

³⁷ Yuh̄are ti cah̄iboriro yuh̄doro ti p̄sc̄as̄uma sehene cah̄i yuh̄d̄aruc̄aa yu yaina jisi tina. Yuh̄are ti cah̄iboriro yuh̄doro ti pohna sehene cah̄i yuh̄d̄aruc̄aa yu yaina jisi tina.

³⁸ Ā jia paina crusap̄u yu yariahto seheta yu yaina ti jiri buhiri ñano yuh̄d̄uahca tina c̄ahu. Tó sehe ñano yuh̄d̄u dueraina yu yaina jisi tina.

³⁹ Masa yuh̄are wac̄ino marieno ti m̄u s̄uro yoaa, pichacap̄u wahaahca tina. Ā jia yu yare ā yoarucua jipih̄tia dachoripe yuh̄u mehne jirucuahca tina —ni yahure Jesu.

Mari wapatahtore yahuha Jesu
(Mr 9.41)

⁴⁰ Ā ni tuhs̄u ò sehe ni yahu namore:

—M̄sare yu yainare c̄airo noano cahmano, yuh̄u c̄uh̄are cahmano nina tiro. Ā yoa tiro yuh̄are noano cahmariro yuh̄are warocariro c̄uh̄are cahmano nina.

⁴¹ Ā jiro Cohamac̄u yare yahuriro wapatarohca. Tirore noano yorohca Cohamac̄u. Ā jiro to yare yahuriro to jich̄u ñ̄no paio tirore noano cahmano, yahuriro yoaro seheta wapatarohca tiro c̄ahu. Ā yoa paio noano yoariro wapatarohca. Tuhs̄u, noano yoariro to jich̄u ñ̄no paio sehe tirore noano cahmano noano yoariro yoaro sehe wapatarohca tiro c̄ahu.

⁴² Yu yairo c̄airo to jich̄u ñ̄na, wiho jiriro to jipach̄ata dohse jiina tirore core ti sih̄och̄u mahanoc̄a ti wapach̄ata potoc̄ata tinare noano yorohca Cohamac̄u —ni yahure Jesu.

11

João masare bautisariro to buheinare Jesure sinitu ñu dutiro warocaha
(Lc 7.18-35)

¹ Säre to buheinare to ã ni yahuri baharo tó cahai jia macaripü buhero wahare Jesu.

² Æ yoa to yoirire João peresui jiriro tuhorocaha. Æ tuhoro João to buheinare Jesure sinitu ñu dutiro warocaha.

³ Æ jia Jesu cahapü sü, sinitu ñure tina João buheina.

—João “Yu baharo paio tarohca”, to niriro tjijari mühu? ¿To niriro mü jierachü paire cohtanahcari sä? —ni sinitu ñure tina sehe Jesure.

⁴ Ti ã nichü tuhoro Jesu õ sehe ni yuhtire:

—Mipüre müsa tuhorire, müsa ñügire João're yahuna wahaga:

⁵ “Capari bajueraina ñuna. Tini masieraina tinina. Cami bücü baina noaina wahara. Tuho bocaeraina tuhoa wahara. Yariaina masaa wahara. Tina jipihtinare noaina wahachü yoahi yuhü. Tuhsü, pjacöinare noaa buheare yahuja.

⁶ Yuhüre tuhoriro ‘Potocã tjira’, niriro tiro wahcheriro jira” ni, João're yahuna wahaga —nire Jesu.

⁷ João buheina ti wahari baharo, Jesu sehe João to jia tiare yahu dücare payü masare:

—Masa marienopü João cahapü süna, tjare wihnono to wäroca cohtotachü yoariro se-heta to buheare cohtota müjaritore ñuna süerare müsa.

⁸ “Noaa suhti tirirore ñuna wahajihna”, nierare müsa João cahapü masa marienopü wahana. Noaa suhti tiina wapa büjüare cjuaina puhtoä ya wühüserü jira.

⁹ Masa marienopü süna Cohamacü yare yahu mühtaritore ñuna süre müsa. Potocã tjira. João Cohamacü yare yahu mühtariro jira. Paina Cohamacü yare yahu mühtaina yuhdoro jiriro jira tiro.

¹⁰ Panopü Cohamacü yare ti joari püi João're õ sehe ni yahu joaa tiha:

“Cohamacü to macüno're õ sehe niha: ‘Mü pano mühüre yahuyuhtirore warocai nija’, niha”,

ni joaa tiha panopüre João're.

¹¹ Müsare potocã niita nija. Paina jipihitina bui jira João bautisariro. Ahri turupüre to ã jipachüta müano macariro puhtoro to süho jirupüre jipihitina docapü jiriro pinihta João bui jira.

¹² João masare bautisariro to buhe, bautisa dücachü payü masa müano macariro puhtoro to süho jirore pihitichü yoa duaa, ti mü süro cahmache, türe yoa duamana.

¹³ Cohamacü yare yahu mühtaina ti joari cjirire, Cohamacü Moise cjirore to cüri cjiripü cühüre buhena puhtoro Cohamacü to

süho jihtore masija mari. João cühü türeta yahure.

¹⁴ “Elia tarohca”, panopü ti niriro cjirota jira João sehe. Panopü macaina ti nirire “Potocã tjira”, ni duana João ti ã niriro cjiro to jichü masinahca müsa.

¹⁵ Noano tuhoga müsa ahrire.

¹⁶ ¿Mipü macaina masa yabaina yoaro sehe jijari tina, müsa tuhotuchü? Tina macanacã yoaro sehe jira. Paina ti cahmano sehe ti yoerachü tó wahaerara tinacäre. Pache duaropü pape dujia, õ sehe ni pisurucura tinacã ti basi:

¹⁷ “Müsa basahti cjihtire sä putipemahi. ¿Dohseana müsa basaerari sä türe putipechü? Sä tuaro ñahacaha tüpe, sañurucumahi. ¿Müsa sehe dohseana sä mehne tüperari?” nirucüina yoaro seheta jira mipü macaina cühü. Mipü macaina ti cahmano seheta sä yoerachü ñua tó wahaerara tinare.

¹⁸ Tina yoaro sehe yoana õ sehe yoara müsa mipü macaina. João bautisariro Cohamacure ño payoro taro chü duhoro vinore sihnierare. To ã sihnierachü ñuna “Watüno to säanohriro, tuho masierariro jira”, nimare müsa tiro sehere.

¹⁹ Yuhü masüno Cohamacü warocariro jicü yuhü chü, sihnija. Yu ã yoachü ñuna õ sehe nina müsa yuhü sehere: “Ñuga. Ahriro pjüro chüriro, cahariro jira. Wapa na cohtaina, ñano yoaina cühü ti piti tiriro jira ahriro”, nina müsa yuhüre. (Æ nina macanacã yoaro sehe durucüina jira müsa. Müsa cahmano sehe sä yoerachü tó wahaerara müsa. Ne sahsaerara müsa.) Æ masierapanahca sä yoarire ñuna, Cohamacü masiare sä cjuachü masinahca müsa —nire Jesu tinare.

Ti ñaare cahyaeraina ya macari macainare tuhtihä Jesu

(Lc 10.13-15)

²⁰ Baharo macari macainare tuhtire Jesu. Ti macarine paye macari yuhdoro Cohamacü tuua mehne yoa ñomare tiro. To ã yoa ñopachüta ti ñaare tuhotumarire duhuerasinire tina. Æ jiro õ sehe ni tuhtire tinare tiro:

²¹ —Corazü macaina, müsa ñano yuhdünahca. Betsaida macaina, müsa cühü ñano yuhdünahca. Müsa ya macaripüre Cohamacü tuua mehne yoa ñomahi. Tiro wama tiri macare, Sidö wama tiri maca cühüre to tuua mehne yu yoa ñochü ñua panopü tó macaina sehe ti ñaare cahyaboa. Æ yoaa ti ñaare tuhotumari cjirire tuhotu cohtotaboa. Cahyaa suhtire säa, niti pohcare tina bui dahra site payoboa ti ñaa cahyaare ñoa.

²² Müsare niita nija. Buhiri dahrehti dacho jichü Cohamacü Tiro macaina, Sidö

macaina yǎhdoro ñaina mǎsa jiri buhiri mǎsare ñano waro buhiri dahrerohca tiro.

²³ Capernau macaina, mǎsa mǎ sǎro mǎnopǎ waha duamana. Mǎsare Cohamacǎ pichacǎpǎ cohǎnohca. Mǎsa ya macǎpǎ Cohamacǎ tuaa mehne yoa ñomahi. Mǎsa yǎhǎre tǎhoerare. Sodoma wama tiri macare Cohamacǎ tuaa mehne yǎ yoa ñochǎ ti maca sehe mipǎ jisniniboa.

²⁴ Mǎsare niita nija. Buhiri dahrehti dacho jichǎ Cohamacǎ Sodoma macainare to yoariro yǎhdoro, mǎsa sehere mǎsa ñaa buhiri ñabiaro buhiri dahrerohca —nire Jesu ti macari macainare.

*“Yǎ cahǎpǎ sona taga”, niha Jesu
(Lc 10.21-22)*

²⁵ Tǎ pjare ǒ sehe nire Jesu to Pǎcǎro mehne durucuro:

—Yǎ Pǎcǎ, mǎhǎ mǎano macaina bui pǎhtoro, ahri yahpa macaina bui pǎhtoro jira. Ahri mǎ buheare “Noano masiina jija sǎ”, niinare masichǎ yoaerare mǎhǎ. Buhe pahloeraina sehere mǎ yare masichǎ yoare mǎhǎ. Mǎ ã yoachǎ, “Noana”, nija yǎhǎ mǎhǎre.

²⁶ ã tjira. Tina sehere ti masichǎ cahmare mǎhǎ —nire Jesu to Pǎcǎrore.

²⁷ ã ni tuhsǎ, masare ǒ sehe ni yahu namore:

—Yǎ Pǎcǎ jipihtiare yǎhǎre ware. Tiro dihta yǎhǎre noano masina. ã jina sǎ dihta yǎhǎ yǎ masi dutiina mehne yǎ Pǎcǎre masija sǎ.

²⁸ Mǎsa ñano buhiri tia pǎcǎa yoaro sehe jira. Nǎcǎare mǎna mǎsa tǎhrino seheta ñano buhiri tiare pumea wahara mǎsa. ã pumeina jina yǎhǎre cahmaga mǎsa. Mǎsare sochǎ yoaihtja. Mǎsa ñaa yoare duhuchǎ yoaihtja.

²⁹ Yǎ dutiare yoaga. Yǎ yare noano masiga. Yǎhǎ niji siaro yoariro jija. Yǎ ã jiriro jichǎ yǎ yare noano masiga mǎsa. ã yoa yǎhǎ mehne soga mǎsa. ã sona noano yajeripohna tinahca mǎsa.

³⁰ Yǎ yare mǎsa yoachǎ mijoerara. ã yoa mǎsa mǎri cjiri ti nǎcǎeraro seheta yǎhǎ sehe mǎsa bihoro purota yoa dutija mǎsare —nire Jesu.

12

Judio masa ti sori dachoi trigo parorire pahaha Jesu buheina

(Mr 2.23-28; Lc 6.1-5)

¹ Mahanocǎ to ã ni buheri baharo Sabado jichǎ sǎ Jesu mehne trigo wesepǎ sui. Sǎ to buheina jǎca baana, trigo parorire paha, chǎ tuhsǎ yǎhdǎ wahcǎi sǎ.

² Sǎ ã yoachǎ ñaa, fariseo curua macaina Jesure ǒ sehe nire:

—Tǎhosiniga sǎre. ¿Dohse yoa tina Sabado mari sori nǎmǎ to jipachǎta dahrajari, trigo parorire ã pahaa? Mari dutiare yǎhdǎcǎa nina —nire tina.

³⁻⁴ Jesu yǎhtire. “Yǎ buheina yǎhdǎcǎa nierare”, ni yahuro taro ǒ sehe ni yǎhtire:

—Davi cjiro tiro mehne macaina mehne jǎca baaro Cohamacǎ wǎhǎpǎ sǎa, Cohamacǎ ya pǎore chǎha. Ti pǎore sacerdotea dihtare chǎ dutira. Cohamacǎ dutiare ti joari pǎ painare ti pǎore chǎ dutierara. ¿Davi cǎhǎ tíre ti yoari cjirire Cohamacǎ joari pǎpǎ buherari mǎsa? (Tǎ pǎore chǎro Cohamacǎre yǎhdǎcǎaro nieraha. Michare ahri yaparire chǎa yǎ buheina cǎhǎ Cohamacǎre yǎhdǎcǎa nierara.)

⁵ ã yoa Cohamacǎ wǎhǎi dahraina sacerdotea ne soerara mari soa nǎmǎrine. ã soerapahta Cohamacǎ dutiare yǎhdǎcǎaina jierara. ¿Tǎre buherari mǎsa Cohamacǎ Moise cjirore to cǎri pǎi?

⁶ Mǎsare niita nija. Cohamacǎ wǎhǎre ño payona ti wǎhǎi dahraina ti soerachǎ ñǎpanahta “Noanohca”, nina mǎsa. Tǎ wǎhǎ yǎhdoro yǎhǎ sehere ño payoro cahmana.

⁷ Cohamacǎ yare ti joari pǎ ǒ sehe nina: “Wahiquinare wajǎ, jǎ mǎoa mehne yǎhǎre mǎsa ño payochǎ cahmaeraja. Painare mǎsa pja ñuchǎ sehere cahmaja yǎhǎ”, nina to yare ti joari pǎ. To ã nirire mǎsa noano tǎhona yǎ buheinare tuhtieraboa mǎsa. Tina tíre chǎa yǎhdǎcǎa nierare. ã jina tinare tuhtieraboa mǎsa.

⁸ Yǎhǎ masǎno Cohamacǎ warocariro ahri dacho Sabado dachore masa ti yoahhtire yahurirota jicǎ pǎhtoro tjija —nire Jesu fariseo curua macainare.

*Wamomaca buhariro quti jira
(Mr 3.1-6; Lc 6.6-11)*

⁹ To ã niri baharo waha, judio masa mari buheri wǎhǎpǎ sui sǎ Jesu mehne.

¹⁰ Tói wamomaca buhariro jire. ã jia fariseo curua macaina sehe Jesure yahusǎa taa, tirore ǒ sehe ni siniture:

—Sabado dachoi mari sori dachoi masǎnore noariro yoa dutierara Cohamacǎ. ¿ã tjijari mǎ tǎhotuchǎ? —ni siniture tina.

¹¹ Jesu ǒ sehe ni yǎhtire tinare:

—¿Mǎsa yairo oveja Sabado jichǎ copǎpǎ to bora sǎachǎ tirore na wioerabocari mǎsa? Na wionahca mǎsa.

¹² Oveja yǎhdoro jira masǎno sehe, Cohamacǎ to ñuchǎ. ã jiro Sabado jichǎ masǎnore yǎhdochǎ noa nina —ni yǎhtire Jesu tinare.

¹³ ã ni tuhsǎ, wamomaca buharirore ǒ sehe nire:

—Mǎ wamomacare siǎrocaga —nire tiro.

To ã nichu bahariro sehe siðroca, noari wamomaca wahare.

¹⁴ Ti sori numai to ã yoachu ñua, fariseo curua macaina waha, ti basi ò sehe niha:

—¿Dohse yoa Jesure wajñahcari mari? — niha tina ti basi.

Cohamacu yare yahu muhtariro panopu macariro Jesure yahuha

¹⁵ Jesu ti ã nirire masino, waha wahare. To ã wahachu payu masa tireore nunu tire. Ti ã nunu tichu ñano tiro sehe jipihitina tina mehne macainare dohatiinare noaina wahachu yoare.

¹⁶ Æ yoaro dohatiina cjiire tinare to yuhdorire painare yahu dutierare tiro.

¹⁷ Æ dohatiinare noaina wahachu yoaro Cohamacu yare yahu muhtariro Isaia cjiro panopu to ni joariro seheta yoaro nire Jesu. Ò sehe ni joa tiha Isaia:

¹⁸ “Ò sehe nina Cohamacu:

‘Ahriro yu cahamacano jira.

Tiro yu beseriro jira.

Tirore cahija.

Æ jicu tiro mehne wahcheja.

Yu Espiriture tirore waihtja.

Æ jiro yu tuaa mehne jipihitina masare yu buheare yahurohca tiro.

¹⁹ Æ yahuro tiro ne purino mehne yahusi.

Æ yoa niji siaroca yahuriro jiro sañurucusi.

Tuhsu, maca macari mahai payu masa watoi tiro tuaro sañurucu yahusi.

²⁰ Wajñacu o muqueacacu sachu to nuhnuerachu yoaro seheta masa cãhure niji siaro dero yoarohca tiro.

Pjiroca jãri pichacare to yaeraro seheta masa cãhure noano yoarohca tiro.

Æta yoarucurohca tiro watinore to yuhduracaho pano.

²¹ Æ jia payu masa tirore wacũ tuaahca’, nina Cohamacu’,

ni joa tiha Isaia.

“Jesu watino tuaare cjãara”, ni yahusãha masa

(Mr 3.19-30; Lc 11.14-23; 12.10)

²² Cũ dachoi watino to cohtotarirore masa na tare Jesu cahapu. Tiro sehe watino cjãaro durucu masierare. Tuhsu, capari ne ñãare. Ti ã na wilichu ñu, noarigo wahachu yoare Jesu tirore. To ã yoachu watino to cohtotariro cjiro ñu, durucure.

²³ To ã wahachu ñua, masa ñu caaa wahare.

—¿Ahriro Davi cjiro panamino masare yuhdohtiro jijari? —nire tina ti basi.

²⁴ Jesu watĩare to cohãire tuhoa fariseo curua macaina ò sehe ni tuhature:

—Beelzebũ watĩa puhtoro to tuaa mehne watĩare cohãna Jesu —ni tuhature tina.

²⁵ Ti ã ni tuhature masino, Jesu quitu mehne piti dahre yahure tinare:

—Watĩno ya tuaa mehne watĩare cohã nieraja. Cũ yahpa macaina ti basi cahma wajãa, tí yahpa macaina yaria pihtia wahaboa. Cũ maca macaina ti basi cahmachea tí maca macaina waha pihtia wahaboa. Cũ wũhu macaina cãhu ãta wahaboa.

²⁶ Æ jia Beelzebũ watĩa puhtoro sehe watĩare cohãno, tina watĩa ti basi cahmachea niboa. Æ jia tina cãhu waha pihtia wahaboa.

²⁷ Ò sehe ni yahusãna masa yãhure: “Tiro Beelzebũ yoadohoa mehne watĩare cohãna”, ni yahusãna masa. Mũsa mehne macaina cãhu watĩare cohãna. ¿Watĩno to tuaa mehne watĩare cohãjari tina cãhu, masa ñuchu? Æ cohãerara. Tĩre masina masa. Yũhu cãhu watĩno tuaa mehne watĩare cohãeraja.

²⁸ Æ jicu yũhu sehe watĩare cohãcu Cohamacu to Espiritu tuaa mehne tinare cohãja. Yu ã cohãchu ñua ò sehe masiga masa: Cohamacu masa bui puhtoro ahri yahpãre ji tuhsara mipure.

²⁹ Ò seheta jira mari piti dahre buhechu: Tuariro ya wũhũpu paio sãa sũ yaca masierara. Tuarirore duhteraro to ya wũhũpu sãa sũ yaca masierara. Tirore to duhteri baharo sãa sũ yaca masina —ni yahure Jesu. (Æ ni yahure watĩnoro to yuhduracare yahuro. Watĩno tuariro to jipachata Jesu tirore yuhduracara watĩare cohãno.)

Æ ni tuhsu ò sehe ni yahu namore Jesu:

³⁰ —Cũiro yãhure cahmaeraro, yãhure ñu tuhtiro jira. Cũiro yãhure yoadoheraro, yãhure wapũ tichu yoaro nina.

³¹ Æ jicu masare potocã niita nija yũhu. Jipihitina ñãare masa ti yoachu ti durucuchu cãhure Cohamacu bo masina. Æ boparota Espiritu Santore ti ñano ni durucuchu tí pinine ne bosu.

³² Yũhure masuno Cohamacu warocarirore yũhure ti ñano ni durucure bo masina Cohamacu. Espiritu Santo sehene ti ñano ni durucure ne bosu Cohamacu. Mipure, pihtiri dacho baharopu cãhure ti ã niri cjiire bosu tiro —ni buhere Jesu tinare.

Masa ti durucure tuhona ti jia tiare masija mari

(Lc 6.43-45)

³³ Æ ni buhe tuhsu, piti dahre buhero ò sehe ni yahu namore tinare:

—Noadu yucacu noare dicta tira. Ñaadu yucacu ñãare dicta tira. Yucacu dichare masina “Tu dichata jira”, ni masija mari. (Mari ã masino seheta masa ti durucure tuhona ti jia tiare masija mari.)

³⁴ Agãa ñima tiina yoaro sehe ñaina jira masa. Mũsa ñaina jina, noare ni masierara masa. Mari wacũapu mari tuhaturiro seheta mari dũseroi wijara.

³⁵ Noariro noaare tūhotura. Ā jiro noaare durucura. Ŋariro ŋaare tūhotura. Ā jiro ŋaare durucura.

³⁶ Mūsare niita nija. Noano tūhotu durucuina jiga mūsa. Noano durucuerana, buhiri dahrehti dacho jichū mūsa ā nimacanocarire Cohamacure yahu yūhdūnahca.

³⁷ Quihōno mūsa durucurire masino “Noaina jira”, ninohca Cohamacū. Tuhsū, ŋano mūsa durucurire masino “Ŋaina jira”, ninohca tiro –nire Jesu tinare.

Masa ŋaina Jesure Cohamacū tuaa mehne yoa ŋo dutiha

(Mr 8.12; Lc 11.29-32)

³⁸ To ā niri baharo mari judio masare buheina, fariseo curua macaina cūhū tirore ō sehe nire:

–Buheriro, Cohamacū warocariro jicū Cohamacū tuaa mehne yoa ŋoga sāre –nimare tina.

³⁹ Jesu ō sehe ni yūhtire:

–Mipū macaina ŋaina, Cohamacure cahmaeraina Cohamacū tuaa mehne yū yoa ŋochū ŋū duamana. Ti ā ŋū duapachūta Cohamacū yare yahu mūhtarirore Jona cjiro panopū macarirore Cohamacū to tuaa mehne to yolari dihtare yoa ŋonohca masare.

⁴⁰ Jona tia dacho waro pjiriro wahi pjaro puhichapū jiha. To ā wahariro seheta yūhū cūhū masūno Cohamacū warocariro tia dacho waro masa copapū jiihca.

⁴¹ Nīnive macaina sehe Jona Cohamacū yare to yahurire tūhoa ti ŋaa yoirire cahya, Cohamacū mehne macaina tjuaha. Ā tjuaina jia buhiri dahrehti dacho jichū tina mipū macainare ti ŋaare tūhotumari cjirire duherainare “Ŋaina jira”, ni yahusāahca. Jona cjiro tinare Cohamacū yare to yahuchū tūhoa noaare cahmaha tina sehe. Ā cahmaa noano yoaa niha mipū macaina yūhdoro. Ā jia tina mipū macainare “Ŋaina jira”, ni yahusāahca. Mūsare niita nija. Mipū mūsare yū buhea Jona cjiro to buheri yūhdoro jira.

⁴² Ā yoa buhiri dahrehti dacho jichū puhtorocoro sur macaricoro panopū macaricoro ducu, mipū macainare “Ŋaina jira”, ni yahusānohca ticoro cūhū. Ticoro Salomo panopū macariro to masiare tūho duaro yoropū ahri yahpa pa buhūshepū jiricoro Salomore tūhoro taha. Ā yoaro noano yoaro niha mipū macaina yūhdoro. Ā jiro ticoro “Ŋaina jira”, ni yahusānohca mipū macainare. Mūsare niita nija. Mipū mūsare yū buhea to buheri yūhdoro jira –nire Jesu tinare.

Watīno pari turi masūnore to sāari quitire yahuha Jesu

(Lc 11.24-26)

⁴³ Ā ni tuhsū, pari turi Jesu to tūhotua mehne ō sehe ni piti dahre buhere tinare:

–Watīno masūnore cohtotariro cjiro waha, tiro co marieni yahpai tini, to jiihto cjihtore macamaha.

⁴⁴ Ā bocaeraro, ō sehe ni tūhotuha tiro. “Masūno yū cohāriro cjiro mehnetā pari turi jii wahaihtja”, ni tūhotuha tiro. Ā ni tūhoturo tiro tjuaa waha, to cohāriro cjiroreta bocaha. Ā to bocachū masūno sehe noariro jimaha.

⁴⁵ Ā jiro watīno paina siete watīare to yūhdoro ŋainare pjiro wahaha. To ā pjichū tina jiiptina tiro mehne jiha. Masūno sehe tō pano cūiro watīno to cohtotariro jiro, ŋariro jimaha. Mipū sehene payū watīa ti cohtotariro jiro, tō pano to jiriro yūhdoro ŋa yūhdūariro jiha. Mipū macaina Cohamacure masimarina tirore cohāa, tina cūhū ŋaa yūhdūina warota wahaahca –nire Jesu tinare.

Jesu coyea tiro mehne sūhūdu duaha

(Mr 3.31-35; Lc 8.19-21)

⁴⁶ Masare to ā ni durucuro watoi to pocoro to bahana mehne sopacai ducu, tiro mehne sūhūdu duare.

⁴⁷ Ā jiro cūiro Jesure ō sehe ni yahure:

–Mū poco mū bahana mehne sopacai ducura, mūhare sūhūdu duaa –nire.

⁴⁸ To ā nichū tūhoro tirore yahurirore ō sehe nire Jesu tinare buhero taro:

–ĒNoa jijari yū poco, yū bahana cūhū, mūsa ŋūchū? –nire.

⁴⁹ Ā nino, sāre to buheinare ŋūipuro, ō sehe nire:

–Ahrina jira yū poco yū bahana yoaro sehe jīina.

⁵⁰ Tina yū Pūcū mūano macariro to cahmaare yoara. Tō sehe yoaina yū bahū, yū baho, yū poco yoaro seheta jira –nire Jesu tinare.

13

Jesu wesere toari masūno quitire yahuha

(Mr 4.1-9; Lc 8.4-8)

¹ Ti dachoihta Jesu wūhū jiriro wijaare. Wijaa, bucparirogū waha, bucparirogū duhtū cahai dujire.

² To ā dujichū ŋūa payū masa tiro cahapū cahmachū wahpata yūhdūa, bihsaro yoare Jesure. Ā bihsachū ŋūno dohoriai samu, tiapū dujire tiro. Masa sehe padūroi ducure.

³ Ā jiro payū to tūhotua mehne piti dahre yahure tinare buhero taro. Ō sehe nire tiro: –Toari masūno toaro, to toaa yaparire doca site cūno wahaha.

⁴ To ā doca site cū wahcāchū paye yapari maha duhtū cahai bora caha sūha. Ā bora caha sūare ti yaparire minichahca duji ta, chūnocaha.

⁵ Ā yoa paye yapari sehe tãa wapa buicã bora caha sũha. Tãa wapa buicã dihta mariea cureroi dõih̄ta dumaha.

⁶ Ā duri jipahta, sũ to tuaro sichũ, nuh̄cori mariaa, ñaia wahaha.

⁷ Paye yapari sehe tja watoi bora caha sũha. Tja sehe dia yũhdũa waha, toaa sehere wajãnocaha.

⁸ Paye yapari sehe noari yahpai bora caha sũha. Noano dua jia noano dicha tiha. Paye yucũ cien yapari, paye yucũ sesenta yapari, paye yucũ treinta yapari dicha tiha.

⁹ Ahr̄ire tũho duaina noano tũhoga mũsa –nire Jesu.

Jesu q̄iti mehne to buherire yahuha

(Mr 4.10-12; Lc 8.9-10)

¹⁰ To ã niri baharo sã to buheina tiro cahai sũ, sinitui sã t̄irore:

–¿Ne, doh̄seacũ masare q̄iti mehne piti dah̄re buhejari mũhũ? –ni sinitui sã.

¹¹ Jesu õ sehe ni yũht̄ire:

–Mũano macar̄iro masa bui puhtoro masare to noano sũho jiare panopũ macaina ti masierari c̄jirire mũsare yũ buheinare masichũ yoara Cohamacũ. Paina sehere ã yoaerara tiro.

¹² Ā jiro masiinare masi namochũ yoarohca tiro. Ā jia tina sehe noano masiahca. Masieraina sehe mahanocã ti masipachũta tina sehere masierachũ yoarohca tiro.

¹³ Ā jicũ q̄iti mehne buheja. Ō sehe jira. Mipũ macaina ñũpahta, ñũeraina c̄jiri yoaro sehe tjuara. Ā jia tũhopahta masierara. T̄ire tũhoeraina yoaro sehe jira tina.

¹⁴ Ā jiina jia Isaia c̄jiro panopũ macar̄iro to ni joar̄iro seheta yoara tina. Ō sehe ni joaa tiha:

“Ō sehe nina Cohamacũ: ‘Yũ yare tũhonahca mũsa.

Ā tũhopenahta, ne masisi mũsa.

¹⁵ Mũsa dapu butiina tjuara.

Tuhsũ, mũsa cahmo copar̄ire bihara mũsa, “Tũhori”, nina.

Mũsa capar̄ire wihmit̄ijahna mũsa, “Ñũri”, nina.

Ā yoaerana noano ñũna masiboa mũsa.

Ā yoa tũhona, masiboa mũsa.

Mũsa wacũarũ noano masiboa.

Ā masiina baro jina, mũsa tũhotumari c̄jirire tũhotu cohtota, yũhũre macaboa.

Mũsa ã macachũ ñũno, yũhũ sehe mũsa buhiri tiare cohãboa’, nina Cohamacũ”,

ni joaha Isaia c̄jiro.

¹⁶ Mũsa sehe mũsa capari mehne ñũna, masina. Mũsa cahmo mehne tũhona, masina. Ā jina wahcheina jira mũsa.

¹⁷ Mũsare niita nija. Mipũ mũsa ñũare mũsa tũhoare panopũ macaina Cohamacũ

yaina c̄jiri tuaro ñũ duamaha. Cohamacũ yare yahu mũhtaina c̄jiri cãhũ t̄ire tuaro ñũ duamaha. Wiho mejeta ne ñũeraha. Mipũ mũsa tũho cãhũre tuaro tũho duamaha tina. Ā masi duaapahta t̄ire masieraha –ni yahure Jesu sãre to buheinare.

Jesu wesere toari masũno q̄itire yahu pah̄noha

(Mr 4.13-20; Lc 8.11-15)

¹⁸ Baharo Jesu sãre õ sehe ni yahu namore:

–Tũhoga mũsa. Wesere toari masũno q̄itire mũsare yahuiht̄ja. Yũhũre tũhona, noano masiga.

¹⁹ Doca site cũa yapari noaa buhea yoaro sehe jira. Ā jia maha duhtũ cahai bora yapari noaa buhea yoaro sehe jira. Masa noaa buheare tũhopahta ne masierara. Noaa buheare masa ti tũhochũ ñũno wat̄ino sehe ta, t̄i buheare noaa buheare masi dutierara masare. Minichahca t̄i yapar̄ire ti dota nar̄iro seheta yoara wat̄ino.

²⁰ Ā yoa tãa wapa buicã bora yapari noaa buhea yoaro sehe jira. Ā jia masa noaa buheare tũho, wahchea mehne dõih̄ta t̄ire tũho nana.

²¹ Ā tũho napahta tãa wapa buicã jia yucũ nuh̄cori mariea yucũ yoaro seheta ahr̄ina masa cãhũ tuaerara. Ā tuaeraa ñano yũhdũa, yũ yaina ti jiri buhiri paina tinare ti ñano yoachũ ñũa yũ ya sehere duhunocahna. Paina tinare ti ñano yoachũ t̄ire cãno pjaeraa, yũ yare duhunocahna.

²² Ā yoa tja watoi bora yapari noaa buhea yoaro sehe jira. Ā jia masa noaa buheare tũho, ahri yahpa macaare p̄j̄iro cahya tũhotua, niñerure cah̄na. Ti ã yoachũ t̄i sehe noaa buheare ducatar̄a. Ti ã ducatachũ masa noaa sehere yoaerara.

²³ Ā yoa noari yahpai bora yapari noaa buhea yoaro sehe jira. Masa noaa buheare tũho, t̄ire noano masina. Ā masiina jia, Cohamacũ to cahmano seheta noaare yoara tina. Cãina p̄j̄iro noaare yoara cien yapari dicha tiro seheta. Paina doca curero noaare yoara sesenta yapari dicha tiro seheta. Paina mahanocã noaare yoara treinta yapari dicha tiro seheta –ni yahure Jesu sãre.

Trigo watoi tja diari q̄itire yahuha

²⁴ Ā yoa pari turi to tũhotua mehne piti dah̄re buhere Jesu:

–Mũano macar̄iro masa bui puhtoro to sũho jiro õ sehe jira. Wese p̄uro to wesepũ noaa yapar̄ire to toar̄iro seheta jira mũano macar̄iro masa bui puhtoro to sũho jiro.

²⁵ Wese p̄uro jipihtina tiro mehne macaina cãhũ ti car̄ino watoi t̄irore ñũ tuht̄ir̄iro tara. Ā taro trigore ti toar̄iro t̄jare toaha. Toa tuhsũ wahaa wahaha.

²⁶ Baharo trigo duha. Ā jiro ti dica tia cahachu waro diaa wahaha.

²⁷ Ā jia wese p̄wore dahra cohtaina tiro cahapu su, yahu: “¿P̄woro, noa yapari dihtare mu wesere mu toapachuta, dohse yoa tja c̄hu diajari ti wesere?”, niha tina.

²⁸ “Yuhure ñu tuhtiriro jia ti tjare toaro”, niha wese p̄ro. “¿Tjare sã curechu cahmajari muh?” nimaha tireore dahra cohtaina.

²⁹ “Tjare curena tjiga, tjare curemahna ‘Trigo sehere cureri’, nina.

³⁰ Trigo tja mehneta buchwahnosinijaro. Dicha ñaini pja jichu, trigo dica nainare ò sehe nihtja: ‘Tjare cure muhtaga. Tuhsu musa curerire jãga. Baharo trigore pahaga. Paha pahño, t̄re yu wihbori wuhapu c̄uga’, nihtja tinare”, niha wese p̄ro –nire Jesu, quti mehne yahuro.

Mostaza yapa quitire yahuha Jesu

(Mr 4.30-32; Lc 13.18-19)

³¹ Ā yoa paye quti mehne sãre ò sehe ni buhere tjao:

–Muano macariro masa bui p̄woro to suho jiro mostaza yapacã yoaore sehe jira. Tí yapacã mahabiaro yapacã jira.

³² Tí yapacãre wesepu to toari baharo, noano dura. Ā jiro pji curedu wahara. Ā wahachu minichahca peri tu dupurip̄u suhti suhara. (Tó seheta muano macarirore mari p̄woro masiina mahainacã ti ji muhtapachuta baharopu tina payu wahaahca) –ni yahure Jesu.

Pão buchwaro quitire yahuha Jesu

(Lc 13.20-21)

³³ Ā yoa paye quti mehne sãre ò sehe ni buhere tjao:

–Muano macariro masa bui p̄woro to suho jiro pão buchwaro yoaore sehe jira. T̄re numino cã wajuru trigo pohcare co mehne noano t̄re dahra morena pão buchwatore. To ã yoachu pão buchwaro sehe trigore noano sahseracu sura. (Tó seheta pão buchwaro to sahseracu s̄uro seheta muano macarirore mari p̄woro payu masa jipihitiro macaina masiahca) –nire Jesu.

Quti mehne Jesu to buherire yahuha

(Mr 4.33-34)

³⁴ Ahri jipihitiare buhero, quti mehne yahure Jesu. Quti marieno yahuerare tiro tinare.

³⁵ Āta yoare tiro Cohamacu yare yahu muhtariro cjiro to ni joariro seheta. Ò sehe ni joaa tiha panopu:

“Quti mehne yahuitja. Cohamacu ahri yahpare to bajuamehneri baharo ne masare to yahuerari cjirire yahuitja”, ni joaa tiha Cohamacu yare yahu muhtariro cjiro.

Trigo watoi tja diari quitire yahu pahño

³⁶ Ā yoa masare coha siti, wuhapu sãa wahare Jesu. Ā jina sã to buheina tiro cahapu su, sinitui sã:

–Trigo watoi tja diari quitire yahu pahño sãre –ni sã tireore.

³⁷ Jesu ò sehe ni yahure sãre:

–Wese p̄ro noa yaparire toariro yoaore sehe jia yuh. Yuh masuno Cohamacu warocariro jia.

³⁸ Wese sehe ahri yahpa yoaore sehe jira. Noa yapari dua muano macariro p̄woro to suho jirapu jhtina cjihti yoaore sehe jira. Tja sehe watino yaina yoaore sehe jira.

³⁹ Wese p̄wore ñu tuhtiriro tjare toariro watino yoaore sehe jira. Tí ñaini pja sehe pihitiro dacho yoaore sehe jira. Ā jia trigore naina anjao yoaore sehe jira.

⁴⁰ Tjare ti cure jãriro seheta pihitiro dacho jichu watino yainare, pichacapu jã cohãahca tinare.

⁴¹ Yuh masuno Cohamacu warocariro yu anjao warocaihtja. Yu ã warocachu anjao sehe ñaare yoa dutinare, ñaare yoinare p̄woro yu suho jirapare jimarinare na wioahca.

⁴² Na wio tuhsu pichacapu cohãahca tinare. Tõpu tina tuaro tii, cahyaa mehne bahca dihoahca.

⁴³ Ā jia Cohamacu yaina ti P̄woro p̄woro to suho jirapu jiahca. Tó jia, sã dacho macariro yoaore sehe noano buhriaahca tina. Ahrire noano tahoga musa –ni yahure Jesu.

Noa yuhd̄ware to nuorire to bocari quitire yahuha

⁴⁴ Ā yoa paye quti mehne ò sehe ni yahure tjao:

–Muano macariro masa bui p̄woro to suho jiro niñeru to nuori yoaore sehe jira. Masuno t̄re wesepu wacũeno boca, pari turi t̄re nuo namona. Ā yoaore tuaro wahcheha tiro. Ā jiro to bocari cjirire nano taro, tí wesere nuchu duaha. Ā nuchu duaro to yare dua pahño, tí wesere nuchaha. Muano macariro p̄woro to suho jiro to bocari cjiri yoaore sehe jia. (To bocarire to cahma yuhd̄wariro seheta muano macarirore masa bui p̄woro noano ti masini baharo masa tuaro cahmana tireore) –ni yahure Jesu.

Wapa bujuri yapa quitire yahuha

⁴⁵ Ā yoa paye quti mehne ò sehe ni yahure tjao:

–Muano macariro masa bui p̄woro to suho jiro wapa bujua yaparire perla wama tia yaparire nuchariro yoaore sehe jira.

⁴⁶ Tí yaparire macano noa yuhd̄ari yapare boca. Ā bocaro, tí yapare nuchu

duaro, jipihtiia to yare dua pahñono wahaha. Á dua tuhsu tí yapare wapa bujuri yapare nuchara. (Tí yapare tuaro to cahmariro seheta mñano macarirore masa bui puhtoro noano ti masini baharo masa tuaro cahmana tirore) —nire Jesu.

Wañño quitire yahuha

⁴⁷ Á yoa paye quití mehne Jesu ò sehe ni yahure tjoa:

—Mñano macariro masa bui puhtoro to sũho jiro wañño ti docañodu yoaro sehe jira. Tu wañño mehne payu wahi soro jijnare ñahana.

⁴⁸ Tu to wahpaa wahachu wahi wajaina sehe ture padurupu waja maja, noaina wahire besera. Noinare ti puhusepu bese sãana. Ñaina wahire cohãnocahna.

⁴⁹ Pihitiri dacho jichu ò sehe jirohca. Anjoo sehe masare beseahca. Ñainare na wioahca noaina cahapu jimarinare.

⁵⁰ Na wio, tinare pichacapu cohãahca. Tóti tina tií, tuaro cahyaa mehne bahca dihoahca ñaina sehe —ni yahure Jesu.

Muna buheare, wahma buhea cãhure yahuha

⁵¹ To ã ni yahuri baharo tiro ò sehe ni siniture sãre:

—¿Ahri jipihtiare tuhojari mña? —ni siniture tiro.

—Tuhoja sã —ni yuhtii sã.

⁵² Sã ã nichu tiro yahure sãre:

—Judio masare buheina mñano macariro masa bui puhtoro to sũho jirore buhea, puaro buheare yahura. (Panopu ti buhea cãhure mipu ti buhea cãhure yahura.) Tina, Judio masare buheina wãhu puaro yoaro sehe jira. Tiro to wãhu jiare noare na wioro, wahmaare, mñana cãhure na wiora tiro —nire Jesu sãre.

Jesu Nazarepu wahaha

(Mr 6.1-6; Lc 4.16-30)

⁵³ Tí quitire to buheri baharo, wahi sã tiro mehne.

⁵⁴ Waha, to bucuari macapu sũhi. Tópu su, judio masa mari buhea wãhusepu buhere tiro. To ã buhechu tuhoa, tuho caaa wahare tina.

—Cuenah, ¿ahriri nohopu tuhoari ahri buheare? ¿Dohsearo noano masi pahñojari ahriro? Cohamacu tuua mehne yoa ñona tiro to basi.

⁵⁵ Ahriro taboa dahrari masuno macuno jimanaro. Á yoa to pocoro María jimanaro. Á yoa Santiago, José, Simo, Juda, to bahana jimanabu.

⁵⁶ Mipure to bahana numia ahri macai jira. Á jiro tiro mari yoaro sehe jiro tjira. ¿Á jiparota nohopu tuhoari tiro ahri buheare? —ni durucure tina ti basi.

⁵⁷ Á jia tina tirore cahmaerare. Tí ã cahmaerachu ñuno ò sehe nire Jesu tinare:

—Cohamacu yare yahu mũhtarirore paina ño payora. Tí ã ño payopachuta to ya maca macaina, to coyea tirore ño payoerara. Á jina yãhure ño payoerara mña òi yu bucuariro jichu —nire tiro tinare.

⁵⁸ Á jiro tirore ti wacũ tuaerachu ñuno “Cohamacu macuno jira”, ti ni duaerachu ñuno, tí macai Cohamacu tuua mehne payu tahari yoa ñoerare Jesu.

14

João bautisariro cjiro to yariarire yahuha

(Mr 6.14-29; Lc 9.7-9)

¹ Tí pjare Herode Galilea macariro puhtoro Jesu to yoarire tuhorocaha.

² Á tuhoro ò sehe nimaha:

—João masare bautisariro yariariro cjiro pari turi bajuaro nica. Á jiro mipure to bajuari baharo ahri tuaare cãara tiro bajuamehneare yoaro —nimaha Herode to cahamacare. (Jesure “Joãota jira”, ni tuhotumaha tiro Joãore ti wajãri baharo.)

³⁻⁵ Joãore to wajã dutihtu pano Herode to bahuro Felipe namonore namo tiha. To ã yoachu ñuno João bautisariro Herode sehere ò sehe nia timaha:

—Mu bahu namonore namo ticu Cohamacu dutiare yuhduracai nina mũhu —nia timaha João.

To ã niri buhiri Herode tirore wajã duamaha. “João Cohamacu yare yahu mũhtariro jira”, ni tuhotura judio masa” nino, tina sehere cuiha Herode. “Joãore yu wajãchu tina suaboca” nino, tinare cuiha. Á cuiro Joãore wajã duaeramaha. Á wajã duaeraparota Herode tirore ñaha duhte duti, peresu yoaha. To namono Herodia to dutiro mehne ã yoaha.

⁶ Á yoa Herode to masa bajuari dacho jichu bese namu yoaha tiro. Tóti Herodia macono bese namu wihiina ti ñurocaroi basa ñoha. To ã basa ñochu ñuno Herode wahcheha. Á wahchore ticorore ò sehe niha:

⁷ —Cohamacu mehne potocã niita nija. Yãhure mu sinino purota waittja yuhu mũhure —niha juna Herode sehe Herodia maconore.

⁸ To ã nichu tuhoro Herodia to maconore to sinihtore yahuha ticorore. To ã yahuchu to macono sehe ò sehe ni siniha Herodere:

—João masare bautisariro dapure cãa ta dutiga. Á yoacu waparo mehne tí dapure waga yãhure —niha ticoro.

⁹ To ã nichu tuhoro Herode tuaro cahyaha. Masa ti ñurocaroi “Waittja mũhure”, niha

tiro. Ā jiro tiro bwo tiro “Māhare to dapure waeraja”, ni masieraha ticorore. Ā jiro ticoro to dutiriro seheta Herode sehe to cahamacare Joāore wajā dutiha.

¹⁰ João dapure cjā taroca dutiha juna.

¹¹ Ā cjā ta tuhsu, waparo mehne to dapure na taha tina. Herodia maconore to dapure ti wachu, ticoro sehe to pocorore yuhdoha tjoa.

¹² Ti ā yoari baharo João buheina ta, to pjacure masa copapu na cūha. Ā cū tuhsu, tina tīre Jesure yahua tare.

Cinco mil bui masare chūa waha Jesu

(Mr 6.30-44; Lc 9.10-17; Jn 6.1-14)

¹³ Ti ā ni yahuchū tuhoro, Jesu sā mehne dohoriai samu, masa marienopu suho wahare. Jesu tōpu to wahachū tuhōa, masa ti ya macaripu jirina ta, mahapu tirore nana ti wahcāre.

¹⁴ Tuhsu, sā wahā sari baharo tiro payu masare űno, pja űne tinare. Ā pja űno tina mehne macaina dohatiinare noaina wahachū yoare.

¹⁵ űnamichahapu sā to buheina tirore ō sehe nii:

–űnamichahapu jira. Ō masa marienopu jira. Ā jicu macaripu masare ti chūhtire nuchū dutiga ti puhī tihti cjihtire –nimai sā tirore.

¹⁶ Jesu yuhtire sāre:

–Wahaea tjiaro tina. Mūsa basita chūare waga tinare –nire sāre.

¹⁷ –Cū wamomaca pihtia pāo curi, puaro wahi mehne jira sāre. Tī dihtare cjuaja sā –ni yuhtii sā.

¹⁸ –Tīre yuhure na tahga mūsa –nire sāre.

¹⁹ To ā nichū tuhona na wahcāhi sā to cahai. Sā na sari baharo tja bui masare tiro duji dutire juna. Ti dujichū cinco pāo curire, puaro wahire na, muanopu űn muo, Cohamacare “Noana”, nire. Ā ninota pāo curire nuha, sāre to buheinare ware. To ā wachu sā sehe tīre masare witi.

²⁰ Ā jia jipihtina noano chū, yapi yuhdūa wahare. Ti yapi wahyorire doce puhuse waro na cahmachu, wahpo dapoi sā to buheina.

²¹ Tōi tīre churina mūa dihtare mari quihōchū cinco mil mūa jire. Numia, macanacā cāhū jire.

Jesu co bui ducu wahcāha

(Mr 6.45-52; Jn 6.16-21)

²² Baharo sāre to buheinare Jesu bācupariro pa buhusehe copu pahāyu dutire masare to coha sitiro watoi.

²³ Coha siti tuhsu, tūcupu mūa, Cohamacare sinino wahaha. űnamine tōi tiro cāirota jiha.

²⁴ Tī pjaihta bācupariro dacho macai dohorīa mehne pahārucuna nimai sā. Wihnono tuaro ta, pahcōri bujua wahcā, dohorīare cjā sāre.

²⁵ Wihnono tuaro to wāchū bohrea mūja tahto pano Jesu co bui ducu tare sā cahapu juna.

²⁶ Sā cahapu to tachū űnua cui nii sā. Ā cuina sañurucumai sā:

–Yariariro cjiro pjacu jira –ni sañurucumai sā.

²⁷ Sā ā cuichū űnua Jesu ō sehe nire:

–Ne yuhare űn cūaena tjiga. Yuhūta jija –nire sāre.

²⁸ To ā nichū tuhoro Pedro ō sehe nire tirore:

–Puhtoro, potocāta mūhūta jicu, co bui yuhure mū cahapu ducu wahcā dutiga –nire tiro.

²⁹ –Taga –ni yuhtire tiro sehe.

To ā nichū Pedro dohorīapu jiro co bui ducu su Jesu cahapu ducu wahcāmāre.

³⁰ Wihnono tuaro to tachū űnua cuire tiro. Ā cuiro diha bōraa wahamāre.

–Yuhare yoadohoga puhtoro –ni sañurucure tiro Jesure.

³¹ To ā nichūta to wamomacare űaha:

–Mahānōcā wacū tuara mūhū yuhure. ĀDohseacu yuhure wacū tuaerajari mūhū? –nire tiro Pedore.

³² To ā niri baharo dohorīapu samu tare tina. Ti ā samu tari baharo wihnono yūsu borare.

³³ Ā jina sā to buheina dohorīapu jiina na tuhucua caha su, Jesure űo payoi:

–Potocāta mūhū Cohamacu macūnota jira –nii sā tirore.

Genesare macaina dohatiinare yuhdoha Jesu

(Mr 6.53-56)

³⁴ Ā yoarina cjiro pahā, Genesare wama tiri yahapu sui.

³⁵ Tō macaina Jesure űn masire. Ā masia tō cahai jiinare Jesu to wihirire yahu site pahōore. Ā ti yahu sitechū tuhōina payu dohatiinare tiro cahapu na tare.

³⁶ –Mū suhtiro dūhtū caha dihtare sāre űaha űn dutiga –ni sinire tina Jesure. Ā jia to suhtirore űaha űūinape tōpeinata noaina wahare.

15

Masa űaina wahachū yoare yahua Jesu

(Mr 7.1-23)

¹ Ā yoa Jerusalē macaina, fariseo curua macaina, marine judio masare buheina mehne Jesu cahapu wihia, ō sehe ni siniture tirore:

² –ĀDohse yoa mari űnachusuma cjiropu ti yoa dutiriro seheta yoerajari mū buheina

sehe? Tina ti chuhto pano ti dutiriro seheta wamo cosaerara —nire tina Jesure.

³ Jesu ò sehe ni yuhtire tinare:

—¿Musa sehe dohse yoana Cohamacu dutia sehere yoajerari musa? ¿Dohse yoana mari ñuchusuma cjiri panopu macaina ya dutia dihtare yoajari musa sehe?

⁴ Ò sehe nina Cohamacu: “Musa pucsumare ño payoga”, nina. “Cüiro to pucsumare ñaare quiti dahreriro jiro ti buhiri paina ti wajähtiro cjihto jirohca”, nina Cohamacu.

⁵ To ã nipachuta ò sehe ni dutira musa sehe ti pucsumare yoadoho dutierana: Ti pucsumare ti waborire Cohamacu sehere wa dutira musa. Æ ni buhemana musa.

⁶ Æ buhena ti pucsumare ño payochu yoajerara musa. Musa ã yoana Cohamacu dutiare yuhdugacana nina musa, mari ñuchusuma cjiri panopu macaina ya dutia dihtare yoana.

⁷ Masa ti baharo buhusehei ñano yoa cohtaina jira musa. Cohamacu yare yahu muhtariro Isaia cjiro musare potocata yahu joaa tiha panopure:

⁸ “Ahrina masa yuhare noano durucupahta ti tuhoutuare yuhare ne ño payoerara.

⁹ Æ jia yuhare ti ño payoa ne yaba cjihti jierara.

‘Cohamacu ya dutia jira ahrí’, ni mahño buhera ti ya buhea sehere”, ni joaa tiha Isaia cjiro —nire Jesu fariseo curua macainare, mari coyea judio masare buheina cãhure.

¹⁰ Æ ni tuhsu to cahapu paina cãhure pjiroca, ò sehe nire:

¹¹ —Yuhare tuhona taga. Tuhsu, yu niare noano tuho ñahaga musa. Musa duserihi sãa sehe musa chua sehe musare buhiri tichu yoajerara. Musa ñaa durucua sehe musa duseri wijaa sehe musare buhiri tichu yoara —nire Jesu.

¹² To ã ni buheri baharo sã to buheina sehe tirore yahui:

—Mu ã nichu tuhoa fariseo curua macaina suaa nire —ni yahui sã tirore.

¹³ Tíre tuhoro, ò sehe ni yuhtire sãre:

—Tina fariseo curua macaina toaa yucu yoaro sehe jira. Yu Pucu muano macariro jipihita toaa yucure to toaerari cjirire nuhcori mehneta cure, cohãnohca. Æta yoarohca tinare.

¹⁴ Tinare ã ñunocahga musa. Tina capari ñueraina ti ñu masieraro seheta ne Cohamacu yare masierara. Æ jia pichacapu wahaahca. Æ masierapahta paina masierainare buhe duamana. Æ jia tina, ti buheina cãhu soro jia buheare cahmaahca, capari ñueraina painare tuã wahcã, jipihitina copapu ti borariro seheta —nire Jesu.

¹⁵ To ã nichu tuhoro Pedro ò sehe nire:

—Ahrí quitiere masa ti duseri wijaa quitiere yahu namoga sãre tjoa —nire tiro Jesure.

¹⁶ Jesu ò sehe ni yuhtire:

—¿Ne, tuhoerasinijari musa?

¹⁷ Masa ti chuare chuachu tí ti duseroi sãahna. Æ jia ti pjaropu sãa su, yuhdu wijaa wahara. Wiho waro jira. Mari chua marine buhiri tichu yoajerara, Cohamacu to ñuchu. ¿Ahríre masierari musa?

¹⁸ Masa ti duseroi wijaa, ti durucua sehe ti tuhoutuapu tara. Ti durucua sehe ñaa jia masare buhiri tichu yoara.

¹⁹ Ñaa tuhoutua, masare wajãa, paio namono mehne ñano yoaa, ñano yoaa numia mehne ñano yoaa, yacaa, mahñoa, masare ñano quiti dahrea masa ti tuhoutuapu tara.

²⁰ Tí ñaa sehe masare buhiri tichu yoara. Wiho mejeta mari ñuchusuma cjiri ti yoaa tiriho cjiro seheta masa wamo cosaerapahta ti chuachu tí masare buhiri tichu yoajerara —nire Jesu.

Judio masono jieraricoro Jesure wacũ tuaha

(Mr 7.24-30)

²¹ Æ ni buhe tuhsu, sãre suho wahare tjoa. Tiro wama tiri maca cahapu Sidõ wama tiri maca cahapu sui sã.

²² Sã tõpu suchu Canaa yahpa macaricoro tõi jiricoro Jesu cahapu wihiro, sañurucure:

—Puhtoro, Davi panamino masare yuhduchu yoahitiro, yuhare pja ñuga muhu. Yu macore yuhduchu yoabasaga muhu. Yu maco wafino to cohtaricoro, ñabiaro yuhdura ticoro —ni sañurucure to pocoro.

²³ To ã nipachuta Jesu ticorore yuhtierare. To ã yoachu ñuna sã to buheina sehe tirore ò sehe nimai:

—Waha dutiga ticorore. Nu cariboro bisica —nimai sã.

²⁴ Sã ã nichu tuhoro Jesu ò sehe ni yuhtire ticorore:

—Israe masare Cohamacure masieraina dihtare yoadoho dutiro warocare yu Pucu yuhare —nire tiro.

²⁵ To ã nipachuta Jesu dahpori cahai na tuhcuca caha sure ticoro tirore ño payoro.

—Puhtoro, yoadohoga yuhare —nire ticoro.

²⁶ Jesu ò sehe ni yuhtire ticorore:

—Ò sehe jira ahrí: Wahmanore wuhu puro pohna ya chuare dieyacãre yu wa muhtachu tó wahaerara. (Israe masa yare pa yahpa macainare yu wa muhtachu tó wahaerara) —nire Jesu ticorore piti dahre yahuro.

²⁷ —Æ tjira puhtoro. Æ jipachuta dieyacã cãhu wuhu puro mesa docai ti chu site boroare chu cohtara tinacã cãhu. (Pa yahpa macaricoro yu jipachuta yuhu cãhure yoadoho masina muhu) —ni yuhtire ticoro.

²⁸ To ã nichu tiro ò sehe ni yuhtire:

—Ne numino, mahu yuhare tuaro wacu tuara. Mā cahmano seheta ā waharohca — nire Jesu ticorore.

To ā nichuta dōihta noaricoro wahare to macono.

Payu dohatiinare noaina wahachu yoaha Jesu

²⁹ Ā ni tuhsu säre suho waha, Galilea wama tiri bucpariro duhtu cahapu suho sure tjoa. Su, mahaducā tucare mēja, tē buipū dujire.

³⁰ Tōi to jichu payu masa tini masierainare, capari űnerainare, cā buhusehe űano dahporo tinare, durucu masierainare, payu paina dohatiinare tiro cahapu na wihire masa. Na wihī tuhsu Jesu dahpori cahai duhu cūre tina. Ti ā duhu cūri baharo noaina wahachu yoare Jesu tinare.

³¹ To ā yoachū űna masa űn cūaa wahare. Durucu masieraina ti durucuchū űna, cā buhusehe űano dahporo tiina noaina ti wahachu űna, tini masieraina ti tinichū űna, capari űneraina ti űnchū űna, cūaa wahare tina. Ā jia ō sehe nire:

—Israe masa mari puhtoro, Cohamacu tariro, noariro jira —ni űo payore tina Cohamacure.

Cuatro mil masare chūare waha Jesu (Mr 8.1-10)

³² To ā yoari baharo Jesu säre to buheinare to cahapu pjiroca, ō sehe nire:

—Ahrina masa yahu mehne tia dacho waro ji tuhsara. Ā yoa tinare ti puhi mari-ahna. Ti puhi mariachū űncu tinare pja űnja. “Tinapu jūca baaina, mahai borari”, nīcu tinare chūa marieno ti wuhusepu waha duti duaeraja. Ā jicu tinare puhi wa duaja —nire tiro.

³³ To ā nichū sā to buheina tirore sinitu űni:

—¿Dohse yoa mari ōre masa marienopure pāore boca wabocari mari? —nī sā tirore.

³⁴ —¿Nohope curi pāo curire cūajari mūsa? —nire Jesu.

—Siete curi, wahi cāhure mahainacā cūaja —ni yuhtii sā.

³⁵ Sā ā nichū tiro masare yahpai duji dutire.

³⁶ Tuhsu siete pāo curire, wahicā cāhure na, Cohamacure “Noana”, nire. Ā ninota pāo curire nuha, säre to buheinare ware. Ā jina sā sehe tī chūare masare witi.

³⁷ Ā jia masa tīre chū, yapi yuhduā wahare. Ti yapi wahyorire siete puhuse waro wahpo dapoī sā.

³⁸ Tōi churinare mūa dihtare mari quihōchū cuatro mil waro mūa jire. Numia, macanacā cāhū jire.

³⁹ Ti ā chū tuhsuchū Jesu masare waha dutire. Ā ni tuhsu dohoriapu samu, Magadān wama tiri yahparu säre suho sure.

16

Fariseo curua macaina, saduceo curua macaina cāhū Cohamacu tuaa mehne Jesu to yoa űochū űn duamaha

(Mr 8.11-13; Lc 12.54-56)

¹ Ā yoa fariseo curua macaina, saduceo curua macaina mehne Jesu cahapu wihire. To űano yoachū űn duamare tirore yahusā duaa. Ā jia tina tirore Cohamacu tuaa mehne yoa űo dutimare to masierachū űn duaa, “Cohamacu warocariro jierara”, nia taa.

² Ti ā yoa dutichū Jesu ō sehe ni yuhtire tinare:

—űamichahapu sū sāachū to noano sohāchū űna “Noari űami jirohca”, nina mūsa.

³ Tuhsu, bohrearo űichuri dacho to jichū űna “Coro tarohca”, nina mūsa. Ā noano masina jipanahta Cohamacu tuaa mehne mūare yu yoa űochū űpanahta ne tīre noano masierara mūsa.

⁴ Mīpu macaina űa yuhduina Cohamacure cahmaeraina Cohamacu tuaa mehne yu yoa űochū űn duamana. Yoa űosi yuhū. Cohamacu yare yahu mahtariro cjiro Jona cjiro to dohse waharirore masi tuhsure mūsa. Ti dihtare űoihtja mūare —ni yuhtire Jesu.

Ā ni yahu tuhsu suho wahaa wahare tjoa.

Fariseo curua macaina, saduceo curua macaina ti űaa buheare yahuha Jesu

(Mr 8.14-21)

⁵ Bucparirore sā pahāna, pāore bo pahā tari jihti sā.

⁶ Ā jiro Jesu säre ō sehe ni yahure:

—Noano yoanohbū. Fariseo curua macaina, saduceo curua macaina ti pāo bucparore űna noano yoaga. Cua nina tī —ni yahure.

⁷ To ā nichū tuhona tuho wisia wahana, sā basi tīre ō sehe ni durucui:

—Mari pāore mari na taerachū űno ā nipucu tiro —nimai sā, sā basi.

⁸ Sā ā nirire masino, säre ō sehe ni siniture:

—¿Dohse yoana pāo sehere wacūjari mūsa? Mahanocā waro yuhare wacu tuara mūsa.

⁹ ¿Masierasinihari mūsa? ¿Cinco mil mūare cinco pāo curire yu nuha warire numia cāhure yu warire wacūerajari mūsa? ¿Ti yapi wahyorire doce puhuse waro mūsa wahpo daporire wacūerajari mūsa?

¹⁰ ¿Ā jicu siete pāo curire nuha, cuatro mil mūare yu warire numia cāhure yu warire wacūerajari mūsa? ¿Nohope puhuse waro mūsa wahpo daporire wacūerajari mūsa?

¹¹ Ā jina pāo bucuarore yu yahuchu dohse yoana noano tuhoerari msa? Ā nicu pāo warore nicu nieraja. Fariseo curua macaina, saduceo curua macaina ti pāo bucuarore űna noano yoaga. Cua nina ti – ni yahure säre tiro.

¹² To ā ni yahuchupu sã masii. “Pāo bucuaro” nino, pāo warore nino nierare. Ā nino fariseo curua macaina, saduceo curua macaina ti buheare nino niri jimare säre. “Ti ya buheare tuhoena tjiga”, nino nire.

Jesu potocã Cristo to jiare Cohamacu warocariro to jiare yahuha Pedro
(Mr 8.27-30; Lc 9.18-21)

¹³ Ā yoa Jesu mehne wahana, Cesarea Filipino wama tiri maca cahai jia macaripu sui sã. Tuhsu, macapu sã sari baharo Jesu säre to buheinare siniture:

– ĀDiuro baro jicari yuhu masa yuhure ti tuhotuchu? –ni siniture tiro.

¹⁴ – “João masare bautisariro jira”, nina mähure. Paina “Elia jira”, nina. Ā yoa paina sehe tjoa, “Jeremia jiboca o paio Cohamacu yare yahu muhtariro cjiro jiboca”, nina –ni yuhtii sã tirore.

¹⁵ – ĀMusa sehe musa tuhotuchu diro baro jicari yuhu? –ni sinitu űre tjoa.

¹⁶ Simo Pedro õ sehe ni yuhtire:

– Mũhu Cristo Cohamacu warocariro jira. Cohamacu catiriro waro macunota jira mũhu –ni yuhtire Simo Pedro.

¹⁷ To ā nichu tuhoro Jesu tirore õ sehe nire:

– Simo Jona macuno mũhu wahcheriro jira. Ő sehe ni yuhure mu yuhtichu masa ti ni yahuri jierara. Yu Ruacu mũano macariro sehe tĩre mähure masichu yoare.

¹⁸ Mähure niita nija. Mũhu Pedro wama tiriro jira. (Pedro nino, “tãca”, nino nina.) Ahri tãa wapa bui pjiri wuhure yu yoaboriro seheta yu yaina sehene pjiri curua jichu yoaihca yuhu. Ā jia watĩno to yaina mehne ne yu yainare yuhducasu. Ā jia yu yaina ne pichacapu wahasi.

¹⁹ Mũano macariro mari puhtoro to suho jiru macari sawire mähure waihtja. Ā jicu ahri yahpare űaare mu yoa dutierachu mũanoru cãhure yoa dutisi. Ahri yahpare noaare mu yoa dutichu mũanoru cãhure yoa dutia jiahca –nire Jesu.

²⁰ To ā niri baharo säre to buheinare õ sehe nire:

– Yuhure “Cristo jira tiro”, ni yahu sitesiniena tjiga painare –ni dutire säre.

Jesu to yariahtore, to masa wijahto cãhure yahuha

(Mr 8.31–9.1; Lc 9.22–27)

²¹ Ti pjata Jesu säre to buheinare noano yahu pahño ducare:

– Jerusalẽpu yuhure waharo cahmana mipure. Tõpu mari coyea judio masa

bucuna, sacerdotea puhtoa, marine judio masare buheina cãhu yuhure űano yoaihca. Yuhure wajãahca. Āta űano yuhduro cahmana yuhure. Ā jicu tia dacho wahaboroi masa wijaaihca –ni yahure säre tiro.

²² To ā nichu tuhoro Pedro sehe pa sehe curerocã Jesure narucu su, tirore õ sehe nire:

– Puhtoro, mu nino sehe ā wahaero tjijaro. Mähure tina wajãea tjijaro –nimare tiro Jesure.

²³ To ā nichu tuhoro Jesu majareruca, tirore õ sehe nire:

– Satana yoaro sehe durucui nina mũhu. Ā nii tjiga. Mu tuhotua masa ya jira. Cohamacu ya jierara. Ā jicu yu yoahdore ducata duara mũhu –nire Jesu Pedroro.

²⁴ To ā niri baharo säre yahure:

– Cãuro yu yairo ji duaro, to cahmano yoa duamarine duhunocano. Crusapu yu űano yuhduhtiro seheta yu yairo to jiri buhiri űano yuhduparota yuhure duhusi. Ā jiro yu yare yoarucuriro jirohca.

²⁵ Masuno yuhure wacũno marieno to mu sũro to cahmano seheta yoariro pichacapu waharohca. Tuhsu, masuno yu yare ā yoarucuriro jipihtia dachoripe yuhu mehne mũanoru jirucurohca tiro.

²⁶ ĀCãuro masuno ahri yahpa macaare jipihtiare cjuariro Cohamacure cahmaeraro pichacapu waharo, yabare wapatajari tiro? Ā jiriro ne wapataerara. Pichacapu to wachu ne dohse wapa wiolto basioerara.

²⁷ Yuhu masuno Cohamacu warocariro yu yaina anjao mehne ahri yahparu tjua tacu yu Ruacu to si sitea mehne tjua tacu jipihtina masare ti űaa yoari buhiri dahreihhtja. Noaa sehene ti yoachu noano yoaihtja tinare.

²⁸ Potocã masare yahuihtja. Cãina musa õpũre jiina musa yariahto pano yuhure yu tachu yu puhto sãachu cãhure űnahca –ni yahure Jesu.

17

Jesu to pjacure cohtotaha
(Mr 9.2–13; Lc 9.28–36)

¹ Ā yoa seis dachori baharo Jesu Pedroro, Santiagore to baharo João cãhure mũadu tãcupu tina dihtare pji mũajare.

² Mũanoru ti sari baharo ti űarocaroi to pjacure cohtotaha. To wuhduca sũ dacho macariro yoaro sehe si siteha. Tuhsu, to suhtiro buhriaro yoaro seheta yehsea tiha.

³ To ā cohtotachu Jesu Moise cjiro, Elia cjiro mehne ti sũhduchũ űaha tina tiaro Jesu buheina.

⁴ Ā jiro Pedro Jesure õ sehe nimaha:

– Puhtoro, mari õi jichu noa duara. Mu cahmachu tia wuhucã yoaihtja. Mu ya

wahucā, Moise ya wahucā, Elia ya wahucā yoahtja —nimaha tiro.

⁵ To ā nino watoi me curua noano si sitea me ti bui duji pja wihiha. To ā duji pja wihichuta, me curua watoi ō sehe nino coa taha:

—Ahriro yu macu yu cahīriro jira. Tiro mehne wahcheja. Tirore tuhoga —nino coa taha.

⁶ Ā nino coa tachu tuhoga to buheina cuaa waha, yahpai doca caha suha.

⁷ Ti ā wahari baharo Jesu tina cahapu su, tinare bua carerota, ō sehe niha:

—Wahcārucaga musa. Mipare musa űirire, musa tuhori cūhure cuiena tjiga —niha tiro tinare.

⁸ To ā nichu tina űuroca, Jesu dihtare űuha. Ti űurina cjiri sehe marieraha juna.

⁹ Ā jia tūcūpu ti duji tachu Jesu tinare tuaro mehne ō sehe niha:

—Michapucā yu ā waharire painare yahuenta tjiga. Yuhu masuno Cohamacu warocariro yu yaria masa wijaari baharo tīre painare yahuga musa —niha Jesu.

¹⁰ To ā niri baharo Pedro cūhu tirore ō sehe ni sinituha:

—“Cristo masare yūhdohtiro to tahto pano Eliare ta muhtano cahmana”, nina marine judio masa buheina. ĶDohse jiro baro ā nijari tina? —ni sinituha tina tirore.

¹¹ Jesu ō sehe ni yūhtihā:

—Potocā tjira. Eliare ta muhta dutire Cohamacu, jipihitiare cahno muhtahtirore.

¹² Ō sehe nicu musare nii nija. Elia wihi tuhsare. To ā wihipachuta tina tirore ne űu masierare. Ā jia ti dohse yoa duaro űano yoari jire tirore. Āta yoaahca yuhu cūhure. Yuhu masuno Cohamacu warocariro jija. Ti ā yoaachū űano yūhdūihca yuhu —niha Jesu.

¹³ To ā ni yahuchū tina noano tuhoha. “Elia” nino, Joāo bautisarirore nino niha. Tīre masiha tina.

Jesu űama yaria mūnare dohatirirore yūhdoha

(Mr 9.14-29; Lc 9.37-43)

¹⁴ Ā yoa payu masa cahapu ti duji tachu űuno cūiro mūno Jesu cahapu su, na tuhcuā caha sure.

¹⁵ —Puhtoro, yu macucāre pja űuga. Tiro űama yaria mūnare dohatiriro jira. Ā jiro tiro űabiaro yūhdura. Payu tahari pichacapu bora su caha mūjana tiro. Cāa tahari diapu bora űoja mūjana.

¹⁶ Ā jicu mu buheina cahapu tirore na sumahi. Tina tirore noariro wahachu yoa masierare —nire tiro Jesure.

¹⁷ Jesu ō sehe ni yūhtire:

—Mipu macaina, musa űaa buhiri tiina jira. Yuhure ne wacū tuاعرara. Yoabiari pja musare buhemaja yuhu. ĶNoho puro yoari

pja yuhure musa caribobocari? Tirore na tahga yuhure —nire Jesu.

¹⁸ Ā jiro watīnoro to tuhtichuta watīno sehe masunocāre sāariro cjiro wahaa wahare. To ā wahari baharocāta noariro wahare tiro.

¹⁹ Baharo sā to buheina sā sahsero jina Jesure ō sehe ni sinitui:

—ĶDohse yoana sā sehe ahriro sehene watīnoro cohā masierari, mu tuhutuchū? —ni sinitui sā.

²⁰ Jesu ō sehe ni yūhtire:

—Yuhure mahanocā wacū tuara musa. Potocā musare yahuita nija. Mostaza yapacā mahari yapacā jiparota duropu jpidu wahara. To ā wahariro seheta Cohamacure wacū tuana ō sehe wahachu yoa masinahca musa. Ahdu tūcure “Sohōpu wahaga”, musa nichu, waharohca. Cohamacure tō seheta wacū tuana, jipihitiare yoa masina musa.

²¹ [Wiho mejeta ahriro baro watīnoro musa cohā duana Cohamacure tuaro sinino cahmana musare. Ā yoa duana chu duhuro cahmana musare Cohamacure sinina tanal] —nire Jesu sare.

Pari turi Jesu to yariahtore, to masah-tore yahuha

(Mr 9.30-32; Lc 9.43-45)

²² Ā yoa Galilea yahrapu sā tinichu, Jesu sare ō sehe ni yahure:

—Yuhu masuno Cohamacu warocariro jija. Masa yuhure űaha, painapure yuhure waahca.

²³ Ā ti wari baharo yuhure wajāahca tina. Ā ti wajāricu tia dacho wahaboroi masa wi-jaiihca —ni yahure tiro sare.

To ā ni yahuchū tuhona tuaro cahyai sā.

Cohamacu wuhu macaa wapa cjihtire sinituha paina

²⁴ Ā jina Capernaupu sā suchu, Cohamacu wuhu macaa cjihtire wapa na cohtaina Pedro cahapu su, tirore ō sehe ni sinitu űure:

—ĶMusare buheriro Cohamacu wuhu macaa wapa cjihtire wapajari tiro? —ni siniture tina.

²⁵ —Wapara tiro —ni yūhtire Pedro.

To ā niri baharo wuhuru to sāachu Jesu ō sehe ni sinitu muhtare Pedrorre:

—ĶSimo, dohse ni tuhutujari mūhu? ĶAhri yahpa macaina puhtoa yabaina sehene wapa cahmajari, mu tuhutuchū? ĶTina mehne macainare wapa cahmajari? ĶŌ pa yahpa macaina sehene wapa cahmajari, mu tuhutuchū? —ni siniture tiro Pedrorre.

²⁶ —Pa yahpa macaina sehene wapa cahmana —ni yūhtire Pedro.

To ā nichu Jesu ō sehe ni yahure:

—Ā jiro puhtoro to ya yahpa macainare wapa cahmaerara.

²⁷ Ā jipachuta wapa na cohtainare suachu yoa duajeraja mari. Ā jina wapannahca

tinare. Виспарироры wahaga. Тóры су, yohgari canore doca ñoga. Á yoacu wahi mǎhure churirere tuága. То дuserоры niñeru tare bocaihca mǎhu. Тí тu quihóno wapa tiri тu jirohca. Yǎhure, mǎhu cáhure Cohamacu wǎhu macaina ti wapa cahmachu noano quihóno mǎ surohca tí тu. Тí tare bocacu mari wapamonore wapai wahaga – nire Jesu Pedrore.

18

Jesu buheina tina mehne macarirore puhtoro sô duaa nimaha

(Mr 9.33-37; Lc 9.46-48)

¹ Тí pjare sã to buheina Jesu cahapu су, õ sehe ni sinitui tirore:

–¿Mǎano macariro puhtoro to suho jiropǎre sã mehne macariro diro baro sehe wahabocari puhtoro? –ni sinitui sã.

² Sã ã nichu Jesu nijinocãre pjiroca, tirocãre sã panoi duhu dapore. Duhu dapo tuhsu, sãre õ sehe nire:

³ –Potocã musare yahu bahrañoihtja. Ahrina macanacã Cohamacure ti puhtoro waro tuhotura. Á jina musa cáhu pano musa tuhotumari cjirire cohtotaerana, tinacã yoaro sehe tuhotuerana mǎano macariro puhtoro to suho jiropǎre wahasi musa.

⁴ Á jiro mǎano macariro puhtoro to suho jiropǎre niji siaroca yoariro painare yǎhdǎgca duaerariro ahriro nijinocã yoaro sehe tuhoturirota paina bui puhtoro wahara.

⁵ Á jina yu yare yoana tana õ sehe jiiinacãre cahmana, yǎhu cáhure cahmana musa –ni yahure Jesu.

Ñaaare yoachu cua nina

(Mr 9.42-48; Lc 17.1-2)

⁶ Á ni yahu tuhsu, tinare õ sehe ni yahu namore:

–Ahrirocã sehe jirore yǎhure wacũ tuarirocãre yahuihtja musare. Pairo ahrirocã sehe jirore ñaaare yoa dutiro tiro ñabiaro yǎhdǎrohca. Cáirore to wamǎare pjiria tãcare duhte yo, pjiri mapu tirore ti cohãchu ñano wahaboa tiro. Á jiro ahrirocã sehe jirore ñaaare yoa dutiriro tiro sehe pjiri mapu ti cohãriro yǎhdoro ñano yǎhdǎrohca.

⁷ Masare ñaaare yoachu yoaa jira. Tíre yoaa ahrí yahpa macaina ñano yǎhdǎra. Ñaaare yoarucura masa. Те ã yoachu tinare ñaaare yoachu yoaina sehe ñabiaro yǎhdǎhahca.

⁸ Mǎ wamomaca mehne ñano yoacu tí wamomacare mǎ date cohãboro seheta tí mǎ ñaa yoaa sehene duhuga. Тíre duhueracu pichacapy wahaihca. Тóрыре ne pichaca yatierara. Mǎ wamomacare mǎ cohãchu tí si dihta butiboa. Tuhsu, mǎhu sehe ã si jipaihta baharo Cohamacu mehne jiihca. Pǎa wamomaca mehne pichacapy wahacu

mǎ ã wahachy ñaa yǎhdǎaboa mǎhure. Á jicu tí mǎ ñaa yoaa sehene duhuga.

⁹ Mǎ dahporo mehne ñano yoacu tí dahporo cáhure mǎ date cohãboro seheta tí mǎ ñaa yoaa sehene duhuga. Тíre duhueracu pichacapy wahaihca. Тóрыре ne pichaca yatierara. Mǎ dahporore mǎ cohãchu tí si dihta butiboa. Tuhsu, ã si jipaihta baharo Cohamacu mehne jiihca. Pǎa dahporo mehne pichacapy wahacu mǎ ã wahachy ñaa yǎhdǎaboa mǎhure. Á jicu tí mǎ ñaa yoaa sehene duhuga.

⁹ Mǎ capariaca mehne ñano yoacu tiare orewe mǎ cohãboro seheta tí mǎ ñaa yoaa sehene duhuga. Тíre duhueracu pichacapy wahaihca. Тóрыре ne pichaca yatierara. Tiare mǎ cohãchu tia dihta butiboa. Cũ bǎhusehe capariaca mariapaihta baharo Cohamacu mehne jiihca. Pǎa capariaca mehne pichacapy wahacu mǎ ã wahachy ñaa yǎhdǎaboa mǎhure. Á jicu tí mǎ ñaa yoaa sehene duhuga –ni yahure Jesu.

Oveja butiriro quitire yahuha Jesu

(Lc 15.3-7)

¹⁰ Á ni tuhsu, tinare õ sehe ni yahu namore:

–Ne, ahrinacãre macanacãre ñu yabiena tjiga. Musare niita nija yǎhu. Tinacãre ñu wihboina anjoa mǎanorǎ jiiina sehe yu Pǎcu cahapu ã jirucura.

¹¹ [Yǎhu masǎno Cohamacu warocariro ahrí yahpapy pichacapy wahaborinare yǎhdǎchu yoai tai nii yǎhu] –ni yahure Jesu.

¹² Á ni tuhsu to tuhotua mehne õ sehe ni quití dahre buhere sãre:

–Ovejare ñu wihboriro cien ovejare cjuariro cáiro oveja butia wahachy õ sehe yoarohca tinare ñu wihboriro sehe. Paina ovejare noventa y nueve ovejare ti churi campopy duhu dapo, butirirore macano waharohca.

¹³ Potocã niita nija musare. Tirore bocaro wahcherohca tiro. Paina noventa y nueve duhsaina mehne wahchera tiro. Tinare to wahcheriro yǎhdoro butiriro sehere bocaro tuaro wahcherohca.

¹⁴ Tó seheta ñu wihboriro oveja to butichy cahmaeraro seheta musa Pǎcu mǎano macariro ahrina wiho jiiina cáhure pichacapy tí wahachy cahmaerara –ni yahure Jesu.

Mǎ coyeiro mǎhure ñano to yoachy õ sehe yoa dutiha Jesu

(Lc 17.3)

¹⁵ Á ni tuhsu õ sehe ni yahu namore:

–Mǎ coyeiro mǎhure ñano to yoachy tiro mehne suhǎdui wahaga. Mǎsa sahsero tíre suhǎduga. Mǎ ã yoachy tiro mǎhure tuhoboca. То tuhocy “Mǎhure ne pari turi õ

sehe yoasi yuhū”, to nichū mū coyeiroke pari turi piti tii nica mūhū.

¹⁶ Mūhūre to tūho duaerachū pinihta cāiro mehne waha duacū o pūaro mehne waha duacū tinare piti ti wahcā, pari turi tiroke suhuduna wahaga. Mūsa ā yoachū mū sare pūaro o tiarore to tūhoeraputiachū űna paina Jesu yainare tiroke yahusāga, Cohamacū yare ti joari pū to niriro seheta.

¹⁷ Ā jina mūsa mehne macaina cāhure to tūho duaerachū jipihtina Jesu yaina cahmachuinare yahusāna wahaga. Ā jina Jesu yaina cahmachuinare to tūho duaerasinichū űna Cohamacūre cahmaerirōre mūsa yoaboriro sehe yoaga tiroke. Wapa na cohtarirōre mūsa yoaboriro sehe yoaga tiroke.

¹⁸ Potocā mū sare niita nija. Ahri yahpai mūsa Jesu yaina űaare mūsa yoa dutierachū mūanorū cāhure yoa dutisi. Ahri yahpai mūsa noaare yoa dutichū mūanorū cāhure yoa dutia jiahca.

¹⁹ Pari turi mū sare yahuihtja ahrire: Mūsa pūaro Cohamacūre sinichū, mūsa pūaro mūsa sinirire cāno potori mūsa tūhotuchū yū Pūcū mūano macariro tīre yoarohca.

²⁰ Pūaro o tiaro yū yaina yū yare yoahina cjihti ti cahmachuchū yuhū tina mehne jija –ni yahure Jesu.

Cahamacūno pairo to wapamonore to bo duaerari quitire yahuha Jesu

²¹ Baharo Pedro Jesu cahapū sū, ō sehe ni siniture:

–ĶPūhtoro, yū coyeiro mū yairo payū tahari yūhūre űano to yoachū űūcū nohore tahari tīre boihcari yuhū? ĶSiete tahari boihcari yuhū? –ni siniture Pedro.

²² Jesu ō sehe ni yūhtire:

–Siete tahari dihta mūhūre pairo to űano yoarire mū bochū tō wahaerara. Payū tahari mūhūre űano to yoachū cāhure boga.

²³ Mūano macariro masa bui pūhtoro to suho jiro ahri quiti yoaro sehe jira. Jipihtina masa bui pūhtoro jiriro tiroke dahra cohtainare tiroke wapamoinare wapa pahűo duti dutimaha.

²⁴ Ti wapamori cjirore to quihō dūcachū, tiroke dahra cohtaina sehe pjiro wapamorirore tiro cahapū na taha. Wapamoriro pjiario wapamoha to pūhtoro.

²⁵ Ā jiro tiro to wapa masierachū űano to pūhtoro tiroke, to namonore, to pohnare cahamacā sō, tinare painare dua dutimaha. Ā yoa jipihtia to cūaa cāhure dua duamaha, to wapamonore wapa dutiro.

²⁶ To ā dua dutichū pjiro wapamoriro sehe na tuhcuca caha sū, to pūhtoro tuaro siniha: “Pūhtoro, yūhūre pja űūcū cohtasiniga. Mūhūre wapa pahűoihca”, niha tiro to pūhtoro.

²⁷ To ā nichū tūhoro, tiroke pja űūno to wapamorirore āta bonocaha.

²⁸ To ā yoari baharo pjiro wapamoriro cjiro sehe waha, pairo dahra cohtarirōre tiroke mahanocā wapamorirore boca sūha. Ā boca sūro wamūa űāhaha tiroke. “Yūhūre mū wapamonore wapa bahrafioga”, niha tiro to mehne macarirore to yoaro sehe dahra cohtarirōre.

²⁹ To ā nichū pairo dahra cohtariro sehe na tuhcuca caha sū, tiroke tuaro sinimaha. “Yūhūre pja űūcū mahanocā cohtasiniga. Mūhūre wapa pahűoihca”, nimaha pairo dahra cohtarirore.

³⁰ To ā ni sinipachata tō mehne macariro tiroke yūhtieraha. Tuhsū, tiro pairo dahra cohtarirōre peresu yoa dutiha. Pū to wapa pahűochūpū wiorohca tiroke.

³¹ Pjiro wapamoriro cjiro mahanocā wapamorirore to űano yoachū űū, susini, paina dahra cohtaina sehe ti pūhtoro yahusāa wahaha.

³² Ti ā ni yahusāchū tūhoro ti pūhtoro ti yahusārirore pjiroca, ō sehe niha: “Mūhū űābiario jira. Mū yūhūre tuaro sinichū mū wapamorirore bo pahűomahi yuhū.

³³ Mūhūre yū ā yoapachuta mūhū sehe mūhūre wapamorirore boerayuhti. Mū wapamoriro sehere yū boriro seheta tiro mūhūre to wapamoriro cāhure mū bochū noabiaboa. ĶDohseacu tiroke pja űūerari mūhū ā yoacu?” niha to pūhtoro tiroke.

³⁴ Ā nino tuaro sua, peresu yoaha tiroke dahra cohtarirōre. Pū to wapa pahűochūpū wiorohca –ni yahure Jesu.

³⁵ Ā ni tuhsū, ō sehe ni ahri quitire yahu batoare:

–Tō seheta yoarohca yū Pūcū mūano macariro mū sare. Mūsa jipihtina mūsa coyea mū sare ti űano yoarire noano mūsa bo pahűoerachū tiro mū sare buhiri dahrerohca –nire Jesu.

19

Ti namosānumiare cohāare yahuha Jesu (Mr 10.1-12; Lc 16.18)

¹ Tiro to ā ni yahuri baharo tiro Galileai jiriro Judea yahpapū sāre suho wahare. Jordāo pa buhusehe coarū sui sā.

² Tōrū sā wahachū payū masa sāre nūnū ti wahcāre. Tina mehne macainare dohtatinare noaina wahachū yoare tiro.

³ Ā yoa cāina fariseo curua macaina Jesure yahusā duaa, űano to durucuchū tūho duaa, tiroke ō sehe ni sinitu űare:

–ĶMari cahmano seheta mari namore cohāchū noabocari? ĶMari dutia sehe tō seheta yoa dutijari, mū tūhotuchū? –ni sinitu űare tina.

⁴ Jesu ō sehe ni yūhtire:

—¿Cohamacu yare ti joari pui ne ahrire buherasiniri masa? O sehe ni joaa tiha: “Wahmanopure ahri yahpare bajuamehneriro mano, numino cahure yoaha”, ni joaha.

⁵ Tuhsu o sehe ni joa namoha: “Muno to pucsumare cohã wija, to namono mehne jirohca. A jia tina puaro jipahta cã pjacu yoaro seheta jira”, ni joa namoa tiha.

⁶ A jia tina puaro yoaro sehe jierara. Cã pjacu yoaro sehe jia nina. Cohamacu to wamomaca dũhte dutiina jira. A jia tinare duhueraro cahmana —nire Jesu tinare.

⁷ To a nichu fariseo curua macaina o sehe ni sinitu tjao:

—Mu a ni yahupachuta o sehe ni joaa tiha Moise cjiro sehe: “Mu namore cohã duacu papera pui tire joaga. A joacu ti pure mu namore mu wari baharo ticorore cohã masina muhu”, ni joaa tiha Moise cjiro. ¿Mu nino sehe jipachuta Moise cjiro sehe dohsearo o sehe ni joari? —ni sinitu namore tina tire.

⁸ Jesu o sehe ni yũhtire tinare:

—Cohamacure masa ñuchusuma ti tuho duaerachu ñano ti namosãnumiare ti cohãchu, “Ata yoawahnojaro”, ninocaa tiha Moise. To a nipachuta wahmanopure ahri yahpare a jierare.

⁹ Musare niita nija. Masuno to namono to ñano yoerapachuta ticorore cohãno, pacorore namo tiro, tiro pacoro mehne ñano yoaro nina. [Tuhsu, ahriro to cohãricorore namo tiriro cahũ ticoro mehne ñano yoariro jira] —nire Jesu.

¹⁰ To a nichu tuhona, sã to buheina sehe tire o sehe nii:

—Tõ sehe muno to namono mehne ti cahma cohãerachu mari sehere mari namo tierachu noaboca —nii sã.

¹¹ Jesu o sehe ni yũhtire:

—Musa nino seheta jira. A jiro cãinare namo ti dutierara Cohamacu.

¹² Mũare namo ti dutieraa cãa jira. Cãina mua numiare cahmaeraina masa bajuara. Paina mua masa ti wapãri tõhoca ti warina sehe namo ti masierara. Paina mua mũano macariro ti puhtoro yare yoadoho dua, namo tierara. A jia ahriina namo ti duaeraina ata tuhotunocaina, tõ seheta ti ji sohtori tichu noana —nire Jesu sãre.

Macanacã ya cjihtire Cohamacure sini payoha Jesu

(Mr 10.13-16; Lc 18.15-17)

¹³ A yoa masa macanacãre Jesu caharu na wihire. A na wihia, tina Jesure to wamomacare tinacã bui ña payo duti duamare. A yoa tinacãre Cohamacure sini payo duti duamare Jesure. Ti a yoachu ñana sã to buheina tinare tuhtimahi.

¹⁴ Sã a tuhtichu ñano, sãre Jesu o sehe nire:

—Macanacã yu caharu tajaro. “To cahai wahaena tjiga”, niena tjiga tinacãre. Tinacã Cohamacure ti puhtoro tuhotura. puhtoro Cohamacu to suho jiina ahriinacã yoaro sehe tuhotuina baro dihta jira —nire Jesu sãre.

¹⁵ A ninota to wamomacare tinacã bui ña payo tuhsu, waha wahare.

Pache puaro Jesure sinitu ñaha

(Mr 10.17-31; Lc 18.18-30)

¹⁶ To a yoari baharo cãiro masuno Jesu caharu wihii, siniture tire:

—¿Ne, buheriro, jipihtia dachoripe Cohamacu mehne a jirucu duacu, noaare yoa duacu di baro sehere yoabocari yuhu? —nire tiro.

¹⁷ —¿Dohse jiro baro yuhure noaa barore ni sinitujari muhu? Cohamacu dihta noariro jira. Jipihtia dachoripe Cohamacu mehne a jirucu duacu to dutiare yoaga —nire Jesu.

¹⁸ —¿Di baro dutia sehere nii nijari? —ni sinitu namore tiro.

Jesu o sehe ni yũhtire:

—Masare wajãecu tjiga. Namu tiriro pu paye numia manu tia numia mehne jiesu tjiga. Yacãecu tjiga. Mahñoa mehne painare yahusãecu tjiga.

¹⁹ Mu pucsumare ño payoga. Mu basi mu cahino seheta mu cahai jiriro cahure cahiga. Ahri dutiare yoaihca muhu —nire Jesu.

²⁰ —Ahri dutiare ne yuhdurucaera tihi yuhu. ¿Dohse yoa namoihcari yuhu jipihtia dachoripe Cohamacu mehne jirucu duacu? —nire tiro Jesure.

²¹ To a nichu tuhoro Jesu o sehe ni yahu namore:

—Muhu ñaa buhiri marieriro ji duacu mu ya jipihtiare duai wahaga. A duacu jipih-tia mu wapataru niñerure pjacuoinare waga. Mu a yoachu payu mu wapataa muanopu, Cohamacu caharu jiyuahca. Mu a yoari baharo yuhu mehne macariro cjihto taga —ni yahure Jesu.

²² To a nichu tuhoro tuaro cahyare. Tiro payu pache cjariro jiro, tire pjacuoinare wa duaeraro, cahya, waha wahare.

²³ To a wahari baharo Jesu sãre to buheinare o sehe ni yahu namore:

—Potocã musare niita nija. Pache puaro puhtoro Cohamacu to suho jiropure to waha duachu mijobiara.

²⁴ Musare yahu namoihtja: Camello sehe awicã coparu to sãa nuhri wijaa duachu basioerara tire. To a jiro yuhdoro pache puaro puhtoro Cohamacu to suho jihtoru to waha duachu mijobiara —nire tiro.

²⁵ To a nichu tuhona sã caaa waha, sã basi o sehe nii:

—Cue, to nino seheta jichu, ne cãiro masuno Cohamacu caharu waha masier-aboca —nii sã basi.

²⁶ Sã ã nichu Jesu sãre ñuroca ò, ò sehe ni yahure:

—Masa ti basi ti mu suro yuhdu masierara. Wiho mejeta Cohamacu sehe masare pichacaru wahaborinare yuhdo masina. Tiro jipihtiare noano yoa masi pahñoriro jira — nire tiro sãre.

²⁷ To ã nichu Pedro tirore ò sehe nire:

—Tuhosiniga. Sã sehe sã ya jipihtiare cūnocaa tii mūhu mehne wahana tana. ¿Sã ò sehe yoana, dohse jiare wapatanahcari sã? —nire tiro.

²⁸ To ã nichu tuhoro ò sehe nire Jesu:

—Musare niita nija: Pihitiri dacho jichu jipihita wahma dihta cohtotaahca. Ti pjarure yuhu masano Cohamacu warocariro yuhu puhtoro yu dujiro i si siteroi dujiuhca yuhu. Tói yu dujichu musa cūhu doce dujia pahtarihi puhtoa ti dujia pahtarihi dujinahca. Æ jina Israe masare doce curuari macainare besenahca musa noaina, ñainare.

²⁹ Æ yoa yu yare yoana tana musa wuhusere, musa bahanare, musa pucsumare, musa pohmare, musa weserire cūnocarina jina, pjiro wapatanahca. Tuhsu, jipihita dachoripe Cohamacu mehne jirucunahca.

³⁰ Wiho mejeta mipure payu puhtoa jirina cjiri ti pjarure wiho jiina tjuanocaahca. Tuhsu, mipure payu wiho jiina jirina cjiri ti pjarure puhtoa cohtotaahca tjoa —ni yahure Jesu sãre to buheinare.

20

Se wesere dahraina quitire yahuha Jesu

¹ Æ yoa Jesu pari turi to tuhota mehne piti dahre ò sehe ni yahu namore tjoa:

—Muano macariro masa bui puhtoro jira. Wese puo quiti mehne puhtoro Cohamacu to suho jirore yahuihtja musare. Tiro wese puo bohrea paricaroi to wesere dahrahtinare pjiro wahaha.

² “Cū tu niñeru tu wapaitja cū dachore”, niha tinare. “Jai”, niha dahrahtina. Ti ã nichu wesepu dahra dutiro warocaha tiro tinare.

³ Æ yoa dachoru nueve hora jichu pache duaroru wahaha tiro. Tóru suro, paina dahraerainare ñuho.

⁴ Æ ñuno tinare ò sehe niha: “Musa cūhu yu wesere dahrana wahaga. Noano wapaitja”, niha tiro tinare.

⁵ To ã nichu tuho, tina cūhu wesepu dahraa wahaha. Æ yoa wese puo cohari pja jichu, ñamichapū tres hora jichu cūhure painare dahra dutiha.

⁶ Æ yoa ñamichapū cinco hora jichu pache duaroru tiro wahaha tjoa. Tóru su, paina dahraerainare ñuno, tinare ò sehe niha: “¿Ne yaba barore yoاعراناhta cū

dacho ñurucu nahñojari musa?” ni sinitu ñuho tinare.

⁷ “Ne, sãre dahraa mariahna”, ni yuhtiha tina. “Musa cūhu yu wesere dahrana wahaga”, niha tinare. Æ jia to niriro seheta to wesere dahraa wahaha.

⁸ Æ yoa ñamichapū dahra duhuri pja jichu wese puo to yaina dahrainare cohtarire ò sehe niha: “Dahrainare pjiro. Ti wihichu tinare wapaga. Ti baharoru yu dahra dutirinare wapa muhtaga. Tinare wapa tuhsu, paina cūhure wapa tuhsu, yu dahra duti muhtainare wapa batoaga juna”, niha tiro.

⁹ Æ yoa cinco hora jichu dahra ducainare cū tu niñeru tu wapaha.

¹⁰ To ã wapachu ñuho, “Sãre bui curero waparohca”, ni tuhutumaha to duti muhtaina cjiri sehe. Tina cūhure cāno potori wapanocaha.

¹¹ Æ jia niñerure to wapachu ti puhtoro mehne susinia ti basi ò sehe cahma niha:

¹² “Ahrina sã baharoru to dahra dutirina sehe cū horata dahrahe. Sã sehe cū dacho noano dahra nahñoomahi. Ñano sū sihre sãre. Sã ã yoari pja dahrapachuta sã baharoru dahra ducaina cūhure cāno potorta wapanocahre tiro”, ni suaha tina ti basi.

¹³ Cūro tina mehne macariro to ã nichu tuhoro, wese puo yuhtiha tirore: “Ne coyeiro, ‘Cū tu niñeru ture wapaitja’, nimahicu musare. Yu ã nichu yuhtihre musa. Æ jicu yu niriro seheta musare wapahi yuhu. Quihōno wapahi musare. Ne yacaerahi musare.

¹⁴ Æ jicu yu wapaire na, mu wuhuru tjuahga. Ahrirore baharo yu dahra dutiriro cūhure musare yu wapariro purota wapaitja.

¹⁵ Yu niñeru jira ahri. Æ jicu yu cahmano seheta ahri mehne wapaitja. ¿Painare yu noano wapachu ñu tuhtijari muhu?” niha tiro wese puo —ni yahure ti quitire Jesu.

¹⁶ Æ nino, ò sehe ni yahu namore tiro:

—Ahri quiti ti nino seheta baharo macari curua wiho jiina yoaro sehe ya curua ji muhtari curua puhtoa ya curua jirohca muanoru. Æ yoa ji muhtari curua puhtoa ya curua cjiro sehe ti baharoru macari curua wiho jiina ya curua tjuarohca muanoru —ni yahure Jesu.

Pari turi Jesu to yariahtore, to masa wijahtore yahuha

(Mr 10.32-34; Lc 18.31-34)

¹⁷ Æ yoa Jerusalēpu wahana cānoihita warucuma, sãre doce to buheinare pjiroca tuhsu, pa sehēpū sã dihtare naahre Jesu. Sã sahsero sã jichu sãre ò sehe ni yahure:

¹⁸ —Tuhoga yuhure. Mipure Jerusalēpu wahana nija mari. Tóru yuhure masunore

Cohamacu warocarirore ñaha, painapure yahure waahca. Sacerdotea puhtoare, mari coyca judio masare buheina cãhure yahure waahca. Á jia yahure wajã dutiaha tina.

¹⁹ Á wajã dutia, judio masa jieraina sehere yahure waahca. Ti á wari baharo tina sehe yahure bujape, tjana, crusapu cjã puhaahca yahure. Á jii yu yariari baharo tia nãmu wahaboroi masa wijaahca —ni yahure Jesu sãre.

Santiago, João mehne ti pocoro tinare sinibasaha Jesure

(Mr 10.35-45)

²⁰ Á yoa Zebedeo namono puaro to pohna mehne Jesu cahapu su, na tuhcuca caha saha tire sinino taro:

²¹ —¿Dohse yu yoachu cahmajari mũhu? —niha Jesu ticorore.

—Mũhu puhtoro sãacu yu pohmare dutiina sãga. Á yoacu mu pju buhuseheri batoi da-poga tinare —ni sinia ticoro.

²² Jesu õ sehe ni yuhtia:

—Musa ñano yuhduhtore masierapanahta á sinina musa. ¿Mirũre yu ñano yuhduhtore seheta musa cãhu ñano yuhduhtore cãno pjabocari musa? —niha Jesu ticoro pohmare.

—Cãno pjanahca —ni yuhtia Santiago, João mehne.

²³ —Potocã tjira. Yu ñano yuhduhtore seheta ñano yuhduhtore musa cãhu. Wiho mejeta yuhũ mehne dutihtinare, yuhũ mehne dujhtinare bese masieraja yuhũ. Yu Pucu sehe cahno tuhsure tíre. Á jia to besehtina dihta yu poto buhusehei yu cõ buhusehei dujiaha —niha Jesu tinare.

²⁴ Á jina sã paina diez to buheina sehe Santiago, João ahrina puaro mehne susinii sã. Jesure ti pocoro to sinibasarire tuhona susinii tina mehne.

²⁵ Sã á susinichu ñuno, Jesu sãre jipih-tina to buheinare pji cahmachu, õ sehe ni yahure sãre:

—Cohamacure masieraina puhtoa sehe ti masare dutia, purĩno mehne dutira.

²⁶ Musa sehe ne á yoasi musa basi. Musa mehne macariro puhtoro ji duaro, jipih-tina tiro mehne macaina cahamacuno jiro cahmana tirore.

²⁷ Á yoa jipih-tinare dutiriro ji duariro paina cahamacuno jiro cahmana tirore.

²⁸ Tõ seheta jiriro jia yuhũ cãhu. Yuhũ masuno Cohamacu warocariro ahrĩ yah-papure masare yoadohocu tacu tai. Tuhsu, payu masa ya buhirire yariari tai nii. Á yoa masare pichacapu wahaborinare yuhduchũ yoai tai nii —nire Jesu sãre.

Puaro capari bajuerainare ñũchũ yoaha Jesu

(Mr 10.46-52; Lc 18.35-43)

²⁹ Á yoa Jericõpu jirina sã wahachu payu masa Jesure nũnu tire.

³⁰ Ti á nũnu tichu Jesu to yuhduchũ puaro capari ñũeraina maha duhtu cahai dujina tuhore. Á tuhõ, õ sehe ni sañurucure:

—Sã puhtoro, Davi cjiro panamino masare yuhdohtiro, sãre pja ñuga —ni sañurucure.

³¹ Ti á ni sañurucuchũ masa sehe tinare tuhtire:

—Dihta mariaha —nire masa tinare.

Ti á tuhtichũ tuhõ, ti pano sañurucuriro yuhdo curero sañurucu namore tjõa:

—Sã puhtoro, Davi cjiro panamino, sãre pja ñuga —ni sañurucure.

³² Ti á nichu tuhoro Jesu suruca, tinare pjiroca, õ sehe ni sinitu ñure:

—¿Dohse musare yu yoachu cahmajari musa? —ni sinitu ñure.

³³ —Sã puhtoro, sãre ñũchũ yoaga —ni yuhtire tina.

³⁴ Ti á nichu Jesu tinare pja ñure. Á pja ñuno ti caparire ña payore. To á ña payochuta tina sehe ñua wahare. Á ñua, tireore nũnu ti wahcãre.

21

Jerusalẽpu saha Jesu

(Mr 11.1-11; Lc 19.28-40; Jn 12.12-19)

¹ Á yoa Jerusalẽpu sã suhto pano Betfagẽ wama tiri macapu su muhtasinii sã Jesu mehne. Betfagẽ tãcu Olivo wama tidũ cahai jire. Tõpu sũro, sã mehne macainare puaro to buheinare Jesu to pano waroca muhtare.

² Õ sehe ni yahure tinare:

—Sĩ macapu burroare nana wahaga. Tõpu sũna, dõih-ta burroare to macunocã mehne ti duhte daporicore boca sunahca. Tinare boca, yuta dare pjã, na tabasaga yahure.

³ Musa pjãchũ ñuno, cãiro dohse jiriro, “¿Dohseana tana burroare pjãjari musa?” to nichu tuhõ õ sehe ni yuhtiga: “Mari puhtoro burroare cahmarocasinire. Michapucacã tinare wiarõhca tiro”, ni yuhtiga tireore —ni duti warocare Jesu to buheina puarore.

⁴ Á yoare Cohamacu yare yahu muhtariro cjiro to ni joariro seheta. Õ seheta ni joa tiha panõpu:

⁵ “Jerusalẽ macainare õ sehe ni yahuga: ‘Ñuga musa.

Musa puhtoro musa cahapu tara.

Tiro masa noariro jira.

Burro macunocã bui pisariro tarõhca’, ni yahuga Jerusalẽ macainare”, ni joa tiha panõpu.

⁶ Jesu to dutirocaina puaro tí macapu su, to dutiriro seheta yoaha tina.

⁷ Burroare, to macunocã cãhure na ta, ti bui sãa suhtire tjuwe na, burrocã bui pjũpaha

payore tina. Ti ã yuari baharo Jesu tirocã bui m̃ja pjare waharo taro.

⁸ M̃ja pja tuhsu, tirocã bui Jerusalẽpũ wahare. To tachũ ñua masa payũ ti bui maca suhtire tjuwe na, saõ cũ muhtare to wahahti mahai, Jesure ño payoa. Paina sehe pũri tia dupũrire mahai duhu cũ muhta wahcãre tirore ño payoa.

⁹ Æ yoa to pano wahaina, to baharo nũnũ tiina mehne õ sehe ni sañurucure:

—Davi cjiro panaminore marine yuhdohtirore wahche payojihna. Ahriro Cohamacũ to warocariro noano jijaro. M̃nao macarirore “Tuariro jira”, ni wahche payojihna —ni sañurucure masa.

¹⁰ Æ jia Jerusalẽpũ ti sũchũ tó macaina sehe ñũ c̃aa wahare.

—¿Cue, diro baro jijari ahriro? —ni cahma siniture tina.

¹¹ Paina masa õ sehe ni yũhtire:

—Ahriro Cohamacũ yare yahu muhtariro Nazare Galilea yahpai jiri maca macariro Jesu wama tiriõ jira —ni yahure tina masare.

*Cohamacũ wũhũpũ suha Jesu
(Mr 11.15-19; Lc 19.45-48; Jn 2.13-22)*

¹² Baharo Cohamacũ wũhũpũ sure Jesu. Tí wũhũpũ su, sãa wahare. Tí wũhũpũ duainare, nuchũina cũhare cohã wiore tiro. Æ yoaro niñeru cohtotaa mesarire na majarerooca doca cũ m̃jare. Bujaare duaina ti dujia pahtari cũhare ãta yoare.

¹³ Æ yoaro tinare õ sehe nire:

—Cohamacũ yare ti joari pũi õ sehe nina: “Yũ wũhũ Cohamacũ mehne durucuri wũhũ wama tirohca”, nimare to joari pũi. M̃sa sehe ahri wũhũ duana m̃sa basi cahma yacara m̃sa —nire tiro tinare.

¹⁴ To ã yuari baharo capari ñũeraina, tini masieraina cũhũ Cohamacũ wũhũpũ tiro cahapũ wihire. Tí ã wihichũ tinare noaina wahachũ yoare tiro.

¹⁵ Æ noaare to yoachũ ñua, sacerdotea puhtoã, marine judio masare buheina cũhũ suare tiro mehne. Æ yoa macanacã Jesure “Davi cjiro panamino masare yuhdohtiro, tuariro jira m̃hũ”, ti ni ño payochũ tuhoa tó cũhare tina suare.

¹⁶ Æ suaa õ sehe nire Jesure:

—¿Tí ã nichũ tuhoerajari m̃hũ? Æ niea tjjijaro —ni tuhtire tina Jesure.

Tí ã tuhtichũ tuhorõ Jesu tinare õ sehe ni yũhtire:

—Tina ti ã nichũ tuhoja. ¿Cohamacũ yare ti joari pũi ahrire ne buherari m̃sa?

“Macanacãre, wihãnacãre Cohamacũre noano ño payochũ yoare m̃hũ”, nina Cohamacũ yare ti joari pũi —nire Jesu (“Macanacã yũhare ti ño payochũ noana”, nino).

¹⁷ Æ ni tuhsu tinare cohã wahcã, Betania wama tiri macapũ su, tí ñamine tói jire.

*Jesu higeracũre yaria dutiha
(Mr 11.12-14, 20-26)*

¹⁸ Pa dachõ bohrearopũ Jerusalẽpũ tjuaarõ, juca baare Jesu.

¹⁹ Æ jũca baaro, maha duhtũ cahai jidũ higeracũ wama tidũre ñãno, tu dichare macano wahamare. Dicha mariahare tu sehe. Pũri dihta jire. Tu ã jichũ ñãno Jesu tare õ sehe nire:

—Ahdũ ne pari turi dicha tisi —nire tiro.

To ã nichuta dóihã tu sehe ñãia wahare.

²⁰ Tu ã wahachũ ñãna sã to buheina ñũ c̃aa wahai.

—Cue, ¿dohsearo ahdũ dóihã ñãia wahajari? —ni sinitui sã.

²¹ Jesu õ sehe ni yũhtire:

—Potocã nii nija m̃sare. Cohamacũre noano wacũ tuaga. “Potocã ã yoarõhca tiro”, nina ahdũre yũ yoariro seheta yoa masinahca m̃sa cũhũ. Tuhsũ, ahdũre yũ yaria dutiriõ yuhdoro yoa masinahca m̃sa. Ahdũ tũcure “Duha na, pjiõ mapũ cohãdu jijaro”, m̃sa nichũ duha cohãdu jirohca.

²² Cohamacũre m̃sa wacũ tuachũ, “Yũ siniriõ seheta ã waharõhca”, m̃sa ni wacũchũ m̃sa siniriõ seheta ã waharõhca —nire Jesu sãre.

*Jesure dutiriõre sinituha paina
(Mr 11.27-33; Lc 20.1-8)*

²³ Æ yoa Cohamacũ wũhũpũ tju su, buhere tiro. To ã buhechũ sacerdotea puhtoã, mari coyea judio masa bũcãna mehne tiro cahapũ wihõ, õ sehe ni siniture:

—¿Dohseacũ canũre ã yoari m̃hũ? ¿Noa m̃hũre tíre ã yoa dutiri? —ni siniture tina.

²⁴ Tí ã nichũ Jesu õ sehe ni yũhtire:

—M̃sa sehẽre sinitu muhtaitjã. Noano yũhare m̃sa quihõno yũhtichũ m̃sare yahuihtjã yũhũ cũhũ.

²⁵ ¿Joãõ masare to bautisachũ diro baro sehe tirore bautisa dutia tiari, m̃sa tuhotuchũ? ¿O Cohamacũ dutiera tiari? ¿O masa sehe dutia tiari, m̃sa tuhotuchũ? —ni siniture Jesu tinare.

To ã nichũ tina sehe ti basi õ sehe nire:

—¿Dohse ni yũtinahcari mari? “Cohamacũ Joãõre dutia tiri jire”, mari nichũ, “¿Dohseana Cohamacũ Joãõre to dutipachũta tirore tuho duaerari m̃sa?” niboca Jesu marine. Æ jina “Cohamacũ Joãõre dutia tiri jire”, ni yũhti masieraja mari.

²⁶ Ahriina masa sehe “Potocãta Joãõ Cohamacũ yare yahu muhtariro jire”, ni tuhotura tina. Æ ni tuhotua “Joãõ to bautisachũ Cohamacũ sehe tirore dutierari jire”, mari nichũ tuhoa masa suaboca mari

mehne. Ā jina tí cāhure yahu masieraja mari —nire tina ti basi.

²⁷ Ti ā niri baharo Jesure ō sehe ni yūhtire tina:

—Joāore bautisa dutirirore sā masieraja — nire tina.

Ti ā nichu tūhoro ō sehe nire Jesu:

—Tí pja pinihta yūhū cāhū mūsa sinitu mūhtarire yahueraja mū sare. Yū yoarire dutirirore yahueraja mū sare —nire tiro tinare.

Pūaro pūcuro quitire yahuha Jesu

²⁸ To ā niri baharo Jesu to tūhotua mehne paye quti mehne piti dahre buhe namore tinare:

—ĶNe, dohse ni tūhotujari mūsa ahri quitire? Pūaro pūcuro jiha. Wahmino sehere ō sehe niha to pūcuro: “Macū, wesepū dahrai wahaga”, niha.

²⁹ “Wahaeraja”, ni yūhtimaha to macūno wahmanore. Ā niparota baharopure wesepū waha duaro jiha tirore. Ā jiro wahaha tiro.

³⁰ Tuhsū, ti pūcuro to macūno dūhsariro cahapū sū, to wahminore to dutiriro se-heta wesepū waha dutimaha. “Jai”, nimaha dūhsariro sehe. Ā niparota wahaeraha tiro.

³¹ ĶDiro sehe to pūcuro to dutiriro seheta yoari? —ni siniture Jesu.

—To wahmino sehe yoaha —ni yūhtire tina.

Ti ā nichū Jesu ō sehe ni yahure:

—Mū sare niita nija. Wapa na cohtaina, mūa mehne űano yoarucua numia ti buipū waro mūsa sehe űabiaina jira. Ā jia pūhtoro Cohamacū to sūho jiropure mūsa sūborirore tina sehe mū sare mū cō sū mūhtaahca.

³² Joāo bautisariro buhero mū sare “Noano yoaga”, ni yahumare. Ā to yahuchū dūhsariro to pūcurore to yūhtieriro seheta tirore tūhoerare mūsa. Ā yoa tirore yūhtierare. Wapa na cohtaina sehe, mūa mehne űano yoarucua numia cāhū tirore tūhore. Ti ā tūhochū űure mūsa. Mūsa ā űūpanahta tirore ne tūho duaerare mūsa. Tuhsū, tūhoerare mūsa —nire Jesu sacerdotea pūhtoare, mari coyea judio masa būcūna cāhure.

űaina dahra cohtaina quitire yahuha Jesu (Mr 12.1-12; Lc 20.9-19)

³³ Ā yoa Jesu pari turi to tūhotua mehne ō sehe ni piti dahre tinare buhe namore:

—Ahri quitire tūhoga mūsa. Yahpa pūro jiha. Tiro to ya yahpai se dari cijhtire toaha. Toa tuhsū, sahrīnōre dapo, sere ti tū mūtohti copare saha, mūari wūhūcā dahreha.

Ā jiro tí wesere painare cū būhūsehe coa pahma cūha. Ā pahma cūno tí wesere tinare űū wihbo duti, pa yahparū wahaha tiro.

³⁴ Ā yoa se űiri pja jichū wese pūro tirore dahra cohtinare wesere űū wihboina cahapū warocaha. Wese macaa to toaa dichare to ya coa macaa dichare na dutiro warocamaha.

³⁵ To ā warocahū wesere űū wihboina sehe tirore dahra cohtinare űano yoaha. Cāirore tuaro cā, pairore wajā, pairore tāa mehne docaha.

³⁶ Baharo wese pūro pari turi tirore dahra cohtinare to waroca mūhtarina bui curero pūhtoa jiri curuare warocaha tjoa. To ā warocahū wesere űū wihboina tina cāhure mūnanota yoaha tjoa.

³⁷ Ā yoa to waroca batoariro to macūno jiha. “Yū macū sehere űo payoahca”, nino tirore warocamaha.

³⁸ To ā ni tūhotupachata wesere űū wihboina to macūno to tachū űūa, ō sehe niha: “Wese pūro macūno jira ahriro. Tirore wajājihna mari. Mari ā wajāchū ahri wese mari ya wese tjuarohca”, nimaha tina ti basi.

³⁹ Ā niata tirore űaha, wese dūhtū cahai na wahcā, wajāha tina tirore.

⁴⁰ ĶNe, wese pūro taro dohse yoarohcari tiro wesere űū wihboinare, mūsa tūhotuchū? —ni siniture Jesu sacerdotea pūhtoare, būcūna cāhure.

⁴¹ To ā nichū tina ō sehe ni yūhtire:

—Tiro painare wesere űū wihbohtinare cohtotarohca ji mūhtainare űabiainare wajāno taro. Tirore quihōno dichare tju wahtina sehere űū wihbo dutirohca —ni yūhtire tina.

⁴² Ti ā nichūta Jesu yahu namore tinare:

—ĶCohamacū yare ti joari pūi ahrire yūhure to ni joari cijrire ne buherari mūsa?

“Ahriro Cristo tāca yoaro seheta jira. Tācare wūhū dahreina ti cohāno seheta masa tirore cohāhca.

Ti ā yoapachata mipure wūhū dahreina wūhure yoaa ti cū mūhtari tācare ti cūno seheta Cohamacū tirore pūhto sōre.

Cohamacū sehe ahrire yoare.

To ā yoachū űūna, ‘Noa yūhdūara’, ni tūhotuja mari”,

ni joaa tiha panopū. ĶTīre ne buherari mūsa?

⁴³ Mū sare niita nija yūhū. pūhtoro Cohamacū to sūho jiro mūsa jilto cijlto jiboa. To pūhtoro jirore paina sehere mūsa jiborirore warohca Cohamacū. Paina masa sehe to dutiro seheta yoahca.

⁴⁴ [Ķjipihina tia tāca bui bora pjainare payū dihicā peri yihsorohca tia tāca. Tuhsū, tia tāca sehe masuno bui bora pjaro tahānocanohca tirore. To pjacu cijrore daa manaricā wahachū yoarohca. (Tō seheta yūhure cahmaeraina yū buhiri dahrehtina űano yūhdūahca) —nire Jesu sacerdotea

páhtoare, mari coyea judio masa búcana cáhure.]

⁴⁵ Tí quitire to á nichu túhoa, “Sohó to yahu máhtari quiti wesere ñu wihboina quiti mehne marine nino nica tiro”, ni túhoture tina.

⁴⁶ Á ñi túhotua, tirore ñaha duamare. Masa sehe Jesure ño payo “Cohamacu yare yahu máhtararo jira tiro”, niina jia tiha tina. Tíre masia, sacerdotea páhtoa, búcana mehne masare cuia, Jesure ñahaerare.

22

Pjiri bose numu macaa quitire yahuha Jesu

¹ Á yoa pari turi to túhotua mehne paye quiti mehne tinare buhe dúcare Jesu:

² —Múano macararo páhtoro to súho jiro ahri quiti yoaro sehe jira. Cú yahpa macaina bui páhtoro jiha. Á yoa to macano ya numu bose numu yoaha. To wamomaca dúhteri bose numu jiha.

³ Á yoa páhtoro tirore dahra cohtainare bose numure ñua tahtinare pji dutiro warocamaha. Tina sehe ta dueraha.

⁴ Á jiro painare pji dutiro warocamaha tjoa tirore dahra cohtainare. “Yu pjirocainare ó sehe ni yahuga. ‘Mari cháhtire dahre túhsúhre. Wachúare, wachúacá dihi tiinacá cáhure wajá túhsúhre. Á yoa jipihitiro bose numu macaa cjihtire cahno túhsúhre. Á jina bose numu macaare chuna taga’, ni yahuga tinare”, ni warocamaha páhtoro tirore dahra cohtainare.

⁵ Dahra cohtaina ti á yahuri baharo to pjirocarina cjiri á túhotunocaha. Bose numure ñua wahaeraha. Cáiro to wesepu wahaa wahaha. Pairo to dahraare ñano wahaha.

⁶ Paina sehe tirore dahra cohtainare ñaha, tinare ñano yoa, wajánocaha juna.

⁷ Ti á yoachu túhoro, páhtoro sehe sua. Sua, ti á wajári buhiri buhiri dahre dutiro to surarare warocaha. Á jia surara tinare wajá pahño, ti ya macare jánocaha.

⁸ Ti á yoari baharo, páhtoro tirore dahra cohtainare ó sehe niha: “Bose numu macaa cjihtire cahno túhsúmahre. Wiho mejeta yu pjiroca máhtarina cjiri ya bose numure ñuborina jierara. Ñaina jira tina.

⁹ Á jina macare jia maharipu dohse jiina musa boca súnare bose numure ñahtinare pjiga”, niha tirore dahra cohtainare.

¹⁰ To á nichu tirore dahra cohtaina maharipu waha, jipihtinare ti boca súnare, ñaina, noaina cáhure yahuha. Ti á pjiri baharo to cahapu súha tina peri. Noano ti bose numu ti yoari tahtiare masa wahpata yúhdúa wahaha.

¹¹ Tóí ti dújichu páhtoro sehe cáirore wamomaca dúhteri numu macari suhtirore sáaerarirore ñuha.

¹² “¿Ne coyeiro, dohse yoacu wamomaca dúhteri numu macari suhtirore sáaerapaihta sá tari máhu?” ni sinituha páhtoro. To á sinituchu masuno sehe yáhtieraha.

¹³ To á yáhtierachu ñuno tirore dahra cohtainare ó sehe niha: “Ahriroro to wamomacarine dúhtega. To dahpori cáhure dúhtega. Dúhte túhsu na wijaa, sopacapu cohága tirore nahitianoru. Tóru tiro tuaro tii, cahyaro mehne bahca dihorohca”, niha páhtoro —ni yahure Jesu.

¹⁴ To á niri baharo ó sehe ni batoare tiro: —Ahri quiti jiro seheta Cohamacu payu masa to pjirocarina ti jipachuta mahainacá tiro mehne tjuahca —ni yahu batoare Jesu.

Páhtoa ya wapare paina sinituha Jesure (Mr 12.13-17; Lc 20.20-26)

¹⁵ To á niri baharo fariseo curua macaina waha, Jesure ti yahusáhtore ti basi durucua tina. To ñano yáhtichu túho dua nimaha tirore yahusáa taa.

¹⁶ Á durucua tina mehne macainare, Herode ya curua macaina cáhure Jesure sinitu dutia warocaha. Tina sehe Jesu cahapu wihi, tirore mahño cú sinitu ñumare:

—Buheriro, potocá durucuriro mahñoa marieriro mu jichu masija sá. Cohamacu yare quihono mu yahuchu cáhure sá masija. Á jicu cáiro páhtoro waro to jipachuta tiro cáhure dórero marieno potota yahura máhu.

¹⁷ Á jicu sáre yahuga. ¿Roma macararo jipihtina bui páhtoro jiriroro gobierno macaare marine waparo cahmajari, mu túhotuchu? ¿Mari dutia tirore wapa dutijari? —ni siniture tina Jesure.

¹⁸ Ti á nichu túhoro tirore ti yahusá duare masino ó sehe nire:

—Mahñopeina jira musa. ¿Dohseana yu ñano durucuhu túho duajari musa?

¹⁹ Mipure niñeru tare páhtoare wapahti tare na tahga. Ti tare ñujihna —nire tiro.

To á nichu túhoa niñeru tare na tare tina.

²⁰ Ti á na tachu ó sehe ni siniture tiro tinare:

—¿Diro baro masu wahájari ahri tare? ¿Diro baro wama wahájari? —ni siniture.

²¹ —César, masa bui páhtoro masu, to wama cáhu wahána —ni yáhtire tina.

Ti á nichu túhoro Jesu ó sehe ni yahure:

—Tí pja pini masa bui páhtoro yare tiro sehere waga. Cohamacu yare Cohamacu sehere waga —nire Jesu.

²² To á nichu túhoa, túho cuaa waha, wahaa wahare Herode ya curua macaina.

Saduceo curua macaina Cohamacu to masoare sinituha Jesure (Mr 12.18-27; Lc 20.27-40)

²³ Ā yoa tí dachoihta cāina saduceo curua macaina Jesu caharū wihire. Saduceo curua macaina sehe “Cohamacū yariainare masosi”, ni tahotuina jire. Ā jia ō sehe nire tirore tina:

²⁴ –Buheriro, ō sehe ni buhea tiha Moise cjiro: “Cāiro to wahmino namo tiroro pohna mariaparota to yariachū to baharore to wahmino namono cjirore nūoano cahmana. Ā yoaro to wahmino mūnano to pohna tiboro seheta pohna tiro cahmana to baharore. Ā jia to pohna to wahmino mūnano pohna yoarō sehe jiaha”, ni joaa tiha Moise cjiro –nire tina saduceo curua macaina.

²⁵ Tīre ā ni yahu tuhsū ahri quitire yahu namore tina Jesure:

–Cāiro masūno jiha. Seis to bahana jiha. Ti wahmino sehe namo ti, pohna marieriro yariaa wahaha. Tuhsū, paio to baharo cāhū to wahmino namono cjirore nūoaha.

²⁶ To ā nūoari baharo to wahmino yoaro seheta pohna mariaparota yariaa wahaha tjoa. Ā yoa ahriro baharo to wahmino mūnano yoaro seheta pohna mariaparota yariaa wahaha. Ā dihta wahaha cāiro pohna waro. Ne pohna mariapahta yaria pihtia wahaha tina.

²⁷ Ti namono cjiro cāhū ti baharota yariaa wahaha jūna.

²⁸ ĶNe, Cohamacū jipihtinare yariaina cjirore to masochū diro baro namono jibocari ticoro? Tina jipihtina ticoro namo tirina cjiro jiha. ĶĀ yoa diro namono sehe jibocari ticoro pototi? –ni siniture tina.

²⁹ Jesu ō sehe ni yūhtire tinare:

–Cohamacū yare ti joari pūre, to masia cāhure ne masierara mūsa. Ā yoa mūsa tahotua sehe ne potocā jierara.

³⁰ Yariarina cjiro ti masa mūjari baharo tina anjoa yoaro sehe jira. Tina namo marieina, manū mariea numia jira tōpūre.

³¹ Yariarina cjiro ti masa wijaahō sehere mū sare yahuhtja. ĶCohamacū mū sare to niri cjirore ne buherari mūsa? Ō sehe niha tiro:

³² “Yūhū Abrahā, Isaa, Jacobo ti puhtoro tjija’, nina Cohamacū”, ni joaa tiha panopūre. Ti yariari baharo “Ti puhtoro tjija”, ni yahuha Cohamacū. Ā niparota yariarina cjiro puhtoro jierara Cohamacū. “Ti puhtoro tjija”, to nia mehne catiina ti jichū masija mari. Tiro catiina puhtoro jira –ni yahure Jesu tinare.

³³ To ā ni buhechū tūhoā payū masa tūho cūaa wahare.

Cāno noa yūhdūro to dutiare yahuha Jesu (Mr 12.28-34)

³⁴ Ā yoa saduceo curua macaina Jesure ti yūhti masierachū tūhoā, fariseo curua macaina sehe tiro caharū cahmachure.

³⁵ Cahmachu, tina mehne macariro marine judio masare buheriro sehe Jesu to űano nichū tūho duaro mahūo cū sinitu űūmare tirore.

³⁶ –ĶBuheriro Cohamacū ya dutia noa yūhdūro di baro sehe jijari, mū tahotuchū? –ni siniture tiro.

³⁷ Jesu tirore ō sehe ni yūhtire:

–“Tuaro mūsa yajeripohna mehne, mūsa tuaa mehne, noano mūsa wacūa mehne Cohamacūre cahīga”, nina Cohamacū.

³⁸ Ahri dutiata paye dutia yūhdoro noa yūhdūara.

³⁹ Ahri dutia baharo paye dutia noa yūhdūara: “Mū basi mū cahūno seheta mū cahai jiina cāhure cahīga”, nina Cohamacū.

⁴⁰ Ahri puaro dutiare yoana, jipihtia paye dutiare yoa pahūona nija mari. Cohamacū yare yahu mūhtaina cjiro panopū ti joari cāhure yoa pahūona nija mari –ni yahure Jesu.

ĶDiro baro coyero jijari Cristo? (Mr 12.35-37; Lc 20.41-44)

⁴¹ Ā yoa fariseo curua macaina tōi cahmachūna ti jichū

⁴² Jesu tinare ō sehe ni siniture:

–“Cristo, Mesia mari ni pisuriro Cohamacū to warocah tiro jira”, nina mūsa. ĶDiro baro jijari Cristo űūchūno cjiro panopū macariro, mūsa tahotuchū? –nire tiro.

–Cristo Davi cjiro panamino jirohca –ni yūhtire tina.

⁴³ Jesu ō sehe ni yahure tinare:

–ĶCristo Davi cjiro panamino to jichū dohsearo Davi sehe puhtoro tiari Cristore? ĶDohsearo ā puhtoro ti dutiri Espīritu Santo tirore? Ō sehe niha Davi cjiro:

⁴⁴ “Cohamacū yū puhtoro ō sehe nire:

‘Ōi yū poto buhūsehei dujiga.

Ā jicū mūhure űū tuhtinare mūhure yūhdūrcabasaihca yūhū’, nire Cohamacū yū puhtoro”, ni joaha Davi cjiro.

⁴⁵ Ā ni joarota Davi cjiro puhtoro tiha Cristore. ĶDavi cjiro Cristo űūchūno cjiro jiro dohsearo tiro puhtoro tiari Cristore? (Cristo Davi cjiro puhtoro tjira) –ni yahure Jesu.

⁴⁶ To ā ni yahuchū tina tirore ne yūhti masierare. Ā jia tō purota sinitu duhūncare tina tirore. Tuhsū tirore cuiā pari turi sinitu űūerare tirore jūna.

23

Judio masare buheina, fariseo curua macaina cāhū ti űano yoaare yahuha Jesu (Mr 12.38-40; Lc 11.37-54; 20.45-47)

¹ Ā yoa payū masare sā cāhure Jesu ō sehe ni yahure tjoa:

2 —Marine judio masare buheina fariseo curua macaina cãhũ Cohamacũ dutia Moise cjirore to cãri cjirore yahuina jira tina.

3 Ti ã yahuina jichũ mäsare ti yahuriro seheta tire yoa pahñoga mäsã. Æ yoapanahita tinare ñũ cãena tjiga mäsã. Ti buheriro seheta yoerara tina.

4 Masare payũ dutira tina. Æ dutipahta ti dutiro sehe masa ti yoerachũ ñũa tinare yoadohoerara.

5 Masa ti ñũrocãro dihta noano yoa ñomana tina. Cohamacũ yare ti joari pũre ti duhu sãa caa pocacãre, bujũ curesã caa pocacãre ti wãhdũã poca bui dãhte yohre tina masare ñũ dutia. Ti yachuri cãhũre dãhte yohre. Æ yoa ti suhtipũ ti duhu yoaa bocari bujubia bocari jira. Cohamacũre ti ño payorire masa sehẽre yoa ñoa nimana tina.

6 Tuhsũ, bõse numari jichũ pãhtoa ti dujãrũ duji duara. Judio masa mari buhea wũhũsepũ cãhũre noaa dujia pahtari dihtare jicoara tina.

7 Æ yoa mahãpũ ño payoa mehne paina tinare ti noano piti bocasinichũ cahmana tina. Tinare “Buheriro”, masa ti ni pisuchũ cahmana.

8 Paina mäsare pisua “Buheriro”, niea tjijaro. Mäsã jipihitina cãno potori jina nina. Æ yoa mäsare buheriro cãirota jija yũhũ Cristo.

9 Ahri yahpa macainare “Mari pãcũ”, nina tinare ño payona nica. Ne ã niena tjiga. Mũano macariro dihta mari pãcũ jira. Tiro dihtare ño payoro cahmana marine.

10 Æ yoa masãnore “Pãhtoro”, niena tjiga. Mäsã pãhtoro yũhũ Cristo sehe cãirota jija.

11 Cohamacũno yoaro sehe mäsare yoadohoriro tiro tjica mäsã pãhtoro jihitiro.

12 Cãiro pãhtoro ji duaro tirore wiho jiriro yoaro sehe jiro cahmana. “Wiho jiriro jija yũhũ”, ni tuhoturiro painare yũhdũrãca duaerariro tiro sehe pãhtoro jirohca —ni yahure Jesu.

Judio masare buheina, fariseo curua macaina mehne ti mahñõpeare yahuha Jesu

13 To ã niri baharo tinare õ sehe ni yahu namore:

—Mäsã judio masare buheina, fariseo curua macaina cãhũ ñano yũhdũnahca. Mahñõpeina jira mäsã. Soro mäsã buhechũ tuhõa mäsare tuhõrina sehe pãhtoro Cohamacũ to suho jiropũre wahasi. Mäsã cãhũ tõpũre wahasi. Æ buhena tõpũre waha duainare dũcatana nina mäsã.

14 [Mäsã judio masare buheina, fariseo curua macaina cãhũ ñano yũhdũnahca. Mahñõpeina jira mäsã. Wãpewahya numia ya wũhũsere manõcahna mäsã ti numiare. Tuhsũ, yoari pja masa ti ñũrocãro Cohamacũre sinĩ ñomana mäsã masare.

Mäsã ã yoari buhiri paina bui curero Cohamacũ pjiro buhiri dahrerõhca mäsare.]

15 Mäsã judio masare buheina, fariseo curua macaina cãhũ ñano yũhdũnahca. Mahñõpeina jira mäsã. Pjiri mapũ pahã, yoaro macãa yahparipũ wahara mäsã, mäsã dutiare yoãhtirore macana tana. Mäsã dutiare yoãhtirore boca, tirore buhera. Mäsã ã yoachũ tiro sehe mäsã yũhdoro pichacãpũ wahahtiro jirohca.

16 Mäsã ñano yũhdũnahca. Capari ñũeraina ti ñũ masieraro seheta masieraina jira mäsã. Æ jipãnahita painare buhemana mäsã. Õ sehe ni buhemana mäsã: “ ‘Cohamacũ wũhũ mehne yũ nino seheta yoãihtja’, niriro to niriro sehe to yoãerãpãchũta noãnohca”, ni buhemana mäsã. “ ‘Cohamacũ ya wũhũ macãa uru mehne yũ nino seheta yoãihtja’, niriro tiro sehẽre to niriro seheta yoa sohtori tiro cahmana” ni, ti cãhũre buhemana mäsã.

17 Capari ñũeraina ti ñũ masieraro seheta masieraina jira mäsã. Tũho masieraina jira. ¿Di baro sehẽre ño payoro cahmajari? Urure ño payoararo cahmana. Cohamacũ sehe tí uru to wũhũ jichũ noaa jichũ yoara tire. Æ jina to wũhũ sehẽre ño payoro cahmana mäsare. Æ jia mäsã buhea sehe tõ wahaerara.

18 Ahri cãhũre buhemana mäsã: “ ‘Cohamacũ wũhũ macari mesa mehne yũ nino seheta yoãihtja’, niriro to niriro seheta to yoãerachũ noãnohca”, ni buhemana mäsã. “ ‘Tí mesa bui jia mehne Cohamacũre ño payoa tí wari mehne yũ nino seheta yoãihtja’, niriro tiro sehẽre to niriro seheta yoa sohtori tiro cahmana”, ni buhemana mäsã.

19 Capari ñũeraina ti ñũ masieraro seheta masieraina jira mäsã. ¿Di sehe tí waro jijari, mäsã tuhõtuchũ? Cohamacũre masãno to ño payoro to wari cjiri tí waro jiera curera. Tí mesa bui Cohamacũre to wachũ, noaa wahara tí mesa bui jia. Æ jiro tí mesa sehe wiho jiri mesa jierara. Cohamacũre ño payoa tí wari bui curero noari mesa jira.

20 Æ jiro “Cohamacũ wũhũ macari mesa mehne yũ nino seheta yoãihtja”, cãiro nino, tí mesa bui macãa to wari mehne tiro ã nino nica. Æ jia mäsã buhea sehe tõ wahaerara.

21 “Cohamacũ wũhũ mehne yũ nino seheta yoãihtja”, cãiro nino, potocãta Cohamacũ mehnetã ã ninõta nica. Cohamacũ tí wũhũ macariro jira.

22 Æ jiro “Mũano mehne yũ nino seheta yoãihtja”, cãiro nino, Cohamacũ to jiropũ mehnetã ã nino nica. Æ jiro Cohamacũ mehnetã ã nino nica. Tiro sehe tõ macariro jira. Æ jia mäsã buhea sehe tõ wahaerara.

23 Mäsã judio masare buheina, fariseo curua macaina cãhũ ñano yũhdũnahca. Mahñõpeina jira mäsã. Moa yoaro

sehe jiare chware coachu yoare cjuana mahanocã wamana musa. Cohamacu ño payona tana sacerdoteara wamana musa. Mahanocã wamana musa. Menta, anis, comina wama tia coachu yoare wamana musa. Æ wapanahña noare yoerara musa. Tuhsu, masare pja ñerara musa. Æ yoa Cohamacu wacũ tuaerara musa. Toaa dichare musa narire mahanocã sacerdoteara musa wachu noa nina. Æ wana õ sehe yoa namoga: Noare yoaga. Æ yoa pja ñuga masare. Tuhsu, Cohamacu wacũ tuaga.

²⁴ Capari ñeraina ti capari ñeraro se-heta masieraina jira musa. Õ sehe yoara musa: Musa ya dutiare yoa dutina, wiho jia waro dutiare yoara musa. Æ yoapanahña Cohamacu to pototi to dutia warore yoerara musa.

²⁵ Musa judio masare buheina, fariseo curua macaina cãhu ñano yuhdunahca musa. Mahñopeina jira musa. Musa waparire, musa sihnia wahwarire bui musa cosaro sehta noare yoa ñomana musa buicã warohna. Æ yoapanahña Cohamacu yare quihõno yoerara musa. Paina yare maina, musa basi dihta bujare na duaina jina, Æ dihta tuhutura musa.

²⁶ Capari ñeraina ti ñu masieraro se-heta masieraina jira musa fariseo curua macaina. Naare musa tuhutuare cohtotaga. Musa Æ yoana masa ti ñurocaroi noaina jinahca musa.

²⁷ Musa judio masare buheina, fariseo curua macaina cãhu ñano yuhdunahca. Mahñopeina jira musa. Masa copa, yehsea mehne ti wisõri copa yoaro sehe jira musa. Masa ti copare ti ñuchu noari copa bajura. To Æ bajupachuta, puhicha macariro baarirore, to cohãrine, ñaare ñerara tina.

²⁸ Tõ sehta musa cãhu masa ti ñurocaroi noaina sehe bajumana musa. Æ noaina sehe bajuina musa jipachuta musa tuhutuapu ñaa, mahñoa ji yuhduara yariaina yoaro sehta — ni yahure Jesu.

Judio masare buheina, fariseo curua macaina cãhure to buhiri dahrehtore yahuha Jesu

²⁹ Æ ni tuhsu õ sehe ni namore tinare:

—Musa judio masare buheina, fariseo curua macaina cãhu ñano yuhdunahca. Mahñopeina jira musa. Cohamacu yare yahu muhtaina cjiri panopu macaina ti masa coparire noano cahnomana musa. Tuhsu, noano yoaina cjiri ti masa coparire noano cahnomana musa.

³⁰ Æ yoana õ sehe nirucumana musa: “Panopure sã ñuchusuma cjiri ti yoariro sehe sã sehe yoeraboa. Tí pjapu jijnare

Cohamacu yare yahu muhtaina cjirire sã wajãeraboa”, nirucumana musa.

³¹ Æ nina musa ñuchusuma cjiri Cohamacu yare yahu muhtainare wajãrina cjiri ti jiri cjirire bajuro wana nica. Tinare wajãrina cjiri panamana ji turiaina musa jia cãhure bajuro wana nica musa.

³² Musa ñuchusuma cjiri ti yoariro sehta yoa sohtori tiwahnoga.

³³ Agãa ñima tiina yoaro sehe ñabiaina jira musa. Musa ñaa tuhutumari cjirire cohtota duaerana Cohamacu musa ñaa buhirire pichacapu musare to cohãhto pano duhti masierara musa.

³⁴ Æ jii musare niita nija. Cohamacu yare yahu muhtainare, paina noano masi-inare, paina musare buhehtinare musa cahai warocaihtja. Yu Æ warocachu musa sehe cãina tinare wajãnahca. Painare crusapu cã puhanahca. Painare musa buhea wuhusepu tjananahca. Æ yoana macaripepu tinare ñano yoa, muroca nuñu tinahca musa.

³⁵ Musa Æ yoana jipihtina ñaa marieinare musa wajãri buhiri buhiri tinahca. Noariro Abe cjirore Caĩ to wajãri buhiri jipihtina musa cãhu buhiri tinahca. Jipihtina to baharo jijnare noainare ti wajãri buhiri cãhure buhiri tinahca musa cãhu. Æ yoa Cohamacu wuhu cahai wahiquinare ti wari mesa cahai Zacariare wajãre tina. Tiro sehe Berequias macano jire. Æ jina Zacaria cãhure ti wajãri buhiri buhiri tinahca musa cãhu.

³⁶ Potocã musare yahuita nija. Tina jipih-tinare ti wajãri buhiri mipu macaina cãhu musa buhiri tinahca —ni yahure Jesu.

*Jerusalẽ macainare tuaro cahña Jesu
(Lc 13.34-35)*

³⁷ Æ ni tuhsu õ sehe ni namore:

—Cue, Jerusalẽ macaina, Cohamacu yare yahu muhtaina cjirire wajãrina jira musa. Musa coyera panopu macaina cjiri cãhu ãta yoarina cjiri jiha. Æ yoa musa cahai to warocaina cjirire tãa mehne doca wajãrina jira musa. Caracacoro to pohñare to cã musa dupuri mehne to moha coãno sehta payu tahari cahñrucumahi musare. Musare cahmamahi. Musa sehe yuhure ne cahmaerare.

³⁸ Mipure musa ya maca cohãri maca cjiro jirohca.

³⁹ Potocã musare niita nija. Baharopu taihtja yuhu. Æ yu tachu ñana musa yuhure “Cohamacu tuaa mehne tariro noano tajaro”, ninahca. Yuhure musa tire nihto pano yu tjua tahto pano pari turi yuhure ñusi musa —nire Jesu tinare.

24

“Cohamacu wuhu cohāri wuhu jirohca”,
niha Jesu

(Mr 13.1-2; Lc 21.5-6)

1 Ā yoa Cohamacu wuhui jiriro Jesu to wijaa wihichu sã to buheina tí wuhure tí wuhu cahai jia wuhuse cãhure ñana:

—Ahri wuhuse jira. Ñuga mahũ cãhu —ni sã tirore.

2 Jesu õ sehe ni yuhtire:

—Ahri wuhuse mire ñumana masa. Musare yahuita nija. Ahri wuhuse jipihitia masa ñari cjiri ahri wuhuse macaa tãa cãhu cohõ pihtia wahaahca. Ne cãria tãca tjuasi —nire tiro sãre.

Pihtiri dacho cjihtore yahuha Jesu

(Mr 13.3-23; Lc 21.7-24; 17.22-24)

3 Baharo Olivo wama tidũ tãcãpu su, tãpu dujire Jesu. Tõ to dujichu sã to buheina sã sahsero tiro cahãpu su, õ sehe ni sinitu ñahi:

—Yahuga sãre. ¿Dohse jichu ã waharohcari mu niriro sehe waharo? ¿Pihtiri dacho panocãre to jichu cãhure, mu tjuata tahto cãhure dohse to waha dacachũ ñnahcari sã? —ni sinitu ñai sã.

4 Jesu õ sehe ni yuhtire:

—Noano yoaga masa. Musare paina ti mahñoare tuhoena tjiga.

5 Payu masa “Cristo jija yuhu”, ni mahñoina taahca. Ti ã mahñochu tuhoa payu masa Cohamacu yare duhuahca.

6 Masa cahacãi masa paina ti cahma wajãchu tuhonahca masa. Tuhsu, yoaropũ cãhure ti cahma wajãchu tuhorocanahca masa. Ā tuhopanahta ne tãre pjãro tuhotuena tjiga. Ā waharohca. Ti ã yoachu pihtiri dacho cjihto duhsasininohca mini.

7 Tã pjare cũ yahpa macaina pa yahpa macaina mehne cahma wajãahca. Ā yoa cãiro puhtoro yaina paio puhtoro yaina mehne cahma wajãahca. Tuhsu, payu masa juca mehne yariaahca. Ā yoa dohatia payu jahca. Tuhsu, pjãro yahpa ñuhminohca.

8 To ã wahachũ ahri yahpa macainare ti ñano yuhdu namohto duhsasinina mini. Ñano yuhdu siniahca.

9 Tã pjare paina musare ñaha, ñano yoa dutia waahcu musare paina puhtoapure. Ti ã wachu musare wajãahca. Yu yaina masa jiri buhiri jipihitia musare ñu tuhtiahca.

10 Tã pjare payu yu yaina jimarina cjiri yuhure cohãahca. Ā jia tina mehne macainare tina ñu tuhtiahca. Ā yoaa tina mehne macaina ti jipachuta tinare ñano yoahntinare waahca tina.

11 Tã pjare payu “Cohamacu yare yahu muhtaina jija”, ni mahñoina jahca. Ā jia payu masa ti mahñoare tuhoahca.

12 Tã pjare ñabiaro yoahca masa. Ā yoaa tina mehne macainare cahĩ namosi.

13 Ā jina masa tuaina jina, ahri yahpai masa catisinino puro cãno pjarcuna, yuhdu nahca masa.

14 Tuhsu, ahri noaa buhea jipihitopũ ahri yahpapure ti yahua buhea jahca. Puhtoro Cohamacu to suho jiare yahuri buheare ti yahu siteri jahca, jipihitina tí buheare ti masihto sehe. Ti ã yahuri baharo pihtiri dacho ducarohca.

15 Cohamacu yare yahu muhtariro Daniel cjiro panopũ macariro ñabiarore Cohamacu yare ñano yoarirore yahua tiha panopure. Tã pjare tiro ñariro sehe Cohamacu wuhũpu to ducuchũ ñnahca masa. Ahri yu nirire noano masiga masa.

16 Tõ to ducuchũ ñua, Judea yahpapũ jiina sehe tãyucu cahãpu mroca duhtijaro.

17 Soaro mehne mroca duhtijaro. Tã pjare ti wuhuseri bui macaa waparipũ jiina wuhũ puhichãpu jiare ti yare na wahaeha tjijaro ti waha bahrañohto sehe.

18 Tuhsu, tã pjare paina ti weseripũ jiina ti bui macaa suhti wuhũpu jia suhtire na wahaeha tjijaro ti waha bahrañohto sehe.

19 Tã pjare nijipocosanumia, ti pohñare pãa numia cãhu pjacũoro wahaahca.

20 Ā jina Cohamacure õ sehe ni siniga: “Puhiro jichu judio masa sã soa namũri jichu cãhure sã mroca duhtihti dacho jãro tjijaro”, ni siniga masa Cohamacure.

21 Tã dachorire masa nu ñano wahaahca. Ahri yahpare to bajuamehneri baharo masa ñano ti yuhduã jisinia tiha. Ti ã jipachuta jipihitia tí purã yuhdoro pihtiri dacho panocã ñabiaro yuhduahca masa. Ā ñano ti yuhdũri baharo pari turi tã sehe ñabiaro yuhdũri ahri yahpai juna.

22 Cohamacu tí dachorire mahaa dachoricã jisinicũ yoarohca. To ã yoerachũ ne cãiro masũno yuhdueraboca. Ā jiro to beserina ti yuhduhti cjihtire mahaa dachoricã ã cãsininohca Cohamacu.

23 Tã pjare paina musare “Ñuga. Ōi jira Cristo”, ti nichũ tinare tuhoena tjiga. “Tõ jira Cristo”, ti nichũ tinare tuhoena tjiga.

24 “Cristo jija”, ni mahñoina, “Cohamacu yare yahu muhtaina jija”, ni mahñoina jahca ti pjare. Ā jia Cohamacu to beserinare mahñoa, tina bajuamehneare yoa ñoahca. Ti ã yoa ñochũ ñua, Cohamacu yaina cãina tinare tuhoa “Potocã tjira” nia, Cohamacu yare pa tehe nia duhuboca.

25 Ahri jipihitiare musare yahuyuja musare to ã wahahto pano. Ā jina tuhoga masa.

26 Paina masa musare “Ñuga. Masa marienopũ jira Cristo”, ti nichũ tãpũre ñana wahaena tjiga. Ā yoa tina “Ōi ahri tahti pocal jira tiro”, ti nichũ tinare tuhoena tjiga.

27 Yuhũ masũno Cohamacu warocariro wacũenoca tjuata taihtja. Oroca sitero

muanore sū mija taropu, sū sānopu wacūenoca to oroca siterocarō seheta wacūenoca tjuā taihtja yuhū.

²⁸ Yūcaare mari űna, yariariro to pjacu cjiro jichū mari noano masinahca. (Tō seheta ahri masare yū yahuyurire mūsa űna noano masinahca ahri yahpapu yū tjuā tahto mahanocā to duhsachū cāhure) – ni yahure Jesu.

Cristo ahri yahpapu to tjuā tahtore yahuha tiro

(Mr 13.24-37; Lc 21.25-33; 17.26-30, 34-36)

²⁹ Ā yahu tuhsuro tinare ō sehe ni yahu namore:

–Tī dachori masa ti űnao yuhduā dachori baharo sū dacho macariro, űami macariro cāhū buhria duhua wahaahca. Tī ā wahachū űahpichoha poca muanopu jia poca boraā wahaahca. Tuhsū, mūano macaa yahpari tuaro űuhmiahca.

³⁰ Tī pjata yuhū masūno Cohamacū warocariro muanopu yū bajuamehnenore yū űochū űuahca masa. Ā űna jipihtia curuari macaina tiāhca. Tuhsū, yū tuāā mehne, yū si sitea mehne mūano macaa me bui ahri yahpapure yū tjuā tachū űuahca tina.

³¹ Corneta bisiro coa tarohca. To ā coa tachū yū yaina anjoare jipihtirōpu ahri yahpapu warocaihtja. Tuhsū, jipihtirōpu yū yaina yū beserinare tina naahca.

³² Mipure higuercare tuhotuga mūsa. Tu quiti mehne masare piti dahre buheihtja. Tu yucacu pūri tichū űna, cāhma mahanocā to duhsachū masina mūsa.

³³ Tō seheta ahri jipihtia yū niri cjirore ti ā wahachū űna, yū tjuā tahto mahanocā to duhsachū masinahca mūsa.

³⁴ Potocā niita nija masare. Tī pja macaina ti yariahto pano jipihtia yū niriro seheta ā waharohca. Mūano, ahri yahpa cāhū pihtia wahaahca.

³⁵ Mūano cāhū ahri yahpa cāhū pihtia wahaahca. Yū durucua sehe ne cohtotasi. Jipihtia yū niriro seheta ā waha sohtori tiarohca.

³⁶ Tī dachore yū tjuā tahti dachore, ti ora cāhure masieraja yuhū. Anjoa cāhū tīre masierara. Masa cāhū masierara. Yū Pucu dihta tīre masina.

³⁷ Noē to jiri pja macaina ti jiriro seheta ahri yahpapu yū tjuā tahto panocāre tō seheta jahca masa.

³⁸ Yahpa to minihto pano masa chū, sihni, yoaha. Tuhsū, mūa, numiare namo tiha. Noē cāhū ti dohoriapu ti samuhto pano ā yoā timaha masa.

³⁹ Dōihta tuaro coro ta, wacūenoca yahpa minia wahaha. Masa cāhū mini pihtia wahaha. Wacūenoca to miniriro seheta yuhū

masūno Cohamacū warocariro ahri yahpapure wacūenoca tjuā taihtja.

⁴⁰ Tī pjare wesepu puaro dahraina ti jichū cāiro yuhure cahmarirore naaihca. Ā yoā yuhure cahmaerariro tōi tjuarohca.

⁴¹ Tī pjare puaro numia cānoi ti yore arēa numia jichū cācoro yuhure cahmaricorore naaihca. Ā yoā yuhure cahmaeraricoro tōihta tjuarohca.

⁴² Noano wacū masi cohtaga. Yuhū mūsa puhtoro, yū tjuā tahti dachore ne masierara mūsa.

⁴³ Ahrire wacūga mūsa. Yacariro to wuhupu to sāa yacahto panore wuhū puoro masino, ti űamine tiro carieraboa, yacarirore cohtaro taro. Ā yoā yacarirore to wuhupu sāa dutieraboa. Yuhū yacariro to wacūenoca to tariro seheta wacūenoca taihtja.

⁴⁴ Ā jina yū yare ā yoarucuna yuhure cohtaga. Yuhū masūno Cohamacū warocariro ahri yahpapu tjuā tai wacūenoca taihtja – nire Jesu.

Dahra cohtariro to puhtorore űo payorirore, űo payoerariro cāhure yahuha
(Lc 12.41-48)

⁴⁵ Ā yoā Jesu to tuhotua mehne ō sehe ni piti dahre buhe namore tjoa:

–Dahra cohtariro to puhtorore űo payoriro tuho masiriro jira. To ā jichū űūno paina dahra cohtaina bui cūna tirore to puhtoro sehe waharo taro. Ā tirore cū tuhsū wahaā wahara puhtoro. To ā wahachū űūno, chūri pja jichū dahra cohtariro painare chūare witiira.

⁴⁶ Baharo puhtoro to ya wuhū tju wihira. To tju wihichū űūno dahra cohtariro sehe to puhtoro to dutiriro seheta yoā pahñoriro jiro, wahcheriro jirohca.

⁴⁷ Potocā masare niita nija. To ā noano dahrachū űūno to puhtoro jipihtia to yare űū wihbohtiro cūnohca tirore.

⁴⁸⁻⁴⁹ Wiho mejeta űariro dahra cohtariro sehe “Yū puhtoro so bajuerara” nino, paina dahra cohtainare cjāpe, pjīro chū, sihni, cahaina mehne caharohca.

⁵⁰ Baharo to puhtoro wacūenoca tjuā tarohca. Tī dachore ne masierara dahra cohtariro.

⁵¹ Puhtoro sehe tjuā taro űariro to yoarire tuhoro, tirore tuaro buhiri dahrerohca. Ā buhiri dahrero, masa ti baharo buhūsehei űāno yoā cohtaina ti waharopu cohānohca tirore. Tōpūre tiro tuaro tii, cahyaro mehne bahca dihorohca –ni yahure Jesu.

25

Diez nuhmia quiti mehne buheha Jesu

¹ Ā yoā Jesu pari turi to tuhotua mehne ō sehe ni piti dahre buhe namore tjoa:

—Muanò macariro masa bui puhtoro to suho jia ahri quiti yoaro sehe jira: Diez numhia jiha. Cũ ñami tina ti sihãa poca mehne wamomaca duhtehtirore piti boca wahaha.

² Tina mehne macaa numia cinco numia tuho masiera numia jiha. Paye numia sehe cinco numia tuho masia numia jiha.

³ Tuho masiera numia sehe ti sihãa pocare, posa tia pocare naamaha. Paye pocare se posa tia pocare ti pihtichu ti pioborire naaeraha.

⁴ Tuho masia numia sehe ti sihãa poca se posa tia pocare naaha. Paye se poca cãhure naaha.

⁵ Å jia wamomaca duhtehtiro to bajuerachu ti numiare waju purichu caria wahaha.

⁶ Å ti carini baharo ñami dacho macai sañurucuro coa taha: “Tuho. Wamomaca duhtehtiro taro coa tara. Tirore piti bocana taga”, ni sañurucuro coa taha.

⁷ To ã nino coa tachu tuhoa ti numia wahcã, ti sihãa pocare cahnaha.

⁸ Å yoaa tuho masiera numia sehe paye numia tuho masia numiare õ sehe niha: “Sã sihãa poca yatia nina. Å jina mahanocã musa ya sere waga sãre”, ni sinimaha ti numia.

⁹ Ti ã sinipachuta tuho masia numia õ sehe ni yuhtia: “Sã ya se mari jiphtinare mu sueraboca. Å jina se cjuainare musa basi nuchuna wahaga”, ni yuhtia tuho masia numia sehe.

¹⁰ Ti ã nichu tuhoa, tuho masiera numia sere nuchua wahaha. Ti ã wahari baharo wamomaca duhtehtiro wihia. Å to wihichu ñua ti yare cahno tuhsari numia tuho masia numia tirore piti bocaha. Piti boca, to wamomaca duhteri bose numaru tiro mehne ñua wahaha. Tuhsu, bose numare ti yoari wuhuru paina mehne ti numia ti sãari baharo, sopacare bihanocaha.

¹¹ Baharopu tuho masiera numia sehe wihimaha. “Puhtoro, sãre pjõhga”, nimaha ti numia.

¹² “Potocã musare niita nija. Musare masieraja yuhu”, niha tiro ti numiare.

¹³ Å jina tuho masia numia ti yare ti noano cahno tuhsu ti cohtariro seheta yu tahtore noano cohtaga musa cãhu. Yu tjua tahti dachore ti hora cãhure ne masierara musa —ni yahure Jesu.

Niñeru turi uru turi quitire yahuha Jesu

¹⁴ Å ni yahu tuhsu to tuhotua mehne õ sehe ni piti dahre buhe namore tjoa:

—Ti pja yu tjua tahti pja ahri quiti yoaro sehe jirohca. Wuhu puro jiha. Tiro pa sehenu tinino waharo taro, tirore dahra cohtainare pjirocaha. Å yoaro tinare to yare cohta dutiha.

¹⁵ Å cohta dutiro ti wihbo masino puro tinare niñeru turire waha. Cãirore cinco turi wapa bujua turi uru turire waha. Pairore pu tu waha. Pairore cã tu waha. Tinare wa tuhsu, waha wahaha.

¹⁶ Å yoa cinco turi to wariro dõhta to wahari baharota ti turi mehne paye barore nuchua. To nuchurire painare duaha. To duari wapa diez turi waro wapataha tiro. Å jiro diez turi cjuaha.

¹⁷ Å yoa pu tu to wariro dõhta to wahari baharota ti turi mehne paye barore nuchua. To nuchurire painare duaha. To duari wapa pititia turi waro wapataha tiro. Å jiro pititia turi cjuaha.

¹⁸ Cũ ture to wariro sehe copa saha, ti ture yaha, ti coparu nuono.

¹⁹ Yoari pja baharo ti puhtoro wihia. Å wihiro to niñeru turi mehne ti ñaha namore quihõno taro tirore dahra cohtainare pjirocaha.

²⁰ Å to pirocachu cinco turi to wariro cjiro to puhtoro caharu su, yahuha tirore: “Cinco turi yuhure ware muhu. Ñujuta. Ti turi mehne paye cinco turire ñaha namohi”, niha tirore.

²¹ “Noano yoari jire muhu. Muhu noariro, yu dutiriro seheta yoariro jira. Mahanocã mehne noano yoare muhu. Å jicu mipure muhare pjiro mu dahrahtore cõihtja. Å jicu yuhu mehne wahchega muhu”, niha to puhtoro.

²² Å yoa pu tu ture nariro cjiro to puhtoro caharu su, yahuha tirore: “Pu tu yuhure ware muhu. Ñujuta. Ti turi mehne paye turi pu tu ñaha namohi”, niha tiro.

²³ “Noano yoari jire muhu. Muhu noariro, yu dutiriro sehe yoariro jira. Mahanocã noano yoare muhu. Å jicu mipure pjiro mu dahrahtore cõihtja. Å jicu yuhu mehne wahchega muhu”, niha to puhtoro.

²⁴ Å yoa cã ture nariro cjiro to puhtoro caharu su, yahuha tirore: “Puhtoro, muhu paina sehene tuaro dahra dutiriro jira. Å tuaro dahra dutiriro jicu toaa maerariro jipaihta ti dichare muhu nana.

²⁵ Mu ã jiriro jichu muhare cuihi. Å cuihu copa saha, ti coparu mu niñeru ture nuohi. Ñujuta. Oi jira mu niñeru tu”, niha tiro.

²⁶ To puhtoro to ã nichu tuho tirore õ sehe niha: “Muhu ñariro, capa bujariro jira. Yu toaa maerariro jipaihta ti dichare yu nariro jichu masina muhu.

²⁷ Yu ã jiriro jichu ñacu ya ture niñeru wihburi wuhuru wihboboa muhu. Mu ã wihbochu tina ti ture wiaapu paye niñeru wa namoboa tina”, niha puhtoro tirore.

²⁸ Å nino paina tirore dahra cohtainare dutiha tiro: “Niñeru ture maga tirore. Diez turire cjuariro sehene waga.

²⁹ Cɔ̃ainare wa namoihtja. Ā jia pjiro cɔ̃aaahca. Cɔ̃aaeraina sehere mahanocā ti cɔ̃apachuta tīre maihtja.

³⁰ Ahriro dahra cohtariro yaba cjihti jierara. Nahitianopu ñanopu cohānocahga tireo. Tōpu tiro tuaro tii, cahyaro mehne bahca dihorohca”, niha puhtoro —ni yahure Jesu.

Buhiri dahrehtore yahuha Jesu

³¹ Ā yoa Jesu ð sehe ni yahu namore:

—Yuhu masano Cohamacu warocariro jipihitina anjoa mehne puhtoro jicu tacu, yu puhtoro dujiropu yu si sitea mehne dujiihca.

³² Ā yu dujichu, ahri yahpa macaina jipihitina yu cahai cahmachuahca. Ti ā cahmachuri baharo puca curua tinare tju waithtja. Ovejare ñu wihboriro to ovejare, to cabra cāhure to tju wariro seheta masare tju wa dapohtja.

³³ Ā tju wacu oveja yoaro sehe jiina noainare yu poto buhusehei bese dapohtja. Ā yoa cabra yoaro sehe jiinare ñainare yu cō buhusehei bese dapohtja.

³⁴ Yu ā yoari baharo yuhu jipihtina bui puhtoro sehe yu poto buhusehei yu bese dapoinare ð sehe ni yahuihtja: “Yu Pucu masare noano yoare. Ahri yahpare ba juamehnenopu masa ya cjihtire puhtoro to sūho jirore cahno basayu tuhsare Cohamacu. Ā jina mipare to cahnoripare jina taga.

³⁵ Yu juca baachu masa sehe yuhare chware ware. Yu ñahma yapiochu yuhare masa sihōre. Masa cahai yu tinichu yuhare ñu masierapanahta yuhare noano piti bocare masa.

³⁶ Suhti maerariro yu jichu ñuna masa sehe yuhare suhti sāare. Dohatiriro yu jichu masa yuhare ñuna tare. Peresui yu jichu cāhure yuhare ñuna tare masa”, nihtja noainare.

³⁷ Yu ā nichu tūhoa tina yuhare sinituahca: “¿Puhtoro dohse jichu mu juca baachu mūhure chware wari sā? ¿Dohse jichu mu ñahma yapiochu mūhure sihōri sā?

³⁸ ¿Dohse jichu mūhure ñu masierapanahta mūhure noano piti bocari sā? ¿Dohse jichu suhti maerariro mu jichu mūhure suhti sāari sā?

³⁹ ¿Dohse jichu mu dohatichu o peresui mu jichu cāhure mūhure ñuna sari sā?” niahca yuhare.

⁴⁰ Ti ā ni sinituchu tūhocu yuhu puhtoro tinare yahuihtja. “Potocā masare niita nija. Ahriina yu yaina mehne macariro wiho jiriro to jipachuta, tirore masa to seheta yoare. Ā jirirore ā yoana, yuhare yoaro seheta yoana nire masa tinare”, ni yahuihtja.

⁴¹ Noainare yu ā ni yahuri baharo yu cō buhusehei ducuinare yuhu jipihtina bui

puhtoro ð sehe ni yahuihtja: “Cohamacu to buhiri dahrehtina jira masa. Yuhu mehne tjuarena tjiga. Pichacapu wahaga masa. Tí pichaca ne yatierara. Wafino, to yaina anjoa cāhu ti jihtore tí pichacare yoare Cohamacu.

⁴² Yu juca baachu masa sehe yuhare chware waerare. Yu ñahma yapiochu masa yuhare sihōerare.

⁴³ Yuhare masierana masa yuhare piti bo-caerare. Ā ñnocaboare. Suhti maerariro yu jipachuta, yuhare suhti sāerare masa. Dohatiriro yu jichu peresui yu jichu cāhure ā ñnocare masa yuhare”, ni yahuihtja tinare ñainare.

⁴⁴ Yu ā nichu tūhoa tina yuhare sinituahca: “¿Puhtoro, mu juca baachu, mu ñahma yapiochu, sā masierariro mu jichu, suhti maerariro mu jichu, dohatiriro mu jichu, peresui mu jichu dohse jichu sā sehe mūhure yoadoherari?” ni sinituahca yuhare.

⁴⁵ Ti ā ni sinituchu yuhu tinare ð sehe ni yahuihtja: “Potocā masare niita nija. Ahriina yu yaina mehne macariro wiho jirirore masa ne yoadoherare. Ā jirirore masa yoadoherana, yuhareta ā yoana nire masa”, ni yahuihtja tinare.

⁴⁶ Ā jiro tinare ā buhiri dahrerucurohca Cohamacu. Tí buhiri dahrea ne pihtisi. Ā yoa, noaina sehe jipihtia dachoripe noano jirucuahca —ni yahure Jesu.

26

Sacerdotea puhtoa, judio masa bucuna mehne Jesure wajā duaha

(Mr 14.1-2; Lc 22.1-2; Jn 11.45-53)

¹ Tí jipihtiare to buheri baharo Jesu sāre to buheinare ð sehe ni yahure:

² —Pua dacho baharo pascua jirohca. Tíre masa masina. Tí pjare yuhu masanore Cohamacu warocariroro ñahaahca. Ñaha tuhsu, yuhare crusapu wajāahca —nire tiro sāre.

³ Ā yoa sacerdotea puhtoa, judio masa bucuna cāhu cahmachuha. Caifa sacerdotea bui puhtoro ya wūhu cahmachuha tina.

⁴ Tóí cahmachu, ti mahñoa mehne Jesure ñaha ti wajāhtore cahma sūhūdu niha:

⁵ —Bose nūmu jichu tirore ñahaena tjijihna, “Masa suari”, nina —niha tina ti basi.

Numino me sitia se mehne Jesure pio payoha

(Mr 14.3-9; Jn 12.1-8)

⁶ Tí pjare Simo camí bucú baariro cjiro ya wūhu jire Jesu. To jiri maca Betania wama tiri maca jire.

⁷ Tí wūhu to churo watoi cūcoro numino me sitia na ta, Jesu dapu bui pio payore. Tí me sitia alabastro wama tiriai posa tire. Wapa bujua co jire.

⁸ To ā pio payochu ñuna sā Jesu buheina suahi.

—¿Dohsearo ahricoro ahri me sitia co wapa bujñare ā yoa sitejari?

⁹ Tí me sitiare duaboa. Ā duaro pjíro wapa naboa. Ā nano tí niñerure pjacuoinare waboa ahricoro —nii sã to buheina.

¹⁰ Sã ā ni suachũ ñũno, Jesu õ sehe ni yahure sãre:

—Ā niena tjiga ticorore. Yuhure noano yoaro nina.

¹¹ Pjacuoina sehe m̄sa mehne ā jiru-cuahca. Ā jina tina sehere m̄sa wa masina. Yũhũ sehe ahri yahpare m̄sa mehne ā jirusi.

¹² Yuhure ti yahto pano yũ pjacure cahnoyuro, ticoro yuhure pio payore.

¹³ Potocã musare niita nija. Jipihtiro ahri yahparũ noaa buheare ti yahuropũ ahricoro mipure to yoirire yahuahca. Tí ā yahuchũ tuhoa ticorore masa payũ wacũahca —ni yahure Jesu sãre.

Juda Iscariote Jesure ñũ tuhtiinare to ñohtore yahuha sacerdoea puhtoare
(Mr 14.10-11; Lc 22.3-6)

¹⁴ Tí pjare cãiro sã mehne macariro Juda Iscariote sacerdoea puhtoaa cahapũ saha.

¹⁵ Sũ, tinare õ sehe ni sinituha:

—¿Jesure musare yũ ñochũ noho puro wanpahcari m̄sa? —ni sinituha tinare.

To ā nichũ tina tirore treinta turi plata turire waha.

¹⁶ Tí ā wari baharo Juda sehe Jesure to ñohti ñamine cohtasiniha.

Jesu to buheina mehne to chũ batoari namũ jiha

(Mr 14.12-25; Lc 22.7-23; Jn 13.21-30; 1Co 11.23-26)

¹⁷ Bucũaerari pãore ti chũna namũri dũcari namũi sã to buheina sehe õ sehe ni sinitu ñũhi Jesure:

—¿Mari pascua macaa chũhtire noho baroi cahnoyu dutirocaijari m̄hũ sãre? —ni sinitu ñũhi tirore.

¹⁸ Sã ā nichũ tiro õ sehe ni yahure sãre:

—Jerusalẽpũ wahaga. Tõi jirirore õ sehe ni yahuga: “Marine buheriro to ñano yuhduhti pja mahanocã dũhsatjãyuhti. Pascua jichũ m̄ ya wũhũ Jesu sãre to buheinare suho chuhto jiyuhti”, ni yahuga tí wũhũ purore —ni warocare Jesu sãre.

¹⁹ To ā ni warocachũ sãre to dutiriro se-heta yoana, pascua jichũ sã chũhtore cahnoyũ sã.

²⁰ Ā yoa tí ñamine sã mehne doce to buheina mehne chũro nire Jesu.

²¹ Sã chũro watoĩ tiro sãre õ sehe ni yahure:

—Potocã musare niita nija. Cãiro m̄sa mehne macariro yuhure ñũ tuhtiinare ñonohca yuhure —ni yahure tiro sãre.

²² To ā nichũ tuhona tuoro cahyana, tirore sinitu ñũ dũcai sã cãina jipihtina:

—¿Puhtoro, yuhuta jijari m̄hũre ñohtiro? —ni sinituĩ.

²³ Sã ā ni sinituchũ tiro õ sehe ni yũhtire: —Yũ churi wapai yuhũ mehne soha chũrirota jira yuhure ñũ tuhtiinare ñohtiro.

²⁴ Panopũ yuhure ti joariro seheta yuhũ masuno Cohamacũ warocariro yariaihca. Ā jiro yuhure ñũ tuhtiinare ñoriro ñano yuhdurohca. Tiro sehe to masa bajuerachũ noa yuhduaboa. Ñano yuhdueraboa —nire Jesu.

²⁵ To ā nichũta tirore ñohtiro Juda õ sehe ni siniture:

—Buheriro, ¿m̄hũre ñohtiro tjijari yuhũ? —ni siniture tiro.

Jesu õ sehe ni yũhtire:

—Ëjũ. Mũhuta jira —nire.

²⁶ Ā ni yahũ tuhsũ sã to buheina mehne chũro taro nire. Ā yoa Jesu pãore na, Cohamacure “Noana”, nire. Ā ni tuhsũ tíre nuha, sãre to buheinare witire.

—Ahrire na, chũga. Ahri yũ pjacũ jira —nire tiro.

²⁷ Ā ni tuhsũ tiro sihniri wahware na, Cohamacure “Noana” ni, sãre ware.

—M̄sa jipihtina ahrire sihniga.

²⁸ Ahri yũ di jira. Payũ masa tí ñaa yoari buhirire cohãcũ tacũ yariaihca. Ā yariacũ yũ dire cohãihca. Cohamacũ “M̄sare yuhdoihtja”, to ni cũriro m̄ sachũ yũ ā yũ yariaro mehne to niriro sohtori tiihca.

²⁹ Musare niita nija. Yũ Purũ puhtoro to suho jiropũ m̄anopũ m̄sa mehne wahma co vinore sihniihtja. Mari ā sihnihto pano ahri co vinore sihni namosi yuhũ —nire Jesu sãre.

³⁰ Ā jina Cohamacure ño payo basana cãnore basa tuhsũna tãcũ Olivo wama tidapũ sui sã.

Pedro Jesure to cohãhtore yahuha Jesu
(Mr 14.26-31; Lc 22.31-34; Jn 13.36-38)

³¹ Tõpũ sã sachũ Jesu sehe sãre õ sehe ni yahure:

—M̄icha ñami yuhure cohã wahcãnahca m̄sa. Õ seheta nina Cohamacũ to yare ti joari pũi yuhure yahuro: “Ovejare ñũ wihboriro yoaro sehe jirirore yuhũ Cohamacũ cohãihtja. Yũ ā cohãchũ to yaina oveja yoaro sehe jiina duhti site wahcãa wahaahca”, nina Cohamacũ to yare ti joari pũi.

³² Ā yoa Cohamacũ yuhure to masori baharo m̄sa pano Galileapũ wahayuihca yuhũ —nire tiro.

³³ To ā nichũ tuhoro õ sehe nimare Pedro: —Yuhũ mehne macaina jipihtina m̄hũre ti cohã wahcãpachũta yuhũ sehe m̄hũre ne cohãsi —nimare Pedro tirore.

³⁴ Jesu õ sehe ni yũhtire:

—Potocã niita nija muhare. Micha ñami caraca to duhto pano “Yuhu Jesure masieraja”, niihca muhu. Tia taha ã niihca muhu —nire tiro Pedrone.

³⁵ To ã nipachata Pedro õ sehe ni yuhtire:

—Muhu mehne yuhare ti wajã duapachata “Jesure masieraja”, ne nisi yuhu —ni yuhtimare Pedro.

Ã jina sã cãhu paina to buheina Pedro to niriro seheta nimai sã Jesure.

Getsemani wama tiropu Cohamacure sinia Jesu

(Mr 14.32-42; Lc 22.39-46)

³⁶ Ã yoa Getsemani wama tiropu Jesu sã to buheina mehne waha, tãru su, sãre õ sehe nire:

—Õi dujiyusiniga. Mõsa õi dujiro wato sohõ curerõpu Cohamacure sinii wahai nija —nire tiro sãre.

³⁷ Ã ni tuhsu, Pedrone, puaro Zebedeo pohñare tina tiarore pji wahcãre. Pji wahcã tuhsu, tiro tuaro cahya, ñano yajeripohna taha.

³⁸ Ã cahyaro tó mehne macainare to pji wahcãrinare õ sehe niha:

—Tuarõ ñano yajeripohna tija yuhu. Yuhare tuaro puñino seheta tuhotuwi nija michapucacã yu yariaborõ seheta. Sohõ curero wahasinii nija. Õi tjuasiniga. Ã yoa yu cãno potori catiga msa cãhu —niha tiro tinare.

³⁹ Ã ni tuhsu mahanocã waha namo, yahpai na tuhcuca caha su, Cohamacure õ sehe niha:

—Mai, yu ñano yuhduhtire yoa duaeracu yoi tija. Yu ã nipachata yu cahmano sehe yoi tija. Muhu sehe masina. Mu cahmano seheta yoaga yuhare —ni sinia tiro Cohamacure.

⁴⁰ Ã ni tuhsu, tiaro to buheina cahapu wihimahnõ, carñinare boca wihia tiro. Ã boca wihiro Pedrone õ sehe niha:

—¿Cã hora waro yu cãno potori cati masierari muhu?

⁴¹ Noano yoaga msa. Msa mu sãro quihõno yoa duamana msa. Wiho mejeta msa basi tãre bihoerara. Ã jina Cohamacure siniga ñano msa yoerahto sehe —ni yahuha Jesu.

⁴² Ã ni yahu tuhsu, pari turi waha, Cohamacure õ sehe ni sinia:

—Mai, yu ñano yuhduhtire yoa duacu yoaga yuhare. Mu cahmano seheta yoaga —ni sinia tiro.

⁴³ Ã ni tuhsu, to buheina tiaro buheina cahapu pari turi wihia tjoa. Ã wihiro carñinaretã boca wihia tjoa. Wujo caha yuhduaha tina.

⁴⁴ Ã jiro tinare cãnocã, pari turi waha, Cohamacure sinia. Tó pano to niriro seheta niha tjoa.

⁴⁵ Ã ni tuhsu to buheina cahapu wihii, tinare õ sehe niha:

—¿Carã, sosinina nijari msa? Tó purota carãga msa —niha tiro.

Ã ni tuhsu, õ sehe ni namoha Jesu:

—Tuhosiniga. Michapucacã yuhu masunore Cohamacu warocarirore ñainare waahca yuhare.

⁴⁶ Wahcãga. Basa wahana. Ñuga. Yuhare ñu tuhtiinare ñohtiro õi tara —niha tiro.

Jesure ñu tuhtiina tiore peresu yoaha

(Mr 14.43-50; Lc 22.47-53; Jn 18.2-11)

⁴⁷ To ã nino watoi sã mehne macariro cjiro Juda sehe wihire. Tiro mehne masa payu wihire. Tina sacerdotea puhtoã, judio masa bucuna cãhu ti warocarina jire. Ñosaa pñine, yucu siri cãhure cjuare.

⁴⁸ Wahmanore Jesure ñu tuhtiinare ñohtiro masare õ sehe ni yahu quihõ tuhsuha:

—Yu wahsupu wihmirirota jirohca msa ñahahtiro. Tiore yu wihmiri baharõ ñahaga tiore —niha Juda tinare.

⁴⁹ To ã ni tuhsu baharõ wihiro, Jesu cahapu dói waha bahrañore.

—Buheriro, ¿jimajari muhu? —ni tiore wahsupu wihmire.

⁵⁰ To ã wihmichu Jesu õ sehe nire:

—Coyeiro, ¿michapucacã mu yoa duarire yoaga? —nire tiro.

To ã ni tuhsu tina Jesure ñahare.

⁵¹ Ti ã yoachu ñano Jesu mehne macariro to ñosari pñine tuãwe na, sacerdotea bui puhtoro cahamacunore to cahmonore date pahrënocare.

⁵² To ã yoachu ñano Jesu tiore õ sehe ni yahure:

—Mu ñosari pñine wihboga. Painare mu ñosachu ti ñosa cahmachu yariaihca muhu.

⁵³ Yu Pucare yuhare yu yoadoho dutichu tiro sehe payu anjoare doce curuarire yu cahai warocaboa tiro. ¿Tãre masierajari muhu?

⁵⁴ Ã yoadohoboriro to jipachata tiore yuhare yoadoho dutisi yuhu. Yu ã dutierachu Cohamacu yare ti joari pũ to niriro seheta ã waharohca —nire tiro.

⁵⁵ Ã ni tuhsu masare õ sehe ni yahure tiro:

—¿Dohse jiro baro msa ñosaa pñini mehne, yucu tãri mehne yacarirore ti yoari seheta msa yuhare ñahana tajari? Dachoripe Cohamacu wuhuru msa yu buhe dujichu, msa yuhare ne ñahaerare.

⁵⁶ Ã jipachata ahri jiphtia ã waharo cahmana Cohamacu yare yahu muhtaina cjiro ti ni joari seheta —nire Jesu.

Tiore ti ã ñahachu ñana sã to buheina tiore cohã mroca wahcã wahai sã.

Judio masa puhto Jesure sinituha
(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Ā yoa tirore ñaharina cjiri sacerdotea bui puhtoro Caifa wama tiro yu wuhapu na suha tirore. Tí wuhaihta marine judio masare buheina, bucuna cāhu cahmachuha.

⁵⁸ Tópu Jesure ti naachu Pedro yoaropu tinare ñu nūnu tiha. Ā nūnu tiro Caifa ya wuhare ducitari sahrinore su, tí sahrino puhichapu sāa wahaha. Sāa su, tí wuhare cohtaina surara mehne dujiha. Jesure ti dohse yoachu ñano taro niha.

⁵⁹ Ā jia sacerdotea puhto, mari coyea judio masa bucuna, paina puhto mehne Jesure wajā duti duaa, tiro to quihōno yoeararire ti yahusāhtire wacū macamaha.

⁶⁰ Wiho mejeta jire bocaeraha. To quihōno yoearari mariapachuta, payu masa tirore ti cahmano yahusāmacanocaha. Ā jia puaro ti baharo macaina tirore

⁶¹ ō sehe ni yahusāha tjoa:

—Ahrīro ō sehe nire: “Cohamacu wuhare cohā masija. Ā cohācu tia nūmu wahaboroi tí wuhare pari turi yoaihtja”, to nichu tuhohi sā —ni yahusāmacanocaha Jesure.

⁶² Tí Ā niri baharo sacerdotea bui puhtoro wahcārucu su, Jesure ō sehe ni sinituha:

—¿Ahrina wuhare ti yahusāpachuta tinare yuhti cahmaerajari mūhu? ¿Mūhure ti yahusārire dohse ni yuhti cahmajari mūhu? —niha puhtoro.

⁶³ To ā nichu tuhōparota Jesu āta tuhōtunocaha. To ā yuhtierachu ñano sacerdotea bui puhtoro pari turi sinituha tjoa:

—Cohamacu catiriro wama mehne potocā niga mūhu. Mū ā nierachu tiro mūhure buhiri dahrerohca. Yahuga sāre. ¿Cristo Cohamacu macanota jijari mūhu? —ni sinituha tjoa.

⁶⁴ To ā nichuputa Jesu ō sehe ni yuhtiha:

—Tirota jija. Mū sare potocā yahuita nija. Baharo yuhu masuno Cohamacu warocariro yu Pucū jipihtina bui tuariro cahapu to poto buhuseheru yu dujichu ñunahca mūsa. Ā yoa mūano macaa me bui yu tachu cāhure ñunahca mūsa —ni yuhtiha Jesu.

⁶⁵ To ā nichu tuhoro sacerdotea bui puhtoro, to basi to sāari suhtirore tuhōrenocaha painare “Sua yuhdūara”, ni ñu masi dutiro. Ā tuhōrenocahno ō sehe niha:

—Cohamacu pūiro ñano durucuro nina ahrīro. Ā jina to ñano durucure tuho tuhūja mari. Ā jia tó peinata yahusājaro ahrīrore. Ōihta to ñano durucuchu tuhoja mari.

⁶⁶ ¿Dohse yoanahcari mari mipure ahrīrore? —ni sinituha tiro paina puhtoare.

—To ñari buhiri wajānōcano cahmana tirore —ni yuhtiha tina.

⁶⁷ Tí ā niri baharo to wuhdūare chahcho puti sihō mūja, tirore cāpe, dota mūjaha tina.

⁶⁸ Tirore cāpe tuhsu, ō sehe nipeha tirore: —¿Diro sehe mūhure cājāri? Cristo jicu ñuerapaihta yahuga sāre —ni cāpe dota mūjaha tina.

“Tirore masieraja”, niha Pedro Jesure
(Mr 14.66-72; Lc 22.56-62; Jn 18.15-18, 25-27)

⁶⁹ Ā yoa tí wuhu cahai jiri wapai noari wapai Pedro sehe dujiha. To ā dujichu ñano sacerdotea bui puhtoro cahamacono tiro cahapu saro, ō sehe niha:

—Mūhu cāhu Jesu Galilea macariro mehne jire —niha ticoro.

⁷⁰ To ā nichu tuhoro, Pedro ō sehe niha:

—¿Dohse nimacanocaco nijari mūhu? Mū nirirore ne masieraja yuhu —niha Pedro ticoro jipihtina ti tuhōrocaroi.

⁷¹ To ā niri baharo tí wapa macari sahrino sopaca cahapu wahaha Pedro. Tóti to jichu pacoro cahamacono tirore ñano, tóti jinare ō sehe niha:

—Jesu Nazare macariro mehne jire ahrīro cāhu —niha ticoro Pedore tjoa.

⁷² To ā nichu tuhoro Pedro ō sehe ni yuhtiha:

—Cohamacu mehne potocā nii nija. Tiro mū nirirore ne masieraja yuhu —ni yuhtiha Pedro.

⁷³ Ā yoa mahanocā baharota tóti ducuína Pedro cahapu waha, tirore ō sehe niha tjoa:

—Potocā tjira. Jesu yaina mehne macariro jira mūhu cāhu. Tina yoaro seheta durucuro mūhu —niha tina Pedore.

⁷⁴ Tí ā nichu Pedro ō sehe ni yuhtiha:

—Potocā Cohamacu mehne nii nija mū sare. Yuhu potocā yu nierachu Cohamacu yuhare buhiri dahrejaro. Tirore mūsa nirirore ne masieraja yuhu —ni yuhtiha tiro tinare.

To ā nichuta caraca duha.

⁷⁵ To duchu tuhoro Jesu tirore to nirire wacūha. “Caraca to duhto pano ‘Jesure masieraja’, ni ihca mūhu. Tia taha ā ni ihca mūhu”, Jesu to niri cjirire wacūha Pedro. Ā wacūno, tí sahrino sopacare wijaa, tuaro tiiha.

27

Pilato cahapu Jesure naaha
(Mr 15.1; Lc 23.1-2; Jn 18.28-32)

¹ Ā yoa bohreoropu sacerdotea puhto, mari judio masa bucuna cāhu Jesure ti wajā duihtore cahma sūhūduha.

² Tí ā yoari baharo tirore duhte, Pilato cahapu naa, tirore waha Pilatore. Pilato sehe tí yahpa macaina puhtoro jire.

Juda Iscariote yariaa wahaha

³ Ā yoa Jesure ti wajā dutichu ñuno Juda sehe Jesure ñoriro tirore to ñori cjirire tuaro wacū cahyaha. Ā cahyaro treinta tūri to ñahari niñeru turire wiaro waharo, sacerdotea puhtoa cahapu, bucuna cahapu su, ō sehe niha:

⁴ —Jesu musare ya ñoriro ñaa marieriro to jipachuta tina wajā dutire tirore. Ā jicu musare tirore ñocu ñano yoai nihti yahu —ni yahuha Juda tinare.

To ā ni yahuri baharo tina ō sehe ni yuhtiha:

—Āta yoawahnojaro. Sāre yaba cjihti jierara ti mu ā nia. Mūhu dihta ā ni tuhotura tīre —ni yuhtiha tina tirore.

⁵ Ti ā ni yuhtiri baharo Cohamacu ya wuhai Juda to niñeru turire doca site cūnocaha. Doca site cūnoca, wahaa wahaha. Waha, yuta dare duhte yo, to basi wamūai tju suha, puroca yoja su, yariaa wahaha juna.

⁶ Ā jia sacerdotea puhtoa niñeru turire naa, ō sehe niha:

—Ahri niñerure Cohamacu wahu macari caropu niñeru wihbori caropu mari cū masieraja. Ahri niñeru mehnetā masunore wajā dutire. Ā jia mari dutia marine tō sehe jia niñerure wihbo dutierara —niha tina ti basi.

⁷ Ti ā niri baharo “Ō sehe yoajihna”, ti ni sahūduri baharo dihi biatorire yoiriro ya yahpare nuchuha. Ti tūri mehne nuchuha. Pa sehe macaina ti wihi ti yariachu ti yahti yahpa cjhutore ti yahpare nuchuha.

⁸ Ā jia ti yahpare “Di yahpa” wamoare masa. Mipū cūhare āta wama tira.

⁹ Ahri jipihtia ā wahari jire Jeremīa cjiro panopu “Ā waharohca”, to ni joariro seheta. Tiro Cohamacu yare yahu muhtariro cjiro jiha. Ō sehe ni joaa tiha tiro: “Treinta niñeru turire plata turire ‘Tō purota wapanahca tirore sā ñahahtore’, niahca Israe masa.

¹⁰ Ā jia ti tūri mehne dihi biatorire yoiriro ya yahpare nuchuahca tina. Ō seheta yuhare yoa dutire Cohamacu”, ni joaa tiha Jeremīa panopu.

Pilato Jesure sinituha

(Mr 15.2-5; Lc 23.3-5; Jn 18.33-38)

¹¹ Ā yoa Pilatore ti wari baharo tiro sehe Jesure ō sehe ni sinituha:

—¿Potocāta judio masa ti puhtorota jijari mūhu? —ni sinituha Jesure.

—Mu nino seheta tiro tjija —ni yuhtiha Jesu.

¹² Ā ni yuhtiparota, sacerdotea puhtoa, bucuna cūhu ti yahusāchu yuhtieraha tiro.

¹³ To ā yuhtierachu ñuno Pilato ō sehe ni sinituha:

—¿Ahri jipihtia mūhare ti yahusārire tūhoerajari mūhu? —ni sinituha tiro Jesure.

¹⁴ To ā ni sinitupachuta Jesu ne cū dusero yuhtieraha. To ā yuhtierachu ñuno Pilato cūaa wahaha.

Jesure wajā dutiha

(Mr 15.6-20; Lc 23.13-25; Jn 18.38-19.16)

¹⁵ Cūhmaripe pascuaripe masa yairo cjhutore cāiro peresupu jirirore Pilato ā wiobasa mūjaa tiha. Masa ti wio dutirirore wiobasa mūjaa tiha.

¹⁶ Tī pjare Barrabā wama tirore peresupu jiha. Tirore masia tiha payu masa.

¹⁷ Ā yoa ti ā cahmachuchu Pilato sehe ō sehe ni sinituha tinare:

—¿Diro sehere musare wiobasabocari yūhu? ¿O Barrabā sehere o Jesure Cristo ti nirirore wiobasabocari yūhu? —ni sinituha tiro.

¹⁸ Jesure masa ti cahīchu ñua judio masa mari puhtoa tirore ñu tuhtiha. Ā ñu tuhtia tirore waha Pilatore. Ā jiro masa ti cahīri buhiri judio masa mari puhtoa ti ñu tuhtirire masino Pilato Jesure wio duamaha.

¹⁹ Ā yoa Pilato masare soro sehe yoinare to beseri pahtai to dujichu to namono tirore quiti warocaha: “Micha ñamine Jesure cahāco, tuaro ñano yuhduhi. Ā jicu tirore ñaa marierirore ne jiape yoai tjiga mūhu”, ni yuhurocaha to namono Pilatore.

²⁰ Ā jia wahmanopure sacerdotea puhtoa, bucuna cūhu masare ō sehe ni duti tuhsaha. “Barrabā sehere wio duti, Jesu sehere wajā dutiga”, ni dutiha masare.

²¹ Ā yoa Pilato masare ō sehe ni sinituha:

—¿Ahriina pwarore diro sehere musare wiobasabocari yūhu? —ni sinituha.

—Barrabā sehere wiobasaga sāre —ni yuhtiha.

²² —¿Ahriro Jesu Cristo ti niriro sehere dohse yoaihcari yūhu masa ā ni sañurucuchu? —ni sinituha tiro.

—Crusapu cā puha wajāga tirore —ni yuhtiha masa jipihtina.

²³ —¿Yaba barore ñaare yoari ahriro masa ā nichu? —ni sinitu namoha tiro. To ā nichu tūhoa tina tuaro mehne sañurucuha:

—Crusapu cā puha wajāga tirore —ni sañurucuha masa tirore.

²⁴ Ti ā ni sañurucuchu tūhoro, tirore ti tūho duaerachu ñuno “Masa sua, cahmacheboca” nino, yuhtirota ō sehe yoaha Pilato. Masa ti ñurocaroi tiro wamo cosaha. Ā wamo cosaro ō sehe niha:

—Ahrirore ñaa marierirore wajāri buhiri ya buhiri jierara. Mūsa ya buhiri jira —nino wamo cosaha.

²⁵ To ā nichu tūhoa jipihtina masa ō sehe niha:

—Ahrirore wajāri buhiri sā, sā pohna cūhu sā ya buhiri jijaro —niha masa.

²⁶ Ti ã nichu tãhoro Pilato Barrabáre peresupu jirirore wio dutiha masa ti cahmarirore. Æ yoa tuhsu Jesu sehere yuta dari mehne tjana duti, tirore crusapu wajã dutiro wiaha surarare.

²⁷ To ã wiachu Pilato ya wãhupu to surara Jesure na suha. Æ yoaa tina surara jipihtina Jesu cahapu cahmachuha.

²⁸ Æ cahmachua to suhtire tjuwe na, puhtoro ya suhtiro sehe bajuri suhtirore tirore sãaha.

²⁹ Æ sãa tuhsu, pota sorore yoa tuhsu, to dapu bui duhu payoha. Æ duhu payo tuhsu, wãjucare poto buhusehe sehe dahra suhaha. Dahra suha tuhsu, na tuhcu caha su, bujapeha tirore:

—Noano tagã. Judio masa puhtoro noano tagã —ni bujapeha tirore.

³⁰ Æ niata tirore chahcho puti sihõ muja, ti dahra suhadu cjirore tirore tuãwe na, to dapure cjãha tu mehneta.

³¹ Ti ã bujaperi baharo ti sãari suhtirore tjuwe na, to ya suhti sehere sãaha tjoa. Sãa tuhsu, crusapu wajãa taa tirore na wijaaha.

Tina Jesure crusapu cjã puha, wajãha
(Mr 15.21-32; Lc 23.26-43; Jn 19.17-27)

³² Tirore na wahcã, Simo wama tiriore Cirene macarirore piti boca, tirore Jesu to wãari crusare wãa wahcã dutire.

³³ Wãa wahcã, Gólgota wama tiorop sure. Gólgota nino, “Dapu cohã”, nino nina.

³⁴ Tuhsu, vinore suãe co ñimaca macaa co mehne ti morea core Jesure wamare tina. Ti core sihni ñu, sihniere tiro.

³⁵ Æ yoa to suhtire ti tjuwe nari baharo tirore crusapu cjã puhare tina. Æ cjã puha tuhsua, to sãa suhti cjirore ti basi cahma witia taa, “¿Noa yaro jirohcari õ?” ni masia taa, docapea poca mehne docape mujaha tina. [Æ yoaa Cohamacu yare yahu mũhtariro cjiro to ni joariro seheta yoaa nire tina. Õ sehe ni joaa tiha tiro: “Yu suhtire ti basi naa taa, ¿Noa yaro jirohcari õ?” ni, docapea poca mehne docape mujaha tina”, ni joaa tiha panopu.]

³⁶ Docape tuhsu tirore ñu dujirucure tina.

³⁷ Æ yoa Jesure “¿Yaba buhiri mehne yariabocari tiro?” ti ni masihto sehe, õ sehe ni ti joa õri pjine crusapu duhu õha tina. “Ahriro Jesu judio masa bui puhtoro jiriro jira”, ni joa õre tina ti pjipru.

³⁸ Baharo puaro yaca bucuna cãhure Jesu cahai paye crusari pjnipru cjã puha dapore tina. Cãiro to poto buhusehei, paio to cõ buhusehei cjã puha dapore tina.

³⁹ Crusari cahai yãhdu wahcãina Jesure ñu, ti dapu pocare yureroca, tirore ñano durucure:

⁴⁰ —¿Cohamacu wãhure cohã, tia dacho wababoroi pari turi ti wãhure dahrehtiro jijari

mãhu? Cohamacu macno jicu mãbasi dujia taga. Æ yoa mãbasi yoadohoga. Æ jii yãhdu witiicã mãhu —nire masa.

⁴¹ Æta ni bujapere tirore. Sacerdotea puhtoa cãhu, marine judio masare buheina cãhu bucuna cãhu tirore ã ni bujapere:

⁴² —Tiro painare yãhdoriro jiparota to basi yãhdo masierara. “Israe masa puhtoro jija”, nimana tiro. Æ jina to basi to duji tachu ñana tirore wacũ tuanaaha.

⁴³ Tiro sehe Cohamacu wacũ tuamana. Tuhsu, “Cohamacu macno jija”, nimana tiro. To ã jiriro jichu Cohamacu sehe tirore yoadohojaro —ni bujapere tina.

⁴⁴ Yaca bucuna tiro cahai ti cjã puharina cjiro cãhu tó seheta tirore bujape, ñano ni durucure tina cãhu.

Jesu yariaa wahaha

(Mr 15.33-41; Lc 23.44-49; Jn 19.28-30)

⁴⁵ Æ yoa cohari pja jichu tia hora waro jipihtiorop nahitiano jire.

⁴⁶ To nahitia duhuchu waro Jesu tuaro sañurucure:

—Elí, Elí ¿lama sabactani? —nire tiro. Æ nino õ sehe nino nire: “Yu Cohamacu, yu Cohamacu, ¿dohseacu yãhure cohãri mãhu?” nino nire.

⁴⁷ To ã nichu tãhoa cãina tó ducuina õ sehe nimare:

—Cohamacu yare yahu mũhtariro Elia cjirore pjirocaro niboca —nimare tina.

⁴⁸ Ti ã ni tuhsuchu cãiro tina mehne macariro wihmi nari suhtepu vino suãe core soha tuhsu, na muroca, yucucu sohtoai dũhte õ, Jesure wihmi dutimare.

⁴⁹ To ã yoachu ñua paina wihmi dutirirore õ sehe nimare:

—Depusinia. Elia wihi, ahrirore to na borochu ñusinijihna mari —nimare paina.

⁵⁰ Ti ã niri baharo pari turi sañurucu, Jesu sehe yariaa wahare.

⁵¹ To ã yariachuta Cohamacu wãhu macari suhtiro, ti ducatarí suhtiro dacho macai bui sehe tãhnu bora ta, tãhnuroca yoja sua wahaha. Tuhsu, yahpa cãhu ñuhmire. To ã ñuhmichu tãa bujua poca wahtia wahare.

⁵² Æ yoa masa coparire pjõochu, payu Cohamacu yaina cjiro panopu yariarina cjiro masa wijaaha.

⁵³ Masa wijaã, Jesu sehe to masa wijaari baharo ti coparire cohãnoca, noari macapu Jerusalẽpu wahare tina. Tõpu ti wahachu payu masa ñua tiha tinare.

⁵⁴ Æ jia yahpa to ñuhmichu ñua, payu paye ti ã wahachu ñua surara puhtoro to surara mehne cãaa wahare. Tina Jesure crusapu jirirore cohtaina jire. Cãaa waha, õ sehe nire:

—Potocã tjiri jimana. Ahriro Cohamacu macanota jiri jimana —nire tina.

⁵⁵ Ā yoa Galileapɩ Jesu mehne tari numia cjiri tirore yoadohori numia cjiri yoaropɩ tirore crusapɩ jirirore ñarocarucua nire.

⁵⁶ Tí numia mehne María Magdalena jire. Pacoro María wama tiricoro cǎhu jire. Ticoro sehe Santiago, José cǎhu pocoro jire. Pacoro Zebedeo namono jire.

*Jesu pjacure masa copapɩ cǎha José
(Mr 15.42-47; Lc 23.50-56; Jn 19.38-42)*

⁵⁷ Ā yoa ñamichahapɩ José Arimatea macariro pache pɩro tói sɩa tiha. Tiro Jesu buheriro jire.

⁵⁸ Ā yoa Pilato cahapɩ sɩ, Jesu pjacure siniha. To ā sinichɩ tuhoro Jesu pjacure tirore wa dutiha Pilato.

⁵⁹ To ā dutiri baharo José sehe Jesu pjacure na boro, noari suhtiro wete marieni suhtiro mehne to pjacure wahmaha.

⁶⁰ Wahma tuhsɩ, José to ya masa copapɩ siō payoha to pjacure. Tí copa tí tǎcai sahari copa wahma copa jire. Tí copapɩ yo sǎa duhu payo tuhsɩ, pjirria tǎcare tju turē wahcǎha tia mehne bihoro taro. Biha tuhsɩ, wahaa wahaha.

⁶¹ Ā jia María Magdalena, pacoro María mehne tí copare ñu dujirucuha.

Jesure ti cǎri copare surara cohtaha

⁶² Ā yoa pa dachoi, Pascua cjihtore tí cah-nori dacho baharo, sabado jichɩ sacerdotea puhto fariseo curua macaina cǎhu Pilato cahai cahmachuha.

⁶³ Cahmachu tuhsɩ ō sehe niha tina Pilatore:

—Puhtoro, tiro mahñoriro Jesu catisinino ō sehe niha tiro: “Tia dacho wahaboroi masa wijaaahca yǎhu”, niha tiro.

⁶⁴ To ā niriro jichɩ to buheina sehe to pjacure yacaboca. Ā yacaa masare ō sehe niboca: “Jesu masa wijaare”, niboca tina. Tiro Jesu sehe masare mahñono nire. Wiho mejeta to buheina sehe “Tiro masa wijaare” nia, mahñoina jiaha tina. Ā jiro Jesu to mahñoriro yuhdoro ti ya mahñoa sehe ñaa yuhduarohca. “Ā yacari” nicɩ, tia dacho waro to masa copare mɩ surarare cohta dutiga —niha tina Pilatore.

⁶⁵ Pilato ō sehe ni yǎtiha:

—Jai. Yɩ yaina surara cohtajaro. Ā yoa mɩsa cǎhu mɩsa bihoro puro tí copare noano cohtaga —niha tiro tinare.

⁶⁶ To ā nichɩ tina waha, tí copapɩ bihari tǎca mehneputa ñahachaputa wihtǎ ñahaha masa tí sǎachɩ ñu masia taa. Ā yoa tuhsɩ, surarare tí copare cohta dutiha.

28

*Jesu masa wijaaha
(Mr 16.1-8; Lc 24.1-12; Jn 20.1-10)*

¹ Ā yoa judio masa mari sori dacho sabado dacho sehe to yuhduri baharo domingo jichɩ ñami curero jichɩ María Magdalena, pacoro María mehne Jesu masa copare ñaa wahaha.

² Tí pjare dóhta yahpa tuaro ñuhmi bahrañoha. To ā ñuhmichɩ mari puhtoro to yairo anjo muanopɩ jiriro duji ta, masa copare bihari tǎcare tju turēroca, tia bui dujiha.

³ Tiro anjo orocasitero yoaro sehe noano si siteriro, to suhti yaja pjoa yoaro sehe noano yehsea suhti jiha.

⁴ To ā bajuachɩ tí copare cohtaina surara cui yuhduɩ, teterere, bui warohna yaria yuhduɩ wahaha.

⁵ Ā yoa tuhsɩ anjo sehe tí numiare ō sehe niha:

—Yuhure cuiena tjiga. Crusapɩ ti cǎa puhariro, Jesure mɩsa macachɩ masija yǎhu.

⁶ Wiho mejeta tiro sehe mipure ōre mari-ahna. To niriro seheta tiro masa wijaa wahare. To pjacure ti duhu payoriro cijirore ñna taga.

⁷ Ā ñu tuhsɩna to buheina cahapɩ ño duaro waha, ō sehe ni yahuna wahaga: “Jesu masa wijaare. Ā jiro mɩsa pano Galileapɩ tiro wahayurohca. Tóru tirore ñnahca mɩsa”, ni yahuna wahaga mɩsa. Ahri yɩ nirire wacūga mɩsa —niha anjo tí numiare.

⁸ To ā niri baharo tí numia masa copapɩ jia numia soaro mehne wijaa, tirore cuiptahta wahche yuhduɩ mehne Jesu buheinare yahua wahaa, mɩrocaha.

⁹ Ā wahaa numiare Jesu piti boca, ō sehe niha:

—¿Noano jimajari mɩsa? —niha tiro.

To ā niri baharo, tina sehe tiro cahapɩ sɩ, to dahporire ñaha, tirore ño payoha.

¹⁰ —Cuiena tjiga mɩsa. Yɩ buheinare “Galileapɩ wahaga”, ni yahuna wahaga. Tóru yuhure ñnahca tina —niha Jesu tinare.

Masa copare cohtaina surara ti ñurire yahuha

¹¹ To ā niri baharo tí numia ti waharo watoi cǎina masa copare cohtaina mehne macaina surara, Jerusaléru sacerdotea puhtoare yahu pahñoa wahaha. Jesu to masa copapɩ wijaarige yahu pahñonocaha.

¹² Tí ā ni yahuchɩ sacerdotea puhto, judio masa mari bucɩna mehne cahmachuha. Cahmachu, sǎhuduha. Ā jia surarare mahño dutia payɩ niñerure wapaha.

¹³ —Ō sehe niga mɩsa masare: “Ñami sǎ carino watoi to buheina sehe masa copapɩ wihi, to pjacure nanocari jire”, ni yahuga masare.

¹⁴ Mɩsa ā ni yahuchɩ Pilato sehe mɩsa carí yuhduarire tuhrocaboca. To ā

tũhochũ, “Mũsare tuhtiri”, nina mũsare yahubasanahca sã tirore –niha tina surarare.

¹⁵ Ti ã niri baharo surara sehe niñerure ñaha, tinare ti mahño dutiriro seheta masare yahua wahaha tina. Æ jia tó sehe Jesu to masa copare wijaarire yahurucura judio masa. Mipũ cãhũre ãta ni yahura tina.

*Jesu buhe dutiro to cũrinare dutiha
(Mr 16.14-18; Lc 24.36-49; Jn 20.19-23)*

¹⁶ Æ yoa sã Jesu buheina once buheina tũcũpũ Galileai jidũpũ Jesu to waha dutidũpũ wahai sã.

¹⁷ Tõpũ su, Jesure ñũna, ño payoi tirore. Æ ño payoina jipanahta, sã cãina “Ahriro Co-hamacũ macũno jieraboca”, ni tuhotumai.

¹⁸ Sã ã ño payochũ tiro sehe sã cahapũ wihi, õ sehe nire:

–Ahri yahrapũre, mũano cãhũre Co-hamacũ jiphtinare dutiriro waro jichũ yoare yũhũre.

¹⁹ To ã yoachũ õ sehe dutija mũsare: Jipihtiro macainare yũ yare buhena wahaga. Yũ yaina ti wahahto sehe buhena wahaga. Æ yoana yũ Pũcu to wama mehne, yũ wama mehne, Espĩritu Santo to wama mehne tinare bautisaga.

²⁰ Æ jina mũsare yũ dutirire ti yoa pahñõhti cjihtire buhega tinare mũsa. Æ yoana ahrire yũ nihtire wacũga: Jipihtia dachoripe ahri yahpa to jiro puro mũsa mehne ã jirucuihca. Mũsa mehne yũ ã jirucũhtore wacũga mũsa –ni yahure sãre Jesu.

San Marcos

João masare bautisariro buhe ducaha
(Mt 3.1-12; Lc 3.1-9, 15-17; Jn 1.19-28)

¹ Ahri tjui Jesucristo Cohamacu macano to yoaare noaa buheare yahu ducaja.

² Cohamacu yare yahu muhtariro cjiro Isaia to joariro seheta ahri yahua jira. Ō sehe ni joaha tiro:

“Cohamacu to macanore ō sehe niha:

‘Mu pano mahure yahuyuhitirore warocai nija.

³ Ā jiro tiro masa marienopu waharohca.

Tirote tuhoinare yahuro sañurucurohca: “Mari puhtoro to tahto pano musa ñaa tuhutuare cohtota, cahno mahtaga musa”, ni sañurucurohca, niha Cohamacu”,

ni joaa tiha Isaia cjiro João cjihtore.

⁴ João masare bautisariro masa marienopu masare buhea tiha:

–“Sã noaina jija”, ni musa tuhutumari cjirire duhu, musa ñaa buhirire cahya, Cohamacu sehene cahmaga musa. Ā jina bautisarina jiga. Musa ā yoachu ñyno Cohamacu musa ñaa buhirire borohca –ni buhea tiha tiro.

⁵ Ā yoa jipihtina Judea yahpa macari macaina, Jerusalē macaina mehne tiro cahapu ti suchu ñyno João sehe Jordão wama tiri mapu bautisaha tinare. Jinare to bautisaho pano tina sehe ti ñaa yoarire yahu yuhduha Cohamacure.

⁶ Tiro João sehe camello pjoari suhtirore sãariro wahiquiro cahsaroreta tuã dihoriro jiha. Porerore, macaroca macaina miquina mi cūhare chua tiha.

⁷ Ā yoa ō sehe ni buhea tiha:

–Yu baharo yu yuhdoro tuariro tarohca. Noa yuhduariro jira tiro. Tiro yoaro sehe jieraja yuhu sehe. Ā jicu tirote tuhutuca, “Wiho jiriro jija yuhu”, ni tuhutuja yuhu.

⁸ Musare bautisacu co mehne yoamahi. Tiro sehe yu yuhdoro yorohca. Espiritu Santore musa mehne jirucuchu yorohca –ni buhea tiha João.

João Jesure bautisaha
(Mt 3.13-17; Lc 3.21-22)

⁹ Ā yoa ti pjare Jesu Nazarepu Galilea yahpai jiri macapu jiriro Jordão wama tiri mapu suha. Tõpu to suchu João bautisaha tirote.

¹⁰ To ā bautisa tuhsuchu Jesu diapu ducuriro sarucu sũro muano to parĩ muaa wahachu ñuha tiro. To parĩ muachuta Espiritu Santo buja yoaro sehe Jesu bui duji pja suha.

¹¹ To ā duji pja suchu muanopu durucuro coa taha:

–Muhu yu macu yu cahĩriro jira. Muhu mehne tuaro wahcheja –nino coa taha muanopu.

Satana ñaare yoa dutimaha Jesure
(Mt 4.1-11; Lc 4.1-13)

¹² Tĩ pjare Jesure masa marienopu Espiritu Santo naaha.

¹³ Tõpũre sũro cuarenta dachori waro jiha. Watĩno sehe Jesu to ñaare yoachũ ñũ duaro, ñaare yoa dutimaha tirote. Tuhsũ, Jesu wahiquina nũcu machaina mehne jiha. Tõi to jichũ ñua anjoa sehe tirote yoadohoa, chũare waha.

Jesu Galilea yahpai buhe ducaha
(Mt 4.12-17; Lc 4.14-15)

¹⁴ Ā yoa Joãore peresupu ti biha dapori baharo Jesu sehe Galilea yahpapu noaa buheare puhtoro Cohamacu to suho jiare yahuro wahaha.

¹⁵ Ō sehe ni yahuha:

–Mipure ō sehe jira. Puhtoro Cohamacu musare to noano suho jihto mahanocã dũsara. Ā jina “Sã noaina jija”, musa ni tuhutumari cjirire duhuga. Musa ñaa buhirire cahya, Cohamacu sehene cahmaga. Ahri noa buheare “Quihõnota jira”, ni tuhoga musa –ni buhea tiha Jesu tinare.

Jesu pititarore wahi wajãinare “Yuhu mehne macaina cjihti taga”, niha
(Mt 4.18-22; Lc 5.1-11)

¹⁶ Tĩre yahu tuhsu, Galilea wama tiri bucũpariro duhtu cahapu sito wahcãmahno ñuha Simore, to bahũro Andre mehne. Tina wahi wajãina jiha. Ā jia ti wañyucũre bucũpariropu doca ñoa niha.

¹⁷ Ā yoa Jesu tinare ō sehe niha:

–Yuhu mehne macaina cjihti taga musa. Yuhu mehne musa tachũ musa wahire ñaha cahmachuina musa jiro seheta, Cohamacu yaina cjihtire masare pji cahmachuina cjihtire musare wahachu yoahtja. Yuhu mehne musa tachũ ā yoahtina cjihtire cũihtja musare –niha Jesu tinare.

¹⁸ To ā nichu tuhoa ti wañyucũre cũnoca, tiro mehne wahaa wahaha.

¹⁹ Ā yoa tina mahanocã yuhdu wahcã, Santiagore, to bahũro João mehne boca suha tjoa. Tina sehe Zebedeo pohna jiha. Ti yaria dohoriapu wañyucũre cahnoa niha.

²⁰ Ā yoa tiro to pjirocachũ tina sehe ti pũcũrore, tiro mehne dahra cohtaina mehne dohoriapu cũnoca, Jesu mehne wahaa wahaha.

Watã ti cohtotariro Jesure piti bocaha
(Lc 4.31-37)

²¹ Ā yoa tina Capernaũ wama tiri macapu suha. Tõpu sũro Sabado jichũ judio masa sã buheri wũhũpu buhero sãaha tiro.

²² Sã judio masare buheina yoaro sehe jieraha tiro. Noano masi pahĩriro ji,

noano waro buheha. To ā buhechu tí maca macaina taho cūaa wahaha.

²³ Tí pjare cāiro tí wūhūi jirirowa wafīa tí cohtotariro jiha. Tóí jiro ō sehe niha Jesure:

²⁴ —Mūhū Jesu Nazare macariro cariboi tjiga sāre. ¿Dohse yoi tai nijari? ¿Mūhū sāre butichū yoi tai nijari? Cohamacū macūno buhiri tia marieriro mū jichū masija yūhū —ni sañurucuha tiro Jesure.

²⁵ To ā nichū tuhoro Jesu tuhtiha wafīare: —Dihta mariaha. Wijaaha tirore —niha Jesu.

²⁶ Ā jia wafīa tirore yahpapū doca caha sū tunuchū yoa, to tuaro sañurucuro watoihta wijaaha tirore.

²⁷ Ā jia jipihtina tí wūhūi dujiina nū cūaa yūhdūa wahaha.

—Cue, ¿wahma buhea jijari ahri? Tiro puhtoro yaro seheta dutira wafīare. To dutichū tina wafīa sehe yūhdūacuerara tirore —ni durucuha tí wūhūi dujiina tí basi.

²⁸ Ā jia mahaa dachoricā baharoihta dóihta jipihtina Galilea yahpa macaina tíre to yoirire taho sahsea wahaha.

Jesu Simo Pedro marechonore noaricoro wahachū yoaha

(Mt 8.14-15; Lc 4.38-39)

²⁹ Ā yoa Jesu cūhū judio masa mari buheri wūhūpū jiina wijaaha. Tí ā wijaari baharo Jesu, Santiago, João, paina tina mehne macaina cūhūre Simo to bahuro Andre mehne tí ya wūhūpū suho sāa suha.

³⁰ Tí pjare Simo marechono juaro mehne to dohatichū cama bui to coāchū yahuha Jesure.

³¹ Tí ā yahuchū tuhoro tiro sehe ticoro cahapū suro, to wamomacare nāha, ticorore waja wahcō dapoha. To ā waja wahcō dapochūta ticorore juaro surua wahaha. To ā sururi baharo ticorota tinare chuare payoha.

Jesu payū dohatiinare noaina wahachū yoaha

(Mt 8.16-17; Lc 4.40-41)

³² Ā yoa sū sāari baharo nahi borachūpū masa payū dohatiinare, wafīa tí cohtotarinare Jesu cahapū na suha.

³³ Ā jia jipihtina tí maca macaina cahmachurūcū suha tí wūhū sopacai.

³⁴ Ā jiro Jesu payū dohatiinare, payū soro jia dohatia cūhūinare noaina wahachū yoaha. Wafīa cūhūre, masare sāamarinare payū cohā wioha. Ā jiro wafīa Jesure tí masichū nūno Jesu sehe tinare durucu dutiraha.

Jesu buhe tinino wahaha

(Lc 4.42-44)

³⁵ Ā yoa nāmi curerocā wahcā, nahitia curechūta masa marienopū Cohamacūre sinino wahaha Jesu.

³⁶ To ā wahari baharo Simo cūhū tirore macaa wahaha.

³⁷ Tina tirore boca sū, ō sehe niha:

—Masa jipihtina mūhūre macaa nihre —niha tina.

³⁸ Tí ā nichū tuhoro ō sehe niha Jesu tinare:

—Tinare buhe tuhsūhi. Pa sehēpū ō cahacā macaa macaripū wahajihna mari. Ahri yahpa macainare yahu site pahñoi tahi. Ā jicū yūhū paye macari macaina cūhūre buheihtja —niha Jesu.

³⁹ Ā ni tuhsū, jipihtina Galileai jia macaripū judio masa mari buhea wūhūsepū buhero, wafīare masare sāamarinare cohā wioha.

Jesu camí barirore noariro wahachū yoaha

(Mt 8.1-4; Lc 5.12-16)

⁴⁰ Ā yoa paio dohatiriro camí bariro Jesure piti bocaro, na tuhcuca caha sū ō sehe ní sinihā:

—Mūhū yūhūre noariro wahachū yoa duacu yoaga —niha camí bariro.

⁴¹ To ā nichū tuhoro Jesu tirore pja nūha. Ā jiro to wamomacare siōroca, tirore nāa payoha. Ā nāa payoro ō sehe niha:

—Tíre yoa duaja. Noariro jiga mūhū —ni yahuha Jesu.

⁴² To ā nichūta dohatiriro to camí bari cjiri yati mūaa wahaha. Noariro wahaha tiro.

⁴³ To ā wahachū nūno Jesu tirore tuaro mehne ō sehe ní yahuha:

⁴⁴ —Painare ahrire yahuecū tjiga. Ā yahuerapaihta mū pjacūre sacerdotere nūga. Cohamacū dutia Moise cjiroro to cūriro seheta yoaga. Ā yocū minichahcare waga sacerdotere noariro mū waharire mū nūhti cijhtire —niha Jesu. Ā ní tuhsū “Wahaga”, niha tirore.

⁴⁵ To ā yahu dutierapachūta tiro waha, jipihtia macari macainare Jesu to yoirire yahuha. To ā yahuri baharo Jesu masa payū tí jiropūre waha masieraha. Ā jiro tiro mahainacā tí jiropū jiha. Tópū to jichū payū macari macaina tiro cahapū suha.

2

Jesu pjacū buharirore ducuchū yoaha

(Mt 9.1-8; Lc 5.17-26)

¹ Mahaa dachori baharo Jesu Capernaupū tjuaa wahaha. Wūhūi to jichū masa tuhoha.

² Ā jia tóí masa payū cahmachu tí wūhūre wahpata wijaa surūcaha. Ā jiro Jesu tinare noaa buheare yahuha.

³ To ā yahuro wato, pititiaro mūa jipihtiri pjacū buharirore na wihaha.

⁴ Tí masa payū jichū nūa Jesu cahapū sāa masieraha. Ā jia tina wūhū buipū Jesu bui waroi mahanocā muji pahmare nawe, pjacū buharirore to coāri cahsaro mehne

duhu boroħa Jesu cahai. “Jesu aħriroro to doħatiare yuħduchu yoarohca”, ni tuħotuħa tina.

⁵ Ti ā ni tuħotuchu masino Jesu seħe doħatirirore ō seħe ni yahuħa:

–Macu, mu űaa yoari buħiri tiare cohā tuħsuja –niħa Jesu pjacu buħariroro.

⁶ To ā nichu tuħoa sā coyea judio masare buħeina tōp̄are dujiina ti basi ō seħe ni tuħotumaha:

⁷ “Aħriro ā ni durucuero tjiaro. Cohamacu űano durucuro nina tiro. Tiro masuno mari yoaro seħeta jiriro jira tiro cāhu. Ā jiro to űaa yoari buħiri tiare cohā masierara. Cohamacu diħta masa ti űaa yoari buħiri tiare cohā masina”, ni tuħotumaha tina.

⁸ Ti ā ni tuħotuchu űano Jesu ti tuħotuare masino ō seħe niħa:

–ĶDohse yoana muħa ā ni tuħotujari?

⁹ “Mu űaa yoari buħiri tiare cohā tuħsuja”, yu nichu “Mahñiroro jira”, yuħare nina muħa masierapanaha. “Wahcāruca, wahaga”, yu nichu to tinichu űana yu niri potocā jia jichu dōiħta masinahca muħa.

¹⁰ Yuħu masuno Cohamacu warocariro aħri yuħpapare masa ti űaa yoari buħiri tiare cohā masija yuħu. Aħrire muħa masiħto seħe ō seħeta to wahachu yoaiħtja –niħa Jesu judio masare buħeinare.

Tinare ā ninota pjacu buħariroro ō seħe niħa:

¹¹ –Muħare niita nija. Wahcāruca. Mu coāri cahsarore na wahcāga mu ya wuħaru –niħa Jesu tirore.

¹² To ā nichuħta pjacu buħariro cjiro wahcāruca su to coāri cahsarore na, jipiħtina ti űarocaroi wijaa wahaha. To ā yoachu űna tina jipiħtina űu cna wahaha. “Cohamacu tuariro jira” ni, “Ne, mari ō seħe yoare űera tiħi”, niħa tina ti basi.

Jesu Levire Mateo ti ni pisuriroro “Yuħu mehne macariro cjiħto taga”, niħa (Mt 9.9-13; Lc 5.27-32)

¹³ Ā yoa pari turi Jesu bucupariro duħtu caharu wahaha tjoa. Tōp̄u saro masa payu tiro cahai ti cahmachuchu űano tiro buħeħa tinare.

¹⁴ Ā yoa tuħsu tōp̄u jiriro wahamahno Levire Alfeo macanore to dahrari taħtiaru boca suħa. Paina mehne puħtoa ya cjiħtjare wapa na coħtaina jiħa Levī cāhu. Tirore boca saro ō seħe niħa:

–Yuħu mehne macariro cjiħto taga muħu –niħa Jesu Levire.

To ā nichuħta Levī seħe wahcā suħca, Jesu mehne wahaa wahaha.

¹⁵ Ā yoa baharo Jesu seħe to buħeina mehne Levī ya wuħaru ħuro niħa. Jesu mehne wahaina seħe payu jiħa. Cāina puħtoa ya cjiħtjare wapa na coħtaina, ā jichu

paina masa “űaa diħtare yoara”, ti niina mehne payu mesa cahai duji, tina cāhu tiro mehne cānoi suħo ħua niħa.

¹⁶ Tōp̄u ti dujiri baharo paina sā coyea judio masare buħeina, fariseo masa ya curua macaina mehne Jesu to ħu dujichu űnaħa tina. Ā űna ō seħe ni sinituħa:

–ĶDohsearo űano yoaina, puħtoa ya cjiħtjare wapa na coħtaina mehne ħujari Jesu? –ni sinituħa judio masare buħeina Jesu buħeinare.

¹⁷ Ti ā nichu tuħoro piti dahre buħea mehne ō seħe ni yuħtiħa Jesu:

–Dohatieraina duħturure macaerara. Dohatiina diħta duħturure macana. űano yoaina doħatiina yoaro seħe jira. Ā jicu űano yoainare yahui tai niħi yuħu. Ti basi “Noaina jija sā”, ni tuħotuinare yahui tai nierahi yuħu –niħa tiro tinare.

Chu duħuare Jesure sinituħa paina (Mt 9.14-17; Lc 5.33-39)

¹⁸ Ti pjare Joāo buħeina, fariseo curua macaina cāhu Cohamacu űo payoa taa, ħuħera tiħa. Ā jia masa Jesure ō seħe ni sinituħa:

–Joāo buħeina, fariseo buħeina cāhu Cohamacu űo payoa taa ħuħerara. ĶDohse yoa mu buħeina seħe ħu duħuerajari? –niħa tina Jesure.

¹⁹ Jesu to tuħotua mehne qiti dahre buhero tinare ō seħe ni yuħtiħa:

–Ō seħe jira ti: Wamomaca duħteriro bose nuħi to jichu tiro mehne macaina cahyaro mehne jierara. Tuħsu, ħuħeraina jierara. Tō seħeta yu buħeina cāhu yuħu mehne jia, ħu duhu masierara.

²⁰ Yu Pucu Cohamacu yuħare to naari baharo piniħtare yu buħeina mehne jisi yuħu. Ā jia ti pjaruħta yu buħeina cāhu ħu duħuħca –niħa Jesu.

²¹ Panopu macaa buħea wahma buħea mehne ti buħe more duachu űano ō seħe ni namoha Jesu tinare piti dahre buhero:

–Ne, wahma cahsaro suħtiro cahsaro mehne muħnano suħtirore sere ōno cahmaerara. Mari ā yoachu wahma cahsaro mari cosari baharo muħnano suħtirore waja cahmachu, pijbiaro tuħnuħu yoara.

²² Ā yoa ne se co bisia core wahiquireo cahsaro wajuru mehne muħa wajuru mehne posaarero cahmana. Mari ā yoachu se co bisia pahmoaru muħa wajurure tuħrēnocahna. To tuħnuħu se co cāhu, wajuru cāhu cohōa wahara. Ā yoa se co wahma core wahma wajurupu posaro cahmana. Mari ā yoachu se co cohōera, wajuru cāhu cohōerara. (Tō seħeta wahma buħea muħa buħea mehne buħe moreraro cahmana) –ni buħeħa Jesu tinare.

Sabado jichu Jesu buheina trigo parorire pahaha

(Mt 12.1-8; Lc 6.1-5)

²³ Pa dacho Sabado jichu Jesu cūhu trigo wesepu wahaha. To buheina sehe trigo parorire paha yuhdu wahāha.

²⁴ Ti ā yoachū űna ō sehe ni tuhtiha fariseo curua macaina Jesure:

—Tuhosiniga sāre. ¿Dohse yoa tina Sabado mari sori nūmu to jipachuta dahrajari? Marine dutiare yuhduűcaaa nina —niha tina Jesure.

²⁵⁻²⁶ Ti ā nichu tūhoro Jesu tinare yūhtiha. “Yu buheina yuhduűcaaa nierara”, nino taro ō sehe niha:

—Davi cjiro tiro mehne macaina mehne juca baaro, Cohamacu wūhupu sāa, Cohamacu ya pāore chūha. Ā chūro tiro mehne macaina cūhure ti pāore waha. Ti pāore sacerdotea dihtare chu dutira. Cohamacu dutia ti joari tjuu painare ti pāore chu dutierara. Tí pjare Abiata wama tiriro sacerdotea puhtoro jiha. ¿Davi cūhu tīre ti yoari cjiro Cohamacu yare ti joari tjuu buherari mūsa? (Tí pāore chūro Cohamacure yuhduűcaaro nieraha. Michare ahri yaparige chūu yu buheina cūhu Cohamacure yuhduűcaaa nierara) —niha Jesu tinare.

²⁷ Ā ni tuhsu ō sehe ni namoha:

—Ā yoa Cohamacu Sabado dachore ti sori nūmu cūno masa ya dacho cjihto cūno nire dahra wahyarinare so dutiro. Tí dachore űno payohtina cjihtire cūno nierare masare Cohamacu.

²⁸ Ā jicu yūhu masūno Cohamacu warocariro ahri dacho Sabado dachore masa ti yoahire yahurirota jicu puhtorota jija —niha Jesu tinare.

3

Wamomaca buhariro quiti jira

(Mt 12.9-14; Lc 6.6-11)

¹ Ā yoa Jesu sā judio masa buheri wūhupu sūro sāaha tjoa. Tí wūhūi cāiro wamomaca buhariro dujiha.

² Sabado jichu Jesu wamomaca buhariro to noariro yoachū űu duaha cāina ti wūhūi dujiina. To ā yoachū űna tīrore yahusā duamaha. “Mari sori nūmūi Jesu dahraro nina”, ni yahusā duamaha tina. Ā jia Jesu to sāa tachū űna, tīrore yahusā duaina sehe tiro dihtare űnroca ōha.

³ Tīrore ti ā űnroca ōpachuta Jesu sehe wamomaca buharirore ō sehe niha:

—Wahcā sūrucaga jipihitina ti űnrocaroi —niha.

⁴ Ā ni tuhsu tí wūhūi dujiinare ō sehe ni yahuha:

—¿Sabado jichu noaare yoachū noajari? ¿Ō űaare yoachū sehere noajari, mūsa tūhotuchū? Sabado jichu masūnore

masochū noa nina. Masūnore wajāchū sehere noajerara —ni yahuha Jesu tinare.

To ā nipachuta tina yūhtieraha.

⁵ Ti ā yūhtierachū űno Jesu tina mehne suaha. Tí tūho duaerachū űno Jesu cahyaha.

—Mū wamomacare siđrocaga —niha tiro wamomaca buharirore.

To ā nichu tūhoro tiro to wamomacare siđrocaga. To ā yoachuta noari wamomaca wahaha.

⁶ To ā noari wamomaca wahachū űna, fariseo curua macaina wijaa wahaha. Wijaa, Herode mehne macaina mehne cahmachu, “¿Dohse yoa Jesure wajānahcari mari?” niha tina ti basi.

Masa payu bušpariuro duhtu cahapu jiha

⁷⁻⁸ Ā yoa pari turi Jesu to buheina mehne bušpariuro cahapu wahaha tjoa. Ti ā wahachū űna Galilea macaina masa payu to baharo suha. Ā jia Judea yahpa macaina, Jerusalē macaina, Idumea yahpa macaina, Jordāo wama tiri ma sie coa macaina, Tiro wama tiri maca macaina, tó cahai jiina, Sidō wama tiri maca macaina, tó cahai jiina mehne masa payu jipihitina to yoarire tūhoa, tiro cahapu suha.

⁹⁻¹⁰ Tōru suha, payu masa jiha. Payu dohatinare noaina to yoachū tūhoa, paina dohatina cūhu Jesure piha dua, tju bihsaracu suha. Ti ā tju bihsaracu suchu űno, Jesu bušocare cahnopohobasa dutiha to buheinare.

¹¹ Ā yoa paina waűa ti cohtotarina sehe Jesure űna tiro cahai na tuhca caha suha.

—Mūhu Cohamacu macūno jira —ni saűurucuha tina tīrore.

¹² Ti ā saűurucuchū tūhoro tinare Cohamacu macūno to jiare tuaro mehne ni dutieraha Jesu.

Jesu to buheinare doce to warocahtinare bese dapoha

(Mt 10.1-4; Lc 6.12-16)

¹³ Ā yoa Jesu tūcūpu mūja, to cahmainare pjirocaha. To pjirocachu tūhoa, tiro cahapu mūja suha tina.

¹⁴ Ti mūja sūri baharo doce mūare tiro mehne macaina cjihtire, paye macaripure to yare buhe duti to warocahtinare, bese dapoha Jesu.

¹⁵ Ā yoaro dohatiinare ti yuhdohti cjihtire, waűare ti cohā wiohti cjihti cūhure cūha tinare.

¹⁶⁻¹⁹ Ahrinare doce mūare Jesu bese dapoha: Simo, Santiago Zebedeo macūno, Joāo to bahūro, Andre, Felipe, Bartolomé, Mateo, Toma, Santiago Alfeo macūno, Tadeo, Simo cananista ya curua macariro cjiro, Juda Iscariote, tina jiha to bese daporina. Jesu Simore Pedro ni wama pisuha. Santiago, Joāo mehne Boanerges

ni wama pisuha. Boanerges “Wupo yoaro sehe jiina tuaro bisiina jira”, nino nina. Juda Iscariote Jesure ñu tuhtiinare ñohtiro jiha. Tinare bese dapu tuhsu, dujiaa, Jesu to buheina mehne wuhupu sãa wahaha.

“Jesu watino tuaare cjuara”, ni yahusãha masa

(Mt 12.22-32; Lc 11.14-23; 12.10)

²⁰ Æ yoa tói pari turi masa payu cahmachua bihsa niha. Ti ã bihsachu ñuno Jesu chu masieraha. Tuhsu, to buheina cãhu chu masieraha.

²¹ Æ jia paina Jesu coyea tíre tuhoa, tiro cahapu sua, tírore ñahamaha.

–Tiro tuho masierariro waharo nina –nimaha tina.

²² Paina õ sehe niha:

–Beelzebú tírore ã wahachu yoaro nica. Tiro watíare cohãno Beelzebú watía puhtoro to tuaa mehne tinare cohãna –niha Jerusalẽpu tarina sãa judio masare buheina.

²³ Ti ã nichu tuhororo Jesu sehe tinare pjiroca, to tuhotua quití mehne piti dahre yahuha tinare:

²⁴ –Watíno ya tuaa mehne watíare cohãni nieraja. Watía ti basi cohã masierara. Cũ yahpa macaina ti basi cahma wajãa, tí yahpa macaina yaria pihtia wahaboa.

²⁵ Cũ wuhu macaina ti basi cahmachea tí wuhu macaina waha pihtia wahaboa.

²⁶ Tuhsu, Satana watía puhtoro sehe watíare cohãno ti basita cahmachea niboa. Æ jia tina waha pihtia wahaboa.

²⁷ Õ sehetá jira mari piti dahre buhechu. Tuariro ya wuhupu paio sãa su yaca masierara. Tuarirore duhteraro to ya wuhupu sãa su yaca masierara. Tuarirore to duhteri baharo sãa su yaca masina –ni yahuha Jesu. (Õ sehe ni yahuha watínore to yuhducarire yahuro. Watíno tuariro to jipachuta Jesu tírore yuhducarara watíare cohãno.)

²⁸ Æ ni tuhsu õ sehe ni yahu namoha Jesu: –Potocã niita nija musare. Jipihtia ñaare masa ti yoachu tí durucuchũ cãhure Cohamacu bo masina.

²⁹ Æ boparota Espíritu Santore tí ñaano durucuchũ tí pinine ne bosí. Ti ã niri buhiri ã buhiri tírucuina jahca –niha Jesu tinare.

³⁰ Jesu Espíritu Santo to tuaa mehne watíare to cohãpachuta “Tiro watíno to tuaa mehne watíare cohãno nina”, nimaha masa. Ti ã nichu tuhororo tí quitire Espíritu Santo quitire yahuha Jesu tinare.

Jesu coyea tírore pjiha

(Mt 12.46-50; Lc 8.19-21)

³¹ Æ yoa Jesu bahana to pocoro mehne wihíha. Æ wihíha sopacapu jia, painare pji dutíha tírore.

³² Æ jia masa tiro cahapu dujiina yahuha tírore:

–Mu poco, mu bahana mehne sopacapu pjiha nina mähure –niha tina.

³³ Ti ã nichu tuhororo õ sehe niha Jesu tinare buhero taro:

–¿Noa jijari yu poco, yu bahana cãhu, musa ñuchu? –niha tiro tinare buhero taro.

³⁴ Æ nino to cahai dujiinare ñuno õ sehe niha:

–Ahrina jira yu poco yu bahana yoaro sehe jiina. Cohamacu cahmaare yoara ahrina.

³⁵ Tó sehetá yoaina yu bahu, yu baho, yu poco yoaro sehetá jira –ni buheha Jesu tinare.

4

Jesu wesere toari masuno quitire buheha
(Mt 13.1-9; Lc 8.4-8)

¹ Æ yoa pari turi bucupariro duhtu cahapu Jesu masare buhe ducaha tjoa. Æ tópure buhe ducaro masa payu tiro cahapu tí cahmachu ñuno Jesu sehe dohoriapu samu wijaa, pahsaha. Æ jia masa sehe bucupariro duhtu cahai ducuha.

² Æ jiro Jesu payu to tuhotua mehne quití dahre yahuha tinare buhero taro:

³ –Ahri quitire tuhoga musa –niha tiro tinare.

–Toari masuno toaro, to toaa yaparire doca site cño wahara.

⁴ To ã doca site cũ wahcãhu paye yapari mahai bora caha sãha. Æ bora caha suare tí yaparire minichahca duji ta, chunocaha.

⁵ Æ yoa paye yapari sehe tãa wapa bui dihta se mininocã bui bora caha sãha. Tãa wapa buicã dihta mariea cureroi bora caha su, dói dumaha.

⁶ Æ dói duri jipahta, nuhcori mariaa, sũ to tuaro sichu, ñaia wahaha.

⁷ Paye yapari sehe tja watoi bora caha sãha. Tja sehe dia yuhdua waha, toaa sehere wajãnocaha. Æ jia tja watoi jiare dicha mariachu yoaha.

⁸ Paye yapari sehe noari yahpai bora caha sãha. Noano du, noano dicha tiha. Paye yucu treinta yapari, paye yucu sesenta yapari, paye yucu cien yapari dicha tiha.

⁹ Ahríre tuho duaina noano tuhoga musa –niha Jesu.

Jesu quití mehne to buherire yahuha
(Mt 13.10-17; Lc 8.9-10)

¹⁰ Æ yoa tí sahsero jia doce to buheina, paina Jesu mehne jiina cãhu tí quitire masi duaa, Jesure sinitu ñuha.

¹¹ Ti ã sinitu ñuri baharo Jesu õ sehe ni yahuha:

–Cohamacu masa bui puhtoro masare to noano suho jiare, panopu paina tí masierari cjiire musare masichu yoara Cohamacu.

Paina sehere ã yoerara tiro. Æ jicã tinare quiti mehne dihta buheihija.

¹² Æ jia tina ñapahta ñeraina cjiri yoaro sehe tjuara. Æ jia tuhopahta tuho ñaha masisi. Tina tuho ñahaina jia, ti ñaa yoarire cahya, Cohamacure macaboa. Ti ã macachũ ñano, tiro sehe ti ñaa yoari buhirire honocaboa. Æ jipachuta tina sehe ne tuho duaerara —niha Jesu.

Jesu wesere toari masuno quitire yahu pahñoha

(Mt 13.18-23; Lc 8.11-15)

¹³ To ã niri baharo õ sehe ni yahu namoha tinare:

—¿Ahri quitire tuhoerasinijari msa? ¿Msa ahri quitire tuhoerana, dohse paye quitire tuhonahcari msa? —niha Jesu tinare.

Æ ni tuhsũ tiro õ sehe ni yahu tinare:

¹⁴ —Toari masuno toaro, to doca site cãa yapari noaa buhea yoaro sehe jira.

¹⁵ Æ yoa mahai boraa yapari noaa buhea yoaro sehe jira. Cãina noaa buheare ti tuhochũ ñano Satana sehe ta, ti buhea noaa buheare ti tuho ñahamarire bochũ yoara tinare, minichahca tí yaparire ti charo sehetayoaro.

¹⁶ Æ yoa tãa wapa bui dihta se mininocã bui boraa yapari noaa buhea yoaro sehe jira. Æ jia paina noaa buheare tuho, wahchea mehne dóihta tíre tuho nanu wahcãna.

¹⁷ Æ tuho nanu wahcãpahta tãa wapa buicã jia yucũ nuhcori mariea yucũ yoaro sehe ahrina masa cũhu yoari pja cãno pjaerara. Æ cãno pjaeraa, yũ yare ti cahmari buhiri paina tinare ti ñano yoachũ, ñano yuhduã, yũ yare duhunocahna. Paina tinare ti ñano yoachũ tíre cãno pjaeraa, yũ yare duhunocahna.

¹⁸ Æ yoa tja watoi boraa yapari noaa buhea yoaro sehe jira.

¹⁹ Æ jia paina sehe noaa buheare tuhoa, ahri yahpa macaare wacũ nanu yuhduara. Niñerure bujua cahma, paye baro cãhure payũ cahma, tíre goa pja yuhduara tina. Ti ã tuhtotuchũ tí sehe noaa buheare ducatarã. Ti ã ducatachũ masa noaa sehere yoerara. Dicha maria yucũ yoaro sehetã jira.

²⁰ Æ yoa noari yahpai boraa yapari noaa buhea yoaro sehe jira. Æ jia paina sehe noaa buheare tuhoa tíre cahmana. Tíre masiina jia, Cohamacũ to cahmano sehetã noaare yoara tina. Cãina mahanocã noaare yoara treinta yapari dicha tiro sehetã. Paina bui curero noaare yoara sesenta yapari dicha tiro sehetã. Paina pjíro noaare yoara cien yapari dicha tiro sehetã —ni yahuha Jesu tinare.

Jesu sihãria quitire buheha
(Lc 8.16-18)

²¹ Æ ni tuhsũ õ sehe ni yahu namoha Jesu:

—Ne, sihãriare ti sihãri baharo tiare dihi biato docapũ cũerara. Æ jia tiare coãri casario docapũ cũerara. Muanopũ duhu payora noano buhria dutia.

²² Jipihti ti masierari cjirire baharo masa masiahca. Sihãria to buhriachũ mari ñũ masino sehetã panopũre ti masierari cjirire masiahca masa.

²³ Ahrire noano tuhoga msa.

²⁴ Mahanocã masi duana mahanocã masinahca. Pjíro masi duana pjíro masinahca. Æ jina msa tuhona noano tuho nanuga.

²⁵ Noano tuho nanuriro noano masinohca. Tuho nanuerariro “Mahanocã tuhoja”, to nipachuta tí sehe butia waharohca —niha Jesu tinare.

Jesu trigore toariro quitire buheha

²⁶ Æ ni tuhsũ õ sehe ni yahu namoha:

—Cohamacũ masa bui puhtoro to suho jia trigore toariro yoaro sehe jira.

²⁷ Toa tuhsũ bohrearo to toari duare ñuna tiro. “¿Dohse du wijaa ta bucãjari tí?” ni ñũ masierara toariro to basi.

²⁸ Tí toari ti basi dicha tira. Pari pũca ji muhtana. Baharo pari paro wijaa bucãra.

²⁹ Tí parori bucã tuhsũchũ ñano pahara. Pahari pja jira. (To toaa ti bucãrere to masieraro sehetã Cohamacũ yaina masa ti wahachũ cũhure yahu pahñõ masierara masa) —ni buheha Jesu.

Mostaza yapa quitire yahuha Jesu

(Mt 13.31-32; Lc 13.18-19)

³⁰ Æ ni tuhsũ õ sehe ni buhe namoha Jesu piti dahre buhero:

—¿Ne Cohamacũ masa bui puhtoro to suho jia yaba baro yoaro sehe jijari, msa tuhotuchũ? ¿Di quiti mehne tíre yahunahcari?

³¹ Mostaza yapacã yoaro sehe jira puhtoro Cohamacũ to suho jia. Tí yapacã to toachũ mahabiari yapacã jira.

³² Æ jiparota tí yapacã noano dura. Æ jiro pjibiadu wahara. Æ jia tu dũpuri bujua dũpuri bucãchũ ñua minichahca peri tu dũpuripũ suhti suhara. (Pjibiadu to wahariro sehetã maano macarirore mari puhtorore masiina mahainacã tí ji muhtapachuta baharopũ tina payũ wahaahca) —niha Jesu.

Quiti mehne to buherire yahuha Jesu

(Mt 13.34-35)

³³ Æ ni tuhsũ, tí quiti tí niriro sehetã payũ quitire tuho tí cãno pjaro puro noaa buheare buheha tinare.

³⁴ Quiti marieno yahueraha tinare. Tuhsu, ti sahsero jiinare Jesu noano yahu pahñoha to buheinare.

*Jesu wihnonore yusu dutiha
(Mt 8.23-27; Lc 8.22-25)*

³⁵ Ā yoa ti dachoreta nahi borachapu Jesu to buheinare o sehe niha:

—Basa, sie coapu pahājihna —niha tinare.

³⁶ To ā nichu tuhoa Jesu to jiriapu dohoriapu samu, masare yahpapu ducuinare toihta cū, to buheina dihta Jesure na pahāa wahaha. Ā yoa paye buso mehne paina cāhu tinare piti ti pahāa wahaha.

³⁷ Ti ā pahāchu wihnono tuaro taha. Ā taro dohoriare pahcōri tuaro cjā sāaha. Mahanocā duhsamaha ti miniboro.

³⁸ To ā waharo watoi Jesu sehe dohori oturopu suhti puti mehne to dapu ño tu tjiāhno carīno niha. Ā jia tina tirore wahcōha.

—Buheriro, mari mini yariana tana nija. Ā jica niera putijari mahu? —niha tina tirore.

³⁹ Ti ā nichuta Jesu sehe wahcā, wihnonore:

—Tó purota wā duhuga —niha. Ā ninota pahcōri cāhure:

—Yusua wahaga —niha bucparirote.

To ā nichuta wihnono yuhduu wahaha. Ā jia pahcōri cāhu yusu boraa wahaha.

⁴⁰ —Ā Dohse ni cuimacanocana nijari musa? Ā Musa yuhure wacū tuaerasinijari? —niha Jesu.

⁴¹ To ā yoachu ñua tina cua yuhduu wahaha.

—Cue, Ā dohse jiriroti baro masuno jijari ahriro? Ahri wihnono, pahcōri cāhu to dutichu yuhduucaerara tirore —niha tina ti basi.

5

Watia ti cohtotarirote noariro wahachu yoaha Jesu

(Mt 8.28-34; Lc 8.26-39)

¹⁻² Ā yoa tina sie coapu Gerasa macaina ya yahpapu pahā suha. Pahā su, Jesu sehe dohoriapu sāariro maja surucaha. To ā maja surucari baharocāta, watia ti cohtotariro taa copari, masa copari watoi jiriroti wija ta, tiro cahapu taha.

³ Tiro watia ti cohtotariro masa copari watoi jiriroti jia tiha. Tirore ne cūiro coma da pjiri da mehne ñaha duhte cūno bihoeraha.

⁴ Payu tahari masa tirore dahpori wupōa sorori mehne comaa dari mehne duhte timaha. To wamomacari cāhure duhte timaha. Wiho mejeta tiro sehe comaa darire nuha, dahpori wupōa sorori cāhure nuha site mujaha. Ā jia tiro tuariro to jichu ñua masa sehe tirore cjāaa bihoeraa tiha.

⁵ Ā Namine, dachore tū yucuripu jia copari taa copari watoi ā sañurucua tiha tiro. Ā yoa taa mehne to basi to pjacure cjāye mujaa tiha tiro.

⁶ Ā yoa Jesu to maja surucachu yoaropu Jesure ñuroca, tiro cahapu muroca ta, na tuhucua caha suha, tirore ño payoro taro.

⁷⁻⁸ —Watia wijaahga tirore —niha Jesu.

To ā nichu tuhoro watia ti cohtotariro o sehe ni sañurucua:

—Jesu, Cohamacu Jipitina Bui Jiriroti macano, Ā yabare yoai tai nijari mahu yuhure? Cohamacu to ñurocaroti sinija yuhu mähure. Yuhure ñano yoai tjiga —ni sañurucua watia ti cohtotariro Jesure.

⁹ —Ā Yabariro wama tijari mahu? —niha Jesu tirore.

—Sā payu jija. Ā jina “Payu watia”, wama tjija.

¹⁰ Ahri dihtapu jiinare sare pa yahpapu waha dutiecu tjiga —ni payu tahari siniha watia ti cohtotariro.

¹¹ Ti pjare ti cahacāi tūcu dahpotoi yesea nuina payu chua niha.

¹² Tōi ti churucuchu ñua o sehe ni siniha watia:

—Sina yesea cahapu warocaga sare ti pjacuripu sā sāahto sehe —ni siniha watia tirore.

¹³ Ti ā nichu tuhoro “Jai. Wahaga”, niha Jesu. To ā dutichu, watia masunopu jirina cjiri sehe wijaa, yesea pjacuripu sāaha. Tina yesea sehe payu waro jiha, dos mil. Ā yoa tinare ti sāari baharo, yesea jipitina bucparirote duhtu cahapu pari canupu muroca buha, ti taropu bora ñoja, mini yaria pihtia wahaha.

¹⁴ Ti ā mini yariachu ñua yeseare ñu wihboina sehe muroca wahcā, pjiri macapu cāhure, daa macaricāpu cāhure tīre yahu sitea wahaha. Ti ā yahuchu tuhoa, masa sehe payu ti ā waharire ñua wahaha.

¹⁵ Ā jia Jesu cahapu wihia, payu watia ti cohtotariro cjiro to suhti tiriroti, tuho masiriroti to dujichu ñua, cui niha.

¹⁶ Watia ti cohtotariro cjirote, yesea cāhure ti ā waharire ñuina sehe paina masa ti cahai wihinane noano yahu pahñoha.

¹⁷ Ti ā yahu pahñochu tuhoa, Jesure tuaro mehne pa sehepu waha dutiha.

¹⁸ Ā yoa dohoriapu Jesu to samuchu ñuno, “Mahu mehne waha duaja” ni, tuaro sinimaha watia ti cohtotariro cjiro sehe Jesure.

¹⁹ To ā nichuta Jesu tirore o sehe ni yahuha:

—Yahu mehne taecu tjiga. Mu ya wuhupu mu coyea cahapu yahu mu puhtoro mähure yu yoarire yahui wahaga. Mähure yu pja ñurire yahuga tinare —niha tirore.

²⁰ To ā nichu watia ti sāanoriro cjiro sehe Decapoli wama tīropu jia macaripu Jesu

tirore to yoari cjirire yahu dɔcaha. To ā ni yahuchɔ tɔhoā jipihtina masa cɔaa wahaha.

Jairo maconore yɔhdɔchɔ yoa, cahā ñɔricoro cɔhɔre yɔhdɔchɔ yoha Jesu (Mt 9.18-26; Lc 8.40-56)

²¹ Ā yoa pari turi Jesu to majare pahā sɔchɔ masa payɔ tiro cahapɔ bɔcɔpariro duhtɔ cahapɔ cahmachuha.

²² Tī ā cahmachuchɔ sã judio masa buheri wɔhɔre ñɔ wihboriro Jairo wama tiroiro wihi, Jesure ñɔ, to dahpori cahapɔ na tuhcuā caha sɔro,

²³ ō sehe niha:

—Yɔ macocã yariaro nihre. Ā jicɔ ticorore mɔ wamomaca mehne ña payo, noaricoro yoai taga. Mɔ ā yoachɔ ticoro masanohca — niha tiro Jesure.

²⁴ To ā nichɔ Jesu cɔhɔ sehe tiro mehne wahaha. Mahai to wahachɔ payɔ masa tirore nɔnɔ ti wahcã bihsaro sɔrɔcɔ sɔha tirore.

²⁵ To ā bihsaro wahachɔ numino doce cɔhmari waro dachoripe cahā ñɔrucuricoro tó jia. Tó pano payɔ duhturuā ticorore ñano yɔhdɔchɔ yoha.

²⁶ Ā yoa duhturuare jipihtia to niñeru mehne wapamaha ticoro co tiro. Tī ā yoapachɔta ticoro mɔnanota jirucuha. Ā jiro ticoro tó pano to jiriro yɔhdoro ñano wahaha.

²⁷ To ā ñano yɔhdɔricoro to jichɔ masia Jesu to yoarire tɔhoā paina tɔre yahuha ticorore. Ā tī yahuchɔ tɔhoro ticoro Jesu baharo masa payɔ watoi wihi, Jesu suhtirore ñaha ñaha.

²⁸ “Yɔhɔ to suhtiro dihtare ñaha ñɔco noaricoro wahacohca”, ni tɔhotuha.

²⁹ Ā jiro ticoro to ñaha ñuri baharo to cahā ñɔare duhuro to pjacɔre noari pjacɔ tɔhotuha.

³⁰ Ā jiro Jesu to tuaa mehne dohatiare to cohãrre masino, masa watoi majare ñaha.

—¿Noa yɔ suhtirore ñaha ñuri? —niha tiro.

³¹ To ā nichɔ tɔhoā to buheina ō sehe niha:

—Bihsa nina. Ā jia masa payɔ mɔhɔre pihanocahna. “¿Noa yɔhɔre ñaha ñuri?” nicɔ, ¿dohseacɔ ā nijari mɔhɔ? —niha tina sehe tirore.

³² Ā jiro Jesu tirore ñaha ñɔricorore macaha.

³³ To ā macano watoi ticoro sehe to pjacɔ noano wahachɔ tɔhoturo cui, tetere na tuhcuā caha sɔha to panoi tirore ño payoro.

³⁴ Ā jiro ticoro poto yahu pahñoha tirore. To ā ni yahuri baharo Jesu ticorore ō sehe ni yahuha:

—Maco, yɔhɔre mɔ wacɔ tuaa mehne noaricoro tjuara mipɔre. Wahchea mehne wahaga. Dohatia marienicoro jiga —niha Jesu ticorore.

³⁵ To ā ni durucuro watoi judio masare buheri wɔhɔre ñɔ wihboriro ya wɔhɔ macaina yahua wihiha:

—Mɔ maco yariaa wahahre. Ā jicɔ buherirore pji tai tjiga —niha tina.

³⁶ Tī ā nipachɔta ā tɔhotunocahno, Jesu ñɔ wihborirore ō sehe ni yahuha:

—Cahya tɔhotui tjiga. Yɔhɔre wacɔ tuaga. Tī dihtare yoaga —niha ñɔ wihborirore.

³⁷ Ā ni tuhsɔ Santiago, to baharo João, Pedro tina dihtare “Yɔhɔ mehne taga”, niha Jesu.

³⁸ Ā pji wahcãno sã judio masa buheri wɔhɔre ñɔ wihboriro ya wɔhɔrɔ sɔha tina. Tī wɔhɔrɔ masa payɔ ñano bisi, ñahacaha tiiā tī safurucuchɔ ñaha Jesu.

³⁹ —Ñano ni, ñahacaha tiiena tjiga mɔsa. Maharicorocã mɔsa ā ni tiichɔ yariaerara. Carino nina —niha Jesu tinare.

⁴⁰ To ā nichɔ tɔhoā “Ā nimacanocano nina ahriro”, ni bujuha tina sehe tirore. Tī ā yoachɔ tiro tinare sopacɔrɔ wio pahñonocaha. Ā wio tuhsɔro maharicorocã pɔcɔsumare, tiro mehne macaina cɔhɔre ticorocã cahapɔ naaha Jesu.

⁴¹ Ā naa tuhsɔro Jesu ticorocãre to wamomacare ñaha:

—Talita cumi —niha tiro. (“Talita cumi” nino, “Maharicorocã wahcãga”, nija yɔhɔ”, nino nina.)

⁴² To ā nichɔta ticorocã wahcãrɔcɔ sɔ, tiniha. Doce cɔhmari cjuaricoro jia ticoro. Ticorore to ā yoachɔ ñaha tina cɔa yɔhdɔa wahaha.

⁴³ Tī ā yoachɔ ñano, Jesu tuaro mehne tɔre to yoarire yahu site dutieraha. Ā yoa tuhsɔ ticorore chɔa wa dutiha.

6

Nazare macaina Jesure cahmaeraha (Mt 13.53-58; Lc 4.16-30)

¹ Ā yoa tóru jiriro waha, Jesu to buheina mehne to ya dihtapɔ tju sɔha.

² Ā tju sɔro Sabado jichɔ sã judio masa buheri wɔhɔ buhe dɔcaha Jesu. To ā buhechɔ masa payɔ tirore tɔhoā, cɔaa wahaha.

—Cue, ¿ahriro nohopɔ tɔhoari ahri buheare? ¿Dohsearo noano masi pahñonocajari ahriro? Cohamacɔ tuaa mehne yoa ñona tiro to basi.

³ Ahriro taboa dahrari masano María macano, Santiago, José, Juda, Simo ti wahmino jimanaro. Ā yoa to bahana numia mari ya macai jisininanaba. Ā jiro tiro mari yoaro sehe jiriro tjira —niha tina Jesure tuhomarina.

Ā jia Jesure ñɔ tuhtia, tirore cahmaeraha.

⁴ Tī ā cahmaerachɔ ñano ō sehe niha Jesu:

–Cohamacu yare yahu mæhtaritore paina ño payora. Ti ã ño payopachuta to ya maca macaina, to coyea, to ya wæhwi jiina ño payoerara tirore. Æ jina yæhure ño payoerara mæsa õi ya bæucariro jichu –niha Jesu tinare.

⁵ Æ jiro tí macai jiro Jesu Cohamacu tuaa mehne yoa ño masieraha. Æ yoaeraparota cãina dohatiina bui to wamomacare duhu payo, noaina wahachu yoaha tiro.

⁶ Æ jiro tó macaina Jesure ti quihõno tæhoerachu ñuno caaa wahaha tiro. Æ jiro Jesu tó cahai jia macaripu buhero wahaha.

Jesu doce buheinare buhe dutiro warocaha

(Mt 10.5-15; Lc 9.1-6)

⁷ Æ yoa Jesu doce to buheinare pjiroca, pæro dihta warocaha tinare macaripære buhe dutiro. Æ jiro to tuare waha tinare watære ti cohã wiohto sehe.

⁸ Æ warocaró pæore, wajure, niñerure tiro naa dutieraha tinare. Ti tjuayucu dihtare naa dutiha.

⁹ Æ ni tuhsu, dahpori tu cûa cahsarire sãa dutiha tinare. Cãnota suhtirore sãa dutiha tinare. Pæro sãa dutieraha.

¹⁰ Æ jiro õ sehe ni yahuha tinare:

–Jipihtia macaripu mæsure ti carïno wachu tí wæhwihta tjuasiniga. Coã wahanapæ wijaahga tí wæhure.

¹¹ Æ jina pa maca macaina mæsure ti cahmaerachu, ti tæho duaerachu tí macare yæhdæana dahpori macaa dihta pohcari mene wajã site cûga mæsa tinare ti ya buhirire masichu yoana –ni yahuha Jesu tinare.

¹² Æ jia tina doce buheina masare ti ñaa tæhotumari cjirire tæhotu cohtota duti, Cohamacure maca duti, buhe wahaha.

¹³ Æ wahaa payu watære cohã wio, dohatiinare se mehne wisõa, noaina wahachu yoaha.

João masare bautisaritore paina wajãha
(Mt 14.1-12; Lc 9.7-9)

¹⁴ Æ yoa Jesure masa payu masiha. Æ jiro to yoirire pæhtoro Herode tæhorocaha. Æ tæhorocaró õ sehe ni tæhotumaha tiro paina mehne:

–João masare bautisariro yariariro cjiro pari turi bajuaro nica. Æ bajuariro jiro to tuaa mehne tíre yoaro nica –ni durucumaha Herode paina mehne. (“Jesu Joãota jira”, ni tæhotumaha.)

¹⁵ Paina sehe õ sehe ni tæhotumaha:

–Elia jira –ni tæhotumaha.

Paina sehe:

–Cohamacu yare yahu mæhtariro panopæ macaina cjiro yoaro sehe jira tiro –ni tæhotumaha Jesure.

¹⁶ Ti ã ni tæhotupachuta Herode sehe Jesu to yoirire tæhoro õ sehe ni tæhotumaha:

–João dapure yæ cã ta dutiriro cjiro bajuaro nica –ni tæhotumaha.

¹⁷⁻¹⁸ Joãore ti wajãhto pano Herode tirore ñaha duti, peresu yoa dutiha. Tó pano Herode to bahæro Felipe namonore Herodiare namo tiha.

–Mu bahu namonore namo ticu Cohamacu dutiare yæhdæucaci nica mæhu –ni yahumaha João Herodere.

To ã niri buhiri to namono Herodia Joãore peresu ti yochu cahmaha.

¹⁹ Æ jiro ticoro sehe Joãore ñu tuhtiro, tirore wajã duti duamaha. Æ yoa duaparota ticoro tirore wajã duti masieraha.

²⁰ Herode Joãore cuiro, “João noaare yoiriro, ñaa buhiri marieriro jira”, ni tæhotuha. Æ jiro Herodere cariboro yoaha João sehe tirore yahuro. Æ to caribopachuta tiro wahchea mehne tæhomaha Joãore.

²¹ To ã wahchea mehne tæhopachuta Herodia tirore to wajã dutihti dacho mu sæha. Ti pjare Herode to masa bajuari dacho jichu tiro bose namu dahreha. Æ jia to gobierno macaina, to surara pæhto, Galilea macaina pæhto cãhu to ya bose namure ñua wihaha.

²² Ti ã wihiri bahæro Herodia macono bose namu ñuno wihiro ti ñurocaroi basa ñoha. To ã basa ñochu ñua Herode to pjirocaina mehne wahcheha. Æ jiro õ sehe niha Herode ticorore:

–Mu cahmaare siniga yæhure. Æ jicu waihtja mæhure mu cahmaare.

²³ Cohamacu mehne potocã nii nija mæhure. Mu sinino puro yæ yare dacho macai waihtja mæhure –niha tiro ticorore.

²⁴ To ã nichu tæhoro ticoro Herodia macono sehe to pocoro cahapæ waha, õ sehe ni sinituha:

–¿Yabare sinicohcari yæhu? –ni sinituha ticoro to pocorore.

–João masare bautisariro dapure siniga –niha to pocoro.

²⁵ To ã nichuta ticoro Herodia macono ño duaro mehne pæhtoro Herode cahapæ waha, siniha:

–João masare bautisariro dapure waparo mehne waga yæhure –niha ticoro.

²⁶ To ã nichu tæhoro pæhtoro Herode sehe tuaro cahyaha. Masa ti ñurocaroi “Waihtja mæhure”, ni tuhsaha tiro. Æ jiro bæo tiro “Mæhure waeraja”, ni masieraha ticorore.

²⁷ Æ jiro dóihta surarare peresupæ jiiinare cohtaritore João dapure cã ta, na ta dutiha.

²⁸ To ã dutichu tæhoro surara sehe waha, to dapure cã ta, waparo mehne na taha. Na ta tuhsu, nuhminore Herodia maconore waha. To ã wachu ticoro to dapure ñaha, to pocorore yæhdoha.

²⁹ Ā jia João buheina sehe tíre tũhoa tóprare waha, to pjasu cjirore na wahcã, tãcaru ti sahãri coparu na sãa duhu payoha.

*Jesu cinco mil bui masare chũa waha
(Mt 14.13-21; Lc 9.10-17; Jn 6.1-14)*

³⁰ Ā yoa Jesu to warocarina to caharu tju sua, ti yoarire ti buherire yahuha tirore.

³¹ Tí pjare masa payu ā majarerucua, tinare chũro waeraha. Ā jiro ō sehe niha Jesu tinare:

—Masa marienoru mari sahsero sosinina wahajihna —niha tinare.

³² Ā jia tina ti sahsero dohoria mehne masa marienoru wahaha.

³³ Tí ā wahachu ñua masa payu tinare masiha. Ā masia payu macari macaina maharu waha, Jesu to sahtoru tina masa sehe muroca wahcã su muhtaha.

³⁴ Tí ā sũchu Jesu wahã su, busocarũ sãariro majano, tiro masa payu jĩnare ñua. Oveja ruã marieina yoa sehe jiha tina masa, to ñũchu. Ā jiro Jesu tinare pja ñũno, payu noaare buhea tiha tinare.

³⁵ Ñamichaharu doce buheina Jesu caharu su ō sehe niha:

—Ō masa marienoru jira. Ñamichaharu jira.

³⁶ Ō cahacã jia macaripu daa macaricãru, bujua macaripu ti chũtire nuchũ dutiga masare ti puhĩ tihti cjihtire —niha tina Jesure.

³⁷ —Chũare waga tinare —nimaha Jesu to buheinare.

To ā nichũ ō sehe ni yahtihã:

—¿Dos cientos dachori dahrari wapa niñeru mehne ti chũti pãore nuchabocari sã? —niha tina Jesure.

³⁸ —¿Nohope curiri pão curiri jijari? Ñũna wahaga —niha tiro.

To ā nichũ tina sehe chũare boca ō sehe niha:

—Cũ wamomaca pihtia curiri pão curiri, ruaro wahi jira —niha tina.

³⁹ Tí ā nichũ tũhoro Jesu sehe pja curuari tja bui duji dutiha masare.

⁴⁰ To ā duji dutiri baharo tina pja curuari dujiha. Cãa curuari cincuenta masa jiha. Paye curuari sehe cien masa jiha.

⁴¹ Tí ā duji tuhsũchu ñũno Jesu sehe cã wamomaca pihtia curiri pão curirire, ruaro wahi mehne na, muanoru ñua. Ā ñũno Cohamacũre “Noana”, niha. To ā niri baharo pão curirire nuha, to buheinare masare witi dutiro waha. Ā yoa tuhsũ, ruaro wahire witi dutiha jipihtinare.

⁴² Ā jia jipihtina chu, yapi yũdua wahaha.

⁴³ Tí yapi wahyorire doce puhuse waro pãore, wahi cũhare na cahmachu wahpo dapoha tina.

⁴⁴ Ā yoa pãore chũina mũa dihtare ti quihõchu cinco mil mũa jiha. (Numia cũhu, macanacã cũhu tõi chũina jiha.)

*Jesu co bui ducu wahcãha
(Mt 14.22-27; Jn 6.16-21)*

⁴⁵ Tí pjata Jesu to buheinare dohoriaru samu duti, sie coaru Betsaidaru to pano pahãyu dutiha. Ā jiro ti pahãri baharo Jesu sehe masare coha sitiha.

⁴⁶ Coha siti tuhsũ tãcaru Cohamacũre sinino wahaha.

⁴⁷ Baharo ñamiru dohoriari busapariro dacho macai ti pahãrucuchũ Jesu cãirota ti pahã tariropu jiha.

⁴⁸ Tõru jiro, tina ñano yũdu ti wajachu ti panoi wiñnono tachũ ñurocaha tiro. Ā jiro bohrea mũa tahto pano tina caharu waharo co bui ducu wahcãha. Tinare tiro yũdu wahcã duamaha.

⁴⁹ To yũdu wahcã duapachũta tirore co bui to tachũ ñua, “Yariariro cjiro jiboca”, ni tũhotumaha tina. Ā ni tũhotua tina sañurucuha.

⁵⁰ Jipihtina tirore ñua, ñũ cũa waha, sañurucuha. Tí ā ñũ cũachu ñũno Jesu tinare ō sehe ni yahuha:

—Ne, yũhare cuiena tjiga. Yũhũta jija —niha tinare.

⁵¹ Ā ni tuhsũ tiro tina mehne dohoriaru samua wahaha. To samuri baharocãta wiñnono yũduwa wahaha. To ā wahachu tina sehe cũa yũduwa wahaha.

⁵² To pão payu yoarire wacũeraha tina. Tua yũduariro to jiare noano tũho ñahaeraha.

*Jesu Genesare macainare, dohatiinare noaina wahachu yoaha
(Mt 14.34-36)*

⁵³ Ā yoa tina pahã su, Genesare dihtarũ wahã su, tia dohoriare dũhte poho, dũhtũ caharu pahsaha.

⁵⁴ Ā yoa tina dohoriaru jiina ti majachũta masa sehe Jesure ñũ masiha.

⁵⁵ Ā ñũ masia jipihtiro ti ya yahparu muroca maja, dohatiinare ti coãa cahsari mehne yo wahcã, sũha Jesu caharu. “Jesu tõru jihre”, masa ti nichũ tũhoa to caharu sũha tina.

⁵⁶ Ā jia jipihtia macari to sua macaripu, bujua macaripu, daa macaricãru, pache duaina caharu, masa dohatiinare ti cũnoru Jesure to suhtiro dũhtũ cahare ñaha ñũ dua tuaro siniha tina:

—Mu suhtiro dũhtũ caha dihtare sãre ñaha ñũ dutiga —ni siniha.

Ā jia to suhtirore ñaha ñũinape tópeinata noaina wahaa tiha.

7

Masa ñaina wahachu yoaere yahuha Jesu (Mt 15.1-20)

¹ Á yoa Jerusaleru tarina sã coyea judio masare buheina, fariseo curua macaina cãhu Jesu caharu cahmachuha.

²⁻⁴ Fariseo curua macaina jipihtina paina judio masa cãhu ti ñuchusuma cjiropu ti yoa dutiriro seheta wamo cosaro marieno chũera tiha. Á jia pache duaina caharu waha, su, majare tju wihiina cãhu ti yoa dutiriro seheta wamo cosaro marieno chũera tiha. Payu paye dutia cãhure ti ñuchusuma cjiropu ti yoa dutiare yoaa tiha. Tasa waparire cosaa, dihi biatorire cosaa, comaa biatorire cosaa, yoaa tiha tina judio masa, “Cohamacu ã cahmana”, nia. Á jia sã coyea judio masare buheina, fariseo curua macaina cãhu Jesu caharu cahmachua, Jesu buheina wamo cosaro marieno ti chũchu ñuha.

⁵ Á ñu tuhsua Jesure õ sehe ni sinituha:

–Mu buheina chua, mari ñuchusuma cjiri ti yoa dutiriro cjiro seheta ti wamomacarine wamo cosaerara. ¿Dohse yoa mari dutiare yoerajari? –niha tina Jesure.

⁶ Ti ã nichu tuhoro Jesu õ sehe ni yahuha tinare:

–Masa ti baharo buhusehei ñano yoa cohtaina jira musa. Panopure Cohamacu yare yahu mahtariro cjiro Isaia potocãta yahuro niri jira musa yoaro sehe tuhoerainare. Ó sehe ni yahu, joaa tiha tiro:

“Ahrina masa yũhure noano durucupahta ti tuhoutuapu yũhure ne ño payoerara.

⁷ Á jia yũhure ti ño payoia yaba cjihti jierara. “Cohamacu ya dutia jira ahrì”, ni mahño buhera ti ya buhea sehere”, ni joaha Isaia cjiro.

⁸ Tì potocã tjira. Cohamacu ya dutia sehere duhu, masa ti yoa dutia sehere cohtota yoa yuhdurucu sua tira musa.

⁹ Cohamacu ya dutiare cohãna, musa coyea ya dutia sehere yoara musa.

¹⁰ Ó sehe yoana Cohamacu ya sehere yuhdurucana nina musa: Panopure õ sehe niha Cohamacu Moise cjiro to joariro seheta: “Musa pucsumare ño payoga. Cãiro to pucsumare ñano quiti dahreriro jiro ti buhiri ti wajãhtiro cjihti jirohca”, niha Cohamacu Moise cjirore to cãri dutiai.

¹¹ To ã nipachuta õ sehe yoa dutira musa ti pucsumare yoadoho dutierana: Ti pucsumare ti waborire Cohamacu sehere wa dutira musa. Á ni buhemana musa.

¹² Á buhena ti pucsumare ño payochu yoerara musa tinare.

¹³ Á yoana Cohamacu dutiare yuhdurucana nina musa mari ñuchusuma cjiri ya dutia sehere yoana. Painare musa buhea dihtare

tũho dutira musa. Payu tó sehe jiare yoara musa –niha Jesu tinare.

¹⁴ Á ni tuhsuro paina cãhure pjirocaha tiro. Ó sehe niha tinare:

–Musa jipihtina yũhure tuhona taga. Tuhsu yu niare noano tuhõ ñahaga musa.

¹⁵ Musa duserire sã sehe musa chua sehe masare buhiri tichu yoerara. Ñaare musa tuhõtua sehe masare ñaina jichu yoara.

¹⁶ [Yũhure noano tuhõga musa] –niha Jesu.

¹⁷ Tinare ã ni yahu tuhsu Jesu masa caharu jiriro cjiro waha, wũhuru sãa wahaha. Á to sãa suchu ñua to buheina sehe to buherire sinitu ñuha. Ti ã sinitu ñuchu tuhõro õ sehe niha tiro:

¹⁸ –¿Musa cãhu ne tuhõ ñahaerasinijari tìre? Musa duserire sãa sehe musa chua sehe masare ñaina jichu yoerara, Cohamacu to ñuchu.

¹⁹ Tì musa tuhõtuapure sãaerara. Musa pjaropu sãa su, yũhdu wijaa wahara –niha Jesu.

Á nino “Jipihtia chua noaa jira”, nino niha.

²⁰ Á yoa õ sehe ni namoha tjoa:

–Musa ñaa durucua sehe musa duseri wijaa sehe masare ñaina jichu yoara, Cohamacu to ñuchu.

²¹⁻²² Ñano tuhõtua, numia mehne ñano yoarucua, yacaa, masare wajãa, namo tiriropu jiparota pacorore manũ tiriore wũana tia, paio yare tuaro cjoa, ñano yoaa, mahñoa, buo tiro marieno ñaa yoaa, paina ti cjaare ñu yabia, ñano quiti dahrea, “Painare yuhdurucaja”, ni tuhõtua, tuhõ masieraina jia, tì jipihtia masare musa tuhõtuapu tara.

²³ Jipihtia ahrì ñaa musa tuhõtuapu taa, masare ñaina jichu yoara, Cohamacu to ñuchu –niha Jesu.

Judio masono jieraricoro Jesure wacũ tuaha

(Mt 15.21-28)

²⁴ Á ni tuhsuro Tiro wama tiri maca caharu, Sidõ wama tiri maca caharu sãro tó macari wũhuru sãa wahaha. Á sãahno painare to jiri wũhure yahu dutieraha. Á yahu dutieraparota tinare tiro duhti masieraha.

²⁵ Tì pjareta numino to macono watño to cohtotaricoro to cahai jia. Á jia Jesu yoarire ñua paina to pocorore yahuha. Ti ã yahuri baharo to pocoro sehe waha, Jesu dahpori caharu na tuhcuca caha suha tiore ño payoro.

²⁶ Ticoro Sirofenicia wama tiri yahpa macaricoro jia.

–Watñore cohã wiosiniga yu macore –ni siniha ticoro Jesure.

27 To ã sinichu tuhoru õ sehe niha Jesu:

—Wahmanore wuhu puru pohna ya chware dieyacãre yu wa muhtachu to wahaerara. Israe masa yare pa yahpa macainare yu wa muhtachu to wahaerara —niha Jesu ticorore piti dahre yahuro.

28 —Ã tjira puhtoro. Ã jipachuta dieyacã cãhu mesa docai ti pohna ti chu site boroare chu cohtara tinacã cãhu. (Pa yahpa macaricoro yu jipachuta yuhu cãhure yoadoho masina mahu) —ni yuhtitã ticoro.

29 —Mu ã ni yuhtichu mu macore watino wijaa tuhsahre. Nũco wahaga —niha Jesu ticorore.

30 To ã nichu tuhoru majare tjuaa, to wuhuru tju sũro, to maconore watino marienicorore camapu jiricorore ñaha.

Cahmono tuhoeraritore, durucu masieraritore noariro wahachu yoaha Jesu

31 Tí pjare Jesu Tiro wama tiri maca cahapu jiriro waha, Sidõ wama tiri macare su yuhdu wahcã, Decapoli wama tioru jia macarine su yuhdu wahcã, Galilea wama tiri bucparioru suha juna.

32 Æ jia cahmono tuhoeraritore, noano durucu masieraritore Jesu cahapu na wihiha paina.

—Mu wamomaca mehne ña payoga tiore —ni siniha tina tiore.

33 Ti ã nichuta Jesu sehe tuhoeraritore na wahcã, masa marienoru suho suha. Ti sahsero jiha. Tuhsu, Jesu to wamo picari mehne tuhoerariro cahmo coparire be sõha. Æ yoa tuhsu, chahcho puti, to ñahmanore ña payoha.

34 Æ yoa tuhsu manoru ñu muo, yajeri na, õ sehe niha:

—Efata —niha Jesu. (“Efata” nino, “Pjõõhga”, nino nina. Æ nino tiore tuho dutiro niha. Æ nino noano durucu dutiro niha.)

35 To ã nichuta tiro sehe tuho boca, to ñahmano bidaro wahachu tuhoturo noano durucuha.

36 Æ jiro Jesu tinare tũre painare yahu site dutieraha. To ã yahu site dutierachu tuhopahta tina sehe painare yahu site namoha.

37 Æ jia masa tuho cãa yuhdu waha, õ sehe niha:

—Jipihitiare tiro noano yoara. Tuhoerainare noano tuhochu yoara. Durucu masieraina cãhure noano durucuchu yoara Jesu —niha masa.

8

Cuatro mil bui masare chware waha Jesu (Mt 15.32-39)

1 Tí pjare pari turi masa payu ti cahmachuri baharo chua maeraina ti jichu ñũno Jesu to buheinare pjirocaha:

2 —Ahrina masa tia dacho waro yuhu mehne ji tuhsara. Æ yoa tinare puh mari-ahna. Ti puh maerachu ñũcu tinare pja ñũja yuhu.

3 Paina tina mehne macaina yoaroru tahre. “Tinapu jũca baaina mahai borari”, nicu tinare chua marieno ti wuhusepu waha duti duaeraja. Æ jicu tinare puh wa duaja —niha Jesu to buheinare.

4 —¿Dohse yoa mari õre masa marienopũre pãore boca wabocari mari? —niha to buheina sehe Jesure.

5 —¿Nohope curiri pão curirire cjuajari musa? —ni sinituha Jesu.

—Siete curiri jira —niha tina.

6 Ti ã ni yuhtichu tuhoru, tiro masare yahpai duji duti, siete curirire pão curirire na, Cohamacũre “Noana”, niha. Æ ni tuhsu, tí curirire nuha, to buheinare wa, masare witi dutiha. To ã dutiri baharo to buheina sehe pãore masare witiha.

7 Æ jia wahi cãhure mahainacã cjuaha tina. Æ jiro tinare Cohamacũre “Noana” ni, wahi cãhure witi dutiha.

8 Ti witi tuhsuchu tina chua, yapi yuhdu wahaha. Ti yapi wahyorire siete puhuse waro wahpo dapoha tina. Tina cuatro mil bui masa jiha.

9-10 Æ yoa tuhsu Jesu masare coha sitha. Coha siti tuhsu to buheina mehne dohoriapu samuha. Samu tuhsu Dalmanuta wama tiro cahapu wahaha.

Fariseo curua macaina Jesure Cohamacũ tuua mehne yoa ño dutiha (Mt 16.1-4; Lc 12.54-56)

11 Æ yoa fariseo curua macaina wihi, Jesu mehne cahma sayoha. Tina Jesure Cohamacũ tuua mehne yoa ño dutia, to yoa ño masierachu ñu duamaha.

12 Ti ã dutichu tuhoru Jesu cahyaro mehne yajeri sãano, õ sehe niha:

—¿Musa mipu macaina dohse yoana musa Cohamacũ tuua mehne yoa ñoare ñu duajari? Potocã niita nija musare. Mipu macainare musare Cohamacũ tuua mehne ne yoa ñosi yuhu —niha Jesu.

13 Æ ni tuhsu waha, pari turi dohoriapu samu, sie copu pahãa wahaha.

Fariseo curua macaina, Herode mehne macaina cãhure ñaare ti buheare yahuha Jesu (Mt 16.5-12)

14 Æ waha, pãore boa waha, dohoriai cã curita pãore cjuaha tina.

15 Æ yoa Jesu cuaro mehne yahuha tinare: —Noano yohanobu. Fariseo curua macaina, Herode mehne macaina cãhu ti

pão bũcũarore ñana noano yoaga. Cua nina tí —ni yahuha.

¹⁶ To ã nichũ tũhoa tina to buheina sehe tíre ti basi õ sehe ni durucuha:

—Mari pãore mari na taerachũ ñũno ã nino nica ahriri —nimaha tina ti basi.

¹⁷ Ti ã nirire masino tinare õ sehe ni sinitu-tuha Jesu:

—¿Dohse yoana mũa pão borire wacũjari mũa? ¿Mũa masierasiniari? ¿Tũho ñahaerasiniari? ¿Tũho duaerajari mũa?

¹⁸ ¿Capari tiina jipanahta ñuerajari mũa? ¿Ã jina cahmori tiina jipanahta tũhoerajari mũa? ¿Mũa ahrire wacũerajari?

¹⁹ ¿Yũhu cũ wamomaca pihtia pão curirire nuha, cinco mil bui masare yũ warire wacũerajari mũa? ¿Ti yapi wahyorire nohope pũhũsere pão curirire wahpo dapori mũa? —niha Jesu tinare.

—Doce pũhũse —ni yuhtihã tina tirore.

²⁰ —¿Ã yoa yũhu siete curirire pão curirire cuatro mil bui masare yũ wari baharo nohope pũhũsere pão curiri wahpo dapori mũa? —niha Jesu.

—Siete pũhũse —ni yuhtihã tina tirore.

²¹ —¿Ã ñũpanahta noano tũho ñahaerasiniari mũa? —niha Jesu tinare.

Jesu capari ñuerarirore ñũchũ yoaha

²² Ã yoa tina Betsaidapũ ti sũchũ ñũa, masa sehe capari ñuerarirore na wihiha.

—Tirore ña payoga —ni, tuaro siniha tina Jesure.

²³ Ti ã sinichũ tũhoro, Jesu capari ñuerariroro wamomacare ñaha, tí macã dũhtũ cahapũ tirore tuã wahcãha. Tõpũ na sũ, to caparire chahcho puti, to wamomacari mehne tirore ña payoha.

—¿Mũ ñũchũ bajujari? —ni sinituha Jesu.

²⁴ To ã nichũ tiro sehe ñũno, õ sehe niha:

—Mũare ñũja. Yũ ã ñũpachũta tina yucũri tinia yucũ yoaro sehe bajura —niha capari ñuerariroro cjiro.

²⁵ To ã nichũ tũhoro Jesu sehe to wamomacari mehne to caparire ña payoha tjoa. To ã ña payori baharo capari ñuerariroro cjiro tuaro to ñũchũ to capari noano bajuha. Ã yoaro jipihtiare noano ñũha tiro.

²⁶ To ã ñũ masichũ ñũno, Jesu tirore to wãhũpũ warocaha.

—Macapũ pinihtare wahai tjiã —niha Jesu tirore.

“Jesu potocã Cristo, Cohamacũ to warocariro jira”, ni yahuha Pedro

(Mt 16.13-20; Lc 9.18-21)

²⁷ Ã yoa Jesu to buheina mehne Cesarea Filipino wama tiri macã cahai jia macaripũ waha namoha. Tõpũ ti waharo wato, Jesu õ sehe ni sinitu ñũha to buheinare:

—¿Diro baro jicari yũhu masa yũhũre ti tũhotuchũ? —ni sinitu ñũha tiro tinare.

²⁸ To ã sinitu ñũchũ tũhoa õ sehe ni yũhtihã tina:

—“João masare bautisariro cjiro jira”, nina paina. Paina “Elia jira”, nina. Paina “Cohamacũ yare yahu mũhtaina cjiro mehne macariro jira”, nina mũhũre —ni yũhtihã to buheina tirore.

²⁹ Ti ã ni yũhtiri baharo Jesu õ sehe ni sinitu namoha tinare:

—¿Mũa sehe mũa tũhotuchũ diro baro jicari yũhu? —ni sinitu ñũha tjoa.

—Mũhũ Cristo Cohamacũ masare yũhdo duti to warocariro jira —ni yũhtihã Pedro.

³⁰ To ã nichũ tũhoro Jesu õ sehe niha:

—Yũhũre “Cristo jira tiro”, ni yahu sitesiniena tjiã painare —niha tinare.

Jesu to yariahtore, to masa wijaahto cãhũre yahuha

(Mt 16.21-28; Lc 9.22-27)

³¹ Tinare to ã ni sinitu ñũri baharo, õ sehe ni buhe dacaha tiro:

—Yũhũ masũno Cohamacũ warocariro jija. Ã jicũ tuaro ñano yũhdũchũca. Ãta waharo cahmana yũhũre. Mari coyea judio masa, bũcana, sacerdotea pũhãto, mari judio masare buheina yũhũre cahmaeraa, yũhũre wajã dutiaha. Ti ã wajãchũ tia dacho wahaboroi masa wijaahtũca —niha Jesu tinare.

³² Ã nino ne tũho wisiachũ yoaro marieno yahuro niha tinare. To ã nichũ tũhoro Pedro sehe pa sehe curerocã Jesure narũca sũ, tirore ã ni dutieraha.

³³ To ã ni dutierachũ tũhoro Jesu to buheinare majare ñũ, tuhtihã Pedroro:

—Satana yoaro sehe durucui nina mũhũ.

Ã nii tjiã. Mũ tũhotua masa ya jira. Cohamacũ ya jierara —niha tiro Pedroro.

³⁴ Ã ni tuhsũ masare to buheina mehne tiro cahapũ pjiroca, õ sehe niha:

—Cãiro yũ yairo ji duaro, to cahmano yoa duamarire duhunocanoahca. Ã jiro crusapũ yũ ñano yũhdũhtiro seheta tiro yũ yairo to jiri buhiri ñano yũhdũparota yũhũre duhusi. Ã jiro yũ yare yoarucuriro jirohca.

³⁵ Masũno to mũ sũro to cahmano seheta yoariro pichacapũ tiro waharohca. Ã yoa masũno yũ yare ã yoarucuro, noaa buheare ã yoarucuro, jipihtia dachoripe yũhũ mehne muanopũ jirucurohca.

³⁶ ¿Cãiro masũno ahri yahpa macaare jipihtiare cjuariro pichacapũ waharo yabare wapatajari tiro? Ã jiriro ne wapataerara.

³⁷ Pichacapũ to wahachũ ne dohse wapa wiohto basioerara. Masũno to jia tia wiho waro jierara.

³⁸ Mipũre ñaina, Cohamacũre cahmaeraina ti mũ sũro ti yoari dacho jiro nina. Cãina yũ wamare, yũ buheare ni dua bũo tiboca. Ti ã yoachũ ñũca yũhũ

masuno Cohamacu warocariro noaina anjoa mehne yu Pucsu to si sitero mehne tjua tacu yu wamare ni duapahta buo tiinare buo tisaihca yuhu cahu —ni yahuha Jesu.

9

¹ Æ ni tuhsu õ sehe ni namoha Jesu:

—Potocãta niita nija musare. Cãina musa õpũre jiina musa yariahto pano puhtoro Cohamacu to suho jiropũre yu sãachu yuhũre ñnahca —niha Jesu tinare.

Jesu to pjacũre cohtotaha
(Mt 17.1-13; Lc 9.28-36)

² Æ yoa seis dachori baharo Jesu Pedrore, Santiagore, Æ yoa Santiago baharo João cãhũre muadu tũcũru tina dihtare pji mujaha. Muanopũ ti muja sũri baharo ti ñũrocaroi to pjacũre cohtotaha.

³ To suhtiro noano si sitero, noano yehseri suhtiro wahaha. Ahri yahpa macaa numia suhti cosaa numia Æ yehsechu yoa masierara.

⁴ Æ jia Elia cjiro, Æ jichu Moise cjiro mehne Jesu mehne ti sahũdũchu ñũha tina tiaro Jesu buheina.

⁵⁻⁶ Æ jia tina tuaro cuiha. Æ cuiro dohse ni masieramahno õ sehe nimaha Pedro:

—Puhtoro, mari õi jichu noa duara. Tia wũhũcã yoahtja sã. Mu ya wũhũcã, Moise ya wũhũcã, Elia ya wũhũcã yoahtja —nimaha tiro Jesure.

⁷ To Æ niri baharocãta, me curua ti bui duji pja sũha. To Æ duji pja sũchũta, me curua watoi õ sehe nino coa taha:

—Ahriro yu macu yu cahũriro jira. Tũhoga tirore —nino coa taha.

⁸ Æ nino coa tachũta Pedro cãhu ñũrocamaha. Jesu dihtare ñũha. Ti ñũrina cjiro sehe mariaha juna.

⁹ Æ jiro tũcũru ti duji tachũ Jesu tinare õ sehe ni yahuha:

—Michapucã yuhũre Æ waharire painare yahuenta tjiga. Yuhu masuno Cohamacu warocariro yu yaria masa wijaari baharo tíre painare yahuga musa —ni yahuha tiro.

¹⁰ Æ jia to dutiriro seheta tina ti ñũrĩre yahueraha painare. Æ jia tina ti basi õ sehe ni sinitu durucua:

—“Yu yaria masa wijaari baharo” nino, ¿dohsearo Æ niri tiro? —ni durucua tina.

Æ jia Jesure õ sehe ni sinituha:

¹¹ —“Cristo to tahto pano Eliare ta muhtano cahmana”, nina mari coyera judio masare buheina. ¿Dohse jiro baro Æ nijari tina? —ni sinituha tina tirore.

¹²⁻¹³ Jesu õ sehe ni yuhtaha:

—Potocã tjira. Eliare ta muhta dutire Cohamacu, jipihtiare cahno muhtatiro cjihtore. Yuhu masuno Cohamacu warocariro payũ tahari ñano yuhũdũhca. Paina yuhũre

cahmaeraa, ñano yoaahca. ¿Tĩ cãhũre masijari musa? Æ jicu ahrire nihtja musare: Elia wihi tuhsare. To Æ wihpachũta tina ti cahmariro seheta tirore ñano yoaaha. Æta ni joaha tirore —niha Jesu tinare.

Jesu wahma wahmũa tarĩrore noarĩro wahachũ yoaaha

(Mt 17.14-21; Lc 9.37-43)

¹⁴ Æ yoa duji ta, paina buheina cahapu su, payũ masare ñũha Jesu. To buheina sehe judio masare buheina mehne cahma sayoa niha.

¹⁵ Æ jia Jesu cãhu ti duji tachũ ñũha, jipĩtina masa cuaa waha, tiro cahapu mũrocaa wahaha. Tiro cahapu sũa:

—¿Tamajari? —niha tirore.

¹⁶ —Tamaja —ni tuhsu—, ¿dohse ni cahma sayona niri musa tina mehne? —ni sinituha Jesu to buheinare.

¹⁷ To Æ ni sinituchũ tuhoro, masa watoi ducuroi õ sehe ni yahuha tirore:

—Buheriro, yu macure watĩno to cohtotarĩrore muhũre na tamahi. Watĩno sehe tirore durucu dutierara.

¹⁸ Yu macure to ñahachu yahpapu bora, bahca diho, buhaa wahaa tire tiro. Æ waharo sahpo tua tire. Æ jicu mu buheinare watĩno cohã wio dutimahi. Yu Æ dupachũta tina sehe cohã wio masierare watĩno —ni yahuha Jesure.

¹⁹ To Æ nichũ tuhoro Jesu õ sehe niha tinare:

—Ne, yuhũre wacũ tuaerara musa. Yoabiari pja musare buhemaja yuhu. ¿Noho puro yoari pja yuhũre musa caribobocari? Tirore na tahga yuhũre —niha Jesu.

²⁰ To Æ nichũ tuhoa watĩno to cohtotarĩrore Jesu cahai na taha. Ti na wihichũ ñũno watĩno sehe wahma wahmũa tarĩrore yahpapu doca caha su, tunu teterechũ yoaaha. Æ yoa sahpo tua wahaha.

²¹ —¿Noho puro yoari pja watĩno to cohtotarĩrore jijari ahriro? —ni sinituha Jesu sehe to pũcũrore.

—Wihãrirocã jiroputa tiro watĩno to cohtotarĩrore jira.

²² Æ cohtotaro payũ tahari watĩno sehe tirore pichacapu, copũ cãhũre cohã wajãmaha. Æ jicu muhũ yoa masicu sãre pja ñũ, yoadohoga —niha to pũcũro Jesure.

²³ To Æ nichũ tuhoro õ sehe niha Jesu:

—¿Dohsea jiro baro “Mũhũ yoa masicu”, nijari muhũ yuhũre? Yuhũre mu wacũ tachũ ñũno, Cohamacu jipihtiare yoa pahũno masina muhũre yoadohobasaro —niha Jesu.

²⁴ To Æ nichũta wahma wahmũa tarĩrore pũcũro õ sehe ni saũurucua:

—Muhũre wacũ tuaja. Yu wacũ tuaerachũ ñũcu yuhũre yoadohoga muhũre yu noano wacũ tuahto sehe —niha tiro.

²⁵ Ā jiro masa payu tina cahapu muroca ta, ti cahmachuchu ñano, Jesu watinore ò sehe ni tuhtiha:

—Muhu durucu dutierariro, tuho dutierariro ahrirore cohtotariro wijaahga. Ā wijaacu tirore pari turi cariboi tjiga —niha Jesu.

²⁶ To ā nichu tuho wafino sañurucu, wahma wahmuu tarirore yahparu doca caha su tunu terechū yoa, wijaaha. To ā wijaachu wahma wahmuu tariro yariariro yoaro sehe wahaha.

²⁷ —Tiro yariaa wahara —nimaha masa payu.

Ti ā nipachuta Jesu sehe to wamomacare ñaha, tirore wahcōha. To ā wahcōchu wahcāha tiro sehe.

²⁸ Baharo Jesu cūhu wuhuru ti sāa suchu to buheina tirore ò sehe ni sinitu ñuha:

—¿Dohseana sā sehe watinore cohā wio masierari, mu tuhotuchū? —ni sinitu ñuha tina.

²⁹ —Ahriro baro wafinore cohā wio duana Cohamacare tuaro sinino cahmana musare. [Ā yoa duana chu duhuro cahmana musare Cohamacare sinina tana] —ni yuhtiha Jesu tinare.

Pari turi Jesu to yariahtore, to masa wijaahore yahuha

(Mt 17.22-23; Lc 9.43-45)

³⁰ Ā yoa tōru jiina waha, Galilea yahparu su, yuhduaha. Tōru ti waharire paina ti masichu cahmaeraha Jesu to buheinare buhe duaro.

³¹ Tōru sūro to buheinare buhea tiha. Ō sehe ni buheha:

—Yuhu masuño Cohamacu warocariro jija. Masa yuhure ñaha, painapure yuhure waahca. Ti ā wari baharo yuhure wajāahca tina. Ti ā wajāricu tia dacho wahaboroi masa wijaiihca —niha tinare.

³² To ā nichu tuhoa tina noano tuhoeraha. Ā jia cuia tirore tīre sinitu ñu namoeraha.

Jesu buheina tina mehne macarirore puhtoro sō duaa nimaha

(Mt 18.1-5; Lc 9.46-48)

³³ Ā yoa tina Capernaup ti sari baharo wuhuru ti jichu Jesu sehe ò sehe ni sinituha tinare:

—¿Mahapure tana, dohse ni durucu tana niri musa? —ni sinituha tinare.

³⁴ To ā nichu tina yuhtieraha. Mahapure taa, cahma ò sehe ni durucu taa niha:

—¿Mari mehne macarirore diro sehere mari puhtoro sōnahcari mari? —ni durucua niha mahai tarucua.

³⁵ Ā jia ti ā nirire buo tia Jesure yuhtieraha. Ti ā yuhtierachu ñano Jesu nuju su, to buheinare doce buheinare pjiroca ò sehe niha:

—Musa puhtoa ji duana jipihtina masa ti cahamaca jiro cahmana musare. Tuhsu, wiho jiina jipihtina docai jinahca musa —niha Jesu tinare.

³⁶ Ā nino nijinocāre tina watoi duhu dapoha. Duhu dapo tuhsu tirocāre na wua, ò sehe ni yahuha:

³⁷ —Yu yare yoa duana ahrirocāre musa cahmana, yuhu cūhure cahmana musa. Ā yoa yuhure cahmana, yuhure warocariro mari Ruhu cūhure cahmana musa —niha Jesu tinare.

Marine ñu tuhtiriro jieraro, mari mehne macariro jira

(Mt 10.42; Lc 9.49-50)

³⁸ Baharo Joāo ò sehe niha Jesure:

—Buheriro, mu wama mehne mu tuua mehne wafāre cohā wiorirore sā ñuhi. Tiro mari mehne macariro to jierachu ñana tīre tirore yoa dutiera tīhi sā —niha tina.

³⁹ Ti ā nichu tuho ro Jesu tinare ò sehe ni yahuha:

—Ā niena tjiga musa tirore. Cūiro yu wama mehne Cohamacu tuua mehne yoaro, baharo yuhure ñano ni durucu masierara.

⁴⁰ Marine ñu tuhtiriro jieraro, tiro mari mehne macariro jira.

⁴¹ Musare potocāta nii nija. Yu yaina musa jichu ñua paina musare ti yoadohochu ñano Cohamacu tinare noano yoarohca. Core musare ti sihōchu mahanocā ti wapachuta tinare noano yoarohca Cohamacu ti ā yoari wapa —niha Jesu tinare.

Ñaare yoachu cua nina

(Mt 18.6-9; Lc 17.1-2)

⁴² Ā yoa Jesu ò sehe ni yahu namoha:

—Ahrirocā sehe jirirore yuhure wacū tua ducarirore yahuhtija musare. Pairo ahrirocā sehe jirirore ñaare yoa dutiro tiro ñabiaro yuhdurohca. Cūirore to wamuru pjiria tūcare dūhte yo, pjiri mapu tirore ti cohāchu ñano wahaboa tiro. Ā jiro ahrirocā sehe jirirore ñaare yoa dutiriro tiro sehe pjiri mapu ti cohāriro yuhdoro ñano yuhdurohca.

⁴³⁻⁴⁴ 'Mu wamomaca mehne ñano yoacu ti wamomacare mu date cohāboro seheta ti mu ñaa yoa sehere duhuga. Tīre duhueracu pichacaru wahaiihca. Tōrue ne pichaca yatierara. [Ā yoa dachoa ne yarierara.] Mu wamomacare mu cohāchu ti si dihta buti-boa. Tuhsu, muhu sehe ā si jipaihta baharo Cohamacu mehne jiihca. Ru wamomaca mehne pichacaru wahacu mu ā wahachu ñaa yuhduaboa mūhure. Ā jicu ti mu ñaa yoa sehere duhuga.

⁴⁵⁻⁴⁶ 'Mu dahporo mehne ñano yoacu ti dahporo cūhure mu date cohāboro seheta ti mu ñaa yoa sehere duhuga. Tīre duhueracu pichacaru wahaiihca. [Tōrue ne pichaca

yatierara. Ā yoa dachoa ne yarierara.] M̄n dahporore m̄n cohāch̄n t̄i si dihta buti-boa. Tuhs̄, ā si jipaihta baharo Cohamac̄ mehne jiihca. P̄nā dahporo mehne pichac̄ap̄ wahac̄ m̄n ā wahach̄n n̄āa yuhduaboa m̄nh̄re. Ā jic̄ t̄i m̄n n̄āa yoa sehere duhuga.

47-48 'M̄n capariaca mehne n̄āno yoac̄ tiare orewe m̄n cohāboro seheta t̄i m̄n n̄āa yoa sehere duhuga. T̄ire duhuerac̄ pichac̄ap̄ wahaihca. T̄or̄ne ne pichaca yatierara. Ā yoa dachoa ne yarierara. Tiare m̄n cohāch̄n tia dihta butiboa. C̄ū buh̄sehe capariaca mariapaihta baharo Cohamac̄ mehne jiihca. P̄nā capariaca mehne pichac̄ap̄ wahac̄ m̄n ā wahach̄n n̄āa yuhduaboa m̄nh̄re. Ā jic̄ t̄i m̄n n̄āa yoa sehere duhuga.

49 'Ahri yahpai jina n̄āno yuhduahca m̄sa. Pichac̄ap̄ mari jūch̄n marine pur̄ino seheta n̄āno yuhduahca m̄sa.

50 Moa noano coara. Moa coaerach̄n, coa yoahto basioerara. Moa coaeraro t̄i moa ne poaerara. T̄i moare dohseah̄to basioerara. Moa noano to coaro seheta m̄sa c̄ūh̄ j̄i coaina jiga. Tuhs̄, paina mehne noano mehne jiga —ni yahuha Jesu tinare.

10

*Ti namosānumiare cohāare yahuha Jesu
(Mt 19.1-12; Lc 16.18)*

1 Ā yoa tiro t̄or̄p̄ jiriro waha, Judea yahpa cahap̄ s̄n, Jordāo wama tiri ma pa buh̄sehe coap̄ s̄n. T̄or̄p̄ to s̄ch̄n n̄āa masa paȳ tiro cahap̄ cahmachuha tjoa. Ti ā cahmachuch̄n n̄āno t̄o pano to buheriro seheta pari turi buheha tjoa.

2 To ā buhero watoi fariseo curua macaina wihiha. Jesure n̄āno to durucuch̄n t̄uho duamaha tina tireore yahusā duaa. Ā t̄uho duaa tina Jesure ō sehe ni sinitu n̄āa:

—ĶMari namore cohāch̄n noabocari? ĶMari dutia sehe t̄o seheta yoa dutijari, m̄n t̄uhotuch̄n? —ni sinitu n̄āa tina.

3 —ĶDohse yoa dutiri Moise cjiro m̄sare? —ni yuhtiha Jesu.

4 —“M̄n namore cohā duac̄ papera p̄ūi t̄ire joaga. Ā joac̄ t̄i p̄ire m̄n namore m̄n maharo ticorore cohā masina m̄nh̄”, ni joaa tiha Moise cjiro —ni yuhtiha fariseo curua macaina sehe.

5 Ti ā nich̄n t̄uhoro ō sehe ni yahuha Jesu: —Cohamac̄ dutiare m̄sa yoa duaerach̄n n̄āno ā ni joaa tiha Moise cjiro.

6 To ā ni joariro jipach̄ta ahri yahpare ba-juamehneriro m̄no, numino c̄ūh̄re yoaha.

7 Ā jiro m̄no to p̄ac̄sumare cohā wijaa, to namono mehne jirohca.

8 Ā jia tina p̄aro jipahta c̄ū p̄jac̄ yoaro sehe jira. Tina p̄aro yoaro seheta jierara. C̄ū p̄jac̄ yoaro sehe jia nina.

9 Cohamac̄ to wamomaca d̄uh̄te dutiina jira. Ā jia tina duhueraro cahmana —niha Jesu tinare.

10 Ā ni tuhs̄ tiro to buheina mehne wuh̄p̄ s̄ā wahaha. Wuh̄p̄ s̄ā s̄ā, ti namosānumiare cohāare to buheina sinitu n̄āa tjoa tireore.

11 Ti ā sinitu n̄āch̄n tiro ō sehe ni yuhtiha: —To namonore cohāriro pacorore namo tiro, pacoro mehne n̄āno yoariro jira. Ā jiro to cohāricorore n̄āno wahach̄n yoaro nina.

12 Ā yoa numino sehe to man̄nore cohāno, pairore man̄ tiro, tiro mehne n̄āno yoaricoro jira —niha Jesu tinare.

*Macanac̄ ya cjihtire Cohamac̄re sini
payoha Jesu*

(Mt 19.13-15; Lc 18.15-17)

13 Ā yoa macanac̄re Jesure n̄āa payo dutia taa tinac̄re Jesu cahap̄ na taa tiha. Ti ā na tach̄ n̄āa to buheina sehe tinac̄re na tainare tuhtiha.

14 Ti ā tuhtich̄n n̄āno Jesu suaha tina mehne. Ā suaro ō sehe niha tinare:

—Macanac̄ ȳ cahap̄ tajaro. “To cahai wahaena tjiga”, niena tjiga tinac̄re. Tinac̄ Cohamac̄re ti p̄htoro t̄uhotura. P̄htoro Cohamac̄ to s̄uho jiina ahrinac̄ yoaro sehe t̄uhotuina baro dihta jira.

15 Potoc̄ niita nija m̄sare. Ahrinac̄ Cohamac̄ ti p̄htoro cjihtore cahmana. Ti yoaro seheta m̄sa c̄ūh̄ Cohamac̄ m̄sa p̄htoro cjihtore cahmaerana, p̄htoro Cohamac̄ to s̄uho jihtina ne jisi m̄sa —niha Jesu.

16 Ā ni tuhs̄ Jesu macanac̄re na w̄nā tjiāh̄no, tinac̄re n̄āa payoro, ō sehe niha:

—Ahrinac̄ noainac̄ wahajaro —ni sini payoha Cohamac̄re.

Pache p̄ro Jesure sinitu n̄āa

(Mt 19.16-30; Lc 18.18-30)

17 Ā yoa Jesu mahai to waharucuch̄n pairo sehe m̄roca wihi, to dahpori cahap̄ na tuhca caha s̄āa tireore n̄o payoro.

—ĶNe, noariro buheriro, yuh̄n j̄ipih̄tia dachoripe Cohamac̄ mehne ā jirucu duac̄ dohse yoac̄h̄cari yuh̄n? —niha tiro Jesure.

18 To ā nich̄n Jesu ō sehe ni yuhtiha:

—Ķ'Noariro' ni pisujari m̄nh̄ yuh̄re? Noariro sehe Cohamac̄ dihta jira.

19 Ahri Cohamac̄ dutiare masina m̄nh̄: Masare wajāena tjiga. Namō t̄iror̄p̄ paye numia mehne jiena tjiga. Yacaena tjiga. Mah̄no mehne pairore yahusāena tjiga. Paina yare mah̄no naena tjiga. M̄sa p̄ac̄sumare n̄o payoga. Ahri dutiare yoai-hca m̄nh̄ —ni yahuha Jesu tireore.

²⁰ —Buheriro, yuhũ tí jipihtiare wahma wahmũa tariro jipipata yuhduũcaera tihũ yuhũ —niha tiro Jesure.

²¹ To ã nichũ tũhoro Jesu sehe tirore cahĩa mehne ñũroca õre. Æ ñũroca õno, õ sehe niha:

—Mahanocã dahsara mũhũre mũ yoa pahũohto. Jipihtiare mũ yare duai wahaga. Æ yoacu jipihtia mũ wapatarĩ niñerũre pjacũoinare waga. Mũ ã yoachu payũ mũ ya noaa mũanopũ, Cohamacũ cahapũ jiyuahca. Mũ ã yoari baharo yuhũ mehne macariro cjihto taga —niha Jesu tirore.

²² To ã nichũ tũhoro tiro sehe payũ pache cjuarĩro jiro tíre pjacũoinare wa duaeraro, cahya, jicoaeraa, wahaa wahaha.

²³ To ã cahyachũ ñũno Jesu majarerũcũ sũro, to buheinare ñũroca õ, õ sehe niha:

—Pache pũa pũtoro Cohamacũ to sũho jiropũre tí waha duachũ mijobiara —niha tinare.

²⁴ To ã nichũ tũhoa tina sehe tíre tũho cũaa wahaha. Æ ni tuhsũ Jesu pari turi õ sehe ni yahu namoha tinare:

—Coyea, jipihtina [Cohamacũre wacũno marieno “Mari mũ sũro mari cjuaa mehnetã noano yuhduũnahca”, ni tũhotuina pache pũa] pũtoro Cohamacũ to sũho jiropũre tí waha duachũ mijobiara.

²⁵ Camello sehe awicã copacãre to sãa nuhri wijaa duachũ basioerara. To ã jiro yuhdoro pache pũro pũtoro Cohamacũ to sũho jiropũre to waha duachũ nu mijobiara —ni yahuha Jesu tinare.

²⁶ To ã nichũ tũhoa tina sehe tũho cũa yuhduũ waha, tí basi õ sehe niha:

—Cue, to nino seheta potocã jichũ ne cũiro masũnore yuhdoeraboca Cohamacũ —niha tina tí basi.

²⁷ Tĩ ã nichũ tũhoro Jesu tinare ñũroca õ, õ sehe niha:

—Masa tí basi tí mũ sũro yuhduũ masierara. Wiho mejeta Cohamacũ sehe masare pichacapũ wahaborinare yuhdo masina. Tiro jipihtiare noano yoa masi pahũoriro jira —niha Jesu tinare.

²⁸ To ã nichũ Pedro tirore õ sehe niha:

—Tũhosiniga. Sã sehe jipihtia sã yare cũnocaa tíi mũhũ mehne tana —niha tiro Jesure.

²⁹ To ã nichũta Jesu õ sehe niha:

—Potocã niita nija mũsare. Noaa buheare, yũ yare yoana tana yũhũre ño payona tana mũsa wũhũsere, mũsa bahanare, mũsa pocosãnumiare, mũsa pohñare, mũsa weserire cũnocarina jina, pjĩro wapatanahca mũsa mipũre.

³⁰ Æ yoana mũsa wũhũserire, mũsa bahanare, mũsa pocosãnumiare, mũsa pohñare, mũsa weserire, tó pano mũsa cjuarĩro yuhdoro mipũre payũ cjuanhca

mũsa. Æ yoa tina mũsare ñano yoaahca. Æ jina baharopũre pa turupũ jipihtia dachoripe Cohamacũ mehne jinahca.

³¹ Mipũre payũ pũthoa jirina cjiri tí pjapũre wiho jiina tjuanocaahca. Æ yoa mipũre payũ wiho jiina jirina cjiri tí pjapũre pũthoa cohtotaahca tjoa —ni yahuha Jesu tinare.

Pari turi Jesu to yariahtore, to masa wiajahtore yahuha

(Mt 20.17-19; Lc 18.31-34)

³² Æ yoa tina mahapũ maja, Jerusalẽpũ mũjaaa niha. Jesu tí panocã mũ tãha. Æ to mũ tãchũ ñũa to buheina ñũ cũaa wahaha. Æ yoa tí baharo mũnũ tina sehe cuiro mehne mũnũ tihã. Æ yoa Jesu doce to buheinare tí sahsero naaha tjoa. Æ naa tuhsũ, masa tirore tí dohse yoahũre Jesu yahu dũcaha tinare:

³³ —Tũhoga yũhũre. Mipũre Jerusalẽpũ wahana nija mari. Tópũ masa yũhũre masũnore Cohamacũ warocarĩrore ñaha, painapũre yũhũre waahca. Sacerdotea pũthoare, mari coyea judio masare buheina cũhũre yũhũre waahca. Æ jia yũhũre wajã dutiahca tina. Æ wajã dutia judio masa jieraina sehẽre yũhũre waahca.

³⁴ Tĩ ã wari baharo tina sehe yũhũre bũjũpe, chahcho puti sihõ, tjana, wajãahca. Æ yoa yũ yariari baharo tia mũmũ wahaboroi masa wijaaahca —ni yahuha Jesu tinare.

Santiago João mehne Jesure sinihã

(Mt 20.20-28)

³⁵ Æ yoa Santiago, João mehne Jesu cahapũ sũa, sinihã tirore. Tĩna Zebedeo pohña jihã. Æ jia õ sehe ni sinihã:

—Buheriro, sã sinino seheta sãre yoaga mũhũ —niha tina Jesure.

³⁶ —¿Dohse yũ yoachũ cahmajari mũsa? —niha Jesu tinare.

³⁷ —Jipihtina bui pũtoro jicũ sãre mũhũ mehne duji dutiga. Cũiro mũ potõ bũhũsehei paioro mũ cõ bũhũsehei duji dutiga sãre, mũhũ mehne pũthoa sã jilho sehe —niha tina Jesure.

³⁸ Tĩ ã nichũ tũhoro õ sehe ni yahuha Jesu tinare:

—Mũsa ñano yuhduũhtore masierapanahca ã sinina yũhũre. ¿Mipũre yũ ñano yuhduũto seheta ñano yuhduũna cũno pjabocari mũsa cũhũ? —ni sinituha tinare.

³⁹ To ã sinituchũ tũhoa tina õ sehe ni yũhtiha:

—Cũno pjanahca —ni yũhtiha tina.

Tĩ ã nichũ Jesu õ sehe ni yahuha:

—Yũ ñano yuhduũto seheta ñano yuhduũnahca mũsa cũhũ.

⁴⁰ Mũsa ã yuhduũhtina mũsa jipachũta, yũhũ mehne dutihtinare, yũhũ mehne dujĩhtinare bese masieraja yũhũ. Ahĩrĩre yũ Pũcũ

sehe cahno tuhsare. Ā jia to besehtina dihta yu poto buhusehei yu cō buhusehei dujiahca —niha Jesu tinare.

⁴¹ Ā jia paina diez buheina Santiago, João ahrina puaro mehne susiniha ti ā sinirire tuhoa.

⁴² Ti ā susinichu űano Jesu to buheinare pjiroca, ō sehe niha:

—Cohamacare masieraina puhtoa sehe ti masare dutia, purīno mehne dutira.

⁴³ Mūsa sehe ne ā yoasi mūsa basi. Diro mūsa mehne macariro mūsa bui puhtoro ji duaro, jipihitina tiro mehne macaina cahamacano yoaro sehe jia tiro cahmana tirore.

⁴⁴ Ā yoa diro mūsa mehne macariro musare dutiriro ji duariro mūsa cahamacano yoaro sehe jia tiro cahmana tirore.

⁴⁵ Tó seheta jiriro jija yuhu cāhu. Yuhu masano Cohamacu warocariro jipacata ahri yahpāre yuhare mūsa yoadohoitire musare sinii tai nierahi. Mūsa sehene yoadohoi tai nii. Ā yoacu payu masa ya buhirire yaria, warabasai tai nii. Yu ā yariaro mehne payu masare pichacaru wahaborinare yuhduchu yoai tai nii —niha Jesu tinare.

Bartimeore, capari űerarirore űuchu yoha Jesu

(Mt 20.29-34; Lc 18.35-43)

⁴⁶ Ā yoa baharo tina Jericōpu sūha. Jesu to buheina mehne, ā jichu paina masa payu mehne ti macai jūna ti wahachu ti macare ti yuhdu wahcāchu waro, Bartimeo sehe ti wahari maha duhta cahai dujiha. Tiro Timeo macano capari űerariro jiro, masare niűerucāre ā siniruruciro jiha.

⁴⁷ Ti wahari maha duhta cahai dujiro, “Jesu Nazare macariro tara”, ti nichu tuhoro, Bartimeo sehe ō sehe ni saűurucūha:

—Jesu, Davi cjiro panamino masare yuhdohtiro, pja űuga yuhare —ni saűurucūha Jesure.

⁴⁸ To ā nichu tuhoa masa payu Bartimeore “Dihta mariaha”, ni tuhtihā tina tirore. Ti ā ni tuhtichu tuhoro Bartimeo tó pano to saűuruciro yuhdo curero saűurucūha namoha tjoa:

—Jesu, Davi cjiro panamino masare yuhdohtiro, pja űuga yuhare —ni saűurucūha tiro.

⁴⁹ To ā ni saűurucūchu tuhoro Jesu sehe tjuarucu su, “Pjirocaga tirore”, niha. To ā nichu tuhoa tina sehe capari űerarirore ō sehe ni yahuha:

—Wahchega. Wahcārucaga. Tiro mūhare pjira —niha tina Bartimeore.

⁵⁰ Ti ā nichu tuhoro to bui macari suhtirore tjuwe cū, pu wahcārucu su, Jesu caharu suűacu sūha.

⁵¹ Ā jiro, Jesu sehe ō sehe ni sinituha tirore:

—¿Dohse yu yoachū cahmajari mūhu? —niha Jesu tirore.

—Yu puhtoro, yuhare űuchū yoaga —niha capari űerariro Jesure.

⁵² —Wahaga mūhu. Mūhu yuhare wacū tuacu noariro wahara —niha Jesu tirore.

To ā nichuta capari űerariro űua wahaha. Ā noariro waharo Jesu mehne maharu wahaa wahaha.

11

Jerusalēpu sūha Jesu

(Mt 21.1-11; Lc 19.28-40; Jn 12.12-19)

¹ Ā yoa tina Jerusalēpu ti suhto panocā tācu Olivo wama tidu duhta cahai jiri maca Betfagé wama tiri maca cahai, ā jichu Betania wama tiri maca cahai su mūhtaha. Tí macari puā maca cahai Jesu sūro, to buheina puarore warocaro taro, ō sehe ni yahu quihōha:

² —Sī macaru wahaga. Tōpu sūna dóihta burrocāre ti duhte daporirocāre boca sūnahca. Tiro ne cāiro ti pisamahnoer-arirocā jica. Tirocāre bocana, yuta dare pjā, na tabasaga yuhare.

³ Mūsa tirocāre pjāchu űano cāiro dohse jiriro, “¿Dohse yoana tana burrocāre duhte daporī dare pjājari mūsa?”, to nichu tuhona, ō sehe ni yuhtiga tirore: “Mari puhtoro burrocāre cahmarocasinire. Michapucāta wiarohca tiro”, ni yahuga tirore —ni yahu duti warocaha to buheina puarore.

⁴ To ā nichu wahā, tí wūhu sopaca cahai burrocāre ti duhte daporirocāre bocaha. Boca, tirocāre pjāha.

⁵ Tirocāre yuta dare ti pjāchu űua tói ducuina ō sehe ni sinituha tinare:

—¿Dohse yoana tana burrocāre duhte daporī dare pjājari mūsa? —ni sinituha tina.

⁶ Ti ā nichu tuhoa, tina sehe Jesu to niriro seheta yahuha tói ducuinare. Ti ā ni yahuchū tuhoa tói ducuina sehe “Naahga”, niha tinare.

⁷ Ā jia tina burrocāre Jesu caharu na sūha. Ti na sūri baharo tirocā bui ti bui sūa suhtire ti pjūpaha payo tuhsūchu űano, Jesu sehe tirocā bui mūja pja, wahaha.

⁸ Tirocā bui to wahachu űua, masa payu ti bui sūa suhtire tjuwe na, to wahahti mahai saño cū mūhtaha, Jesure űo payoa. Paina sehe campopū pūri tia dūpūrire yucu dūpūrire dute na ta, to wahahti mahai duhu cūha.

⁹ Ā jia to pano wahaina, to baharo nūnu tiina mehne ō sehe ni saűurucūha:

—Ahrirore wahche payojihna. Ahriro Cohamacu to warocariro noano jijaro.

¹⁰ Mari űuchū Davi cjiro puhtoro to noano suho jiriro seheta, ahriro marine to suho

jihito cāhũ noano jijaro. Mũano macariro Cohamacũ, mũhũ tuariro waro jira —ni sañurucuha tina.

¹¹ Ti ã yuari baharo Jesu sehe Jerusalēpũ suha. Su, Cohamacũ ya wũhũpũ sãa sũro, ti wũhũ jiare jipihtiare ñũ pahñonocaha. Ñũ tuhsũ “Namichahapũ waro jira marine” nia, Jesu to buheina doce buheina mehne Betaniapũ wahaa wahaha.

Jesu higueraçure yaria dutiha
(Mt 21.18-19)

¹² Æ yoa pa dachoi tina Betaniapũ jiina wahaa wahaha. Æ jiro Jesu sehe jũca baa, yoaropũ higuera wama tidũre noano pũri tidũre ñũno tũ dichare macano wahamaha.

¹³ Dicha mariaha. Dicha tiri pja jieraro pũri dihta jiha.

¹⁴ Æ jiro dicha mariachũ ñũno õ sehe niha: —Ahdũ dichare masa ne pari turi chũea tjijaro. Ne dicha tiero tjijaro —niha Jesu.

To ã nichũ to buheina sehe tũhoha.

Jesu Cohamacũ wũhũre Cohamacũ mehne durucuri wũhũre yoa dutiha
(Mt 21.12-17; Lc 19.45-48; Jn 2.13-22)

¹⁵ To ã yuari baharo tina Jerusalēpũ suha. Tórpũ sũro, Jesu Cohamacũ ya wũhũpũ sãa sũro pache duainare, nuchũina cũhũre cohã wioha. Æ yoaro niñeru cohtotaa mesarire yo wahcõ na majare cũ mũjaa tiha. Bujaare duaina ti dujia pahitari cũhũre ãta yoaaha.

¹⁶ Æ yoaro paye barore na sãa dutieraha masare.

¹⁷ Tõ sehe yoa tuhsũ, Jesu õ sehe ni buheha tinare:

—Õ sehe nina Cohamacũ yare ti joari pũi: “Yũ wũhũ Cohamacũ mehne durucuri wũhũ wama tirohca. Æ jiro jipihtiro macaina ya wũhũ cjihto jirohca”, ni joaa tiha Cohamacũ yare ti joari pũi. To ã nipachũta masa sehe ahri wũhũ duana, mũsa basi cahma yacara mũsa —ni buheha tinare.

¹⁸ To ã ni buhechũ jipihtina masa sehe tũho cũaa wahaha. Æ jia sacerdotea pũthoa, sã judio masare buheina mehne tirore cui niha. Æ jia tina tirore ti wajãhti cjihtire wacũ macamaha.

¹⁹ Ti ã yoachũ ñamichahapũ Jesu to buheina mehne ti macapũ jirina cjiri wahaa wahaha.

Higueraçũ ñaia wahaha
(Mt 21.20-22)

²⁰ Æ jia bohrearo mahapũ maja taa, higueraçure ñũha. Tũ nũhcoripũ ñai dũca, ñaia wahaha tũ.

²¹ Tũre ñũno Pedro sehe wacũno õ sehe niha:

—Buheriro, ñũga. Higueraçũ mũ yaria dutidũ yaria wahari jira —niha Pedro.

²² To ã nichũta Jesu õ sehe ni yahuha tinare:

—Cohamacũre wacũ tuaga mũsa.

²³ Potocã niita nija mũsare. Ahdũ tũcũre pjiri mapũ mũsa cohã dutichũ mũsa niriro seheta ã waharohca. Cohamacũre noano mũsa wacũ tuachũ “Yũ siniriro seheta ã waharohca”, mũsa ni tũhotuchũ mũsa niriro seheta ã waharohca.

²⁴ Æ jicũ ahrire yahuihtja mũsare. Cohamacũ mehne durucuna, tirore sinina, “Yũ siniriro seheta warohca yũhũre”, ni tũhotuga. Mũsa ã ni tũhotuchũ ñũno Cohamacũ mũsa siniare warohca.

²⁵ Æ yoana Cohamacũ mehne mũsa durucuhto pano mũsare paina ti ñano yoachũ mũsa suari cjirire duhuga. Mũsa ã yoachũ ñũno Cohamacũ mũano macariro mũsa ñaa buhirire tiro cãhũ sua duhurohca.

²⁶ [Mũsare ñano yoainare mũsa sua duhuerachũ mari Pũcũ cãhũ mũano macariro mũsa ñaa buhiri sehere bosu tiro cãhũ] —niha Jesu.

Sacerdotea pũthoa, judio masare buheina, bũcũna mehne Jesu mehne cahma sayoha

(Mt 21.23-27; Lc 20.1-8)

²⁷ To ã niri baharo tina Jerusalēpũ wahaha tjoa. Æ jia Jesu Cohamacũ wũhũ to tinichũ ñũa sacerdotea pũthoa, sã judio masare buheina, bũcũna mehne tiro cahapũ sua tirore õ sehe ni sinitu ñũha:

²⁸ —¿Dohseacũ canũre ã yuari mũhũ? ¿Noa mũhũre tire ã yoa dutiri? —ni sinitu ñũha tina Jesure.

²⁹ Ti ã nichũ Jesu õ sehe ni yũhtiha:

—Mũsa sehere sinitu mũhtaihtja. Noano yũhũre mũsa yũhtichũ mũsare yahuihtja yũhũ cãhũ.

³⁰ ¿João masare to bautisachũ diro baro sehe tirore bautisa dutia tiari, mũsa tũhotuchũ? ¿O Cohamacũ dutiera tiari? ¿O masa sehe tirore dutia tiari, mũsa tũhotuchũ? —ni sinituha tinare.

³¹ To ã nichũ tina sehe ti basi õ sehe niha: “¿Dohse ni yũhtinahcari mari? ‘Cohamacũ Joãore dutia tiri jire’, mari nichũ, ‘¿Dohseana Cohamacũ Joãore to dutipachũta tirore tũhoerari mũsa?’ niboca Jesu marine.

³² Æ yoa, ‘João to bautisachũ Cohamacũ sehe tirore dutierari jire’, mari nichũ masa sehe suaahca mari mehne”, niha tina ti basi. “Potocãta João Cohamacũ yare yahu mũhtariro jira”, ni tũhotua tiha masa sehe. Ti ã ni tũhotuchũ masia, Joãore doca dahre duaeraha sacerdotea pũthoa cãhũ, “Masa suari”, nia.

³³ Æ jia tina Jesure õ sehe ni yũhtiha:

—Joãore bautisa dutirirore sã masieraja —niha tina Jesure.

—Tí pja pinihta yáhu cáhu ahrire ya yoaare dutirirore yahueraja masare —niha Jesu tinare.

12

Naina dahra cohtaina quitire yahuha Jesu (Mt 21.33-46; Lc 20.9-19)

¹ Á yoa Jesu to tuhótua mehne ò sehe ni piti dahre buhe dácaha tinare:

—Wese púro se dari cjihtire toaha. Toa tuhsu, sahrínore dapo, sere ti tu mutohti copare saha, muari wuhúcá dahreha tiro. Tuhsu, tí wesere painare cá buhúsehe coa pahma cúnó, tí wesere ñu wihbo dutiha. Ñu wihbo duti tuhsu, pa yahpapu wahaha tiro.

² Baharo se ñiri pja jichu wese púro tirore dahra cohtarirore wese macaa to ya coa macaa dichare na dutiro warocamaha.

³ Á jia tí wesere ñu wihboina sehe tirore dahra cohtarirore ñaha, cjáha. Á yoa tuhsu tirore dahra cohtarirore se tóhorine waera-pahta tjuaa dutiha tirore.

⁴ Á jiro wese púro paio tirore dahra cohtarirore warocamaha tjóa. Á jia wesere ñu wihboina sehe tirore dahra cohtarirore dapure camí dahre, ñano yoaha tina tirore.

⁵ Tuhsu, paio sehere to warocachu ñu wihboina tirore wajáha. Payu paina cáhure á dihta yoa mujaha. Paina sehere cjá, paina sehere wajáha tina.

⁶ Á jiro wese púro macúno dihta dúhsaha. Tiro to cahírero jiha. Á jiro to macúnore warocaha juna, “Yu macu sehere ño payoahca”, nino.

⁷ To á ni tuhótupachata tina ñu wihboina ti basi ò sehe ni durucuha: “Wese púro macúno baharo ahri wesere cjahtiro jira ahriro. Tirore wajájihna mari. Á jiro ahri wese mari ya wese tjuarohca”, nimaha tina ti basi.

⁸ Á nia tirore ñaha, wajá, wese dúhtu cahapu na wahcá, cohánocahna tina tirore.

⁹ ¿Ne wese púro taro dohse yoarohcari tiro wesere ñu wihboinare? Ó sehe yoarohca tinare: Tiro tinare wajáno, paina sehere wesere ñu wihbo dutirohca.

¹⁰⁻¹¹ ¿Cohamacu yare ti joari púre ahrire buherari musa? Ó sehe ni joaa tiha: “Ahriro Cristo táca yoaro seheta jira.

Tácare wuhú dahreina ti coháno seheta masa tirore coháahca.

Ti á yoapachata mipúre wuhú dahreina wuhure yoaa ti cú muhtari tácare ti cúnó seheta Cohamacu tirore puhto sóre.

Cohamacu sehe ahrire yoare.

To á yoachu ñana, ‘Noa yuhúwara’, ni tuhótuja mari’,

ni joaa tiha panopa. ¿Tíre ne buherari musa? —niha Jesu tinare.

¹² To á nichu tahoá sacerdotéa puhtoá, sá coyea judio masare buheina, bucana mehne ò sehe ni tuhótuha: “Jesu wesere ñu wihboina quiti mehne marine tuhtiro nina”, ni tuhótuha. Á ni tuhótua Jesure ñaha duamaha. Á ñaha duapahta masare cui niha. Á cuia tirore cohá wahcáa wahaha.

Fariseo curua macaina, Herode ya curua macaina mehne gobierno macaa wapare sinituha Jesure

(Mt 22.15-22; Lc 20.20-26)

¹³ Waha, tina fariseo curua macainare, Herode ya curua macaina cáhure Jesure sinitu dutia warocaha tjóa. Jesu ñano to yuhtichu yoa duamaha tina, tirore yahusáa taá.

¹⁴ Á jia jia Jesu cahapu súa, tirore mahño cú sinitu ñumaha:

—Buheriro, potocá durucuriro, mahñoa marieriro mu jichu masija sá. Cohamacu yare quihóno mu yahuchu cáhure masija sá. Á yoa cáiro puhtoro waro to jipachata tiro cáhure dórero marieno potota yahura muhu. Á jicu sáre yahuga. ¿Roma cacariro jipihina bui puhtoro jirirore gobierno macaare marine waparo cahmajari, mu tuhótuchu? ¿Mari dutia tirore wapa dutijari, mu tuhótuchu? —ni sinitumaha tina Jesure.

¹⁵ Ti á sinituchu tóhoro ti yahusá duaare masino ò sehe ni sinituha tinare:

—¿Dohseana yu ñano durucuchu tóho dua-jari musa? Mipure niñeru tare na tahga. Tí tare ñujihna —niha Jesu tinare.

¹⁶ To á nichu tahoá tina sehe cá tare na taha. Ti na wihichu Jesu ò sehe ni sinituha tinare:

—¿Diro baro masu wahájarí ahri tare? ¿Diro baro wama wahájarí? —ni sinituha tiro.

—César, masa bui puhtoro masu, to wama cáhu wahána —ni yuhtihá tina.

¹⁷ Ti á nichu Jesu ò sehe ni yahuha tinare:

—Tí pja pinihta masa bui puhtoro yare tiro sehere waga. Cohamacu yare Cohamacu sehere waga —ni yahuha Jesu.

To á nichu tahoá, tóho caaa wahaha.

Saduceo curua macaina Cohamacu to masoore sinituha Jesure

(Mt 22.23-33; Lc 20.27-40)

¹⁸ Á yoa cáina Saduceo curua macaina Jesu cahapu wihíha. Saduceo curua macaina sehe “Cohamacu yariainare masosi”, ni tuhótuhina jimaha.

¹⁹ Á jia tina ò sehe niha tirore:

—Buheriro, ò sehe ni buhea tiha Moise cjiro: “Cáiro to wahmino namo tiro pohna mariaparota to yariachu ñano to bahurore to wahmino namono cjirore nuóano cahmana. Á yoaro to wahmino munano to pohna tiboro seheta pohna tiro cahmana to bahurore. Á jia to pohna to wahmino

m̄n̄ano pohna yoaro sehe jiahca", ni joaa tiha Moise cjiro —niha tina Jesure.

²⁰ Tíre ni tuhsu, ahri quitireta yahu namoha Jesure:

—Cãiro masuno jiha. Seis to bahana jiha. Ti wahmino sehe namo ti, pohna mariaparota yariaa wahaha.

²¹ Tuhsu, paio to bahuro cãhu to wahmino namono cjirore cjuamaha. To ã nuoari baharo to wahmino yoaro seheta pohna mariaparota yariaa wahaha tjoa. Æ jiro ahriro bahuro to wahmino m̄n̄ano yoaro seheta pohna mariaparota yariaa wahaha tjoa.

²² Æ dihta wahaha cãiro pohna waro. Ne pohna mariapahta yaria pihitia wahaha tina. Ti namono cjiro cãhu ti baharota yariaa wahaha.

²³ ¿Ne, Cohamacu jiphtinare yariaina cjirore to masochu diro namono sehe jirohcari ticoro? Tina jiphtina ticorore namo tirina cjiro jiha. ¿Æ jiro diro namono sehe jibocari ticoro pototi? —ni sinituha tina.

²⁴ Jesu õ sehe ni yuhtuha tinare:

—Cohamacu yare ti joari pũre, to masia cãhure ne masierara musa. Æ jia musa tuhotua sehe ne quihõno jierara.

²⁵ Yariarina cjiro ti masa mujari baharo tina anjoa yoaro sehe jira. Tina musa namo tierara tũpũre.

²⁶ Yariarina cjiro ti masa wijaahto sehere musare yahuhtja: Tíre Moise cjiro noano yahu pahũoha. To mahaducã jari quitire õ sehe ni yahuha tiro: “Yãhu Abrahã, Isaa, Jacobo ti puhtoro tjija”, ni yahure Cohamacu yãhure”, ni joaa tiha Moise cjiro to joari tjui.

²⁷ Ti yariari baharo “Ti puhtoro tjija”, ni yahuha Cohamacu. Æ niparota yariarina cjiro puhtoro jierara Cohamacu. “Ti puhtoro tjija”, to nia mehne catiina ti jichu masija mari. Tiro catiina puhtoro jira. Æ jina “Yariaina masasi”, ni tuhotuna quihõno tuhotuerara musa —niha Jesu tinare.

Cãno noa yũhdũro to dutiare yahuha Jesu (Mt 22.34-40)

²⁸ Æ yoa cãiro sã coyera judio masare buheina mehne macariro tina cahapu wihi, ti cahma durucuchũ tuhoha. Jesu to noano yuhtiare tuhoro õ sehe ni sinituha tirore:

—¿Cohamacu ya dutia noa yũhdũro di baro sehe jijari, mu tuhotuchũ? —ni sinituha tiro Jesure.

²⁹ Jesu tirore õ sehe ni yahuha:

—Ahri dutiata paye dutia yũhdoro noa yũhdũra: “Israe masa tuhoga. Cohamacu musa puhtoro yũhu cãirota jija.

³⁰ Tuaro musa yajeripohnari mehne, noano musa wacũa mehne, musa tuua mehne yãhure cahĩga”, nina Cohamacu.

³¹ Ahri dutia baharo paye dutia noa yũhdũra: “Mu basi mu cahĩno seheta mu cahai jiina cãhure cahĩga”, nina Cohamacu. Ahri puaro dutia jiphtia paye dutia yũhdoro jira —ni yahuha Jesu tirore.

³² To ã nichu tuhoro judio masare buheriro õ sehe niha:

—Æ tjira. Buheriro, potocã nina muhu. Cohamacu cãirota jira. Pairo tiro yoaro sehe jiroro mariahna. Mu nia potocã tjira.

³³ Cohamacure tuaro mari yajeripohnari mehne, mari wacũa mehne, mari tuua mehne tirore cahĩno cahmana marine. Yu cahai jĩnare yũ basi yũ cahĩno seheta tina cãhure cahĩno cahmana yãhure. Wahiquinare wajã jũ muo mari wari mehne mari ño payochu noa nimana. Ahri yũhdoro Cohamacure masa cãhure mari cahia noa yũhdũra. Mu ã nia potocã tjira —niha judio masare buheriro Jesure.

³⁴ To ã noano yũhtichu tuhoro Jesu õ sehe ni yahuha tirore:

—Mahanocã duhsara mũhure Cohamacure mu noano masihto —niha tirore.

To ã nichu tuhoa paina cuia, ne sinitu ñũeraha tirore.

¿Diro baro coyero jijari Cristo?

(Mt 22.41-46; Lc 20.41-44)

³⁵ Æ yoa Cohamacu wãhũ buhero õ sehe niha Jesu:

—“Cristo Davi cjiro panamino jira”, ni buhera mari coyera judio masare buheina. ¿Dohse yoa ã ni buhejari tina?

³⁶ Davi cjiro to basi Espĩritu Santo to dutiriro seheta õ sehe ni yahuha tiha:

“Cohamacu yũ puhtorore õ sehe nire: ‘Õi yũ potu buhusehei dujiga.

Æ jicu mũhure ñũ tuhtiinare mũhure yũhdũrucabasaihca yũhu’, nire Cohamacu yũ puhtorore”,

ni joaa tiha Davi cjiro.

³⁷ Æ ni joaro Davi cjiro puhtoro tia tiha Cristore. ¿Davi cjiro Cristo ñũchũno cjiro jiparota dohsearo Davi sehe puhtoro tiari Cristore? Cristo Davi cjiro puhtoro jira —ni yahuha Jesu.

To ã ni buhechu payu masa wahchea mehne tuhoha tirore.

Jesu judio masare buheina ti ñaare yahuha

(Mt 23.1-36; Lc 11.37-54; 20.45-47)

³⁸ Æ yoa tiro buhe namono õ sehe niha:

—Mari coyera judio masare buheina ti ñaa yoaare noano ñũga. Æ jina ti yoaro sehe yoaena tjiga. Tina yoaã suhti sãa, masa ti ñũrocaroi majarea, pache duaropũ paina puhtoare noano ño payo ti sinino sehe ti piti bocasinichu cahmana tina.

³⁹ Æ cahmaina jia, mari judio masa buhea wãhũsei noaa dujia dihtare duji duara.

Tuhsu, bose namu jichu tó cāhure noaa dujia dihtare cahmana tina.

⁴⁰ Tina wapewahya numia ya wāhūserē ti ya cāhure mana tí numiare. Ā yoaina jia, tina masa ti űarocaroi yoari pja Cohamacu mehne durucumana masare űu dutia. Ti ā yoari buhiri paina bui curero tinare Cohamacu pjiro buhiri dahrerohca —niha Jesu tinare.

*Wapewahyoro to warire yahuha Jesu
(Lc 21.1-4)*

⁴¹ Ā yoa Jesu niűeru wihbori caro cahapu dujija. Tí caropu masa ti niűeru duhu sāachū űu dujiro niha. (Tí niűeru Cohamacu wāhūre ti cahnochū ti wapahti jiha.) Ā jia pache puā tí caropu pjiro duhu sāaha.

⁴² Ā yoa wapewahyoro pjacuoricoro tí caropu ta, puā tūcāre duhu sāaha. Puā tu cū centavo posa jira.

⁴³ Tí tūrire to duhu sāachū űuno to buheinare pjirocaha:

—Potocā niita niya musare. Ahricoro wapewahyoro pjacuoricoro sehe niűeru wihbori caropu duhu sāano paina jipihtina ti wari yāhdoro wahre ticoro sehe.

⁴⁴ Paina pache puā pjiro ti wapachuta ti ya pjiro dūhsara. Ahricoro sehe pjacuoricoro jiparota jipihtia to chūhtire to nuchaboacāre wa pahűohre —ni yahuha Jesu.

13

*“Cohamacu wūhū cohāri wūhū jirohca”,
niha Jesu*

(Mt 24.1-2; Lc 21.5-6)

¹ Ā yoa Cohamacu wāhūpūre ti wijaachū cāiro buheina mehne macariro ō sehe niha: —Buhiriro, űuga. Ahri wāhūse noaa tāa mehne ti yoaa wāhūse noacaa wāhūse jijari —niha tiro.

² To ā nichu Jesu ō sehe ni yahuha tinare:

—Ahri jipihtia mari űuri wāhūse cjiri, ahri tāa cāhū cohō pihtia wahaahca. Ne cāria tāca tjuasi —niha Jesu tinare.

*Pihtiri dacho cjihtore yahuha Jesu
(Mt 24.3-28; Lc 21.7-24; 17.22-24)*

³ Ā yoa Jesu Olivo wama tidu tūcūpu Cohamacu wāhū potoi jidūpu sūha. Tu bui dujija. Tó Pedro, Santiago, João, Andre mehne ti sahsero jia, tina tirore ō sehe ni sinituha:

⁴ —Yahuga sāre. ¿Dohse jichū ā waharohcari mu niriro sehe waharo? ¿Pihtiri dacho panocā to jichū dohse to waha dūcachū űūnahcari sā? —ni sinituha tina Jesure.

⁵ Jesu ō sehe ni yahtia:

—Noano yoaga masa. Tuhsu, paina ti mahűoare tūhoena tjiga masa.

⁶ Payu masa “Cristo jija yahu”, ni mahűoina taahca. Ti ā mahűochū tūhoa payu masa Cohamacu yare duhuaahca.

⁷ Mūsa cahacāi masa paina ti cahma wajāchū tūhonahca masa. Tuhsu, yoaropu cāhure ti cahma wajāchū tūhorocanahca masa. Ā tūhorocapanahca ne tíre pjiro tūhotuena tjiga. Ā waharohca. Ti ā yoachū pihtiri dacho cjihto dūhsasininohca mini.

⁸ Tí pjare cū yahpa macaina pa yahpa macaina mehne cahma wajāahca. Ā yoa cāiro puhtoro yaina paio puhtoro yaina mehne cahma wajāahca. Tuhsu, pjaro yahpa űūhminohca. Ā yoa payu masa jūca mehne yariaahca. To ā wahachū ahri yahpa macainare ti űano yūhdū namohto dūhsasinina mini. űano yūhdūsiniaahca.

⁹ To ā wahachū űūna masa basi noano yoaga. Paina musare űaha, űano yo du tia waahca paina puhtoapūre. Ā yoa judio masa mari buhea wāhūsei musare cjāahca. Ti ā yoachū bujūa macari macaina puhtoa, ti bui puhtoa cāhū musare buhiri dahrea taa sinituahca musare. Yu yaina masa jiri buhirire paina musare yahusāhca. Ā jina yare yahunahca masa tinare.

¹⁰ Ā jia pihtiri dacho pano noaa buheare jipihtiro yahpari macainare yahua buhea jiaha.

¹¹ Ā jina musare buhiri dahre dutia, buhiri dahre dutiriro cahapu ti naachū tirore masa nihtire “Yahu masieraboca”, ni tūhotuena tjiga masa. Tí pjare masa nihtire musare Espiritu Santo yahurohca. To ā yahurire yahuga masa. Mūsa mu sūro durucusi masa. Espiritu Santo sehe musare durucubasarohca.

¹² Tí pjare cāiro to baharore wajā dutiro warohca. Pairo sehe to wahminore wajā dutiro warohca. Ti pućuro to pohmare wajā dutiro warohca. Ā yoa ti pohna sehe ti pućusumare wajā dutia waahca.

¹³ Yu yaina masa jiri buhiri musare masa jipihtina űu tuhtiaahca. Ā űano yūhdūpanahca yu yare masa ne cohāerachū pihtiri dacho jichū musare yūhdohca.

¹⁴ Ā yoa űābiarirore Cohamacu yare űano yoarirore űūnahca masa. Cohamacu ya wāhūi to ducuchū űūnahca. Tó tirore jieraro cahmana. [Panopu Cohamacu yare yahu muhtariro Daniel cjiro tirore yahuro joaa tiha.] Tó to ducuchū űūna Judea yahparū jūina tūyucūpu duhti mūroca mūjaa wahajaro. Ahri yu nirire noano masiga masa.

¹⁵ Soaro mehne mūroca duhtijaro. Tí pjare ti wāhūseri bui macaa waparipū jūina wāhū puhichapū jiare ti yare na wahaea tjijaro ti waha bahraűohto sehe.

¹⁶ Ā jia tí pjare paina ti weseripũ jiaina ti bui macaa suhtire wuhũpũ jia suhtire na wahaeta tjijaro ti waha bahrañohto sehe.

¹⁷ Tí pjare niji pocosanumia, ti pohnare pũa numia cãhũ pjacũoro wahaahca.

¹⁸ Ā jina õ sehe ni siniga Cohamacure: “Puhiro jichũ Ā wahaero tjijaro”, ni siniga tirore.

¹⁹ Tí dachorire masa nu ñano wahaahca. Ahri yahpare to bajuamehneri baharo masa ñano ti yuhduũ jia tiha. Ti Ā jipachũta jipihitia tí purĩa yuhdoro pihtiri dacho jichũ masa ñabiaro yuhduũahca. Ā ñano ti yuhduri baharo pari turi tó sehe ñabiaro yuhdusi ahri yahpai juna.

²⁰ Ā jiro Cohamacũ tí dachorire mahaa dachoricã ti jichũ yoarohca. To Ā yoerachũ ne cãiro masũno yuhdueraboa. Ā jiro to beserina ti yuhduhti cjihtire mahaa dachoricã Ā cõsininohca Cohamacũ.

²¹ Tí pjare paina musare “Ñũga. Ōi jira Cristo”, ti nichũ tinare tuhoena tjiga. “Tói jira Cristo”, ti nichũ cãhũre tuhoena tjiga.

²² “Cristo jija”, ni mahñoina, “Cohamacũ yare yahu muhtaina jija”, ni mahñoina jiaha tí pjareta. Ā jia Cohamacũ to beserinare mahñoa, tina bajuamehneare yoa ñoahca. Ti Ā yoa ñochũ ñua, Cohamacũ yaina cãina tinare tuhoa “Potocã tjira” nia, Cohamacũ yare pa tehe nia duhuboca.

²³ Ahriire yahuyuja musare to Ā wahahto pano. Ā jina noano yoaga musa –ni yahuha Jesu.

*Jesu yahpapure to tjua tahtore yahuha
(Mt 24.29-35, 42-44; Lc 21.25-36)*

²⁴ Ā ni tuhsũ õ sehe ni yahu namoha Jesu: –Tí dachori ti ñano yuhduri baharo sũ dacho macariro, ñami macariro cãhũ buhria duhua wahaahca.

²⁵ Ti Ā wahachũta ñahpichoha poca muanorũ jia poca bora wahaahca. Ā jia muano macaa yahpari tuaro ñuhmiahca.

²⁶ Tí pjata yuhũ masũno Cohamacũ warocariro taihtja. Yũ Ā tachũ muanorũ yũ tuua mehne yũ si sitea mehne muano macaa me bui ahri yahpapure yũ tjua tachũ ñuahca masa.

²⁷ Ā jicũ yũ yaina anjoare jipihtiropũ ahri yahpapũ warocaihtja. Ā jia jipihtiropũ yũ yaina yũ beserinare tina naahca.

²⁸ Mipure higuercare tuhotuga musa. Tu quiti mehne musare piti dahre buheihitja. Tu yucũcũ pũri tichũ ñua, cãhma mahanocã duhsachũ masina musa.

²⁹ Tó seheta ahri jipihitia yũ niri cjiirire ti Ā wahachũ ñua, yũ tjua tahto mahanocã duhsachũ masinahca musa.

³⁰ Potocã niita nija musare. Tí pja macaina ti yariahto panore jipihitia yũ niro seheta Ā waharohca.

³¹ Muano, ahri yahpa cãhũ pihtia wahaahca. Yũ durucua sehe ne cohtotasi. Jipihitia yũ niro seheta Ā waha sohtori tiarohca.

³² Tí dachore yũ tjua tahti dachore, tí hora cãhũre masieraja yuhũ. Anjoa cãhũ tĩre masierara. Masa cãhũ ne masierara. Yũ Pũcũ dihta tĩre masina.

³³ Musa cãhũ tí dachore masierara. Ā jina noano yoaga. (Cohamacure siniga musa.)

³⁴ Ō sehe cohtaga musa. Ahri quiti mehne musare piti dahre buheihitja. Wuhũ puro yoarorũ to tinino seheta jira ahri. Tiro to wahahto pano to cahamacare wuhũre cohta dutiha. Cãinare ti dahrahtire cãhũ. Ā jiro wuhũre ñũ wihborirore tirore to tjua tahtore cohta dutiha.

³⁵ Ā jina musa cãhũ noano wacũ masi cohtaga. Wuhũ puro to tjua tahtore tina ti masieraro seheta yuhũ musa puhtoro yũ tjua tahti dachore masierara musa cãhũ. Ñamichaharũ, ñami dacho macarũ, caraca to duri pja jichũ, bohrearorũ taboca.

³⁶ Yũ Ā wacũenoca yũ wihihitore masina, yũ yare Ā yoarucũina jiga musa. Ā yoa wuhũre noano cohtaga.

³⁷ Ā jicũ musare yũ nino seheta jipihtinare Ā nija musare: Noano wacũ masi cohtaga –niha Jesu tinare.

14

*Sacerdotea puhtoũ, judio masare
buheina mehne Jesure wajã duaha
(Mt 26.1-5; Lc 22.1-2; Jn 11.45-53)*

¹ Ā yoa tí pjare pascua wama tiri bõse numũ cjihto bucuareri pãore ti chuhti numũri cjihto pũa dacho duhsasiniha. Tí pjare sacerdotea puhtoũ, Ā jichũ sã coyea judio masare buheina mehne dohse yoa ti mahñoa mehne Jesure ñaha ti wajãhtore cahma sũhũdua niha:

² –Mari bõse numũri yuhdoro puro tirore ñahasiniena tjijihna, “Masa sua sañurucuri”, nina –niha tina ti basi.

Numino me sitia se mehne Jesure pio payoaha

(Mt 26.6-13; Jn 12.1-8)

³ Ā yoa Jesu cãhũ Betaniarũ, Simo cami bucu baariro cjiro ya wuhũrũ jilha. Tõrũ ti chũro wato numino sehe alabastro mehne ti yoariare me sitia nardo wama tia sere posa tiriare na wihia. Tĩ se sehe wapa bujũ niha. Ā na wihiro, ticoro tiare poharoca, Jesu dapu bui pio payoha.

⁴ To Ā yoachũ ñua paina suaa waha, ti basi õ sehe niha:

–¿Dohse yoaro ahricoro ahri me sitia co wapa bujũare Ā yoa sitejari?

⁵ Tíre ticoro duaboa. Tíre duaro tres cientos niñeru púrine wapataboa. Á wapataro, tí niñerure pjacóinare waboa ticoro —ní cohtaha paina sehe ticoro to á yoachú ñua.

Á jia tina ticorore tuhtia.

⁶ Tí á nichú tuhoro Jesu tinare ó sehe ni yahuha:

—Á niena tjiga ticorore. Yuhure ticoro noano yoaro nina.

⁷ Pjacóina sehe msa mehne á jiru-cuahca. Á jina msa cahmari pja tinare wa masina. Yuhú sehe ahri yahpare msa mehne á jirucusi.

⁸ To cjuaro puro mehne ticoro yuhure á yoahre. Yuhure ti yahto pano yu pjacure cahnoyuro, me sitiare pio payohre ticoro.

⁹ Á jicu potocá niita nija msare. Jipihtiro ahri yahparú noaa buheare ti yahuropú ahricoro mipure to yoarire yahuahca. Tí á yahuchú tuhoa ticorore masa payú wacúahca —ni yahuha Jesu.

Juda Iscariote Jesure ñu tuhtinare to ñohtore yahuha sacerdotea puhtoare (Mt 26.14-16; Lc 22.3-6)

¹⁰ Tí pjareta Juda Iscariote wama tiroiro doce to buheina mehne macariro Jesure to ñohtire yahuro wahaha tirore ñu tuhtinare, sacerdotea puhtoare.

¹¹ To á ni yahuchú tuhoa, sacerdotea puhtoa tíre tuhoa wahcheha.

—Muhure niñerure wanahtja —niha tina Judare.

Tí á nichú tuhoro, tiro Jesure ñu tuhtinare to dohse yoa ñohto cjihtore wacú macaha.

Jesu to buheina mehne to chu batoari namu jiha

(Mt 26.17-29; Lc 22.7-23; Jn 13.21-30; 1Co 11.23-26)

¹² Bucraerari páore ti chua namuri ducari namu sehe oveja pascua macaina cjihtire ti wajáhti namu jiha. Tí namui to buheina sehe ó sehe ni sinitu ñuha Jesure:

—¿Mari pascua macaa chuhtire noho baroi cahnoyu dutirocaijari mahu sare? —niha tina tirore.

¹³ Tí á nichúta Jesu sehe puaro to buheinare ó sehe ni yahu warocaha:

—Jerusalépu wahaga. Tópu msa suchu co situ wuariro msare piti bocarohca. To piti bocachu tiro mehne wahaga.

¹⁴ Á wahana tiro to suho sári wuhapu suna, tí wuhú purore ó sehe niga: “¿Dí tah-tiai yuhú yu buheina mehne pascua macaa chware chunahcari?” ni sinitu dutirocahre buheriro”, niga tí wuhú purore.

¹⁵ Msa á nichú tuhoro, tópu mmano macari tahtiare pjiri tahtiare, noano ti cahnoyuri tahtiapure msare ñonohca wuhú puro. Tóí mari chuhti cjihtire dahrega msa —niha Jesu tinare.

¹⁶ To á nichú tuhoa tina to buheina tí macapu wahaha. Tópu tí suchu tinare to niriro seheta á wahaha. Á jia tina pascua macaa chware dahreha.

¹⁷ Á yoa nahitia bora tachú Jesu doce to buheina mehne tí wuhupure suha.

¹⁸ Tí wuhupu tí sari baharo, tina mehne mesapu churo Jesu tinare ó sehe ni yahuha:

—Potocá niita nija msare. Cáiro msa mehne macariro yuhú mehne churirota yuhure ñu tuhtinare ñonohca yuhure —ní yahuha Jesu tinare.

¹⁹ To á nichú tuhoa tina sehe cahyaha.

—¿Yuhuta jijari muhare ñohtiro? —ni sinitu pihtiaha tina cáina jipihtina Jesure.

²⁰ —Msa mehne macarirota jira tiro. Yu churi wapai yuhú mehne soha churiro tjira yuhure ñu tuhtinare ñohtiro.

²¹ Panopú yuhure ti yahu joariro seheta yuhú masano Cohamacu warocariro yariai-hca. Yuhure ñu tuhtinare ñoiro pjacoro yuhdaro-hca. Tiro to masa bajuerachu noaboa —niha Jesu tinare.

²² Á ni yahu tuhsu, to buheinare suho churo, Jesu páore na, Cohamacure “Noana”, niha. Á ninota, tí curire nuha, witiha tinare.

—Ahrire na chuga. Ahri yu pjacu jira —niha tiro tinare.

²³ Á ni tuhsu tiro sihnia posa tiri wahware na, Cohamacure “Noana” ni tuhsu, waha tinare. To wachu tina jipihtina tíre sihni pihtiaha.

²⁴ —Ahri yu di jira. Payu masa ti ñaa yoari buhirire cohācu tacu yariaihca. Á yariacu yu dire cohāihca. Cohamacu “Mسارة yuhdoihtja”, to ni cūriro mu suchu yu á yariaro mehne to niriro sohtori tirohca.

²⁵ Potocá niita nija msare. Mipure ahri co, se core ne sihni namosi yuhú. Pu puhtoro Cohamacu msare to suho jichupu ahrire coá pari turi sihnihca tjoa —niha Jesu tinare.

Pedro Jesure to cohāhtore yahuha Jesu (Mt 26.30-35; Lc 22.31-34; Jn 13.36-38)

²⁶ To á ni tuhsuchú tina Cohamacure ño payoa cáno basaare basaha. Tí basa pahñori baharo, tūcu Olivo wama tidupu tina wahaa wahaha.

²⁷ Tópu suho saro Jesu tinare ó sehe ni yahuha:

—Mipure msa jipihtina yuhure cohānahca. Ó seheta nina Cohamacu yare ti joari pui yuhure yahuro: “Ovejare ñu wihboriro yoaro sehe jirirore Cohamacu cohānohca. Á to cohāchu to yaina oveja yoaro sehe jina duhti site wahcāa wahahca”, nina Cohamacu yare ti joari pui.

²⁸ Á yoa Cohamacu yuhure to masori baharo msa pano Galileapu wahayuihca yuhú —niha Jesu tinare.

29 To ā nichu Pedro sehe ō sehe niha:

—Yuhu mehne macaina jipihtina ti cohā wahcāpachuta yuhu sehe mūhare ne cohāsi —nimaha Pedro tirore.

30 Jesu ō sehe ni yuhtiha:

—Potocā niita nija mūhare. Micha űami pinihtare caraca pua taha to duhto pano “Yuhu Jesure masieraja”, niihca mūhu. Tia taha ā niihca mūhu —niha Jesu Pedroro.

31 To ā nipachuta Pedro ō sehe ni tuaro bisiro yuhtiha:

—Mūhu mehne yuhure ti wajā duapachuta “Jesure masieraja”, ne nisi yuhu —ni yuhtimaha tiro Jesure.

Pedro to ā nichu tuhoa tiro mehne macaina cūhu ā dihta ni yuhtiha.

Getsemani wama tiropu Jesu Cohamacure siniha

(Mt 26.36-46; Lc 22.39-46)

32 Ā yoa tina Getsemani wama tiropu waha. Tōpu sūro, ō sehe niha Jesu:

—Cohamacure yu sinino watoi ōi dujiyusiniga mūsa —niha to buheinare.

33 Ā ni tuhsu Pedroro, Santiagore, Joāore tina tiarore pji wahcāha. Tinare ā pji wahcāno, pjīro tuhotu dūcaha tiro. Ā yoa űano yajeripohna tīha.

34 Ā cahyaro tó mehne macainare to pji wahcāinare ō sehe niha:

—Yuhu űano yajeripohna tii nija. űano purīnore tuhotui nija. Tī mehne variahto cua yuhduaro coa taca yuhure. Ōi tjuaga. Yu cāno poterita catiga mūsa cūhu —niha Jesu tinare.

35-36 Ā ni tuhsu tiro tōpu mahanocā waha namo, yahpai caha sūro, Cohamacure ō sehe niha:

—Mai, mūhu jipihtiare yoa masina. Ā jicu yu űano yuhduhtire yoa duaeracu yoai tjia. Yu ā nipachuta yu cahmano sehe yoai tjia. Mūhu sehe masina. Mu cahmano seheta yoaga yuhure —ni siniha tiro Cohamacure.

37 Ā ni tuhsu, tiaro to buheina cahapu wihiro, carīinare boca wihihā tiro. Tinare űano Pedroro ō sehe niha:

—Simo, ĳcarīi nijari mūhu? ĳCū hora waro yu cāno potori cati masierari mūhu?

38 Noano yoaga mūsa. Mūsa mu sūro quihōno yoa duamana mūsa. Wiho mejeta mūsa basi tīre bihoerara. Ā jina Cohamacure siniga űano mūsa yoaeraho sehe —niha Jesu Pedroro.

39 Ā ni yahu tuhsu pari turi waha, Cohamacure siniha. Tó pano to siniriro seheta siniha tjoa.

40 Ā sini tuhsuro pari turi tina cahapu wihihā tjoa. Ā wihiro carīinare boca wihihā tjoa. Wujo caha yuhduaha tina. Ā jia tina Jesure dohse ni masieraha.

41 Ā yoa pari turi Cohamacu mehne to durucuro sūri baharo tina cahapu wihī, tinare ō sehe niha:

—ĳCarī, sosinina nijari mūsa? Tó puro carīga mūsa. Michapucacā yuhure Cohamacu warocarirore űano yoinare ti wahti pja mu su tuhsura.

42 Wahcāga. Basa wahana. űuga. Yuhure űu tuhtiinare űohtiro ōi tara —niha Jesu tinare.

Jesure űu tuhtiina tirore peresu yoaha
(Mt 26.47-56; Lc 22.47-53; Jn 18.2-11)

43 To ā nino watoihta Juda, doce buheina mehne macariro cjiro wihihā. Tiro mehne masa payu űosaa pjīni, yucu siri cjuaina cūhu wihihā. Sacerdotea puhto, sā judio masare buheina, ā jichu bucana, ti warocarina jiha masa sehe.

44 Wahmanore Jesure űu tuhtiinare űohtiro sehe tiro mehne tahtinare ō sehe ni yahu quihō tuhsuha:

—Yu wahsupu wihmiriro tirota jirohca mūsa űahahtiro. Tirore yu wihmiri baharo űahaga tirore. Ā yoana tirore noano űahaga to duhtierahto sehe —ni yahu quihō tuhsuha Juda sehe.

45 Ā yahu quihō tuhsuro wihirota Jesu cahapu dōihta waha bahrañoha.

—Yu puhtoro —ninota wahsupu wihmiha tirore.

46 To ā yoachu űu tina Jesure űahaha.

47 Ti ā yoachu űu cāiro Jesu cahapu ducuina mehne macariro to űosari pjīne tuāwe naroca, sacerdotea bui puhtoro cahamacunore to cahmonore date pahreñocaha.

48 To ā yoachu Jesu ō sehe niha:

—ĳDohse jiro baro mūsa űosaa pjini mehne, yucu tiri mehne tajari? ĳYaca bucarore mūsa űahano seheta yuhu cūhare űahana tana nijari?

49 Dachoripe Cohamacu wūhuru mū sare yu buhe dujichu, mūsa yuhure ne űahaerare. Mūsa ā űahachu ahri jipihtia ā waharo nina Cohamacu yare ti ni joariro seheta —niha Jesu masare.

50 To ā ni tuhsuchu, Jesu buheina tirore cohā wahcā, jipihtina mūroca site wahcā wahaha.

51 Ā yoa cāiro wahmūno suhti marieriro cāno coma yosaro dihta comariro Jesu baharo űu űanu timaha. To ā űu űanu tichu űu tirore űahamaha.

52 Tirore ti űahachu űu no to coma yosarore cohānoca, suhti marieriro mūrocaa waha.

Puhtoahā cahapu naaha Jesure

(Mt 26.57-68; Lc 22.54-55, 63-71; Jn 18.12-14, 19-24)

⁵³ Ā yoa sacerdotea bui puhtoro cahapū Jesure na wahcāha. Ti na sūri baharo sacerdotea puhtoa, bucāna, sā coyea judio masare buheina cūhū jipihtina cahmachuha.

⁵⁴ Tiro Pedro sehe Jesu baharo yoaropū nūnū tihā. Ā nūnū tiro sacerdotea bui puhtoa ya wūhū cahapū sūhā. Ā sūro tiro ti wūhure cohtaina surara mehne pichaca duhtū cahai sohma dujiha.

⁵⁵ Sacerdotea puhtoa, jipihtina paina puhtoa cūhū Jesure wajā dutia taa, Jesu to quihōno yoaerarire ti yahusāhtire wacū macamaha. Wiho mejeta tīre bocaeraha.

⁵⁶ Ā wacū bocaerapahta payū masa tirore ā yahusāmacanocaha. Ti ā yahusā potocā jieraha. Pairo soro ni, pairo soro niha.

⁵⁷ Ā yoa paina wahcārūcū sū, Jesure ō sehe ni yahusāha tjoa:

⁵⁸—Ahrīro ō sehe nire: “Yūhū ahrī wūhūre Cohamacū wūhūre masa ti dahreri wūhūre cohāihtja. Ā cohācū tia nūmū wahaboroi tī wūhūre pari turi yoaihtja. Tī wūhū masa ti dahreri wūhū jisi”, to nichū sā tūhohi —niha tirore yahusāina.

⁵⁹ Tī ā ni yahusāpachūta ti yahusā cūhū potocā jieraha. Pairo soro ni, pairo soro niha tjoa.

⁶⁰ Tī ā nichū tūhoro sacerdotea puhtoro ti watoi ducuriro wahcārūcū sū, Jesure ō sehe ni sinituha:

—ĶAhrina wūhūre ti yahusāpachūta tinare yūhti cahmaerajari mūhū? ĶMūhūre ti yahusārire dohse ni yūhti cahmajari mūhū? —niha tiro Jesure.

⁶¹ To ā nichū tūhoparota Jesu āta tūhotunocaha. To ā yūhtierachū űūno sacerdotea bui puhtoro tirore sinituha tjoa: —Cristo, ĶCohamacū warocarirota jījari mūhū? ĶNoariro Cohamacū macūno warota jījari mūhū? —niha tiro Jesure.

⁶²—Tiro tjiya. Ā jina yūhūre masūnore Cohamacū warocarirore yū Pūcū jipihtina bui Jīro to potō būhūsehei yū dujichū űūnahca mūsa. Ā yoa mūano macaa me watoi yū tachū cūhūre űūnahca mūsa —niha Jesu tirore.

⁶³⁻⁶⁴ To ā nichūta sacerdotea bui puhtoro sehe to sāari suhtirore to basi tūhrēnocaha painare “Sua yūhūara”, ni űū masi dutiro.

—Cohamacūre űūno durucuro nina ahrīro. To űūno durucūare tūho tuhsūja mari. Ā jia tōpeinata yahusājaro ahrīrore. ĶĀ jina dohse yoanahcari mari mīpūre ahrīrore? —niha sacerdotea bui puhtoro paina puhtoare.

—Cohamacūre to űūno durucuri buhiri wajānocano cahmana tirore —ni yūhtiha paina puhtoa.

⁶⁵ Ā ni yūhti tuhsū, cāaina tina mehne macaina Jesure chahcho puti sihō mūja,

to caparire duhte ducata, tirore cĵā, dota mūjaha. Cĵā tuhsū ō sehe ni bujūpeha:

—ĶNoa jījari mūhūre dotaro? űūerapaihta yahuga sāre —ni bujūpeha tina.

Tī ā cĵā dotari baharo puhtoro yaina surara sehe tirore na wahcā, tina cūhū tirore ti wamomacari mehne űūano cĵā namoha.

“Tirore masieraja”, niha Pedro Jesure (Mt 26.69-75; Lc 22.56-62; Jn 18.15-18, 25-29)

⁶⁶ Ā yoa wūhū cahai jiri wapai noari wapai Pedro to jichū sacerdotea bui puhtoro cahamacono wihiha.

⁶⁷ Ticoro Pedro to sohmachū űūno tiro dihtare űūrucuha.

—Nazare macariro mehne, Jesu mehne mūhū cūhū jihre —niha ticoro Pedore.

⁶⁸ To ā nichū tūhoro tiro ō sehe niha:

—ĶDohse nimacanocaco nijari mūhū? Mū nirirore ne masieraja yūhū —niha Pedro ticorore.

To ā niri baharo Pedro sahrīno sopaca macari mahapū wahaha. Tōi to ducuchū caraca duha.

⁶⁹ Tōi to jichū űūno cahamacono sehe ticoro cahapū ducūinare yahurocaha tjoa.

—Ahrīro cūhū Jesu buheina mehne macariro jira —niha ticoro.

⁷⁰ To ā nichū tūhoro Pedro pari turi ō sehe niha tjoa:

—Tirore masieraja yūhū —niha tjoa.

Baharo curero tōi ducūina Pedore ō sehe niha:

—Potocā tjira. Mūhū Galilea macariro jira. Ā jicū tina mehne macarirota jira mūhū —niha tina tirore.

⁷¹ Tī ā nichū tūhoro tiro ō sehe ni yūhtiha:

—Potocāta Cohamacū mehne nīi nija mū sare. Potocāta yū nierachū Cohamacū yūhūre buhiri dahrejarō. Tirore mūsa nirirore ne masieraja yūhū —ni yūhtiha Pedro tinare.

⁷² To ā nichūta caraca duha tjoa. To ā duchū tūhoro Jesu tirore to nirire wacūha: “Caraca pūa taha to duhto pano mūhū yūhūre ‘Jesure masieraja’, nīihca mūhū. Tia taha ā nīihca mūhū”, Jesu to nirire wacūha Pedro sehe. To ā nirire wacūno, tuaro tīrucuha Pedro.

15

Pilato Jesure sinituha

(Mt 27.1-2, 11-14; Lc 23.1-5; Jn 18.28-38)

¹ Ā yoa bohrearopū sacerdotea puhtoa, bucāna, sā judio masare buheina, jipihtina paina puhtoa mehne cahmachu, durucuha Jesure ti yoahtire masia taa. Tirore ti wajāhtore durucu cahno tuhsū, Jesure duhte, na wahcā, Pilatore waha tirore.

² Ti rore ti na su wachu ñano Pilato ti rore ò sehe ni sinituha Jesure:

—¿Potocãta judio masa ti puhtoro tjijari muhu? —ni sinitu ñaha tiro Jesure.

—Ëja. Mu nino seheta tirota jija —ni yahtija Jesu.

³ Æ yoa sacerdotea puhtoa payu ni yahusãha ti rore.

⁴ Ti ã ni yahusãchu tuhoro Pilato ti rore ò sehe ni sinituha tjoa:

—Ahrina muhure payu yahusãa nina. ¿Ti ã yahusãpachuta dohse yoacu ne yahtierajari muhu tinare? —niha tiro.

⁵ To ã nipachuta Jesu ne pari turi yahti namoeraha. Æ jiro Pilato cãaa wahaha.

Jesure wajã dutiha

(Mt 27.15-31; Lc 23.13-25; Jn 18.38-19.16)

⁶ Cuhmaripe pascuaripe masa yairo cjihtore cãiro peresupu jirirore, masa ti wio dutirirore Pilato ã wiobasa mujaa tiha.

⁷ Tí pjare Barrabá wama tiriro peresupu jiha. Tiro puhtoare cohã duaina, masare wajãina mehne macariro jiha.

⁸ Æ jia masa payu Pilato cahapu sua, ti rore ò sehe ni siniha:

—Cuhmaripe sãre mu yoarucuro seheta yoaga sãre. Cãiro peresupu jirirore sãre wiobasaga —niha tina.

⁹ Ti ã nichuta Pilato tinare ò sehe ni sinitu ñaha:

—¿Ahriro Jesure musa judio masa puhtoro yu wiobasachu cahmajari musa? —ni sinitu ñaha masare Jesure wio duaro.

¹⁰ Jesure masa ti cahichu ñua sacerdotea puhtoa cãhu ti rore ñu tuhtia. Æ ñu tuhtia ti rore waha Pilatorãre. Æ jiro masa ti cahiri buhiri sacerdotea puhtoa ti ñu tuhtirire ti peresu yoa dutichu masino Jesure wio duamaha Pilato.

¹¹ To ã wio duapachuta sacerdotea puhtoa masare Jesu mehne suachu yoaha. Ò sehe ni dutiha tinare: “Jesu wijaacchu cahmaeraja. Barrabá sehene wioga”, ni dutiha masare.

¹² Æ jiro Pilatore Barrabãre ti wio dutiri baharo Pilato sehe tinare ò sehe ni sinituha tjoa:

—¿Ahriro judio masa ti puhtoro musa niriro sehene dohse yoahcari yuhu musa ã nichu? —ni sinitu tiro.

¹³ —Crusapu cã puha wajãga ti rore —ni sañurucuha masa.

¹⁴ —¿Yaba barore ñaare yoari ahriro musa ã ni sañurucuhu? —ni sinitu namoha tinare.

To ã nichu tuhoa tina sañurucu namoha tjoa:

—Crusapu cã puha wajãga ti rore —ni sañurucuha tina.

¹⁵ Ti ã ni sañurucuhu tuhoro Pilato sehe masare wahchechu yoa duaro Barrabãre

peresupu jirirore wio dutiha masa ti wio dutirirore. Ti rore to wio dutiri baharo, Jesu sehene ñano tjanaye dutiha. Ti rore ti tjanayeri baharo, ti rore surarare wiaha, crusapu cã puha wajã dutiro.

¹⁶ Æ yoa surara Pilato ya wãhu puhichapu pretorio wama tiri wãhu puhichapu ti rore na sãa suha. Na sãa su tuhsu, tina mehne macaina surarare pjiroca, cãnoi cahmachu dutiha.

¹⁷ Cahmachu tuhsu, tina puhtoro ya suhtiro yoaro sehe bajuri suhtirore Jesure sãa, pota sorore yoa, tí sorore to dapu bui duhu payoha.

¹⁸ Æ yoa tuhsu ò sehe ni bujupaha tina ti rore:

—Noano tagã. Judio masa puhtoro noano tagã —ni bujupaha.

¹⁹ Æ niata yucacu mehne to dapure cã mujã, ti rore chahcho puti sihõ mujaha tina. Tuhsu, cua pisaro yoaina yoaro seheta ti rore na tuhcuca caha su, ño payoro sehe yoaa, bujupaha ti rore.

²⁰ Æ yoa bujupã tuhsu ti sãari suhtirore tjuwe naroca, to ya suhti sehene ti rore sãa, ti rore crusapu cã puha wajãa waha, naa wahaha tina.

Tina Jesure crusapu cã puha, wajãha

(Mt 27.32-44; Lc 23.26-43; Jn 19.17-27)

²¹ Jesure ti ã naano watoí, tóí wahariro Simo Cirene macariro camporu sãriro, tina cahapu to wiwichu ñua surara sehe ti rore Jesu to wãari cruhare wãa wahcã dutiha. Alejandro, Rufo puaro puçuro jiha Simo sehe.

²² Baharo, Gólgota wama tiropu Jesure na suha. Gólgota nino, “Dapu cohã”, nino nina.

²³ Tóru ti rore ti na sãri baharo, se core, mirra wama tidu co mehne ti morea core Jesure wamaha. Wiho mejeta tiro sehe tí core sihni dueraha.

²⁴ Baharo tina Jesure crusapu cã puha dapoha. Cã puha dapu tuhsu, to sãa suhti cjirire ti basi cahma witia taa, “¿Noa yoaro jirohcari ò?” ni masia taa, docapea poca mehne docape mujaha tina.

²⁵ Jesure crusapu ti cã puhachu tia hora waro dahsasiniha cohari pja to suhto.

²⁶ Æ yoa crusapu ò sehe ni joari pjine duhu òha tina ti rore ti yahusãre yahu duaa. “Ahriro judio masa bui puhtoro jiriro jira”, ni joaha tina tí pjine.

²⁷ Æ yoa puaro yaca bucãna Jesu cahai paye pjinihu crusaripu ti cã puha daporina jiha tina. Cãiro to poto buhuseheí, paio to cõ buhuseheí cã puha dapoha tina cãhure.

²⁸ [Ti ã yoachu panoru Cohamacu yare ti yahu joariro seheta ã waharo niha. Ò sehe ni joaa tiha: “Dutiare yãhdurucaina mehne

macariro jira', ni tūhature masa tirore", ni joaa tiha panopu.]

²⁹ Ā yoa crusari cahai yūhdu wahcāina Jesure űu, ti dapu pocare yureruca, tirore űano ni durucuha:

—Noana. Noana. Ā Cohamacu wūhure cohā, tia dacho wahaboroi pari turi ti wūhure dahrehtiro jijari mūhu?

³⁰ Ā jiri jicu, mū basi dujiaga. Ā jicu mū basi yoadohoga. Ā jii yūhdu witiihca mūhu —ni bujūpeha tina.

³¹ Ti yoaro sehetā sacerdotēa pūhtoa cūhu sā judio masare buheina cūhu tirore ā ni bujūpeha. Ā ni bujūpea ō sehe niha ti basi:

—Tiro painare yūhdoriro jiparota to basi yūhdo masierara:

³² “Cristo, Cohamacu warocariro Israe masa pūhtoro jija”, nimana tiro. Ā jina to basi to duji tachū űina tirore wacū tua-nahca —ni bujūpeha tina.

Ā yoa yaca bucāna tiro cahai ti cjā puha ōrina cjiri cūhu tō sehetā tirore űano ni bujūpeha tina cūhu.

Jesu yariaa wahaha

(Mt 27.45-56; Lc 23.44-49; Jn 19.28-30)

³³ Ā yoa cohari pja jichū tia hora waro jipihitropu nahitiano wahaha.

³⁴ To nahitia duhuchū waro Jesu tuaro saűurucuha:

—Eloi, Eloi, Ālama sabactani? —niha tiro.

Ā nino ō sehe nino niha. “Yū Cohamacu, yū Cohamacu, Ādohseacu yūhure cohāri mūhu?”, nino niha.

³⁵ To ā nichū tūhoa cāina tōi ducuina ō sehe nimaha:

—Tūhoga mūsa. Cohamacu yare yahu mūhtarirore Elia cjirore pjirocaro nina —nimaha tina.

³⁶ Ā jiro cūiro tina mehne macariro wihi nari suhtere vino suēa core to sohari suhtere na mūroca, yucucu sohtoapu duhte ō, Jesure wihi dutiha. Ā wihi dutiro, ō sehe nimaha:

—Depusinia. Elia cjiro wihi ahrirore to na bororo tachū űusinijihna mari —nimaha tiro painare.

³⁷ To ā niri baharo Jesu sehe tuaro saűurucu, yariaa wahaha.

³⁸ To yariachata Cohamacu wūhu macari suhtiro tōre to jiri tahtia waropu ti dūcatari suhtiro dacho macai bui sehe tūhū bora ta, puca cahsaro tūhūroca yoja sua wahaha.

³⁹ To ā yariachū űuno surara pūhtoro Jesu to wahāno potoi ducuriro ō sehe niha:

—Potocā tjiri jimana. Ahriro Cohamacu macanota jiri jira —niha tiro.

⁴⁰ Ā yoa yoaropu ducua numia cūhu Jesure űurocarucua niha. Tī numia mehne María Magdalena jiha. Pacoro María wama tiricoro cūhu jiha. Ticoro sehe José, to

bahuro Santiago ti pocoro jiha. Pacoro Salomé jiha.

⁴¹ Tī numia Jesu yahuare quihōno tūhoa numia jia, Galilea yahpai to jisnichū tirore piti ti, yoadohoa tiha. Tī numia mehne payu paye numia cūhu Jerusalēru Jesu to suho tarina numia jiha.

Jesu pjacure masa copapu cūha

(Mt 27.57-61; Lc 23.50-56; Jn 19.38-42)

⁴²⁻⁴³ Ā yoa tī dacho to yariari dacho Sabado pano judio masa sā sori nūmu pano jiri dacho jiha. Ā yoa Pascua macaa cjih-tire ti cahnorī dacho jiha. Tī űamiihta José Arimatea macariro cuiro marieno Pilato cahapu suha Jesu pjacure sinino suro. José judio masa sā pūhtoa mehne macariro, pūhtoa ti cua pisaro űūriro waro jiha. Tiro pūhtoro Cohamacu masare to suho jihtore cohtaro niha.

⁴⁴ Ā yoa José Pilatore to ā sinichū tūhoro, tūho cuaa wahaha Pilato sehe. “Ā Jesu yaria tūhsuari?” ni tūhutoro, cuaa wahaha. Ā jiro surara pūhtorore pjiroca ō sehe niha tirore:

—ĀPotocāta Jesu yariaa wahari? —ni sinitūha tirore.

⁴⁵ To ā nichū surara pūhtoro ō sehe ni yahtia:

—Āja. Yariaa wahahre —niha.

To ā nichū tūhoro, Pilato Jesu pjacure wa dutiha Josére.

⁴⁶ To ā wa dutiri baharo José noari suhtirore nuchūbasaha. Nuchūbasa tūhsu, Jesu pjacu cjirore na boro, suhtiro mehne wahma, masa copapu tācai ti sahari copapu to pjacure siō sāa payoha. Siō sāa payo tūhsu, tī copa cahai jiria tācare pjiria tācare tju turē wahcā, tī copare biha dapoha.

⁴⁷ María Magdalena, ā jichū María José pocoro Jesure ti na sāa duhu payorirore űuha.

16

Jesu masa wijaaha

(Mt 28.1-10; Lc 24.1-12; Jn 20.1-10)

¹ Ā yoa Sabado dacho yūhduri baharo, sū sāari baharo, María Magdalena, Salomé, ā jichū María Santiago pocoro, tina tiaro numia wisōa me sitia core nuchūha Jesu pjacure wisōa taa.

² Ā jia domingo bohrea mūja tachū Jesure ti duhu payori copapu űua wahaha tina.

³ Tī copa cahapu waharucua, ō sehe niha tina ti basi:

—ĀTī copare bihari tācare noa marine pjōbasarohcari na? —niha tī numia ti basi.

⁴ Baharo tī copa cahapu sua, tī copare bihari tācare, pjiria tācare ti nawe cūriare űuha tina.

⁵ Ā ñua tí copapu sãa wahaha. Tõpu sua, cõiro wahmũnore ti poto buhũsehei dujirirore, yehseri suhtiro sãarirore ñua, sua wahaha tina.

⁶ Ti ā cũachũ ñũno, tiro sehe õ sehe niha tí numiare:

—Yũhare ñũ cũaena tjiga. Jesu Nazare macariro, crusapu ti cã puha wajãriro cjirore mũsa macana nimana. Wiho mejeta tiro sehe masa wijaa tuhsahre. Ore marihana. Tirore ti duhu payoro cjirore ñũga.

⁷ “Tiro mũsa pano Galileapu wahayuhto jiyuhti. Tõ ti niriro seheta mũsa tirore ñuhtina jiyuhti”, ni yahuna wahaga to buheinare, Pedro cãhare —ni yahu dutiha wahmũno tí numiare.

⁸ To ā nichũ tuhoa tina cui, tetere, masa copa cahai jirina mũrocaah wahaha. Ā cuia painare yahueraha.

*Jesu María Magdalenare bajuaha
(Jn 20.11-18)*

⁹ [Ā yoa Jesu sehe domingo ñamicunucã to masa wijaari baharo, María Magdalenare to siete watia to cohãnohricorore tiro bajua mũhtaha.

¹⁰ Jesu mehne macaina cjiri sehe to yariachũ ñua, tuaro cahya, tiia niha. Ā ti tiro watoi, María Magdalena sehe Jesure to ñũrire tinare yahuro samaha.

¹¹ “Jesu catihre. Ñũhi yũhũ”, ni yahumaha ticoro. To ā ni yahupachũta, tina sehe ticorore ne tuho duaeraha.

*Jesu to buheinare bajuaha
(Lc 24.13-35)*

¹² Baharo puaro tina mehne macaina masa marienopũ ti tinichũ Jesu soro bajiuro tina cãhare bajuaha tjoa.

¹³ To ā bajuachũ ñua tina tjua waha, paina Jesu yainare tũre yahuha. Ti ā ni yahupachũta tina cãhare tuho duaeraha.

Jesu to yare buhe dutiro warocaha to buheinare

(Mt 28.16-20; Lc 24.36-49; Jn 20.19-23)

¹⁴ Baharo to buheina oncere mesa cahapu ti chũ dujiro wato, tinare bajuaha tjoa Jesu. Tirore ñũrinare ti yahuchũ ti tuho duaerari buhiri, tirore ti noano wacũ tuaerari buhirire masino, tiro tuhtũha tinare.

¹⁵ Ā tuhti tuhsũ, tinare õ sehe niha:

—Ahri yahpa jipihitõpũre ahri yũ ya quti noaa buheare jipihtina ahri dacho macainare noano yahu site pahũona wahaga.

¹⁶ Yũhare wacũ tuainare ti bautisarinare pichacapu wahaborinare yũhdorohca Cohamacũ. Tuhsũ, yũhare wacũ tuaeraina Cohamacũ to buhiri dahrehtina pichacapu wahahtina jahca.

¹⁷ Ā jia yũhare wacũ tuaina yũ tuaa mehne õ sehe yoaahca: Yũ tuaa mehne, yũ wama

mehne watĩare cohã wioahca. Tuhsũ, wahmaa dũserire durucuahca.

¹⁸ Ā yoa agãare ti ñahachũ, jipihitia ñima dohse jia ñimare ti sihnichũ, tinare ne purĩsi. Ā yoa dohatiina bui ti wamomacarine ti ña payochũ tina noaina wahaahca —ni yahuha Jesu to buheinare.

*Jesu mũanopũ mũjaa wahaha
(Lc 24.50-53)*

¹⁹ Ā ni yahu tuhsũ mari puhtoro Jesu mũanopũ mũjaa wahaha. Tõpu sũro Cohamacũ poto buhũsehei dujiha tiro mehne puhtoro jiro.

²⁰ Ā jia tina jipihtõpũ noaa buheare Cohamacũ masare to yũhdachũ yoahiti buheare buhea wahaha. Ti ā buhechũ mari puhtoro tinare yoadohoha. To tuaa mehne yoa ño masichũ yoaha tinare, masare to ya buheare tuho dutiro. Tõ puro tjira.]

San Lucas

¹⁻³ Pūhtoro Teófilo, ahrire mū buhehti cjihtire muhure joarocai nija. Jesu sā mehne jisninio to yoari cjirire payu paina joa dūca tuhsure. Wahmanopure Jesure űina cjiiri, to yare buheina cjiiri ti ni yahuriro seheta paina tīre joa dūca tuhsure. Ā jicu ahri jipihitiare noano masi pahño duacu buhei. Ā jicu yūhu cāhu tīre noano joa duaja mū buhehti cjihtire yoacu tacu.

⁴Jesu yare yahuina muhure buhe tuhsure. Tīre noano mū masi namohto sehe ahri tjure muhure joarocai nija.

João masare bautisahtiro to masa bajuahire anjo yahuha

⁵ Herode Judea yahpa macaina pūhtoro to jichu cāiro sacerdote Zacaria wama tiroiro jia tiha. Ā jiro Zacaria to ya curua macaina sehe sacerdotea curua Abías cjiro ya curua jiha. Zacaria namono cūhu sacerdote Aarō cjiro panamañono ji turiaricoropu jiha. Ticoro Elisabe wama tiricoro jiha.

⁶Tina pūaro Cohamacu ditiare noano yoa pahñoina ti jichu űino, “Ahriina yu cahmano seheta ā jia tirucura”, ni űuha Cohamacu tinare.

⁷ Ticoro Elisabe ne pohna marienicoro jiha. Ā jia tina pūaro ne pohna marieina ji, bucuna waro jiha.

⁸ Ā yoa sacerdotea ti dahraare dahraa taa, ō sehe yoa tiha: Dahra muhtari curua cjiro pa curua mehne cahma cohtota mujaa tiha. Ā jia Zacaria ya curua macaina dahrahti dachori jichu, tina dachoripe sacerdotea ti dahraa tirucuriro seheta Cohamacu ya wūhuru dahraa taa niha.

⁹ Sacerdotea Cohamacure ti űo payori mesapu incensore me sitia pohcare jūhtiro cjihtore besea taa, docapea mehne besea tiha. Ā yoa ti quihōri dacho jichu Zacaria ya curua macaina me sitiare jūhtirore besea taa docapeha. Ā docapea Zacariare beseha. Ā jiro tiro pūhtoro Cohamacu ya wūhuru sāa wahaha me sitiare jāno waharo.

¹⁰ Tī wūhuru tīre to jāno watoi jipihitina masa sehe sopacapu Cohamacure sinia tiha.

¹¹ Tī pjare Cohamacu yairo anjo Cohamacure űo payori mesa potō buhusehei bajuaracu suha Zacariare.

¹² To ā bajuachu űino Zacaria tirore űu cūa yūhdūa wahaha.

¹³ To ā cacachu űino anjo tirore ō sehe ni yahuha:

—Zacaria, cuii tjiga. Cohamacu mū sinirire tūhore. Ā jina mipure masa pohna tinahca. Masa macu cjihto masa

bajuarohca. To bajuachu “João” ni wama pisuga tirocāre.

¹⁴⁻¹⁷ “Tiro yu tuaa mehne payu noaare yoarucuriro jira”, ni űinochca Cohamacu mū macure. Tiro to masa bajuari baharo vionore, sihbiro cāhure sihni. Ā jiro tiro to masa bajuahito pano Espiritu Santo to niriro sehe yoariro jirohca tiro. Espiritu Santo tiropare sāracu su tuhsu ā baju yoarucurohca tiro mehne. Ā yoa payu Israe masare Cohamacu mari pūhtorore cahmaeraina cjirire noano cahmachu yorohca mū macu. Mari pūhtoro to tahto pano Elia cjiro Cohamacu yare yahu muhtarito to buheriro seheta Espiritu Santo to yoadohoro mehne Cohamacu to tuaa mehne mū macu cāhu buherohca. Ā buhero ti pūcasama ti pohna mehne űano jimarinare ti noano cahma cahī jichu yorohca. Ā yoa Cohamacure yūhdūacaina cjiiri cāhure noano űo payoa mehne yūhtichu yorohca. Ā buhero mari pūhtoro Cohamacu yaina cjihtire yorohca tiro. Ā jicu to masa bajuari baharo muhu wahcheihca. Payu paina cāhu wahcheahca —niha anjo Zacariare.

¹⁸ To ā nichu tūhoro Zacaria sehe ō sehe ni sinituha anjore:

—Sā bucuna jija. Ā jicu mū niri potocā jichu dohse masichari yūhu? —niha tiro.

¹⁹ To ā nichu anjo sehe tirore ō sehe ni yahuha:

—Yūhu Gabriele wama tiroiro jija. Cohamacu cahamacuno to cahai ducuriro jija yūhu. Cohamacu ahri noaa quitire yahu ditiro, mū cahai yūhure warocare.

²⁰ Yu yahuriro seheta potocāa waharohca. Yu ā nipachūta yūhure muhu potocā tūhoerare. Ā jicu mipure muhu durucu masierariro wahaihca. Mū macu to bajuari baharo durucuihca tjoa —niha anjo Zacariare.

²¹ Sopacapu jiina masa Zacariare cohtaa niha. “Ā Dohse jiro baro tiro Cohamacu wūhuru jiro, so wijaa taerajari?” ni, cohtaa niha masa tirore.

²² Tuhsu, tiro wūhuru jiro wijaa wihi, tina mehne durucu masieraha. “Tiro Cohamacu wūhu bajuare űano niboca”, ni tūhotu masiha tina. Ā jiro tiro durucu masierariro jiro to wamomacari mehne yoa cayoha masa ti masihto sehe.

²³ Cohamacu wūhu to dahraa pihtichu, tiro to namono mehne tjuaa wahaha ti wūhuru.

²⁴ Tī ā tju sūri baharo to namono Elisabe niji pocoro jiha. Ā jiro ticoro cinco sūri waro masa cahai wahaeraha.

²⁵ Ō sehe ni tūhotuha ticoro: “Mipure yūhure Cohamacu yoadohore jūna. Pohna marienicoro jico buobiario yūhdūhi yūhu.

Cohamacu to yoadohoro mehne mipare ni-jinocare bocaja yahu", ni tahotuha ticoro.

Jesu to masa bajuahore yahuha anjo

²⁶⁻²⁷ Elisabe cinco sari ni ji pocoro to ji wahcachu waro Cohamacu sehe anjore Gabrie wama tirirore nuhmino, ne ma mehne jieraricoro caharu warocaha. Ticoro Maria wama tiricoro Nazarei Galilea yahpai jiri macai jia tiha. Jose wama tiriro jiha to manano cjihto. Tiro panoru macariro Davi cjiro panamino ji turiarioru jiha.

²⁸ A to warocachu Maria caharu saro, anjo o sehe ni yahuha:

—Maria, zimajari muhu? Cohamacu muhare yoadohoro nina. Muhare noano yoaro nina —niha anjo ticorore.

²⁹ To a nichu tahoro, ticoro tuaro wacu tahotuha. Anjo to yahurire tahoturo “Zohse nino baro yuhare a nicari?” ni wacuha ticoro.

³⁰ To a ni tahotuchu masino anjo o sehe ni yahu namoha ticorore:

—Maria, Cohamacu muhare tuaro cahina. A jico muhare yu yahuhtire taho caeco tjiga.

³¹ Noano tuhoga. Curo nijinocare pohna ticohca muhu. Tiroca to masa bajuari baharo, “Jesu” ni wama pisuohca muhu tirocare.

³²⁻³³ Tiro tua yuhuariro jirohca. A jia tireo “Cohamacu jipihina Bui jiriro macanota jira”, ni masiahca masa. Ma macu nuchano mananoru Davi cjiro Israe masa ti puhtoro to jia tiriro cjiro seheta ma macu cjihto cahare cunohca Cohamacu. A jiro jipihina dachoripe tiro Israe masare dutirohca. Puhtoro to jihito ne pihitisi —niha anjo.

³⁴ To a nichu tahoro Maria sehe o sehe ni sinituha:

—Zohse yuhu manu mariapacohta pohna tibocari yuhu? —niha ticoro.

³⁵ To a nichu tahoro anjo o sehe ni yuhtihia:

—Espiritu Santo to tuaa mehne muhare nijinocare bocachu yoarohca. A jiro Cohamacu jipihina Bui jiriro to tuaa muhare to masurca caharo seheta bajueraparota tarohca muhare. A jia “Cohamacu macano, naa buhiri tia marieriro jira”, niahca masa ma macure.

³⁶⁻³⁷ Cohamacu jipihitiare yoa masina. A jiro ma coyeacoro Elisabe cahu bucoro waro jiparota mipare ni ji pocoro jira ticoro. Ticoro pohna tirohca manocare. Masa ticorore “Nijinocare boca masienicoro jira”, ti nirocero cjiro mipare nijinocare to bocari baharo seis sari waro wahara —niha anjo Mariare.

³⁸ To a nichu Maria o sehe ni yuhtihia:

—Yuhare tuhoga. Mari puhtoro to cahamacono jia yuhu. Ma niriro seheta yuhare a wahajaro —niha ticoro.

To a niri baharo anjo wahaa wahaha.

Maria Elisabere nuho wahaha

³⁹ To a niri baharo Maria tayucari jiri yahparu Judea yahpai jiri macaru no duaro wahaa wahaha.

⁴⁰ Toru saro, Zacaria ya wuhuru sana, “Zimajari?”, niha ticoro Elisabere.

⁴¹ To a nichu Elisabe to tahochuta, to macano sehe ni suhtioru jiroca nuhmiha. Elisabe Espiritu Santo to dutiriro seheta yoa pahoricoro jiro, to tuare cjuaricoro jiha.

⁴² A jiro tuo wahchea mehne ticoro bisiro durucuha:

—Jipihia numia yuhdoro muhare noano yoahre Cohamacu. Ma macu cahare noano yoahre Cohamacu.

⁴³ Cue, yu puhtoro pocoro yu cahai ma tachu noano yoara yuhare Cohamacu.

⁴⁴ Ma yuhare “Zimajari?” ma nichu yu macu sehe ni suhtioru jiroca wahchea mehne nuhmihti yuhare.

⁴⁵ Cohamacu to niriro seheta yoarohca. A jico to yahurire tahoricoro jico wahchericoro jira muhu —niha Elisabe Mariare.

⁴⁶ To a nichu Maria o sehe ni yuhtihia:

“ ‘Cohamacu noariro, tuariro jira’, nija. Yuhu noano yajeripohna tija.

⁴⁷ Cohamacu yuhare pichacaru wahaboricorore yoadohoriro jira.

A jiro mipare yuhare noano wahchea mehne jichu yoara.

⁴⁸⁻⁴⁹ Tiro yuhare to cahamaconore wacuri jira. Cohamacu tua yuhuariro noaa dihtare yuhare yoadohore.

A jia mipare ‘Ticorore Cohamacu noano yoahre’, jipihina masa a ni, durucuaahca yuhare.

Cohamacu naa marieriro jira.

⁵⁰ Jipihia dachoripe jipihina tireo no payoinare tiro pja nariro jira.

⁵¹ Cohamacu to tuaa mehne yoaha. ‘Painare yuhduracaja’, niinare yuhduracaha tiro.

⁵² Puhtoare cohaha tiro. A jiro cahamaca sehere tiro puhtoa yoaro seheta caha tinare.

⁵³ Juca baaina cjirire tiro noaa chure waha. Tuhsu, payu cjurina cjirire paye baro cjuaraina yoaha tiro.

⁵⁴⁻⁵⁵ Mari nuchusuma cjirire to yahu curiro seheta yoa pahoha Cohamacu.

To cahamaca Israe masare tiro yoadohoha. Abrah cjirire mari nuchusuma cjirire jipihina to coyea to baharo jiina cahare Cohamacu jipihia dachoripe a pja narucuriro jia tiha.

Tinare to yahu curire boeraha Cohamacu”,

niha María.

⁵⁶ Tia sã waro Elisabe mehne jiha ticoro. Tó puro to jiri baharo to ya macapũ tjuaa wahaha María.

João masa bajuaha

⁵⁷ Elisabe to niji wahcõri baharo to macano masa bajuaha.

⁵⁸ Á jia Cohamacũ ticorore to ã noano yoachũ to ya maca macaina to coyea cãhũ ticoro mehne wahcheha.

⁵⁹ Ocho dachori to masa bajuari baharo, to pũcũsũma tirocãre mahanocã to pjacũ cahsarocãre yihso dutia taa niha. Á jia tina mehne macaina ti cahapũ sũha ti yihsochũ ñũa taa. Tina mehne macaina Zacaria to pũcũro wamare tirocãre wamoa duamaha.

⁶⁰ Ti ã wamoa duapachũta to pocoro ò sehe niha:

—To pũcũro wamare wamoeraja. João wamooanahca tirocãre —niha ticoro.

⁶¹ —Mũ coyea ne cãiro João wama tiriro mariahna —niha tina ticorore.

⁶² Á jia ti wamomacari mehne yoa ño, Zacariare ò sehe ni sinitu ñũha tina:

—¿Mũhũ waro dohse wamoa duajari mũ macũre? —ni sinitu ñũha tire.

⁶³ Ti ã nichũ tiro sehe joahti pjĩne siniroca, ñaha, joaha: “Yũ macũ João wama tirohca”, ni joaha Zacaria. To ã ni joachũ tina sehe cũaa wahaha.

⁶⁴ To ã ni joari baharo tire durucuchũ yoaha Cohamacũ. Á jiro tiro durucua wahaha jũna:

—Cohamacũ tuariro, noariro jira —niha tiro.

⁶⁵ To ã ni durucuchũ tũhoa tó macaina cũaa wahaha. Á jia ahri jipihtiare Judea yahpa macainare tũyucũ watoi jijnare masa yahu siteha. Á jia masa tó macaina noano masi pihtia wahaha.

⁶⁶ Jipihtina tĩre tũhoa wacũha. “Cohamacũ tuare ahrirocã cjũara. Á jiro wiho jiriro jierara ahrirocã”, ni tũhotuha masa.

Zacaria Cohamacũre ño payoha

⁶⁷ Á yoa to pũcũro Zacaria sehe Espĩritu Santo to dutiriro seheta yoa pahñoriro jiro to tuare cjũariro jiro Cohamacũ yare ò sehe ni yahuha:

⁶⁸ “Mari Israe masa Cohamacũre, mari puhtorore wahche payojihna mari. To yaina jija mari.

Á jiro tiro mari cahapũ wihiro, marine yoadoho, noano yũhdũchũ yoaro taro nina.

⁶⁹ Cohamacũ marine, pichacapũ wahaborinare yũhdũchũ yoahĩrore, tua yũhdũarirore warocara.

Ahriro marine yũhdũchũ yoahĩrore cjihto sehe Cohamacũre dahra cohtariro Davi cjiro panamino ji turiariro jira.

⁷⁰ Panopũre to yaina waro, to yare yahu mũhtaina cjirire ahri ò sehe wahahto cjihtore yahu cũ mũhta tuhsũa tiha.

⁷¹ ‘Mũsare ñũ tuhtiinare, jipihtina mũsare ñano yoinare ducataihtja’, ni cũha Cohamacũ marine.

⁷² Mari ñũchũsũma cjiripũre ‘Mũsare pja ñũi, yoadohoihtja.

Mũsare yũ yahu cũrĩre wacũihtja’, niha Cohamacũ.

Ti pjarũre to ni cũrĩro seheta mipũre marine sohtiro tiro taro nina.

⁷³⁻⁷⁵ Panopũre ò sehe ni cũa tiha Cohamacũ Abrahãre: ‘Potocã niita nija mũhũre.

Mũ coyea baharopũ ji mũhũtinare paina tinare ti ñũ tuhtichũ, yũhũ sehe tinare ducataihtja.

Á jia mũ coyea sehe ne cuiro marieno yũ dutiare yoa, yũhũre ño payoahca.

Tina ti catiro puro yũ ñũrocaroi buhiri marieno, quihõno jia tiina jiru-cuahca’, ni yahu cũa tiha Cohamacũ mari coyeiro Abrahã cjiriro”,

niha Zacaria. Á ni tuhsũ tiro to macano cãhũre ò sehe niha tjoa:

⁷⁶⁻⁷⁷ “Macũ, mũhũre ò sehe niahca masa: ‘Cohamacũ jipihtina Bui Jiriro yare yahu mũhtarirota jira’, ni masiahca mũhũre.

Mũhũ mari puhtoro Cristo to tahto panore masare yahuyui wahaihca.

Á yahuyui wahacũ, ò sehe ni yahuyuihca tinare: ‘Mari puhtoro tarohca.

Tiro masa ñaa yoari buhiri tiare cohã, pichacapũ wahaborinare yũhdorohca mũsare’, ni yahuihca mũhũ.

Á ni yahucũ, mari puhtoro to tahtore cahnoyu dutii niĩhca mũhũ tinare.

⁷⁸ Cohamacũ sehe marine tuaro pja ñũrĩro ji, marine noano yoariro jitiãno, tiro marine pichacapũ wahaborinare yũhdũchũ yoa duara.

Á jiro tiro Cristore buhriaro yoaro sehe jirĩrore mari cahapũ warocara.

⁷⁹ Tiro mari cahai wihiro marine pichacapũ wahaborinare nahitiano waropũ jimarinare buhriaro marine to noano ñũ bocachũ yoaro seheta Cohamacũ ya potocã ni yahuare masichũ yoarohca tiro.

Á yoa mari tiro mehne cãno mehne mari noano ji masihto cjihto cãhũre yahurohca marine”, niha Zacaria.

⁸⁰ Á yoa Zacaria macũno noano pjacũ tiriro bũcũaha. Á bũcũaro, Cohamacũre tuaro ño payoriro jiha. Tuhsũ, yoari pja masa marienopũ jia tiha. Israe masare buhe dũcaro tũpata to jiriro cjiroi jia tiha.

2

*Jesu masa bajuaha
(Mt 1.18-25)*

¹ Tí pjare jipihtia yahpari macaina bui puhtoro Augusto jia tiha. Á jiro jiphtinare quihō dutiha.

² Ahrina masare ti coã quihō ducachu Siria yahpa macaina puhtoro Cirenio wama tiro jia.

³ Á jia jipihtina ti ñuchusuma panopu macaina ya macaripu ti wamare joa òa wahaha.

⁴ José cūhu Nazarepu Galilea yahpai jiri macapu jiina waha, Judea yahparu Belē wama tiri macapu sūha. Puhtoro Davi cjiro panopu macariro to masa bajuariro jia Belē. José Davi cjiro panamino ji turariro jiro puhtoa masare to quihō dutichu tuhoro Belēpu to wamare joa ò dutiro wahaha.

⁵ Á jiro tiro Maria to namono cjihto mehne tōpu to wamare joa ò dutiro sūha. Ticoro sehe wihārirocāre cjuaro caharicoro jia.

⁶ Á jiro Belēpu sūro ticoro niji wahcōha.

⁷ Tōpūre masa ti cariri wahu ne mu sūeraha tinare. Á jiro ticoro pohna ti tuhsu, tirocāre suhtiro mehne coma, wachūa ti chūri wahwai, tja bui tirocāre duhu payoha. Tirocā wahma to pohna ti muhtarirocā jia.

Anjoa ovejare ñu wihboinare bajuaha

⁸ Tí ñamine campopu ovejare ñu wihboina ti yaina ovejare ñu wihboa niha.

⁹ Tōpu ti jichu Cohamacu warocariro anjo tinare bajuaha. To ā bajuachu Cohamacu to si sitea tinare buhriaha. To ā si sitechu ñu, ovejare ñu wihboina cuia wahaha.

¹⁰ Tí ā wahachu anjo tinare ò sehe ni yahuha:

–Noaa quitire musare yahui taja. Jiphtinare masare wahchechu yoarohca ahri quiti. Á jina yuhare cuiena tjga masa.

¹¹ Micha ñamine puhtoro cjiro Davi ya macapu musare pichacapu wahaborinare yuhdohtiro, Cristo Cohamacu warocariro mari puhtoro masa bajua tuhsūre.

¹² Suhtiro mehne comarigo wachūa chūri wahwa bui ti duhu payoriro masa ñuhtiro tiro tjrohca –ni yahuha anjo tinare.

¹³ To ā nichuta payu muano macaina ji muhtariro anjo mehne Cohamacu wahche payoha. Ó sehe ni wahche payoha tina:

¹⁴ “Cohamacu muano macarirore ño payojihna.

Á jia Cohamacu to cahina cuiro marieno cahmacheno marieno noano jijaro”, ni wahche payoha anjoa peri.

¹⁵ Á ni wahche payo tuhsu muanopu ti mujari baharo ovejare ñu wihboina sehe ti basi cahma durucuha:

–Ahrire Cohamacu marine to yahurire Belēpu basa ñujihna –niha tina ti basi.

¹⁶ Á nia ño duaro wahaa wahaha tina. Mariare, Josére boca su, wihārirocāre wachūa chūri wahwai ti duhu payorirocāre ñuaha tina.

¹⁷ Ovejare ñu wihboina tirocāre ñu tuhsu anjo wihārirocāre to yahurire yahu turiaha painare.

¹⁸ Tí ā ni yahu turiachu jiphtina tinare tuho sūaa wahaha.

¹⁹ Ahri jiphtiare María wacū tuhoturucuha.

²⁰ Á yoa ovejare ñu wihboina sehe anjo to yahuriro seheta jichu ñu, “Cohamacu tuariro jira”, ni wahcheha. Á ni wahche, majare tjuaa wahaha.

Cohamacu wuhupu Jesu puchusuma tirocāre naaha

²¹ Cū somana baharo wihārirocā to pjacure mahanocā cahsarocāre yiho na tuhsu tirocāre tina Jesu wamoaha. Jesure wahma to bocahto pano anjo sehe “‘Jesu’ ni wama pisuga tirocāre”, ni yahu tuhsūha. Á jia tirocāre “Jesu” ni wama pisuha.

²² Cohamacu dutia Moise to yahuriro seheta yoa taa José, María mehne Jerusalēpu wahaha. Tōpu wahaha María to pohna tiri baharo to noaricoro to wahari baharo to ā waharire ñono taro. Á wahaa, tina Jesucāre naa wahaha. Tirocāre Cohamacu “Ahrirocā mu yairo cjihto jira”, ni ñoa wahaha.

²³ Ó sehe yoaha Cohamacu yare ti joari pūi to yoa dutiriro seheta. “Jiphtina masa pohna wahma bajua muhtainacāre Cohamacu ñoga. ‘Ahrirocā mu yairo cjihto jira’, ni ñoga”, ni dutia tiha Cohamacu.

²⁴ Á ño tuhsu Cohamacu to yoa dutiriro seheta tina minichahcare waa wahaha Cohamacu ño payoha. Ó sehe dutia tiha Cohamacu: “Bujaa puaro waga yuhare. O tina mariachu uritua wihāinacā puaro waga yuhare ño payona”, ni dutia tiha Cohamacu. To yoa dutiriro seheta yoaha tina ticoro pjacu noari pjacu to waharire ñoa taa.

²⁵ Jerusalēi Simeo wama tiroiro jia. Tiro quihōno yoarigo, Cohamacu ño payoriro jiro, Cohamacu Israe masare to yoadohotire cohtariro jia. Tiro Espiritu Santo to nino sehe yoariro jia.

²⁶ Á jiro tiro to yariahto pano Cohamacu to warocahtirore Cristore to ñuhti cjihtire tō pano yahu tuhsūha Espiritu Santo tirore Simeore.

²⁷ Á jiro Espiritu Santo tirore to dutichu Cohamacu wuhupu sūa wahaha. To sūa sūri baharo Jesu puchusuma ti macuocāre na sūaha. Cohamacu to dutiriro seheta yoa niha.

²⁸ Simeo sehe tirocäre wña na, Cohamacäre ño payo, “Noana” ni, tiro mehne durucuha.

Õ sehe niha tiro Cohamacäre:

²⁹⁻³² “Mipñ pinihtare pñhtoro, mñ niriro se-heta jipihtina masare pichacapñ wahaborinare yñhdñchñ yoahtiro cjih-tore warocahre mñññ.

Tiro judio masa jierainare buhero mñññre noano masichñ yoarohca tinare.

Masare yñhdohtiro Israe masñnore mñññ cñha.

Sã coyeirore Israe masñnore mñ cñchñ jip-ihntina masia, ‘Israe masare noano yoara Cohamacñ’, ñiahca masa.

Ahrirocã sãre yñhdñchñ yoahtiro jira.

Å jicñ ahrirocãre ññ tuhsññ, mipññre noano wahcheriro yariailhca”, niha Simeo.

³³ Simeo tirocäre to ã nichñ Jesu pñcñsumã sehe tuho cñaa wahaha.

³⁴ Å jiro Simeo tinare “Noano jiga mñsa” nino, tiro María Jesu pocorore õ sehe ni yahuha:

—Cohamacñ ahrirocãre beseha. To ã beseriro to jipachñta judio masa payñ tirore yñhdññcaahca. Å yoaa tina pichacapñ wa-haahca. Judio masare payñ yñhdohtirore Cohamacñ beseha tirocãre. Tiro Cohamacñ yare yahuriro to jipachñta masa payñ tirore ñano ni yahu wajaahca.

³⁵ Tí ã yoachñ paina ti ñano wacñare masi-ahca. Å jico mñññ tuaro cahyacohca —niha Simeo Mariãre.

³⁶ Tói Cohamacñ yare yahu mñhtaricoro Ana wama tiricoro jiha. Ticoro Fanuel ma-cono jiro, Aser cjiro ya curua macaricoro jiha. Bñcoro waro jiha. Ticoro nuhmino jiro manñ tiha. Å yoa siete cñhmari to manño mehne jiha. Tó puro to jiri baharo to manño yariaha.

³⁷ Å jiro ochenta y cuatro cñhmari waro wapewahyoro jia tiha ticoro. Å jiro ticoro dachorñ cñññre ñamipñ cñññre Cohamacñ yare yoaro taro cñññeraro, Cohamacñ mehne durucu, Cohamacñ wñññre ne wijaaera tiha.

³⁸ Simeo to durucuro watoí ticoro tina cahai wihiro, wahchero Cohamacäre “Noana”, niha. Å jiro Jerusalē macainare pichacapñ wahaborinare yñhdohtirore cohtainare ticoro Jesucäre yahuha tina jipihtinare.

José, María, Jesu mehne Nazarepñ tjuaa wahaha tjoa

³⁹ Cohamacñ to dutiriro seheta yoa tuhsñã, tina ti ya macapñ Nazarepñ tjuaa wahaha. Galilea yahpai jiha tí macã Nazare.

⁴⁰ Jesu sehe noano bñcñã, tuariro wahaha. Å jiro tiro noano tuho masiriro bñcñãha. Cohamacñ tirore noano yoaha.

Jesu wahma wahmñã tariro jiro, Cohamacñ ya wñññi judio masare buheina mehne sñhñduro niha

⁴¹ Cahmaripe Jesu pñcñsumã Jerusalēpñ pascua nñmññine bose nñmññine yñhdoa wahaa tiha.

⁴² Å jia Jesu doce cñhmari to cññchñ waro ti yoarucuriro seheta tina jipihtina Jerusalēpñ bose nñmññine yñhdoa wahaha tjoa.

⁴³ Tí macapñ sñ, tí bose nñmññine yñhdo tuhsñ tina ti ya macapñ majare tjuaa wa-haha tjoa. Wiho mejeta Jesu sehe tí ã majare tjuapachñta, Jerusalēpñ tjuanocaha. To pñcñsumã sehe tíre to tjuarire masieraha.

⁴⁴ “Paina mari mehne macaina mehne taca mari macñ”, ni tuhotumaha tina. Å jia tina cñ dacho waro noano Jesu marieno wa-harucumaha. Tí dacho jiphtichñ waro tina Jesure tí coyea watoí ã jichñ ti ññ masiina watoí cñññre macamaha.

⁴⁵ Wiho mejeta ne bocaeraha. Å jia tina pari turi Jerusalēpñ majare tjuaa wahaha tjoa, tirore macaa wahaa.

⁴⁶ Tia dacho baharo Cohamacñ wñññ wi-jaroi tirore boca sñha. Tói Jesu judio masare buheina watopñ duji, tinare tuho, tinare sinituro niha.

⁴⁷ Tina jipihtina Jesure to quihõno yñhtichñ tuhoã noano masirirocã to jichñ ññã, tina cñaa wahaha.

⁴⁸ Jesu pñcñsumã cñññ tirore ññã, tina cñññ cñaa wahaha. Å jiro to pocoro tirore õ sehe niha:

—Macñ, ¿dohseacñ ã yoari mñññ sãre? Sã mñ pñcñsumã pñjro tuhotu, cahya, macana nihi mñññre —niha ticoro to macñnore.

⁴⁹ To ã nichñ tuhoro tiro to pñcñsumare õ sehe ni yñhtihã:

—¿Dohseana yñññre macari mñsa? Yñ Pñcñ waro ya wñññi jì to dutiriro seheta yoai niña. ¿Tíre masierajari mñsa? —niha tiro tinare to pñcñsumare.

⁵⁰ To ã ni yahupachñta tina to yahuarẽ tuho ññaeraha.

⁵¹ Å yoari baharo, Jesu to pñcñsumã mehne Nazarepñ tjuaa wahaha. Tju sñ, to pñcñsumare ne yñhdññcaerariro jia tiha tiro. Ahri jipihtia to yoarire ññno María noano tuhotu, wacññucua tiha.

⁵² Å yoa Jesu bñcñã, noano tuho masiriro wahaha. Tó sehe jiriro to jì bñcñachñ ññno, Cohamacñ sehe tirore noano ññ jì coa, tuaro cahñã tiha. Masa cñññ tirore tó seheta noano ññ jì coa, tuaro cahñã tiha.

3

João masare bautisariro masare Cohamacu yare yahuha

(Mt 3.1-12; Mr 1.1-8; Jn 1.19-28)

¹ Tí pjare ti bui puhtoro jiriro Tiberio wama tiroto to puhtoro jiri baharo quince cūhmari wahaha. Tuhsu, Poncio Pilato wama tiroto sehe Judea yahpa macaina puhtoro jiha. Á yoa Herode wama tiroto sehe Galilea yahpa macaina puhtoro jiha. To bahuro Felipe sehe Iturea yahpa macaina, Traconite yahpa macaina cūhu ti puhtoro jiha. Tuhsu, Lisania wama tiroto Abilinia yahpa macaina puhtoro jiha.

² Tí pjare Ana, Caifa mehne jipihtina sacerdotea bui puhtoia jiha. Ahrina jipihtina ti jiri pjare João Zacaria macano masa marienopu jirirore Cohamacu sehe tiroto to jare buhe dutiha.

³ Á jiro Jordão wama tiri ma duhtu cahai jiri yahpai jipihtiropu João buhero wahaha: —“Noaina jija sã”, ni masa tuhotumari cjirire tuhotu cohtota, Cohamacu cahmaga masa. Á yoana tiri masa yoirire ñona tana, bautisaina jiga. Masa ã cohtotachu ñano Cohamacu masa ñaa buhirire borohca —ni buhea tiha tiro.

⁴ Isaia cjiro panopu macariro Cohamacu yare yahu muhtariro to joariro seheta ahriro João yoro niha. Ó sehe ni joa tiha Isaia cjiro João to buhehtore:

“Masa marienopu durucu sañurucuro ó sehe ni buherohca: ‘Mari puhtoro to tahtu pano “Noaina jija sã”, ni masa tuhotumari cjirire tuhotu cohtota, Cohamacu cahmaga masa.

⁵ Pja wuhtari, pja buri cahure noari wapa mari yoiriro seheta, tuhca maharine potoa mahari mari yoiriro seheta, ñaa maharine noaa maharine mari yoiriro seheta, wetere masa cosariro seheta masa ñaa tuhotuare cohtota, cahno muhtaga masa.

⁶ Masa ã yoachu Cohamacu masare pichacaru wahaborinare to yuhdachu yoachu ñuahca jipihti ahi yahpa macaina’, ninohca tiro sañurucu yahuriro sehe”,

ni joa tiha Isaia cjiro panopure.

⁷ Masa payu João cahai wihia tiro tinare bautisachu cahmaha tina. Á jiro tiro tinare ó sehe ni yahuha:

—Agãa ñima tiina yoro seheta masare dojomehneina, cui duhti duaina jira masa. Masa ñaa yoirire masa cahya, duhu du-aerari buhiri Cohamacu to buhiri dahrehto pano duhti masierara masa.

⁸ Potocãta masa ñaa tuhotumarine cohtotaina jina, Cohamacu cahmaina jina, tiri masa yoaa mehne ñoga. Ó sehe ni tuhotu

wisiena tjiga. “Panopu macariro Abrahã mari ñuchu cjiro jia tiha. Á jina to panamana jina mari Cohamacu yaina jija”, ni tuhotu wisiena tjiga masa. Masare niita nija. Abrahã panamana masa jiina jimana masa. Masa ã jipachuta ti masa ã jia yaba cjihti jierara. Cohamacu sehe ahi tãa mehne Abrahã coyeare dahre masina. Á jiro Abrahã coyea masa jia wiho waro jira tãa ti wiho waro jiro seheta.

⁹ Ó sehe jira: Masa yucari yoro seheta jira. Cohamacu sehe coma mehne yucarire cã cohãriro yoro sehe jira. Á jiro noaa dica maria yucare nuhcõri mehneputa cã cohãnohca tiro. Tiri to cã cohãri baharo, pichacaru jũ cohãnohca tiro. (Áta yoro taro nina masa cahure tirore cahmaerainare) —ni yahuha João masare.

¹⁰ To ã nichu tuhoa masa sehe tirore ó sehe ni sinitu ñuha:

—¿Dohse yoanahcari sã? —niha tina Joãoore.

¹¹ —Pu suhtiro cjariro suhti marierirore cãno waga. Á yoa masa chuã cjuana paina cahure waga —niha João.

¹² Mahainacã puhtoia ya cjihtire wapa na cohtaina cãhu tinare to bautisachu cahmaha. Á jia João cahai wihia, tirore ó sehe ni sinituha:

—¿Buheriro, sã sehe dohse yoanahcari sã? —niha tina tirore.

¹³ —Masa puhtoia ti wapa na dutiro purota masare wapa naga. Mahãno na namoena tjiga —ni yahuha João tinare.

¹⁴ Paina surara tirore ó sehe ni sinituha tjoa:

—¿Sã sehe dohse yoanahcari? —niha tina tirore tjoa.

—Masa ti niñerure maena tjiga. Á yoana mahãno mehne ti niñerure naena tjiga. Masare ti waparo purota wahchega —ni yahuha João.

¹⁵ Masa Cristore Cohamacu to warocahitirore cohta niha. Á jia ó sehe ni tuhotu ducaha tina Joãoore. “Ahriro João sehe Cristo jiboca”, ni tuhotumaha tina.

¹⁶ Ti ã nichu tuhoru João jipihtinare ó sehe ni yahuha:

—Yu baharo yu yuhdoro tuariro tarohca. Noa yuhduariro jira tiro. Tiro yoro sehe jieraja yuhu sehe. Á jicu tirore tuhotucu, “Wiho jiriro jija yuhu”, ni tuhotuja yuhu. Yuhu sehe masare bautisacu co mehne yoamahi. Tiro sehe yu yuhdoro yorohca. Espiritu Santore masa mehne ã jirucuchu yorohca. Wiho mejeta paina sehere ti ñaare tuhotumari cjirire tuhotu cohtota du-aeraina sehere tiro pichaca mehne buhiri dahrerohca.

¹⁷ Yu baharo tariro cahsarire cohãriro yoro sehe jira. Cahsarire cohãriro to batiro mehne jipihtia to trigo yapari cahsarire

putiwera. Ā yoa tuhsu trigo sehere to wihori wuhūi cūnohca. Tó sehetā yorohca ti tirore cahmainare yu baharo tariro. To putiwea cahsari sehere tiro jūnohca. Tí cahsarire to jūri pichaca ne yatisi. (Āta yorohca tiro yu baharo tariro tirore cahmaerainare) —ni yahuha Joāo.

¹⁸ Payu to ā ni yahua mehne masare noaa buheare yahuha Joāo.

¹⁹ Tuhsu, pūtoro Herode sehe to baharo Felipe namonore to namo tiri buhiri, pjiro űaare to yoari buhiri cūhure Joāo tirore yahumaha.

²⁰ To ā ni yahuri buhiri Herode sehe űaare yoa namoha, Joāore peresu yoaro.

*Joāo Jesure bautisaha
(Mt 3.13-17; Mr 1.9-11)*

²¹ Joāore ti peresu yoahito pano paina masare Joāo sehe bautisaro niha. Tinare bautisaro Jesu cūhure bautisaha. To ā bautisachu, Jesu diaru ducuriro Cohamacure to sinino watoi mūano parī mūa wahaha.

²² To parī mūari baharo Espiritu Santo buja yoaro sehe Jesu buipū duji taha. To ā duji tachu mūanopu durucuro coa taha:

—Mūhu yu macu yu cahīriro jira. Mūhu mehne wahcheja —nino coa taha mūanopu.

Jesu coyea panopu macainare yahua jira ahri

(Mt 1.1-17)

²³ Jesu to buhe dūcari cūhmare treinta cūhmari cūaha tiro. “Tiro José macūno jira”, ni tūhotumaha masa. José sehe Elī macūno jira.

²⁴ Elī Matat macūno jira. Matat Levī macūno jira. Levī Melqui macūno jira. Melqui Jana macūno jira. Jana José macūno jira.

²⁵ José Matatías macūno jira. Matatías Amós macūno jira. Amós Nahum macūno jira. Nahum Esli macūno jira. Esli Nagai macūno jira.

²⁶ Nagai Maat macūno jira. Maat Matatías macūno jira. Matatías Semei macūno jira. Semei Josec macūno jira. Josec Joiadá macūno jira.

²⁷ Joiadá Johanán macūno jira. Johanán Resa macūno jira. Resa Zorobabe macūno jira. Zorobabe Salatie macūno jira. Salatie Neri macūno jira.

²⁸ Neri Melqui macūno jira. Melqui Adi macūno jira. Adi Cosam macūno jira. Cosam Elmodam macūno jira. Elmodam Er macūno jira.

²⁹ Er Josué macūno jira. Josué Eliezer macūno jira. Eliezer Jorim macūno jira. Jorim Matat macūno jira.

³⁰ Matat Levī macūno jira. Levī Simeo macūno jira. Simeo Juda macūno jira. Juda José macūno jira. José Jonan macūno jira. Jonan Eliaquim macūno jira.

³¹ Eliaquim Melea macūno jira. Melea Mená macūno jira. Mená Matatá macūno jira. Matatá Natán macūno jira.

³² Natán Davi macūno jira. Davi Jesé macūno jira. Jesé Obed macūno jira. Obed Booz macūno jira. Booz Sélah macūno jira. Sélah Nahasón macūno jira.

³³ Nahasón Aminadab macūno jira. Aminadab Admín macūno jira. Admín Arní macūno jira. Arní Esrom macūno jira. Esrom Fares macūno jira. Fares Juda macūno jira.

³⁴ Juda Jacobo macūno jira. Jacobo Isaa macūno jira. Isaa Abrahā macūno jira. Abrahā Taré macūno jira. Taré Nahor macūno jira.

³⁵ Nahor Serug macūno jira. Serug Ragau macūno jira. Ragau Péleg macūno jira. Péleg Éber macūno jira. Éber Sélah macūno jira.

³⁶ Sélah Cainán macūno jira. Cainán Arfaxad macūno jira. Arfaxad Sē macūno jira. Sē Noé macūno jira. Noé Lame macūno jira.

³⁷ Lame Matusalē macūno jira. Matusalē Enoco macūno jira. Enoco Jared macūno jira. Jared Mahalaleel macūno jira. Mahalaleel Caina macūno jira.

³⁸ Caina Eno macūno jira. Eno Sete macūno jira. Sete Adāo macūno jira. Adāo Cohamacu to yoariro jira.

4

*Watīno űaare yoa dutimaha Jesure
(Mt 4.1-11; Mr 1.12-13)*

¹ Jesu Espiritu Santo to dutiriro sehetā yoa pahīoriro jiro, tiro Jordāo wama tiri mapu jiriro tjuaa wahaha. To ā tjuaa wahachu Espiritu Santo sehe tirore masa marienopu naaha.

² Tópu sūro cuarenta dachori waro jira. Tópu to jiro wato watīno sehe Jesure űaare yoachu cahmamaha. Ā jiro űaare yoa dutimaha tirore. Tí dachorire Jesu chūeraha. Ā jiro tí dachori pihtichu waro tiro jūca baaha.

³ To ā jūca baachu űūno watīno ō sehe nimaha Jesure:

—Mūhu Cohamacu macūno jicu, ahria tācare chūa dojomehnega —nimaha Jesure.

⁴ Jesu ō sehe ni yūhtīha:

—Yoaeraja. Cohamacu yare ti joari pūi ō sehe nina: “Masare chūa mehne dihta catieraro cahmana. [Jipihtia Cohamacu ya yahua mehne jiro cahmana]”, nina Cohamacu —ni yūhtīha Jesu watīnore.

⁵ To ā niri baharo watīno sehe tirore tūcu mūadu buipū na mūja sūrota jipihtia macari perire űo bahrañoha Jesure.

⁶ Ā űono Jesure ō sehe ni yahuha:

—Jipihtia ahri macari yūhure to wari cjiri jira. Ā jicu yu cahmarirore wa masija. Ā jicu

ahri macarine, ti cjuaa mehne mähure waihtja. (Yñ ã wachñ ahri macari macainare mähñ dutiuhca.)

⁷Yühure mñ ño payochñ ahri macari jipih-tia macarine mähure waihtja —niha watño Jesure.

⁸Jesu õ sehe ni yuhtia tirore:

—Mähure ño payoeraja. Õ sehe nina Cohamacñ yare ti joari pui: “Mñ puhtoro Cohamacñ dihtare ño payoga. To ya dutia dihtare yoaga”, ni joaa tiha Cohamacñ yare —niha Jesu watñore.

⁹⁻¹¹To ã niri baharo Jerusalëpñ watño sehe tirore na wahcã, Cohamacñ wähñ bui na suha tirore. Na sñ tuhsñ tirore õ sehe nimaha:

—Cohamacñ yare ti joari pñ õ sehe nina: “Cohamacñ yaina anjoare mähure ññ wihbo dutirohca. Æ jia tina sehe mähure ññ wihboahca, ‘Mähurñ tãsarñ pñha tu mñari’ nia”,

ni joaa tiha Cohamacñ yare ti joari pui. To ã niri quihõno jichñ mähñ Cohamacñ macñno jicñ, yahparñ pju bora ño ñujata yühure. Mähure yoadohochñ ño ñujata yühure —niha watño Jesure.

¹²Jesu pju bora ño duaeraro õ sehe ni yuhtia tirore:

—Cohamacñ yare ti joari pñ õ sehe nina: “Mñsa puhtoro Cohamacñ to niri cjirore ‘¿Potocã tjijari?’ ni masi duana, Cohamacñre yoa ño duti macaena tjiga”, nina Cohamacñ yare ti joari pui —niha Jesu watñore.

¹³Æ jiro watño jipih-tia ñaare Jesure yoa dutimaha. Æ duti tuhsuro mahanocã duhu wahcãsinaha.

Galilea yahpai Jesu buhe ññcaha

(Mt 4.12-17; Mr 1.14-15)

¹⁴Baharo Jesu Galileapñ tjuaa wahaha. Æ jiro, tiro Espiritu Santo tuaa mehne yoaha. Tói jipih-tiropñ masa tirore quiti tiha.

¹⁵Judio masa buhea wühusei tiro buhea tiha. Æ jia jipih-tina masa tirore noano durucuha.

Nazare macaina Jesure ne cahmaeraha

(Mt 13.53-58; Mr 6.1-6)

¹⁶⁻¹⁷Baharo Nazarepñ Jesu to bucuariropñata tju suha. Tõpñ tju suro, Sabado jichñ to ã yoarucuriro seheta tiro judio masa ti buheri wühurñ sãa suha. Tói tiro Cohamacñ yare ti joari pñre buhero taro ducuha. To ã ducuchñ ññã tó macaina sehe Cohamacñ yare yahu muhtariro Isaia cjiro to joari pñre tirore waha. Tí pui Jesu ahri yahuare bocaro buheha:

¹⁸“Cohamacñ to Espiritu yuhñ mehne jiro, yühure dutira.

Tiro pñacuoinare noaa buheare yahu dutiro warocare yühure.

Æ yoa peresupñ jiina cãhure tinare to yühdohtore yahu dutiro warocare yühure.

Capari ññeraina ti noano ññhto cjihtore, painare ti ññno ti yoapeinare wiohtiro cjihtore yühure warocare.

¹⁹Mari puhtoro Cohamacñ to yainare pichacpñ wahaborinare to yühdohtore yühure yahu dutiro warocare”, ni buheha Jesu.

²⁰Æ ni buhe tuhsñ Jesu ti pñre noari tia turënocã, wähñ macarirore wia tuhsñ, dujiha. To dujichñ ññã tói jiina jipih-tina tiro dihtare ññha.

²¹Ti ã yoachñ tiro tinare õ sehe ni yahu ññcaha:

—Ahri michapucacã yñ buheriro seheta Cohamacñ to niro mñ sñro nina —niha Jesu.

²²To ã nichñ tuhoã “Ahriri noariro jira”, ni tuhotuha tina. Æ jia tina to noano buhechñ tuhoã, cñaa wahaha. Æ cñaa waha, õ sehe niha tina ti basi:

—Cuenah, ¿José macñno jierajari ahriri? —niha tina ti basi.

²³Ti ã nichñ masino Jesu õ sehe ni yahuha tinare:

—Yñ buheare tuho duaerana, õ sehe ni tuhotura mñsa yühure: “Duhturu dohatiro to basi co ti masina duhturu waro to jiare ñono. Mähñ cãhñ duhturu to yoa ñono seheta mñ nirore sehe jiriro jicñ Cohamacñ tuaa mehne yoa ñoga sãre. Capernaupñre Cohamacñ tuaa mehne yoa ñoyuhti mähñ. Sã cãhure ã yoa ñoga, mñ buheare ‘Potocã tjira’, sã ni masihto sehe”, ni duara mñsa yühure.

²⁴Ahrirre yahuihtja mñsare. Cohamacñ yare yahu muhtarirore to ya maca macaina cahmaerara. Æ jina yühure cahmaerara mñsa õi yñ bucuariro jichñ.

²⁵Yühure tuhoga mipñre. Panopñ Elia to jiri pñpñre tia cãhñã noano pa cãhñã dachõ maca waroi ne coro taeraha. Æ jiro jipih-tiropñata ne chñã mariaha. Tí pñre payñ wapewahya Israe yahparñ ti jipachñta Cohamacñ Elia cjirore tinare yoadoho dutiro warocãeraha. (Eliare, Cohamacñ ya cãhure ti cahmaerachñ ññno tinare yoadoho dutiro warocãeraha.)

²⁶To ya macare ã yoa dutieraparota pa yahpai Sidõ चाहai jiri macai Sarepta wama tiri maca macaricoro wapewahy-orore yoadoho dutiro Elia cjirore warocaha Cohamacñ.

²⁷Baharo Cohamacñ yare yahu muhtariro Eliseo cjiro to jiri pñpñre Israe yahparñ payñ camì baina ti jipachñta cãiro Israe masñore ne noariro wahachñ yoeraha Eliseo cjiro. To ya yahpa macainare yoeraparota Naaman wama tirirore Siria yahpa

macariro dihtare noariro wahachu yoaha tiro. Å yoaro Israe masare yoadoheroaro, Israe masano jierariro sehene yoadohoha Cohamacu —niha Jesu tinare.

²⁸ To å nichu tuhoa jipihtina ti wuhai jiina sua yuhdu wahaha.

²⁹ Å jia tina wahcãruca, Jesure na wijaa, ti maca duhtu cahai jiri canapu tirore tjuroca boro duamaha.

³⁰ Ti å yoa duapachuta Jesu ti watoihta wahaha.

Watino to cohtotariro Jesure piti boca
(Mr 1.21-28)

³¹ Baharo Jesu Galilea yahpai jiri macapu Capernau wama tiri macapu su, Sabado jichu masare buheha.

³² Tiro noano masi pahñoriro to buhechu tuhoa masa tuho cuaa wahaha.

³³ Ti wuhai watino to cohtotariro jiro, õ sehe ni tuaro sañurucuha:

³⁴ —Muhu Jesu Nazare macariro sare cariboi tjia muhu. ¿Dohse yoai tai nijari sare? ¿Muhu sare butichu yoai tai nijari? Yuhu masija Cohamacu macano, ñaa marieriro mu jiare —ni sañurucuha Jesure.

³⁵ To å nichu tuhoro Jesu tuhtiha watinore: —Dihta mariaha. Wijaha tirore —niha Jesu.

To å niri baharo masanore watino sehe yahpamu doca caha su tunuchu yoaro, tirore wijaha. To å yoari baharo tiro sehe noariro tjuaha.

³⁶ Tói jiina jipihtina to å wahachu ñu cuaa wahaha. Å jia ti basi õ sehe ni durucuha:

—¿Yaba baro buhea jijari ahri å wahachu yoaa? Cuenah. Tuaro mehne pahñoro yoaro seheta ahriro watiare dutira. Å jia to dutiro seheta tina masare wijaa —ni durucuha tina ti basi.

³⁷ To å yoachu ñua ti yahpamu jipihtiropu masa Jesu yoarire yahu siteha.

Jesu Simo Pedro marechonore noaricoro wahachu yoaha

(Mt 8.14-15; Mr 1.29-31)

³⁸ Judio masa ti buheri wuhare wijaa, Simo ya wuhapu saha suha Jesu. Tói Simo marechono dohati, tuaro juaro tiha. Å jia tina ticoro to dohatichu yahuha Jesure.

³⁹ Ti å yahuri baharo tiro ticoro cahai su, juarore suru dutiha. To å suru dutiri baharo ticorore juaro surua waha, dóihta noaricoro wahaha. Ticoro å waharo wahcã nuju su, tinare chuare payoha.

Payu dohatiinare noaina wahachu yoaha Jesu

(Mt 8.16-17; Mr 1.32-34)

⁴⁰ Sã sãari baharo jipihtina masa tó cahai jiina dohatiinare Jesu cahapu na suha. Dohatiina payu soro jia dohatiare cjuaha. Å jiro Jesu to wamomacari mehne tina

bui ña payo, jipihtinare ti dohatiare noano yuhduchu yoaha.

⁴¹ Watia cahure Jesu to wijaa dutichu tina wijaa wahaa, õ sehe ni sañurucuha:

—Muhu potocãta Cohamacu macano jira —niha tina Jesure.

Jesu Cohamacu warocariro to Cristo to jichu watia masiha. Å jiro Jesu tinare durucu dutieraha, “Cristo jira”, ni yahu siteri”, nino.

Galilea yahpai buheha Jesu
(Mr 1.35-39)

⁴² Bohrea muja tachu Jesu ti macai jiro waha, masa marienopu suha. To å sari baharo masa tirore maca, boca sua õ sehe niha:

—Sã ya macai tjuaga. Wahai tjiga —nimaha tina Jesure.

⁴³ Ti å nipachuta tiro sehe õ sehe ni yahtiha:

—Cohamacu masare pahñoro to noano suho jiare noaa buheare paye macaripu cahure buhero cahmana yuhure. Cohamacu yuhure warocare tire yahutirore —niha Jesu tinare.

⁴⁴ Å ni tuhsuro judio masa ya yahpa macaa wuhusei, judio masa ti buhea wuhusei tiro buhe tiniha.

5

Jesu to buheinare payu wahire bocachu yoaha

(Mt 4.18-22; Mr 1.16-20)

¹ Pa numu Jesu Genesare wama tiri bucpariro duhtu cahapu suha. Tói to jichu ñua payu masa Cohamacu yare tuho duaa tirore nunu ti suha. Noano wahpa tarucu suha masa peri.

² Puaria buso paduroi pahsaa busore Jesu ñua. Ti buso macaina wahi wajãina maja suruca, ti wañuyucure cosaa niha.

³ Å jiro Jesu Simo yariapu samua wahaha. Samu tuhsu tia dohoriare dia duhtu cahai coãriare siõ buhu dutiha. Tuhsu, dohoriapu duji, masare buheha.

⁴ Buhe tuhsu, Jesu Simore õ sehe niha:

—Dacho maca cureroi siõ wioga. Å jina muhu mehne macaina mehne musa wañuyucure doca ñoga wahi ñahana —niha Jesu.

⁵ To å nichu tuhoro Simo Jesure õ sehe ni yahtiha:

—Pahñoro, wahi maca bohreamahi sã micha ñamine. Bohrepanahta ne cãrocã wajãerahti sã. Å wajãerapanaha mu dutiro seheta doca ño ñanahtja —ni yahtiha Simo.

⁶ Å ni tuhsu tina doca ñoha. Å ti doca ñochu ti wañuyucure payu wahi sãaha. Payu ti sãachu wañuyucu tuhnua wahamaha.

7 Ā wahachũ ñua tina paria macainare tina mehne macainare pjirocaha:

—Musa cãhũ yoadohona tagã sãre —ni pjirocaha Simo cãhũ.

Tina ti ã yoadohori baharo pãria bũso noano minipahro boca hãwahire.

8 Simo Pedro ã wahi payũ ti sãachũ ñũno, Jesu panoi na tuhcuca caha sũ, tirore õ sehe ni yahuha:

—Yũ puhtoro, mũhũ mehne jiboriro jieraja yũhũ. Ñariro jija yũhũ. Ā jicũ mũ cahai ji masieraja —niha Simo Pedro Jesure.

9 Tiro, jipihtina tiro mehne macaina cãhũ payũ wahi sãachũ ñua, cãaa wahaha tina cãhũ.

10 Pũaro Simo Pedro mehne macaina Zebedeo pohna Santiago to baharo João mehne, tina cãhũ ñũ cãaa wahaha. Ti ã cãachũ ñũno Jesu Pedrore õ sehe ni yahuha:

—Cũaecu tjiga. Mipũre mũhũ wahire ñaha cahmachuriro mũ jiro seheta Cohamacũ yaina cjihtire pji cahmachuriro jiihca mũhũ —niha Jesu Simo Pedro.

11 To ã niri baharo tina ti bũsore bũcũpariro duhtũ cahapũ waja mo cũnoca, ti ya jipihtiare tõihta cũnoca, Jesu mehne wahaa wahaha.

Jesu camĩ barirore noariro wahachũ yoaha

(Mt 8.1-4; Mr 1.40-45)

12 Ā yoa Jesu pa macai to jichũ camĩ bariro tirore piti boca. Ā piti bocaro tiro Jesure ñũ, na tuhcuca caha sũ, õ sehe ni tuaro siniha:

—Puhtoro, mũhũ yoa duacu yũhũre noariro yoa masina mũhũ —ni siniha.

13 To ã niri baharo Jesu tirore ña payoro õ sehe niha:

—Tĩre yoa duaja. Mipũre noariro jiga mũhũ —niha.

To ã nichũta to camĩ bari cjiiri yati mũa wahaha.

14 Ā jiro Jesu tirore õ sehe ni dutiha:

—Ahri yũ õ sehe yoarire painare yahui tjiga. Sacerdote cahai wahaga mipũre. Ā jicũ mũ pjacũre noari pjacu to waharire ñoga tirore. Cohamacũ dutia Moiserre to cũri to niriro seheta yoaga. Ā yoacu sacerdotere pũaro minichahcare waga noariro mũ waharire sacerdotearre ñoi tai —niha camĩ bariro cjirore.

15 “Yahui tjia”, to nipachũta jipihtiropũ masa tirore yahu site namoha. Ti ã yahu sitechũ tuhoa masa payũ tiro cahapũ sũha. Dohatiina noaina waha duaa, tina cãhũ tiro cahapũ sũha.

16 Ti ã sũpachũta Jesu masa marienopũ Cohamacũre sinino wahaha.

Jesu pjacu bũharirore noariro wahachũ yoaha

(Mt 9.1-8; Mr 2.1-12)

17 Pa dachoi Jesu to buhechũ fariseo curua macaina, judio masare buheina cãhũ tõi dujiha. Tina jipihtina Galilea yahpai jia macari macaina, Judea yahpai jia macari macaina, Jerusalẽ macaina jiha. Ti ã jichũ ñũno Jesu Cohamacũ tuua mehne dohatiinare noaina wahachũ yoaha.

18 Mahainacã mũa pjacu bũharirore to coãri cahsaro mehne yo mũa wihaha. Ā jia tirore Jesu cahai cũ duaa, wũhũpũ yo sãa duamaha tina tirore.

19 Ā sãa duapahta masa payũ jichũ tina tirore yo sãa masieraha. Ā jia tirore wũhũ buipũ yo mũjaha. Yo mũja sũ, mahãnocã muji pahmare nawe, ti copai pjacu bũharirore to coãri cahsaro mehnetã duhu boroha Jesu cahai jiina watoi.

20 “Jesu ahrirore to dohatiare yũhdũchũ yoarohca”, ni tuhotuha tina. Ti ã ni tuhotuchũ masino Jesu pjacu bũharirore õ sehe ni yahuha:

—Coyeiro, mũ ñaare yoari buhiri tiare yũhũ cohã tuhsũja —niha Jesu tirore.

21 To ã nichũ tuhoa fariseo curua macaina, judio masare buheina cãhũ ti basi õ sehe ni tuhotumaha: “Ahriro ã ni durucuero tjijaro. Tiro masũno mari yoaro sehe jiro, ñaare to yoari buhiri tiare cohã masierara. Cohamacũ dihta masa ti ñaare yoari buhiri tiare cohã masina”, ni tuhotumaha tina.

22 Jesu ti ã ni tuhotuare masino, õ sehe niha:

—¿Dohse yoana ã ni tuhotujari masa?

23 “Mũ ñaa yoari buhiri tiare yũhũ cohã tuhsũja”, yũ nichũ, “Mahũoriro jira”, yũhũre nina mũsa noano masierapanãta. “Wahcãrũca wahaga”, yũ nichũ yũ niri potocã jia jichũ dõihta masinahca.

24 Yũhũ masũno Cohamacũ warocariro ahri yahpai ti ñaare yoari buhiri tiare cohã masija yũhũ. Masa ti ñaare yoari buhiri tiare cohãhtiro cjihtore cũre Cohamacũ yũhũre. Yũ ã cohãrine mũsa masihto sehe õ seheta yoa ñoihtja mũsa ñũhti cjihtire —niha Jesu.

Ā ni tuhsũ pjacu bũharirore õ sehe niha:

—Mũhũre niita nija. Wahcãrũcaga. Mũ coãri cahsarore na wahcãga mũ ya wũhũpũ —niha tirore.

25 To ã nichũ tuhorota jipihtina ti ñũrocaroi wahcãrũca, to coãri cahsarore na, to ya wũhũpũ tjuaa wahaha. Ā waharo tiro Cohamacũre ño payoro, wahchea mehne noano durucuha.

26 To ã yoachũ ñua masa sehe jipihtina cãaa wahaha. Tina cãaa waha, Cohamacũre ño payoa, wahchea mehne noano durucuha:

—Michare soro jiare ñũhi sã —niha tina.

Jesu Levĩre piha

(Mt 9.9-13; Mr 2.13-17)

²⁷ Ā yoa tuhsu waha, Leví wama tirirore to dahrari tahtiapu jirirore boca suha Jesu. Leví sehe puhtoia ya cjihtire masare wapa na cohtariro jiha. Ā boca saro tirore o sehe niha:

—Yuhu mehne macariro cjihto taga mahu —niha tiro Levíre.

²⁸ To ā nichu Leví sehe jipihitia to dahraare duhunoca, Jesu mehne waha wahaha.

²⁹ Baharo Leví ya wahu bese numu Jesure yoa payoro niha. Tói payu wapa na cohtaina, paina cahu Leví mehne dujiha.

³⁰ Tina mehne Jesu cahu ti dujichu űna mahainacā fariseo curua macaina, judío masare buheina mehne sua, Jesu buheinare o sehe ni sinitu űna:

—¿Dohseana űnano yoaina, wapa na cohtaina mehne chuĵari musa? —ni tuhtiha tina.

³¹ Ti ā nichu tuhoru Jesu yuhtiha tinare. O sehe ni piti dahre buheha:

—Dohatieraina duhturure macaerara. Dohatiina dihta duhturure macana. Naare yoaina dohatiina yoaro sehe jira.

³² Ā jicu naare yoainare yahui tai nihi yuhu Cohamacure cahma duticu. Ti basi “Noaina jija sã”, ni tuhotuinare yahui tai nierahi yuhu —niha Jesu.

Chu duhuare Jesure sinituha paina
(Mt 9.14-17; Mr 2.18-22)

³³ Ā yoa mahainacā masa Jesure o sehe ni sinitu űna:

—João buheina payu tahari Cohamacure űno payoa taa chu duhura. Ā yoa, tina payu tahari Cohamacure sinina. Fariseo buheina cahu ti yoaro sehta yoara. Ti ā yoapachuta mu buheina sehe Cohamacure űno payoa taa chu duhuerara. ¿Dohse yoa ā yoerajari tina? —niha tina Jesure.

³⁴ Ti ā nichu Jesu to tuhotua mehne quiti dahre buhero taro tinare o sehe ni yuhtiha:

—O sehe jira ti: Wamomaca duhteroru ti pjirocaina wamomaca duhteriro mehne jia, chu duhu masierara. Tó sehta yu buheina cahu yuhu mehne jia, chu duhu masierara. Yuhu wamomaca duhteriro yoaro sehe jija. Wamomaca duhteriro bese numu to yoachu tiro mehne macaina chueraina jierara.

³⁵ Yu Pucu Cohamacu yuhare to naari baharo pinihtare yu buheina mehne jisi yuhu. Ā jia ti pĵaputa yu buheina cahu chu duhuahca —niha Jesu.

³⁶ Panoru macaa buhea wahma buhea mehne ti buhe more duachu űno o sehe ni namoha Jesu tinare piti dahre buhero:

—Ne wahma suhtirore mahari cahsarocā tuhrē na, munano suhtirore sere oho cahmaerara. Mari ā sere oha wahma cahsarore tuhrē cohāna nija. Ā yoa wahma cahsaro

munano suhtiro mehne cāno potori bajuerara. (Tó sehta muha buhea wahma buhea mehne piti dahre buheraro cahmana.)

³⁷ Ā yoa ne se co bisia core wahiquiro cahsaro wajuru mehne muha wajuru mehne posaeraro cahmana. Mari ā yoachu se co bisia pahmoapu muha wajurure tuhrēnocahna. To tuhnuchu se co cahu, wajuru cahu cohōa wahara.

³⁸ Ā yoa se co wahma core wahma wajuru posaro cahmana. Mari ā yoachu se co cohōera, wajuru cahu cohōerara. (Tó sehta wahma buhea muha buhea mehne buhe moreraro cahmana.)

³⁹ Muha core masa ti sihniri baharo, wahma core cahmaerara tina. O sehe nia tire masa: “Muha co wahma co bui curero noaa jira”, nia tire masa —niha Jesu tinare.

6

Sabado jichu Jesu buheina trigo parorire paha yuhdu wahcāha

(Mt 12.1-8; Mr 2.23-28)

¹ Pa dacho Sabado jichu Jesu cahu trigo wesepu suha. Tóru su, to buheina sehe trigo parorire paha, ti pohcarire sahca site boro, ti yaparire chu wahcā niha.

² Ti ā yoachu űna mahainacā fariseo curua macaina tinare o sehe ni sinituha:

—¿Dohse yoana musa Sabado mari sori numu to jipachata dahrajari? Marine dutiare yuhdurucana nina musa —niha fariseo curua macaina Jesure.

³⁻⁴ Ti ā nichu tuhoru Jesu tinare yuhtiha, (“Yu buheina yuhdurucāa nierara”), nino taro:

—Davi cĵiro tiro mehne macaina mehne ĵuca baaro, Cohamacu wuhuru sãa, Cohamacu ya pãore chuha. Ā churo tó mehne macaina cahure ti pãore chu dutiro waha. Tí pãore sacerdotea dihtare chu dutira. Cohamacu dutia ti pãore painare chu dutierara. ¿Davi cĵiro tire to yoari cĵirire buherari musa? (Tí pãore churo Cohamacure yuhdurucaro nieraha. Michare ahri yaparigere chna yu buheina cahu Cohamacure yuhdurucāa nierara.)

⁵ Yuhu masano Cohamacu warocariro ahri dacho Sabado dachore masa ti yoahitare yahurirota jicu puhtorota jija —niha Jesu.

Wamomaca buhariro quiti jira
(Mt 12.9-14; Mr 3.1-6)

⁶ Pa dacho Sabado jichu Jesu judío masa ti buheri wuhuru sãa saro, buheha masare. Tói wamomaca poto buhusehe buhariro jiha.

⁷ Mahainacā judío masare buheina, fariseo curua macaina cahu Jesure yahusā duamaha. “Sabado dachoi masunore

noariro wahachũ yoboca Jesu” ni, ñũ ñũnũ yahusã duamaha tina Jesure.

⁸ Jesu ti tãhotuare masino, buharirore õ sehe niha:

—Wahcã surucaga jipihitina ti ñurocaroi — niha tirore.

To ã niri baharo buhariro sehe wahcãrucũ su, tõi ducuha.

⁹ Æ jiro Jesu tinare õ sehe ni sinituha:

—Musare sinituhtja: ¿Sabado jichũ yabare yoa dutijari Cohamacũ dutia? ¿Noaare yoachũ noerajari? ¿O ñaare yoachũ sehere noajari, musa tãhotuchũ? Sabado jichũ masunore masochũ noa nina. Sabado jichũ masunore wajãchũ sehere noerara —niha Jesu tinare.

¹⁰ Æ nino Jesu tinare ñuroca õ pahño, buharirore õ sehe niha tjoa:

—Mu wamomacare siõrocãha —niha tiro.

To ã nichũta buhariro sehe siõroca, noari wamomaca wahaha.

¹¹ To ã yoachũ ñũa tina Jesu mehne tuaro suaha. Æ suaa õ sehe niha:

—¿Dohse yoanahcari mari ahrirore? — niha tina ti basi.

Jesu to buheinare doce to warocahtinare bese dapoha

(Mt 10.1-4; Mr 3.13-19)

¹² Ti dachorire Jesu tãcupũ Cohamacũre sinino mujaa wahaha. Tõpũ jiro, ñamine Cohamacũ mehne durucu bohreaaha.

¹³ Bohrearopũ to buheinare to cahapũ pjirocaha. Pjiroca tuhsũ, tina mehne macainare doce waro to warocahtinare bese dapoha.

¹⁴⁻¹⁵ Ahrina jiha Jesu to bese daporina: Simo jiha. Simore Pedro ni pisuha Jesu sehe. Simo bahũro Andre, Santiago, João, Felipe, Bartolomé, Mateo, Toma, Santiago jiha. Santiago sehe Alfeo macũno jiha. Æ jia Simo cananista ya curua macariro cjiro,

¹⁶ Juda Santiago macũno, Juda Iscariote tina jiha to bese daporina. Juda Iscariote sehe Jesure ñũ tuhtinare ñohtiro jiha.

Jesu payũ masare buheha

(Mt 4.23-25)

¹⁷ Æ yoa Jesu to buheina mehne tãcu buipũ jirina duji taa, payũ paina to buheina mehne duji wihirũca, noari wapai ducuha tina. Jipihitiro Judea yahpa macari macaina, Jerusalẽ macaina, Tiro wama tiri maca macaina, Sidõ wama tiri maca macaina, pjiri ma duhtũ chahi jia macari macaina masa payũ tiro cahapũ wihaha.

¹⁸ Tina Jesu buheare tãhoa taa, ti dohatiare cohãchũ cahmaha tina. Watã ti cohtotarina cãhũ tiro cahapũ wihi, noaina wahaha.

¹⁹ Jesu to tuaa mehne noaina wahachũ yoaha tinare. Æ jia tina jipihitina tirore dahra ñũa taha.

Jesu wahcheare, cahyaa cãhũre buheha
(Mt 5.1-12)

²⁰ Baharo Jesu to buheinare ñũ, õ sehe ni yahuha:

—Musa pjacũoina, puhtoro Cohamacũ to sũho jiropũ wahanahca musa. Æ jina musa wahchenahca.

²¹ Mipũre musa jucã baaina yapiina jina nahca. Æ jina wahchenahca.

Mipũ tiina jina, baharo musa bujũnahca. Æ yoa musa wahchenahca.

²² Yũhũ masũno Cohamacũ to warocariro jija. Æ jina yũ yare yoina musa jiri buhiri paina musare ti ñũ tuhtipachũta wahcheina jira musa. Musare ti cohãpachũta wahchenahca. Musare ti ñano durucupachũta “Ñaina jira”, musare ti nipachũta musa sehe wahchenahca.

²³ Musare ti ã yoachũ ñũno muanopũ musa sũchũ pjiro noano yorohca Cohamacũ musare. Æ jina tuaro wahcheina jiga. Noano yajeripohna tiina jiga. Musare ñũ tuhtiina ti coyeyã panopũ macaina tõi seheta ñano yoaha Cohamacũ yare yahu muhtaina cjiri cãhũre.

²⁴ Æ yoa musa mipũ payũ cjuaina ahri yahrapũ musa noano jinoca tuhsũre. Æ jina ñano yũhdũina jinahca musa.

²⁵ Mipũ yapiina musa jucã banahca. Musa ã jina ñano yũhdũnahca.

Mipũre musa bujũina jina baharopũ musa cahya, tiinahca. Æ jina musa ñano yũhdũnahca.

²⁶ “Cohamacũ yare yahu muhtaina jija”, ni mahũoinare “Noaina jira”, nimaha payũ panopũ macaina. Æ nimarina ti coyeyã mipũ macaina cãhũ ãta “Noaina jira”, niboca cãina musa mehne macainare. Ti ã nimarina musa jina ñano yũhdũnahca musa cãhũ —ni buheha Jesu.

Musare ñũ tuhtiina ti jipachũta tina cãhũre cahĩga

(Mt 5.38-48; 7.12)

²⁷ Æ yoa õ sehe ni buhe namoha Jesu:

—Yũhũre tãho duainare, musareta nii nija. Musare ñũ tuhtiina ti jipachũta tina cãhũre cahĩga. Musare ñũ tuhtinare noano yoaga.

²⁸ Musare “Ñano yũhdũjaro”, niina ti jipachũta noa dutiga tinare. Musare ñano yoina ti jipachũta “Tina cãhũ noano jijaro”, ni sini payoga Cohamacũre.

²⁹ Cãiro musa wahsupure to cjãchũ, pa buhũsehe cãhũre cjã dutiga tirore. Musa bui macari suhtirore to machũ musa camisa cãhũre ã wanocãha tirore.

³⁰ Músare siniriore to sinino purota waga tirore. Músa yare to nachu tirore sinituena tjia pari turi tíre.

³¹ Paina músare ti noano yoachu cahmana músa. Tinare músa noano yoachu cahmano seheta músa cūhu noano yoaga tinare. Músare ti noano yoerapachuta músa sehe tinare noano yoaga.

³² Músare cahīna dihtare músa cahīchu tí ne yaba cjihti jierara paina sehere músa cahīrachu. Naina cūhu tinare cahīna dihtare cahīna.

³³ Ā jina músare noano yoaina dihtare músa noano yoachu tí cūhu ne yaba cjihti jierara paina sehere músa noano yoerachu. Tíre naina cūhu yoaa tíre.

³⁴ Ā yoa “Yuhure wiaa tíre”, músa niina dihtare músa wasochu ne tí yaba cjihti jierara. Naina cūhu painare “Yuhure wiaa tíre”, tí niinare wasoa tíre.

³⁵ Ā jina músa sehe músare nū tuhtiina cūhure cahīga. Ā yoa, tinare noano yoaga. Pairore wasona “Yuhure ne wiasi ahriro”, ní tūhotuena tírore wasoga. Cohamacu sehe tírore jí coeraina cūhure, naina cūhure noano yoaga. To yoaro seheta yoaga músa cūhu. Músa ā yoachu Cohamacu pjíro noano yoarohca músare. Músa ā yoana Cohamacu tua yūhdūariro mūano macariro pohna jinahca.

³⁶ Mari Pucu mūano macariro to pja nūgíro seheta músa cūhu masare pja nūga — ní yahuha Jesu.

Paina cūhure “Naina jira”, niena tjiga (Mt 7.1-5)

³⁷ Ā yoa tinare ō sehe ní yahu namoha:

—Painare “Naina jira”, niena tjiga músa. Músa ā nierachu Cohamacu músa cūhure “Naina jira”, nísi. Paina músare tí nāno yoarire tí nāno níri cūhure boga músa. Músa ā bochu nūno Cohamacu músa cūhure músa nāa yoari buhíre borohca.

³⁸ Paye barore cjuana painare waga. Músa ā wachu Cohamacu músare warohca. Ā waro noano quihōno músare pjíro warohca. Wahpa yūhdūaro warohca. Painare músa wariro purota Cohamacu músa cūhure warohca —níha Jesu tinare.

³⁹ Ā ní tuhsu Jesu quiti mehne piti dahre buhero ō sehe ní yahu namoha:

—Capari nūeraina sahsero tí basi noano tuā wahcā masierara. Ā tuā wahcā, tina puaro doca wahā su bora sāa wahaahca coparu. (Tó seheta Cohamacu yare masieraina painare buhe masierara. Ā jia tina jipihtina pichacaru wahaahca.)

⁴⁰ Buheina tinare buheriore masi yūhdūacaerara. Ā jipahta jipihtina buheina tí noano buhe pahīori baharo

tinare buheriro yoaro seheta jiahca —níha Jesu.

⁴¹ Ā ní tuhsu paye quiti mehne yahu namoha:

—Mari piti dahre buhechu ō sehe yoaina jira músa: Músa coyero to capariacaru mahari pohcarocā to sāachu tí pohcarocāre noano nūna músa. Músa ya capariacare pjiri pjí to jipachuta tí pjíne ne nūerara músa. (Mahari pohcarocāre músa nūno seheta músa coyero to nāno yoaa sehere noano nūna músa. Músa basi músa nāare tuaro yoapanahita tíre masierara músa pjiri pjíne músa nūeraro seheta.) ¿Dohse jiro baro ā jijari músa?

⁴² Ō sehe niina yoaro sehe jira músa: “Coyero, mūhu nāare yoai nica mūhu. Ā jicu tíre duhuga”, niina yoaro sehe jira músa. Ā niina jipanahta pjíro nāare yoara músa sehe. ¿Dohseana músa nāare yoapanahita tíre masierajari músa? Masa tí baharo buhusehei nāno yoa cohtaina jira músa ā yoaina. Pjiri pjíne músa capariacai jiri pjíne músa na muhtaboriro seheta músa nāa yoaa sehere duhu muhtaga. Músa ā yoari baharo músa coyero to nāno yoare duhuchu yoa masiboca mahari pohcarocāre músa naboro seheta —ní buheha Jesu.

Masa tí durucuare tūhona tí jia tiare masija mari

(Mt 7.17-20; 12.34-35)

⁴³ Ā yoa piti dahre buhero ō sehe ní yahu namoha tinare:

—Noadu yucucu nāare dicha tierara. Ā yoa nāadu noaare dicha tierara.

⁴⁴ Yucucu dichare masina ture masina. Pota tídu higuera pocare dicha tierara. Ā yoa agā potacu se tōhorine dicha tierara.

⁴⁵ Tó seheta jira masu cūhu. Noariro to tūhotuapu noaa jira. Ā jiro tiro noaare yoara noadu to noano dicha tiro seheta. Nāriro to tūhotuapu nāa jira. Ā jiro tiro nāare yoara nāadu nāare to dicha tiro seheta. Mari tūhotuapu marine tí jiro seheta durucuja mari —ní yahuha Jesu.

Pua wūhu yoaina quitire yahuha Jesu (Mt 7.24-27)

⁴⁶ Ā yoa tinare ō sehe ní yahu namoha:

—Músa yūhure “Puhtoro”, nina. Ā nipahta yu dutia sehere yoerara músa. ¿Dohse jiro baro ā yoajari?

⁴⁷ Jipihtina yūhure cahmaina yu yahuare tūhora. Ā jia yu dutiare yūhdūacaerara. Ō seheta jira yūhure yūhdūacaeraina:

⁴⁸ Wūhu dahreriro yoaro sehe jira tina. Tiro cuāa coparire tāa wapai to sucharu saha, wūhure noano dapu dūcaha. Tí wūhu noano to yoari wūhu jiro dia to minichu tuaro to cotiāpachuta tí wūhu noano tjuaha.

⁴⁹ Ā jia yu dutiare tuhopahta yuhduŋcaina sehe wuhure noano yoer-
ariro yoaro sehe jira. Tí wuhure buicā dapo,
noano dahre dūcaeraha. To ā cūri wuhū jiro
dia minino to cotiāchū dóihta tí wuhū būra
wahaha. Ā jiro tí wuhū tuaro bora sū cahaa
wahaha —niha Jesu.

7

*Surara puhtoro cahamacunore to do-
hatichu Jesu noariro wahachū yoaha tirore
(Mt 8.5-13)*

¹ Tí quitire masare yahu tuhsū Jesu cāhu
Capernaupū sūha.

² Tóí jiriro cien surara puhtoro to ca-
hamacunore tuaro cahīna. To cahamacuno
sehe dohatiriro jiro, yariaro cahariro
jimaha.

³ Ā jiro Jesu to yoaare tuhoro, judio masa
būcanare Jesu cahapū warocaha puhtoro
sehe.

—Dohatirirore noariro wahachū yoai
taga —ni yahu dutiro warocaha puhtoro
būcanare.

⁴ Tina Jesu cahapū sūa, ō sehe ni tuaro
mehne yahuha tirore:

—Surara puhtoro sāre warocahre. To
cahamacunore dohatirirore to yuhduchū
cahmahre tiro. Tiro puhtoro sehe noariro
jira. To ā jichū yoadohoga tirore.

⁵ Mari ya maca macainare tiro cahīna. Ā
jiro tiro sā buheri wuhure ti yoari wapa
waware —niha būcana Jesure.

⁶ Tí ā ni yahuchū tuhoro Jesu sehe tina
mehne wahaha. Surara puhtoro ya wuhū
cahacāi to saro cahachū puhtoro sehe tiro
mehne macainare Jesure ō sehe ni yahu
dutirowarocaha:

—Puhtoro, noanohca. Tai tjiga. Noariro
jieraja yuhū. Ya wuhūi mūhure sāa ta duti-
boriro jieraja yuhū.

⁷ Ā jicu mū cahai wahaeraja. Yu ā ji-
pachūta mū masia mehne noariro wahachū
yoaga mūhū tirore. Mū ā yoachū yu ca-
hamacuno noariro waharohca.

⁸ Yuhure yu bui jina paina puhtoa dutira.
Ā jicu yuhū cāhū surarare dutija. Cūirore
“Wahaga”, yu nichū tiro wahara. Pairore
“Taga”, yu nichū tiro tara. Yu cahamacunore
“Ahrire yoaga”, yu nichū tíre tiro yoara.
(Mūhū cāhū dutirirota jira. Ā jiro mū du-
tiro seheta tiro dohatiriro yuhdurohca) —
ni yahu dutiha surara puhtoro.

⁹ To ā nichū tuhō cūaa waharo, payū masa
tiro mehne jīnare majareracū sū, ō sehe ni
yahuha:

—Mū sare niita nija. Tiro surara puhtoro
Israe masūno jierariro Cohamacure tuaro
wacū tuara. To cahamacunore yu noariro
wahachū yoahure masi tuhsura. Israe

masare ne ahriro yoaro sehe jīnare
ñuerasinija —niha Jesu.

¹⁰ To ā niri baharo surara puhtoro Jesu
cahai to warocarina sehe tí puhtoro ya
wuhupū tjuaa wahaha. Tju sū dohatiriro to
noariro jichū ñuha tina.

Jesu wapewahyoro macunore masoha

¹¹ To ā yoari baharocā Nai wama tiri
macapū Jesu to buheina mehne payū masa
mehne wahaha.

¹² Tí macare sāari sopaca cahai to sūchū
yariarirore masa na wijaa taa nija. Yari-
ariro pocoro wapewahyoro jiha. Cūirota
jiriro yariaha. Ā jia tó macaina masa payū
ticoro mehne wahaha.

¹³ To ā wahachū ñuno Jesu ticorore pja
ñuha.

—Tiieco tjiga —niha Jesu ticorore.

¹⁴ Ā nino yariariro to masa putihi ña pay-
oha. To ā ña payochū ñua tí putire wūaina
sehe sūracaha.

—Macū, yuhū mūhure ō sehe nija. Wahcā
nuju sūga —niha Jesu.

¹⁵ To ā niri baharo yariariro cjiro wahcā
nuju sū, durucuha. Ā jiro Jesu tirore to
pocorore waha.

¹⁶ To ā yoachū ñua tina jipihitina cuia wa-
haha. Ā jia tina Cohamacure ño payoa, ō
sehe niha:

—Cohamacū yare yahu mūhtariro masi
yuhduariro mipū pinihtare mari watoi jira
—niha tina.

—Cohamacū marine to yainare yoado-
horo wihi tuhsure —niha paina.

¹⁷ Ā jia jipihitina Judea yahpa macainare
tó dūhtū cahai jia macari macainare Jesu to
yoarire masa yahu site pahñoha.

*João masare bautisariro to buheinare
Jesure sinitu dutiha
(Mt 11.2-19)*

¹⁸⁻¹⁹ Ā yoa Jesu to yoarire ñua Joãoire
yahuha to buheina. Ā ti yahuchū tuhoro
pwarore tiro cahai pjiroca, Jesure sinitu du-
tiro warocaha João. Ō sehe ni sinitu dutiha:

—João “Yu baharo paio tarohca”, to
niriro tjijari mūhū? ¿To niriro mū jierachū
pairore cohtanahcari sā? —ni sinitu dutiha
João puaro to buheinare.

²⁰ Ā yoa tina Jesu cahai sū, sinituha tirore:
—João masare bautisariro mūhure sinitu
dutirowarocahre sāre. ¿João “Yu baharo
paio tarohca”, to niriro tjijari mūhū? ¿To
niriro mū jierachū pairore cohtanahcari sā?
—ni sinituha tina Jesure.

²¹ Tí pjata payū dohatinire, watīa ti co-
htotainare, capari ñuerainare noaina wa-
hachū yoaha Jesu.

²² Ā jiro João warocainare Jesu ō sehe ni
yūhtīha:

—Mipare mäsä ñurire mäsä tåhorire Joåore yahuna wahaga: Ö sehe niga: “Capari ñueraina ñuna. Tini masieraina tinina. Cami bucü baaina noaina wahara. Tuho bocaeraina tuhoä wahara. Yariaina masaa wahara. Tina jipihtinare noaina wahachü yoahi yühü. Ä yoa pjacüinare noaa buheare yahuja.

²³ Yühäre tåhoriro ‘Potocä tjira’, niriro tiro wahcheriro jira”, Joåore ni yahuna wahaga —niha Jesu.

²⁴ Joåo buheina ti wahari baharo Jesu sehe Joåo to jia tiare yahu dücaha payä masare:

—Masa marienopü süna tjare wihnono to wåroca cohtotachü yoariro sehta to buheare cohtota müjarirore ñuna süerare mäsä. Ä yoariro jierare Joåo.

²⁵ “Noa suhti tirirore ñuna wahajihna”, nierare mäsä masa marienopü wahana. Noaa suhti tiina wapa bujüare cjuaina puhtoä ya wuhüsepü jira. Masa marienopü jierara.

²⁶ Masa marienopü süna Cohamacü yare yahu mühtarirore ñuna sühre mäsä. Potocä tjira. Joåo Cohamacü yare yahu mühtariro jira. Paina Cohamacü yare yahu mühtaina yuhdoro jiriro jira tiro.

²⁷ Panopü Cohamacü yare ti joari püi Joåore ö sehe ni yahu joaa tiha:

“Mari Püca to macünoe ö sehe niha: ‘Mü pano mühare yahuyühtirore warocai nija’, niha Cohamacü”, ni yahu joaa tiha panopüre Joåore.

²⁸ Müsare potocä niita nija. Paina jipihtina bui jira Joåo. Ahri turupäre to ä jipachüta müanopüre Cohamacü masare puhtoro to noano süho jiropüre jipihtina docapü jiriro pinihta Joåo bui jira —niha Jesu masare.

²⁹ To ä nichü tuhoä jipihtina masa, puhtoä ya cjihtire wapa na cohtaina mehne Joåo to bautisarina jia ö sehe ni tuhotuha Cohamacüre. “Cohamacü quihöno yoariro jira”, ni tuhotuha tina.

³⁰ Fariseo curua macaina sehe judio masare buheina cühü Joåo to bautisanohrina ji duaeraha. Ä jia tinare Cohamacü to yaina to yoa duachü cahmaeraha.

³¹ Ä yoa Jesu pari turi ö sehe ni yahuha:

—¿Mipü macaina masa yabaina yoaro sehe jijari tina, mäsä tuhotuchü?

³² Tina macanacä yoaro sehe jira. Paina ti cahmano sehe ti yoerachü tö wahaerara tinacäre. Pache duaropü pape dujia, ö sehe ni pisurucura tinacä ti basi: “Mäsä basahti cjihtire sä putipemahi. ¿Dohseana mäsä basaerari sä türe putipechü? Sä tuaro ñahacaha tüpe, sañurucumahi. ¿Müsä sehe dohseana sä mehne tüperari?” nirucüina yoaro sehta jira mipü macaina cühü. (Mipü

macaina ti cahmano sehta sä yoerachü ñüa tö wahaerara tina cühü.)

³³ Joåo bautisariro Cohamacüre ño payoro taro ne chüeraro, vinore sihniere. To ä sihnierechü ñüna “Watüno to cohtotariro jira”, nimahre mäsä tireore.

³⁴ Yühü masüno Cohamacü warocariro jicü, yuhü chü sihniä. Yu ä yoachü ñüna ö sehe nina mäsä yuhü sehere. “Ñüga. Ahriro pjüro chüriro, cahariro jira. Puhtoä ya cjihtire wapa na cohtaina, ñano yoaina cühü ti piti tiriro jira ahriro”, nina mäsä yühäre. Ä nina macanacä yoaro sehe durucüina jira mäsä. (Müsä cahmano sehe sä yoerachü tö wahaerara müsare. Ne wahcherara müsä.)

³⁵ Ä masierapanahä sä yoa ñorire ñüna, Cohamacü yare sä masichü masinahca müsä —ni yahuha Jesu.

Simo wama tiro fariseo curua macariro ya wühü jiha Jesu

³⁶ Fariseo curua macariro to wühüpu chü dutiro pjüha Jesure. To ä pjichü Jesu to ya wühüpu sü, ti chüri mesa cahai nuju süha.

³⁷⁻³⁸ Tü macapüre ñaare ñaare yoarucuricoro cjiro jüha. Jesu fariseo curua macariro ya wühüpu to dujichü ticoro tuhoä. Ä tuho tuhsü alabastro mehne yoariare me sitia posa tiriare na ta, Jesu baharo buhüshei wihi tarüca, tiha. Ä tiro Jesu dahporire to yahco co mehne wayo, to pjoari mehne pahä cohäha. To dahpori wüachü ñü ticoro to dahporire wihmi, me sitia mehne pio payoha.

³⁹ To ä yoachü ñüno fariseo curua macariro Jesure pjiriro to basi ö sehe ni tuhotumaha: “Ahricoro tireore ñaha ñüricoro ñaare yoarucuricoro jira. Ahriro Jesu Cohamacü yare yahu mühtariro jiro türe masiboa”, ni tuhotumaha.

⁴⁰ To ä ni tuhotuare masino Jesu ö sehe ni yahuha tireore:

—Simo mipü pinihtare mühare yahu duaja —niha Jesu.

—Buheriro, ¿yühäre dohse ni yahu duajari mühä? —ni yuhtüha Simo.

⁴¹ To ä nichü Jesu ö sehe ni piti dahre buhe yuhtüha:

—Puhtoro püaro wapamoina jüha. Cüiro wapamiriro quinientos niñeru türire wapamoha. Pairo sehe cincuenta niñeru türire wapamoha.

⁴² Ä jia tina ti wapamoare ti wapa bihoerachü ñüno puhtoro ti wapamoare wapa dutieraha. ¿Mipü pinihtare diro sehe wapamiriro sehe to puhtoro cahü yuhdürohcarü? —ni sinituha Jesu.

⁴³ Simo ö sehe ni yuhtüha:

—Buah, pjüro wapamiriro mahanoä wapamiriro yuhdoro to puhtoro cahü yuhdüboca —niha Simo.

—Potocã ni yũhtihre mũhũ yũhũre —niha Jesu.

⁴⁴ Ā ni tuhsũ tirore pio payoricorore majare ñũ, Jesu Simore ò sehe ni yahu namoha:

—Ahricorore ñũga mũhũ. Mũ ya wũhũpũ yũ sãa wihiri baharo yũ dahporire cosahti core yũhũre waerare mũhũ. Ahricoro sehe to yahco co mehne yũ dahporire wayo, to pjoari mehne pahã cohãhre yũhũre.

⁴⁵ Mũhũ sehe yũhũre piti boca wihmierare. Ahricoro sehe òi yũ dujiro puro yũ dahporire wihmihre.

⁴⁶ Mũhũ sehe yũ dapure se mehne pio payoerare. Ticoro sehe yũ dahporire me sitia mehne pio payohre.

⁴⁷ Ā nicũ mũhũreta yahui nija. Ahricoro to ñaa yoari cjiri payũbia jira. Ā jiricoro jiparota ticoro tuaro cahĩhre yũhũre. Ā jicũ ñaare to yoari buhirire cohãhi. Ā jia ñaare ti yoari buhirire mahanocã yũ cohãnohrina mahanocã cahĩna yũhũre —niha Jesu Simore.

⁴⁸ Ā ni tuhsũ tiro ticorore ò sehe ni yahuha:

—Mĩpũ pinihtare ñaare mũ yoari buhirire boja —niha Jesu.

⁴⁹ To ã nichũ tuhoa Jesu mehne dujiina ti basi ò sehe ni durucuha:

—¿Dohse jiriro baro jijari ahriro ñaa buhirire boriro? —niha tina ti basi.

⁵⁰ Ā ni tuhsũ, Jesu numinore ò sehe ni yahuha:

—Yũhũre mũ wacũ tuachũ mũhũre pichacapũ wahaboricorore yũhũdoja. Cũiro marieno mũ wũhũpũ tjuaa wahaga —niha Jesu ticorore.

8

Numia Jesure yoadohoha

¹ Baharo bũjũna macaripũ daa macaricãpũ cãhũre sũ, Cohamacũ masare pũhtoro to noano sũho jiare noaa buheare yahuha Jesu. Doce to buheina sehe tiro mehne jiha.

² Ā yoa numia cãhũ watĩa ti cohtotari numia cjiri, dohatia numia cjiri Jesu noaa numia to yoari numia tiro mehne tiniha. “Marĩa”, ti nimaricorore “Magdalena”, ni pisua tiha ticorore. Ticorore siete watĩare Jesu cohã wioha tó pano. Ā jiro ticoro cãhũ Jesu mehne tiniha.

³ Cũza wama tiri Heroderẽ dahra cohtaina pũhtoro cjiro namono Juana cãhũ Jesu mehne tiniha. Susana wama tiri-coro cãhũ paye numia mehne payũ ti cjũaa mehne tirore yoadohoha.

Jesu wesere toari masũno quitire yahuha
(Mt 13.1-9; Mr 4.1-9)

⁴ Ā yoa payũ macari macaina Jesu cahapũ cahmachuha. Ti ã cahmachuri baharo Jesu

to tuhotua mehne quti dahre tinare ò sehe ni yahuha buhero taro:

⁵ —Toari masũno toaro, to toaa yaparire doca site cũno wahaha. To ã doca site cũ wahcãchũ paye yapari mahai bora caha sũha. Ti ã bora caha sũchũ paye yaparire masa tũ diho cũha. Ā jia paye yaparire minichahca duji ta, chãnocaha.

⁶ Ā yoa paye yapari sehe tãa wapa bui dihta se mininocã bui bora caha sũha. Tĩ yahpãpũ co mariaha. Ā jia tĩ yapari du wija tarucuma ñaia wahaha.

⁷ Paye yapari sehe tja watoi bora caha sũha. Tja sehe tĩ toaa mehne duha. Tja sehe dia yũhdũa waha, toaare wajãnocaha.

⁸ Paye yapari noari yahpai bora caha sũha. Noano dua jia noano dicha tiha. Ā jia payũ dicha tiha —niha Jesu.

Ā ni tuhsũ ò sehe tuaro ni namoha:

—Ahrire tuho duaina noano tuhoga mũsa —niha tiro.

Jesu quti mehne to buherire yahuha
(Mt 13.10-17; Mr 4.10-12)

⁹ Baharo to buheina tĩ quitire masi duaã, Jesure ò sehe ni sinituha:

—¿Ahri quti mehne dohse ni yahui nijari mũhũ? —ni sinituha tina.

¹⁰ Ti ã nichũ Jesu ò sehe ni yũhtiha:

—Cohamacũ masa bui pũhtoro to noano sũho jiare panopũ paina ti masierari cjirire mũsare masichũ yoaohca Cohamacũ. Paina sehere ã yoaerara tiro. Tinare quti mehnetã buheihũtja. Yũ ã yoaachũ tina yũ buheare tuhopahta masisi —niha Jesu to buheinare.

Jesu wesere toari masũno quitire yahu pahũoha

(Mt 13.18-23; Mr 4.13-20)

¹¹ Ā ni tuhsũ tinare ò sehe ni yahu namoha:

—Ò sehe ni yahura ahri quti: Toaa yapari noaa buhea yoaro sehe jira.

¹² Ā yoa maha dũhtũ cahai boraa yapari sehe noaa buhea yoaro sehe jira. Cãina masa noaa buheare ti tuhochũ ñũno watĩno sehe ta, tĩ buheare masi dutierara masare, minichahca tĩ yaparire ti chũ cohãno seheta yoaro. To ã yoaerachũ tina Cohamacũre wacũ tuaboa. Ti ã wacũ tuachũ ñũno Cohamacũ sehe tinare pichacapũ wahaborinare yũhdoboa.

¹³ Ā yoa tãa wapa bui dihta se mininocã bui boraa yapari noaa buhea yoaro sehe jira. Ā jia masa noaa buheare tuho, wahchea mehne tĩre tuho nũnũ wahcãna. Ā tuho nũnũpahta tãa wapa buicã jia yucũ nũhcori mariea yucũ yoaro seheta ahriina masa cãhũ yoari pja cãno pjaerara. Ā cãno pjaeraa yũ yare ti cahmari buhiri

paina tinare ti ñano yoachũ ñua yũ yare duhunocahna.

¹⁴ Æ yoa tja watoi boraa yapari noaa buhea yoaro sehe jira. Æ jia masa noaa buheare tuhopahta, ahri yahpa macaare wacũ nunũ yuhũara. Niñerure bujua cahma, paye baro cãhure payũ cahma, tĩre goa pja yuhũara tina. Ti Æ yoachũ ti sehe noaa buheare ducatarara. Ti Æ ducatachũ masa noaa sehere yoaerara. Dicha maria yucũ yoaro seheta jira.

¹⁵ Æ yoa noari yahpai boraa yapari noaa buhea yoaro sehe jira. Æ jia masa noaa buheare tuhoa, noano mehne ti buheare yuhũarũcaerara. Æ jia yucũu dicha tiro seheta noaa buheare tuhoina sehe Cohamacũ to cahmano seheta noaare yoara —niha Jesu.

Jesu sihãria quitire buheha
(Mr 4.21-25)

¹⁶ Æ ni tuhsũ paye quiti mehne piti dahre buheha tiro:

—Ne sihãriare ti sihãri baharo tiare dihi biato docai cũerara masa. Æ yoa tiare coãri casario docai cũerara. Mũanopũ tiare duhu payora wuhũpũ sãa taina ti noano ñũ sãahto sehe.

¹⁷ Jipihti ti masierari cjirire baharo masa masiahca. Sihãria to buhriachũ mari ñũ masino seheta panopũ ti masierari cjirire masiahca masa.

¹⁸ Æ jina mũa tuhona noano tuho nunũga. Noano tuho nunũgĩro, noano masinohca. Tuho nunũgerariro “Mahanocã tuhoja”, to nipachũta ti sehere boa waharohca —niha Jesu.

Jesu coyea tirore pjiha
(Mt 12.46-50; Mr 3.31-35)

¹⁹ Baharo Jesu bahana ti pocoro mehne tiro cahapũ wahaa nimaha. Masa payũ jichũ to cahapũ sũeraha.

²⁰ Æ jiro cãiro Jesure õ sehe ni yahuha:

—Mũ poco mũ bahana mehne sopacapũ ducuhre. Mũhũre ñua taa niyuhti —niha tiro Jesure.

²¹ To Æ nichũ Jesu õ sehe ni yahuha jipihinare:

—Cohamacũ ya buheare tuhoina, tĩre yuhũarũcaeraina tinata yũ poco yũ bahana yoaro sehe jira —niha Jesu tinare.

Jesu wihnonore yũsũ dutiha
(Mt 8.23-27; Mr 4.35-41)

²² Pa dachoi Jesu to buheina mehne doho-riapũ samu:

—Basa, pahãjihna —ni, tina jipihina tia mehne bucũparĩropũ pahãa wahaha.

²³ Æ pahãno carĩa wahaha Jesu. Ti Æ pahãrucuchũ waro tuaro wihnono taha. Wihnono to tachũ bujua pahcõri wahcã, tinare

mionocamaha. Æ to wahachũ minihto cua yuhũhaha tinare.

²⁴ Æ wahachũ ñua Jesu cahai waha, tirore wahcõha.

—Buheriro, mari mini yariana tana nijã —niha tina.

Ti Æ nichũ Jesu sehe wahcã, wihnonore “Tõ purota wã duhuga”, niha. Æ ninota pahcõri cãhure “Yũsua wahaga”, niha. To Æ nichũta wihnono yuhũua wahaha. Æ yoa pahcõri cãhũ yũsũ boraa wahaha.

²⁵ Æ wahari baharo Jesu tinare õ sehe niha:

—¿Mũa yuhũre wacũ tuaerasinijari? —niha tiro.

To Æ nichũ tina sehe cui, cuaa waha, ti basi õ sehe ni durucuha:

—Cue, ¿dohse jiro baro masũno jijari ahriro? Ahri wihnono, pahcõri cãhũ to dutichũ yuhũarũcaerara tirore —niha tina ti basi.

Watĩa ti cohtotarirore noariro wahachũ yoaha Jesu

(Mt 8.28-34; Mr 5.1-20)

²⁶ Æ yoa tina sie copapũ Gerasa macaina ya yahpapũ pahã sũha. Ti yahpa Galilea yahpa potoihta jiha.

²⁷ Tõĩ Jesu to maja sũrucũ sachũ waro tõ macariro watĩa ti cohtotariro tiro cahapũ taha. Tiro yoari pja suhti marieriro jiro, to wuhũpũre ne jieraha. Æ yoa masa copari tãa copari watoi jia tiha tiro.

²⁸⁻²⁹ Æ jia payũ tahari watĩa tirore ñahaha. Æ jiro tiro peresui to jichũ to wamomacarine dahporire comaa dari mehne dahteriro jiparota, tiro ti darire nuha mũjaha. Æ yoa watĩa sehe tirore masa marienopũ na wahcãa tiha. Æ yoa tiro Jesure ñũroca õ tuaro saũurucu, Jesu panoi na tuhca cahã sũha. To Æ yoachũ ñũno Jesu sehe tirore õ sehe ni dutiha:

—Watĩa, duhuga ahrirore —niha Jesu.

To Æ nichũ tuhoro watĩa ti cohtotariro tuaro saũurucu, õ sehe ni sinituha Jesure:

—Jesu, ¿Cohamacũ jipihina Bui jiro macũno yabare yoai tai nijari mũhũ yuhũre? Yuhũre, ñano yoai tjiga —niha watĩa ti cohtotariro.

³⁰ To Æ nichũ Jesu sehe õ sehe ni sinituha tirore:

—¿Yabariro wama tijari mũhũ? —niha.

Payũ watĩa tiro mehne jiha. Æ jiro õ sehe niha watĩa ti cohtotariro:

—Watĩa payũ wama tija sã —ni yũhtihã watĩa ti cohtotariro tiro.

³¹ —Cuãri copapũ sãre waha dutiecũ tjiga —ni, tuaro siniha watĩa sehe.

³² Ti pjare tõi tãcũ dahpotoi yesea payũ chũa niha. Ti tõi chuchũ ñua watĩa õ sehe ni siniha Jesure:

—Sina yesea cahapu warocaga sãre ti pjacuripu sã sãahto sehe —ni siniha watia.

Ti ã sinichu tuhoro “Jai. Wahaga”, niha Jesu.

³³ To ã dutichu, watia masãno mehne jirina cjiro sehe wahaa, yesea pjacuripu sãa wahaha. Æ yoa tinare ti sjãari baharo, yesea jipihtina bucpariro duhtu cahapu pari canpu meroa buha, ti taropu bora ñoja, mini yaria pihtia wahaha.

³⁴ Yeseare ñu wihboina yesea ti ã minichu ñua, cui, meroa wahaha. Æ meroa wahcã pjiri macapu cãhure, daa macaricãpu cãhure tãre ti ñãrire yahu sitea wahaha.

³⁵ Ti ã yahuchu tuhoo, masa sehe payu ti ã waharire ñua wahaha. Æ jia Jesu cahai su, watia ti cohtotariro cjirore to suhti tiro, tuhoo masiriro to dujichu ñua tina. Ti jipih-tiare ñua, tina cui niha.

³⁶ Watia ti cohtotariro cjiro noariro to waharire ñuina, ti ñãrire painare noano yahu pahãoha.

³⁷ Ti pjata Gerasa yahpa macaina payu Jesure tuaro cuia, tirore pa sehepu waha dutiha. Ti ã waha dutichu Jesu dohoriarpu samu, waharo taro niha.

³⁸ Watia ti cohtotariro cjiro Jesu to wahahto pano tuaro siniha tirore:

—Mũhu mehne waha duaja —ni sinimaha.

³⁹ To ã nichata Jesu tirore õ sehe ni yuhtiha:

—Mu ya macapu wahaga. Æ wahacu Co-hamacu mũhure to yoirire yahuga painare —niha Jesu.

To ã niri baharo waha to ya macapu sũro watia ti cohtotariro cjiro sehe Jesu tirore to yoirire jipihtina to ya maca macainare yahuha.

Jairo maconore yũhũchũ yoa, cahã ñãricoro cãhure yũhũchũ yoaha Jesu

(Mt 9.18-26; Mr 5.21-43)

⁴⁰ Pari turi Jesu ti bucpariropu pahãa wahaha tjoo. To pahã tariroputa masa payu tirore cohtaa niha. Æ cohtaa, tirore piti bocasiniha wahchea mehne.

⁴¹⁻⁴² Tõi judio masa buheri wũhu puhtoro Jairo wama tirore Jesu cahai su, to dahpori cahai na tuhcuca caha sũha tirore ño payoro. To macono yariaro niha. Ticoro cũcorota jiricoro doce cahmari cjaricoro jiha. Æ jiro tiro to ya wũhũpu Jesure pji wahcãha. “Jai” ni, tiro mehne wahaha Jesu cãhu.

Mahai ti ã wahachu payũbia masa tirore nunu ti wahcã, bihsaro sũrucu sũha tirore.

⁴³ To ã bihsaro wahachu numino doce cahmari waro ã cahã ñũrucuricoro tõi jiha. Tõ pano duhturuare jipihtia to niñeru mehne wapamaha ticoro co wa dutiro. Ti ã co wapachata mnanota jirucunocaha ticoro.

⁴⁴ Æ jiro ticoro Jesu baharo masa payu watoi wihi, Jesu suhtirore to ñaha ñuchata to cahã ñua pihtia wahaha.

⁴⁵ To ã ñaha ñuchu tuhuturo Jesu õ sehe ni sinituha:

—¿Noa yu suhtirore ñaha ñuri? —niha tiro.

Jipihtina “Yoaerahi”, niha. Æ jia Pedro cãhu õ sehe niha:

—Buheriro, bihsa nina. Æ jia masa payu mũhure pihanocahna. ¿Dohseacu ã ni sinitu-jari mũhu? —niha tina Jesure.

⁴⁶ Ti ã nichu Jesu õ sehe ni yuhtiha:

—Michapucacã yũhu noaricoro wahachu yoahi cãcorore. Æ jicu yũhure to ñaha ñuchu masija —niha tiro.

⁴⁷ To ã nichu tuhoro ticoro duhti masier-aro, teterericoro Jesu cahai na tuhcuca caha sũha tirore ño payoro. Æ jiro jipihtina masa ti tuhoro to dohatiare, Jesure to ñaha ñãrire to noaricoro to waharire yahuha ticoro.

⁴⁸ To ã ni yahu tuhsũchu Jesu ticorore õ sehe ni yahuha:

—Maco, yũhure mu wacũ tuua mehne noaricoro tjuara mipũge. Wahchea mehne wahaga —niha ticorore.

⁴⁹ To ã nino watoi Jairo ya wũhu jiro yahuho wihiha:

—Mu macocã yariaa wahahre. Æ jicu buherirore pji tai tjiga —niha tiro.

⁵⁰ To ã nichu tuhoro, Jairore õ sehe ni yahuha Jesu:

—Cahya tuhoutu tjiga. Yũhure wacũ tuaga. Tĩ dihtare yoaga. Mu ã yoachu ticorocã masaa waharohca —niha Jesu.

⁵¹ Æ ni tuhsu to wũhũpu su, Pedro, João, Santiago, dohatiricoro pũcsũma tõeinata na sãaha. Paina sehere Jesu sãa dutieraha.

⁵² Tõi jipihtina masa ti ñahacaha tiuro watoi sãa sũha Jesu.

—Tiiena tjiga. Ticorocã yariaerare. Carĩno nica —niha tiro.

⁵³ To ã nichu tuhoo tina sehe ticoro yari-ricoro to jichu masia, Jesure bujũha. “Æ nimacanocano nina”, ni bujũha.

⁵⁴ Æ yoa Jesu ticorocã wamomacare ñaha, õ sehe ni pisuha:

—Maharicorocã wahcãga —niha.

⁵⁵ To ã nichata yariaricoro masaa waha, ti pjata wahcãrucu sũha ticorocã. To wahcãri baharo Jesu ticorore chũare wa dutiha.

⁵⁶ To ã masachu ñua to pũcsũma ñũ sũaa wahaha. Æ jiro Jesu tãre painare yahu dutieraha.

9

Jesu doce to buheinare buhe dutiro warocaha

(Mt 10.5-15; Mr 6.7-13)

¹ Ā yoa Jesu doce to buheinare pjiroca, to tuare waha tinare. Watfare ti cohāhti cjihtire, dohatiinare noaina ti yoahti cjihtire to tuare waha tinare.

² Ā yoa tuhsu tinare Cohamacu masare puhtoro to noano suho jiare buhe dutiro, dohatiinare noaina wahachu yoa dutiro warocaha tinare.

³ Ō sehe ni dutiha Jesu tinare:
—Musa wahana paye barore naaena tjiga. Tjuadure, wajure, chuare, niñerene naaena tjiga. Musa sāano dihtare sāa wahcāga. Paye suhtire naaena tjiga.

⁴ Jipihtia macaripu musare ti carino wachu ti wuhūhta jinocasiniga. Coā wahanapu wijaahga ti wuhure.

⁵ Paye macari macaina musare ti cahmaerachu ñuna ti macarine yuhdu wahcāa wahaga. Ā wahana musa dahpori macaa dihta pohcari mene wajā site cūga musa tinare ti ya buhirire masichu yoana —niha Jesu.

⁶ To ā niri baharo to buheina sehe waha, jipihtia macariperu noaa buheare yahu tinia tiha. Ā yoa dohatiinare noaina wahachu yoaa tiha.

*Jesu to yoirire Herode tuhoha
(Mt 14.1-12; Mr 6.14-29)*

⁷ Ā yoa Herode Galilea yahpa macaina puhtoro Jesu yoirire tuhorocaha. “¿Diro baro jijari tiro Jesu?” niparota ne masieraha. Cāina ō sehe nimaha Jesure: “Joāo masare bautisariro cjiro pari turi bajuaro nica. Ā jiro ‘Jesu’, ti niriro tiro tjira”, nimaha cāina. Ti ā nichu tuhoro Herode Jesure dohse ni masieraha.

⁸ Paina “Tiro Elia cjiro mipu bajuaro nina”, nimaha. Paina sehe “Cohamacu yare yahu mūhtaina panoru macaina mehne macariro cjiro mipu bajuaro nica”, nimaha Jesure.

⁹ Ti ā ni durucupachata ō sehe ni tuhotuha Herode sehe: “Joāo dapure date ta duti tuhsuhi yahu. ¿Mipure jiriro masa ti yahuriro diro baro jibocari tiro sehe?” ni tuhuturo tiro Jesure ñu duamaha.

*Jesu cinco mil bui masare chaa waha
(Mt 14.13-21; Mr 6.30-44; Jn 6.1-14)*

¹⁰ Ā yoa Jesu to warocarina tiro cahapu tju suā, ti yoirire yahuha Jesure. Ti yahu tuhsuchu Jesu tina dihtare Betsaida wama tiri macapu suho wahamaha.

¹¹ Ti waharire masia, masa payu tinare nūnu ti wahcāha. Jesure ti mu suchu ñūno piti bocasiniha Jesu tinare. Ā jiro tiro Cohamacu masare puhtoro to noano suho jiare tinare yahu, dohatiinare noaina wahachu yoaha.

¹² Ñamichahapu doce to buheina tiro cahapu su, Jesure ō sehe ni yahuha:

—Ō masa marienoru jira. Ō majano macaa macaripu, daa macaricāpu cūhure ahrina masare warocaga. Carīa ti chuhti cjihtire maca dutiga tinare —niha tina Jesure.

¹³⁻¹⁴ Ti ā nichu Jesu ō sehe ni yūhtiha tinare:

—Ā nienata chuare waga tinare —niha.

To ā nichu tuhoha tina ō sehe ni yūhtiha:

—Cū wamomaca pihtia pāo curiri, puaro wahi tō purocāta cjuaja mari. ¿Ahrina payu masa ti chuhti cjihtire nuchubocari sā? —niha to buheina.

Payu masa ti jichu ñua ā niha to buheina. Tōpūre cinco mil muā jiha. (Numia, macanacā cūhu jiha.) Ā jiro Jesu ō sehe ni yahuha to buheinare:

—Cincuenta masare cū curuai duji dutiga. Paye curuari cūhure tōpeinata duji dutiga —niha Jesu to buheinare.

¹⁵ To ā nichu to buheina to dutiro seheta yoa, jipihtina masare duji dutiha.

¹⁶ Duji duti tuhsu Jesu cū wamomaca pihtia pāo curirire puaro wahi mehne na, muanoru ñua. Ā ñūno Cohamacure “Noana”, niha. To ā niri baharo pāo curirire nuha, to buheinare masare witi dutiro waha.

¹⁷ Ti ā witi tuhsuchu, tina jipihtina masa chu, yapi yuhdua wahaha. Ti yapi wahy-orire doce puhuse waro wahpo dapoha to buheina.

*Jesu potocā Cristo to jiare Cohamacu warocariro to jiare yahuha Pedro
(Mt 16.13-19; Mr 8.27-29)*

¹⁸ Cū dacho Jesu cāirota jiro, Cohamacure sinino niha. To ā sinino watoī to buheina tiro cahapu suha. Ā jiro Jesu ō sehe ni sinitu ñua tinare:

—¿Diro baro jicari yahu masa yuhure ti tuhotuchu? —ni sinitu ñua.

¹⁹ To ā sinituchu tuhoha to buheina ō sehe ni yūhtiha:

—“Joāo masare bautisariro jira”, nina muhure. Paina “Elia cjiro jira”, nina. Paina “Panoru macariro Cohamacu yare yahu muhtariro cjiro masa wijariro cjiro jira”, nina muhure —ni yūhtiha to buheina sehe tiore.

²⁰ Ti ā niri baharo Jesu tinare ō sehe ni sinitu ñua tjoa:

—¿Musa sehe musa tuhotuchu diro baro jicari yahu? —ni sinitu ñua tjoa.

—Muhu Cristo Cohamacu warocariro jira —ni yūhtiha Pedro.

*Jesu to yariahto cjihtore yahuha
(Mt 16.20-28; Mr 8.30-9.1)*

²¹ Ā yoa Pedro “Cristo jira muhu”, to nirire painare Jesu yahu site dutieraha to buheinare.

²² Ā ni yahu site dutiera tuhsu ō sehe ni namoha:

—Yũhũ masũno Cohamacũ warocariro wato noano yũhdũihca. Āta yũhdũro cahmana yũhũre. Ā jia mari coyea judio masare buheina, bũcũna, sacerdotea puhto mehne yũhũre cahmaera, yũhũre wajãahca. Ti Ā wajãri baharo tia dacho wahaboroi masa mũjaihca —niha Jesu tinare.

²³ Baharo jipihinare õ sehe ni yahuha Jesu:

—Cãiro yũ yairo ji duaro, to cahmano yoa duamarine duhunocanoũca. Ā yoa crusapũ yũ ñano yũhdũhtiro seheta yũ yairo to jiri buhiri ñano yũhdũparota yũhũre duhusi. Ā jiro yũ yare yoarucuriro jirohca.

²⁴ Masũno yũhũre wacũno marieno to mũ sũro to cahmano seheta yoiri pichacapũ tiro waharohca. Ā jiro yũ yare Ā yoarucuriro jipihina dachoripe yũhũ mehne mũanopũ jirucurohca.

²⁵ Ācãiro masũno ahi yahpa macaare jipihinare cjuarigo Cohamacũre cahmaeraro pichacapũ waharo yabare wapatajari tiro? Ā jiro ne wapataerara.

²⁶ Cãina yũhũre, yũ buheare bũo tiboca. Ti Ā yoachũ ñũca yũhũ cũhũ yũhũre Ā yoinare bũo tisãaihca. Yũhũ masũno Cohamacũ warocariro noana anjõa ti si sitea mehne, yũ si sitea mehne, yũ Pũca to si sitea mehne tjua tacũ tinare bũo tisãaihca.

²⁷ Potocã niita nija mũsare. Mipũre cãina mũsa õpũre jiina mũsa yariahto pano Cohamacũ jipihitina bui puhtoro noano to saho ji dũcacũhũ ñũnahca —niha Jesu tinare.

Jesu pjacũ cohtotaha
(Mt 17.1-8; Mr 9.2-8)

²⁸ Ā yoa ocho dachori tũre to yahuri baharo Jesu Pedrore, Joãore, Santiagore tina dihtare pjihã. Ā yoa waha, Cohamacũre sinia waha, tũcũpũ mũjaa wahaha tina.

²⁹ Cohamacũre to sinino watoi Jesu wũhdũca cohtotaha. To Ā cohtotachũ to suhtiro minoari suhtiro noano yehseri suhtiro wahaha.

³⁰ To Ā waharo watoi pũaro mũa tiro mehne durucua niha. Durucua sehe Elia cjiro, Moise cjiro jiha.

³¹ Tina mũano macaa si sitea mehne bajuaha. Jesu baharocãta Jerusalẽpũ to yariahtore tina Jesu mehne durucua niha.

³² Pedro cãhũ wũjo caha yũhdũaha. Ā carĩpahta cãa wahcã wihi Jesu to si siteare ñũa, pũaro tiro mehne ducua cãhũre ñũha.

³³ Moise cjiro cãhũ ti wahahto panocã Pedrose Jesure õ sehe nimaha:

—Puhtoro, mari õre jichũ noa duara. Tia wũhũcã yoanajtja. Mũ ya wũhũcã, Moise ya wũhũcã, Elia ya wũhũcã yoanajtja —nimaha Pedro.

Ā nĩparota to nĩrire ne masieraha.

³⁴ To Ā ni durucuro watoi tinare me curua duji boro pja sũha. To Ā duji boro pja sũchũ ñũa tina cũa wahaha.

³⁵ Tuhsũ, me curua puhichapũ õ sehe ni durucuro coa taha:

—Ahriro yũ macũ, yũ beseriro jira. Noano tũhoga tĩrore —nino coa taha me curua puhichapũ.

³⁶ To Ā nino coa tari baharo Jesu dihtare ñũha tina. Baharo ti ñũrire painare yahueraha. Ne cãirore yahueraha.

Jesu watĩno to cohtotarirocãre noariro wahachũ yoaha

(Mt 17.14-21; Mr 9.14-29)

³⁷ Pa dachoi tina tũcũpũ ti duji tachũ payũ masa Jesure piti bocaha.

³⁸ Ā jiro tina mehne macariro Jesure õ sehe ni pisuha:

—Buheriro, mũhũre tuaro ahrĩre sini duaja yũhũ. Yũ macũ cãirota jira. Ā jicũ tĩrore ñũbasaga mũhũ.

³⁹ Watĩno tĩrore ñaha, sañurucuchũ yoa, tunu teterechũ yoa, sahpo tua wahachũ yoaa tĩhre. Ā yoarõ watĩno yũ macũre ñano yũhdũchũ yoa, ne duhu duaerara.

⁴⁰ Mũ buheinare watĩnoreh cohã wio duticũ tuaro sinimahi. Yũ Ā sinipachũta tina sehe tĩrore cohã wio masierare —niha tiro Jesure.

⁴¹ To Ā nichũ Jesu sehe õ sehe niha:

—Mipũ macaina mũsa ñaina jira. Ā Yũhũre ne wacũ tuaeraputajari? Yoabiari pja mũsare buhemaja yũhũ. Ā Noho puro yoiari pja yũhũre mũsa caribobocari? —ni tuhtihã Jesu.

Ā ni tuhsũ watĩno ti cohtotariro pũcũrore õ sehe niha:

—Mũ macũre na tahga —niha.

⁴² To Ā niri baharo to macũno Jesu cahapũ to tarõ watoi watĩno sehe tĩrore yahpapũ doca caha sũ, tunu teterechũ yoaha. To Ā yoachũ Jesu watĩnoreh wijaa dutiha. To Ā wijaa dutichũ watĩno sãarĩrocã noariro wahaha. Ā jiro Jesu sehe tĩrocãre wiaha to pũcũrore.

⁴³ Cohamacũ tuaa mehne noariro to wahachũ ñũa, jipihitina masa cãaa wahaha.

Pari turi Jesu to yariahtore, to masah-tore yahuha

(Mt 17.22-23; Mr 9.30-32)

Masa Jesu to yoirire ti ñũ, cãaa wahachũ Jesu sehe to buheinare õ sehe ni yahuha:

⁴⁴ —Michapucacã yũ yahũhtire boena tjiga mũsa. Yũhũre Cohamacũ to warocarĩrore paio yũhũre ñaha dutiro warohca masare —niha Jesu.

⁴⁵ To Ā nipachũta tina sehe to yahuarẽ noano tuho ñahaeraha. To yahirire tinare masihto basioeraha. Tĩ pjata Cohamacũ

tinare tíre tuho ñaha dutierasiniha. Ā jia tina cuia, tíre tirore sinitu ñaeraha.

Jesu buheina tina mehne macarirore puhtoro sō duamaha

(Mt 18.1-5; Mr 9.33-37)

⁴⁶ Baharo Jesu buheina durucu sayoa niha:

—¿Mari mehne macariro diro sehe puhtoro ti cohtotacari? —ni sayoa niha tina ti basi.

⁴⁷ Ti ā nichu Jesu sehe ti tuhotuare masino, nijinocāre to cahai duhu dapo, to buheinare ō sehe ni yahuha:

⁴⁸ —Yu yare yoana tana ahrirocāre cahmana yuhū cāhure cahmana mūsa. Ā yoa yuhure cahmana, yuhure warocariro cāhure cahmana mūsa. Mūsa mehne macariro mūsa cahamacūno jiro tiro cāhu puhtoro tjirohca —niha Jesu.

Marine ñu tuhtiro jieraro, mari mehne macariro jira

(Mr 9.38-40)

⁴⁹ Baharo João Jesure ō sehe ni yahuha:

—Buheriro, mū wama mehne watiare cohāiroro sā ñuhi. Tiro mari mehne macariro to jierachū ñuna tíre tirore yoa dutiera tihī sā —niha João Jesure.

⁵⁰ To ā nichu Jesu Joāore paina buheina cāhure ō sehe ni yahuha:

—Ā niena tjiga mūsa tirore. Marine ñu tuhtiro jieraro, tiro mari mehne macariro jira —niha Jesu to buheinare.

Jesu Santiagore, João cāhure tuhtiha

⁵¹ Tí pjare Jesu mūanopu to wahahto panocā, “Jerusalēpu wahahtja”, niha tiro. Ā nino tópu waharo niha.

⁵² Ā jia Jesu to panoi warocaina waha, Samaria yahpa macari macapu su, tói Jesu to jihtore cahno duamaha.

⁵³ Jesu Jerusalēpu waharo taro niha. Tópu wahahtiro to jichū tuhoa, tó macaina tirore cahmaeraha.

⁵⁴ Tíre tuhoa Santiago, João mehne ō sehe ni yahuha Jesure:

—Puhtoro, mū cahmachū mūano macari pichaca mehne tinare wajā dutinahca —niha tina tirore.

⁵⁵ Ti ā nichu Jesu majare ñu, tuhtiha tina puarore.

[—Espíritu Santo yaina jira mūsa. Mipu mūsa tuhoturo seheta tiro sehe tuhotuerara. Yuhū masūno Cohamacū warocariro ahri yahrapu tacu pichacapu wahaborinare yoadohohtiro tai. Masare butichū yoacu tacu nierahi —ni yahuha Jesu.]

⁵⁶ Ā tuhti tuhsū, pa macapu Jesu cāhu waha wahaha.

Paina Jesu mehne wahamaha

(Mt 8.19-22)

⁵⁷ Tina mahai ti wahachū, masūno Jesure ō sehe ni yahuha:

—Muhū mehne waha duaja nohoi mū waharoi —niha tiro.

⁵⁸ To ā ni tuhsuchū Jesu ō sehe ni yuhtiha: —Cāina macaroca macaina wahiquina ti copari cjuara. Minichahca cāhu ti suhti cjuara. Yuhū masūno Cohamacū warocariro sehe yu cariri wuhū maeraja —niha Jesu.

⁵⁹ Baharo pairore Jesu pjaha:

—Yuhū mehne macariro cjihto taga —niha.

To ā nichū tiro ō sehe ni yuhtiha Jesure:

—Puhtoro, yu puca to yariachū yasinii wahahtja. Ā ya tuhsucu pinihta muhū mehne wahahtja —niha tiro.

⁶⁰ To ā nichū Jesu ō sehe ni yahuha:

—Yuhure cahmaeraina yariaina yoaro seheta jira. Tina sehe yariinare yajaro. Ā jicu muhū sehe Cohamacū masare puhtoro to noano suho jiare noaa buheare buhei taga —niha Jesu tirore.

⁶¹ Ā yoa paio Jesure ō sehe niha:

—Puhtoro, muhū mehne wahahtja. Wahmanore yu coyeare coha sitisini wahahtja —niha tiro Jesure.

⁶² To ā nichū Jesu ō sehe ni yahuha tirore:

—Wachu sahari pjine tuā puriro mehne dahrariro noari dare saha duara. Ā dahrariro to baharo buhusehere majare ñuno, noano potori da saha masierara. (Tó seheta Cohamacū yare yoaro taro, dahrariro tó pano to jia tiare tuaro wacūboca tíre duhu duaceru, dahrariro to majare ñuno seheta.) Ā wacūriro Cohamacū mari puhtoro yare dahraboriro jierara —niha Jesu.

10

Jesu setenta y dos buheinare buhe dutiro warocaha

¹ Baharo Jesu paina buheinare setenta y dos buheinare bese, macaripepu to wahahto pano warocayuha. Cāa macaripure puaro dihta warocaha tiro.

² Ā warocarō ō sehe ni yahuha tinare piti dahre buhero:

—Trigo payu ti buca tuhsuchū payu jichū dahraa pjiro jira. Wiho mejeta dahraina sehe mahainacā jira. Tó seheta noaa buheare tuhohtina payu jichū pjiro jira mari dahraa. To ā jipachuta mahainacā dahrari masa yoaro seheta noaa buheare buhehtina cāhu mahainacā jira. Ā jina noaa buheare buhehtinare painare to warocahtore siniga Cohamacure mūsa.

³ Wahaga mūsa. Mū sare yu warocachu mūsa oveja pohna yaya watoi ti jiro seheta mūsa cāhu ñaina suaina watoi jinahca.

⁴ Niñeru wajure, bujuawacūa waju cāhure, dahpo suhtire naaena tjiga. Mūsa mahai

tinina painare boca su durucuena tjiga. Poto wahaga.

⁵ Jipihitia musa sāa wuhusepu sāahna “Ahri wuhū macaina noano jijaro”, ni mahtaga.

⁶ Tí wuhū macaina noano mehne jina cahmachea marieina ti jichū, tīre niga tinare. Noano mehne ti jierachū ñūna ti wuhū macainare ā niena tjiga.

⁷ Cū wuhū sāa sarucana ti noaina jichū ti wuhūhta tjuaga. Tó ti duhu payorire chū, sihnituga. Dahrainare ti wapataare nano cahmana. Ā jina ti wapataare ti nano seheta ti duhu payorire naga musa cūhū. Ā jina cū wuhūhta musa suri wuhūhta jina, ti maca macaa wuhusepu ji tinienea tjiga.

⁸ Macapure musa suna tó macaina sehe musare ti cahmaina jichū ti chūa ti duhu payorire chuga.

⁹ Tó macaina dohatiinare noaina wahachū yoaga. Ā jina ō sehe niga tinare: “Cohamacu mipure mari puhtoro noano to suho jighthore yahuna nija musare”, niga tinare.

¹⁰ Pa macapu musa sūchū tina sehe musare cahmaeraboca. Ti ā cahmaerachū ñūna ti maca dacho macapu waha, ō sehe niga tinare.

¹¹ “Ahri maca maca dihta pohcari mene waja site cūna nija sāre musa cahmaerari buhiri ñona. Ā jina ahrire wacūga. Cohamacu mari puhtoro mipure to noano suho jighthore yahuna nija musare”, niga tinare.

¹² Musare potocā niita nija. Sodoma macaina ñabiaina jiha. Ti ā jipacheta pihitiri dacho jichū Cohamacu to buhiri dahreri dacho jichū Sodoma macaina yuhdoro musare cahmaeraina sehere buhiri dahrerohca — niha Jesu.

Paye macari macaina Cohamacure yuhdurucaina jira
(Mt 11.20-24)

¹³ Baharo Jesu ō sehe niha macari macainare:

—Corazī macaina, musa ñano yuhdunahca. Betsaida macaina, musa cūhū ñano yuhdunahca. Musā ya macaripure Cohamacu tuaa mehne yoa ñomahi. Tiro wama tiri macare, Sidō wama tiri maca cūhure to tuaa mehne yu yoa ñochū ñūna tó macaina sehe ti ñaare cahyaboa. Ā yoa “Noaina jija”, ni ti tuhutumari cjirire tuhodu cohtotaboa. Dóihita tina duji, cahyaa suhtire sāa, ti basi niti pohcare ti bui dahra site payoboa ti ñaare cahyaare ñoa.

¹⁴ Cohamacu to buhiri dahreri dacho jichū Tiro macaina, Sidō macaina yuhdoro ñaa buhiri tiina musa jiri buhiri musare ñano waro buhiri dahrerohca tiro.

¹⁵ Capernau macaina, musa mū sūro muanopu waha duamana. Musā ā waha duapacheta musa ñaa buhiri tiina musa

jiri buhiri musare Cohamacu pichacapu cohānohca — niha Jesu.

¹⁶ Ā ni tuhsu Jesu to buheinare ō sehe ni yahuha:

—Musare tuhoina yuhū cūhure tuhora. Musare cahmaeraina, yuhū cūhure cahmaerara. Ā jia yuhure cahmaeraina, tina yuhure warocariro cūhure cahmaerara — niha Jesu tinare.

Setenta y dos buheina tju wihia

¹⁷ Baharo setenta y dos buheina wahchea mehne tju wihia:

—Puhtoro, mū wama mehne mū tuaa mehne wafāre sā dutichū tina sehe sāre yuhduracaerare — niha tina Jesure.

¹⁸ Tí ā nichū Jesu ō sehe ni yuhtihā tinare: —Muanopu to oroca site bora taro seheta, wafūno to bora tachū ñūhi.

¹⁹ Noano tuhoga. Musare yu tuaare wahi yuhū. Ā jina agāare, pichōno soroare, wafūnore marine ñū tuhtirirore musa yuhduracahtire wahi yuhū. Ā jia tina musare ñano yoa masierara.

²⁰ Yu ā wapacheta wafā musare ti yuhduracaerachū ñūna ti dihtare wahchena tjiga. Ahri sehere wahchega. Muanopu Cohamacu yaina ti wamare to joa ōri tjui musa wamare to joa ōchū ñūna, ti sehere wahchega musa — niha Jesu tinare.

Jesu wahcheha

(Mt 11.25-27; 13.16-17)

²¹ Tí pjare Espiritu Santo Jesure tuaro wahchechū yoaha. Ā jiro Jesu ō sehe niha:

—Mai, mūhū muanopu cūhure yahparu cūhure puhtoro jira. Masi yuhdurucu sinare mū yahuerari cjirire wiho jina sehere yahure mūhū. Mū ā yoachū ñūcu “Noa yuhduraga”, nija. Ā tjira, Mai. Mū yoa duariro seheta, mū cahmariro seheta tinare mū yare yahure — niha Jesu.

Ā ni tuhsu painare ō sehe niha:

²² —Yu Pucu jipihtiare yuhure ware. Yu Pucu dihta yuhure masina. Yuhū cūhū tirore masija. Yu beserina cūhū tirore masina, yu masi dutiina jia. Tópeinata yu Pucure masija sā — niha Jesu.

²³ To ā niri baharo ti sahsero ti jichū Jesu to buheinare ō sehe niha:

—Ahri jipihtiare musa ñūna wahcheina jira.

²⁴ Potocā tjira. Payu Cohamacu yare yahu mahtaina cjiri, yahpari macaina puhtoa cūhū mipu musa ñurire ñū duamaha tina cūhū. Ā jia musa tuhori cūhure tuho duamaha — niha Jesu.

Noariro Samaria macariro quitire yahuha Jesu

²⁵ Tí pjata judio masare buheriro Jesu cahai wihi, Jesure ñano to durucuchū yoa duamaha tirore yahusā duaro:

—¿Buheriro, yũhũ jipihtia dachoripe Cohamacũ mehne ji duacũ dohse yoaihcarĩ yũhũ? —ni sinituha tiro Jesure.

²⁶To ã nichũ Jesu õ sehe ni yuhtia tirore:

—¿Dohse ni yahuari Cohamacũ yare ti joari pũĩ? ¿Cohamacũ to ni joari cjirire dohse ni tũhotujarita mũhũ? —niha Jesu tirore.

²⁷To ã nichũ tiro õ sehe ni yuhtia:

—Õ sehe niha Cohamacũ: “Tuaro mũsa yajeripohnari mehne, noano mũsa tuaa mehne, mũsa wacũa mehne Cohamacũre cahĩga. Æ yoa mũ basi mũ cahĩno seheta mũ cahai jiina cãhũre cahĩga” —niha tiro Jesure.

²⁸To ã nichũ Jesu õ sehe ni yahuha:

—Quihõno nire mũhũ. Tĩre yoaga. Æ yoacũ jipihtia dachoripe Cohamacũ mehne jiihca mũhũ —niha tirore.

²⁹“Ahrĩro Cohamacũ dutiare yoa pahĩoriro jira”, masa tirore ti ni tũhotuchũ cahmaha judio masare buheriro. Æ cahmano tiro Jesure õ sehe ni sinituha:

—¿Yabariro baro jicari yũhũre mũ cahĩ dutiro? —niha tiro.

³⁰To ã nichũ Jesu õ sehe ni piti dahre quti mehne yuhtia:

—Cũ dacho Jerusalẽpũ tariro Jericõpũ wahariro mahai to tinichũ yacaina tirore ñahaha. Æ ñahaa, to suhtirore tjuwe na, tirore tuaro cjãha. Æ tuaro cjãa, mahano to yariaro cahachũ waro duhuha tina tirore.

³¹Tĩ pjata sacerdote tĩ mahapũ taha. Æ taro ti cjãriro cjirire ñũparõta maha pa buhũsehe duhtũ cahai do yũhũ wahcã, yũhũna wahaha.

³²Æ yoa Cohamacũ wũhũi dahrariro cãhũ pjacũoriro cahai sũ, tirore ñũ, maha pa buhũsehe coai do yũhũ wahcãa wahaha.

³³Æ yoa Samaria macariro sehe tõi waha, yoa curerõpũ pjacũorirore ñũ, tirore pja ñũha.

³⁴Æ pja ñũno, tiro pjacũoriro cahai sũ, se, vino mehne morea core to camine pio sihõha. Pio sihõ tuhsũ suhtiro cahsaro mehne duhteha to camine. Tuhsũ, pjacũorirore to burro bui duhu payo, carĩni wũhũpũ na sũha tirore. Tõi jiro, Samaria macariro noano ñũ wihbõha tirore.

³⁵Pa dachoi tiro carĩni wũhũ pũrore pũa tũ niũeru tũrire wa, õ sehe niha: “Ahrĩrore ñũ wihbõga. Ahri mũ sũerachũ pari turi tjuu tacũ wapa pahĩõihtja”, niha Samaria macariro wũhũ pũrore —niha Jesu.

³⁶Æ ni tuhsũ judio masare buherirore õ sehe ni sinituha Jesu:

—¿Ahrina tiaro mũa diro sehe jijari pjacũorirore cahĩro? —niha Jesu.

³⁷To ã nichũ tũhoro buheriro sehe Jesure õ sehe ni yuhtia:

—Pjacũorirore yoadõhõrore jica tirore cahĩro —niha tiro Jesure.

—Wahaga. Mũhũ cãhũ masare tõi seheta yoai wahaga —niha Jesu buherirore.

Marta, María cãhũ cahai Jesu tiniha

³⁸Æ yoa Jesu to buheina mehne ti wahachũ, pa macapũ ti tinichũ, Marta wama tiricoro tinare to wũhũi sãa ta dutiha.

³⁹To bahoro María to dahpori cahai duji, to buheare tũhõha.

⁴⁰To ã yoachũ ñũno Marta to dahraa pjĩro jichũ suaha. Æ jiro ticoro Jesure õ sehe ni sinituha:

—Pũhõro, ¿yũhũ cãcoro yũ dahrachũ yũhũre yũ baho to yoadõhoerachũ mũhũre noajari, mũ ñũchũ? Ticorore yũhũre yoadõho dutiga —niha Marta Jesure.

⁴¹To ã nichũ Jesu õ sehe ni yuhtia:

—Marta, dahraa pjĩro cjũaco pjĩro tũhotura mũhũ.

⁴²Cohamacũ to yare tũho dutira. María noaare yoaro taro tĩre cahmahre. Æ jicũ yũhũre to tũhocũ “Dahradõhõco wahaga”, nieraja ticorore —niha Jesu Martare.

11

Jesu Cohamacũre siniare buheha

(Mt 6.9-15; 7.7-11)

¹Cũ dacho Jesu Cohamacũre sinino niha. To sini tuhsũchũ, cãiro to buheina mehne macariro tirore õ sehe niha:

—Pũhõro, Joãõ to buheinare to buheriro seheta Cohamacũre siniare sã cãhũre buhega mũhũ —niha tiro Jesure.

²To ã nichũ tũhoro Jesu tinare õ sehe ni yahuha:

—Õ sehe ni Cohamacũre siniga:

“Sã Pũcũ, mũhũ ñaa marieriro ã jirucura.

Mĩpũre jipihtina bui pũhõro jiga.

³Æ yoa dachoripe sã chũhtire warucuga sãre.

⁴Paina sãre ti ñano yoarire sã boja.

Æ jicũ mũhũ cãhũ sã ñaa yoarire bõga.

Tuhsũ, sã ñaare yoa duana sã goa pjachũ ñũcũ tĩre sãre yoa duaerachũ yoaga”, ni siniga Cohamacũre —niha Jesu tinare.

⁵Bahoro Jesu quti mehne to buheinare õ sehe ni buheha:

—Cãiro ñami dacho macai to coyeyiro ya wũhũpũ waha, tirore õ sehe ni siniha: “Coyeyiro tia curi pãõ curi waga yũhũre.

⁶Paĩro yũ coyeyiro tinino tariro michapucacãta ya wũhũ wihĩhre. Æ yoa tirore yũ chũa wabõa mariahna”, niha tiro to coyeyirore.

⁷To ã nichũ to coyeyiro wũhũ puhichapũ jiriro yuhtia: “Yũhũre caribõi tũga. Sõpa pahma bihariro jira. Yũhũ yũ põhna mehne carĩna niha. Wahcãno pjaeraca yũhũre. Mũhũre chũare waboricũ jieraja”, niha to coyeyiro.

⁸ ¿Dohse waharohcari sinirirore? Potocã niita nija musare. To coyeiro jiparota, chua waboriro wahcã duaeraha. Wahcã duaeraparota chua siniriro sehe buo tiro marieno to yoari pja sinirucucha tuhoro jipihtia to siniriro seheta warohca.

⁹ Á jicu ahrire musare ni yahui nija: Cohamacure siniga. Á sinina musa sinirire ñahanahca. Musa sinirire bocanahca. Tirore á sinirucuga. Musa á yoachu tiro musare warohca.

¹⁰ Jipihtina Cohamacure siniina ti sinirire naahca. Á yoa ti sinirire bocaahca. Á jiro jipihtina Cohamacure á sinirucuinare tiro tinare warohca.

¹¹ ¿Musa pohna musare wahire ti sinichu agã sehere wabocari musa tinare?

¹² ¿Musa pohna caraca diecare ti sinichu picõno soro sehere wabocari musa tinare? Ne wasi.

¹³ Musa ñaina jipanahta musa pohnare noaare wa masina musa. Á yoa Cohamacu sehe musa wari yuhdoro noaare wara musare. Tiro mari Pucu muano macariro to Espiritu Santore warohca tirore siniinare —niha Jesu to buheinare.

“Jesu watino tuaare cjuara”, ni yahusãha masa

(Mt 12.22-30; Mr 3.19-27)

¹⁴ Tí pjare Jesu watinore cohã wioro niha. Watino sehe durucu masierariro jichu yoaha masunore. Á jiro watino masunore to duhuri baharo masuno sehe durucu ducaha. To durucuchu tuhõa masa payu caaa wahaha.

¹⁵ Tí á cuapachuta paina sehe õ sehe niha: —Ahriru Jesu watiare to cohã wiochu Beelzebú wama tiriro watia puhtoro sehe tirore yoadohora —niha paina.

¹⁶ Paina “¿Jesu Cohamacu to warocariro jijari?” ni masi duaa tirore Cohamacu tuaa mehne yoa ño dutimaha.

¹⁷ Tí á dutichu tuhoro “Watino tuaa mehne watiare cohã wiora”, ni ti tuhotuare masino, tinare õ sehe ni yahuha Jesu:

—Watino ya tuaa mehne watiare cohã wio nieraja. Cũ maca macaina ti basi cahma wajãa, tí maca macaina yaria pihtia wahara. Á jia cũ wuhu macaina ti basi cahmachea, tí wuhu macaina waha pihtia wahara.

¹⁸ Á yoa watino yaina watia ti basi cahmachea, tina watia cãhu waha pihtia wahaboa. Cũ curua ji masieraboa. Musa yuhure õ sehe nina. “Tiro watino tuaa mehne watiare cohã wiora”, musa yuhure nina nica.

¹⁹ ¿Yuhure musa niri potocã jichu musa mehne macaina watiare cohã wioa, watino tuaa mehneta cohã wiojari tina cãhu, musa ñichu? Musa mehne macaina watiare

cohã wioa, watino tuaa mehne cohã wioa nierara. Ahrire masina watino to tuaa mehne watiare yu cohã wioerachu masinahca musa.

²⁰ Á jicu yuhu sehe watiare cohã wiochu Cohamacu tuaa mehne cohã wioja. Ahrire masina, Cohamacu musa puhtoro to noano sũho ji dũcaare masinahca musa.

²¹ Tuariro to wamoa mehne to wuhure to ñu wihbochu to yare paina na masierara.

²² To á ñu wihbopachuta paio tua yuhdũrigo tiro mehne cahmache, tirore yuhdũrũca, to wamoare manoca, to yare manocahna. (Õ seheta yoa yuhdũrucaro cahmana watiare.)

²³ Cũiro yuhure cahmaeraro, yuhure ñu tuhtiriro jira. Cũiro yuhure yoadohoeraro yuhure ñano yoari nina —ni buheha Jesu.

Watino pari turi masunore to sãari quitire yahuha Jesu

(Mt 12.43-45)

²⁴ Á yoa to tuhõtua mehne õ sehe ni piti dahre buheha tinare:

—Watino masunore duhuro tiro co marieni yahpai tinino, to sohto cjihtore macamaha. Bocaeraro, õ sehe ni tuhõtuha: “Masuno yu duhuriro mehne pari turi jii wahaihtja”, ni tuhõtuha tiro.

²⁵ Á nino tiro tjua waha, masunore bocaha. Á to bocachu masuno sehe noariro jimaha.

²⁶ Tuhsu, watino paina siete watiare tiro bui ñaa yuhdũinare nano wahaha. Na wihí, tina jipihtina watia masuno mehne jiha. Á jiro masuno sehe tó pano cũiro watinore cjuaro, ñariro jimaha. Mipu sehere payu watia ti cohtotariro jiro, tó pano to jiriro yuhdoro ña yuhdũariro jiha —niha Jesu.

Jesu wahcheare yahuha

²⁷ Tíre to á nichu masa watoi jiricoro numino Jesure õ sehe ni yahuha:

—Muhure pohna tiricoro, muhure pũricoro wahchericoro jira —niha Jesure.

²⁸ To á ni tuhsachu tuhoro Jesu ticorore õ sehe ni yuhtia:

—Cohamacu durucuaare tuhõina to dutiare yoaina tina tjica wahcheina —niha Jesu ticorore.

Masa ñaina Jesure Cohamacu tuaa mehne yoa ño dutiha

(Mt 12.38-42; Mr 8.12)

²⁹ Á yoa payu masa Jesu cahai ti wihichu, tiro tinare õ sehe ni yahu namoha:

—Mipu macaina nu ñaina jira. Cohamacu tuaa mehne yu yoa ñochu ñu duamana. Tí á ñu duapachuta Jona panoru macariro Cohamacu tuaa mehne to yoari dihtare ñonõca Cohamacu tinare.

³⁰ Jona Cohamacu yare yahu muhtariro jiro, tiro Nínive macainare Cohamacu yare

to masichu yoariro seheta yahu masano Cohamacu warocariro masichu yoaja mipu macainare.

³¹ Buhiri dahrehti dacho jichu puhtorocoro sur macaricoro panopu macaricoro ducu, mipu macainare “Naina jira”, ni yahusānohca ticoro. Ticoro Salomo panopu macariro to masiare tuho duaro yoaropu ahri yahpa pa sehempu jiricoro Salomore tuhoro taha. Ā yoaro noano yoaro niha mipu macaina yuhdoro. Ā jiro ticoro yahusānohca mipu macainare. Ā nicu musare potocā niita nija. Mipu musare yu buhea Salomo to buheri yuhdoro jira.

³² Buhiri dahrehti dacho jichu Ninive macaina cāhu ducu, mipu macainare “Naina jira”, ni yahusāhca tina. Jona tinare Cohamacu yare to yahuchu tuhoa, ti űaare tuhotumarire tuhotu cohtota Cohamacure cahmaha tina sehe. Ā cahmaa noano yoaa niha mipu macaina yuhdoro. Ā jia tina cāhu mipu macainare “Naina jira”, ni yahusāhca. Musare potocā niita nija. Mipu musare yu buhea Jona to buheri yuhdoro jira —ni yahuha Jesu.

*Masa ti tuhoturo seheta yoara
(Mt 5.15; 6.22-23)*

³³ Ā ni yahu tuhsu, piti dahre buhero ō sehe ni yahu namoha tinare:

—Masa sihāriare sihāa nuoerara. Tiare sihāa dihi biato docapu duhu dapoerara. Tiare muanoi duhu payora wuhupū sāa taina ti noano űu sāahto sehe.

³⁴ Sihāria to noano buhriachū mari noano űu masino seheta noare tuhotua mehne noare yoa masinahca masa. Masa tuhoturo seheta yoara masa. Noare tuhotuna noare yoara masa. Noare tuhotuerana űaare yoara masa.

³⁵ Ā jina noano yoaga. Masa tuhotuapū űaa jiero tjijaro. űaare goa pjaena tjiga.

³⁶ Tuhsu masa tuhotuapū noaa jichu, űaa ne mariachū noaa dihtare tuhotunahca —ni buheha Jesu.

*Fariseo curua macaina, judio masare
buheina cāhure Jesu tuhtiha
(Mt 23.1-36; Mr 12.38-40; Lc 20.45-47)*

³⁷ Jesu to buhe tuhsuchū űu fariseo curua macariro tirore to ya wuhupū chu dutiro pjiha. Ā jiro Jesu tiro ya wuhupū sāa su, ti churoi tina mehne nuju suha.

³⁸ To ā nuju suchū fariseo curua macariro sehe Jesure űu nuano judio masa ti wamo cosarucuro seheta to wamo cosaerachū űuno ō sehe ni tuhotuha: “Cuenah. Ā Ahriro dohsearo wamo cosaerajari mari yoaro sehe?” ni tuhotuha.

³⁹ To ā ni tuhotuchū masino Jesu tirore ō sehe ni yahuha:

—Masa fariseo curua macaina sihnia wahwarire, wapari cāhure bui sehe dihtare masa cosaro seheta noaare yoa űona masa buicā warohna. Ā yoapanahca Cohamacu yare quhōno yoerara. Paina yare maina jina, űaa dihtare tuhotura masa.

⁴⁰ Tuho masieraina jira masa. Cohamacu masa pjacurire yoariro masa tuhotuhti cāhure yoaha. Ā Tīre masierajari masa?

⁴¹ Ā jina masa yare pjacuoinare waga masa. Masa ā yoana noaare tuhotuina jinahca.

⁴² Masa fariseo curua macaina űano yuhdunahca. Moa yoaro sehe jiare chūare coachū yoare cjuana mahanocā wamana masa. Cohamacure űo payona tana sacerdotiare wamana masa. Ā wapanahca noaare yoerara masa. Ā jina masare pja űuerara masa. Ā yoa Cohamacure űo payoerara masa. Toaa dichacāre masa narire mahanocā Cohamacure masa wachu noa nina. Ā wana ō sehe yoa namoga: Noaare yoaga. Ā yoa pja űuga masa masare. Tuhsu, Cohamacure űo payoga masa.

⁴³ Masa fariseo curua macaina űano yuhdunahca. Buheri wuhupū jina, noaa dujia dihtare duji duara masa. Pache duaropū masa musare puhtoare noano űo payo ti sinino sehe ti piti bocasinichū cahmana masa.

⁴⁴ űano yuhdunahca masa. Masa copa nuori copa yoaro seheta jira masa. Tī copa cahai masa jia, puhicha macariro baarire űuerara tina. Tō seheta masa masa cahai jia, masa tuhotuapū űaa jiare masierara tina —niha Jesu tinare.

⁴⁵ To ā nichū tuhoro judio masare buheina mehne macariro Jesure ō sehe ni yahuha:

—Buheriro, tīre nicū sā cāhure űano ni nica mahu —niha tiro Jesure.

⁴⁶ To ā nichū Jesu ō sehe ni yuhtiha:

—Potocā tjira. Judio masare buheina masa cāhu űano yuhdunahca. Masa painare ti bihoeraare yoa dutira tinare. Ā duti-panahca masa sehe tinare ne mahanocā yoadoherara tī dutiare ti yoahito sehe.

⁴⁷ Ā jina masa űano yuhdunahca. Cohamacu yare yahu muhtaina panopu macaina ti masa coparire noano cahnomana masa tinare űo payoro sehe yoana. Masa ā yoapachuta panopu macaina masa coyea sehe tinare wajāha.

⁴⁸ Tina sehe Cohamacu yare yahu muhtaina cjirire ti wajāro seheta masa cāhu yoaboa. Ā jina mipure ti masa coparire cahnomana masa. Ā cahnona masa coyea tinare ti wajāri cjirire wacū bajuro wana nica masa. Ā ti wajārire wacūna “Noa nina”, nina nica masa.

⁴⁹ Cohamacu to masia mehne õ sehe ni yahuha: “Yu yare yahu muhtaina cãhure yu buhe duti cãrina cãhure warocaihtja tinare. Å jia tina yu warocainare painare wajã, painare ñano yoaahca”, niha Cohamacu.

⁵⁰⁻⁵¹ Ahri yahpare Cohamacu to ba-juamehneri baharo Caï sehe Abere wajãha. Tuhsu, Cohamacu yare yahu muhtaina cjirire Abe baharo jiina cãhure ñaina wajãha. Baharo Zacariare Cohamacu wãhui Cohamacure ño payori mesa cahai musa coyeata wajãha. Jipihtina tinare ti wajãri buhiri mipu macainare Cohamacu buhiri dahrerohca. Å tjira. Musareta nii nija. Jipihtina tinare ti wajãri buhirire mipu macainare Cohamacu buhiri dahrerohca.

⁵² Musa judio masare buheina, ñano yãhdãnahca. Cohamacu masiare ti joa pãrine cãapanahca painare yahuerara musa. Musa basi Cohamacu yare tuhoerara. Tuhsu, paina to yare ti tuho duapachuta tãre musa tinare tuho dutierara –niha Jesu tinare.

⁵³⁻⁵⁴ To ã nichu tuhoa judio masare buheina fariseo curua macaina cãhu tiro mehne sua tirore ñano ni durucuha. Å jia Jesu to ñano ni yãhtichu tuho duaa, tina payu mahño cã sinitu ñumaha tirore, tirore yahusã duaa.

12

Fariseo curua macaina ti ã mahñorucurire Jesu yahuha

¹ Å yoa Jesu cahai masa payu cahmachua, bihsa yãhdãhaha. Tõi Jesu to buheinare õ sehe ni yahu dãcaha:

–Noano wacũ masiga musa. Fariseo curua macaina ti pão bũcarore ñuna noano wacũ masiga. Ti mahñorucurire nii nija “Pão bũcaro”, nicu.

² Jipihtia ñaare paina ti masierari cjirire baharo masiahca.

³ Å yoa ñamipure ti pjiroca durucuri cjirire buhriaroi to bajuro waro seheta masiahca jipihtina. Bihari tahtiãru pairore yaroca ti nimari cjirire masa payu masiahca –ni yahuha Jesu.

Masa ti cuihtirore yahuha Jesu

(Mt 10.28-31)

⁴ Å ni tuhsu Jesu õ sehe ni yahu namoha tinare:

–Potocã niita nija musare. Masa wajãina wajã tuhsu pari turi ti wajãrina cjirire ñano yoa namo masierara. Å jina musare wajã duainare cuiena tjiga.

⁵ Mipure musa cuihtirore musa ño payohtirore yahuihtja. Cohamacu sehene cui, ño payoga. Tiro musa yariari baharo pichacãu cohã masina musare. Å tjira. Potocã nii nija. Cohamacu sehene cui, ño payoga.

⁶ Cinco siripia wapa mariahna. Ti ã wapa mariapachuta cãirocãre Cohamacu ne boerara.

⁷ Å yoa musa pjoarire ne cã pjoa da dũhsaro marieno masi pahñona Cohamacu. Tõ seheta musa jia tia cãhure masi pahñona Cohamacu. Å masino musare ñu wihborucura. Siripiare to cahño yãhdoro musa sehene cahña Cohamacu. Å jina tirore ño payona cuiena tjiga musa –niha Jesu.

Jesu yaina musa jiare yahuga masare
(Mt 10.32-33; 12.32; 10.19-20)

⁸ Å yoa Jesu õ sehe ni yahu namoha:

–Musare niita nija. Cãiro “Jesu yairo jija”, masare to nichu ñucã, yãhu masũno Cohamacu warocariro “Tiro yu yairo jira”, ni yahuihtja Cohamacu yaina anjoare.

⁹ Cãiro “Jesu yairo jija”, masare nierariro sehene yãhu “Tiro yu yairo jierara”, ni yahuihtja Cohamacu yaina anjoare.

¹⁰ Cãiro yãhure ñano to ni durucuchu ti ñaa buhirire Cohamacu bo masina. Å boparota cãiro Espiritu Santo sehene to ñano ni durucuchu ti ñaa buhirire ne Cohamacu bosi.

¹¹ Mari judio masa buheri wãhũru pũthoa cahai paina musare na sãa yahusãahca. Ti ã yahusãchũ musa ni dũcatahti cjihtire “Cue, masieraboca”, ni tuhotuena tjiga.

¹² Tã pjaihtã Espiritu Santo musa yahuihtja cjihtire yahurohca –niha Jesu.

Pache pũro quitire yahuha Jesu

¹³ Å yoa masa mehne macariro Jesure õ sehe ni yahuha:

–Buheriro, sã pũcu to yariari baharo to ya cjiri sãre tjuara. Å jicu yu wahmine tãre yãhu cãhure quihõno tju wa dutiga –niha tiro Jesure.

¹⁴ To ã nichu Jesu õ sehe ni yãhtiha:

–Ne ti barore tju waboricã jieraja yãhu –niha Jesu tirore.

¹⁵ Å ni tuhsu Jesu jipihtinare õ sehe ni yahuha:

–Noano yoaga musa. Pachere, paye baro cãhure cahña tjiga. Payu cãapanahca ti mehneta wahche tuhsũeraja mari –niha Jesu.

¹⁶ Å ni tuhsu Jesu quitu mehne õ sehe ni yahuha tinare:

–Pache pũro noari yahpare cãhãha. Å jia ti yahpãru to toaa noano dicha tiha.

¹⁷ Å jiro tiro to basi õ sehe ni tuhotumaha: “Dicha wihboa wãhũse ne mu sũerara.

¹⁸ Mipure õ sehe yoihtja: Mipũ yu wihboa wãhũsere cohãnocã, muna wãhũse cjiri yãhdoro wahma wãhũse yoihtja. Tã wãhũsei yu toaa dichare, jipihtiare yu yare wihboihtja.

¹⁹ Y_u ā yoari baharo, ð sehe ni tuhotuhtja y_u basi: ‘Y_uh_u jiape cjuariro jija. Noano soihtja. Ā jic_u ch_u, sihni, wahcheihtja’, ni tuhotuhtja y_u basi”, ni tuhotumaha tiro.

²⁰ To ā ni tuhotuch_u Cohamac_u tire ð sehe ni yahuha: “M_uh_u ne tuho masierariro jira. Micha ñamihta m_uh_u yariahca. M_u ā wahach_u m_u ya m_u cah_uri butia wahaahca”, niha Cohamac_u tire –niha Jesu masare.

²¹ T_ure nino, masare ð sehe ni yahuha Jesu: –Āta wahaahca pache p_ua Cohamac_ure wac_ueraina. Pay_u pachere, niñerure to ya cjihti dihtare wihboriro, Cohamac_ure wac_ueraro tiro pjac_uoriro jirohca, Cohamac_uro to ñ_uch_u. Ā jiro Cohamac_u tire ñ_u jacoerara –niha Jesu.

*Cohamac_u to poh_unare ñ_u wihbora
(Mt 6.25-34)*

²² Ā yoa Jesu to buheinare ð sehe ni yahuha:

–Ahrire m_usare nii nija: M_usa chuhti cjihtire, m_usa suhti s_uah_utire p_uiro cahya tuhotuena tjiga.

²³ Cohamac_u m_usare bajuameh_uno, chuhtina cjihti dihtare yoaeraha m_usare. Tuhs_u, suhti s_uah_utina cjihti dihtare yoaeraha tiro m_usare.

²⁴ Minichahca perire Cohamac_u to ñ_u wihboare masiga. Tina weseri maeraina jira. Ā jia chuare ti wihboa w_uh_use tinare mari-ahna. Ti ā jiina jich_u ñ_uno tinare Cohamac_u ti chuhtire wara. Minichahca y_uhdoro m_usa sehere cah_una Cohamac_u.

²⁵ P_uiro m_usa tuhotua mehne c_u hora waro m_usare cati namoch_u yoa masierara m_usa. Ā jiro m_usa p_uiro tuhotua yaba cjihti jierara.

²⁶ Ā yoa p_uiro m_usa tuhotua ti yaba cjihti jierapach_uta dohse yoana m_usa chuhtire, m_usa sihnihtire, m_usa s_uah_utire p_uiro cahya tuhotujari?

²⁷ Macaroca macaa cohore tuhotuga. T_ui coho_uri ti basi suhtire yoaerara. Ā yoaerapahta noaa suhti tiina yoaro sehe noaa bajura t_ui coho_uri. Salomo cjiro noaa suhtire s_uariro to jipach_uta t_ui coho_uri sehe tiro y_uhdoro noabiaa coho_uri waro jira.

²⁸ Cohore noaa coho_uri yoara Cohamac_u sehe. To ā yoa_upach_uta coho_uri sehe mahaa dachoric_u jirucuma ñai boraa wahara. Mahanoc_u j_u, pa dachoi pichacaru j_uā wahara. Ti ā jipach_uta cohore noaa coho_uri jich_u yoara Cohamac_u. Ā jiro Cohamac_u cohore to noaa coho_uri to yoariro y_uhdoro m_usa c_uh_ure noano yoaeraha. Suhtire warohca. Mahanoc_u Cohamac_ure wac_u tuara m_usa.

²⁹ Ā jina m_usa chuhtire, m_usa sihnihtire p_uiro cahya tuhotuena tjiga.

³⁰ Cohamac_ure cahmaeraina sehe ahri yahpa macaina sehe t_ure ā macarucua nina. Mari P_usc_u m_uano macariro jipih_utia m_usa

cahmaare masina. To ā masich_u p_uiro cahya tuhotuena tjiga.

³¹ Cohamac_u m_usa p_uhtoro to jilho cjih-tore cahma muhtaga. Jipih_utia paye baro y_uhdoro tireore cahmaga m_usa. M_usa ā yoari baharo Cohamac_u sehe m_usa cahmaa d_uhsach_u warohca –ni yahu namoha Jesu.

*M_uanop_u mari pay_u cju_ua masija
(Mt 6.19-21)*

³² Ā ni tuhs_u, tinare ð sehe ni yahu namoha:

–Y_u cah_uina, mahainac_u jipanahta, cuiena tjiga m_usa. Cohamac_u m_usa p_uhtoro to noano s_uho jiro_ure tiro mehne m_usa jich_u cahmana tiro.

³³ Ā jina m_usa yare dua pah_uñoga. T_ure duanoca t_ui niñerure na, pjac_uoinare waga. T_u sehe m_usa yoach_u m_uano macaa m_usa wapataa ne pih_utisi. M_uanop_u m_usa ya jia ne pih_utirara. T_ure m_usa yare na masierara yacariro. Ā yoa mach_u c_uh_u t_ure t_ua masierara.

³⁴ M_uanop_u m_usa ya jich_u m_uano macaa dihtare tuhotunahca m_usa –niha Jesu.

Jesu to tjua tahtore cohta dutiha to yainare

³⁵⁻³⁶ Ā ni tuhs_u tinare ð sehe ni yahu namoha:

–M_usa yare cahnoy_u tuhs_uina yoaro sehe y_u yare ā yoaruc_uina jina cohtaga y_uh_ure. Dahra cohtaina ti p_uhtoro wamomaca d_uhteri bose num_uru to wahach_u to tjua tahtore tina cohtara. Tina ti ā cohtariro seheta y_u tjua tahtore cohtaga m_usa c_uh_u. P_uhtoro to w_uh_uru wih_u, sopacare to dotach_u tuhoa tina d_uihta p_uro s_uh_una tireore.

³⁷ Dahra cohtaina ti p_uhtoro to wihich_u to cahmano seheta yoaruc_uina jia, wahcheina jiahca. Ti ā yoach_u ñ_uno p_uhtoro sehe dahra cohtariro yoaro sehe cohtotarohca. Ā yoaro dahra cohtainare duji dutiro, tiro ti chuare duhu payorohca.

³⁸ Tiro to wih_uti p_uā ñami dacho macaru, o bohrearu to jipach_uta dahra cohtaina sehe to wih_uti p_uare tireore noano cohtaina jia, wahcheina jiahca tina.

³⁹ Ahrire wac_uga m_usa. Yacariro w_uh_uru to wih_uto pano t_ui w_uh_u p_uro masierara. W_uh_u p_uro yacariro to wih_uto masino, tiro yacarirore s_ua dutierabo. Ā jiro wac_uenoca tara yacariro.

⁴⁰ Ā jina m_usa c_uh_u cohtaga. Y_uh_u mas_uno Cohamac_u warocariro wac_uenoca taihca. Ā jina y_u yare ā yoaruc_uina jina cohtaga m_usa –niha Jesu tinare.

Dahra cohtariro to p_uhtoro ño payoriro, ño payoerario c_uh_ure yahuha

(Mt 24.45-51)

⁴¹ To ā nich_u Pedro sehe ð sehe ni sinituha Jesure:

—¿Ahri quitire yahucá sãre nii nijari? ¿O jipihntinare ã nii nijari? —niha Pedro.

⁴² To ã nichu Jesu to tuhotua mehne õ sehe ni piti dahre buheha tinare:

—Dahra cohtariro to puhtoro ño payoriro tuho masiriro õ seheta jira. Puhtoro tinino waharo, dahra cohtarirore to wuhare cûna. To cûriro sehe dutiriro jirohca. ã jiro tiro churi pja jichu paina dahra cohtainare chure wítira.

⁴³ Baharo puhtoro to wihichu dahra cohtariro sehe to puhtoro to dutiriro seheta yoa pahñoriro jiro, tiro wahcheriro jirohca.

⁴⁴ Potocã niita nija musare. To ã yoachu to puhtoro jipihntia to yare ñu wihboriro cûnohca tire.

⁴⁵ To ã cûpachuta dahra cohtariro “Yu puhtoro yoari pja bajuerara”, niboca. ã nino paina dahra cohtainare mware, numia cûhare cjãpe, payu chu, sihni, cahaboca.

⁴⁶ To ã yoari baharo wacûenoca to puhtoro wihirohca. ã wihiro tire ñano buhiri dahrerohca. ã jiro Cohamacure yahduacainare to cohãriropu tire cohãnohca.

⁴⁷ ã yoa dahra cohtariro to puhtoro cahmaare masiriro jiparota tíre to yoerachu, tiro to noano dahraerachu to puhtoro sehe tire yuta da mehne tuaro tjananohca.

⁴⁸ Pairo sehe dahra cohtariro to puhtoro cahmaare masierariro jiro to noano yoerachu ñano to puhtoro sehe pjiroca dero tire tjananohca. Cohamacu to cahmaare masichu yoara masare. ã jiro masirirore yuhtiro cahmana. Tuhsu, noano masirirore noano yuhtiro cahmana —niha Jesu.

Jesu masare cahma tju wachu yoara
(Mt 10.34-36)

⁴⁹ ã ni tuhsu Jesu tinare õ sehe ni yahuha tjoa:

—Pichaca to jawero seheta yuhu ahri yahpare Cohamacu tire cahmaerainare to buhiri dahretore tinare masichu yoai tai nii. Mipû pinihta tíre ti masichu tuaro cahmaja yuhu.

⁵⁰ Yuhu ñano yuhduhca. Yu ã ñano yuhduhtire cohtacu, ñano yajeripohna tija yuhu.

⁵¹ ¿Dohse ni tuhotujari musa yuhare? “Tiro masare to buheri baharo paina tinare ñu tuhtisi”, ¿ni tuhotujari musa yuhare? ã jierara. Masare yu buheri baharo cãina yu yare tuhoahca. Paina sehe tinare ñu tuhtiahca. Cãno potori waro jisi masa. Musare nii nija. Masa yu buheare tuhoa, pu curua cahma tju waahca.

⁵² Mipûre cã wuhu macaina cinco masa yu buheare tuhoa, pu curua ti basi cahma tju waahca. Cã curua tiaro, pa curua puaro jahca.

⁵³ To pucuro to macunore ñu tuhtirohca yu yairo to jiri buhiri. Tuhsu, paio macuno cãhu to pucurore ñu tuhtirohca to pucuro yu yairo to jiri buhiri. ã yoa to pocoro to maconore ñu tuhtirohca yu yacoro to jiri buhiri. Tuhsu, pacoro maco cãhu to pocoro ñu tuhtirohca to pocoro yu yacoro to jiri buhiri. ã yoa to marechono to macu namonore ñu tuhtirohca yu yacoro to jiri buhiri. Tuhsu, pacoro macu namono cãhu to marechonore ñu tuhtirohca yu yacoro to jiri buhiri. ãta waharohca, yu buheare ti tuhochu —niha Jesu.

Noari dacho cjihtore, ñari dacho cjihtore masa ti masiare yahuha Jesu
(Mt 16.1-4; Mr 8.11-13)

⁵⁴ ã yoa Jesu masare õ sehe ni yahuha tjoa:

—Ahrie sehempu coro siterire ñuna, dóihtu “Coro tarohca”, nina musa. Musa ã niri baharo coro tara.

⁵⁵ ã yoa surpu wihnono tachu “Siri dacho jirohca”, nina musa ahri yahpai jiina. Musa ã niri baharo dacho sira.

⁵⁶ Musa mahñoperucaina jira. Musa ahri yahpare maano cûhare ñuna, noari dacho cjihtore, ñari dacho cjihto cûhare masina musa. ¿ã jina mipu macaa dachorire masipanahta dohseana ahri yahpa macaina mipure musa dohse wahahtore masierajari musa? —niha Jesu.

Musare ñu tuhtiriro mehne musa cahmacherire cahma pjãga
(Mt 5.25-26)

⁵⁷ ã ni tuhsu õ sehe ni yahu namoha:

—¿Muhu quihõno mu yohtire masierajari muhu mipu?

⁵⁸ Pairo mûhare yahusãno waharo buhiri dahre dutiri wuhupu waha dutiboca. Tõpu wahana “Pari turi mûhare ã yoasi”, nicu cahma pjãga. Mu ã cahma pjãerachu tiro buhiri dahre dutiriro cahapu naaboca mûhare. Tuhsu, buhiri dahre dutiriro sehe mûhare surarare to wachu, mûhare surara peresu yoaahca.

⁵⁹ Mûhare nii nija. Tõpu jisinihca mûhu. Pu ti wapa dutirire mu wapa pahñorpu wiaaihca mûhu —niha Jesu.

13

“Noaina jja”, ni musa tuhotumarine tuhotu cohtota, Cohamacure cahmaga

¹ Tí pjare mahainacã masa Jesure õ sehe ni yahu tiha:

—Galilea macaina wahiquire waja ju mo Cohamacure ti ño payoro watoi Pilato sehe tinare waja. To ã waja chu wahiquire di mehne masa di moreha —ni yahuha tina Jesure.

² Ti ã ni yahu tuhsuchu Jesu õ sehe ni yahuha:

—¿Galilea macaina Pilato to wajãrina cjiirire dohse ni tuhutujari musa? ¿Ti ã yariachu paina Galilea macaina yuhdoro ñaina ti jiri buhiri ã yoa dutiri Cohamacu tinare, musa tuhutuchu?

³ Jierara. Musare niita nija. Musa sehe “Noaina jija” ni, musa tuhutumari cjiirire tuhutu cohtotaerana, Cohamacu cahmaerana, musa cãhu yariana pichacaru wahanahca.

⁴ Æ yoa sohõ jirina diez y ocho masa Siloé wama tiri wãhu mũari wãhu ti bui bora pja wajã pahñoha. ¿Æ waha yariaa, paina Jerusalẽ macaina yuhdoro ñaina jiri tina, musa tuhutuchu?

⁵ Jierara. Musare niita nija. Musa ñaa tuhutumari cjiirire tuhutu cohtotaerana, Cohamacu macaerana, musa cãhu yarianahca. Æ jina pichacaru wahanahca — niha Jesu tinare.

Higueracu dicha mariedu quitire yahuha Jesu

⁶ Æ ni tuhsu quti mehne piti dahre yahuha tinare:

—Wese paru to wesepu higueracu cãaha. Æ jiro tiro tu dichare macano wahanaha. Bocaeraha.

⁷ Bocaeraro tiro wese dahrariroro yahuha. “Tuhoga yuhare. Tia cãhma waro higueracu dichare macamaja. Dicha mariahana. Tu dicha mariachu ture cã cohãnocahga. Tu yu wesei jichu padure yuhu toa masieraja. Yu wesei jiri yahpa macaare wiho waro nana tu”, niha wese paru tirore dahra cohtariroro.

⁸ To ã nichu tuhoro dahra cohtariro õ sehe niha: “Puhtoro, ahdu cã cãhma waro ducusinijaro. Tu dahpotoi yuhu sahaihtja. Tuhsu, wahiquiro tu mehne tí copare yaihtja.

⁹ Yu ã yoari baharo tu pa cãhmai dicha tiboca. Tu dicha tierachu mãhu cã cohã dutihca”, niha dahra cohtariro wese paruore — ni yahuha Jesu.

Sabado dachoi Jesu dohatiricorore noaricoro wahachu yoaha

¹⁰ Tí pjare Sabado dachoi Jesu judio masa buheri wãhu buhero niha.

¹¹ Tó watino to cohtotaricoro jiha. Watino sehe diez y ocho cãhmari waro dohatichu yoaha ticorore. Æ jiro pari muti ducuricoro jiro, poto ducu masieraha.

¹² To ã jichu ñano Jesu ticorore ñu, õ sehe ni pisuha:

—Numino, mu dohatia pihtia wahahre — ni pisuha Jesu.

¹³ To ã pisuri baharo ticorore to ña payochu dõhta ticoro noano poto ducuricoro

wahaha. Æ waharo “Cohamacu tuariro, noariro jira”, ni ño payoha ticoro.

¹⁴ Jesu ticorore Sabado dachoi to noaricoro yoachu ñano judio masa buheri wãhu puhtoro sehe tiro mehne suaha. Æ suaro tiro masare õ sehe niha:

—Seis dachori jira mari dahra dachori. Æ jina musa dohatiinare noaina wahachu yoa duana, tí dachorire tãre yoaga. Sabado dachore mari sori dachore tãre yoaena tjiga —niha wãhu puhtoro.

¹⁵ To ã nichu Jesu õ sehe ni yuhtia:

—Musa ã mahñorucuina jira. Musa wachure, burro cãhure cãhana Sabado dachoi tí duhteri dare pjã, tinare na buha, sihni dutiboa.

¹⁶ Mipu ahricorore Abrahã cjiro coyecorore watino diez y ocho cãhmari waro ticorore dohatichu yoahre. ¿Sabado dachoi ticorore noaricoro wahachu yoa dutierajari musa? —niha Jesu.

¹⁷ To ã nichu tuhõa, tina buoro wahaha. Æ jia paina sehe jipihtina Jesu yoarire ñua, wahchaha.

Mostaza yapa quitire yahuha Jesu (Mt 13.31-32; Mr 4.30-32)

¹⁸ Æ yoa Jesu quti mehne piti dahre buheha masare:

—¿Ne Cohamacu masa bui puhtoro to noano suho jia yaba baro yoaro sehe jijari, musa tuhutuchu? Ahri quti mehne tãre puhtoro to suho jiare yahuhtja yuhu.

¹⁹ Mostaza yapacã yoaro sehe jira. Tí yapacãre toari masano to wesei toaha. To toari baharo tí yapacã duha. Æ jia tu bucuachu minichahca peri tu dũpũripũ suhti suhaha. (Tó seheta muano macariroro mari puhtorore masiina mahainacã tí ji muhtapachuta baharoru tina payu wahaahca) —niha Jesu.

Pão bucuaro quitire yahuha Jesu (Mt 13.33)

²⁰ Æ ni tuhsu, pari turi Jesu õ sehe ni piti dahre buheha:

—¿Ne Cohamacu masa bui puhtoro to noano suho jia yaba baro yoaro sehe jijari, musa tuhutuchu?

²¹ Pão bucuaro yoaro sehe jira. Tãre numino cã wajuru trigore co mehne noano tãre dahra morena pão bucuahcore. To ã yoachu pão bucuaro sehe trigore noano sahseracu sãra. (To sahseracu sãro seheta muano macariroro mari puhtorore payu masa masiahca) —niha Jesu.

Mahari sopacacã quitire yahuha Jesu (Mt 7.13-14, 21-23)

²² Æ yoa Jesu bujã macaripu, daa macaricãpu cãhure buhe wahcã, Jerusalẽpu sãro taro niha.

²³ To ā waharo watoi cāiro Jesure ō sehe ni sinituha:

—Pūhtoro, ħmahainacā masare pichacapū wahaborinare yūhdorohcari Cohamacū? — ni sinituha tiro Jesure.

To ā nichū Jesu piti dahre buhero ō sehe ni yahuha:

²⁴ —Payū masa Cohamacū cahapū waha duaa, sāa duamana. Mahari sopacacāre mūsa sāa duachū mijo curera. Tō seheta Cohamacū cahapū mūsa waha duachū mijo nina. Masa ā sāa duapahta sāa masierara. Ā jina mūsa sehe mahari sopacacāre mūsa tuaro sāa duaboro seheta Cohamacū sehere tuaro masiga.

²⁵ Ō sehe yoarohca Cohamacū payū masare. Tiro wūhū pūro yoaro sehe jira. Wūhū pūro wahcā, sopacacāre biharohca. To ā yoachū sopacacāpū ducuna, sopa pahmare dotanahca. Ā dotana ō sehe ninahca: “Pūhtoro, sopa pahmare pjoōhga”, mūsa nichū wūhū pūro sehe ō sehe ni yūhtirohca. “Mū sare ne masieraja yūhū. Nohoi mūsa tariro cāhure masieraja”, ni yūhtirohca.

²⁶ To ā nichū mūsa ō sehe ni yūhtinahca: “Mūhū mehne sā chū, sihnihi. Sā ya macai buhere mūhū”, ninahca mūsa.

²⁷ Mūsa ā nichū tiro sehe ō sehe ni yūhtirohca: “Mū sare ne masieraja. Nohoi mūsa tariro cāhure masieraja. Jipihtina mūsa űaa buhiri tiina yū cahai taena tjiga”, ninohca wūhū pūro.

²⁸ Ā yoa Abrahā cjirore, Isaa cjirore, Jacobo cjirore, jipihtina Cohamacū yare yahu mūhtaina cjirore Cohamacū masare pūhtoro to noano sūho jirore ti jichū űina, mūsa sehe sopacapū cohārina jina tuaro tiinahca. Ā tiina jina, mūsa tuaro cahyaro mehne piri bahca dihonahca.

²⁹ Tī pjare jipihtiro macaina pūhtoro Cohamacū to noano sūho jiropūre sū, tiro mehne chū dujiahca.

³⁰ Mipūre wiho jiina jirina cjirore tī pjare pūhtoa jiahca. Ā jia mipūre pūhtoa jirina cjirore tī pjare wiho jiina jiahca —niha Jesu.

*Jerusalē macainare tuaro cahūna Jesu
(Mt 23.37-39)*

³¹ Tī pjare mahainacā fariseo curua macaina Jesu cahapū sūa, tirore ō sehe ni yahuha:

—Herode mūhare wajā duara. Ā jicū pa seherū wahaga mūhū —niha tina tirore.

³² Tī ā nichū Jesu sehe ō sehe ni yūhtihca: —Herode mahūoa payūriro jira tiro. Ō sehe ni yahuga tirore: “Jesu watīare cohā wioro nina. Tuhsū, dohatiinare noaina wahachū yoaro nina. Tīre michare, űamichaca cāhure yoarohca. űamichaca

bohrearo dahra batoarohca”, ni yahuga Herodere.

³³ Ā jicū michare waha, űamichaca cāhure waha, űamichaca bohrearo cāhure waha, Jerusalēpū sūihca. Cohamacū yare yahu mūhtarirore yūhare wajāhca masa. Cohamacū yare yahu mūhtainare tī wajāchū Jerusalēpū jiro cahmana tinare. Ā jicū yūhū cāhure Jerusalēpū jiro cahmana.

³⁴ Cue Jerusalē macaina. Mūsa Cohamacū yare yahu mūhtaina cjirore wajā, mūsa cahai to warocainare tāa mehne doca wajāre mūsa. Mūsa coyea panopū macaina cāhū āta yoarina cjirore jia. Caracacoro to pohhare to cjāpū dūpūri mehne to moha coāno seheta payū tahari mū sare cahūrucumahi. Mū sare cahmamahi. Mūsa sehe yūhare ne cahmaerare.

³⁵ Mipūre mūsa jiro cohāri maca jirohca. Potocā niita nija mū sare. Cohamacū mari pūhtoro to tuaa mehne taihca yūhū. Yū ā tachū űina mūsa yūhare “Cohamacū tuaa mehne tariro noajaro”, ninahca. Yūhare mūsa tīre nihto pano pari turi yūhare űisi mūsa —niha Jesu tinare.

14

Dohatirirore noariro wahachū yoaha Jesu

¹ Pa dacho Sabado dacho jichū fariseo curua macaina pūhtoa mehne macariro ya wūhūpū Jesu churo wahaha. Tī wūhū jiina tiro dihtare űuroca ōha.

² Tī ā űuroca ōno watoi yachūri wipiriro, űuchūa wipiriro tiro cahapū sūha.

³ Ā jiro Jesu judio masare buheinare, fariseo curua macaina cāhure ō sehe ni sinituha:

—ĶSabado dachore dohatirirore noariro wahachū yoa dutijari Cohamacū yare tī joari pūi? —ni sinituha Jesu.

⁴ To ā ni sinitupachūta tina yūhtieraha. Tī yūhtierachū űuno Jesu dohatirirore noariro wahachū yoa, “Wahaga”, niha tirore.

⁵ Ā yoa tuhsūro, tinare ō sehe ni sinituha tjoa:

—“ĶCūiro mūsa mehne macariro to macūno Sabado dachoi mari sori dachoi copapū to bora sāachū na wioerabocari?” mūsa ā nina. “ĶTo wachū cāhure na wioerabocari?” mūsa ā nina —niha Jesu.

⁶ To ā nipachūta tina to sinituare yūhti masieraha tjoa.

Wamomaca dūhteropū pjirocainare yahuha Jesu

⁷ Fariseo curua macariro ya wūhū jiro tī wūhū macariro to pjirocaina noaa dujiare tī besechū űūha Jesu. Ā űū tuhsū ō sehe ni yahuha jipihtinare:

⁸ —Wamomaca duhteri bose namui musare to pjrocachu, noa dujiare bese dujiina tjiga. MUSA yuhdoro cua pisinare pjrocaboca ahri wuhu puro.

⁹ To ā yoachū mUSA noaa dujiai dujichū, “Ahrina cua pisinare mUSA dujiare waga”, niboca wuhu puro musare. To ā nichū mUSA sehe bno tina, űaa dujiai dujiboca.

¹⁰ Ā jina wuhu puro musare to pjrocachu, űaa dujiai duji muhtaga. MUSA ā yoachū wuhu puro musare “Noaa dujia sehere dujina taga”, ninohca musare tiro. MUSA ā wahachū paina to pjrocaina sehe musare űo payoa mehne űuahca.

¹¹ Cūiro to basi “Puhtoro tjija”, ni tuhoturiro cahamacuno jirohca. Pairo “Cahamacuno jija”, ni tuhoturiro painare yuhdurūca duaerariro tiro sehe puhtoro jirohca —niha Jesu tinare.

¹² Ā ni tuhsū Jesu wuhu purore ō sehe ni yahuha:

—Mūhū bose nūmū dahrecū mū cahai jinare, mū bahanare, mū coyeare, pache pūare pjiesū tjiga. Mū tinare pjichū mūhū cūhure tina cūhū pji cahmaahca tjoa. Ā pji cahmaa mūhure ti wapamoare wapaahca.

¹³ Mūhū bose nūmū dahrecū pjacūoinare, tini masierainare, cū buhusehe dahporo dojori tinare, capari űuerainare pjirocaga.

¹⁴ Mū ā yoachū űūno Cohamacū mūhure noano yorohca. Tina sehe mūhure ti wapamoare wapa masierara. Ā jiro noaina yariaina ti masa mūjari pja jichū Cohamacū sehe noaare mū yoari wapa mūhure noano yorohca —niha Jesu wuhu purore.

Pjiri bose nūmū quitire yahuha Jesu

¹⁵ To ā nichū tuhoro paio chūri mesa cahai dujiri, Jesure ō sehe ni yahuha:

—Cohamacū masare puhtoro to noano suho jiroi to chūri mesa cahai dujiina tuaro wahcheina jahca —niha tiro Jesure.

¹⁶ To ā nichū Jesu ahri quitire yahuha tire:

—Pjiri bose nūmū dahreriro payū masare pjirocaha.

¹⁷ To pjrocari baharo bose nūmū dachoi to cahamacunore to pjrocainare yahu dutiro warocaha. “Ma, jiphtiare bose nūmū macaa cjihure cahno tuhsūhure. Ā jiro musare pjrocahre”, ni yahu dutiha to cahamacunore.

¹⁸ To cahamacuno to ā ni yahupachūta, to pjrocaina sehe “Waha masieraja”, niha tina. To pjiroca muhtariro ō sehe ni yahuha to cahamacunore: “Michapucacā yahpare nuchūhi. Ā jicu ti yahpare űui wahai tai nija. Ā yoacu waha masieraja. űo payo curea yūhure. Yūhure basioerahca”, niha to pjiroca muhtariro sehe to cahamacunore.

¹⁹ Pairo sehe ō sehe niha: “Wachūare pūa wamomaca pihtinare michapucacāta nuchūhi. Ā jicu wachūare buhe cayo űui wahai tai nija ti waja wahcāhtore. Ā yoai wahaeraja. Yūhure basioerahca”, niha tiro cūhū.

²⁰ Pairo sehe ō sehe niha: “Yūhū michapucacā wamomaca duhtehi. Ā jicu bese nūmūpū waha masieraja”, niha tiro to cahamacunore.

²¹ To ā nichū to cahamacuno sehe tjua waha, to puhtoropure ti niri cjirire yahu pahūoha. To ā ni yahuchū to puhtoro tuaro susini, ō sehe niha to cahamacunore. “Macari macaa maharipū pjacūoina ti ducua maharipū wahaga. Ā jicu pjacūoinare, tini masierainare, capari űuerainare, cū buhusehe dahporo dojori tinare cjero na taga tinare”, niha puhtoro.

²² Baharo curero to cahamacuno yahuha to puhtoro: “Puhtoro, mū dutiriro seheta yoahi. Yū ā yoapachūta paina cūhū mū suahca”, niha to cahamacuno.

²³ To ā nichū puhtoro tire ō sehe ni dutiha: “Camporū wahaga. Tōi bujūa maharipū jūinare, daa maharicāpū jūina cūhure masare yū wūhūpū ta dutiga, ya wūhū to noano wahpahto cjihto sehe.

²⁴ Potocā nii nija mūhure. Ahrina yū pjiroca muhtarina yū chūare ne mahanočā chūsi”, niha puhtoro —ni yahuha Jesu.

Jesu mehne wahachū mijo nina

²⁵ Tī pjare payū masa Jesu mehne wahaha. Ā jiro Jesu tinare majare űū, ō sehe ni yahuha:

²⁶ —Cūiro yū buheriro jī duaro painare to cahūriro yuhdoro yūhū sehere cahūno cahmana. To pūcūrore, to pocoro, to namonore, to pohmare, to bahanare, to pjacu cūhure to cahūriro yuhdoro yūhū sehere cahūno cahmana. Ā yoareraro yū buheriro jī masierara.

²⁷ Cūiro yū buheriro jī duaro yū yare ā yoarucuriro jirohca. Ā yoa crusapū yū űūno yuhduhtiro seheta yū yairo to jiri buhiri űūno yuhdu duaeraro yū buheriro jī masierara.

²⁸ Ahrire masiyuro cahmana musare. Ō sehe jira tī: Wūhū dahreriro to mūari wūhure yoahito pano wūhū wapa tihtire quihū cū muhtana. Ā yoaro to wūhure to pahūohtore masina tiro.

²⁹ Wapa tihtire quihūeraro to wūhure yoaro pahūoeraboa. Ā jia tire űūina bujūpeboa.

³⁰ “Ahriro to wūhure yoaro bihoerare”, ni bujūpeboa.

³¹ Puhtoro paio puhtoro yaina mehne ti cahma wajāhto pano, to yaina surarare to cahma wajā dutihto pano, to surarare

quihōnohca. “¿Yuhū diez mil surara mehne pairo veinte mil surara cjuariro mehne cahma wajācū bihobocari yuhū?” ni tūhoturo quihōnohca tiro.

³² Ā quihōno, to bihoerahtore masinohca. Ā masino pairo pūhtoro to surara mehne cahma wajāno tariro yooropū to jichuta, bihoerariro sehe “Cahma wajāena tjijihna”, ni dutiro warocaboa dahra cohtarirore.

³³ Ā jina yū buheina ji duana, mūsa yoahitre mū sare masino cahmana. Mūsa yoa duari sehere cohā duaerana, yū buheina ji masierara —ni yahuha Jesu.

Moa coaerarore yahuha Jesu

(Mt 5.13; Mr 9.50)

³⁴ Ā ni tuhsū tinare ō sehe ni yahu namoha:

—Moa noano coara. To coaerachū coa yoahito basioerara.

³⁵ Moa coaerachū tí moa ne noaerara. Tí moare dohseahito basioerara. Tí ā jichū tí moare cohāno cahmana. Ne yaba cjihti jierara tí cohōa. (Tí yaba cjihti jieraro seheta jiena tjiga mūsa. Moa noano to coaro seheta mūsa cūhū ji coaina jiga. Tuhsū, paina mehne noano mehne jiga.) Ahrire noano tūhoga mūsa —niha Jesu.

15

Oveja butiriro quitire yahuha Jesu

(Mt 18.10-14)

¹ Ā yoa pa dachoi payū pūhtoa yare wapa na cohtaina paina “Ñāare yoaina”, ti niina mehne Jesure tūhoah taha.

² Tí ā yochū űna fariseo curua macaina, judio masare buheina cūhū Jesure űn tuhtia, ō sehe niha tí basi:

—Ahriro űnainare piti tira. Ā jiriro jirota tina mehne chūra —ni durucuha tina tí basi.

³ Tí ā ni durucuchū Jesu to tūhotua mehne ō sehe ní piti dahre buheha tinare:

⁴ —¿Cien oveja pūro cāiro oveja butichū űno dohse yoorohcari tiro? Ō sehe yoorohca. Tiro noventa y nueve ovejare tí chūri campopū cū, butirirore macano waharohca. Ovejare bocaropū duhurohca.

⁵ Tireo bocarocā wahcherohca. Ā jiro to comapariaca buipū tireo cĵā payo, to wūhūpū na tĵuaa waharohca.

⁶ Na tĵu sū, to cahai jĵinare, to coyeare pĵi cahmachunohca. “Yū oveja butirirore boca tuhsūhi. Ā jina yuhū mehne wahchega”, ninohca tiro tinare.

⁷ Potocā niita nĵa mū sare. Noventa y nueve oveja payū tí jiriro seheta, payū masa ō sehe ní tūhotura: “Ñāno yoaeraja. Ā jĵcū yū űnaare cahya, yū tūhotumari cĵirire tūhotu cohtotasi yuhū”, ní tūhotura payū masa. Tí ā ní tūhotuchū űna mūano macaina Cohamacū cahai jĵina wahcherara. Pairo

sehere wahchera. Butiriro oveja cāirota to butiriro seheta to pūro tireo to bocariro seheta cāiro űnariro to űnaare cahyachū, “Ñāno yoaeraja”, ní to tūhotumari cĵirire tūhotu to cohtotachū, Cohamacūre to cahmachū űna, Cohamacū cahai jĵina tuaro wahchera —niha Jesu.

Niñeru tū butiri quitire yahuha Jesu

⁸ Ā ní yahu tuhsū, paye quiti mehne piti dahre yahu namoha tĵoa:

—¿Diez niñeru tūri cĵuaricoro cā tū butichū űno dohse yoorohcari ticoro? Ō sehe yoorohca ticoro. Sihāriare sihā, wūhare coha, noano maca pahñonohca. Tí tūre bocaropū duhurohca.

⁹ Tí tūre boca tuhsū, to cahai jĵinare, to coyeare pĵi cahmachunohca. “Niñeru tū ya tū yūhare butiri tūre bocahĵi. Ā jina yuhū mehne wahchega”, ninohca ticoro.

¹⁰ Potocā niita nĵa mū sare. Tó seheta cāiro űnariro to űnaare cahyachū, “Ñāno yoaeraja”, ní to tūhotumari cĵirire tūhotu to cohtotachū Cohamacūre to cahmachū Cohamacū yaina anĵoa sehe tuaro wahcheahca —niha Jesu.

To macūno butiri quitire yahuha Jesu

¹¹ Ā ní yahu tuhsū Jesu paye quiti mehne piti dahre yahu namoha tĵoa:

—Būcūro pohna pūaro mūa jĵha.

¹² Dūhsariro sehe ō sehe niha to pūcūrore: “Mai, mū yariari baharo yūhare mū wahtire yūhare wa bahrañoga”, niha tiro to pūcūrore. To ā nichū tí pūcūro pūaropūreta to pohñare wĵitira to cĵuari cĵirire.

¹³ Mahaa dachoricā baharo dūhsariro to yare jĵipĵitiare na, yooropū pa yahpapū wahaa wahaha. Tórpū sūro tūho masierariro seheta yoa, to niñerure to yare yoa site pahñonohca.

¹⁴ To yoa site pahñori baharo tí yahpapūre ne chūa marieni pĵa jĵi dūcaha. Ā jiro tiro jūca baaha.

¹⁵ Ā jiro tí yahpa macaa dahraare macaha. To bocachū to pūhtoro yesea cohtariro sōha tireo.

¹⁶ Ā jiro tiro yeseare nu, tí chūare chū duamaha. To ā chū duapachuta tí chūare tó macaina waeraha tireo.

¹⁷ Ā yoa tireo tóti wacūa taha jūna. “Yū pūcūre dahra cohtaina sehe buĵua chūare chūca. Tí chū duhaa cūhū buĵua dūhsaca. Tí ā noano yūhdūro watoi yuhū sehe ōi jĵcū, jūca yariari nĵa.

¹⁸ Mĵpūre yū pūcū caharū tĵuaihtĵa. Yū pūcū caharū sūcū ō sehe nihtĵa tireo: ‘Mai, Cohamacūre űno yoahĵi. Mūhū cūhare űno yoahĵi.

¹⁹ űnariro jĵa. Mū macū jĵboriro jĵeraja yuhū. Mūhare dahra cohtaina seheta yoaga yūhare’, nihtĵa yū pūcūre”, ní tūhotuha tiro.

²⁰ Ā ni tūhoturota wahcāraca, to pucaro cahapū tjuaa wahaha. Tōpū to sūgīro tjuu tachū to pucaro sehe yoaropūta to macanore űūha.

To ā wihichū űūno to macanore pja űūha. Ā pja űūno to cahai mūroca wahcā tirore cĵā suhsu mūa, to wahsupui wihmiha to pucaro to macanore.

²¹ “Mai, Cohamacare űāno yoahi. Mūhū cāhūre űāno yoahiti. űāriro jĵa yūhū. Mū macū jĵoriro jieraja yūhū”, niha tiro to pucaro.

²² To ā nichū tūhorō to pucaro sehe dahra cohtainare pĵiĵa: “Cĵero, noa yūhdūri suhtire no taĵaga. Ā jĵina yū macūre sāaga. Sāa tuhsū, to wamomaca sāari sorore sāa, to dahporire dahpo suhti cūhūre sāaga.

²³ Sāa tuhsū, dihi tĵirocāre wachūcāre wajāga. Bose nūmū yoajĵina.

²⁴ Ahrĵiro yū macū yariariro seheta wahare. Ā wahaparota mipūre catira tiro. To butĵoriro seheta jĵiĵore mipūre bocahi. Ā jĵina bose nūmū yoajĵina”, niha to pucaro. To ā niri baharo bose nūmū dahre dūcaha tina.

²⁵ Tĵi pĵare to wahmino sehe wesepū jĵiĵa. Wesepū jĵiĵo coha tĵua taro wūhū cahai sūro, ti basaare tūhorocaha tiro.

²⁶ Ā tūhorocaro, cāiro dahra cohtarirore pĵiroca, tirore sinitu űūha tiro: “ĴDohse yoa basaa niri?” ni sinitu űūha tiro dahra cohtarirore.

²⁷ “Mū bahū tĵu wihĵire. Tiro noariro, catĵiĵo to tĵu wihichū mū pucū dihi tĵiĵo wachūcāre wajā dutĵire”, ni yūhtiĵa dahra cohtariro.

²⁸ To ā ni yahuchū to wahmino sehe tuaro suaro, wūhūpū sāa taeraha. To sāa taerachū űūno to pucaro sopacapū wijaa ta, “Sāa taga” ni, tuaro pĵimaha to macanore.

²⁹ “Tūhoga, Mai. Yoari pĵa mūhūre dahra cohtariro seheta mūhūre yoadohomahi. Ā jĵicū mū dutiare ne cū taha yūhdūrucaera tihi. Yū mūhūre dahra cohtapachuta yūhūre ne waerare mūhū. Ne cāiro wahiĵirocāre ne waera tĵi mūhū yūhūre yū piti tiina mehne yū bose nūmū dahrehtĵi cĵiĵtĵire.

³⁰ Wiĵo mejeta ahrĵiro mū macū sehe űāina numia mehne mū yare yo site pahűoyuhti. Tĵiĵe yo site pahűo tuhsū, tiro wūhūpū to tĵu wihichū dihi tĵiĵocāre wachūcāre wajā dutĵiyuhti mūhū to cūhtĵiĵo cĵiĵtĵore”, niha to wahmino to pucaro.

³¹ “Macū, yūhū mehne jĵiĵitia dachoripe mū jĵichū jĵiĵitia ya mū ya cāhū jĵira.

³² Mū bahū sehe yariariro seheta wahare marine. Ā yoa mipūre tiro catĵiĵo jĵira. Tiro butĵoriro seheta jĵire. To ā wahari baharo mipūre tirore bocahi. Ā jĵina to tĵu wihichū mari bose nūmū yoa wahchechū noana”, niha tiro to macanore —niha Jesu tinare.

16

Niĵeru űū wĵibo cohtariro tūho masiriro quitire Jesu yahuha

¹ Ā yoa ahrĵi quitire to buheinare ō sehe ni yahuha Jesu:

—Pache pūro ya niĵerure to űū wĵibo cohtariro niĵerure noano to űū wĵiboerachū űūno paio sehe yahūsāha pache pūrore: “Tiro mū niĵerure yo sitero nina”, ni yahūsāha tirore.

² To yahūsā tuhsūri baharo niĵeru űū wĵibo cohtarirore pĵirocaha. Ā pĵi tuhsū, to wihichū űūno, tirore pūhtoro ō sehe niha: “Pairo yū niĵerure mū yoa siterire yūhūre yahure. Ā jĵicū mipūre yū yare űū wĵiboriro jĵiĵi mūhū. Ā jĵicū yū yare mū yoari cĵirire yahu pahűo joaga. Mūhūre cohāi nĵa”, niha to pūhtoro tirore.

³ To ā niri baharo ō sehe ni tūhotuĵa űū wĵiboriro to basi: “Yū pūhtoro yūhūre cohāno taro nica. Yūhū tuaraja. Ā jĵicū tuaro dahraare bihoeraja. Tuhsū, painare yūhū niĵerure sinitū buobiaro yūhdūboca yūhū. ĴDohse yoaihcarĵi yūhū?

⁴ Mĵipū piniĵtare yū yoahĵire masĵa yūhū jūna. Ō sehe yū yoachū yū dahraa maerachū yū pūhtorore wapamoina yūhūre cahĵahca. Ā jĵia ti wūhūsepū sāa dutĵahca yūhūre”, ni tūhotuĵa tiro.

⁵ Ā ni tūhoturo tiro jĵiĵitina to pūhtorore wapamoinare pĵirocaha. Pĵiroca tuhsū, cohtaha. Ā cohtaro wĵiĵi mūhtarirore ō sehe ni sinituĵa tiro: “ĴYū pūhtorore noho puro wapamojari mūhū?” niha tiro.

⁶ To ā nichū wapamoriro sehe ō sehe ni yūhtiĵa: “Cĵen tambores sere olivo dicha mehne ti yoari sere wapamoĵa tirore”, ni yūhtiĵa tiro. To ā ni yahuchū niĵeru űū wĵiboriro sehe ō sehe ni yahuha: “Ōĵi jĵira mū wapamonore joa ōri pū. Dujĵiga. Ā jĵicū mū wapamonore dacho macai na, dacho macai joa cahnoga”, niha űū wĵiboriro wapamorirore.

⁷ Ā ni tuhsū paio wapamorirore sinituĵa tiro: “ĴMūhū waro, noho puro wapamojari?” niha tĵoa. “Cĵen waju trigo yapari wajure wapamoĵa yūhū”, niha wapamoriro niĵerure űū wĵiborirore. “Ōĵi jĵira mū wapamonore joa ōri pū. Mū wapamonore ochenta joa cahnoga”, niha űū wĵiboriro.

⁸ To ā noano mahűo miĵnichū űūno “Ahrĵiro mahűoriro noano masiriro jĵica”, ni tūhotuĵa to pūhtoro niĵerure űū wĵiborirore. Ahrĵi dacho macaina, Cohamacare cahmaeraina ti yare cahnorire ti niĵeru ti űū wĵiborire Cohamacū yaina yūhdoro masica tina —niha Jesu.

⁹ Ā ni tuhsū Jesu ō sehe ni yahu namoha: —Ahrĵi quitire ā ni yahuchū, mū sare ō sehe niĵa nĵa. Mūsa cĵuaare, pĵacoinare mūsa

wachu, tina sehe musare cahiaha. Musa a yoachu musa cjuaa pihtiari baharo musa manopu suchu musare cahiaha topure.

¹⁰ Wiho jiina ya dahraare quihono yoana, puhtoa ya dahraa cahure quihono yoanaha. Wiho jiina ya dahraare quihono yoerana, puhtoa ya dahraa cahure quihono yoasi musa.

¹¹ A jina ahri yahpai musa cjuaa mehne musa noano yoerana Cohamacu musare to yoa dutia cahure noano yoasi musa.

¹² A jiro pairo yare musa noano yoabasaerachu fiano musa ya cjihtire wasi musare.

¹³ Curo Cohamacu sehere wacuno, tuabiaro niheru sehere wacuerara. Niheru sehere tuabiaro wacuno Cohamacu sehere wacuerara. Niheru dihtare cahmariro jiro Cohamacu wahchechu yoerara. Cohamacu cahure, niheru cahure puarore cahma yuhducahto basioerara musare. Niheru cahma yuhduariro Cohamacu noano no payo masierara —niha Jesu.

¹⁴ To a nichu tuhoo fariseo curua macaina sehe tirote bujupaha. Tina sehe niheru cahiaha. A jia bujupaha.

¹⁵ Ti bujupachu tuhoro Jesu tinare o sehe ni yahuha:

—Masa ti nurocaroi musa noano yoamana. Musa a yoachu “Noaina, quihono yoaina jira”, nimana masa musare. Cohamacu sehe musa tuhutuare masina. Masa “Noa yuhduara”, ti nirire Cohamacu sehe soro ni tuhutu, tire nu yabira —niha Jesu.

Cohamacu to dutiare, puhtoro to suho jiare yahuha Jesu

¹⁶ A ni tuhsu o sehe ni namoha Jesu:

—Joao masare bautisario to jhto pano Moiseru to curo dutia mehne Cohamacu marine dutire. Cohamacu yare yahu muhtaina cjiri ti joari cjiri mehne cahure marine dutire. Mipu sehere Joao to buhe ducari baharo noa buheare, Cohamacu masare puhtoro to noano suho jia cahure masi ducara masa. A masia masa ti mu soro ti tuua mehne Cohamacu masare puhtoro to noano suho jirore sa duamana.

¹⁷ Moiseru to curo dutiai Cohamacu to niriro seheta yoa pahnonoha tiro. Cohamacu yare yahu muhtaina cjiri ti joari cjiripu cahure to niriro seheta yoa pahnonoha tiro. Manano cuhu ahri yahpa cahu ti phtia wahapachuta Cohamacu to niriro seheta yoa pahnonoha —niha Jesu.

*Namonore cohare yahuha Jesu
(Mt 19.1-12; Mr 10.1-12)*

¹⁸ A ni tuhsu o sehe ni namoha Jesu:

—Masuno to namonore cohano, pacorore namo tiro, tiro ticoro mehne fiano yoaro nina. Tuhsu, masuno pairo to cohoricore

namo tiro, tiro cahu ticoro mehne fiano yoaro nina —niha Jesu.

Pache puro cahure, Lazaro cahure to yuhuri quitire buheha Jesu

¹⁹ A yoa paye qiti mehne piti dahre yahuha Jesu:

—Ti pjapure pache puro jia. To suhti sehe wapa bujibiaha. Tuhsu, dachoripe tiro noa dihtare churo, payu cjuaha tiro.

²⁰ A yoa ti pjare pairo pjacuriro, Lazaro wama tiro jia tiha. Tiro to pjacu payu cami tiro jia. To a jiriro jichu paina sehe tirote pache puro ya wuhuru na suha.

²¹ A jiro pjacuriro sehe pache puro to churi mesa docai yahpai dujuro to chu site boroare chumaha. “To chu site boroare chucu yapicaha yahu”, ni tuhutumaha tiro. A jia dieya to camine nehnea taa tiha.

²² Baharo pjacuriro to yariaa wahachu, Abrahahahapara wama tiro anjoa tirote naa mujaha. Pache puro cahu to baharocata yariaa wahaha. To yariachu tirote yaha.

²³ A yoa pache puore tuaro pichaca jaha. To a tuaro jachu, pichacaru jiro manopu jirirore Abrahare nuha. Lazaro cahure nuha.

²⁴ Nu tuhsu, tiro Abrahare pisurocaha: “Coyeiro Abrahah, pja nuga yuhure. Pichacaru yahu fiano yuhdui nica. Yu a wahachu Lazarore yuhure warocaga. Tiro core to wamo picaru soha, yu nahmanore co mehne nehjaro. Tore yusujaro tiro”, niha pache puro.

²⁵ To a nichu Abrahah tirote o sehe ni yahuha: “Coyeiro, catiriro jicu jiphtiare muhu noaare cjuare. Lazaro sehe dachoripe fiano yuhdure. Mipu sehere muhu fiano yuhduchu tiro sehe opure wahchea mehne jinocahno nina.

²⁶ A yoa mari watoi cuari copa jira. A jia ore jiina topure waha masierara. Tuhsu tore jiina opu ta duaina ta masierara”, niha Abrahah pache puore.

²⁷ To a nichu pache puro o sehe ni namoha: “Coyeiro, tuaro sinija muhure. Lazarore yu pucu ya wuhuru warocaga.

²⁸ Yuhu cu wamomaca pihtiina bahana tija. Lazaro tinare yuhujaro. Tina ore fiano yuhduropure taea tjijaro”, niha tiro.

²⁹ To a nichu Abrahah sehe o sehe ni yuhtiha: “Cohamacu dutiare Moise marine to curo cjirire, Cohamacu yare yahu muhtaina ti joari cjirire cjuara mu bahana. A jia mu bahana tureta tuhujaro”, niha Abrahah.

³⁰ To a nichu pache puro sehe yuhtiha: “Coyeiro Abrahah, tire cjuapahta noano tuhosi. Lazaro yariariro masariro tina cahapu to suchu fua tina sehe ti naare cahya,

noaare cohtotaahca. Ā jia noaare yoaahca yu bahana sehe", niha pache puo cjiro.

³¹ To ā nichu Abrahā sehe ō sehe ni yahuha: "Mu bahana Moise to cūri pū to yahuare, Cohamacu yare yahu muhtaina cjiri ti yahuare tuhoeraina jira. Ā jia Lázaro yariariro cjiro masariro to jipachuta tina Cohamacure tuho duasi", niha Abrahā —ni yahuha Jesu.

17

*Ŋaare yoachu cua nina
(Mt 18.6-7, 21-22; Mr 9.42)*

¹ Ā yoa Jesu ō sehe ni yahuha to buheinare:

—Masare űano yoachu yoa payu jira. Ā jia masa űaare yoara. Ti ā jipachuta masunore űaare yoachu yoariro sehe űabiario yuħdurohca.

² Masunore to wamuai pjiria tāca duhte yo, pjiri mapu tirore ti cohāchu űano wahaboa tiro. Pairo sehe ahrinacā mehne macarirocāre űaare yoachu yoaro pjiri mapu ti cohāriro yuħdoro űano yuħdurohca. Tirore tuaro buhiri dahero cahmana.

³ Noano yoaga musa. Musa coyeiro űano to yoachu űana "Yoai tjiga", niga tirore. Ā jina tiro to űaare cahyachu, noaare to cohtotachu musa sehe to űaa yoare boga.

⁴ Ā yoa musa coyeiro cū dachoihta siete tahari musare űano to yoachu tōpe tahari musare, "Yu űaare cahyaja. Pari turi ā yoasi", to nichu tōpe taharita to űaa yoare boga —niha Jesu.

Cohamacure wacū tuaare yahuha Jesu

⁵ Ā yoa Jesu buhe duti to cūina tirore ō sehe niha:

—Cohamacure sāre noano wacū tua namochu yoaga —niha tina Jesure.

⁶ Ti ā nichu Jesu ō sehe ni yuhtiha:

—Mostaza yapacā mahari yapacā jiparota duroru pjidu wahara. To ā wahariro seheta Cohamacure pjiro wacū tuana, ō sehe wahachu yoa masinahca musa. Ahdu sicómoro wama tidure ō sehe ni masina: "Muhu yucucu mu basi duhtu wahcā, pjiri mapu bora űojaga", ni masina musa. Musa ā nichu tu yucucu sehe musa dutiro seheta waharoha —niha Jesu.

Dahra cohtariro to dahraare yahuha Jesu

⁷ Baharo ō sehe ni buheha Jesu:

—Musare dahra cohtariro jiro wesepu tjana, ovejare űu wihbora. Ā Dahra cohtariro to tju wihichu dohse nibocari musa tirore? "Cjero taga. Mu chūa ōi jira", Ā nibocari musa?

⁸ Ā nierara musa. Tirore ō sehe nina musa: "Yu chūare doha cahnoga. Ā jicu yu chu sihnichu yuhure cohtaga. Yu baharo

muhu cāhu chu sihniga", nina musa dahra cohtarirore.

⁹ Dahra cohtariro musa dutiare to yoachu tirore "Noana", nierara musa. To dahraa dihtare yoaro nica tiro.

¹⁰ Musa cūhu tiro yoaro sehe tjira. Cohamacu to dutiriro seheta yoa pahñona ō sehe ni tuhotuga musa: "Sā cūhu dahra cohtaina dihta jija. Wiho jiina jija sā. Sā dahraa dihtare yoaja sā", ni tuhotuga musa —niha Jesu to buheinare.

Diez cami baainare noaina wahachu yoaha Jesu

¹¹ Pa dacho Jerusalēpu Jesu Galileo niha. Tōpu waharo Samaria yahpa, Galilea yahpa dacho macai yuħdu wahcāha.

¹²⁻¹³ Pa macapu wahari mahapu to tinichu diez cami baaina sehe tirore piti bocaha. Ā jia tina yoa cureroru ducuata pisuha:

—Jesu, puhtoro, sāre pja űuga —niha tina.

¹⁴ Ti ā nichu tinare űu, ō sehe ni yahuha Jesu:

—Sacerdotere musa pjacurire noaa pjacuri ti waharire űona wahaga —niha tinare.

To ā niri baharo ti waharo watoi tina ti pjacuri noaina wahaha.

¹⁵ Ā jiro cāiro tina mehne macariro noano to pjacu wahachu űano, Jesu cahapu majare tjuaha. Ā tjuaro tuaro mehne Cohamacure űo payoha. "Cohamacu tuariro, noariro jira", tuaro ni, űo payoha tiro.

¹⁶ Ā nino tiro Jesu dahpori cahai na tuhca caha su, "Noana", niha tiro. Tiro sehe Samaria macariro jiha.

¹⁷ To ā yoari baharo Jesu ō sehe ni yahuha:

—Diez jihre masa noaina wahaina. Ā Paina nueve dāhsaina sehe nohoru jicari tina?

¹⁸ Ahriro pa yahpa macariro dihta Cohamacure "Noana", nino taro tjua tahre. Ā Dohse yoa paina taerari? —niha Jesu.

¹⁹ Ā ni tuhsu Jesu ō sehe ni yahuha na tuhca caha surirore:

—Wahcārucaga. Wahaga. Muhu Cohamacure wacū tuacu, noariro wahahre muhu —niha Jesu tirore.

Cohamacu masare puhtoro to noano suho jithore yahuha Jesu

(Mt 24.23-28, 36-41)

²⁰ Tí pjare mahainacā fariseo curua macaina Jesure ō sehe ni sinituha:

—Ā Dohse jichu puhtoro Cohamacu masare suho ji ducarohcari? —niha tina.

Ti ā nichu Jesu ō sehe ni yuhtiha:

—Cohamacu masare puhtoro to noano suho ji ducachu masa űu masierara.

²¹ "Cohamacu masare puhtoro to noano suho jia ōi jira", ni masierara. "Sohōpu jira", ni masierara. Cohamacu masare puhtoro to

noano saho jia masa ti tãhotuapũ jira —niha Jesu fariseo curua macainare.

²² Æ ni tuhsũ Jesu to buheinare õ sehe ni yahuha:

—Baharo yũhũ masũno Cohamacũ warocariro ahri yahparũ yũ tjua tahtore tuaro cahmanahca mũsa. Cũ dachoihta yũhũre ñũ duapanahca yũhũre ñũsi mũsa. Mũsa yũhũre ã ñũ duapachũta tí pjare tasi yũhũ.

²³ Paina mũsare õ sehe niahca: “Tirore ñũga. Tiro Cristo jira. Ahrirore ñũga. Ahriro Cristo jira”, niahca mũsare. Ti ã nipachũta tinare tũhoena tjiga.

²⁴ Oroca sitero wacũenoca to oroca sitero seheta yũhũ cãhũ masũno Cohamacũ warocariro wacũenoca tjua taihca.

²⁵ Æ yũ tjua tahto pano yũhũ tuaro ñano yũhũdũihca. Æ jia yũhũre mipũ macaina cahmasi.

²⁶ Noé to jiri pja macaina ti jiriro seheta yũhũ masũno Cohamacũ warocariro yũ tjua tachũ tó seheta jiahca masa.

²⁷ Noé to jiri pjare jipihtina masa ã chũrucua tiha. Æ yoa sihnirucua tiha. Æ jia mũa numiare namo tia tiha. Noé pjiria dohoriapũ to samuhto pano Cohamacũ tinare to miohto pano tí jipihtiare masa yoarucua tiha. Tó seheta jirohca pari turi yũ tjua tachũ cãhũre.

²⁸ Lote to jia tiri pja macaina ti jiriro seheta yũ tjua tachũ jiahca masa. Lote to jia tiri pjare masa chũ, sihni, nuchũ, dua, weserire toaa, wũhuse yoaha.

²⁹ Ti ã yoaro watoi Sodoma wama tiri macai jiriro Lote to wahari dachoi mũano macaa pichaca, picha sohãa poca tãa peri cãhũ coro taro seheta tina bui bora ta, tinare wajã pahũnonocaa tiha.

³⁰ Yũhũ masũno Cohamacũ warocariro wacũenoca yũ tjua tachũ tina yoaro seheta yoaina jiahca masa tí pjare.

³¹ Tí pjare cãiro to wũhũ bui macari warapũ jiriro wũhũ puhichapũ to ya jichũ tíre nano sãaeno tjijaro to waha bahraõhto sehe. Tuhsũ, wesepũ jiriro cãhũ tí pjare to wũhũpũ piha taero tjijaro to waha bahraõhto sehe.

³² Lote namono to waharire wacũga mũsa.

³³ Masũno yũhũre wacũno marieno to mũ sũro to cahmano seheta yoaro pichacapũ waharohca. Yũ yare ã yoarucururo sehe jipihtia dachoripe yũhũ mehne mũanopũ jirucurohca.

³⁴ Tí ñamine pũaro cã casario bui carĩnare cãiro yũhũre cahmarirore naaihca. Tuhsũ, yũhũre cahmaerariro tó tjuarohca.

³⁵ Tí pjare pũaro numia cãnoi tí trigore arẽa numiare cũcoro yũhũre cahmaricorore naaihca. Tuhsũ, yũhũre cahmaeraricoro tóihca tjuarohca.

³⁶ [Æ yoa wesepũ pũaro dahraina ti jichũ cãirota naihca. Cãiro tó tjuarohca] —niha Jesu.

³⁷ To ã nichũ to buheina sehe õ sehe ni sinituha tirore:

—¿Nohopũ ã waharohcari? —ni sinituha tina.

Ti ã nichũ Jesu õ sehe ni yũhtiha:

—Yucaare mari ñũna, yariariro to pjacũ cjiro jichũ mari noano masinahca. (Tó seheta ahri mũsare yũ yahuyurire mũsa ñũna noano masinahca ahri yahparũ yũ tjua tahto mahanocã to dũhsachũ cãhũre) —niha Jesu.

18

Wapewahyoro to buhiri dahre dutia quitire yahuha Jesu

¹ Æ yoa Jesu tinare Cohamacũre siniare yahuro õ sehe niha:

—Mũsa Cohamacũre sinina, cohtaga to yũhtihtore. Yoari pja cohtapanahca cahyaena tjiga. Tirore sinina duhuena tjiga —niha Jesu.

² To ã nirire buhero taro ahri quiti mehne piti dahre yahuha tinare:

—Pa macapũ tí buhiri dahre dutiriro jiha. Tiro Cohamacũre ño payoeraha. Æ yoa masa cãhũre ño payoeraha.

³ Wapewahyoro cãhũ tórpũ jiha. Ticoro tiro cahapũ sũroca majareno õ sehe niha: “Yũhũre ñũ tuhtirirore buhiri dahre dutiga mũhũ. Yũhũre ni dũcataga”, ni sinirucua ticoro tirore.

⁴ To ã nichũ payũ tahari tiro “Yoasi yũhũ”, nimaha ticorore. To ã nipachũta ticoro payũ tahari ã sinirucuro tirore caribobiario yoaha. To ã caribochũ, tiro õ sehe niha to basi: “Yũhũ Cohamacũre, masa cãhũre ño payoeraja.

⁵ Yũ ã ño payoerariro yũ jipachũta ahri-coro sehe yũhũre caribobiaria. Yũhũre ã cariboro yũhũre pomea wahachũ yoarohca ticoro. To ã ni yahusãrucuchũ ticorore ñũ tuhtirirore buhiri dahre dutihtjã, niha buhiri dahre dutiriro —niha Jesu.

⁶ Æ nino Jesu tinare õ sehe ni yahu namoha:

—Æ niha tiro ñariro buhiri dahre dutiriro. To niri cjirire wacũga mũsa.

⁷ Tiro yũhdoro Cohamacũ sehe to yainare to beseinare ñamipũ cãhũre, dachopũ cãhũre tirore sinirucuinare yũhtiuro, yoadohorohca.

⁸ Mũsare niita nija. Cohamacũre ti siniriro seheta dóicãta tinare yoadohorohca. ¿To ã yũhtiuro to jipachũta yũhũ masũno Cohamacũ warocariro ahri yahparũ tjua tacũ Cohamacũre wacũ tuainare bocabocari yũhũ? —niha Jesu.

P̄h̄aro Cohamac̄ure ti sinia quitire yahuha Jesu

⁹ Ā yoa pari turi piti dahre buhero ð sehe ni yahuha Jesu: “Sā sehe noaina jija. Paina sehe ñano yoaina jira”, ni t̄hotuina barore Jesu ð sehe ni yahuha:

¹⁰ –Cohamac̄u ya w̄h̄ur̄u p̄h̄aro m̄sa Cohamac̄ure sinia wahaha. C̄airo fariseo curua macariro jiha. Pairo p̄h̄toa yare wapa na cohtariro jiha.

¹¹ Ā yoa fariseo curua macariro sehe wahc̄ar̄uc̄u s̄u, ð sehe ni yahuha Cohamac̄ure: “Cohamac̄u, ȳh̄u paina yare mah̄nopea mehne nariro, ñano yoariro, paina namos̄anumia mehne w̄ana tiriro ne jieraja. Paina yoaro sehe ñariro jieraja. Ahriro wapa na cohtariro yoaro sehe ñariro ne jieraja ȳh̄u. Ā jic̄u m̄h̄ure ‘Noana’, nija Cohamac̄u.

¹² Ȳh̄u somanaripe p̄na dachore ne ch̄eraja, m̄ yare yoac̄u tac̄u. Tuhs̄u j̄ip̄htia dohse jiape ȳ wapataa c̄h̄ure mahano (diezmo) wa m̄jaja ȳh̄u m̄h̄ure ño payoc̄u”, niha fariseo curua macariro Cohamac̄ure.

¹³ Ā yoa wapa na cohtariro sehe yoa curerop̄ muhri yo d̄uc̄u s̄u, m̄anop̄ure ñ̄ m̄oeraha. Ā ñ̄ m̄oeraro, to p̄buhui c̄j̄aroca ð, ð sehe ni siniha Cohamac̄ure: “Cohamac̄u, ȳh̄u ñaare yoariro jija. Ā jic̄u m̄h̄u p̄ja ñ̄ga ȳh̄ure”, niha tiro Cohamac̄ure.

¹⁴ M̄sare niita nija. Ahriro wapa na cohtariro sehe Cohamac̄u to ñ̄uch̄u buhiri marieriro to ya w̄h̄ur̄u t̄juaa wahaha. Wiho mejeta pairo fariseo curua macarirore “M̄ ñaa buhirire coh̄ahi”, nieraha Cohamac̄u. “Ȳh̄u noariro waro jija”, ni t̄hoturirore Cohamac̄u b̄oro dahrerohca. Wiho mejeta “Ȳh̄u ñaare yoariro jija. Ā jic̄u t̄re tuaro cahyaja” nirirore Cohamac̄u wahchech̄u yoarohca tiro sehere –niha Jesu.

Macanac̄a ya c̄j̄htire Cohamac̄ure sini payoha Jesu

(Mt 19.13-15; Mr 10.13-16)

¹⁵ Ā yoa masa ti poh̄nare wih̄ainac̄are Jesure ña payo dutia ta, to cahar̄u na wih̄imaha. Ti ā yoach̄u ñ̄na Jesu buheina tinac̄are na wih̄inare tuhtia.

¹⁶ Ti ā tuhtich̄u ñ̄no Jesu wih̄ainac̄are p̄jirocaha to cahar̄u. P̄jiroca tuhs̄u ð sehe niha tiro to buheinare:

–Macanac̄a ȳ cahar̄u tajaro. “To cahai wahaena t̄jiga”, niena t̄jiga tinac̄are. Tinac̄a Cohamac̄ure ti p̄h̄toro t̄hotura. P̄h̄toro Cohamac̄u to s̄ho jiina ah̄rinac̄a yoaro sehe t̄hotuina baro dihta jira.

¹⁷ Potoc̄a niita nija m̄sare. Ah̄rinac̄a Cohamac̄u ti p̄h̄toro c̄j̄htore cahmana. Ti yoaro seheta m̄sa c̄h̄u Cohamac̄u m̄sa

p̄h̄toro c̄j̄htore cahmaerana, p̄h̄toro Cohamac̄u to noano s̄ho j̄htina ne jisi m̄sa –niha Jesu.

Pache p̄uro Jesure sinitu ñ̄ha
(Mt 19.16-30; Mr 10.17-31)

¹⁸ To ā niri baharo judio masa p̄h̄toa mehne macariro Jesure ð sehe ni sinitu ñ̄ha:

–ĀNe noariro, buheriro, j̄ip̄htia dachoripe Cohamac̄u mehne ji duacu, dohse yoaih̄cari ȳh̄u? –niha tiro.

¹⁹ To ā nich̄u Jesu ð sehe ni yahtia:

–Ā“Noariro”, ni pisujari m̄h̄u ȳh̄ure? Noariro sehe Cohamac̄u dihta jira.

²⁰ Ahri Cohamac̄u dutiare masina m̄h̄u. “Numia mehne ñano yoac̄u t̄jiga. Masare waj̄ac̄u t̄jiga. Yacaec̄u t̄jiga. Mah̄noa mehne pairore yahus̄ac̄u t̄jiga. M̄ p̄cus̄umare ño payoga”, ni dutira Cohamac̄u –niha Jesu.

²¹ To ā nich̄u tiro Jesure ð sehe ni yahtia: –T̄re j̄ip̄htiare ȳ wahma wahm̄a tariro j̄ip̄ta ȳh̄d̄ar̄ucaera t̄hi ȳh̄u –niha tiro.

²² To ā nich̄u t̄horo, Jesu tirore ð sehe ni yahuha:

–Mahanoc̄a d̄hsara m̄h̄ure m̄ yoa pah̄noht̄o. J̄ip̄htiare m̄ yare duai wahaga. Ā yoac̄u j̄ip̄htia m̄ wapatari ñ̄ferure p̄jac̄uoinare waga. M̄ ā yoach̄u p̄j̄iro m̄ wapataa m̄anop̄u, Cohamac̄u cahar̄u j̄iyuahca. M̄ ā yoari baharo ȳh̄u mehne macariro c̄j̄ht̄o taga –niha Jesu tirore.

²³ To ā nich̄u t̄horo tiro sehe paȳu pache c̄j̄ariro jiro t̄re p̄jac̄uoinare wa duaeraro, tuaro cahya, waha wahaha.

²⁴ To ā cahyach̄u ñ̄no Jesu ð sehe ni yahuha painare:

–Pache p̄na Cohamac̄u masare p̄h̄toro to noano s̄ho j̄irore ti wahach̄u basioera curera.

²⁵ Camello sehe awic̄a copac̄are to s̄a nuhri wijaa duach̄u basioerara. To ā jiro ȳhdoro pache p̄uro p̄h̄toro Cohamac̄u noano to s̄ho j̄irore to waha duach̄u nu mijobiara –niha Jesu.

²⁶ To ā nich̄u tirore t̄hoina ð sehe niha:

–Cue, m̄ nino seheta potoc̄a j̄ich̄u, ne c̄airo mas̄no Cohamac̄u cahar̄u waha masieraboa –niha tina Jesure.

²⁷ Ti ā nich̄u Jesu ð sehe ni yahtia:

–Masa ti basi ti m̄ s̄ro ȳh̄d̄u masierara. Wiho mejeta Cohamac̄u sehe masare p̄chac̄u wahaaborinare ȳh̄do masina. Tiro j̄ip̄htiare noano yoa masi pah̄oriro jira –niha Jesu tinare.

²⁸ To ā nich̄u Pedro tirore ð sehe niha:

–T̄hosiniga. Sā sehe j̄ip̄htia sā yare c̄inoc̄a t̄i m̄h̄u mehne wahana –niha tiro Jesure.

²⁹ To ā nich̄u Jesu ð sehe niha:

–Potoc̄a m̄sare niita nija. M̄sa Cohamac̄u yare yoana tana m̄sa wah̄sere,

musa namosãnumiare, musa bahanare, musa pucsumare, musa pohmare cunocarina jina, pjiro wapatanahca musa mipure.

³⁰ Musa cûriro yuhdoro wapatanahca. Â jina musa yariari baharo jipihtia dachoripe Cohamacu mehne jirucunahca musa —niha Jesu tinare.

*Pari turi Jesu to yariahtore, to masa wi-
jaahatore yahuha*

(Mt 20.17-19; Mr 10.32-34)

³¹ Â yoa Jesu doce to buheinare ti sahsero naaha. Â naano tinare ð sehe ni yahuha:

—Tuhoga yuhure. Mipure mari Jerusalêpu wahana nija. Tôpu yuhure masunore Cohamacu warocarirore Cohamacu yare yahu muhtaina cjiri panopu ti yahuriro cjiro se-heta paina â yoahca yuhure.

³² Tôpu masa yuhure ñahaa, judio masa jieraina sehene waahca yuhure. Yuhure ti wari baharo tina yuhure bujape, ñano ni, yuhure chahcho puti sihõahca.

³³ Tuhsu, yuta dari mehne tjana tuhsu wajãahca yuhure. Ti â wajãri baharo tia dacho wahaboroi masa wijãahca yuhu —niha Jesu tinare.

³⁴ To â nichu to buheina to yahuaere noano tuho ñahaeraha. Cohamacu tîre tinare noano tuho ñahachu yoaerasinaha.

Capari ñerarirore ñuchu yoaha Jesu

(Mt 20.29-34; Mr 10.46-52)

³⁵ Â yoa Jesu cãhu Jericó wama tiri maca cahacãpu suha. Tôi capari ñerariro maha dũhtu cahai duji, niñerure sinino niha.

³⁶ Â jiro masa payu to cahai ti yuhduachu tuhororo tiro sinituha tinare:

—¿Dohse yoaa payu masa yuhdujari? —ni sinituha tiro.

³⁷ —Jesu Nazare macariro waharo nina —ni yahuha paina tirore.

³⁸ Ti â ni yahuchu tuhororo tiro ð sehe ni sañurucuha:

—Jesu, Davi cjiro panamino masare yuhdohtiro, yuhure pja ñuga —ni sañurucuha Jesure.

³⁹ To â nichu to pano waha muhtaina sehe, “Dihta mariahga”, ni tuhtihã tirore. Ti â ni tuhtipachuta tó pano to sañurucuro yuhdo curero sañurucu namoha tjoa:

—Davi cjiro panamino masare yuhdohtiro, yuhure pja ñuga —ni sañurucuha tiro.

⁴⁰ To â ni sañurucuhu tuhororo, Jesu sehe tjuarucu su, “Pjirocaga tirore”, niha. To â nichu tina sehe capari ñerarirore pji wahcãha. Ti â pji wahcãchu tiro Jesu cahapu to sãchu Jesu sehe tirore ð sehe ni sinituha:

⁴¹ —¿Dohse yu yoachu cahmajari muhu? —niha Jesu tirore.

—Yu puhtoro, yuhure ñuchu yoaga —ni yuhtihã capari ñerariro.

⁴² —Ñuga. Yuhure wacũ tuacu, noariro wahara muhu —niha Jesu tirore.

⁴³ To â nichu capari ñerariro ñu wa-haha. Â noariro waharo, tiro Jesu mehne waha, “Cohamacu tuariro jira”, niha tiro. Â jia masa payu capari ñerariro to ñuchu ñuã “Cohamacu noariro, tuariro jira”, niha tina cãhu.

19

Zaqueo Jesure piti bocaha

¹ Â yoa Jesu Jericópu su, tí macaru yuhdu wahcãno taro niha.

² Pache puero Zaqueo wama tiroro puhtoã ya cjihtire wapa na cohtaina puhtoro tói jiha.

³ Â jiro tiro Jesure “¿Diro baro jicari?” ni ñu masino taro Jesure ñu duamaha. Â to ñu duapachuta yahparirocã to jichu masa payu tirocãre ducataha.

⁴ Â jiro tiro masare muroca yuhduã waha, sicómoro wama tidu yucucãpu mujaha Jesure ñuno taro. Baharo curero tu cahai Jesu yuhduaro taro niha. Â jiro Zaqueo tui cohtaro niha.

⁵ To â cohta pisaro watoi Jesu sehe tu dah-potoi sũrca, Zaqueore ñuroca muo, tirore ð sehe niha:

—Zaqueo mipure mu wuhui tjuasinihtja yuhu. Â jicu cjero duji taga —niha Jesu tirore.

⁶ To â nichu Zaqueo sehe soaro mehne duji ta, tuaro wahchea mehne to wuhupu pji wahcãha Jesure.

⁷ To â ni piti bocachu ñuã, jipihtina masa ti basi ð sehe ni durucuha:

—Ahiro Jesu ñaare yoariro ya wuhupu tinino waha duara —ni durucuha jipihtina ti basi.

⁸ Zaqueo sehe piti boca tuhsu tói ducu, Jesure ð sehe ni yahuha:

—Puhtoro tuhoga yuhure. Jipihtia yu yare dacho macai pjacuoinare waittja. Â jicu yuhu pairore cien niñeru turire mahño mariro jicu, cuatro cientos niñeru turire wapa bui payoihtja tirore —niha Zaqueo Jesure.

⁹ To â nichu Jesu sehe ð sehe ni yahuha tirore:

—Michare muhure mu wuhui jiina cãhure pichacãpu wahaborinare Cohamacu yuhdo tuhsura. Muhu cãhu Abrahã cjiro coyeiro jira.

¹⁰ Yuhu masuno Cohamacu warocariro pichacãpu wahaborinare macai tai nii. Tôpu wahaborinare noano yuhdoi tai nii —niha Jesu Zaqueore.

Niñeru turi uru turi quitire yahuha Jesu

(Mt 25.14-30)

¹¹ Â yoa tirore tuhoinare Jesu paye quitire mehne piti dahre yahuha. Mahanocã

dahsaha Jerusalēpu to suhto. Ā jia tireore tūhoina ō sehe ni tūhotuha: “Puhtoro Cohamacu mipare suho ji dūcaro taro nina”, ni tūhotuha tina.

¹² Ti ā ni tūhotuchū Jesu ō sehe ni yahuha tinare:

—Cūiro puhtoro sāahtiro to ya yahpa macaina bui puhtoro jihtiro yoaropu waharo taro niha. Tōpāre to suchū űano ti bui puhtoro tireore puhtoro sōno taro niha. Puhtoro sāahtiro ya maca macaina bui puhtoro sōno taro niha tireore. Baharo to ya wuhupu tju wihiro taro niha.

¹³ Wahmanore to wahahto pano puhtoro diez dahra cohtainare pjirocaha. Ā pjioro-caro, tiro tinare cāinare tīpe tūri niűeru tūri wapa bujua tūri uru tūrire waha. Wa tuhsu, ō sehe ni yahuha tinare: “Yūhu yū mariachu ahri niűeru mehne mūsa wapata namohtire macaga”, niha tiro dahra cohtainare.

¹⁴ Puhtoro sāahtiro to jipachuta to ya maca macainata tireore cahmaeraha. Ā cahmaeraa, ti warocahtinare tireore puhtoro sōhtireore yahu dutia warocaha. “Ahriro sā puhtoro jichū cahmaeraja sā”, niha tina ti yahu duti warocaina sehe.

¹⁵ Ā ti cahmaerapachuta baharo ti puhtoro sāaha tiro. Ā puhtoro sāa tuhsuro tiro to wuhupu tjuā taha. Ā tju wihiro tiro dahra cohtainare to niűeru mehne ti wapata namoare masino taro, tinare pjirocaha.

¹⁶ To pjioro-caro baharo, wihi muhtariro tireore yahuha: “Puhtoro mū niűeru tū, yūhure mū wari tū mehne diez tūri wapata namohi yūhu”, niha dahra cohtariro to puhtoro.

¹⁷ “Noano yoari jire mūhu. Mūhu noariro dahra cohtariro jira. Mūhu mahanocā mehne yū dutiriro seheta yoa pahűoriro jicu mipu diez macari macaina ti puhtoro cjihto wahaichca mūhu”, niha puhtoro dahra cohtariro.

¹⁸ To baharo wihiro tiro mehne macariro ō sehe niha: “Puhtoro, mū niűeru tū, yūhure mū wari tū mehne cinco tūri wapata namohi yūhu cūhu”, ni yahuha to puhtoro.

¹⁹ “Cinco macari macaina puhtoro cjihto wahaichca mūhu”, niha puhtoro tireore.

²⁰ To ā niri baharo paio dahra cohtariro wihi, ō sehe ni yahuha: “Puhtoro, mū niűeru tū ōi jira. Suhtiro cahsaro mehne coma, ti tūre wihbohi.

²¹ Mūhu tuaro dahra dutiriro jira. Paina yare mana mūhu. Tuhsu, tuaro dahra dutiriro jicu dahraerario jipacuta mūhu paina ya dahrari wapare nana. Ā yoa toaerario jipaihta dichare nariro jira mūhu. Ā jicu mūhure cui nihi”, niha to puhtoro “Wapataerahi yūhu”, ni yahuro.

²² “Mūhu ā nīcu űano yoariro jira mūhu. Yūhure mū ā niri buhiri mūhure buhiri dahreihitja yūhu. Yūhu mūhure tuaro dahra dutiriro yū jichū masina mūhu. Paina yare yū nachū toaerario jipai dichare nariro yū jichū masina mūhu.

²³ Yū ā jiriro jichū űupacata ya tūre niűeru wihbōri wuhupu cūerare mūhu. Tīre ti wasori wapa wapata namoboa mūhu. ĶDohseacu ā yoerari mūhu? Tīre mū yoachu tju wihicu wapata namoboa yūhu”, niha ti puhtoro.

²⁴ Ā ni tuhsu tiro chahi ducuinare dutiha: “Niűeru tūre maga tireore. Diez tūrire cjuarirore waga”, niha puhtoro.

²⁵ To ā nichū tina sehe ō sehe ni yahuha tireore: “Puhtoro, diez tūri cjuariro payū cjuā tuhsura”, niha tina.

²⁶ Ti ā nichū puhtoro ō sehe ni yūhtiha: “Mūsarē niita nija. Jipihtina cjuainare wa namohtja. Cjuarario sehere mahanocā to cjuapachuta tīre maihtja.

²⁷ Mīpu pinihta yūhure űū tuhtiinare yūhure ti puhtoro ji dutierainare yū chahi na tahga. Ā yoana yū űūrocaroi wajāga tinare”, niha puhtoro dahra cohtainare —ni buheha Jesu.

Jerusalēpu suha Jesu

(Mt 21.1-11; Mr 11.1-11; Jn 12.12-19)

²⁸ Ā ni tuhsu Jesu paina pano Jerusalēpu wahaha.

²⁹ Ā yoa tina Jerusalēpu ti suhto panocā tūcu Olivo wama tidu dūhtū chahi jiri maca Betfagé wama tiri maca chahi, ā jichū Betania wama tiri maca chahi sū muhtaha. Tī macari puā maca chahi Jesu sūro, to buheina puarore warocaro taro, ō sehe ni yahu quihōha:

³⁰ —Si macapu burrocāre nana wahaga. Tōpu suna, burrocāre ti dūhte daporirore boca sunahca. Tiro ne cūiro ti pisamahnoerariocā jica. Tirocāre bocana, yuta dare pjā, na tabasaga yūhure.

³¹ Tirocāre mūsa pjāchū űano, cūiro dohse jiriro “ĶDohse yoana tana burrocāre dūhte daporiro dare pjājari mūsa?” to nichū tūhona ō sehe ni yūhtiga tireore: “Mari puhtoro burrocāre cahmarocasinire”, ni yahuga tireore —ni yahu duti warocaha to buheina puarore.

³² To ā nichū tina puaro sehe to niroropu suha. Ti ā suchū jipihtia Jesu to niroro seheta wahaha.

³³ Ā jia tina tirocāre ti pjāchū űūa tirocā puā tinare ō sehe ni sinituha:

—ĶDohse yoana tana burrocāre dūhte daporiro dare pjājari mūsa? —ni sinituha tina.

³⁴ —Mari puhtoro burrocāre cahmarocasinire —ni yūhtiha tina.

³⁵ Ā ni yahu tuhsu tirocāre Jesu cahapu na suha. Na sū tuhsu ti bui sā suhtire tirocā bui

pjūpaha payo tuhsučuñ ñu, Jesu sehe tirocã bui to mũja pjachu yoadohoha tina.

³⁶ Jesu tirocã bui to pisachu to wahahto pano masa ti bui sãa suhtire tjuwe na, to wahahti mahai saño cū mũhtaha, Jesure ño payoa.

³⁷ Tina Jerusalē cahacãpũ su, Olivo wama tidai dujiari mahapũ suha. Tõpũ Jesu to buhechu tũhoina payũ jipihtia Cohamacũ tuua mehne to yoa ñorire, noaa to yoarire ti ñari cjiirire wacũa, Cohamacũre “Noariro, tuariro jira”, ni sañurucuha. Æ yoa Cohamacũre ño payoa, õ sehe ni sañurucuha:

³⁸—Añriro Cohamacũ to warocariro, mari puhtoro noano jijaro. Mũano macariro Cohamacũ, mũhu tuariro waro jira —ni ño payoha tina.

³⁹ Ti Æ nichũ tũhoa fariseo curua macaina mahainacã ti watoĩ jina Jesure õ sehe ni yahuha:

—Buheriro, mũ buheinare dihta mariea dutiga —niha tina.

⁴⁰ —Mũsare niita nija. Tina ti sañurucuerachu tãa peri sehe sañurucuboa —niha Jesu fariseo curua macainare.

⁴¹ Æ ni tuhsũ Jesu Jerusalē cahacãpũ su, ti macare ñarocarõ, tiha.

⁴² Õ sehe niha tiro:

—Jerusalē macaina mipũ pinihtare mũsare pichacapũ wahaborinare Cohamacũ to yũhdohtore mũsa masichũ noa yũhduaboa. Æ jipachata mipũre mũsa tĩre ne tũho duaerare. Æ jiro Cohamacũ tĩre mũsare masi dutierare.

⁴³ Mũsare ñũ tuhtiina mũsa jiri macare soroahca. Æ yoa mũsare tina wijaaro wasi.

⁴⁴ Tĩ pjata tina mũsa ya macare cohã pahñoaahca. Mũsa cãhũre wajãahca. Mũsare ñũ tuhtiina noano cohã pahñoaahca mũsa ya macare. Cohamacũ pichacapũ wahaborinare mũsare to yũhdohtore mũsa masi duaerare. Mũsa masi duaerari buhiri mũsare ñũ tuhtiinare Cohamacũ mũsare cohã dutirohca —niha Jesu Jerusalē macainare.

Cohamacũ wũhũpũ Jesu suha
(Mt 21.12-17; Mr 11.15-19; Jn 2.13-22)

⁴⁵ Æ yoa Jerusalēpũ sũro, Jesu Cohamacũ wũhũpũ sãa wahaaha. Æ yoaro pache duainare ti wũhũpũ jĩinare boca sũro, tinare cohã wionocaha.

⁴⁶ Õ sehe niha tiro tinare:

—Õ sehe nina Cohamacũ yare ti joari pũi: “Yũ wũhũ Cohamacũ mehne durucuri wũhũ wama tirohca”, niha to yare ti joari pũi. To Æ nipachata mũsa sehe ahri wũhũ duana, mũsa basi cahma yacara mũsa —niha Jesu.

⁴⁷ Æ yoa dachoripe Cohamacũ wũhũpũ Jesu buheha. Æ jia sacerdotea puhtoa, judio

masare buheina, masa puhtoa cãhũ tirore ti wajãhti cjihtire wacũ macaha.

⁴⁸ Masa jipihtina tirore Æ tũhorucua, to buheare noano tũho nũnũina jiha. Ti Æ noano tũho nũnũchũ ñũa, Jesure wajã duaina sehe tirore ti wajãhtire bocaerasiniha.

20

Sacerdotea puhtoa, judio masare buheina, bũcũna mehne Jesure sinitu ñũha
(Mt 21.23-27; Mr 11.27-33)

¹ Pa dachoi Cohamacũ wũhũ Jesu masare noaa buheare buhero niha. To Æ buhechũ sacerdotea puhtoa, judio masare buheina, bũcũna mehne tiro cahapũ wihia, tirore õ sehe ni sinitu ñũha:

²—Yahuga sãre. ¿Dohseacũ canũre Æ yoari mũhũ? ¿Noa mũhũre tĩre Æ yoa dutiri? —niha tina Jesure.

³ Ti Æ nichũ Jesu õ sehe ni yũhtiha tinare: —Mũsa sehere sinitu mũhtaitjta. Yahuga yũhũre.

⁴ João masare to bautisachu diro baro sehe tirore bautisa dutia tiari, mũsa tũhotuchũ? ¿O Cohamacũ dutiera tiari? ¿O masa sehe dutia tiari, mũsa tũhotuchũ? —ni sinituha Jesu tinare.

⁵ To Æ nichũ tina sehe ti basi õ sehe niha:

—¿Dohse ni yũhtinahcari mari? “Cohamacũ Joãore dutia tiri jire”, mari nichũ, “¿Dohseana Cohamacũ Joãore to dutipachata tirore tũho duaerari mũsa?” niboca Jesu marine. Æ jina “Cohamacũ Joãore dutia tiri jire”, ni yũhti masieraja mari.

⁶ Ahrina masa sehe “Potocãta João Cohamacũ yare yahu mũhtariro jira”, ni tũhotura tina. Æ ni tũhotua “João to bautisachu Cohamacũ tirore dutierari jire”, mari nichũ tũhoa marine tãa mehne docaboca masa. Æ jina ti cãhũre yahu masieraja mari —ni durucuha tina ti basi.

⁷ Æ ni durucu tuhsũa tina Jesure õ sehe ni yũhtiha:

—Joãore bautisa dutirirore sã masieraja —niha tina.

⁸ Ti Æ nichũ Jesu õ sehe ni yũhtiha:

—Tĩ pja pinihta yũhũ cãhũ mũsa sinitu mũhtarire yahueraja mũsare. Añrire yũ yoarire dutirirore yahueraja mũsare —niha tiro tinare.

Ñaina dahra cohtaina quitire yahuha Jesu
(Mt 21.33-44; Mr 12.1-11)

⁹ Æ yoa Jesu to tũhotua mehne piti dahre õ sehe ni buhe dacaha masare:

—Wese pũro se dari cjihtire toaha. Toa tuhsũ, ti wesere painare cã buhũsehe coa pahma cũha. Pahma cũno ti wesere tinare ñũ wihbo dutiha. Æ duti tuhsũ pa yahpũpũ waha, yoari pja bajueraha.

¹⁰ Tuhsu, se ñiri pja jichu wese puro to cahamacunore wesere ñu wihboina cahapu warocaha. Wese macaa to toaa dichare to ya coa macaare na dutiro warocamaha. Æ jia ñu wihboina sehe to cahamacunore wiho piti boca cjānocaha tirore. Æ cjānocaa, tina tirore dichare waerapahta tjuaa dutiha tirore.

¹¹ Æ jiro wese puro paio to cahamacunore tí wese macaa toaa dichare na dutiro warocamaha tjoa. Æ jia wesere ñu wihboina tiro cūhure cjā, ñano yoaha. Æ yoa tuhsu tirore tí dichare waerapahta tjuaa dutiha tjoa.

¹² Tirore tí Æ yoari baharo wese puro paio cahamacunore warocamaha tjoa. To Æ warocachu ñua, wesere ñu wihboina sehe tiro cūhure camí dahre, tí wese dahtu cahai cohānocaha tirore.

¹³ “Tí Æ yoari baharo wese puro ò sehe ni tuhutumaha: “¿Dohse yoaihcari yuhu? Ó sehe yoaihtja. Yuhu yu macare yu cahirirore warocaihtja. Tina tirore ño payoboca”, ni tuhutumaha wese puro sehe.

¹⁴ Æ jia to macunore to warocarirore to sychu ñua ñu wihboina sehe ti basi ò sehe ni durucuha: “Ahriro wese puro macuno jira. Baharo ahri wesere cjuahitiro jira. Tirore wajājihna. Mari Æ yoachu ahri wese mari ya wese tjuarohca”, nimaha tina ti basi.

¹⁵ Æ ni tuhsua wese puro macunore wese dahtu cahai cohā, wajānocaha tirore. ¿Tí Æ yoachu ñano dohse yoarohcari wese puro wesere ñu wihboinare? —niha Jesu.

¹⁶ —Tiro wesere ñu wihboinare wajāno taro, paina sehere wesere ñu wihbo dutiروهca —ni yuhtihna Jesu to basi.

To Æ nichu tuhoa masa sehe ò sehe niha:

—Marine Æ wahaero tjiaro —niha tina.

¹⁷ Tí Æ nichu Jesu sehe tinare ò sehe ni sinituha:

—¿Cohamacu yare ti yoari pūre ò sehe ni durucuha, dohse nino nijari, masa tuhutuchu?: “Ahriro Cristo tāca yoaro seheta jira.

Tācare wuhu dahreina tí cohāno seheta masa tirore cohāhca.

Tí Æ yoapachuta mipure wuhu dahreina wuhure yoaa tí cū muhtari tācare tí cūno seheta Cohamacu tirore puhto sōhre”,

ni joaha.

¹⁸ Jipihina tia tāca bui bora pjainare payu dihicā peri yihsorohca tia tāca. Tuhsu, tia tāca masuno bui bora pjaro, tahānocanohca tirore. Æ tahāno to pjacu cjirore daa manaricā wahachu yoarohca. (Tó seheta yuhure cahmaeraina, yu buhiri dahrehtina ñano yuhduhca) —niha Jesu.

Puhtoa ya wapare paina sinituha Jesure (Mt 21.45-46; 22.15-22; Mr 12.13-17)

¹⁹ To Æ nichu tuhoa judio masare buheina sacerdotea puhtoa cūhu, “Jesu wesere ñu wihboina quiti mehne marine tuhtiro nina”, ni tuhutuha tina. Æ ni tuhutuha tina Jesure ñaha duamaha. Æ ñaha duapahta tina masare cui niha.

²⁰ Æ cuia, Jesure tí ñahahtí pjare cohtasiniha tina. Æ jia tina quihōno yoaina yoaro sehe jí mahño dutiha painare. To ñano ni yuhtichu yoa duaa nimaha tirore yahusā duaa. Æ jia Jesure sinitu dutia warocaha mahñoinare. Jesu ñano to ni durucuchu tuhoa tí yahpa macaina bui puhtorore peresu yoa dutia taa nimaha.

²¹ Æ jia tina Jesure mahño cū ò sehe ni sinitu ñuhaha:

—Buheriro, potocā durucuriro, mahñoa marieriro mu jichu sā masija. Æ jicu wiho jinare, puhtoa cūhure cāno potori yoara muhu. Mūhu Cohamacu yare potocā mu buhechu cūhure sā masija.

²² Yahuga sāre. ¿Ne, Roma macarirore jipihina bui puhtorore gobierno macaare marine waparo cahmajari, mu tuhutuchu? ¿Mari dutia wapa dutijari, mu tuhutuchu? —ni sinituha tina Jesure.

²³ Tí Æ nichu tuhoro Jesu tí ñano yoa duare masino, tinare ò sehe ni yuhtihna:

²⁴ —Mipure niñeru ture na tahga. Tí ture ñujihna —niha.

Tí ture tí na wihichu ñano ò sehe niha Jesu:

—¿Diro baro masu wahājari ahri ture? ¿Diro baro wama wahājari? —niha Jesu tinare.

—César, masa bui puhtoro jiriro ya masu, to wama cūhu wahāna —ni yuhtihna tina.

²⁵ Tí Æ nichu Jesu ò sehe ni yahuha:

—Tí pja pinihta masa bui puhtoro yare tiro sehere waga. Cohamacu yare Cohamacu sehere waga —niha Jesu tinare.

²⁶ Æ to noano yuhtichu, masa tí ñurocaroi Jesure ñano ni durucuchu yoa masieraha tina. Æ jia Jesu yuhtiare tuhoa, tina caaa waha, dihta mariea wahaha.

Saduceo curua macaina Cohamacu to masoare sinituha Jesure

(Mt 22.23-33; Mr 12.18-27)

²⁷ Æ yoa mahainacā saduceo curua macaina Jesu cahapu wihihna. “Cohamacu yariainare masosi”, ni tuhutuina jiha saduceo curua macaina. Æ jia tina ò sehe niha tirore:

²⁸ —Buheriro, ò sehe ni buhea tih Moise cjiro: “Cūiro to wahmino namo tiro pohna mariaparota to yariachu ñano to bahurore to wahmino namono cjirore nūoano cahmana. Æ yoaro to wahmino manano to pohna tiboro seheta pohna tiro cahmana to bahurore. Æ jia to pohna to wahmino

mūnano pohna yoaro sehe jiahca", ni joa tiha Moise cjiro —niha tina.

²⁹ Tíre ni tuhsu ahri quitire yahu namoha tjoa Jesure:

—Cāiro masu ni jia. Seis to bahana jia. Ti wahmino sehe namo ti, pohna marieriro yariaa wahaha.

³⁰ Ā jiro paio to baharo cāhu to wahmino namono cjirore nūoaha. To ā nūoari baharo to wahmino yoaro seheta pohna mariaparota tiro cāhu yariaa wahaha.

³¹ Ā jiro ahriro baharo cāhu to wahmino mūnano yoaro seheta pohna mariaparota yariaa wahaha. Ā dihta wahaha cāiro pohna waro. Ne pohna mariapahta yaria pihtia wahaha.

³² Ti namono cjiro cāhu ti baharota yariaa wahaha.

³³ ĶNe Cohamacu jipihtinare yariaina cjirore to masochu diro namono sehe jibocari ticoro pototi? Tina jipihtina ticorore namo tirina cjiro jia. ĶĀ jiro diro baro namono jirohcari? —ni sinituha tina.

³⁴ Ti ā nichu Jesu ō sehe ni yuhtia: —Mipū macaina wamomaca dūhtera.

³⁵ Ti ā dūhtepachuta paina sehe pa turu macaina sehe ā jierara. Paina mware, numia cāhure to yainare Cohamacu űaa marieina jichu yorohca. Tina ti yariari baharo masa mūjaahca. Ā yoa tina tōpu wamomaca dūhterara.

³⁶ Ā jia tina anjoa yoaro seheta ne yariasi. Tina Cohamacu to masorina jia, Cohamacu pohna jira.

³⁷ Mipure yariarina cjiro ti masa wijaahto sehere mware yahuihtja. Tíre Moise cjiro noano yahu pahūoa tiha. To mahadacā jūri quitire ō sehe ni yahua tiha tiro: “Yūhu Abrahā, Isaa, Jacobo ti pūhtoro tjija”, ni yahure Cohamacu yūhure”, ni joa tiha Moise cjiro.

³⁸ Ti yariari baharo “Ti pūhtoro tjija”, ni yahua tiha Cohamacu. Ā nīparota yariarina cjiro pūhtoro jierara Cohamacu. “Ti pūhtoro tjija”, to nia mehne catiina ti jichu masija mari. Tiro catiina pūhtoro jira. Jipihtina masa catira Cohamacu to űuchū —niha Jesu tinare.

³⁹⁻⁴⁰ To ā nichu tina sehe pari turi Jesure sinitu duaeraha. Ā jia mahainacā judio masare buheina ō sehe niha:

—Buheriro, mūhu noano yuhtihre —niha tina Jesure.

ĶDiro baro coyeiro jijari Cristo?
(Mt 22.41-46; Mr 12.35-37)

⁴¹ Baharo Jesu ō sehe ni yahua tinare: —“Cristo Davi cjiro panamino jirohca”, ni buhera paina. ĶDohse yoa tina ā ni buhejari?

⁴² Davi cjiro to basi Salmopu to joari tjupu ō sehe ni joa tiha:

“Cohamacu yu pūhtorore ō sehe nire: ‘Ōi yu poto buhusehei dujiga.

⁴³ Ā jicu mūhure űu tuhtiinare mūhure yūhdurucabasailcha yūhu’, nire Cohamacu yu pūhtorore”,

ni joa tiha Davi cjiro.

⁴⁴ Ā ni joaro Davi cjiro pūhtoro tiha Cristore. Davi cjiro Cristo űuchūno cjiro jiparota Cristore pūhtoro tiha. ĶDavi cjiro Cristo űuchūno cjiro jiparota dohse jiro baro tiro pūhtoro tiari Cristore? —ni yahua Jesu. (Cristo sehe Davi cjiro pūhtoro jira.)

Judio masare buheina ti űaa yoaare yahuha Jesu

(Mt 23.1-36; Mr 12.38-40; Lc 11.37-54)

⁴⁵ Masa payu Jesure ti tūhoro watoi Jesu sehe to buheinare ō sehe ni yahua:

⁴⁶ —Mari judio masare buheina ti űaa yoaare űuna noano wacū masiga. Ā jina ti yoaro sehe yoena tjiga. Tina yoa suhti sāa, masa ti űurocaroi majarea, pache duaropu paina pūhtoare noano űo payo ti sinino sehe ti piti bocasinichu cahmana tina. Ā cahmana jia, tina mari judio masa buhea wūhusei noaa dujia dihtare bese duji duara. Tuhsu, bese namu jichu tō cāhure noaa dujia dihtare cahmana.

⁴⁷ Tina wapewahya numia ya wūhūse te ti ya cāhure mana tí numiare. Ā yoina jia, tina masa ti űurocaroi yoari pja Cohamacure sinimana masare űu dutia. Ti ā yochu tinare Cohamacu pjiro buhiri dahrerohca —niha Jesu tinare.

21

Wapewahyoro Cohamacu wūhu ti warire yahuha Jesu

(Mr 12.41-44)

¹ Ā ni yahu tuhsu niűeru wihbori caroi pache pua ti niűerure ti duhu sāachu cāhure űu dujio niha Jesu. Tí niűeru Cohamacu wūhure ti cahnochū ti wapahti jia.

² Ā űūno wapewahyoro pjacuricoro to pua tacāre to duhu sāachu cāhure űuha.

³ Tíre űu tuhsu ō sehe ni yahua:

—Potocā niita nija mware. Ahricoro wapewahyoro pjacuricoro sehe niűeru wihbori caropu duhu sāano paina jipihtina ti wari yūhdoro wahre ticoro sehe.

⁴ Paina pache pua pjiro ti wapachuta ti ya pjiro dūhsara. Ahricoro sehe pjacuricoro jiparota jipihtia to chūhtire to nuchūboacāre wa pahūohre —ni yahua Jesu.

“Cohamacu wūhu cohāri wūhu jirohca”, niha Jesu

(Mt 24.1-2; Mr 13.1-2)

⁵ Ā yoa paina Cohamacu wūhure ō sehe ni űua niha:

—Noaa tãa mehne yoari wãhã, noacari wãhã jijari. Masa Cohamacã ya wãhã cjihtire ti wari cjiri cãhã tí wãhãpãre noaca cãri jira —ni durucua niha.

Ti ã nichã Jesu õ sehe ni yahuha tinare:

6 —Ahri jipihtia mari ñari cjiri wãhãse, ahri tãa cãhã cohõ pihtia wahaahca. Ne cãria tãca tjuasi —niha Jesu tinare.

*Pihtiri dacho cjihtore yahuha Jesu
(Mt 24.3-28; Mr 13.3-23)*

7 To ã nichã tãhoa tina sehe õ sehe ni sinituha tirore:

—Buhiriro, ¿dohse jichã mã niriro sehe waharo ã waharohcari? ¿Pihtiri dacho panocã jichã dohse to waha dũcachã ñãnahcari sã? —ni sinituha tina Jesure.

8 Jesu õ sehe ni yuhtiha tinare:

—Noano yoaga mũa. Æ jina mũsare paina ti mahãnoare tãhoena tjiga. Payũ masa “Cristo jija yũhũ”, niina taahca. Æ nia, “Mĩpãre pihtiri dacho cjihto mahanocã dũhsara”, niahca. Ti ã nichã tinare tãhoena tjiga.

9 Æ yoa paina “Cahma wajãa nina”, mũaare niahca. “Mĩpãre pũhtoare masa cohãa nina”, niahca. Mũa tĩre tũhona cuiena tjiga. Pihtiri dacho pano õ sehe waha mũhtanohca. To ã wahachũ pihtiri dacho cjihto dũhsasininohca mini —niha Jesu.

10 Æ ni tuhsũ õ sehe ni yahu namoha:

—Cũ yahpa macaina pa yahpa macaina mehne cahma wajãahca.

11 Tuhsũ, tuaro yahpa ñuhmi, masa payũ juca mehne varia, jipihtiro macaina dohati-ahca. Æ yoa mũano macaa bajuamehneare masa ñãa, ñã cãaa wahaahca.

12 Ahri jipihtia ti ã wahahto pano, paina mũaare ñãa, ñãno yoaahca. Tuhsũ, mari judio masa buhea wãhãsei tina mũaare yahusã, peresu yoaahca mũaare. Ti ã yoachũ yahpari macaina pũhtoa panoi, macari macaina pũhtoa panoi ducunahca mũa ti yahusãhtina. Yũ yaina mũa jiri buhiri ã yoaahca.

13 Ti ã yahusãchũ mũa sehe noaa buheare tinare yahunahca.

14 Ti pjare mũaare ti yahusãchũ pũhtore mũa yũhtihtore “Yahu masieraboca”, ni tũhotuena tjiga mũa.

15 Yũhũ mũaare yahubasaihtja. Mũaare ã yoadohocũ tũho masiare, noaa durucua cãhãre mũaare yahuchũ yoihtja. Mũa ã yoachũ mũaare ñũ tuhtiina sehe mũa durucua tũho, “Tĩ potocã jierara”, ni yuhti masi.

16 Tĩ pjare mũa pũcũmã, mũa bahana, mũa coyea, mũa mehne macaina cãhã mũaare ñũ tuhtiinare waahca mũaare yũ yaina mũa jiri buhiri. Ti ã yoachũ

mũaare ñũ tuhtiina mũa mehne macainare painare wajãahca.

17 Æ yoa yũ yaina mũa jichũ ñãa, jipihtina mũaare ñũ tuhtiahca.

18 Mũaare ã ñũ tuhtipahta ne mahanocã mũaare ñãno yoasi.

19 Æ jina Cohamacãre wacũ tuaina jiga mũa. Mũa ã yoana, Cohamacã mehne ã jirucunahca.

20 Æ yoa payũ surara Jerusalẽpũ ti soroachũ ñãa, Jerusalẽne ti cohãhto to mahanocã dũhsachũ masinahca mũa.

21 Ti ã yoachũ ñãa Judea yahpai jiina tãyucã cahapũ mũroca duhtijaro. Æ yoa Jerusalẽi jiina wahajaro. Æ yoa campoi jiina Jerusalẽpũ wahaea tjijaro ti waha bahrañohto sehe.

22 Ti dachorihi buhiri dahrea dachorihi jipihtia Cohamacã yare ti joari pũ to niriro cjiro seheta ã waharohca.

23 Jipihtiropũ ahri yahpai ñãno yũhdũahca. To ã wahachũ, niiji wahcõa numia, ti pohnare pũina numia cãhũ pjacũoro wahaahca.

24 Paina ahri maca Jerusalẽ macaina mehne cahma wajãahca. Æ cahma wajãa, paina ahri maca macainare jipihtia yahparipũ na wahcã, peresu yoaahca. Æ jia judio masa jieraina Jerusalẽne ñãno yoa, tinare yũhdũũcaahca. Judio masa jieraina ya dacho to pihtichãpũ Jerusalẽ macainare ñãno yoa duhuahca —ni yahuha Jesu.

*Jesu yahpapũ to tju tahtore yahuha
(Mt 24.29-35, 42-44; Mr 13.24-37)*

25 Æ ni yahu tũhsũ, tinare õ sehe ni yahu namoha:

—Tĩ pjare sũ dacho macariro, ñami macariro, ñãhpichoha cãhũ cohtotaahca. Jipihtina ahri yahpa macaina “Cue, yarianahca”, ni tũhotuina pjiri ma macaa pahcõri cuaro choro ti bisiro coa tachũ tãhoa tuaro cuiahca.

26 Tĩ pjare mũaano macaa yahpari, ñãhpichoha cãhũ tuaro ñuhmiahca. Ti ã wahachũ ñãa, masa sehe ahri yahpa to pihtihore cohtaa, tuaro cuiahca.

27 Tĩ pjata yũhũ masũno Cohamacã waro-cariro Cohamacã tuaa mehne to si sitea mehne yũ tachũ ñũahca masa.

28 Ahri ti ã waha dũcachũ ñãa, wacũ tuaina jiga. Æ jina mũaanopũ ñũga. Tĩ pjare Cohamacã mũaare pichacãpũ wahaborinare to yũhdohto mahanocã dũhsarohca —niha Jesu.

29 Æ ni tuhsũ ahri quiti mehne piti dahre buheha Jesu:

—Higueracãre, paye yucã cãhãre tũhotuga mũa.

30 Tĩ yucãri pũri tichũ ñãa, cãhma cjihto to mahanocã dũhsachũ masina mũa.

³¹ Tó seheta ahri jipihtia yu niri cjirore ti ã wahachu ñana, Cohamacu masare puhtoro to noano suho jihti pja mahanocã duhsachu masinahca musa.

³² Musare potocã niita nija. Tí pja macaina ti yariahto pano jipihtia yu niriro seheta ã waharohca.

³³ Muanu, ahri yahpa cãhu pihtia wahaahca. Yu durucua sehe ne cohtotasi. Jiphtia yu niriro seheta ã waha sohtori tiarohca.

³⁴ Yu tjua tahti dachore ne masierara musa. Æ jina noano yoaga. Bose numurine bujua yorucuena tjiga. Æ jina cahaena tjiga. Ahri yahpa macaare pjiro tuhoutuena tjiga. Musa yu niriro seheta yoana, wacuenoca ahri yahpau yu tachu musa ne cuasi.

³⁵ Wahiquirore yurida wahiquirore wacuenoca to tuã suharo seheta wacuenoca taihca yuhu. Jipihtina ahri yahpa macaina ti masieraro watoi tí dachoi wacuenoca Æ waharohca.

³⁶ Noano wacũ masi cohtaga. Æ jina Cohamacure ahri ã sinirucuga: “Ahri pihtiri dachore ã wahachu yuhare yoadohoga. Tu-aare waga yuhare ahri noano yu yuhduhti cjihtire. Tuhsu, Cristore mu warocarirore cuiro marieno yuhare piti bocachu yoaga”, ni siniga Cohamacure —niha Jesu.

³⁷ Æ yoa tí dachorire Cohamacu wuhui Jesu buhea tiha. Ñaminipe buhe tuhsaro Olivo wama tidu tacuru waha, tóru ji bohrea tiha.

³⁸ Bohrea taharipe jipihtina masa Cohamacu wuhuru tirore tuhoa wahaa tiha.

22

Sacerdotea puhtoa, judio masare buheina mehne wajã duaha Jesure

(Mt 26.1-5, 14-16; Mr 14.1-2, 10-11; Jn 11.45-53)

¹ Æ yoa tí pjare bucaerari pãore ti chuhti bose numuri mahanocã duhsaha. Tí bose numuri pascua wama tiha.

² Æ jia sacerdotea puhtoa, judio masare buheina mehne Jesure wajã duaa, ti wajãhtore wacũ macaha. Jesure wajã duapahta, masa sehere cuiha, “Suari”, nia.

³ Æ yoa watino Juda Iscariotere ñano to yoa dutichu Juda sehe yuhti tirore. Juda doce buheina mehne macariro jimaha.

⁴ Æ yoa tiro sacerdotea puhtoare, Cohamacu wuhu macaina surara puhtoa mehne cãhure suhuro wahaha. Ti cahapu su, tinare Jesure to ñohtore suhuruha tina mehne.

⁵ To ã nichu tuhoa, tina wahche, “Muhare niferure wapanahtja”, niha tina Judare.

⁶ Ti ã nichu Juda “Jai, tirore musare ñohtja”, ni masa ti ñeraro watoi Jesure ñu tuhtiinare to ñohti ñamine cohtasiniha.

Jesu buheina mehne to chu batoari numu jiha

(Mt 26.17-29; Mr 14.12-25; Jn 13.21-30; 1Co 11.23-26)

⁷ Bucaerari pão bose numuri ti ji ducari dacho jiha. Æ jiro pascua macaina cjihtire ovejare ti chuhtinare ti wajãhti numu jiha.

⁸ Tí pjata Pedroro, Joã cãhure Jesu ò sehe ni yahuha:

—Bose numuri mari chuhtire cahnoyuna wahaga —niha Jesu tinare.

⁹ —¿Mari pascua macaa chuhtire noho baroi cahnoyu dutirocaijari muhu sãre? —ni sinituha tina tirore.

¹⁰ Ti ã nichu Jesu ò sehe ni yuhtiha:

—Jerusalẽru musa sachu co situ wuariro musare piti bocarohca. To piti bocachu tiro mehne wahaga.

¹¹ Æ wahana tiro to suho sãari wuhuru suna tí wuhu purore ò sehe ni yahuga. “¿Dí tahtiai yuhu yu buheina mehne pascua macaa chãre chuhticari?” ni sinitu dutirochare buheriro”, niga tí wuhu purore.

¹² Musa ã nichu tuhoro, tóru muano macari tahtiare pjiri tahtiare, noano ti cahnoyuri tahtiare musare ñonohca wuhu puru. Tóru mari chuhti cjihtire dahrega musa —niha Jesu tinare.

¹³ To ã nichu tina tí macapu wahaha. Tóru ti sachu tinare to niriro seheta wahaha. Æ jia tina pascua macaa chãre dahreha.

¹⁴ Ti churi pja jichu Jesu doce to buheina mehne chu dujiha.

¹⁵⁻¹⁶ Tóru tí churoru dujiro Jesu tinare ò sehe ni yahuha:

—Musare niita nija. Ahri pascua bose numurine mari dahreja Cohamacu to yainare to yuhdohtore wacũna. Baharo Cohamacu masare puhtoro to noano suho jiropu to yainare yuhdo tuhsurohca. To ã yuhdohto pano ahri numuri baro macaare pari turi chãeraja yuhu. Æ jicu mipure ñano yuhdu, yu yariahto pano ahri pascua macaa chãre musa mehne tuaro chu duaa tihí —niha Jesu.

¹⁷⁻¹⁸ Æ ninota Jesu sihniri wahware na, Cohamacure “Noana”, ni sini, tinare ò sehe ni yahuha:

—Musare niita nija. Cohamacu jipihtina bui puhtoro to noano suho jihto pano ahri vinore ne pari turi sihnisi yuhu. Æ jina ahri vinore na, musa basi witi, sihniga —niha Jesu.

¹⁹ Æ ni tuhsu pão curire na, Cohamacure “Noana”, niha. Æ ninota, tí curire nuha, witiha tinare. Tí curire witirota, tinare ò sehe ni yahuha:

—Ahri yu pjacu jira. Yu pjacu yuhare ñu tuhtinare ti wari pjacu jirohca. MUSA ñaa yoari buhirire cohācu tacu yariaihca yuhū. Ā jina yuhare mUSA wacūhti cjhirtire ahrire chuga —niha Jesu.

²⁰ Ā chu tuhsu tó sehetā tiro tinare sihniri wahwa cūhare waha. Ā waro, tinare ō sehe ni yahuha:

—MUSA ñaa buhirire cohācu tacu yariaihca. Ā yoacu yu dire cohāihca. Cohamacu “Mūsare yuhdoihtja”, to niriro mUSA chu ā yu yariaro mehne to niriro sohtori tirohca.

²¹ Mipure tuhoga mUSA. Yuhare ñu tuhtinare yuhare ñohtiro mipure yuhū mehne ōi dujira.

²² Cohamacu to dutiriro sehetā yuhū masano Cohamacu warocariro yariaihca. To ā yaria dutipachuta yuhare ñu tuhtinare ñoriro pinihta ñabiaro yuhdārohca —niha Jesu tinare.

²³ To ā nichu tina sehe ti basi ō sehe ni sinituha:

—Ĵesure ñu tuhtinare ñohtiro mari mehne macariro diro baro jicari na? —ni durucuha tina ti basi.

“ĴMari mehne macariro diro sehe jicari na puhtoro?” ni durucuha Jesu buheina ti basi

²⁴ Baharo Jesu buheina ō sehe ni durucuha:

—ĴMari mehne macariro diro sehe jicari na puhtoro? —ni durucuha ti basi.

²⁵ Tī ā ni durucuchū tuhoro Jesu tinare ō sehe ni yahuha:

—Cohamacure cahmaeraina puhtoa sehe ti masare dutia, purīno mehne dutira. Ā jia puhtoare “Tina masare yoadohoina jira”, nimana paina masa tinare.

²⁶ MUSA sehe tó sehe yoasi mUSA basi. MUSA mehne macariro mUSA wahmi sehere to baharo yoaro sehe jiro cahmana. MUSA mehne macariro puhtoro ji duaro cahamacano yoaro sehe jiro cahmana tirore.

²⁷ ĴDiro jijari puhtoro? ĴChu dujiriro sehe puhtoro jijari? ĴO chūare duhu payoriro sehe puhtoro jijari? Chu dujirirota jica puhtoro. To ā jipachuta yuhū sehe cahamacano yoaro sehetā mūsare yoadohoi tai.

²⁸ MUSA yuhare ti ñano yoapachuta mUSA sehe yuhare duhuerare.

²⁹ Ā jicu yu Pucu yuhare to puhtoro sōriro sehetā mUSA cūhare puhtoa sōihtja yuhū.

³⁰ Yuhū puhtoro yu jichu yu churi mesai mUSA cūhu chu, sihninahca. Ā yoana mUSA puhtoa dujiare dujinahca. MUSA tóí dujina Israe masare doce curuari macainare besenahca mUSA ñaina, noainare —niha Jesu to buheinare.

Pedro Jesure to cohāhtore yahuha Jesu (Mt 26.31-35; Mr 14.27-31; Jn 13.36-38)

³¹ Ā ni tuhsu Pedroro Jesu ō sehe ni yahuha:

—Simo Pedro yuhare tuhoga. Mūsare jiphtinare yuhare cohāchu yoa duara watīno. Trigo wese puro to trigore to wā site cohāriro sehetā mūsare jiphtinare watīno ñano yoa duara “Ñaare yoajaro”, nino. Ā yoa duaro, Cohamacure sinihre.

³² To ā sinichu ñuchū yuhū sehe Cohamacure sini payohi mūhare. Yuhare mū wacū tua duhuerahiti cjhirtire sini payohi mūhare. Ā jicu mūhu yuhū mehne macariro pari turi jicu mū coeyare yu yainare yoadohoga mūhu —niha Jesu Pedroro.

³³ To ā nichu Pedro ō sehe ni yuhtihā:

—Puhtoro, yuhare ti peresu yoapachuta, yuhare ti wājā duapachuta mūhu mehne macariro jiihtja —nimaha Pedro.

³⁴ Jesu ō sehe ni yuhtihā:

—Pedro mūhare niita nijā. Micha ñami caraca to duhto pano “Jesure masieraja”, niihca mūhu painare. Tia taha ā niihca mūhu —niha Jesu Pedroro.

Jesure ti ñano yoa ducahto mahanocā dahsaha

³⁵ Ā ni tuhsu Jesu to buheinare ō sehe ni yahuha:

—ĴSohō jiri pja mUSA niñeru wajuru marieina, pjiri wajuru marieina, dahpo suhti marieina mūsare yu warocachu paye baro dahsari mūsare? —ni sinitu ñuha Jesu.

—Ne sāre yaba dahsaerare —ni yuhtihā tina.

³⁶ —Tī pjare mūsare dahsaerapachuta mipū sehere niñeru wajurure cjuana tīre naga. Pjiri wajurure cjuana cūhu naga. Ā jina mūsare ñosari pjī mariachu mUSA suhtire duana ti pjīne nuchuga.

³⁷ Ahrire mūsare nii nijā. Cohamacu yare ti joari pūi ti niriro sehetā yuhare ā waharo cahmana. Ō sehe niha tī pūi: “Tiro dutiare yuhdāracaina mehne macariro jira’, niahca masa”, ni joaa tihā —niha Jesu.

³⁸ —Ñūga puhtoro. Pua pjī ñosaa pjīnime cjuaja sā —niha to buheina.

—Tó puro tjica —ni yuhtihā Jesu.

Getsemani wama tiropu Jesu Cohamacure sinihā

(Mt 26.36-46; Mr 14.32-42)

³⁹ Ā yoa Jesu to ā yoarucuriro sehetā Olivo wama tidu tūcapū wahaha. To ā wahachu to buheina tiro mehne wahaha.

⁴⁰ Tōru saro tiro tinare ō sehe ni yahuha: —Cohamacure siniga ñano mUSA yoaer-ahto sehe —niha Jesu tinare.

⁴¹ Ā ni tuhsu tiro to sahsero mahanocā waha namo, na tuhca caha su,

⁴² Cohamacure ō sehe ni sinihā:

—Mai, yu ñano yuhdãhtire yoa duaeracu yoai tjia. Yu ã nipachuta yu cahmaa sehere yoai tjia. Mũhu sehe masina. Mu cahmano seheta yoaga yuhare —ni siniha Jesu Cohamacure.

⁴³ [To ã sinichu mũanopu duji tariro anjo Jesure bajua, yoadohoha tirore.

⁴⁴ Tuhsu, Jesu ñano yajeripohna ti, tuaro mehne Cohamacure siniha. Æ jia to so witiã di yahpari yoaro sehe jia tirore wijaa, yahparu bora caha sũha.]

⁴⁵ Cohamacure sini batóa wahcãrucu su, tiro to buheina cahapu wihiha. Æ to wihichu to buheina tuaro cahyaina jia, carĩa niha.

⁴⁶ Æ jiro Jesu tinare õ sehe ni yahuha:

—¿Dohseana carĩna nijari musa? Wahcãga. Cohamacure siniga ñano musa yoaerahto sehe —niha Jesu tinare.

Jesure ñu tuhtiina tirore peresu yoaha
(Mt 26.47-56; Mr 14.43-50; Jn 18.2-11)

⁴⁷ To ã ni durucuro watoi masa payu wihiha. Juda doce buheina mehne macariro cjiro masare mu tã tariro jiha. Æ jiro tiro Jesu cahai wihi, wahsupu wihmiha tirore.

⁴⁸ To ã wihmichu Jesu tirore õ sehe ni sinituha:

—Judã, ¿yuhu masunore Cohamacu warocarirore yuhare ñu tuhtiinare ñocu yuhare wahsupu wihmijari mũhu? —niha Jesu.

⁴⁹ To ã niri baharo Jesu buheina masa Jesure ti ñahahtire masia, tirore sinituha:

—Puhtoro, ¿sã ñosaa pjĩni mehne tina mehne cahmachema? —niha tina.

⁵⁰ Ti ã niri baharo cãiro Jesu buheina mehne macariro sehe sacerdotea bui puhtoro cahamacunore to ñosari pjĩ mehne to cahmonore poto buhusehei jiri cahmonore cjã pahrẽnocaha.

⁵¹ To ã yoachu ñano Jesu tirore õ sehe niha:

—Æ yoai tjiga —niha.

Ni, cahamacuno cahmono jirore cjiroi ña payoha. To ã ña payochuta cahmono mũnãno seheta jiha tjoa.

⁵² Æ yoa tuhsu sacerdotea puhtoare, Cohamacu wuhu macaina surara puhtoare, bucana cãhure tirore ñaha tainare Jesu õ sehe ni sinituha:

—¿Dohse jiro baro musa ñosaa pjĩni, yucu tiri mehne yacarirore ti yoariro seheta musa yuhare ñahana tajari?

⁵³ Dachoripe Cohamacu wuhuru musa mehne yu jichu, musa yuhare ne ñahaerare. Æ jipachuta mipure musa ya dacho yuhare musa ñano yoahiti dacho jira. Mipure wafino to ñano yoahiti dacho cãhu jira —niha Jesu.

“Tirore masieraja”, niha Pedro Jesure

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Tina Jesure ñaha tuhsu sacerdotea bui puhtoro ya wuhuru naaha tina tirore. Ti tãru naachu Pedro yoaropu tinare ñu mũnã tiha.

⁵⁵ Puhtoro wuhuru su, tã wuhu cahai jiri wapai, noari wapa dacho macai pichaca wijãha paina. Ti ã wijãchu ñano Pedro pichaca cahai dujiina mehne dujiha.

⁵⁶ To ã dujiri baharo cãcõro cahamacono tirore noano ñu, painare õ sehe ni yahuha:

—Ahrro cãhu tiro mehne jihre —niha ticoro.

⁵⁷ To ã nichu tuhorõ Pedro õ sehe ni yuhtiha:

—Numino, tirore ne masieraja yuhu —nimaha tiro.

⁵⁸ Ticoro to ã niri baharocãta paiore Pedrorõ ñu, õ sehe niha tjoa:

—Mũhu cãhu tina mehne macariro tjira —niha tiro.

—Ne jieraja —nimaha Pedro.

⁵⁹ Cũ hora baharo paiore painare õ sehe ni yahuha:

—Potocã tjira. Ahrro Galilea macariro jira. Æ jiro potocãta Jesu mehne jihre ahrro cãhu —ni yahuha tiro painare.

⁶⁰ To ã nichu Pedro õ sehe ni yuhtiha:

—Ne, mu nirirore masieraja yuhu —ni yuhtiha Pedro.

To ã ni durucuro watoi caraca duha.

⁶¹ To ã duchuta Jesu wuhu cahai jirore Pedrorõ majare ñurocaha. To ã yoachu Pedro sehe Jesu to yahurire wacũha. “Micha ñami caraca to duhto pano, ‘Yuhu Jesure masieraja’, niuhca mũhu. Tia taha ã niuhca mũhu”, Jesu to niri cjiire wacũha Pedro.

⁶² Æ wacũno Pedro tãru jirore wijaa ta, tuaro tiirucuha.

Jesure bujũpe, cjãha tina
(Mt 26.67-68; Mr 14.65)

⁶³ Æ jia Jesure cohtaina surara tirore bujũpe, cjã mũjaha.

⁶⁴ Æ cjã mũja, to caparire duhte ducata, tirore õ sehe ni sinituha:

—¿Diro mũhure cjãjari? Ñũerapaita yahuga sãre —ni sinitu, bujũpeha tina.

⁶⁵ Æ jia payu ñano ni durucuha tina tirore.

Jesure puhtoã sinituha

(Mt 26.59-66; Mr 14.55-64; Jn 18.19-24)

⁶⁶ Bohrearo judio masa bucana, sacerdotea puhtoã, judio masare buheina cãhu cahmachuha. Ti ã cahmachunoi paina tina cahapu Jesure na taha.

⁶⁷ —Yahuga sãre. ¿Cristota jijari mũhu? —ni sinituha tina Jesure.

Ti ã nichu Jesu õ sehe ni yuhtiha:

—Mũsare yu yahuchu, yuhare tuhosi musa.

⁶⁸ Mũsare yu sinituchu yuhare yuhtisi musa.

⁶⁹ Musa yuhtierapachata baharo curero jipihita dachoripe yuhu masano Cohamacu warocariro Cohamacu tua yuhduariro to pototo buhusehei dujihtja —niha Jesu.

⁷⁰ To ā nichu tina jipihitina sinituha tjoa pari turi:

—Ĵā nicu Cohamacu macanota jijari mahu? —niha tina.

—Tirota jija masa nino seheta —ni yuhtiha Jesu tinare.

⁷¹ To ā nichu tuhoa, tina ō sehe ni durucuha ti basi:

—Ahriro Cohamacure pjiro to űano durucuchu mari basi tuhohi. Ā yoa ahrirore yahusaina tōpeina tjjaro. (Tōpeina mehne tirore mari wajā duti masija) —niha tina ti basi.

23

Pilato Jesure sinituha

(Mt 27.1-2, 11-14; Mr 15.1-5; Jn 18.28-38)

¹ Ā ni tuhsu tina jipihitina wahcārca, Jesure Pilato cahapu naaha.

² To cahapu na ssa, Jesure yahusā ducaha: —Ahriro mari ya yahpa macainare to űano yoa dutichu sā tuhohi. Mari bui puhtorore ahriro wapa dutierara. Tuhsu, tiro “Puhtoro jija. Cristo masare yuhdohtiro jija yuhu”, ni durucure to basi —ni yahusāha tina Jesure.

³ Ti ā ni yahusāri baharo Pilato Jesure ō sehe ni sinituha:

—Ĵudio masa puhtorota jijari mahu? —niha tiro Jesure.

—Mu nino seheta tiro tjjia —ni yuhtiha Jesu.

⁴ To ā nichu Pilato sacerdotea puhtoare, masa cāhare ō sehe ni yahuha:

—Ahriro yaba buhiri mariahna —niha tiro.

⁵ To ā nipachata tina tuaro yahusā namoha:

—Tiro to buhea mehne masare cahmachechu yoara. Galilea yahpai tiro tīre yoa ducare. Ā yoa dūca tuhsu jipihitiro Judea yahparu tīre tiro yoare. Mipū ōpu cāhare tīre yoaro taro nina —ni yahusāha tina.

Herode Jesure sinituha

⁶ Ti ā ni yahusāchu tuhoro Pilato sehe ō sehe ni sinituha:

—ĴAhriro Galilea macariro jijari? —niha tiro.

⁷ —Tō macariro tjira —ni yuhtiha paina.

Ti ā ni yuhtichu tuhoro Pilato sehe Jesu to jiri yahpare masino puhtoro Herode ya yahpa macariro Jesu to jichu masiha. Tīre masino Jesure Herode cahai warocaha. Ti pjare Herode Jerusalēi jia tiha.

⁸ Tō panopu Herode Jesure tuhoa tiha. To ā tuhori baharo yoari pja baharo tirore űu duaha. Jesu Cohamacu tuaa mehne to yoa

ñochu űu duamaha tiro. Ā jiro tiro Jesure űano, wahcheha.

⁹ Ā jiro payu tahari sinituha Jesure. To ā sinitupachata Jesu ne yuhtieraha tirore.

¹⁰ Sacerdotea puhtoa, judio masare buheina cāhu Herode cahai wahcārca, tuaro Jesure yahusāha.

¹¹ Ti yahusāri baharo, Herode to surara mehne bujupe, Jesure űano yoaha. Ā bujupea, noari suhtirore puhtoro to sāari suhtiro yoaro sehe bajuri suhtirore sāaha tina Jesure. Ā bujupe tuhsu, tirore Pilato cahapu warocaha tjoa.

¹² Tī dachore Herode, Pilato mehne noano ti basi cahma yoaina ji ducaha. Tō panore ti basi cahma űu tuhtiina jisnimaha.

Masa Jesure wajā dutiha

(Mt 27.15-26; Mr 15.6-15; Jn 18.39-19.16)

¹³ Ā yoa Pilato sacerdotea puhtoare, paina puhtoare, masa cāhare to pjirocachu, cahmachuha.

¹⁴ Ti cahmachu pihtichu űano ō sehe niha Pilato tinare:

—Ahrirore yuhure na tana, “Tiro masare űano yoa dutira”, nimahre masa yuhure. Mipū masa űarocaroi ahrirore noano sinitu pahñohi tjoa. Yu ā sinituri baharo masa tirore ā yahusārucuchu tirore űaa buhiri ne mariahna, yu űuchu.

¹⁵ Herode cāhu tirore “Ne, űaa buhiri mariahna”, nihre. Ā nino ahrirore pari turi sāre wa majare tjuhre tjoa. Ā jina ahrirore to űaa buhiri mariachu tirore masa wajā duti masierara.

¹⁶ Ā jicu tirore yuta dari mehne tjana dutiicha yuhu. Ā ti tjanari baharo tirore wioihtja —nimaha Pilato masare.

¹⁷ [Cuhmaripe pascua bose numarine masa yairo cjihore cūiro peresupu jirirore Pilato wiobasa mujaa tiha.]

¹⁸ Ā jia Pilato “Jesure wioihtja”, to nichu tuhoa jipihitina masa ō sehe ni sañurucuha:

—Tirore Jesure wajāga. Sā yairo cjihore Barrabā sehere sāre wiobasaga —ni sañurucuha masa.

¹⁹ Tī pjare Barrabā wama tirore Jerusalēpu puhtoare cohā duaina mehne macariro, masunore wajāriro peresupu jia. Ā jia tirore masa wio dutia niha.

²⁰ Pilato Jesu sehere wio duamaha. Ā jiro tiro masare sinitu űaha tjoa.

²¹ To ā wio duapachata tina tirore ō sehe ni sañurucuha tjoa:

—Crusapu cja puha wajāga tirore. Wajāga tirore —ni sañurucuha tina.

²² Ti ā nichu Pilato tia taha waharoi ō sehe nimaha tinare:

—¿Yabare ñano yoari tiro masa ã ni sañurucuchu? Ne tirore ñaa buhiri mari-ahna. Æ jicu tirore wajã duti masieraja. Tirore yuta da mehne tjana dutiuhca. Tó purota yoa dutiuhca. Æ yoacu wioihca tirore —niha Pilato.

²³ To ã nipachuta tina tuaro mehne sañurucu namo, Jesure crusapu wajã dutiha. Ti ã ni sañurucuchu tuhoro ti cahmariro seheta Pilato yoaha.

²⁴ Tirore ti siniriro seheta Pilato Jesure wajã dutiha.

²⁵ Æ dutiro tiro peresupu jirirore masare cahmachechu yoarirore, masare wajãrrore masa ti siniriro seheta Pilato Barrabã sehere wioha. Tuhsu, Pilato Jesure crusapu wajã dutiha.

*Tina Jesure crusapu cã puha, wajãha
(Mt 27.32-44; Mr 15.21-32; Jn 19.17-27)*

²⁶ To ã wajã dutichu tina Jesure wajãa waha, naaha. Tí pja ti ã yoaro watoi Simo wama tiroro Cirene macariro campopu suriro wihaha. Jerusalëpu to wihichu ñaa Jesure naaina tirore piti boca, ñaha, Jesu to wuari crusare tirore wua wahcã dutiha Jesu baharo.

²⁷ Æ yoa masa payu Jesure ñu ñunu tiha. Æ jia masa watoi jia numia tirore ti ã yoachu ñaa tuaro tiha.

²⁸ Ti ã tiichu tuhoro, tí numiare Jesu mare ñu, ò sehe niha:

—Jerusalë macaa numia, yuhure tiiena tjiga. Masa basi, masa pohna masa ñano yuhdũcariro masina, tiibasaga.

²⁹ Paye dachori jichu ñabiario yuhdũnahca masa. Tí pjare masa ò sehe niahca: “Pohna mariea numia, pohna tierari numia, pũera numia mipu mari jichu noabiaboa”, niahca masa.

³⁰ Tí pjare tũcure ò sehe ni durucuahca masa. “Mũhu tũcu sã buipũ bora pjaga. Sãre dũcatahga”, niahca masa cuia.

³¹ Masa buhiri marierirore yuhure ò sehe ti yoachu, ñaa buhiri cjuaina sehe ñabiario wahaahca —niha Jesu.

³² Paina puaro, dutiare yuhdũcaina ti jichu tina cãhure Jesu mehne ti wajãntinare naaha tina.

³³ Tinare naa, “Dapu cohã”, wama tiropu su, crusapu Jesure cã puha òha. Puaro yuhdũcaina cãhure pairore to potu buhusehei, pairore to cõ buhusehei cã puha òha.

³⁴ [Ti ã yoachu Jesu ò sehe niha:

—Mai, ahrina mipu ti ñaa yoarire boga tinare. Tina ti dohse yoarire masierara. Æ jicu ti ñaa yoari buhirire boga —niha Jesu.]

Æ yoa Jesu suhtire cahma witia tina docapeha. To suhti cjrĩre “Noa yaro jirohcarĩ ò”, ni cahma docapeha tina.

³⁵ Tuhsu, masa tõi ducuína ti ñurucuro watoi judio masa puhtoã Jesure ò sehe ni bujũpeha:

—Tiro paina masare yariaborinare yoadohoyumahtiro. Æ jiro tiro Cristo Cohamacu to beseriro jiro, mipu yariaboriro jiro, to basi yoadohojaro —ni bujũpeha tina.

³⁶ Surara cãhu tirore bujũpeha. Jesu cahai sua, tina tirore ñaa co vinore wamaha.

³⁷ Tĩre waa, ò sehe niha tina:

—Mũhu judio masa ti puhtoro jicu mũ basi yoadohoga. Æ jii yuhdu witiuhca mũhu —ni bujũpeha tina.

³⁸ Æ yoa tiro bui ti cã puha òri pjĩne ò sehe ni joaha: “Ahriro judio masa bui puhtoro jiriro jira”, ni joaha. (Griego ya mehne, Roma macaina ya mehne, judio masa ya mehne ã ni joaha.)

³⁹ Pairo tiro mehne ti cã puha daporiro yuhdũcariro sehe ò sehe ni, ñano durucua Jesure:

—¿Mũhu Cristo masare yuhdoriro jierajari? Mũ basi, sã cãhure yoadohoga —niha tiro Jesure.

⁴⁰ To ã nichu tuhoro pairo yuhdũcariro Jesu potu buhusehei ti cã puha daporiro sehe tirore ò sehe niha:

—Mari cãhure cãno potori buhiri dahrera tina. ¿Dohseacu Cohamacure ne ño payoerajari mũhu?

⁴¹ Marine ñaa buhirire yoaa, quihõno yoaa nina tina. Ñaare mari yoari buhiri marine buhiri dahrera tina. Ahriro sehe ñaare yoerare —niha tiro pairo yuhdũcarirore.

⁴² Æ nino, tiro Jesure ò sehe niha:

—Jesu, mũhu puhtoro jicu, tjua tacu, yuhure wacũga —niha tiro Jesure.

⁴³ To ã nichu tuhoro, ò sehe niha Jesu:

—Mũhure ahrire ni nija. Michare paraĩso wama tiropu mũhu yuhu mehne jũhca —niha Jesu tirore.

Jesu yariaa waha

(Mt 27.45-56; Mr 15.33-41; Jn 19.28-30)

⁴⁴ Æ yoa cohari pja jichu sũ si duhua waha. Æ jiro jipĩtiro tí dihtapare tia hora waro noano nahitiano jiha.

⁴⁵ Nahitiano to jiro watoi, Cohamacu wuhũ macari suhtiro, dũcatari suhtiro dacho maca waroi bui sehe tũhũ bora ta, puã cahsaro tũhũroca yoja sua waha.

⁴⁶ Æ jiro Jesu ò sehe ni tuaro sañurucua:

—Mai, yu catiare mũhure wiaja mũ ñu wihbohto cjihtore —ni sañurucua Jesu.

Æ ni tuhsu yariaa waha.

⁴⁷ To ã yariachu ñuno, surara puhtoro sehe “Cohamacu tuariro jira”, nino: “Ahriro Jesu cjiro potocãta noariro jiri jimana”, niha surara puhtoro.

⁴⁸ Æ jia ti wajãchu ñua tarina Jesu to yariachu ñua, ti wuhusepu tjuaa waha.

Tjuua waha, ti ñaa yoaŕire cahyaa mehne ti pëbuhui cǵã õ wahcãha.

⁴⁹ Jipihitina Jesu yaina tiro mehne macaina, Galileapũ tiro mehne tari numia cãhũ Jesure yoaŕopũ ñãrocarucua niha.

Jesu pjacũre masa copapũ na sãa duhu payoha

(Mt 27.57-61; Mr 15.42-47; Jn 19.38-42)

⁵⁰⁻⁵¹ Tĩ pjare José wama tiroto tói jiha. Judea yahpai jiri maca Arimatea wama tiri maca macariro jiha. Tiro noariro, quihõno yoaŕiro jiro, Cohamacũ to puhtoro jĩ dũcahtore cohtariro jiha. Æ jiro tiro judio masa puhtoa mehne macariro jiparota Jesure ti wajã dutichũ cahmaeramaha tiro.

⁵² Æ jiro Pilato cahapũ sũ, Jesu pjacũre siniha.

⁵³ Sini tuhsũ, Jesu pjacũre na boro, noari suhtiro mehne to pjacũre wahmaha. Æ wahma tuhsũ, masa copapũ tãcai ti sahari copapũ na sãa duhu payoha to pjacũre. Tĩ copare ne paina yariainare duhu payoerasingiha mini.

⁵⁴ Tĩ dacho Sabado dacho macaa cjihtire ti cahnoyuri dacho jiha. Sabado judio masa ti sori namũ cjihto mahanocã dũhsaha.

⁵⁵ Æ jia Galileapũ Jesu mehne tari numia masa copapũ José mehne wahaha. Masa copapũ sũ, tĩ copare ñũ, Jesu pjacũre ti duhu payoŕire ñũha.

⁵⁶ Baharo ti wãhũseŕũ tjuua waha, me sitia mehne wisõa co mehne cahnoha tina. Tuhsũ, Sabado jichũ Cohamacũ to dutiare Moise cjiŕore to cũri to dutiriro seheta tina soha.

24

Jesu masa wijaaaha

(Mt 28.1-10; Mr 16.1-8; Jn 20.1-10)

¹ Domingo jichũ bohrearopũ ti numia ti me sitia ti cahnoyumarire Jesu masa copapũ na wahcãmaha.

² Tĩ copapũ sũ, ti copare bihari tãca pjõo ti duhu cũri tãcare ñũha.

³ Æ ñũa tina ti copapũ sãa wahaha. Jesu pjacũre bocaeraha tina.

⁴ To pjacũre bocaeraa, “¿Dohse wahapjũ?” ni tũhotuha tina. Tĩ Æ ni tũhotu durucu coãno watoĩ puaro mũa si sitea suhti tiina tina cahai ducua.

⁵ Tói ti ducuchũ ñũ, numia cuia na tuhcuca caha sũha. Tuhsũ, mũa sehe ti numiare õ sehe ni yahuha:

–¿Dohseana yariariro to jiriro cjiŕore tiŕore macajari mũsa? Mipũre tiro catiriro jira.

⁶ Tiro õre mariaha. Masa wijaa tuhsũhre. ¿Sohõ jiri pjare Galileapũ mũsa mehne jiro mũsare to niri cjiŕire wacũjari mũsa?

⁷ “Yũhũre Cohamacũ warocarirore paio warohca ñainare. To Æ wari baharo yũhũre crusapũ cǵã puha wajãahca tina. Æ jicũ yũ yariari baharo tia dacho wahaboroĩ masa wijaaahca yũhũ”, ¿mũsare to nirire wacũjari mũsa? –niha mũa sehe.

⁸ Tĩ Æ nichũ tũhoa, numia sehe Jesu to nirire wacũha.

⁹ Tĩ Æ niri baharo tina tjuua waha, once buheinare paina cãhũre tĩre yahu pahõoha.

¹⁰ Tĩ numia sehe Maria Magdalena, Juana, Maria Santiago pocoro jiha. Tĩ numia mehne paye numia cãhũ jiha Jesu buheinare yahua numia.

¹¹ Tĩ Æ ni yahupachũta Jesu buheina sehe “Potocã nia nieraca. Mahõõpea nica ahri numia”, ni tũhotumaha. Æ jia ti numiare tũho duaeraha.

¹² Tĩ Æ nichũ tũhoro, Pedro sehe masa copapũ mũroca wahcã, ñũno wahaha. Tĩ copapũ sũ, tiro muhri caha, ñũroca sõha. Jesure ti wahmari suhtiro dihtare ñũha. “¿Dohse wahari na?” ni tũhotu, tiro wãhũpũ tjuua wahaha.

Emau wama tiri macapũ wahari mahapũ Jesu bajuaaha

(Mr 16.12-13)

¹³ Tĩ dachoihta puaro Jesu buheina mehne macaina Emau wama tiri macapũ wahaa niha. Jerusalẽ once kilõmetro yoaŕo jira Emaupũ suhto.

¹⁴ Emaupũ wahaa, jipihitia Jerusalẽi ti pjare to Æ waharire Jesure ti ñano yoaŕire durucu wahcãa niha.

¹⁵ Tĩ Æ ni durucuro watoĩ Jesu sehe ti cahapũ sũ, tina mehne wahaha.

¹⁶ Tiŕore ñũpahta tina tiŕore “Jesu jira”, ni ñũ masieraha.

¹⁷ –¿Dohse ni cahya durucu wahcãna niŕari mũsa? –ni sinituha Jesu.

¹⁸ To Æ nichũ tũhoa tina cahyaro mehne sũrucã, Cleofã wama tiŕiro sehe Jesure õ sehe ni yũhtiha:

–¿Mipũre Jerusalẽi tiniriro jipaihta mahũ dihta ti yoari cjiŕire masierajari? –ni sinituha tiro.

¹⁹ –¿Dohse wahari Jerusalẽi? –niha Jesu.

To Æ nichũ tina õ sehe ni yũhtiha:

–Jesure Nazare macarirore ti yoaŕire nina niŕa. Tiro Cohamacũ yare yahu mũhtariro jimahre. Æ jia to durucurire tũhoa to yoari cãhũre ñũa, “Tuariro jira”, ni tũhotuhre masa. Cohamacũ cãhũ ãta ni tũhotuca.

²⁰ Mari sacerdotea puhtoa, paina puhtoa mehne tiŕore wajã dutia, painare wahre. Tĩ Æ wachũ paina sehe tiŕore crusapũ cǵã puha wajãhre.

²¹ “Roma macainare cohãhtiro Israe masa puhtoro cjihto jira”, ni tũhotumahi sã tiŕore.

Micha mehne tia dacho wahara tiro to yariari baharo.

²²⁻²³ Mahainacā numia sã mehne macaa numia sãre cuachy yoahre. Bohrearopu Jesu to masa coparu ti numia su, to pjacure bo-caerayuhti. To pjacure bocaeraa, tina tju wihi yahuhre. “Sãre anjoa bajuahre. Jesu catiyuhti”, ni yahuhre numia sehe.

²⁴ Ti ā nichu paina sã mehne macaina ti coparu su, numia ti niriro seheta ñuyuhti. Tina cãhu Jesure ñerayuhti —niha tina Jesure.

²⁵ Ti ā niri baharo Jesu ō sehe ni yahuha tinare:

—Musa ne tuho masiera cureina jira. ¿Cohamacu yare yahu muhtaina cjiri ti nirire noano tuhoerari musa?

²⁶ Cristore to puhtoro jihto pano muanopu to mujaho pano tirore ñano yuhduro cahmare. ¿Tíre masierasinjari musa? —niha Jesu tinare.

²⁷ Ā nino Cohamacu Cristore to ni yahu ti joari cjirire Jesu yahu pahñonocaha tinare. Moise cjiro to joari cjirire Jesu yahu dũcaha. Tuhsu, jipihtina Cohamacu yare yahu muhtaina cjiri Cristore ti joari cãhure yahu pahñonocaha tiro.

²⁸ Tina ti wahari macaru ti sua cahachu, Jesu sehe tinare yuhdu wahcãno sehe yoaro nimaha.

²⁹ To ā yoapachuta tina tirore waha dutieraha:

—Sã mehne tjuaga. Ñamichahapu jira. Nahinopu nina —niha tina tirore.

Ā jiro Jesu tina mehne wuhupu sãa wahaha.

³⁰ Wuhupu sãa su, tiro tina mehne ti churi mesapu nuju su, pãore na, Cohamacure “Noana”, niha. Ā nino tí pãore nuha na, tinare waha.

³¹ To ā yoachy ñua tina Jesure ñu masiha. Ti ñu masi muari baharo tiro buti mua wahaha.

³² To ā buti mua wahachy ñua tina ti basi ō sehe ni durucuha:

—Mahai tiro marine to durucuro watoi Cohamacu to joari cjirire to yahuro watoi tuaro mari wacũ tuhotua mehne noano wahchea mehne tuhotuhi mari —niha tina ti basi.

³³ Ā ni tuhsu tina dóicãta Jerusalēpu majare tjuaa wahaha tjoa. Tópu sua, once buheinare paina mehne cahmachuinare bocaha.

³⁴ Ā ti suchy, once buheina ō sehe niha:
—Potocãta mari puhtoro masa wijaayuhti. Simo Pedro tirore ñuyuhti —niha once buheina.

³⁵ Ti ā nichu puaro Emau macaina mahai Jesure ti ñurire yahuha:

—Jesu to pãore to nuhachy sã ñu masihi tirore —ni yahu pahñoa tina painare.

Jesu to buheinare bajuaha

(Mt 28.16-20; Mr 16.14-18; Jn 20.19-23)

³⁶ Ti ā ni yahuro watoi ti cahai ji tuhsuaha Jesu sehe.

—¿Jimajari musa? Noano jiga musa —niha tiro tinare.

³⁷ To ā nichu tuhoa tina “Mari yariariro cjirore ñua nija”, ni tuhotua, tuaro cuiha.

³⁸ Ti ā cuichy ñuno tiro tinare ō sehe ni yahuha:

—¿Dohseana cuijari musa? ¿Dohseana “Ahri potocã jierara”, nijari musa?

³⁹ Yu wamomacarine, yu dahpori cãhure ñuga. Musa yuhure ñua, ñu masinahca. Yuhure ñaha ñuga. Ñaha ñua, masinahca musa. Yariariro cjiropu pjacu mariaha. Yuhu sehe pjacu tija —niha Jesu.

⁴⁰ Ā nino to wamomacari cãhure, to dahpori cãhure ñoha tinare.

⁴¹ To ā ñopachuta tina tuaro wahche, cuaa waha, “Ahri potocã jieraca”, ni tuhotusinimaha. Ti ā tuhotuchy masino Jesu tinare sinitu ñua:

—¿Ōi chua jijari? —niha tiro.

⁴² To ā nichu tuhoa wahi doharirore mi cãhure waha tirore.

⁴³ Tíre na, ti ñurocaroi Jesu chãha.

⁴⁴ Chy tuhsu, Jesu yahuha tinare:

—Sohō jiri pja musa mehne jicy musare yu yahuriro seheta mipu yuhu ā wahahi. Cohamacu dutia Moise cjiro marine to cūri cjiri to ā ni joariro seheta yuhure ā wahahre. Cohamacu yare yahu muhtaina cjiri, Salmo joari tjure joaina cãhu panopu yuhure ti ni yahuriro seheta mipure yuhure ā wahahre. Āta waharo cahmahre —niha Jesu.

⁴⁵ Ā ni tuhsu Cohamacu yare ti yahu joari cjirire to buheinare masichy yoaha Jesu:

⁴⁶ —Cohamacu yare ti joari cjiri ō sehe niha: “Cristore ñano yuhduro cahmana. Ā jiro tia dacho wahaboroi to yariari baharo tiro masa wijaarohca.

⁴⁷ To masa wijaari baharo jipihtia yahparipu to yaina Cristo yare yahuahca. Masa ti ñaa yoarire ti cahyahti cjihtire, “Ñano yoaeraja” ni, ti tuhotumarire ti cohtotahti cjihtire, Cohamacure ti cahmahti cjihtire, ti ñaa buhiri tiare to cohãhti cjihtire yahuahca to yaina. Ā yahua taa, Jerusalēpu yahu dũcaahca”, niha Cohamacu yare ti joari pũ —niha Jesu.

⁴⁸ Ā ni tuhsu ō sehe ni yahu namoha:

—Musa sehe ahri jipihtiare ñurina jira. Ā jina painare yahunahca.

⁴⁹ Cohamacu “Tirore musare warocaihtja”, to nirirore yuhu sehe musare warocaihtja. Ā jina Jerusalēpu ahri muano macaa

tuaa mäsare to wihiltore cohtaga mäsa —
niha Jesu to buheinare.

Jesu m̄anop̄m̄ m̄j̄aa wahaha
(Mr 16.19-20)

⁵⁰ Ā ni tuhs̄m̄ Jesu tinare Jerusalēi j̄iinare
Betania cahap̄m̄ naaha. Tóp̄m̄ s̄m̄, Jesu to
wamomacari mehne űui m̄ao, “Noano j̄iga”,
niha tinare.

⁵¹ Ā ni tuhs̄m̄, tinare cū, m̄anop̄m̄ m̄j̄aa
wahaha.

⁵² To m̄j̄ari baharo tina tirore űo payo,
Jerusalēp̄m̄ tuaro wahchea mehne tjuaa wa-
haha.

⁵³ Tói j̄ia, dachoripe tina Cohamac̄m̄ w̄ah̄ai
Cohamac̄m̄ mehne durucu, “Noana”, ni űo
payoha tina tirore.

San Juan

Cohamacu ya duserore yahuriro masunotaji ducaha

¹ Dóiputa ahri yahpa to jihto panoputa Cohamacu ya duserore yahuriro Cristo masare yuhduchu yoahitiro dóihta ji tuhsua tiha. Tiro Cohamacu mehne jiha. Á yoa tirota Cohamacuta jincahno niha.

² Dóiputa wahmanoputa Cristo Cohamacu mehne jiha.

³ Á yoa wahmanopure ne mariahri cjirire bajuamehneha. Ahri yahpare, muanore, jipihtiare, jipihitina cühare bajuamehne dutiha Cohamacu tirore. Á jiro ahrire bajuamehne pahñoha tiro. Ahrire mipure mari ñuare, mari ñuera cühare to bajuamehnerachu ne mariaboa.

⁴ Cristo catiare wariro jiro nina. Buhriaro marine to noano ñu masichu yoaro seheta tiro to Pucuro muano macarirore noano masichu yoara. Á yoaro to Pucuro muano macarirore masichu yoara masare.

⁵ Ahri yahpa macaina ñaare ti wacū ti goa pjae nahitiano yoaro sehe jia nina. Cohamacu ya duserore yahuriro buhriaro noano marine to ñu masichu yoaro seheta masare masichu yoara. Á yoa nahitiano buhriarore to yuhducaeraro seheta Cristore ñaa ne yuhducaerara.

⁶⁻⁷ Cohamacu João wama tiriro sehere warocaha, Cristore buhriaro yoaro sehe jirirore masare yahu muhta dutiro. To á warocachu João sehe masare yahuro tare to yahurirore Cristore jipihitina ti wacū tuahiti cjihtire.

⁸ João sehe Cristo jierare. Á jieraro tiro Cristo sehere masare yahu muhtano tare.

⁹ Cristo buhriaro yoaro sehe jiriro jipihitina masare Cohamacure masichu yoahitiro sehe ahri yahparu tari jire. Potocá tjira ahri. Tiro buhriaro yoaro sehe jiriro waro tjira.

¹⁰ Cristo ahri yahpai jia timare. Ahri yahpare bajuamehneriro jiri jimare. To á jipachuta ahri yahpa macaina sehe tirore ne masierare.

¹¹ To ya yahpai tiro masa bajuari jimare. To ya yahpai masa bajuariro to jipachuta to ya yahpa macaina sehe ne tirore cahmaerare.

¹² Ti á cahmaerapachuta, tirore cahmaina sehere, tirore wacū tuaina sehere Cohamacu to pohna jichu yoari jire.

¹³ Tina Cohamacu pohmata jia nina. Á jia masa ti masa bajuariro seheta jierara, Cohamacu pohna ti wahachu. Tuhsu, masa ti cahmariro seheta jierara, Cohamacu pohna ti wahachu.

¹⁴ Á jiro Cristo masuno to ji ducari baharo mari mehneta jire tiro. To á jichu ñuna masare cahñiro, potocá jiare yahuriro to jichu sá masii. Tiro dihta Cohamacu masuno jiro tuariro noariro jire. To á jiriro jichu sá masii.

¹⁵ João Cristore yahu muhtano ó sehe ni sañurucure masare yahuro:

—Siro tara yu ó sehe ni yahuriro: “Tiro yu baharo tariro jira. Á jiparota tiro yu yuhdoro tuariro jira. Tiro yu masa bajuahito panoputa ji tuhsua. Á jiro tiro yu yuhdoro tuariro jira”, musare yu ni yahuriro ahriro tjira —nire João Cristore masare yahuro.

¹⁶ Tiro Cristo sehe noariro tuaro masare cahñiro jiro marine jipihitine noano yoarucure.

¹⁷ Cohamacu dutiare Moise cjiro sehe cūbasa muhtaa tiha marine. Jesucristo sehe Cohamacu masare to cahñare buhero tare. Cohamacu to potocá durucua cühare buhero tare tiro.

¹⁸ Masa ne Cohamacure ñuerara. Tirore mari ñuerapachuta to macuno to tuaro cahñiro cáirota jiriro sehe to Pucurore marine masichu yoare.

Paina João masare bautisarirore sinituha

(Mt 3.11-12; Mr 1.7-8; Lc 3.15-17)

¹⁹ Sā coyea judio masa puhtoa Jerusalēi jjinare sacerdotiare, Cohamacu wuhui dahraina cühare João cahpu warocari jire. “¿Diro baro jijari muhu?” ni sinitu dutia warocari jire tinare. Ti á ni sinituchu ó sehe ni yahure João sehe.

²⁰ Ne yaro marieno yahure. Potota yahure:

—Yuhu Cristo Cohamacu masare yuhduchu yoa dutiro to warocariro jieraja —nire tiro.

²¹ To á nichu tina sehe tirore pari turi siniture tjoa:

—¿Muhu Cristo jieracu, Elia sehe jijari muhu? —nire tina.

—Jieraja yuhu —nire tiro.

—¿Sā cohtariro Cohamacu yare yahu muhtariro sehe jijari muhu? —nire tina.

—Tiro jieraja yuhu —nire João sehe.

²² To á nichu tina tirore pari turi ó sehe ni siniture tjoa:

—Sāre sinitu dutiinare sã noano yahuhto sehe poto sāre yahu bahrañoga. ¿Diro baro sehe jijari muhu? ¿Mu basi muhu sehe dohse jiriro baro “Jija yuhu”, nijari muhu? —nire tina Joāore.

²³ Ti á nichu ó sehe ni yuhtire tiro:

—Masa marienopu ó sehe ni sañurucuriro jija yuhu Cohamacu yare yahu muhtariro Isaia cjiro to ni yahuriro seheta: “Mari puhtoro to tahto pano musa ñaa tuhtuare cohtota, cahno muhtaga musa”, ni masare

yahu sañurucuriro jija yuhũ —nire João tinare.

²⁴ Joãore sinituina fariseo curua macaina ti warocarina jire.

²⁵ Ā jia tina Joãore õ sehe ni siniture tjoa: —¿Mũhũ Cristo, Elia, Cohamacũ yare yahu mũhtariro sã cohtariro jierapacũta dohseacũ masare bautisajari mũhũ? —nire tina.

²⁶ Ti Ā nichũ tuhoro õ sehe ni yũhtire tiro: —Yuhũ co mehne masare bautisaja. Pairo sehe mũsa masierariro mũsa watoi ji tuhsũra.

²⁷ Tiro sehe yũ baharo tariro yũ yũhdoro tuariro jira. Noa yũhduariro jira. Tiro yoaro sehe jieraja yuhũ sehe. Ā jicũ tirore tuhocũ, “Wiho jiriho jija yuhũ”, ni tuhotuja yuhũ —nire João tinare.

²⁸ Ā ni durucure tina, Betaniarũ Jordão wama tiri ma pa buhũsehe coarũ, João masare to bautisariroarũ.

Jesu Cohamacũ to warocariro to oveja yoaro sehe jiriho jira

²⁹ Pa dachoi Jesu João cahai cahacã curero to tachũ Joãore tirore ñũno õ sehe nire:

—Ñũga. Ahriro Cohamacũ to warocariro to oveja yoaro sehe jiriho jira. Ovejare mari wajãriro seheta masa ahriro cãhũre wajãhca. Ā yariaro ahri yaha macainare ti buhiri tiare cohãnohca tiro.

³⁰ Ahrirota jira yũ õ sehe niriro: “Yũ baharo tariro yũ yũhdoro tuariro jira. Yũ masa bajuahito pano tiro ji tuhsũha. Ā jiro tiro yũ yũhdoro tuara”, yũ niriro ahrirota jira.

³¹ Yuhũ sehe ahrirore noano waro masiera tihĩ. Ā masierapahĩta co mehne bautisai tai nii yũ coyera Israe masa ahrirore ti masihto sehe —nire João.

³² Ā ni tuhsũ Joãore to ñũri cjirore õ sehe ni yahu namore tjoa:

—Espĩritu Santo mũanorũ buja yoaro sehe duji ta, Cristo mehne to tjuachũ ñũhi.

³³ Cohamacũ yũhũre to yahuerachũ tirore ne masieraboa yuhũ. Wiho mejeta tiro yũhũre masare co mehne diarũ bautisa duti warocariro Cohamacũ sehe õ sehe ni yahu mũhta tuhsũre yũhũre: “Espĩritu Santo duji ta to bui to tjuarũcũ sũriro tirota jirohca. Tiro sehe Espĩritu Santore to yaina mehne ã jirucuchũ yoarohca”, nire Cohamacũ yũhũre.

³⁴ Mipũ pinihtare to Ā ni yahurirore ñũ tuhsũhi yuhũ. Ā ñũcũ “Ahriro potocãta Cohamacũ macũno jira”, ni yahuja yuhũ mũsare —ni yahure João sãre.

Jesu buheina to pji mũhtaina jira

³⁵⁻³⁶ Pa dachoi João mehne sã pũaro to buheina sã ducuchũ, Jesu sã cahai yũhdũ wahcãno nire. To Ā yũhdũ wahcãchũ João tirore ñũno, pari turi õ sehe nire sãre:

—Ñũga. Ahriro Cohamacũ to oveja yoaro sehe jiriho jira —nire João.

³⁷ To Ā nichũ sã pũaro to buheina sehe tĩre tuhona Jesu baharo wahahi.

³⁸ Sã Ā wahachũ ñũno Jesu sãre majare ñũ, õsehe ni siniture:

—¿Nohorũ wahajari mũsa? —nire tiro.

To Ā nichũ sã cãhũ õ sehe ni sinitu ñũri tirore:

—Rabi, ¿nohorũ jijari mũhũ? —nihi sã tirore. (Rabi sã ya mehne nina “buheriro”, nina nija.)

³⁹ —Yuhũ mehne tatjãhna ñũna taga —nire Jesu sãre.

To Ā nichũ sã sehe to jiroarũ ñũna wahai. Tĩ pjare ñamichaparũ cuatro hora jire. Ā jina tĩ dachore tiro mehne tjuai sã.

⁴⁰ Sã pũaro Joãore tuhoina, Jesure pũnũ ti wahcãina yũ piti Andre mehne jii. Andre sehe Simo bahũro jire.

⁴¹ Ā jiro tiro dõihita to wahminore Simore maca, boca, tirore õ sehe ni yahuha:

—Mesiare Cohamacũ marine yũhdũchũ yoa dutiro to warocarirore sã bocahi —niha Andre Simore. (Mesia sã ya mehne nina “Cristo”, nina nija.)

⁴² Ā ni tuhsũ tiro Simore Jesu cahai naahre. To cahai ti sũchũ ñũno Jesu sehe Simore õ sehe nire:

—Mũhũ Simo wama tiriro, Jona macũno jira. Mipũre mũhũre Cefa ni wama pisuihtja —nire Jesu Simore. (Cefa sã judio masa ya mehne nina “Pedro”, nina nija.)

Felipere, Natanae cãhũre pjiha Jesu

⁴³ Pa dachoi Jesu Galilea yahparũ waha duare. Ā jiro to wahahto pano tiro Felipere piti boca, õ sehe nire:

—Yuhũ mehne macariro cjihto taga —nire Jesu.

⁴⁴ Felipe sehe Betsaida macariro jire. Tiro, Andre, Pedro mehne cũ maca macaina jire tina.

⁴⁵ Ā yoa Felipe Natanaene maca, tirore bocaro õ sehe ni yahure:

—Cohamacũ dutiare Moise cjiro to joari pũrũ to yahurirore paina Cohamacũ yare yahu mũhtaina cjiri cãhũ ti yahurirore sã bocahi. Jesu Nazare macariro, José macũno tjira —nire tiro Natanaene.

⁴⁶ —Nazarepũre ne cãiro noariro mari-ahna —nire Natanae.

—Ñũri taga mũhũ —nire Felipe.

⁴⁷ Ā yoa Jesu cahai to sũchũ ñũno Jesu sehe õ sehe nire Natanaene:

—Ahriro mipũ tariro potocãta noariro judio masũno waro jira. Tirore mahũoa ne mariaha —nire Jesu Natanae sehere.

⁴⁸ To Ā nichũ tuhoro Natanae sehe tirore õ sehe ni siniture:

—¿Dohseacu yuhure noano masijari mahu? —nire.

—Felipe mahure to pjihto pano, higuera cu docai mu jichu ñahi yahu mahure —nire Jesu.

⁴⁹ To ã nichu Natanae sehe tirore ò sehe nire tjoa:

—Buheriro, potocãta mahu Cohamacu macano jira. Mahu Israe masa sã Puhtoro cjihto jira —nire Natanae.

⁵⁰ To ã nichu tuhoro ò sehe ni yuhure Jesu: —Higuera cu docai mahure yu ñarire masicu yuhure “Cohamacu macano jira”, ni wacũ tuara mahu. ¿Tãta mahure ã masichu yoajari? Ahri mahure yu ñiri yuhdoro Cohamacu tuaa mehne yoa ñoihca yuhu. Yu ã yoa ñochu ñaihca mahu —nire Jesu Natanae.

⁵¹ Æ ninota ò sehe ni yahu namore:

—Potocãta mahure niita nija. Yuhu masano Cohamacu warocariro tjija. Manopu pari machu Cohamacu to yaina anjoa yu bui ti duji tachu, ti mujachu cãhure ñaihca mahu —nire Jesu tirore.

2

Canã wama tiri macapu ti wamomaca dãhteropu Jesu wahaha

¹ Tã dacho baharo Canã Galilea yahpai jiri macai wamomaca dãhteri bose numu jire. Æ jiro Jesu pocoro tí wãhãpu jire.

² Jesu mehne sãre to buheina cãhure wamomaca dãhteropu pjirocã tina.

³ Ti bose numu macaa vino pihlichu Jesu pocoro tirore ò sehe ni yahure:

—Mipure vino pihitia wahare —nire ticoro Jesure.

⁴ To ã nichu tuhoro Jesu ò sehe nire:

—Inõ, ¿dohseaco taco tire yuhure yahujari mahu? Masa yuhure ti masihto duhsasinina mini —nire Jesu to pocorore.

⁵ To ã niri baharo to pocoro sehe ti cahamacare ò sehe ni dutire:

—Yu macu to dutiriro seheta yoaga —nire ticoro.

⁶ Tã pjarure sã coyera judio masa Cohamacu yare yoaa taa masare ti pjacurire ã cosarucunoca dutia tire. Æ yoa ti wãhãni seis situ pari tãa mehne ti yoaa situ pari co posa tia situ pari jire. Tã situ pari Cohamacu yare yoaa taa ti cosaa co posa tia pari cjiri jire. Tã situ parire cincuenta a setenta litro posa mu sure.

⁷ Tõi ti jichu ñano tí wãhã macaina cahamacare ò sehe ni dutire Jesu:

—Ahri situ parire co mehne pio sãa namoga wahpaa pari ti wahahto sehe —nire Jesu.

To ã nichu tina sehe noano wahpo dapo pahñonocare ti parire.

⁸ Ti ã yoari baharo Jesu tinare ò sehe ni dutire tjoa:

—Mipure tí core wa na, wãhã macarirore waga —nire.

To ã nichu tuhõa tí core wa na, wãhã macarirore ware.

⁹ Ti ã wachu tiro sehe tí core vino to wahachu yoaa core sihni ñure. Tã core nohoi to tarirore masierare tiro. To ã masierapachuta to cahamaca tí core waina sehe masire. Wãhã macariro ã masieraro wamomaca dãhterirore pjiroca,

¹⁰ ò sehe ni yahure:

—Paina masa noaa core vinore wa muhtana. Masa ti noano sihñiri baharo ña curea core wara tina. Mahu sehe noaa core wihbo, baharo curero tí core ware sãre —nire wãhã macariro wamomaca dãhterirore.

¹¹ Canã Galileai jiri macai Jesu core vino to wahachu yoari cjiri coã to bajuamehne ducari jire. Æ yoaro painare to tuaare ñore Jesu. To ã ñori baharo sã to buheina tirore wacũ tuai.

¹² Baharo Jesu to pocorore, to bahanare, sãre to buheina cãhure Capernaupu suho sure. Tõpu sãna, mahaa dachoricã tjuasinii sã.

Jesu Cohamacu wãhãpura suha
(Mt 21.12-13; Mr 11.15-18; Lc 19.45-46)

¹³ Pascua jichu judio masa sã bose numuri cjihti mahanocã duhsatjiãhre. Æ jiro Jesu Jerusalẽpu sure.

¹⁴ Tõpu suro tiro Cohamacu wãhãpu sãa suro, wachãare, ovejare, bujaare duainare boca sure. Tuhsu, niñerure cohtotaina ti mesaripu ti dujichu tina cãhure boca sure.

¹⁵ Æ boca suro yuta dari mehne tjanari da yoa, tinare jipihitnare sopacapu tjana numu wionocare. Oveja, wachã cãhure tjana numu wionocare tiro. Æ yoa niñeru cohtotaina ti mesarire na majareroca doca cunocare. Ti niñeru tãri cãhure doca sitenocare.

¹⁶ Æ yoa tuhsu bujaare duainare ò sehe nire:

—Musa bujaare na wijaahga. Yu Puchu ya wãhure pache duari wãhã yoaena tjiga —nire Jesu tinare.

¹⁷ To ã yoachu ñana sã to buheina sehe Cohamacu yare ti joari pui to niri cjirire wacũ: “Cohamacu, mu wãhure tuaro cahãja. Æ cahãcu mu wãhure ñano ti yoachu ñacu tuaro cahyaja yuhã”, ni joaa tilha Cohamacu yare ti joari pui”, ni wacũ sã Jesu buheina.

¹⁸ Jesu to ã yoari baharo sã coyera judio masa puhtoã tirore ò sehe ni siniture:

—¿Dohseacu mahu ahñinare Cohamacu wãhãpura jijnare cohã wiori? Cohamacu mahure tire yoa dutiriro to jichu Cohamacu

tuaa mehne yoa ñoga mũhũ sã ñũhti cjihtire –nire tina Jesure.

¹⁹ Tí ã nichũ Jesu õ sehe ni yũhtire:

–Ahri wũhũre mũsa cohãchũ tia dacho wahaboroi tuhsũhtja yũhũ –nire Jesu tinare.

²⁰ –Tia dacho mehne ahri wũhũre tuhsũsi mũhũ. Cuarenta y seis cũhmari waro ti yoari wũhũ jira ahri wũhũ –nire tina Jesure.

²¹ To ã nichũ tina tirore noano tũhoerare. Jesu “Ahri wũhũre” nino, to pjacure nino niri jimare.

²² Æ yoa to yariari baharo, to masa wijaari baharo sã to buheina sehe to niri cjiřire wacũna, Cohamacũ yare ti yoari pũre Jesu to yahuri cũhũre “Tí potocã tjira”, ni wacũi sã.

Jipihtina ti wacũare Jesu masina

²³ Pascua bose nũmari jichũ Jesu Jerusalẽpũ jire. Tõi to jichũ masa payũ Cohamacũ tuaa mehne to yoa ñochũ ñũa tirore wacũ tuare.

²⁴ Tí ã wacũ tuapachũta Jesu masa ti wacũare noano masino, “Yũhũre ã wacũ turucuaħca”, ni tũhotueraha.

²⁵ Tiro masa ti tũhotuare noano masire. Æ masino masa ti tũhotuare painare ne sinitu ñũerare.

3

Jesu Nicodemore yahuha

¹ Tí macai Nicodemo wama tiro, judio masa pũtoa mehne macariro jire. Tiro fariseo curua macariro jire.

² Cũ ñami tiro Jesu cahai ta, tiro mehne õ sehe ni sũhũduri jire:

–Buheriro, mũhũ Cohamacũ to buhe dutiro to warocariro mũ jichũ sã masija. Mũhũ payũ tahari Cohamacũ tuaa mehne yoa ñona. Cohamacũ mũhũre to yoadohoerachũ, mũhũ sehe to tuaa mehne ne ã yoa ñoaeraboa –niri jire Nicodemo Jesure.

³ To ã nichũ tũhoro Jesu sehe õ sehe ni yahuri jire:

–Potocã mũhũre niita nija. Pari turi masa bajuariro yoaro sehe wahariro dihta mari pũhoro Cohamacũ mehne ji masina –niha Jesu.

⁴ –Cuenah. ¿Bũcũro sehe dohse yoa pari turi masa bajuabocari tiro? To pocoro niji suhtiropũ majare sãa, pari turi bajua masieraboca tiro –niri jire Nicodemo.

To ã nichũ tũhoro Jesu õ sehe ni yũhtiri jire tjoa:

⁵ –Potocã niita nija mũhũre. Co mehne, Espĩritu Santo to tuaa mehne pari turi masa bajuariro dihta mari pũhoro Cohamacũ mehne ji masina.

⁶ Nũnia nijipocosanumia jia, macanacãre masa bajuachũ yoara. Espĩritu Santo sehe masare Cohamacũ pohna jichũ yoara.

⁷ “Pari turi masa bajuariro yoaro sehe wahariro dihta mari pũhoro Cohamacũ mehne ji masina”, yũ nichũ, tũho wisiecu tjiga.

⁸ Espĩritu Santo masare Cohamacũ pohna to yochũ wihnono yoaro sehe jira. Wihnono to tariropũ tara. To taro coa tachũ mari tuhoja. Æ tũhopenahta to tarirore, to waharirore ne masieraja. Tõ sehta yoara Espĩritu Santo masare Cohamacũ pohna jichũ yoaro –niri jire Jesu Nicodemore.

⁹ –Mũ niare noano masieraja –niri jire Nicodemo.

¹⁰ To ã nichũ tũhoro õ sehe niri jire Jesu:

–Mũhũ judio masare buheriro jipaihta, ¿dohseacu yũ niare tũhoerajari?

¹¹ Potocã mũhũre niita nija. Sã masirire, sã ñũrire sã yahuja. Sã ã yahupachũta ne mũsa sã coyea judio masa ne tũho duerare.

¹² Ahri yahpa macaa mehne masa ti masa bajuari mehne mũhũre piti dahre yũ buhe mũhtarire “Potocã tjira”, nierara mũsa. Æ nierana piti dahre buhero marieno Cohamacũ yare yũ yahuchũ cũhũre “Potocã tjira”, nisi mũsa.

¹³ “Ne cãiro mũanopũ Cohamacũ cahapũ wahariro ne pari turi tjua tasi. Yũhũ masano Cohamacũ warocariro yũhũ dihta mũanopũ jiriro ahri yahpapũ tahi. (Æ jicũ yũhũ dihta Cohamacũ yare mũsare yahu masija.)

¹⁴ Panopũre masa marienopũ Moise cjiro bronze wama tiri comaa mehne ti yoarirore agãre yucũcũ ti dapodũ sohtoapũ duhu õ dapoha. Yũhũ cũhũre masano Cohamacũ warocarirore tiro agãre to duhu õ daporigo sehta yũhũ cũhũre duhu õ dapoha.

¹⁵ Yũhũre ti ã yoari baharo jipihtina yũhũre wacũ tuaina jipihtia dachoripe Cohamacũ mehne ã jirucuaħca –niri jire Jesu.

Cohamacũ jipihtinare cahĩna

¹⁶ Æ ni tuhsũ õ sehe ni namori jire Jesu:

–Cohamacũ jipihtina ahri yahpa macainare tuaro cahĩna. Æ jiro yũhũre to macũnore cãirota jirirore Cohamacũ warocare jipihtina yũhũre wacũ tuaina pichacapũ ti wahaeraha cjihtore. Æ jia Cohamacũ ya catia mehne ã catirucuaħca tina.

¹⁷ Cohamacũ yũhũre to macũnore masare buhiri dahre dutiro warocaerare ahri yahpapũre. Masare pichacapũ wahaborinare yũhũchũ yoahitiro cjihto sehere yũhũre warocare.

¹⁸ Yũhũre Cohamacũ macũnore wacũ tuainare ne buhiri dahresi Cohamacũ. Yũhũre wacũ tuaeraina pinihtare Cohamacũ buhiri dahre duti tuhsũre. Masa yũhũre Cohamacũ macũnore cãirota jirirore ti wacũ tuaerari buhiri buhiri dahrerohca tinare.

¹⁹ Yuhū Cohamacu macyno ahri yahparu tacu buhriaro to noano marine to űu masichu yoaro seheta Cohamacu yare noano masichu yoaja. Yu ā masichu yoapachuta, yuhure wacu tuaeraina sehe yuhure cahmarara. Ti űaa yoaa sehere noano cahmana. Ti ā cahmari buhiri tinare buhiri dahre duti tuhsure.

²⁰ Jipihitina űaare ā yoarucina baro ti űaa yoare duhu duaerara. Ā jia buhriaro to bajuro dahre seheti ti űaa yoarire “Bajuro dahre” nia, yuhure cahmaerara tina.

²¹ Quihono yoina sehe yuhure, yu buheca cāhure cahmana. Cohamacu yoadohoro mehne to yare ti yoare yu noano bajuro dahrechū buo tierara tina. Ā jia yuhure buhriaro yoaro sehe jirirore cahmana —ni yahuri jire Jesu.

Pari turi Joāo masare bautisariro Jesure yahuha

²² Baharo Jesu sāre to buheinare Judea yahparu suho wahare. Tōru saro tō macaina mehne mahaa dachoricā tĵua, tinare bautisare.

²³ Joāo cāhu masare bautisaro niha Enón wama tiri macai. Enón Salim wama tiri maca cahai jire. Tói dia jire. Tói dia jichū Joāo bautisaro niha masare.

²⁴ Tirore ti peresu yoalto pano Enóni masare bautisaro niha Joāo.

²⁵ Tí pjare Joāo buheina mehne macaina mahainacā judio masyno mehne bautisaa macaare durucua niha.

²⁶ Ā jia tina Joāo caharu suā, tirore ō sehe ni yahuha:

—Buheriro, Jordāo sie coaru mahu mehne jiriro “Tiro tĵica”, mu niriro sehe mipure masare bautisaro nina. To ā yoachū jipihitina tiro caharu dihta wahara —niha tina Joāore.

²⁷ Tí ā nichū tūhoro Joāo ō sehe ni yuhtiha: —Tiro tuariro to jichū Cohamacu sehe tirore ā jichū yoariro jira.

²⁸ “Cristo jieraja”, yu nichū tūhore musa. Ā jierapaihta to pano to waroca muhtariro jija yuhū.

²⁹ Cristo mehne masa ti wahachū űacu tuaro wahcheja. Ō sehe jira ti: Wamomaca duhtericoro to manūno mehne jiro wahara. Wamomaca duhtehtirore cohtariro sehe duhtehtiro to namo tichū űuno to durucuchū tūhoro tuaro wahchera. Ā jicu yuhū wamomaca duhtehtirore cohtariro to wahcheriro seheta Cristo mehne masa ti wahachū űacu tuaro wahcheja.

³⁰ Cristo sehere wacu tuaro cahmana masare. Yuhū sehere wacu tuaeraro cahmana masare —ni yuhtiha Joāo.

Cohamacu macyno tuaropu tariro jira

³¹ Ā ni tuhsuro ō sehe ni namoha Joāo:

—Muanopu tariro jipihitina yūhdoro tuariro jira. Ahri yahparu jiina jina ahri yahpa macaina jija mari. Ā jina ahri yahpa macaare durucuja mari. Muanopu tariro sehe jipihitina yūhdoro tuariro jira.

³² To űari cjirire, to tūhori cjirire tiro yahura. To ā yahupachuta to yahuae masa sehe ne tūho duaerara.

³³ Muanopu tariro to yahuae masa tūhoa, tūre cahmaa, “Cohamacu potocā niriro jira”, nia nina tina.

³⁴ Ahriro Cristore Cohamacu warocarirore Espiritu Santo ya tuaare cū pahñona Cohamacu. Ā jiro tiro Cohamacu ya durucuae yahura.

³⁵ Cohamacu to macynore tuaro cahina. Ā jiro jipihitina bui ti puhtoro ji ditire to macynore. Jipihitina puo ji ditire tirore.

³⁶ Cohamacu macynore wacu tuaina sehe Cohamacu catia mehne ā catirucuahca. To macynore cahmaeraina sehe Cohamacu catia mehne jisi. Ā jiro Cohamacu tinare tuaro buhiri dahrehochca —niha Joāo.

4

Jesu Samaria macaricoro mehne durucua

¹ Jesu Joāo yūhdoro payu buheinare to cjuachū Joāo yūhdoro masare to bautisachū fariseo curua macaina tūhorocaha.

² Ti ā tūhorocapachuta Jesu sehe to basi masare bautisaerare. Sā to buheina sehe masare bautisahi.

³ Fariseo curua macaina ti ā masichū tūhoro Jesu sehe Judea yahpai jiriro Galilea yahparu sāre suho tĵuaa wahare.

⁴ Tōru wahana Samaria yahpare su yuhdu wahcāna tana nihi sā.

⁵ Ā yuhdu wahcāna Samaria yahpai jiri macaru Sica wama tiri macaru suhi. Tí maca cahai panopu macariro Jacobo cjiro to macyno José cjirore to wari yahpa jire.

⁶ Tói Jacobo cjiro co to naari copa jire. Ā yoa Jesu sehe yoaropu tariro cjiro jiro, tiro wahya yuhduaro ti copa duhtu cahai nuju sure. Tí pja tói to so nuju sari pja cohari pja waro jire.

⁷⁻⁸ Sā to buheina sehe macaru chūare sā nuchūna wahari baharo cūirota tiro tói tĵua nuju sure. Ā so nuju saro Samaria macaricoro ti coparu co waro to wihichū Jesu ticorore core siniha:

—Core waga yuhure —niha.

⁹ —Muhu judio masyno jira. Yuhū sehe Samaria macaricoro jija. ¿Dohseacu yuhure core sinijari mūhu? —niha ticoro Jesure. Judio masa Samaria macainare űu tuhtiina jira. Ā jiro ticoro ā niha.

¹⁰ To ā niri baharo Jesu ticorore ō sehe ni yahuha:

—Muhure Cohamacu to yoadoho duarire masico, muhare core sinirirore masico, mahu yahu sehere siniboa. Mu a sinichu paye co sehere waboa yahu. Ti co sehe catichu yoara —niha Jesu ticorore.

¹¹ To a nichu tuhoro ticoro o sehe ni yuhtiha tirore:

—Ne muhare situ mariahna. Wiho mejeta ahri copa cuari copa jira. zA jicu ahri catichu yoaa core nohoru wabocari mahu?

¹² Mari fuchu cjiro Jacobo panopu macariro ahri copare marine cu tiha. Tiro, to pohna, to nuina cuhu ahri core sihnia tiha. “Paye core waboa yahu” nicu, zJacobu yuhdoro masiriro jijari mahu, a ni tuhotucu? —niha ticoro.

¹³ To a nichu Jesu o sehe ni yuhtiha:

—Jipihina ahri core sihniina, pari turi nahma yapioahca.

¹⁴ Ya co sehere sihniina ne pari turi nahma yapiosi. A jia ya core sihniina Cohamacu mehne a jirucuahca. Ma pohtarpu co to a wijaarucuro seheta ya co ne pihitisi —niha Jesu.

¹⁵ To a nichu tuhoro numino sehe o sehe niha:

—Ne pari turi yu nahma yapioerahto sehe ti core waga yuhare. A jico pari turi ne opra co wasi —niha ticoro.

¹⁶ To a nichu Jesu ticorore o sehe ni yahuha:

—Ti pja pinihta mu manure pjico wahaga. Pji tuhsu opa taga tiro mehne —niha Jesu ticorore.

¹⁷⁻¹⁸ —Manu marienicoro jija yahu —niha ticoro.

—Potocata nimana mahu. Muhu cinco tahari manu ti tuhsu mare. Tuhsu, mipare mahu mehne jiriro mu manu jierara. A yoa “Manu marienicoro jija” nico, potocata nimana mahu —niha Jesu ticorore.

¹⁹ To a nichu tuhoro o sehe niha ticoro:

—Ne, Cohamacu yare yahu muhtariro jira mahu, yu tuhotucu.

²⁰ Sa fuchusuma cjiro ahdu tucapu Cohamacure no payoa tiha. A jina musa sehe judio masa “Jerusalai Cohamacure no payoro cahmana masare”, nia tire musa judio masa —niha ticoro.

To a nichu Jesu o sehe ni yuhtiha:

²¹ —Numino yuhare tuhosiniga. Baharopu ahdu tucui, Jerusaleru cahure mari Pacure no payosi musa.

²² Musa sehe musa no payorirore masierara. Masare yuhdachu yoahiro judio masuota jira. A jina sa judio masa sehe sa no payorirore masija.

²³ Mipare baharopu cahure Cohamacure potoca no payoina ti noano tuhutua mehne tirore no payoahca. To sehe mari no payochu cahmana Cohamacu.

²⁴ Cohamacu pjacu marieriro to jichu masa tirore nuerara. A jia tirore no payoa, ti noano tuhutua mehne tirore noano potoca no payoro cahmana masare —niha Jesu.

²⁵ To a nichuta ticoro o sehe ni yuhtiha:

—Mesia, “Cristo” ti niriro sehe masare yuhdachu yoahiro, to tahti cjihtire masija yahu. Tiro taro, marine jipihitiare buhe pahnonohca —niha ticoro.

²⁶ —Yuhata jija Cristo —niha Jesu ticorore.

²⁷ To a ni yahuchu waro wihina sa to buheina sehe Jesu numino mehne to durucuhu nuha, cuaa wahai. A cuapanahca “zDohse cahmajari mahu? zDohse nii nijari mahu ticorore?” ni sinitu nuerahi.

²⁸ A jiro numino to siture toi duhu daponoca, macapu waha, masare yahuro, o sehe niha:

²⁹ —Yu yoari cjirore yahu pahnorirore nuha taga musa. Tiro potocata Cristo jiboca pa tehe nino —niha ticoro.

³⁰ To a nichu tuhooa ti maca macaina sehe Jesure nuha taa nire.

³¹ Ti pjare sa Jesu buheina sehe tirore tuaro chu dutimai:

—Buheriro, chuga —nimai sa.

³² —Soro jia chure cjuaja yahu. Tیره masu masierara —nire tiro.

³³ To a nichu tuhona sa basi o sehe ni durucui:

—zPaina tirore chure wa tuhsuari? —nii sa basi.

Sa a nichu Jesu o sehe ni yahure:

³⁴ —Masa sehe chu ji coara. Yuhare waro-cariro to cahmaare yoacu ji coaja yuhu sehe to yoa dutiriro seheta yoa pahnosu tacu.

³⁵ “Cuatro sari dhsara dicha naahito”, wese puro to niriro seheta musa sehe ni tuhoutuena tjiga. “Cohamacu yare sa yahuho dhsasinina”, ni tuhoutuena tjiga. Potoca niita nija musare. Mipu pinihtare masare nuha. Dicha tichu musa naari pja to jiriro seheta, mipu pinihta masa yu buheare ti tuhohiti pja jiro nina.

³⁶ Toaa dichare naainare ti wapariro seheta yu yaina cjihti naainare yu yare buheinare ti a yoari wapa tinare noano yoahitja yahu. Ti a buhechu tuhooa yu buheare tuhoina yu yaina sehe Cohamacu mehne jipihitia dachoripe jirucuahca. A jia tinare buhe muhtaina, baharo yu yaina jichu yoaina cuhu cano potori wahcherucuahca.

³⁷ “Cuairo toa muhtariro jira. Pairo sehe toaa dichare nariro jira”, nia tiha panopu. Ti potoca tjira. Ti a niriro seheta caina yu yare yahu muhtaina jira. Paina sehe yu yare buhea yu yaina jichu yoaina jira.

³⁸ Wese puro to yaina dahraina toaeraina ti jipachuta to toaa dichare tinare naa dutiro warocara. To seheta masare buhe

mũhtaeraina m̄sa jipachũta yũ yaina cjihti yoa duticũ warocaja m̄sare. Paina sehe tinare buhe mũhta tuhsare. Ti buheri-napũre pari turi buhe namona, yũ yaina jichũ yoanahca m̄sa sehe. Ā jina buhe mũhtaina sehe ti yoadohoro mehne painare yũ yaina jichũ yoanahca m̄sa –nire Jesu.

³⁹ Tĩ pjare Samaria macaricoro “Yũ yoari cjirire tiro yahu pahũore”, to ā nichũ tũhoa Samaria macaina payũ Jesure wacũ tua, tirore cahmaha.

⁴⁰ Ā jia Samaria macaina Jesu cahai sũa, “Sā mehne tjuasiniga”, nire tirore. Tĩ ā nichũ sã cãhũ tiro mehne pũa dacho tói tjuasinĩ.

⁴¹ Paina cãhũ payũ Jesure tũhoa cahmare tirore.

⁴² Ō sehe nire masa numinore:

–Wahmanopũre mũ yahurire tũhona, Jesure cahmahĩ. Mĩpũ pinihtare Jesu to durucuare tũhona tirore wacũ tuana, tirore cahmaja. Ā jina tiro sehere tũhona ahri yahpa macainare pichacapũ wahaborinare yũhdũchũ yoariro potocã to jichũ mĩpũ sã masija –nire masa Samaria macaricorore.

Pũhtoro macũnore dohatirirore noariro wahachũ yoaha Jesu

⁴³ Pũa dacho baharo Jesu sãre Galilea yahpapũ sũho wahare.

⁴⁴ Wahmanopũre ō sehe nia tire tiro: “Cohamacũ yare yahu mũhtarirore to ya yahpa macaina tirore ño payoerara. Ā jia yũhũre ño payoerara ō macaina ōi yũ bũcũarigo jichũ”, nia tire Jesu.

⁴⁵ Ā jia Galileapũ to sũchũ tó macaina tirore noano piti bocare. Tó pano Jerusalēi bose numũi Jesu Cohamacũ tuaa mehne to yoachũ ñũrina jire tina.

⁴⁶ Ā yoa Canápũ Galileai jiri macapũ core vino to wahachũ yoari macapũ wahaahai sã tiro mehne. Caná cahai jiri macai Capernau wama tiri macai jipihitina bui pũhtoro docai jiriro pũhtoro macũno dohatiro niha.

⁴⁷ Tuhsũ, Jesu Judeapũ jiriro Galileapũ to sũchũ pũhtoro tũhoha. Tĩre tũhoro Jesu cahapũ wihire:

–Yũ macũ yariaro nihre. Ā yoa tirore noariro wahachũ yoai taga –ni tuaro mehne pjire tirore.

⁴⁸ To ā nichũ tũhoro Jesu ō sehe ni yũhtire: –Cohamacũ tuaa mehne yũ yoachũ ñũerana, ne yũhũre wacũ tuaerara m̄sa –nire Jesu tirore.

⁴⁹ To ā nichũ pũhtoro sehe ō sehe nire: –Pũhtoro, yũ macũ to yariahto pano taga –nire tiro Jesure.

⁵⁰ –Tjuaaahga. Mũ macũ catica –nire Jesu. To ā nichũ tũhoro, “To niriro seheta catirohca yũ macũ” nino, pũhtoro tjuaa wahare.

⁵¹ Ā tjuaarucurirore to cahamaca tirore piti boca, ō sehe ni yahuha:

–Mũ macũ catihre –ni yahuha tina tirore.

⁵² –¿Noho waroi sã jichũ noariro wahari tiro? –ni sinituha tiro to cahamacare.

–Canũre cohari pja baharocã juaro suhure tirore –niha tina.

⁵³ Tĩ ā nichũ tũhoro ō sehe ni tũhotuha tiro: “Jesu yũhũre to ā ni yahuri pjaihta juaro surua wahari jire”, ni tũhotuha pũhtoro sehe. “Potocãta nino niri jira yũhũre” nino, tiro jipihitina to coyera mehne Jesure wacũ tuaha.

⁵⁴ Jesu Judea yahpapũ jiriro Galilea yahpapũ to sari baharo pũhtoro macũnore noariro to waharire mari quihũchũ pũa taha Cohamacũ to tuaa mehne yoa ño tuhsare Jesu.

5

Tini masierarirore noariro wahachũ yoaha Jesu

¹ Baharo judio masa Cohamacũre sã ño payori bose numũri jichũ Jesu Jerusalēpũ sũre tjoa.

² Tói oveja wama tiri sopaca cahai cuhsũri copa jihre. Sã judio masa ya mehne nia Betesda wama tiri copa jihre. Tĩ copa cahai cinco tihamahnoera tahti poca jihre.

³ Tĩ tahti pocai payũ dohatiina coãre. Capari ñũeraina, cũ bũhũsehe dahporo ñaina, pjacũ bũhaina tina tĩ copa cahai jia, [co ñũhmi m̄a mũjanore cohtaa nire.

⁴ Tópũ buharo tĩ copa macaa core cãa tahari ñũhmichũ yoa mũjare anjo. Tĩ copa macaa co ñũhmiri baharo ña mio mũhtariro sehe dohse jiare dohatiare cjuariro noariro wahare.]

⁵ Ā yoa tói treinta y ocho cũhmari waro dohatiriro jire.

⁶ Tói to coãchũ ñũano to ā yoari pja dohatiriro jichũ masire Jesu tirore. Ā masino tirore ō sehe ni siniture:

–¿Pjacũ dohatia marieriro ji duajari mũhũ? –nire Jesu.

⁷ To ā nichũta dohatiriro ō sehe ni yũhtire: –Tĩ co to ñũhmichũ yũhũre co jiri copapũ naboriro mariahna. Tĩ copapũ yũ ña mio duapachuta paina sehe yũ pano ā ña mio mũhtarucura –nire tiro Jesure.

⁸ –Wahcãrucaga. Mũ coãri cahsarore naa, wahaga –nire Jesu tirore.

⁹ To ā nichũta dohatiriro sehe to coãri cahsarore naa, ducu dũcare. Tĩ dacho Sabado judio masa sã sori numũ jire.

¹⁰ Tĩ dachoi Jesu to ā yoachũ ñũa judio masa sã pũhtoa sehe dohatiriro cjirore ō sehe ni yahuha:

–Michare Sabado dacho mari sori numũ jipachũta mũ coãri cahsarore naahna mũhũ.

Ā yoacá mari dutiare yáhduracai nina máhu —niha tina tirore.

¹¹ —Yúhure yá dohatiare coháiro sehe ò sehe nire yúhure: “Mú coári cahsarore na, wahaga”, nire tiro yúhure —ni yáhtihá dohatiriro cjiro.

¹² —¿Tíre múhure á niriro sehe diro baro jijari tiro? —ni sinituha tina.

¹³ Tói masa payú ti jichú ñuno Jesu sehe waha tuhsáha. Á jiro dohatiriro cjiro sehe tirore noariro wahachú yoarirore to wamare masieraha.

¹⁴ Baharo Cohamacú wáhuí Jesu tirore piti boca, ò sehe ni yahure:

—Túhosiniga máhu yúhure. Mípure noano pjacú tira máhu. Ñaare yoa namoi tjiga. Pari turi ñaare yoa namocú mú dohatiriro yúhdoro waháihca máhu —nire Jesu tirore.

¹⁵ Tó á niri baharo dohatiriro cjiro sehe sá judio masa púhtoa tirore sinituina cjiri caharú suro, ò sehe ni yahuha tinare:

—Jesu wama tiriro yúhure noariro wahachú yoahre —ni yahuha tiro.

¹⁶ Á yoa Sabado jichú Jesu dohatirirore to dohatiare to coháchu masia judio masa sá púhtoa sehe tirore ñu tuhtia, yahusáa dua dúcare.

¹⁷ Á tirore ti yahusáa duachú masino Jesu sehe ò sehe ni yahure tinare:

—Yú Púcu mípure dahrasinina. Yúhu cáhu dahrasinii nija —ni yahure tirore yahusáa duainare.

¹⁸ Tó á nichú judio masa sá púhtoa sehe tiro mehne tuaro suaa, tó pano ti niriro yúhdoro tirore wájá duare. Sabado dachore sá sori namare cúrore to noariro yoachú ñua tina suare. Á suaa tiro Cohamacure “Yú Púcu” to nichú túhoa, tina sehe tó pano ti niriro yúhdoro sua namoha tjoa. “Yúhu Púcu” nino, Jesu to basi ‘Cohamacú mehne cáno potori jija’, ni wacúca tiro”, ni túhture judio masa sá púhtoa.

Jesu Cohamacú to warocariro jira

¹⁹ Á yoa Jesu tinare ò sehe ni yahure:

—Potocá músare niita nija. Yúhu, Cohamacú macúno, yá mú suro yoaeraja. Yú Púcu to yoarire ñuchú, tíre yoaia.

²⁰ Yú Púcu yúhure, to macúnore, cahína. Á jiro to yoarire yúhure ño pahóna. Ahri mípu to tuaa mehne yá yoari yúhdoro tiro payere yoa dutirohca yúhure. Tó á yoa dutichú to tuaa mehne yoa ñoihca yúhu. Á jina ñu cuanahca msa.

²¹ Yú Púcu yariarinare to masoriro seheta yúhu cáhu yá cahmainare masoihtja.

²²⁻²³ Ne yú Púcu sehe masa ti ñaa buhirire buhiri dahreriro jierara. Yúhu sehene tíre ti ñaa buhirire buhiri dahrehtirore cúre yá Púcu. Jipihtina masa tirore ti ño payoriro seheta yúhu cáhure ti ño payohti cjihtire

buhiri dahrehtirore cúre yúhure. Yúhure to macúnore ño payoerana yá Púcu cáhure ño payoerara msa. Tiro jira yúhure warocariro —nire Jesu.

²⁴ Á ni tuhsú ò sehe ni yahu namore:

—Potocáta músare nii nija. Yá durucuare túhoina yúhure warocarirore wacú tuaina jipihtia dachoripe mánopu á jirucuahca. Á jicu tinare buhiri dahresi yúhu. Á jia tina pichacaru wahaborina yúhduahca.

²⁵ Potocá músare niita nija. Pichacaru wahahtina yúhure Cohamacú macúnore ti túhohti pja mípu jira. Baharopu cáhure yúhure tina túhoahca tjoa. Á túhoa túho ñunúina sehe Cohamacú mehne á jirucuahca.

²⁶ Cohamacú yá Púcu sehe á jirucuchú yoariro jira. Á jiro yúhure to macúnore á jirucuchú yoahtiro ji dutire tiro yúhure.

²⁷ Á jicu yúhu masúno Cohamacú to warocariro yá jichú tiro masare buhiri dahrehtirore cúre yúhure.

²⁸ Ahrire túhona, túho cúaena tjiga msa. Pa dachopure jipihtina yariaina masa coparipú jina yá durucuchú túhoahca.

²⁹ Á túhoa, noaare yoaina cjiri jipihtia dachoripe Cohamacú mehne jihtina cjihti masa mwaahca. Ñaare yoaina cjiri sehe ñaare ti yoari buhiri pichacaru wahaahca —ni yahure Jesu.

³⁰ Á ni tuhsú ò sehe ni yahu namore:

—Yúhu yá mú suro ne yoaeraja. Ne yá basi yá cahmano yoa duaeraja. Yúhure warocariro to dutiriro seheta yoa duaja. Á jicu to niriro seheta buhiri dahreja. Tuhsú yúhu masare buhiri dahrecú quihónota yoaia.

³¹ “Yúhu tuariro jija”, yá ni yahuchú “Mú yahua ne quihóno jierara”, ni masiboca msa.

³² Pairo jira yúhure yahuriro. Tiro João sehe masare yahure yúhure. Masare yúhure to yahuri cjiri quihóno tjira. Tíre yúhu noano masija.

³³ Msa paina sehene Joãopure yúhure sinitu dutina warocare. Á jiro potocáta yahure tiro músare.

³⁴ “Cohamacú macúno jira ahriro”, yúhure ni yahuhtinare macaeraja. Á macaerapacúta João masúno to jipachúta yúhure “Cohamacú macúno jira”, to ni yahurire yahui nija. Msa yúhure wacú tuahiti cjihtire, msa pichacaru wahaborina msa yúhdúhti cjihtire yúhure João to yahurire yahui nija.

³⁵ Sihária mahaa dachoricá to ñu masichú yoaro seheta João músare buhe múhtano mahanocá to catiro puro músare masichú yoare. Tó á buhechú túhona mahaa dachoricá wahchere msa.

³⁶ Yá jia tiare to á buhepachúta Cohamacú sehe yá jiare noano yahura. To á yahuchú João yá jiare to yahua yúhdoro jira Cohamacú ya yahua. Á jicú Cohamacú to tuaa mehne yúhure to yoa dutirí cjirire mipú yoi ni ja. Ahrire yú yoachú ñua potocáta Cohamacú to warocariro yú jiare masina mûsa.

³⁷ Á yoa yá Púcu yúhure warocariro to basi “Tiro yá warocariro jira”, ni yahura mûsare. To á ni yahupachúta to durucuare ne túhoerare mûsa. Á jina mûsa tirore ne masierare.

³⁸ Yúhure Cohamacú warocarirore mûsa ne túhoerare. Á jina mûsa Cohamacú yare ne cahmaerare.

³⁹ Cohamacú yare ti joari pûre mûsa buhena, “Mari ahri pûre buhena jipihtia dachoripe Cohamacú mehne á jirucunahca”, nina mûsa. Tí pûita yúhure yahura.

⁴⁰ Tí pû yúhure to yahupachúta mûsa sehe yúhure cahmaerara. Jipihtia dachoripe Cohamacú mehne mûsa á jirucuhúti cjihtire yúhure sini duaerara mûsa —ni yahure Jesu.

⁴¹ Á ni tuhsú ò sehe ni namore:

—Yúhure mûsa ño payoerachú ñicú suaer-
aja yúhú sehe.

⁴² Mûsa sehe Cohamacúre mûsa cahíerachú masija yúhú.

⁴³ Cohamacú yá Púcu yúhure to dutiriro seheta yá tapachúta mûsa yúhure cahmaerare. Pairo sehete Cohamacú tirore warocaerariro to jipachúta to mû saro to tapachúta tiro sehete cahmanahca mûsa.

⁴⁴ Paina masa mûsare ti ño payochú cahmana mûsa. Cohamacú mûsa mehne to ji coachú cahmaerara mûsa. Tiro dihta Cohamacú waro jira. Á cahmaerana yúhure túhoerara mûsa. Yúhure wacú tuaerara.

⁴⁵ Mûsare yá Púcupure ne yahusási yúhú. Tíre masiga mûsa. Moise cjiro to joari pû sehe mûsare yahusánohca. “Tí pû macaa dutiare mari yoa pahñona, Cohamacú cahai wahanahca”, mûsa niri pû sehe mûsare yahusánohca.

⁴⁶ Moise cjiro to joari pûi yúhú sehete yahua. Á jina tí pûre “Potocá tjira” nina, yá yahua cáhure “Potocá tjira”, níboa mûsa.

⁴⁷ Moise cjiro to joari pûre “Potocá tjira” nierana, yá ya durucua cáhure “Potocá tjira”, nisi mûsa —nire Jesu tinare.

6

*Cinco mil bui masare chûa waha Jesu
(Mt 14.13-21; Mr 6.30-44; Lc 9.10-17)*

¹ Á to buheri baharo yoa cureri pja baharo Galilea wama tiri búcupariro pa búhusehe coapu sá to buheinare Jesu súho paháa wahare. Tí taro pjiri taro pa wama Tiberia wama tire.

² Tó pano Galilea yahpai Jesu Cohamacú tuaa mehne yoa ño, dóhatinare ti dohatiare to coháchú masa ñua tire. Á jia Jesu to paháchú ñua, masa payú tirore núnú ti paháre.

³ Á yoa baharo tí taro dúhtú cahapu Jesu sáre súho pahá su, tácupú mûja, tá buipú sáre súho dújire.

⁴ Tí dachore Pascua wama tiri bose núnú cjihto, sá judío masa ya bose núnú súhti dacho cjihto mahaa dachoricá dúhsare.

⁵⁻⁶ Tópu dújiro, Jesu payú masa to cahapu ti tarucuchú ñure. Á ñuno Felipere ò sehe ni sinitu ñure:

—¿Ahrina masa ti chuhti cjihtire nohopú nuchúnahcari mari? —nire Felipere.

Jesu to basi to yoahure masiparota Felipere á sinitu ñure “¿Dohse ni yúhtirohcari?” nino.

⁷ To á sinitu ñuchú túhoro Felipe sehe ò sehe ni yúhtire:

—Ocho sári posa dahra wapataa níneru mehne chúare mari nuchúpachúta masare cáinare daacá chúare mari witiapachúta ne mû sasi —nire Felipe Jesure.

⁸ Á yoa paio, sá mehne macariro Andre, Simo Pedro bahuro sehe Jesure ò sehe ni yahure:

⁹ —Ahriro wahma wahmua tariro cinco pão curirire, á jichú wahi puarocá cáhure cjûara. Wiho mejeta masa sehe payúbia jira. Á jiro ahri mahanocá chûa ne mû sasi —nire Andre.

¹⁰ To á niri baharo:

—Masare duji dutiga masa —nire Jesu sá to buheinare.

Tó daacá tja jiro jire. Sá duji dutichú masa nuju sú pihtiare tja bui. Tina mûa dihtare sá quihóchú cinco mil wahtaroi jire.

¹¹ Tí á nuju sachú ñuno Jesu sehe pãore na, Cohamacúre “Noana”, nire. Á ni tuhsurota sáre to buheinare witi dutire. To á dutichú sá sehe tó dujinare witi wahcái. Tuhsú, puaro wahi cáhure witihi tinare. Jipihtinare noano ti chú duaro puro chúare tinare witihi.

¹² Baharo masa sehe yapi yúhdúa wahare. Tí á yapi yúhdúachú ñuno Jesu sáre ò sehe ni yahure:

—Tí chú dúharire noano saa cahmachú pahñoga. Á yoana ti chú dúhaare ne bosí —nire.

¹³ To á nichú túhona sá sehe cinco pão curiri dúhsarire sá saa cahmachuchú doce puhuse waro wijare.

¹⁴ Á jia Jesu tíre to tuaa mehne to yoa ñochú ñua, masa sehe ò sehe nire:

—Potocáta jira. Ahriro Cohamacú yare yahu mûhtariro ahri yahpápu “Tarohca”, ti níriro mari cohtariro tjira —nire tina.

15 Æ jia tina Jesure ti puhtoro jihtiro cjih-tore ñaha sô duamare. Jesu ti ã ni tuhotuare masino pari turi cáirota tãcãpã wahaa wahare.

*Jesu co bui ducu wahcãha
(Mt 14.22-27; Mr 6.45-52)*

16 Ñamichahapã sã to buheina buçupariropã buhai.

17 Tõpãre buhu sã, dohoriapã samu, Capernau wama tiri macapã majare pahãi. Tí pjare sã majare pahãri pjare ñamipã jire. Jesu sehe sã cahapã tju wihierasinare mini.

18 Sã ã majare pahãno watoi wihnono tuaro sãre tachã, pahcõri bujãa pahcõri wahcãre.

19 Sã cinco kilómetro sãboro waroi sã suçhã waro Jesu sãre mã sãre. Co buipã to tachã ñui sã. Æ sã cahai to tachã ñuna, sã sehe cãa yuhduã wahacãrã.

20 Sã ã cãa yuhduãchã ñano tiro sãre õ sehe ni yahure:

—Cuiena tjiga. Yuhãta jija —nire Jesu.

21 To ã nichã tuhona sã wahchea mehne tirote piti boca samu dutihi. To samuri baharocãta wacũenoca sã wahari yahpãpãre pahã sã tuhsãhi.

Masa sehe Jesure macãha

22 Æ yoa tí ñamine masa buçupariro pa buhusehe coapã tjuaina sehe sã yaria busoca, sã pahãntia cãria to jichã ñãre. Tia mehne sã sahsero sã pahã wahachã cãhãre ñãre tina. Tuhsã Jesu sã mehne to pahãerachã ñãre tina. Æ jia pa dachoi tirote tõi cohtaa niri jimarã tina.

23 Tí ã cohtaro watoi, paye buso, Tiberia wama tiri macapã taa buso Jesu Cohamacãre “Noana”, to niriro cahacã cureropã, masare to chãa witiiriro cahacã cureropã wahã sãri jire tí buso.

24 Æ yoa sãre Jesu to suho jimariroro to mariachã ñãa, masa tí busopã samu, Capernaupã sãre ñunã ti pahã tari jire, Jesure macã taa.

Jesu catichã yoaã chãa yoaro sehe jiro jira

25 Tí pahã wihiri baharo, Jesure boca wihí, tina masa õ sehe ni sinitu ñãre tirote: —Buheriro, ¿dohse jichã tari mũhã õpãre? —ni sinitu ñãre tina.

26 Tí ã ni sinitu ñũchã, Jesu tinare õ sehe ni yahure:

—Potocã niita nija musare. Yuhã musare Cohamacã tuaa mehne yã yoa ñopachãta yuhãre sehere wacũ tuaerara mãsa. Yuhãre wacũ tuaerapãnahta yuhãre macãna mãsa. Yuhã mehne bujãa chã, mãsa yapirina cjiri jina yuhãre macã tari jira mãsa.

27 Wiho mejeta chãa ne ã jirucuerara. Baharopã pihtia wahara. Æ jina tíre ã macãru-cuena tjiga mãsa. Paye baro chãa soro jia

chãare macãga mãsa. Tí soro jia chãare bocana jipihtia dachoripe Cohamacã mehne jirucunahca. Æ jia tí chãa pinihta ne pihtisi. Tí chãare yuhã masãno Cohamacã warocariro musare waihtja. Cohamacã yã Pũcã yuhãre tí baro chãare wa dutiriro jira. Tirote to warocariro yã jiare ño tuhsãre musare —nire Jesu.

28 To ã nichã tuhoã tina õ sehe ni sinitu ñãre tirote:

—¿Cohamacã to yoa dutiare yoana tana dohse yoanahcari sã? —ni sinitu ñãre tina.

Jesu sehe tí ã nichã tuhorõ, õ sehe ni yuhãre tinare:

29 —Cohamacã musare õ sehe dutira. To warocarirore mãsa noano tuho, wacũ tuachã cahmana tiro —ni yuhãre Jesu.

30 To ã nichã tuhoã tina õ sehe nire tjõa:

—Cohamacã warocariro jicã tiro to tuaa mehne yoa ñõga sãre mũhãre sã noano wacũ tuahã cjihtore. ¿Yaba barore yoa ñobocari mũhã?

31 Mari ñũchãsumã cjiripã panopã macaina masa marienopã maná wama wama tiare chãa tiha. Cohamacã yare tí joari pũpũ õ sehe ni yahura: “Tiro tinare mũano macãa chãare waa tiha tí chũhti cjihtire”, ni joaã tiha Cohamacã yare tí joari pũpũ. ¿To ã yoariro seheta yoaihãari mũhã cãhã? —nire tina.

32 Tí ã nichã tuhorõ õ sehe ni yahure Jesu tinare:

—Potocã musare niita nija: Moise cjiro mũano macãa chãare waera tire musare. Yã Pũcã sehe mũano macãa chãare potocã jia chãare musare wariro jira.

33 Cohamacã to chãa mũanopã duji ta, jipihãro yahã macainare catichã yoa masina —nire Jesu tinare.

34 —Puhtoro, dachoripe tí baro chãare ã warucuga sãre —nire tina.

35 Tí ã nichã tuhorõ, Jesu sehe õ sehe ni yahure tinare tjõa:

—Yuhã sehe catichã yoaã chãa yoaro sehe jiro jija. Mari ya chãare mari churi baharocãta dóicãta jãca baa wahaja mari tjõa. Sihnia cãhãre mari sihniri baharocãta ñahma yapioã wahaja tjõa. Wiho mejeta diro yuhãre cahmariro, yuhãre wacũ tuariro, ne jãca baaerãro yoaro seheta to wahchea sehe tirote ne pihtisi.

36 Mãsa sehe yuhãre ñãrapãnahta yuhãre wacũ tuaerasinina mini. Tíreta musare yahumãhi yuhã.

37 Jipihtina yã Pũcã yã yaina cjihtire yuhãre to cũrina sehe yuhãre cahmaahca. Æ jii yuhãre cahmainare ne cohãsi yuhã.

38 Mũanopã tacã yã cahmano yoai tai nierahi. Yuhãre warocariro to cahmariro seheta yoai tai nii yuhã.

³⁹ Ahrita jira yuhure warocariro to cahmaa waro: Jipihtina yu yaina cjihti yuhure to warina cjirire yu boerachu cahmana yuhure warocariro pihtiri dachoi ti masa mujahto cjihtore.

⁴⁰ Jipihtina yuhure Cohamacu macunore ñina, yuhure wacū tuaina jipihtia dachoripe tiro mehne ti jirucuchu cahmana yu Pucu. Ā jicu pihtiri dachoi tinare masoihtja —nire Jesu.

⁴¹ “Yuhu mũanopu taa chua yoaro sehe jiro jija”, to nichu tuhoa judio masa sã puhto sehe tiro mehne sua,

⁴² ti basi Jesure ñano ni durucureja:

—¿Ahriro Jesu José macano jierajari? To pucuro, to pocoro cãhure mari masija. Tuhsu mari yoaro sehe pjacu tiriroti jira. Ā jiparota dohsearo “Mũanopu tahi”, nijari tiro? —ni suare tina.

⁴³ Ti Ā nichu tuhoro Jesu õ sehe ni yahure tinare:

—Musa yuhure ñano ni durucuena tjiga.

⁴⁴ Yu Pucu yuhure warocariro sehe masare yuhu sehere cahmachu yoara. To Ā yoerachu masa sehe yu yaina ji masieraboa. Pihtiri dachoi yu yainare masoihca yuhu.

⁴⁵ Cohamacu yare yahu muhtaina cjiri sehe õ sehe ni joaa tiha: “Cohamacu tinare buherohca”, ni joaa tiha Cohamacu yare yahu muhtaina cjihipu. Jipihtina yu Pucu to buheare tuhoina, tirore yuhtiina yuhure cahmana. Ā jia yu yaina jira.

⁴⁶ Yu Pucure ne cãiro masuno ñerare. Yuhu Cohamacu warocariro dihta yu Pucure ñuhi.

⁴⁷ Potocã niita nija musare. Yuhure wacū tuariro jipihtia dachoripe yu Pucu mehne Ā jirucurohca.

⁴⁸ Yuhu caticu yoaa chua yoaro sehe jiro jija.

⁴⁹ Musa ñuchusuma cjiri masa marienopu manãre chua tiha. Ā tãre chupahta yariaa wahaa tiha.

⁵⁰ Mũanopu taa chũare yu nia chũare masuno chũro, ne pichasaru wahasi.

⁵¹ Yuhu mũanopu taa chua caticu yoaa chua yoaro sehe jiro jija. Ahri chũare chũriro jipihtia dachoripe yu Pucu mehne Ā jirucurohca. Ahri chua caticu yoaa chua yoaro sehe jia yu pjacuta jira. Jipihtiri yahpa macaina Cohamacu mehne ti Ā jirucuhti cjihtire yu pjacure waihtja. Ā wacu yariaihca —nire Jesu.

⁵² To Ā nichu tuhoa sã coyea judio masa sehe tãre õ sehe ni durucure ti basi:

—¿Ahriro dohse yoa to pjacure chũti cjihtire warohcari? —nire tina ti basi.

⁵³ Ti Ā nichu tuhoro Jesu õ sehe ni yahure: —Potocã niita nija musare. Yuhu masuno Cohamacu warocariro jija. Yu pjacure

chũerariro, yu dire sihnierariro Cohamacu ya catia mehne Ā jirucusi.

⁵⁴ Yu pjacure chũriro, yu dire sihniriro yu ya catia mehne Ā jirucurohca. Ā jicu pihtiri dachoi tirore masoihtja.

⁵⁵ Yu pjacu potocãta chua waro yoaro sehe jira. Yu di potocãta sihnia waro yoaro sehe jira.

⁵⁶ Yu pjacure chũriro yu dire sihniriro yuhu mehne wahchea mehne jirucura. Yuhu cãhu tiro mehne wahchea mehne jirucuja.

⁵⁷ Yu Pucu yuhure warocariro Ā jirucura. Ā jirucuro, yuhu cãhure Ā jirucuchu yoara. Ā jia yuhure Ā jirucurore masa chua, Cohamacu mehne mũanopu Ā jirucuahca tina cãhu.

⁵⁸ Ahrita jira mũanopu taa chua. Mari ñuchusuma cjiri manã wama tia ti churi cjiri yoaro sehe jierara ahri chua. Tina sehe tí chũare chũpahta yariaa wahaa tiha. Ahri chua sehere chũriro mũanopu Ā jirucurohca —nire Jesu.

⁵⁹ Capernaupu judio masa sã buheri wuhui Jesu buhero, āta ni yahure.

Jesu buheare tuhona mũanopu Ā jirucunahca mari

⁶⁰ Payu Jesure cahmaina to Ā ni buheare tuhoa, õ sehe ni durucure:

—Ahri buhea nucu mijona. Ā jina mari tuho duaera cureja —ni durucure tina ti basi.

⁶¹ Ti Ā nichu Jesu sehe ti durucure masire. Ā masino tiro õ sehe ni siniture tinare:

—¿Ahri buheare tuhona suajari msa?

⁶² Ā yuhu masuno Cohamacu warocariro mũanopu yu tjuaa wahachu ñuna dohse ni tuhotubocari msa?

⁶³ Espiritu Santo masunore caticu yoara. Masa sehe ti basi caticu yoerara. Espiritu Santo masare to caticu yoariro seheta yu buhea sehe musare Cohamacu mehne Ā jirucuchu yoara.

⁶⁴ Cãina msa mehne macaina ne yuhure wacū tuaerara —nire Jesu.

Wahmanopure Jesu tirore wacū tuaerainare masire. Tirore ñu tuhtiinare ñohtiro cãhure masi tuhsare. Ā tirore wacū tuaerainare masino “Cãina msa mehne macaina yuhure wacū tuaerara”, nire Jesu.

⁶⁵ Ā ni tuhsu õ sehe ni namore:

—Õ sehe ni yahumahi musare: “Yu Pucu sehe masare yuhu sehere cahmachu yoara. To Ā yoerachu masa sehe yu yaina ji masieraboa”, musare nii nimahi —nire Jesu.

⁶⁶ To Ā ni buhechu tuhoa payu Jesure cahmamarina cjiri tirore cohã, tiro mehne pari turi wahaerare.

⁶⁷ Ti Ā yoachu ñuno Jesu sãre doce to buheinare õ sehe ni siniture:

—¿Musa cãhu yũhũre cohãnahcari? —ni siniture sãre.

⁶⁸ To ã nichũ Simo Pedro õ sehe ni yũhtire tirore:

—Pũhtoro, sãre paio buheriro mariahna. Mũ ya buheare tũhona Cohamacũ mehne ã jirucunahca sã. Mũ ya buhea dihta tũre yahura sãre.

⁶⁹ Æ jina sã mũhũre wacũ tuaja. Æ yoa mũhũ noariro, Cohamacũ macũno to warocariro mũ jichũ sã masija. Æ jina mũhũre cohãsi sã —nire Simo Pedro Jesure.

⁷⁰ To ã nichũ tũhoro Jesu õ sehe ni yahure sãre:

—Yũhũ sehe musare doce besehi. Wiho mejeta cãiro musa mehne macariro watĩno yairo cjihto jira —nire sãre to buheinare.

⁷¹ Æ nino Judare Simo Iscariote macũnore nino niri jire. Juda sehe doce buheina sã mehne macariro Jesure ñũ tuhtinare ñohtiro jire.

7

Jesu bahana tirore “Cohamacũ масино jira”, ni masieraha

¹ Baharo Jesu Galilea yahpai tinino wahare. Judea yahpai judio masa tirore wajã duare. Ti ã wajã duachũ masino tiro ti yahpapun wahaerare.

² Judio masa daa wũhũsecã sã yoahiti nũmũri bese nũmũri mahanocã dũhsatjãhre.

³ Æ jia Jesu bahana tirore õ sehe ni yahure: —Judeapun wahaga. Tõi mũ yainare Cohamacũ tuaa mehne mũ ñohtiro cjihto wahaga mũhũ.

⁴ Masare yoa ño duacũ yaeraro cahmana mũhũre. Yoa ñono cahmana. Potocãta Cohamacũ tuaa mehne yoariro jicu tũre masare ñoga —nimare tina.

⁵ To bahana jipahta Jesure “Cohamacũ macũno jira”, nierare. Æ jia, ã nire tina tirore.

⁶ Ti ã niri baharo Jesu õ sehe ni yahure tinare:

—Masa yũhũre ti noano masihtĩ pja dũhsasinina mini. Musa sehe ñũ duana bese nũmũri jichũ waha masina.

⁷ Ahri yahpa macaina musare ñũ tuhtierara. Yũhũ ti ñaa buhirire yũ yahuchũ tina yũhũ sehere ñũ tuhtira.

⁸ Bose nũmũ jichũ wahaga musa sahsero. Yũhũre yũ wahahto dũhsasinina mini. Æ jicu yũhũ sehe bese nũmũrine ñũ wahaerasinija —nire Jesu tinare.

⁹ Æ nino tiro Galileai tjuare.

Jesu daa wũhũsericã ti yoari nũmũri bese nũmũri jichũ wahaha

¹⁰ Bose nũmũripũ Jesu bahana ti ñua wahari baharo Jesu cãhu ti baharo wahare. Æ waharo masa ti ñũeraro watoĩ wahare.

¹¹ Bose nũmũrihi jiina judio masa sã puhtoã tirore macare:

—¿Nohopũ jicari tiro? —ni sinituha tina.

¹² Æ jia masa cãhu Jesure payũ yahuwajaha. Paina “Tiro noariro jira”, niha. Paina sehe “Tiro ñariro jira. Masare mahũoriro jira”, ni yahuwajaha tina.

¹³ Æ nipahta judio masa sã puhtoare cuia, masa ti ñũeraropũ Jesure yahuwajaha.

¹⁴ Bose nũmũri dacho macã Cohamacũ wũhũpũ Jesu sãa sũro, buhere.

¹⁵ To ã buhechũ sã coyea judio masa tũho caaa waha, õ sehe nire:

—¿Ahriro buheropũ buhemahnoerariro jiparota dohsearo noano masi pahũnocajari? —nire tina tirore.

¹⁶ Ti ã nichũ Jesu õ sehe ni yahure tinare:

—Yũ buheri cjiri yũ ya durucua jierara. Yũhũre warocariro ya durucua sehe jira ahri buhea.

¹⁷ Cohamacũ cahmaare yoa duaina yũ buhea sehere Cohamacũ ya durucua ti jichũ masiahca. Yũ mũ sũro yũ buherachũ cãhũre masiahca tina.

¹⁸ Cãiro to mũ sũro to masia mehne buheriro jiro “Yũhũ dihtare ño payoga”, niriro jira tiro. Wiho mejeta yũhũre warocariro sehere musa ño payochũ cahmaja yũhũ sehe. Yũ ã nichũ tũhona “Potocã durucuro jira tiro. Ne mahũoerara”, ni masiahca musa.

¹⁹ Cohamacũ dutiare Moise cjiro sehe cũa tihã musare. To ã cũpachũta musa jipihũtina ti dutia sehere ne yũhtierare. ¿Dohseana yũhũre wajã duajari musa? —nire Jesu sã coyea judio masare.

²⁰ —Mũhũ tũho masierariro, watĩno to cohtotariro jira. Mũhũre wajã duaina mariahna —ni yũhtire tina Jesure.

Ti ã nichũ Jesu õ sehe ni yũhtire:

²¹ —Sori nũmũ Sabado jichũ cã tahata Cohamacũ tuaa mehne dohatiriro to dohatiare yũ cohãchũ musa ñũ caaa wahare.

²² Mari ñũchũsũma cjiri panopũ macaina sehe ti pjacũre mahanocã cahsarocãre yihsoina ti yoariro seheta Moise cjiro yihso dutiha. To ã dutichũ Sabado mari sori nũmũ jipachũta masũnore to pjacũre mahanocã cahsarocãre yihsoina musa.

²³ Sabado jichũ masũnore to pjacũre mahanocã cahsarocãre yihsoina musa, Moise cjiro dutiri cjirire yoana tana. ¿Musa cãhu Sabado dachoi tũre yoapanahã ti dachoi dohatirirore jipihũta to pjacũre noariro yũ yoachũ ñũna dohseana yũhũ mehne suari musa?

²⁴ Yũ yoarire musa noano masierapanahã, yũhũre ñano tũhotuena tũjiga. Musa

noano masiri baharo yuhare msa tuhota potocã tjahca —nire Jesu.

Jesu wahmanopu to taritore yahuha

²⁵ To ã ni yahuri baharo mahainacã Jerusalê macaina tirore õ sehe ni yahuwajare:

—¿Ahriro judio masa puhto ti wajã duariro jierajari?

²⁶ ã tirore ti wajã duapachata jipihtina panoi masare buhero nina tiro. Wiho mejeta tirore wajã duaina jipahta ã ñnocahna. “Tiro potocãta Cristo jira”, çni tuhobucari puhto sehe?

²⁷ Wiho mejeta ahriro Jesu to taritore sã masija. Cristo sehe masare yuhduchu yoahiro to tachu to tariro sehere masimahnoerara. ã jiro masare yuhduchu yoahiro Cristo waro jierara Jesu —ni yahuwajare tina Jerusalê macaina.

²⁸ Ti ã niare masino, Jesu õ sehe ni tuaro sañurucu buhere Cohamacu wuhai:

—Yuhare õ sehe ni tuhutura msa: “Tirore masija. ã jina to tariro cuhare masija”, ni tuhutumana msa. Msa ã ni tuhutupanahta yuhare warocarirore ne masierara msa. Yuhare warocariro potocã niriro, potocã yoariro jira. Tirore ne masierara msa.

²⁹ Tirota yuhare warocare. ã jicu tiro cahaputa tahi. ã jicu yuhu sehe tirore masija —nire Jesu judio masare.

³⁰ To ã nichu tuhoa tirore ñaha duamare. Ti ã ñaha duapachata Jesu to ñano yuhduhti pja dhasasinire. ã jia tina tirore ñaha masierare.

³¹ Paina masa sehe payu tirore wacũ tua, õ sehe nire:

—Ahriro Jesu sehe payu tahari Cohamacu to tuaa mehne yoa ño tuhsare. Jipihtina paina yuhdoro Cohamacu tuaa mehne yoa ñoha tiro. ã yoarota Cristo Cohamacu to warocariro tjira ahriro Jesu —nire Jesure wahma wacũ tua dacaina.

Fariseo curua macaina Jesure peresu yoa dutiha

³² Masa Jesure ti ã ni durucuchu tuhoa sacerdotea puhto, fariseo curua macaina mehne Jesure ñaha dutia warocaha surarare.

³³ ã jiro Jesu judio masare õ sehe nire:

—Maha dachoricã msa mehne jisinihca. ã jicu baharocãta yuhare warocariro cahapu wahaihca.

³⁴ Yu jhtopu msa waha masierara. ã jina yuhare macapanahta ne bocasi msa —nire Jesu judio masare.

³⁵ To ã nichu tuhoa tina ti basi õ sehe ni durucure:

—¿Ahriro ã nino nohopu wahabocari, msa tuhotuchu? ¿Griego masa चाह judio

masa waha siteina ti jia macari cjiropu griego masapure buhero wahabocari ahriro?

³⁶ “Yu jhtopu msa waha masierara. ã jina msa yuhare macapanahta ne bocasi”, to nichu çdohse nino baro ahriro ã nijari? —ni durucure judio masa ti basi.

Caticu yoa marine yahuha Jesu

³⁷ Bose numuri pihtiri dacho tí dacho waro jiro nire. Tí dachoi Jesu tói duruco, tuaro mehne sañurucu õ sehe ni yuhure:

—Ñahma yapioina core ti tuaro cahmano seheta jipihtia dachoripe Cohamacu mehne msa jhtire tuaro cahmaina yuhare siniga. Msa ã sinichu Cohamacu yaina msare ji dutihtja.

³⁸ Yuhare wacũ tuainare õ sehe ni joaa tiha Cohamacu yare ti joari tjui: “Mári pohtaripu caticu yoa co to ã wijaarucuro seheta Cohamacu yaina mehne caticu yoariro ã jirucurohca”, ni joaa tiha Cohamacu yare ti joari tjui —ni yuhure Jesu judio masare.

³⁹ ã caticu yoarirore wama payo yahuro “Yuhare wacũ tuainare Espiritu Santo saarucu su msa waharohca”, nino nire Jesu. Tiro manopu to mjaerasinichu Espiritu Santo sehe wihierasiniha.

Judio masa puha curua tju waha

⁴⁰ Jesu to ã nichu tuhoa, masa payu õ sehe ni durucure:

—Ahriro potocãta Cohamacu yare yahu mahariro mari cohtariro jira —nire masa.

⁴¹ Õ sehe nire paina sehe:

—Ahriro Cristo marine yuhduchu yoahiro jira —nire.

Paina sehe õ sehe nire tjoa:

—Cristo taro, Galilea yahpa macariro jisi tiro. Ahriro Jesu sehe tó macariro tjira.

⁴² Cristo Davi cjiro panamino ji turiariro jirohca. ã jiro Davi ya maca cjiro Belêi Cristo masa bajuarohca. Õ seheta ni yahura Cohamacu yare ti joari pui. Ahriro Jesu sehe Belêi masa bajueraha. ã jiro tiro Cohamacu to warocariro Cristo waro jierara —nire tina.

⁴³ ã jia Jesure tuhomarina cjiri tju ware ti basi puha curua.

⁴⁴ Mahainacã masa sehe Jesure ñaha duamare. ã ñaha duapahta tirore ñahaerare.

Judio masa puhto Jesure ne wacũ tuaeraha

⁴⁵ ã yoa surara sacerdotea puhto cahapu fariseo curua macaina cahapu tjuaa wahaha. Ti tju sachu ñua tina surarare sinituha:

—¿Dohseana Jesure ñahaerari msa? —ni sinituha tina sehe.

⁴⁶ —Tiro noaputiaro durucuriro jihre. Paina tiro yoaro sehe durucuiña ne mari-ahna —ni yuhtiha surara tinare.

⁴⁷ Ti ã nichu fariseo curua macaina sehe õ sehe ni yahuha:

—¿Musare to mahñochu “Potocã nino nica”, niri musa cãhu?

⁴⁸ Mari puhto Jesure wacũ tuaeraina jia ne tirore cahmaerare. Sã cãhu ã jina tirore cahmaeraja.

⁴⁹ Ahrina masa sehe Cohamacu dutiare Moise cjirore to cãrire masierara. Æ masieraina jia Jesure wacũ tuaina jia tirore cahmana. Ti ã cahmari buhiri tinare Cohamacu buhiri dahrerohca —niha fariseo curua macaina.

⁵⁰ Fariseo curua macariro Nicodemo Jesure suhũduro sãriro cjiro tõi jiha tina mehne. Ti ã nichu tuhorõ õ sehe niha tiro cãhu tinare:

⁵¹ —Jesu to ñano yoarire masieraja mari. Æ masierana tiro marine to yahuhto pano tirore buhiri dahre masieraja mari. Æ masierapanahta tirore buhiri dahrena, mari ya dutiare yuhdũgacana nija mari —niha Nicodemo tinare.

⁵² To ã nichu tuhoa õ sehe ni yuhtiha tina: —¿Mũhu cãhu tiro yoaro seheta Galilea macariro tjijari? Cohamacu yare ti joari tjure buhe pahñoga. Æ buhesu, “Cohamacu yare yahu muhtaina ne cãiro mariaha Galileare”, ni buhe masiũca mũhu. Æ jiro ã nimacanocano nina Jesu —ni yuhtiha tina Nicodemore.

⁵³ [Ti ã niri baharo ti ya wuhusepu tjuaa wahaha.

8

Mũno mehne ñano yoaricorore judio masa puhto wacũenoca su pjaaha

¹ Jesu tãcupu Olivo wama tidũpu wahare.

² Æ yoa pa dachoi bohrearo jichu Cohamacu wuhũpu tiro sure tjoa. To ã suchu ñna masa payu tiro cahai cahmachure. Ti ã cahmachuchũ ñno tiro sehe dujtjiãhno tinare buhe dũcare.

³ To ã buhero watõi sã coyera judio masa buheina, fariseo curua macaina mehne tí wuhũpu numinore na tare. Ticoro mũno mehne to ñano yoachũ waro wacũenoca su pja sũha tina ticorore. Æ su pja sua ticorore Cohamacu wuhũpu na sãare tina. Na sãa su tuhsu jipĩhtina panõi ticorore duhu dapo,

⁴ õ sehe nire:

—Buheriro, ahricoro mũno mehne ñano to yoachũ waro wacũenoca ticorore su pja sũhi.

⁵ Cohamacu dutiare Moise cjiropu marine to cãri õ sehe nina: “Mũno mehne ñano yoaricorore tãa mehne doca, wajãga”, nia tiha Cohamacu dutia. Mũhu waro, ¿dohse ni tuhotujari ahrire? —ni siniture tina Jesure.

⁶ Jesu to ñano nichu tuho duaa nimare tina tirore yahusã duaa. Ti ã sinitupachũta Jesu sehe puhsa nuju su, yahpã to wamo pica mehne joare.

⁷ Æ jiro ã ti ni siniturucuchũ Jesu sehe wahcãrũca, tinare õ sehe ni yahure:

—Musa mehne macariro ñano yoarariro sehe ticorore tãa mehne doca muhtajaro —nire Jesu.

⁸ Æ ni tuhsu pari turi tiro puhsa nuju, yahpã joare tjoa.

⁹ Tiro tuhoa tí ñaa yoarire wacũa, ti wahmisũma sehe wijaa muhtare. Ti baharo tina mehne macaina cãhu wijaa pihtia wahare. Æ ti wijaa pihtiaro baharo numino tõi ducuricoro Jesu mehne tjuaere.

¹⁰ Æ jiro Jesu wahcã nuju su, ticorore õ sehe ni sinitu ñure:

—¿Nohopu wahari tina? ¿Mũhũre buhiri dahre duamarina mariajari mipũre? —nire ticorore.

¹¹ —Mariaha, puhtoro —ni yuhtire ticoro.

—Yũhu cãhu buhiri dahreraja mũhũre. Wahaga. Æ jico ñaare yoa namoeco tjiga —nire Jesu ticorore.]

Buhriaro marine to ñu masichũ yoaro seheta Jesu ahri yahpa macainare Cohamacure masichũ yoara

¹² Pari turi Jesu tí wuhũpu jĩinare õ sehe ni yahure:

—Buhriaro marine to ñu masichũ yoaro seheta yũhu ahri yahpa macainare Cohamacure masichũ yoaja. Yũhũre wacũ turariro jipihtia dachoripe Cohamacu mehne ã jirucurohca. Æ jiro tiro noaare wacũnohca. Æ yoa tiro ñaare wacũ duasi —ni yahure Jesu.

¹³ To ã nichu tirore fariseo curua macaina õ sehe nire:

—Mũhu mũ basi mũ jia tiare ã ni durucui nina. Æ jia mũ õ sehe ni, mũ mũ sũro mũ nimacanocachu tí yaba cijhti jierara —nire tina Jesure.

¹⁴ Ti ã nichu Jesu õ sehe ni yuhtire:

—Yũ tarirore masija yũhu. Yũ wahahto cãhũre masija yũhu. Mũsa sehe ne tíre masierara. Mũsa õ sehe nipachũta yũ jia tiare musare yũ yahuri potocã tjira.

¹⁵ Mũsa mũ sũro mũsa ñari dihtare masina mũsa. Æ jina noano masierara mũsa. Æ masierapanahta yũhũre ñano ni durucura mũsa. Yũhu sehe yũ mũ sũro masare ne ã nieraja.

¹⁶ Æ jicu masa tí jia tiare ñu masicu yũ mũ sũro ñu masieraja. Yũhu pini yũ Pũcu yũhũre warocarigo mehne ñu masija. Æ jicu masa tí jia tiare yũ ñu masia tí potocã tjira.

¹⁷ Musare dutia tí joari pũ õ sehe ni yahura: “Pũaro masa cãno potori tí yahuchũ tí yahua potocã tjira”, ni yahu joari jira.

¹⁸ Yuhare yahuriro mehne sã p̄aro tjija. Yuh̄u yu jia tiare yahuja. Tuhs̄u, yu P̄cu cãh̄u yahura yuh̄u sehere. Tirota jira yuhare warocariro –nire Jesu.

¹⁹ –¿Nohop̄u jicari mu P̄cu? –ni siniture tina.

–Yuhare musa masierara. Yu P̄cu cãh̄u masierara musa. Yuhare masina, yu P̄cu cãh̄u masiboa musa –ni yuhtire Jesu tinare.

²⁰ Jesu tinare buhero ã ni durucure Cohamacu wuh̄u ti niñeru duhu sãa caa poca cahai. To ñano yuh̄dahti pja d̄hsasinire. ã jia tina mehne to jipachuta tina tirore ñahaerare.

“Yu wahahtop̄ure musa sehe waha masisi”, niha Jesu

²¹ Pari turi Jesu tinare õ sehe ni yahure tjoa:

–Yu tarirop̄u wahaich̄a. Yu wahari baharo yuhare macanahca musa. ã jina musa ñaa buhiri tiina yarianahca. Yu wahahtop̄ure musa sehe waha masisi –ni yahure Jesu.

²² –“Yu wahahtop̄ure musa sehe waha masisi”, ¿to nichu tuhoa ahriro to basi wajã yariroh̄cari ã nino? –nire sã coyera judio masa ti basi.

²³ Ti basi ti ã nichu masino õ sehe ni yahure Jesu tinare:

–Musa sehe ahri yahpa macaina jira. Yuh̄u sehe muano macariro jija. Ahri yahpai bajarina jira musa sehe. Muano p̄u tariro jija yuh̄u sehe.

²⁴ Musa yu jia tiare yu nirire “Potocã jierara” nina, musa ñaa buhiri tiina yarianahca musa. ã jicu “Musa ñaa buhiri tiina yarianahca musa”, nimahi musare –nire Jesu tinare.

²⁵ –¿Noa baro jijari muhu? –ni siniture tina.

–Wahmanop̄ure yu nirucuriro seheta jija yuh̄u.

²⁶ Musare yu yahuhti pj̄iro d̄hsasinina. Tuhs̄u, musa ñano yoari buhirire musare yu yahuhto cjihto pj̄iro d̄hsasinina mini. ã jicu yuhare warocariro to yahuri cjirire ahri yahpa macainare yahuja. To yahuri potocã tjira –nire Jesu tinare.

²⁷ “Yuhare warocariro”, to nichu tuhoa “Mari P̄cu jica”, ni tuhotuerare tina.

²⁸ Ti ã ni tuhotuerach̄u ñano Jesu õ sehe ni yahure tinare:

–Yuhare masinore Cohamacu warocarirore musa yuc̄cu taño mehne wahcõ daponahca. Musa ã yoana, “Tiro Cohamacu warocariro tjira”, ni masinahca. ã jina yu mu s̄ro yu yoaerario yu jia tiare masinahca musa. ã jina yu P̄cu yuhare

to buheri dihtare yahuriro yu jia cãh̄u masinahca musa.

²⁹ Yuhare warocariro sehe yuh̄u mehne jira. To cahmaare jipiehtia dachoripe yoarucuja. ã jiro yuhare tiro ne cohãerara –nire Jesu tinare.

³⁰ To ã nichu tuhoa, tirore masa payu wacũ tuare.

Cohamacu poh̄nare, ñaare yoaina cãh̄u yahuja Jesu

³¹ ã jia paina judio masa Jesure wacũ tuare. ã jiro Jesu tinare õ sehe ni yahure:

–Yu dutiare yoa pah̄oina jina, potocãta yu buheina jira musa.

³² ã jina potocã masinahca musa. Potocã jiare masina, ñaa yoaare duhu masinahca. ã jina cahamaca yoaro sehe ji namosi musa –nire Jesu tinare.

³³ To ã nichu tuhoa tina õ sehe ni yuhtire:

–Sã sehe panop̄u macariro Abrahã cjiro panamana ji turiaina jija. ã jina ne paina ti cahamaca jieraja sã. ã jicu “Cahamaca yoaro sehe ji namosi” nichu, ¿dohse jiro baro sãre ã nijari muhu? –ni siniture tina Jesure.

³⁴ Ti ã nichu tuhero õ sehe nire tiro:

–Potocã musare niita nija. Jipiehtina ñaare yoaina sehe ti ñaa yoaare duhu masierara. ã jia ti ñaa sehe ti puhtoro yoaro sehe jira. ã jiina jia cahamaca yoaro sehe jira tina.

³⁵ Cahamacuno sehe to puhtoro ya curua macariro jipiehtia dachoripe jirucuerara. ã jiro painare dutiriro jierara. Tí wuh̄u macariro sehe to macuno sehe jipiehtia dachoripe potocãta tí curua macariro jira tiro. (Yuh̄u sehe Cohamacu macuno jija. ã jicu dutiriro jija. Musa ñaa yoaare duhu dutiichtja.)

³⁶ ã jina yuh̄u Cohamacu macuno ñaare yu duhuch̄u yoarina jina potocãta ñaare duhurina jira musa. (ã jina tí ñaa cahamaca yoaro sehe ji namoerara musa.)

³⁷ Abrahã cjiro panamana ji turiaina musa jich̄u masija. ã jipanahta yu yahua sehere tuho duaerara musa. ã jina yuhare wajã duara musa.

³⁸ Yu P̄cu yuhare to masich̄u yoari cjirire yahuja musare. Yu ã yahupachuta musa p̄cu watino musare to dutiare yoara musa cãh̄u –nire Jesu tinare.

³⁹ –Abrahã cjiro panop̄u macariro sã ñuch̄u cjiro jia tiha. ã jiro watino sã p̄cu jierara –ni yuhtire tina.

Ti ã nichu Jesu õ sehe ni yuhtire:

–Abrahã panamana jina, to yoariro seheta yoaboa musa.

⁴⁰ Cohamacu yuhare potocã to yahua musare yu yahupachuta yuhare wajã duara musa. Abrahã cjiro sehe ne ã yoaera tiha.

⁴¹ MUSA PUCU TO YOARIRO SEHETA YOARA MUSA —NIRE JESU TINARE.

To ã nichu tina õ sehe ni yuhtire:

—Wamomaca duhtemahnoeraina pohna jieraja sã. Cũirota jira sã PUCU. Tirota jira Cohamacu —nire tina.

⁴² Ti ã nichu Jesu õ sehe ni yuhtire:

—Cohamacu mehne macariro jicu, õpũre tahi. Æ jina Cohamacu MUSA PUCU TO JICHU YUHURE CAHIŃBOA MUSA. YU MU SũRO TAERAHU YUHU PINIHTA. Cohamacu TO WAROCACHU Tahi õpũre.

⁴³ ¿Dohseana yu durucuaere tuhoerajari MUSA? YU YAHUARE TUHONA BIHOERARA MUSA. Æ JINA TUHO DUAERARA MUSA.

⁴⁴ MUSA PUCU SEHE WAFINO JIRA. Æ JINA WAFINO CAHMAA SEHERE YOA DUARA MUSA. AHRI YAHPA WAHMANOPU TO JI DUCACHUPU, MIPU CÅHURE TIRO MASARE WAJÅRUCIRO JIRA. TIRORE POTOCÅ DURUCUA MARIAHNA. Æ JIRO TIRO POTOCÅ NE DURUCUERARA. TIRO WAHMANOPURE MAHÑO MUHTA DUCARIRO JIA TIHA. Æ JIRO TIRO Æ MAHÑORUCIRO JIRO, MAHÑOARE YAHURA.

⁴⁵ YUHU SEHE MUSAERE POTOCÅ YAHUJA. Æ YU YAHUCHU YUHURE TUHOERARA MUSA.

⁴⁶ “MUHU ÑANO YOARIRO JIRA”, YUHURE NI MASIERARA MUSA. ¿POTOCÅ MUSAERE YU YAHUPACHUTA DOHSEANA TUHOERAJARI MUSA?

⁴⁷ Cohamacu pohna sehe to durucuaere tuhora. To pohna jierana, to durucuaere tuhoerara MUSA —NIRE JESU TINARE.

Abrahã cjiro to jшто pano Cristo sehe ji muhta tuhsua tiha

⁴⁸ To ã nichu tuhoa judio masa tirore õ sehe nire:

—“MUHU SAMARIA MACARIRO JIRA. Æ JICU TUHO MASIERARIRO WAFINO TO COHTOTARIRO JIRA MUHU”, SÅ NIRI POTOCÅ TJIRA —NIRE TINA JESURE.

⁴⁹ Ti ã nichu tuhora õ sehe ni yuhtire Jesu: —TUHO MASIERARIRO, WAFINO TO COHTOTARIRO JIERAJA YUHU. YU PUCURE ÑO PAYOJA. MUSA SEHE YUHURE ÑO PAYOERARA.

⁵⁰ YUHURE MASA TI ÑO PAYOHTIRE MACAERAJA YUHU. YU PUCU SEHE MASARE YUHURE ÑO PAYO DUTIRA. TIRO PINIHTA YU JIA TIARE NOANO ÑU MASINO, ÅTA ÑO PAYO DUTIRA. TUHSU, YUHURE TI CAHMAERARI BUHIRI BUHIRI DAHRERIRO JIROHCA TIRO.

⁵¹ Potocãta musare nii nija. YU DUTIARE YOARIRO JIPIHTIA DACHORIFE COHAMACU MEHNE Æ JIRUCUROHCA —NIRE JESU.

⁵² To ã nichu tuhoa õ sehe nire tina:

—MIPU PINIHTARE TUHO MASIERARIRO, WAFINO TO COHTOTARIRO MU JICHU SÅ NOANO MASIJA. ABRAHã CJIRO YARIAA WAHANA. COHAMACU YARE YAHU MUHTAINA CJIRI CÅHU YARIA PIHTIA WAHANA. Æ JICU “YU DUTIARE YOARIRO JIPIHTIA DACHORIFE COHAMACU MEHNE Æ JIRUCUROHCA” NICU, ¿DOHSE NICU Æ NIJARI MUHU?

⁵³ ¿Sã ñuchu cjiro Abrahã yuhdoro tuajari muhu? TIRO CJIRO, COHAMACU YARE YAHU MUHTAINA CJIRI CÅHU YARIAA WAHANA. ¿MUHU SEHE DIRO BARO JIJARI MUHU Æ NI DURUCUCU? MUHU Æ NIBORIRO JIERARA —NIRE TINA.

⁵⁴ Ti ã nichu tuhora Jesu õ sehe ni yahu namore:

—YUHU YU BASI “TUARIRO JIJA YUHU” NICU, TUARIRO JIERABOCA YUHU. YU PUCU SEHE “TIRO TUARIRO JIRA”, NINA YUHURE. “SÅ YAIRO COHAMACU”, MUSA NIRIRO SEHE YU PUCU TJIRA.

⁵⁵ MUSA SEHE YU PUCURE NE MASIERARA. YUHU SEHE TIRORE MASIJA. “TIRORE MASIERAJA” NICU, MUSA YOARO SEHETA MAHÑOA PAYARIRO JIBOA YUHU. POTOCÅTA TIRORE MASIJA. Æ JICU TO DUTIARE YOAJA.

⁵⁶ AHRI YAHPAPU YU TAHTORE MARI ÑUCHU CJIRO ABRAHã CJIRO MASIA TIHA. Æ MASINO TIRO WAHCHEA TIHA —NIRE JESU.

⁵⁷ To ã nichu tina õ sehe ni yuhtire:

—MUHU CINCUENTA CÅHMARI CJAERASINICA. ABRAHã CJIRO PANOPU MACARIRO JIRA. ¿MIPURE TIRO CJIRORE MUHU DOHSEA MASIBOARI? —NIRE JUDIO MASA JESURE.

⁵⁸ —POTOCÅ MUSAERE NIITA NIJA. ABRAHã TO JIHTO PANO YUHU SEHE JI MUHTA TUHSUA TII —NIRE JESU TINARE.

⁵⁹ To ã nichu tuhoa tina sehe tãare na, tirore doca duamare. Ti Æ doca duapachuta Jesu sehe Cohamacu wahuu jiriro duhti wijaah wahare.

9

Capari ñuerarirore ñuchu yoaha Jesu

¹ Æ yoa Jesu sã to buheina mehne mahai wahana pairore capari ñuerarirore boca sui. TIRO WAHMA MASA BAJUAROPUTA CAPARI ÑUERARIRO JIA TIHA.

² Sã cåhu tirore ñuna, õ sehe ni sinitu ñuhi Jesure:

—¿BUHERIRO, AHRIRO DOHSEARO CAPARI ÑUERARIRO MASA BAJUA TIARI? ¿ÑAARE YOA TIARI Æ WAHARO? ¿O TO PUCUSUMA SEHE ÑAARE YOA TIARI TO Æ WAHACHU? —NI SINITU ÑUHI SÅ SEHE JESURE.

³ Sã ã nichu tuhora õ sehe ni yuhtire tiro:

—AHRIRO TO ÑAARE YOARI BUHIRI CAPARI ÑUERARIRO WAHAERARE. TO PUCUSUMA CÅHU ÑAARE TI YOARI BUHIRI CAPARI ÑUERARIRO WAHAERARE. COHAMACU SEHE TIRORE CAPARI ÑUERACHU YOARE TIRORE ÑUCHU YOARO TARO MASARE TO ÑOHTIRE.

⁴ YUHURE WAROCARIRO TO CÅRIRE MIPURE YOARO CAHMANA YUHURE. ÑAMIPU MARI DAHRA MASIERARO SEHETA BAHAROPU YUHURE WAROCARIRO TO CÅRIRE YOA MASIERAJA YUHURE.

⁵ AHRI YAHPAPU BUHRIARO MARINE TO ÑU MASICHU YOARIRO SEHETA JIRIRO JICU AHRI YAHPA MACAINARE COHAMACU YARE MASICHU YOAJA YUHU —NIRE JESU.

6 Æ ni tuhsurota yahpapu chahcho puti cüre. To ä chahcho puti cüre dakra more, capari ñuerarirore to caparire wisöre.

7 Æ wisöno ö sehe nire Jesu:

–Siloé wama tiri copai cuhsari copai mu caparire cosai wahaga –nire Jesu. (Siloé sä ya dusero mehne nia “Warocari copa”, nia nire.)

Jesu to caparire cosa dutiuro sehe waha, cosa, capari ñuriropu tju wihire.

8 To tju wihichu tiro cahai jiina tirore ñure. To pano niñeru siniriuro cjiro to jichu ñarina tirore ö sehe nire ti basi:

–¿Ahriro sohö jiriuro niñeru siniriuro cjiro jierajari? –nire tina.

9 –Tirota jira wiho –nire paina sehe.

–Tiro jierara. Æ jieraparota tiro yoaro sehe bajuriuro jira –nire paina.

Ti ä nichu tuhooro capari ñuerariro cjiro sehe ö sehe nire:

–Tiro tjija yuhu –nire tinare.

10 To ä nichu masa tirore ö sehe ni siniture:

–¿Capari ñuerariro cjiro jicu dohse waha ñuri muhu? –ni siniture tina tirore.

11 –Jesu wama tiriuro dihta sohäre dakra more, yu caparire wisöre. Yuhure wisö tuhsu “Siloé wama tiri copapu mu caparire cosai wahaga”, to nichu cosai suhi yuhu. Yu ä cosari baharo yu capari noano bajure yuhure –ni yahure tiro masare.

12 –¿Muhure ä yoariro nohoru jicari tiro? –nire tina.

–Buah. Nohoi jiro jica –nire tiro.

Capari ñuerariro cjirore fariseo curua macaina sinituha

13 Æ ni durucu tuhsu tina capari ñuerariro cjirore fariseo curua macaina cahapu naahre.

14 Ti dacho Jesu dihta sohäre dakra more capari ñuerarirore noariro to yoari dacho Sabado dacho jire. Ti dacho sä sori namu jire.

15 Æ jia fariseo curua macaina sehe tirore ö sehe ni sinituha tjoa:

–¿Dohse yoa muhu ñuri? –ni sinituha tina.

–Dihta sohäre mehne yu caparire wisöhre.

Æ jicu yu caparire yu cosari baharo ñu ducahi yuhu –ni yahuha tiro tinare.

16 –Tiro Sabado dacho mari sori namu mari dakra dutierari namu dahrahe. Æ jiro tiro Cohamacu yairo jierara –niha paina fariseo curua macaina sehe.

Paina sehe ö sehe niha:

–Ñare yoariro ö sehe noariro wahachu yoa masierara. Æ jiro tiro noariro jiboca –niha paina.

Æ jia tina puca curua ti basi tju waha.

17 Æ jia pari turi tina capari ñuerariro cjirore ö sehe ni sinituha tjoa:

–¿Muhure mu caparire noano yoarirore muhu waro dohse ni tuhotujari Jesure? –niha tina tirore.

–Tiro potocäta Cohamacu yare yahu mahtaruro jira –niha capari ñuerariro cjiro.

18 Wahmanopure judio masa ö sehe ni tuhotumaha: “Ahriro capari ñuerariro cjiro jierara”, ni tuhotumaha tina. Æ ni tuhotua capari ñuerariro cjiro pucsumare pjirocaha tina.

19 Pjiroca tuhsu, to pucsumare ö sehe ni sinituha fariseo curua macaina puhtoa:

–¿Ahriro potocäta musa macu jijari?

¿Dóihita tiro capari ñuerariro masa bajuari? ¿Potocäta capari ñuerariro cjiro jiparota dohsearo ñujari mipare? –ni sinituha tina to pucsumare.

20 –Ahriro sä macuta jira. Æ yoa dóihita capari ñuerariro masa bajua tire tiro.

21 Tíre masipanahta to ñurire, tirore ñuchu yoariro cahure masieraja sä. Sä macure sinituga. Bucuro jira tiro. Tiro to basi yahu masina –niha to pucsuma.

22 Judio masa sä puhtoa wahmanopure ö sehe nia tiha:

–“Jesuta Cristo Cohamacu warocariuro jira”, niinare mari buheha wuhurepu sä dutisi sä –nia tiha judio masa puhtoa.

Ti ä nichu tuhoa capari ñuerariro cjiro pucsuma sehe judio masa puhtoare cui niha.

23 Æ cuia, “Bucuro jira tiro. Tiroreta sinituga”, niha tina judio masa puhtoare.

24 Baharo judio masa sä puhtoa pari turi capari ñuerariro cjirore pjirocaha tjoa. Pjiroca tuhsu, ö sehe nia tirore:

–Cohamacu mehne poto yahuga muhu. Jesure mahñoriro to ñaa yoariro jichu sä masija. Ä jicu poto yahuga säre –niha judio masa capari ñuerariro cjirore.

25 Ti ä nichu tuhooro ö sehe ni yuhtiha tiro:

–Jesure to ñaa yoariro to jichu masieraja yuhu. Cünota masija yuhu. Panopure capari ñuerariro jia ticaru yuhu. Mipu sehene ñuja yuhu. Ti dihtare masija yuhu –ni yuhtiha capari ñuerariro cjiro tinare.

26 –¿Dohse yoari muhure tiro? ¿Mu capari ñuhto cjihtore dohse yoari tiro muhure? –ni sinituha tina tjoa.

27 –Tíreta musare yahu tuhsu mahicu yuhu. Yu ä ni yahupachata musa ne tuho duaerare yuhure. ¿Dohse yoa duana pari turi yu yahuchu tuho duajari musa? ¿Musa cahu to buheina ji duajari? –niha tiro tinare.

28 To ä nichu tuhoa tina tuhtiha tirore:

–Muhu Jesu buheriro jira. Sä sehe Moise cjiro buheina jija.

29 Potocäta Cohamacu Moise cjirore durucua tiha. Jesu to tarirore sä masieraja –niha tina capari ñuerariro cjirore.

³⁰ Ti ä nichu õ sehe ni yuhtiha tiro:

—¿Tiro to tarirore musa masierachu yuhure ñuchu yoariro jiro Cohamacu warocariro jierabocari tiro?

³¹ Cohamacu ñaa yoinare ti siniare tuhoerara. Tí pinihtare mari masija. Tinare tuhoeraparota Cohamacure ño payorirore, to dutiare yoarirore to siniare tuhora Cohamacu.

³² Wahmanopure ahri yahpa to ji ducachupure ne coã masa bajuaropu capari ñuerarirore ne cãiro baro ñachu yoariro mariea tiha.

³³ Ä jiro Jesu Cohamacu warocariro jieraro yuhure ñachu yoaeraboa tiro —niha tiro tinare.

³⁴ —Mahu dóihta ñariro jia tiha. ¿Ä jipacata säre buhe duajari mahu? —niha judío masa sä puhtoa tirore.

Ä ni tuhsuata tina tirore cohã wionocaha.

Jesu yare cahmaeraina capari ñueraina ti ñu masieraro seheta Cohamacure masierara

³⁵ Ä yoa capari ñuerariro cjirore ti cohã wiorire Jesu tuhore. Ä tuhorõ capari ñuerariro cjirore boca suro, tirore õ sehe ni siniture:

—¿Masunore Cohamacu warocarirore wacü tuajari mahu? —nire Jesu.

³⁶ —¿Puhtoro, noa jijari tiro? Tirore masicu wacü tuaihtja tirore —nire capari ñuerariro cjirore Jesure.

³⁷ —Tirore ñu tuhsure mahu. Mipure mahu mehne durucuriro tiro tjija yahu —nire Jesu capari ñuerariro cjirore.

³⁸ —Puhtoro, mähure wacü tuaja —nire capari ñuerariro cjirore.

Ä ninota tiro Jesu panoi na tuhcuca caha su, tirore ño payore.

³⁹ To ä ño payochu ñano õ sehe nire Jesu:

—Noaina, ñaina cãhu ti yoarire masichu yoai tai ahri yahpupure tahi. Capari ñueraina ti ñu masieraro seheta tina yoaro sehe jiina yu Pucure masierara. Ä masierainare yu Pucure masichu yoai tai tahi yahu. “Sã noano masija”, ni tuhotumarina noano ti masierarire masichu yoai tai tahi yahu —nire Jesu.

⁴⁰ To ä nichu tuhoa mahainacã fariseo curua macaina tirore õ sehe nire:

—“Capari ñueraina ti ñu masieraro seheta noano masierara musa cãhu”, ¿nii nijari mahu säre? —nire fariseo curua macaina Jesure.

⁴¹ Ti ä nichu Jesu õ sehe nire:

—Capari ñueraina ti ñu masieraro seheta potocã musa noano masierachu, musare buhiri mariaboa. “Sã noano masiina jija”, musa niri buhiri buhiri tiina jisina musa mipure —nire Jesu tinare.

10

Ovejare ñu wihboriro quitire yahuha Jesu

¹ Baharo quti mehne piti dahre buhero taro õ sehe nire Jesu:

—Potocãta nii nija musare. Ovejare wihbori sahrĩno sopacai säaerario, sopaca marienopu säariro sehe yaca bucuro jira.

² Sopacai säariro sehe ovejare ñu wihboriro jira.

³ Sopacare cohtariro sopacare pjõohna ovejare ñu wihboriro to säaho sehe. Ovejare ñu wihboriro to durucuchu tuho tara to nuina oveja peri. Tinare pjirocario, ti wama mehne pisurocarucura tiro. Ä yoaro tinare sahrĩnopu jiinare pji wiorucura sopacapu.

⁴ To yainare jipihntinare pji wio tinare mu tãrucura. Oveja sehe to durucuarie masia, to baharo nunu tirucura.

⁵ Paireore ti masierarirore nunu tierara tina. Ä jia paina ti durucuarie tuhoa, cui murocaa wahara —nire Jesu tinare.

⁶ Ahri quitire to ä yahupachuta to yahuare tuho ñahaerare tina.

Jesu ovejare noano ñu wihboriro yoaro seheta to yainare noano ñu wihbora

⁷ Pari turi Jesu tinare õ sehe ni yahure tjoa:

—Potocãta musare nii nija. Ovejare wihbori sahrĩno säari sopaca yoaro sehe jija yahu.

⁸ Jipihtina yu pano tarina quihõno yu durucuarie buheraina, ovejare ñu wihbo mahñoina yacaina yoaro sehe jira. Ti ä jipachuta yu yaina sehe oveja yoaro sehe jiina painare ne tuho wahcãerara.

⁹ Yuhu ovejare wihbori sahrĩno säari sopaca yoaro sehe jija. Tí sopacai säaina yoaro sehe tjira yuhure wacü tuaina. Ä jicu yuhu tinare pichacapu wahaborinare yuhdachu yoaihtja. Oveja sehe tinare ñu wihboriro mehne ti cahmaare bocaro yoaro seheta yu yuhdachu yoaina cãhu yahu mehne ti cahmaare bocaahca. Yuhu tinare noano ducata, noano ñu wihboihca —nire Jesu.

¹⁰ Ä ni tuhsu õ sehe ni namore:

—Musare mahñoare buheina, ovejare ñu wihbo mahñoina sehe ovejare yacaina yoaro sehe jira. Yacaa taa, wajãa taa, dojomehnea taa tara tina. Wiho mejeta yahu sehe yu yainare, oveja yoaro sehe jiinare, tuaro waro ti wahchea mehne ä catirucuchu yoai tahi.

¹¹ Ovejare noano ñu wihboriro yoaro sehe jija yahu. Ovejare noano ñu wihboriro tinare noano ducata, to yariahtore ne cuierara. Tõ yoaro seheta yuhu cãhu yainare noano ducata, yariahca, tinare ne soro waherahto sehe.

¹² Oveja puro cahamacuno sehe potocã ovejare ñu wihboriro jierara. Á jia oveja to yaina jierara. Á jiro yairo ovejare to churo tachu ñuno to cahamacuno sehe ovejare cohã cünoca, murocaa wahara. To á cohã cüri baharo, yairo ovejare to ñahachu ñua oveja peri muroca site wahcãa wahara.

¹³ To cahamacuno sehe to wapataa dihtare cahmana. Á jiro tiro ovejare noano ñu wihbo ji coaerata —nire Jesu.

¹⁴ Á ni tuhsu õ sehe ni namore:

—Ovejare noano ñu wihboriro yoaro sehe jija yuhu. Á jicu yu yainare masija yuhu. Á jia yu yaina sehe yuhure masina.

¹⁵ Tô sehetu yu Pucu cãhu yuhure masina. Á jicu yuhu cãhu yu Pucure masija. Oveja yoaro sehe jiina yu yaina Cohamacu mehne ti á jirucuhti cjihtire yariaihca yuhu.

¹⁶ Paina oveja pa sahrino macaina yoaro sehe jiina paina masa cãhu yu yaina jiahca. Tina cãhure naaihca. Á jia yu durucuchu tuho wahcãahca tina cãhu. Á jia yu yaina jipihntina cã curuata jiahca. Á jicu yuhu dihta yu yainare ñu wihboihca —nire Jesu.

¹⁷ Á ni tuhsu õ sehe ni namore:

—Yu yaina Cohamacu mehne ti á jirucuhti cjihtire yariaihca. Yu yariari baharo masa mejaihca. Yu á yoahitiro jichu yu Pucu yuhure cahna.

¹⁸ Yu wajã dutierachu yuhure wajã masieraboa tina. Yu cahmano sehetu yuhure wajãahca. Á jicu yu yaina Cohamacu mehne ti á jirucuhti cjihtire yariaihca. Yaria masija yuhu. Á yoa masa mwa masija. Yu Pucu yuhure tireta yoa dutire —nire Jesu.

¹⁹ Tô á nichu tuhoa judio masa pua curua tju ware. Paina soro tuhotu, paina cãhu soro tuhoture:

²⁰ —Tiro watino to cohtotariro jira. Á jiro tuho masierariro jira. ¿Dohseana tirore pari turi tuhojari musa? —nire paina payu judio masa.

²¹ Paina sehe õ sehe nire:

—Watino to cohtotariro jiro á ni durucueraboa. Capari ñuerariroro ñuchu yoa masierara watino to cohtotariro. Á jiro jiro tiro watino to cohtotariro jierara —nire paina judio masa.

Judio masa Jesure cahmaeraha

²² Pa dachoi sã coyera judio masa Jerusalëi bose numari yoaa nire pari turi. Cohamacu wuhure panopu tirore ti wari cjiirire ti wacühti dachori jire. Ti pjare puhiro jire.

²³ Ti dachoi Salomo wama tiri tahtiapu Cohamacu wuhüi jiri tahtiapu Jesu ñu tinino nire.

²⁴ Ti tahtiapu to jichu ñua sã coyera judio masa tiro cahapu cahmachu, tirore õ sehe ni siniture:

—Yoaputiaro pja sãre noano yahueraca muhu. Poto sãre noano yahu bahrañoga muhu. ¿Cristo Cohamacu to warocariro tji-jari muhu? —nire tina Jesure.

²⁵ Ti á nichu tuhoru õ sehe ni yuhure Jesu:

—Musare yahu tuhsujamacu yuhu. Yu á yahupachuta yuhure tuho duaerare musa. Yu Pucu yuhure to dutiriro sehetu to tuua mehne yoa ñoja. Á yoacu yu Cristo jiareta musare ñoi nija.

²⁶ Yu á ñopachuta yuhure tuho duaerara musa. Musa sehe yu yaina jierara. Á jina paio yaina oveja yoaro sehe jiina jina, yuhu sehere tuhoerara musa.

²⁷ Ovejare ñu wihborirore to yaina ti tuhoriro sehetu yuhu cãhure yu yaina tuhora. Á jicu yu yainare masija yuhu. Á jia tina yuhu mehne wahara.

²⁸ Á jicu jipihntia dachoripe Cohamacu mehne á catirucuchu yoaja tinare. Á jia tina sehe pichacapu ne wahasi. Á jia yu yainare yu ñu wihbochu paina sehe ne cãirore yuhure ma masierara tinare.

²⁹ Á yoa yu Pucu yu yainare yuhure wariro jipihntina yuhoro tuariro jira. Á jiro yu Pucu sehe yu yainare to ñu wihbochu, ne cãiro tiro cãhure ma masierara tinare.

³⁰ Yuhu yu Pucu mehne cãirota jija —nire Jesu judio masare.

³¹ Tô á nichu tuhoa judio masa sehe tirore ti doca wajãhti tãare pari turi namare tjoa.

³² Ti á yoachü ñuno Jesu õ sehe ni siniture tinare:

—Yu Pucu ya tuua mehne payu tahari yoa ñomahi musare. ¿Di baro sehere yu yoari buhiri yuhure tã mehne doca wajã duajari musa? —ni siniture Jesu.

³³ Tô á nichu tuhoa õ sehe nire tina:

—Cohamacu tuua mehne mu yoa ñori buhiri mähure tãa mehne doca wajã duaeraja sã. Cohamacure mu ñano durucuri buhiri mähure tãa mehne doca wajã duaja sã. Masuno jipaihta “Cohamacu jija yuhu”, mu nia buhiri mehne mähure tãa mehne doca wajã duaja sã —ni yuhure tina.

³⁴ Ti á ni yuhure tuhoru Jesu tinare õ sehe ni yuhure:

—Musa cãhure “Cohamana”, ni pisura Cohamacu. Áta ni joaa tiha to dutiare ti joari püi.

³⁵ Cohamacu yare ti joari pü quihono to jichu mari masija. “Mahñoa jira”, ti püre ni masieraja mari. Á jiro to yare masiinare potocãta tiro “Cohamana”, ni pisura.

³⁶ Cohamacu yuhure besetjãhno, ahri yahpapure warocare. Á jicu yuhu “Cohamacu macuno jija”, yu niri buhiri “Cohamacure ñano durucuro nina Jesu”, nina musa yuhure. ¿Dohseana yuhure á nijari musa?

³⁷ Yū Pucū to cahmariro seheta to tuaa mehne yū yoa ñoerachū pinihtare yū buherire “Potocā tjira”, nieraboca masa.

³⁸ Yū Pucū to tuaa mehne yū yoa ñopachuta yūhū sehete tūho duaeraboca masa. Ā tūho duaerapanahta to tuaa mehne yū yoa ñochū ñūna yū yoarire “Potocā tjira”, niga masa. Mūsa ā nina, yū Pucū mehne sā cāno potori sā jichū masinahca masa. Ā jina yūhū yū Pucū mehne cāno potori yū jichū masinahca masa. Ā jina tūho ñahanahca masa —nire Jesu tinare.

³⁹ To ā nichū tina pari turi tirore ñaha duamare. Ti ā ñaha duachū ñūno tiro duhti wijaa wahare.

⁴⁰ Ā wijaarirōputa Joāo masare to bautisa mūhtarirōpū Jordāo sie sehēpū pari turi wahare tjoa. Tōpū sūro tjuanocare tiro.

⁴¹ Ā jia masa payū tirore ñua säre. Ō sehe nire tina ti basi:

—Joāo sehe Cohamacū tuaa mehne yoa ñoerare. Ā to yoa ñoerapachuta jipihtia Jesure to yahuri cjiri sehe potocāta jira —nire masa ti basi.

⁴² Ā jia tōpūre masa payū wacū tua dūcare Jesure.

11

Lázaro wama tiro yariaa wahaha

¹ Ā yoa cūiro Lázaro wama tiro to wahmiosānumia María, Marta cāhū mehne Betania wama tiri macai jia tire. Tiro cū numū dohatia wahari jire.

² Tiro wahmion María sehe baharo Jesu to dahporire me sitia wisō, to pjoari mehne tirore pahā cohāhticoro jiri jire.

³ Ā yoa to dohatia wahachū ñua, to wahmiosānumia sehe painare Jesure yahu dutirocari jire:

—Pūhtoro, mū cahīro dohatiro nina —ni yahu dutirocari jire Lázaro wahmiosānumia.

⁴ Tí quitire tūhoro ō sehe nire Jesu:

—Mipūre Lázaro to dohatia to yariahti cjihti jierara. Cohamacū tuaare masare ñohti cjihtire mipūre tiro dohatira. Ā jia yūhū to macano tuariro yū jia cūhūre ñuahca masa —nire Jesu.

⁵ Jesu Martare, to bahoro cūhūre, Lázaro cūhūre tuaro cahīa tire.

⁶ Ā nino Lázaro dohatiro to jichū tūhoparota tói Jesu sehe pua dacho tjūasinire.

⁷ Pua dacho baharo Jesu ō sehe nire säre to buheinare:

—Pari turi Judea yahpūpū tjuaa wahajihna tjoa —nire säre.

⁸ —Buheriro, canūpūcāta judio masa tō macaina mūhūre tāa mehne doca wajā duamare. ¿Dohseacū tōpū pari turi tjuaa waha duajari mūhū? —nihi sā to buheina.

⁹ Sā ā nichū tūhoro, tirore ti wajā masierasininore yahuro, piti dahre buhero säre ō sehe nire:

—Pjūro tūhotuena tjiga. Cū dachore doce horari waro jira. Sū dacho macariro to jisnichū, noano ñūja mari. Ā jina dachore tinina ne paha tu mūa boraeraja mari.

¹⁰ Wiho mejeta nahitianoi tiniina sehe pūha tu mūa boraā wahara. Sū dacho macariro mariachū noano ñūerara tina —nire Jesu. (Ā nino ō sehe nino niri jimare: “Mipūre yū Pucū yare yū yahu pahñohto dūhsasinina. Ā jia yūhūre wajā masierasinina”, nino niri jimare.)

¹¹ Ā nino säre ō sehe ni yahu namore tjoa:

—Mari mehne macariro Lázaro, carīno nica. To ā carīpachuta yūhū tirore wahcōi wahaihtja —nire säre.

¹² —Pūhtoro, Lázaro carīro jiro, yahdūrohca —nimahi sā.

¹³ Sā ā nipachuta Jesu “Carīno nica” nino, “Yariaa wahaca”, nino niri jimare. To ā nichū tūhona “Lázaro soro nica”, ni tūhotumai sā sehe.

¹⁴ Sā ā ni tūhotuchū masino Jesu potō yahure säre:

—Lázaro yariaa wahaca.

¹⁵ Yū marieno to yariachū, noa nina. Ā jina mūsa yūhūre wacū tua namonahca. Mūsa yū jia tiare masi namo, mūsa yūhūre wacū tua namohti cjihti jiahca ahri. Ā yoana basata. Mari ñūna wahajihna to cahapū —nire Jesu.

¹⁶ Toma sūhūduariro wama tiroro ō sehe nire säre:

—Mari cāhū Jesu mehne wahajihna. Tirore wajāa, mari cūhūre wajājaro —nire Toma.

Jesu ā jirucuchū yoiriro masare masoriro jira

¹⁷ Ā yoa sā tōpūre sā suna cahachū waro tō macaina ō sehe ni yahure Jesure:

—Pititia dachori wahara Lázaro cjiroro masa copapū ti siō sāari baharo —ni yahuha tirore.

¹⁸ Betania wama tiri maca sehe Jerusalē cahacāi tia kilómetro yoaro jire.

¹⁹ Ā jia Lázaro to yariari baharo, payū Jerusalē macaina sā coyē judio masa Martare, Maria cūhūre ñahacaha tia taa tari jire.

²⁰ Tōpūre sā suna cahachū tūhoro, Marta sehe säre piti bocaro wihire. Wiho mejeta to bahoro María sehe to ya wūhūpū tjuari jire.

²¹ Marta sehe Jesure piti boca wihī, ō sehe nire tirore:

—Pūhtoro, yū bahū to yariahto pano mū ōi jichū, tiro yariaeraboa.

²² Mipū cūhūre Cohamacūre mū sini payochū, tiro mū sinino seheta yoarohca —nire Marta Jesure.

²³ —M_u bah_u masa wijaarohca —nire Jesu ticorore.

²⁴ —Āja. Ahri yahpa to pihtiri dachoi yariarina cjiri ti masa wijaah_{ti} dachoi to masa wijaah_{to}re masija y_uh_u —nire ticoro sehe.

²⁵ To ā nich_u Jesu ō sehe ni yahure tjoa: —Y_uh_u masa wijaach_u yoariro jija. Y_uh_u ā jirucuch_u yoariro jija. Y_uh_ure wacū tuariro yariaparota ā catirucurohca.

²⁶ Ā jia jipihtina Cohamac_u mehne ā catirucui_{na}, y_uh_ure wacū tuaina pichacap_u ne wahasi. ¿Ahrire masijari m_uh_u? —nire Jesu ticorore.

²⁷ —Puhtoro, masija y_uh_u. Cristo Cohamac_u mac_uno, masare y_uhd_uch_u yoariro “Ahri yahpap_u tarohca”, ti niriro m_u jich_u masija y_uh_u —nire Marta Jesure.

Lázaro to masa copa cahai Jesu tiia

²⁸ Marta ā ni tuhs_u to bahoro Mariare pjiro wahare:

—Marine buheriro mari ya macai taro nina. M_uh_ure pjihre —ni yaroca yahuri jire Mariare.

²⁹ To ā nich_u t_uhoro María ño duaro wahcār_uca, s_ā cahap_u tari jire Jesure ñano taro.

³⁰ Ti ya macap_u s_uerasinihi s_ā. Marta s_āre to piti bocaroih_{ta} jisinihi s_ā.

³¹ Judio masa tí w_uh_ui Mariare ñahacaha tiia niha. Ā jia ticoro to wahach_u ñ_ua, tina ticorore n_un_u ti tari jire. “To wahmino cjiroro ti siō s_āari copap_u tiro waharo nina ticoro”, ni t_uhoturi jimare tina. Ā ni t_uhotua ticorore n_un_u ti tari jire.

³² Ā yoa María s_ā cahap_u wihiro, Jesure ñ_u, to dahpori cahai na tuhca caha s_ure.

—Puhtoro, y_u bah_u to yariahto pano m_u ōi jich_u tiro yariaeraboa —nire ticoro Jesure.

³³ Ā jiro ticoro judio masa ticoro mehne tarina c_uh_u ti tiich_u ñ_uno Jesu sehe tuaro cahya ñano yajeripohna tire.

³⁴ —¿Lázaro cjiroro nohop_u siō s_āari m_usa? —ni siniture Jesu.

—Ñ_ui taga —ni pji wahc_āre tina.

³⁵ Ti ā nich_u t_uhoro Jesu tiia wahare.

³⁶ —Lázaro cjiroro Jesu tuaro cahiri jira —nire judio masa ti basi.

³⁷ Wiho mejeta paina tina mehne macaina sehe ō sehe nire:

—Capari ñ_uerariroro ñ_uch_u yoariro jira ahriro Jesu. ¿Ā jiro Lázaro c_uh_ure to yariaborore y_uhd_uch_u yoaeraboari ahriro? —nire tina ti basi.

Lázaro masa wijaaha

³⁸ Ā jiro pari turi Jesu tuaro cahya namore. Ā jina s_ā jipihtina to masa copap_u s_uhi. Tí copa t_ācap_u ti sahari copa jire. Tí copap_u to pjac_u cjiroro siō s_āa, t_āca pjiria mehne tju biha c_uri jire tina.

³⁹ —T_ācare na pjōhga —nire Jesu.

To ā nich_u t_uhoro Marta yariariro cjiro wahmiono ō sehe nire:

—Puhtoro mip_u pititia dachori waha tuhs_ura to yariari baharo. Ā jiro to pjac_u cjiro arībiahca —nire Jesure.

⁴⁰ —“Y_uh_ure wacū tuaco Cohamac_u tuare ñ_uch_uohca”, m_uh_ure nimahi —nire Jesu Martare.

⁴¹ To ā niri baharo tina t_ācare na pjōh_ure. Ā ti na pjō_uri baharo Jesu sehe m_uanop_u ñ_u, Cohamac_ure ō sehe nire:

—Mai, y_uh_ure m_uh_u t_uho tuhs_uh_ure. Tíre m_u yoach_u masic_u wahcheja m_uh_ure.

⁴² Ā yoa y_uh_ure m_uh_u dachoripe ā t_uhorucura. Tíre masija. Ā masipaihta y_uh_u m_u warocariro y_u jiare ōre ducui_{na} ti masihti cjihtire m_uh_ure ā nii nija. Tíre “Potocā tjira”, ti nihti cjihti c_uh_ure ā nii nija —nire Jesu to P_ucarore.

⁴³ Ā ni tuhs_u Jesu tuaro sañurucure:

—Lázaro, wijaa tagá —ni sañurucure tiro.

⁴⁴ To ā nich_u yariariro cjiro to wamocarine to dahpori c_uh_ure suhti cahsari mehne ti wahmariro cjiro, to dapure suhtiro mehne ti wahmariro cjiro, masa copap_u wijaa tare j_una.

—Ti wahmari cjirire pjāga —nire Jesu.

Judio masa puhtoa sehe Jesure ñaha duamaha

(Mt 26.1-5; Mr 14.1-2; Lc 22.1-2)

⁴⁵ To ā masoch_u ñ_ua, pay_u judio masa Mariare ñ_ua tarina mehne macaina Jesure wacū tuare.

⁴⁶ Wiho mejeta paina sehe, tina mehne macaina sehe fariseo curua macaina cahap_u waha, s_u, Jesu to yoarire yahuri jire tinare.

⁴⁷⁻⁴⁸ Ā jia sacerdotea puhtoa, fariseo curua macaina puhtoa c_uh_u cahmachu, ti basi ō sehe ni durucuha:

—Jesu pay_u tahari Cohamac_u tuare mehne yoa ño mujana. To ā yoa ñoare mari tirore ā ñ_unoca mari d_ucataerach_u, jipihtina masa tirore wacū tua, tiro mehne waha pih_utiaboca. Ā yoa tiro Jesure ti puhtoro cjihto ti sōch_u ñ_ua, Roma macaina puhtoa sehe “Marine cohāa nina”, ni sua, ñano yoaahca marine. Tuhs_u, Cohamac_u w_uh_ure cohā duti warocaahca ti yaina surarare. Mari ya dihta c_uh_ure maahca tina. ¿Ā jina dohse yoanahcari mip_ure? —ni durucuha tina ti basi.

⁴⁹ Ti ā nipach_uta pairi Caifa wama tiro, tí c_uh_umare sacerdotea bui puhtoro jiriro tinare ō sehe ni yahuh_u:

—M_usa sehe ne masierara.

⁵⁰ Judio masa jipihtina mari ya cjihtire c_uiro mas_uno to yariach_u noana. To yariarach_u mari jipihtina judio masare cohā

pahñonocaboa. Tíre m̄sa masierara —niha Caifa tinare.

⁵¹ Ā nino to m̄s̄uro ā nino nieraha. Sacerdotea bui puhtoro to jichu judio masa ya cjihtire Jesu to yariahtore Cohamacu sehe Caifare ā ni yahu dutiha.

⁵² Jesu yariaro judio masa dihtare yuhduchu yoaro taro nierare. Ā yariaro jipihitina Cohamacu pohna ahri yahpapu ji siteina cāhu cū curuata ti jihti cjihtire yariahtiro jire Jesu.

⁵³ Ā jia tí dachoihta tina “¿Jesure dohse yoa wajānhacari mari?” ni durucua, tirore wajā taa nimaha.

⁵⁴ Tirore ti ā wajā duachu masino Jesu payu judio masa watoi pari turi tinino waherare. Ā jiro masa marieno cahacāi Efrai wama tiri macapu säre suho wahare. Säre ti macai suho tjuasinire Jesu.

⁵⁵ Tí pjare pascua bose num̄ri sã judio masa sã bose num̄ri cjihto mahanocã duhsatjãhre. Ā jia bose num̄ri panocã masa payu paye macari macaina Jerusalēpu cahmachure. Pascua macaare ti chuho pano Cohamacu yare yoa taa ti ñaa buhiri cosaa taa nire.

⁵⁶ Tí pjare tina Jesure macaa niri jire. Ā jia Cohamacu wuh̄pu jiiina õ sehe ni durucuha: —¿Bose num̄rine ñuno taerabocari Jesu, m̄sa tuh̄otuchu? —ni durucuha tina ti basi.

⁵⁷ Ā jia sacerdotea puhtoa, fariseo curua macaina cāhu õ sehe ni yahu dutiha masare:

—Jesu to jirore m̄sa masina, yahuga säre. Tirore ñahana tana nija —niha puhtoa masare.

12

María Jesu dahporire me sitia mehne pio payore

(Mt 26.6-13; Mr 14.3-9)

¹ Jesu sã to buheina mehne Betaniapu sã suri baharo pascua dachori seis dachori waro duhsasinire. Lázaro Jesu to masoriro cjiro ti maca macariro jire.

² Sã suri baharo Jesu cāhu ya chuā cjihtire yoare paina. Ā yoa Lázaro, Jesu, sã mehne mesai nuju suhi. Sã ā nuju suri baharo Marta chuare payore säre.

³ Tuhsu, María me sitia sere nardo wama tidu macaa sere cū kilo dacho macai na ta, Jesu dahporire pio payore. Pio payo tuhsu to pjoari mehne tju cosare. To ā pio payori baharo tí wuh̄u noano me siti sahsea wahare.

⁴ Sã mehne macariro, Jesure ñu tuhtinare ñohtiro Juda Iscariote sehe õ sehe nire:

⁵ —¿Dohse yoaro ahricoro ā yoa sitejari? Tíre ticoro duaboa. Ā duaro tres cientos dachori posa dahrari wapa wapataboa. Ā

jiro ticoro tí niñerure pjac̄oinare waboa —nire tiro.

⁶ Juda sehe pjac̄oinare yoadoho duerare. Tiro sã niñerure wihbobasariro jiparota yacariro jire. Tuhsu, tiro sã niñerure cãa tahari na mujare. Ā jiro “Tí niñerure naihtja” nino, ā nire Mariare tiro.

⁷ To ā nichu tuhoro õ sehe nire Jesu:

—Ā niecu tjiga ticorore. To me sitiare yuh̄ure to duharire yuh̄ure pio payore, yuh̄ure masa copapu ti siõ sãahto pano yu pjac̄ure cahnoyuro. Pjac̄oina sehe m̄sa mehne ā jirucuahca. Ā jina tinare wa masina m̄sa.

⁸ Yuh̄u sehe ahri yahpapore m̄sa mehne ā jirucusi —nire Jesu.

Sacerdotea puhtoa Lázaro wajā duaha

⁹ Ā yoa Jesu Betaniapu to jichu tuh̄oa sã coyea judio masa payu tirore ñua tare. Tiro dihtare ñua taa nierare. Lázaro yariariro cjirore Jesu to masorirore tiro cāhure ñua taa nire.

¹⁰ Tí ñua surire masia sacerdotea puhtoa Lázaro cāhure wajā duare.

¹¹ Lázaro yariariro cjiro Jesu to masoriro jichu ñua payu masa Jesure wacū tuare. To ā masochu ñua payu judio masa ti sacerdotea ya buhea seh̄ere duhunocari jire. Ā ti duhuchu ñua sacerdotea puhtoa sehe sua yuh̄duā Lázaro wajā duare.

Jerusalēpu suha Jesu

(Mt 21.1-11; Mr 11.1-11; Lc 19.28-40)

¹² Pascua bose num̄rine ti yoachu payu masa Jerusalēpu ñua wahari jire. Pa dachoi Jerusalēpu Jesu to tahto cjihtore masa tuh̄ori jire.

¹³ Ā jia pja pū sahnarine na wahcã, tirore piti bocaa wahare. Ā piti bocaa õ sehe ni sañurucure tina:

—Ahrirore wahche payojihna. Ahriro Cohamacu to warocariro noano yuh̄dujaro. Ahriro Israe yahpa macaina mari puhtoro tjira —ni sañurucure tina.

¹⁴ Jesu burrocã to bocariro bui pisare. “Õ seheta yoarohca”, ni joaa tiha Cohamacu yare ti joari tju:

¹⁵ “Jerusalē wama tiri maca macaina, cuiena tjiga m̄sa.

Ñuga. M̄sa puhtoro burrocã bui pisa tara”, ni yahuha Cohamacu yare ti joari tju.

¹⁶ “To ā ni joari Jesure nino nica” ni, sã to buheina noano masierasinihi. Ā masierasinipanahta m̄uanopu Jesu to mujari baharo sã ti joari cjirore wacū boca tuh̄o ñaha masihi. Õ sehe ni tuh̄otuhi: “Cohamacu yare ti joari tju sehe Jesure yahuro nimaha. Ā jia Cohamacu yare ti joari tju to niriro seheta yoare masa Jesure”, ni tuh̄otu, sã masihi.

¹⁷ Lázarore ti siō sãari copapu jirirore Jesu to pisuchu tirore to masochu ñarina cjiri yahure masare.

¹⁸ Á jia Lázarore Jesu masorire ti tuhori baharo masa payu Jesure ñua tare.

¹⁹ Ti á tachu ñua fariseo curua macaina ti basi ó sehe niri jire:

–Jipihtina Jesu yaina dihta wahaa nina mipure. Á jina mari dohse yoa masieraja tinare –niri jire fariseo curua macaina ti basi.

Mahainacã griego masa Jesure maca taha

²⁰ Á yoa bose numuri Cohamacure ño payoa taina mehne macaina mahainacã griego masa jire.

²¹ Á jia tina Felipe cahapu wihiri jire. Felipe sehe Betsaida wama tiri maca Galilea yahpai jiri maca macarigo jire. Á jia tiro cahapu wihirina ó sehe niri jire tirore:

–Jesure ñu duaaja sã –niri jire tina.

²² Ti á nichu tuhoro Felipe Andrepure tíre yahuro wahari jire. Á jia tina puaro Jesure yahure.

²³ Ti á yahuri baharo Jesu tinare ó sehe ni yahure:

–Yuhu masuno Cohamacu warocarigo jija. Yuhure jipihtina ti ño payohti pja mipure jirota nina. Mipure yu variahti pja jirota nina.

²⁴ Potocãta musare yahui nija. Toari yapare yahrapu mari yaerachu, ti yapare mari toaerachu cã yapata tjuarohca. Á jiro ti yapare mari yari baharo dicha tirohca. (Tó seheta yu yariari baharo yuhure masa copapu ti siō sãari baharo payu masare Cohamacu mehne á jirucuhitina jichu yoaihca yuhu.)

²⁵ Ahri yahpai musa jiare pjíro tuhutuboca musa. Á tuhutuna Cohamacure wacũerana, pichacapu wahanahca musa. Ahri yahpai musa jiare á tuhutunocahna, Cohamacu mehne á jirucunahca.

²⁶ Yu yare yoa duana, yu buheare noano tuhoga musa. Musa á yoana musa cãhu yu jihtopure jinahca. Yu yare yoarigore yu Pucũ sehe wahchea mehne ñanohca –nire Jesu.

Jesu to variahtore yahuha

²⁷ Á ni tuhsu ó sehe ni namore:

–Mipure yuhu ñano yajeripohna tija. ¿Yu Pucũre dohse niicari yuhu? “Mai, yu ñano yuhduhtore yoi tija yuhure”, ¿nibocari yuhu? Tíre nieraja yuhu. Ñano yuhduhtiro cjihtota ahri yahrapure tahi. Á yoa yu ñano yuhduhti pja mipure jiro nina –ni yahure Jesu sãre to buheinare.

²⁸ Á yoa ó sehe nire to Pucũgore:

–Mai, mu tuariro jiare mipure ñoga masare –nire Jesu to Pucũgore.

To á nichu muanopu durucuro coa tare:

–Tuariro yu jiare masare ño tuhsahi. Mipure á jicu pari turi ñoihca masare –nino coa tare.

²⁹ To á nino coa tachu tuhoga tói ducuína masa payu ó sehe nire:

–Wupo jica á coa taro –nire masa.

–Anjo Jesure yahuro nire –nire paina masa.

³⁰ Ó sehe nire Jesu sehe:

–Muano pu yuhure tuhoga dutiro á nino coa taerare. Musa sehete tuhoga dutiro á nino coa tare.

³¹ Mipure ahri yahpa macaina ti ñano yoari buhirire buhiri dahrerohca tinare. Ahri yahpa macaina ti puhtorore watñore cohãnohca Cohamacu.

³² Á jicu yuhure crusapu ti wahcõ dapochu payu masare yuhu mehne macaina ti wahachu yoaihca yuhu –nire Jesu.

³³ Á nino “Crusapu to variahtore”, yahuro nire Jesu masare.

³⁴ To á nichu tuhoga masa sehe tirore ó sehe nire:

–Cohamacu yare ti joari tjui ó sehe nina: “Cristo jipihtia dachoripe jirohca”, ni joaa tiha. ¿To á ni joachu muhure masunore Cohamacu warocarigore dohse jiro baro muhure crusapu wahcõ dapoahcari masa? ¿Masuno Cohamacu warocarigo noa jijari tiro? –ni siniture tina.

³⁵ Ti á nichu ó sehe ni yuhure Jesu:

–Buhriaro to ñu masichu yoaro seheta jicu masare Cohamacu yare noano masichu yoaja yuhu. Baharo curesocã musa mehne jisi yuhu. Musare yu buhechu mipure tuhoga ñaare musa yoerahti cjihtire Cohamacu mehne musa á jirucuhiti cjihtire. Yu buheare tuhoeraina nahitianoí tiniina yoaro seheta ti wahahtore masieraja.

³⁶ Yuhu buhriaro yoaro sehe jiro tjija. Á jicu musare buhecu Cohamacu yare noano masichu yoaja musare. Mipure yu wahahto pano yuhure wacũ tuaga. Á wacũ tuana yu yaina jinahca musa –nire Jesu.

Á ni yahu tuhsu duhti wahcãa wahare.

Judio masa Jesure cahmaeraha

³⁷ Payu tahari Cohamacu tuaa mehne tinare Jesu to yoa ñopachuta judio masa payu tirore ne tuhoga duerare.

³⁸ Cohamacu yare ti joari tjui Isaia cjiro to joarigo seheta á yoa nire tina. Ó sehe ni joaa tiha Isaia cjiro:

“Cohamacu, mu buheare sã yahuchu masa tuhoga duerare.

Mu tuaare tinare mu yoa ñopachuta, tíre ‘Potocã jierara’, nire tina”,

ni joaa tiha Isaia cjiro.

³⁹ Ti á tuhoga duerachu ñano Cohamacu tinare masierachu yoare. Tí cãhure Isaia cjiro ó sehe ni joaa tiha tjoa:

40 “Capari ñaeraina yoaro sehe jiina jichu yoaa tiha Cohamacu tinare.

Ñ yoa to yare masierachu yoaa tiha tinare.

Ñ jia to tuaare ñapahta tina ti ñarire taho ñahaerara.

Ñ jia to buheare tuhopahta tíre taho ñahaerara tina.

Cohamacu ya buheare masia, ti ñaa yoari buhirire cohã dutiboa.

Ñ jiro tinare yuhduchu yoaboa tiro”, ni joaa tiha Isaia cjiro Cohamacu yare ti joari tjui.

41 Ñ ni joaro Isaia cjiro Cristo tuaare masino to niriro seheta Cristore yahu joaa tiha tjoo.

42 Paina Jesure ti cahmaerapachuta judio masa, sã puhtoa mehne macaina cãhu payu Jesure wacũ tuaa, tirore cahmare. Ñ cahmapahta tina fariseo curua macainare cuia painare “Jesu mehne sãahi”, ni yahu duaerare. Tíre ti yahuchu tũhoa Jesure ti cahmari buhiri judio masa sã buheri wãhupũ tinare sãa dutieraboa fariseo curua macaina sehe.

43 Cohamacure wahchechu yoa duapahta tí yuhdoro fariseo curua macaina sehere wahchechu yoa duare Jesure cahma dũcaina. Ñ jia tina “Jesu yaina wahahi”, ni painare yahu duaerare.

Jesu yahuaire ti tũho duaerari buhiri masa buhiri tiahca

44 Ñ yoa Jesu tuaro sañurucu, õ sehe ni yahure:

–Yũhũre wacũ tuariro, yũhu dihtare wacũ tuaerara. Yũhũre warocariro cãhũre wacũ tuara tiro.

45 Tuhsu, yũhũre masiina yũhũre warocariro cãhũre masina.

46 Buhriaro to ñũ masichu yoaro seheta ahri yahpapu Cohamacu yare masichu yoai tai nihi yũhu. Ñ jicu Cohamacu yare masare masichu yoaja. Nahitianoi wahariro yoaro sehe jiriro ñaare yoarucura. Yũhũre wacũ tuariro tiro yoaro sehe yoasi. Yũhũre wacũ tuariro quihõno tãhorohca.

47 Paina yũ yahuaire tuhopahta yũ niriro seheta yoaerara. Ti ã yoaerapachuta yũ yahuaire ti yoaerari buhirire buhiri dahresi yũhu sehe tinare. Ahri yahpapũre buhiri dahrei tai nierahi yũhu. Ahri yahpa macainare pichacapũ wahaborinare yuhduchu yuhtiro cjihto tai nihi yũhu.

48 Yũhũre cahmaerainare, yũ yahua cãhũre cahmaerainare buhiri dahrea jiahca. Tina yũ yahuaire ti tũhoerari buhiri ahri yahpa pihtiri dachoi buhiri tiahca.

49 Yũhu yũ mũ sũro yahueraja. Yũ Pũcu yũhũre warocariro sehe yũhũre yahu dutire. Ñ jia yũ yahua sehe to ya durucua jira.

50 To ya durucuaire “Quihõno jira” nina, Cohamacu mehne ñ jirucunahca mũsa. Ñ

jicu yũ Pũcu to yahu dutiriro seheta yahua mũsare –nire Jesu.

13

Jesu to buheina dahporire cosaha

1 Ñ yoa pascua bõse numũri panocã ahri yahpare to cohã wahcãhto cjihtore to Pũcũro cahapu to wahahto cjihtore masire Jesu. Tuhsu, ahri yahpa macainare to yainare tiro tuaro cahũre tina mehne to jiro puro. Ñ cahũrucura to yainare.

2 Tí ñamine Jesu sã to buheina mehne sã chuchũ Juda Iscariotere Simo macanore Jesure ñũ tuhtiinare ño duti tuhsũri jire wafũno sehe.

3 Tuhsu, to Pũcũro Cohamacu Jesure jipihina bui to puhtoro sũrĩre masire Jesu. Ñ yoa Cohamacu cahapu to tari cjiirire, baharo muanopũ to mũjãhti cãhũre masire.

4 Ñ masino wahcãruca, to suhtiro bui macanore tjuwe na, tũre cũ tuhsu, suhtiro cahsaro mehne to pjarõ yũjũ dũhtere.

5 Dũhte tuhsu, waparõ core pio sãa, sã to buheinare sã dahporire cosa dũcare. Sãre cosa tuhsu to dũhteri cahsaro mehne pahã cohãre sã dahporire.

6 Paina buheinare cosa wahcã, Simo Pedropũre sũre. To dahporire to cosahto pano Pedro sehe tirore õ sehe nire:

–Puhtoro, ¿yũ dahporire cosai tai nijari mũhu? –nire Jesure Pedro.

7 –Michapucacã mũhũre yũ yoãhtire masierara mũhu. Ñ masierapacũta baharo masiũhca mũhu –nire Jesu.

8 –Yũ dahporire ne cosasi mũhu –nire Pedro.

–Mũhũre yũ cosaerachu yũ yairo jisi mũhu –nire Jesu.

9 –Puhtoro, yũ dahpori dihtare cosai tjiga. Yũ dahporire, yũ wamomacarine, yũ dapu cãhũre cosaga –nire Pedro.

10 To ñ nichu Jesu piti dahre buhero õ sehe nire:

–Cãiro masũno cuhsũro to pjacũre noano tju cosa pahũona. Ñ jiro pari turi tirore tju cosaro cahmaerara. To dahpori dihtare cosaro cahmana. Jipihina masa ñaa yoari buhirire cosarina cjiro mũsa jipachũta cãiro mũsa mehne macariro to ñaa yoari buhirire cosamahnoerariro jira –nire Jesu.

11 Jesu tirore ñũ tuhtiinare ñohtiore masire. Ñ masino “Cãiro mũsa mehne macariro to ñaa yoari buhirire cosamahnoerariro jira”, nire.

12 Sã dahporire cosa tuhsu, to suhtirore sãa tuhsu, nuju sũre to dujiriroihita.

–¿Michapucacã mũsare yũ yoirire tũho ñãhajari mũsa?

13 Mũsa yũhũre “Buheriro”, ni pisuna, “Puhtoro”, ni pisuna potocãta nina nica

yuhure. Músare buheriro, mása puhtoro potocáta jija yuhú.

¹⁴ Á jina yuhú músare buheriro, mása puhtoro jipaihta mása dahporire cosariro yu jichu ñana mása cǎhu mása mehne macaina dahporire cosaga.

¹⁵ Michapucá músare cosacu, baharo mása yoahiti cjihtire músare ñoi nija. Mása mehne macainare mása yoadohoitire ñoi nija. Músare yu yoariro seheta mása cǎhu yoaga.

¹⁶ Potocá músare niita nija. Mása yu cahamaca yoaro sehe jiina yu bui jierara. Músare buhe duti yu warocarina jira mása. Á jina yu bui jierara mása. Á jicuta “Yu yoariro seheta yoaga”, nihi músare.

¹⁷ Ahrire masina, yu dutiare yoana, wahcheina jinahca mása.

¹⁸ Músare jipihtinare á nieraja. Yu beserinare masija yuhú. Cohamacu to yare ti joari tjui to ni joariro seheta á waharohca. “Yuhú mehne chǎrirota yuhure wajá duare”, ni joaa tíha Cohamacu yare ti joari tjui.

¹⁹ To á yoahito pano ahrire yahuyui nija músare. Yuhure to á yoari baharo “Jesuta Cristo Cohamacu warocarirota jira”, mása nihti cjihtire ahrire músare yahuyui nija yuhú.

²⁰ Potocá músare niita nija. Yu warocainare cahmariro yuhú cǎhure cahmana tiro. Tuhsu, yuhure cahmariro yuhure warocariro cǎhure cahmana tiro —nire Jesu sǎre to buheinare.

Juda Jesure ñu tuhtiinare to ñohtore yahuha Jesu

(Mt 26.20-25; Mr 14.17-21; Lc 22.21-23)

²¹ Á ni yahu tuhsu Jesu tuaro cahyare. Á cahyaro ó sehe ni yahure tiro sǎre:

—Potocáta músare nii nija. Cǎiro mása mehne macariro yuhure ñu tuhtiinare yuhure ñonohca —nire Jesu.

²² To á nichu tuhona Jesure ñohtirore masierana, sǎ basi cahma ñuroca ói.

²³ Cǎiro Jesu to buheina mehne macariro yuhú, Jesu to cahĩro sehe to pari wahpa dujiji.

²⁴ Yu á dujichu ñano Simo Pedro yuhure to wamomaca mehne yoa ño, siniture:

—Jesure ñohtirore diro sehene nino nibocari Jesu? Yahuga sǎre —ni to wamomaca mehne yoa ño, sinitu ñare Pedro.

²⁵ To á nichu yuhú sehe Jesu cahacái dujiriro jicu sinitu ñahi tirore:

—Puhtoro, ¿dirone nii nijari mǎhu? —ni sinitu ñahi yuhú.

²⁶ —Ahri pǎore dahra waha na, soha yu wahitiro sehe tirota jira yuhure ñohtiro —nire Jesu.

Á ni tuhsu ti pǎo to dahra waha narirore soha tuhsu tíre Judare Simo Iscariote macanore ware.

²⁷ Á yoa pǎore to ñahari baharo watíno sehe Judare ñano yoa dutiri jire. Á jiro Jesu tirore ó sehe nire:

—Mu yoahito cjihtore cjero yoa bahrañoga mǎhu —nire Jesu Judare.

²⁸ To á nichu tuhona sǎ mesapu dujiina, Jesu Judare to nirire noano taho ñahaerahi.

²⁹ Cǎina ó sehe ni tuhutumahi: “Judá sǎ niñerure wihboriro jira. Á jiro bose numui sǎ chǎhti cjihtire nuchu dutiro warocare Jesu Judare. O pjacuinare niñerure wa dutiro niboca Jesu”, ni tuhutumahi sǎ cǎina.

³⁰ Á yoa Juda tí pǎore ñaha tuhsu, wijaa wahare. To wijaari pja ñami jire.

Wahma dutiare yahuha Jesu

³¹ To á wijaari baharo ó sehe nire Jesu:

—Mipru pinihtare yuhú masano Cohamacu warocariro yu tuariro yu jia tiare ñonohca Cohamacu masare. Á jicu Cohamacu to tariro to jiare ñoiha yuhú sehe.

³² Á jiro Cohamacu to tuaare yu ñochu tiro sehe yu ya tuaa cǎhure mipru pinihtare ñono taro nina.

³³ Yu pohna yu cahĩna, yuhure tuhoga. Mahaa dachoricá mása mehne jisinihca. Yu wahari baharo yuhure macanahca mása. Á jicu mari coyey judio masare yu niriro seheta mása cǎhure nija. “Yu wahahtore mása sehe waha masierara”, tinare yu niriro seheta mása cǎhure á ni yahuja.

³⁴ Wahma dutiare músare yahuihtja. Mása mehne macainare cahĩga mása. Músare yu cahĩro seheta, mása mehne macainare cahĩga.

³⁵ Á jina mása mehne macainare mása cahĩchu ñua yu yaina mása jiare masiahca paina —nire Jesu sǎre.

“Jesure masieraja”, Pedro to nihto cjihtore yahuha Jesu

(Mt 26.31-35; Mr 14.27-31; Lc 22.31-34)

³⁶ To á nichu Simo Pedro Jesure ó sehe ni sinitu ñare:

—Puhtoro, ¿nohoru wahaihcari mǎhu? —nire Pedro.

—Yu wahahtopure mipure yuhú mehne waha masierara mǎhu. Mipure waha masierapaihta baharo yu cahai wahacahca —nire Jesu Pedrone.

³⁷ —Puhtoro, ¿dohseacu mipure mǎhu mehne waha masierabocari yuhú? Yuhure ti wajá duapachuta mǎhure ne duhusi yuhú —nire Pedro Jesure.

³⁸ —¿Á tjjari? ¿Mǎhure ti wajá duapachuta, mǎhu yuhure duhueraihcari? Potocáta mǎhure nii nija. Caraca to duhto pano “Jesure masieraja”, niihca mǎhu painare. Tia taha á niihca mǎhu —nire Jesu Pedrone.

14

Jesu Cohamacu cahapu wahari maha yoaro sehe jira

1 Baharo Jesu säre õ sehe ni yahure:

—Ne cahya pjiro tuhoutuena tjiga. Cohamacure wacũ tuaga. Å jina yuhũ cãhure wacũ tuaga. “Cohamacu mehne yuhdunahca”, ni tuhutuga tirore. Yuhũ cãhure åta ni tuhutuga musa.

2 Yũ Pũcu to jiropure payũ wuhuse jira. Musa jihto cjihtore cahnoyui wahai nija. Tí potocã tjira. Å jicu musare tire yahuja.

3 Å jicu musa jihto cjihtore cahno tuhsũ, õputa pari turi majare tjua taihtja yuhũ. Å jina tõi yũ jiroilta musa cãhũ jinahca tjoa.

4 Mipure yũ suhtopure wahari mahare masi tuhsara musa —nire Jesu säre to buheinare.

5 —Puhtoro, mũ suhtore masieraja sã. Å jina dohse yoa mũ wahari mahare masinahcari sã? —ni sinitu ñure Toma Jesure.

6 To ã ni sinituchũ tuhoro Jesu sehe õ sehe ni yuhtire:

—Yuhũ Cohamacu cahapu wahari maha yoaro sehe jiriro jija. Cohamacu cahapu wahachũ yoariro, potocã yahuriro, å catirucuchũ yoariro jinocaita nija yuhũ. Å jia yũ yaina dihta yũ Pũcu cahapu wahaahca.

7 Panopũ yuhure masina, yũ Pũcu cãhure masiboa musa. Mipure tirore ñure musa. Å jina tirore masi tuhsara musa —nire Jesu säre.

8 To ã nichũ Felipe sehe õ sehe nire:

—Puhtoro, mari Pũcure ñoga säre. Tõ purota ñũ duaja sã —nire tiro.

9 To ã nichũ Jesu õ sehe ni yahure:

—Felipe, ¿yoari pja yuhũ mehne jipaihta, mũhũ masierasanihari yuhure? Yuhure ñuriro yũ Pũcu cãhure ñũ tuhsure. Å jicu “Mari Pũcure ñoga säre” nicũ, ¿dohseacu å nijari mũhũ yuhure?

10 Yuhũ yũ Pũcu mehne puaro jipanahta cãirota jija. ¿Tíre “Potocã jierara”, niimeje nijari mũhũ? Musare yahucu yũ mũ sãro yahui nieraja. Yũ Pũcure yahubasai nija. Å jiro tiro yuhũ mehne jiriro to tuua mehne yoa ñona.

11 Yuhũ yũ Pũcu mehne puaro jipanahta cãirota jija. Tíre “Potocã tjira”, ni wacũga musa. Tíre “Potocã tjira” nierana, Cohamacu tuua mehne yũ yoa ñoare wacũna, yũ Pũcu mehne yũ cãirota jiare “Potocã tjira”, ni wacũga musa.

12 Potocãta musare nii nija. Yuhure wacũ tuariro yũ yoariro seheta yoarohca. Å yoa tiro yũ yuhdoro yoarohca. Yũ Pũcu cahapu tjuaai tai nija mipure. Å jiro yuhure wacũ tuariro yũ yuhdoro Cohamacu tuua mehne yoa ñonohca.

13 Å jicu yuhure wacũ tuaina ti sinino purota yoaihca. Å yoacu yũ Pũcu to tuariro jiare ñoihca.

14 Yuhure wacũ tuaina musa jichũ musa sinino purota yoihtja —nire Jesu.

“Espíritu Santore musare warocaihtja”, ni yahuha Jesu

15 Å ni tuhsũ õ sehe ni namore:

—Yuhure musa cahĩna, yũ dutiare noano yoanahca.

16 Yũ Pũcure sinibasaihtja. Yũ å sinibasachũ yũ Pũcu sehe paireore musare yoadohtirore musare warocarohca. Å jiro tiro musare yoadohtiro sehe jipihtia dachoripe musa mehne å jirucurohca.

17 Tiro potocãta yahuriro Espiritu Santo tjira. Ahri yahpa macaina yuhure cahmaeraina sehe tirore masierara. Å jia tirore cjuu masierara. Tirota musa mehne å jirucurohca. Å jina tirore masina musa.

18 Musare cohãsi yuhũ. Musa mehne jihtiro cjihto tjua taihca yuhũ tjoa.

19 Wiho mejeta mahanocã duhsara yũ wahahto cjihto. Yũ wahari baharo ahri yahpa macaina yuhure wacũ tuaeraina yuhure pari turi ñusi. Musa sehe yuhure ñunahca. Yũ catiriro jichũ musa cãhũ jipihtia dachoripe Cohamacu mehne catirucunahca.

20 Tí dachoi yũ tjua tahti dachoi yuhũ yũ Pũcu mehne cãirota sã jichũ masinahca musa. Å jina yuhũ mehne macaina musa jichũ musa mehne macariro yũ jichũ cãhure masinahca musa.

21 Yũ dutiare yoariro yuhure cahĩrirota jira. Å jiro yuhure cahĩrirore yũ Pũcu sehe cahĩnohca. Å jicu yuhũ cãhũ yũ dutiare yoarirore cahĩihca. Å yoa yũ jia tiare noano masichũ yoaihca tirore —nire Jesu säre to buheinare.

22 Sã mehne macariro paio Juda wama tirore jire. Juda Iscariote Jesure ñũ tuhtinane ñohtiro jierare tiro. Pairo Juda jire. Å jiro tiro Jesure õ sehe ni siniture:

—Puhtoro, ¿dohse yoajjari mũhũ tinare å nicũ? ¿Ahri yahpa macainare mũhure masichũ yoaeracu, dohse yoacu sã dihtare mũhure masichũ yoaihcari mũhũ? —ni siniture Juda.

23 To ã nichũ tuhoro Jesu tirore õ sehe ni yahure:

—Yuhure cahĩna, yũ dutiare noano yoa nina. Tí å yoachũ yũ Pũcu sehe tinare cahĩnohca. Å jina tina mehne jina tanahca sã.

24 Yuhure cahĩerariro yũ dutiare yoaerara. Tuhsũ, yũ yahua musa tuhori cjiri sehe yũ ya yahua jierara. Yuhure warocariro ya yahua sehe jira. Tiro yũ Pũcu tjira.

25 Musa mehne jisinicũ ahrire musare yahusinii nija.

²⁶ Baharo yu sinibasachu yu Pucu Espiritu Santore warocarohca musare. Tiro Espiritu Santo sehe musare yoadohotiro jiro, musare buhe pahñonohca tiro. Á yoa musare yu yahuri cjirore musare wacüchu yoarohca tiro.

²⁷ Musare noano jichu yoaihca yuhu. Yuhu yu noano jiro sehetá noano jichu yoaihca musare. Ahri yahpa macaina ti mahñoperiro sehetá yoasi yuhu musare. Yuhu pinihta potocáta noano jichu yoaihca musare. Cahya píro wacüena tjiga musa. Á jina cuiena tjiga musa.

²⁸ “Yuhu wahaihca. Á jicu musa mehne jihtiro cjihto tjua taihtja tjoa”, musare yu á ni yahuchu tuho tuhsare musa. Tíre tuhona, wahcheboa musa. Yuhure musa potocá cahirina jina, wahcheboa musa. Yu Pucu sehe yu yuhdoro tuara. Á jina tiro cahapu yu wahahto cjihtore musa masiri baharo yuhure cahina, wahcheboa musa.

²⁹ Yuhure musa wacü tuahiti cjihtire yu wahahtore yahuyui nija musare.

³⁰ Ahri yahpa macaina puhtoro watino sehe tara mipure. To á tachu yuhu musa mehne yu durucu batoahiti pja mahano cá duhsara. Tiro sehe yuhure yuhduraca masierara.

³¹ Wiho mejeta yuhure yu Pucu to dutiriro sehetá yoaja yuhu. Áta yoaja yuhu yu Pucure yu cahire ahri yahpa macaina ti masihti cjihtire. Wahcáruacaga. Basa wahana –nire Jesu sare to buheinare.

15

Jesu secu yoaro sehe jiriro jira

¹ Baharo piti dahre buhero sare ó sehe nire Jesu:

–Yuhu potocáta secu yoaro sehe jiriro jija. Yu Pucu sehe secure ñu wihboriro yoaro sehe jiriro jira.

² Yu yaina secu dupari yoaro sehe jina yuhu mehne macainata jira. Dicha mariea duparire secure ñu wihboriro to paha coháiro sehetá yu Pucu to cahmaare yoerainare cohána. Dicha tia duparire secure ñu wihboriro to cahnoriro sehetá yu Pucu to cahmaare yoainare yoadohorohca tiro “Yu cahmaare yoa namojaro”, nino.

³ Yu yahure tuhona, “Potocá tjira”, nire musa. Á jiro yu Pucu musa ñaa yoari buhirire cohá tuhsare.

⁴ Yuhu mehne macaina jiga musa. Á jii musa mehne jiihca. Secu dupari secu mehne wahá snera dupari jia, tí dupari sehe dicha mariahna. Tó sehetá yuhu mehne macaina jierana yu Pucu cahmaare yoa masierara musa.

⁵ Yuhu secu yoaro sehe jiriro jija. Musa sehe tu dupari yoaro sehe jina jira. Yuhu mehne macariro mehne yu jichu dicha tia

dupari yoaro sehe tiro yu Pucu cahmaare yoara. Yuhu mehne macaina jierana yu Pucu cahmaare yoa masierara musa.

⁶ Ñaa duparire to coháboriro sehetá yuhu mehne macaina jierainare yu Pucu cohánohca. Tí dupari ñaia wahachu secure ñu wihboriro tí duparire na cahmachu pichacapu já cohánohca. Áta yoarohca Cohamacu yuhu mehne macaina jierainare.

⁷ Yuhu mehne macaina jina, yu buheare boeraboca musa. Á boerana, musa cahmano purota siniga. Á jicu musa sinino purota yoabasaitja.

⁸ Yu Pucu cahmaare yoina musa jichu ñua “Jesu yaina jira ahri”, ni masiahca musa. Á jia musare ñua yu Pucure ño payoahca.

⁹ Yu Pucu yuhure to cahíiro sehetá musare yuhu cáhu cahia tihi. Yu cahina jirucuga musa.

¹⁰ Yu cahina jirucuína yu dutiare yoara. Yu Pucu to dutiare yoaja yuhu. Á yoacu to cahíiro jirucuja yuhu. Tó sehetá musa cáhu yu dutiare yoana yu cahina jirucunahca musa.

¹¹ Ahrire musare yahui yuhu mehne musa noano wahchehto cjihtore. Á jina tuaro wahchenahca musa.

¹² Ó sehe dutija musare: Musare yu cahíiro sehetá musa mehne macaina cáhure cahiga.

¹³ Cáiro masuno tiro mehne macariro yaro jiborirore yariaro tiro mehne macarirore tuaro cahina, paina ti cahíiro yuhdoro.

¹⁴ Á jina yu dutiare yoana yuhu mehne macaina jira musa.

¹⁵ Potocáta yuhu mehne macaina waro jira musa. Musá á jina jichu jipihtia yu yoarire yahuja musare. Cahamacano to puhtoro yoarire masierara tiro. Á jicu “Yu cahamaca wiho jina jira musa”, musare nieraja. Yu Pucu yuhure to yahurire musare yahu pahñohi. Á yahucu “Yuhu mehne macaina jira musa”, musare nija mipure.

¹⁶ Musá sehe yuhure ne beserare. Yuhu sehe musare besei yu Pucu cahmaare musa yoahina cjihtire. Musá á yoachü musa yoaa ne wiho waro jisi. Á jia musa yoaa á jirucuahca. Musá á yoachü yuhure musa wacü tuachü yu Pucure musa sinino purota tiro musare warohca.

¹⁷ Ahrire musare dutija yuhu: Musá mehne macainare cahiga musa –ni yahure Jesu.

Jesure to yaina cáhure ahri yahpa macaina ñu tuhtira

¹⁸ Á yoa tiro ó sehe ni yahu namore:

–Ahri yahpa macaina musare ti ñu tuhtichü ñua ahrire wacüga musa: Musare

ti ña tuhtiho pano yuñu sehene ña tuhti ducare tina.

¹⁹ Cohamacure cahmaeraina musa jisnichu, tina mehne macainare ti cahiro seheta musa cãhure cahibo tina. Ahri yahpa macaina musa jisnichu musare besei. Æ jina mipure ahri yahpa macaina waro jierara musa. Musa Æ jierachu ña ahri yahpa macaina musare ña tuhtira.

²⁰ “Yu yaina jina musa yu bui jierara”, musare yu niri cjirire wacũga musa. Æ yu docai jiina jina yu ñano yuhduriro seheta ñano yuhduhahca musa cãhu. Yuhure ñano yuarinata musa cãhure ñano yoaahca. Yu buhechu yuhtirinata musa buhechu cãhure yuhtiaha tina.

²¹ Ahri yahpa macaina yuhure warocarirone masierara. Æ jia yuhure wacũ tina musa jichu ña tina ñano yoaahca musa cãhure.

²² Tinare yu buhei taerachu yuhure ti cahmaerari buhiri buhiri mariaboa. Mipure tinare yu buheri baharo “Ñaa buhiri mari-ahna sãre”, ni masierara tina.

²³ Yuhure ña tuhtiro yu Pucu cãhure ña tuhtira.

²⁴ Cohamacu to tuaa mehne paina ti ne yoerarire yoa ñohi. Æ yoa tinare tãre yu yoa ñoerachu tinare ñaa buhiri mariaboa. Cohamacu tuaa mehne yu yoa ñoare ti ñuri baharo yuhure yu Pucu cãhure ña tuhtira tina.

²⁵ Æ ña tuhtia Cohamacu yare ti joari tjui dõiputa to ni joariro seheta yoa nire tina. Æ sehe ni joa tiha: “Tinare yu ñano yoaerapachuta yuhure ña tuhtire tina”, ni joa tiha dõiputa Cohamacu yare ti joari tjui.

²⁶ Yu baharopu musare yoadohohtiro yu Pucu mehne jiriro musare yu warocahtiro Espiritu Santo tjira. Tiro potocãta yahuro jira. Æ jiro tiro taro yu jia tiare yahurohca musare.

²⁷ Masare yu buhe ducachuputa musa cãhu dachoripe yuhu mehne Æ jirucure. Æ jina musa cãhu yu jia tiare yahuhca painare — ni yahure Jesu.

16

¹ Æ ni tuhsu sãre Æ sehe ni yahu namore:

—Baharo yu buheare yuhu cãhure musa cohãerahti cjihtire ahrire jipihtiare yahuhi musare.

² Judio masa mari buhea wuhusepu musa sãa duachu sãa dutisi musare yu yaina musa jiri buhiri. Æ jia pa teheru musare wajãa, “Cohamacu cahmaare yoana nija”, ni tuhotuahca paina.

³ Yu Pucure, yuhu cãhure tina masierara. Æ masieraa musare ñano yoaahca tina.

⁴ Æ jina musare ñano ti yoachu ñana, “Ti Æ sehe yoahito panota Jesu yahu tuhsure sãre”, ni wacũnahca musa. Musa Æ ni wacũhti cjihtire mipure ahrire yahu muhtai nija musare —ni yahure Jesu.

Espiritu Santo to yoahitire yahuha Jesu

Æ ni tuhsu Æ sehe ni yahu namore Jesu:

—Wahmanopure musa mehne jicu ahrire musare yahuerahi.

⁵ Mipu sehene yuhure warocariro cahapu wahaiha wahai tai nija. “¿Nohoru wahai-hari muhu?” yuhure ni, ne cãro barota sinitu ñuerara musa.

⁶ Æ sinitu ñuerapanahta yu wahahtore musare yu yahu mujachu musa ñano yajeripohna tira.

⁷ Musare potocãta yahui nija. Yu wahari baharo musare noanocanoahca. Yu manopu wahaerachu musare yoadohohtiro sehe taeraboa. Wahacu musare tirore warocaitija yuhu.

⁸ Yu Æ warocachu tiro tarohca. Æ wihiro ahri yahpa macaina ñaa yoina ti ñaa buhiri tiare tinare masichu yaroohca tiro. Noano jia tia cãhure buherohca tiro masare. Tuhsu, Cohamacu masare to buhiri dahrehto cãhure masichu yaroohca masare yoadohohtiro sehe.

⁹ Yuhure wacũ tuaeraina jira ahri yahpa macaina. Æ jiro yoadohohtiro sehe masa ñaa yoina ti ñaa buhiri tiare tinare masichu yaroohca.

¹⁰ Yu Pucu cahapu wahaiha. Yu Æ wahari baharo musa yuhure ne ñusinisi. Æ jiro noano jia tia cãhure masichu yaroohca yoadohohtiro sehe.

¹¹ Ahri yahpa macaina puhtoro watãnore Cohamacu buhiri dahre duti tuhsure. Æ jiro Cohamacu masare, watãno mehne macainare to buhiri dahrehti cãhure masichu yaroohca yoadohohtiro sehe.

¹² Pjãro jira musare yu yahuhti cjihti. Wiho mejeta musa sehe yu yahu pahãochu, tuho ñaha pahãoeraboa.

¹³ Æ jiro potocã jiare yahuro Espiritu Santo sehe musare quihõno jiare yahu pahõno tarohca. Tiro to mu sãro musare yahui. Yu Pucu tirore to yahu dutãrãre tiro yahurohca musare. Æ yoa “Baharopu Æ sehe waharohca”, ni yahuyurohca tiro sehe musare.

¹⁴ Æ yoa yu yare musare tiro yahurohca. Æ yahuro yuhure ño payochu yaroohca musare.

¹⁵ Jipihtia yu Pucu ya yu ya cãhu jira. Æ jicu “Espiritu Santo sehe yu yare yahurohca musare”, nihi musare —ni yahure Jesu.

“Cahyaina jipanahta baharo wahchenahca musa”, ni yahuha Jesu

¹⁶ Æ ni tuhsu Æ sehe ni yahu namore:

—Mahanocā baharo yuhure ñusi musa. Ā jina baharocāta musa yuhure ñunahca tjoa —nire Jesu sāre to buheinare.

¹⁷ To ā nichu tuhona, sā sehe mahainacā ō sehe ni durucui sā basi:

—“Mahanocā baharo yuhure ñusi musa. Ā jina baharocāta musa yuhure ñunahca tjoa” nino, ¿dohse nino ā niri marine? Ā yoa “Yū Pucū cahapū wahaihca” nino, ¿dohse jiro baro marine ā niri tiro?

¹⁸ “Mahanocā” nino, ¿dohse nino ā niri tiro? To yahurire noano tuho ñahaeraja mari —ni durucui sā basi.

¹⁹ Sā ā ni durucuchū Jesu tirore sā sinitu duarire masino, sāre ō sehe ni yahure:

—“Mahanocā baharo yuhure ñusi musa. Ā jina baharocāta yuhure ñunahca tjoa”, ¿yū niri cjirire sinitu duajari musa? ¿Tīre yū niriire tuho ñahaerajari musa?

²⁰ Potocāta musare nii nija. Yū yariachū ñuna musa tiinahca. Tuhsū, tuaro cahyanahca. Ā jia yuhure ño payoeraina sehe wahcheahca. Musa sehe cahyaina cjiri jipanahta, baharo wahchenahca musa.

²¹ Ō sehe jira tí: Numino niji wahcōno, to ñano yuhduhto pano jira. Ā jiro ticoro tuaro cahyara. Ā cahyaparota to pohna tiri baharo ticorore purīre wacūerara ticoro. Wihārirocā ahri yahrapū to masa bajuachū ticoro wahchera. Ā jiro ticorore purīre wacūerara ticoro.

²² Tó seheta musa mipure cahyanahca. Baharo musare ñunahca tjoa. Yuhure ā ñuna musa tuaro wahchenahca. Musa ā wahchechū paina musare cahyachū yoa masisi.

²³ Tí dachoi yuhure musa ñuri dachoi yuhure sinitu ñusi musa. Masi tuhsūrinapū jinahca. Potocāta musare nii nija. Yuhure musa wacū tuachū ñano yū Pucūre musa siniare tiro musare warohca.

²⁴ Yuhure wacū tuaina jina, Cohamacūre sini masina musa. Ahri dacho panoi tirore ā sinierasinire musa. Yuhure wacū tuatjāhna Cohamacūre siniga. Musa ā sinichū musa sinirire musare warohca, musa wahche pahñohi cjihtire —nire Jesu sāre.

Ñainare Jesu yuhdurūcaha

²⁵ Ā ni tuhsū ō sehe ni namore:

—Quitit mehne musare yahua tihī. Ā yahupaihta baharo musare quitit mehne yahusi yuhū. Ā yahueracu yū Pucū sehere noano poto yahuihtja musare.

²⁶ Tí dachore musa ya cjihtire yū Pucūre sini payosi yuhū. Yuhure wacū tuana, musa basi tirore sininahca.

²⁷ Musa yuhure cahīna. Ā jina yū Pucū cahapū yū tariro jichū “Potocā tjira”, nina musa. Ā niina musa jichū ñano, yuhure cahīna musa jichū ñano yū Pucū sehe

musare cahīna. To ā cahīchū tirore musa sininahca.

²⁸ Yū Pucū cahai jiriro jicū ahri yahpapure tai yuhū. Ā jicū mipure ahri yahpapū jiriro jisinicū yū Pucū cahapū wahaihca —nire Jesu.

²⁹ To ā nichū sā to buheina ō sehe nii:

—Mipū pinihta quitit marieno durucui noano poto yahui nina mūhū sāre.

³⁰ Mūhū noano masi pahñoriro mū jichū mipū pinihtare sā masija. Ā jia paina mūhure buhe masierara. Tīre mipure sā noano masija. Sā noano masiina jina, Cohamacū cahapū tariro mū jichū “Potocā tjira”, nija sā —nii sā Jesure.

³¹ Sā ā nichū Jesu ō sehe ni yuhtire sāre:

—¿Mipure “Potocā tjira”, nijari musa juna?

³² Baharo curero jipihtina musa wuhusepū waha siteina jina, yuhure cohānahca musa. Musa ā cohāpachūta yū Pucū sehe yuhū mehne jira. Ā jicū yuhū cūirota jieraja.

³³ Ahrire musare yahu mūhtahi, yuhure musa wacū tuaa mehne musa noano jihto sehe. Cohamacūre cahmaeraina cahapū musa jichū ñano yoahca musare tina. Tí ā yoapachūta wahchega musa. Ahri yahpa macaina ñaa buhiri tiinare, ti puhtoro watīno cūhure yuhdurūcariro jija yuhū. Ā jina yuhure wacū tuana wahchega musa —nire Jesu sāre to buheinare.

17

Jesu to buheina ya cjihtire Cohamacūre sini payoha

¹ Ā ni yahu tuhsū Jesu muanopū ñuroca mūo, Cohamacūre ō sehe ni durucure:

—Mai, mipure mū yahu quihōriro seheta yuhure ñano ti yoahit pja mū surota nina. Yuhure mū macure masare ño payochū yoaga. Mū ā yoachū mūhure masare ño payochū yoaihca yuhū cāhū.

² Jipihtina bui puhtoro yuhure cūre mūhū. Ā jicū yuhure mū warinare mūhū mehne ā jirucuchū yoaihca yuhū. Tuhsū, mūhure masare ño payochū yoaihca yuhū.

³ Mūhū dihta Cohamacū waro jira. Yuhū Jesucristo mū warocariro jija. Ā jia jipihtina mūhure masiina, yuhū cūhure masiina muanopū mari mehne ā jirucuahta —nire Jesu.

⁴ Ā ninota ō sehe ni namore Cohamacūre:

—Ahri yahpapure mū yoa dutiri cjirire yoa pahñoja yuhū. Ā yoa mūhure masare ño payochū yoaja yuhū.

⁵ Ahri yahpa to jihto pano mūhū mehne yū jichū jipihtina yuhure ti ño payo mūhtariro seheta mipure yuhure ti ño payochū yoaga tjoa.

⁶ Ahri yahpai jijnare yuhure mu warinare mähure masichu yoahi. Mu warina mu yaina jira. Ä jicu tinare ware muhu yuhure. Ä jia mu dutiare yoare tina.

⁷⁻⁸ Yuhure mu yahurire tinare buhehi. Yu ä buhechu tahoä yu buheare cahmare tina. Ä jia potocäta mu cahai tariro yu jichu masina tina. Tuhsu, mu warocariro yu jichu “Potocä tjira”, ni tühotura tina. Ä yoa jipih-tia yu ya mu ya ti jichu masina tina.

⁹ Ti ya cjihtire mähure sini payoi nija. Paina ya cjihti sehere sini payoi nieraja yuhü. Yuhure mu warina mu yaina jira. Ä jicu ti ya cjihtire sini payoi nija mähure.

¹⁰ Tina jipih-tina mu yaina jira. Ä jia mu yaina sehe yu yaina jira. Yuhure wacü tuaa yu tuariro jiare masichu yoara tina masare.

¹¹ Mipure ahri yahparare tjuasi yuhü. Mu caharu wahai tai nija. Yu ä waha-pachuta mipure yuhure mu warina ahri yah-pare tjuaaäca. Mai, muhu noariro jira. Yuhure mu warinare mu tuaa mehne nu wih-bobasaga. Mu ä nu wihbochu mari cäirota mari jiro seheta tina cähu cü curuata jiahca.

¹² Tina mehne jicu mu tuaa mehne tinare noano nu wihbohi. Cäiro pinihta pichacapu waharohca mu yare ti joari tjui to yahuriro seheta.

¹³ Mipure mu cahai wahai tai nija. Ä jicu ahri yahpai ahri jipih-tiare yu yainare yahuja yuhü mehne ti noano wahchehto cjihtore.

¹⁴ Mu yare yahui tinare. Tina yu yoaro seheta ahri yahpai ji dojahtina jierara. Ä jia ahri yahpa macaina sehe tinare nu tuhtira.

¹⁵ “Ahri yahpai jijnare, yu yainare naaga”, nieraja. Ä nierapaihta tinare noano nu wih-boga “Watino ñaare yoa dutiri”, tinare nicu.

¹⁶ Ahri yahpa macariro jieraja. Tina cähu yu yoaro seheta ahri yahpai ji dojahtina jierara.

¹⁷ Yu yainare mu buhea mehne noaina wahachu yoaga tinare. Mu yahua sehe potocä tjira.

¹⁸ Ahri yahparare yuhure mu warocariro seheta yuhü sehe yu yaina cähure mu yare buhe duticü warocahi.

¹⁹ Mu cahmaare yoah-tiro cjihtore yari-ahtiro jicu yu pjacure waja. Ä waja yuhü yu yaina cähu mu cahmaare potocä ti noano yoah-ti cjihtire.

²⁰⁻²¹ “Yu yaina mipure jiina dihtare yoad-ohoga”, ni sini payoeraja yuhü. Yu yaina painare yu yare ti buheri baharo paina cähu yuhure wacü tuaaäca. Tina cähure yoad-ohoga, yu yaina jipih-tina cü curuai ti jhto cjihto sehe. Yuhü muhu mehne mari puaro jipanahta cäiro tjija. Mari cäirota mari jiro seheta tina cähu mari mehne cü curuaihta jijaro. Cü curuaita jijaro mu warocariro yu

jia-re jipih-tina masa “Potocä tjira” ti nihto sehe.

²² Yuhure mu masichu yoariro seheta yu yainare yu jia tiare masichu yoai. Tinare yu ä masichu yoachu cäirota mari jiro seheta tina cähu cü curuaita jiahca.

²³ Yuhü tina mehne jija. Tuhsu, muhu yuhü mehne jira. Mari ä jiina jichu yu yaina potocäta cü curuaita noano jiahca. Cü curuaita ti jichu ñua mu warocariro yu jia-re ahri yahpa macaina masiahca. Tuhsu, yuhure mu cahiro seheta yu yaina cähure mu cahiare masiahca masa.

²⁴ “Mai, ahri yahpa to ji dcahto pano yuhure cahia tire muhu. Ä cahicu yu masi pahñoriro, si siteriro yu jichu ñore muhu. Ä jicu yuhure mu warina yuhü mehne ti jichu cahmaja masi pahñoriro, si siteriro yu jichu ti masihti cjihtire.

²⁵ Mai, muhu noariro jira. Ahri yahpa macaina ñaina mähure masierara. Yuhü sehe mähure masija. Ä jia mu warocariro yu jichu masina yu yaina.

²⁶ Mähure tinare masichu yoai. Baharopu cähure mähure tinare masichu yoai-tja yuhure mu cahiro seheta painare ti cahih-ti cjihtire. Ä jicu yu yaina mehne jilhca —nire Jesu Cohamacure.

18

Jesure peresu yoaha

(Mt 26.47-56; Mr 14.43-50; Lc 22.47-53)

¹ To ä niri baharo Jesu sä cähu to buheina Cedrü wama tiri mare pahä, olivo wama tia yucuri ti toari wesepu säi.

² Payu tahari ti wesei, ti yucu docai sä Jesu mehne cahmachua tii. Ä jiro Juda Jesure nu tuhtinare ñohtiro ti wesere masire.

³ Ä masino puä curua surarare mu tä tare ti wesepu Jesure ñono taro. Cü curua surara waro jire. Pa curua surara Cohamacu wuhure cohtaina jire. Tina sacer-dotea puhtoä, fariseo curua macaina ti warocaina jire surara, Cohamacu wuhure cohtaina mehne. Ä taa sihäa pocare, sihäa yucuri cähure sihä tare. Ti wamoä cähure cjuare tina.

⁴ Ti wesepu ti wihiri baharo Jesu to ñano wahahtore masino, tinare piti boca, ö sehe ni siniture:

—¿Noare macana nijari musa? —nire Jesu.

⁵ —Jesu Nazare macaritore macaja sä —ni yuhtire tina.

—Tiro tjija yuhü —nire Jesu.

Juda sehe, Jesure ñaha dutiro ñoriro tina mehne jire.

⁶ Ä jia “Tiro tjija yuhü”, Jesu to nichuta tina sehe caaa waha, yahparu du siti muä bora caha sure.

⁷ Ti ä wahachu ñuno tinare pari turi ö sehe ni siniture Jesu:

—¿Noare macana nijari musa? —nire.

—Jesu Nazare macaritore macana nija sã —ni yuhtire tina tjoa.

⁸ —“Tiro tjija”, ni tuhsumahicu yuhu musare. Æ jina yuhure ñahana, ahrinare yuhu mehne macainare peresu yoena tjiga masa —nire Jesu.

⁹ Æ sãre cahino ne cãirore butichu yoaerare. Æ yoaro tó pano Cohamacure to niriro seheta yoaro nire tiro. “Yuhure mu warinare ne cãirore boerahi”, to niriro seheta yoaro nire Jesu.

¹⁰ Æ yoa Simo Pedro ñosari pjine cjuaro, tí pjine tuã we naroca, sacerdotea bui puhtoro cahamacano Malco wama tiriro cahmonore cjã pahrënocare. To potu buhusehe macari cahmonore cjã pahrënocare.

¹¹ Æ to cjã pahrëchu ñano Jesu tirore õ sehe nire:

—Mu ñosari pjine wihboga. Yu Pacu yuhure to ñano yuhdu dutiriro seheta ñano yuhduhtja yuhu —nire Jesu Pedrose.

Sacerdotea bui puhtoro cahapu Jesure naaha tina

(Mt 26.57-58; Mr 14.53-54; Lc 22.54)

¹² To Æ ni tuhsachuta surara, tí puhtoro mehne, Cohamacu wuhure cohtaina surara cãhu Jesure ñaha, tirore duhtere.

¹³ Duhte tuhsu Ana cahapu naa muhtare tina. Ana sehe Caifa marechuno jire. Caifa sehe tí cahmare sacerdotea bui puhtoro jire.

¹⁴ “Judio masa ya cjihtire cãiro masano yariachu noana”, niriro cjiro jire Caifa sehe.

“Jesure masieraja”, niha Pedro

(Mt 26.69-70; Mr 14.66-68; Lc 22.55-57)

¹⁵ Æ jina yuhu Simo Pedro mehne Jesure yoa cureropu ñu ñanu tii. Yuhu sehe sacerdotea bui puhtoro to ñu masiriro jicu Jesu baharo puhtoro wuhai jiri sahrinopu sãa waha.

¹⁶ Yu Æ sãachu Pedro sehe sahrino sopacai tjuarucu sure. Æ jicu majare wijaa ta, sopacare cohtaricorore sinitu ñui “Ahriro Pedro sãa ta masijari”, nicu. Yu Æ sinitu tuhsachu ticoro Pedrose sãa ta dutire. To sãa ta dutiri baharo yuhu Pedrose na sãa waha.

¹⁷ Yu Æ na sãachu ñano sopacare cohtaricoro sehe Pedrose õ sehe ni siniture:

—¿Jesu buheina mehne macariro jierajari muhu? —nire ticoro Pedrose.

—Jieraja yuhu —ni yuhtire Pedro sehe.

¹⁸ Sã suhto pano tó macaina cahamaca, surara mehne tí sohmahti pichacare wijã tuhsari jire. Yuhua nire. Æ jia tina tí pichaca duhtu cahai ducua, sohmaa nire. Tí Æ sohmachu ñano, Pedro cãhu waha, sohmare.

Sacerdotea puhtoro Jesure sinituha

(Mt 26.59-66; Mr 14.55-64; Lc 22.66-71)

¹⁹ Æ yoa sacerdotea bui puhtoro Jesu buherire, sãre to buheina cãhure sinitu ñari jire Jesure.

²⁰ To Æ sinituchu Jesu sehe õ sehe ni yuhtiri jire tirore:

—Jipihtinare buhecu ti panoi ducuhi. Æ buhecu judio masa mari buhea wuhusei Cohamacu wuhu cãhure Æ buherucuhi. Masa ñuenoi buherahi yuhu.

²¹ ¿Dohseacu yuhure sinitujari muhu? Sinitu duacu yu buheinare sinitu ñuga. Yu buherire tina masina —ni yuhtiri jire Jesu.

²² To Æ nichu tãhoro tó ducuriro surara sehe to wamomaca mehne Jesure cjãri jire.

—Æ nii tjiga sacerdotea bui puhtore —niri jire surara sehe Jesure.

²³ To Æ nichuta Jesu õ sehe niri jire:

—Ñano yu ni durucurire yahuga yuhure. ¿Potocãta musare yu yahupachuta, dohseacu yuhure cjãjari muhu? —niri jire Jesu surarare.

²⁴ Baharo Ana Jesure paina tí duhterirore Caifa sacerdotea bui puhtoro cahapu warocari jire.

“Jesure masieraja”, pari turi niha Pedro

(Mt 26.71-75; Mr 14.69-72; Lc 22.58-62)

²⁵ Æ yoa Simo Pedro pichaca duhtu cahai ducuro, sohmano nire. Æ to sohmarucuhu ñua, tó macaina tirore õ sehe ni siniture:

—¿Muhu cãhu Jesu buheina mehne macariro jierajari muhu? —nire tina Pedrose.

—Jieraja yuhu —ni yuhtire Pedro.

²⁶ Tuhsu, sacerdotea bui puhtoro cahamaca mehne macariro, Pedro to cahmono cjã pahrëiro coyeiro sehe Pedrose õ sehe ni siniture:

—¿Jesure tí ñahari wesei yu jichu muhu cãhu tiro mehne jierapahte? —ni siniture tiro Pedrose.

²⁷ —Yuhu tiro mehne jierahi —nire Pedro. To Æ nichuta caraca dure.

Jesure Pilato sinituha

(Mt 27.1-2, 11-14; Mr 15.1-5; Lc 23.1-5)

²⁸ Ñamiwacunu jichu Caifa ya wuhupu jirina Jesure naa wijaa, tí maca macaina puhtoro Pilato ya wuhupu naa wahare tina. Æ wahapahta to ya wuhupu sãaerare. Pascua dachori jichu tina tí bose numari macaare chuhtina jia õ sehe nire: “Judio masano jierara Pilato. To Æ jiriro jichu to ya wuhure sãana, mari dutiare yuhduhcana niboca. Æ jina mari sãachu marine bose numari macaa chure chu dutierahca”, nire tina. Æ nia puhtoro Pilato ya wuhure sãaerare Jesure naahrina sehe.

²⁹ Tí Æ sãa taerachu ñano Pilato tina cahapu, wuhu sopacapu sugucu sugo, tinare õ sehe ni siniture:

—¿Yaba buhirire ahrirore yahusā duajari mūsa? —nire Pilato tinare.

³⁰ —Ahriro to noariro jichu mūhare sã waeraboa. Ñariro jira tiro —ni yūhtire tina.

³¹ Ti ā nichu Pilato ō sehe nire:

—Musa sehe tirore naahga. Ā jina mūsa ya dutia ti niriro seheta tirore buhiri dahrega —nire Pilato tinare.

—Musa Roma macaina ya dutia sehe sãre masanore wajã dutierara —nire tina Pilatore.

³² Ā nia Jesure judio masa ti wajã duarire masichu yoaa nire. Jesu sehe crusapu to yariahtore tó pano to yahuriro seheta ā waharo nire.

³³ Ti ā ni durucuri baharo Pilato sehe wūhupu majare sãa, Jesure pjirocari jire. Pjiroca tuhsu, tirore ō sehe ni sinituri jire:

—¿Judio masa ti puhtoro tjijari mūhu? —ni sinituri jire Pilato.

³⁴ —¿Mu mū sarota ā sinitui nijari mūhu yūhare? ¿O paina sehe yūhare ti yahusāri baharo tīre sinitu ñujari mūhu? —niri jire Jesu Pilatore.

³⁵ —Judio masano jieraja yūhu. Mu ya yahpa macaina, sacerdotea puhtoa cūhu mūhare ware sãre. ¿Yabare ñano yoari mūhu ti ā buhiri dahre duachu? —niri jire Pilato.

³⁶ —Ahri yahpa macariro puhtoro jieraja yūhu. Ahri yahpa macariro puhtoro yu jichu yu buheina yūhare yoadohoboa. Judio masare yūhare ñaha dutieraboa. Yu puhtoro jia ahri yahpa macaa jierara —niri jire Jesu Pilatore.

³⁷ —¿Ā jicu puhtoro jijari mūhu ā nicu? —niri jire Pilato.

—Mu nino seheta puhtoro tjija. Masa ti puhtoro jihtiro cjihto masa bajuai yūhu. Ā jicu ahri yahpapu tai ti puhtoro jicu tacu, potocã jiare yahucu tacu. Jipihtina potocã jiare tuho duaina, yu yahuare tuhora —niri jire Jesu.

³⁸ —¿Yaba baro jijari potocã jia? Potocã jiare masihtio basioerara —niri jire Pilato.

*Judio masa Jesure wajã dutiha
(Mt 27.15-31; Mr 15.6-20; Lc 23.13-25)*

Ā ni tuhsu Pilato judio masa cahai majare tjua waha, tinare ō sehe ni yahure:

—Ahriro Jesure yaba buhiri mariahna.

³⁹ Cahmaripe pascua jichu cãiro peresui jirirore mūsa wio dutirucura. ¿Ā jicu ahriro Jesureta mūsa puhtoro cjihto mūsa wiobasabocari yūhu? —nire Pilato judio masare.

⁴⁰ To ā nichu tuhoa judio masa ō sehe ni sañurucure:

—Tirore wioi tjiga. Barrabã sehere sãre wiobasaga —ni sañurucure judio masa Pilatore.

Barraba sehe yaca bũcuro jire.

19

¹ Ti ā ni sañurucuri baharo Pilato Jesure tjana dutiri jire. To ā dutichu to mūa sehe tirore tjanari jire.

² Tjana tuhsu tina pota soro dahre tuhsu, Jesu dapu bui duhu payori jire. Duhu payo tuhsu, puhtoa ya suhti barore tirore sãa, payu tahari tiro cahacãi saruca, ō sehe ni bujuperi jire tina:

³ —Noano tagã, Judio masa puhtoro noano tagã —ni bujupere, Jesu wūhduahi cã mūjari jire.

⁴ Ā yoa pari turi Pilato judio masa cahapu waha, tinare ō sehe ni yahure:

—Tuhoaga mūsa. Ahrirore ñaa buhiri mariahna. Ā jicu tīre mūsa masihtio cjihtire mūsa cahai tirore na tai tai nihi —nire tiro.

⁵ To ā ni tuhsuchata Jesu pota soro pisariro, puhtoa ya suhti barore sãariro, wūhu jiriro wijaa tare. To ā wijaa tachu Pilato tinare ō sehe nire:

—Ñuga. Ahriro tjira tiro —nire Pilato.

⁶ To ā ni tuhsuchu tuhoa, sacerdotea puhtoa, Cohamacu wūhu cohtaina surara cãhu Jesure ñua, sañurucure:

—Crusapu cã puha wajãga tirore. Crusapu cã puha wajãga tirore —ni sañurucure tina.

—Tirore ne ñaa buhiri mariahna. Ā jina mūsa basita tirore naaga. Ā jina musata tirore crusapu cã puha wajãga —nire Pilato tinare.

⁷ —Tiro to basi “Cohamacu macano jija”, nia tīre. Tīre to ā nichu sã dutia sehe tirore wajã dutira —nire tina Pilatore.

⁸ Ti ā nichu tuhoro tó pano to cuiriro yuhdoro cuia wahare Pilato sehe.

⁹ Ā jiro pari turi to wūhupere majare sãa, Jesure ō sehe ni sinituri jire tjoa:

—¿Noho macariro jijari mūhu? —niri jire Pilato Jesure.

To ā ni sinitupachata Jesu tirore yuhtierari jire.

¹⁰ To ā yuhtierachu ñano Pilato tirore ō sehe ni sinitu namori jire:

—¿Yūhare yuhtierajari mūhu? Yūhu mūhare peresui jirirore wio masija. Ā yoa mūhare crusapu cã puha wajã duti masija yūhu. ¿Tīre masierajari mūhu? —niri jire Pilato Jesure.

¹¹ —Cohamacu mūhare to dutierachu yūhare ñano yoape dutieraboa mūhu. Yūhare ñu tuhtiinare ñoriro sehe mu yuhdoro ñano buhiri tira —niri jire Jesu Pilatore.

¹² To ā nichu tuhoro Pilato sehe tirore wio duari jimare. To ā wio duapachata pari turi judio masa ō sehe ni sañurucure:

—Jesu “Puhtoro jija” nino, mari jipihtina bui puhtoro jirirore Roma macarirore ñu tuhtiriro jira tiro. Ā jicu tirore wioca mūhu

cāhū mari bui puhtoro jirirore nū tuhtiriro jiihca —ni sañurucure judio masa Pilatore.

¹³ Tí ā nichū tuhoro Jesure wāhūi jirirore na wijaa ta, buhiri dahre dutiro taro to dujiri pahtai nuju sare Pilato sehe. Tó to buhiri dahre dutiri wapa, tāa mehne ti yoari wapa judio masa sā ya mehne Gabatā wama tire.

¹⁴ Tí dacho pascua dacho bose nūmū sā chūhti cjihtire sā cahnori dacho jire. Tí pjare cohari pja waro jire. Nuju sū tuhsū Pilato masare ō sehe ni yahure:

—Ahiro tjira mūsa puhtoro —nire tiro.

¹⁵ Tó ā nichū tuhoa judio masa ō sehe ni sañurucure:

—Yariajaro tiro. Yariajaro tiro. Crusapū cĵā puha wajāga tirore —ni sañurucure tina.

—¿Mūsa puhtoro to jipachūta tirore crusapū cĵā puha wajā dutijari mūsa? —nire Pilato.

To ā nichū tuhoa ō sehe ni yūhtire sacerdotea puhtoa:

—Mari jipihitina bui puhtoro Roma macarirota sā puhtoro jira. Pairo puhtoro sare mariahna —ni yūhtire sacerdotea puhtoa.

¹⁶ Tí ā ni durucuri baharo Pilato Jesure crusapū cĵā puha wajā dutiro, tirore ware tinare, tirore wajāhtinare.

Jesure cĵā puha wajāha tina

(Mt 27.32-44; Mr 15.21-32; Lc 23.26-43)

¹⁷ Ā jia tina Jesure naa wijaaare. Tí naa wijaačū Jesu sehe to crusare to basi waa naa, dapu cohā wama tirore sare. Sā judio masa ya mehne dapu cohā Gólgota wama tire.

¹⁸ Tóru sūa tina Jesure cĵā puha ōre. Tuhsū, paina puarore cāiro to poto buhusehei, pairo to cō buhusehei cĵā puha dapore tina. Ā jiro Jesu ti dacho macai jire.

¹⁹ Tí cĵā puha tuhsūčū, Pilato taboa pĵīne joa, Jesure ti cĵā puha ōri crusai cĵā puha ō dutire tí pĵīne. Ō sehe ni joare tiro: “Ahiro Jesu Nazare macariro, judio masa bui puhtoro jira”, ni joare Pilato tí pĵīne.

²⁰ Tí pĵīne joaro judio masa ya dūsero mehne, Roma macaina ya dūsero mehne, griego masa ya dūsero mehne joare tiro. Ā yoa Jesure crusapū ti cĵā puha daporiro maca cahacāi jire. Tó cahacāi jiina payū judio masa Pilato joarire nū, buhere.

²¹ Ā buhe tuhsū judio masa sā sacerdotea puhtoa ō sehe nire Pilato:

—“Ahiro judio masa puhtoro jira”, ni joai tjiga. Sā puhtoro jierara ahiro. Ā jicu ō sehe ni joa cahnoga mūhū. “Ahiro ‘Judio masa puhtoro jija’, ni cāirota to basita ā ni tuhoturiro jira”, ni joa cahnoga —nire sacerdotea puhtoa.

²² —Yū joa muhtariro seheta jirohca —nire Pilato tinare.

²³ Jesure ti cĵā puhari baharo pititiro surara sehe Jesu suhtire ti basi witire. Tí ā witi duapachūta cā suhtirota yoari suhtiro dohori marieni suhtiro jire. Tí suhtiro suhari suhtiro jire.

²⁴ Tí suhtiro to ā jichū ō sehe nire tina ti basi:

—Ahiro suhtirore tuhrēna tĵijihna. Ahiro suhtirore nahtiro cjihtore masi duana, docepejihna mari —nire tina ti basi.

Ā docepea, Cohamacū yare ti joari tĵui ti ni joariro seheta yoa nire tina. “Yū suhtire tina ti basi witire. Ā jia yū suhtire nahtiro cjihtore masi duaa, docepere tina”, ni joa tiha Cohamacū yare ti joari tĵui. To ā ni joariro seheta ā yoa nire tina.

²⁵ Surara ti ā yoachū Jesu pocoro, Jesu mūono, María Cleofa namono, María Magdalena mehne Jesu crusa cahacāi nūrucure tina.

²⁶ Ā jiro to pocoro yūhū to cahīriro cāhū to cahacāi sā ducuchū nūano to pocoro ō sehe ni yahure Jesu:

—Mipure ahiro mū macū cĵihto jira —nire Jesu to pocoro.

²⁷ Ā ni tuhsū, yūhūre ō sehe ni yahure tiro: —Mipure ahiro mū poco cĵihto jira —nire Jesu yūhūre.

To ā niri baharo Jesu pocoro yū ya wāhūpū ji dutii.

Jesu yariaa wahaha

(Mt 27.45-56; Mr 15.33-41; Lc 23.44-49)

²⁸ To ā ni yahuri baharo ō sehe ni tuhotu masiri jire Jesu: “Jipihitā Cohamacū yūhūre dahra dutiro to cūrire yoa pahñohi”, ni tuhotu masiri jire Jesu. Ā masino Cohamacū yare ti joari tĵui to ni yahuriro seheta ō sehe nire Jesu:

—Nāhma yapioca yūhūre —nire Jesu.

²⁹ Ā yoa tó vino suēa core posa tiri situ dujire. Ā jiro tó jiro wihmi nari suhtere suēa co mehne ti sohari suhtere yucūca hisopo wama tidū sohtoai duhte ōre. Duhte ō tuhsū, Jesu dūseroi siō mūo, siō ōre.

³⁰ Tí core Jesu wihmi tuhsū ō sehe nire:

—Tó puro tjica —nīnota to dapure muhrirūca, yoja sū, yariaa wahare.

Surara Jesu patipahma batoi nōsaha nōsadū mehne

³¹ Tí dacho pascua bose nūmū pano jire. Tí bose nūmū macaare sā chūhti cjihtire sā cahnori nūmū jire. Ā jia pa dacho Sabado jichū ti bose nūmū jichū crusaripū ti wajārinare cū duaarere judio masa. Tí dacho Cohamacū ti nō payori dacho bose nūmū jire. Ā jia tí dachoi ti cĵā puharina cĵirire crusapū ti jichū cahmaerare tina. Ā jia ti cĵā puharina cĵirire ti nūchua cohārine cĵā nuha dutia taa judio masa siniha Pilatore, ti yaria mūrocahto cĵihto sehe. Tí

ã yoari baharo ti pjacuri cjirire na boro bahrañoa taa nire.

³² Ti ã dutichu surara sehe crusari cahapu su, cãiro yacariro cjiro ñuchua cohãrine cjã nuhare. Pairo cãhure ãta yoare tina.

³³ Æ jia Jesu ñuchua cohãrine cjã nuha tamaa, to yariariro jichu ñua, cjã nuhaerare.

³⁴ Æ cjã nuhaeraa cãiro surara to patipahma batoi ñosadu mehne ñosare. To ã ñosachu dóihita to di, co mehne wijaare.

³⁵ To ã wahachu ñui yuhu. Yuhu ahri tjure joariro musare potocã yahuja. Potocã yu yahua jichu masija yuhu. Musare yahuja masa cãhu Jesure musa wacu tuahto sehe.

³⁶ Cohamacu yare ti joari tju to niriro seheta ã wahare: “To cohãrine ne cã cohãre cjã nuhaerare”, to ni joariro seheta Jesu ñuchua cohãrine ne cã cohãre cjã nuhaerare.

³⁷ Æ yoa pa tju Cohamacu yare ti joari tjui õ sehe nina: “Tirore ti ñosariro cjirore ñuahca tina”, ni joa tiha Cohamacu yare ti joari tjui.

*Jesu pjacure masa copapu cãha
(Mt 27.57-61; Mr 15.42-47; Lc 23.50-56)*

³⁸ To yariari baharo José Arimatea macariro Jesu pjacu cjirore na bororo taro, Pilatore siniri jire. José sehe paina judio masare cuiro, Jesure wacu tuariro to jiare yahu duaerari jire. To pjacu cjirore to siniri baharo Pilato sehe to pjacure naa dutiri jire. To ã na dutichu José crusa chahi su, Jesu pjacu cjirore naa wahari jire.

³⁹ Nicodemo cãhu me sitiare yucucu di pohca mehne dahra moreare na tari jire. Jesu pjacu cjirore masa copapu ti siõ sãahto pano ti cahnohti jiri jire ti me sitia. Ti na tari cjiri treinta kilo ñucuri jire. Nicodemo sohõ jiri pja Jesu mehne to coã durucuri pja ñamipru Jesu chahi sariro jiri jire.

⁴⁰ Æ jia tina puaro Jesu pjacu cjirore naa, judio masa sã yariainare sã yoarucuriro seheta to pjacu cjirore me sitia mehne suhtiro cahsaro mehne wahmari jire.

⁴¹ Crusapu Jesure ti wajãno chahi wese jire. Ti wesepu masa copa tãcapu wahma ti sahari copa jire. Ti copai ne yariariro cjirore siõ sãaerasinire.

⁴² Pascua dacho bose numui judio masa sã bose numui sã chuhti cjihtire sã cahnoridacho jire. To ã jiri dacho jichu ti copa cahacã ti crusa jichu, tõi siõ sãari jire tina Jesu pjacu cjirore.

20

*Jesu masa wijaaha
(Mt 28.1-10; Mr 16.1-8; Lc 24.1-12)*

¹ Domingo ñami curero jichu, bohreahto panocã María Magdalena Jesu masa copapu

sari jire. Tõpu saro ti copare ti tju bihari tãcare ti pjõo cãria tãcare ñari jire ticoro.

² Æ ñuricoro jiro sã cahapu murocaa tare ticoro. Simo Pedro mehne yuhu sã puaro jii. Wihi, õ sehe ni yahure sãre ticoro:

—Mari puhtoro pjacu cjirore naanocari jihre. Æ jina tiro cjirore ti cãrre mari masieraja —nire ticoro sãre.

³ To ã nichu tuhona, Pedro mehne masa copapu ñuna wahai sã.

⁴ Æ ñuna wahana sã puaro muroca wahcãi. Æ murocana, yuhu Pedore muroca yuhdu wahcãcu masa copapu su muhtai.

⁵ Tõpu sucu muhri caha ñuroca sõi ti copapure. Muhri caha ñuroca sõcu tirore ti wahmari suhtiro cjiro dihtare ñui. Æ jii ti copare sãaerahi.

⁶ Yu ã ñuri baharopu Simo Pedro yu baharo wihire. Wihi, masa copapu sãa, to pjacu cjirore ti wahmari suhtiro cjirore ñare tiro.

⁷ Jesu dapure ti wahmari cahsaro cãhure ñare tjoa. Ti cahsaro soro coãno to turëri cahsaro jire.

⁸ Æ jicu yuhu cãhu masa copapu su muhtariro ti copapu sãai. Jesure to ã mariachu ñuchu “Potocãta Jesu masa wijaari jira”, ni tuhutui yuhu.

⁹ Ti copapu sã wahahto pano Cohamacu yare ti joari tjui Cristo to yariahtore yahurire, to masa wijaahore yahuri cãhure sã noano tuho ñahaerasinimai. Ti copare yu ñari baharo, “Potocãta Jesu masa wijaari jira”, ni tuhutui yuhu.

¹⁰ Æ ñu tuhsuna sã wuhusepu tjuaa wahai.

*Jesu María Magdalenare bajuaha
(Mr 16.9-11)*

¹¹ Æ yoa masa copapu María majare tjua ta ti copa sopacapu wihi, ducuro, tiiro niri jire. Æ tiaparota ticoro muhri caha ñuroca sõri jire masa copapure.

¹² Æ ñuroca sõno puaro anjoare, yehsea suhti tiinare Jesu cjiro to coãriro cjiropu ti dujichu ñari jire ticoro. Cãiro to dapu coãriro cjiroi dujiri jire. Pairo to dahpori coãriro cjiroi dujiri jire.

¹³ Tinare to ñuchu tina sehe ticorore õ sehe ni sinituri jire:

—Numino, ¿dohse jiro baro tiico nijari muhu? —niri jire tina.

—Yu puhtoro pjacu cjirore naanocari jihre. Æ jico to pjacu cjirore ti cãrre masieraja yuhu —niri jire ticoro.

¹⁴ Æ ni tuhsu, majarencu sumahno Jesure tõi ducurire ñari jire ticoro. Æ ñaparota Jesure ñu masierari jire ticoro.

¹⁵ —Numino, ¿dohse jiro baro tiico nijari muhu? ¿Noare macaco nijari? —niri jire Jesu ticorore.

“Ahriri ahri wesere ña wihboriro jira”, ni tūhotumari jire ticoro Jesure. Ā ni tūhoturo, ō sehe niri jire ticoro:

–Mūhuta to pjacu cjirore naariro jicu to pjacure mu cūriore yahuga yūhare. Mū yahuri baharo to pjacu cjirore naaco wahacōhtja –niri jire ticoro tirore.

¹⁶ To ā niri baharo Jesu ō sehe niri jire:

–María –niri jire.

To ā ni pisuchū tūhoro majare ñuroca, ticoro hebreo ya mehne sā judio masa ya mehne ō sehe niri jire:

–Raboni –niri jire ticoro Jesure. (Raboni nino “Buheriro”, nino nina.)

¹⁷ –Yū Pycū cahapū mūjaerasinija yūhu. Yū ā mūjaerasinichū yūhare ñahaeco tjiga. Tuhsū, paina yū yaina cahapū wahaga. Ti cahapū sūco ō sehe ni yahuga tinare: “Yū Pycū cahapū wahai tai nija. Mūsa Pycū cūhū jira tiro. Yū yairo Cohamacū cahapū wahai tai nija. Mūsa yairo Cohamacū cūhū jira tiro”, nihre Jesu”, ni yahuga tinare –niri jire Jesu Mariare.

¹⁸ To ā niri baharo María Magdalena sā Jesu buheina cahapū wihi, yahure sāre:

–Mari pūhtoro ñūhi yūhu –ni, Jesu ticoro to yahu dutirire yahure sāre ticoro.

Jesu to buheinare bajuaha

(Mt 28.16-20; Mr 16.14-18; Lc 24.36-49)

¹⁹ Ti dacho domingoi ñamichahai sā Jesu buheina sā coyea judio masare cuina, wūhūpū biha sāa, dujii sā. Sā ā dujichū Jesu sā watoi bajuaruca sūro, sāre ō sehe nire:

–Ĵimajari mūsa? Noano jiga mūsa –nire.

²⁰ Ā ni tuhsū, to wamomacarine, to patipahma bato cūhare sāre ñore. Ā jina sā tirore sā pūhtoro ñūna, wahchei.

²¹ Pari turi Jesu sāre ō sehe nire:

–Noano jiga mūsa. Yū Pycū yūhare to warocariro seheta, mūsa cūhare yū ya buheare buhehtinare warocaja –nire Jesu sāre.

²² Ā ni tuhsū tiro sāre puti sāare. Ā puti sāano Espiritu Santo sāre to sāarucu sū mūa wahahtore ñono nire sāre. Ño tuhsū ō sehe nire:

–Mipū Espiritu Santore ñahaga mūsa, mūsa mehne jihtirore.

²³ Paina ti ñaa yoirire mūsa bochu, āta jiahca. Ā jia paina ti ñaa yoirire mūsa boerachū ti bori jisi –nire Jesu sāre to buheinare.

Jesure masa wijaarirore Toma ñūha

²⁴ Jesu sā watoi to bajuachū Toma sūhdūariro ti ni pisuriro sā mehne mariahre.

²⁵ To ā mariachū sā mehne macaina tirore yahumare:

–Mari pūhtoro sā ñūhi –ni yahumai sā Tomare.

Sā ā ni yahupachuta ō sehe nire Toma:

–To wamomacarine ti cĵā puhaa coparire ñūeracu ti coparire yū wamo pica mehne be ñūeracu, “Potocāta masa wijaari jira”, nisi yūhu. Ā yoa to patipahma batoi jiri copare yū wamomaca mehne siō sōeracu, “Potocāta masa wijaari jira”, nisi yūhu tirore –nire Toma.

²⁶ Ocho dachori baharo pari turi sā to buheina sā wūhūpū jii. Ti pjare Toma sā mehne jire jūna. Ti wūhū bihari wūhū jire. Bihari wūhū to jipachuta Jesu wūhūpū sāa taro, sā watoi bajuaruca sūro ō sehe nire:

–Ĵimajari mūsa? Noano jiga –nire.

²⁷ Ā ni tuhsū, tiro Tomare ō sehe ni yahure:

–Ñūga yū wamomacarine. Ā yoa mū wamo pica mehne yū wamomacarine ti cĵā puhaa coparire be ñūga. Tuhsū, mū wamomaca mehne yū patipahma batoi jiri copare siō sō ñūga. “Potocā jierara”, nii tjiga. “Potocā tjira”, niga mūhu, –nire Jesu Tomare.

²⁸ To ā niri baharo Toma ō sehe ni yūhtire:

–Mūhū yū pūhtoro jira. Mūhū yū yairo Cohamacū jira –nire Toma Jesure jūna.

²⁹ –Yūhūre mū ñūri baharo yūhare wacū tuara mūhu. Paina sehe yūhare ñūerapahta yūhare wacū tuaahca. Ā jia tina mū yūhdoro wahcheahca –nire Jesu Tomare.

Jesure masa ti masihtu cjihtire ahri tjure joaha Joāo

³⁰ Ā yoa payū paye cūhare Cohamacū to tuaa mehne yoa ñore Jesu sā mehne jiro. Tīre to yoirire ahri tju jia pahñōerati yūhu.

³¹ Ā jia pahñōerapahta ahri tju jū yū yahure joahi “Jesuta Cristo Cohamacū to warocariro jira. Tiro potocāta Cohamacū macūno jira”, mūsa ni masihtu cjihtire. Ā jina mūsa tirore wacū tuaina Cohamacū mehne mūsa ā jirucuhti cjihtire joahi ahri tjure.

21

Jesu sietu to buheinare bajuaha

¹ Baharo Tiberia wama tiri bucūpariro dūhtu cahai sāre to buheinare Jesu pari turi bajuare tjoa. Sāre bajuaro ō sehe yoare tiro tjoa.

² Simo Pedro, Toma sūhdūariro ti niri, Natanae Galilea yahpai jiri maca Caná wama tiri maca macariro, Zebedeo pohna sā pūaro, paina pūaro buheina sā ōpeinata cahmachū.

³ Sā ā cahmachuri baharo Simo Pedro sāre ō sehe nire:

–Wahi wājāi wahai nija –nire tiro.

–Sā cūhū mūhū mehne wahanahhtja –nii sā tirore.

Ā ni tuhsū buhaa wahai. Ā jina dohoria mehne wahai. Wiho mejeta ti ñamine sā

noano maca bohreapanahta ne cāiro wahi wajāerahi.

⁴ Bohrea parī cahachū Jesu paduroi to ducuchū tirore ñumai sã. Ā ñupanahta tirore “Jesu jira”, ni ñu masierahi sã.

⁵ Ā jiro sãre tiro ò sehe ni siniture:

—¿Ne, wahi wajāri musa? —nire Jesu.

—Ne wajāeraputiati sã —ni yuhtii sã.

⁶ —Dohoria poto buhusehe sehe doca ñoga. Tie sehe doca ñona wahi wajānahca musa —nire sãre.

To ā nichū tūhona sã to niriroihtā doca ñoi. Sã doca ño tuhsuchū payū wahi sãare. Payū wahi sãachū wañunore dohoriapū waja sãana bihoerahi sã.

⁷ Ā jicu yuhū Jesu cahīriro Pedrore ò sehe ni yahui:

—Mari puhtorota jira siro paduroi ducuriro —nii Pedrore.

Yū ā nichū tūhoro Jesuta to jichū masino, Simo Pedro to suhtirore sãare. Wahi wajāno taro to suhtirore tjuweriro jisinare. To suhtirore sãa tuhsū, diapū pjuroca ñojare.

⁸ Sã paina buheina dohoriāi jina, cien metro yoaro diapūre pahsai sã. Ā jina wañunore wahi payū sãadure dohoria mehne waja ñujai sã.

⁹ Dūhtū cahai wahã sūna pichaca niti dhta si cōāri pichaca bui Jesu to puhō cūrirore wahire ñui sã. Pão cāhure ñui sã.

¹⁰ Sã ā ñuchū ñuno Jesu sãre ò sehe nire:

—Michapucacā musa wajārinare mahainacā na tahga —nire sãre.

¹¹ To ā nichū Simo Pedro sehe Jesu mehne jiriro dohoriapū samu, wañunore, bujūina wahi ciento cincuenta y tres wahi sãadure waja majare. Payū wahi sãapahta wañunore tūhrērare.

¹² —Chūsinina taga —nire Jesu sãre.

“¿Noa baro jijari muhū?” ni sinitu ñuerahi sã tirore. Sã puhtoro to jichū masii sã.

¹³ Ā yoa Jesu pichaca cahapū saro, pãore na, sãre witire. Wahi cāhure witire.

¹⁴ Ā jiro Jesu to masa wijaari baharo paduroi bajuaro tia taha sãre to buheinare bajuaro nire.

Jesu Simo Pedro mehne saħuduha

¹⁵ Sã chūri baharo Jesu Simo Pedrore ò sehe ni siniture:

—Simo Jona macano, ¿ahrinare mū cahīriro yahdoro yuhure cahījari muhū? —nire Simo Pedrore.

—Puhtoro, muhure cahīja yuhū. Muhure yū cahīchū masina muhū —ni yuhtire Simo Pedro.

—Ā jicu ovejacāre ti nuriro seheta yū yainare buhega muhū —nire Jesu.

¹⁶ Ā ni tuhsū pari turi tiro Simo Pedrore ò sehe ni siniture:

—Simo Jona macano, ¿yuhure cahījari muhū? —nire Jesu.

—Puhtoro, muhure cahīja yuhū. Muhure yū cahīchū masina muhū —ni yuhtire Simo Pedro.

—Ovejare ñu wihboriro ovejare to noano ñu wihboriro seheta, yū yainare noano buhe ñu wihboga —nire Jesu Pedrore.

¹⁷ Ā ni tuhsū pari turi tiro Simo Pedrore ò sehe ni siniture:

—Simo Jona macano, ¿potocāta yuhure cahījari muhū? —nire Jesu tjoa.

Tia taha ā ni to sinituchū tūhoro Simo Pedro tuaro cahyare.

—Puhtoro, muhū masi pahñona. Muhure yū cahīchū masina muhū —ni yuhtire Simo Pedro.

—Ovejare ti nuriro seheta yū yainare buhega muhū.

¹⁸ Potocā muhure niita nija. Muhū wahmūno jicu mū suhtire sãa, mū cahmarioropū tinia tiri jire muhū. Ā jiricu mū jipachūta baharo mū bucuro jichū, mū wamomacarine mū siōrocachū paio muhure suhtire sãanohca. Tuhsū, mū waha duaeraporū muhure naanohca —nire Jesu Simo Pedrore.

¹⁹ Ā nino Simo Pedrore dohse waha to yariatore yahuro nire. Ā jiro Simo Pedro yariaro Cohamacure “Noariro, masi pahñoriro jira”, masa ti nichū to yoahtore yahuro nire Jesu. Ā Pedro mehne saħudu tuhsuro ò sehe ni namore Jesu tirore:

—Quihōno yū buheriro seheta yoaga muhū —nire Jesu Pedrore.

Jesu to cahīriro buheriro ahri tjure joariro jira

²⁰ To ā nichūta Pedro sehe majare ñuroca, yuhure Joāore Jesu to cahīriro buherirore tinare yū ñunu tichū ñuno Pedro Jesure siniture. Yuhū sehe to ñuriro tó pano ò sehe niriro jii: “Puhtoro, ¿muhure ñu tuhtinare ñohtiro sehe diro baro jicari tiro?” ni, Jesure sinitu ñuriro jii yuhū. Tí piare Jesu to pari wahpa chū dujii yuhū sehe.

²¹ Ā jiro yuhure ñuno Pedro Jesure ò sehe ni siniture:

—Puhtoro, ¿ahrino sehe dohse waharohcari? —ni siniture.

²² —Tire muhure yahueraja. Ahri yahpapū yū tjua tahto pano ahriroro jirucuchū yū yoachū tire masierara muhū. Ā jicu muhure yahueraja. Quihōno yū buheriro seheta yoaga muhū —nire Jesu Pedrore.

²³ Tire to yahurire jiphtina Jesu yaina ti basi yahu sitemare. Tire yahu sitea ò sehe nimare tina sehe: “Jesu to cahīriro buheriro yariasi”, ni yahu sitemare yuhure Jesu yaina ti basi. Tí ā nipachūta “Tiro yariasi”, nino nierari jimare Jesu. “Ahri yahpapū yū tjua tahto pano ahriroro jirucuchū yū yoachū tire

masierara mañu. Ñ jicu mañure yahueraja”, nire Jesu Pedrore.

²⁴ Jesu buheriro ahrire yahuriro, ahri tjure joariro jija yuñu. Ñ jina ahri yu yahua quihõno jichu masija mari.

²⁵ Payu paye cãhure Jesu yoare. To yoarire mari joa pahñochu tí tjuri joaa tjuri payubia wahaboa. Ñ jia tí tjurire mari wihbochu mu sneraboa ahri yahpa. Wahpaa yãdũa wahaboa, yu tahotuchu. Tó puro tjira.

Hechos

“Espíritu Santo tarohca”, niha ahri tjure joariro

1-2 Teofilo, ahri quitire mahure joarocai nija. Pano yu joa muhtari püre Jesu to yoaare, to buheare mahure yahu tuhsai. Pu manopu to mujarire yahu batoai. To mujahito pano Jesu Espiritu Santo mehne dutiha to bese cürinare.

3 Ä yoa Jesu crusapu to yariari baharo payu tahari pjacu tiriro bajua mujaha to cürinare, tina “Potocäta tiro catira”, ti ni masihto sehe. Cuarenta dachori waro tiro bajua mujaha tinare. Ä bajuaro tiro to basi to catiriro jiare ñono niha tinare. Ä bajuaro puhtoro Cohamacu to suho jiare yahuha tinare.

4 Jesu to cürina mehne jisninino tinare ö sehe ni yahuha:

—Jerusalëita jisniga mipure. “Espiritu Santore masare warocaihtja”, yu Pacu to nirirore cohtasiniga. Türe to nirire masare yahui yahu.

5 João masare bautisaro co mehne yoamare. Yuhu sehe ti yuhdoro yoaihtja masare. Maha dachoricä baharo yuhu sehe Espiritu Santore masa mehne jirucuchu yoaihtja masare —niha Jesu.

Jesu manopu mujaa wahaha

6 Ä yoa tina täcu Olivo wama tidapu Jesu mehne cahmachuina sehe ö sehe ni sinitu ñuha tireore:

—Puhtoro, ç mipure säre Israe yahpare pari turi cü, mari coyea warore puhto söihcari mähü? —ni sinitu ñuha to yaina.

7 Ti ä nichu tuhoro Jesu ö sehe niha:

—Musa puhto sähti pjare yahu quihöriro, ä wahachu yoariro yu Pacu dihta jira. Musa sehere türe ne masihto basioerara.

8 Wiho mejeta masare Espiritu Santo to wihichu Cohamacu ya masiare cjuanahca masa. Ti masiare masa cjuana Jerusalë macainare, jipihtina Judea yahpa macainare, Samaria yahpa macainare, ä yoa jipihtina ahri dacho mu saro macainare noaa buheare buhenahca masa. Yu yariarire, yu masa mujarire tinare buhenahca masa —ni yahuha Jesu tinare.

9 To ä ni tuhsari baharota, Cohamacu Jesure manopu mujachu yoaha juna. Tina tireore ti ñu nünü muochata me curua watoru säa, buti mujaa wahaha.

10 To ä buti mujari baharota tina Jesu to mujarirore ti ñu muono watoi puaro anjoa yehsea suhti tiina Jesu to cürina watoi bajuacü suha.

11 Ä bajuacü su, tinare ö sehe niha:

—Musa Galilea macaina, çdohse jiro baro ñu muorucuna nijari masa? Ahriro Jesu, masa mehne jiro cjirota, Cohamacu manopu to mujachu yoarirota, mipure to mujachu masa ñuriro seheta, pari turi duji tarohca tjoa —ni yahuha anjoa tinare.

Jesu to cürina Juda cjirore cohtotahtirore beseha

12 Ä yoa Jesu yaina täcu Olivo wama tidapu jiina duji taa, Jerusalëpu tju suha. Tu täcu cü kilómetro bui curero yoaro jira Jerusalë daktu cahapure.

13 Tju su, tina manopu ti jiri tahtiapu mujaa wahaha. Ahrina jiha: Pedro, João, Santiago, Andre, Felipe, Toma, Bartolomé, Mateo, Santiago, Simo, Juda jiha. Santiago sehe Alfeo macano jiha. Simo sehe cananista wama tiri curua macariro jimaha. Juda sehe Santiago macano jiha.

14 Payu tahari ahri jipihtina, to cürina, ä jichu numia, Maria Jesu pocoro, ä yoa Jesu bahana mehne cähu noano cahmachu, Cohamacure ä sinirucua tiha.

15 Ä yoa ti dachorire masa payu cahmachuha. Ciento y veinte jia jiboa. Ä jiro Pedro sehe tiro mehne macaina Cristo yaina watoi ducu, ö sehe ni yahuha tinare:

16 —Yu coyea, Cohamacu panopu to niriro seheta ä waharo nihre. Türe Espiritu Santo Davi cjirore yahu dutiha Juda cjirore. Juda cjiro Jesure ñahhtinare ñoriro jihre.

17 Ä yoahitiro jiparota mari mehne Jesu yare yoariro jimahre. Ä jiro sä mehne macarirota jimahre —niha Pedro.

18 Juda cjiro sehe Jesure ño dutia ti waparire to wiari baharo to basita wajä yariaha. Ä yoaro boraa waha, to tu misida tuhna waha, yariaa wahaha. To wiari cjiro mehne paina mahanocä yahpare nuchuha.

19 Jipihtina Jerusalë macaina masi phtinocari jire Juda cjiro to ñano yoarire. Ä masia ti ya dusero mehne to niñero mehne ti nuchari yahpa cjirore Acéldama wamoari jire. Acéldama nia, “Di yahpa”, nia nina.

20 Baharo ö sehe ni namoha Pedro:

—Panopu to joariro seheta ä wahahre Juda cjiro. Salmo to joari tjui ö sehe ni joa tiha:

“Tiro to jiri wahu masa marieni wahu tjuarohca.

Ne noa jisi ti wahare”,

ni joaa tiha. Ö cahure ö sehe ni joaa tiha:

“Pairo to dahraa cjirire cohtotariro jirohca”,

ni joaa tiha Salmopu.

21-22 Ä jina mari cüiro besejihna. João masare bautisariro cjiro masare to buhero watoi cäina Jesu yaina mari mehne wahare. Tina mehne macarirore cüiro bese

nano cahmana mari mehne macariro cjihto. Jesu mehne mari jichu mari mehne ā jirucurore besero cahmana. Ā mari beseri baharo Jesu to masa mujarire mari mehne buherohca –ni yahuha Pedro to coyare Cristo yainare.

²³ To ā nichu tuhōa p̄arore bese dapoha tina. Cāiro José Justo wama tiriore beseha. Tiro Barsaba ti ni pisuriro jiha. Bese tuhsu, paire Matia wama tiriore beseha.

²⁴⁻²⁵ Tinare bese dapō tuhsu, tina Cohamacu e sehe ni siniha:

–Muhu sā puhtoro jipihtina masa ti tuhōtare masina. Ahrina puaro sā beseina jira. Juda cjirore cohtotahtirore diro mu cahmarirore besega. Jesure cohātjiāhno Juda cjirore sehe pichacaru wahaha. Tirore cohtotahtiro Jesu to cūriro jirohca. Ā jiro sā mehne noaa buheare buherohca –ni siniha tina Cohamacu e.

²⁶ Ā niata taa mehne doca mujaha besea taa. Matia yaro to noano quihōno wijachu, tiro sehe Jesu to cūrina once cūrina mehne macariro tjuaha.

2

Espiritu Santo Jesu yaina mehne ji ducaha

¹ Ā yoa Pentecoste wama tiri dacho jichu tina jipihtina cā wāhūi cahmachuha.

² Tí pjareta wihnono to tuaro taro sehetā muanoru bisiro coa taha. To ā bisiro coa tachū tuhōha jipihtina tí wāhūru jiina.

³ Ā yoa picha pohna yoaro sehe jia tina jipihtina dapu poca bui bajuaha. Tí picha pohnaricā nahmanoricā yoaro sehe bajuha.

⁴ Ā yoa Espiritu Santo tinapure sāarucu sua wahaha. Tinapure to sāarucu sua wahachu, paina ya durucua to durucuchū yoaa mehne tina sehe paina ya durucua noano durucua.

⁵ Tí dachorire Jerusalēru payu judio masa, cā curua macaina masa jipahta, paró paye yahpari macaina jiha. Cohamacu e no payoina jiha.

⁶ Ā yoa muanoru coa tachū tuhōa tina Jesu buheina caharu payu cahmachu wahcāha. Cahmachuina masape ya durucua Jesu buheina ti durucu pahūochū tuhōa, tina tuhō caaa wahaha.

⁷⁻⁸ –Cuenah. Ā Dohse yoaa ahrina Galilea macaina jipahta mari ya durucua noano durucujari? Tina mari ya yahparu taina yoaro sehetā durucua nina –niha tina sehe.

⁹⁻¹⁰ –Jipihtina mari durucua mire durucua nina: Ōpe yahpari macaina mari ōre cahmachuina jija: Partia macaina, Media macaina, Elam macaina, Mesopotamia macaina, Judea macaina, Capadocia macaina, Ponto macaina, Asia macaina, Frigia macaina, Panflia macaina, Egipto

macaina, Libia yahpai Cirene caharu jiina, Romaru taina jija mari. Cāina judio masa waro jija mari. Paina judio masa dojoina jija mari.

¹¹ Creta macaina cāhu, Arabia macaina cāhu jira mari mehne. Mari payu paró macaina soro durucua tiina mari jipanata ahrina sehe mari masape curuari macaina durucua ti durucuchū tuhōja mari. Tina mari ya durucua mehne Cohamacu tuaa mehne to yoirire yahua nina –ni durucua masa ti basi.

¹² Ā niata tina caaa waha, ti űuri cāhure ti tuhōri cāhure noano tuhō űahaeraha.

–Āhrina dohse jiro baro paina ya mehne Cohamacu yare ā noano durucujari, masa tuhōtuchū? –ni cahma sinitu űaha tina ti basi.

¹³ Wiho mejeta paina Jesu yaina ti durucuchū tuhōina mehne macaina sehe tinare ō sehe ni bujūpeha:

–Ā Dohse ahrina sihbiori sihni cahaa nijari? –ni bujūpeha paina tinare Jesu yainare.

Pedro masare yahuha

¹⁴ Ā jiro Pedro once Jesu to cūrina mehne wahcārucu su, tuaro durucutiāhno masare ō sehe ni yahuha:

–Musa Judea yahpa macaina, jipihtina Jerusalēru jiina, ahrine masiga musa. Yu yahuchū tuhoga musa.

¹⁵ Musa tuhōtua quihōno jierara. Nueve hora jira miputa. Mari chū sihni hora jierasina. Ā jia ahrina cahaina jierara.

¹⁶ Ahrina Cohamacu panoru to niriro sehetā yoaa nina. Tí pjapure Joere Cohamacu yare yahu muhtariro cjirore, ahrine yahu dutia tihā Cohamacu sehe:

¹⁷ “Sohtori tia dachori jichū ō sehe jirohca: ‘Yu yairo Espiritu masare jipitinarē warocaihtja.

Ā jia musa pohnapu yu yare yahuahca.

Ā yoa musa mehne macaina wahma yapia bajuamehneare űuahca.

Ā jia musa mehne macaina bucina cahānuru cahāhca.

¹⁸ Ā jicu yu cahamacare, muare, numia cāhure yu yairo Espiritu warocaihtja.

Ā jia tina yu yare yahuahca.

¹⁹ Tuhsu, yu tuaa mehne bajuamehneare yoā űoihca muanoru.

Yahparu cāhure yu bajuamehneare űoihca: Dire, pichacare, mene űoihca.

²⁰ Tuhsu, sū dacho macariro nahitianore cohtotarohca.

űami macariro di yoaro sehe sohāriro cohtotarohca.

Ō sehe waharohca Cristo musa puhtoro to tahti dacho, yu niri dacho panoi.

Tí dachoi ña cúa wahaahca masa.
 Á jiro wiho jiri dacho jisi.
 Tí dacho noari dacho jirohca.

²¹ Á jiro ò sehe jirohca.

Jipihtina masa Cristore ti ñaa buhirire cohã duti siniinare tiro tinare pichacapã wahaborinare yãhdorohca', nina Cohamacã",

ni joaha Joe.

²² 'Musa Israe masa yu yahuchu tuhoga: Jesu Nazare macariro sehe Cohamacã to warocariro jihre. Jesure to warocarire masa ti masihtõ sehe Jesu to Pucãro ya tuaa mehne yoa ñohre musare. Musa tíre masina.

²³ Jesure wajã dutina judio masa jierainare wahre musa. Cohamacã panopũ to cahmariro seheta, "Á waharohca", to niriro seheta ã yoahre. Á jina musa Jesure crusapũ wajã dutihre Cohamacã dutiare cãuærainare.

²⁴ Musa ã yoapachuta Cohamacã sehe Jesure yariariro cjirore masohre. Pari turi ne yariasi tiro. Tiro yaria dojoærara. Á catirucuhitiro jira.

²⁵ Ò sehe nia tiha Davi cjiro panopũ macariro Cristo to ni durucuboriro seheta: "Yu puhtoro yuhũ mehne jira muhũ.

Jipihtia dachoripe Cohamacã yu puhtoro yu cahaĩ mu jichũ ñaa tihi yu cuierahto sehe.

²⁶⁻²⁷ Muhũ Cohamacã yuhũre yariaina ti jiropũre ne cohãsi.

Yuhũre mu cahĩrĩrore ñanopũ cohãsi muhũ. Yuhũ mu cahamacãno mahũre ño payoriro jija.

Yu pjacũre baa dutisi muhũ.

Á jicu tuaro wahcheja.

Wahchea mehne durucuja.

Á jicu mahũre Cohamacũre noano wacũ tuariro jicu ñaa buhiri marieriro jicu cuiro marieno noano jinocaja.

²⁸ Yuhũre pari turi catichũ yoaĩhca muhũ.

Yuhũ mehne mu jichũ tuaro wahcheja",

ni joaa tiha Davi cjiro Cristo to ni durucuboriro seheta.

²⁹ 'Coyea, ò sehe noano yahuihtja musare Davi cjirore mari coyero, panopũ macarirore. Tiro yariaa wahaha. Á jiro tiro to masa copa mipũre jisina. (Á jiro "Yu pjacũre baa dutisi muhũ", ni joaro to basi wama payo yahuro nieraha.)

³⁰⁻³¹ Panopũ Cohamacã Davi cjirore ò sehe niha: "Potocã nii nija. Mu panamana ji turiaina mehne macariro mu yoaro seheta ahri yahpa macaina bui puhtoro jirohca", nia tiha Cohamacã Davi cjirore. Davi Cohamacã yare yahu muhtariro cjiro jiha. Á jiro Cristore Cohamacã to puhto sõhtore masino, Cristo to masa mujãhtore yahu muhta tuhsũha Davi sehe. Ò sehe niha:

"Tiro yariaina ti jiropũre ji dojoasi. To pjacũ tõi baasi", nia tiha Davi cjiro.

³² Ahriro Jesureta Cohamacã masohre. Sã jipihtina tirore ñuhi.

³³ Mipũre Cohamacã poto buhũsehẽpũ jira dutiriro jiro. Tõ panopũ to Pucãro "Espĩritu Santore mu yainare warocaihtja", to ni cũriro seheta wari jire Jesure. Á jiro Jesu sehe ahriinare Espĩritu Santore warocari jira. Á jina mipũre Espĩritu to yoaare musa ñu, tuhona nina.

³⁴ Davi cjiro sehe Jesu to mujariro seheta muanopũ mujaeraa tiha. Á jiro tiro to basi ò sehe nia tiha:

"Cohamacã ò sehe nire yu puhtoro: 'Yu poto buhũsehẽi dujiga muhũ.

³⁵ Muhũre ñu tuhtĩnare mahũre cũihtja mu cahamacã yoaro sehe jihĩnare', nire Cohamacã yu puhtoro", nia tiha Davi cjiro.

³⁶ 'Á jina jipihtina Israe masa ahrire noano masiga musa: Ahriro Jesure musa crusapũ wajãrĩro cjirore musa puhtoro sõhre Cohamacã sehe. Tirore musare yãhdõhtirore Cristore cũre Cohamacã —ni yahuha masare Pedro.

³⁷ To ã nichũ tuhõa tuaro cahya, pjĩro tuhõtua, masa sehe Pedro cũhũre ò sehe ni sinitu ñuha:

—¿Sã coyeyã, dohse yoanahcari sã? —ni sinitu ñuha tina.

³⁸ Ti ã ni sinitu ñuchũ ò sehe ni yuhtihã Pedro:

—Musa ñaa yoari buhirire cahyaga. Musa ñaa tuhõtumari cjirire tuhõtu cohtõta, "Á tjiri jira" ni, Cohamacũreta macã, tuhõga. Á yoa Jesu yaina jina, bautisarina jiga musa jipihtina. Jesure musa wacũ tuachũ ñũno, musa ñaa yoari buhirire borõhca Cohamacã. Tõ sehe musa yochũ Espĩritu Santore warõhca musare.

³⁹ Musare, musa pohnare, musa panamana ji turiainare, yoaro macainare, ã yoa jipihtina Cohamacã mari puhtoro to beserinare, "Potocãta yãhdõihtja musare", ni cũha Cohamacã —niha Pedro.

⁴⁰ Tuhsũ, tuaro mehne ò sehe ni yahu quihõha tinare:

—Ahri yahpa macaina, Cohamacũre ji coærainare buhiri dahrerõhca Cohamacã. Wiho mejeta musa sehe, tina watõi jiina, Cohamacã yahurire, "Á tjira", ni bahrañõga musa yãhdõhtõ sehe —yahu quihõha Pedro masare.

⁴¹ To ã nichũ tuhõa tina payu to yahuare noano tuhõha. Á jiro tinare tiro bautisa dutiha. Ti dachõre Cohamacã yaina mehne macaina tres mil masa waha namõha.

⁴² Á yoa tina masa Cristo to cũrina mehne dachõripe cahmachu, tí buheare tuhõ ñũnu, tíre yuhtĩ mujãa tiha. Tina pãore nuha,

cahma witi, Cohamacu sini, Cristo to cūrina mehne noano jinocaa tiha.

Jesu yaina wahma ji ducaina ti jia tiare yahuha

⁴³ Ā yoa Cohamacu to tuaa mehne yoa űo mujaha to cūrina. Ti ā yoachu űua masa jipihtina űu cūaa wahaa tiha.

⁴⁴ Jipihtina Jesure wacū tuaina cahmachu, noano jinocaa tiha. Ā jia ti yare cahma witia tiha.

⁴⁵ Ti yare dua, jipihtinare paye baro maerainare cāina ti cahmaare waa tiha tina.

⁴⁶ Ā jia dachoripe tina Cohamacu wuhu wijaaroi cahmachua tiha. Ā yoa cāa wuhuse, ti ya wuhusepu cūhure nohopeina cahmachu, pāore nuha, wahchea mehne tina cānoi chūa tiha.

⁴⁷ Ti ā cahmachuno watoi “Cohamacu noariro jira”, ni űo payoa tiha. Paina masa tinare ji coa yuhduha tiha. Ā yoaro dachoripe Cohamacu painare to yaina to yuhdohtina wahachu yoaa tiha.

3

Tini masierariro noariro wahachu yoaha Cohamacu

¹ Cū numu űamichahapu tres jichu Cohamacu mehne durucuri pja jichu Pedro, João mehne Cohamacu wuhupu wahaa niha.

² Dachoripe ti wuhure ti sahrī sāari sahrīno tāa mehne ti yoari sahrīno macari sopaca cahai paina cāiro masunore na ta duhu dapoa tiha. Ti sopaca noari sopaca wama tiha. Tiro masuno sehe wahma masa bajaroputa dojori wahiro jiro tini masierariro jiha. Ā jiro tiro ti sopaca cahai niűerure sini dujia tiha ti sopacai sāainare.

³ Ā yoa Pedro, João mehne ti sopacare ti sāa cahachu tini masierariro sehe tinare űu, niűerure siniha.

⁴ Ā jia tina puaroputa tirore űu, Pedro sehe ō sehe niha:

–Sāre űuga muhu –niha Pedro tirore.

⁵ To ā nichu tuhoru “Ahrina mahanocā yuhure niűerure waahca”, ni tuhoturo űuroca ō tuhoha tinare.

⁶ To ā ni tuhotupachuta Pedro tirore ō sehe ni yahuha:

–Niűerure cjueraja yahu. Cjueraapaihta, ahrire yoaihtja muhure. Jesucristo Nazare macariro to tuaa mehne wahcāruca, tiniga muhu –niha Pedro tini masierarirore.

⁷ Ā ninota to wamomacare potu buhusehe macari wamomacare űaha, tirore waja wahcō dapoha. To ā yoachuta tini masierarirore to űuchua tuaa wahaha.

⁸ To ā wahachuta tiro wahcāruca purucu su, tini ducaha. Ā tini ducaro tiro waha, pu tini “Cohamacu noariro jira”, to ni wahcheriro mehne tina mehne Cohamacu

wuhu macari sahrīno puhichapu sāa wahaha.

⁹ To ā tinichu “Cohamacu noariro jira”, to nichu masa jipihtina tirore űuha.

¹⁰ Ā jia masa tirore űu masiha. Tiro Cohamacu wuhu macari sahrīno tāa mehne to yoari sahrīno macari sopaca noari sopaca cahai niűerure to sini dujire masiha masa. Ā jia tiro to tinichu űua, űu cūaa wahaha.

Cohamacu wuhui Pedro masare buheha

¹¹ Ā yoa tini masierariro cjiro Pedro cūhure to siō suha mujano watoi, masa jipihtina űu cūaa waha, noari wapapu Salomo wama tiri wapapu muroca wahcā, cahmachua.

¹² Ti ā cahmachurucu sychu űuno, Pedro sehe ō sehe ni yahuha tinare:

–Musa Israe masa, űohseana ahriroro űu cūajari? űDohseana sāre musa űu nunajari? Sā sehe sā ya tuaa mehne noaina sā jia tia mehne sā muuro ahriroro tinichu yoeraahi sā. Jesu sehe tīre yoahre.

¹³ Abrahā, Isaa, Jacobo mari űuchusuma, panopu macaina ti yairo Cohamacu sehe to cahamacuno Jesure jipihtina Bui Jiriro cūhure. Wiho mejeta musa sehe tō sehe jiriroro tirore űu tuhtinare wahre. Baharo puhtoro Pilato tirore to wio duapachuta, musa sehe tirore to wiochu cahmaerare.

¹⁴ Pilato tirore wio duamahre. Wiho mejeta musa Jesure űaa buhiri marieriroro, quihōno yoariroro cahmaerana, pairoro masa wajāiro sehere wio dutihre musa.

¹⁵ Ā yoana Jesure marine catichu yoariroro wajāchu yoare musa sā coyea judio masa. To yariachu Cohamacu tirore masohre. Tīre sā űuhi.

¹⁶ Ā jina Jesu pjiriro to jia tiare wacū tuaina jija. Tirore sā ā wacū tuachu űuno ahriroro musa mipu űariroro musa űu masiriroro Jesu sehe to tuaa mehne tinichu yoahre.

¹⁷ űu coyea, musa puhtoa mehne Jesure noano masierapanahta tirore wajāchu yoare musa. Tīre masija yuhu.

¹⁸ Wiho mejeta panopu macaina Cohamacu yare yahu muhtaina cjiro Cohamacu tinare to yahu dutiriro seheta, yahua tiha tina. “Cristo űano yuhdu, yariarohca”, ni yahua tiha tina. Ti ā ni yahuriro seheta ā wahahre mipure.

¹⁹ Ā jina musa űaare yoari buhirire cahyaga. Musu tuhotumari cjirire tuhotu cohtota, űaare musa goa pjarire duhu, Cohamacureta majareruca, to ya sehere quihōno tuhochu űuno, Cohamacu musa űaare yoari buhirire borohca. Ā boro, musare wahchehti dachorire cū, musare noano yajeri sāachu yoarohca tiro.

²⁰ Ǻ yoa tiro masa puhtoro cjihtore to beseriro Cristore musare warocarohca tjoa. Tiro Cristo sehe Jesuta jira.

²¹ Cohamacu cahapu jisininohca Jesu, pu Cohamacu ahri yahpamu jipihtiare wahma to cohtota pahñochuru. To ã cohtota pahñohtore Cohamacu yare yahu muhtaina cjiro, to yaina waro panopu yahu quihõ tuhsua tiha.

²² Moise cjiro tîre yahuro õ sehe ni muhtaha: “Cãiro mari mehne macarirore mari coyeiroreta Cohamacu yare yahu muhtahtiro cjihtore Cohamacu mari puhtoro warocarohca musare. Yuhure to warocariro seheta warocarohca tiro cãhure. Ǻ jina musare to yahuchu tuhona, ‘Jai’, ni yuhti pihtinocaga masa.

²³ Ǻ sehe jirohca. Jipihtina tirore yuhtieraina to cohãhtina jiahca. Cohamacu yaina mehne macaina jisi tina”, ni muhtaa tiha Moise cjiro.

²⁴ Jipihtina Cohamacu yare yahu muhtainape Samue, ã yoa to baharo jiina cãhu mipu jia dachori cjihtire yahu muhtaa tiha.

²⁵ Mari ñuchusuma cjirore, Cohamacu yare yahu muhtaina cjiro cãhure panopu macainare yahua tiha Cohamacu. Mari cãhure ã ni yahuro nia tiha. Abrahãre to niriro seheta mari cãhure ni yahuro nia tiha. Ǻ sehe ni yahua tiha Cohamacu Abrahãre: “Jipihtiro ahri yahpa macainare noano yoahtja. Ǻ sehe tîre yoahtja: Mu coyeiro baharo jiriro sehe masare noano yoabasarohca yuhure”, nia tiha Cohamacu Abrahãre.

²⁶ Cohamacu to macunore masa wijachu yoaro mari cahapu waroca muhtare mari ñaa yoare duhuchu yoahtirore. Ǻ yoaro marine tiro noano yoare —niha Pedro tinare.

4

Pedro, João mehne puhtoa mehne suhuduha

¹⁻³ Pedro, João cãhu masa mehne ti durucuro watoi sacerdoteta, Cohamacu wuhure cohtaina surara puhtoro, saduceo curua macaina cãhu tinare tuhoha. Ǻ sehe ni buheha Pedro João mehne masare:

—Jesu to yariari baharo masa mujaa wahare. To ã masa mujarire ñuna mari cãhu baharo to yaina mari masa mujahore masija mari —ni yahua Pedro cãhu.

Ti ã nichu tuhoha puhtoa sehe tina mehne suaha. Ǻ suaa nahi cahachu ñua tina Pedroro, João cãhure ñaha, peresu yoaha.

⁴ Ǻ tinare peresu ti yoapachuta payu ti yahuaire tuhoina sehe “Potocãta jira”, ni tuhoutuha. Ǻ jia Jesu yaina payu waha, ti dachoi wahma to yaina ji ducaina, ã yoa tó

panopu Jesure wacũ tua tuhsarina mehne mua sahsore mari quihõchu, cinco mil masa saro cahai jiaha.

⁵ Ǻ yoa pa dachoi tĩ maca macaina puhtoa, bucuna, ã yoa judio masa buheina cãhu Jerusalẽpu cahmachuha.

⁶ Ti ã cahmachunoi sacerdoteta bui puhtoro, Ana wama tiriro cãhu tõi jiaha. Ǻ yoa to coyea cãhu jiaha. Caifa, João, Alejandro, paina mehne Ana coyea cãhu jiaha. To coyea to dahraare dahraina jiaha tina cãhu.

⁷ Ǻ jia tina Pedro cãhure ti cahmarocachu, surara sehe puhtoa watopu tinare naa wihi dapoha. Ti ã na wihi dapochu, tina puhtoa õ sehe ni sinitu ñuha Pedro cãhure:

—¿Noa ya tuua mehne masa tirore noariro yoari? ¿Noa jijari musare tîre yoa dutiriro? —ni sinitu ñuha tina.

⁸ Ti ã nichu tuhoro Espĩritu Santo to yoa dutiriro seheta to tuua mehne yahua Pedro tinare:

⁹ —Musa puhtoa, ¿masa bucuna, sã dohse yoa ahriro tini masierarirore sã tinichu yoarire masi duana, sãre sinitu ñuna nijari masa?

¹⁰ Tĩ pja pini ahrire masiga masa jipihtina, Israe masa. Jesucristo Nazare macariro, masa crusapu wajãiro, Cohamacu to masoriro tiro sehe ahriro tini masierarirore noariro wahachu yoahre. Ǻ jina ahrirore mipure masa ñurocaroi to tinichu ñuna masa. Ǻ sehe nina Cohamacu yare ti joari pũ Jesu cjihtore yahuro:

¹¹ “Ahriro tãca yoaro sehe jiriro jira. Tãcare wãhu dahreina wiho jiriare ti cohãriro seheta masa judio masa tirore cohãhre. Musa ã yoapachuta mipure wãhu dahreina wãhure yoaa ti cũ muhtari tãcare ti cũriro seheta Cohamacu tirore puhtoro sõhre. Tiro Cristo mariachu Cohamacu yaina wahaeraboa masa. (To ã wiho jiriro jierapachuta masa mari puhtoa mehne tirore cahmaerare. Musa ã cahmaerapachuta Cohamacu sehe tirore mari puhtoro sõhre)”, ni joaha panopu.

¹² Ne, paio masare pichacapu waha-borinare yuhdoriro ne mariahna. Ahri yahpapurẽ Jesu dihta masare yuhdoriro jira. Ne paina tiro yoaro sehe jiina mariahna —ni yahua Pedro tinare.

¹³ To ã ni yahuri baharo Pedro, João mehne buhemahnoeraina jipahta cuiro marieno ti buhechu ñua, puhtoa, bucuna, judio masa buheina mehne ñu caaa wahaha. Ǻ jia Jesu yoaro sehe ti buhechu ñua, õ sehe masiha tina: “Potocã Jesu mehne macaina tjira ahriha”, ni masiha tina.

¹⁴ Ǻ yoa tini masierariro cjiro Pedro cãhu mehne jiaha. Tiro to noariro jichu

ñaha puhtoa, bɔcɔna, judio masa buheina mehne. Ā jia tina Pedro cūhare “Ñano yoaa nina”, ni yahusā masieraha.

¹⁵ Ā yahusā masieraa puhtoa ti cahmachuri tahtiapu jiinare Pedro cūhare wijaa dutiha.

¹⁶ Ti wijaaari baharo puhtoa sehe ti basi ō sehe ni sahɔduha:

—¿Ahrinare dohse yoanahcari mari? —ni durucuha tina ti basi.

Ō sehe ni durucu namoha:

—Pedro, João Cohamacu tuaa mehne tini masieraritore tinichu yoari jire. Ā jia Jerusalē macaina jipihtina ti ā yoarire masica. Ā jina mari sehe “Ā yoerare tina” ni masieraja mari.

¹⁷ Ā jina Jesu to buheri cjiire painare buhe dutiena tjijihna tinare, “Paina tí buheare cahmari”, nina —ni durucuha tina ti basi.

¹⁸ Ā ni durucu tuhsua Pedro cūhare pjiroca, ō sehe niha:

—Jesu to buheri cjiire ne buhena tjiga painare. Tíre ne durucu namoena tjiga —ni yahumaha tinare.

¹⁹ Ti ā ni yahuchu tahoaa tina Pedro João mehne ō sehe ni yuhtiha tinare:

—Musa ō sehe ni dutichu musare yuhtina, Cohamacu sehere yuhɔrucana niboca sã. ¿Diro ya sehere sã yoachu quihōno jijari Cohamacu to ñurocarore? ¿Musa ya sehere sã yoachu quihōno jijari? ¿Cohamacu ya sehere sã yoachu quihōno jierajari, musa tãhotuchu?

²⁰ Sã sehere sã ñurire, sã tãhorire sãre yahto basioerara —ni yuhtiha Pedro, João mehne.

²¹ Ti ā nichu tahoaa puhtoa sehe pari turi dutimaha tjoa tinare:

—Jesu to buherire musa buheri buhiri ñano yuhɔnahca musa —niri jimare puhtoa tinare.

“João, Pedro mehne ñano yoaa nina”, ni masierari jire tina. Ā jia masa sehe tini masierariro to noariro wahachu ñua, “Cohamacu potocãta noariro jira”, niha masa. Ti ā nichu tahoaa puhtoa sehe Pedro cūhare ti dohse yoa buhiri dahreboare bocaeraa, tinare wioha.

²² Tini masierariro, noariro ti yoariro cuarenta cahmari bui cjuariro jiha.

Jesyaina ti cuierahto cjihtore siniha Cohamacure

²³ Ā yoaa, Pedro João mehne ti wiori baharo tina mehne macaina cahapu su, sacerdotea puhtoa, bɔcɔna jipihtina tinare ti niri cjiire yahua.

²⁴ Ti ā ni yahuchu tahoaa tina jipihtina cãno potori Cohamacure siniha:

—Sã puhtoro mahu manore, yahpare, mări cūhare yoariro jipihtina catiinare ba-juamehneriro jira mahu.

²⁵ Mu Espiritu Santo sã ñuchu cjiore Davire mu cahamacunore ahrire yahu dutia tiha mu niriro seheta:

“¿Dohse yoaa Israe masa jieraina suajari?

¿Dohse yoaa Cohamacure ti yuhɔrucacahtere wiho waro durucujari tina?

²⁶ Payu yahpari macaina puhtoa cahmachu, mări puhtoro Cohamacure, to puhtoro sōriro Cristo cūhare ñu tuhti, ñano yoaa duara tinare”,

ni yahua tiha Davi cjiro mu ni dutiriro seheta.

²⁷ Ā tjira. Ahri macai Herode, Poncio Pilato, judio masa jieraina, ā yoaa judio masa cūhu cahmachuhre, mu beserirore Jesure noariro mu cahamacunore wajãa taa.

²⁸ Tí pja mu cahmariro seheta “Ā waharohca”, mu niriro seheta yoahre tina. Mu masia mehne ā ni yahua mahu.

²⁹ Ā jicu mipure sã puhtoro, tina sãre purino mehne mu jia tiare ti yahu namo dutierachu wacū payoga mahu. Sãre mu cahamacare cuiro marieno mu buheare yahuchu yoaga sãre.

³⁰ Mahu mu tuaa mehne dohatiinare noaina yoaga. Ā jicu mu buheare cuiro marieno yahu dutiga sãre. Ā yoaa Jesu noariro mu cahamacuno to tuaa mehne yoaa ño masichu yoaga sãre. Ā jicu dohatiinare noaina sã waha dutichu to tuaa mehne yoadohoga sãre —ni siniha tina Cohamacure.

³¹ Ti ā ni siniri baharo, ti cahmachuri wahu ñuhmi muua wahaha. To ā ñuhmichuta Espiritu Santo to tuaa mehne wacū tua namoina wahachu yoaha tinare. Tinare ā wahachu Espiritu Santo to dutiriro seheta yoaa, cuiro marieno Cohamacu yare yahu namoha tjoa tina.

Jesyaina ti yare tju waa tiha

³²⁻³³ Ā jia Cohamacu to tuaa mehne tina Jesu to cūrina ō sehe ni yahua tiha masare: “Jesu yariariro to masarire sã ñuhi”, ni yahua tiha tina masare. Ā jiro tinare jipihtinare Cohamacu noano yoadohorucua tiha. Ā yoaa Jesure wacū tuaina payu jia, tina cãno potori tãhotuina jia tiha. Ā jia tina ti yare ti cjuare “Yu ya dihta jira”, ne niera tiha. Tina jipihtina ti yare paye baro maerainare tina mehne macainare tju waa tiha.

³⁴ Ā jia tina mehne macaina pjacuoina mariea tiha. Tina mehne macaina yahpari cjuaina, wãhuse cjuaina ti yare duaa tiha.

³⁵ Ā duaa ti wapa narire tina na ta, Jesu to cūrinare waa tiha. Ā jia tina sehe tíre tina

mehne macainare tju waa tiha. Jipihitina cjuarainare tju waa tiha.

³⁶ Tí pjare cáiro tina mehne macariro José wama tiro jiha. Jesu to cūrina Josére Bernabé ni wama pisuha. To wama Bernabé “Masare wahchehū yoariro jira”, nia nina. Tiro Leví ya curua macariro Chipre naco macariro jiha.

³⁷ Ā jiro tiro yahpare cjuariro jiro tīre duaha. Ā duaro to wapa narire Jesu to cūrinare waha tiro painare witi dutiro.

5

Anania to namono Safira mehne mahñoha

¹ Paina cūhu Bernabé yoaro sehe yoaa timaha. Tina Anania wama tiro, to namono Safira wama tiricoro jiha. Ti ya yahpare duaha tiro.

² Ā duaparota tiro to wapatarire to basi naha. To namono cūhu to ā yoarire masiha. Ā jiro ti wapataa ti duharire na ta, Jesu to cūrinare waha Anania sehe. Ā waro “Wa pahñoi nija”, nimaha tiro.

³ To ā yoachū ñano Pedro tire o sehe ni yahuha:

—Anania, watīno muhure mahño dutiri jire Espiritu Santore. Ā jicu mu ya yahpare dua, mu wapatarire mu basi nari jire muhu.

⁴ Mu duahto pano mu ya yahpa jihre. Ā jiro mu duari baharo mu ya wapataa jihre. Ā yoacu dohse jiro baro ā mahñori muhu? Mūhu sā dihtare mahñoreare. Cohamacū cūhure mahñohre muhu —niha Pedro tire.

⁵ To ā nichū tuhorota, Anania sehe doca caha su, yariaa wahaha. Ā jia jipihitina tiro to ā wahachū masia, tuaro cuiha.

⁶ To yariari baharo wahma yapia ta, to pjacure suhtiro cahsaro mehne wahma, sopacaru na wijaa, masa coparu cohānocaha tire.

⁷ Ā yoa tia hora baharo Anania munano namono, to yariarire masieraro Pedro caharu sāaha.

⁸ Ā jiro Pedro ticorore o sehe niha:

—¿Musa ya yahpare duatjiāhna noho puro wapatarī musa? —niha tiro.

Ā jiro ticoro to manūno munano to niriro purota, “Tó purota wapatahi sā”, ni yuhtimaha ticoro.

⁹ To ā ni yahtichū tuhorota Pedro o sehe ni yahuha ticorore:

—¿Dohse yoana musa cūno potori Cohamacū Espiriture mahño duajari? “¿Potocāta marine buhiri dahrebocari?” nina. Tuhoga mipure. Mu manu cjirore yarina tara. Mūhu cūhure mu pjacure naa ta nina —niha Pedro.

¹⁰ To ā ni yahuchūta ticoro doca caha su, yariaa wahaha. Ā jia wahma yapia ti

wahure sāa wihi, ticoro pjacure na wijaa wahaha. Na wijaa, to manūno munano pari wahpa ticoro pjacure masa coparu cohāha.

¹¹ Ā jia Jesu yaina jipihitina paina tīre tuhoa cui yuhduu wahaha.

Jesu to cūrina Cohamacū tuaa mehne yoa ñoha

¹² Ā yoa masa watoi Jesu to cūrina payu tahari Cohamacū tuaa mehne yoa ñoa tiha. Ā yoa tina Salomo wama tiri tahtiaru tihamahnoeni tahtiaru cahmachua tiha.

¹³ Ā jia paina Jesu yaina jieraina sehe cui curea, tina caharu wahaera tiha. Ā cuipahta tinare Jesu yaina warore “Noaina jira ahrina”, nia tiha masa.

¹⁴ Ā jia muu, numia payu Jesure wacū tua ducaa tiha.

¹⁵ Ā jia tina dohatiinare na ta, coma yosaa mehne pjūpaha duhu cūa tiha maharu tinare. Ā yoaa Pedro tinare to ña payochū cahmaha tinare na taina sehe dohatiina ti noaina wahachū cahmaa. Tinare to ña payoerachū Pedro ti bui masuraca cūchū cahmaha tina. Tí dihtare cahmaa tiha ti noaina wahahto sehe.

¹⁶ Ā jia Jerusalē cahai jia macari macaina cūhu dohatiinare, watīa ti sāaina cūhure na taa tiha. Tí ā na tachū tina jipihitina ti pjacari noaina wahaha.

Jesu to cūrinare paina ñano yoaa tiha

¹⁷ Tí ā yoachū ñaa sacerdotea bui puhtoro, tiro mehne macaina mehne Pedro cūhure ñu tuhtiha. Sacerdotea puhtoro mehne macaina saduceu curua macaina jiha.

¹⁸ Ā ñu tuhtia tina sua yuhduu Jesu to cūrinare ñaha, peresu yoaha.

¹⁹ Ā jiro ñamipū Cohamacū yairo anjo pjōoha tinare peresu dujiinare. Ā yoa tinare wijaa ta dutiro o sehe ni yahuha anjo:

²⁰ —Cohamacū wuhuru wahaga. Tí wuhuru jina Cohamacū to masorire ahri noaa buheare yahuga masare —niha anjo tinare.

²¹ To ā nichū tuhoa, ñamiwacūnu jichū Cohamacū wuhuru sāa, masare buhea tiha tina. Tí dachoihta sacerdotea puhtoro, tiro mehne macaina, Israe masa puhtoa mehne cahmachu, Jesu to cūrinare peresupu jūinare na ta dutimaha surara puhtoare.

²² Wiho mejeta surara puhtoa peresu ti yoari wuhuru wahaga, ñumaha. Tinare bo-caeraha. Bocaeraa tjuua wahaha. Tju su o sehe ni yahuha ti puhtoare:

²³ —Peresupu jia pahmari bihaa pahmari jihre. Ā jia ti pahmari cahai ti peresu yoarinare cohtaina ti ducuchū ñuhi sā. Wiho mejeta pjōo sāa, sā ñuchū, ti peresu yoarina mariahe —ni yahuha tina.

²⁴ Tí ā nichū tuhoa, surara Cohamacū wuhure cohtaina puhtoro, sacerdotea

pūhōta mehne tīre tūho, cūaa waha, “¿Dohse waha sohtori tiahcū tina ā yōaa?” ni tūhotuha tina.

²⁵ Ā jiro tina cahapū paio sū, tinare ō sehe ni yahuha:

—Musa peresu yoarina Cohamacū wūhūpū jihre. Nūna wahaā wiho. Tī wūhūpū masare buhea nihre tina —ni yahuha.

²⁶ To ā nichū tūhoro, surara pūhōto, to surara mehne waha, Jesu to cūrinare pari turi nāha taha tjoa. Wiho mejeta tinare surara tuhtieraha. Ā jia tinare cǰāborina jipahta, masare cuia cǰāeraha tinare. “Ahrinare mari cǰāchū paina masa sehe tāa mehne docaahca marine”, ni tūhotuha tina surara sehe.

²⁷ Ā jia tinare na ta, pūhōta panoī duhu dapoha tina. Tī ā na wihi dapochū sacerdotēa pūhōto tinare ō sehe ni tuhtiha:

²⁸ —Mūsare sā tuaro dutimahi. “Jesu yare buhena tǰiga”, nimahi sā mūsare. Sā ā nipachata musa sehe jipihtina Jerusalē macainare buhehre musa. Jesu to yariari buhiri, sāre buhiri tichū yoa duana nica musa —niha pūhōto sehe.

²⁹ To ā nichū tūhoro Pedro sehe paina Jesu to cūrina mehne ō sehe ni yuhtiha:

—Cohamacū to dutiri sehere yoa muhtanahǰa. Ā jina baharo Cohamacū cahmachū masa ti dutiare yoanahǰa.

³⁰ Cohamacū, mari coyēa panopū macaina pūhōto, Jesure masori jire. Tirota jira musa crusapū cǰā puha wajā dutiuro.

³¹ Jesure “Noariro jira” ni, to potō buhūsehei duji dutihre Jesure Cohamacū sehe. Ā jiro Jesu masa pūhōto, masare masori jiro, Israe masare ti nāa yoirire cahyaina ji dutiro, ti nāa yoari buhirire cohā duara Jesu.

³² Ā jina sā sehe Jesu to yoirire nūrina jina tīre yahuja sā. Espiritu Santo tīre nūriro jiro yahura tiro cūhū. Tirore Espiritu Santore Cohamacū warocahre. Jipihtina Cohamacū dutiare yoainare tiro Espiritu Santore wahre —ni yahuha tinare.

³³ To ā nichū tūhoā pūhōta sehe sua yuhduaha. Ā suaa, tina Jesu to cūrinare wajā duamaha.

³⁴ Wiho mejeta Gamalie, fariseo curua macariro tōi jiro tinare wajā dutiro taro nieraha. Tiro pūhōta mehne macariro, dutiare buheriro to jichū, masa tirore nō payoa tiha. Tiro Jesu to cūrinare mahanocā cohta dutiro pa sehepū tinare naa wahcā dutiha surarare.

³⁵ Tī ā naari baharo tiro ō sehe ni yahuha masare:

—Musa Israe masa, ahrinare musa yoahǰire noano tūhotuga “Musapū wajāri”, nina.

³⁶ Wacūga Teuda cǰiuro. Tiro to basi “Masare yuhduaricariro jija yuhū”, nire masare. To ā yoachū nūa, masa payū cuatro cientos masa tiro mehne macaina tǰuare. Baharo paina sehe tirore wajāri jire. To buheare buherina cǰiri sehe waha sitea wahari jire. Ā jia tina cǰiri mipure mariahna.

³⁷ Baharo masare ti quihōri pǰa jichū Galilea macariro Juda wama tiroro cǰiro masare to buhechū tiro mehne masa payū tǰuare. Tiro cūhū yariaa wahari jire. Ā yoa to yaina jipihtina waha sitea wahari jire.

³⁸ Ā nicū mūsare mipū ahrire nii nija. Ā nūnocahga ahrinare Jesu yare yahuinare. Ā yoa ahri buhea, ahrina ti ya buhea Cohamacū ya buhea jieraa, pihtia wahaahca Teuda cūhū ti ya buhea ti pihtiriro sehetā.

³⁹ Wiho mejeta ahri Cohamacū ya buhea jia, ne pihtisi. Ahri buhea Cohamacū ya jichū ne ahrire butichū yoa masierara musa. Musā ahrire butichū yoa duana Cohamacū mehne cahmachena niboca musa —niha Gamalie tinare.

⁴⁰ To ā ni yahuchū tūhoā, “Potocā tǰira”, ni tūhotuha masa. Ā jia tina Jesu to cūrinare pǰiroca, ti wihihū nūa, tinare tǰanaha. “Jesu yare buhe namoena tǰiga musa”, ni tuhsū, tinare waha dutiha.

⁴¹ Tī ā waha dutichū tūhoā tina pūhōta cahapū jirina cǰiri wahaā wahaha. Jesu yare ti yoari buhiri nāno yuhduā tuaro wahcheha Jesu to cūrina.

⁴² Ā jia dachoripe Cohamacū wūhū cahai jia waparīhi, ti ya wūhūsei Cristo yare buhea, yahua tiha tina.

6

Siete yoadohoinare beseha Jesu yaina

¹ Tī dachorire Jesu yaina payū wahaha. Wiho mejeta ti ā waharo wato, cū curua macaina judio masa jipahta, pa sehepū masa bajuaina griego ya durucuina jiha. Ā jia tina tōita masa bajuaina hebreo ya durucuinare ō sehe ni tūhotu, nureha: “Dachoripe masare yoadohoare ti witichū, mari griego ya durucuina wapewahya numia sehere daacā waro wara”, ni tūhotu, nure cohtaha.

² Tī ā nurechū masia, Jesu cūrina, doce jiina sehe jipihtina Jesu yainare ti cahapū pǰiroca, ō sehe ni yahuha tinare:

—Sā Cohamacū yare buheina jija. Tīre duhu, masare yoadohoare witiborina sā jirucuchū tō wahaerara.

³ Musā sā coyēa, siete muare, paina noaina ti niinare Espiritu Santo to dutiri yoinare, noano tūho masiinare macaga. Tinare ahri dahraare cūga musa.

⁴ Wiho mejeta sã sehe dachoripe Cohamacure sini mũa, Cohamacu yare painare buhenahca —ni yahuha tina Jesu to cûrina.

⁵ Ti ã nichu tuhoa, “Jai. ãta yoajihna”, niha tina jipihtina Jesu yaina. Baharo Estebãre Cristore wacû tuariroro, Espiritu Santo to dutiare yoiroro beseha tina. ã jichu Felipere, Prócorore, Nicanore, Timore, Parmenare, Nicola cãhure Jesu yainare yoadohohtinare beseha tina. Nicola sehe Antioquia macariro, judio masuno jierariro, judio masa ya buheare cahmano, tina mehne sãariro jiha.

⁶ Tinare bese tuhsu, ti beserinare Jesu cûrina cahai na wihiha tina. Ti ã na wihichu ñua, tina Jesu cûrina sehe tinare Cohamacure sini payo tuhsu, ti dapu poca bui ti wamomacarine duhu payoha.

⁷ ã yoa Jesu yaina painapure Cohamacu yare yahu site pahñoa wahaha. ã jia Jerusalẽpu jiina paina Jesu yaina payu waha namoha. Sacerdotea cãhu payu Jesu yaina wahaha.

Paina Estebãre ñahaha

⁸ ã yoa cãiro masare yoadohoare witi cohtaroro Estebã sehe Cohamacu to noano yoiroro ji, Cohamacu tuare cjuariro jiha. ã jiro tiro Cohamacu tuare mehne yoa ño mũajaha masa ti ñurocaroi.

⁹ Wiho mejeta judio masa buheri wãhu macaina tirore ñu tuhti, to yahuchu, tirore soro ni cohtaha. Tina soro ni cohtaina “Cahamaca ji, wijarina cjiri”, wama tiri curua macaina sehe jiha. ã jia Cirene macaina, Alejandria macaina, Cilicia macaina, ã jichu Asia macaina cãhu jiha tina.

¹⁰ Tirore soro ni cohtapahta, Espiritu Santo to masia mehne Estebã to durucu mihnichu, tina to buheare ti dohse soro ni yuhtiboare wacû bocaeraha.

¹¹ Ti soro ni yuhtiboare wacû bocaeraa, tina painare mahño dutia, wapaha tinare. Ti ã mahño dutichu ð sehe ni yahusãmaha tina:

—Ahriro Cohamacure, ã jichu Moise cjiroro Cohamacu to cûri dutia cãhure to ñano durucuchu sã tuhohi —ni yahusãmaha tina mahñoina Estebãre.

¹² Ti ã nichu tuhoa masa, judio masa buheina, bucuna cãhu tiro mehne suaã. ã jia tina Estebãre ñaha, ti puhtoa cahapu naaha tirore.

¹³⁻¹⁴ ã yoaa tina painare mahño dutiha:

—Ahriro dachoripe Cohamacu wãhure, to dutia cãhure ñano durucuriro jira. Tuhoi sã tirore to ð sehe nichu: “Jesu Nazare macariro Cohamacu wãhure cohã, ã yoa Moise dutiri cjiri, marine to yahu cûri cjirire cohtotarohca”, nihre Estebã sã tuhochu —ni mahño yahusãmaha tina.

¹⁵ ã jia jipihtina tói dujiina Estebãre noano ñuroca ð, to wãhũare ñua tina. Anjo yoaro sehe bajuha to wãhũaa.

7

Estebã Jesu yare yahuha

¹ ã yoa sacerdotea bui puhtoro ð sehe ni sinitu ñua Estebãre:

—¿Ahriina ti nia potocã tjijari? —ni sinitu ñua tiro Estebãre.

² To ã nichu tuhoro, Estebã sehe tinare ð sehe ni yuhtihã:

—Coyea, bucuna sã pãcusuma tuhoga. Abrahã mari ñuchu cjiro panopu macariro Mesopotamiapu to jisinchu, Harãpu to jihto panu, Cohamacu tuariro si siteriro sehe tirore Abrahãre bajuua tiha.

³ ã bajuaro, Cohamacu ð sehe ni yahuha tiha tirore: “Mu ya yahpare, ã jichu mu coyea potu cãhure duhunoca, wahaga. Pa yahpa, yu mũhure ñohti yahpare wahaga”, nia tiha Cohamacu Abrahãre.

⁴ To ã nichu tuhoro Abrahã cãhu Caldea yahpai jiina wijaa, Harãpu su, jisinia tiha. Abrahã pãcuro to yariari baharo, tiro cãhu ti macai wijaa, ahri yahpa, mipu musa jiri yahparu Cohamacu yoadohoro mehne taa tiha.

⁵ Cohamacu Abrahãre ðpu suho na taparota, tirore dói “Ahri yahpa puro jiga”, ni cãerasinia tiha. Ne mahanocã ahri yahpare, “Pu tiga mũhu”, ni dutierasinia tiha tiro. Wiho mejeta Abrahã pohna marieriro to jipachuta, Cohamacu sehe tirore ð sehe ni yahu mũhtaa tiha. “Mũhure ã jichu mu panamana, pa tjuru macinapu cãhure ahri yahpare waihtja”, nia tiha Cohamacu Abrahãre.

⁶ ã ninota ð sehe ni yahu namoa tiha Cohamacu. “Mu panamana pa tjuru macaina pa yahparu waha, tãpu paina cahapu jia, ti cahamaca jiahca tina. Tuhsu, cuatro cientos cãhmaro waro to macaina ñano yoapeahca mu panamanare.

⁷ ã jicu to macainare ti ã yoari buhiri buhiri dahreihitja yahu. Yu ã yoari baharo mu panamana ji turiaina ahri yahparu wihi, yãhure ño payohtina jiahca tina”, nia tiha Cohamacu Abrahãre.

⁸ To ã ni yahu cãre ti noano wacũrucuho sehe, ð sehe yoa turia wahcã dutiha tirore. Muno pjacure mahanocã cahsarocãre yihso na dutia tiha tirore. ã jiro ocho dachori to macuno Isaare to pohna tiri baharo, mahanocã cahsarocãre yihso naa tiha tiro Isaa pjacure. Baharo Isaa Jacobore pohna ti, to pjacu cãhure mahanocã cahsarocãre yihso naa tiha. Baharo Jacobo cãhu doce to pohnare ã dihta yoaa tiha ti pjacurire. Tina doce mua sehe tãpe curuari, mari masa curuari dahpoto macaina cijhti jia tiha.

⁹ 'Á yoa baharo, tina Jacobo pohna, mari ñichusuma cjiri, ti baharo Josére pahsu tia, paina ti cahamacuño cjihtore duanocaa tiha Egiptoru wahainare. Ti á yoapachata, Cohamacu Josére yoadohoa tiha.

¹⁰ Jipihti ti to ñano yuhduare Cohamacu tirore noano yuhduchu yoaa tiha. Cohamacu tirore noano taho masichu yoaa tiha. Á yoa faraõ Egipto macaina puhtoro sehere Josére ñu ji coachu yoaa tiha. Á jiro faraõ sehe Josére puhto sãa tiha, tiro mehne masare dutihtiro cjihtore. Tirore faraõ ya wuhu cãhure puhtoro cãa tiha.

¹¹ 'Á yoa tí pjarare Egiptoru, Canaarpu cãhure paró ne coro taeraa, yahpa sehe waa sãa wahaa tiha. To á waa sãa wahachu, masa ti toamari cãhu ñai pihtia wahaa tiha. Á jia mari ñichusuma cjiri ñano yuhduu, ti chuboare ne bocaeraa tiha.

¹² Wiho mejeta Egiptoru "Trigo jiyuhca", ti nichu tuhoro, Jacobo sehe to pohmare, mari ñichusuma cjirire tópu coã warocaa tiha.

¹³ Baharo pari turi to warocarina cjiri Egiptoru ti suchu tjoa, José to wahmisumare "Masa bahata jija yuhu", ni yahu, tinare masichu yoaa tiha. Ti pja puhtoro faraõ sehe José coyeare coã ñano nia tiha.

¹⁴ Baharo José to wahmisumare, ti pucuro Jacobore, á jichu jipihtina ti coyea cãhure cahmarocaa tiha. To coyea setenta y cinco masa jia tiha.

¹⁵ To macuño to pjrocachu tuhoro Jacobo cjiro wahaa tiha Egiptoru to macuño caharu. To macuño caharu jiro, tiro yariaa wahaa tiha. Á yoa to pohna, mari ñichusuma cjiri cãhu tópu yaria pihtia wahaa tiha.

¹⁶ Tina ti yariari baharo, ti coyea ti pjacuri cjirire Siqué wama tiropu naa tiha. Tópu na su, tãa coparipu Abrahã Hamor pohmare niñeru mehne to nuchuri yahpapu tina ti pjacuri cjirire cãa tiha.

¹⁷ 'Á yoa Cohamacu Abrahãre "Canaa yahpare waihtja mũhure", to ni cãuro cjiro mu sũro cahachu, Abrahã panamana, Israe masa, Egiptoí jisinia payu wahaa tiha.

¹⁸ Ti á payu wahari baharo, paio faraõ, Egipto masa puhtoro José cjirore masierariro sãa tiha.

¹⁹ Tiro mari coyeare mahño, ñano yoa, ti pohmare mu pohmare wajã dua, cohãnocã dutia tiha tinacãre. Wahma bajuainacãre cohã dutia tiha "Tinacã yarijaro", nino.

²⁰ To á yoaro watoi Moise cjihto sehe masa bajuaa tiha. Tirocã noariro, Cohamacu to noano ñu jicoariro jia tiha. Tia sũ waro to pucsuma tirocãre noano ñu wihboa tiha.

²¹ Á jiro Moisere nuo namo masieraa, diaru tirocãre puhuroi comape mehne ti bihari puhuroi poho bũroha. Ti á yoachu

faraõ macono tirocãre ñu boca, na maja, to macuñore yoaro seheta cjuaa tiha tirocãre.

²² Á jia tina Egipto macaina, noano masiina ya jipihtiare Moisere buhe bucua tiha. Baharo, ne cuiro marieno durucuriro, puhtoa jia tia cãhure mihni yuhduacu sũro wahaa tiha Moise.

²³ 'Á yoa tiro cuarenta cahmari cjuaro to coyea Israe masare ñu duaro ti caharu ñano wahaa tiha.

²⁴ Tópu ñano sũro, Egipto macariro cãuro Moise coyeirore to ñano yoachu ñua tiha. Tiro to ñano yoaborirore ducata duaro, Egipto macariro sehere wajã cohãnocaa tiha.

²⁵ Á wajã cohãno, Moise õ sehe ni tuhutua timaha. "Yũ coyea ti coyeirore yũ yoadohochu ñua 'Cohamacu marine noano yuhduchu yoa dutiro warocare ahrirore", ni tuhutuahca yũ coyea", ni tuhutua timaha Moise. Wiho mejeta tina sehe ne á ni tuhutueraa tiha.

²⁶ Pa dachoi Moise to coyeare puaro ti basi cahmacheinare boca sua tiha. Á boca sũro, tinare yahu duaro tinare õ sehe ni yahua timaha: "¿Masa basi jipanahta cahmachejari musa?" ni yahua timaha Moise tinare.

²⁷ To á ni yahuchu tuhoro, cãuro to coyeirore ñano yoariro sehe Moisere tjurocaa tiha. "Mũhu sã puhtoro jierara. Sãre yahuboriro jierara mũhu.

²⁸ ¿Canure Egipto macarirore mu wajãro seheta yuhu cãhure wajã duacu nijari mũhu?" nia tiha tiro Moisere.

²⁹ To á nichu Moise taho cãaa waha, mũrocaa duhti wahcã, Madiã yahparu wahaa wahaa tiha. Tópu pa sehe macariro jiparota, numino boca, puaro pohna tia tiha.

³⁰ 'Á yoa Moise cuarenta cahmari waro tói to jiri baharo, Sinaí wama tidũ tũcu cahai masa marienopu to jichu anjo tirore bajuaa tiha. Anjo sehe mahaducã jari picha pohnai bajuaa tiha.

³¹ Tu yucucucãru to jãrucuchu ñano, Moise ñu cãaa wahaa tiha. Ti pichacare cahacã noano to ñu wahcãchu waroi Cohamacu to durucuchu tãhoa tiha.

³² "Cohamacu jija yuhu. Mu ñichusuma cjiri, Abrahã cjiro, Isaa cjiro, Jacobo cjiro ti ño payoriro jija", nia tiha Cohamacu Moisere. To á nichu tuhoro Moise sehe teterere, ne ñu wahcõeraa tiha.

³³ Cohamacu õ sehe ni durucu namoa tiha tirore. "Yũhu ñaa marieriro yũ õi jiro wato, mu ducuri yahpa sehe wiho jiri yahpa jierara. Á jicu mu dahpo suhtire tjuwe cãga.

³⁴ Á yoa yũ yaina masa Egiptoru ti ñano yuhduchu ñuja. Ti tiichu tãhoja. Á jicu õpu se wihija yuhu, tinare yuhdu witicu yoai tai. Ti á wahachu, ñucu wahaga mũhu cãhu.

Egiptopu mähare warocaihtja. Tinare na wioi wahaga”, nia tiha Cohamacu Moisere.

³⁵ “Tó panopu tina sehe mari coyea, Israe masa Moisere cahmaeraa tiha. “Muhu sā puhtoro jierara. Muhu sāre yoadohoboriro jierara”, ni tuhtia tiha tina tirore. Wiho mejeta baharo, Cohamacu ti ā niriro cjirore Egiptopu warocaa tiha, mari coyea Israe masare yuhdu witichu yoah tiro, ā jichu ti puhtoro jihtiro cjihtore. Ā yoa anjo, tirore jāduru bajuariro sehe to ā yoah ture yahua tiha tirore.

³⁶ Moise jia tiha mari coyea, Israe masare Egiptopu jijnare na wioriro. Tinare na wioro, Egiptopu Cohamacu tuaa mehne tiro sehe yoa űo ducaa tiha tópu jijnare. Pjiri ma sohāri mapu āta yoa űoa tiha tjoo. Baharopu masa marienopu cūhare cuarenta cahmari waro Cohamacu tuaa mehne yoa űo mujaa tiha tiro to masare.

³⁷ Ā yoa Moise cjiro jia tiha mari coyea, Israe masare ű sehe ni yahuriro: “Cohamacu cūiro mūsa coyeiro, to yare yahu muhtahtiro, yu yoaro sehe jirirore warocahca mū sare”, nia tiha Moise tinare.

³⁸ Moise masa marienopu mari coyea Israe masa mehne jia tiha. Tuhsu, Sinai wama tidu tūcupu ti cahmachuchu tirore yahuriro anjo mehne jia tiha. Ā yoa mari űchusuma panopu macaina cjiro mehne jia tiha tiro. Cohamacu to dutiare cūiro jia tiha Moise.

³⁹⁻⁴⁰ Ā jia ti dutiare tūcu Moisere to cūno watōi mari űchusuma cjiro Egiptopu tjua duaa Moisere yuhdurucaa tiha. Tina tirore cahmaeraa tiha. Ā cahmaeraa tina Moise cjiro wahminore Aarō wama tirore cjirore ű sehe nia tiha: “Paina cohomanare yoaga mari yaina cjihti. Tina mari wahahti mahare marine suho naahca. ű Wiho mejeta marine Egiptopu jijnare na tariro Moise dohse wahari tiro? Masieraja sā”, nia tiha tina.

⁴¹ Ā jia ti dachorire tina wachu masare uru mehne yoaa tiha. Ā yoa tuhsu, tina wahiquinare wajā, ti yoariro cjiro cahai na ta, űo payoa tiha tirore. Ā jia tina ti yoariro cjirore wahure űu, wahche, bose nūmu yoaa tiha.

⁴² Wachure ti űo payochu űano, Cohamacu tinare cohā wahcāa wahaa timaha. “Yuhare cohā, mūanopu bajuaa, sū dacho macariro, sū űami macariro, ā yoa űahpichoha poca cūhare űo payowahnojaro”, nino cohā wahcāa wahaa timaha. Cohamacu yare yahu muhtaina cjiro ā ni joaa tiha:

“Musa Israe masa, yuhare nu űano yoare.

Masa marienopu cuarenta cahmari waro jina wahiquinare mūsa wajāinare mūsa wajā, jū wa mūpanahta, yuhare mūsa űo payoboriro seheta yoamare mūsa.

Wiho mejeta yuhu sehene mūsa űo payoore.

⁴³ Ā jina mūsa Molo wama tiri masare űo payoina jina, ti masare űo payori wahure cūare mūsa.

Ā yoa paio cohamacu űahpichohaca Refā wama tiria to masare mūsa yoariare mūsa cūare tjoo.

Ti masarine mūsa yoarire mūsa űo payore. Mūsa ā yoari buhiri masare Babilonia sie sehenu cohārocāhtja yuhū”, ni yahu joaa tiha Cohamacu yare yahu muhtaina cjiro.

⁴⁴ Ā jia masa marienopu Cohamacu masa mehne to jiri wahare wahiquina cahsari mehne ti yoari wahare cūaa tiha mari űchusuma cjiro panopu macaina. Ti wahu Cohamacu masa mehne to durucuri wahu jia tiha. Ti wuhuru Cohamacu dutia to joaa pjini tāa pjini jia tiha. Ti wahare Cohamacu Moisere to űoriro seheta, “ű sehe yoaga”, to ni yoa dutiriro seheta yoaa, ti wahare cūaa tiha tina.

⁴⁵ Ā yoa ti panamanapu cūhu cūaa turia nūnu tia tiha ti wahare, wahiquina cahsari mehne ti yoari wahare. Baharo mari űchusuma cjiro Josue mehne Cohamacu mari coyea Israe masare to cūhti yahpapure, ahri yahpapure pu tia taha. Ti pu tia tachu ahri yahpai ji muhtaina cjirore Cohamacu cohānocaa tiha. Ti pjare Cohamacure ti űo payori wahare na taa, cūaa tiha tina ahri yahpapu, mipure mari jiri yahpapu. Pu Davi cjiro to jiri tjurupu cūaa batōa tiha ti wahare.

⁴⁶ Tiro Davi cjiro sehe Cohamacure wahchechu yoariro jia tiha. Cohamacu ya wahu cjihtore pa wahu tiro yoa duaro, sinia timaha Cohamacure.

⁴⁷ To ā sinipachuta Salomopu Cohamacu ya wahu sehene yoaa tiha.

⁴⁸ To ā yoapachuta Cohamacu Jipihtina Bui Jiriro sehe masa ti yoari wuhupure jierara. ű sehe nia tiha Cohamacu yare yahu muhtariro cjiro:

⁴⁹ “ Mūano yu dujiro jira.

Tōi dujicu dutija yuhū.

Ā jiro yahpa sehe yu dahporire duhu payoro yoaro sehe jira.

Yuhū tua yuhduariro jija.

Yu ya wuhū cjihtore yoa masierara mūsa.

Cohamacu yu jichu yu jihti wahure mūsa yoa masierara.

⁵⁰ Yu basi ahri yahpare jipihtiro yoahi yuhū’, ni durucua tiha Cohamacu”,

ni joaa tiha Cohamacu yare yahu muhtariro cjiro.

⁵¹ Mūsa Cohamacu yare tuhopenahta, tirore yuhti duaerara. Cohamacure masieraina yoaro sehe tuhoutuina baro jira mūsa. Espiritu Santore yuhdurucua yuhduara

musa. Musa ñuchusuma cjiro ti yoariro cjiro seheta yoara musa cãhu.

⁵² Musa ñuchusuma cjiro jipihtina Cohamacu yare yahu mahtaina cjirore ñano yoaa tiha. Tina Cohamacu yare yahu mahtaina cjiro “Baharo cãiro ñaa buhiri Marieriro tarohca”, ti ni yahu quihõ mahtachu tuhoa, musa ñuchusuma cjiro sehe tinare wajãa tiha. Æ yoa mipu cãhure tiro “Ñaa buhiri Marieriro”, tó panopu ti niyuriro sehe õpu to wihichu, “Mahu mehne macaina jija”, ni ji mahño, tirore wajãhre.

⁵³ Cohamacu dutiare anjoa sehe yahu turia timaha musare. Ti ã yahu turiachu musa tí dutiare cjuamaha. Wiho mejeta tí dutiare yuhdurucara musa —niha Estebã.

Tina Estebãre tãa poca mehne doca wajãha

⁵⁴ To ã nichu tuhoa tina sehe tuaro suaha. Æ tuaro suaa, cuaina wahaha.

⁵⁵ Ti ã suapachuta Estebã sehe Espiritu Santo mehne wacú tuariro to tuaa mehne manopu ñuroca mo, Cohamacu si siteare ñaha. Æ yoaro Cohamacu potu buhusehei Jesu to ducuchu cãhure ñaha tiro.

⁵⁶ Æ ñuroca moono, õ sehe niha:
—Ñu mooga musa. Manopu mahanocã to tjuwe machu, Jesu Cohamacu to warocariro Cohamacu potu buhusehei to ducuchu ñuja yuhu —niha Estebã tinare.

⁵⁷ To ã nichu tuhoata tina tuaro sañurucu, ti cahmo coparire bihanoca, cãno potori tiro cahapu muroca wahcã, tirore ñahaha.

⁵⁸ Ñaha tuhsu, tirore na wahcã, tí maca duhtu cahapu cohãha tirore. Æ jia tãa poca mehne doca wajãha tirore. Ti ã wajãhto pano tirore yahusãrina tirore tãa poca mehne docahtina ti bui sãa suhtire tjuwe na, wahmanore Saulo wama tirirore ti suhtire cjuabasa dutiha.

⁵⁹ Estebãre ti tãa docaro watoi, sinino sehe õ sehe niha tiro:

—Jesu, yu puhtoro yu catiare naga —niha tiro.

⁶⁰ Ni tuhsu, tiro na tuhcu caha su, õ sehe ni tuaro sañurucuha:

—Puhtoro Jesu, ahрина mipu yãhure ti wajãri buhiri tinare buhiri dahrei tjia —ni sañurucuha Estebã.

Æ ni sañurucu batoarota, yariaa wahaha tiro.

8

Saulo Jesu yainare ñano yoaha

¹ Estebã to ã yariachu ñuno, “Noana”, niha Saulo sehe.

Tí dachoreta Jesu yainare Jerusalẽ macainare ñano yoa ducaha Saulo mehne macaina sehe. Ti ã yoa ducachu Jesu yaina Judea yahpau, Samaria yahpau yoaropu

duhti site wahcãa wahaha. Ti puhto, Jesu to cãrina dihta waharaha.

² Æ yoa paina Cohamacure ño payoina Estebã pjacu cjirore tãca copapu, duhu sãa, tiro cjirore tuaro tii payoha tiro cjirore tina.

³ Wiho mejeta Saulo sehe Jesu yainare ñabiaro yoaa timaha. Tiro ti wãhusepu sãa, mware, numiare ñaha wahcã, peresupu biha dapoa tiha.

Samariai Jesu yare buheha Felipe

⁴ Æ yoa yoaropu waha siteina cjiro nohoi ti waharoi Jesu yare buheha tiha.

⁵ Cãiro tina mehne macariro Felipe cã maca, Samaria wama tiri yahpai jiri macapu su, Cristo masare yuhdoriro ya quitire buheha tí maca macainare.

⁶ To ã buhechu, tó macaina sehe tirore tuho cahmachu, Cohamacu to tuaa mehne to yoa ñochu ñaha tina. Æ jia tina jipihtina cãno potori to yahuare noano tuho nanua tiha.

⁷ Payu masa watã sãanohrina tiro cahai ti wihichu ñuno, watã sehene tiro wijaa dutia tiha masapu jirinare. To wijaa dutichu, tina watã sehe tuaro sañurucu, wijaa wahaha. Tuhsu payu pjacu buhainare, pari yuri tini-ina cãhure pjacu noaina wahachu yoaa tiha.

⁸ To ã yoa ñochu ñua tí maca macaina payu masa wahchea tiha.

⁹ Tí pjare Simo wama tirore tí maca macariro yairo jiha. Æ jiro yaya ti yoarire yoa ñoa tiha Samaria macainare. To ã yoa ñochu ñua, tó macaina ñu cuaa waha, tirore cua pisaro ñaina jiha.

—Yuhu masi pahñoriro jija —nimaha Simo sehe tinare.

¹⁰ To ã yoachu ñua masa sehe õ sehe nia timaha:

—Ahroro Cohamacu ya tuaare cjuariro jira. Cohamacu yoaro sehe tuariro jira —nia timaha tirore masa, puhto mehne. Tina jipihtina noano tuho nanua tirore.

¹¹ Tiro yaya ti yoaa mehne yoari pja yoa ñoa tiha tinare. To ã yoa ñochu ñua tina cuaa wahaha. Æ cuaa waha, tina tirore ño payoa tiha.

¹² Wiho mejeta ti ã ño payopachuta Felipe sehe puhtoro Cohamacu to suho jiare, Jesucristo yare noaa buheare yahuha. To ã yahuchu tina tirore noano tuhoha. Ti ã noano tuhochu ñuno mware, numia cãhure bautisaha Felipe.

¹³ Æ jiro Simo cãhu Felipere noano tuhoa tiha. Æ jiro tiro cãhure bautisaha. To ã yoari baharo Felipe mehne tjuaa tiha tiro. Felipe sehe Cohamacu tuaa mehne to yoa ñochu ñuno Simo ñu cuaa wahaa tiha.

¹⁴ Æ yoa Samaria yahpa macaina Cohamacu yare ti tuaro cahmachu tuhoa Jerusalẽpu jiina tuhorocaa tiha tinare. Æ

ti cahmachu tūhoa Pedrore, João cūhare warocaa tiha Samaria yahpapu.

¹⁵ Tópu sua Pedro cūhu Cohamacure siniha: “Ahrina Samaria yahpa macaina mūhare ño payoinare ma Espiritu Santo sājaro”, ni sini payoha tina Cohamacure.

¹⁶ Tina Samaria yahpa macaina Jesu-cristo yaina jia to bautisarina jiha. Tí dihtare masiha tina. Á jiro Espiritu Santo tinare sāaerasiniha.

¹⁷ Á jia Pedro, João mehne Samaria yahpa macainare ti wamomacarine ti dapupoca bui ti duhu payori baharo Espiritu Santo tinare sāari jire.

¹⁸ Á yoa Pedro cūhu ti wamomacari mehne ti duhu payochu ñuha Simo. Espiritu Santo tinare to sāachu cūhare ñuha tiro. Á ñuriro jiro, tí tuaare cahmano niñeru mehne wapa duamaha.

¹⁹ Ō sehe nimaha Simo:

—Yūhu cūhare waga ahri tuaare. Yūhu cūhu yu wamomacari mehne masa dapupoca bui duhu payoi tai nija Espiritu Santo tinare to sāahto sehe. Á jicu ahri yu yoahiti wapare wapa duaja —nimaha Simo tinare.

²⁰ To ā nichu tūhoro Pedro ō sehe niha:

—Mūhu niñeru mehne Cohamacu ya tuaare ma nuchu duari buhiri ma niñeru mehneta pichacapu wahaga mūhu. Cohamacu ma tūhotuare masina. Mūhu ñariro jisina.

²¹ Á jicu ahrire sā yoare yoa masierara mūhu. Ahri ma yoaa baro jierara.

²²⁻²³ Paina ti cjuare ñucu suariro jira mūhu. Á jicu ñaa yoare ne duhu masierara mūhu. Á jicu ahrire ma ñaa yoaire cahyaga mūhu. Cohamacure ma ñaa tūhotuare to bohto sehe siniga mūhu. Ma ā yoachu ñuno tiro ma ñaa buhirire boboca, pa tehe nino —ni yahuha Pedro tirore.

²⁴ To ā nichu tūhoro Simo ō sehe ni yūhtiha tirore:

—Yūhare sini payoga musa Cohamacure ma niriro sehe yu wahaerahto sehe. Tí buhiri pichacapu waha duaeraja yūhu —niha Simo tirore.

²⁵ Baharo Pedro João mehne Cohamacu yare yahuha: “Jesu to masa mujachu ñuhi sā”, ni payu Samaria yahpai jia macari macainare noaa buheare buheha. Tinare Cohamacu yare buhe tuhsu, Jerusalēpu tjuaa wahaha.

Felipe Etiópia yahpa macarirore buheha

²⁶ Á yoa Cohamacu yairo anjo Felipere ō sehe ni yahuha:

—Mipure sur sehepu wahaga. Jerusalē caha jiri mahapu Gazapu wahari mahapu, masa marienopu jiri mahapu wahaga —ni yahuha anjo Felipere.

²⁷ To ā nichu tūhoro tiro sehe tí mahapu wahaa tiha. Baharo tí mahapu cūiro masunore piti bocaro taro niha. To piti bocahtiro jiha Etiópia yahpa macariro puhtoro. Tiro numiare cahmaerariro eunuco masuno jiha. Á jiro Candace wama tiricoro Etiópia macaricoro puhtorocoro yare niñerure jipihtiare ñu wihboriro jiha. Wiho jiriro jieraha. Tiro Jerusalēpu Cohamacure ño payoro waha tuhsu.

²⁸ To ya macapu tunuria mehne tjua taro tiapu wahaparota buhero niha. Cohamacu yare yahu muhtariro Isaia cjiro to joari pūre buhero niha.

²⁹ Á jiro Espiritu sehe Felipere ō sehe ni yahua tiha:

—Siro tunuriapu wahariro cahapu wahaga —niha Espiritu tirore.

³⁰ To ā nichu tūhoro Felipe sehe tunuria cahapu muroca wahcā, Isaia cjiro to joarire Etiópia macariro to buhechu tūhoha. Á tūhoro Felipe ō sehe ni sinituha tirore:

—¿Ma buheare tūho ñahajari mūhu? —niha tiro.

³¹ To ā nichu tūhoro Etiópia macariro ō sehe ni yūhtiha:

—Pairo yūhare yahu yūhdoriro mariachu noano masieraja yūhu. Ōi yūhare yahu dujii taga yu pari wahpa —ni yūhtiha tiro Felipere.

—Jai —ni nuju suha to caha.

³² Á yoa Cohamacu yare Etiópia macariro to buheri pū ō sehe niha:

“Ovejare ti ñaha wajāriro seheta tiro cūhare ñaha wajāhca masa.

Á jiro ovejācā to pjoare ti sachu to sañurucueraro seheta tiro masuno cūhu dihta marieriro jirohca.

³³ Tirore tina bujūpeahca.

Á jia tiro to ñano yoaerapachata tina sehe ñano yoahca tirore.

Tiro ahri yahpapu to jichu tina tirore wajāhca.

Á jiro tiro pohna marieriro yariaa waharohca”,

ni joaha tí pūpure.

³⁴ Tí pū to ā ni yahuchu ñuno, Etiópia macariro ō sehe ni sinituha:

—Yahuga yūhare. ¿Ō sehe Isaia cjiro to niriro diro baro jicari ahriro? ¿Isaia cjiro to basi yahuro nicari? ¿Ō pairore yahuro nicari? —ni sinituha Etiópia macariro.

³⁵ To ā ni sinitu ñuchu tūhoro Felipe sehe tí pūre ñu, Jesu yare yahuha Etiópia macarirore.

³⁶ Á yoa tina tia mehne waha, mácapu suha.

—Ñuga, ōi máca jira. Ahri mácapu yūhare bautisaga —niha Etiópia macariro.

³⁷ [—Jesure ma noano wacū tuachu ñucu mūhare bautisaihtja —niha Felipe tirore.

—Jesure wacū tuaja yuhū. Tiro Cristo Cohamacū macano jira. Tīre noano masija yuhū —niha Etiopía macariro.]

³⁸ Ā ninota tiro tunuria uturirore yusuo dutiha. Tia to yusu caha sūri baharo wijaaha tina. Wijaa, tí mácaru sū, ĩnumurucu suha tina. Tói ĩnumurucu sū, Felipe sehe tirore bautisaha.

³⁹ Bautisa tuhsū ti maja sūrucu sūchū Cohamacū to Espiritu Felipere naa wahaha. To ā wahari baharo Etiopía macariro noano wahcheriro to ya yahparū tjuaa wahaha. To ā yoari bato tichū ne pari turi Felipere ĩneraha.

⁴⁰ Ā yoa tuhsū Azotopū suha Felipe sehe. Tuhsū, payū macarine noaa buheare buheha masare. Pū Cesarepū buhe batoa tiha.

9

Saulo Jesucristore ĩnano tirore wacū tua dūcaha

(Hch 22.6-16; 26.12-18)

¹ Wiho mejeta tí pjare Saulo Jesu yainare ā ĩn tuhtirucusinino, “Tinare wajāihtja” nino, tiro sacerdotea pūhtoro cahapū wahaha.

² Tórpū sūro tiro joaa pūrine ō sehe ni siniha sacerdotea pūhtorore:

—Joaa pūrine waga yūhure yū tuahti pūri cjihtire. Tí pūripū mū wama mū joa payochū, yuhū sehe tí pūri mehne, mū dutiro mehne Damascopū wahaihtja. Tórpū sū, judio masa mari buhea wūhūsepū Jesu yaina mūa, nūmia cūhure boca sūcu, tinare ĩaha duhte, ōrpū Jerusalēpū na majare tjuaa taihtja —ni siniha Saulo sacerdotea pūhtoare.

³ Tí pūrine na tuhsū, tiro waha, Damasco cahai to sūro cahachū waro mūanopū wacūenoca si siteroca boroha tirore.

⁴ Wacūenoca to ā si siteroca borochūta tiro yahparū bora caha sūro, ō sehe ni durucuchū tūhoha:

—Saulo, Saulo, ¿dohseacu mūhū yūhure ĩnano yoajari? Mūhū yūhū mehne suacu yūhure yūhtieracu, mū basita ĩnano yūhdara —nino coa taha.

⁵ —Pūhtoro, ¿diro baro jijari mūhū? —ni sinitu ĩnaha Saulo sehe.

—Yūhata jija Jesu, mū ĩnano yoarucuriro —niha Jesu Saulore.

⁶ [To ā nichū ō sehe ni sinituha Saulo:

—Pūhtoro, ¿dohse yū yoachū cahmajari mūhū? —niha Saulo.]

—Wahcārucaga mūhū. Macapū wahaga. Tí macapū mū sūchū tó macariro mū yoahtere yahurohca mūhure —niha Jesu Saulore.

⁷ To ā nichū Saulo mehne macaina sehe to durucua dihtare tūhoha. Wiho mejeta Jesu

sehere ĩneraha. To ā wahachū ĩna, cuia, tina durucu masieraha.

⁸ Ā jiro Saulo yahparū coāriro wahcārucā, to ĩnuchū to capari bajueraha. Ā jia tina to wamomacare ĩaha, Damascopū tūā wahcāa wahaha tirore.

⁹ Tórpū sūro, tiro tia dacho waro ne ĩnera, chūera, ne sihniera tiha.

¹⁰ Ā yoa cūiro Jesu to buheriro Anania wama tiroro Damascōi jia. Ā jiro Jesu bajua tiha Ananiare. Ā bajuaro ō sehe ni pisuha tirore:

—Anania, ¿jimajari mūhū? —niha Jesu.

—Jimajā —ni yūhtiha Anania tirore.

¹¹ To ā nichū Jesu sehe ō sehe ni yahuha tirore:

—Potori Maha wama tiri mahapū wahaga. Ā wahacu Juda ya wūhūpū cūiro Tarso macariro Saulo wama tirirore macaga. Tiro Cohamacare sinino nica.

¹² Tiro cahānopūre tirore mū yoahtere ĩno tuhsūhi yuhū. Ō sehe jiare ĩhure tiro: Mūhū mū wamomacarine tiro bui duhu payo, to capari noaa wahachū ĩhure tiro to cahānopūre —niha Jesu Ananiare.

¹³ To ā nichū tūhoro Anania sehe ō sehe ni yūhtiha:

—Pūhtoro, tiro mū yainare, noainare Jerusalē macainare nu ĩnano yoa mūjayuhti. Payū masa yūhure ā ni yahure.

¹⁴ Ā yoa ō cūhure tiro jipihtina mūhure cahmainare peresu yoaro taro niyūhti. Sacerdotea pūhtoā tirore ā yoa dutiyūhti —ni yūhtiha Anania Jesure.

¹⁵ To ā nichū Jesu sehe ō sehe ni yahuha tirore:

—Tiro Saulo sehe yū beseriro jira. Tiro yū ya buheare judio masa jierainare, ti pūhtoare, ā jichū Israe masa cūhure buherohca. Ā jicu wahaga mūhū.

¹⁶ Payū tahari yū yare yoaro tiro ĩnano yūhdarohca. Tīre tirore masichū yoaihtja —niha Jesu Ananiare.

¹⁷ To ā niri baharo Anania sehe waha, sū, Saulo to jiri wūhūpū sāaha. Sāa sū, to wamomacarine Saulo bui duhu payo, ō sehe ni yahuha tirore:

—Coyeiro Saulo, mū capari mū ĩnūhto sehe, Espiritu Santo mūhū mehne to jihto sehe, to dutiro sehetā mū yoahto sehe, mari pūhtoro Jesu sehe mahapū mūhure bajuariro yūhure warocahre —ni yahuha Anania Saulore.

¹⁸ To ā nichūta to caparire wahi nūteri yoaro sehe bajua to caparipū wahāa pahna borachū ĩnaha Saulo. To ā ĩn tuhsūri baharo to wahcārucū sūchū paio sehe tirore bautisaha.

¹⁹ Tirore to bautisa tuhsūchū, tiro sehe chū, tuariro wahaha.

Saulo Damascoi Jesu yare buhe dɔcacha

Ā yoa Saulo mahaa dachoricā Damasco macaina Jesu yaina mehne jia.

²⁰ Dói tí dachorita tiro judio masa buheha wuhusepɔ sɔ, Jesu Cohamacɔ macɔno to jiare yahu dɔcacha masare.

²¹ To ā yahuchɔ ņɔa jipihtina tirore tuhoina cɔaa wahaha.

—Cho, ahriri Jerusalɛpɔre Cohamacɔ yainare Jesure cahmainare ņano yoariro cjiro jira. Ā yoa tirota jimana ō macaina Jesure cahmaina cɔhure ņaha, duhte, sacerdotea puhtoare wiaboriro. Ā yoa duaro ōpɔre tari jimahre tiro —niha masa tirore tuhoina.

²² Wiho mejeta Saulo sehe cui tuhuturo marieno buhe mihni wahcāa tiha. “Ahriri Jesu potocāta Cristo, marine yuhdohtiro jira”, to ni yahu mihnichɔ, tó macaina judio masa ti ni yahti yuhdɔgɔcaborirore bocaeraha.

²³ Ā jia payɔ dachori baharo judio masa tirore wajā duaa, ti basi durucua tiha.

²⁴ Wiho mejeta Saulo tirore ti wajā duachɔ masiha to basi. Tina tí macare sahrino taa mehne ti yoari sahrino macaa sopacarire dachopɔre ņamipɔ cɔhure cohtaa tiha tirore wajā duaa.

²⁵ Ti ā wajā duachɔ ņɔa ņamipɔ Saulo buheina tirore pɔhɔro pjiri pɔhi na sãa, tí maca macari sahrino baharo buhusehei duhu boroha tirore. Tó sehe ti yoachɔ yuhduha tiro.

Saulo Jerusalɛi jia

²⁶ Ā yoa Saulo Jerusalɛpɔ sɔro, tórpɔ Jesu yaina mehne tiro ji duamaha. Wiho mejeta tina tirore “Jesu buheriro jierara ahriri” nia, tirore cui niha.

²⁷ Ti ā cuipachɔta Bernabé sehe tirore na wahcāha Jesu to cūrina cahapɔ. Ā jiro Saulo mahai Jesure to ņɔrɔre, Jesu Saulore to durucurire, ā jichɔ Damascopɔ cuiro marieno Jesu yare to buhe dɔcari yahuha Bernabé sehe.

²⁸ To ā ni yahuri baharo Saulo sehe tina mehne sãano, Jerusalɛpɔ tina mehne jia tiha.

²⁹ Tiro cuiro marieno judio masare Jesu yare yahu yuhdɔgɔcaro niha. Tina judio masa griego masa yare durucuína jia. Ā yoa Saulo to ā yahu yuhdɔgɔcachɔ, tina tirore wajā duamaha.

³⁰ Ti ā wajā duachɔ ņɔa, Saulo mehne macaina Jesu yaina sehe tirore Cesareapɔ na duhti wahcāa wahaha. Tórpɔ tirore sɔho jirucuma Tarsopɔ warocaha tirore.

³¹ Ā yoa jipihtirópɔ, Judea yahpɔpɔ, Galilea yahpɔpɔ, Samaria yahpɔpɔ cɔhure Cohamacɔ yaina noano jia tiha. Tí pjare ne masa ņano yoaera tiha tinare. Ā jia noano

buheha tina. Tina Cohamacɔ yare buhe, tirore masi namo, noano yahtia tiha. Ā yoa Cohamacɔre cua pisaro ņɔa tiha. Espiritu Santo tinare to yoadohochɔ tina sehe payɔ wahaa tiha.

Pedro Eneare noariro wahachɔ yoaha

³² Ā yoa Pedro jipihtia macaripɔ waharo, Jesu yaina Lida macaina cahapɔ cɔhure sɔha tiro.

³³ Tórpɔ sɔro Enea wama tirirore boca sɔha. Enea pjacɔ buhariro jiro, ocho cɔhmari waro tí pūpaha cūriro coāa tiha.

³⁴ Ā jiro Pedro sehe tirore ō sehe niha:

—Enea, Jesucristo mɔhure noariro wahachɔ yoara. Wahcārɔcaga. Mɔ pūpaha coāri cahsarore cahnoga —niha Pedro tirore.

To ā nichɔta tiro wahcārɔcaha.

³⁵ Ā jia jipihtina Lida macaina, Sarón macaina tirore ņɔa, tina ti ņaa yoaare duhu, Jesure wacū tuaa tiha.

Dorca wama tiricorore masoha Pedro Jesu to tuaa mehne

³⁶ Ā yoa Jope wama tiri macai Jesure ņo payoricoro Tabita wama tiricoro jia. To wama Tabita griego ya dɔsero mehne Dorca jira. Ticoro noaare yoaro payɔ waa tiha pjacɔoinare.

³⁷ Ā jiro tí pjare ticoro dohati wahcō, yariaa wahaa tiha. To yariachɔ ņɔa, tina ticorore noano cosa, mɔano macari tahtiapɔ cūa tiha ticorore.

³⁸ Lida wama tiri maca Jope cahai jire. To ā jichɔ Jesu buheina Jope macaina Pedro Lidapɔ to jichɔ tuhorocaa tiha. Ā tuhorocaa, pɔaro warocaha Pedro cahapɔ. Tiro cahapɔ sɔa Pedore ō sehe ni yahuha tina:

—Soaro mehne sã jirópɔ wahaga —ni yahuha tina.

³⁹ Ti ā nichɔ tuhoro tina mehne wahaa wahaha tiro. Tórpɔ tirore ti na sɔri baharo mɔano macari tahtiapɔ na mujaa wahaha tirore. Ā jia jipihtina wapewahya tiro cahai sɔgɔca, tiia tiha. Tabita tina mehne jisininopɔ payɔ suhtire yoaa tiha. Ā jia tina to yoari suhti cjiire ņoha Pedore.

⁴⁰ Wiho mejeta Pedro tinare tí tahtiapɔ jjinare wijaa dutiha. Ti wijaari baharo tiro na tuhcuca caha sɔ, Cohamacɔre ticorore sini payoha. Ā jiro to pjacɔ cjirore majare ņɔ:

—Tabita wahcāga —niha tiro.

To ā nichɔta ticoro sehe ņɔ wahcō, Pedore ņɔ, wahcā nuju sɔha.

⁴¹ To wahcā nuju sɔchɔ ņɔ, tiro to wamomacare ņaha, tuā wahcō dapoha ticorore. Ā jiro tiro tó macainare Jesu yainare, wapewahyare pjiroca, ticorore catiricorore wiaha tinare.

42 To ā yuari baharo jipihitina Jope macaina tīre masia, payu masa Jesure wacū tua dūcaā tiha.

43 Baharo Joperu Simo wahiquina cahsarire cahnoriro mehne payu dachori Pedro tiro mehne jia tiha.

10

Pedro Corneliore Jesu yare yahu dūcaha

1 Ti pjare Cesarearu cāiro Cornelio wama tiro jia. Tiro cien surara puhtoro jia. Tina surara sehe ti ya curua Italiano wama tiha.

2 Cornelio to ya wahu macaina mehne judio masa jieraina jipahta, Cohamacu űo payoina, cua pisaro űaina jia. Tiro judio masa pjacuinare yoadohoro payu waha. Ā yoa dachoripe tiro Cohamacu siniha.

3 Cū namu űamichapū tres jichu Cohamacu yairo anjo tirore bajuaha. Ā bajuaro Cornelio caharu sāaha.

—Cornelio —niha anjo tirore.

4 To ā nichu tuhoro Cornelio tirore űu, cuiro űo sehe niha:

—Puhtoro, űyabare cahmajari mahu? —niha tiro.

—Masa pjacuinare mu warire, Cohamacu mu sinirire Cohamacu noano űano nina.

5 Ā jicu Joperu mu muare warocaga. Tōru Simo Pedro wama tiro jira. Tirore na ta dutiga mu muare.

6 Tiro paio Simo wahiquina cahsari cahnoriro cahai, pjiri ma duhtu cahai jiri wahu jira —niha anjo Corneliore.

7 Anjo ā ni tuhsu, wijaa wahaha. To wi-jaari baharo Cornelio puaro tirore dahra cohtainare, ā yoa cāiro to surara mehne macarirore pjirocaha. Surara sehe Cohamacu űo payoriro jiro, dachoripe Corneliore yoadohoa tiha.

8 Ā jiro Cornelio tinare anjo to yahuri cjirire yahu pahū, Joperu warocaha tinare.

9 Ā yoa pa dachoi Joperu ti waharo watoi cohari pja jichu Pedro sehe wahu buiru Cohamacu sinino wahaha.

10 To mēja suri baharocā tirore jaca purichu chu duaha. Wiho mejeta paina to chūare ti dahrero watoi, tiro sehe űo sehe bajuachū űuha.

11 Muanore parī muachu, pjiri cahsaro pititia sohtoarire dakteri cahsaro to duji tachū űuha.

12 Ti cahsaro puhichapure payu wahiquina bua tiniina, chihchōina, waina perī cāhu jia.

13 Tīre to űuri baharo, Pedro durucuro coa tachū tuhoha:

—Pedro, wahcārucaga. Ahrinare wajā chūga —nino coa taha tirore.

14 To ā nipachata Pedro űo sehe niha:

—Puhtoro, ne tina barore chūeraja yahu. űainare, Cohamacu to chu dutierinare ne chūera tihū yahu —niha Pedro.

15 To ā niri baharo Pedro pari turi durucuro coa tachū tuhoha:

—Cohamacu “Noaina jira”, to nirinare “űaina jira”, nii tjia mahu tinare —nino coa taha Pedrore.

16 Ā yoa tia taha ti ā ni durucuro baharo ti cahsaro muanoru mējaa wahaha tjoa.

17 To ā mējaa wahari baharo, Pedro tuaro wacū “űDohse ni duaro nijari ā bajuaro?” ni tuhotuha tiro to basi. To ā ni tuhoturo watoi Cornelio mu to warocaina sehe Simo ya wuhuru saha. “űSimo ya wahu nohoru jijari?” ni, ti sinitu baharo to ya wuhuru saha tina.

18 Su, tina sinitu űu bahraűoha. “űSimo Pedro wama tiro ahri wahu jijari?” ni sinitu űuha tina.

19 Ā jiro Pedro to tuhoturo watoi Espiritu Santo tirore űo sehe ni yahuha:

—űuga. Tiaro mu mūhure maca nina.

20 Wahcārucaga. Dujiaga. Tina mehne wahaga. Jiape ni tuhotuecāta wahaga noano mehne. Yuhu sehe tinare űpūre warocahi —niha Espiritu Santo Pedrore.

21 To ā nichu tuhoro Pedro ti caharu dujia wahaha.

—űuga. űi jija yahu masa maca tariro. űDohse yoana tana niri masa yu cahai? —niha Pedro tinare.

22 To ā nichata tina sehe űo sehe niha:

—Cornelio cien surara puhtoro, noaare yoiro, Cohamacu cua pisaro űuriro, jipihitina judio masa “Noariro”, ti niriro mūhure pji ta dutiro warocahre sāre. Cohamacu yairo anjo Corneliore mūhure pji dutiyuhti. űo sehe niyuhti: “Pedrore mu wuhuru na ta dutiga mu muare. Ā yoa tiro mūhure to yahuchū, noano tuhoga tirore”, ni pji dutiyuhti anjo Corneliore —ni yahuha Cornelio Pedrore to pji dutirina sehe.

23 Ti ā nichu Pedro sehe tinare sā ta duti, chu wa, to jiri wuhuru carī dutiha tinare. Pa dachoi Pedro wahcā, tina mehne wahaa wahaha. Ā yoa paina Cristo yaina Jope macaina Pedrore piti ti wahcāha.

24 Pa dachoi tina Cesarearu saha. Ti suhto panocā Cornelio sehe to coyeare, tiro mehne macaina cūhure pji cahmachu, Pedrore cohtaa niha.

25 Ā jiro Pedro Cornelio ya wahu caharu to tachū űuno Cornelio sehe tirore piti boca wijaa, to dahpori cahai caha saha.

26 Wiho mejeta Pedro tirore na wahcō űo sehe niha:

—Ducuga mahu. Yuhu cūhu mu yoaro se-heta jiriro jija —niha Pedro tirore.

²⁷ To ã ni tuhsari baharo Cornelio tireore na sãa wahaha to ya wuhũpũ. Tõpũ sãa sũro masa peri tí wuhũpũ cahmachu tireore cohtainare ñũha Pedro.

²⁸ Tinare ñũno õ sehe ni yahuha tinare:

—Judio masũno jipaihta pa curua macaina mũsa mehne jicũ, mũsa wuhũsepũ sãacu, judio masa sã dutiare yuhũdũrcaci nija yuhũ. Tíre noano masina mũsa. Wiho mejeta pa curua macainare “Ñaina jira”, yuhũre ni dutierare Cohamacũ. Tíre ni yauhure yuhũre tiro.

²⁹ To ã nichũ tuhocu õpũre mũsa cahapũre tahi. Mũsa yuhũre pjirocachũ “Ne wahaer-aja”, nierahi. ¿Dohse jiro baro yũ õpũ tachũ cahmari mũsa? —niha Pedro tinare.

³⁰ To ã nichũ tuhoro Cornelio sehe õ sehe niha:

—Pititia dachori wahara, Cohamacũ yairo anjo yuhũre to bajuari baharo. Tí dachore tres jichũ, ahri hora waroihta Cohamacũre yũ sinino watoi anjo minoa suhti tiriro yũ cahai ducuhre.

³¹ Æ ducuro tiro yuhũre õ sehe nihre: “Cornelio, mũhũ Cohamacũre mũ sinichũ tiro tuhohre. Æ yoa pjacuoinare tí cahmaare mũ wachũ noano masino, Cohamacũ mũhũre yoadohorohca.

³² Æ jicũ Jõpõpũ mũ mũare warocaga, Simore, Pedro wama tirirore mũ cahapũ tí na tahto sehe. Tiro paio Simo wahiũquina cahsari cahnoriro ya wuhũi, pjiri ma dũhtũ cahai jiri wuhũi jira tiro. Mũ cahapũ wihiro mũhũre yahurohca”, ni yauhure yuhũre tiro.

³³ To ã nichũ tuhocu dóicãta yũ mũare mũhũre na ta duticũ warocahi yuhũ. Æ jicũ noano yoacu tari jira mũhũ sã cahapũre. Æ jina sã jipihtina õre Cohamacũ to ñũrocaroi jina nija sã. Jipihtiare Cohamacũ mũhũre to yahu dutirore tuhõ duana, cohtahi sã —niha Cornelio Pedroro.

Pedro Jesu yare yahuha

³⁴ To ã nichũ tuhoro, Pedro õ sehe ni yahuha:

—Mipũ masija. Potocã tjira. Cohamacũ cãno potori noano yoara marine.

³⁵ Æ jiro jipihtia macari macaina Cohamacũre cua pisaro tí ñũchũ, noare tí yoachũ Cohamacũ sehe tinare ñũ wahchera.

³⁶ Cohamacũ sã judio masa cahai Jesucristore noaa buheare yahuhtirore warocare. Masa Cohamacũ mehne noano jĩ masica Jesu to yaria masa mũjano mehne. Tí buheare mũsa masina. Jesucristo sehe jipihtina masa pũthoro jira.

³⁷ João bautisario masare, “Mũsa ñaa yoari buhiri tiare masiga”, ni yahu, to bautisari baharo, Galileapũ noaa buheare Jesu sehe yahu dũcare. Baharo Judea yahpapũ cãhũre tí buheare yahu pahũore.

³⁸ Ahriro Jesu Nazare macarirore Cohamacũ sehe to tuaare Espĩritu Santo mehne to yoa masihtire ware Jesure. Æ jiro Jesu noano yoaro wahare. Æ waharo watĩa sãanohrinare, ñano yuhũdũinare jipihtinare noaina wahachũ yoare. Cohamacũ Jesu mehne jiri jire.

³⁹ Judea yahpai, Jerusalẽ cãhũre jipihtia to yoarire sã ñũhi. Baharo tina crusapũ cã puha wajãhre tireore.

⁴⁰ Wiho mejeta tia dacho wahaboroi Cohamacũ tireore masori jire. Maso, Jesure sãre bajuachũ yoari jire Cohamacũ.

⁴¹ Tĩ pjare Jesure jipihtina ñũerare. Sã dihtare bajuahre tiro. Cohamacũ to cahmainare, Jesure ñũ, painapũre yahuhtinare panopũ sãre beseha. Sã sehe Jesu to masari baharo tiro mehne chũ, sihnihi.

⁴² Æ jiro tiro sãre õ sehe ni dutihre. “Masare õ sehe ni yahuga. Yuhũ Jesu jipihtina catinare, yariaina cjiri cãhũre tí ñaa yoari buhiri tiare yahuhtiro buhiri dahrehtiro yũ jichũ yoare yuhũre Cohamacũ. Æ jina tire masare yahuga”, ni dutihre Jesu sãre.

⁴³ Dohse jiina baro Jesure tí wacũ tuachũ ñũno Cohamacũ tí ñaa yoari buhiri tiare borohca. Tíre jipihtina Cohamacũ yare yahu mũhtaina cjiri panopũ macaina yahuyuha —ni yahuha Pedro.

Judio masa jierainapũ cãhũre Espĩritu Santo sãarũcu sũa wahaha

⁴⁴ Tĩ jipihtiare to ã ni yahuro watoi, jipihtina tíre tuhoinapũre Espĩritu Santo sãarũcu sũa wahaha.

⁴⁵⁻⁴⁶ Tinapũre to sãarũcu sũa wahachũ, tuhõ mahnoeraa dũseri mehne wahchea mehne durucu dũcaha tina. Tĩ dũseri mehne Cohamacũre “Tuariro, noariro jira mũhũ”, nia niha. Tĩ ã nichũ tuhõha Pedro mehne tarina judio masa, Jesu yaina. Æ tuhõa Espĩritu Santo judio masa jierainapũ cãhũre to sãarũcu sũ yoadohochũ ñũa, judio masa sehe cuaa wahaha. Æ jiro Pedro õ sehe ni yahuha judio masare:

⁴⁷ —Mari yoaro seheta Espĩritu Santore cãũara ahriina cãhũ. Æ jina tina bautisa duaã tí sinichũ, tinare, dũcataena tjijihna —niha Pedro tinare.

⁴⁸ Æ ni tuhsũ judio masa jierainare Jesu yaina tí jiare ñõhto sehe bautisa dutiã Pedro. Tĩ Æ yoari baharo “Sã mehne mahaa dachoricã tjuasiniga”, niha tina Pedro cãhũre.

11

Pedro Jerusalẽ macainare Jesu yainare yahuha

¹ Æ yoa judio masa jieraina cãhũ Cohamacũ yare tí noano cahmachũ Jesu to

cūrina sehe ti coyea Judeapɔ jina mehne t̄ahorocaha.

² Ā jia Pedro Jerusalēpɔ to tju s̄uchɔ ñɔa judio masa Jesu yaina mahaincā tirore ō sehe ni tuhtihā:

³ —¿Judio masa jierainare dohse jiro baro ñai s̄uri m̄uhɔ? ¿Dohse jiro baro tina mehne ch̄uri m̄uhɔ? —ni tuhtihā Pedroke tina.

⁴ Tī ā nichɔ t̄ahoro Pedro to yoari cjirire yahu pahñoha tinare. Ō sehe ni yahuha:

⁵ —Yuhɔ Jopɛpɔ jicu Cohamacɔre sinii nihi. Ā jiro yuh̄ure ō sehe bajuahre. Pjiri cahsaro pititia sohtoarire d̄ahteri cahsaro m̄anopɔ yɔ cahai to duji tachɔ ñɔhi.

⁶ Ā jicu tī cahsarore noano ñɔhi “¿Yaba baro tī cahsarop̄ure jijari?” nicɔ. Ā jicu ñɔhi tī cahsarop̄ure jianare: Tī cahsaro puhichap̄ure payɔ wahiquina, b̄na tiniina, chihchōina, waina peri c̄uhɔ jire.

⁷ Ā jicu yuh̄ure to durucuhɔ t̄ahohi. “Pedro, wahc̄arucaga. Wajā chuga ah̄rinare”, nino coa tahre yuh̄ure.

⁸ To ā nichɔ t̄ahocɔ ō sehe nihi yuh̄u: “P̄ah̄toro, ne tina barore ch̄ueraja yuh̄u. Ñainare, Cohamacɔ to ch̄u dutierainare ne ch̄uera tihɔ yuh̄u”, nihi yuh̄u.

⁹ Wiho mejeta m̄anopɔ pari turi yuh̄ure durucuro coa tahre t̄joo. “Cohamacɔ ‘Noaina jira’ to niinare, ‘Ñaina jira’, nii t̄jia m̄uhɔ”, nino coa tahre yuh̄ure.

¹⁰ Ā jiro tia taha s̄ā ā ni durucuri baharo tī cahsaro m̄anopɔ mujahre t̄joo.

¹¹ Yɔ ā ñɔno watoi tiaro m̄aa s̄ā jiri w̄uh̄upɔ s̄uri jihre. Tina Cesarea macariro to warocarina jiri jihre.

¹² Ā jiro Esp̄iritu Santo sehe yuh̄ure tina mehne waha dutiro, “ ‘Tina ñaina jira’, nii t̄jia tinare”, ni yahuhre yuh̄ure tiro. Ā jia ah̄rina seis mehne yɔ coyea Jesu yaina mehne Cesarea macariro ya w̄uh̄upɔ s̄āhi s̄ā.

¹³ Ā jiro tiro s̄āre ō sehe ni yahuhre: “Anjo yɔ w̄uh̄u ducuhɔ ñɔhi yuh̄u. Ō sehe ni yahuhre yuh̄ure: ‘Jopɛpɔ Simore Pedro wama tirirore na ta dutiga.

¹⁴ Tiro m̄uh̄ure m̄a coyea mehne m̄asare jipihtinare pichacopɔ wahaborina m̄asa yuh̄uh̄ore yahurohca”, nihre anjo yuh̄ure”, ni yahuhre Cesarea macariro yuh̄ure.

¹⁵ Ā yoa yɔ durucuro watoi Esp̄iritu Santo sehe tinap̄ure s̄āarucɔ s̄ah̄re, marine to yoa m̄ah̄tariro seheta.

¹⁶ Ā jicu Jesu to yahurire wac̄uhi yuh̄u. Ō sehe ni yahuhre tiro: “João m̄asare bautisaro, copɔ yoamahre. Yuh̄u sehe tī yuh̄doro yoaihtja m̄asare. Baharo Esp̄iritu Santore m̄asa mehne jirucuhɔ yoaihtja m̄asare”, ni yahuha.

¹⁷ Ā jiro Jesucristo mari p̄ah̄torore mari wac̄u tuachɔ ñɔno Cohamacɔ to Esp̄iritu Santore wahre marine. Ā jiro Cohamacɔ

marine to Esp̄iritu Santore to wariro seheta judio masa jieraina c̄uh̄ure tiro wahre. Cohamacɔ to ā yochɔ ñɔcɔ tirore yuh̄uh̄uca masieraja yuh̄u —niha Pedro tinare, judio masare Jesu yainare.

¹⁸ To ā nichɔ t̄ahoa, tina tirore ne ni namoeraha. Ā ni namoeraa, Cohamacɔre wahche payo, tina ō sehe niha:

—Tī p̄ja pini judio masa jieraina c̄uh̄ure Cohamacɔ cah̄iri jira. Tī ñaa yoari buhiri tiare masi, Cohamacɔre cahma, tina c̄uh̄u Cohamacɔ mehne ā catirucuahca —niha tina.

Antioquiai paina Jesu yaina jiha

¹⁹ Ā yoa Esteb̄are ti waj̄ari baharo masa Jesu yainare ñano yoaha. Tī ā yochɔ ñɔa Jesu yaina duhti sitea wahaha. Ā jia tina Feniciapɔ, Chiprepɔ, Antioquiapɔ c̄uh̄ure waha site, t̄op̄ure judio masa dihtare Cohamacɔ yare yahuha timaha tina.

²⁰ Wiho mejeta paina Jesu yaina mehne macaina Chipre macaina, Cirene macaina, Antioquiapɔ s̄u, judio masa jierainare Jesu yare buheha Cohamacɔ tinare to yuh̄dohto sehe.

²¹ Tī ā buhechɔ, Cohamacɔ tinare yoadohoha. Ā jia masa payɔ Cohamacɔre cahma d̄uca, mari p̄ah̄toro Jesure wac̄u tuaha.

²² Ā yoa “Antioquia macainapɔ Jesure cahmaca”, ni t̄ahorocaha Jerusalē macaina Jesu yaina. Tī ā t̄ahorocari baharo Jerusalē macaina Bernabé wama tirirore Antioquiapɔ warocaha.

²³ T̄op̄u s̄uro, Cohamacɔ yoadohoa mehne judio masa jieraina to yaina ti wahachɔ ñɔno, tuaro wahcheha. Tuaro wahche, tiro t̄o macainare ō sehe ni yahuha:

—Jesure ā wac̄u tuarucuga. To yare ne duhuena t̄jiga —ni yahuha tiro jipihtina tinare.

²⁴ Bernabé noariro jiro, Esp̄iritu Santo dutiare yoariro Jesure noano wac̄u tuaha tiro. Ā jia to buheri baharo Jesure wac̄u tuaina payɔ waha namoha t̄joo.

²⁵ Baharo tiro Tarso wama tiri macapɔ Saulore macano wahaha.

²⁶ T̄op̄u tirore boca s̄aha. To boca s̄uri baharo Antioquiapɔ na majare t̄juaaha Saulore. T̄op̄u tī s̄uri baharo c̄u c̄ahma waro tina Cohamacɔ yaina mehne cahmachu, payɔ masare buheha tina. Ā jia Antioquiapɔ Cristo yaina Cristiano wama tī d̄acaha.

²⁷ Tī p̄jare Cohamacɔ yare yahu m̄ah̄taina Jerusalēpɔ jina cjiri waha, Antioquiapɔ s̄aha.

²⁸ Ā ti s̄uri baharo tina mehne macariro Agabo wama tiriro Jesu yaina watoi ducuro, Esp̄iritu Santo to tuaa mehne yahuha tinare. “Jipihtiro yahpap̄ure tuaro j̄ucaro waharohca”, ni yahuyuha tiro. Tī p̄jare ch̄ua

marieni pja jichu jipihtina bui puhtoro Claudio jiha.

²⁹ Ā jia Cristo buheina, jipihtina ti cjuaro puro ti coyeare wa duaa ti basi cahma duru-cuha. “Judea yahpa macaina Jesu yainare niñerure warocajihna”, niha tina ti basi.

³⁰ Tí Ā niri baharo Bernabé Saulo mehne ti niñerure na wahcābasaha. Tópu sua Judea yahpa macainare Jesu yaina puhtoare waha ti niñerure pja cwoinare tju wa dutia.

12

Pedrore peresu yoaha

¹ Tí pjare puhtoro Herode cāinare Jesu yainare ñano yoa ducaha.

² Tiro João wahminore Santiago sehere yoari pji mehne to wajā dutichu pairo sehe tirore wajāha.

³ Santiagore to wajāchu judio masa wahcheha. Tí wahcheare Herode masino, “Ā dihta cahmana tina”, nino Pedro cāhure peresu yoaha. Tí dachorire bucuaerari pāore ti chuhti bose numari pascua jiha.

⁴ Ā jiro Herode Pedrore ñaha, peresu yoaha. Peresu yoa diez y seis surarare cohta dutiha tirore. Pittiario surara cohtaha tirore. Baharo pittiaro ti cohtotaina tirore cohta mujaa tihā. Āta yoaha tina diez y seis surara. Herode sehe pascua baharo Pedrore peresupu jirirore masa panoi duhu dapo duamaha tirore wajā dutiro taro.

⁵ Ā jiro Pedro peresupu jiha. Tópu to jichu Jesu yaina sehe Cohamacare tuaro sini payorucia niha tirore.

Cohamacu peresupu jirirore Pedrore wioha

⁶ Ā yoa ñamine Pedro puaro surara mehne comaa dari mehne ti duhteriro jiha. Ā ti duhteriro jiro, ti watoi carino niha. Ā yoa paina surara sopacai cohtarucua niha tirore. Tí ñami bohrearo Herode Pedrore judio masa panoi duhu dapo duamaha tirore wajā dutiro taro.

⁷ Wacūenoca Cohamacu yairo anjo Pedro cahai to ducuchu to peresu jiri tahtia buhria pihtia wahaha. Ā jiro anjo Pedro cahai ducuro Pedro patipahmai be careha, tirore wahcōno.

—Cjero wahcārucaga —niha tiro Pedrore. To Ā nichuta to wamomacarine ti duhtea dari comaa dari pari site boraah wahaha.

⁸ Ā yoa anjo tirore õ sehe ni yahuha: —Tñā dihoga mu tuā dihori dare. Mu dahpo suhti cāhure sāaga —niha tiro.

To Ā nichu Pedro sehe to niriro seheta yoaha.

—Mu bui macari suhtirore sāa, yuhu mehne wahaga —niha anjo.

⁹ To Ā nichu tí tahtiapu jirore wijaa, anjo baharo wahaah wahaha tiro. Ā wahaparota

õ sehe ni tuhotumaha tiro. “¿Ahri potocā jieracari? ¿Cahāi nicari yuhu?” ni tuhotumaha tiro.

¹⁰ Ā yoa tina to jiri tahtia sopacai ducuína surarare yuhdu wahcā, paina yoawacūno ducuína cāhure yuhdu wahcā, pjiri sopacapu suha. Tí sopa pahma, comaa pahma macapu wahari mahare ducatarí pahma jiha. Tí sopa pahma to mu saro parichu tina wijaa wahaha. Wijaa waha, tina mahapu mahano wahachuta, anjo sehe buti mua wahaha. Ā jiro Pedro cūirota tjuaha.

¹¹ Ā tirore anjo to wahari baharo to yoirire Pedro masiha. Ō sehe ni tuhotuha tiro. “Potocā tjira. Anjo Cohamacu to warocariro peresupu jirirore yuhare wioro wihire. Mipu tīre masija to ā yoirire. Judio masa sehe yuhare ti ñano yoaborire Cohamacu sehe tinare yoa dutierare. Ā jiro yuhare, Herode to peresu yoirirore wiohere”, ni tuhotuha Pedro.

¹² To ā ni tuhoturi baharo María João pocoro ya wuhapu suha Pedro. João sehe pa wama Marco wama tira. Tí wuhapu masa payu cahmachu, Cohamacure sinia niha.

¹³ Tí wuhapu saro, Pedro sopa pahmare dotaha. Cācoro ti cahamacono Rode wama tīricoro to dotachu tuhoro, ñano suha ticoro.

¹⁴ Ā youro Pedro ticorore to pisuchu tuhoro to durucuaré tuho masi, tuaro wahche, sopa pahmare pjōboricoro pjōoeraha. Pedro tōi to ducuchuta ticoro majareraca muroca sāa wahaha painare yahuro waharo.

—Pedro sopacapu wihire —ni yahuro sāaha.

¹⁵ To ā nichu tuhoa, tí wuhui jiina sehe:

—Ā ninocaco nica muhu —niha tina ticorore.

—Potocā tjira. Potocā nicota nija —niha ticoro.

To ā nichu tuhoa:

—Tiro jieraca. To yairo anjo wihiro nica —nimaha tina sehe.

¹⁶ Tí ā nino watoi Pedro sopa pahmare āta dotarucuro niha. To ā yoachu tuhoa, tina sopacare pjōo, tirore ñu, cuaa wahaha.

¹⁷ Ā jiro tiro Pedro to wamomaca mehne “Dihta mariaha” ni, Cohamacu peresupu tirore to wiorire yahuha tinare:

—Ahrire yahuga musa puhtoro Santiagore, paina Jesu yaina cāhure —niha tiro.

Ā ni yahu tuhsu tiro pa sehepu yuhdu wahcāa wahaha.

¹⁸ Ā yoa bohrea bora tachu surara Pedro to dohse yoa wijaarire ne masieraha. Ā masieraa cuaa wahaha.

¹⁹ Ā jiro Herode Pedrore maca dutimaha. Ā dutiro tiro surarare peresu cohtainare to sinituri baharo tinare wajā dutiha Herode

sehe. Æ jiro Herode Judeapũ jiriro waha, Cesareapũ jiro wahaha.

Herode yariaa wahaha

²⁰ Æ yoa Tiro wama tiri maca macaina mehne, Sidõ macaina mehne Herode sehe suaaha. To ã suachũ ñha tí macari macaina sehe Herode tina mehne to suarire cahnoa waha, tiro mehne durucua wahaha. Æ jia to docai jiriro puhtorore Blasto wama tirirore piti tiha. Æ jia tina Blasto to yoadohoro mehne Herode cahapũ saha. Tiro cahapũ saa, õ sehe niha:

—Mari noano jijihna. Mari basi ñu tuhtiena tijjihna —ni siniha tina Herodere.

Tina ya yahpa macaina Herode ya yahpai chũare bocaã tiha. Æ jia Herode tinare ñu tuhtichũ cahmaeraha tina.

²¹ Æ yoa Herode to quihõri dachoi, puhtoro to sãa suhti noaa suhtire sãa tiha tiro. Æ sãano tiro to dujiroi duijtijãhno, masare durucu ñoa tiha.

²² To ã durucu ñochũ tuhoa masa sehe õ sehe ni sañurucua:

—Ahriro durucuriro masano jierara. Cohamacũ jira —ni sañurucu payomaha tina Herodere.

²³ Ti ã nichũta Cohamacũ yairo anjo Herodere dohatichũ yoaha. Cohamacũre ño payoeraro, “Cohamacũ jieraja yuhũ”, ne nieraha Herode. To ã nierari buhiri anjo tireore dohatichũ yoaha. To ã dohatichũ tireore dachoa chũ wajãnocaha.

²⁴ Æ yoa Jesu yaina payũ masare Jesu ya buheare buhea tiha.

²⁵ Æ jia Bernabé, Saulo mehne buhe tuhsũ, Jerusalẽrũ tjuaa wahaha. Æ jia João Marco wama tirirore tina na wahcãha tina mehne.

13

Jesu yaina Bernabé Saulo cãhũre Cohamacũ yare buhe dutia warocaha

¹ Tí pjare Antioquíapũ Cohamacũ yaina mehne macaina Cohamacũ durucuaire yahu turiaina jiha. Æ yoa Cohamacũ to joa na dutiri cjirire, Jesu yaina ti yoaã tiare yahuina cãhũ jiha. Bernabé, Simo Negro wama tiriro, Lucio Cirene macariro, Menahem, Saulo mehne tina jiha. Menahem sehe puhtoro Herode cjiro mehne tina puaro cãno potori bucũaina jimaha.

² Cũ ñamũ tina Jesu yaina chũ duhu, Cohamacũ yare ti buhero watoi Espiritu Santo õ sehe ni yahuha tinare:

—Bernabé, Saulo mehne cũga yũ cahmano sehe yoahntinare. Tíre yoahntinare bese cũi nija tinare —niha Espiritu Santo.

³ To ã nichũ tina sehe chũ duhu namo, Cohamacũre sini, Bernabé dapu bui Saulo

dapu bui ti wamomacarine duhu payoha. Æ duhu payoa tinare buhe dutia warocaha.

Chiprepũ Jesu to cũrina buheha

⁴ Æ jia tina Espiritu Santo to warocaina jia, Seleuciapũ sũ, tí macare dohoriapũ samu, Chipre wama tiri nacopũ pahãha tina.

⁵ Æ pahãa, Salamina wama tiri pitamahapũ wahã saha. Tí macai judio masa buhea wãhũsepũ, Cohamacũ yare yahu dũcaha tina. Æ yoa João Marco cãhũ tina mehne jiro, tinare yoadohoha.

⁶ Tuhsũ, tina tí nacõ sohtoai maja, tí nacõ topai jiri macapũ Pafo wama tiri macapũ saa, yairore boca saha tina. Tiro judio masano, Barjesu wama tiriro jiha. Barjesu griego ya mehne nia Elima ti ni pisuriro jiha. “Cohamacũ yare yahu mahtariro jija yuhũ” ni, masare mahũoperucuriro jiha tiro.

⁷ Æ yoa tiro Sergio Paulo wama tiro mehne macariro jiha. Sergio Paulo sehe tí nacõ macaina puhtoro masi pahũoriro jiha. Æ jiro Cohamacũ yare tuho duaro tinare Bernabé, Paulo mehne pjirocaha tiro.

⁸ Wiho mejeta Elima yairo sehe tinare buhe dutieraha. Tiro Sergio Paulo Jesu yare to ño payochũ cahmasãaeraha yairo sehe. Æ jiro Sergio Paulore Cohamacũ yare cohã dutiro nimaha.

⁹⁻¹⁰ To ã dutipachũta Saulo, Paulo ti niriro Espiritu Santo dutiare yoariro jiro yairore noano ñu diho cũi tireore õ sehe ni yahuha:

—Mũhũ mahũõa payuriro, ñariro, watĩno to dutiare yoariro, noaare ñu yabiriro jira mũhũ. ¿Dohseacũ Cohamacũ yare “Ñaa jira. Mahũõa jira”, ã nirucujari mũhũ?

¹¹ Mũhũ ã yoariro jicũ Cohamacũ mũhũre to pihachũ capari bajuerariro jiihca mũhũ. Æ jicũ mahaa dachoricũ mũhũ ahri dachore ñusinisi —niha Paulo.

To ã nichũta tiro yairo sehe me yoaro sehe jiare ñu mahtano, baharo nahitiano dihtare ñhã. Æ jiro tireore tuãhtirore macaha tiro.

¹² To ã wahachũ ñũno, Sergio Paulo sehe Jesu yare “Potocã tjira”, ni masiha. Mari puhtoro yare tiro tuho, cãaa waha, Jesure wacũ tua dũcaha.

Paulo Bernabé mehne Antioquíai Písidia yahpai jiri macai jiha

¹³ Æ yoa Paulo cãhũ Paforũ jiina dohoria mehne pahã turia waha namo, Pergerũ saha. Perge Panfilia yahpũ jira. Tórũ sũ, João Marco tinare cohã wahcã, Jerusalẽrũ majare tjuaa wahaha.

¹⁴ To ã wahapachũta tina sehe Pergerũ jiina waha namo, Antioquíapũ saha. Antioquíai Písidia yahpũ jira. Tórũ saa, Sabado dacho jichũ tina judio masa buheri wãhũpũ sãa sũ, tórũ dujiha.

¹⁵ Tí wãhũ macaina puhtoã Cohamacũ dutiare, Moise cjiro masare to cũrre, ã yoa

Cohamacu yare yahu muhtaina cjiri ti joari cjirire ti buhe ñori baharo tina pjirocaha Paulo cahure:

—Coyea, ¿masare wahchechu yoahiti cjihti musa yahu duaa jijari? Tíre yahu duana, yahuga michapucacá —niha tí wahu macaina puhto.

¹⁶ Ti á nichu tuhoro, Paulo wahcárusa, “Durucuena tjiga”, nino to wamomaca mehne cjá tuha. Ti dihta mariachu ñu, tiro ó sehe niha:

—Israe masa, á yoa musa Israe masa jieraina, Cohamacure ño payoina, tuhoga musa.

¹⁷ Mari ñuchusuma cjiri Cohamacure ño payoa tiha. Tina cjirire Cohamacu besea tiha. Á jia mari ñuchusuma cjiri yoari pja Egiptoru jia tiha paina jipahta. Tóru ti jichu Cohamacu noano yoaa tiha tinare. Á jia payu masaputia tiha tina. Ó sehe yoaa tiha tinare. Tinare Egiptoru jiinare to tuaa mehne wioa tiha Cohamacu.

¹⁸ To á wiori baharo tina cuarenta cahmari waro masa marienoru tinia tiha. Tóru tirore ti yuhducachu Cohamacu áta tuhutonocaa tiha.

¹⁹ Tuhsu, Canaa wama tiri yahpare sietu curuari macainare cohá tuhsu, Cohamacu tí yahpare waa tiha Israe masa sehere.

²⁰ Israe masa Egiptoí ti ji ducachu, pu Cohamacu ahri yahpare to wachuru cuatrocientos cincuenta cahmari waro yuhduu tiha. Baharo Israe masare dutihtinare cúa tiha Cohamacu tinare. Pu, Cohamacu to cürina Samue to jichuru ji batoa tiha. Samue sehe Cohamacu yare yahu muhtariro cjiro jia tiha.

²¹ Baharo Israe masa sehe ti puhtoro cjihtore macaa tiha. Á jia Cohamacure sinia tiha. Ti á sinichu ñno Cohamacu Saulo cjirore cúa tiha tinare. Saulo cjiro Cis macuno jiro, Benjami ya curua macariro jia tiha. Á yoa cuarenta cahmari waro ti puhtoro jihtiro cjihtore cúa tiha Cohamacu tiro cjirore.

²² Cohamacu Saulo cjirore to cohári baharo Davi cjirore cúa tiha tiro. Ó sehe nia tiha Cohamacu Davi cjirore: “Davi Jesé macunore bocahi yahu. Tiro mehne wahcheja yahu. Tiro yu cahmaare yoarohca”, nia tiha Cohamacu.

²³ Ahriro Davi cjiro to panamino ji turiariro jira Jesu. Cohamacu Jesure cüri jire Israe masare yuhdohtiro cjihto. “Masare noano yoaihca”, niha Cohamacu. To niriro seheta yoare tiro.

²⁴ To á yoahito pano Jesu to tahto pano João cjiro ó sehe ni buheri jire: “Musa ñaa tuhutumari cjirire tuhutu cohtota, Cohamacure macaga. Á yoana bautisarina

jiga”, ni buheri jire João cjiro jipihtina Israe masare.

²⁵ João cjiro to buhe batoahito pano, to yariahto pano ó sehe ni yahua tiri jire: “¿Diro baro jijari yahu, musa tuhotuchu? Cristo jieraja yahu. Pairo jija. Á jipachuta tuhoga yuhure. Yu baharo yu yuhdoro turariro tarohca. Tiro noa yuhduariro jira. Tiro yoaro sehe jieraja yahu”, ni yahuha João cjiro masare.

²⁶ Coyea, Abrahá panamana, jipihtina Cohamacure cua pisaro ñuina marine ahri to yuhdohtore yahua buheare warocari jire Cohamacu.

²⁷ Jerusalé macaina ti puhto mehne Sabado dachori jichu Cohamacu yare yahu muhtaina cjiri ti joarire buhepahta noano tuho ñahaerari jire. Á tuho ñahaera, Jesu tinare yuhdohtiro to jichu cahure masierari jire. Tina á masierapahta Jesure wajá dutiha. Á yoaa Cohamacu yare yahu muhtaina cjiri ti joariro seheta yoaa niha.

²⁸ Tirore ti wajáhto pano tina Jesure yahusámaha. Wiho mejeta to ñaa yoerapachuta tina Pilatore Jesure wajá dutia taa, sinia.

²⁹ Á yoaa, panoru ti joariro seheta Jesure yoa tuhsu, tirore crusapu jirirore na boro, masa copapu fácai ti sahari copapu na sãa, duhu payoha tirore.

³⁰ Tirore ti á wajápachuta tiro to yariari baharo Cohamacu masori jire tirore.

³¹ Á jia Galileapu taina Jerusalépu tiro mehne suina payu dachori tirore yaria masa bajarirore ñua tiri jire. Á jia mipure tirore ti ñurire masare yuhure tina.

³²⁻³³ Á jina noaa buheare yahuja sã musare. Cohamacu mari ñuchusuma cjirire “Masare noano yoaihca”, panoru to niriro seheta mipure marine tinare ji nuu ti turiainare yoahre. Tíre to yahuri cjirire ó sehe yoahre tiro. Cohamacu Jesure masori jire. Á jina Jesure to masorire yahuja musare. Salmo capítulo dosre panoru to joariro seheta á wahari jire: “‘Muhu yu macu jira. Michare muhare yahu mu Pucu jiare masichu yoahi’, nina Cohamacu to macunore”, ni joaa tiha panoru.

³⁴ Á jiro Cohamacu Jesure to masotire pari turi to yariaerahtore yahuyuro ó sehe ni yahu joaa tiha Salmo joariro. “‘Davire yu pja ñuriro seheta tirore yu niriro seheta potocáta noano yoaihija musa cahure’, nire Cohamacu”, ni joaa tiha.

³⁵ Tuhsu, pa Salmo cahure ó seheta ni yahua tiha: “Cohamacu mu yairo ñaa buhiri marieriro to pjacure baa dutierara muhu”, ni joaa tiha.

³⁶ Á jiro Davi Cohamacu to cahmariro seheta to jisniri pja macainare yoadohoha.

Baharo tiro yariaa wahaha. To yariari baharo to рѣсѣсѣmare ti yoariro sehetā masa copap̄ siō sāaha tiro cāhure. Ā jiro tiro baa wahaha.

³⁷ To ā baapacheta ahriro, Cohamacu to masoriro sehe ne baerare.

³⁸ Ā jina m̄sa yu coyea ahrire masiga: Jesu to yariaro mehne Cohamacu mari űaa yoari buhiri tiare to cohāhtore m̄sare yahuja sā.

³⁹ Ā jiro Jesure wacū tuainare Cohamacu ti űaa űano yoaa, buhiri tiare bonocanohca. Wiho mejeta Moise cjiro to cūri dutiare m̄sa yoari mehne m̄sa űaa yoari buhiri tiare ne cohāsi Cohamacu.

⁴⁰ Ā jina noano yoaga. M̄sa noano yoaerachū Cohamacu yare yahu m̄htaina cjiro ti joariro sehetā m̄sare wahaboca. Ō sehe ni joaa tiha:

⁴¹ “Tuhogā m̄sa.

Cayoā payūina, yuh̄re űu tuhtiina jira m̄sa.

Yu ō sehe yoachū cuiga m̄sa.

Ā jina pichacap̄ wahaga.

M̄sa jia dachorire m̄sare yoa űoihtja.

Yu ā yoa űochū űapanaha ‘Potocā tjira’, nisi m̄sa.

Pairō t̄re m̄sare to noano yahupacheta ‘Potocā tjira’, nisi m̄sa”,

ni joaa tiha Cohamacu yare yahu m̄htariro cjiro –ni yahuha Paulo tinare.

⁴² To ā ni yahuri baharo judio masa buheri wuh̄p̄u ti wijaari baharo, masa sehe tinare ō sehe ni siniha:

–Pa somanap̄u Sabado jichū sāre ahrire buhega tjoa –ni siniha tina Paulore.

⁴³ Ā yoa t̄i wuh̄p̄u jirina wijaa, judio masa payu, judio masa jieraina cūhū Paulo cāhū mehne wahaha. Judio masa jieraina sehe judio masa yare Cohamacu warore ti űo payoa tiare buheina jiha. Ti ā wahachū Paulo, Bernabé mehne noano yahuha tinare: “Cohamacu m̄sare cah̄na. Ā jina tirore űo payoina, wacū tuaina ā jirucuga m̄sa”, ni buheha tina.

⁴⁴ Ā yoa pa somanare Sabado jichū jipitina Jesu yare tuho duaina cahmachuha.

⁴⁵ Wiho mejeta judio masa sehe payu masare Jesu yare tuho duainare űua pahsu tia wahaha. Ā pahsu tia tina soro ni durucu, Paulore űano q̄uiti dojomehneha. “M̄sare to buhea potocā jierara”, niha tina.

⁴⁶ Ti ā nichū tuhoa, Paulo, Bernabé mehne tinare q̄uiti dojomehnerinare cuiro marieno ō sehe ni yahuha:

–Cohamacu to dutiuro sehetā m̄sare buhe m̄htamahi sā. Wiho mejeta m̄sa sehe t̄re cahmaera tuhsuh̄re. Cohamacu catia mehne ā catirucua cāhure cahmaera tuhsuh̄re m̄sa. Ā jina sā sehe judio masa jieraina sehere buhe d̄canahca.

⁴⁷ To joa dutiri cjiro mehne ō sehetā dutiha Cohamacu sāre:

“M̄sa judio masa jierainare buhena tinare yu yare noano masichū yoanahca m̄sa.

Ā jichū ahri yahpa m̄u s̄uro macainare m̄sa buhechū, noano yuh̄re wacū tuaina sehere pichacap̄u wahaborinare yuh̄doihca yuh̄u”,

ni yahu dutiha sāre Cohamacu –ni yahuha Paulo, Bernabé mehne.

⁴⁸ Ti ā nichū tuhoa judio masa jieraina sehe wahcheha. “Cohamacu ya sehe noaa jira”, niha tina. Tōpeina Cohamacu to cahmaina, to catia mehne ā catirucua to wa duarina Jesure wacū tua d̄caha.

⁴⁹ Ā jia mari p̄htoro Cristo yare t̄i yahpap̄are yahu site pah̄hoā.

⁵⁰ Ti ā yahu site pah̄hoā űua judio masa ji coeraha. Ā jia tina Paulo cāhure űano durucuha. Tōp̄u Cohamacure űo payoa numia, masa ti cua pisaro űua numia jiha.

Ā jia judio masa Paulo cāhure űano durucuha. Ti ā ni durucuchū tuhoa ti numia Paulo mehne, Bernabé mehne cāhure suaha. Ā yoa ti maca macaina p̄htoa cāhū tina mehne suaha. Ā suaa tō macaina űano yoaha Paulo cāhure. Ti ā yoari baharo Paulo cāhure ti ya yahpai j̄inare cohā wihoa.

⁵¹ Ti ā yoachū űua Paulo, Bernabé mehne ti dahpori macaa dihta pohcarire c̄jā site boro cūha ti maca macaina ti űaa yoari buhiri tiare űoa. Ā yoa tuhsū tina Iconiop̄u wahaa wahaha.

⁵² Ā yoa tina Jesu yaina p̄j̄iro wahchea, Esp̄iritu Santo dutiare yoaina jiha.

14

Paulo, Bernabé mehne Iconioi jiha

¹ Ā yoa Iconiop̄u su, Paulo Bernabé mehne judio masa buheri wuh̄p̄u sāa, Jesu yare noano durucu mihnia mehne yahuha. Ā jia payu masa Jesure wacū tua d̄caha, judio masa cūhū, judio masa jieraina cūhū.

² Wiho mejeta judio masa Jesure cahmaeraina cūhū tina mehne jiha. Tina judio masa jierainare Jesu yaina mehne ti suachū yoaha tjoa. Ti ā yoachū judio masa jieraina űano tuhotuha Jesu yainare.

³ Ti ā tuhotuchū űua Paulo, Bernabé mehne tōp̄u yoari p̄ja jia, cuiro marieno mari p̄htoro Jesu yare noano buheha. Cohamacu masare to cah̄are buheha. Ā buhea Cohamacu to tuaa mehne yoa űoha tina, “Ahri buhea potocā tjira”, nia.

⁴ Wiho mejeta t̄i maca macaina dacho macai judio masa ya buheare cahmaina tjuaha. Dacho macaihta Jesu ya buheare cahmaina cūhū tjuaha. Tina p̄ua curua tjuaha.

⁵ Ā jia judio masa jieraina, judio masa ti puhtoā mehne Jesu tō cūrinare ñano yoa duama, tãa mehne doca wajã duamaha tinare.

⁶ Tí Ā yoa duarire masia, Paulo Bernabé mehne Licaonia yahparũ duhti wahcãa wahaha. Tí yahpai jia macaripũ Lистра, ā yoa Derberũ suha.

⁷ Тóрм суа, noaa buheare buheha tjoa tí macari macainare, tó cahai jiina cãhare.

Listrai Paulore tãa mehne docaha

⁸ Ā yoa Listrai tini masierariro jiha. Tiro wahma masa bajuaropũtãa tini masierariro jiro ne tinieraa tiha.

⁹⁻¹⁰ Ā jiro tiro Paulo tō buhechũ tuhoha. Tō tuhoro watoī Paulo sehe tiro dihtare ñaha.

—Ahrīro Jesure wacũ tuara. Ā jiro tiro noarīro wahā duara —ni tuhōtuha.

Ā ni tuhōturo tuaro mehne durucutjiãhno ò sehe niha Paulo tirore:

—Wahcãrucaga —niha Paulo tirore.

To ā nichũ tuhōrota tini masierariro sehe pu sũrcũ su, wahaa wahaha.

¹¹ Paulo tō ā yoachũ ñãa masa ti ya mehne, Licaonia ya mehne ò sehe ni sañurucuha:

—Ahrina cohamana, mũa yoaro sehe bajaina mũanopũ jiina mari cahapũ duji tari jira —ni sañurucuha tina.

¹² Ā jia tina cohomanare ti ni pisua wamari mehne tinare ni wama pisuha. Tina Bernabére “Zeus”, ni pisuha. Ā yoa Paulo buhe muhtarīro tō jichũ ñãa, “Hermes”, ni pisuha tina tirore.

¹³ Ā jiro Zeusre ño payoina ya wahũ tí maca duhtũ cahai jiha. Ā jiro Zeus yaina tí sacerdotē sehe wachũare cohorti mehne macapũ sãa tari sopaca cahapũ na taha. Zeusre ño payo duaro tō wachũare jũ mũono, Paulore, Bernabére wa duamaha tiro, tō masa mehne.

¹⁴ Tí ā yoachũ ñãa Paulo, Bernabé mehne tí basi tí ya suhtire tuhẽrocãa tí cahyaare masare ñoa. Tuhẽroca tuhsũ masa watoī mũrocãa, ò sehe ni sañurucu wahcããa tina:

¹⁵ —Mũsa ò sehe yoaena tjãa. Sã cãhũ mũsa yoaro seheta masa jija. Ò sehe mũsa yoaa ne yaba cjihti jierara. Ā jina mũsare buhena tahi mũsa ò sehe yoaa duhu dutina tana. Ahri cohamana mũsa niare, mũsa yoaa, wiho jia masũri jira. Tí masũrine cohãga. Ā jina Cohamacũre catiriro sehēre ño payoga. Cohamacũ sehe mũanore, yahpare, pjiri mare, jipihtiare yoariro jira.

¹⁶ Панорũre tiro jipihtia macari macaina tí yoarire ā ñũnocãa.

¹⁷ Wiho mejeta tiro tō jia tiare ñona masare. Tiro masare noaare yoa, coro tachũ yoa, dichare wa, masare chũare ā warucura. Tō ā wachũ masa wahchera. Tó seheta

tiro tō jia tiare ñona masare —niha Paulo, Bernabé mehne.

¹⁸ Wiho mejeta tí ā nichũ tuhōpahta masa wachũare wajã jũ mũo tinare ño payo duamaha. Tó sehe tí ño payo duachũ ñãa tinare ā yoa dutieraha Paulo cãhũ. Tí ā yoaa duhu duaerapahta duhuha tó macaina sehe.

¹⁹ Ā yoa paina judio masa Antioquia macaina, Iconio macaina cãhũ Listrapũ suha. Тóрм суа, Paulore ñano durucuha tjoa judio masa. Tí ā ni durucuchũ tuhōa masa tiro mehne suaha. Ā suaa tãa mehne docaha tirore. Tãa mehne tirore doca tuhsũ “Ahrīro yariaa wahara” nia, tí maca duhtũ cahapũ tirore waja sũ cũnocãa, wahaa wahaha.

²⁰ Tí ā yoari baharo Jesu yaina Paulore ñãa wahaha. Tiro cahai tí cahmachurucũ sachũ waro Paulo wahcãrucãa, tina mehne macapũ wahaa wahaha. Ā yoa pa dachoi tiro Bernabé mehne Derberũ wahaha.

²¹ Тóрм су, tina noaa buheare tó macainare tí yahuri baharo, payũ masa Jesure wacũ tuaina jī dũcaha. Ā yoa baharo tina tí suã macaripe Lистра, Iconio, Antioquiãpũ majare tjuaa wahaha.

²² Tí macaripũ suã tí macari macainare Jesu yainare noaa buheare yahua, tinare noano yajeripohna tichũ yoaha. Ā Jesure wacũ tuarucu dutia ò sehe ni yahuha tinare:

—Cohamacũ tō jiropũre mari suhto pano, tuaro marine ñano yũdũro cahmana —ni yahuha.

²³ Ā jia macaripe macainare Jesu yainare tí puhtoā cjihtire cũha Paulo Bernabé mehne. Cũ tuhsũ, tí chũ duhuri baharo Cohamacũre ò sehe ni sini payoha:

—Puhtoro, ahrina mũ yainare ñũ wihboga —ni sini payoha tina Cohamacũre tí wacũ tuarirore.

Paulo Bernabé mehne Antioquiãpũ tí jī muhtarī macapũ tjuaa wahaha

²⁴ Tí ā yoari baharo tina Písidia yahparũ jirina cjiri wahaa wahaha Panfilia yahparũ.

²⁵ Тóрм су, Pergepũre tina buhe tuhsũ Atalia wama tiri macapũ wahaa wahaha.

²⁶ Tí macapũ su, Antioquiãpũ tjuaa, dohorĩa mehne pahãa wahaha. Tí macaihta panopũ tí jisinicũ Jesu yaina Cohamacũ yare buhe dutia Paulo cãhare warocãa. Ā warocãa:

—Cohamacũ mũ cahĩa mehne ahriñare ñũ wihboga —ni warocãa tina.

Ā tju suã tinare tí buhe dutirire buhe tuhsũha Paulo, Bernabé mehne.

²⁷ Antioquiãpũ tí tju sũri baharo Jesu yaina mehne cahmachũ, Cohamacũ tō tuaa mehne tí yoarire yahu pahũoha tina. Judio masa jieraina cãhũ Cohamacũ yaina tí waharire yahuha tina.

²⁸ Ā jia Paulo cāhu tóprare Jesu yaina mehne yoari pja jiha.

15

Jerusalēpu Jesu yaina cahmachuha

¹ Ā yoa Judea yahpa macaina mahainacā Antioqiápu súa, Jesu yainare ð sehe ni buhe ducaha tina:

—Cohamacu to dutiare Moise cjirore cūno ð sehe ni cūha. Jipihtina ti pjacure mahari cahsarocāre ti yihsotore yahu cūha Moise cjirore. Músa tīre yoaerachu Cohamacu mūsare yuhdosi —ni buheha tina tó macainare.

² Ti ā ni buhechu tuhoa Judea yahpa macaina sehe cahma sayoha Paulo cāhure Bernabé mehne. Ti ā cahma sayori baharo Jesu yaina sehe Paulore, Bernabére paina tó macaina cāhure Jerusalēpu warocaha. Judea yahpa macaina ti buherire Jesu to cūrinare Jesu yaina puhtoa cāhure sinitu űu dutia warocaha Paulo cāhure.

³ Ā jia Jesu yaina tinare ti warocachu waha, Fenicia yahpare su, yuhdu wahcā, Samaria yahpapu súa. Tí macaripu súa, judio masa jieraina Cohamacu yare ti cahma ducarire yahuha tina tó macainare. Ti ā yahuchu tuhoa tó macaina Jesu yaina tuaro wahcheha.

⁴ Ā yoa tina Jerusalēpu ti suchu űua tó macaina Jesu yaina, Jesu to cūrina, to yaina puhtoa mehne wahchea mehne noano piti bocaha tinare. Ti ā piti bocachu Paulo, Bernabé mehne Cohamacu to tuaa mehne ti yoarire yahuha tina Jerusalé macainare.

⁵ Wiho mejeta tópu fariseo curua macaina Jesu yaina mahainacā jiha. Ā jia tina tóprare wahcārca, ð sehe ni yahuha:

—Tinare judio masa jierainare ti pjacure mahari cahsarocāre yihsoro cahmana. “Cohamacu Moise cjirore to dutirire yoaga músa cāhu”, nino cahmana tinare —niha tina fariseo curua macaina cāhu.

⁶ Ti ā nichu tuhoa Jesu to cūrina, to yaina puhtoa mehne ti ā nirire cahnoa taa, cahmachuha.

⁷ Ā cahmachua tina payu ti durucuri baharo Pedro wahcārca, ð sehe ni yahuha tinare:

—Coyea, panopu yuhure músa mehne jirirore Cohamacu ð sehe yoa dutiro yuhure cūre. Tiro yuhure noaa buheare judio masa jierainare yahu dutiro cūre. Tinare Jesure wacū tua dutiro yuhure tinare buhe dutire.

⁸ Cohamacu masa ti tuhotuare masina. Ā jiro tiro judio masa jierainare to yaina to yoarire űono taro tiro Espiritu Santore tinare, marine to yoariro seheta.

⁹ Ā waro tiro marine tina cāhure cāno potori noano yoare. Tina tirore ti wacū tuachu ti űaa buhirire bore tiro.

¹⁰ Mari sehe Cohamacu Moise cjirore to cūri dutiare cūno pjaeraja. Mari űuchusma cjirore cāhu cāno pjaeraha. Ā mari cāno pjaerapachuta dohse yoana Jesu yainare judio masa jierainare tīre yoa duti duajari músa? Ā yoa dutina Cohamacu tinare to yoarire “Quihōno wahaerara”, nina nica músa.

¹¹ Wiho mejeta ð sehe sā tuhotuja. Mipure judio masa jieraina yoaro seheta mari cāhure mari puhtoro Jesu cahia mehne Cohamacu yuhdorohca. Dutiare mari yoaa mehne marine yuhdosi —niha Pedro tinare.

¹² To ā nichu tuhoa jipihtina dihta mariea wahaha. Ti ā dihta mariachu Paulo, Bernabé mehne judio masa jieraina watoi Cohamacu tuaa mehne ti yoa űorire yahuha tinare.

¹³ Ā ti yahu tuhsari baharo Santiago ð sehe ni yahuha:

—Coyea, tuhoga yuhure.

¹⁴ Cohamacu judio masa jierainare to yaina cjihtire to coā yoarire yahu tuhsare Pedro.

¹⁵ Panopu macaina Cohamacu yare yahu muhtaina cjirore ti yahiriro seheta ā wahahre judio masa jierainare. ð sehe ni Cohamacu yare joaa tiha tina:

¹⁶ “Panopu Davi cjirore ya curua macaina ti puhtoa jirore cjirore pihtia wahare.

Baharo tjua taihca yuhu.

Ā jicu pari turi to ya curua macarirore puhtoro sōihca.

¹⁷ Yu ā yoari baharo jipihtina paina judio masa jieraina yuhure puhtoro tiahca tina.

‘Yu yaina jiga’, yu ni pjirocarina sehe yuhure cahmaahca.

¹⁸ Āta nina mari puhtoro.

Panopu tiro ahire masare yahua tiri jire”, ni joaa tiha Cohamacu yare yahu muhtaina cjirore.

¹⁹ Ā jicu ð sehe ni tuhotuja yuhu. Judio masa jierainare Cohamacu yare wahma cahma ducainare payu yoa dutiena tjijihna mari.

²⁰ Wiho mejeta tinare joa, warocajihna mari. ð sehe ni joarocajihna: “űaa chūare, ‘Cohamacu jira’, ti nia masarine ti waa chūare chūena tjiga. Tuhsu, numia mehne űano yoena tjiga. Numia cāhu mua mehne űano yoena tjiga. Ā yoa wamua ti űaha wajāinare wahiquinare chūena tjiga. Dire sihniena tjiga”, ni yahu joarocajihna.

²¹ Yoari pja judio masa buhe wuhusepu Sabado jichu Cohamacu Moise cjirore to cūri dutiare buheha tīre masa. Ā yoa jipih-tia macaripu Moise cjirore to yahuare buheha tīre. (Ā jina yu niriro seheta judio masa jierainare Jesu yainare joarocajihna, judio

masa sehe tina mehne “Suari”, nina) —niha Santiago.

²² Tí pjare Jesu to cūrina, Jesu yaina pūhtoā, jipihtina Jesu yaina mehne pūaro tina mehne macainare beseha ti warocahinare. Antioquíarū Paulo, Bernabé mehne ti wahachū wahahinare tinare bese warocaha. Ā jia tina Judare, Sila mehne warocaha. Juda sehe Barsaba pūaro wama wama tiha. Ti coyea Jesu yaina tinare ño payoha.

²³ Tinare ti beseri baharo Jesu yaina joarocari pūre warocaha tina mehne. Ō sehe ni joaha tina:

“Jesu to cūrina, to yaina pūhtoā, mūsa coyea Jesu yaina mehne sā noa dutija mū sare. Jipihtina judio masa jierainare Antioquíarū, Sīriarū, Ciliciarū jūinare mū sare Jesu yainare noa dutija sā.

²⁴ Sā mehne macaina mūsa caharū sua, mū sare payū dutiare yoa dutiyuhti. Ā yoa mū sare cariboyuhti. Tina Cohamacū dutiare Moise cjirore to cūri cjiropūre, mahari cahsarocāre yihsoa cūhūre yoa dutiyuhti. Wiho mejeta sā sehe tinare tīre buhe dutina warocāerahi.

²⁵⁻²⁶ Ā jina sā jipihtina cāno potori mūsa caharū warocahinare sā besehi. Mari cahūinare Paulo, Bernabé mehne Cristo Jesu mari pūhtoro yare cuiro marieno ti buhechū payū tahari paina tinare wajāmoñoha. Ti ā wajāmoñochū mahanocā mehne yūhdūha tina. Tina mehne sā beserinare mipūre warocaja.

²⁷ Ā jina Judare, Sila mehne mūsa caharū warocaja. Sā joarocarire tina sehe mū sare yahuahca.

²⁸ Espiritu Santo to wacūno sehetā sā cūhū tūhotuja. Ō sehe jira tí: Paye dutiapūre cūeraja mū sare. Ahri dutia dihtare cūnahca mū sare:

²⁹ Ūna chūare, ‘Cohamacū jira’, ti nia masūrine ño payo ti duhu payoa chūare chūena tjiga. Dire sihniēna tjiga. Wamūare ti ñaha wajāinare wahiquinare chūena tjiga. Ā jina numia mehne ñano yoarena tjiga. Numia cūhū mūsa mehne ñano yoarena tjiga. Ahri yū yoa dutierare yoerana noare yoana nica mūsa. Tó puro tjira mū sare sā yahu duā”, ni joarocaha Jesu yaina Jerusalēpū jūina.

³⁰ Tí pūre joa tuhsū, waha Antioquíarū wahainare. Ti wari baharo waha, Antioquíarū sua. Ti tórpū sūri baharo payū masare cahmachu duti, ti joari pūre wiaha tinare.

³¹ Tí pūre ti buheri baharo tina yajeri sāa, noano wahcheha.

³² Ā jia Juda, Sila mehne Cohamacū yare yahu mūhtaina jia, yoari pja Jesu yainare Cohamacū yare yahuha. Ti ā yahuchū

tūhoā, Jesu yaina sehe wahche, noano tūhotuha.

³³ Ā jia Juda, Sila mehne tórpū mahaa dachoricā ti jiri baharo Jerusalēpū ti tjuaa wahachū tó macainare ti coha sitichū, “Noano wahaga mūsa”, niha Antioquíā macaina. Ā jia Juda cūhūre warocarinare noa dutirocaha. Ti ā niri baharo Juda sehe tjuaa wahaha.

³⁴ [Wiho mejeta Sila sehe tórpūta tjuanocaha Antioquíarūta.]

³⁵ Ā jia Paulo Bernabé cūhū mahaa dachoricā tjuasiniha ti macai tjoa. Tó tina paina payū mehne Jesu yare buheha.

Pari turi Paulo noaa buheare buhe tinino wahaha

³⁶ Ā yoa mahaa dachoricā baharo Paulo ō sehe ni yahuha Bernabére:

—Jipihtinare mari buhe dūcarinare “¿Dohse jijari tina?” ni, ñūna wahajihna tjoa —niha Paulo cūhū ti basi.

³⁷ Ā ni tuhsū, Bernabé sehe João Marcōre tina mehne naa duamaha.

³⁸ To ā naa duapachūta tó pano tiro tina mehne Panfiliarū sūro tina mehne tjueraha. Ti yoare cāno pjaerōo tjuaa wahaha. Ā jiro Paulo pari turi tirore naa duaeraha.

³⁹ To naa duaerachū ñūno Bernabé Paulo mehne pūaro ti basi cahma durucu cahno masieraa, soro dihta wahaa wahaha. Bernabé sehe Chipre wama tiri nūcopū Marcōre na pahāa wahaha.

⁴⁰ Paulo sehe Silare piti ti wahcāa wahaha. Ti buheha wahahto pano Jesu yaina tinare waroca, “Cohamacū mū sare noano ñū wihbojaro”, niha. Ti ā niri baharo Paulo Sila mehne wahaa wahaha.

⁴¹ Ā wahaa, Siria yahparū, Cilicia yahparū cūhūre sua, tórpū Jesu yainare noano yajeripohna ti, Jesure wacū tua namochū yoaha tinare.

16

Timoteo Paulo mehne wahaha

¹ Tí ā yoari baharo Paulo cūhū Derberū, Līstrarū sua, Timoteore boca sua. Timoteo Jesu yairo jiro, judio masono macūno jiha tiro. To pocoro cūhū Jesu yacorota jiha. To pūcuro sehe griego masūno jiha.

² Ā jia Līstra macaina, Icono macaina Jesu yaina, “Timoteo masa noariro jira”, ni yahua tiha.

³ Ā jiro Paulo Timoteore naa duaha. Wiho mejeta tí yahpa macaina judio masa sehe Timoteo pūcuro griego masūno to jichū masiha. Ā jiro Paulo judio masare “Suari” nino, Timoteo pjacure mahari cahsarocā yihso naha. Judio masa ti dutia ti niriro sehetā yoaha.

⁴ To ā yuari baharo tina ti sua macari macainare ti joarocari pū macaare yahuha. Tí pū Jesu to cūrīna, to yaina puhtoā mehne Jerusalēpū jīna ti joarocari pū jiha. Ā jia tí dutiare noano yahu turīaha tó macainare Jesu yainare.

⁵ Tí ā yahuchū tuhoa Jesu yaina sehe Jesure wacū tua namoha. Ā yoa Jesure wahma wacū tua ducaina dachoripe payū waha namoha.

Paulo cahā *ορμη Macedonia macarirore*

⁶⁻⁷ Ā yoa Asia yahpapū sehere noaa buheare buhe dutieraha Espīritu Santo tinare. Ā jia tina Frigia yahpare yuhduā Galacia yahpare yuhduā, Misia yahpa duhtū cahai suha. Tórpū su, Bitinia yahpa sehe waha duamaha tina. Wiho mejeta Espīritu Santo sehe tinare tórpūre waha dutieraha.

⁸ To ā niri baharo tina sehe Misia yahpare yuhduā, Tróadepū buhtū wihire.

⁹ Tórpū tí buhtū wihiri baharo, tí namine ō sehe cahāri jire Paulo. Macedonia yahpa macariro to cahai ducuchū nūri jire tiro. “Sāre Macedonia yahpa macainare yoadohoi taga” nī, pjiri jire tiro Paulore.

¹⁰ To cahāri baharo wahcā wihī, sā yare cahno tuhsū, Macedoniapū waha wahai sā. “Cohamacū tí yahpapure noaa buheare buhe dutiro nina marine”, nī tuhotui sā.

Paulo, Sila mehne Filipopū jiha

¹¹ Ā jina sā Tróadepū jīna dohoria mehne Somatracia wama tiri nucorpū pahā sui sā. Ā yoa pa dachoi Neapolipū pahāa wahai sā.

¹² Tí macare yuhduāna, Filipopū Roma macaina ya macapū sui sā. Tí maca Macedonia yahpai jiri maca jire. Wiho jiri maca jierare. Tórpūre mahaa dachoricā sā jii.

¹³ Tórpū jīna Sabado jichū sā tí maca duhtū cahapū, dia duhtū cahapū sui. Tóí Cohamacū mehne tí durucuro jire. Tóí dujina tóí cahmachua numia mehne suhūdui sā.

¹⁴ Cūcōro sāre tuhoricoro Tiatira wama tiri maca macaricoro Lidia wama tiricoro jire. Ticoro noaa suhtí wapa tia suhtire duaricoro, Cohamacūre ño payoricoro jire. Ā jiro Paulo to yahure noano tuhochū yoare Cohamacū ticorore.

¹⁵ To quihōno tuhochū ñūno ticorore to wuhū macaina mehne bautisare Paulo. To ā bautisari baharo ō sehe nire ticoro:

—“Jesu yacoro tjira mūhū cūhū”, nina mūsa yuhure. Ā jina ya wuhūi sāa tasinia mūsa. Yuhū mehne tjuasinia —nire ticoro sāre.

To ā nichū tuhona to wuhūi tjuasinii sā.

¹⁶ Pa dacho Cohamacū mehne tí durucoropū sā wahachū wafīno to cohtotaricoro piti bocare sāre. Ticoro paina cahamacōno jire. Ticoro wafīno yoadohorō mehne

masare “Ō sehe waharohca mū sare”, nī yahuyuricoro jire. Ā yahuro pjīro wapatabasare to puhtoare.

¹⁷ Ā jiro Paulo mehne sā wahachū, sāre nūhū tí, sañurucure ticoro:

—Ahrina Cohamacū Jipihtina Bui Jiro to yoadohoina jira. Cohamacū marine to noano yuhdohtire yahura tina —ni sañurucure ticoro.

¹⁸ Payū dachori ā ni cariborucure Paulore. To ā ni sañurucuchū Paulo majare ñū, ō sehe nire wafīnore:

—Jesucristo tuaa mehne dutija mūhare. Ticorore wijaahga. Waharisa mūhū —nire Paulo.

To ā nichūta wafīno sehe waha wahare.

¹⁹ To ā wahari baharo ticoro puhtoā sehe niñeru to wapataeraricoro to wahachū ñū, tina Paulore, Sila cūhure ñahare. Naha tuhsū, tinare naahre tí maca dacho macapū jīna puhtoā cahapū.

²⁰ Ā naa wahcā, buhiri tiare cahnoina cahapū tinare cūre tina.

—Ahrina judio masa mari ya macare cariboa nina.

²¹ Tina mari dutiare cohā dutia, paye buheare buhea nina. Mari ya dutiare yuhduacachū yoa duaa nina. Mari Roma macaina jina ahrina ti yahua sehere yoa masieraja mari. Ā jina ti buheare mari cahmaeraja —nire ticoro puhtoā buhiri tiare cahnoinare.

²² Tí ā nichū tuhoa masa payū Paulo cūhū mehne sua yuhduā wahare. Ā jia buhiri tiare cahnoina sehe Paulo cūhū suhtire tí tuhrē cohāri baharo, yucūri wasōri mehne tjana dutire tinare.

²³ Tuarō tjana tuhsū peresu yoare tinare. Tí ā peresu yuari baharo peresure cohtarirore noano ñū wihbo dutiha tina.

²⁴ Tí ā dutiri baharo tinare cohtariro sehe tí wuhū puhicha macari tahtiapū tinare cū, taboa pahtari mehne tí dahporire biha dapoha.

²⁵ Nami dacho macai Paulo, Sila mehne Cohamacūre sini, tireore basa payoha. Tí ā basachū tuhoha paina peresupū jīna.

²⁶ Tí ā ni basachūta tí wuhū tuaro ñuhmiha. To ā ñuhmichū cāno potori jipihtia sōpa pahmari parī mūa, peresupū jīnare tí duhtea dari comaa dari nuhū site boraa wahaha.

²⁷ To ā wahachū tí wuhure cohtariro sehe wahcā wihī, “Peresu jīna duhtū tuhsūri jire”, nī tuhotumaha. Ā ni tuhoturo to ñosari pjīne naroca, to basi ñosamaha.

²⁸ To ā yoachū ñūno Paulo tireore tuaro sañurucu ō sehe niha:

—Mū basi ñano yoai tjiga. Jipihtina ōre jija sā —niha tiro tinare cohtarirore.

²⁹ To ā nichū tuhoro tinare cohtariro sehe sihā buhria duti, tina cahapū mūroca wahcā

Paulo, Sila ti dahpori cahapu tetere, caha suha tiro.

³⁰ Tuhsu, tiro tinare ti tahtiapu jiiinare na wijaa, sinituha tinare:

—¿Dohse yoaicari yahu Cohamacu yairo ji duacu, to yuhdohtiro ji duacu? —ni sinituha tiro.

³¹ —Jesucristore wacu tuaga mahu. Mu coyea cahu tirore wacu tuajaro. Musa a yoachu musare pichacaru wahaborinare Cohamacu yuhdorohca —ni yahuha tina.

³²⁻³³ Ti a niri hora namo dacho maca baharoca jiha. Ti a niri baharo tinare cohtariro to ya wuhuru naaha tinare. To ya wuhuru na su ti camine cosaha tiro. To a cosa tuhsuri baharo to coyea mehne Cohamacu yare buheha Paulo cahu. Ti buheri baharo bautisaha tinare.

³⁴ Ti bautisa tuhsuri baharo tinare cohtariro cjiro Paulo cahure chure payoha. A jia tiro to coyea mehne noa buheare ti tuhori baharo tuaro wahcheha, Cohamacu masi duca.

³⁵ Bohrea pari cahachu na puhto sehe surarare peresupu warocaha Paulo cahure wio dutia.

³⁶ Ti a wio dutiri baharo ti wuhure cohtariro Paulo cahure yahuha:

—Puhto musare wio dutire. A jina cuienta wijaahga —niha tiro Paulo cahure.

³⁷ Ti a wio duapachuta Paulo o sehe ni yahuha surarare:

—Sa nano yoaerahi. A jina sa ne buhiri cjaeraja. Wiho warota tina puhto sehe masa ti nurocaroi yucari wasori mehne tjanahre sare, Roma macaina sa jipachuta. Tjana tuhsu peresu yoahre sare. A jia mipu masa ti neraroi wio duara sare, sare nano ti yoarire “Buro yuhduri”, nia. Puhto ti basita ta, wioa tajaro sare —niha Paulo surarare.

³⁸ To a nichu tuhoa surara sehe puhtoare yahuahaha. Ti a ni yahuri baharo Paulo, Sila mehne Roma macaina ti jichu masia puhto sehe cui niha.

³⁹ A jia tina Paulo cahu cahai su, o sehe niha:

—Nano yohti sa musare. Ne pari turi a yoasi —niha puhto Paulo cahure.

A ni tuhsu puhto tinare peresupu jiiinare wio, tinare pa seheru waha dutiha.

⁴⁰ Ti a niri baharo Paulo, Sila mehne peresupu jiiina wijaa, Lidia wama tricoro ya wuhuru wahaha. Ti wuhuru ti sari baharo Jesu yainare piti bocaha. A jia tina Jesu yainare noano buhea, noano yajeripohna tichu yoaha tinare. Ti a yoari baharo Paulo, Sila mehne wahaa wahaha.

17

Tesalonica macaina suha Jesu yaina mehne

¹ A yo tina Anfipolipu su, yuhduca, Apoloniaru su, yuhduca, Tesalonicarpu suha tina. Toi judio masa buheri wahu jiha.

² Somanaripe to yoariro sehetu Paulo buheri wuhuru wahaa tiha. Toru su, tia somana waro sabado dachoripe tiro panoru macaa ti joari cjiire Cohamacu yare masare buhe, ture tina mehne suhadua tiha Paulo.

³ A yoaro tiro Cohamacu yare o sehe ni yahuha:

—Judio masa, musa puhtoro musa cohtariro Cristo tari jire nano yuhduhtiro. Cohamacu to ni curo cjiro sehetu tiro yariaa wahaha masa majano taro. A jiro ahriro Jesu, yu yahuriro, tiro Cristo warota jira marine yuhdohtiro. Tirota jira musa cohtariro. O sehetu nina Cohamacu yare ti joari pu —ni yahuha Paulo.

⁴ To a nichu tuhoa, caina toi jiiina “Potoca tjira”, niha. A jia tina Paulo cahu mehne wahaha. A jia paina cahu griego masa payu Cohamacu no payoina sehe Paulore quihono tuhoa, a yo tina mehne macaa numia cahu payu puhto numia masa ti cua pisaro na numia cahu tirore quihono tuhoa Jesu yaina tjuaha. A jia tina cahu Paulo cahu mehne wahaha.

⁵ Wiho mejeta judio masa sehe ti a wahachu na, pahsu tiha. A jia tina naina dahraerainare payu pji cahmachu o sehe ni dutiha: “Ahrina nano yoaa nina”, ni sahurucu dutiha tinare. A sahurucu jipihina ti maca macainare suachu yoaha Paulo cahu mehne. A jia judio masa Jas o ya wuhuru saa, Paulo cahure macamaha, tinare masapure waa taa.

⁶ Wiho mejeta tinare bocaeraha. A jia Jas o, paina Jesu yaina cahure naaha, waja wijaa wahaha tinare. Puhto cahapu na su o sehe ni yahusa tina:

—Paulo cahu masare jipihitopure caribobiani. A jia mipure tina mari ya macare wihi tuhsahre.

⁷ A jiro ahriro Jas o tinare to ya wuhuru saa ta dutihre. Tina jipihina mari bui puhtoro Roma macariro to dutiare yuhduracara. “Pairo musa puhtoro jira. Jesu tirota jira” nia, mari puhtoro dutiare yuhduracara tina —ni yahusa judio masa sehe puhtoare.

⁸ Ti a ni yahusa tuhoa, jipihina masa, puhto cahu sua, tuaro sahurucuha.

⁹ Wiho mejeta puhto Jas o, tiro mehne macaina cahure, niherure wapa duti, wioha.

Paulo Sila mehne Berearu suha

¹⁰ Ti pjata ñamirũ Paulo cãhũre Jesu yaina ñũo warocaha Bereapũ. Tõrũ sũa tina judio masa buheri wũhũrũ sãa wahaha.

¹¹ Berea macaina sehe Tesalónica macaina yũdoro Jesu yare noano tũhoina jiha. Ā jia tina Jesu yare ti tũhori baharo “¿Potocã tjiari?” ni masi duaa, dachoripe Cohamacũ yare ti joari pũre ā buherucua tiha tina.

¹² Ā jia tina payũ Jesure wacũ tua dũcaha. Griego masa cãhũ, mũa, pũthoa numia mehne Jesure wacũ tuaina jiha.

¹³ Wiho mejeta Paulo Bereapũ Cohamacũ yare to buhechũ cãhũre tũhorocaa Tesalónica macaina judio masa tõrũ sũa. Tõrũ sũa, Berea macainare quiti dojomehnea, Paulo cãhũ mehne suachũ yoaha tina.

¹⁴ Ti ā yoachũ ñũa Jesu yaina Paulore soaro mehne pjiri ma duhtũ cahapũ warocaha. Wiho mejeta Sila, Timoteo mehne Bereapũ tjuaha.

¹⁵ Paina sehe Paulore Atenapũ na wahcã soha. Tirore so tuhsũ majare tjuaa wahaha Bereapũ tjoa.

—Soaro mehne waha, piti tina wahaga Paulore —ni yahuha Silare, Timoteo cãhũre.

Ā ni yahu dutiha Paulo tinare.

Paulo Atenai jiha

¹⁶ Ā jiro Paulo Atenapũ cohtarõ niha Sila, Timoteo cãhũre. Tinare cohtarõ Atena macaina ti “Cohamana jira”, ti nia masurine payũ ti cjuachũ ñũno Paulo tuaro cahyaha tina mehne.

¹⁷ Ā cahyaro, judio masa buheri wũhũrũ judio masa mehne, ā yoa judio masa jieraina mehne cãhũre durucuha tiro. Judio masa jieraina sehe Cohamacũre ño payoina jiha. Ā yoa Paulo ti maca dacho macai dachoripe tiro cahapũ ā tini majare sãaina mehne durucuha.

¹⁸ Paina Epicureo yare buheina, Estoico yare buheina cãhũ Paulo mehne durucuha:

—¿Ahriro durucua pihntirariro dohse ni durucuro nijari tiro? —niha tina.

Paulo Jesu yare, to masa mejarire to yahuchũ tũhoa õ sehe ni tũhotumaha masa: “Tiro paina cohamanare yahuro nica”, ni tũhotumaha tina.

¹⁹ Ti tũhori baharo tina Areópago wama tiorũ Paulore naaha.

—Ahri buhea, wahma buheare mũ mipũ yahure masi duaja sã.

²⁰ Mũ buhea soro sehe jira. Ā jina sã tũre masi duaja —niha tina Paulore.

²¹ Jipihntina Atena macaina, ā yoa paye yahpari macaina cãhũ Atenapũ jiina dachoripe wahma buheare durucurucu duaha. Ā jia Paulo to yahuare tũho duaha tina.

²² Ā jiro Paulo Areópago wama tiroi wahcãrũca õ sehe ni yahuha:

—Atena macaina, payũ mũsa cohamanare mũsa tuaro ño payoina mũsa jichũ masija yũhũ.

²³ Ahri maca mũsa ya macare cohamanare mũsa ño payoa altarire ñũ tinihi yũhũ. Ā ñũ tinicũ yũhũ cã altarũ, cohamanare ño payona mũsa waare mũsa cũnoi ahrire buhehi. “Cohamacũ, mari masimahnoerariro ya altar jira”, ni joari jire mũsa tũre mũsa cũnoi. Mũsa tirore masierapanahita tirore ño payori jire mũsa. Tiroreta mũsa masierariroro yahu potoi nija yũhũ mũsare.

²⁴ Cohamacũ jipihntiri yahpare, jipihntiare bajuamehneriro jira. Tiro mũanore, yahparure pũthoro jiro, tiro masa ti yoa wũhũsei jierara.

²⁵ Ā jiro tiro mari jiare, mari yajeri naare, jipihnti marine paye barore wariro jiro, mari yoadohoare cahmaerara. Tiro pjacũriro jierara.

²⁶ Tiro cãiro mũanore yoa dũcaha. Tiro mehneta jipihntia yahpari macaina cjihtire masare yoaha. Ā masare yoaro jipihntiro yahparure marine cũha tiro. “Õ puro yoari pja õrũre jiahca”, nino quihõ cũha marine.

²⁷ “Tina yũhũre maca, bocaboca”, ni tũhotuha Cohamacũ. Wiho mejeta Cohamacũ yoaropũ jierara. Mari mehneta jira. Ā sehe ni joaa tiha paina:

²⁸ “Marine jichũ yoara tiro. Mari masapere catiina, ñũhmiina jichũ yoara tiro”, ni joaa tiha. Mũsa mehne macaina panopũ macaina basaare noano joaina quiti yahuina cjiri ti joariro seheta nii nija. “Mari cãhũ Cohamacũ pohna jija”, ni joaa tiha tina.

²⁹ Ā jina mari to pohna jina õ sehe ni tũhotuena tjiga mũsa. Masurine, uru, plata, tãa mehne mũsa mũ sũro mũsa yoari masurine “Cohamana jira”, ni tũhotuena tjiga mũsa.

³⁰ Panopũ masa ti masieraina jisinicũ ti ñaare yoapachũta Cohamacũ ā ñũnocasinia. Wiho mejeta mipure jipihntiri yahpa macainare ti ñaa yoari buhiri tiare masi, cahya dutira Cohamacũ.

³¹ Baharo Cohamacũ to quihõri dachoi jipihntiri yahpa macainare potocã beserohca noaina, ñainare. Tiro to bese duti to cũriro Jesu sehe beserohca. Jesure yariariroro masoha tiro. Ā masono “Ahriro yũ cũriro jira” ni, ñono niha Cohamacũ masare —ni yahuha Paulo Atena macainare.

³² To ā nichũ masa mejarire to durucuchũ tũhoa paina tirore bujũpeha. Wiho mejeta paina sehe õ sehe niha:

—Pari turi ahrire mũ yahuchũ sã tũho duaja —niha tina Paulore.

³³ Ti ã niri baharo Paulo wahaa wahaha.

³⁴ To ã wahachu, cãina tiro mehne waha, Jesure wacũ tua dũcaha. Dionisio Areópago macariro pũhtoa mehne macariro Jesure wacũ tua dũcaha. Æ yoa Damari wama tiricoro cãhu, paina mehne Jesure ãta wacũ tua dũcaha.

18

Paulo Corinto wama tiri macai jiha

¹ Æ yoa, Paulo Atenaru jiriro waha, Corinto wama tiri macaru suha.

² Tõru sũro, judio masano Aquila wama tirirore boca suha tiro. Jipihina bui pũhtoro Claudio wama tiro judio masare Romaru jĩnare to cohãchu Aquila sehe to namono Priscila mehne waha, Corintõru suha. Aquila sehe Ponto wama tiri yahpai masa bajariro jiha. Æ jia tina Corintõi ti jichu, Paulo tina caharu suha.

³ Aquila cãhu suhti wũhũsere yoaina jiha. Paulo cãhu suhti wũhũsere yoarirota jiha. Æ jiro tiro tina mehne dahra, tõi tjuaha.

⁴ Æ jiro Paulo sabado jichu somanaripe judio masa ti buheri wũhũru judio masare, judio masa jieraina cãhũre Cohamacu yare yahuha. To ã ni yahuchu tãhoa, “Potocã tjira”, niha tina cãina.

⁵ Æ yoa Sila, Timoteo mehne Macedoniaru jiina, Paulo caharu suha. Tõru ti sari baharo Paulo sehe jipihitia dachoripe judio masare noano buhea tiha.

—Jesu, Cristo masare yũhdohtiro mari cohtariro jira —ni yahua tiha.

⁶ To ã ni buhepachuta, judio masa sehe tirore tũho duaeraha. Æ jia tina ñano ni quti dojomehneha tirore. Ti ã yoachu Paulo tinare to tuhtiboriro seheta, to suhti macaa mene cã siteroca cãhu.

—Musa ya buhiri pichacaru wahanahca. Cohamacu to dutiro sehta musare buhemahi yahu. Wiho mejeta musa yũhũre tũho duaerare. Mĩpũre judio masa jieraina sehere buhei wahaihtja —niha Paulo judio masare.

⁷ To ã niri baharo tiro tõru jiriro waha, Ticio Justo wama tiroro ya wũhũru suha. Justo Cohamacure ño payoriro jiha. To ya wũhu sehe judio masa buheri wũhu cahai jiha.

⁸ Æ jia Crispo wama tiroro buheri wũhu pũhtoro, to namono, ti pohna cãhu Jesure wacũ tuaina jiha. Æ yoa paina Corinto macaina payu Cohamacu yare tũhoa, Jesure wacũ tuaha. Ti ã wacũ tuaina jichu tinare bautisaha.

⁹⁻¹⁰ Cã ñami Cohamacu cahãnoru õ sehe ni yahuha Paulore:

—Mũhu mehne jija. Ahri maca macaina yu yaina masa payu jira. Æ jia paina masa

mũhũre ñano yoa masierara. Æ jicu cuicẽu tjiga mũhu. Wiho mejeta yu yare tuaro yahu namoga mũhu. Yahu duhuẽcu tjiga —ni yahuha Cohamacu Paulore.

¹¹ Æ yoa cã cãhma noano, pa cãhma dacho maca waroi Paulo Corintõru ji, tõi macainare Cohamacu yare buhea tiha.

¹² To ã buhero watoĩ Galiõ wama tiroro Acaya yahpa macaina pũhtoro to jichu, judio masa jipihina cãno potori Paulore yahusãa taa, tirore buhiri tiare cahnoina caharu naaha tina.

¹³ —Ahriro Paulo masare Cohamacure ño payo dutiro ahri yahpa macaa dutia sehere cohã dutiro nina —ni yahusãha judio masa buhiri tiare cahnoinare.

¹⁴ Ti ã ni yahusãchu tũhoro Paulo sehe tinare yahu duamaha. Wiho mejeta Galiõ sehe judio masare õ sehe ni yahuha:

—Ahriro sã Roma macaina ya dutiare yũhdũrucariro to jichu, musare yũhtiboa yũhu.

¹⁵ Wiho mejeta musa judio masa ya dutia sehere ahriro yũhdũrucariro to jichu musa basi ahrire cahnoga. Ahrire masieraja yũhu musa mehne —ni yahuha tiro judio masare.

¹⁶ Æ ninota tinare judio masa Paulore yahusãmarina cjirire to ya tahtiaru jĩnare cohã wioha tiro.

¹⁷ To ã cohã wiori baharo jipihina ti wũhai jiina Sostenero judio masa buheri wũhu pũhtorore Jesu yairore ñaha, buhiri tiare cahnoina caharu cãha tirore. Ti ã cãchũ ñano Galiõ ã ñanocaha.

Paulo Antioquiaru tjuaa wahaha

¹⁸ Æ yoa Paulo Corintõi yoari pja jiriro cjiro “Wahai nija”, ni coha sitiha tiro Jesu yainare. To ã niri baharo tiro Priscila, Aquila mehne Siria yahparu pahãa taa niha. Ti pahãhto pano Cencrea wama tiri macaru su, tõru jisinino Paulo Cohamacure “Õ sehe mũhũre yoabasaihtja”, to niriye yoa tuhsũriõru jiha. Æ jiro tõi sehe yoaina judio masa ti yoarucuriro seheta to pjoarire waha pahõ dutiha.

¹⁹ Tire to yoari baharo tina Efeso wama tiri macaru pahã su, Priscilare, Aquila cãhũre cũ, judio masa ti buheri wũhũru wahaha Paulo. Ti wũhũru su, Cohamacu yare yahuha. Æ yahuro judio masa mehne sũhũduha.

²⁰ To ã sũhũduri baharo tirore tina mehne tjua dutimaha.

—Tjuaraja musa mehne.

²¹ Wiho mejeta Cohamacu cahmachu, pari turi tjuaa taihtja —niha tinare Paulo.

Æ ni tuhsu, Efesõru jiriro cjiro pahãa wahaha tiro.

²² Pahãa, Cesarearu pahã su, yũhdũ wahcã, Jerusalẽru suha. Tõru su, tõi macaina

Jesu yainare “¿Ne jimajari m̄sa?” ni, tinare ñu yuħduu Antioquiap̄ s̄ha.

²³ Tóí mahaa dachoricã jiha. Tóí jiriro cjiro yuħduu. Galacia yahpai jia macarip̄, Frigia yahpai jia macarip̄ pari turi su, tí macari macainare Jesu yainare buhero, Jesure wacū tua namo wahchech̄u yoaha tiro.

Apolo wama tiroiro Efesoi buheha

²⁴ Tí pjare, judio masano Apolo wama tiroiro, Alejandria macariro Efesop̄ s̄ha. Tiro noano yahu mihniro jiha. Á jiro tiro Cohamac̄u to joari cjirire noano masiha.

²⁵ Pairo tirore Cohamac̄u yare yahu tuhsua tiha. Á jiro tiro João masare bautisariro to buhea dihtare masiha. Á jiparota tiro tuaro wahchea mehne Cohamac̄u yare noano buheha.

²⁶ Á jiro judio masa ti buheri wuħup̄u tiro cuiro marieno tinare buhe d̄caha. To á buhech̄u ti tuħori baharo Priscila, Aquila mehne tirore tina mehne naaha. Cohamac̄u yare to quihõno yahu pahñõerach̄u ñaa quihõno yahu pahñõha tina tirore.

²⁷⁻²⁸ Á jia tiro Apolo sehe Acaya yahpap̄u to waha duach̄u Jesu yaina tirore “Noano wahaga”, ni joaa p̄rine waha tirore. Tí p̄ri Acayap̄u jiina Jesu yainare Apolore noano piti boca dutia p̄ri jiha. Á jiro Apolo t̄p̄u s̄uro, tó macainare noano yoadohoha. Tó macaina Cohamac̄u cah̄a mehne Jesure wacū tuaina jiha. Judio masare tí macai j̄inare õ sehe ni yahuha:

—Cohamac̄u to warocariro m̄sa cohtariro jira Jesu. Cristo waro jira tiro —ni yahuha Apolo judio masare paina masa ti ñurocaroi.

Cohamac̄u yare ti joari cjiri mehne to noano quihõno yahuch̄u tuħoa tina “Potocã jierara”, ni masieraha.

19

Paulo Efesop̄u wahaha

¹ Corintop̄u Apolo to jiro watoi, Paulo sehe t̄yuc̄up̄u m̄ja yuħduu, Efesop̄u s̄ha. T̄p̄u s̄uro cãina Jesu yainare bocaha.

² Tinare boca s̄uro tiro tinare õ sehe ni sinitu ñuaha:

—¿M̄sa Jesure wacū tuari baharo m̄sa sehe Esp̄ritu Santore cjua ducari? —ni sinitu ñuaha Paulo.

To á nich̄u tuħoa tirore õ sehe ni yahuha tina:

—“Esp̄ritu Santo jira”, ni yahuerare s̄are —ni yahuha tina.

³ Tí á ni yahuri baharo Paulo tinare õ sehe ni sinitu ñuaha t̄jao:

—¿Noa ya buheare m̄sa tuħori baharo bautisari m̄sare? —niha tiro t̄jao.

—João ya buheare s̄a tuħori baharo bautisahre s̄are —ni yahuha tina.

⁴ Tí á nich̄u tuħoro õ sehe niha Paulo:

—Masa ti ñaa yoarire cahya, t̄re ti duhuch̄u ñano bautisaha João. Á jiro to bautisari cjiri sehe ti ñaa yoarire ti duhurire masare ti ñohti c̄iht̄i jira. Wiho mejeta paye baro c̄uh̄re yahu namoha João. “Yu baharo tariro sehere wacū tuaga m̄sa”, ni yahuha tiro. Á nino Jesure yahuro niha —ni yahuha Paulo tinare.

⁵ To á nich̄u ti tuħori baharo, Jesu wama mehne to tuaa mehne bautisaha tinare.

⁶ Á to bautisach̄u, Paulo tina cãina bui to wamomaca to duhu payoch̄u, Esp̄ritu Santo sehe wihiha tinap̄re. To á wihiri baharo tina sehe tuħomahnoera d̄seri mehne durucu, Cohamac̄u yare yahuha.

⁷ Tina jipih̄tina doce m̄sa jia j̄iboa.

⁸ Baharo Paulo judio masa ti buheri wuħup̄u s̄aa, tia s̄u waro cuiro marieno puħtoro Cohamac̄u to suho jiare yahu, durucuha tina mehne. Tirore tí á tuħori baharo “Ahri potocã jira”, niha tina.

⁹ Wiho mejeta paina sehe tuho duaeraha. Á jia tina masa ti tuħoro noa buheare ñano ni ñõha. Tí á nich̄u tuħoro Paulo sehe Jesu yainare p̄ji wijaa, pa sehep̄u wahaha. Waha, Tirano wama tiroiro to buheri wuħup̄u dachoripe masare Cohamac̄u yare yahuha Paulo.

¹⁰ P̄ua c̄uh̄ma waro buhea tiha tinare. To á buhech̄u jipih̄tina Asia yahpa macaina judio masa, judio masa jieraina mehne mari puħtoro Jesu yare tuħoha.

¹¹ Á yoa Cohamac̄u tuaa mehne Paulo masare ñu c̄ua yuħduach̄u yoaa barore yoa ñõha.

¹² Masa sehe suhti cahsari Paulo to pjac̄are pihaa cahsari cjirire, á yoa tirore pihaa suhti c̄uh̄re naa, dohatiinare pihoaha masa. Tí suhtire dohatiinare ti pihoch̄u noaa wahaha. Á jich̄u wat̄ia tinap̄re jirina cjiri wijaa wahaha, tí suhtire ti pihori baharo.

¹³ Wiho mejeta paina judio masa, á tinirucuina, wat̄iare cohãina jiha. Á yoa puħtoro Jesu wama pisuro mehne wat̄iare cohã duamaha. Á jia wat̄iare õ sehe ni dutimaha tina:

—Paulo to yahuriro Jesu to wama mehne dutija m̄sare. Wijaaahga. Ahriro mehne pari turi jiena t̄jiga —nimaha tina wat̄iare warocaa.

¹⁴ Esceva wama tiroiro siete to pohna sehe āta yoamaha. Esceva sehe judio masano sacerdot̄ea puħtoro jiha.

¹⁵ To pohna wat̄inore ti wijaa dutiri baharo, wat̄ino sehe õ sehe niha tinare:

—Jesure masija. Paulo cūhure masija. Ā masipacūta mūsa sehere masieraja —niha wafīno tinare.

¹⁶ To ā nichūta wafīno to cohtotariro sehe tuaro mehne tinare űaha mūaa wahaha. Tinare űaha, űabiario yoa, yūhdurucanocaha. To ā yoachū Esceva pohna sehe suhti marieina, cami tiina mūroca wijaa wahaha tina tī wūhure.

¹⁷ Tī ā yoari baharo jipihtina Efeso macaina, judio masa, judio masa jieraina mehne tīre tuhoa, cui yūhdūaha tina. Ā jia pūhtoro Jesu yare būjūpero marieno durucuha masa sehe.

¹⁸ Ā yoa masa payū Jesure wacū tuaina tī űano yoari buhirire yahu yūhdūa taha.

¹⁹ Tina mehne macaina payū yaya puti siteina jiha. Ā jia tina tī joaa tjurire yaya tī yoare yahua tjurire tōpū na ta, masa tī űarocaroi tī tjurire jū cohānocaha tina. Tī tjuri tī wapa tirire tina tī quihōchū, jipihtia tjuri cincuenta mil tūri plata mehne tī yoaa tūri posa waro wapa timaha tī tjuri.

²⁰ Ā jia Cohamacū yare cahmaina payū wahaha. Cohamacū tuaa mehne to yaina wahaha.

²¹ Tī ā wahari baharo Paulo ō sehe ni tuhotuha: “Macedonia yahpapū sū mūhta, tī yahpare yūhdūa Acaya yahpare sūihtja. Tī yahpare yū sūri baharo Jerusalēpū wahaihtja. Tī macare yū sūri baharo Romapū wahaihtja”, ni tuhotuha Paulo.

²² Pūaro tirore yoadohoinare to pano waroca mūhtaha Macedonia yahpapū. Timoteo, Erasto cūhū jiha tina. Ā jiro Paulo sehe cāirota tjuā mūnū tisiniha Asia yahpapū.

Efesoī masa sua, sañurucuha

²³ Tī pjare Efesoī Jesu yare paina cahmaeraa, Paulo cūhure payū masa tuhti, sañurucuha.

²⁴ Cūiro platata dahrariro Demetrio wama tiroro plata mehne cohamao Artemisa wama tiricoro ya wūhū masūri yoariro jiha. Ā jiro tiro paina plata dahraina mehne tī masūrine dua, pjiro wapataha tina.

²⁵ Ā jiro Demetrio paina plata dahrainare pji cahmachu ō sehe ni yahuha tinare:

—Tuhoa mūsa. Ahri dahraa mehne pjiro mari wapatarire masina mūsa.

²⁶ Ahriro Paulo to yoarire to buheri cūhure masina mūsa. Ō sehe ni buhera tiro: “Cohamana masūri masa tī yoari catiina jierara”, ni yahua tīre tiro. To ā nichū tuhoa payū Efeso macaina, jipihtiroi paina Asia yahpa macaina cūhū tī buheare “Potocā tjiira”, nia tīre.

²⁷ Ā nia mari dahraare masa űano durucuhto cua yūhdūara. Ā yoa masa mari cohamao Artemisa ya wūhure “Wiho jiri

wūhū jira”, ni cohāboca. Tī ā cohāchū ticoro jipihtina Asia yahpa macaina, jipihtiri yahpa macaina tī űo payoricoro to jipachūta to tuaa butiarohca. Ā jia masa baharopū jiina ticorore masieraboca —niha Demetrio tinare.

²⁸ To ā nichū tuhoa tina sehe tuaro sua, sañurucuha:

—Artemisa Efeso macaina mari yacoro cohamao tuaricoro jira —ni sañurucuha tina.

²⁹ Ā jia Efeso macaina jipihtina sañurucu yūhdūa, tuho masia pihtia wahaha. Ā wahaa, Gayore, Aristarco cūhure űaha, masa tī cahmachunopū tinare waja wahcāha. Gayo, Aristarco mehne Macedonia macaina jia, Paulo mehne tiniina jia tīha.

³⁰ Ā jia Paulore masa cahai to waha duachū, Jesu yaina sehe tirore waha dutieraha.

³¹ Ā jia paina tī yahpa macaina pūhtoa, Paulo mehne macaina jia, tī cahamacare yahu dutiha Paulore:

—Masa tī cahmachunopū wahai tjiga —ni yahu dutiha puhtoa Paulore.

³² Ā jia tōi cahmachuina mehne macaina sehe payū “¿Dohseana tana mari cahmachuna nijari?” ni masieraha. Ā jia tina sañurucu namoha. Ahrie sehepū jiina soro ni, sañurucuha. Paina cūhū soro ni sañurucuha.

³³ Ā jia judio masa sehe Alejandro wama tirirore masare yahu dutimaha. Ā jiro Alejandro “Dihta mariahga”, nino to wamomaca mehne cjātuha. “Ahrina sāre judio masare tuhtia nina”, ni tuhoturo judio masare dūcata duaro, durucumaha.

³⁴ Wiho mejeta tiro judio masano to jichū űua masa jipihtina cāno potori pūa hora waro sañurucuha:

—Artemisa, Efeso macaina mari yacoro cohamao tuaricoro jira —ni sañurucuha tina.

³⁵ Tī ā ni sañurucuchū űano, Efeso macaina puhtoare yoadohoriro masare, “Dihta mariahga”, ni yahuha tinare.

—Mūsa Efeso macaina tuhoga. Efeso macaina tuaricoro cohamao Artemisa ya wūhū cohtaina mari jichū jipihtia yahpari macaina masina. Ā jia mūanopū bora tari masure űū wihboina mari jichū cūhure masina masa.

³⁶ Ā jia paina “Ahri potocā jierara”, ni masierara. Ā jina suaena tjiga mūsa. Noano tuhotuga mūsa.

³⁷ Ahrina mūsa űaha taina mari cohamao core űano ni durucuerare. Ā yoa tina cohamana wūhūsepure sāa, yacaerare. Ā jina noano yoaga mūsa.

³⁸ Ā jia Demetrio, plata dahraina mehne ahrinare m̄sa ñahinare yahusā duaa, buhiri tiare cahnoina sehere yahusājaro tina.

³⁹ Pari turi cahmachuna noano mehne cahmachuga. M̄sa yoariro sehe yoena tjiga.

⁴⁰ Michare m̄sa sua, sañurucurire mari puhto tuhoa, “Marine cohā nica”, ni tuhotuahca tina. Ā jina m̄sa ni sañurucurire tinare noano poto yahu masieraja mari — niha puhtoare yoadohoriro masare.

⁴¹ Ā ni yahu tuhsu, “Tó puro tjira. Wahaga”, niha tiro masare.

20

Macedonia yahparu cāhure, Grecia yahparu cāhure Paulo suha

¹ Ti ā wahari baharo, Paulo sehe Jesu yainare pji cahmachu yahu quihōha. Yahu quihō tuhsu, tinare wahchechu yoa, tinare coha sitiha. Coha siti tuhsu, Macedonia yahparu wahaah wahaah.

² Tóru su buhe, tí yahpai jia macari macainare Jesu yainare wahchechu yoaha tiro. Tinare buhe tuhsu, Grecia yahparu suha tiro.

³ Tóti tiro tia sū waro jiha. Tóti jirucuma, Siria yahparu pahāa waha duamaha. Wiho mejeta judio masa cohtamaha tirore ñaha duaa. Ā jiro Paulo pa maharu, Macedonia yahparu wahari maharu m̄nanop̄ata majare tjuaa wahaah tjoa.

⁴ Ā waharo Asiap̄ata suha. Tóti Berea macariro Sópato wama tiriro Pirro macano Paulore piti tí wahcāha. Ā yoa Tesalónica macaina Aristarco, Segundo cāhu tirore piti tí wahcāha. Tuhsu, Derbe macariro Gayo wama tiriro Timoteo cāhu tiro mehne wahaah. Asia macaina Tíquico, Tróximo cāhu Asiap̄u tirore piti tí wahcāha.

⁵ Tiro mehne macaina to pano waha, Tróade wama tiri macaru tirore cohtari jire.

⁶ Ti ā cohtachu bucaerari p̄ore tí ch̄ua bese num̄ari baharo s̄a sehe Filipoi jiina dohoria mehne waha, cinco dachori pahā, Tróaderu s̄a tinare m̄ su. Siete dachori waro jii tópare.

Tróaderu Paulo tinino wahaah

⁷ Domingo jichu Jesu yaina cahmachu p̄ore duhu payore Santa Cena yoaa taa. Ti ā yoah̄to pano Paulo tinare buhere. Ā yoaro Paulo pa dachoi wahahtiro jiro yoari pja tiro buhere. Nami dacho macaru buhe duhoro taro nimare.

⁸ Ā jina m̄ano macari tahtiai payu poca sihāa poca jiri tahtiai cahmachui s̄a.

⁹ Paulore to tuhoro watoí, cāiro wahmano Eutico wama tiriro mahari sopaca चाहि m̄ja pja dujire. Dují, Paulo tinare yoari

pja to buhe namochu wahmanore wujo tare. W̄jo ta, tiro carí m̄sa, tia casario buip̄u dujiriro majare boraah wahaah. Boraah waha, yaria yuhduah wahaah. To yariari baharo tina tirore yariariro cjirop̄are na wahcō dapore.

¹⁰ Ti ā yoachu ñano Paulo dujia, wahmanore c̄jā suhsure. To ā yoari baharo Jesu yainare ó sehe ni yahure tiro:

—Yajeripohna ñaena tjiga. Yarierara ahriro. Catira —nire Paulo sehe.

¹¹⁻¹² To ā nichu wahmano yariariro cjiro masaa wahaah. To ā masachu ñua tina wahche yuhduare. Ā wahche m̄ano macari tahtiap̄u m̄ja, p̄ore duhu payore Santa Cena yoaa taa. Ti ā yoari baharo yoari pja Paulo tinare buhe namore tjoa. Pu bohreahto panoc̄aru tinare buhe duhere. To buhe tuhsuchu wahaah wahaah s̄a.

Paulo Tróaderu jiriro waha, Miletopu suha

¹³ Paulo pano dohoria mehne Asóru s̄a sehe su m̄antai. Paulo sehe maharu waha duare. Paulo to niriro seheta Asóru tirore s̄a piti bocai.

¹⁴ Tirore s̄a piti bocachu, s̄a mehne tiro samure dohoriap̄u. Tia mehne waha, Mitileneru s̄a sui.

¹⁵ Tópare su yuhduah pa dachoi Quío wama tiri n̄core yuhduai s̄a. Pa dachoi Samop̄u sui s̄a. Pa num̄u sehere Miletopu sui s̄a.

¹⁶ Paulo Pentecoste dacho waroi Jerusalēru su duare. Ā jiro Asia yahparu yoari pja ji duaerare. Ā jiro Efesore poto yuhduah, Miletopu wahā sui s̄a.

Paulo Efeso macainare Jesu yainare puhtoare yahuha

¹⁷ Ā jiro Paulo Miletopu jiro, Efeso macainare Jesu yaina puhtoare pjirocare tiro.

¹⁸ Ā to pjirocari baharo tina Paulo caharu wihire. Ti wihichu ñano tinare Paulo ó sehe ni yahure:

—Asiap̄u coā wihicu m̄sa mehne yu yoarire masina m̄sa.

¹⁹ M̄sa mehne jicu ne soro nino marieno Jesu, mari puhtoro yare yoaa tii yuh̄u. Ā yoacu m̄sare pja ñci. “M̄sare yuhduahcaja”, nierahi yuh̄u. Judio masa yuh̄ure ñano ti yoapachata Cohamacu yare yoaa tii yuh̄u.

²⁰ M̄sa noano wahahtore cahmacu m̄sare buhe pah̄onocai yuh̄u. Masa ti ñurocaroi, ā yoa m̄sa wuh̄useru cāhure buhei yuh̄u.

²¹ Ā yoa judio masare, judio masa jieraina cāhure cāno potori buhei yuh̄u. “M̄sa ñaa yoari buhiri tiare masi, Cohamacu mehne tjuaahga. Ā yoa Jesu mari puhtoro wacū tuaga”, ni yahui yuh̄u.

²² Ā yoa mipure Espiritu Santo to dutiriro seheta Jerusalēpū wahai nija. Yūhū tōpū wahacu yū dohse wahahtore masieraja yūhū.

²³ Espiritu Santo to yahuri dihtare masija. Ō sehe nihre Espiritu Santo yūhāre: “Nohoi mū sūa macaripepū mūhū űano yūhdūihca. Ā jia mūhūre peresu yoaaħca”, nihre Espiritu Santo yūhūre.

²⁴ To ā nipachuta noaa buheare, Cohamacū masare to cahīa buheare yahuhtiro cjihto jija. Jesu mari puhtoro to yoa dutirire yoa pahūo duaja. Ahrire yoariro jicu, yū yariahtore cuieraja yūhū.

²⁵ Mūsa mehne jicu puhtoro Cohamacū to suho jiare yahua tii yūhū musare. Mipure ne musare pari turi űasi yūhū. Ahrire masija yūhū.

²⁶⁻²⁷ Ā masicu michare ahrire yahuja musare. Jipihtia Cohamacū yare yahui yūhū musare. Ā jiro jipihtina mūsa mehne macaina Cohamacū yare cahmaeraina ti jichū ya buhiri jierara.

²⁸⁻²⁹ Mūsa basi noano yoaga. Ā jina Jesu yainare Espiritu Santo musare to űū wihbo dutiinare űū wihboga. Ovejare űū wihboina ovejare ti űū wihboro seheta Jesu yaina cūhūre űū wihboga mūsa. Cohamacū macūno to yariaro to di cohāno mehne Cohamacū tinare to yaina cjihti yoare. Yū ōre wahari baharo paina űaina sehe yairo ovejare to chū cohāno seheta Jesu yare mūsa yoaborire dojomehneahca. Ā jina Jesu yainare noano űū wihboga.

³⁰ Baharopure paina mūsa mehne macaina sehe Jesu yainare mahūo, paye buheare tūho dutiaħca. Ti ā dutichū tina tūhohto cua yūhdūara.

³¹ Ā jina noano yoaga mūsa. Tia cūhma waro dachoripe, űaminipe pja űūa mehne buhei yūhū mūsa jipihtinare. Tīre noano wacūga mūsa.

³² Mipure yū wahari baharo, Cohamacū musare űū wihborohca. Masare to cahīa buheare mūsa basi cahma buhena, noano jinahca mūsa. Cohamacū to buhea mehne musare wacū tua namochū yoarohca. Baharopure to yainare “Noano yoaitja”, to niriro seheta mūsa cūhūre noano yoarohca.

³³ Mūsa niűerure, mūsa suhti cūhūre “Yūhūre waga”, nierahi musare.

³⁴ Yū basi dahra wapatai yū ya cjihtire. Ā yoa yū cahmaare, yūhū mehne macaina ti cahmaa cūhūre yū dahraa wapatai mehne nahi. Yū ā yoarire masina mūsa.

³⁵ Mari ō sehe tuaro dahrana paye baro cūaerainare yoadohoro cahmana marine. Ahrire musare yoa űoi yūhū. Jesu mari puhtoro to niri cjiirire wacūga mūsa. “To wachū űahariro yūhdoro wariro sehe wahchera”, niri jire Jesu to basi –ni yahure Paulo Jesu yainare.

³⁶ Ā ni batoa Paulo tina mehne na tuhca caha sū, Cohamacūre sinire.

³⁷ To ā sini batoachū tina jipihtina Paulore cĵā suhsu, wahsupu wihmi, tiħre.

³⁸ “Musare pari turi űasi yūhū”, pano to nichū tuhoa tuaro cahyare tina. Ā jia tirore tju nūnū ti buhare pū pitamahapū. Tōpū sāre űū nūnū tire sā wahachū.

21

Paulo Jerusalēpū pari turi wahaha

¹ Jesu yainare “Wahana nija” ni, dohoria mehne Cos wama tiri űucopū poto waha, pahā sūi sā. Pa dachopū Roda wama tiri űucopū pahā sū, yūhdūa, Pátara wama tiri macapū sūi sā.

² Pátarai jina, Feniciapū wahahtiare, dohoriare bocai sā. Ā jina tia mehne wahai sā.

³ Ā wahana Chipre wama tiri űucore poto űū yūhdūai sā. Cō buhūsehe sehe jire tí űuco. Ti űucore yūhdūa, Siria wama tiri yahpapū sūi sā. Ā jina dohoria macaa pachere dohoria macariro Tiro wama tiri macai to dure mochū, tōi pahsasini.

⁴ Tōi Jesu yainare űūna, siete dachori waro tjuasinii sā tí macai. Ā jia tō macaina Jesu yainare Espiritu Santo to yahuriro seheta tina Paulore Jerusalēpū waha dutieramare.

⁵ Ti ā nipachuta tí macare siete dachori sā jiri baharo, wahai sā. Sā wahahto panocā jipihtina Jesu yaina, ti namosānumia mehne, ti pohna mehne, tí maca duhtū cahai sāre űū tjuaa wahare. Ā jina jipihtina sā paduroi sū, na tuhca caha sū Cohamacūre sinii.

⁶ Sā ā siniri baharo, “Wahana nija” ni, tinare cĵā suhsu batoa, wahai sā. Sā wahachū űū nūnū ti, tina sehe majare majaa wahare ti ya wūhūsepū.

⁷ Tiro wama tiri macai jiina wahana Tolemaidapū wahā sūi sā. Tōihta pjiri mare waha batoai sā. Tí macai sū, Jesu yainare “Coyea, ĵimajari?” ni, cū dacho sā tina mehne jisini.

⁸ Ā yoa pa dachoi tjoa Cesarea wama tiri macapū sūi sā. Tōpū sū, noaa buheare yahuriro Felipe wama tiroro ya wūhūpū sūi. Ā jina tiro mehne tjuai sā. Felipe Jesu yaina ti siete beseina mehne macariro jire.

⁹ Tuhsū, tiro pititiaro numia pūcūro jire. Tí numia sehe Cohamacū yare yahua numia jire. Nuhmia jire.

¹⁰ Tōpū sā mahaa dachoricā sā jiri baharo, Agabo wama tiroro Cohamacū yare yahu turiariro Judeapū jiriro sāre űūno wihire.

¹¹ Ā wihiro tiro Paulo ya dare tuā dihori dare na, to basi to dahporire, to wamomacarine duhte cayo ō sehe ni yahure:

—Ō sehe nire Espiritu Santo: “Ahri dare cūariro Jerusalēpū to suchū, judio masa āta

duhteahca tireore. Duhte tuhsu, judio masa jierainare waahca tina tireore”, nire Espiritu Santo —ni yahure Agabo.

¹² To ā nichu tuhona, sã Cesarea macaina mehne Paulore tuaro cahii sã. Tireore Jerusalēru waha dutierama.

¹³ Sã ā nichu Paulo sehe õ sehe ni yuhtire: —¿Dohse ni tiina nijari musa? Yuhu sehene cahyachu yoaca musa. Tina yuhure peresu ti yoachu noanohca. Yuhu Jerusalēru Jesu mari puhtoro yare yu yoari buhiri yu yariachu noanohca —nire Paulo sãre.

¹⁴ “Wahaeraja”, to nichu tuho duana nimai sã. To “Wahaihtja” to nichu, ā tuhotunocahi sã. Õ sehe nii:

—Mari puhtoro to cahmano seheta yoajaro —nii sã.

¹⁵ Türe suhudu batoa, sã yare cahno, waha wahai sã Jerusalēru wahana.

¹⁶ Tõru sã wahachu mahainacã Cesarea macaina Jesu yaina sehe sã mehne wahare. Ā yoa tina mehne macariro Chipre macariro Mnasõ wama tiriro ya wuhuru sui sã. Tiro yoari pja Jesu buheriro jire. Ā jiro to ya wuhu sã carihiti wuhu jire. Ti wuhui sã carini baharo, Jerusalēru sui sã.

Paulo Santiagore ñano wahaha

¹⁷ Jerusalēru sã suchu, tó macaina Jesu yaina sehe “¿Wihimajari?” ni, wahchea mehne piti bocare sãre.

¹⁸ Pa numai Paulo sã mehne Santiagore ñano sãre. Sã tóru suchu tói jipihtina Jesu yaina puhtoa jire.

¹⁹ Tói ti jichu ñano Paulo tinare to wamomaca ñahari baharo judio masa jierainare to buherire yahu pahñore Jesu yainare. Cohamacu to yoadohoa mehne to yoarire yahu pahñore.

²⁰ To ā ni yahuchu tuho, “Cohamacu noariro, tuariro jira”, ni ño payore tina sehe. Ā ni tuhsu tina Paulore õ sehe ni yahure:

—Coyeiro, mipure payu judio masa Jesure wacũ tuaina jira. Türe masina muhu. Ā jia tina õ sehe ni tuhotura: “Cohamacu to dutiare, Moise cjiropu marine to cürire marine yoa pahñono cahmana”, nia nina.

²¹ Õ sehe ni namona tina. “Pa sehepu jijnare judio masa jieraina watoi jijnare judio masare Cohamacu Moise cjirore to cüri cjirore cohã dutiha Paulo”, nimare õ macaina judio masa mähure. “Paulo judio masa pohñare mahari cahsarocãre yihso na dutierara”, nimare mähure tina. “Judio masa ti yoaa tiare Paulo duhu dutira”, ni ahri cahure ni yahuwajara mähure.

²² Ā jia mu õre wihichu tuho tina cahmachuahca mähure tuhtia taa. Ā jicu õ sehe yoaro cahmana mähure.

²³ Mähure sã dutiro seheta yoaga. Mipure õre pititiaro mu Cohamacure wacüina “Õ sehe yoanahtja”, niina jira.

²⁴ Tina mehne wahaga. Ā jia Cohamacu Moise cjirore to dutiriro seheta ti basi Cohamacu yare yoaa taa ti dutiare yuhdurucaare cosaa nina. Muhu cãhu āta yoaga. Ā yoacu ti ā yoahiti wapare wapaga muhu sehe. Mu ā wapari baharo ti pjoarire waha duti masina tina. Mu ā yoachu ñua masa mähure ti nia mahñori jichu masiahca jipihtina. Cohamacu Moise cjirore to cüri dutiare yoariro mu jichu masiahca tina.

²⁵ Wiho mejeta judio masa jieraina Jesu yaina sehene sã joari püre waroca tuhsu. Õ sehe ni, joai sã. “ ‘Cohamacu jira’, ti nia masurine ño payo ti duhu payoa chure, dire, wamua ti ñaha wajainare wahiquinare chüena tjiga musa. Ā jina numia mehne ñano yoena tjiga. Numia cãhu mu mehne ñano yoena tjiga”, ni yahu joahi sã joari püpare —nire tina Paulore.

Cohamacu wuhuru judio masa Paulore ñahaha

²⁶ Ti ā ni durucuri baharo pa dacho Paulo sehe pititiaro mu mehne ti basi Cohamacu yare yoaa taa ti dutiare yuhdurucaare cosaa taa, Cohamacu wuhuru sãa wahaha. Ti wuhuru sãa saro, tinare yahuha Paulo: “Õpe dachori dahsara musa cosahto”, ni yahuha tiro pititiarore. Ā jia ti cosa batoari dachoi tina cãina Cohamacure wahiquinare ti wahti dacho jire.

²⁷ Ā yoa ti cosa pahñoboriro mahanocã dahsachu waro Cohamacu wuhuru Paulo to jichu Asia yahpa macaina judio masa sehe ñaha tireore. Ā ñua Paulore qiti dojomehne, ti wuhuru jiina jipihtinare tiro mehne suachu yoaha tina. Ā suaa judio masa Paulore ñaha,

²⁸ õ sehe ni sañurucuha:

—Musa sã coyee Israe masa sãre yoadohona taga. Ahriro jira marine dojomehneriro. Ahriro Cohamacu Moise cjirore to cüri dutiare ahri wuhu cãhure “Wiho jia jira”, ni buhe sito tara jipihtinare. Ā yoa tiro Cohamacu wuhure judio masa jieraina cãhure na sãre. Ā yoaro ahri wuhure ñaa marieni wuhure tiro dojomehneri —ni sañurucuha judio masa Asia yahpa macaina tó macainare.

²⁹ Tó pano Jerusalēi Paulo Tróximo wama tiriro mehne to jichu judio masa ñua tiha. Tróximo sehe Efeso macariro judio masano jierariro jire. To ā jichu masia õ sehe ni tuhotuha tina: “Paulo Tróximo Cohamacu wuhure na sãano nica”, ni tuhotumaha judio masa.

³⁰ Masare ā ni yahu ti sañurucuri baharo ti maca macaina payu tuaro suaha.

Payu m̄roca ta, Cohamacu w̄h̄u jirirore Paulore ñaha waja wijaa wahaha. Ā wijaa tuhsu, ti w̄h̄u sopacarire bihaha tina.

³¹ Ā yoaa tina tirore wajāa taa nimaha. Ti ā yoach̄u ñua paina sehe “Jipihtina Jerusalē macaina sua, sañurucua nire”, ni yahua wahaha surara puhtorore.

³² Ti ā nich̄u t̄horo surara puhtoro sehe to surarare, ti dutiina c̄h̄ure cahmachuroca, tina mehne Paulore wajā duaina cahapu m̄roca wahcā, s̄ha. Surara ti s̄ch̄u ñua Paulore cjām̄aina cjā duhunocaha.

³³ Ā jiro surara puhtoro Paulo cahapu s̄u, tirore ñaha, p̄a da comaa dari mehne tirore d̄hte dutiha. Ti d̄hte tuhs̄ch̄u ñu, surara puhtoro Paulore cjām̄ainare sinitu ñaha:

—¿Diro baro jijari ahriro? ¿Yaba buhiri tirore ā yoari m̄sa? —ni sinitu ñaha tiro tinare.

³⁴ To ā sinituch̄u t̄h̄o masa sehe “Ō sehe yoare tiro” ni, paina c̄h̄u soro ni sañurucu, yahua surara puhtorore. Ā ni ti sañurucuch̄u surara puhtoro noano t̄hoeraha. Ā jiro tiro surara ya w̄h̄u Paulore naa dutiha.

³⁵ Ti w̄h̄u s̄u, Paulo m̄jari escadai to m̄jano cahach̄u masa sehe tirore cjā duaa nimaha. Ti ā yoach̄u surara sehe tirore na w̄a, na m̄jaa wahaha.

³⁶ Masa tinare payu n̄n̄u ti, sañu n̄n̄u tihaa:

—Tirore wajānocahga —ni sañurucua tina Paulore.

Paulo “Ne masare ñano yoeraja yahu”, ni yahuha

³⁷ Ā yoa Paulore ti w̄h̄u ti peresu yoah̄to pano. Paulo sehe surara puhtorore ō sehe ni siniha:

—Yuh̄u m̄h̄u mehne s̄h̄du duaja —ni siniha Paulo.

—¿M̄h̄u griego masa yare durucujari?

³⁸ ¿Soh̄o jiriro, Egipto macariro jierajari m̄h̄u? Tiro masare ti puhtoare coh̄a dutiro, cuatro mil puhtoare coh̄a duaina sehere masa marienop̄u naari jire. ¿Tiro jierajari m̄h̄u? —niha surara puhtoro Paulore.

³⁹ To ā nich̄u t̄horo Paulo ō sehe ni yuhtih̄a:

—Tiro jieraja yuh̄u. Judio mas̄no jija. Tarsoi Cilicia yahpai jiri macai masa bajuai yuh̄u. Wiho jiri masa macariro jieraja yuh̄u. Yuh̄u ahriina masa mehne durucu duaja yuh̄u —niha Paulo tirore.

⁴⁰ To ā nich̄u t̄horo surara puhtoro sehe tirore durucu dutiha masa mehne. Ā jiro Paulo m̄jari escadai ducuro to wamomacari mehne “Dihta mariaha”, niha masare. To ā yoach̄u ñua, dihta mariea pihtia wahaha. Ti dihta marieach̄u ñu, Paulo judio masa ya mehne yahuha tinare.

22

¹—Yu coyea, yu yoarire yahuihtja m̄sare. Yu yahuch̄u t̄hoga m̄sa —niha Paulo.

² To ā nich̄u Paulo judio masa ya mehne to durucuch̄u t̄h̄o masa sehe dihta marieina t̄juaha. Ā jiro Paulo tinare ō sehe ni yahuha:

³—Yuh̄u judio mas̄nota jija. Tarso wama tiri macai, Cilicia yahpai jiri macai masa bajuai yuh̄u. Wiho mejeta ahri maca Jerusalēihta b̄sc̄ai yuh̄u. Tuhsu, yuh̄ure Gamalie wama tiro buhea tire. Ā jicu yuh̄u mari ñ̄ch̄us̄u cjiri dutiare noano buhei. Mip̄ure Cohamac̄ure masa yoaro se-heta yuh̄u c̄h̄u ño payoa timai.

⁴ Ā jicu Jesu yainare ñano yoaa tic̄u yuh̄u. C̄aina tinare wajā tic̄u yuh̄u. M̄ure, numia c̄h̄ure ñaha, peresu yoaa tii yuh̄u.

⁵ Sacerdotea bui puhtoro, judio masa b̄sc̄ana mehne yu tuahti p̄uri c̄jhtire Jesu yainare ñaha dutia p̄urine yuh̄ure joabasare. Mari coyere Damasco macainare ti p̄urine ñoi tai nimai Jesu yainare ñahai tai. Tinare ñaha, na ta peresu yoai tai nimai. Jerusalēpu tinare na ta duamai buhiri dahrei tai. Ō sehe yu nich̄u sacerdotea bui puhtoro, judio masa b̄sc̄ana c̄h̄u noano masina —ni yahuha Paulo.

Paulo Jesu yairo to waha d̄carire yahuha

(Hch 9.1-19; 26.12-18)

⁶ Ā ni tuhsu ō sehe ni yahu namoha:

—Ā yoa cohari p̄ja jich̄u, Damascop̄u yu sui cahach̄u waro m̄anop̄u wac̄uenoca si siteroca boroa tire yuh̄ure.

⁷ To ā si siteroca boroch̄ata yuh̄u yahpap̄u bora caha s̄ai yuh̄u. Yu bora caha s̄ri baharo durucuro coa tare yuh̄ure. “Saulo, Saulo ¿doh̄seacu yuh̄ure ñano yoajari?” ni durucuro coa tare yuh̄ure.

⁸ “Puhtoro, ¿diro baro jijari m̄h̄u?” ni sinitu yuh̄u. “Yuh̄u Jesu Nazare macariro, m̄u ñano yoariro jija yuh̄u”, ni yuhtire yuh̄ure tiro.

⁹ Yu ā wahach̄u yuh̄u mehne macaina buhriare ñure. Wiho mejeta yuh̄u mehne to durucuch̄u t̄hoerare tina.

¹⁰ “Puhtoro, ¿doh̄se yoaihcari yuh̄u?” ni sinitu Jesure. “Wahc̄ar̄caga. Damascop̄u wahaga. Tói m̄u wahach̄u, m̄h̄ure jipihtia yu yoa dutihtire paio yahurohca m̄h̄ure”, nire tiro yuh̄ure.

¹¹ Tuaro to minoa siterocach̄u, yu capari wapoa wahare yuh̄ure. Ā jia, yuh̄u mehne macaina yu wamomacare ñaha, Damascop̄u t̄ā wahc̄are yuh̄ure.

¹² Tói Anania wama tiro, Cohamac̄ure ño payoriro, marine Cohamac̄u dutiare yoa pah̄oriro jire. Tó macaina judio masa jipihtina ti ño payoriro jire.

13 Ā jiro tiro yu cahai wihi taraca yuhare yahure. “Coyeiro Saulo, ñuga pari turi tjoa”, nire tiro. To ā niri baharo pari turi ñui yuhu. Ā ñu ducacu tirore ñui yuhu.

14 Yu ā ñuchu tiro Anania yuhare yahure: “Cohamacu to cahmaare noano masihtirore panopu bese tuhsuyhti mähare. Ā jiro ‘Yu macu noarirore ñu, tuhoroħca’, ni yahuyhti mähare Cohamacu panopu. Tiro jira mari ñuchusuma mana ti ño payoriro.

15 Ā jicu mähü mü ñürire, mü tuhorige yahuiħca mühu jipihtinare.

16 Ā jina mipure yoari pja jiena tjijina. Wahcärucaga. Ā jicu bautisariro jiga. Jesure mü sinichu mü ñaare yoari buhirire cohänohca”, nire yuhare tiro —niha Paulo.

Paulo judio masa jierainare to buherire yahuha

17 Ā ni tuhsu Paulo õ sehe ni yahu namoha:

—Ā yoa tuhsu yuhü Jerusalëpu tjua ta, Cohamacu wuhuru Cohamacure sinii sui.

18 Yu töi jichu Jesu yuhare bajua tire. Ā bajuaro yuhare yahure. “Jerusalë macaina yu yare mü yahuchu tuho duerara. Ā jicu cjero pa sehepu wahaga”, nire Jesu yuhare.

19 To ā nichu tuhocu yahui tirore: “Puhoro, mü yainare judio masa buhea wuhusei jianare yu ñaha, cjäri cjiire masina Jerusalë macaina.

20 Ā jicu mähare yahurirore Estebã sehere ti wajächu ñucu ‘Noano yoa wajãna’, nimai. Tirore ti wajächu ti suhtire cjuabasai yuhü. Ti cähare masina ahri maca macaina. Ā jia yu yahuchu tuhoboca yuhare”, ni yahui yuhü Jesure.

21 Yu ā nichu tuhoro Jesu yuhare õ sehe ni yahure: “Yoaropu judio masa jierainare buhehtirore warocaihtja mähare. Ā jicu wahaga mühu”, nire yuhare yu puhoro —niha Paulo masare.

Surara puhoro Paulo mehne durucuha

22 To yahu muhtari dihtare noano tuhomaha masa. Wiho mejeta judio masa jieraina cahai Jesu Paulore to warocaitire to yahuchu tuhoa tina sañurucu ducaha tjoa:

—Ahriro mipu pinihtare yariawahnojaro —ni sañurucuha tina.

23 Ā jia tina sañurucu namo, sua mehne ti suhtire wahba siteruca, dihta mehne docaha.

24 Surara puhoro surara ya wuhuru Paulore na säa dutiħa to surarare. Ā jiro surara puhoro “¿Dohse yoa Paulo mehne sua ā ñaca sañurucuha nijari masa?” ni sinitu duamaha. Paulore türe sinituro taro, yuta dari mehne tjana dutimaha tirore.

25 Wiho mejeta tirore ti duhteri baharo, tiro cahai jirirore surara puhoro õ sehe ni yahuha Paulo:

—Yuhü Roma macariro jija. Ā jina “Ñano yoariro jira ahriro”, yuhare ni yahusã masierara musa. Ā yahusã masierana yuta dari mehne yuhare tjana masierara musa —niha Paulo tirore.

26 To ā nichu tuhoro surara puhoro, to bui puhoro õ sehe ni yahuro wahaha:

—Ahriro Roma macariro jira. Ā jicu noano yoaga tirore —ni yahuha tiro to puhoro.

27 To ā niri baharo surara bui puhoro sehe Paulore sinituro wahaha:

—¿Potocãta mühu Roma macariro jijari? Yahuga yuhare türe —niha tiro.

—Tiro tjija yuhü —ni yuhtiħa Paulo.

28 To ā nichu tuhoro surara bui puhoro sehe tirore õ sehe ni yahuha:

—Yuhü Roma macariro ji duacu niñeru pjíro wapai —niha tiro.

—Yuhü Roma yahpa macari macapu masa bajuai. Ā jicu Roma macariro jija —niha Paulo.

29 To ā nichu tuhoa tirore tjanaborina wahaa wahaha.

Ā jiro Paulo Roma macariro to jiriro jichu masino, tirore comaa dari mehne ti duhteri cjiire wacüno, cui niha surara puhoro sehe.

Paulo judio masa puhoro yahuha

30 Ā yoa surara puhoro judio masa Paulore ti yahusãrire noano masi duaha. Ā masi duaro pa dachopu comaa darire tirore to pjã dutiri baharo, sacerdotea puhoro, judio masa bucna mehne cahmachu dutiħa surara puhoro. To ā cahmachu dutiri baharo tiro törpu Paulore na wahcã, ti pano duhu dapoha tirore.

23

1 Ā jiro Paulo judio masa bucunare ñu piti boca, õ sehe ni yahuha:

—Coyea, Cohamacu to ñurocaroi jipih-tia dachoripe noano yoarucuja yuhü —niha Paulo.

2 To ā nichu tuhoro jipihtina sacerdotea bui puhoro jiriro Anania sehe Paulo duserore cjä dutiħa.

3 To cahai ducunare cjä dutiħa. Tirore ti cjäri baharo Paulo Ananiare tuhtiħa:

—Masa ti ñurocaro dihtare noano yoariro jira mühu. Masa ti baharo buhusehei ñano yoa cohtariro jira mühu. “Cohamacu dutiare yuhdurucai nina”, yuhare nipaiħta yuhare cjä dutira mühu. Ā cjä duticu mühu sehe dutiare yuhdurucai nica —niha Paulo tirore.

⁴ To ã nichu tuhoa Paulo cahai ducuina ð sehe niha tirore:

—Cohamacu to beseriro sacerdotea bui puhtorore ñano durucui tjiga mũhu —niha tina Paulore.

⁵ Ti ã nichu tuhoro Paulo ð sehe ni namoha tjoa:

—Coyea, tiro to sacerdotea bui puhtoro to jiare masierahi yuhu. Æ jii ã nimacanocati yuhu. Cohamacu yare ti joari cjiri ð sehe ni yahura tirore: “Mu ya maca macaina puhtorore ñano ni, durucui tjiga”, ni joaa tihã —niha Paulo tinare pjãno.

⁶ Æ yoa tói pua curua macaina jiha. Cũ curua saduceo curua macaina jiha. Pa curua sehe fariseo curua macaina jiha. Pua curua ti jichu masino, Paulo judio masa bucunare tuaro sañurucu ð sehe ni yahuha:

—Coyea, yuhu fariseo curua macariro jija. Fariseo curua macariro macano tjija yuhu cãhu. “Yariaina masa mũaahca”, yu ã niri buhiri yuhure ñano yoa duara musa —niha Paulo.

⁷ To ã nichu tuhoa fariseo curua macaina, saduceo curua macaina ti basi cahma tuhtiã. Æ jia ti basi pua curua tju waha.

⁸ Saduceo curua macaina ð sehe niina jiha: “Yariaina masa mũjasi. Espiritua, anjoa cãhu ne mariahna”, niina jiha. Wiho mejeta fariseo curua macaina sehe tina yoaro sehe nieraha. Æ jia Paulo “Yariaina masa mũjaahca” to nichu tina ti basi cahma tuhtiã.

⁹ Æ cahma tuhtia, tuaro sañurucuã. Æ yoa fariseo curua mehne macaina judio masa buheina wahcãrũca, tuhti, ð sehe ni yahuha:

—Ahriro Paulo ñano yoaerare. Æ jiro espíritu o anjo, potocã tiro mehne durucuro jiboca. [Æ jina ahrirore buhiri dahrena, Cohamacure ñu tuhtiina jiboca mari. Æ yoaina jiena tjiga musa] —niha tina.

¹⁰ Ti ã niri baharo, tina jipihtina cahma tuhti, tuaro suaha. “Ti basi cahma sua sayo, tirore wajãboca”, ni cuisãaha surara puhtoro sehe. Æ jiro Paulore, masa watoi ducurirore na wio, to ya wũhũpu na ta dutiro warocaha to surarare.

¹¹ Pa ñamihĩ puhtoro Jesu Paulo cahai ducuro, ð sehe ni yahuha tirore:

—Wacũ tuaga. Mĩpũre ðre Jerusalẽi yu ya buheare yahure mũhu. Tó seheta Romapũ cãhure yahui wahaihca mũhu —niha puhtoro Jesu Paulore.

Judio masa Paulore wajã duamaha

¹²⁻¹³ Pa dacho bohrearoi judio masa cahmachu, ti basi ð sehe ni cahma durucuã:

—Ò sehe yoajihna. Paulore wajãjihna. Cohamacure ð sehe ni yahu cũjihna. Ne mari sihnisi. Ne chũsi, pu tirore mari wajãri

baharopũ. Tirore mari wajãerachũ, mari sehẽre Cohamacu buhiri dahrejaro —niha tina ti basi.

Tina cuarenta bui curero judio masa jiha.

¹⁴ Ti ã niri baharo tina sacerdotea puhtore, bucuna cãhure yahua wahaha:

—Paulore sã wajãhto pano chũare sã chũeraja. “Tirore sã wajãerachũ Cohamacu sã sehẽre buhiri dahrejaro”, nihi sã.

¹⁵ Æ jina musa, bucuna mehne ð sehe ni pjirocaga. “Paulore pari turi sinitu duaja”, niga surara bui puhtorore. Musã ã niri baharo surara bui puhtorore na ta dutiga Paulore. Wiho mejeta Paulo to ðre to wihiro cahachũ waro tirore wajãnahca sã —niha tina sacerdotea puhtore.

¹⁶ Wiho mejeta Paulo pjacamacano ti ã ni durucuchũ tuhoha. Ti ã nichu tuhoro waha, surara ya wũhũpu Paulore yahuro sãaha.

¹⁷ To ã yahuri baharo Paulo sehe cãiro surarare pjiroca, ð sehe ni yahuha tirore:

—Ahriro wahmũnore puhtoro cahapũ naahga. Ahriro mũ puhtorore yahu duaro nina —niha Paulo.

¹⁸ To ã nichu tuhoro surara sehe Paulo pjacamacano to puhtoro cahapũ na su, ð sehe ni yahuha:

—Peresupũ jiro Paulo sehe yuhure pjiroca, ahriro wahmũnore mũ cahapũ naa dutihre. Ahriro mũhure yahuro taro nihre —niha surara to puhtoro.

¹⁹ To ã nichu tuhoro puhtoro sehe wahmũno to wamomacare ñaha tuã wahcã, masa marienopũ tirore sinitu ñãha:

—¿Dohse nii tai niri mũhu yuhure? —niha tiro Paulo pjacamacano.

²⁰ To ã sinituchũ tuhoro ð sehe ni yahuha:

—Judio masa cãno potori, “Ò sehe yoajihna” ni, ñamichacapũ judio masa bucuna cahapũ mũhure Paulore naa dutiahca. “Bucuna Paulore pari turi sinitu duara”, ni mahũoahca.

²¹ Wiho mejeta cuarenta bui curero mũya tirore wajã duaina bucuna caha duara. Tina tirore ti wajãhto pano chũare chũsi. Æ yoa sihnisi. “Tirore mari wajãerachũ, Cohamacu mari sehẽre buhiri dahrejaro”, nire tina ti basi. Æ jia mipũ mũhure Paulore na ta dutia tina sehe duhti cohta tuhsũhre, Paulore wajãa taa. Æ jicu ti yahua wihihũ tinare yuhtiĩ tjiga mũhu —ni yahuha wahmũno surara puhtore.

²² To ã nichu tuhoro surara puhtoro ð sehe niha:

—Yuhure mũ yahurire painare yahui tjiga —ni yahuha wahmũnore.

Æ ni tuhsũ wahmũnore “Wahaga”, niha tiro.

Paulore puhtoro Feli wama tiriro cahapũ warocaha

23 Ā ni tuhsu, surara puhtoro puaro to surarare pji wahcā, tinare ō sehe ni dutiha:
—Dos cientos surarare, setenta cawaloa bui pisainare, dos cientos doca yucu cjuaina mehne ti yare cahno dutina wahaga. Micha űami nueve jichu Cesareapu wahanahca masa.

24 Paulore cawaloare to pisahtinare cahnobasaga. Cesareapu puhtoro Feli cahapu, noano űu nūnu soga tirore —niha surara puhtoro.

25 Ā ni tuhsu papera joaro, ō sehe ni joaha tiro:

26 “Yuhu Claudio Lisia muhare tuariro puhtoro Felire noa dutija.

27 Judio masa ahriro Paulore űaha, wajāmare. Ā jicu tiro Roma macariro to jichu masicu, yu surara mehne tirore yoadohoi suhi.

28 Ā jicu tirore ti yahusārire masi duacu judio masa bucuna cahai nahi tirore.

29 Ā jicu tiro judio masa ya dutia dihtare to yuhduwacachu mari ya dutiare to yuhduwacacherachu űucu, tirore peresupu cū duaerahi. Yaba buhiri yariaro mariahna tirore.

30 Ā jiro judio masa tirore wajā dua, ti bucuna cahachu tuhoro pairo yahure yuhare. To ā yahuri baharo Paulore mipure mu cahapu warocai nija. Ā jicu tirore yahusārinare to űaa yoarire muhare yahu duti tuhsuhi yuhu”, ni joaha surara puhtoro.

31 Ā yoa surara ti puhtoro to dutiriro seheta yoaha. Tí űamine Antipatri wama tiri macapu Paulore na suha.

32 Pa dachoi paina surara cawaloa bui pisaeraina ti macai tjua taha ti ya macapu. Paina surara cawaloa bui pisaina dihta tirore na yuhdu wahcāha.

33 Pu Cesareapu na suha Paulore. Ā jia surara puhtoro to warocari pūre puhtoro Felire waha. Ā jia Paulore na suha puhtoro cahapu.

34 Tí ā wari baharo puhtoro tí pūre to űuri baharo tiro painare sinitu űaha:

—¿Di yahpa macariro jijari ahriro Paulo? —ni sinitu űaha tiro.

—Cilicia yahpa macariro jira —ni yahuha tirore.

35 Tinare sinitu tuhsu, Feli Paulore ō sehe ni yahuha:

—Muhare yahusārina ōre ti wiwichu mu yahuchu tuhoihtja —niha Feli Paulore.

To ā niri baharo Herode ya wuhapu tirore cūha. Ā jiro to muare tirore cohta dutiha puhtoro.

24

Paulo “űano yoaerahi yuhu”, ni yahuha Felire

1 Cinco dachori baharo, Anania sacerdotea bui puhtoro, paina judio masa bucuna, dutiare mihniro Tértulo wama tiriro mehne Cesareapu suha. Ā jia tina Paulore yahusā dua, puhtoro Feli cahapu suha.

2 Ā jiro Paulore tōpūre ti na sari baharo Tértulo tirore yahusā dūcaha. Ā yahusā dūcaro ō sehe ni yahusāha Felire:

—Muhu noano masiriro, sā puhtoro mu noano dutichu sā ahri yahpa macaina noano jinocaja sā cahmacheno marieno. Mu dutia mehne noaa sehere cohtotaro nina ahri yahpa.

3 Ā jina sā noano jinocahna wahcheja. Ā jina muhu mehne noano wahcheja.

4 Mipure mahanocā muhare cariboihtja yuhu. Mahanocā muhu mehne suhūdu duaja. Sāre tuhorocasinia muhu.

5 Ahriro sāre caribobiara. Jipihitia yahpari macainare judio masare ti sua sañurucuchu yoara ahriro. Ā jiro masa ti basi cahma tuhtichu yoara ahriro. Ā jiro nazareno wama tiri curua puhtoro jira.

6 Ā jina Cohamacu wuhare űano to yoa duachu űana sā űahahi ahrirore. [Sā űahari baharo sā ya dutiare to yuhduwacariro jichu tirore buhiri dahre duamah sā.

7 Wiho mejeta surara puhtoro Lisia wama tiriro tirore sāre tuaro mehne manocahre.

8 Baharo tirore yahusārinare mu cahapu waha dutihre Lisia. To ā nichu tuhona tahi sā.] Muhu pinihta ahrirore sinitucu, jipihitiare to ya buhirire masicahca muhu —niha Tértulo Felire.

9 To ā niri baharo paina judio masa “Tértulo to niro seheta potocā tjira”, niha tina cūha.

10 Tí ā ni yahusāri baharo puhtoro Feli Paulore yahu dutiha. Ō sehe ni yahuha Paulo:

—Payu cahmari ahri yahpa macainare mu dutirire masija yuhu. Ā jicu yu yoarire muhare yahucu wahcheja.

11 Doce dachorita wahara Jerusalēpu Cohamacure yu űo payori baharo. Muhu ahri potocā ti jichu masi duacu painare sinitu űuga.

12 Judio masa yuhare Cohamacu wuhupure boca ti űahachu masare űano ni sañurucui nierahi. Ā yoa masare sua sañurucuchu yoai nierahi. Ā yoacu judio masa buhea wuhusere, ti ya maca cūhare ne ti nino sehe űano yoaerahi.

13 Ā jia yuhare yahusārina sehe ti yahusāri cjirire “Ō sehe yoare ahriro”, ni yahu masierara muhare.

14 Mipu yu yoarire yahuihtja muhare. Dóhta sā űuchusuma ti űo payorirore Cohamacure űo payoja yuhu cūha. Ā jicu to

yare yoaja Jesu ya noaa buhea ti nino se-heta. Ahrina “Jesu ya mahñoopa jira”, ni durucura ahrina judio masa. Wiho mejeta Cohamacu dutia, Moise cjiropære to cūri cjiirire tí cāhære ño payoja yuhæ. Cohamacu yare yahu muhtaina cjiiri ti joari cāhære ño payoja yuhæ.

¹⁵ Ahrina paina judio masa ti tūhoturo se-heta Cohamacu jipihtina masare yariainare noaina, ñaina mehne ti masa mājachæ yoarohca. Yuhæ cāhæ āta ni tūhotuja.

¹⁶ Ā jicu buhiri mariaja yuhæ. Cohamacu yuhære tīre masina. Ā yoa masa cāhæ tīre masina. Ā jii potocāta yahuja yuhæ muhære. Ā jicu noano tūhotunocaja.

¹⁷⁻¹⁸ Paye cūhmarine pa sehepæ tiniriro jicu Jerusalēne tju wihi, yæ coyeare judio masa pjacuoinare niñerure wai tai nihi. Tju wihi Cohamacure ño payoi tai to ya wūhæpæ sūmahi. Ā jicu Cohamacu to cosa dutiriro seheta yæ basi yæ yūhdærucarire yæ cosari baharo wahiquirore wa duamahi tirore ño payoi tai. Tõpæ yæ jichæ ahrina judio masa yuhære bocahre. Ti bocachæ paina yuhæ mehne mariahare. Sua, sañurucuina mari-ahre.

¹⁹ Wiho mejeta paina judio masa Asia yahpa macaina tõi jihre. Tina yæ ñano yoachæ ñærina jia yahusāa tajaro.

²⁰ Ahrina õpæ jiina sehe judio masa bæcæna mehne yæ jichæ ñæina yæ ñano yoarigire masia, tina cūhæ yahusājaro.

²¹ Cānocā pinihtare yuhære tina yahusā masina: Pano tina mehne jicu õ sehe ni tuaro sañurucuhi yuhæ: “Yariaina masa mājahca”, yæ niri buhiri, buhiri dahraera mæsa”, nihi tinare —ni yahuha Paulo Felire.

²² To ā ni yahuri baharo Feli õ sehe ni yahuha Paulore:

—Mipæ tõi puro tjira. Surara puhtoro Lisia to wihiri baharo muhære yæ yoahore masi-ihca yuhæ —niha Feli Paulore.

Feli sehe Jesu yaina ti yoarire noano masi pahñoriro jiha.

²³ Ā ni tuhsæ, Paulore cohtariro surarare Feli noano ñæ nænæ dutiha “Peresupæ jiriro duhtiri”, nino. Wiho mejeta mahanocā ware to tinihtore. Paulo mehne macainare tirore peresupæ jirirore yoadoho dutiro ā dutiha Feli.

²⁴ Mahaa dachoricā baharo Feli to namono Drusila wama taricoro mehne ta, Paulore pjiha. Feli namono sehe judio masono jiha. Paulore ti pjiri baharo, Jesucristore to wacū tuare Paulo sehe yahuha tinare.

²⁵ Ā yahuro quihõno yoare, ñaare yoa duaparota yoæraare, pihtiri dacho jichæ Cohamacu masare to buhiri dahrehtore yahuha Paulo. To ā ni yahuchæ tuhoro Feli cuiro, Paulore õ sehe ni yahuha:

—Mipære waharisa. Baharo yuhære dahraa mariachæ muhære pjihtja tjoa —niha Paulore.

²⁶ Ā nino Paulo to niñeru wachæ cahmamaha Feli. Ā jiro tiro niñerure cahmano, payæ tahari Paulore pji, tiro mehne durucua timaha Feli.

²⁷ Pæa cūhma baharo Porcio Festo wama tiroro puhtoro Felire cohtotariro jiha. Wiho mejeta Feli sehe judio masare tiro mehne wahchechæ yoa duaaha. Ā jiro puhtoro Feli to puhtoro wijaahito pano, tiro Paulore peresui ji dutisinaha.

25

Paulo Festore to yoarire yahuha

¹ Ā yoa Festo tí yahpapæ tia dacho to jiri baharo, Cesareapæ jiriro waha, Jerusalēpæ sūha.

² Tõi to jichæ sacerdotæa puhtoa, judio masa puhtoa mehne Paulore ti yahusārire yahuha Festore.

³ Paulo to mahapæ wahachæ tirore bæcæna caha, wajā duaah nimaha tina. Ā jia tina Festore tuaro sinimaha:

—Paulore Jerusalēpæ warocaga —ni sinimaha tina Festore.

⁴ Ti ā nichæ tuhoro, Festo õ sehe ni yahuha tinare:

—Mipære Paulo Cesareapæ peresu jira. Yuhæ tõpæ wahai tai niha.

⁵ Paulo to ñano yoariro jichæ, mæsa puhtoa Cesareapæ yuhæ mehne waha, tirore yahusāga —niha Festo.

⁶ Ā jiro Festo ocho o diez dachori tina mehne to jiri baharo Cesareapæ tjuaa waha. Pa dachoi tiro buhiri tiare cahnori wuhæi dujiro, Paulore na ta dutiha.

⁷ Ā jia Paulo Festo cahapæ to wihichæ, judio masa Jerusalēpæ tarina sehe Paulo cahai ducu, tirore tuaro mehne yahusā ducaha. Ā yahusāpahta “Ahroro to ñano yoachæ ñæhi”, ni yahu masieraha.

⁸ Ti ā ni yahusāri baharo Paulo to yoarire yahuha:

—Judio masa ti dutiare, Cohamacu wuhæ macaa dutiare, Roma puhtoro to dutiare yūhdærucærahi —niha Paulo.

⁹ Festo sehe judio masare wahchechæ yoa duaro, Paulore õ sehe ni sinituha:

—Jerusalēpæ waha duajari muhæ? Mu yoarire yuhære tõpæ yahuihca muhæ —niha Festo Paulore.

¹⁰ To ā nichæ tuhoro Paulo õ sehe ni yahuha:

—Jipihtina bui puhtoro César to ya wuhæi buhiri tiare cahnori wuhæi jiha mipære. Ahri wuhæ baroi yæ yoarire tuhoga. Judio masare yæ ñano yoægarire noano masina muhæ.

¹¹ Dutiare yūhdærucariro yæ jichæ, yuhære wajāchæ noaboa. Wiho mejeta ahrina

ti yahusāri sehe mahñoa ti jichu yuhare yahusārinare yuhare wiho waro wia masierara mahu. Yu yoirire jipihtina bui puhtorore Césare yahu duaja. Tiro sehe yu buhiri tiare to cahnochu cahmaja —niha Paulo.

¹² To ā nichu tuhoro Festo sehe noano masi yahuinare sinitu tuhsu, ō sehe ni yahuha Paulore:

—Mahu jipihtina bui puhtorore mu yoirire mu yahu duachu, tiro cahapu warocanahtja sā mahure —niha Festo Paulore.

Paulo puhtoro Agripare to yoirire yahuha

¹³ Baharopu puhtoro Agripa, Berenice wama tiricoro mehne Cesareapu Festore űna saha.

—űNe, wiħimari mahu cahu? —niha tina Festore piti bocasinia.

¹⁴ Tōi payu dachori ti jiri baharo Festo ō sehe ni yahuha Agripare Paulore:

—Ōre Feli to peresu yoiriro jira.

¹⁵ Ā jia Jerusalēpu yu wahachu judio masa ti sacerdotea puhto, ti bucana mehne aħrīrore yahusāhre. “To ya buħirire wajāga tirore”, ni sinihre tina yuhare.

¹⁶ Ti ā nichu tuhocu yuhu tinare ō sehe ni yahuhi: “Roma macaina sehe peresu ti yoainare masare waerara. Ā jicu tirore waeraja musare. Sā űaharīrore tirore yahusārinare to űuhto pano tirore buhiri dahre masieraja sā. To basi to yoirire to yahuerasinichu tirore buhiri dahre masieraja sā”, nihi tinare.

¹⁷ Ā jicu tina ōre ti wiħichu űacu yoiri pja yoerahi yahu. Wiho mejeta pa dachoi buhiri tiare cahnorī wahu dujicu, ti yahusāirīrore pjirocachi.

¹⁸ Ā jia ti wahu ti wiħichu űna tirore űu tuhtina wahcārucare. Ti ā wahcārucachu űacu “űNabiaro ni yahusāhca”, ni tuhutumahi yuhu tinare. Tirore yahusā duapahta yahusā masierare tina.

¹⁹ Wiho mejeta aħrīrore Cohamacu yare to yahuri buhiri judio masa tirore tuhtihre. Jesu wama tiriro yariariro cjiro to masa mujarire to yahuri buhiri yahusāhre aħrīrore. Aħri dihtare yahusāhre.

²⁰ Aħrīre masieracu tirore noano sinitu űahi. “űJerusalēpu waha duajari yuhu mehne? Tōpu yahuga mu yoirire yuhare”, nimahi tirore.

²¹ Wiho mejeta tiro waha duaerare. “Yu yoirire jipihtina bui puhtorore Césare yahu duaja”, nire tiro yuhare. To ā niri baharo ōihta tirore cohta dutiħi jipihtina bui puhtoro cahai tirore yu warocahto pano —niha Festo Agripare.

²² —Yu basi tuhō duaja tirore —niha Agripa Festore.

—űNamichacapu tirore tuhoga mahu —ni yuhtihā Festo.

²³ Pa dachoi Agripa, Berenice mehne ti buhiri tiare cahnorī wahu pu su, “Puhtoā jija sā”, nia cua pisaro yoa űoha tina, surara puhtoā, ti maca macaina puhtoā mehne. Tō sehe yoa sā tiha ti wahu pu sā. Ti sā sari baharo Paulore pjirocacha Festo.

²⁴ Ā jiro Festo ō sehe ni yahuha:

—Puhtoro Agripa, masa jipihtina aħri wuhare cahmachuina tuhoga. Ōre aħriro payu judio masa ti yahusāirīro jira. Jerusalēpu, Cesareapu cāhure tina tirore yahusāhre. “Tirore wajāga”, ā nirucua nina tina.

²⁵ Ti ā nipachata ō sehe tuhoutuja yuhu. Aħriro ne űano yoiriro jierara. űYaba buhiri wajābocari mari tirore? Ā jicu jipihtina bui puhtorore César Augustore aħriro to yoirire to yahu duachu jipihtina bui puhtoro cahapu warocaihtja tirore.

²⁶⁻²⁷ Ā jicu aħriro to yoirire noano masierasiniĵa yuhu. Ā masierasiniĵa mari puhtorore yahu joa masieraja. Ā jicu masare to yahuchu tuhō dutiħi nija mipure. Puhtoro Agripa mipu pinihtare aħriro jira mu sinitu űuhtiro. Mu sinitu űu tuhsuchu mari masiri baharo aħrīrore ti yahusāire noano yahu joaihtja. Aħriro to űano yoirire yu masierapachata mari puhtoro cahapu tirore yu warocachu noaerara. Ā jicu mipure ti yahusāire noano masi duai nija —niha Festo tinare.

26

Paulo Agripare to yoirire yahuha

¹ To ā niri baharo Agripa Paulore ō sehe ni yahuha:

—Mu basita yahuga —niha tiro Paulore.

To ā niri baharo Paulo sehe, “Dihta mari-ahga”, nino to wamomacarine wahcāruca, to yoirire yahuha:

² —Puhtoro Agripa, yuhare judio masa ti yahusāirīre, yu yoirire mahare yahucu, mipure noano yajeripohna tija.

³ Mahu judio masa sā yoaā tiare, sā buhea cāhure mu noano masichu pinine wahcheja yuhu. Ā jicu mahu yuhare noano tuhoga —ni ducacha Paulo.

Paulo Jesu yairo to jihito pano to jia tirire yahuha

⁴ Ā ni tuhsuro ō sehe ni namoha tiro:

—Wahmuno yu jia tia cjirire jipihtina judio masa masina. Jipihtia dachoripe yu masa bajuari baharo yu ya dihtapare, Jerusalēpu cāhure yu jiri cjirire masina tina.

⁵ Fariseo curua macaina paina yuhdoro sā dutiare yuhduruca dutieraina jira. Wahmanopare fariseo curua macariro jimai. Ā jicu fariseo curua macaina ti dutiare, ti yoaā

barore yoa pahñoriro yu jichu tina masina. Tina mähare yahu duaa, tře yahu masina tina.

⁶ Ahri buhirita yuhare yahusā mujana. Sā ñuchusuma cjrire “Yariainare masoihtja”, Cohamacu to ni cürire “Potocā tjira”, yu niri buhiri ahrina yuhare yahusā mujana.

⁷ Yu coyea judio masa jipihntina doce curuari macaina Cohamacu masare to masohtore wahche cohtarucura. Á yoa Cohamacure ño payorucura. Á cohtarucuina jia sā yoaro seheta yoara tina. Puhtoro Agripa, ā cāno potori yoaina sā jipachuta tina sehe to masohtore yu cohtari buhiri yuhare yahusā mujana judio masa.

⁸ ¿Dohse yoana Cohamacu to masorire sā yahuchu tuho duajerari masa judio masa? —ni yahuha Paulo.

Paulo Jesu yainare to ñano yoari cjrire yahuha

⁹ Á ni tuhsu ō sehe ni yahu namoha:

—Jesure Nazare macarirore ñuerasinicu, ñaa dihtare yoa duamai to yainare.

¹⁰ Á jicu Jerusalēpu ā yoaa timai yuhu. Sacerdotea puhtoa yuhare ti dutiri baharo payu Jesu yainare peresu yoaa tii. Á jicu puhtoa tinare ti wajā dutichu, wajā duti yuhu cāhu.

¹¹ Payu tahari jipihtia judio masa buhea wuhusei Jesu yainare ñano yoa dutia tii. Á yoacu Jesu yaina Jesure ti cohāchu yoa duai nimai. Tina mehne tuaro suai yuhu. Á jicu paina masa ya macaripu cāhure tinare ñano yoai sua tihí yuhu —ni yahuha Paulo.

Paulo Jesu yairo to waharire yahuha

¹² Á ni tuhsu ō sehe ni yahu namoha:

—Damasoru Jesu yainare ñano yoa duacu sumai. Tinare ñano yu yoa duachu ñua sacerdotea puhtoa yuhare waha dutire.

¹³ Ō sehe jire puhtoro Agripa: Cohari pja jichu waroi mahai yu wahachu muano macaa si sitea, sū dacho macariro yuhdoro, yuhare yuhu mehne wahaina cāhure si sitere.

¹⁴ Sā jipihtina yahpapu bora caha su, judio masa ya mehne yuhare to durucuchu tuhoi. “Saulo, Saulo, ¿dohseacu muhu yuhare ñano yoajari? Mihu yuhu mehne suacu yuhare yuhtieracu, mu basi ñano yuhdara”, nire yuhare.

¹⁵ “Puhtoro, ¿diro baro jijari muhu?” ni sinitui. “Yuhu Jesu, mu ñano yoariro jija.

¹⁶ Wahcārucaga muhu. Mähare yu cahamacano cjihto yoai tai mipu bajuaja yuhu. Michare yuhare mu ñurire, baharo mähare yu ñohti cāhure painare yahuihca muhu.

¹⁷ Judio masare judio masa jieraina cāhure mähare buhe duticu, warocaihtja. Ti cahai mu jichu, mähare ti ñu tuhtichu mähare yoadohoihtja.

¹⁸ Yu yare tinare masichu yoaga muhu. Á jicu nahitianopu tiniina yoaro sehe jianare ti ñaare duhuchu yoaga. Buhriaropu tiniina yoaro sehe noaa sehere cohtotachu yoaga tinare. Watñore cahmaerachu yoaga muhu. Á yoacu Cohamacu ya sehere yuhtichu yoaga muhu tinare. Mu ā yoachu tina yuhare wacū tuaahca. Ti ā wacū tuachu ñucu ti ñaa yoari buhirire boihca. Á jia tina Cohamacu to beserina mehne macaina jiahca. To wahire cjuhantina jiahca tina”, nire Jesu yuhare —ni yahuha Paulo.

Paulo to yoarire to dahraare yahuha

¹⁹ Á ni tuhsu ō sehe ni yahu namoha:

—Puhtoro Agripa, muano macaa yu tuhoare yuhdurucaerahi.

²⁰ Damasoi buhe muhtai. Baharo Jerusalēi buhei tjoa. Baharo Judea yahpai, judio masa jieraina cahapu cāhure masare “Ñano yoajeraja sā”, ni ti tuhotumari cjrire tuhotu cohtota duti, Cohamacu yare cahma dutii. “Noaare masa yoachu ñua ‘Noaina jija sā’ ni, masa tuhotumari cjrire masa tuhotu cohtotarire paina masiahca” nicu, tinare noaare yoa duticu buhei.

²¹ Cohamacu ya wuhui yu jichu yu ā ni yahuri buhiri judio masa yuhare ñaha, wajā duamare.

²² Wiho mejeta dachoripe Cohamacu to yoadohoro mehne ā buherucuja. Á jicu mipure masa jipihtina puhtoare wiho ina cāhure to yare yahui nija. Panopu macaina Cohamacu yare yahu muhtaina cjiri, Moise cjiro mehne ti yahu muhtariro seheta yahuja yuhu cāhu. Ō sehe ni yahu muhtaa tiha tina:

²³ “Cristo Cohamacu warocariro sehe ñano yuhdurohca. Á jiro yariaro masa muja muhtariro waharohca tiro. Á jiro masare to yuhdohtore judio masare, judio masa jieraina cāhure masichu yoarohca”, ni yahu muhta joaa tiha panopu macaina cjiri. Yuhu cāhu ti yoaro seheta yahuja —ni yahuha Paulo Agripare.

Paulo Agripare Jesu yairo cjihto yoa duamaha

²⁴ To ā ni yahuri baharo Festo tirore tuaro sañurucu ō sehe ni durucuha:

—Paulo, muhu tuho masierariro jira. Mihu payu buhecu tuho masierariro wahara —ni sañurucua tiro Paulore.

²⁵ To ā nichu tuhoro Paulo ō sehe ni yuhtia Festore:

—Puhtoro tuho masierariro jieraja yuhu. Yu yahua potocā tjira. Á jicu yuhu ahrire cua pisaro mehne nija.

²⁶ Puhtoro Agripa sehe, ahri yu yahurire noano masina. Á jicu yuhu tirore cuiro marieno yahuja. Ahri yuhare jipihtina

masa masina. Ā jicu jipihtia ahrire yu nirire puhtoro Agripa to masichu masija yuhu — niha Paulo Festore.

Ā ni tuhsu o sehe niha Agripare:

²⁷ —Puhtoro Agripa, Cohamacu yare yahu muhtaina cjiri ti yahuri cjirire tuhora muhu. Ti yahuaire mu tuhochu masija yuhu —niha Paulo Agripare.

²⁸ —Āhrire yahure yahucu mahanocā mu yahua mehne Jesu yairo yu wahachu yoa duai nijari muhu? —niha Agripa Paulore.

To ā nichu Paulo o sehe ni yuhtihā:

²⁹ —Mahanocā durucucu o yoari pja durucucu msa, jipihtinare “Yu jiro seheta Jesu yaina jijaro”, ni sini payoja Cohamacure. Wiho mejeta yu yoaro sehe peresupu msa jichu cahmaeraja yuhu —niha Paulo Agripare.

³⁰⁻³¹ To ā niri baharo Agripa, Festo, Berenice jipihina paina mehne wahcāruca, wijaa, ti basi o sehe ni durucuha:

—Ahriro to yoari buhiri ne peresu yoa masieraja mari. Ā jina mari yaba buhiri tirore wajābocari? —ni durucuha tina ti basi.

³² —Ahriro “jipihina bui puhtorore Césare yu yoaire yahu duaja”, to nierachu mari wioboa tirore peresupu jirirore —niha Agripa Festore.

27

Paulo tirore ti yahusārire Romapu yahuro wahaha

¹ Paulore Italiapu dohoria mehne warocaa taa, tirore paina mehne ti peresu yoarina mehne Julio wama tirirore cūre tina. Julio cien surara puhtoro jiro, to ya curua “César yaina surara”, wama tire.

² Ā jina Adramitio wama tiro macaria dohoriai samui sã. Tia Asiapu wahahtia jire. Samu tuhsu, tia mehne wahai. Aristarco Tesalónica wama tiri maca macariro sã mehne wahare. Tesalónica Macedonia yahpai jira.

³ Pa dachoi sã Sidōpu sui. Tōpu suro Julio Paulore noano yoare. Ā yoaro Paulore tō mehne macaina cahapu űno waha dutire. Ā jiro Paulo mehne macaina tirore to cahmaare ti wachu “Noanohca”, nire Julio.

⁴ Dohoria mehne sã pahāchu tuaro wihnono sãre pa sehēpu wāroca pjohōre. Ā jina Chipre wama tiri nūco dūcataroi poto buhusehei wahai sã.

⁵ Pu Ciliciare yuhduu, Panfilia cūhure yuhduu, Mira wama tiri macapu Licia yahpai jiri macapu wahā sui.

⁶ Tōpu suna, Alejandriapu tariare, Italiapu wahahtiare dohoriare bocai. Ā jiro sãre tiapu surara puhtoro naare.

⁷ Payu dachori pjiro dero waha, “Nu wapuoca” ni, waha, Gnido wama tiri maca potoi sui sã. Tōpu su yuhduu, wihnono tuaro

wā, sã waha duariroi sãre wārocaerare. Ā jina sã cō buhusehepu majare paa wahai. Ā jina Creta wama tiri nūco to dūcatari pahre sehe sã pahāa waha, Salmo wama tiri űoacare yuhduai sã.

⁸ Tōpu yuhdu, ti nūco duhtu cahai waha, “Nu wapuoca” ni, waha, Noari Pitamaha wama tiropu wahā sui. Pitamaha Lasea wama tiri maca cahapu jira.

⁹ Tōpu yoari pja sã jiri baharo, sã wahahto sehe cuabiare. Ā jiro ti chu duhuri dacho bose nūmu yuhduri baharo, Paulo tinare o sehe ni yahure:

¹⁰ —Tuhoga msa. Chu duhuri dacho bose nūmu baharo mari wahachu marine minihto cuabiara. Ahria dohoria, dohoria macaa, msa pache cūhu mari mehne macaina cāhu mari butiboca wahana —nire Paulo.

¹¹ Wiho mejeta surara puhtoro dohoria puore tuhoro, oturiro cūhure tuhoro, Paulo to yahua sehēre tuho duerare waha duaro.

¹² Ti pahsari pitamaha noari pitamaha puhiro jichu ti pahsari pitamaha jierare. To ā jiri pitamaha jichu dohoria macaina payu waha dua, Fenicepu yoja duamare. Fenice Creta wama tiri nūco macari pitamaha jiro, wihnono to tariropu sã muja taro sehēpu cō buhusehepu, poto buhusehepu cūhure űuroca, wihnono tachu noano dūcatari maca jire. To ā jiri pitamaha jichu masia tina tōpu cā puhiro ji duamare.

Pjiri mapu wihnono, coro pjiro taha

¹³ Ā yoa sur sehe pjiroca wihnono ta dūcare. “Michare noari dacho mari wahahti dacho jira”, ni tuhutumaha tina. Ā ni tuhotua tina comaa tafore tuā wahcō, Creta nūco duhtu caha cahai yojai sã.

¹⁴ Wiho mejeta baharo curero wihnono noreste wama tiri wihnono tuaro wāre.

¹⁵ Ā jiro dohoriare wihnono tuaro wahā wihire. Wihnono to wāruarore waha masierana, majare paha, wihnono mehne wahai sã.

¹⁶ Cauda wama tiri nūcocā cahapu sur sehēpu waha, ti nūcocā sãre mahanocā dūcatare. “Marine nu wapuoro wahara”, nina tōre pjiria dohoria macaria mahariacā busocare noano waja payo duhte i sã.

¹⁷ Tiare dohoriai sã waja payo duhteri baharo pjiria dohoriapu pjiri da mehne tina wahma űaha payore. Sirte wama tiri padare “Dohoria doca wahā sari”, nia cui nire tina. Ā jia tina co turre ti duhu miori baharo dohoria dihtare wihnono wārocare.

¹⁸ Wihnono, coro mehne tuaro tare. Pa dacho cūhure wihnono munanota tjoa to tachu űua tina ti pachere diapū dureroca űo tuhsu pahāa wahai sã.

¹⁹ Pa dacho dohoria macaare diapū cohāre tina ti basi.

²⁰ Payu dachori ñichua dachori jichu, sã dacho macarioru ñahpichoha poca cãhu ne bajuerare. Æ jiro tuaro wihnono tare. Æ jina “Minia wahaja mari. Æ jina yariaa wahanahca”, ni tuhotumai sã.

²¹ Æ jia tina yoari pja ti chu duhuri baharo Paulo ti pano ducu, õ sehe ni yahure tinare: —Pano musare yu yahuchu tuhoerare musa. “Cretapu jiina mari wahachu cua nica”, yu nichu tuhoerare musa. Yuhure tuhona, ahria macaa jipihtiare boeraboa musa.

²² Wiho mejeta mipu musare yahuja. Cuiena tjiga. Jipihitina mari yuhdunahca. Ahria dohoria dihta marine wahtiabasaro-hca.

²³ Micha ñamine Cohamacu yairo anjo yuhure bajuahre. Cohamacu yairo jija yuhu. Æ jicu tireore dahra cohtariro jija yuhu. Anjo sehe yu cahai taro, õ sehe ni yahuhre:

²⁴ “Paulo, cuiecu tjiga. Jipihitina bui puhtorore mu yoari cjiirire muhure yahuro cahmana. Cohamacu noariro jira. Æ jiro tireore mu siniriro seheta mipure muhu mehne macaina cãhure yoadohorohca”, nihre yuhure anjo.

²⁵ Æ jia cuiena tjiga musa. Anjo yuhure to niriro seheta waharohca. Cohamacure wacu tuaja yuhu. Æ jicu to yahuriro seheta “Potocã tjira”, ni tuhoutuja yuhu.

²⁶ Wiho mejeta marine nucoru wihnono wãroca, cohãnohca —ni yahure Paulo tinare.

²⁷ Cũ ñami puã somana baharo pjiri ma Adriático wama tiri mai wihnono sãre tuaro wãre. Tí pjare ñami dacho macai dohoria macaina muã sehe “Duhtu cahapu jija mari”, ni tuhouture tina.

²⁸ Æ ni tuhoutua nucari taño comaa tañore yuta da mehne duhte, duhuroca mio, quihõre. Treinta y seis metro waro cuãre. Mahanocã waha, quihõre tjoa. Tí pjare veintisiete metro waro cuãre.

²⁹ Æ jia tãare “Doca wahã suri”, nia dohoria oturopu pititia tañori comaa tañorine yuta dari mehne duhte, duhuroca miore diaru. Æ jia “Cjero bohreajaro” ni, tuaro sinire tina.

³⁰ Dohoria macaina muã sehe duhtimare. Tina mahariacãre dohoria macariare diaru waja boro, dohoria queno comaa tañorine ti boroboriro seheta yoare tina mahariacãre “Marine ñuri”, nia.

³¹ Wiho mejeta Paulo surara puhtorore, to surara mehne yahure:

—Ahrina muã mahariacã busocai ti wahachu musa yarianahca —nire Paulo.

³² To Æ nichu tuhoa surara sehe mahariacãre duhte darire yihso ta, tiare cohãre.

³³ Bohreahto panocã Paulo tinare tuaro chu dutire.

—Puã somana waro ne chuerare musa.

³⁴ Æ jina mipure chuna taga. Tuaro musare chu dutija. Musã cati duana chuga. Jipihitina musa yuhdunahca —nire Paulo tinare.

³⁵ To Æ niri baharo Paulo pãore na, jipihitina ti pano Cohamacure “Noana” ni, duhu payo, tire chu ducare tiro.

³⁶ To Æ chuchu ñua tina cuiro marieina waha, jipihitina tina cãhu chure.

³⁷ Sã jipihitina doscientos setenta y seis masa dohoriaru jii sã.

³⁸ Tina jipihitina yapia waha “Ahria dohoria nucã nica” ni, payu trigo chure diaru cohãre.

Dohoria paduropu doca pja sãha

³⁹ Bohreachu dohoria macaina muã nucore ñua, “Õ sehe wama tiri naco jira ahri naco”, ni ñu masierare. Wiho mejeta tina pari tucũ paduro jichu ñua, “Mari tí tucũpu wahana, tãpore doca pja suboca paduroi”, nire tina.

⁴⁰ Æ nia, comaa tañorine duhte darire yihso taroca mioha. Oturi pji duhte dari cãhure yihso tanocare tina. Tí yoari baharo dohoria queno macari suhtirore wahcõ dapore poto wihnono wãrocachu cahmaa.

⁴¹ Wiho mejeta dohoria queno sehe pa paduropu caha su, nuja masierare. Æ jiro oturore tuaro pahcõri cã wahcõchu tia oturo wahtia wahare.

⁴² To Æ wahachu ñua õ sehe nire surara:

—Ahria minichu mari peresu yoaina duhtu caharu ba wahã su duhtinocaahca. Æ jina tinare wajã pahñonocajihna —nire surara.

⁴³ Wiho mejeta surara puhtoro sehe Paulore wajã duaeraro, jipihitina peresu jinare wajã dutierare. Æ jiro jipihitina ba masiinare surara puhtoro poto duhtu caharu ba wahã su dutire.

⁴⁴ Æ jia paina dohoria macaa pjini wahti sitea pjini mehne bora ñoja, tí pjini bui pisa ba nujare. Sã to sehe yoana sã jipihitina duhtu cahai wahã sui.

28

Paulo Malta wama tiri nucõi jia

¹ Æ yoã tí nucoru sã jipihitina maja surucu suna tí naco wamare masii. Malta wama tiri naco jire.

² Tí naco macaina masa sãre noano yoare. Æ jina sã coro waari baharo yusua yuhdunare sãre. Æ jia tó macaina sehe pichaca wijã tuhsu, sãre sohna dutire.

³ Paulo pichare na ta, na tiãre. To na tiãri baharo tí picha puhicharu sãariro agã tuaro sichu tuhuturo wijaa taro, Paulo wamomacai bahca wãha sure yahawero marieno.

⁴ To bahca wahā sūchū ñua tí nūco macaina ti basi ō sehe ni durucure:

—Aħriro masa wājāriro jiboca. Ā yoaro tu-aricoro buhiri dahrerico-ro mūano macarico-ro tirore buhiri dahrero, cati dutierara. Tiro pjiri mapū minino yuħdū tuħsuri jima-re. Mipure ticoro sehe tirore cati dutierara —nimare tina ti basi.

⁵ Wiho mejeta Paulo agāre pichacapū wājā siterocare. Tirore agā purierare.

⁶ “Wipirohca” nia, cohtamare tina. Ne wipierare tirore. “Tiro yariaa waharohca” nia, tina cohtamare. Tirore purierare. Yoari pja baharo to wipierachu ñua, to purierachu ñua, soro tuħoture tina. “Aħriro cohamana mehne macariro jiboca”, nimare tina.

⁷ Ti ba wahā sūriro cahacāi Publio wama tiriyo ya weseri jire. Tiro ti nūco macariro puħtoro jire. Ā jina tiro sāre to noano yoachū, tia dacho waro to ya wūhū jii sā.

⁸ Publio pūcuro yojaro ti, juaro tiriyo jire. Ā jiro tiro camai coāre. Ā jiro Paulo doħatiriyo ya taħtiapū sāa, Cohamacure sini, to wamomacarine tiro bui duhu payo, noariro wahachū yoare tirore.

⁹ To noariro wahachū ñua jipihtina paina ti nūco macaina doħatiinare Paulo cahapū na tare. Ti ā na tachū ñūno Paulo noaina wahachū yoare tina cūħare.

¹⁰ Baharo tina payū sāre wapa marieno ware. Sā wahahto panocā jipihtia sā cahmaare, sā wahana sā chūħtūre doħoriapū dure sāare tina.

Paulo Romapū sūha

¹¹ Tia sū tí nūcopū sā jiri baharo doħoria mehne wahai sā. Tia doħoria quenoi pūaro cohamana Cástor, Pólux wama tiina ti masū ducure. Alejandriapū taria jire tia. Puhuro puro ti nūcopū tia doħoria pahsare.

¹² Waha, Siracusa wama tiri macapū sūna, tia dacho waro tí macare jii sā.

¹³ Tí macare wijaa, waha, Regio wama tiri macapū sā sui. Pa dachoi surpū wiħnono ta, sāre wārocure. Pūa dacho baharo Puteoli wama tiri macapū sui.

¹⁴ Tópū Jesu yaina mahainacā sāre piti bocare.

—Cū somana waro sā mehne tjuaga —nire tina sāre.

Ti ā nichū tuħona cū somana waro tina mehne tjuasinii. Baharo mahai maja, Romapū sui sā.

¹⁵ Tó macaina Jesu yaina sehe Romapū sā suħtūre tuħoa, Apio wama tiropū pache duaropū sāre piti bocare. Paina Jesu yaina Tia Wūhū wama tiropū sāre piti bocare. Ti ā piti bocachū ñūno Paulo wahchea mehne Cohamacure “Noana” ni, noano yajeri sāa wahare.

¹⁶ Romapū sā sūri baharo ti peresu ti yoarinare tó macarirore peresu cohtaina

puħtorore yahure. Wiho mejeta Paulo sehere cāirota cūre tó macaina puħtoa. Ā jiro tirore cāirota surara cohtare.

Paulo Romai buheha

¹⁷ Tia dacho baharo Paulo judio masa puħtoa mehne cahmachuno taro, tinare pjire. Ti cahmachuri baharo tiro tinare ō sehe ni yahure:

—Coyea, mari coyeare soro yoaerahi yūhū. Ā yoa mari ñuchusūma cjiri ti yoaa tirire, marine ti buheri cūħare yuħduracuaerahi yūhū. Ā yū yuħduracuaerapachūta Jerusalēpū yūħare ñahare judio masa. Ti ñahari baharo Roma macainare yūħare peresu yoa dutihre tina.

¹⁸ Ti ā yoachū Roma macaina yūħare sinitu, yū ñano yoaerariro yū jichū yūħare “Buhiri tiroro jira”, ni masierare. “¿Ne yaba buhiri wājābocari mari tirore?” niħre yūħare tina. Ā jia yūħare sinituina sehe yūħare wio duamahre.

¹⁹ Wiho mejeta judio masa sehe yūħare wiochū cahmaerare. Yū coyeare judio masare yūħare ti yoarire yahusā duaeraja. Wiho mejeta yūħare ti wio duaerachū ñūcu, “Jipihtina bui puħtoro Césare yū yoarire poto yahu duaja yūhū”, ni sinihi.

²⁰ Ā jicu masare aħrire yahu duacu pjihī. Cristo marine yuħdohtiro judio masa mari coħariro to yare yū yahuri buhiri yūhū peresupū jija. Ā jicu tūre masare yahui tai pjihī —nire Paulo judio masa puħtoare.

²¹ To ā nichū tuħoa tina sehe tirore ō sehe ni yahure:

—Judea yahpa macaina Judio masa mūħare quiti yahua pūrine sāre ne warocuerare. Ā yoa tópu tarina cūhū mari coyea sāre mū ā waharire yahuera tire. Tina “Tiro ñano yoariro jira” ni, mūħare yahuera tire.

²² Wiho mejeta Jesu yare mū yahuri curua macainare jipihtiropū masa ñano ti durucuchū sā masija. Ā masina mū buheare mū yahuchū tuħo duaja sā —nire tina tirore.

²³ Ā ni tuhsū, “Pa dachopū jiiħina”, nire tina. Pa dachopū Paulo mehne cahmachu muħtaina yuħdoro masa payū to jiropū wiħire. Āami curerocā puħtoro Cohamacū to suho jiare noaa buheare tiro buhe dūca, pū, ñamipū Moise cjirore Cohamacū to cūri dutiare, ā yoa Cohamacū yare yahu muħtaina cjiri ti joari cjiri cūħare buhere. Ā buhero, tinare Jesure “Tiro tjica mari coħariro”, ni masichū yoa duaro nimare Paulo.

²⁴ Cāina to buherire noano mehne tuħore. Wiho mejeta paina sehe tuħo duaerare.

²⁵ Ā jia tina ti basi pūa curua tju wa, wahaa taa nire. Ti wahahto pano Paulo Isaia cjiro to durucuri cjirire tinare yahure. Ō sehe nire tinare:

—Isaia Cohamacu yare yahu m̄htariro cjiro to yahuri potoc̄ata jira. Mari ñ̄achusama cjirore yahuro taro Espiritu Santo Isaia cjirore ð sehe ni yahu joa dutiha: 26-27 “Ahrire ahrinare yahui wahaga:

‘Dapu b̄tiina jira m̄sa.

Ȳu yare t̄ho duaerara m̄sa.

Cahmo copari susueraina yoaro seheta t̄ho duaerara m̄sa.

Ã jina ȳu yare t̄hopanahta t̄ho ñ̄ahasi m̄sa.

M̄sa ã jieraina jina, noano t̄ho ñ̄ahaboa m̄sa.

Ã jina ȳh̄are cahmaboa m̄sa.

Ã jicu m̄sare pichac̄ap̄u wahaborinare ȳhdoboa ȳhu’, niha Cohamacu Isaia cjiro to joari tjup̄u”

—nire Paulo tinare.

²⁸ Ã ni tuhs̄u, Paulo ð sehe ni yahu namore:

—Ahrire masiga m̄sa. Cohamacu ya buheare masare to noano ȳh̄doare judio masa jierainare buhenahca s̄a. Tina sehe t̄hoahca —nire Paulo judio masare.

²⁹ [To ã nich̄u t̄hoa judio masa t̄re ti basi tuaro cahma sayo, wijaare.]

³⁰ P̄ua c̄h̄ma waro Paulo to ã waparucuri w̄h̄p̄u jire. T̄oi jiro, jipihtina to w̄h̄p̄u wih̄inare wahchea mehne piti bocare tiro.

³¹ Ã jiro tiro cuiro marieno p̄h̄toro Cohamacu to suho jiare, p̄h̄toro Jesucristo ya c̄h̄are buhea t̄re. To ã buhech̄u ne paina tirore “Buhei tjiga”, nierare.

Romanos

Paulo Roma macainare Jesu yainare joarocaja

¹ Yuhũ Paulo musare Roma macainare joarocaja. Yuhũ jija Jesucristo cahamacũno. Tiro yuhũre beseri jire. To ya noaa buheare buhe duti warocahtiro cjihtore yuhũre cũri jire tiro.

² Tĩ buheare noaa buheare panopũ Cohamacũ “Yahui tai nija”, nia tiha. To ã ni yahuriro seheta to yare yahu mũhtaina cjiri panopũ macainare to yahuhtire to ya pũ joa dutiha.

³ Tĩ buheata to macũnore yahua jira. Tiro masũno waro jiro taro, Davi cjiro panamino ji turiariro jiha tiro.

⁴ Jesucristo mari pũhtoro Cohamacũ macũno ñaa buhiri marieriro to jiare õ sehe ñori jire Cohamacũ. To yariari baharo Cohamacũ to tuaa mehne tirove masa wijaachũ yoari jire. Æ yoaro Jesucristo potocãta Cohamacũ macũno to jiare ñori jire Cohamacũ masare.

⁵ Tirota sãre pja ñũno sãre to yare buhe dutiro warocare jipihtina Jesucristore wacũ tua ti ño payohti cjihtire.

⁶ Æ jiro musa cãhũre Jesucristo yaina cjihtire besaha tiro.

⁷ Musare, Cohamacũ to cahĩnare, Roma macainare, to yaina cjihti yoare musare tiro. Musare jipihtinare ahri pũre joarocaja. Æ jicũ Cohamacũ mari Rusũ, mari pũhtoro Jesucristo mehne musare noa dutija. Tina ti yoadohoo mehne noano jiga musa.

Paulo Romapũre ñũno waha duaro nimaha

⁸ Ahrire yahu mũhtaihtja musare: Jipihtia macari macaina Jesucristore musa wacũ tuarire masa yahuhre yuhũre. Ti ã ni yahuchũ tũhosũ “Noana”, nija Cohamacũre. Jesucristo to yoadohoro mehne ã nija tirove. Cohamacũre sini payocũ musa ya cjihti cãhũre ã sini payorucuja.

⁹ Tiro yuhũre to dutichũ to macũno ya buheare noaa buheare tuaro buhesũ to cahamacũnota jija yuhũ. Æ jiro musa ya cjihtire Cohamacũre yũ ã sini payorucuchũ tiro masina.

¹⁰ Æ sini payocũ Cohamacũ cahmachũ mipũ pinihtare musa cahapũ yũ ñũi wahahto cjihto cãhũre sinija. Yoari pja musare ñũ duacũ yũ wahahtore chohtai yoanocamaja yuhũ.

¹¹ Espĩritu Santo yuhũre to buheri cjirire musare buhe turia duaja Jesure musa wacũ tua namohto cjihto sehe. Æ jicũ musare tuaro ñũ duaja yuhũ.

¹² Jesure wacũ tuaja mari. Æ jicũ musare ñũ duaja Jesure mari wacũ tuaa mehne pũ buhũseheri mari cahma wahchechũ yoahito cjihto sehe.

¹³ Yũ coyeya, ahrire musa masichũ cahmaja. Noaa buheare yũ buheri baharo paye macari macaina musa coyeya judio masa jieraina cãhũ Jesure wacũ tuare. Æ jicũ payũ tahari musa cahapũ waha duamahi tina, Jesure ti wacũ tuariro seheta musa mehne macaina cãhũ ti wacũ tuahito cjihto sehe. Æ waha duapaihta waha masiera tihi yuhũ.

¹⁴ Jipihtinare noaa buheare buhero jiro nina yuhũre. Buheinare, buhemahnoeraina cãhũre, masinare, masieraina cãhũre buhehtiro cjihto jii nija yuhũ.

¹⁵ Æ jiriro jicũ musare Roma macainare noaa buheare tuaro buhe duaja.

Noa buheare masa tũhoa Jesure wacũ tua dũcara

¹⁶ Noaa buheare tũhoa Jesure wacũ tua dũcara masa. Æ jiro jipihtinare Jesure wacũ tuainare Cohamacũ to tuaa mehne pichacapũ wahaborinare yuhdora. Ti ã yuhdachũ masicũ ahri buheare noaa buheare buo tiro marieno yahuja. Ahri buheare judio masa tũho mũhtari jire. Ti baharo, judio masa jieraina cãhũ tũho turiari jire.

¹⁷ Ahri buheã õ sehe ni yahura: Jesure wacũ tuainare “Ñaa buhiri marieina, noaina jira”, ni ñũna Cohamacũ. Tirove wacũ tuaina dihtare ã ni ñũna Cohamacũ. Ahri panopũ ti ni joariro seheta jira: “‘Noaina jira’, to ni ñũina Cohamacũre wacũ tuaina dihta jira. Æ wacũ tuaa, to ya catia mehne ã catirucuahca tina”, ni joaa tiha.

Masa ti ñaa yoari buhirire yahuha Paulo

¹⁸ Cohamacũ mũanopũ jirirove masa ti yuhdũrucarire, ti ñaa yoari cãhũre ñũno, ti ã yoari buhiri tina mehne suara. Tõ sehe jiina barore to buhiri dahrehtore masichũ yoara tiro. Masa ti ñaa yoaa mehne painare noaa buheare tũhoerachũ yoara tina sehe.

¹⁹ Cohamacũ to basi to jia tiare masichũ yoaha. To ã yoachũ Cohamacũre masichũ mijoerara masare.

²⁰ Cohamacũre mari ñũerapachũta mũano macariro to jia tiare, tuariro to jia cãhũre to basi masichũ yoara tiro. Ahri yahpare to bajuamehneri baharo jipihtia to bajuamehnerire ñũna “Cohamacũ to yoari cjiri jira ahri” nia, Cohamacũ to jia tiare masina masa. Æ jia masa Cohamacũre masipahta ã ñaare yoarucua, buhiri tira. “Mũhũre masierahi. Æ jicũ ñaare yoahi”, ni masisi Cohamacũre.

²¹ Æ jia Cohamacũ to jia tiare masipahta tina tirove ño payoerara. Æ jia tiro tinare to noano yoapachũta tina sehe “Noana”, nierara tirove. Æ tũho masieraina jia, wiho jia

macaare, ñaa dihtare tuhoturucuina baro jira tina.

²² “Tuhō masiina jija”, nipahta tuhō masieraina wahara tina.

²³ Ā wahaa Cohamacu ā jirucurirese tina ño payoerara. Ā ño payoerara, ti ño payoboriro sehere cohtota, wiho jia masuri sehere “Cohamacu jira”, ti nia masuri sehere ño payora. Wiho jia masuri sehere yarihtina masa masurine, ā yoa minichahca masurine, chihchōina masurine, wahiquina masuri cahure “Cohamacu jira”, ni ño payora tina.

²⁴ Ti ā yoachū ñūno “Ti mū sūro ñaare goa pja, yoawahnojarō”, nino Cohamacu cohānocare tinare. To ā cohāri baharo tina ñabiario, pjiro buoro wahachū yoare cahma yoarucura ti basi.

²⁵ Ā jia Cohamacu ya sehere cahmaeraa, mahñoa sehere noano tuhōra tina. Cohamacu ya sehere mahñoa yoaro sehe jichū yoara tina. Potocāta Cohamacu warore jipihtiare bajuamehnerirese jipihtia dachoripe noano ño payoro cahmana. Wiho mejeta tina sehe tirore ño payoerara. Ā tirore ño payoerara, Cohamacu to bajuamehneri cjiiri, wiho jia sehere ño payora tina.

²⁶ Ti ā ño payochū ñūno “Ti mū sūro goa pja, yoawahnojarō”, nino Cohamacu cohānocare tinare. Ā jia tina numia mūa mehne manū tiboina cohtota, ti basi numia dihta ñano yoara ti pjacuri mehne.

²⁷ Ti yoaro seheta jiaina mūa cūhū numia mehne namo tiboina jipahta, tūre cohtota, mūa ti basita ti pjacuri mehne ñabiario yoara. Ā yoara, ti basita ti ñano yoari buhiri ti pjacuri sehe ñano yuhdura.

²⁸ Ā Cohamacure ti cahmaerari buhiri Cohamacu tinare cohāre. To ā cohāchū tina sehe ñano wacūrucu, ñano yoarucura.

²⁹ Ā jia tina tuaro ñano yoarucura. Numia mehne ñano yoarucuina, mūa mehne ñano yoarucua numia, ñaare goa pjarucuina, paina yare tuaro cahmaina, painare ñano yoarucuina, paina paye baro ti cjuachū ñua goa pajaina, masare wajaina, cahma sayoia, mahñoia, masare ñū tuhtiina, ñaa quti dahreina,

³⁰ paina ti yoerapachuta ñano ni yahuwajaina, Cohamacure ñū tuhtiina, painare puriño yuhtiina, “Sā sehe masi yuhdurucu sija”, ni tuhōtuina, painare ā ni yahuina, paye ñaare yoa ducaina, ti pūcusumare yuhtieraina,

³¹ tuho masieraina, ti nino seheta yoeraina, masare ne cahieraina, ti basi cahma susini duhueraina, ne pja ñueraina jira tina.

³² Ā ñano yoarucuinare Cohamacu pichacū cohānohca. To ā cohāhtire masipahta

tina ti ñaare ā yoarucura. Ā jia paina tinare ñū cū ti yoaro seheta ñano ti yoachū ñua, “Mari yoaro seheta ñano yoara”, ni wahchera tina.

2

Masare buhiri dahre dutiro tūre quihōno yoarohca Cohamacu

¹ “Tina ñabiaina jira”, ni yahuwajaina tjiga painare. Mūa cūhū ti yoaro seheta yoara. “Ñaare yoerara sā. Ā jia buhiri maeraja”, ni masierara mūa. Mūa yahu wajaina yoaro seheta ñaare yoana, mūa cūhū mūa basita buhiri dahre dutina nica.

² Tō sehe yoainare Cohamacu to buhiri dahrechū potocāta quihōno to buhiri dahrechū masija mari.

³ Painare “Buhiri tiaha”, ni yahu waja ti yoaro seheta mūa yoachū, mūa cahure buhiri dahrerohca. Ā jia “Sāre buhiri dahresi”, ni tuhōtuboca mūa. Jierara. Mūa cahure buhiri dahrerohca tiro.

⁴ Mūa ñano yoapachuta Cohamacu masare pja ñūno, dōi waro buhiri dahrerara. Ā jia “Cohamacu yūhū mehne suasi”, ni tuhōtuboca mūa. Jierara. Cohamacu masare pja ñūno, dōi waro buhiri dahrerara mūa ñaa buhiri tiare cahyachū ñū duaro, tirore mūa yuhtichū cahmano.

⁵ Ā buhiri dahre duaeraparota, mūa Cohamacure yuhti duaerachū, mūa ñaa buhiri tiare mūa cahyaerachū, buhiri dahrerohca mūa. Tō pano masare to buhiri dahreboriro yuhdoro ti to buhiri dahrehti dacho warorūre ñano, tuaro waro mūa buhiri dahrerohca Cohamacu. Quihōno buhiri dahrerohca.

⁶ Cāinare ti yoa wapataro seheta yoarohca Cohamacu.

⁷ Cāina noaare yoarucuina jira. Tina Cohamacure noano wahchechū yoa duaina, jipihtia dachoripe Cohamacu mehne ji duaina jira. Tina pinihtare dachoripe tiro mehne jirucuchū yoarohca Cohamacu.

⁸ Wiho mejeta paina sehe tina yoaro sehe jierara. Tina ti mū sūro jia ti, ñaare goa pja yoarucuina baro jira. Cohamacu ya warore cahmaerara. Tina mehne Cohamacu tuaro sua, buhiri dahrerohca.

⁹ Jipihtina ñano yoaina ñano yuhduahca. Judio masare āta waha mūhtanohca. Tuhsū, judio masa jieraina cahure āta waharohca.

¹⁰ Jipihtina noaare yoaina sehere Cohamacu “Noana”, ninohca. Ā jia masa tinare ño payoahca. Ā jiro tinare noano jichū yoarohca Cohamacu. Judio masare āta waha mūhtanohca. Tuhsū, judio masa jieraina cahure āta waharohca.

¹¹ Cohamacu judio masare, ā jichū judio masa jieraina cahure jipihtinare cāno sehe

ñuna. Mari yoarire ñuno, quihõno besera jipihitinare, ñaina, noaina cãhure.

¹² Paina Cohamacu Moise cjirore to dutia cjirore masieraina sehe buhiri tiare ti yoachu, to dutiare ti masierapachuta tinare buhiri dahrerohca Cohamacu. Á yoa ti dutiare masiina cãhure buhiri tiare ti yoachu, ti dutiare ti yuhdurucari buhiri buhiri dahrerohca Cohamacu.

¹³ Cohamacu dutiare tuhopahta yãhtierainare “Buhiri marieina, noaina jira ahrina”, ni ñuerara Cohamacu. To dutiare yoaina sehere “Noaina jira”, ni ñuna tinare Cohamacu.

¹⁴ Judio masa jieraina Cohamacu Moise cjirore to cãri dutia maerapahta, ti masuro noaare yoaa, Cohamacu dutiare yoaa nina. Á yoaa Moise cjirore to dutiare joari pãre cãaerapahta tina ti masuro to dutiare masina.

¹⁵ Á jia to dutiare ti tuhotaupã potocãta cãuara tina. Á cãuara ñaare yoaa dóicãta ti ñaa yoarire masina tina. Á jiro ñaare yoariro “¿Dohse jiro baro ñaare yoari yuhũ?” ni tuhutura tiro. Á jiro noaare to basi to yoari cãhure masina tiro.

¹⁶ Á jiro Cohamacu Jesucristore to warocãhti dachoi masa ti yoarire ti yahu duaer-arire Jesucristo masi pahõono, tiro tinare beserohca noaina, ñaina cãhure. Tó sehe yoarohca tiro noaa buhea to nino seheta. Ahrira jira masare yã buhea.

Cohamacu Moise cjirore to dutirire yahuha Paulo

¹⁷ Mũsa sehe judio masa jina, Cohamacu Moise cjirore to dutiare ño payoia jina, “Cohamacu to yaina jija”, ni tuhutumana mũsa.

¹⁸ Á jina Cohamacu dutiare masiina jina, to cahmaare masina mũsa. Á masiina jina, “Noaare sã yoahore bese masija sã”, ni tuhutumana mũsa.

¹⁹ Á ni tuhutuna õ sehe ni tuhotu namona mũsa: “Painare ne masierainare noano masichũ yoaja sã. Tinare sã buherachũ ne Cohamacure masieraboa tina. Á jia ñaare duhueraboa”, ni tuhutumana mũsa.

²⁰ Á jina “Tũho masierainare noaare yoa dutiina, macanacã cãhure buheina jija sã”, ni tuhutumana mũsa. Á jina “Cohamacu dutiare cãuana, potocã jiare masi pahõõja sã”, ni tuhutumana mũsa.

²¹ ¿Á jina painare buheina jipanahta, dohse yoana mũsa sehe mũsa buheriro sehe yoajerari? ¿Painare yaca dutieraina jipanahta dohseana mũsa sehe yacajari?

²² ¿Pairo namono mehne ñano yoa dutieraina jipanahta dohseana mũsa sehe paio namono mehne ñano yoajari? “Cohamacu jira”, ti nia masarine ñu yabiina jira

mũsa. ¿Á ñu yabiina jipanahta dohseana ti masarine ti ño payoa wãhusepũ sãa yacajari mũsa?

²³ “Cohamacu Moise cjirore to dutiare cãuaja sã”, niina jipanahta to dutiare yuhdurucara mũsa. Á yuhdurucana Cohamacure ño payoerachũ yoana nica mũsa painare.

²⁴ Áta nina Cohamacu yare ti joari pũi: “Cohamacu dutiare mũsa yuhdurucari buhiri judio masa jieraina sehere Cohamacure ti ñano durucuchũ yoara mũsa judio masa”, ni joaa tiha Cohamacu yare ti joari pũi.

²⁵ “Cohamacu yaina jija”, ni tuhutura cãina judio masa mahanocã cahsarocãre yihsoina. Cohamacu yare ti yoachu judio masa ti jichũ noa nina. To yare ti yoerachũ judio masa ti jia tia yaba cjihti jierara. Yihsoina ti jia tia cãhũ yaba cjihti jierara.

²⁶ Á jiro judio masa jieraina mahanocã cahsarocãre yihsoeraina ti jipachuta, Cohamacu dutiare ti yoachu ñuno “Yũ yaina masata jira”, ni ñuna Cohamacu tinare. Judio masa sehere to ã ni ñuboriro seheta judio masa jieraina sehere ã ni ñuna.

²⁷ Payũ judio masa Cohamacu Moise cjirore to dutiare cãuapahta tíre yoerara tina. Á jia paina judio masa jieraina sehe mahanocã cahsarocãre yihsoeraina jipahta to dutiare yoara. Á yoaina jia judio masa ti ñano yoarire masichũ yoaa nina.

²⁸ Mipũre judio masũno waro to jiare yahuihtja masare. To pjacure mahanocã cahsarocãre yihsoriro jiparota Cohamacure ño payoeraro potocãta judio masũno waro jierara.

²⁹ Cohamacu yairo Espiriture cãuãiro tirore yãhtiriro tiro tjira judio masũno waro. Á yoa to pjacure mahanocã cahsarocãre to yihso cohãriro seheta to ñaa yoaare duhura tiro. To masuro dutiare yoariro jieraparota Espiritu Santo to yoadohoa mehne to ñaa yoaare duhura. Tó sehe yoariroro “Noariro jira”, ni ñuna Cohamacu sehe. Masa sehe tirore ti ã nierapachuta, ã nina Cohamacu sehe.

3

¹ ¿Yũ ã nichũ judio masa ti jia tia wiho waro jijari, mũsa tuhotauchũ? Ne wiho waro jia nierara. ¿Cohamacu judio masare to dutiriro seheta ti pjacurire mahanocã cahsarocãre ti yihso cohãa wiho waro jijari, mũsa tuhotauchũ? Ne wiho waro jia nierara.

² Judio masa ti jia tia wiho waro jierara. Cohamacu yare ti joari pãre judio masare cũ mũhtaha. Á jia judio masa ti jichũ noa nina tinare.

³ Ā jia cāina judio masa Cohamacure ti tuhoerapachuta to niri cjiri potocāta jira. Ā jiro to ni cūriro seheta yoarohca tiro.

⁴ Āta jira. Jipihtina masa mahñoina ti jipachuta Cohamacu sehe ne mahñoevara. Panopu to yare yahu muhtariro cjiro to ni joariro seheta ne mahñoevara Cohamacu. Ō sehe ni joaa tiha:

“Potocā niriro jira muhu Cohamacu. Mūhure ā jia masa ‘Cohamacu quihōno yoerara’, ni masierara mūhure”, ni joaa tiha panopu.

⁵ Ō sehe ni tuhotuboca masa: “Mari űaare yoana Cohamacu noaare to yoariro jichu masichu yoaja. Ā jiro űaare mari yoachu noa nina. űTo ā noaa jipachuta dohsearo tiro mari űaare yoari buhiri buhiri dahremacanocajari?” ni tuhotuboca masa. Masa ti tuhotuboriro seheta ā ni nija.

⁶ Tō jierara ti ā ni tuhotuchu. Mari űaa yoari sehe noaa jichu Cohamacu mari űaare yoari buhiri buhiri dahre masieraboa.

⁷ Masa sehe mahñoina jira. Cohamacu sehe ne mahñoevara. Ā jina masa ti mahñochu űna Cohamacu sehe ne mahñoevariro to jichu noano űu masija mari. Ā jia masa mahñoa, Cohamacu to mahñoevariro to jiare űoa niboca tina. Āta ni tuhotumana cāina. Ā ni tuhotua ō sehe ni tuhotu namomana tina: “Sā mahñoa mehne Cohamacu to mahñoevariro jiare űona nija. Ā űona noano yoana nija. Ā jia sā mahñoa noa nina. űSā mahñoa noaa nichu dohse jiro baro sā mahñoi buhiri sāre buhiri dahremacanocabocari Cohamacu?” ni tuhotumana cāina masa.

⁸ Ā jia ō sehe ni mahñona cāina sāre: “űNano yoana Cohamacu to noariro jichu űona nica. Ā jina űano yoajihna’, nihre Paulo cūhu”, ni mahño yahusāna sāre cāina. Ti ā niri buhiri tinare Cohamacu buhiri dahrerohca. Āta yoaro cahmana tinare.

Jipihtina buhiri tiina jija mari

⁹ Ā jia yoaa dohse ni tuhotujari masa? űMari judio masa paina yuhdoro noaina jijari mari? Jieraja mari. Judio masa, judio masa jieraina cūhu űaa buhiri tia cjuaina dihta jija mari. Ā jina jipihtina buhiri tiina jija mari. Āta jira. Jipihtinare yu buheriro seheta jira.

¹⁰ Panopu to ni joariro seheta jira ahri: Ō sehe ni joaa tiha: “Ne cāiro masuno noariro mariahna, Cohamacu to űachu.

¹¹ Jipihtina masa tuho űahaeraina dihta jira. Tuhsu, jipihtina masa ne Cohamacure macaeraina jia, tirore wacū payoerara.

¹² Tina Cohamacu yare cohāa jipihtina űaare yoaina wahare.

Ne cāiro noaare yoariro pinihta mariahna. ¹³ Ti duseri masa copari ti piōo dapori yoaro sehe jira.

Ti durucuchu, masa copari űria wijaaro sehe mahñoa dihta ti duserire wi-jaara.

Ā durucua agā duseroi to űima puria wijaaro seheta purino ti durucua wijaara ti duserire.

¹⁴ Tina painare űano durucaina, purino durucaina jira.

¹⁵ Ā jia sua űaina dōicāta masare wajaina jira. ¹⁶ Nohoi ti waharoi tina masare űano yoa, űano yuhduchu yoara tinare.

¹⁷ Tō sehe jia paina masa mehne tina noano jierara.

¹⁸ Ā yoa Cohamacure ne űo payoerara”, ni joaa tiha panopure.

¹⁹⁻²⁰ Cohamacu jipihtiare to joa na dutiri cjirire sāre judio masare cūha. Ā jiro tō sehe to ni joariro cjiro mari cūhure dutisinina. “Buhiri mariahna sāre”, ni masieraja mari. Ā jina mari jipihtiro macaina judio masa, ā jichu judio masa jieraina cūhu to buhiri dahrehtina mari jia tiare masija mari. Ā jina buhiri tiina mari jiare masina, “Noaina jija sā”, ni masieraja Cohamacure. Cohamacu to yoa dutia sehere ne mari yoeraja. Ā jiro to dutia sehe buhiri tiina mari jia tiare masichu yoara marine. Ā masina, ō sehe ni masieraja mari: “Cohamacu dutiare yoa pahñohi. Ā jiro Cohamacu marine ‘Noaina jira’, ni űna”, ne ni masieraja mari jipihtiro macaina.

Cohamacure noano mari wacū tuana to yaina wahaja mari

²¹ Wiho mejeta mipure Moise cjirore to dutiri cjirire yoa pahñono marieno masare ti űaa buhirire to cohāire masichu yoara marine Cohamacu. Moise cjiro to joari cjiri mehne, Cohamacu yare yahu muhtaina cjiri ti joari cjiri mehne yahu cū muhta tuhsaha ahrire.

²² Jipihtina Jesucristore wacū tuainare, tirore tuhoinare “Noaina jira”, ni űna Cohamacu. Tō sehe cāno potori űna tiro jipihtina dohse jiina Jesucristore wacū tuainare.

²³ Mari jipihtina űaare yoaina buhiri tiina dihta jija. Ā jina Cohamacu to cahmano sehe mari jiboriro duhsa yuhduara.

²⁴ Mari ā jiina jipachuta Cohamacu marine pja űna. Ā jiro Jesucristo sehe mari űaa buhirire wapabasari jire. To ā wapabasaro mehne “Buhiri marieina noaina jira”, ni űna Cohamacu marine.

²⁵ Panopu macaina cjiri buhiri tiina ti jipachuta Cohamacu dōicāta buhiri dahreraha tinare. Ā buhiri dahreraro ti buhiri tiare wiho waro ā tuhotunocano

nieraha. Baharo tiro Jesucristore warocari jire mari ñaa buhiri yariahtiro cjihtore, to di mehne mari ñaa yoarire wapabasahtiro cjihtore. Jesucristore mari wacū tuachū Cohamacū sehe mari ñaa yoari buhirire borohca. Ahrire yoaro, quihōno yoariro to jia tiare masichū yoaro ñaha.

²⁶ Æ yoa mipū cūhare quihōno yoariro to jia tiare masa ti masichū cahmana tiro. Quihōno yoariro jira tiro. Æ jiro Jesure warocari jire masa ti ñaa buhiri yariahtiro cjihtore. Æ jiro Jesure wacū tuainare, “Buhiri marieina, noaina jira”, ni ñūno, quihōno yoaro nica.

²⁷ ¿Mipūre “Noaina jija mari”, ni masicari mari masa tuhotuchū? Tīre ne ni masieraja mari. ¿Dohseana ã ni masieracari mari? ¿Cohamacū to dutiare yoana, “Noaina jija”, ni masibocari mari? Jierara. Tī cūhare ni masieraja mari. Mari ã ni masierapachūta Jesure mari wacū tuachū “Noaina jira”, ni ñūnohca marine Cohamacū.

²⁸ Ō sehe masija mari: Jesure mari wacū tuachū ñūno marine ñū jicoara Cohamacū. Æ jiro marine “Buhiri marieina, noaina jira”, ni ñūna tiro. To dutiare mari yoari wapa ã ni ñūerara. Tirore mari wacū tuachū ã ni ñūna.

²⁹ Tuhsū, Cohamacū judio masa puhtoro dihta jierara. Judio masa jieraina puhtoro cāhū jira tiro.

³⁰ Æ jiro Cohamacū cūirota jiro jiro, jipihitina bui puhtoro jira. Æ jiro jiro judio masare, ã jichū judio masa jieraina cūhare Jesure ti wacū tuachū, tinare cāno potori “Buhiri marieina, noaina jira”, ni ñūnohca Cohamacū.

³¹ ¿Æ jina Jesure wacū tuana Cohamacū Moise cjirore to dutiare cohāna nibocari mari? Cohāeraja mari tīre. Jesure wacū tuaina jina, Cohamacū dutiare yoa pahñona nija mari.

4

Abrahā Cohamacūre to wacū tuarire yahuha Paulo

¹ Mari ñuchū cjiro panopū macariro Abrahā cjirore Cohamacū ð sehe yoaha:

² Abrahā cjiro noare to yoapachūta “Noariro jira”, ni ñūeraha Cohamacū tirore. Æ jiro noare yoaparota ñariro jisninino “Yūhū pini noariro jija”, ni masieraha Abrahā, Cohamacū to ñuchū.

³ Cohamacū yare ti joari pū ð sehe nina: “Abrahā Cohamacū to nirire to quihōno tuho ñaha, tirore to wacū tuachū ñūno Cohamacū tirore ‘Potocāta noariro jira’, ni ñūha”, ni yahura Cohamacū yare ti joari pūi.

⁴ Puhtoro dahrainare waparo, wiho waro to pja ñaa mehne waparo nierara. Ti dahrari wapa tinare waparo nina.

⁵ Wiho mejeta Cohamacūre wacū tuainare dahrainare ti waparo sehe yoerara Cohamacū. Cohamacūre wacū tuarirore “Noariro jira”, ni ñūna Cohamacū. To ã ni ñuchū tī noaa to yoari wapa jierara. Cohamacū sehe tirore cahmaeraina cjirore tirore ti cahmachū ñūno buhiri marieina, noaina wahachū yoara. Æ jiro masūno Cohamacūre to wacū tuachū ñūno “Noariro jira”, ni ñūna Cohamacū tirore.

⁶ Æta niha panopū macariro Davi cjiro. Masūno noare to yoapachūta Cohamacū tirore “Noariro jira”, ni ñūeraca. Tirore to wacū tuachū ñūno pini Cohamacū tirore “Noariro jira”, ni ñūna. Cohamacū to ã ni ñūriro wahcheare yahuha Davi cjiro. Ō sehe niha:

⁷ “Cohamacū ti ñaa yoarire to cohāchū masiina sehe tuaro wahchera.

⁸ ‘Noaina jira. Mūsa buhiri tiare wacūsi yūhū’, to nichū tuhoina tuaro wahchera”,

niha Davi cjiro.

⁹ ¿Judio masa ti pjacūre mahanocā cahsarocāre yihsorina dihtare ti ñaa yoarire boari Cohamacū? Jierara. Judio masa jieraina yihsoraina cūhare ti ñaa yoarire bora tiro. Pari turi Abrahāre wacūga mūsa. Tiro Cohamacūre to wacū tuachū ñūno “Noariro jira”, ni ñūha Cohamacū.

¹⁰ ¿Dohse jichū ã yoari Abrahā, mūsa tuhotuchū? To pjacūre mahanocā cahsarocāre to yihsolto panopūta tirore “Noariro jira”, ni ñūha Cohamacū. Æ jiro yihsoro, to ñaa yoarire cohā tuhsūriropū yihsoha.

¹¹ Æ jiro dóihta Cohamacūre wacū tua muhtaha Abrahā. To ã wacū tuachū ñūno “Noariro jira”, ni ñūha Cohamacū tirore. Æ to wacū tuaare, to yairo to jiare to ñohto cjihtore Cohamacū tirore to pjacūre mahanocā cahsarocāre yihsolto dutiha. Æ jiro Abrahā to yihsolto pano Cohamacū sehe “Noariro jira”, ni ñū tuhsūha tirore. Tiro to yihsolto pano to ã ni ñūriro seheta jipihitina Cohamacūre wacū tuainare judio masa jieraina yihsorainare “Noaina jira”, ni ñūna Cohamacū. To ã ni ñūina ti jichū Abrahā ti ñuchūno cjiro waro yoaro sehe wahara.

¹² Tī yoaro seheta masa, yihsolina Cohamacūre ti wacū tuachū ti ñuchūno cjiro waro jia tiha Abrahā. Tiro to yihsolto pano Cohamacūre wacū tuaha. Æ jia tiro yoaro seheta wacū tuaina judio masa Abrahā panamana jī turiaina jira.

Cohamacu Abrahãre to ni cûrîre “Potocã tjira”, niha Abrahã

¹³ Панопу õ sehe niha Cohamacu Abrahãre: “Ahri yahpare mûhure, mû panamana ji turiaïnape cûhure waihtja”, ni yahu cûha Cohamacu Abrahãre. To dutiare to noano yoari wapa ã nieraha Cohamacu tireore. Abrahã Cohamacure to wacû tuari wapa sehere ã niha Cohamacu tireore, “Noarîro jira”, tireore to ni ñuri baharo.

¹⁴ “Cohamacu Moise cjirore to cûri dutia dihtare yoaro cahmana”, nina judio masa. Tô sehe niina Cohamacure wacû tuaro marieno ahri yahpa jipihtirore na duara. Wacû tuaro marieno ti nachu mari sehe Cohamacure mari wacû tuaa yaba cjihti jieraboa. ã jiro Cohamacu marine to ni cûri cjiro yaba cjihti jieraboa.

¹⁵ Moise cjirore to cûri dutia sehere yoerara masa. ã jiro to dutiare ti yûhdurucari buhiri masare buhiri dahrerohca Cohamacu. Wiho mejeta to dutia mariachû to dutiare yûhdurucaro cûhu mariaboa.

¹⁶ ã yoa Cohamacure wacû tuaina dihta to wahtore naahca. Abrahã cjiro Cohamacure wacû tuaha. ã jiro jipihtina tiro yoaro sehe Cohamacure wacû tuaina ti ñuchûno waro yoaro sehe tjuaa Abrahã cjiro. ã jiro “Ahrire musare waihtja”, Cohamacu nino jipihtinare tireore wacû tuaina pinihtare nino niha. ã jia Cohamacu Moise cjirore to dutiri cjirore yoaina Cohamacure wacû tuaina Cohamacu to wahtore naahca. Tina dihta nasi. Jipihtina Abrahã cjiro yoaro sehe Cohamacure wacû tuaina cûhu tinare to wahtore naahca.

¹⁷ Tîre Abrahã cjirore to nirîro seheta joaa tiha panopure: “Payu macari macaina ti ñuchûno cjihto cûhi mûhure”, ni cûa tiha Cohamacu Abrahã cjirore”, ni joaa tiha panopu. ã jiro tiro Cohamacure wacû tuaa tiha. ã to wacû tuachû mari ñuchû cjiro yoaa tiha Cohamacu tiro cjirore. Cohamacu sehe yariainare masorîro, jipihtinare, jipih-tia cûhure bajuamehnerîro jira.

¹⁸ “Payu yahpari macaina mû panamana ji turiaïna jiaha”, Cohamacu to ã ni cûchû Abrahã cjiro sehe pohna marierîro jiparota, “Potocãta jira”, ni tuhotua tiha. ã ni tuhoturo payu yahpari macaina mari ñuchû cjiro yoaro sehe wahaha tiro Cohamacu tireore to ni cûrîro seheta.

¹⁹ ã jiro cien cûhmari cjuarîro jiparota “Bucuro waro jija”, ni tuhotuparota, Sara to namono ne pohna marienicoro to jipachûta “Pohna ti masieraja sã”, ni tuhotueraa tiha Abrahã cjiro. ã jiro Cohamacu to ni cûrîre “Potocãta jira”, nia tiha Abrahã cjiro.

²⁰ “To nirîro seheta yoeraboca”, ne ni tuhotueraa tiha Abrahã cjiro. ã jiro tiro

Cohamacu to ni cûrîre noano tuhoa tiha. To ã niare tuhotjîahno “Cohamacu tuarîro jira”, ni ño payoro nia tiha. ã jiro Cohamacure wacû tua namoa tiha tiro.

²¹ “Cohamacu to nirîro seheta noano bihorohca”, ni tuhotu noano masia tiha Abrahã cjiro.

²² To ã masichû Cohamacure to wacû tuachû Cohamacu sehe “Noarîro jira”, ni ñua tiha Abrahã cjirore. ãta ni joaa tiha Cohamacu yare ti joari pûti.

²³ ã yoa Abrahã cjiro dihtare ã ni joeraa tiha.

²⁴ Tîre mari masihti cjihtire mari cûhure ã ni joaa tiha. ã jiro Cohamacure mari wacû tuachû “Noaina jira”, ni ñunohca mari cûhure Cohamacu. Tiro pini mari puhtoro Jesu to yariachû masorî jire tireore.

²⁵ Jesu sehe mari ñaa buhiri yariari jire. To yariari baharo masa wijari jire tiro Cohamacu marine “Noaina jira”, to ni ñuhto cjihtore.

5

“Noaina jira”, Cohamacu to ni ñuchû õ sehe waharohca marine

¹ Jesucristore mari wacû tuachû ñuno “Buhiri marieina, noina jira”, ni ñuna marine Cohamacu. To ã ni ñuchû Cohamacu mehne macaina marine jichû yoara mari puhtoro Jesucristo.

² ã jina mari tireore wacû tuachû ñuno Cohamacu marine cahûno, pichacapû wahaorinare yûhdore tiro mehne mari jihto sehe. Cohamacu pinihta noa yûhdurîro jira. ã jiro tiro yoaro seheta jina wahachû yoarohca marine tiro. To ã yohti cjihtire noano masi, wahcheja.

³ ã yoa ñano yûhdûna cûhu wahcheja mari. Ñano yûhdûna, tîre cûno pja masija mari. ã cûno pjana, ñano yûhdûpanahta noano Cohamacure wacû tuaina waha namoja mari. ã jina Cohamacu yare duhueraja mari.

⁴ Mari ã yoachû ñuno “Noana”, ni ñunohca Cohamacu marine. ã jina marine to yûhdohstore noano masi, wacû cohtana nija mari.

⁵ Ne wiho waro wacû cohtana nieraja. Cohamacu marine to Espîritu Santore warocare mari mehne jihtirore. ã jiro Espîritu Santo sehe mari mehne jiro Cohamacu marine to ã cahîrucuare masichû yoara. To ã masichû yoachû marine to yûhdohstore noano waro jiro nina. Potocãta yûhdûnahca mari.

⁶ Tô pano mari ñaa yoirire mari basi mari yûhdû masierachû ñuno, to quihõrîro mû sûchû, Cohamacure cahmaeraina mari jipachûta, Cristo sehe mari ñaa buhirire yariabasaha.

7 Cūiro masuno noariro jiparota yari-
ahitiro to jichu pairo sehe to yariaboriro
cohtota, to yariabasa duachu mijo
yuhduara. Noaa dihtare yoariro yaro
jiborirore pairo yariabasaboca pa tehe
nino.

8 Wiho mejeta Cohamacu sehe õ sehe
yoara. Buhiri tiina mari jisnipachuta mari
yaro jiborirore Cristo yariaha. To ã yoachu
Cohamacu marine to tuaro cahiare masija
mari.

9 Mari yaro jiborirore to ñano di wijaa,
yariachu Cohamacu sehe marine “Buhiri
marieina, noaina jira”, ni ñana. To ã ni ñari
baharo mipu pinihtare marine pichacapu
wahaborinare yuhdorohca Jesu. Marine
to yaina wahachu to yoari baharo marine
buhiri dahresi pichacapu Cohamacu.

10 Cohamacu ñu tuhtiina mari ji-
pachuta, to macuno sehe yariaro, mari ñaa
buhiri tiare cohāno, Cohamacu mari ñu
tuhtirire duhuchu yoare. To ã yoaro mehne
Cohamacu mari buhiri tiare bora. Tuhsu
marine to yaina wahachu yoara. Mipu
pinihtare ti yuhdo curero yoarohca marine.
To yaina mari jichu Jesu to masa mujari
mehne marine pichacapu wahaborinare
noano yuhdorohca tiro.

11 Æ jina baharopu mari yuhduhtore
masina wahcheja mari. Mipure ahri cūhare
wahcheja. Mari puhtoro Jesucristo mari ñaa
yoari buhirire to yariari baharo Cohamacu
yaina jija mari. Æ jina wahcheja.

*Adāore, Cristore yahuha Paulo Roma
macainare*

12 Adāo cjiro Cohamacu to yuhduhcari
baharo ahri yahpare ñaa buhiri tia ji
ducaha. Ñaa buhiri tia ji ducaro mehne
masa yaria ducaha. Jipihitina mari ñaare
buhiri tiare yoaja. Æ jina jipihitina ñaina
mari jiri buhiri yariaja.

13 Cohamacu to dutiare Moise cjirore to
cūhto pano potocāta ahri yahpa macaina
ñaa buhiri tiare yoaa tiha. Ti ã yoapachuta
to dutia mariachu to dutiare ti yuhduhcari
buhiri buhiri dahre masieraha.

14 To ã buhiri dahre masierapachuta Adāo
cjiro cūhu to baharo jiina cūhu ti dutia mari-
asinipachuta yariaa tiha. Moise cjiro to jihto
pano ti dutia mariasinipachuta masa yariaa
tiha. Paina ñano yoaa Adāo cjiro ñano to
yoariro sehe waro yoaera timaha. Æ jipahta
tina cūhu yariaa tiha. Æ jiro Adāo cjiro ñaare
to yoa ducariro seheta yoari pja baharopu
ahri yahpapu tariro noaare yoa ducari jire.

15 Adāo cjiro to yuhduhcari Cohamacu
masare to pja ñaa yoaro sehe jierara.
Cohamacu to pja ñaa sehe noa yuhduara.
Adāo cjiro cūirota jiparota ñaare to yoa

ducari buhiri payu masa yariaa tiha. Co-
hamacu sehe marine pja ñano, Jesucristore
warocari jire. To ã warocachu tiro cūirota
jiriro pichacapu wahaborinare masare
payu yuhdora.

16 Æ jiro Cohamacu masare to pja ñaa Adāo
cjiro to yuhduhcari yoaro seheta jierara.
Adāo cjiro sehe cūirota jiriro ñaare to yoari
buhiri jipihitina masa ñaa buhiri tiina jira. Æ
ti buhiri tiina jipachuta masa pjiro ti ñaare
yoapachuta mipure masare pja ñano Co-
hamacu ti ñaare bora. Æ boro “Noaina jira”,
ni ñana tiro tinare.

17 Adāo cjiro cūirota jiriro ñaare to yoa
ducachu jipihitina masa yariarucura. Ti
potocā tjira. To ã jipachuta ahri sehene
wahchenahca mari. Mipure Cohamacu
masare pja ñano Jesucristo cūirota jiriro to
yariaro mehne ti ñaare boro, tinare “Noaina
jira”, ni ñana. Æ jia jipihitina to ã ni ñaina
muanopu Cristo mehne puhtoa jiahca.

18 Adāo cjiro cūirota to jipachuta to
yuhduhcari buhiri jipihitnapu buhiri tiina
waha ducaha. Æ jia Cohamacu to buhiri
dahrehtinapu tjuaha tina. Tó yoaro seheta
Jesu cūhu cūirota jiparota noano yoaro
jipihitina ti buhiri tiare cohā masina. Ti
buhiri tiare to cohāchu, “Buhiri marieina,
noaina jira”, ni ñana tinare Cohamacu. Æ jia
to ya catiare cūaa, Æ catirucuahca tina.

19 Adāo cjiro cūirota Cohamacu
yuhduhcacha. To ã yuhduhcachu, payu
masa ñaa buhiri tiina wahaha. Tó yoaro
seheta Jesu cūhu cūirota Cohamacu
yuhthi. Æ yuhthi, payu masa ti buhiri tiare
cohā masina tiro. To ã cohāchu “Ñaare ti
yoari buhiri tia marieina, noaina jira”, ni
ñana Cohamacu tinare.

20 Cohamacu to dutiare Moise cjirore cūa
tiha ti mehne jipihitina masa ti ñaa buhiri
tiare ti noano masihto cjihtore. Æ jia masa ti
ñaa buhiri tiare masia ti yuhdoro Cohamacu
tinare tuaro to cahia tia cūhare masiahca.
Tiro marine cah yuhduara.

21 Buhiri tiina ti jiri buhiri masa yari-
ahitina jira. Ti yariari baharo, picha-
capu wahaahca. Wiho mejeta Cohamacu
masare cah yuhduara. Æ tuaro cahino, mari
puhtoro Jesucristo masare to yariabasaro
mehne masare “Buhiri marieina, noaina
jira”, ni ñana. To ã ni ñaina sehe to ya catia
mehne Æ catirucuahca.

6

*Yariaina cjiri ti ñaare yoaeraro seheta
Cristo yaina cūhu ñaare yoaerucera*

1 ¿Dohse yoaerucari mari mipure, masa
tuhotuchu? Cāina õ sehe niboca: Ñaare
mari yoachu ñano Cohamacu mari ñaa
buhirire borohca. ¿Cohamacu marire to cahí

namochuñ ñu duana ñaare yoa namobocari mari?

²Jierara. Ñaare yoena tjijhna mari. Yariaina cjiri ñaare ti yoeraro seheta Cristo yaina jina mari cãhu ñaare yoaucucari masieraja mari.

³Jesu yaina mari jia tiare masa ti ñu masihto cjihtore copu bautisare marine paina. Ña jina mari puhtoro Jesucristo to yariachu, mari cãhu tiro mehne yariaina seheta wahahi. ¿Tire masierajari masa?

⁴Ña bautisarina wahana Cristo pjacure masa copapu ti siõ sãa payo cohãriro seheta pano mari ñaa yoaire duhuja. Ña jina Cohamacu to tuaa mehne Cristo to masa mujariro seheta mari cãhu to tuaa mehne mari jia tia cãhure, mari tuhotua cãhure cohtotaja. Ña cohtotana to yare wahma yoaucucaina wahaja mari.

⁵Cristo yaina jina, tiro mari puhtoro mehne yariaina seheta jina, to masa mujariro seheta mari cãhu masa mujanahca. Ti potocãta jira.

⁶Cristo yaina ji ducana crusapu tiro mehne yariaina seheta wahai pari mari ñaare yoaucucarahto sehe. Ña waharina jina ñaare yoaucucina ji namo duasi mari. Tire mari masija.

⁷Yariariro cjiropare ñaare goa pjaa mari-ahna. Ña jiro tiro cjiro ñaare to yoa duhuriro seheta ti ñaa sehe tirore to dutipe namoeraboro seheta ti ñaare duhura tiro.

⁸Cristo mehne yariaina yoa sehe jina, to masa mujariro seheta mari cãhu masa mujanahca. “Ti potocã tjira”, ni tuhotuja mari. Ña jina tire mari masa mujahitire wacũ cohtaja mari.

⁹Cristo to yaria masa mujari baharo ne pari turi yariasi. Ña catirucuriro jira tiro. Tire mari masija.

¹⁰Ña jiro Cristo cã tahata yariaro, masa ti ñaa yoi buhirire cohãno taro yariaha. To masa mujari baharo Cohamacu to cahmano seheta yoaucucutiro jira tiro.

¹¹Tiro yoa sehetu masa cãhu õ sehe ni tuhotuga: “Yariaina cjiri ti yoeraro seheta mari cãhu ñaare yoa duaeraja. Jesu yaina jina Cohamacu to cahmano seheta yoahtina cjihtita jina nija mari cãhu”, ni tuhotuga masa.

¹²Ña jina masa yariahtina jina ñaare yoaucucina jiena tjiga. Ña jina masa ñaa yoaare goa pjanahca tire ña tuhotunocahga.

¹³Ñaare yoina jiena tjiga. Musare pichacapu wahaborinare Jesu to yuhdorina jira masa. To ña yoina jina Cohamacu cahmaa dihtare yoina jiga masa. Ña jina noaare yoina jiga masa.

¹⁴Mipure Cohamacu Moise cjirore to dutia mehne marine dutierara. Cohamacu

marine cahãno tiro sehe marine dutira. Ña jina to yoadohoro mehne ñaare yoa duasi mari.

Masa ñaare yoaucucuhu ti ñaa masa puhtoro yoa sehe jira

¹⁵¿Yu ña nichu dohse ni tuhotujari masa? ¿Cohamacu sehere yuhtihina jina Moise cjirore to dutiare yuhtihina jierana, ñaare yoaucucocari mari? Jierara.

¹⁶¿Ahrire masierajari masa? Masa noano yuhtiro masa puhtoro jira. Ña jina to cahamaca jira masa. Masa ña yuhti masa puhtoro tiro sehetu ñaare yoaucucina masa jichu ti ñaa yoa masa puhtoro yoa sehe jira. Ña jina ñaare duhu masierara masa. Ña jina jina pichacapu wahahtina jira masa. Cohamacure noano ño payoina jina pinihta, to cahamaca jira masa. Ña jina to yaina noaina jira masa. ¿Tire masierajari masa?

¹⁷Panopu ñaare yoaucucina masa jichu ti ñaa yoa masa puhtoro yoa sehe jimare. Mipu sehere noaa buheare tahona Jesure wacũ tuana Cohamacure noano ño payoina wahare masa. Masa ña wahachu ñu Cohamacure “Noana”, nija.

¹⁸Ña wahana mipure ñaa ti dutiro cjiro sehetu yoerara masa. Ña jina Cohamacu cahamaca jina noaa sehere yoa masa.

¹⁹Cahamaca ti puhtoare ti noano ño payoare masi pahõna masa. Ña jicu ti masa masiri mehne ti mehne piti dahre buhehi musare ahri buheare noano masieraina masa jichu ñucu. Panopu ñaare yoaucucina jimare masa. Masa ña yoaucucuro sehetu mipu sehere noaare yoaucucina jiga masa. Ña jina Cohamacu cahmaa dihtare yoa nahca masa.

²⁰Panopu ñaa dihtare yoina jina, noaa sehere yoaera tire masa.

²¹¿Ti pjarure ñaa dihtare yoana dohse jirore wapatari masa? Ti masa ñaa yoaire wacũna mipure buo tica masa. Ti ñaare masa yoi buhiri pichacapu wahaboa masa. Ña jina ñaare yoana ne wapataerara.

²²Mipu sehere masa ñaa yoaire duhana Cohamacu cahamaca wahare masa. Ña jina Cohamacu cahmaa dihtare yoina jinahca. Ña jina jipihtia dachoripe Cohamacu mehne jirucunahca.

²³Ñaare mari yoi buhiri pichacapu wahahtina jiga jipihtina mari. Mari ña jipachuta mari puhtoro Jesucristore mari wacũ tachu ñu, jipihtia dachoripe tiro mehne marine jirucuhu yoa rohca. Mari ña jirucutire ña wanocanohca.

7

Cohamacu Moise cjirore to dutiare yahu namoha Paulo tjoa

¹ Y_u coyea, Cohamac_u Moise cjirore to dutirire noano masina m_usa. Mas_uno to catisinich_u tí dutiare y_uhd_ur_uca dutierara. To yariari baharo pinihtare tí dutiare yoaro mariahna. Tí c_uh_ure masina m_usa.

² Ō sehe jira: Numinore to man_uno to catiro puro tiro mehne dihta ji dutira Cohamac_u Moise cjirore to dutiri sehe. To ā dutipach_uta to man_uno to yariari baharo ticoro sehe pairore man_u ti masina. Ticoro tí dutia mehne ji namoerara.

³ Ā jiro to man_uno to jipach_uta ticoro pairore man_u tiro, ñano yoaricoro jira. Wiho mejeta to man_uno to yariari baharop_u pairore man_u tiro, Cohamac_u dutiare y_uhd_ur_ucaerara ticoro ā yoaricoro. Ā yoaro ñano yoaricoro jierara ticoro.

⁴ M_usa c_uh_u y_u coyea Jesu yaina wahana, Jesu to yariach_u, m_usa c_uh_u tiro mehne yariaina seheta wahare. Ā jina yariaina cjirore dutia ti marieno seheta Moise cjirore to dutia to c_uri cjirore m_usa c_uh_ure mariahna. Tí dutia m_usare dutierara. To man_uno to yariari baharo, pairore man_u tiricoro yoaro seheta m_usa c_uh_u panop_u m_usare dutimarire duhu, Cristo mehne jira, ticoro paio mehne to jiro seheta. Ā jina mip_ure to yaina jira m_usa. Tiro sehe to yariari baharo masa m_ujari jire Cohamac_u cahmaare mari yoahto cjihtore.

⁵ Panop_u ñaare mari m_u s_uro yoa timai. Ā jina Cohamac_u Moise cjirore to dutirire mari masiri baharo tí dutiare y_uhd_ur_uca duamai. Tí dutia mariach_u y_uhd_ur_uca duerao. Ā jina tí dutiare mari masiri baharo ñaare tuaro yoamai mari. Ā mari ñaare yoana mari pichacap_u wahahtinata jia timai.

⁶ Ā wahaborina jipanahta Cristo yaina jina mip_ure tí dutia mehne jieraja mari. Ā jiro Espiritu Santo mari mehne jiriro marine noaa sehere cohtotach_u yoara. To ā yoach_u panop_u macaa dutia m_una dutia to joari cjiro tí mehne jieraja mari mip_ure.

To ñaa yoari cjirore yahuha Paulo

⁷ Ā jina Cohamac_u Moise cjirore to dutirire dohse nibocari mari? Ā tí to dutia ñaa jicari, m_usa t_uhotuch_u? Jierara. Tí y_uh_ure to dutiri mehne ñaare masii. Ā jic_u to dutia mariach_u ñaare masieraboa y_uh_u. To dutia ō sehe jira. “Paina yap_ure tuaro cahmaena tjiga”, niha to dutia. Tí ā nierach_u paina yap_ure tuaro ti cahmari ti ñaa jich_u masieraboa y_uh_u.

⁸ Ā jic_u tí dutiare y_u masiri baharo paina yap_ure tuaro cahmaa tii y_uh_u. Tí dutiare masierasinic_u paina yap_ure tuaro y_u cahmari ti ñaa jich_u masieraboa y_uh_u.

⁹ To dutiare y_u noano masiht_u pano ā t_uhotunocai. To dutiare y_u masiri baharo

pinihta tuaro ñaare yoa duamai. Ā jic_u pichacap_u y_u wahahtore masia tii.

¹⁰ Ā jia Cohamac_u dutiare y_uhd_ur_ucaerara masa tiro mehne noano jirucuboa. Ā jia tí dutia sehe noano jirucuch_u yoabori dutia jipahta y_uhd_ur_ucarari buhiri y_uh_ure pichacap_u waha dutimare.

¹¹ Ā jic_u ñaare yoac_u Cohamac_u Moise cjirore to dutiare y_uhd_ur_uca duamai. Ñaare goa pjariro jic_u noaare masierahi. Tí ñaa y_uh_ure dojomehnera. Ā jic_u noano masierahi. Ā masierac_u Cohamac_u dutiare y_uhd_ur_uca. Ā jic_u to dutiare y_u masiri baharo y_u ñaa buhirire pichacap_u y_u wahahtore masii. To dutia mehne ā masii.

¹² Ā jia Moise cjirore Cohamac_u to c_uri dutia noaata jira. Ā jia quih_uno jiata nina tí dutia.

¹³ Ā jipahta marine tí noaa dutia sehe pichacap_u wahach_u yoajari? Jierara. T_urop_u wahach_u yoerara. Mari ñaa yoa sehe marine pichacap_u wahach_u yoara. To dutiare mari masiri baharo tí dutiare y_uhd_ur_uca ñaare yoana masija mari. Ā jina mari ñaina mari jiare masina mari pichacap_u wahahto c_uh_ure masija mari. Ā jina to dutiare masina mari y_uhd_ur_ucarire tí ñaa y_uhd_uca jich_u masija mari.

¹⁴ Cohamac_u to dutiare Moise cjirore c_uha. Tí to c_ua noaa tí jich_u masija mari. Wiho mejeta y_uh_u sehe paina yoaro seheta ñariro jija. Ā jic_uta ñaare yoarucua y_uh_u.

¹⁵ Ā Dohse waharo nijari y_uh_ure? Ne noano masieraja y_u yoaare. Y_u yoa duaa sehere ne yoaera, y_u tuaro yoa duaeraa sehere yoaja y_uh_u.

¹⁶ Ñaare yoa duaeraipaihta ñaare yoaja y_uh_u. Tíre yoac_u Cohamac_u dutia noaa dutia tí jich_u masija y_uh_u.

¹⁷ Ā jic_u mip_ure y_uh_u waro tí ñaare yoaeramaja. Wiho mejeta y_u t_uhotuap_u jia ñaa tí sehe y_uh_ure ñaare yoach_u yoara.

¹⁸ Noaare tuaro yoa duapaihta ne bihoeraja. Ahri yahpa macariro jic_u y_u t_uhotuap_u ñaa dihta jira. Ne noaa mariaputiara. Ā jic_u noaare tuaro yoa duapaihta ne bihoeraja. Ñaa sehe y_uh_ure dojomehne m_ujana.

¹⁹ Noaa y_u yoa duaa sehere yoaeraja y_uh_u. Ñaare y_u yoa duaeraa sehere yoaja.

²⁰ Y_u yoa duaeraare yoac_u mip_ure y_uh_u waro tíre yoaeramaja. Y_u t_uhotuap_u jia ñaa tí sehe y_uh_ure ñaare yoach_u yoara.

²¹ Ā jiro y_uh_ure ō sehe wahara: Noaare y_u yoa duapach_uta y_u t_uhotuap_u ñaa jira. Ā jic_u noaa sehere ne yoa masieraca.

²² Cohamac_u Moise cjirore to dutirire y_u t_uhotua mehne tuaro cahma, quih_uno yoa duamaja.

²³ Á jicu yuhũ ahrire yũ basi masija: Yũ tuhutua mehne noaare Cohamacũ dutiare yoa duaja. Á yoa duapaihta yũ basi ñaare tuaro yoa duaca. Yũ mũ sũro ñaare duhu masieraja yuhũ.

²⁴ Á ñaare duhu masieracu pjacũoriro jija yuhũ. Ñaare yoacu pichacaru wahaĩca yuhũ. Cuenah. ¿Yuhũre pichacaru waha dutia ñaare noa yuhũre yũhdobasabocari?

²⁵ Jesucristore yũ wacũ tuachũ tiro sehe ñaa yũ yoari buhirire yũhdobasarohca. To á yoachũ Cohamacũre “Noana”, nija yuhũ. Á jicu mipũre yuhũ yũ basi yũ tuhutua mehne Cohamacũ dutiare quihõno yoa duamaja. Á yoa duariro jipacũta yũ pjacũ mehne yũ mũ sũro ñaare duhu masieraja.

8

Espĩritu Santore cũaina ti jia tiare yahuha Paulo

¹ Mipũre Jesucristo yainare ti buhiri tiboro mariahna.

² Á jiro Jesucristo yairo yũ jichũ Espĩritu Santo á catirucuchũ yoariro ñaare yũhdũcachũ yoara yuhũre. Ñaare yuhũre yũhdũcachũ yoaro yuhũre pichacaru wahaborirore yũhdore tiro.

³ Cohamacũ Moise cjirore to dutiare mari mũ sũro ne yoa pahõosi. Á yoa pahõoerana yũhdũcaina jija mari. Á jina tí dutia yoaa mehne ne yũhdusi mari. Mari á jina jipachata õ sehe Cohamacũ marine yũhdorohca. To macũnore mari yoaro seheta pjacũ tihitirore warocaha, mari buhiri tiare buhiri tihitirore, marine yariabasatirore cjihtore. Á jiro mari tuhutuapũ jia ñaare tiro duhuchũ yoari jire.

⁴ Áta yoare Cohamacũ dutiare to tuaa mehne mari bihohto cjihtore. To dutiare bihoina jina mari mũ sũro jieraja. Espĩritu Santo to yoadohoa mehne to dutiro seheta yoaja mari.

⁵ Ñaare yoa duaina, tí dihtare goa pjara. Espĩritu Santo to dutiro seheta yoarucuína sehe tí to dutia dihtare wacũ mũnũ, yoa duara tina.

⁶ Ñaa dihtare goa pjaa, wacũ mũnũina pichacaru wahaahca. Espĩritu Santo to cahmano seheta tuaro yoa duaina sehe jipihitia dachoripe Cohamacũ mehne á catirucuahca. Á jia tina Cohamacũ mehne noano jinocaahca.

⁷ Ñaa dihtare goa pja, wacũ mũnũina Cohamacũre ñũ tuhtira. Tina Cohamacũ dutiare ne yũhtierara. To dutiare yũhti duaerara. Yũhtia cũhũ bihoeraboa tina.

⁸ Á jia ti mũ sũro yoaina Cohamacũre wahchechũ yoa masierara.

⁹ Wiho mejeta mũa sehe mũa tuhutuapũ jia ñaare yoerara. Espĩritu Santo mũa

mehne to jichũ to cahmano seheta yoara mũa. Á jia Espĩritu Santore cũaeraina sehe Cristo yaina jierara.

¹⁰ Mũa sehe to yaina jira. Mũa ñaa buhirita mũa pjacũri yariara. Á mũa pjacũri yarihtina jipanahta Cristo mũa mehne to jichũ tiro mehne to ya catia mehne á catirucunahca mũa. Cohamacũ mũare “Buhiri marieina, noaina jira”, to ni ñachũ mũa tiro mehne á jirucunahca.

¹¹ Cohamacũta Jesure masori jire. Á masoriro jiro Espĩritu Santo mari mehne to jirucuchũ mari yariari baharo Cohamacũ mari cũhũre masonohca. Á masono wahmaa pjacũri wahachũ yoarohca marine. Jesure to masoriro seheta masonohca mari cũhũre.

¹² Yũ coyoe, to á yoachũ ñũna ñaa mari goa pjarire yoaena tjijihna.

¹³ Mari ñaare yoaina jina, pichacaru wahahtinata jinocanata nija. Espĩritu Santo to yoadohoa mehne ñaa yoare duhuna, jipihitia dachoripe Cohamacũ mehne jirucunahca.

¹⁴ Jipihitina Espĩritu Santore yũhtiina Cohamacũ pohna jira.

¹⁵ Espĩritu Santo mari mehne to ji dũcachũta Cohamacũ pohna ji dũca. Wiho mejeta tiro marine dutipe, dahrachũ yoahrtiro jierara. Á jina panopũ mari cuiriro sehe mipũ sehere mari cuieraja. To pohna jina, Espĩritu Santo to yoadohoa mehne mipũre “Yũ Pũcũ”, nija mari Cohamacũre.

¹⁶ Á jiro Espĩritu Santo mari wacũapũ marine õ sehe ni masichũ yoara: “Potocãta Cohamacũ pohna jija mari”, ni masichũ yoara.

¹⁷ Á jina to pohna jina, Cohamacũ jipihitiare to pohnare “Waihtja”, to nirire mari sehe cũanahca. Jesucristo cũhũ cũaa, mari cũhũ cũanahca tĩre. Cristo yare mari yoari buhiri ñano yũhdũina jina mari tiro mehne mũanopũ noano wahchea mehne jinocanahca. Á jina Cohamacũ to pohnare to “Waihtja”, to nirire cũanahca mari Cristo mehne.

¹⁸ Mipũre ahri yahpai ñano yũhdũsinija mari. Baharopũre mari mũanopũ noano jinocanahca. Á jina mipũre ñano yũhdũna, pijro cahya tuhutuena tjijihna. Ahri mari ñano yũhdũna wiho waro jira. Baharo noano jinocanahca Cohamacũ mehne. Á jina tuaro wahchenahca. Ahri pini wiho waro jierara.

¹⁹ Cũ mũmũ Cohamacũ to pohnare cohtotarohca. Buhiri marieina, yariaerhtina, noaina waro jichũ yoarohca marine. Mari á wahachũ jipihitia Cohamacũ to bajuamehneri cjiiri cũhũ wahma dihta cohtota pihitia wahaahca.

²⁰ Jipihitropũre to bajuamehneri noaa ti jiborire dojomehneha masũno ñano yoa

dúcaro. Ti mu saro ā wahaeraha. Masuno Cohamacure to yuhdurucaro mehne to bajuamehneri ā wahaha. Ā jiro Cohamacu to bajuamehneri cjiirire āta űano ji dutisiniha. Baharo to bajuamehneri cjiirire noaa wahachu yoarohca tjoa tiro.

²¹ Ā jiro Cohamacu to bajuamehneri cjiirire baa pihtiborire noaa wahachu yoarohca tjoa. Cohamacu pohnare noaina to wahachu yoariro seheta, tinare noano to yuhdoriro seheta noaa wahachu yoarohca Cohamacu to bajuamehneri cjiirire cūhare.

²² Jipihtia Cohamacu to bajuamehneri cjiiri űano ti ji dúcari baharo űano yuhduha tiha. Numino nihi wahcōno to űano yuhduro seheta to bajuamehneri cūhu dachoripe űano yuhdurucura. Tíre mari masija.

²³ Ā yoa mari cūhu to bajuamehneri cjiiri yoaro seheta űano yuhduja. To yaina mari wahachu, Cohamacu to yairo Espírítu Santore dóihta ware marine. Ā jina “‘Waihtja’, to níriro seheta sohtori tirohca”, ni masija mari. Ā jina noaa sehere marine to cohto-tahtore tuaro waro cohtaja. Ā yoa to pohna mari tiro mehne mari noano jihto cūhare tuaro cohtaja mari. Tuhsu, wahma pjacure marine to wahto cūhare tuaro cohtaja.

²⁴ Mari ā cohtaina jichu, tirota marine pichacapu wahaborinare yuhdore. Tiro cahapu jirina jina tiro cahapure mari wahahore cohtaeraboa mari. Marine to yuhdo tuhsuri baharo tíre cohta namoeraboa.

²⁵ Ā jina to wahtire űerapanahca Cohamacu marine to yuhdohtore cohtana, noano mehne ā cohtarucuja.

²⁶ Ā yoa Cohamacure wacu tuuera cureina to cahmaare noano masieraina jija mari Ā jina tirore quihōno siniina cūhu jieraja mari. Wiho mejeta mari ā jiina jipachuta, Espírítu Santo sehe marine yoadohora. Marine tuaro pja űano mari ya cjihtire durucuro marieno to tūhotua mehne tiro Cohamacure tuaro sini payobasara.

²⁷ Cohamacu to cahmano seheta mari Jesu yaina ya cjihtire sini payobasara tiro Espírítu Santo. To ā sini payobasachu Cohamacu mari tūhotuare masi pahñoriro jiro, Espírítu Santo to sini payobasaare masina.

Cristo to tuaa mehne űaa yoaare yuhdurucanahca mari

²⁸ Ahrire yu yahuhtire masija mari: Jipih-tina Jesure cahīina mari jichu to cahmaare yoahtinare besere marine tiro. Ā jiina mari jichu űano Cohamacu ā yoadohorucura marine. Ā jina mari űano yuhdupanahta űano yuhdurucu dojoeraja. Ā jina Cohamacu yoadohoro mehne noano jinahca mari.

²⁹ Cohamacu marine to yaina cjihtire dóipata masi, bese tuhsaha. Ā besero to

macano Jesu to yoaro seheta jihtina cjihtire marine cūha, payu masa to macanore mari wahmi tihto cjihtore.

³⁰ Panopu to yaina to ji dutirina mari jichu, to pohna mari jihtina cjihti cūhare beseha marine. Ā jiro marine to beserinare tiro “‘Buhiri marieina, noaina jira’”, ni űure. Marine to ā niinare tiro yoaro sehe jihtina cjihtire tiro mehne muanopu noano jichu yoarohca Cohamacu.

³¹ Tíre masina ō sehe tūhotuja mari: Cohamacu marine to cahīinare ne paina űu tuhtia bihosi.

³² Cohamacu mari ya buhirire yari-ahtirore to macanore warocaha. “‘Yu macure cahīja. Ā jicu tirore waroceraja’”, nieraha tiro. Marine ā tuaro yoadohoriro jiro, jipihtia marine dūhsarire wa pahñonohca.

³³ Cohamacu to beseina mari jichu, tiro marine “‘űaa buhiri marieina, noaina jira’”, ni űure. Mari ā jiina jichu paina marine “‘űaina jira’”, ne ni yahusā masierara.

³⁴ Cristo mari ya buhirire yaria masa mujaha. Mipure Cohamacu poto buhusehe sehei jira pūhtoro jiro. Ā jiro tiro mari ya cjihtire potocāta sini payoro nina Cohamacure. Ā jia paina sehe marine ne buhiri dahre duti masierara Cohamacure.

³⁵ Cristo marine to tuaro cahīchu paina tirore “‘Cahīi tja’”, ne ni masierara. Cahī duhusi tiro. Mari űano yuhdupachuta, mari cuipachuta, paina marine ti űano yoapachuta, mari juca baapachuta, suhti marieina mari jipachuta, nu cuaroi mari jipachuta, marine ti wajāpachuta Cristo marine ā cahīrucurohca.

³⁶ Cohamacu yare ti joari pūi mari űano yuhduhtore yahuro, ō sehe nina:

“‘Mu yaina sā jichu masa űu jicoaeraa, ti wajāhtina ā jirucunata nija.

Oveja ti wajāhtina ti jiriro seheta sā cūhare ā wahara’”,

ni joaa tiha Cohamacu yare ti joari pūi.

³⁷ Ā jina mari űano yuhdupanahta Cristo marine cahīro to yoadohoro mehne ti jipih-tiare yuhdu witinahca. Ā yuhduana to yare ne duhusi mari.

³⁸⁻³⁹ Jesucristo yaina mari jichu űano Cohamacu sehe marine tuaro cahīna. Ā jiro tiro marine ne cahī duhusi. Mari yariachu cūhare, mari catichu cūhare, mipure, baharopu cūhare, tiro marine cahī duhusi. Ā yoa anjoa, wafia pūhtoa, ahri yahpa macaina pūhtoa, muano macaina, ahri yahpa macaina cūhu marine Cohamacure “‘Mu yainare cahīi tja’”, nia bihosi tina. Cohamacu to bajuamehneri cjiiripure tirore marine ne cahī duhuchu yoa mariahna. Marine ne tiro cahī duhusi.

9

Israe masa Cohamacu to beserina jira

¹⁻² Yu coyea Israe masare wacucu tuaro cahyaja. Cristore cahmaerara tina. A jicu ñano cahya yajeripohna tija yuhu. Ti yu a ni yahua potocata jira. Yuhu Cristo yairo tjija. A jicu masare “Cahyaja”, yu nia sehe potocata jira. Masare a nica mahnoi nieraja. Espiritu Santo yu a mahnoerachu masino, yuhure “Quihono mu cahyarire yahure muhu” ni, yuhure masichu yoare.

³ Israe masa yu coyea yu ya yahpa macaina pichacapu wahaahca. Cohamacure tinare yuhdo duti duacu o sehe ni duamaca yuhu sehe: “Ti ya buhirire yuhu sehe pichacapu wahahtja. A jiro ti yaro jiboritore yuhu sehere buhiri dahrejaro Cristo”, ni duamaca yuhu.

⁴ Tina yu coyea Israe cjiro panamana ji turiaina jira. Tinare to pohna cjihtire cüha Cohamacu. Tuhsu, to si snea mehne ti watoi jia tiha. Tinare jipihntinare to noano wahachu yoaa cühure yahu cu mahtaa tiha. Tuhsu, Moise cjirore to dutiri cühure doiputa tinare Israe masareta cu mahtaa tiha. Tirore ti ño payohti macaa cühure tinareta cu mahtaa tiha. Tuhsu, masare to yuhdohto cühure yahu cüa tiha tinare Cohamacu.

⁵ Sä ya curuari waro doce curuari waro jira. Sä ñuchusuma ji mahtarina cjiripu ti panamana jia tiha. Ti panamana ji turianapu jija sä Israe masa. A jiro mari yoaro sehe pjacu tiriro taro, sä coyeiro Israe masano waro jire Cristo. Tiro Cohamacuta jira. A jiro tiro jipihntina bui puhtoro jira. Jipihntia dachoripe tirore noano ño payojihna mari. A ño payorucujihna.

⁶ Paina Israe cjiro panamana ji turiaina jipahta Cohamacu yaina waro jierara. A jina tina to yaina ti jierachu ñuna o sehe ni tuhutoboca musa: “Israe masare yu yaina jichu yoahntja”, niparota cainare Cohamacu to niriro seheta yoerara”, ni tuhutoboca musa. A ni tuhutuena tjiga.

⁷ O sehe jira: Paina Abrahamä panamana ji turiaina ti jipachuta “Abrahä panamana ji turiaina waro jira”, ni ñuerara Cohamacu tinare. A jiro o sehe nia tiha Cohamacu: “Mu macu Isaa panamana ji turiaina tina pinihta potocata mu panamana ji turiaina waro jahca”, ni yahu cüa tiha Cohamacu Abrahamä.

⁸ To a ni yahu cüchu ahrire masinahca mari: Abrahamä cjiro panamana jipihntina waro Cohamacu pohna jieraca. Cohamacu to ni cürire noano tuhoina tirore wacu tuaina sehe tinata jica Cohamacu pohna. A jia tinata jira Abrahamä cjiro panamana ji turiaina waro.

⁹ O sehe niha Cohamacu Abrahamä cjirore: “Pa cüha ahri pja baroihta yu tjua tachu mu namo Sara wihärirocäre cjuarohca mu macure”, nia tiha Cohamacu Abrahamä cjirore. A nino Cohamacu Abrahamä cjiro macano to masa bajuahtore yahu cüyro nia tiha.

¹⁰ Baharo Isaa cjiro namono Rebeca wama tiricoro puaro pohna tia tiha. Ti puaro Isaa sä ñuchu cjiro jia tiha.

¹¹⁻¹² A jia ti pohna ti masa bajuerasinipachuta, noare, ñaa cühure ti yoerasinipachuta Cohamacu ti pocoro cjihtore o sehe nia tiha: “To baharo sehe to wahminore dutirohca. A jiro to puhtoro jirohca”, nia tiha ticorore. Cohamacu to cahmano seheta besera tiro. A jiriro jiro cäirocäre besero ticorore äta ni yahua tiha. A jiro masa ti yoare ñueraparota to cahmano seheta tiro to yaina cjihtire besera.

¹³ Äta ni joaa tiha to yare ti joari pü: “Jacobo sehere cahia tih. Esau sehere cahiera tih”, niha Cohamacu”, ni joaa tiha panapu.

¹⁴ ¿Tire wacüna dohse ni tuhutobocari mari? ¿Ti yoahntire ñueraparota cäirore a besero Cohamacu quihono yoaro nierabocari, musa tuhutuchu? Jierara.

¹⁵ O sehe nia tiha Cohamacu Moise cjirore: “Diro yu pja ñu duaritore pja ñuhtja”, nia tiha tiro Moise cjirore. A jiro cäirore a besero quihono yoaro niha Cohamacu.

¹⁶ A jina mari mu suro mari cahmano sehe Cohamacure marine pja ñuchu yoeraja mari. Tuhsu, ne mari noare mari yoari wapa cühure marine pja ñuerara tiro. To mu suro to pja ñu duaina sehere pja ñuna.

¹⁷ Egipto macaina puhtoro faraõ cühure to cahmano seheta yoaa tiha tiro. O sehe nia tiha Cohamacu faraõre: “Egipto macaina puhtoro cjihtore cüi nii muhure yu tuare jipihntinare yu ñohto cjihtore. Tuhsu, jipihntia yahpari macaina yuhure ti masihto cjihtore puhtoro söi nii yuhu muhure”, nia tiha Cohamacu faraõre. To seheta nina Cohamacu yare ti joari pü.

¹⁸ A jiro to pja ñu duainare to mu suro pja ñuna tiro. Tuhsu, paina sehere to mu suro yuhtierachu yoara tiro. To cahmano seheta yoara tiro.

¹⁹ To a yoariro jichu ñuna yuhu sehere o sehe niboca musa: “Cohamacu marine to cahmano seheta to yoachu mari sehe tirore yuhdurucana bihosi. ¿Mari a yuhdurucana bihoerapachuta dohse jiro baro marine buhiri dahre duajari tiro?” ni susini sinituboca musa yuhure.

²⁰ Tire o sehe ni yuhtija musare: ¿Masa wiho jiina jipanahta Cohamacure tuhtijari musa? Dihä biato dahreritore “¿Dohseacu yuhure o sehe jiri biato yoari muhu?” ti biato

to ni sinituboriro seheta nina nica masa Cohamacure. Tó sehe ni masierara masa.

²¹ Dihi biato dahreriro dihi mehne to yoa duaro seheta yoara. Á yoaro cãria dihica mehne noaare cãhti biatore yoa masina tiro. Tia dihica mehneti wiho jiare cãhti biato cãhure yoa masina tiro. Tiro yoaro seheta Cohamacu cãhu to yoa duaro seheta yoara.

²² Á jiro Cohamacu pichacapu to cohãhtinare ti ñaa yoarire to ñu yabiare, to tuaa cãhure ñono taro, tinare dói buhiri dahre duamaha. Á dói buhiri dahre duaparota, yoari pja ti ñaa yoare á ñunocasinia. Á jiro tinare buhiri dahrerasiniha.

²³ Áta yoaha Cohamacu noabiariro to jiare, to tuaa cãhure mari masihto cjihtore. Panopu marine to pja ñaina cjihtire tiro beseri jire jipihtia to tuare to noaa cãhure mari cjuahito cjihto sehe.

²⁴ Á jina mari sehe to beserina jinata nija. Á jia to beserina sehe cãina judio masa dihta jierara. Cãina judio masa jieraina cãhu jira to beserina.

²⁵ Áta nina judio masa jierainare Cohamacu yare Osea cjiro to joariro seheta: “Pano yu yaina jieraina cjiri cãhure baharopu tinare ‘Yu yaina jira’, nihtja. Á yoa pano yu cahieraina cjiri cãhure baharopu tinare ‘Yu cahina jira masa’, nihtja”, nia tiha Cohamacu.

²⁶ “Yu yaina jierara masa”, Cohamacu to nia yahpari macaina tina Cohamacu catiuro pohnata jiahca”, ni joaa tiha Osea cjiro panopure.

²⁷ Tuhsu, panopu macariro Isaia cjiro cãhu Israe masare õ sehe ni yahua tiha: “Pjiri ma macaa padu yaparicãre mari quihõna bihoeraja. Israe masa ti yaparicã peri payu ti jiro sehe jiina ti jipachuta mahainacã Cohamacu yãhdorohca tinare.

²⁸ Cohamacu ahri yahpa macainare payu masare to nino seheta cjero mehne potocãta buhiri dahre bahraõnohca”, nia tiha Isaia cjiro.

²⁹ Á yoa pari turita Isaia cjiro õ sehe ni joaa tiha tjoa:

“Mari puhtoro jipihtina bui puhtoro mahainacã mari mehne macainare yãhdoeraro, marine judio masare jipihtinare butichu yoaboa tiro.

Sodoma macainare, Gomorra macaina cãhure to butichu yoariro seheta mari cãhure butichu yoaboa tiro”,

ni joaa tiha Isaia cjiro yu coyea Israe masare.

Judio masa noaa buheare cahmaeraha

³⁰ Á tjira. Á jina ahrire masi namoga masa: Judio masa jieraina Cohamacure

macaerapahta tirore bocare. Jesucristore ti wacũ tuachu ñuno, “Buhiri marieina, noaina jira”, ni ñure tinare Cohamacu.

³¹ Wiho mejeta judio masa sehe “Cohamacu dutiare mari yoachu tiro marine yãhdorohca”, nia Cohamacu Moise cjirore to dutiare yoapahta, bihoerare. Ti ã bihoerachu ñuno, Cohamacu “Noaina jira”, ni ñuerare tinare. Á jia noaina ji duapahta bihoerare.

³² Ó sehe yoaa, tina bihoerare: Tina Cohamacure wacũ tuaro marieno ti mu saro Moise cjirore to dutirire yoa duamare, to yaina ji duaa. Mari piti dahre buhechu Cristo tãca yoaro sehe jiriro jira. Ti mu saro yoinare Cristo puha tu borachu yoari tãca yoaro sehe jiriro jira. Muroca wahcãriro sehe tãcapu puha tu, bora su caharo to wacũ wahcãnopure ne suerara. (Puha tu borariro yoaro seheta tina Cristore tãca yoaro sehe jirirore cahmaeraina Cohamacu cahapu ne susi.)

³³ Áta ni joaa tiha Cohamacu yare ti joari pũ:

“Jerusalẽ wama tiri macai puha tu borachu yoari tãca yoaro sehe jirirore cãja.

Mari piti dahre buhechu õ sehe jira: Muroca wahcãriro tãcapu doca wahã su bora su caharo to wacũ wahcãnore suerara.

Tãca yoaro sehe jirirore cahmaeraina sehe tiare puha tu bora, ti wacũ wahcãnopure ti sueraro seheta Cohamacu cahapu susi.

Wiho mejeta tirore wacũ tuaina sehe tiro mehne ã wahcherucuahca”, ni joaa tiha.

10

¹ Yu coyea, Israe masare pichacapu wãhborinare Cohamacu to yãhdohtore, tuaro yu yajeripohna mehne cahmasãamaja yuhu. Á jicu Cohamacu tinare to yãhdohto cjihtore sini payoja yuhu.

² Potocãta tina Cohamacu cahmaare tuaro yoa duamana. Á yoa duapahta to cahmaa warore masierara.

³ Tuhsu, tinare Cohamacu to noaina wahchu yoaborire tina tuho ñahaerare. Á tuho ñahaeraa, ti mu saro noaare yoa duapahta bihoerare. Ti ã yoachu tinare Cohamacu to wacũ tua dutiuro seheta ti yoerachu ñuno, tiro sehe tinare “Noaina jira”, ni ñuerare.

⁴ Wiho mejeta Cristore wacũ tuaina sehere “Noaina jira”, ni ñuna Cohamacu. Á jina dutia yoaa mehne yãhdueraja mari. Cristo mehne yãhduja.

⁵ Moise cjiro panopu macariro õ sehe ni joaa tiha: “Cohamacu to dutirire ne cãno dũsaro marieno mari yoa pahõochu Cohamacu yãhdorohca marine”, ni joaa tiha tiro.

6-7 To ã ni joapachuta mipure masa Cristore ti wacũ tuachũ ñũno Cohamacũ tinare “Noaina jira”, ni ñũna. Tí buhea noaina ti wahachũ yoari buhea õ shehe ni yahura: Cristo to basi ahri yahrapũ wihi tuhsari jire. Tuhsũ, masa mũa tuhsari jire. Æ jina õ shehe ni tuhotuena tjiga mũa: “¿Diro shehe mũanopũ Cristore na tabasaro wahabocari marine to yũdohito shehe? ¿Diro shehe yari-aina cahapũ Cristore masobasa na tabocari? Tirore na taboriro mariahna”, ni tuhotuena tjiga mũa.

8 Õ shehe ni yahura Cohamacũ yare ti joari pũ: “Cohamacũ ya buheare mari macachũ to buhea õi jira. To buheare masi tuhsara mũa. Æ yoa to buheareta durucua tire mũa”, ni joaa tiha. Tí buheare Cristore wacũ tuaa buheare masare yahuja sã.

9 Tí buhea õ shehe ni yahura: “Jesu mari puhtoro jira”, ni mari yahuchũ, “Cohamacũ Jesure yariariro cjirore potocãta masore”, ni mari wacũ tuachũ, Cohamacũ marine pichacapũ wahaborinare yũdhorohca.

10 Jesure mari wacũ tuachũ Cohamacũ shehe marine “Noaina jira”, ni ñũnohca. Jesure mari wacũ tuare painare mari yahuchũ tiro marine pichacapũ wahaborinare yũdhorohca.

11 Õ shehe nina Cohamacũ yare ti joari pũ: “Cohamacure wacũ tuaina tirore ti wacũ tuaa mehne ne cahyasi”, niha Cohamacũ yare ti joari pũ.

12 Judio masare, judio masa jieraina cãhũre Cohamacũ cãno potorita yoadohora. Mari puhtoro jipihtina bui puhtoro jira tiro. Æ jiro tirore to yoadohoare siniinare jipihtinare noano waro yoadohorohca tiro tinare.

13 Õ shehe ni joaa tiha panopũre: “Yũ buhiri tiare cohãbasa, yũhũre yũdoga’, ni mari puhtoro masa ti sinichũ tinare pichacapũ wahaborinare mari puhtoro yũdhorohca”, ni joaa tiha Cohamacũ yare.

14 Wiho mejeta masa shehe Cristore wacũ tuaeraa, tirore ã ni sini masierara tina. Tuhsũ, to buhea cãhũre tuhoeraa, tirore wacũ tua masierara. Æ yoa to buheare yahuriro mariachũ cãhũre tũre tina masisi.

15 Tuhsũ, to buheare yahuhtinare Cohamacũ shehe to warocacachũ to buheare yahu masierara. Æ ni joaa tiha Cohamacũ yare ti joari pũ: “Noa buheare yahuhtina ti tachũ noano wahcheja mari”, ni joaa tiha panopũre.

16 Tí ã ni joari jipachuta masa payũ noaa buheare tuho duaerara. Æta ni joaa tiha Isaia cjiro: “Yũ puhtoro, tinare mari yahurire tina ne tuho duaerare”, ni yahua tiha Isaia cjiro Cohamacure.

17 Æ jia masa noaa buheare tuhoa Cristore wacũ tuare. Ti tuhoa shehe noaa buhea shehe

Cristo ya buhea waro jira.

18 Æ jicu ahrire õ shehe ni sinitu ñũ duaja musare: ¿Israe masa Cohamacũ yare tuhoerari, mũa tuhotuchũ? Potocãta tina tuhoa waro tuhomare. Æta nina Cohamacũ yare ti joari pũ cãhũ:

“Cohamacũ noa putiariro to jia tiare yahuina jipihtiropũ yahu sitea wahare.

Æ jia jipihtiropũ macainapũ to yare tuho sah-seare”,

ni joaa tiha panopũre.

19 Pari turi mũase õ shehe ni sinitu ñũ duaja tjoa: ¿Israe masa tuhopahta noano masierari tina, mũa tuhotuchũ? Masia timaha tina. Ahrire yahu namocũ Moise cjiro to nirire yahu muhtaitja. Õ shehe ni joaa tiha tiro:

“Õ shehe ni yahura Cohamacũ Israe masare: ‘Tuho masieraina, ñaina jira’, ni mũa ñũina sehere yũ yaina cjihti wahachũ yoaihtja.

Yũ ã yoachũ mũa shehe tina mehne sua, tinare ñũ tuhtinahca.

Æ yoacũ masare suachũ yoaihtja yũhũ’, ni yahure Cohamacũ Israe masare Israe masa jierainare to yaina jichũ yoaro taro”,

ni joaa tiha Moise cjiro.

20 Tuhsũ, Isaia cjiro cãhũ cuiro marieno õ shehe nia tiha:

“Õ shehe nina Cohamacũ: Yũhũre macaeraina shehe yũhũre bocahre.

Æ jicu yũhũre cahmaerainare tinare yũhũre masichũ yoahi yũhũ’, nire Cohamacũ”,

ni joaa tiha Isaia cjiro judio masa jierainare.

21 Tuhsũ, Israe masa sehere õ shehe ni joaa tiha Isaia cjiro: “Õ shehe nina Cohamacũ: ‘Tina yũhũre yũdũrucaina, yũhũre cahmaeraina jira. Æ jicu tinare ti ñaare cahya duticũ “Yũ yaina wahaga”, ã nirucumai tinare. Wiho mejeta tina shehe yũhũre ne yũhti duaerare’, nire Cohamacũ”, ni joaa tiha Isaia cjiro.

11

Mahainacã Israe masare pichacapũ wahaborinare yũdhorohca Cohamacũ

1 ¿Æ jiro Israe masare Cohamacũ to beseina cjirore cohãno niri tiro, mũa tuhotuchũ? Jierara. Tinare cohãerare tiro. Yũhũ cãhũ Israe masũno, Abrahã panamino ji turiarirorpũ jija. Benjami ya curua macariro jija yũhũ.

2 Panopũre Israe masare to ya curua macaina cjihtire Cohamacũ besea tiha. To ã beserinare cohãerare. Cohamacũ yare ti joari pũ Elia cjiro ya quitire yahura. ¿Elia cjiro Cohamacure sinino, Israe masare to

yahusārire masierajari mūsa? Ō sehe ni yahusāha tiro:

³ “Yū puhtoro Cohamacu, tina Israe masa mū yare yahu muhtainare wajāre. Tuhsu, tinata paina mūhare űo payoa taa, wahūquinare wajā jū muoa tuhuri cūhare cohāre. Ā jicu yūhu dihta mū yairo dūhsaja mipure. Yū ā jichu tuhoa yūhu cūhare wajā duara tjoa, mipure”, niha Elia cjiro Cohamacure.

⁴ To ā nichu tuhoro Cohamacu sehe ō sehe ni yahtiha Elia cjirore: “Siete mil waro mūa yū yaina jira mipure. Tinare wihboi yūhu. Tina yū yaina sehe Baal wama tiri masure ne űo payoera tire tina. Ā jicu cuii tjiga mūhu”, nia tiha Cohamacu Elia cjirore panopure.

⁵ Tī pjare Elia cjiro to jia tiri pjarure to yaina masare to beseriro seheta mipū cūhare mahainacā Israe masare to yaina cjihtire besere Cohamacu. Cohamacu tinare cahmano tinare pja űno besere.

⁶ Noaare ti yoari wapa tinare besero nierare. Tinare ā cahmano, pja űno besere. “Noaare mūsa yoari wapa mū sare besēhtja” nino, tiro tinare potocāta pja űno nieraboa.

⁷ Ā yoa ō sehe jira: Israe masa Cohamacu tinare “Noaina jira”, to ni űuchū yoa duapahta tina cāno pjaerare. Wiho mejeta Cohamacu to basi to beserina sehe noaina to yaina wahare. Tirore cāno pjaeraina sehe to yare tuho duerare.

⁸ Āta nia tiha Cohamacu yare ti joari pūi: “Cohamacu tirore cahmaerainare to yare tuho űahaerachū yoare.

Ā jiro potocā jiare ti tuhōpachūta tinare ne noano tuho űahaerachū yoare Cohamacu.

Āta jirucura tina mipū cūhare”, ni joaa tiha panopure.

⁹ Ā yoa panopū macariro Davi cjiro Israe masa Cohamacure ti cahmaerari buhiri ō sehe nia tiha Cohamacure:

“Tina Israe masa ti bōse nūmari, ti wahchea nūmari ti yūhdoro wato, yurica űahűoriro to űano yūhdoro seheta tina cūhare űano yūhdūchū yoaga.

Tō sehe yoainare tinare űano buhiri dahrega mūhu.

¹⁰ Tuhsu, mū yahuare tinare ne tuho űahaerachū yoaga mūhu.

Ā buhiri tirucūina jī, ā cahyarucūina jijaro tina”,

nia tiha Davi cjiro Cohamacure.

*Judio masa jierainare pichacapū waha-
borinare yūhdorohca Cohamacu*

¹¹ Judio masa Cristore ti cahmaerachū űno, Cohamacu tinare cohāno warota nibocari, mūsa tuhōtuchū? Cohāsi tinare.

Ā cohāeraparota tina Cristore ti cahmaerachū mipure judio masa jieraina sehere Cohamacu yūhdorohca. Mipure tinare to yaina jichū yoare Cohamacu. To ā yoachū űna cāina judio masa sehe tina mehne sua sayo, Cohamacu yainata jī duaahca.

¹² Judio masa ti yūhdūracachū ti noano yoerachū paina sehere ahri yahpa macainare cāinare Cohamacu yūhdore. To ā yūhdochū tina sehere noano wahare. To ā yoariro yūhdoro, baharo judio masa sehe Cristore ti noano wacū tua dūcachū pinihtare ahri yahpa macainare jipihtiropure noaputiaro waharohca.

¹³ Mipure mū sare judio masa jierainare yahui tai nija. Cristo cūre yūhare judio masa jierainare buhehtiro cjihtore. Ā jia yū dahraa sehe wiho jia jierara.

¹⁴ To cūriro seheta yūhu mū sare buheja, yū coyēa judio masa sehere mū sare ti űn cūchū yoa duacu. Cohamacu yūhdorina mūsa jichū űna tina cūhu Cristore cahmaa, to yūhdoina wahaboca.

¹⁵ Judio masare cohābo curero, judio masa jieraina sehere noaa buheare Cohamacu yahu dutire. Tī buheare ti tuhori baharo Jesure ti wacū tuari baharo cāina judio masa jieraina, jipihtiro ahri dacho macaina Cohamacu yaina wahare. Ā jiro judio masare to cohābo curechū noano wahare paye yahpāri macaina sehere. To ā yoariro yūhdoro judio masa to cohābo cureina cjiirire pari turi to yaina cjihti to yoachū pinihtare jipihtinapure ahri yahpa macainare noaputiaro waharohca. To yaina cjihti pari turi ti wahachū, jipihtinapū to yaina yariaina cjiiri sehe pari turi ti masaboro seheta jirohca.

¹⁶ Ō sehe jira: Trigo yūbu mehne wahma pāoca ti yoaria Cohamacu yaria cjihto Cohamacure ti wachū, tiare ti yoa dūhari yūbu cūhu to yariata jira. Tuhsu, yucūcū nūhcori cūhu Cohamacu ya nūhcori cjihti jia, tū dūpūri cūhu Cohamacu yata jira. Ō sehe mari ni piti dahre buhechū Abrahā sā űuchū cjiro Cohamacu yairo to jiriro seheta to panamana jī turianapū cūhu Cohamacu yaina jiahca Cristore wacū tuaina jia. Yoa dūhari yūbu cūhu to yariata jica. Tuhsu yucūcū nūhcori cūhu Cohamacu ya nūhcori cjihti jia, tū dūpūri cūhu Cohamacu yata jica. Ō sehe mari ni piti dahre buhechū, Abrahā sā űuchū cjiro Cohamacu yairo to jiriro seheta to panamana jī turianapū cūhu Cohamacu yaina jira, Cristore wacū tuaina jia.

¹⁷ Tī ā jihitina jipachūta cāinare ti coyēa sehere judio masare Cohamacu cohāre. Olivo wama tidū dūpūrire cāa dūpūrire to dūte cohāboro seheta cāina judio masa sehere Cohamacu cohāre. Ā yucūcū dūpūrire cohāno

to cohãri dápuri jiriro cjiroi paye dápuri núcũ macadũ olivocũ dápuri cohtota duhu õhre. Tó yoaro seheta Cohamacũ musare judio masa jierainare Abrahã panamana ji turiaina cohtotare musare, musa cãhare yuhdoro taro.

¹⁸ Musare to ã cũchũ “Judio masa yuhdoro noaina jija sã”, ni tuhoutuena tjiga. Ahrire yũ yahuiltire wacũga musa: Judio masa sehere bese muhtaha Cohamacũ. ã besero ti coyeiro cjihtore cũha Cristore, musare yuhdoro taro. ã jina “Judio masa yuhdoro noaina jija”, ni tuhoutuena tjiga musa.

¹⁹ Musa judio masa jieraina sehe õ sehe niboca: “Cãa ñaa dápuri to cohãboro seheta Cohamacũ cãina judio masare cohãre. Paye dápuri cohtota to õno seheta to yaina marine cũno taro ã cohãre tinare”, niboca musa judio masare yuhdurũca duana.

²⁰ Tí musa nia potocãta jira. To ã jipachũta tina Jesure ti wacũ tuaerachi buhiri Cohamacũ cohãre tinare. ã jiro musa cãhare Jesure musa wacũ tuaerachũ to yaina cjihti musare cũeraboa. ã jina “Judio masa yuhdoro noaina jija sã”, niena tjiga musa. ã nieranata “Cohamacũ cua pisariro jira”, ni tuhoutuga musa.

²¹ Olivocũ ji muhtaa dápuri waro yoaro sehe judio masa sehe Cohamacũ yaina ji muhtaha. To cohtotaa dápuri to õboro seheta Cohamacũ to yaina musa sehere cohtota cũha. Wiho mejeta to yaina ji muhtaina judio masa tirore ti wacũ tuaerachũ, cãinare cohãre. Tinare to cohãri seheta musa cãhare cohãnohca, tirore musa wacũ tuaerachũ.

²² Cohamacũ musare noano yoariro to jichũ masiga musa. Tuhsũ, cua pisaro mehne buhiri dahreriro to jichũ cãhare masiga musa. Tirore ño payoerainare tiro buhiri dahrerohca. ã jiro tirore musa ño payoerachũ olivocũ dápuri warore to cohãri cjiro seheta musa cãhare cohãnohca Cohamacũ.

²³ ã yoa judio masa to cohãbo curerina cjiro Cristore ti wacũ tua dũcachũ ñũno, olivocũ dápuri warore pari turi to duhu õno seheta Cohamacũ to yaina cjihti yoarohca tinare. Cohamacũ to ã yoa masihti cjihtireta tuaare cjuara tiro. ã jiro tiro tinare cãinare to yaina cjihti yoarohca.

²⁴ Musa judio masa jieraina jina, núcũ macadũ olivocũ dápuri yoaro sehe jira musa. ã jina musa jipachũ olivocũ toadũ núcũ macaa dápuri fo na ta õboro seheta, Cohamacũ musare to yaina cjihti yoahre. To ã yoachũ, ne mijoerare tirore. Judio masa Cohamacũ to bese muhtarina jira. Olivocũ toadũ dápuri waro yoaro sehe jira tina. ã jiro ti jidũ waro cjiropũre pari turi to duhu

õboro seheta to yaina cjihti pari turi judio masare to yoachũ, ne mijoerara tirore.

Baharo judio masare pichacapũ wahaborinare yuhdorohca Cohamacũ

²⁵ Yũ coyea, ahrire masa ti masieraare musare yahuiltja. “Mipũre sã dihtare besere Cohamacũ. Cohamacũ sã masi yuhdurũca sachũ ñũno, tiro sãre besere”, musa ni tuhoutuerahito sehe ahrire yahuiltja musare. Õ sehe jira: Mipũre payũ judio masa Cohamacũre tuho duasi. Wiho mejeta payũ judio masa jierainare Cohamacũ to quihõriro puro to yaina to yoari baharo judio masa cãhũ tirore cahma dũcaahca.

²⁶ Tí ã cahmachũ judio masa payũ warore pichacapũ wahaborinare Cohamacũ yuhdorohca. Cohamacũ yare ti joari pũ ãta ni yahu joaa tiha:

“Jerusalẽ wama tiri macai judio masa ya macai tinare yuhdohtiro tarohca.

Jacobo panamana ji turiainare ti ñaa yoari buhirire tiro cohãnohca.

²⁷ Tinare yuhdocũ panopũ tinare yũ ni cũriro seheta yoai nija’, nire Cohamacũ”, ni joaa tiha Cohamacũ yare ti joari pũ.

²⁸ Mipũre tina judio masa Cristo yare ño payoeraina Cohamacũre ñũ tuhtira. Tí ã yoachũ mipũre musa sehe judio masa jieraina Cristore wacũ tua dũcare. Judio masa sehere Cohamacũ bese muhtari jire. Judio masa ñuchũsuma cjiro to beserina ti jichũ mipũ jina judio masa cãhare tiro cahĩna.

²⁹ Cohamacũ to ni cũriro seheta tinare to beseriro seheta quihõno yoarohca tiro. To nirire ne bosĩ tiro.

³⁰ Panopũre musa cãhũ Cohamacũre yuhdurũcarĩ jire. Mipũre judio masa Cohamacũre ti yuhdurũcachũ ñũno tiro musa sehere pja ñũno yuhdore.

³¹ Mipũre judio masa tirore yuhdurũcare. Tí ã yoapachũta Cohamacũ musare to pja ñũriro seheta tina cãhare baharopũre pja ñũnohca.

³² Õ sehe jira: Jipihtina masare “Yũhũre yuhdurũcaina jira”, nina Cohamacũ. ã jiro jipihtina tirore yuhdurũcaina ti jichũ ñũno jipihtinare pja ñũ masina tiro.

³³ Cohamacũ tua yuhdurũca sũriro jira. Noano masi pahõriro jira tiro. ã jiro to tuhoutuare, to yoarire marine noano masihto basioerara.

³⁴ Õ sehe ni joaa tiha Cohamacũ yare: “Cohamacũ mari puhtoro to tuhoutuare ne masa noano masierara. ã jia masa tirore ‘Õ sehe yoaga’, ni masierara.

³⁵ ã jia masa Cohamacũre paye barore ti wari baharo ‘Tiro marine wapamona’, ni masierara masa”, ni joaa tiha panopũre.

³⁶ Cohamacũ jipihtiare yoaa tiha. Tuhsũ, to tuaa mehne jipihtiare jisnichũ yoara

tiro. Ā jia jipihtia to ya jira. To ā jiriro jichu jipihtia dachoripe tirove ño payojihna mari. Āta yoarucujihna.

12

Cohamacu cahmaare marine yoarucu dutiha Paulo

¹ Cohamacu marine tuaro pja ñare. To ā pja ñuriro to jichu ñuna, yu coyea, musa sehe oveja noarirore ti jū wa muoriro seheta Cohamacure ti ño payoriro seheta musa cāhu tirove ño payorucuga, to yare musa noano yoarucuhtio sehe. Musa ā yoachū, tiro wahcherohca. Āta yoaro cahmana marine, Cohamacure quihōno ño payona tana. Ā jicu musare tīre tuaro yoa dutija.

² Ahri yahpa macaina ñaare yoaina yoaro sehe yoena tjiga musa. Ā yoa musa tuhutuapure Cohamacu noaa tuhutua sehere to cohtota, cūchu, yuhtiga musa. Ā yuhtina, noaa sehere tuho cohtotarina jinahca musa. Ā yoana noaare, Cohamacu cahmaare, ñaa mariare, potocā jiare masinahca musa.

³ Cohamacu yuhure to yare yoa masichu yoariro buhe dutiro beseri jire yuhure. Ā jicu jipihtina musare ō sehe ni tuhutu dutieraja yuhū. “Noabiaina ji yuhduracaja sā”, ni tuhutuena tjiga. Ā tuhutonocahga. Jesure musa wacū tuari baharo, Cohamacu musa cāinare noaare yoa masihtire to cūchu, “To yoadohoro mehne ahri noaare yoaja”, ni tuhutuina jiga musa.

⁴ Ō sehe ni yahu namoihtja yuhū musare. Mari wamomacari, mari dahpori, mari capari jipihtiro mari pjacu jia payu jira. Mari pjacu jia cū pjacu jiparota soro jia dahraa cjuaga.

⁵ Tī jiro seheta soro sehe jia dahraare cūna Cohamacu marine. Ā jina payu masa jipanahta Cristore wacū tuaina jina, to pjacu cū pjacu yoaro seheta cū curuata jija mari.

⁶ Cohamacu marine to yoadohoro purota to tuaa mehne yoa dutira. Ā yoaro marine cāinare soro jia mari yoahire cūna tiro. To ā yoachū marine to cūrire mari sehe noano yoajihna. Ā jia Jesu yaina ō sehe yoajaro. Cāinare Cohamacu to yare yahuhtinare cūna. Ā jia tina Cristore ti wacū tuaro puro to yare noano yahujaro.

⁷ Cāinare Cohamacu musare yoadohotinare cūna. Ā jia tina musare noano mehne yoadohojaro. Cāinare Cohamacu musare buhehtinare cūna. Ā jia tina musare noano buhejaro.

⁸ Ā yoa paina cūhu musare suho wahchechu yoahina jia, musare noano suho wahchechu yoajaro. Tuhsu, paye barore wahtina jia, ti wahtire noano

mehne yajeripohna ti, wajaro. Ā yoa paina cūhu musare suho ji muhtahtina jia, noano mehne suho jijaro. Ā yoa pjacuoinare yoadohotina jia, wahchea mehne yoadohojaro.

Jesu yaina jina ō sehe yoaina jiga

⁹ “Sā basi cahma cahija”, ni mahñono marieno musa basi cahma cahiga. Ā yoana ñaare ñu yabiina jiga musa. Tuhsu, noaa sehere ā cahmarucuga.

¹⁰ Tuhsu musa bahana warore musa cahino seheta Jesu yainare musa mehne macainare cahiga. Ā yoana musa basi noano cahma ño payoga musa.

¹¹ Cohamacu cahmaare yoana, ne caparo marieno yoaga. Ā yoana mari puhtoro to dutiro seheta noano wahchea mehne yoaga.

¹² Cohamacu musare pichacapu waha-borinare to yuhdorinapu jira musa. Ā jiro musa wahahto noaputiario jira. Tīre masina wahchega musa. Ā yoa ñano yuhduna, cāno pjaga “Cristo yare duhuri”, nina. Tuhsu, Cohamacure ā sinirucuga.

¹³ Paye baro Jesu yainare dahsachu waga tinare. Ā yoa musa ya wahusepu cūhure masa ti suchu noano yajeripohna tiro mehne tinare piti bocaga.

¹⁴ Musare ñano yoainare “Noano wahajaro tinare”, ni sini payoga. Tinare ā sini payona, “Tina ñano yuhduwahnojaro”, niena tjiga.

¹⁵ Ā yoa paina wahcheina mehne jina, musa cūhu tina mehne wahchega. Tuhsu paina ñano cahyaro mehne tiina mehne jina, musa cūhu cahya, tiidohoga tinare.

¹⁶ Musa mehne macaina mehne noano jiga musa. Ā jina “Paina yuhdoro noaina jija”, ni tuhutuena tjiga. Ō sehe ni tuhutuga: “Wiho jina jija”, ni tuhutuga. Ā jina “Masi yuhduracaina jija sā”, ni tuhutuena tjiga.

¹⁷ Paina musare ti ñano yoapachuta, tinare ñano yoa cahmaena tjiga. Noaa sehere yoaga, noaina musa jia tiare jipihtina masa ti masihtī cjihtire.

¹⁸ Musa bihoro puro jipihtina mehne noano jinocahga musa.

¹⁹ Musa yu cahina, yu coyea paina musare ti ñano yoapachuta tina yoaro sehe ñano yoa cahmaena tjiga. Cohamacu sehe musare ti ñano yoari buhiri buhiri dahrejaro tinare. Cohamacu yare ti joari pūi āta ni joaa tīha: “Yuhū sehe musare ti ñano yoari buhiri buhiri dahreriro jija. Ā jicu potocāta buhiri dahrehtja”, nina mari puhtoro”, ni joaa tīha panopure.

²⁰ Ā jina ō sehe yoaga musa: Musare ñu tuhtiro to jūca baachu ñuna nuga tirove. To ñahma yapiochu cūhure ñana

tirore sihōga. M̄sa ā yoach̄u ñano musare to ñano yoari buhiri b̄yo tirohca.

²¹ Ā jina paina musare ti ñano yoapach̄uta m̄sa sehe tinare ñano yoa cahmaena tjiga. Tinare noaa sehere yoaga m̄sa. Ā yoana ñaa sehere cahmaerana nica m̄sa.

13

¹ Jipih̄tina m̄sa bui p̄htoa cjihtire Cohamac̄u dihta bese c̄na. Ne c̄uro p̄htoro Cohamac̄u to bese c̄ureriario mariahna. To ā c̄urina ti jich̄u ñana jipih̄tina m̄sa tinare noano yuhtiga.

² Mari p̄htoare noano yuhtierana Cohamac̄u to bese c̄urinare yuht̄urucana nija mari. Ā yuht̄urucainare Cohamac̄u sehe buhiri dahrerohca.

³ Noainare cuich̄u yoah̄tina jierara p̄htoa. Ñaare yoaina sehere cuich̄u yoah̄tina jira tina. Noaare yoaga m̄sa p̄htoare m̄sa cuierahto cjihto sehe. Ā yoana cuiſi m̄sa. Noaare m̄sa yoach̄u p̄htoro sehe “Noaare yoare m̄sa”, musare ni ñanohca.

⁴ M̄sa p̄htoa Cohamac̄u to c̄no seheta musare yoadoh̄tinata jira m̄sa noano jinocahto cjihto sehe. Wiho mejeta m̄sa ñaare yoana pini tinare cuiga. Tina musare buhiri dahrehtina cjihtita jira. Jipih̄tina ñaare yoainare buhiri dahre dutiro Cohamac̄u tinare besere.

⁵ Ti ā buhiri dahrehtina ti jich̄u ñaare yoana m̄sa p̄htoare cuiga. Ā jina ño payoa mehne “Noaare yoaro cahmana yuh̄re”, ni tuhturo mehne noano yuhtijihna.

⁶ M̄sa p̄htoa ti dahrahti cjihtire Cohamac̄u c̄ure. Ā jina ti dahraare ti yoach̄u ñana m̄sa p̄htoare wapa nabasainare wapa m̄sa.

⁷ Jipih̄tinare m̄sa p̄htoare noano yuhtiga. Tuhs̄u, p̄htoare wapa nabasaina c̄uh̄re wapaga m̄sa. Ā yoa p̄htoa sehe payere ti wapa dutich̄u c̄uh̄re wapaga. Ā jina jipih̄tina p̄htoare yoano ño payoga.

⁸ Tuhs̄u, paina masare wapamoena tjiga. Tinare cah̄no cahmana. To cahai j̄inare cah̄riro Cohamac̄u dutiare yoa pah̄no tuhs̄riro jira. Ā jina m̄sa cahai j̄ina c̄uh̄re cah̄ga.

⁹ Ō sehe nina Cohamac̄u dutia: “Pairo namonore w̄ana tienā tjiga. Numia c̄uh̄u p̄coro man̄nore w̄ana tienā tjiga. Masare waj̄aena tjiga. Yacaena tjiga. Paina yare goa p̄jaena tjiga”, ni yahura to dutia. Paye dutia c̄uh̄u jira. Ti ā jipach̄uta c̄ano dutiare musare yahui tai nija. Tí dutia c̄ano dutia to jipach̄uta tí dutiare yoana Cohamac̄u dutiare yoa pah̄ona nija mari. Tí dutia ō sehe nina: “M̄u basí m̄u cah̄no seheta m̄u cahai j̄ina c̄uh̄re cah̄ga”, nina. Tí dutiare yoana Cohamac̄u dutiare yoa pah̄oina jina nina.

¹⁰ M̄sa cahai j̄inare cah̄na, tinare ñano yoasi. Ā jina tinare cah̄na, Cohamac̄u dutiare yoa pah̄oinata jira m̄sa.

¹¹ Ā jina car̄ina yoaro sehe jiena tjiga m̄sa. Noano wac̄u masiga. Jesure noano wac̄u cohtaga. Jesu marine to t̄ua ta naah̄to mahanoc̄ā d̄hsat̄j̄ana. Tirore mari coā wac̄u tua d̄ucach̄u Jesu marine to yuhtoro tahto mahanoc̄ā d̄hsamare. Mip̄u pinihtare cahac̄ā waro jira to tahto. Ahri yu nire masina m̄sa.

¹² Mip̄ure ñaina ya dacho jira. To tahto mahanoc̄ā d̄hsara. T̄ire masina, buhiri tich̄u yoare, nahitiano yoaro sehe jiare duhu pah̄ñojihna mari. Ā jina Cohamac̄u cahmaa sehere yoajihna mari. Ā Cohamac̄u yare yoana, ñaare duhu pah̄ñonahca mari. Ahri dachore payu ñaa baro jich̄u, ñami yoaro sehe jira. Wiho mejeta Cristo to tach̄u, ñami yoaro sehe jiro pihtia waha, pa dacho, buhria muja taro yoaro sehe waharohca. Surara coma suhtiro to sāa d̄cataro seheta Cohamac̄u ñaare to d̄cataare noano c̄ua pah̄ñojihna mari. Ā t̄ire c̄uana ñaare duhu, Cohamac̄u cahmaa sehere mari yoajihna.

¹³ Ā jina Jesu to tahtore wac̄u cohtaina jina, noaa sehere yoajihna. Bose numarine yoana ñano yoana tjijihna. Tuhs̄u, cahaina tjijihna. Ā jina numia mehne ñano yoana, paina mehne ñano yoana, cahma sayoina jiena tjijihna. M̄sa numia c̄uh̄u m̄a mehne ñano yoana tjiga.

¹⁴ Wiho mejeta Jesucristore p̄htoro tina, tirore yuhtiga m̄sa. Ā yuhtina to jiro seheta jiga m̄sa. Ā jina ñaare m̄sa goa p̄jaa sehere yoana tjiga.

14

M̄sa coyare Jesu yainare “Ñano yoaa nina”, ni yahuwajaeana tjiga

¹ Jesure wac̄u tuarirore to noano wac̄u tuaro d̄hsasinich̄u ñana tirore j̄i coaro mehne cahmana. To ā j̄iriro jich̄u ñana “Ne masierara m̄uh̄u” ni, tiro mehne cahmasay-oena tjiga.

² “Jipih̄tiare ch̄u masija yuh̄u”, ni tuhtura paina. Paina sehe Jesu yare noano masierasina wahiquinare ch̄eraina, toaa dicta dihtare ch̄ura.

³ Jipih̄tiare ch̄uina sehe toaa dicta dihtare ch̄uina ñu tuhtiea tjijaro. Ā yoa toaa dicta dihtare ch̄uina c̄uh̄u jipih̄tiare ch̄uina “Ñano yoaa nina”, ni cahma yahuwajaea tjijaro. Jipih̄tiare ch̄uina sehe Jesure wac̄u tuaina ti jich̄u Cohamac̄u tinare to yaina yoa tuhsure. To yaina ti jich̄u ñana wahiquinare ch̄eraina sehe tinare yahuwajaea tjijaro.

⁴ Jesure wac̄u tuaina Cohamac̄ure dahra cohtaina dihta jira. Ti ā jich̄u ñana m̄sa tinare yahuwaja masierara. Jesure wac̄u

tuaina to cahmano sehe ti quihõno yoerachũ ñano tiro dihta ti puhtoro jiro, tĩre yahu poto masina. To cahmaare quihõno ti yoachũ cãhũre tĩre yahu masina tiro. Ā jiro tiro sehe to yainare “Ñano yoare mũhu”, ni yahuhtiro jirohca. Ā jiro tireore dahra cohtainare noaa dihtare yoarucu masichũ yoariro jira Cohamacũ.

⁵ Cãina cãa dachori cua pisaro mehne Cohamacũre ti ño payohti dachori cjihtire cjuara. Paina sehe, “Dohse jiri dachore Cohamacũre ño payochũ, noana”, ni tuhotu, ño payoina jira. Tina cãno potori ā yoeraina jipahta jipihtina õ sehe ni tuhotujaro: “Jesu to cahmano seheta noano yoana nija”, ni tuhotu masijaro.

⁶ Cãiro cãa dachori cua pisaro mehne Cohamacũre ti ño payoa dachorihĩ Cohamacũre ño payoro, tiro cãhũ quihõno ño payoro nina. Tuhsũ jipihtiare chũrĩro chũrota, Cohamacũre “Noana”, ni wahche payora tiro. Ā jiro tiro cãhũ Cohamacũre ño payorota nina. Ā yoa paio sehe cãa chũare chũerara, Cohamacũre ño payoro. Tiro cãhũ Cohamacũre “Noana”, ni wahche payora.

⁷ Tuhsũ, mari cahmaa dihtare yoaina ne jĩ masieraja mari. Cristo jira mari puhtoro. Ā jiro mari catichũ mari yariachũ cãhũre mari puhtorota jira.

⁸ Mĩpũre mari catisinino puro Cristo yare yoahina jija mari. To yaina jija. Mari yariari baharopũ cãhũre to yainata jinahca. Ā jiro mari catichũ mari yariachũ cãhũre Cristo mari puhtoro jira.

⁹ Āta jira. Cristo yaria masa mũjaha catinare, ā jichũ yariaina cãhũre ti puhtoro jiro taro.

¹⁰ ¿Dohseana tana mũa coyeyore Jesu yaireore “Ñano yoaro nina”, ni yahuwaja duajari mũa? ¿Dohseana tana mũa coyeyore tũ diho cũ duajari mũa? Mari jipihtina Cristo panoi mari ducuchũ tiro sehe mari yaireore masi pahõonoriro jiro, marine beserohca noinare, ñainare. To ā besehtiro to jichũ mũa coyeyore “Ñariro jira”, ni yahuwajaena tjiga.

¹¹ Cohamacũ yare ti joari pũĩ õ sehe ni joaa tiha:

“Õ sehe nire mari puhtoro: ‘Yũhũ catiriro jija.

Ā jicũ õ sehe ni quihõno warota yahuja musare.

Jipihtina yũ panoi na tuhcuca caha saahca.

Ā na tuhcuca caha sũ, “Noariro, tuariro jira mũhu” ni, yũhũre ño payoahca’, nire mari puhtoro”,

ni joaa tiha.

¹² Ā jiro jipihtina mari yaireore Cohamacũ siniturohca marine. “¿Dohse yoana ā

yoari?” ni siniturohca. To ā sinituchũ yũhtiro jica marine.

Mũa coyeyore ñano yoachũ yoarena tjiga mũa

¹³ Ā jina mari mehne macainare “Ñaina jira mũa”, ni cahma yahuwajaena tjijihna. Ā yoana mari coyeyore Jesu yaireore dojomehhena tjijihna “Jesure wacũ tua duhuri”, nina.

¹⁴ Yũhũ Jesucristo yairo jicũ, ahri yũ nitire noano masija yũhũ. Yũhũ sehe jipihtia chũare yũ chũchũ yũ chũrĩ buhiri, buhiri mariahna. Wiho mejeta paio sehe “Ahri chũare chũcũ buhiri tii nica yũhũ”, ni tuhoturiro sehe chũro, potocãta buhiri tiroiro jira.

¹⁵ Tĩ potocã tjira. Paina ti sio, chũera barore mũa chũchũ ñano, mũa coyeyore ñũ cũ chũro, “Cue, ñano yoai nica yũhũ”, ni pjĩro tuhotuboca tiro. Tireore ā ñũ cũ chũchũ yoana, tireore cahĩna nieraca mũa. To sio, chũera barore mũa chũchũ, tiro cãhũ ñũ cũ chũboca. Ā chũro “Ñano yoai nija”, ni tuhoturo Cristore duhuhoca. Mũa coyeyore yaro jiboriro cãhũre yariari jire Cristo. Ā jina “Cristore duhuri”, nina tireore ñũ cũ chũchũ yoarena tjiga.

¹⁶ Ā jia “Ahri sã yoari noa nica”, mũa ni tuhotuchũ paina musare yahuwajaboca. Tĩ ā yahuwajachũ ñana mũa ā yoarire yoa namoena tjiga, “Yahuwaja namori”, nina.

¹⁷ Cohamacũ sehe mari puhtoro jira. To ā jichũ mari chũa, mari sihnia cãhũ ā jinocaa nina. Wiho warota jira. Ā jia mari puhtoro to dutiare, noaa cãhũre mari yoachũ tĩ waro jia nina. Paina mehne mari noano jinocachũ cãhũre noaa waro jia nina. Tuhsũ, Espĩritu Santo yoadohoa mehne mari wahchechũ noaa waro jia nina.

¹⁸ Tõ seheta Cristo yare yoarirore ñũa Cohamacũ, masa cãhũ “Noano yoare mũhu”, niahca.

¹⁹ Tõ seheta yoajihna mari pinihta noano mari jinocahto cjihtore, mari basi mari cahma yoadohohto cjihtore. Ā yoana Jesure wacũ tua namonahca.

²⁰ Pairo Jesu yairo to chũ dutierari cjirire mũa chũchũ ñano tiro sehe ñũ jĩ coeraro Cohamacũ yare cohãboca. Ā jina tĩre chũena tjiga. Potocãta jipihtia chũa noaa chũata jira. Tĩ ā jipachũta paye barore mari chũchũ paio “Ñaa chũa jica ahri”, niriro jiparota ñũ cũ chũboca. Ā chũro ñano yoaro nica tiro. Ā jina marine to ñũ cũ chũchũ, mari cãhũ ñano yoana nija.

²¹ Wahiquina dihire mũa chũchũ ñano, vinore mũa sihnichũ ñano, paio Jesu yairo “Tĩre chũcũ ñano yoai nica yũhũ”, ni tuhoturiro jiparota tiro cãhũ ñũ cũ, chũ sihniboca. Ā ni tuhoturiro pinihta chũ sihnino

ñano yoaro nina. Ā jina tiro to ñano yoaer-
ahto sehe Jesure to wacū tua duhuerah-
to sehe wahiquina dihire, vino cāhure m-
asa sehe m-asa duhuch- noa nina.

²² “Jipihtiare ch- masija”, ni t-
hotuna, t-
re Cohamac- dihtare yahuga. Ānae yoaer-
ariro, “Noano yoai nica yuh-”, ni t-
hoturiro wahcheriro jira.

²³ Pairo sehe “Ahri ch-are ch-
c- ñano yoai niboca yuh-”, ni t-
hoturiro jiparota ti ch-are ch-
ro, buhiri tiriro jira tiro. “Ahri-
re ch-
c- potocāta noaare yoai nija”,
ni t-
hotuerara tiro. Ā ni t-
hotueraro t-
re ch-
ro, to ch-ri buhiri buhiri tira tiro.
“Noaare yoai nija”, ni t-
hotueraro t-
re yoaro, buhiri tira tiro.

15

Mari cahai jijnare noano yoajihna

¹ Mari Cohamac-
re noano wacū tuaina sehe wacū tu-
aera cureinare yoadohojihna. Ā yoana
mari ya cjihti dihtare yoena tjiji-
hna.

² Ā jina mari cahai jijnare Jesu
yainare noano yoajihna ti noano jinocahto
cjihtore, Cohamac- ti noano wacū tua
namohto cjihtore.

³ Cristo sehe to ya dihtare yoaeraha.
Āta nina Cohamac- yare ti joari pūi. Ō
sehe ni joaa tiha: “Cristo ō sehe nire
Cohamac-: ‘M-
h- sehere ñano durucure’, nire Cristo
Cohamac-”, ni joaa tiha panop-
re. Ā ñano ti durucuriro jiro Cristo to
P-
c-
ro ya sehere yoaro niha.

⁴ Panop- Cohamac- yare ti joari pūi
tina joaa tiha mari noano buhehto
cjihtore. Ā jina ti pūre buhena wahcheja.
Ā buhena mari ñano yuh-
na cāno pjana, noano mari yuh-
d-
h-
toe cohtanahca.

⁵ Cohamac- m-
sare tuach- yoariro wahchech-
 yoariro m-
sare jipihtinare cāno potori noano
jich- yoajaro, Cristo to cahmano
seheta.

⁶ Āta yoajaro tiro m-
sa jipihtina cāno potori Cohamac-
re mari p-
h-
toe Jesucristo P-
c-
rore “Noariro, tuariro jira”, ni m-
sa ño payohto cjihtore.

Judio masa jierinare noaa buheare yahu d- caha

⁷ Cristo marine to yoariro seheta
m-
sa mehne macainare noano cahma
piti bocaga. M-
sa ā yoach- ñna “Potocāta
Cohamac- noariro jira”, ni ñ-
h-
ca masa sehe.

⁸ M-
sare ahri-
re niita nija: Judio masare yoadoh-
ohtiro cjihto taha Cristo. Cohamac-
 tire warocaro judio masa s-
ā ñ-
ch-
s-
ma cji-
ri-
p-
re to ni yahuriro cjiro seheta yoaro

niha. T-
re to yoari cji-
re masare masich-
 yoahtiro cjihto taha Cristo.

⁹ Masare Cristo to yoadohoch-
 Cohamac- pja ñano nire tinare. To ā pja
ñ-
ch-
 judio masa jieraina c-
h-
 Cohamac-
re “Noariro, tuariro jira” ni, ño
payora mip-
re. Tina c-
h-
re to yaina jich- yoaro taha Cristo.
Cohamac- yare ti joari pūi āta ni
joaa tiha:

“Cristo ō sehe niha Cohamac-
re: ‘Judio masa jieraina cahai
m-
h-
re “Cohamac- noariro, tuariro jira”,
ni ño payoihtja.

Ā jic-
 tina cahai basac- m-
 ya cjihtire basai-
htja’, niha Cristo Cohamac-
re”,

ni joaa tiha panop-
re.

¹⁰ Tuhs-, ō sehe ni joaa tiha tjoa:

“Cohamac- to beserina judio masa
mehne cahma wahchega m-
sa c-
h-
 judio masa jieraina”,
ni joaa tiha panop-
re.

¹¹ Tuhs-, ō sehe ni joaa tiha tjoa:

“Judio masa jieraina jipihtina
Cohamac-
re ño payo-
jaro.

Ā jia jipihti-
ro macaina tirore ‘Noariro, tuariro
jira’, ni ño payo-
jaro”,
ni joaa tiha.

¹² Ā yoa Isaia cjiro c-
h-
 ō sehe ni joaa tiha:

“Jesé panamino ji turiariro tarohca.
Ā taro judio masa jieraina bui
p-
h-
toe jirohca tiro.

Ā jia tina sehe tirore wacū tuaa,
tinare pichacap-
 wahaborinare to yuh-
d-
h-
toe masiahca tina”,
ni joaa tiha panop-
re.

¹³ Cohamac- marine baharop-
 to yuh-
d-
h-
toe wacū cohtach- yoariro noano
m-
sare wahchech- yoajaro. Tuhs-, m-
sare Jesure wacū tuainare noano
jinocach- yoajaro tiro. M-
sare to ā yoach- m-
sare to yuh-
d-
h-
toe Esp-
ri-
tu Santo to tuaa mehne wahchea
mehne wacū cohta namoch-
 yoajaro.

¹⁴ Ahri-
re m-
sare y-
 yahuhtire noano masija. M-
sa sehe noaina jira. Tuhs-, Jesu
yare noano masina m-
sa. Ā masina m-
sa basi noano cahma yahu, buhe
masina m-
sa.

¹⁵ M-
sa ā masiina m-
sa jipach-
ta cāa tahari ahri pū-
re m-
sare cuiro marieno noano yahu
pah-
ño joahi t-
re m-
sa boer-
ahto sehe. Cohamac- yuh-
re cah-
ño m-
sare buhe dutiro cūre yuh-
re. Ā jic-
 to cū-
riro seheta yoaja, m-
sa t-
re boer-
ahto sehe.

¹⁶ Yuh-
re to ā cūch-, sacerdot-
e to yoaro sehe yoaja yuh-. Ā yoac-,
Jesucristo yare noaa buheare
judio masa jierainare buheja
yuh-. Y-
 ā buhech- tuhoa, tina Jesure
wacū tuara. Tina Jesure wacū
tuainare yuh- sehe sacerdot-
e wahi-
quinare wajā jū m-
o Cohamac-
re y-
 waboriro seheta, tinare “M-

yaina jira", nija Cohamacure. Yn ā niinare Espiritu Santo sehe tinare Cohamacu yaina cjihti jichu yoara. Ti ā jiina jichu űno, Cohamacu sehe ji coaro mehne tinare űahanohca.

¹⁷ Cohamacu to buhe duti cūriro jicu Jesucristo to yoadohoa mehne yu yoari cjirire wahchea mehne yahuja musare.

¹⁸⁻¹⁹ Tuhsu, ahri pinihtare musare pototi yahu duahi. Yn yahua yu mu saro yu yahua ne jierara. Paina judio masa jierainare Cristo to yoadohoa mehne tinare yu buhechu tuhoa, yu yoarire űna, ā jia Jesu tuaa mehne yu yoa űorire űna, Espiritu Santo to tuaa mehne tina Cristore wacu tuare. Jerusalēru wahma yu buhe ducari baharo jipihtia macariperu buhe wahcāhi. Pu Ilirico yahparu cāhure Cristo ya buhea noaa buheare buhei sui.

²⁰ Cristo yare masieraina dihtare noaa buheare tuaro buhe duahi, yuhū mehne macaina ti buherinapure buhe duaeracu.

²¹ Āta ni joaa tiha Cohamacu yare ti joari pūi:

"Panoru tirore ne tuhoeraina cjiri tirore masiahca.

Ā yoa tirore ne tuhoeraina cjiri to yare noano tuhoahca",

ni joaa tiha Cohamacu yare ti joari pūi.

Paulo Romaru to wahahtore yahuha

²² Ā jicu jipihtiro macainare buheriro jicu payu tahari musa cahai waha duapaihta waha masiera tih.

²³ Miru pinihtare ahri yahparipure yu dahraa pihitia wahahre. Ā jicu payu cūhmari musa caharu waha duariro jicu musa caharu wahahtja.

²⁴ Espaűaru wahacu, musare tōi űn yuhduaihtja. Ā yoacu musa mehne wahcheihtja. Tuhsu, musa mehne mahanocā yu jiri baharo yuhure musa yoadohoa mehne Espaűaru yuhdu wahcāihtja.

²⁵ Mirure Jerusalēru wahasinii tai nija. Tō macainare Jesu yainare yu coyeare niűerure naasinii wahi nija.

²⁶ Macedonia yahpa macaina, Acaya yahpa macaina cūhu noano mehne Jesu yainare Jerusalēru jinare pjacoinare niűerure warocahre tinare yoadohoa. Ā jicu tinare tīre wai wahi nija.

²⁷ Tī niűerure waa, noano mehne wahre tina. Ti ā yoachu noa nina, yu tuhotuchū. Tinare judio masa jierainare judio masa sehe Cohamacu yare buhe muhtare. Ā jia tinare to yuhdohto cāhure buhe muhtare judio masa. Ti ā buhechu űncu Macedonia macaina Acaya macaina mehne judio masare ti yoadohochū noa nina yuhure. Tinare ti buheri wapa yoaro sehe jira tī, yu tuhotuchū.

²⁸ Ā jicu Jerusalē macainare tī niűerure wa tuhsucy Espaűaru wahahtja. Tōru wahacu musare űn yuhduaihtja.

²⁹ Ā yoa musa caharu yu wahachu Cristo yare musare yu buhechu tiro musare noano yajeripohna tichu yoarohca.

³⁰ Yn coyea, mari puhtoro Jesucristore wacu tuara musa. Ā yoa Espiritu Santo to tuaa mehne painare cahina musa. Ā jina jina jina yuhū cāhure tuaro sini payoga Cohamacure.

³¹ Ō sehe ni sini payoga: Judea yahpa macaina Jesure űo payoeraina yuhure ti űano yoa duachu Cohamacu yuhure to űn wihbohto sehe sini payoga. Tuhsu, Jerusalē macaina Jesu yainare niűerure yu wabasachu tina tīre wahchea mehne ti űahahto sehe sini payoga.

³² Musā ā sinichū Cohamacu cahmachū wahchea mehne musa caharu wahahtja. Ā jicu musa mehne jicu wahchea mehne soihtja.

³³ Cohamacu marine noano jinocachu yoariro musa mehne jirucujaro.

16

Paulo noa dutiha

¹ Mari coyeacoro Febe wama tiricoro musa caharu waharo taro nina. Ticoro Cencrea wama tiri macai Jesu yainare cahmachuinare yoadohorico jira.

² Ā jiro payure yoadohorico yuhū cāhure yoadohorico jihre ticoro. Tuhsu, mari puhtoro Jesu yacoro jira. Ā jina ticorore noano mehne musa mehne ji dutiga. Tō sehta yoaro cahmana marine Jesu yainare. Ā yoana ticorore paye baro to maerachu űna ticorore waga musa.

³ Aquila, to namono Priscila cūhu nojaro. Jesucristo yare yu buhechu tina cūhu yuhū mehne dahrare.

⁴ Tinare mahano wajāmoűore paina yuhure ti wajā duachu ti yoadohori buhiri. Ā jicu tina mehne wahcheja yuhū. Tuhsu, judio masa jieraina Jesu yaina jipihitina tina cūhu tina mehne wahchera.

⁵ Aquila ya wuhū cahmachuina cūhu Jesu yaina nojaro. Yn cahīro Epeneto cūhu nojaro. Tiro Asia yahpa macariro tōi jiro Cristore wacu tua muhtariro jire.

⁶ María cūhu nojaro. Ticoro musa mehne tuaro dahrahre.

⁷ Yn coyea Andrōnico, Junia cūhu nojaro. Peresui yu jichū tinata yuhure piti tina jihre. Ā jia yu pano Cristore wacu tua muhtare tina sehe. Paina Jesu to cūrina sehe tinare "Potocāta noaina jira", ni durucura.

⁸ Ampliato cūhu yu cahīro Jesu yairo jira. Tiro nojaro.

⁹ Urbano cāhu noajaro. Tiro cāhu mari mehne Cristo yare dahrahe. Ā yoa yu cahīriro Estaqui noajaro.

¹⁰ Apele cāhu noajaro. Tiro potocāta noano Jesure wacū tuara. To yoirire űna tīre masija mari. Tuhsu, Aristóbulo ya wuhu macaina jipihitina to namono to pohna cāhu noajaro.

¹¹ Yu coyeiro Herodiō noajaro. Ā yoa Narciso ya wuhu macaina Jesu yaina noa pihitnocajaro.

¹² Ā yoa Trifena, Trifosa cāhu noajaro. Tī numia mari puhtoro Jesu ya dahraare yoara. Mari cahīricoro Pérside cāhu noajaro. Ticoro mari puhtoro yare tuaro yoara.

¹³ Rufo mari puhtoro Jesure noano wacū tuariro, to yare noano yoiriro noajaro. To pocoro cāhu noajaro. Ticoro yu poco yoaro sehe jiricoro jira.

¹⁴ Asíncrito, Flegonte, Herme, Patroba, Herma, paina Jesu yaina tina mehne macaina cāhu noajaro.

¹⁵ Tuhsu, Filólogo, Julia, Nereo, to bahoro cāhu, Olimpa, paina tina mehne macaina cāhu Jesu yaina noajaro.

¹⁶ Ā yoa mūsa mehne macainare piti bocana, noano mehne piti bocaga. Jipihitina Jesu yaina jipihitiro macaina musare noa dutira.

¹⁷ Yu coyea, mūsa mehne macaina cāina musare cahma űna tuhti, cahma tju wachu yoaina jira. Ā jia musare Jesu ya buheare dojomehna. Ā jina tó sehe yoainare űna noano yoanohbu, “Dojomehneri”, nina. Ā yoainare piti tiena tjiga.

¹⁸ Tó sehe yoaina mari puhtoro Jesucristo yare yoerara. űnaare ti goa pja dihtare yoara. Tuhsu, noano tuho ji coaro dero mahño buhera noano masierainare. Ti ā mahñochu tinare noano tuhora. Ā jina ā yoainare piti tiena tjiga mūsa.

¹⁹ Mūsa sehe Jesure noano yuhtiina jira. Tīre jipihitina masina. Ā noano yuhtiina mūsa jichu wahcheja yuhu. Ā jicu noano mūsa yoahore mūsa masichu cahmaja yuhu. Ā yoa ne űnaare yoeraina mūsa jichu cāhure cahmaja yuhu.

²⁰ Ā jiro Cohamacu marine noano jinocachu yoiriro mahanocā baharo watīno Satanare yuhduacachu yoarohca musare. Ā yoa mari puhtoro Jesucristo musare noano wahachu yoajaro.

²¹ Timoteo yu piti musare noa dutira. Yu coyea judio masa cāhu, Lucio, Jasō, Sosípatro musare noa dutira.

²² Yuhu Tercio ahri pūre Paulore joabasiro jija. Yuhu Jesu yairo jicu musare Jesu yainare noa dutija.

²³ Gayo ya wuhui jinocai nija yuhu Paulo. To ya wuhui Jesu yaina cahmachuna. Tiro

cāhu musare noa dutira. Ā yoa Erasto ahri maca macaina puhtoare niñerure űna wihbobasariro musare noa dutira. Mari coyeiro Jesu yairo Cuarto cāhu musare noa dutira.

²⁴ [Yu coyea mari puhtoro Jesucristo musare jipihitine to cahia mehne noano yoajaro. Āta yoajaro.]

Paulo Cohamacu űna payoro joa ba-toara

²⁵⁻²⁷ Mari puhtoro Jesucristo ya buhea mehne noaa buhea mehne Cohamacu musare tirore wacū tua namochu yoa masina. Panopure ti buhea noaa buhea ne masare yahuerari buhea jimaha. Mipure Cohamacu yare yahu mahtaina cjiri ti joari cjiri mehne ti buheare yahua jira. Yuhu cāhu tīreta buheja. Tī buheare Cohamacu ā jirucuriro to yahu site dutiro seheta jipihitiro macainaru mipure masina. Tī buheare tirota yahu dutiha masa tirore yuhti, ti wacū tuahto cjihto sehe. Ā jina tirore “Potocāta noariro, tuariro jira mūhu”, ni wahche payojihna. Tiro cāirota Cohamacu dihta noano masi pahñoriro jira. Jesucristo to yoadohoa mehne Cohamacu ā űna payorucujihna mari. Āta yoarucujihna.

1 Corintios

Paulo Cohamacu yainare Corinto macainare joarocaha

¹⁻² Yuhu Paulo, Jesucristo yare buhe duti to cūriro jija. Cohamacu to cahmano seheta Jesu to cūhtiro cjihtore beseri jire yuhare tiro. Sostene wama tiro mehne musare Cohamacu yainare Corinto macainare joarocaja sā. Ahriro cūhu mari coyeiro Jesu yairo jira. Jesucristo mehne macaina musa jichu Cohamacu yaina cjihti beseri jire Jesu musare. Á yoa jipihtina paina mari puhtoro Jesucristore sinina jia, tina cūhu Cohamacu yainata jira. Ti ā jichu Jesucristo sehe mari jipihtina puhtoro jira. Á jina musare jipihtinare joarocaja sā.

³ Á yoa Cohamacu mari Puchu mehne, mari puhtoro Jesucristo mehne musare noa dutija. Cohamacu to yoadohoa mehne noano jiga musa.

Jesucristo sehe musare noano yoabasaha Cohamacare

⁴ Jesucristo yaina musa jiri baharo tiro sehe musare noano yoabasari jire Cohamacare. To ā yoabasachu űuchu, Cohamacare “Noana”, nirucuja yahu dachoripe.

⁵ Cristo yaina musa jichu űuno Cohamacu sehe musare noano jichu yoari jire. Tuhsu, to yare musare painare noano yahuhtina cjihtire yoari jire tiro. Á jiro tiro to yare noano masichu yoari jire musare.

⁶ Cristo yare musare sā buheriro seheta ā yoari jire musare, Cristo yaina musa wahachu.

⁷ Á yoa Cohamacu musare noano yoadoho pahūonocanohca. Mari puhtoro Jesucristo ahri yahpau to tjua tahtore musa cohtaro watoi Cohamacu musare ā yoadohorucurohca.

⁸ Cohamacu musare yoadohorohca to yare musa ne duhuerahito sehe. To ā yoachu musa sehe dachoripe, ahri dacho pihtichupu cūhare űaa buhiri marieina jirucunahca, Cohamacu to űuchu. Á jina Jesucristo mari puhtoro to tjua tachupare űaa buhiri marieina jinahca musa.

⁹ Tíre Cohamacu to niriro seheta tiro yoara. Tiro to macano mari puhtoro Jesucristo yaina cjihtire marine beseri jire. To ā beserinare Jesu yaina jichu yoare marine.

Jesu yaina Corinto macaina cahmachua cahma sayoha ti basi

¹⁰ Yu coyea, mari puhtoro Jesucristo to dutiro mehne musare tuaro mehne yahui tai nija ahrire: Musa basi cahma sayoena tjiga. Á yoa musa basi cahma tju wa dapo

jiena tjiga. Cū curuaihta jiga musa. Á jina jiape ni durucuena tjiga musa basi. Á yoana musa yoahito cjihtore tuhotuna, cāno potorita yoaga musa.

¹¹ Yu coyea, musa basi cahma sayona niyuhca musa. Á ni yahure cāna Cloé ya wuhu macaina yuhare.

¹² Cāina musa mehne macaina ō sehe ni cahma sayoyuhca: “Paulo ya curua macaina jija sā”, ni cahma sayoyuhca cāina musa. Á yoa paina “Apolo ya curua macaina jija sā”, niyuhca tina cūhu. Paina sehe tjoa “Pedro ya curua macaina jija sā”, niyuhca tina cūhu. Paina sehe tjoa “Cristo ya curua macaina jija sā”, niyuhca tina cūhu.

¹³ Musa ā nipachuta Cristo yaina cū curuaihta jija mari. Mari basi cahma tju wa dapo masieraja mari. Cū curuaihta jija mari. Yuhu Cristo jieraja. Tiro yoaro sehe musa ya buhirire crusapu yariariro cjiro jieraja. Tuua maeraja. Á jicu wiho jiriro jija. Á yoa musare paio bautisaro, Cristo yaina musa jichu musare bautisari jire. Yu yaina musa jichu sehere musare bautisaerari jire. (Á jina yuhu sehere űu wahāna tjiga musa.)

¹⁴ Musare, musa mehne macaina cūhare bautisaerahi yuhu. Crispore, Gayo cūhare tina dihtare bautisahi. Paina sehere bautisaerari yu jichu noana, yu tuhotuchu.

¹⁵ Payu masare bautisariro yu jichu “Paul yaina sā jichu bautisare sāre”, ni űu wahāboa musa yuhare. Á jicu tíre musa yoachu cahmaeraja.

¹⁶ Estéfana ya wuhu macaina cūhare bautisahi yuhu. Tóreinata bautisahi yuhu. Yu bautisarinare painare wacűeraja yuhu.

¹⁷ Cristo yuhare warocaró, masare bautisahtirore cūerare yuhare tiro. Noaa buheare buhehtiro sehere yuhare cūre. Cristo crusapu to yariarire mari buhechu tí buhea marine noaina wahachu yoara. To ā yoapachuta noaa buheare yu mu sūro yu buhechu yuhu sehere űu wahāboa musa. Musa ā űu wahāna noaa buhea sehere űo payoeraboa musa. Tuhsu noaina wahaeraboa. Á jicu Jesu ya buheare buhechu yu mu sūro yu masia mehne buheraja yuhu.

Cohamacu to tuua cūhare to masia cūhare cjuariro jira Cristo

¹⁸ Pichacapu butihtina sehe Cristo crusapu to yariarire mari yahuri buheare “Tuho masieraina ya buhea jira tí”, nimana butihtina sehe. Mari sehe Cristo to yuhduchu yoahitina cjihti jina ō sehe nija: “Crusapu to yariarire mari yahuri buhea tí waro jia nina. Tí buhea Cohamacu to tuaare yahura marine”, nija mari.

¹⁹ Cohamacu sehe to yare ti joari pūi ō sehe nina:

“Ahri yahpa macainare ‘Noano masiina jira’, ti niinare ti masia yaba cjihti jierachu yoaihca yahu”, nia tiha Cohamacu to yare ti joari pui.

²⁰ Æ jia ahri yahpa macaina noano masiina ti masia yaba cjihti jierara. Sã coyea judio masare buheina cãhu ti masia yaba cjihti jierara. Mipure ahri yahpa macaare durucu sayo mihniina cãhu ti masia yaba cjihti jierara. Ahri yahpa macaina noano masiina ti jipachuta quihõno masieraina ti jirire masichu yoare Cohamacu.

²¹ Cohamacu pinihta noano masiriro jira. To Æ jichu ahri yahpa macaina ti ya masia mehne Cohamacure ne masierara tina. Cohamacu to masi dutieraro seheta Æ wahare tinare. Cohamacure cahmaeraina sehe õ sehe nina noaa buhea warore: “Tuho masieraina ya buhea jira”, nimana. Æ jia noaa buheare “Tuho masieraa buhea”, ti nia buheare tuhoa Cristore masi ducara masa. Ti Æ masi ducachu Cristore ti wacũ tuachu ñuno tinare pichacapu wahaborinare yuhdachu yoara Cohamacu.

²² Judio masa Cohamacu to tuaa mehne to yoa ñorire ñu duaa nina. Æ yoa griego masa judio masa jieraina sehe noano ti masihti cjihtire macaa nina.

²³ Mari sehe Cristo crusapu to yariarire yahuri buheare buheja mari. Ti buheare judio masa sehe ñu yabira. Æ yoa ti buheare judio masa jieraina sehe “Tuho masieraina ya buhea jira”, ni tuhotuta.

²⁴ Ti Æ ni tuhotupachuta Cohamacu to yaina cjihti to beserina sehe ti buheare õ sehe nina. “Cristo ya buhea Cohamacu to tuare, to noano masiare masichu yoara marine”, nina tina ahri buheare. Tina judio masa, judio masa jieraina jipahta, Æ nina Jesu yaina.

²⁵ Cohamacu masi pahñoriro jira. “Tiro tuho masierariro jira”, masa ti ni tuhotupachuta ahri yahpa macaina yuhdoro noano masi pahñoriro jira tiro. Tuhsu Cohamacure “Tuarariro jira”, masa ti ni tuhotupachuta ti bui tua yuhdaruca suriro jira tiro.

²⁶ Yu coyea, Cohamacu musare to yaina yoachu musa payu wiho jiina musa jirire wacũga musa. Ahri yahpa macainare “Noano masiina”, ti niinare mahainacã Jesu yaina cjihtire beseri jire Cohamacu. Tuhsu puhtoã cãhure mahainacã Jesu yaina cjihtire beseri jire tiro. Æ yoa puhtoã pohna cãhure pache puã pohna cãhure mahainacã Jesu yaina cjihtire beseri jire tiro.

²⁷ “Tuho masieraina jira”, ti niinare Cohamacu beseri jire “Noano masiina jira”, ti niina ti buoro wahahto cjihto sehe. Tuhsu “Yaba cjihti jierara”, ti niinare Cohamacu

beseri jire, “Wiho jiina jierara”, ti niina ti buoro wahahto cjihto sehe.

²⁸ Masa ti ñu yabiinare “Yaba cjihti jierara”, nina masa. Ti Æ nirinare Cohamacu to yaina cjihtire beseri jire tinare. Æ besero “Puhtoã waro jira”, ti niinare wiho jiina ti jiare masichu yoari jire Cohamacu tinare.

²⁹ To Æ yoachu ñua ahri yahpa macaina ne cãiro “Tuariro, noano masiriro jija”, ne ni yuhdaruca masierara, Cohamacu to ñuchu.

³⁰ Cohamacu sehe marine Jesu yaina jichu yoare. To yaina jina marine to yuhdachu yoari baharo jipihtia dachoripe Cohamacu mehne jirucunahca mari. Jesucristo sehe Cohamacu yare noano masichu yoara marine. Tuhsu mari ñaa buhirire cohãna. Æ yoaro mari ñaa yoari buhirire cosaro, marine “Noaina jira”, to ni ñuchu yoara Cristo Cohamacure. Æ yoaro marine pichacapu wahaborinare yuhdachu yoara.

³¹ To Æ yoachu Cohamacu yare ti joari pui to ni joariro seheta Æ wahara: “Yu mu sãro masi pahñoriro jija”, niriro tãre nieno tjiaro. Æ sehe nijaro: ‘Mari puhtoro Cristo sehe marine yuhdachu yoariro jira’, nijaro tiro’, nina Cohamacu yare ti joari pui.

2

Cristo crusapu to yariarire sã yahuri buheajira ahri

¹ Yu coyea, musa cahapu sãcu “Noano masi pahñoja”, musare ni buherahi. Cohamacu yare musare buheca, tó sehe ni buheca nierahi.

² “Õ sehe ni buheihãja”, nicu musa mehne jicu Jesucristo ya dihtare crusapu to yariari dihtare wacũcu, ti buheare buhei yahu.

³ Tuhsu, musa mehne jicu wiho jiriro yoaro sehe jii yahu. Æ jicu Cohamacu yare quihõno buhe duariro jicu cuiriro tetereriro yoaro sehe jii yahu.

⁴ Æ jicu Cohamacu yare buheca, “Masi pahñoja”, ni buherahi. Mijoa durucua mehne yu mu sãro buherahi. To yare yu buhechu Espiritu Santo to tuaa mehne yu buhechu ñure musa.

⁵ Æ seheta ni buhei yahu musare masa ti mu sãro ti buhea sehene musa cahmaerahto sehe. Cohamacu sehene musa wacũ tuahãre Æ ni buhei yahu.

Espiritu Santo sehe Cohamacu to jia tiare buhera marine

⁶ Æ jina Cohamacu ya buheare musare Jesure noano masinare yahuja sã. Masa ti mu sãro ti buhea yoaro sehe jierara ahri musare sã buhea. Ti puhtoã ya buhea cãhu jierara. Tina sehe pihtia wahaahca.

⁷ Paina ti masierari cjiirire Cohamacu ya durucua cjiirire yahuja sã sehe. Panopure ahri buheare Cohamacu yaina cjiiri noano

masi pahñoerari jire. Ahri yahpa to jihto pano ahri buhea ti niriro seheta “Áta wahajaro”, ni tuhsua tiri jire Cohamacu. Marine pichacaru wahaborinare to yuhduchu yoahito cjihtore, tiro mehne mari jirucuhto cjihtore, tiro yoaro seheta mari wahahto cjihto cahure. “Áta wahajaro”, nia tiri jire tiro.

⁸ To á nichu Cohamacure cahmaeraina puhtoa ne to buheare tuho duaeraa, masierari jire. Tíre noano masia, mari puhtore Cohamacu macuno warore crusaru cja puha wajæeraboa tina.

⁹ Cohamacu yare ti joari tjui õ sehe nina: “Jipihtina Cohamacure cahina ya cjihtire Cohamacu noano cahnobasa tuhsaha.

Noa yuhduara tí to cahnobasari.

Tí to cahnobasarire mari ne ñuerana, tuhoerahi.

Á jina “Õ sehe yoarohca Cohamacu” ni, dohse masiyu pahñohto basioerara marine”,

nina Cohamacu yare ti joari pui.

¹⁰ To á nipachuta Espiritu Santo Cohamacu yare masichu yoare marine. Jipihtia Cohamacu yare Espiritu Santo masi pahñona. Á masino tiro marine tíre masichu yoara.

¹¹ Ne paina sehe masuno to masiare masierara. Wiho mejeta masuno sehe to basi to wacuaru to tuhotuare masina. Tó seheta paina Cohamacu to masiare ne masierara. Cohamacu to Espiritu Santo dihta to masiare masina, masuno to basi to tuhotuare to masino seheta.

¹² Á yoa mari sehe Jesu yaina jina masa ti mu saro ti buheare cjaeraja. Cohamacu to Espiriture ware marine masichu yoaro taro. Tiro marine to noano yoahitore masichu yoara Espiritu Santo sehe.

¹³ Cohamacu yare musare buhena, masa ya masia mehne sã mu saro buheraja sã. Espiritu Santo to buhea sehere musare buheja. Á buhena Espiritu Santore cjuainare Cohamacu yare noano buheja sã.

¹⁴ Espiritu Santore cjueraina sehe Espiritu Santo yare ne cahmaerana. “To ya wiho warota jira”, nimana tina. Espiritu Santo to yoadohoro marieno ne to yare masihto basioerara masare. Á jia tina to yare ne masierara.

¹⁵ Espiritu Santore cjuaina sehe Cohamacu yare noano masina. Á jia jipihtiare noano bese masina. Paina sehe tinare “Noaina jira. Ñaina jira”, ni bese masierara Espiritu Santore cjuainare.

¹⁶ Õ sehe nina Cohamacu yare ti joari pui: “Mari puhtoro Cristo to tuhotuare masina ne mariahna. Á yoa tirore masa ne ‘Õ sehe yoaga’, ni masierara”, nina to yare ti joari

pui. Mari sehe Cristo yaina jina, Cristo yoaro seheta masija mari.

3

Jesu yaina cãno potori Cohamacure dahra cohtaina jira

¹⁻² Yu coyea, musare buhecu Espiritu Santore noano yuhtiinare yu buheriro seheta buhe masierahi musa sehere. Cristo yaina jipanahta, wihainacã ti wahiquire dihire to chu masierariro seheta Cohamacu yare noano masierare musa. Mipu cahure noano masierasiniyuhca musa. Á jina wihainacã pẽchore ti puño seheta mijoera curea buhea dihtare tuhoyuhca musa. Á jicu to sehe jia buhea dihtare buhei musare. Cristo yaina jipanahta wihainacã ti chu masierariro seheta Cristo yare noano masierayuhca musa.

³ Musa sehe musa mehne macainare ti noano wahachu ñuna ñu tuhtina, cahmachena, musa basi cãa curuari tju warucu sana, Espiritu Santore cjueraina yoaro sehe yoana niyuhca musa. Á yoana ahri yahpa macaina Cristore cahmaeraina yoaro sehe yoayuhca musa.

⁴ Õ sehe niyuhca musa: “Paulo mehne macaina jija sã”, niyuhca cãina musa. Á jia paina musa mehne macaina sehe “Apolo mehne macaina jija sã”, niyuhca. Musa á ni durucuna Espiritu Santore cjueraina yoaro sehe ni durucuna nica musa.

⁵ ¿Yuhu Paulo, Apolo mehne dohse yoahitina cjihti jijari sã, musa tuhotuchu? Õ sehe yoahitina jina nija sã: Cohamacu to dutiriro seheta tirore dahra cohtaina wiho jiina jija sã. Á jina musare sã buhechu tuhona Jesucristore wacu tua dacare musa.

⁶ Noaa buheare buheina wesepu dahraina yoaro sehe jira mari piti dahre buhechu. Wese puro to toa muhtariro seheta yuhu cãhu musare buhe muhtahi. Tuhsu, paio wesere to cure nãnu tirore seheta Apolo sehe yu baharo musare buhe namo nãnu tire. Sã á buhepachuta wese macaa toaare bucua namochu to yoariro seheta Cohamacu sehe musare to yare masi namochu yoahre.

⁷ Á jicu yuhu buhe muhtariro jipaihta wiho jiro jija. Á jiro Apolo yu baharo buhe nãnu tirore cãhu wiho jiroto jira. Cohamacu pinihta toaare to bucua namochu yoariro seheta to yainare tirore masi namochu yoara. Á jiro Cohamacu sehe wiho jiro jierara.

⁸ Toa muhtariro, baharo cure nãnu tirore cãno potori dahra cohtaina wiho jinata jimana tina. Á jia ti dahrariro purota wapatarata tina. Tó seheta jija sã, Apolo mehne.

⁹ Á jina sã Cohamacu yare dahra cohtaina jija. Á yoa Apolo yu piti jira. Sã á jichu musa

sehe Cohamacu ya wese yoaro seheta jira. Musa ā jichu Cohamacu wese macaa toaare to bucua namochu yoariro seheta musare to yare masi namochu yoarohca tiro.

Ā yoa Cohamacu musare to yainare noari curua yoaro nina. Ā jina taa mehne ti yoari wuhu yoaro sehe jira musa to ya curua macaina mari piti dahre buhechu.

¹⁰ Musa ā jichu Cohamacu yuhure to dutiro seheta yuhu sehe wuhu dahre mihiriro taare to cu mahtariro seheta Jesucristo yare musare buhe mahtai. Ā jiro ti taa bui paio to yoa namo mujariro seheta paio yu baharo buhe namo nunu tiro nina. Ā buhe namono noano yoaro cahmana. Ne papero marieno noano buhejaro tiro. Cristo ya dihtare buhejaro tiro.

¹¹ Wuhure ti dahre dca ti cu mahtari taa yoaro sehe Cristo jira. Ā jina ti taare sa noano cu mahtariro seheta Cristo yare buhe tuhsu. Pairo ya buhea sehere mari buhechu to wahaerara.

¹²⁻¹⁵ Uru mehne, plata mehne, wapa bujua taa mehne mari yoari wuhure mari ju nuchu juerara. To seheta Jesucristo yare mari noano yoari baharo pihtiri dacho jichu Cohamacu mari yoarire to ju nuño seheta yoarohca mari yoarire masino taro. To sehe to yoachu noari wuhu to juerario seheta mari yoarire ti noaa jichu masinohca. Ā yoaro mari noano yoarina mari jichu masichu yoarohca tiro. Noaare mari yoari wapa noano yoarohca marine. Yucari mehne, tja mehne, naia puri mehne mari yoari wuhure mari ju nuchu juu wahaerohca. To seheta Jesucristo yare mari noano yoerari baharo pihtiri dacho jichu, Cohamacu mari yoarire ju nuño sehe yoarohca mari yoarire masino taro. To sehe to yoachu nari wuhu to juu wahariro seheta mari yoarire naa ti jichu tiro masinohca. Ā yoaro mari noano yoeraina mari jichu marine masichu yoarohca tiro. Noano yoeraina mari jichu nuño noaare mari yoamari wapore noano yoasi. To sehe jinare Cohamacu yuhdachu yoarohca. To ā yuhdachu yoapachata to sehe noano yoeraina manahaca cohobo cure yuhduahca.

¹⁶ Musa sehe Jesu yaina Cohamacu ya wuhu yoaro sehe jira. Musa ā jichu nuño ti wuhu to jiboro seheta Espiritu Santo sehe musa mehne jira. ¿Tire masierajari musa?

¹⁷ Cohamacu ya wuhu naa marieni wuhu jira. Ā jina musa cuhu ti wuhu yoaro sehe jina to yaina warota jira. Ā jiro to yainare cairo to dojomehnechu Cohamacu pichacaru cohanocha tiro sehere.

¹⁸ Mahnoare tuhoutuena tjiga musa. “Mipu macaina ya masiare noano masija”, ni tuhoturiro musa mehne macariro jiro Jesu ya sehere noano masijaro. To ā masichu

nuu paina tirore “Tahu masierariro jira”, niahca. Ā jiro Jesu yare masino, potocata noano masiriro wahaerohca.

¹⁹ Masa ti mu suro ti basi ti masiare “Wiho warota jira”, ni tuhutura Cohamacu. Āta nina Cohamacu yare ti joari pu: “Ti mu suro masiina ti masia yaba cjihti jierara Cohamacu to nuhu. Ā jiro ti yoa duaare ducata tinare”, nina Cohamacu yare ti joari pu.

²⁰ Ā yoa pa puru o sehe nina: “Masa ti mu suro masi pahnoina ti tuhutua yaba cjihti ti jierachu masina mari puhtoro Cohamacu sehe”, nina Cohamacu yare ti joari pu.

²¹⁻²² Ā jina “Sā mu suro yoahi”, ni masieraja mari masa jina. Ā jina yuhu Paulo, Apolo, Pedro mehne sā jipihtina Cohamacu musare to yoadoho dutiina jina, musare dahra cohtaina jija sā. Jipihtia musa ya jira. Cohamacu to bajuamehnerire, catia cahure ware musare. Tuhsu, pichacaru wahaerachu yoarohca musare. Mipu jiare baharoru jihti cahure musare warohca. Ā jia jipihtia musa ya jira.

²³ Ā yoa musa sehe Cristo yaina jira. Cristo sehe Cohamacu yairo jira.

4

Cristo to yare buhe duti to curina ti dahraare yahuha Paulo

¹ O sehe ni tuhutuga musa yuhure Apolo cahure: “Tina sehe Cristore dahra cohtaina jira. Ā jia masa ti masierari cjihtire Cohamacu yare buheina jira”, ni tuhutuga musa sare.

² Dahra cohtaina ti puhtoro to dutiro seheta yoa cohtara.

³ Wiho mejeta yuhure musa yahuwajapachata ā tuhutonocaja yuhu. Paina puhtoa yuhure ti yahuwajachu cahure ā tuhutonocaja yuhu. Yu yoare nuña “Ahri noaa jira. Ahri naa jira”, ni masierara musa. Yuhu cuhu masinota jija. Ā jicu yu yoare noano masi pahnoeraja yuhu cuhu.

⁴ “Cristo yare yu yuhdurucari yuhure mari-ahna”, ni tuhutumaja yuhu. Yu o sehe ni tuhutupachata buhiri tia jisimboca yuhure. Mari puhtoro Cristo dihta yu yoare nuño, noano masina.

⁵ Ā jina mari puhtoro to tjua tahto pano masare nuño ni yahuwajaena tjiga musa. Tiro tjua taro masa ti yoarire, panoru paina ti masierari cjihtire Cristo masichu yoarohca. Ā jiro mari yoa duarire, mari tuhoutuare tiro masichu yoarohca. Ā yoaro to yare yoainare Cohamacu “Noano yoare musa”, ninohca.

⁶ Yu coyea, yuhu Apolo mehne sā buheri cjihtire yahuhi yuhu musare buhesu tacu, sare musa nu cuhto sehe. Ā yahuhi yuhu

Cohamacu to yare ti joari pui to niriro se-heta quihono musa yorucuhto sehe. A yoana musa mehne macainare cano potori no payoga. Curoreta no payoena tjiga.

⁷ Musa sehe paina yuhdoro noaina jierara. Masi yuhdugacaina jierara musa. Cohamacu musare to wari cjiri dihtare cjuara musa. A cjuana musare to yahuri cjiri dihtare masina musa. ¿Musa mu suro cjuaina, musa mu suro masiina jierapanahta, dohse yoana “Masi pahnoina jija”, nijari musa? A nina “Sa mu suro masija sa”, niborina se-heta yoara musa.

⁸ Musa sehe “Cohamacu yare masi pahnoja sa. Sare yaba waro duhsaerara”, nimana musa. Tuhsu, musa cahai sa jierachu musa o sehe ni tuhutumana: “Puhtoa yoaro sehe masiina jija sa”, ni tuhutumana musa. Potocata Cohamacure masi pahnoina puhtoa yoaro sehe masiina musa jichu musare noabiaboa. Musa a jichu musa mehne sa cahu puhtoa yoaro sehe masiina jiboa.

⁹ O sehe ni tuhoutuja yuhu pinihta: Sare Jesu to yare buhe dutiro cino, masape doca macari curua cure sare. Paina ti wajahntina yoaro sehe nana masa sare. Ahri yahpa macaina masa, anjoa cahu wapananoina yoaro sehe nana sare.

¹⁰ Cristo yare sa buhechu nua “Taho masieraina jira”, ni nana masa sare. A jia Cristo yare sa yoachu nua, sare nu tuhtira. Musa sehere nua, “Noano masiina jira”, ni tuhutumana masa. “Cohamacure wacu tuaeraina jira”, ni tuhutumana masa sare. Musa sehere nua, “Noano wacu tuaina jira”, ni tuhutumana tina. Musa sehere masa no payora. Sa sehere tina ne no payoerara.

¹¹ Sa sehe mipure nana yuhduina, jua baaina, nahma yapioina, nana suhti maeraina, wuhuse maeraina jija. Tuhsu, paina sare no payoeraa, sare nana yoara.

¹² A yo sa tuaro dahraja. Tuhsu, paina sare nana ni ti durucupachuta sa sehe tinare “Noano jiga”, nija sa. A yoana paina sare nana ti yoapachuta a tuhutumocaja sa.

¹³ “Nano yoaina jira”, sare ti nipachuta sa sehe noano mehne tinare yoaja. Panoru, mipu cuhure naa wete tiina yoaro sehe masape curuari doca macari curua yoaro sehe nana masa sare.

¹⁴⁻¹⁵ Musare noaa buheare buhe muhtacu musa rusu yoaro sehetahai yuhu. Payu musare Cristo yare buheina ti jipachuta musare buhe muhtaroro curota jija yuhu. A jiriro jicu musare buo tichu yoai tai ahrire joai nieraja yuhu. Yu pohna warore, yu cahinare yu dutiboriro sehetahai musare noano mehne duticu tacu ahrire joaja yuhu.

¹⁶ A jicu ahrire musare tuaro mehne dutii tai nija yuhu. Yuhure nu cuga musa.

¹⁷ Ahrire yoa duticu tacu musa cahai Timoteore warocahi. Tiro yu cahiro mari puhoro Jesu yairo jira. A jiro Cristo yare yorucura tiro. Cristo yare mari yoahire jipihina Jesu yaina cahapu buhe yuhu. Timoteo tire musare wacurucuchu yorohca. A jicu Cristo yare yu yoiriro sehetahai musa nu cuhto sehe Timoteore warocahi yuhu.

¹⁸ Timoteore yu warocachu cana musa mehne macaina puhtoa ji duaina o sehe nimana: “Paulo marine cuiro, mari cahapu tasi”, ni tuhutumana tina.

¹⁹ Cohamacu cahmachu musa cahapu michapucacata suihca. A sucu puhtoa ji duainare musa mehne macainare ti durucua quihono jichu masihtja yuhu. A yoa Cohamacu tuaare potocata ti cjuachu cahure masihtja yuhu.

²⁰ “Cohamacu sa puhoro jira”, mari ni yahupachuta to yare mari yoerachu ti mari a nimari cjiri yaba cjihti jierara. Cohamacu to tuua mehne to cahmano sehe yoa masija. Ti pinihta wiho waro jierara.

²¹ ¿Musa cahapu musare buhiri dahrehtiro musare tuhtitiro yu wahachu cahmajari musa yuhure? ¿O musare cahiro musare wahchehtiro yu wahachu cahmajari musa yuhure? ¿Dohse jiriro yu wahachu cahmajari musa?

5

Corinto macaina ti wana tirire yahuha Paulo

¹ Potocata o sehe quititira sare paina: Curo musa mehne macariro to rusuro namonore wana tiyuhca. Ata ni yahura masa sare. Paina Cohamacure cahmaeraina jipachuta tina sehe to sehe yoaina jierara.

² Musa mehne macariro to a yoapachuta musa sehe “Quihono yoana nija sa”, ni tuhutumana. ¿Dohse yoana to naa yoirire masipanahta cahyaerajari musa? A jina a nana yoirirore musa mehne Jesu yaina mehne jirirore cohā wioboa musa.

³ Yuhu musa mehne jierapaihta yu wacuparu musa mehnetaja jija yuhu. A jicu musa mehne jicu yu niboriro sehetahai nana yoirirore to a nana yoiri buhiri buhiri dahre duti tuhsuja yuhu.

⁴ Jesu to dutiro mehnetaja a yo dutija. A jina musa cahmachuna yu wacua mehneru musa mehne yu jichu to rusuro namono mehne nana yoirirore cohā wiona, mari puhoro Jesu to tuua mehne o sehe niga nana yoirirore:

⁵ “Watino to cahmano sehetahai wuhure yoawahnojaro”, niga tirore. Ata niga tirore naare to goa pjari cjirire to duhuhto sehe.

Musa ã cohãchu tiro ñano yuhdãrohca. Mari puhtoro Jesu to tjua tari dachoi ñano yoariro cjiro Jesu mehne to noano yuhduhto sehe mipure tireore ã niga.

⁶“Quihõno yoana nija sã”, nipanahta ñano yoana nica musa. Ñano yoarirore musa ã ñunocahna, ti ñaare musa jipihtina piha pihtia wahanahca. Pão bucuaro trigore to noano sãarucu suriro seheta ti ñaa musare piha, noano sãarucu sua waharohca. ¿Tire masierajari musa?

⁷Yu coyea judio masa pascua jichu ovejare waja, ju mo, Cohamacure ño payora. Tõ seheta oveja to yariariro seheta Cristo mari ñaa buhirire yariari jire. To ã waharire masina, musa sehe ñano yoarirore musa mehne macarirore cohã wioga ti ñaa musare to pihaerahto sehe. Musa ñaa yoari buhirire cohã tuhsure Cristo. Æ jina ñano yoarirore cohã wioga “Tí ñaare pihari”, nina.

⁸Pão bucuaro trigore to sãarucu suriro seheta panopu ñaare ñu cõ yoa pihtiina jimai mari. Æ jina pascua bose numarihi pão bucuaro marieno pãore ti chãriro seheta mari cãhu ñaare goa pjarro marieno ñano yoaro marieno jijihna. Panopu mari ñaare mari yoaa tirore sehe yoaena tjijihna. Æ yoana potocã noano tãhotua mehne, noano yoaina jijihna.

⁹Musare yu joarocari pũpũre Jesu yairo jiparota ã wãana tirucurirore ne piti ti dutieramahi.

¹⁰Æ nicu numia mehne ñano yoainare, mwa mehne ñano yoaa numiare, paina yare goa pjainare, yacainare, “Cohamacu jira”, ti nia masurine ño payoinare Jesu yaina ti jierachu “Tina mehne jiena tjiga”, nieraja. Ahri yahpai tã sehe juina marieno Jesure cahmaeraina marieno mari dihta ji masieraja. Jipihtiropu jira tina sehe.

¹¹Æ jicu musare joarocacu õ sehe yoa dutimahi: Musa mehne macariro “Jesu yairo”, ti niriro to jipachuta numino mehne ñano yoariro, paye barore goa pjarro, “Cohamacu jira”, ti nia masurine ño payoriro, ñano quitu dahrerucuriro, cahariro, yacariro to jichu tirore piti tienã tjiga. Æ jina tã sehe yoariro mehne pinihtare chũena tjiga.

¹²Jesu yaina jierainare ti ñaa yoari buhirire ne buhiri dahre dutiriro jieraja yuhũ. Tã sehe buhiri dahre dutiriro jira Cohamacu sehe. Yu ã nipachuta musa mehne cahmachuina Jesu yaina musa basi musa yoarire ñana masino cahmana musa sehere. Æ tãhotunocæraro cahmana. Æ jina musa sehe tina ti ñano yoachu ñana buhiri dahrega tinare.

¹³Jesu yaina jieraina sehere Cohamacu sehe buhiri dahrerohca. Æ jina musa sehe

musa mehne macarirore ñano yoarirore cohã wioga.

6

Jesu yainare ti basi ti yahusãire yahuha Paulo

¹¿Musa basi cahma ñu tuhti yahusã duana dohse jiro baro Jesu yaina jieraina cahapu musa coyeare Jesu yainare yahusãna wahajari? Jesu yainare musa mehne macainare yahusã duana paina Jesu yaina sehere tire yahuro cahmana musare. Æ jia Jesu yainapu besejaro.

²Pihtiiri dacho jichu mari Jesu yaina sehe masa jipihtina ti yoarire ñana “Ahri ñaa jira. Ahri noaa jira”, besenahca mari tinare. ¿Tire masierajari musa? Æ jina pihtiri dacho jichu masa jipihtinare besehtina jina, mipu cãhure bese masija mari. Æ jina mipure wiho jiacã buhiri cãhure bese masija mari.

³Anjoa ti yoarire ñana tina cãhure besenahca mari. ¿Tire masierajari musa? Mari ã besehtina jina potocãta ti yuhdoro mipu cãhure Jesu yaina ti yoarire ñana bese masija mari.

⁴¿Æ jina dohse yoana musa mehne macainare yahusã duana mari mehne jieraina cahapu Jesu yainare yahusãna wahajari musa?

⁵Ahrire nii nija musa quihõno yoerare musa cahyahto cjihtore. ¿Musa mehne macainare musa cahma sayochu musare yahutiuro musa mehne macariro noano masiruro mariajari? Jira.

⁶To ã jipachuta musa mehne macariro Jesu yairo paio Jesu yairore yahusã duaro Jesure cahmaerainare yahusãno wahara.

⁷Masare beseina puhtoare musa mehne macainare yahusãna Jesu yaina jipanahta quihõno yoerara musa. Pairo musa mehne macariro musare ñano to yoachu ã ñunocaboa musa. Jesure cahmaerainare musa yahusãhto pano musa coyeirore musa ã ñunocachu noabiaboa. Jesu yairo musare to yacachu tireore musa yahusãhto pano tiro to yacarire musa ã ñunocachu noabiaboa.

⁸Æ yoaborina jipanahta paina musa mehne macaina Jesu yaina ti jipachuta tinare ñano yoaina, yacaina jira musa.

⁹⁻¹⁰Tã sehe yoaina puhtoro Cohamacu to suho jiropure muanopure waha masierara. ¿Tire masierajari musa? Mahũore tãhotuena tjiga musa: Wãana tiina, “Cohamacu jira”, ti nia masurine ño payoina, numia mehne ñano yoaina, mwa mehne ñano yoaa numia, mwa sahsero ti pjacuri mehne ñano yoaina, numia sahsero ti pjacuri mehne ñano yoaa numia, yacaina, paina yare goa pjaina, cahaina, masare ñano tuhtipeina, masa ti cjuare maina

baro ne puhtoro Cohamacu to saho jiropure manopure waha masierara.

¹¹ Panopure musa cahu to sehe yoaina tjimahre. A yoamarina musa jipachuta mipure musa nana yoari buhirire cosa tuhsari jire Jesucristo sehe. A to cosarina musa jichu to yaina cjihtire yoare Cohamacu musare. A yoaro "Noaina jira", ni nana musare tiro. Ata yoare musare mari puhtoro Jesucristo, Espiritu Santo cahu ti tuua mehne.

Mari pjacuri Cristo ya pjacuri jia nina

¹² "Yu cahmano sehe yoa masija yuhu", niyuhca cana musa. Ti potoca to jipachuta tire yoacu noano jieraboca yuhu. Yu cahmano sehe yoa masija. A yoa masipaihta caa tahari a yoariro jicu tire duhu masieraboca yuhu. A jicu tire pari turi yoasi yuhu, "Tire duhu masieraboca", nica.

¹³ O sehe nina musa: "Jipihtia chua mari pjaro macaa cjihti jira. Tuhsu mari pjaro chua posa tihti pjaro jira", nina musa. Ti potoca tjira. A jiparota baharo Cohamacu sehe mari chure mari pjaro cahare ti pihtia wahachu yorohca. A jia mari chua wiho warota jia nina. Chua mari pjaro macaa cjihti jira. A jiparota mari pjacuri numino mehne nana yohti pjacuri jierara. Mari pjacuri sehe mari puhtoro Cristo ya pjacuri cjihti jia nina. A jiro mari puhtoro sehe mari pjacurire noano yoahitiro cjihto jira.

¹⁴ Cohamacu to tuua mehne mari puhtoro Cristore masori jire. A to yoariro seheta mari cahare masonohca tiro.

¹⁵ A jina musa pjacuri Cristo ya pjacuri ti jichu masierajari musa? A ti a jichu Cristo ya pjacu mehne nana yoaricoro mehne mari nana yoachu noajari, musa tahotuchu? Noaerara.

¹⁶ Nana yoaricorore nahariro to pjacu sehe ticoro ya pjacu mehne jiro, cu pjacu yoaro seheta jira. A tire masierajari musa? Ata ni joaa tiri jire Cohamacu yare ti joari tjui: "Tina puaro jipahta cu pjacu yoaro sehe wahara", ni joaa tiri jire.

¹⁷ Mari puhtoro to yaina mehne jira. A jiro Jesu yairo Jesu mehne puaro jipahta cano potori tahotuina caurota ti jiboro seheta jira.

¹⁸ A jina numia mehne nana yoare, musa mehne nana yoare goa pjaena tjiga. Tire musa yabiro seheta tire yoena tjiga. Paye naare mari yoana mari pjacure dojomehneraja. Numino mehne nana yoariro sehe to pjacure nana dojomehnenana.

¹⁹ Espiritu Santore marine ware Cohamacu. A jiro mari mehne jiro nina Espiritu Santo sehe. A tire masierajari musa? A jia musa pjacuri musa catia cahu musa ya

cjihti waro jierara. Cohamacu yaina cjihti waro jira musa.

²⁰ Musa naa buhirire buhiri dahre tuhsure Cristore. A jina to yaina cjihti waro jira musa. To yaina jina musa pjacuri mehne Cohamacu to cahmano sehe yoaga. A yoana Cohamacure no payona nina musa.

7

Namo tiare yahuha Paulo

¹ Mipure yuhure musa sinitu musa joarocari cjihtire yuhu cahu yuhti cahmai tai nija: Masano namo tierachu cahure, noanocahna, yu tahotuchu.

² Ti a jipachuta musa sehe namo tijaro paina numia mehne ti nana yoaerahto sehe. A jia numia cahu manu tijaro paina musa mehne ti nana yoaerahto sehe.

³⁻⁴ Manu tiricoro to pjacu to ya pjacu dihta jierara. To manano ya pjacu cahu jira. To manano cahu to pjacu to ya pjacu dihta jierara. To namono ya pjacu cahu jira. A jina musa musa sehe musa namosaniamare noano cjaaga. A yoa musa numia cahu musa manusumare "Yu pjacure pihaecu tjiga", niena tjiga.

⁵ Wiho mejeta Cohamacure puaro musa sini duana "Mahaa dachoricu mari basi jiena tjijihna. Cohamacure sinijihna", cano potori a nina, musa basi wahu duhu masina musa. Musa a duhuri baharo musa jiriro seheta jirucuga tjiga, Satana nana musare to yoa dutierahto sehe. "Paina mehne nana yoaboca" nina, musa basi piti ti duhuena tjiga. Musa jiriro seheta jirucuga tjiga.

⁶ Ahrire musare mipu yu niri cjihtire yahucu musare dutia waro mehne nieraja. A yahuta nija musa yoahitire musa masihtu sehe.

⁷ Jipihtina musa yu yoaro seheta namo tieraina musa jichu noaboa yuhure. A ji duapanahata mari jipihtina cano potori jieraja. Cainare marine namo ti dutira Cohamacu. Cainare namo ti dutierara.

⁸ A yoa namo marieinare, manu marieinare, wapewahya cahure o sehe nija: Namu marieina, manu marieina ji masina, ata jinocahga musa yu yoaro seheta.

⁹ A ji masierana tuaro naare goa pjana, potota namo tiga. A yoa numia cahu manu tiga. Naare musa goa pjachu noaeraputiarara musare. Musu a goa pjana musa namo tichu pinihta noa nina. A yoa musa manu tichu cahure noana.

¹⁰ Musu namo tiinare, manu tia numiare o sehe dutija. Yu a nipachuta ya dutia waro jierara ahri. Mari puhtoro Cristo ahrire dutira: Musu numia sehe musa manusumare cohena tjiga.

11 MUSA manušumare cohāna, manū mariea numia sehe tjuaga. Ā tjuarana pari turi tjoa mUSA manušuma mehne noano jiga tjoa. Ā yoa mUSA cūhu mŭa mUSA namosānumiare cohāena tjiga.

12 Ā yoa mUSA cūhare painare ō sehe nija yūhu. Mari puhtoro to dutia jierara ahri. Yūhu sehe ō sehe nija musare: Cāina mUSA mehne macaina Jesu yaina sehe Jesure cahmaeraa numiare namo tiina jira. Ā jina mUSA namosānumia mUSA mehne ti tjuu duachū tī numiare cohāena tjiga mUSA.

13 Ā yoa cāina mUSA mehne macaa numia Jesu yaina numia Jesure cahmaerainare manū tia numia jira. Ā jina mUSA manušuma mUSA mehne ti tjuu duachū tinare cohāena tjiga.

14 MUSA manušuma Jesure cahmaeraina jipahta Jesu yaina numiare ti namo tichū, Cohamacū noaina yoaro sehe űna tinare. Ā yoa mUSA mŭa sehe Jesu yaina mUSA jichū mUSA namosānumia Jesure cahmaera numia jiboca. Tī ā jipachūta mUSA mehne ti numia manū tichū Cohamacū noaa numia yoaro sehe űna tī numia cūhare. To ā űnerachū mUSA pohna Jesure cahmaeraina pohna yoaro sehe űuboa Cohamacū. Wiho mejeta tī pohna cūhare noaina yoaro sehe űna Cohamacū.

15 Ā yoa mUSA mŭa sehere mUSA namosānumia Jesure cahmaeraa numia musare cohā duaa, āta yoajaro. MUSA manušuma cūhu ā cohā duaa, āta yoajaro. Noano mari jichū cahmana Cohamacū. Ā jiro tī numia musare tī cohā duachū “Tī numia mehne jisiniga”, ni dutierara Cohamacū.

16 Tī namosānumia Jesu yaina numia sehe noano tī yoachū űna baharopū tī manušuma sehe Jesure cahmaboca. Ā tī cahmachū Cohamacū tinare pichacapū wahaborinare yūhdūchū yoarohca. Ā yoa tī manušuma Jesu yaina sehe noano tī yoachū űna baharopū tī namosānumia Jesure cahmaboca. Tī ā cahmachū Cohamacū tī numiare pichacapū wahabori numiare yūhdūchū yoarohca. Ā Jesure cahmaborina tī jipachūta potota Jesure tī cahmahtore masiyuhto basioerara musare.

17 Ā jina jipihtina mUSA mari puhtoro Cristo musare to ji dutiro seheta yoaga. Ā yoana Cohamacū musare to cūri cjirire yoaga mUSA. Tīre jipihtina Jesu yainare ā yoa dutirucuja yūhu.

18 Jesu yaina mUSA jihto pano circuncisiōre yoarina cjiri jina, āta jirucuga. Tuhsū, Jesu yaina mUSA jihto pano circuncisiōre yoaraina cjiri jina mipū cūhare āta jirucuga.

19 Mipūre circuncisiōre yoarina mUSA jichū yaba cjihti jierara. Tīre yoaraina mUSA jichū cūhare yaba cjihti jierara. Wiho mejeta Cohamacū dutiare mari yoachū tī pini wiho waro jierara.

20 Ā yoana Cohamacū Jesu yaina musare to cūri pja mUSA jiro seheta tjuaga.

21 Jesu yairo mŭa jidūcahto pano masunore dahra cohtariro mŭa jichū noanohca. Āta tjuasiniga. Mŭa puhtoro mūhare to wio duachū sehere wijaga mŭhu. Mŭa wijachū noanohca mūhare.

22 Mari puhtoro Jesu yairo cūiro jiro masunore dahra cohtariro jiparota Jesu to yūhdūchū yoariro jira. Āta pairo mari puhtoro Jesu yairo jiro, masunore dahra cohtariro jieraparota Jesure dahra cohtariro jira tiro cūhu.

23 Mari űaa buhirire buhiri tī tuhsari jire Cristo. Ā jina tiro dihtare “Yū puhtoro waro jira”, ni tuhotuga mUSA. Paina musare tīre tī ā ni tuhotu dutierachū tinare tuhoena tjiga.

24 Ā jina yū coyea, Jesu yaina cjihti Cohamacū musare to cūri pja mUSA jiro seheta tjuaga. Ā tjuana Cohamacū mehne macaina jiga.

25 Mipūre namo marieinare, manū maria numia cūhare yahu duaja musare. Mari puhtoro ahrire “Ō sehe niga”, nierare yūhare. Yūhare to pja űūchū yūhare to yoadohochū to cahmano seheta yoarucuriro jija yūhu. Ā jiro jicū ahrire noano yahuihtja musare.

26 Mipūre mUSA űano yūhdūna nica. Ā jiomahchū mUSA namo marieina cūhu manū maria numia cūhu mUSA tjuachū noanohca, yū tuhotuchū.

27 Namu tiina, manū tia numia mUSA jina āta tjuaga. Ā yoa namo marieina, manū maria numia mUSA jina āta tjuaga.

28 Namu tina űano yoarera mUSA. Ā yoa mUSA nuhmia manū tina űano yoarera mUSA cūhu. Wiho mejeta namo tiina, manū tia numia musare wapūoro tjuarohca ahri yahpahi masa tī űano yūhdūro seheta mUSA űano yūhdūchū. Ā jicū musare “Ā wapū tiri” nica, “Namu marieina, manū maria numia tjuaga”, nihi yūhu.

29 Yū coyea, ahrire musare yahui nija. Cristo ahri yahpau to tjuu tahto mahanocā dūhsara. Ā jia mipūre namo marieina Cohamacū to cahmano sehe tī noano yoa masino seheta noano yoaro cahmana namo tiina cūhare. Ā yoa manū tia numia cūhare āta Cohamacū to cahmano sehe noano yoaro cahmana.

30-31 Ahri yahpa to mipū jiro seheta baharocāta pihtia waharohca. Ā pihtihti yahpa to jichū mipūre mari űahacaha tiia, mari wahchea, mari cjuaa pihtia wahaahca.

Ã jia tí wiho waro jira. Cohamacu yare yoaa sehe wiho waro jierara. Ã jia ahri yahpa macaare cjuaina, cjuæeraina yoaro sehe jijaro. Ahri yahpa macaare pjíro tuhótuea tjijaro. Ahri yahpa to mipu jiro seheta baharocáta pihitia waharohca.

³² Músa ñano yuhduerachu cahmaja yuhu. Pjíro músa tuhótuerachu cûhure cahmaja. Namó marieriro Jesu yairo jiro Jesu yare wacûrucura. Ã wacûrucuro Jesu cahmaare tuaro yoa duara.

³³ Namó tiro sehe to namono cahmaa sehère tuaro yoa duara. Ã jiro ahri yahpa macaare pjíro tuhótura.

³⁴ Ã jiro tiro puaro macaare yoa duara. Jesu cahmaa cûhure, to namono cahmaa cûhure tiro yoa duara. Ã yoa búcoro manú marienicooro jiro, ticoro mari puhtoro Jesu cahmaare tuaro yoa duara. Nuhmino cûhu áta yoa duara. Ã yoa duaro to pjacu mehne, to wacûa mehne cûhure ticoro tuaro Cohamacu yacoro ji duara. Manú tiricoro sehe ahri yahpa macaare sehere to manú cahmaa sehere tuaro yoa duara. Ã jiro ahri yahpa macaare pjíro tuhótura.

³⁵ Ahrire músare nii nija músare yoadohocu tacu. Wapúoa dutiare músare cû duaeraja. Ã cû duaerapahita noano músa yoachu cahmaja. Jesu mari puhtoro yare músa tuaro yoa duachu cahmaja yuhu.

³⁶ Músa mehne macariro to sùhduricoro to búcoro curero to wachachu ñano namó tijaro tiro ticorore. “Áta yoaro cahmana ticorore”, ni tuhóturo to niriro seheta yoajaro tiro ticorore. Ticorore namó ti masina. Ã yoaro tiro ñano yoærara.

³⁷ Pairo sehe to sùhduricorore namó ti duaeraro, to cahmano seheta yoajaro tiro ticorore. “Ticorore namó tieraja yuhu”, ni tuhóturo to cahmano seheta yoa duaro, to seheta yoajaro. Ã yoariro noano yoara.

³⁸ Ã yoa to sùhduricorore namó tiro cûhu noano yoara. Tuhsu, to sùhduricorore mipure namó tierariro sehe paio yuhdoro noano yoaro nina.

³⁹ Manú tiricorore to manúnore cohã dutierara Cohamacu. To ã cohã dutierapachuta to manúno to yariari baharo ticoro paio mehne to cahmariro mehne manú ti masina. Ticoro to manú tirirore Jesu yairo jiro cahmana tirore.

⁴⁰ Ticoro manú marienicooro tjuaro, manú tiricoro yuhdoro noano wahchericoro jirohca ticoro. Áta ni tuhótuya yuhu sehe. Cohamacu to Espiritu Santore cjuariro jija. (Yu ã jiriro jichu masina ahri yu yahurire masija músa.)

8

“Cohamacu jira”, ti nia masurine ño payo ti duhu payoa chuare yahuha Paulo

¹ Mipure “Cohamacu jira”, ti nia masurine ño payo ti duhu payoa chuare yahu duaja. Jipihtina músa tí barore “Masija”, ni tuhótura músa. Ã ni tuhótuna “Painare masi yuhdueracaja”, ni tuhótumana cáina. Ã ni tuhótua painare yoadohoerara tina. Painare cahña tinare yoadohora. Ã yoa masia yuhdoro painare cahña sehe wiho waro jierara.

² “Masi pahñonocaja”, ti mu suro niina jia, Cohamacu noare to masi dutiare masierasínica tina.

³ Wiho mejeta Cohamacure ti cahichu tinare masina tiro. (Ã jia to yaina jira tina.)

⁴ Ã yoa “Cohamacu jira”, ti nia masurine ño payo ti duhu payoa chuare ahrireta yahuihtja: Tí masuri ne yaba cjihti jierara. Potocáta tí masuri yajeripohna mari-ahna. Cohamacu sehe cáirota jira. Paina cohamana mariahna. Ahrire mari masija.

⁵⁻⁶ “Payu cohamana jira. Tina mari puhtoa jira”, ni tuhótumana masa. Ã yoa manopu, ahri yahpuru cûhure “Cohamana”, ti niina jipachuta mari sehère cáirota jira Cohamacu. Tiro mari Pucu jipihtiare bajuamehneriro jira. Ã yoaro to yaina cjihti yoari jire tiro marine. Ã jiro mari puhtoro Jesucristo cáirota jira. Tiro jipihtiare mari Pucure yoabasariro jira. To yaina cjihtire yoari jire tiro marine. Ã jina tiro mehne ã jirucunahca mari.

⁷ Yu niriro sehe ã jipachuta paina Jesu yaina tíre masierara. Panopu tina “Cohamacu jira”, ti nia masurine “Catiina jira”, ni tuhóturucumaha. Tí pjapure ã yoarina jia mipu cûhure tí masurine ño payo ti duhu payoa chuare “Cohamana ya chua jira”, ni tuhótumana. Ã yoaa tí chuare chua, “Mari ñano yoana nija cohamana ya chuare chuna”, ni tuhótumana. Tíre ti yoirire noano masieraa, ã ni tuhótumana. Ã jia tina ñano yoaa nina, ti tuhótuchu.

⁸ Tí chuare mari chuchu mari chuerachu cûhure Cohamacu marine “Noaina jira”, ni ñuerara. Ã yoa tí chuare mari chuchu wiho warota jinocahno nina tí chua. Mari tíre chuna ñano yoærara. Tí chuare mari chuerachu cûhure wiho warota jinocahno nina. Tí duhu payoa chuare mari chuerana paina yuhdoro noaina jieraja mari cûhu.

⁹⁻¹⁰ Wiho mejeta noano yoaga músa. Tí chuare charina cjiri músa jichu paina músare, “Masija” niinare, ñu cû chuboca. Ã ñu cû chua ti yoirire noano masieraa, “Ñano yoana nija mari”, ni tuhótuahca tina cûhu.

Ti ā ni tūhotuchū tina sehere űano yoachū yoana nica mūsa. Ā jina noano yoaga mūsa.

¹¹ “Mari tī chūare mari chuchū noanohca marine”, mūsa ni tūhotuina jina paina noano masieraina cjirire űano yoachū yoaboca mūsa, mūsure tī űū cūchū. Tina ya cjihti cūhūre yariari jire Cristo. Ā yoana Cristo yainare mūsa coyeare űano yoachū yoana niboca mūsa.

¹² Noano masierainare Cristo yainare mūsa űano yoachū yoana, Cristo cūhūre űano yoana nica mūsa.

¹³ Ā jicu tī masurine űo payo tī duhu payoa chūare yūhū chūca Cristo yainare űano yoachū yoai niboca yūhū. Cristo yaina tī űano yoachū cahmaeraja. Ā jicu “Yūhū tinare űano yoachū yoari” nicū, tī chūare ne pari turi chusi yūhū.

9

Paulo Jesu to cūriro to jia tiare yahuha

¹ Jesu to yare buhe dutiro to cūriro jija. Ā jicu paina to cūrina tī yoaro seheta yoa masija yūhū cūhū. Mari pūhtoro Jesure űūriro tija yūhū cūhū. Ā jina Jesu yare yū buhechū mūsa sehe tīre noano tūhorina jina to yaina wahare mūsa. Ā to yaina waharina jina Jesu to cūriro yū jichū masi tuhsūra mūsa.

² Paina yūhūre yahuwajaa “Tiro Jesu to cūriro jierara”, niboca. Tī ā nipachūta mūsure yū buheri baharo Jesu yaina wahana, “Jesu to cūriro jira” ni, yūhūre masi tuhsūra mūsa. Ā jina paina tī yahuwajapachūta mūsa sehe to cūriro yū jia tiare masina.

³ Yūhūre yahuwajainare ō seheta ni yūhtiihtja:

⁴ Mūsure yū buheri baharo yū chūhtire yū sihnihti cūhūre yūhūre waboa mūsa yū buheri wapa.

⁵ Ā jicu namo tiro jicu yū namo Jesu yacoro to jichū ticoro mehne tini masiboa yūhū. Paina Jesu to cūrina, Jesu bahana, Pedro cūhū tī namosānumia mehne tī tiniriro seheta yūhū cūhū tini masiboa.

⁶ Yūhū Bernabé mehne mūsure noaa buheare sā buhepachūta sāre ne paye barocā waerare mūsa. Ā jina sā basita sā chūhti cjihtire dahra wapatai sā. űSā dihtare wapataro marieno buhero cahmajari, mūsa tūhotuchū?

⁷ Ahrina yū yahuhtina sehe tī dahrari wapa wapatarā. Cūriro surara to dahrachū to pūhtoa tirore wapara. To basi wapaerara. Chūare toariro cūhū to toari dicha tichū tīreta chū masina. Ā yoa ovejare űū wihboriro to nuina pēchore sihni masina tiro.

⁸ “Tī dahrari wapare waparo cahamana”, nicū masa tī dutia dihtare mūsure yahueraja. Cohamacū to dutiapū to niri cjiiri cūhūre mūsure yahui nija.

⁹ Moise cjirore to cūri dutiare to yare tī joari pūi ō sehe ni yahura: “Wachū trigo yaparire to dahpori mehne suhtiwirirore to chū duachū to dūserore dūcataena tjiga”, nia tiri jire Cohamacū dutia.

¹⁰ Ā dutiro wachūare nino nierari jire. Ā dutiro marine nino niri jire marine buhero taro. Wesere sahariro cūhū tī dichare narina cūhū tī dahrari baharo dicha tiri pja jichū tī wapatahtore cohtara tina. (Ā jina dahrainare tī dahrari wapare waro cahmana marine.)

¹¹ Mūsure Cohamacū yare noaa buheare buhei sā. űSā ā buhechū mūsa sehe sāre chūare waeraro cahmajari, mūsa tūhotuchū? Waro cahmana. Mūsa wachū noaboa sāre.

¹² Ā waerarina jipanahta paina chūare mūsure tī sinichū mūsa tina sehere wara. Tina mūsure tī chūare sinichū sā sehe tina yūhdoro mūsure chūare siniborina jimaja.

Ā wa dutiborina jipanahta sā sehe “Sāre waga”, ne nierahi. “Cristo ya buheare mūsapū cahmaeraboca” nina, sāre chūa mariapachūta mūsure ne sinierahi.

¹³ Cohamacū wūhūi dahraina tī wūhūihta tī chūare nana. Ā yoa Cohamacūre tī űo payori mesai cohtaina wahiquirore tī jārīrore mahanocā na chūra tina cūhū. űTīre masierari mūsa?

¹⁴ Tō seheta tī yoariro seheta noaa buheare buheinare tī buheri wapare tī chūhtire tinare waro cahmana mūsure. Āta yoa dutire mari pūhtoro Jesu.

¹⁵ Ā jicu mūsure siniboriro jipaihta yūhū ne paye barore sinierahi mūsure. Ā jicu ahrire mipure joacu paye barore wapa cahmai tai joai nieraja. Mūsure ne wapa cahma duaeraja. Yariahtiro jipaihta ne wapa cahmasi yūhū mūsure. Wapa marieno buhecū ji coa yūhdūaja. Ā jicu mūsure yū buheri wapa ne wapata chusi.

¹⁶ Noaa buheare buhe dutiro yūhūre cūre Cohamacū. Tīre buheri masūno jinocaihta nija yūhū. Noaa buheare buheracu pjacūoriro jiboa yūhū. Ā jicu tī buheare buhecū “Painare masi yūhdūrucaja”, niboriro jieraja yūhū.

¹⁷ Noaa buheare yū mū sūro buhecū yū buheri wapa wapaa naboa yūhū. Cohamacū yūhūre to yare buhe dutiro cūre yūhūre. Ā jicu yū mū sūro buheraja.

¹⁸ űTo yare ā buhecū yaba barore wapatarajari yūhū? Ō sehe jira yū wapataa: Noaa buheare buhecū mūsure ne paye barore sinieracu wapa marieno tī buheare buheja

m̄sare. Ȳu ā n̄irire masic̄u wahcheja. Ȳu wahcheata jira ȳu wapataa.

¹⁹ Ne masare dahra cohtariro jierapaihta jiphtinare dahra cohtariro yoaro sehe jija ȳuh̄u paȳu paina masa Jesu yaina ti wahahto sehe.

²⁰ Ā jic̄u ȳu coyea judio masa mehne jic̄u, ti yoaro seheta yoaja ȳuh̄u Jesu yaina ti wahahto sehe. Cohamac̄u to dutia cjirire Moise cjirore to c̄uri cjirire ño payoriro jierapaihta, ti dutia dihtare ño payoina mehne jic̄u ti dutiare ño payoriro baro yoaro seheta jija ȳuh̄u. Āta yoaja ȳuh̄u tina Jesu yaina ti wahahto sehe.

²¹ Ā jic̄u Cristo yairo jic̄u Cohamac̄u dutiare Moise cjirore to c̄uri cjirire ȳuh̄u d̄uaca duaeraja. Tí dutiare ȳuh̄u d̄uaca duaerapaihta tí dutia marieina mehne jic̄u tí dutia marieriro yoaro seheta jija. Āta yoaja ȳuh̄u tina c̄uh̄u Jesu yaina ti wahahto sehe.

²² Jesure noano masieraina mehne jic̄u ti yoaro seheta jija. “Masi pah̄oriro jija”, nieraja ȳuh̄u. Āta yoaja ȳuh̄u tina c̄uh̄u Jesu yaina ti wahahto sehe. Ā jic̄u jiphtina masa ti jiriro seheta jija ȳuh̄u c̄aina tina Jesu yaina to ȳuh̄u d̄uaca yoaína ti wahahto sehe.

²³ Ahrire yoaja noaa buheare jiphtina ti t̄uhohto cjihtore. Ȳu ā yoach̄u ñ̄uno Jesu to buheriro seheta tiro ȳuh̄u c̄uh̄u noano yoara. (Ā jic̄u masa ti jia tiro seheta jija.)

²⁴ Ō seheta jira mari piti dahre buhech̄u. M̄urocapeina m̄urocaa tina jiphtina m̄urocara. Tí ā m̄uroca pihtipach̄uta m̄uroca ȳuh̄u d̄uacariro s̄u m̄uhtana. Ā s̄u m̄uhtariro wapataa. Ā jina ti m̄urocariro seheta m̄usa c̄uh̄u Cohamac̄u cahmaare yoaga m̄usa wapatahto sehe.

²⁵ Jiphtina m̄urocaina ti pjac̄ure dojomehneare duhunoca noano m̄urocapora ti m̄uroca tuahto sehe. Tuhs̄u, ti noano m̄urocahto cjihtore quih̄ono ch̄ua, quih̄ono car̄ia, noano yoara tina. Āta yoara tina m̄uroca s̄u, ti wapatahto sehe. Ā jia ti ā yoa wapataa p̄uri mehne ti yoari soro jira. Tí soro ñ̄aco baaerara. Mari sehe Cohamac̄u yare noano buheja to yare mari wapatahto sehe. Tí wapataa pinihta ne baaerara.

²⁶ Ā jic̄u ȳuh̄u pa sehe m̄urocariro yoaro sehe yoeraja. Potori da m̄urocariro yoaro sehe yoaja ȳuh̄u. Tuhs̄u, cahmacheperiro pa sehe dota moñoroca m̄ujariro yoaro sehe yoeraja. Ā yoa duaerac̄u Cristo yare quih̄ono yoa duaia.

²⁷ Ā jic̄u m̄urocapeina, cahmachepeina c̄uh̄u ti pjac̄urire ti buheriro seheta ti noano quih̄ono ti yoariro seheta ȳuh̄u c̄uh̄u ȳu pjac̄u mehne noaa dihtare yoapoja. Ā yoerac̄u painare buheriro jipaihta yaba cjihti jieraboa ȳuh̄u sehe.

10

“Cohamac̄u jira”, ti nia mas̄urine ño payo dutieraha Paulo

¹ Ā yoa ȳu coyea, ahrire masiga m̄usa. Sā Israe masa ñ̄uch̄usuma cjiri panop̄u macaina jiphtina Cohamac̄u to me curuare ñ̄u ñ̄un̄u ti wahc̄aa, wahaa tiri jire. Ā wahaa soh̄ari mare co watoi jiri mahai w̄ua cahari mahai pah̄ā tinia wahari jire.

² Ā wahaa tina jiphtina me curua mehne soh̄ari ma macaa co mehne bautisarina yoaro sehe wahari jire. Bautisarina wahana Cristo yaina mari jiare ñ̄ona nija. Tó seheta tina soh̄ari mare bautisarina yoaro sehe wahaa, Moise cjiro yaina ti jiare ñ̄o nia tiri jire.

³ Ā yoa tina jiphtina m̄uano macaa ch̄uare ch̄ua tiri jire Cohamac̄u to waare.

⁴ Ā ch̄ua tina jiphtina Cohamac̄u to waa co c̄uh̄uare sihnia tiri jire. Tí pjap̄ure tí core Cohamac̄u to c̄uri t̄acai wijaa core sihnia tiri jire tina. Tia t̄aca yoaro sehe jiriro, tinare co wariro Cristo jiri jire.

⁵ Tina ā waharina ti jipach̄uta paina tina mehne macaina ñ̄ano ti yoach̄u ñ̄uno Cohamac̄u sehe paȳu tina mehne macainare ñ̄u ji coaerari jire. Ā jiro tinare masa marienop̄u yariach̄u yoari jire Cohamac̄u. Ā yoaro masa marienop̄u ti pjac̄urire coh̄a sitea wahari jire.

⁶ Āta yoari jire Cohamac̄u tinare marine buhero taro. Ā jiro tinare ñ̄u c̄u ñ̄aare mari goa p̄jaeraho cjihtore Cohamac̄u ā yoari jire tinare.

⁷ Ā jina “Cohamac̄u jira”, ti nia mas̄urine ti ño payoriro seheta yoarena t̄jiga m̄usa sehe. Tí mas̄urine ti ño payorire Cohamac̄u yare ti joari p̄ui yahuro ō sehe nina: “Tina ch̄u duji sihni tuhs̄u, wahc̄ar̄u s̄u, bose ñ̄un̄u yoa d̄ucari jire wach̄u mas̄ure ño payoa taa”, ni joaa tiri jire panop̄ure.

⁸ Baharo paina sehe Israe masa numia mehne ñ̄ano yoari jire. Tí yoariro seheta yoeraro cahmana marine. Tina ti ñ̄ano yoari baharo c̄u dachoihta tina veintitres mil masa yariaa wahari jire.

⁹ Tí ā wahari baharo pari turi paina Israe masa sehe Cohamac̄u tina mehne suach̄u yoari jire. “Marine buhiri dahresi”, nia ñ̄aa warore yoari jire. Ā yoaa tirore suach̄u yoari jire. Tí ā yoari buhiri Cohamac̄u aḡaa mehne bahca waj̄ari jire tinare t̄joa. Ā jina tina yoaro sehe Cristore yoarena t̄jiga m̄usa “Marine buhiri dahresi”, nina.

¹⁰ Pa tehe t̄joa paina ñ̄aa quiti dahre ti tuhtich̄u anjo masare waj̄ariro tinare waj̄ari jire. Ā jina tina yoaro sehe yoarena t̄jiga.

¹¹ Ā waj̄ā dutiri jire tinare Cohamac̄u marine buhero taro. Mari sehe pihtiri dacho panoc̄ā jina jija. Mari ā jina jich̄u panop̄u

macaina ti ã waharire Cohamacu joa dutiri jire marine noano buhiro taro.

¹² Æ jina “Noaina jija sã, Cohamacu to ñuchu”, ni tuhutuina jina, noano yoaga musa “Naare yoari”, nina.

¹³ Mari jipihtina cãiro duhsaro marieno cãa tahari ñaare wacũja. Æ wacũna tí ñaare yoa duaja. Mari ã yoa duapachuta Cohamacu marine yoadohorucuriro jira. Æ jiro tí ñaa wacũare musa bo masierachu tiro sehe musare yoadohorohca. Æ jiro tí ñaare musa yoa duachu ñuno Cohamacu tí ñaare musare yoa duaerachu yorohca. To ã yoachu tí ñaare yoa duasi musa.

¹⁴ Æ jina yu cahũina yuhure tuhoga. “Cohamacu jira”, ti nia masurine ne ño payoena tjiga.

¹⁵ Musa noano masiina jichu musare yahuja. Æ jina yu nihti cjihtire quihõno ti jichu masiga musa basi.

¹⁶ Cristore ti ñahari ñamine vinore to sihnihto pano Cohamacure “Noana”, niri jire. To niriro sehetã mari cãhu tí core sihnina Cohamacure “Noana” nina, mari ya buhiri Cristo to yariarire masichu yoana nija. To di wijaarire masichu yoana nija. Tuhsu, to yaina mari jia tia cãhure masichu yoana nija mari. Æ yoa pãore mari Cristo yaina nuha, chuna, mari ya cjihtire to pjacu crusapu to yariarire masichu yoana nija. Tuhsu, to yaina mari jia tia cãhure masichu yoana nija.

¹⁷ Æ jina payu masa jipanahta cã curi pão curire chuna jipihtina mari Cristo yaina cã curuata jija.

¹⁸ Israe masa ti yoarire wacũga musa: Tina wahiquirore wajã, jũ muo waa, Cohamacure ño payora. Æ ti wari baharo cã curuahta ti waro cjirore chura. Æ chua Cohamacure ti ño payoare masichu yoara tina.

¹⁹ Cohamacure ti waa chũare yahucu “Cohamana jira”, ti nia masurine ti waa chua sehe tí waro jira”, nii nieraja. Tí chua pinihta wiho waro jia nina. Tí masari cãhu wiho waro jia nina.

²⁰ Tí chua ti yaba cjihti jierapachuta tí chũare chũeraro cahmana. Æ sehe jira tí. Cohamacure cahmaeraina wahiquirore wajã, jũ muo, Cohamacure ño payoa nierara. Æ yoa watã sehere ño payora tina. Ti ã ño payoina jichu tina mehne chuna watãno yaina yoaro sehe yoana nica musa cãhu. Musa ã yoachu pinihtare ne cahmaeraja.

²¹ Santa Cenare mari yoari dachoi mari puhtoro Jesure wacũna tana sihnija. Mari ã sihniina jina, watã sehere ño payo masieraja mari. Æ yoa Jesure wacũna tana pãore chuja. Mari ã chuna jina, watã sehere ño payo masieraja mari.

²² ¿Jesure musa mehne suachu yoa duajari musa, puarore musa ño payona? ¿Tiro yuhdoro tuaina jijari musa? Jierara. (Æ jina noano yoaga musa.)

Cohamacu to cahmaa dihtare yoaga

²³ Æ sehe nina cãina: “Sã cahmano sehetã yoa masija sã”, nina. Musa yoari cjiri ñaa ti jierapachuta tíre yoana painare yoadohoeraboca musa. Tuhsu, tíre yoana Jesure wacũ tua namochu yoaeraboca musa painare.

²⁴ Musa cahmaa dihtare yoarena tjiga. Paina sehere noano yoadohoga musa.

²⁵⁻²⁶ Chua duaropare chũare nuchana “¿Ahri chua masurine ti duhu payoa chua jijari?” ni sinitu ñuena tjiga. “Naare yoari” nina, sinitu ñuboca musa. Æ ni sinitu ñuena tjiga. Ahri yahpa, ahri yahpai jia cãhu Cohamacu ya jira. Æ jina tí chũare “¿Ñaa chua jijari?” niena tjiga.

²⁷ Jesure cahmaerariro musare chu dutiro to pjirocachu waha duana wahaga. Æ wahana musare to duhu payoare chuga. “¿Ahri chua masurine ti duhu payoa chua jijari?” ni sinitu ñuena tjiga.

²⁸ Æ jina paio Jesu yairo “Ahri chua masurine ti duhu payoa chua jira”, musare to ni yahuchu tí chua pinihtare chũena tjiga. Musare ã ni yahuro “Ñaa chũare chura ahrina”, musare to ni tuhutuerahito sehe chũena tjiga musa. Musa cãhu ã ni tuhuturi nina tí chũare chũena tjiga.

²⁹ Æ chu dutieracu musa ya cjihtire ã nierahi. Musare ahire yahuro ya cjihti sehere tí chũare chu dutieraja. Tiropu musare “Ñaa chũare chura ahrina”, niboca. “Æ niri” nina, tí chũare chũena tjiga.

“Chũena tjiga”, yu nichu ò sehe ni sinitu yuhtiboca musa yuhure: “¿Dohse jiro baro paioire ‘Soro tuhuturi’ nina, chũerabocari sã?”

³⁰ ¿Cohamacure ‘Noana’, sã niri baharo sã chuchu dohsearo tíre sã churi buhiri paioire sãre yahuwajabocari?” ni sinitu yuhtiboca musa yuhure.

³¹ Ahri jipihtiare yahucu ò sehe nii nija musare: Dachoripe Cohamacu to dutiriro sehetã wahchea mehne chu, sihnija, Cohamacure masa ti ño payohto sehe. Æ jina jipihtiare noano yorucuga Cohamacure masa ti ño payohto sehe.

³² Ne judio masare, judio masa jierainare, Cohamacu yaina cãhure ñano yoachu yoarena tjiga musa tinare.

³³ Æ sehetã yoaja yuhu sehe. Masa jipihitnare yoadoho duaja. Æ yoacu ya cjihti waro sehere pjiro tuhutueraja. Yu ñano yuhdachu noanohca. Payu masa sehere yoadohoja tinare pichacapu wahaborinare Cohamacu to yuhdachu yoahito sehe.

11

¹ Ā jina Cristore yu ñu cūrire yu yoachu mūsa cāhu yuhure ñu cūga.

Corinto macaina ti cahmachunoi numia ti yoahutore yahuha

² Mūsare yu buhe turiari cjiire yu yoari cāhure wacū pahñoyuhca mūsa. Ā wacūna mūsare yu yoa dutiuro seheta yoayuhca mūsa. Ā yoana noano yoara mūsa.

³ Ā yoaina mūsa jipachuta ahri cāhure mūsa masichu cahmaja: Jipihtina mūa ti puhtoro, Cristo jira. Tuhsu, to namono puhtoro to manūno jira. Ā jichu, Cristo puhtoro to Puchuro jira.

⁴ Cohamacure siniriro to dapure mohariro sinino, to puhtoro Cristore ño payoeraro seheta yoaro nina. Cohamacu yare yahuriro cāhu to dapure mohano āta yoaro nina tiro cāhu.

⁵ Tuhsu, to dapure mohaeraricoro Cohamacure sinino, to manūnore ño payoeraro seheta yoaro nina. Cohamacu yare yahuricoro cāhu to dapure mohaeraro āta yoaro nina ticoro cāhu. Ā yoaro to pjoarire waha pahñoricoro yoaro seheta yoara ticoro.

⁶ To dapure moha duaeraro ticoro to pjoarire saa pahño dutijaro. To ā yoari baharo to dapure buo tiro, ticoro mohajaro to dapure.

⁷ Mūsa sehe Cohamacu noariro, tuariro to jia tiare ñona tina sehe. Ā jia ti dapupure mohaeraro cahmana tinare. Numia sehe mūa ti puhtoa jia tiare ñona. Ā jia tina numia sehe ti dapupure mohajaro.

⁸ Cohamacu mūnore yoaro, numino ya pjacu macano mehne mūnore yoarari jire. Numino sehere yoaro, mūno ya pjacu macano mehne ticorore yoari jire.

⁹ Tuhsu, mūnore yoaro, numino yairo cjihtore yoarari jire. Numino sehere yoaro mūno yacoro cjihtore yoari jire Cohamacu ticorore.

¹⁰ Ā jia numia ti dapupure mohajaro anjoa cāhu mūa ti puhtoa ti jirire ti masihto sehe.

¹¹⁻¹² Cohamacu numinore yoaro, mūno pjacu macano mehne yoari jire. Āta mipare mūno masa bajuaro, numino pjacu masa bajuara. Tuhsu, jipihtinare Cohamacu sehe yoari jire. Ā jiro mūno to ji mahterachu numino mariaboa. Ā yoa numino to mariachu mūno cāhu mariaboa.

¹³ ¿Mūsa basi dohse tuhutujari? ¿Numino to dapu mohaeraricoro, Cohamacure to sinichu noajari, mūsa tuhutuchu? Noaeraputiara.

¹⁴ Tuhsu, mūno pjoa nahmo mūriro to jichu ñaa nica. Jipihtina masa ti mū sūro tīre masina.

¹⁵ Ā yoa numino to pjoa nahmo to dapure mohari cahsaro yoaro sehe jira. Ticoro pjoa nahmo mūricoro jiro noaricoro bajura ticoro. Tī cāhure jipihtina masina.

¹⁶ Mūsa mehne macariro ahrire yu yahurire to tūho duaerachū, ō sehe ni yahuihtja tiore: “Yu ni yahuriro seheta mari yoa tia jira. Paina Jesu yaina cāhu āta yoarucura tina cāhu. Sā ā yorarina jichu ñucu yu ni yahuriro seheta yoaga mūhu cāhu”, ni yahuihtja yu yahurire tūho duaerarirore.

Santa Cenare ti churo watoi dojomehneha Corinto macaina

¹⁷ Mipure mūsare ahrire yahui tai, “Noano yoaina jira”, nieraja yuhū mūsare. Mūsa cahmachuna noano yoarera. Nāno yoara mūsa.

¹⁸ Ō sehe ni yahu mahtaithtja mūsare: Mūsa cahmachunopu cahma sayona mūsa basi cāa curuari tju wayuhca mūsa. Paina tīre yuhure ti yahuchū “Potocā tjica”, ni tuhutu cureja yuhū.

¹⁹ Āta yoayuhca mūsa. Mūsa ā tju warina mūsa jichu ñūna baharo Jesu yaina waro jiina sehere masinahca mari.

²⁰ Mūsa basi ā ñu tuhtiina jina mūsa cānoi cahmachu chuchū tō wahaerara. Potocāta Santa Cena waro yoana nierayuhca.

²¹ Mūsa cahmachuna cāina mūsa sahsero chu mūhcona, paina sehere jūca baachu yoana niyuhca mūsa. Tuhsu, sihni mahtaina sehe cahaa wahayuhca.

²² ¿Mūsare mūsa wuhuse mariajari? Mūsa wuhusepata chu, sihni. Mipure Cohamacu yaina ti cahmachunore dojomehena niyuhca mūsa to yaba cjihti jieraboro seheta. Tuhsu, paina Jesu yaina pjacuoinare chu maeraina sehere mūsa sehe buoro yuhdūchu yoayuhca. ¿Dohse ni yahuihcari yuhū mūsare? “Noano yoana nina mūsa”, nieraja yuhū.

Santa Cenare yoaa taa, ti churire yahuha Paulo

(Mt 26.26-29; Mr 14.22-25; Lc 22.14-20)

²³ Mari puhtoro Jesu to chu batoarire yahure yuhure. Ā to yahuri baharo yuhū sehe mūsare tīre yahu turiahi. Tī ō sehe jira: Tiore ñu tuhtiinare Juda to ñohti ñamihi mari puhtoro Jesucristo pāore na, Cohamacure “Noana”, niyuhti.

²⁴ To ā niri baharo tī pāore nuha, to buheinare witiyuhti. Ā witiro ō sehe niyuhti: “Ahrire chūga. Ahri yu pjacu jira. Mūsa yaro jiborirore yariaihca. Yuhure mūsa wacūhti cjihtire ahrire chūga”, niyuhti Jesu mari puhtoro.

²⁵ Ā ti churi baharo tiro sihni wahware na wahcāno ō sehe niyuhti: “Mūsa ñaa yoari buhirire cohācu tacu yariaihca. Ā yoacu yu dire cohāihca. Cohamacu Mūsare yuhdūchu

yoaihtja', to niriro mu sachu yu yariaro mehne to niriro sohtori tiarohca. Ahri wahwai posa tiare sihnina, yu di cohārire wacūnahca. Ahrire sihnina, yahure mūsa wacūhti cjihtire sihniga", niyuhti Jesu.

²⁶ Ā yoa Santa Cena macaa pāore mūsa chūna, sihniare sihnina, Jesu mari puhtoro mari ya buhirire to yariarire űona nina mūsa. Ā űorucunahca mūsa pu ahri yahrapu to tjua tachupu.

"Santa Cenare chū sihnina ō sehe yoaga", ni yahuha Paulo

²⁷ Santa Cenare chū, sihnina, Jesure űo payoro marieno yoana, cua pisaro yoaerana, to pjacare to di cohāri cāhure bujupero sehe yoana nija mari. Ā yoana Jesure bujupena nija mari. Tō sehe yoaina buhiri tina jira.

²⁸ Ā jina mari yoirire, mari jia tiare noano wacūjihna. Ā wacūna Santa Cenare chū, sihni masija mari.

²⁹ Mari puhtoro mari ya cjihtire to pjacu to yariarire wacūno marieno Santa Cenare chū, sihnina mari buhiri tinahca.

³⁰ Ō sehe dihta yoayuhca payu mūsa mehne macaina. Ā yoaa tina cāina tuaeraina, dohatiina wahayuhti. Tuhsu, paina ti ā yoari buhiri yariaa wahayuhti.

³¹ Wiho mejeta Santa Cenare mari chū, sihnina, mari yoirire, mari jia tiare noano wacūna, mari űaa yoirire duhuna ti buhirire buhiri tisi mari.

³² Mari puhtoro sehe marine tuhtira, ti buhirire marine buhiri ti dutieraro. Paina űaina Jesure űo payoeraina buhiri tihtina dihta jira. Tina yoaro sehe marine buhiri tichū cahmasāerara mari puhtoro.

³³ Ā jina yu coyea, Santa Cenare chūna tana cahmachuna, cohtasiniga mūsa coyeare.

³⁴ Tuhsu, mūsa mehne macaina jūca baa, ti ya wāhusepu chūsinijaro. Ā yoana Santa Cenare chūna tana cahmachuna, cua pisaro yoeraina ya buhiri buhiri tisi mūsa. Paye barore yahu duamahi mū sare. Baharo yu basi suipu mū sare yahuihtja tīre.

12

Cohamacu yare mari yohtore cūno marine yoa masichu yoara Espiritu Santo

¹ Yu coyea, ahrire yahu duaja mū sare. Cohamacu yare mari yohtore cūno marine jipihinare yoa masichu yoara Espiritu Santo. Ā jicu tīre mūsa noano masichu cahmaja.

² Jesu yaina jierasina soro jia buheare tuho nūnūna jina, mūsa sehe "Cohamacu jira", ti nia masarine, durucuera masarine űo payosinimare. Tīre masina mūsa.

³ Ā jina mūsa jirina cjiri jichū mipure ō sehe ni yahuihtja mū sare: "Jesu űano wahajaro", niina Cohamacu yairo Espiritu to tuaa mehne ā nia nierara. Espiritu Santo warore cūaerara tina. Tuhsu, "Jesu mari puhtoro jira", niina Espiritu Santo to tuaa mehne ā niina jira tina.

⁴ Cohamacu yare yoa masia payu jira. Ti ā jipachūta marine yoa masichu yoariro sehe cāirota jira. Tiro Espiritu Santo jira.

⁵ Ā yoa Cohamacu yare yoahina payu jina, to yare soro sehe mari yohti cāhū payu jira. Ti ā jipachūta mari puhtoro Jesu sehe cāirota jira.

⁶ Ā yoa Cohamacu yare yoaa cāhū payu jira. Ti ā jipachūta Cohamacu marine yoa masichu yoariro sehe cāirota jira.

⁷ Marine Jesu yainare Espiritu Santo yoadohoro Cohamacu tuaare űono nina. Ō seheta yoadohora tiro Jesu yainare jipihinare mari noano yoadohohto sehe.

⁸ Cāinare noano masi, yahuchū yoara Espiritu Santo. Tuhsu, painare Cohamacu yare noano buhe masichu yoara tiro Espiritu Santo pinihta.

⁹ Ā yoa painare Cohamacu noano wacū tuachū yoara tiro. Ā yoaro painare Cohamacu tuaare wara tiro. Ti tuaa mehne tina sehe dohatiinare noana wahachū yoara. Espiritu Santo cāirota jiriro ti tuaare wara.

¹⁰ Tuhsu, tiro painare Cohamacu tuaa mehne yoa masichu yoara tiro. Ā yoaro painare Cohamacu yare noano yahu masichu yoara tiro tinare. Ā yoaro paina Jesu yainare buheare noano bese masichu yoara tiro. Ā masia watūno ya buhea ti jichū masina tina. Espiritu Santo waro ya buhea cāhure ti jichū masina tina. Tuhsu, painare tuhomahnoeraa duserire ti durucu masichu yoara tiro. Ā yoa tuhomahnoeraa duserire durucuina ti nino seheta yahu yūhdo masichu yoara tiro painare.

¹¹ Espiritu Santo cāirota jiriro to cahmano seheta marine cāinare ahri jipihinare yu yahuro seheta yoa masichu yoara. Cāinare soro yoa masichu yoara. Paina cāhure soro yoa masichu yoara.

Cristo yaina jina cū curuata jija mari

¹² Ō sehe jira ahri mehne mari piti dahre yahuchū: Mari pjacu cū pjacu to jipachūta wamomacari, capari, dahpori, cahmori ti pinihta payu jira mari pjacu jia. Āta jija mari Cristo yaina cāhū. Cristo yaina to pjacu yoaro sehe cū curuata jira.

¹³ Ā jina Cristo yaina jina, to pjacu yoaro sehe cū curuata jija mari. Judio masa, judio masa jieraina, dahra cohtaina, dahra cohtaina jieraina, payu curuati jipanahta

cáirota jiro to pjacu yoaro sehe cã curuata jija mari. Espiritu Santo cáirota jiro to tuaa mehne bautisarina jija mari. Á jina cáiroreta Espiritu Santore cjuaja mari, Cristo ya curua macaina jina.

¹⁴ Mari pjacu cã pjacu to jipachuta wamomacari, capari, dahpori, cahmori tí mari pjacui jia payu jira.

¹⁵ Mũ dahporo durucuri dahporo jiro, õ sehe niboa mũhare soro ni duaro: “Wamomaca jieraja yũhũ. Á jicu pjacu macariro jieraja yũhũ”, niboa. Mũ dahporo á niparota pjacu macano jirota nina.

¹⁶ Mũ cahmono durucuri cahmono jiro õ sehe niboa mũhare soro ni duaro: “Capariaca jieraja yũhũ. Á jicu pjacu macariro jieraja yũhũ”, niboa. Mũ cahmono á niparota pjacu macano jirota nina.

¹⁷ ¿Mari pjacu capariaca dihta jichũ dohse tũhobocari mari? Basioeraboa. ¿Á jina mari pjacu cahmono dihta jichũ dohse wijĩ tũhotubocari mari? Basioeraboa.

¹⁸ Tõ sehe jierara mari pjacu. Õ sehe jira. Mari pjacui jiare Cohamacũ to cahmano se-heta cũri jire mari pjacure.

¹⁹ ¿Mari pjacui jia mariachũ dohse waha-boari mari pjacu?

²⁰ Mari pjacu õ seheta jira: Cũ pjacu to jipachuta mari pjacui jia payu jira.

²¹ “Mũ yoadohochũ cahmaeraja”, mũ capariaca ni masierara mũ wamomacare. Á jichũ, mũ dapu mũ dahporire “Mũ yoadohochũ cahmaeraja”, ni masierara.

²² Paye mari pjacui jiare “Wiho jia curea jira”, mari nia sehene pototi cahmaja mari paye mari pjacui jia yũdoro.

²³ Paye mari pjacui jiare “Soro jira”, mari ni tũhotupanahta tíre mari pjacui jiare noano yoaja. Tuhsũ, paye mari pjacui jiare mari bũo tiare suhti mehne nũoja mari.

²⁴ Paye mari pjacui jiare nũoeraja mari. Tí pinine ñona, bũo tieraja. Õ sehe ji dutiri jire Cohamacũ mari pjacure. Mari ñoerare mari pjacui jiare mari noano ño payoa mehne cjuaja. Áta yoa dutiri jire Cohamacũ.

²⁵ Á jia mari pjacui jia ti basi cahma yoadohora, cã pjacuta to noano jihto sehe.

²⁶ Á jia mari capari ñano yũdũchũ paye mari pjacui jia cãhũ ñano yũdũra. Tuhsũ, mari capari noaa wahachũ mari pjacui jia cãhũ wahcheina masa yoaro seheta noano tũhotura.

²⁷ Á jicu õ sehe nii nija mũsare: Musa sehe Cristo to pjacu yoaro sehe cã curuata jira. Á jina jipihitina mũsa to pjacui jia yoaro sehe to yaina jira.

²⁸ Á jiro Jesu yainare mari yoadohohti cjihtire cũri jire Cohamacũ marine. Õ sehe cũri jire tiro marine. Cãinare marine buhe dutiro to cũ mũhtainare cũri jire tiro. Painare to

yare yahuhtinare cũri jire. Painare masare buhehtinare, painare Cohamacũ tuaa mehne yoahhtinare, painare dohatiinare ti yũhdũchũ yoahhtinare, painare masare yoadohoitinare, painare masa pũtoa jihtinare, painare tũhomahnoeraa dũserire durucuhtinare cũri jire Cohamacũ marine.

²⁹ Á to cũchũ jipihitina cãno potori to cũrina jieraja mari. Paina Cohamacũ yare yahuhtina jierara. Paina Cohamacũ buhe dutiro to cũrina jierara. Tuhsũ, paina masare buheina jierara. Paina Cohamacũ tuaa mehne yoaina jierara.

³⁰ Tuhsũ, paina dohatiinare yũhdũchũ yoaina jierara. Paina sehe tũhomahnoeraa dũserire durucuina jierara. Tuhsũ, paina tũhomahnoeraa dũseri durucuare yahu yũhdoina jierara. Á jiro cãinare mari yoahhtire cũri jire tiro.

³¹ Wiho mejeta Cohamacũ yare yoa masi duana noa yũhdũa sehene tuaro cahmaga mũsa. Jipihtia ahri yũ niri yũdoro mũsa cahmahti cjihtire mipare yahuhtija mũsare yũhũ.

13

Painare noano ti cahĩhtire yahuha Paulo

¹ Masa ya dũserire durucu masipanahta, anjoa ya dũserire durucu masipanahta, painare cahĩerana yaba cjihti jieraja mari. Mari durucua cãhũ yaba cjihti jierara. Painare cahĩerana mari durucuna, wiho waro durucuna nija.

² Cohamacũ yare noano yahu masipanahta, masa ti masierari cjirire Cohamacũ yare ti buheri cjiri cãhare masi pahĩopanahta, painare cahĩerana yaba cjihti jieraja mari. “Ahdũ tãcu pa sehẽpũ wahajaro”, mari nichũ, “Potocãta mari siniriro seheta Cohamacũ yoarohca”, ni mari tũhotũchũ áta yoarohca. Cohamacũre á ni tũhotuina jipanahta painare cahĩerana, yaba cjihti jieraja mari.

³ Jipihtia mari yare pjacũoinare wapanaha painare mari cahĩerachũ ti mari wari yaba cjihti jierara. Tuhsũ, Cohamacũ yare yoana tana mari pjacũre mari jũ dutipachuta, painare mari cahĩerachũ marine yaba cjihti jierara.

⁴ Suaeraja painare cahĩna. Tinare cahĩna noano yoaja tinare. Tuhsũ, painare cahĩna tinare pahsu tieraja. Mari cahĩriro mehne jina “Mũ yũdoro jiroto jija”, niina jieraja mari. Painare cahĩna “Mũsare masi yũhdũrũcãja”, ni tũhotueraja mari tinare.

⁵ Á yoa painare cahĩna tinare ño payoro mehne yoaja mari. Painare cahĩna “Sã cahmano sehe yoaja. Mũsa cahmano sehe yoeraja”, nieraja mari. Tuhsũ, tinare cahĩna suaeraja mari tina mehne. Painare

cahîna marine ñano ti yoachû cahûre tina mehne ã suarucuraja mari.

⁶ Painare cahîna ñaare ti yoachû ñana wahcheraja mari. Noaa sehene quihõno ti yoachû ñana tuaro wahcheja.

⁷ Painare cahîna ti ya buhiri ñano yuhdûpanahta tinare ã cahîrucuja mari. Painare cahîna paina sehe tinare ti yahuwajachû tûhõpanahta tîre tûho duaeraja mari. Painare cahîna "Tina ñaare yoasi", ni tûhotuja mari tinare. Painare cahîna ñano yuhdûpanahta tinare cahî duhusi mari.

⁸ Painare cahma cahîna ne pihtisi. Cohamacû yare masa mari yahua sehe baharo pihtia wahaahca. Tûhomahnoeraa duserire durucua cûhû baharo pihtia wahaahca. Cohamacû yare masa ti buheri çjiri cûhû baharo pihtia wahaahca. Painare cahma cahîna sehe ne pihtisi.

⁹ Mipure Cohamacû yare mari masi pahño masieraja. Æ jina to yare yahuna mari yahu pahño masieraja. Mari masi pahñohto duhsasinina mini.

¹⁰ Æ jina Cristo ñaa marieriro to tjua tari baharo mari masi pahñonahca. "Masieraja", ni namosi.

¹¹ Mari masi pahñohto õ sehe jira: Nijinocã jicû nijinocã yoaro sehe durucumai yuhû. Nijinocã to yoaro sehe tûhoturucumai. Bucuro wahaipû nijinocã to yoiriro seheta duhunocai. (Tó seheta mari mipure "Masi pahñoeraja", nipanahta baharopure masi pahñonahca.)

¹² Nõno to noano masû bajueraro seheta mipure noano masi pahñoerasinija mari. Baharo pairore noano mari ñû masino seheta mari masi pahñonahca. Mipure mari masi pahñohto marine duhsasinina mini. Cohamacû marine to noano masi pahñoiriro seheta baharo mari cûhû noano masi pahñonahca.

¹³ Æ yoana tiarore mari yoa masija mipure. Cohamacûre wacû tua masija. Æ yoa marine to yuhdûchû yoahore masina, mari noano cohta masija. Æ yoa painare cahma cahî masija. Ahri tiaro jira pototi mari yoahî. Tuhsû, painare cahma cahîna, ahri puaro yuhdoro yoana nija. Wacû tuaa, to yuhdûchû yoahore cohtaa yuhdoro jira cahma cahîna sehe.

14

*Tûhomahnoeraa duseri durucua
yahuha Paulo*

¹ Æ jina painare cahma cahîna jiga musa. Æ yoa Cohamacû yare musa noano yoa masihtore cahmaga musa. Cohamacû yare musa yahuhti pinihtare tuaro cahmaga musa.

² Tûhomahnoerari duserore durucuriro Cohamacû mehne dihta durucura. Æ ni durucuro masa mehne durucuro nierara tiro.

To ã ni durucuchû tûhoa masa sehe ne tûho ñahaerara tiore. Masa ti masierare Espiritu Santo to tuaa mehne durucuro nina tiro.

³ Cohamacû yare yahuriro sehe masa sehere yahura. Æ yahuro tiro masare yoadohoro nina. Tinare buhero nina tiro. Tuhsû, ti ñano yuhdûchû tiro tinare wahchechû yoara.

⁴ Tûhomahnoerari duserore durucuriro cãirota buhera. Painare buherara. Cohamacû yare yahuriro sehe painare Jesu yainare buhero, yoadohora tiro.

⁵ Tûhomahnoeraa duserire jipihtina musa durucuchû noaboa, yû tûhotuchû. Wiho mejeta Cohamacû yare musa yahuchû pinihtare tuaro cahmaja. Cohamacû yare yahuriro pinihta tûhomahnoerari duserore durucuriro yuhdoro painare yoadohora. Æ jipachûta tûhomahnoerari duserore durucuriro to durucuaire paio to yahu yuhdochû tî sehe pototi painare yoadohora. To durucuaire yahu yuhdoriro jiro tiro sehe painare Jesu yainare buhero nina.

⁶ Tûhomahnoerari duserore musa mehne durucucû paio musare to yahu yuhdoerachû musare yoadohoraboca yuhû. Æ jicû Cohamacû yuhûre to yahurire yahucû, to yare yû masiare yahucû, payere to yare yahucû musare yoadohoi nija. Tîre musa tûhohto sehe musare buhecû musare noano yoadohoi nija yuhû.

⁷ Tûhomahnoerari duserore durucuriro to durucua ti putipea ti buaputêa yoaro sehe jira. Curisure putina, arpare buaputêna tîre mari quihõno yoaerachû tî basaare painare masihtore basioerara.

⁸ Æ yoa cornetare putiriro surara jiro ti cahma wajãhto panore quihõno to putierachû paina surara sehe ti cahma wajãhtore masisi. Æ jia ti cahma wajãhto pano ti wajãhtire wamoare cahnoyueraina jiahca tina.

⁹ Tó seheta musa cahûre tûhomahnoerari duserore musa durucuchû tûhoa, yahu yuhdoriro mariachû paina tîre ne masisi. Tî ã masierachû musa durucua yaba çjihti jierara.

¹⁰ Ahri yahpai payû duseri durucua jica. Æ jia tî duserire durucuina ti basi tî Æ durucuaire noano tûhora.

¹¹ To ya duserore yû tûhoerachû ñano tîre durucuriro sehe "Pa dihta macariro jira", ni tûhoturohca yuhûre. Æ jicû yuhû cûhû ãta ni tûhotuuhca tiore.

¹² Æta jire musa cûhû tûhomahnoerari duserore durucuna. Espiritu Santo to tuaa mehne tuaro yoa duamana musa. To tuaa mehne Æ yoa duana paina Jesu yainare musa buhehti sehene tinare musa yoadohohi sehere tuaro cahmaga musa.

13 Ä jiro tåhomahnoerari duserore durucuriro to durucuaire to noano yahu yåhdohoto cjihtore Cohamacåre sinijaro tiro.

14 Tåhomahnoerari dusero mehne Cohamacåre sinicu Espiritu Santo mehne sinii nija. Ä sinicu yå tåhotuare masi namochu yoeraja.

15 Ahrire masina, õ sehe yoanahca mari: Espiritu Santo to tuaa mehne tåhomahnoerari dusero mehne Cohamacåre sininahca. Tuhsu, pa tehe noano masi tåhotu paina ti noano tåhohto sehe ti ya durucua mehne Cohamacåre sinina, tí cåhåre sininahca tjoa. Espiritu Santo to tuaa mehne tåhomahnoerari dusero mehne Cohamacu yare basanahca. Tuhsu, pa tehe noano masi tåhotu paina ti noano tåhohto sehe ti ya durucua mehne Cohamacu yare basana, tí cåhåre basanahca tjoa.

16 Mari å yoerachu tåhomahnoera duseri mehne Espiritu Santo tuaa mehne Cohamacåre “Noariro, tuariro jira”, mari nipachåta paina ne tåhoerara. Ä tåhoeraa “Tõihita jira”, ni masierara.

17 Tåhomahnoera duseri mehne Cohamacåre “Noana”, ni masija mari. Mari å nia noaa jipachåta tíre yahu yåhdoerana painare buheraja mari. Ä jina tinare yoadoheraja mari.

18 Jipihtina msa yåhdoro yåhu sehe tåhomahnoeraa duserire durucuja. Ä jicu Cohamacu yåhåre å durucu masichu to yoachu tírore “Noana”, nija yåhu.

19 Ä durucuriro yå jipachåta Jesu yaina cahmachuina watoi yå jichu, tåhomahnoerari dusero mehne payu duserire yå nipachåta yaba cjihti jierara. Tí yåhdoro masa ti noano tåhohto sehe mahaa dusericå yå yahupachåta noa nina, yå tåhotuchu.

20 Yå coyeya, macanacå tåho masieraina ti jiro sehe jiena tjiga msa. Wahma masa bajuaina ñaa yoare ti masieraro seheta jiga msa cåhu. Tuhsu, bcuna tåho masiina ti jiro sehe jiga msa.

21 Cohamacu yare ti joari pi õ sehe nina: “ Tåhomahnoeraa duserire durucuinare ahрина masare yå yare yahu dutiåhtja. Ä yoa pa dihta macaina ya durucua mehne yå yare yahu dutiåhtja ahрина masare. Tinare tí å yahupachåta ahрина yå yahuare tåhosi’, nina Cohamacu mari phtoro”, nina Cohamacu yare ti joari pi.

22 Tåhomahnoeraa duserire durucua Jesu yainare Cohamacu tuaare masichu yohti cjihti jierara. Tí durucua Jesure cahmaeraina sehere Cohamacu tuaare masichu yohti cjihti jira. Ä yoa Cohamacu yare yahua Jesure cahmaerainare Cohamacu tuaare masichu yohti cjihti jierara. Co-

hamacu yare yahua Jesu yaina sehere Cohamacu tuaare masichu yohti cjihti jira.

23 Ä yoa jipihtina msa Jesu yaina cahmachuchu tåhomahnoeraa duserire msa durucuchu tíre masieraina, paina Jesure cahmaeraina cåhu sa ta tåhoboca. Ä tåhoa “Tina tåho masieraina jira”, niboca msare tina.

24 Jipihtina msa Cohamacu yare msa yahuchu pinihta tíre masierariro, Jesure cahmaerariro sa ta tåhoro, to ñaa yoari buhirire masiboca tiro. Ä masino to ñaa yoarire cahyaboca tiro.

25 Ä jiro potocå to jia tiare to tåhotua cåhåre masiboca tiro. Ä yoaro Cohamacu panoi na tuhcuca caha sro, tírore ño payorohca. Tuhsu, “Cohamacu potocåta msa mehne jira”, ninohca tiro msare.

Msa cahmachuna noano yoaga dojomehnenno marieno

26 Ä jicu yå coyeya, msare ahrire nii nija: Msa Jesu yaina cahmachuna cåina msa mehne macaina Cohamacu yare basa duara. Ä yoa paina msa buhe duara. Tuhsu, paina msa Cohamacu msare to buheri cjirore yahu duara. Paina msa tåhomahnoerari duserore durucu duara. Tuhsu, paina msa tí duseri durucuaire yahu yåhdo duara. Tí jipihtine å yoana msare tåhoina ti noano masihtu sehe tíre yoaga.

27 Ä jina tåhomahnoerari duserore msa durucuna paro, tiaro tpeinata durucuga msa. Ä yoana cåinata durucuga. Msa å durucuchu, ciro msa mehne macariro msa durucuaire painare yahu yåhdojaro.

28 Msa durucuaire yahu yåhdoriro mariachu msa cahmachuna jipihtina msa tåhomahnoeraa duserire durucu duaina durucuena tjiga. Ä jina masa marienoí Cohamacu mehne durucuga msa.

29 Ä yoa Cohamacu yare yahu duana paro, tiaro tpeinata yahuga msa. Msa å yahuchu paina msare tåhoina msa yahurire Cohamacu ya to jichu noano masijaro. Cohamacu ya to jierachu cåhåre noano masijaro.

30 Ä yoa Espiritu Santo Cohamacu yare pairore ti dujirirore to yahu dcachu tiro cåhu Jesu yainare yahu duara. Ä jiro Cohamacu yare yahu mhtariro sehe dihta mariajaro.

31 Ä jina jipihtina msa Cohamacu yare yahuna, cåinata yahuga msa jipihtina paina ti noano tåhohto sehe, ti noano wahchehto sehe.

32 Ä jina Cohamacu yare yahaina jina, noano tåho masi, noano tåhotu dapu, durucuina jiga.

³³ Cohamacu to yaina ti cahmachunopu ti cahma wisiachu cahmaerara tiro. Dosomehnenno marieno ti noano jichu cahmana tiro.

Jipihtiropu Jesu yaina cahmachua, õ sehe yoara tina:

³⁴ Ti cahmachunoi numiare masa panoi yahu dutierara. Ti numiare mari sehe durucu dutieraja. Cohamacu to joari pu to niriro seheta numiare musare noano yuhtia numia jiro cahmana. A jia cahmachunoi numia durucuea tjijaro.

³⁵ Jesu yaina ti cahmachunoi numia ti durucuchu ñaa nina. A jiro paye barore masi duaro numino to ya wuhuputa to manunore sinitujaro.

³⁶ Ahri yu yahuhtire noano masiga musa. Cohamacu durucua yahu ducaina jierara musa. Tuhsu, to yare tuhorina musa dihta jierara. Paina cahu to ya buheare cjuara.

³⁷ Musa mehne macariro “Yuhu Cohamacu yare yahuriro jija”, ni tuhoturiro jiro ahri musare yu joari cjiri Cohamacu to dutia jichu masijaro tiro. Tuhsu, paio “Espiritu Santo to tuua mehne yoa masija”, ni tuhoturiro jiro tiro cahu ahri yu joari cjiri Cohamacu to dutia jichu masijaro tiro.

³⁸ Tire to masi duaerachu yu joari cjirire “Potocã jierara”, to nichu tireore duhunocahga. Tuhona tjiga tireore.

³⁹ A jina yu coyea, Cohamacu yare yahuina musa jihtore tuaro cahmaga musa. Tuhsu, musa mehne macaina musa cahmachunoi tuhomañoeraa duserire ti durucu duachu a durucu dutiga tinare.

⁴⁰ A cahmachuna noano, cahma dosomehnenno marieno yoaga musa.

15

Cristo to masa mujarine yahuha Paulo

¹ Mipure yu coyea, noaa buheare musare yu yahurire musare wacuchu yoa duaja. Ti buheare noano cahmare musa. A cahmana ti buheare a yuhtirucure musa.

² Musa a cahmachu tire musa a yuhtirucuchu Cristo musare pichacapu wahaborinare yuhdachu yoa tuhsare. Musa a tuhori baharo Cristo yare musa duhunocachu ti musa tuhori cjiri yaba cijhti jierara.

³ O sehe ni yahu muhtaithtja musare. Ahri wiho waro jierara. Musare buhecu yuhure Cristo to yahuri cjirire musare o sehe ni yahui: Cohamacu yare ti joariro seheta mari ñaa buhirire Cristo yariari jire.

⁴ A yoa Cohamacu yare ti joariro seheta Cristo to yariari baharo paina to pjacu cjirire copapure ti duhu payori baharo tia dacho jiboro ti tiro masa wijaari jire.

⁵ Tiro to a masa wijaari baharo Pedreore bajuari jire. To a bajuari baharo to buheinare bajuari jire tjoa.

⁶ To a bajuari baharo cu tahata quiniento bui jinaare to yainare tiro bajuari jire tjoa. Caina tireore ñurina cjiri mipure yariarina cjiri jira. Ti a jipachuta payu tina mehne macaina cjiri mipure jisinina.

⁷ Baharo Cristo Santiagore bajuari jire tjoa. A to bajuari baharo jipihtina to buhe duti to curinare bajuari jire tjoa.

⁸ Jipihtina painare to bajuari baharo yuhu cahure bajuari tjoa. Wiharocã to quihori dachoi masa bajuerarocã to masa baja nenu tiriro seheta yuhu cahu Jesure wacu tua nenu tiriro jija. Yu a jiriro jichu ti baharopu bajuare Jesu yuhu cahure tjoa. Yuhureta tiro baja batoare juna.

⁹ Panopure Jesu yainare ñano yoamai. A yoariro cjiri jicu paina Jesu to curina jipihtina ti docapu waro jija yuhu. A jicu mipu cahure Jesu buhe duti to cuboriro jieramaja yuhu, yu tuhutuchu.

¹⁰ A jipaihta Cohamacu yuhure to cahichu mipure Jesu to curiro jija yuhu. A jicu tiro yuhure to cahichu mipure to cahmaare yoa pahñoja. A jicu yuhure to cahichu to yairo a jinocai nieraja. Jipihtina paina to curina yuhoro yuhu sehe tuaro buhei. A buhecu yu mu saro buherahi. Cohamacu yuhure cahino yuhure yoadohore.

¹¹ Yuhu sehe ahri buheare yu buhechu tuhorina jiboca musa. O paina sehere tuhorina jiboca musa. A jipachuta yuhu, yuhu mehne macaina cahu cãno potori ahri buheare buheja sa jipihtina Jesu to curina. A sa buhechu tuhona musa sehe ahri buheare noano tuhore.

Yariarina cjiri ti masa mujarine yahuha Paulo

¹² Cristo to yariari baharo to masa mujarine sa buhepachuta “Yariarina cjiri ne masa mujaerara”, nina musa mehne macaina caina. ¿Dohse jiro baro a nijari tina tire?

¹³ A jiro yariarina cjiri ti masa mujaerachu Cristo cahu ne masa mujaeraboa.

¹⁴ A yoa Cristo to masa mujaerachu noaa buheare sa yahuri cjiri ne yaba cijhti jieraboa. To masa mujaerachu tireore musa wacu tuua cahu yaba cijhti jieraboa.

¹⁵ Masa mujano mariachu sa sehe Cohamacu yare mahñoa nibo. Yariarina cjiri ti masa mujaerachu Cohamacu sehe Cristore masa mujachu yoeraboa. To a yoerachu “Cohamacu Cristore masa mujachu yoari jire”, sa nina mahñoa jiboa sa.

¹⁶ Yariarina cjirire Cohamacu masoeraro, Cristo cahure tiro masoeraboa.

17 Ā jiro Cristo to masa mǎjaerachũ tireore masa wacũ tuua yaba cjihti jieraboa. Ā yoa masa ñaa yoari buhiri buhiri tiina jisiniġboa masa.

18 Masa mǎjano mariachũ Cristo yaina cjiri yaria muhtaina cjiri pichacapũ waha tuhsaboa.

19 Cristore mari wacũ tuari baharo mari yariana masa mǎja masierana jipihtina paina masa yuħdoro pǎcũoına jiboa mari sehe.

20 Potocāta Cohamacũ Cristore masa mǎjachũ yoari jire. Cristo to masa mǎjari baharo mari cǎhũ yarianapũ masa mǎjahtina tjija. Tiro ā masa mǎjano, marine suho masa mǎja muhtariro jira.

21 Ō seheta jira ahri: Adāo mehne masa yaria ducaha. Tó sehe Jesu mehne yariarina cjiri masa mǎjaahca.

22 Adāo yaina ji nũhũ tiinapũ mari jipih-tina yarianahca. Tó seheta Cristo yaina mari jichũ mari yariari baharo marine masa mǎjachũ yoarohca Cohamacũ.

23 Cāa curuari Cohamacũ to quihõriro mũ sachũ masa mǎjaahca. Cristo marine suho ji muhtariro masa mǎja muhtari jire. Baharo tiro ahri yahpapũ to tjua tachũ mari to yaina cǎhũ masa mǎjanahca.

24 Tí pǎta pihtiri dacho jirohca. Ā jiro jipih-tina ñaina puhtoare, dutiinare, tuainare cohāno Cristo yuħdurũcarohca. To ā yoari baharo jipihtina bui to puhtoro to pũcũrore.

25 To wiahto pano to pũcũro Cristore ñũ tuhtinare to yuħdurũca pahñõhto pano Cristo pinihta jipihtina bui puhtoro jirohca. Ā jirirota jiro cahmare tireore.

26 Tireore ñũ tuhtinare to yuħdurũcari baharo, yariaro cǎhũre cohā batoarohca tiro. Yariaro pih-tia waharohca. Pari turi yariasi masa.

27 Jipihtina bui dutihtiro cjihtore cũri jire Cohamacũ Cristore. Jipih-tia pũro cǎhũre cũri jire tireore. Āta nina Cohamacũ yare ti joari pũi. Cohamacũ sehe tireore cũriro jira. Ā jiro “Jipihtina bui dutihtiro cjihtore cũri jire tireore” nino, “Cohamacũ bui dutiriro jira tiro”, nino nierari jire to yare ti joari pũi.

28 Jipihtina bui dutiriro Cristo Cohamacũ macũno to jichũ Cohamacũ tireore cũriro sehe to macũno bui dutiriro jirohca. Ā jiro Cohamacũ sehe jipihtina bui puhtoro waro jira. Jipih-tia pũro cǎhũ jira.

29 ¿Masa mǎjano mariapachũta dohse yoa paina masa yariarina cjiri ya cjihtire ti bautisarina jijari? Yariarina cjiri masa mǎjaerachũ ti ya cjihtire paina bautisarina ti jichũ tí yaba cjihti jieraboa.

30 Sā sehene sā buheri buhiri dachoripe paina sāre ti ñano yoa duachũ cua nina sā

cǎhũre. Sāre ā cuapachũta masa mǎjano to jichũ masina ā buherucuja sā.

31 Yũ coyea, mari puhtoro Jesucristo yaina masa jichũ tireore wacũ tua namoina masa wahachũ yũhũ sehe tuaro wahche tuhotuja musare. Tí potocāta jira. Ā yoa, “Dohse jiri nũmũ yũhũre yariahto cua nina”, yũ nichũ tí cǎhũ potocāta jira.

32 Efeso macaina suaina noaa buheare yũ buheri buhiri yũhũre tuhti, cǎhũre. Masa mǎjano mariachũ Jesu yairo yũ jierachũ, yũ ā ñano yuħduri yaba cjihti jieraboa. Wiho waro ñano yuħdũi niboa yũhũ. Yariarina cjiri ti masa mǎjaerachũ ō sehe niboa mari: “Baharo curero yarianahca. Dohse wahasi mari. Ā jina chũ sihnijihna. Mari mũ sũro yojihna”, niboa mari.

33 Mahñõare tuhotuena tjiga masa. “Ñainare piti tina, noaa masa yoa tiare duhunahca masa”, nina masa. Tí potocāta jira.

34 Noaare tuhotuina jiga masa. Tuhsũ, noaare yoina jiga tjoa. Ā yoa ñaare yoa namoena tjiga tjoa. Cāina masa mehne macaina sehe ne Cohamacũre masierara. Masa buo tihto sehe musare ā nija.

Yariarina cjiri masa mǎjaina ti pǎcũri cjihtire yahu namoha Paulo

35 Ā yoa masa mehne macariro ō sehe ni sinituboca yũhũre: “¿Dohse yoa yariarina cjiri masa mǎjaahcari? ¿Dohse jia pǎcũri masa mǎjaahcari?” ni sinituboca.

36 Ā sinituriro tuho masierariro seheta bisiro coa tara. Toari yapare mari toari baharo tí yapa baro cahachũ waro dura. Tó sehe wahaararo ne dusi. Tíre masina masa.

37 Bũcũ yucũpũre toeraja mari. Pja yapari dihtare toaja mari. Tí yapari trigo yapari jia ji, o paye yapari baro jia jiboca.

38 Tí yaparire mari toari baharo Cohamacũ to cahmariro seheta tí yaparire bũcũa mǎjachũ yoara. Ā yoaro mostaza yaparire mostaza yucũ wahachũ yoara tiro. Trigo yaparire trigo yucũ wahachũ yoara. Āta du dutira Cohamacũ.

39 Jipihtina pǎcũri cāno potori bajuerara. Masa pǎcũri sehe cāno sehe jira. Wahiquina pǎcũri cǎhũ soro sehe bajura. Minichahca pǎcũri cǎhũ soro sehe bajura. Wahĩ cǎhũ soro sehe pǎcũri tira.

40 Ā yoa mũano macaa poca cǎhũ soro sehe bajura. Tuhsũ, ahri yahpa macaina cǎhũ pǎcũ tira. Ā yoa mũano macaina pǎcũri soro sehe bajura. Ā jia ahri yahpa macaa mũano macaa yoaro sehe jierara.

41 Ō seheta jira. Sũ dacho macariro si sitera. Ā yoa ñami macariro cǎhũ soro jira. Potota buhriara. Tuhsũ, ñahpichoha poca cǎhũ soro sehe bajua si sitea cjuara.

Ñahpichoha poca peri cãhure mari ñũchũ cãa poca pjiroca sia poca bajura. Á yoa paye poca tuaro sia poca bajura.

⁴² Tó seheta jira yariarina cjiri ti masa mũjachu. Masano to pjacũre mari yari baharo to pjacũ baharo. Baharo pa pjacũ soro jiri pjacũ jipihitia dachoripe catihti pjacũ masa mũjanohca.

⁴³ To pjacũre mari yachu yariariro cjiro pjacũ nina. Cohamacũ tirore to masochũ to pjacũ noa yũhdũari pjacũ jira. Tuhsũ, to pjacũ mari yari pjacũ wiho jiri pjacũ jira. Cohamacũ tirore to masochũ pinihtare to pjacũ wiho jiri pjacũ jieraro, tua yũhdũara.

⁴⁴ Ahri yahpa macari pjacũre mari yachu tiro yariariro cjiro to masa mũjachu to pjacũ mũano macari pjacũ jirohca. Ahri yahpa macari pjacũre mari cjuana, mũano macari pjacũ cãhure cjuana, masa mũjana.

⁴⁵ Ő sehe ni yahura Cohamacũ yare ti joari pũ: “Ahri yahpai ji mũhtariro Adão wama tirore catiriro wahaa tiha”, ni joaa tiha. To á jipachũta Adão yoaro sehe jiriro bato tirore Cristo sehe catiare waro tari jire.

⁴⁶ Ahri yahpa macari pjacũ ji mũhtari pjacũ jira. Baharopũ mũano macari pjacũ jirohca.

⁴⁷ Ő seheta jira: Ji mũhtariro Adão sehe ahri yahpa macariro dihta mehne to yoari pjacũre pjacũ tiri jire. To baharo tariro, Cristo sehe mũanopũ tari jire.

⁴⁸ Dihta mehne ti yoari pjacũ ti mũhtariro to jiriro seheta jipihitina paina dihta mehne to yoari pjacũ tiina jija mari. Á yoa mũanopũ tariro yoaro seheta to yaina jipihitina to yoaro sehe pjacũ tiina jinahca mari.

⁴⁹ Dihta mehne to yoari pjacũ tirore Adão yoaro sehe bajuja mari. Baharo mũano macariro Cristo yoaro sehe bajunahca mari.

⁵⁰ Yũ coyey, mũsare ahrire yahu duaja: Ahri yahpa macari pjacũ di mehne, dihi mehne jiri pjacũ puhtoro Cohamacũ to suho jiropũre mũanopũre ne wahasi. Mari pjacũri baahiti pjacũri jira. Á jia mũanopũ jipihitia dachoripe mari jihtopũre ahri pjacũri wahasi.

⁵¹ Panopũre masa ti masierari cjirire mipũre mũsare yahu duaja: Mari mehne macaina cãina yariasi. Á jina dóicãta, mari pjacũrĩre cohtotaina jinahca.

⁵² Corneta to puti batoari dachoi áta waharohca marine. Dóicãta, mari capari wihmitjĩa mari ñũ pũorocaró sehe ō sehe waharohca. Corneta to bisiri baharo yariarina cjirire Cohamacũ masonohca jipihitia dachoripe mari jihitina cjihtire. Tuhsũ, mari pjacũrĩre cohtotaina jinahca mari cãhũ.

⁵³ Mari pjacũrĩre to cohtotachũ tó pano mari baahiti pjacũri ti jipachũta mari cohtotari baharo ne baasi. Á yoa mari pjacũri ti

cohtotachũ tó pano mari yariahti pjacũri ti jipachũta ne yariasi.

⁵⁴ Mari baahiti pjacũri ne baerahti pjacũrĩre cohtotarohca. Á yoa mari yariahti pjacũri á jiruuchiti pjacũrĩre cohtotarohca. Marine to á cohtotachũ panopũ to joariro seheta á waharohca: “Naina mari jiri buhiri tiare Cristo to cohã pahñori baharo, Cohamacũ yariarore cohãncari jire.

⁵⁵ Ne pari turi mari yariasi. Á jina yariaro mehne pari turi ñano yũhdũsi mari”, ni joaa tiri jire panopũre.

⁵⁶ Mari ñaa buhiri jichũ pinihta yariaropũ ñano yũhdũnahca. Á yoa Cohamacũ dutia Moise cjirore to cũri cjirire mari masiri baharo, buhiri tija mari. Á jiro marine pichacapũ waha dutira Cohamacũ dutia.

⁵⁷ To á dutipachũta mari puhtoro Jesucristo sehe marine pichacapũ wahaerachũ yoara. To á yoariro jichũ masina Cohamacũ mehne wahche “Noana”, nija mari.

⁵⁸ Á jina yũ coyey, yũ cahũina, Cristore wacũ tua duhuena tjiga. Á yoana paina mũsare noaa buheare ti cohã dutichũ, ne cohãena tjiga tĩre. Á yoa dachoripe mari puhtoro Jesucristo to yoa dutirire noano yoarucuga mũsa. Mari puhtoro Jesucristo yare mari yoachũ, ahri wiho waro jierara. Ahrire masina to yoa dutirire noano yoarucuga mũsa.

16

Painare Jesu yainare Corinto macaina niñeru ti wahtire yahuha Paulo

¹ Mipũre painare Jesu yainare mũsa niñeru wahtire yahu duaja mũsare. Galacia yahpa macainare Jesu yainare yũ dutiriro seheta mũsa cãhũ yoaga.

² Somanaripe domingo jichũ jipihitina mũsa Jesu yainare wahti cjihti niñerure mahanocã waga. Mahanocã cjuana mahanocã waga. Á yoa pji curero cjuana pji curero waga. Somanaripe mũsa á yoachũ mũsa cahapũ yũ sũchũ mũsa warocahti cjihti niñeru ji tuhsũrohca.

³ Mũsa wahtire, mũsa warocahtina cãhure yahuri pũre joaihtja. Á jicu mũsa cahapũ sũcu ti pũre Jerusalẽpũ wahahtinare mũsa beserinare waihtja. Á wa tuhsũcu Jesu yainare mũsa warocari niñerure nahitina cjihtire tinare warocaihtja Jerusalẽpũ.

⁴ Tĩ macapũre yũ yoahiti jichũ yũhũ cãhũ wahaithca. Yũ á wahachũ yũhũ mehnetã tina wahaahca.

To tinihto cjihtore yahuha Paulo

⁵ Macedonia yahpa macainare masa boca yũhdũihca yũhũ tinare. Yũhdũ wahcã, mũsa cahai Corintopũ sũihca.

⁶ Tõpũ sũcu mũsa mehne mahaa dachoricã jiboca yũhũ pa tehe nĩca. Yoa cureri pja

puhiro puro m̄sa mehne jiboca ȳh̄u. Ā jina pa seher̄u ȳ wahachu m̄sa c̄h̄u ȳh̄ure yoadohoroca masina.

⁷ Mahaa n̄m̄ric̄ā ji duaeraja ȳh̄u m̄sa mehne. Ā jic̄ Cohamac̄u cahmach̄u yoa cureri pja m̄sa mehne jiihtja ȳh̄u.

⁸ Ā ji duapaihta Pentecoste bose n̄m̄uri jich̄u Efesoi jisinihca ȳh̄u.

⁹ Ōi Efesoi mip̄ure mari puhtoro Jesu yare t̄ho duaina paȳu jira. Ti ā t̄ho duachu tinare yahuja. Ȳ ā yahuch̄u ȳh̄ure ñu yabiina paȳu jira.

¹⁰ Timoteo ȳ yoaro seheta mari puhtoro yare yoara. To ā yoariro jich̄u m̄sa cahap̄u to s̄ch̄u noano mehne tirore piti boca, tiro mehne noano wahchea mehne jiga m̄sa.

¹¹ Ā yoana tirore ñu yabiro marieno noano mehne piti bocaga m̄sa. Tuhs̄u, to coha sitich̄u noano mehne tirore yoadohorocaga ȳ cahap̄u to tjua tach̄u. Tiro paina Jesu yaina mehne ti tahtore cohtana nija s̄a. Ā jina noano mehne yoadohorocaga tinare.

¹² Apolo mari coyeiro Jesu yairo m̄sare to ñ̄no wahach̄u tuaro cahmamahi. Ā jic̄u tirore waha dutimahi paina Jesu yaina mehne to wahahto cjihtore. Ȳ ā waha dutipach̄uta mip̄ure tiro waha duaerare. Ā jiro baharo tirore yoaa mariach̄u m̄sa cahap̄u waharohca tiro.

Paulo noa duti batoaha

¹³ Noano wac̄u masiga m̄sa. Cristore wac̄u tua duhuena tjiga m̄sa. Ne cuieraina jirucuga m̄sa. Ā yoa Cohamac̄u tuaa mehne wac̄u tuaina jirucuga m̄sa.

¹⁴ Dohse jiare m̄sa yoana, painare cah̄a mehne tire yoaga m̄sa.

¹⁵ Mip̄ure ȳ coyea m̄sare ahrire yahu duaaja: Est̄fana ya w̄h̄u macaina Acaya yahpa macaina noaa buheare t̄ho m̄htaina, ti ya yahpai Cristore wac̄u tua m̄htaina jire tina sehe. Tuhs̄u, painare mari coyeare Jesu yainare noano yoadohorucure tina. T̄re m̄sa masina.

¹⁶ Tina yoaro sehe j̄inare, paina Cristo yare yoadohoinare m̄sa noano ȳhtich̄u cahmaja ȳh̄u.

¹⁷ Est̄fana, Fortunato, Acaico c̄h̄u ȳ cahap̄u wihi tuhs̄ure. Ōi ti jich̄u p̄joro mehne wahcheja ȳh̄u. M̄sa mariach̄u m̄sare tuaro wac̄u nimahi ȳh̄u. Ā jic̄u tina ti wihih̄u wahcheja ȳh̄u.

¹⁸ Tina mehne jic̄u noano yajeripohna tiriro wahahi ȳh̄u m̄sa c̄h̄u tina mehne m̄sa wahcheriro seheta. Tinare noano ño payoa mehne t̄hoga m̄sa. Ā yoa paina tina yoaro sehe j̄ina c̄h̄ure ño payoa mehne t̄hoga.

¹⁹ Asia yahpa macaina Jesu yaina m̄sare noa dutira. Ā yoa Aquila, Priscila, ti ya

w̄h̄u cahmachuina mehne Cristo to cah̄a mehne m̄sare p̄joro noa dutira.

²⁰ Ō macaina Jesu yaina jipihtina m̄sare noa dutira. M̄sa mehne macainare noano mehne piti bocasinia.

²¹ Ȳh̄u, Paulo ȳ basi ahri dihtare joaja. M̄sare noa dutija.

²² Mari puhtoro Jesucristore paio ro cah̄erach̄u, Cohamac̄u tirore buhiri dahre-jaro. Mari puhtoro cjero tjua tajaro.

²³ Ȳ coyea mari puhtoro Jesucristo m̄sare jipihtinare to cah̄a mehne noano yoajaro.

²⁴ Ȳh̄u Jesucristo yairo jic̄u, to yaina m̄sa c̄h̄u m̄sa jich̄u m̄sare tuaro cah̄ija.

2 Corintios

Õ sehe ni joarocaha Paulo Corinto macainare

¹ Yũhũ Paulo Jesucristo buhe dutiro to cũriro jija. Cohamacũ to cahmariro seheta cũre yũhũre Jesu. Yũhũ, mari coyeiro Jesu yairo Timoteo mehne musare Cohamacũ yainare, Corinto macainare joarocaja tjoa. Jipihtina Cohamacũ yainare Acaya macainare musa cãhũre joarocaja.

² Ã jina Cohamacũ mari Pũcũ, mari pũhtoro Jesucristo mehne musare noa dutija. Cohamacũ to cahĩa mehne to yoadohoa mehne noano jiga musa.

Paulo to ñano yũhdũrĩre õ sehe ni yahuha

³ Mari pũhtoro Jesucristo Pũcũro Cohamacũ marine pja ñũna. Ã jiro tiro marine ã yoadohocura. “Noa yũhdũrĩro jira tiro”, nijihna mari.

⁴ Mari ñano yũhdũchũ ñũno jipihtinare marine to yainare yoadohora tiro painare mari yoadohohto sehe. Cohamacũ marine to yoadohoa mehne mari cãhũ paina cãhũre yoadohonahca.

⁵ Cristo yaina mari jiri buhiri mari ñano yũhdũchũ tiro tuaro yoadohorohca marine.

⁶ Sã sehe musare yoadohona ñano yũhdũja. Cristo mehne musa yũhdũhto sehe musare sã yahuri buhiri ñano yũhdũja. Ã yoa Cristo sãre to yoadohochũ sã sehe musa cãhũre yoadoho masija. Ã jina sã ñano yũhdũrĩro seheta musa cãhũ ñano yũhdũna, noano mehne cãno pjanahca musa.

⁷ Noano mehne musa cãno pjahtore sã masija. Sã ñano yũhdũrĩro seheta ñano yũhdũre musa cãhũ. Ã jina Cohamacũ to yoadohoa mehne wahche, sã cãno pjarĩro seheta musa cãhũ wahchena, cãno pjanahca.

⁸ Sã coyea, mipũre ahri yũ yahuhtire musa noano masichũ sã cahmaja. Asia yahpai ñabiario yũhdũi sã. Õ sehe ni tũhotumai sã: “Ne bihosi mari. Ne cãno pjasĩ. Ã jina mari yarianahca”, ni tũhotumai sã.

⁹ “Marine wajãnocaaahca”, ni tũhotumai sã. Ã ñano yũhdũna Cohamacũ dihtare tuaro sã wacũ tua namoi. Sãre ti ñano yoachũ cahmaha Cohamacũ tireo sã wacũ tua namohto sehe. Tiro sehe yariainare masoriro jira. Ã tireore wacũ tuana sã mũ sũro sã cãno pjaerĩre masija. Cohamacũ sehe marine yoadohora.

¹⁰⁻¹¹ Sãre cuabiaro jipachuta to yoadohoro mehne sã yũhdũi. Baharopũ cãhũre pari turi sãre yũhdorohca. Sãre Cohamacũre musa sini payochũ tiro sãre yoadohorohca. Sãre to yoadohohtore masija sã. Ã jina sãre to

yoadohochũ ñũna, tireore “Noana”, ninahca musa. Payũ musa sini payorire to yũhtichũ ñũna wahche, “Noana”, ninahca musa Cohamacũre. Payũ paina cãhũ ãta niahca.

Paulo Corintopũ to waha duamarire yahuha

¹² Musã mehne sã jirire wacũna wahchea mehne õ sehe tũhotuja sã: Ahri yahpai Cohamacũ to yoadohoa mehne mahũono marieno noano mehne masare piti ti buhehi. Musã pinihtare noano piti ti buhei. Õ sehe yoana sã mũ sũro sã masia mehne yoerahi. Cohamacũ cahĩa mehne to tuaa mehne ã yohani.

¹³⁻¹⁴ Ã yoana noano yahu joarocahi musare, noano musã masihto sehe. Mipũ sãre musã masi pahũohto dũhsasinina mini. Sã jia tiare musã noano masichũ tuaro cahmaja sã. Ã sãre noano masina, mari pũhtoro Jesu to tjua tachũ sã mehne wahchenahca musã. Musã mehne sã wahcheriro seheta musã cãhũ sã mehne wahchenahca.

¹⁵⁻¹⁶ Õ sehe nicũ Macedonia yahpapũ waha duamaja yũhũ. Ã wahacũ musare ñũ yũhdũ wahcã duamaja yũhũ. Ã jicũ tũpũre sũricã tjua tacũ pari turi musã mehne mahaa numãricã jiboca yũhũ. Ã jina pũa taha musã mehne yũ jichũ ñũna pjĩro yũhũ mehne musã wahcheboca. Baharo musã cahapũ jiricũ Judea yahpapũ yũ wahachũ ñũna yũhũre yoadohoboca musã.

¹⁷ “Wahaihtja”, yũ nichũ tũhorina jina musã cahapũ yũ sũerachũ ñũna “Paulo mahũono niri jira”, ¿ni tũhotujari musã? “Wahaihtja”, nicũ yũ mũ sũro ã nicũ nieraja yũhũ. “To niriro seheta yoerara”, ¿yũhũre ni tũhotujari musã?

¹⁸ Õ sehe ni mahũoriro jieramaja yũhũ. Ã jicũ “Yoaihtja”, nicũ yũ niriro seheta yoaja yũhũ. Tire masina Cohamacũ.

¹⁹ Yũhũ, Sila, Timoteo mehne Jesucristo Cohamacũ macũno yare musare yahui sã. Cristo sehe “Yoaihtja” nino, quihũno yoariro jiro nina. Cohamacũ to niriro seheta Cristo yoara.

²⁰ Jipihtiare Cohamacũ to yahurire Cristo yoa pahũoha. To ã yoariro jichũ ñũna Jesu yoadohoro mehne to yare sã painare “Ã tjira”, ni yahuja Cohamacũre ti ño payohto sehe.

²¹ Cristo yaina marine jirucuchũ yoariro Cohamacũta jira. Ã jiro to yare yahuhtinare sãre besere tiro.

²² Ã yoa to yaina mari jiare ñũno tire marine masichũ yoara tiro. Ã yoaro, Espĩritu Santore mari mehne ji dutire tiro. Mari mehne jiro tirota marine Cohamacũ to yũhdohtore masichũ yoara.

²³ Mipure potu yahuihtja musare. Potu yu yahuerachu Cohamacu sehe musare potu yahujaro. Tirota yu tuhoutuare masina. Musare tuhti duaeracu musa cahapu wahaerahi. "Musare cahyachu yoari", nicu musa cahapure Corintopu wahaerahi.

²⁴ A jina "Musare wacu tua dutiina jija sa", nina nieraja. Cristore noano wacu tua tuhsure musa. A jina "O sehe Cristore wacu tuaro cahmana musare", nina nieraja sa. Musare yoadoho duaja sa musa noano wahchehto sehe.

2

¹ A jicu o sehe ni tuhoutuhi: "Pari turi tinare cahyachu yoa duaeraja. Ajicu mipure wahaeraja", ni tuhoutuhi.

² Musare cahyachu yoa duaeraja. Musa cahyachu nucu yuhu sehe musare wahcher-
aboa. A jina yuhure wahchechu yoahatina jieraboa musa sehe.

³ A jicu musa cahapu wahaerahi. Wiho mejeta musare wiho joaroca bahrañohi. Musa yuhure wahchechu yoahatina jipanahta yuhure cahyachu yoaboa musa, musa cahapu yu sachu. Musa mehne yu wahchechu, musa cahu wahchenahca. Tire masija yuhu. A jicu mipure musa mehne cahya duaeracu wahaerahi musa cahapu.

⁴ Pjiro tuhoutucu, ñano yajeripohna ticu, tuaro yahco mehne musare joarocapacuta musare cahyachu yoa duaerahi. Musare tuaro yu cahire musare masichu yoa duacu musare joarocahi.

Tina mehne macariro to ñano yoarire bo dutiha Paulo Jesuyainare

⁵ Curo musa mehne macariro yuhure cahyachu yoariro jire. Wiho mejeta musare to tuaro cahyachu yoariro seheta yuhu sehere pjiro cahyachu yoarer tiro. A ñano yoariro caina musa sehere tua curero cahyachu yoayuhti. "Tua curero", nija yahdo curero yahu duaeracu.

⁶ Payu musa mehne macaina tirore buhiri dahre tuhsayuhti. To purota buhiri dahre duhuro cahmana tirore.

⁷ Tirore musa buhiri dahrerucachu tuaro cahyaboca tiro. A jiro Cristo yare duhuboca. A jina to ñaa yoarire boga musa. Tirore yoadohoga to wahchehto sehe.

⁸ Tuhsu, tirore noano yoaga musa tirore musa cahire to masihtu sehe. Musa a yoachu tuaro cahmaja yuhu.

⁹ To pano musare joarocacu "¿Potocata yuhure yuhtiahcari?" nicu a ni yahu joarocahi musare. Yuhure musa yuhtichu ñu duacu musare a ni joarocahi.

¹⁰ Mipure to ñaa yoarire musa bochu nucu yuhu cahu tire boihtja. Yuhure ñano yoarerari jire tiro. Musa sehere ñano yoayuhti. To a jiro jipachuta to ñaa yoarire boja yuhu

cahu. Musare noano yoadoho duacu Cristo to ñurocaroi to ñaa yoarire boja.

¹¹ Tire boja Satana marine to yuhdurucarahto sehe. Tiro marine ñaare yoachu cahmana. Tire noano masija mari. A jina Jesu yaina ti ñaa yoarire wacurucueraja mari, "Tinapu Satana yare cahmari", nina.

Tróade wama tiri macai jiro Titore bo-caeraro pjiro cahya tuhoutuha Paulo

¹² A yoa Tróade wama tiri macapu sui Cristo yare buhe duacu. Tópu yu jichu payu masa noaa buheare tuho duaina jire. Mari puhtoro to yoadohoa mehne to yare yu buhehtina payu masa jire.

¹³ A jipachuta mari coyeirore Titore bo-caeracu pjiro cahya tuhoutu. A jicu to macainare coha siti tuhsacu Macedonia yahpapu wahai.

Cristo to yoadohoa mehne ñaare yoarucueraja mari

¹⁴ A yoa Cohamacu Satanare to yuhdurucari baharo mari cuhure tirore yuhdurucachu yoara, Cristo mehne ñaa yoare marine duhuchu yoaro. Surara mahapu pari pohna wahaga ti yuhdurucare ti yoa ñono seheta mari cahu Cohamacu mehne Satanare mari yuhdurucare yoa ñona nija Cohamacu mehne. A jina "Noana", nija tirore. A jina Cohamacu marine to dutichu masina jipihtiporu Cristore masare masichu yoaja mari. A tirore masia tina noano wahchera me sitiare ti wahcheriro seheta.

¹⁵ Cristo yaina jina, Cohamacu sehere wahchechu yoaja mari, me sitiare mari wahcheriro seheta. A jia Cristo yaina mari jia tiare ñu masina paina Cohamacu to yuhdohtina. Paina ti ñaa buhiri pichacapu wahahtina cahu Cristo yaina mari jia tiare ñu masina.

¹⁶ Cristo yaina mari jichu ñua, ti ñaa buhiri pichacapu wahahtina sehe pichacapu ti wahahtore masina. Cohamacu to yuhdohtina sehe marine Jesu yainare ñua jipihtia dachoripe tiro mehne ti jiltore masina. A jia Cristo ya wiho jia buhea jierara. A jiro ahrire Cristo yare to mu saro buhe sohtori tiriro ne mariahna.

¹⁷ Payu paina Cohamacu yare buhemana niñerure wapata duaa. Sa sehe tina yoaro sehe yoeraja. Mahñoño marieno Cristo to tuaa mehne to yare buheja sa. Cohamacu sare to cuchu to ñurocaroi noano buheja sa.

3

¹ ¿Pari turi sa jia tiare musare yahuna nijari sa, musa tuhoutuchu? Paina musare ti buhehto pano ti jia tiare masi duana ti joari pure cahma mahntare musa. Sare masi

tuhsara msa. ¿Säre masipanahta tí pũ barore cahmajari msa? ¿O paina cahapũ sã buhena wahana tí pũ barore säre nano cahmajari, msa tuhotchũ?

² Tí pũ barore cahmaeraja sã. Msa sehere jipihitina paina ñua msare sã noano buherire masiahca. Msare sã buhechũ Cristo yaina ji ducare msa.

³ Æ jina tí pũ baro yoaro sehe jira msa sehe. Cristo painare to joarocari pũ yoaro sehe jira msa. Tí pũre tiro to joarocaboro seheta, Espĩritu Santo tuua mehne msa jia tiare noano cohtotachũ yoari jire Cristo, painare to tuare ñono taro. Potota tinta mehne to joarocari pũ yoaro sehe jierara msa. Cohamacũ catĩro waro to Espĩritu Santo mehne msare cohtotachũ yoaro, joarocari pũ painare to joaroca ñono seheta, msa sehe Cristo yaina wahana, to yare msare sã quihõno buherire noano ñona painare.

⁴ Ahrire jipihitiare michapucacã yũ ni joarire tuhotuja sã Cohamacũre noano wacũ tuana. Cristo to yoadohoa mehne ã wacũ tuarucuja sã.

⁵ “Sã mũ sũro ahri dahraare yoaja sã”, ni masieraja sã. Cohamacũ to yoadohoa mehne bihoja sã.

⁶ Mĩpũre to yahuare noaa buheare Cohamacũ sehe noano säre buhe masichũ yoara. Ahri buhea panopũ to dutia to joari cjiri yoaro sehe jierara. Noaa buhea sehere buheja sã. Panopũ to dutĩre mari mũ sũro ne bihoeraja. Æ mari bihoerari buhiri pichacapũ wahaboa mari. Noaa buhea sehere tuhona Espĩritu Santo to yoadohoa mehne Cristore wacũ tuaja. Æ wacũ tuana jipihitia dachoripe Cohamacũ mehne jirucunahca mari.

⁷ Cohamacũ to dutiare cũno tãa pĩnipũ joa õ tuhsũ, Moise cjĩrore cũri jire. To ã cũri baharo to si sitea bajuari jire. Moise cjĩro wũhdũa si siteri jire. Mĩnoa yũhdũari jire. Baharo tí si sitea pihtia wahari jire. Baharo to si sitea to pihtia wahahto to jipachũta wahanore to wũhdũare masa ne ñũroca õa bihoerari jire. Tí dutiare masa tí yoa pahũoerari buhiri pichacapũ wahahtina jia tiri jire. Æ jia tí dutia masare pichacapũ waha dutipahta, tuaro si sitea mehne ji ducari jire tí dutia.

⁸ Tí dutia yũhdoro noaa buhea sehe noa yũhdũara. Ahri buheare painare mari buhechũ ti noano tuhochũ Espĩritu Santo tina mehne jirohca. Æ jia panopũ macaa dutia yũhdoro Cristo ya sehe noa yũhdũara.

⁹ Cohamacũ dutia panopũ macaa masare pichacapũ waha dutiri jire. Æ dutipahta Cohamacũ tuua mehne to si sitea mehne ji ducari jire. Tí yũhdoro noaa buhea sehe Cohamacũ to tuua mehne jira. Tí buhea

mehne noaina wahara masa Cohamacũ to ñũchũ.

¹⁰ Panopũ Cohamacũ to dutiri cjiri sehe wiho jia dutia yoaro sehe tjuanocahna mĩpũre noaa buhea mehne mari ñũ piti bocachũ. Noaa buhea sehe noa yũhdũara.

¹¹ Panopũre to dutia yoa cureri pja si sitea jirucuma, pihtia wahaha. Tí dutia yũhdoro noaa buhea sehe noa yũhdũara. Tí buheare noano tuhona, Cohamacũ mehne ã jirucunahca.

¹²⁻¹³ Mari ã jirucuhtore masina, cuiro marieno noaa buheare noano yahu pahũonocaja sã. Moise cjĩro sehe sã yoaro sehe yoerari jire. “ ‘Cohamacũ to si sitea pihtiro nina’, Israe masa ni ñũri”, nino to wũhdũare ducatarari jire Moise cjĩro. Sã sehe tiro yoaro sehe yoeraja. Cuiro marieno, ducataro marieno to yare noaa buheare buheja sã.

¹⁴ Tí pjpũ macaina Israe masa sehe ne masiera tĩri jire. Mĩpũ cãhũre Cohamacũ yare panopũ to joaa pũrine tina buhea, ne masierara. Moise cjĩro to wũhdũare to ducatachũ Cohamacũ to si siteare ti ñũroca õerari seheta tina noaa buheare noano masierara. Cristore cahmaeraa, masisi tina. Tĩrore noano wacũ tuua, tí pja pinihta to yare masiahca.

¹⁵ Mĩpũ cãhũre Israe masa Cohamacũ dutia Moise cjĩrore to cũrire buhea, tinare ducataro seheta noaa buheare ti tuhoborore ducataro.

¹⁶ Mari sehe mari puhtorore mari cahmachũ tirota marine masichũ yoara. Moise cjĩro to wũhdũa ducatarore to nanocaboriro seheta mari puhtoro marine to yare noano masichũ yoara.

¹⁷ “Mari puhtoro” nicũ, Espĩritu Santore nii nija. Cohamacũ to Espĩritu Santo mari mehne to jichũ pichacapũ wahaborinare to yũhdoina jija. Æ jina “Panopũ macaa dutia mehne mari yũhdũnahca”, nieraja mari. Æ jina tí dutiare duhuna, Espĩritu Santo to cahmano seheta yoaja mari.

¹⁸ Æ jina Jesu yaina jina, Cohamacũ yahuare masija mari. Tí wũhdũa pocare ducataro marieina yoaro seheta Cristo to tuare ñona nija mari. Æ jiro mari puhtoro Espĩritu Santo marine noaa sehere cohtotachũ yoaro nina. To ã yoachũ Cristo noa yũhdũariro to jiro seheta wahana nija mari.

4

¹ Æ yoa Cohamacũ säre pja ñũno, noaa buheare yahuhtinare cũre säre. To ã cũrina sã jiare masina, to yare buhena pomerana, bujua witi tuhoteraja.

² To yare buhena mahño cure buheraja. Tuhsũ, sã tĩre cohtotaeraja. Soro

curero buhena buoro yuhduboa. Ā jina tó sehe yoare cahmaeraja sã. Cohamacu to ñurocaroi jija sã. Ā jina noaa buheare noano quihõno buheja sã. Sã ā buhechu ñua tíre noano masina sãre tuhoina.

³ Sã ya buheare noaa buheare buheja sã. Sã tíre buhepachata paina ne noano tuhoerara tíre tinare ducataro seheta. Ā tuhoeraina pichacapu wahahtina jira.

⁴ Satana ñariro ahri yahpa macaina bui puhtoro tinare masierachu yoara. Capari ñueraina ti ñu masieraro seheta masierachu yoara tinare. Noaa buheare Cristo tua yuhduracu saruro ya buheare ti masierachu yoara tiro. Cristo sehe Cohamacu to jia tiare marine masichu yoara. Tiro Cristo Cohamacu waro jira.

⁵ Sã buhena “Sã sehene ño payoga”, ni buheraja. Ō sehe ni buheja sã: “Jesucristo sehe jira mari puhtoro”, ni buheja sã. Sã sehe Jesure yuhtiina jina, musare dahra cohtaina yoaro sehe jina, to yare musare buheja sã.

⁶ Panopu ō sehe niha Cohamacu: “Nahitianopure buhriaro jiga”, ni dutiha tiro. Mipure tirota jira marine to tuaare masichu yoaruro. Buhriarocaró marine to noano bajachu yoaro seheta, tiro to tuaare marine masichu yoara. Cristo Cohamacu tuaare, to jia tia cãhure marine masichu yoara.

Cristo to tuaa mehne mari jija

⁷ Ā masiina jina, to tuaare, noa buhea cãhure painare masichu yoaja. Ā yoaina jipanahta wiho jiina jija sã. Dihi biato dóihta to wahtiro yoaro seheta sã cãhu wiho jina jija. Ā jipanahta Cohamacu to tuaare, noa buhea cãhure painare buheja sã. Sã ā buhechu ñua, wiho jiina sã jichu ñua, sãre tuhoina ō sehe ni, masiahca. “Ti mu sãro ahri buheare masierara. Cohamacu sehe tua yuhdururo tinare masichu yoara”, ni masiahca paina sãre.

⁸ Jipihitina paina sãre ñano yoapahta Cohamacu sãre to yoadohochu tina sãre yuhdurucaerara. Ā jina “Ñano yuhduna nija”, ni tuhotupanahta, Cohamacu yare ne duhueraja.

⁹ Sãre ti ñano yoarucupachata Cohamacu sãre ā yoadohorucura. Sãre ti cjãroca cū mupapachata to yoadohoa mehne yarieraja sã.

¹⁰ Ti wajãhtina jinocanata nija sã, Cristo ahri yahpai to ñano yuhdururo seheta. Ā ti wajãhtina jinata nija sã Cristo catiare wariro to jiare masa ti masihtó sehe. Sã ā ñano yuhduchu ñua tíre masiahca masa.

¹¹ Ā yoa dachoripe sãre paina nu wajãhto cuara Cristo yaina sã jiri buhiri. Ō seheta ñano yuhduja sã Cristo to catiare wariro to

jiare paina ti masihtó sehe. Sã pjacuri baharo yariaa wahaahca. Sã ā wahahtina jipanahta Cristore catiare warirore masichu yoaja sã painare.

¹² Ā jia musare sã buheri buhiri sã sehene paina nu wajãhto cuara. Sã buheare musa tuhori baharo jipihitia dachoripe Cohamacu mehne jirucuhitina jira musa.

¹³ Cohamacu yare ti joari pũ ō sehe nina: “Cohamacure wacũ tuacu, to yare yahuhi”, ni joaa tiha panopu macariro. Sã cãhu tó seheta yoaja. Cohamacure wacũ tuana, to yare yahuja.

¹⁴ Ā buheja sã ahri yu nihtire noano masina: Cristo to yariari baharo Cohamacu tirore masori jire. Ā jiro Cristo yaina mari jichu ñano tiro mari cãhure masonohca. To ā masori baharo to cahapu naanohca marine.

¹⁵ Ā jina musare yoadohona, ñano yuhduja sã. Ā jina Cristo yaina musa payu wahana, payu musa Cohamacure wahchea mehne ño payonahca. Tirore “Noana”, ninahca.

¹⁶ Musã ā wahaachu ñua, sã ñano yuhdupanahta cahyaeraja. Ā jina Cristo yare buhe duhueraja. Dachoripe wahyarucuna nija sã. Sã ā wahyarucupanahta dachoripe wahcheina jirucuja sã.

¹⁷ Mipure ñano yuhdupanahta ñano yuhdu dojoaeraja. Tí mari ñano yuhdu pihitia wahaahca. Ā jina marine mahanocã ñano yuhdu cahmana. Ā mari ñano yuhdurina cjiri jina, baharopure pjiro wahchea mehne jirucunahca Cohamacu mehne. Ā jina mari ñano yuhduri yuhdoro pjiro wahchea mehne jirucunahca.

¹⁸ Mari ñuri cjiri baa pihitia wahaahca. Mari ñuerari sehe ā jirucuahca. Ā jina mari ñueraare Cohamacu yare ā wacũrucuja mari. Ā wacũrucuna baharopu mari noano jihtore wahcheja.

5

¹ Wahure to cohãboriro seheta baharo mari pjacuri sehe butia wahaahca. Ā jiro wahma wahure to yoaboro seheta Cohamacu wahmaa pjacurire yoarohca. Ā yoaro tí pjacurire marine warohca. Tí pjacuri masa ti yoaa pjacuri jierara. Ā jina muanopu ā jirucunahca tí pjacuri mehne. Tíre mari masija.

² Ā jina tí pjacurire muanó macaa pjacurire tuaro cahmana, mari ā cohtarucuna nija.

³ Tí pjacurire tuaro cahmaja, mari yariari baharo suhti marieina mari jiboro seheta pjacuri marieina ji duaerana.

⁴ Mipure ahri pjacurire cohã duaerapanahta wahmaa pjacuri sehene tuaro cohtaja mari. Mipure mari pjacurire cohã du-

aerapanahta jipihtia dachoripe Cohamacu mehne mari jiltore tuaro cahmaja mari. Ä jina ahri mari pjacuri yariahti pjacuri ti jichu masina, wahmaa pjacuri mehne Cohamacu mehne ä jirucu duaja mari.

⁵ Mari ä jirucuhore cahnore Cohamacu sehe. Ä cahnoo Espiritu Santore ware marine. Ä jiro Espiritu Santo mari mehne jiro, marine Cohamacu to yoahtore “Potocä tjira” nino, marine masichu yoara tiro.

⁶ Ä jina Cohamacure wacü tuarucuja mari. Cuiro marieno jija mari. Ahri mari ji muhtari pjacui jina, mari puhtoro mehne jierasinja.

⁷ Muano macaare Cohamacu cühure mari nuerapanahta “Ti potocäta jira”, ni tuhotuja mari. Ä jina tirore wacü tuaja mari.

⁸ Ä jina mari cuieraja. Mari pjacurige ahri yahpai cohäna mari puhtoro mehne muanoru jirucunahca mari. Ä yoa mari yariachu noa nina marine.

⁹⁻¹⁰ Ä jina Cristore wahchechu yoa duaja mari. Ahri yahpa macari pjacu mehne jisina tirore wahchechu yoa duaja. Muanoru cühure tirore wahchechu yoa duaja.

Jipihtina Cristo caharu mari wahachu nuano tiro mari yoirige nuano marine beserohca. Nano mari yoirige masinohca tiro. Ä masino wapa marieno to waborire marine wasi tiro. Noaare mari yoiri cühure masinohca. Ä masino wahchero marine noano yoarohca. To ä masiriro jichu nuana tirore wahchechu yoa duaja mari.

Cohamacu marine to nu tuhtichu nuano Cristo marine yahura

¹¹ Ä jina cua pisaro mehne Cristore nu payoro cahmana marine. Ahrire masina, Cristo yare masichu yoaja sä masare. Tinare cuisäana, tirore wacü tuachu yoa duaja sä tinare. Noano mehne sä tire sä buherire Cohamacu noano masina. Sä ä buherire musa cühure noano musa masichu cahmaja yuhu.

¹² Pari turi noaina sä jia tiare musare yahuna nieraja. “Painare yuhdarucaja”, niinare musa yahuhto sehe noano mehne sä buherire yahuna nija sä musare. Tina sehe ti tuhotuapu näina jipahta masa ti nuocarö dihta noaina yoaro sehe yoa nomana. Ä jina sä mehne musa wahchehto sehe ahri jipihtiare musare yahu joana nija. “Paulo cahu säre noano mehne buhere”, säre painare musa ni ducatahto sehe ahri jipihtiare musare yahu joana nija.

¹³ ¿sä ö sehe ni yahuna tuho masieraina jijari sä, musa tuhotuchu? Masa säre nuu, tuho masieraina yoaro sehe nuana säre. Cohamacu yare sä yochu nuu ä ni nuiboca säre. Ti ä nuiborina jipanahta ä jina jieraja sä musare yoadoho namona tana.

¹⁴ Cristo marine to cahichu nuana musare ä yoadohoja. To ä cahichu nuana to yare ä yahurucuja sä. Cäirota Cristo jipihtina mari nuu buhirire yariari jire. To ä yariari baharo mari sehe jipihtina mari nuu buhirire yariarina yoaro sehe jina, nuare yoa namo duaraja.

¹⁵ Jipihtina mari nuu buhiri yariari jire tiro Cohamacu ya dihtare mari yoahto sehe. Mari mu suro yoa dutieraro, to cahmaa sehere marine yoa dutiro yariari jire tiro. Tiro sehe mari yaro jiborirore yariaro, masa mujari jire.

¹⁶ Ä jina mipare sä mu suro masare “Noaina jira. Näina jira”, ni nueraja sä. Panoru sä mu suro yoaa timai. Ä jina Cristore masierahi.

¹⁷ Ä jina Cristo yaina wahana wahma masa bajuaina yoaro sehe wahaja mari. Panorure mari mu suro mari tuhotumarire, mari yoamarire duhunocaja mari. Mipare wahma masa bajuaina yoaro sehe jina, noaa sehere cohtotana, Cohamacu ya dihtare yoa duaja mari.

¹⁸ Cohamacu sehe marine noaa sehere cohtotachu yoare. Cohamacure nu tuhtina mari jichu nuano Cristo sehe mari nuu buhiri tiare cohäre. Ä cohäno mari nuu tuhtirire duhuchu yoare tiro. Ä yochu yoare Cohamacu Cristore. Ä yoaro säre to yare buhe dutiro cüre. Ä buhena, painare Cohamacu mehne ti nuu tuhtirire duhuchu yoaja sä cahu.

¹⁹ Ö sehe masare yahu dutire Cohamacu säre: “Cristore mari wacü tuachu nuano mari nuu buhirire buhiri dahrerara Cohamacu marine. Ä yoaro marine nuu tuhtiriro cjiro jiparota tiro marine to yaina jichu yoara”, ni yahu dutire Cohamacu säre.

²⁰ Ä jina Cristo yare buhehtina to cürina jija sä. Cohamacu musare to yahuboriro seheta sä sehe ö sehe ni musare yahuja: Cristore yahubasana nija. Ä jina musare bosaja. Cohamacure musa nuu tuhtiare tö purota duhuga.

²¹ Cristo nuare to yoaerapachuta Cohamacu sehe tirore mari nuu buhirire yaria dutiri jire. Ä yoaro mari nuu buhirire buhiri dahreri jire Cohamacu tirore. Ä jiro Cristo yaina mari wahachu Cohamacu yoaro sehe noaina jichu yoare tiro marine.

6

¹ Cohamacu yare buhedohoina jija sä. Ä jina ahrire tuaro musare yoa dutija sä. Cohamacu yare noaa buheare musa tuhoriro seheta yoaga musa. Musu tuhoriro sehe musa yoerachu ti musa tuhori yaba cjihti jierara.

² Ö sehe nina Cohamacu:

“Yn quihōri pjare, mʘsare yn noano yoahti pjare mʘsa siniare tʘho, yuhtihi.

Ā yoach mʘsare yn yuħdohti dachore mʘsare yoadohohi”,

nina tiro. Tuħoga mʘsa. Mipʘre Cohamacu mʘsare to noano yoahti pja jira. Mipʘre Cohamacu mʘsare to yuħdohti dacho jira.

³ Ne mahanocā painare ñano yoaeraja sā. Painare ne ñano ni durucueraja, “Noaa buheare mʘsare sā buheare cahmaerari”, nina.

⁴ Ā jina Cohamacure dahra cohtaina sā jiare mʘsare masichu yoa duaja. Ō sehe jija sā: Ñano yuħduna, paina ti ñano yoarina jina cūhu ā tuhotunocaja. Sāre ti ñano yoapachuta suaro marieno jija.

⁵ Ō seheta ñano yuħdai sā: Masa sāre cjāchu, peresu ti yoachu, payu masa sāre wajā dua ti sañurucuchū, ñano yuħdai sā. Sā tuaro dahra wahyana, wujo puripachuta carierana, juca baana ñano yuħdai.

⁶ Numiare ā ñanocai. Ā jina ne ñano yoaerahi. Ā yoa Cohamacu yare noano masi buhei mʘsare. Tuhsu, ne suerahī sā. Ā yoa noano nihi siaro mehne yoai sā mʘsare. Ā yoana Cohamacure dahra cohtaina sā jiare masichu yoana nihi sā mʘsare. Espiritu Santo to yoadohoa mehne Cohamacure dahra cohtaina sā jiare masichu yoana nihi mʘsare. Potocā mʘsare sā cahichu ñana, tireore dahra cohtaina sā jiare masina mʘsa.

⁷ Ā jina noaa buheare mʘsare quihōno sā buhechu ñana, Cohamacu tuaa mehne sā yoachu ñana tireore dahra cohtaina sā jiare masina mʘsa. Noaa sehe jipihitia sā yoari cjiri sā wamoa yoaro sehe jira noano sā ducatahto sehe. Ti noaare yoana watinore sā ducataha nija. Ā yoana ti noaare sā yoari mehne tireore sā yuħdurucaja.

⁸ Paina sāre ño payora. Paina sehe sāre ño payoerara. Paina noano ni durucura sāre. Quihōno sā buhepachuta “Mahñoina jira”, ni yahusāna paina sehe sāre.

⁹ Paina sāre ñu masiina jipahta sāre ñu masieraina yoaro sehe yoara. Sāre ti wajā duapachuta catisinija sā. Ñuga sāre. Potocā tjira. Sāre buhiri dahre ti cjāchu, yari-erasinija sā.

¹⁰ Sā cāa tahari cahyaina jipanahta, ā wahcherucuja. Pjascuoina jipanahta painare noaa buheare buhena tinare pjuro pachere sā waboro seheta yoana nija tinare. Paye baro cjueraina jipanahta, potocāta Cohamacu yare cjuā pahñonocaja sā.

¹¹ Ne Corinto macaina yn coyea mʘsare noano mehne yahu pahño joahi sā mʘsare. Mʘsare tuaro cahina, ā yahuhi mʘsare.

¹² Sā sehe mʘsare cahī duhueraja. Mʘsa sehe sāre cahiera curera.

¹³ Ā yoa pohna ticu yn pohñare yn yahuboro seheta mʘsare yahuihtja: Mʘsare sā tuhoturiro seheta mʘsa cūhu āta noano tuhotuga sāre. Ā jina sāre cahiga mʘsa cūhu.

Cristore cahmaerainare piti ti dutieraha Paulo

¹⁴ Ā yoa Cristore cahmaeraina mehne ā piti tirucuenta tjiga. Tina mehne macaina jiena tjiga. Cūno potori jierara mʘsa. Noaare yoariro ñaare yoariro mehne noano ji masierara. Cohamacure cahmaina Cohamacure cahmaeraina mehne noano cahma piti ti masierara, buhriaro nahitiano mehne to ji masieraro seheta.

¹⁵ Ā jia Cristo watino mehne cūno potori tuhotuerara. Ā yoa Cristo yairo, Cristore cahmaerariro mehne noano cahma piti ti masierara.

¹⁶ Cohamacu wūhuī “Cohamacu jira”, ti nia masrine mari cjuachu ñaa nina. To ya wūhuī ti masrine mari cūchu tó wahaerara. Tó seheta Cristo yaina Cristore cahmaeraina mehne mari piti tirucuchū cūhure ñaa nina. Tina pua curua cūno mehne ji masierara. Cohamacu catiriro to wūhuī yoaro seheta jija mari. To wūhuī to jiro seheta mari mehne jira tiro. Ō seheta nina Cohamacu:

“Tina mehne jiihtja yūhu.

Ti watoi ā jirucuihtja.

Yūhu Cohamacu ti puhtoro jiihtja.

Ā jia tina sehe yn yaina masa jiaha”, nina tiro.

¹⁷ Ā yoa ō sehe ni namona tiro mari puhtoro:

“Ñaina mehne tjuaena tjiga.

Tinare piti tiena tjiga.

Cristore cahmaeraina ti ñaa yoare ñu cūena tjiga.

Mʘsa ā yūhure yuhtichu ñucu, yūhu sehe mʘsare piti tihtja.

¹⁸ Ā jicu mʘsa Pucu jiihtja.

Mʘsa sehe yn pohna jinahca”,

nina Cohamacu mari puhtoro tua yuħdurariro.

7

¹ Yn coyea, yn cahina, ahri jipihitiare Cohamacu to ā ni yahuchū tuhona jipihitiare ñaa yoaare duhujihna mari. Ñaa wacūa cūhure duhujihna mari. Cohamacure noano ño payoa mehne ñaa buhiri tia marieno jijihna mari.

Paulo wahchea mehne yahuha Corinto macainare

² Noano mehne jiga mʘsa sā mehne. Ne mahanocā mehne ñano yoaerahi sā mʘsare. Ā yoa tuhsu, mʘsare buhena, ne mʘsare dojomehnerahi. Ne cūiro mʘsa mehne macarirore mahñoa mehne wapa cahmaerahi.

³ Á nicu musare tuhtii nieraja. Musare yahu tuhsuhi. Sã yajeripohnari mehne tuaro cahñja sã musare. Catisinina musare ã cahñrucunahca. Mari yariari baharopu cahñre musare ã cahñrucunahca.

⁴ Yu niriro sehta musa yoirire, musa yoahiti cãhñre masija yuhu. Á jicu musare wacũrocacu wahcheja. Sã ñano yuhduro watoi musa sehe yuhñre pjiro wahchechu yoara.

⁵ Á yoa Macedonia yahpapu sã suri baharo topu jina, ne soerahi sã. Topure ñano yuhduhi sã. Paina sã mehne cahma sayo yuhduñucahre. Á jina “Cristo yare duhuri”, nina Cristo yaina sehere cuisãahi sã.

⁶ Sã ã ñano yuhduñpachuta Cohamacu sãre wahchechu yoahre. Tiro cahyainare wahchechu yoiriro jira. Á jiro Tito sã cahapu to wihiro mehne sãre wahchechu yoahre Cohamacu.

⁷ Tito to wihichu ñuna wahchehi. Tirore musa wahchechu yoirire sãre to yahuchu wahchehi. Ahri cãhñre wahchehi. Musare to quiti yahuchu cãhñre tuaro wahchehi sã. Yuhñre musa ñu duarire yahuhre sãre. Yuhñre musa cahya musa pjiro tuhoturi cãhñre yahuhre tiro. To ã ni yahuchu tuhocu pjiro wahchehi yuhu.

⁸ Tó pano yu joarocari pu mehne musare cahyachu yoamahi. Á yoiricu jipaihta cahyaeraja yuhu sehe. Tí pũre musa buheri baharo cahyayuhti musa. Tuhsu, mahanocãta cahya duhuyuhti musa. Á jicu wahma joaroca muhtacu cahyapaihta mipure cahyaeraja.

⁹ Mipũ pinihtare wahcheja yuhu. Musa cahyachu tuhocu wahcheraja. Wiho mejeta ã cahyana, musa ñaare tuhotumarire cohtotayuhti musa. Á musa cahyachu ñuno, Cohamacu sehe to cahmano sehta musa ñaare tuhotumarire cohtotachu yoari jira. Á jina musare cahyachu yoana, ñano yoa dojomehnena nierahi sã musare.

¹⁰ Á jina Cohamacu to cahmano sehta cahyana, mari ñaare tuhotumarire cahyanahca. Cohamacu to cahmano sehta cohtotannahca. Tó sehe mari cahyachu ñano marine pichacapũ wahaborinare yuhdora Cohamacu. Mari ã cahyachu noa nina marine. Cristore cahmaeraina sehe ti ñaare tuhotumarire cahyaerapahta, ã cahyamacanocaa, pichacapũ wahahtina jisnina.

¹¹ Musa sehe Cohamacu to cahmano sehta cahyayuhti. Musa ã cahyana õ sehe yoayuhti musa: Mipũre ñaare yoinare ã ñunocaerayuhti musa. Tinare duhu dutiyuhti musa. Á jina ti ñaa yoaare cuiyuhti musa “Tina yoaro sehe sã yoari”, nina. Á yoana yuhñre ñu duayuhti musa. Tuhsu,

ñaare yoirirore buhiri dahre duayuhti musa. Tí jipihtiare musa yoana mipũre quihõno yoaina musa jirire masichu yoahre musa sãre.

¹² Panopu ñano yoirirore musare yahu joarocapaihta tirore yoadohocu tacu ã ni yahu joarocaerahi. To ñano yoa payoriro cãhñre yoadohocu tacu ã ni joarocaerahi. Musa sehere yoadohocu tacu tí pũre joarocahi. Sãre noano ño payora musa Cohamacu to ñurocaroi. Tíre musa ño payorire noano musa masihtu sehe tí pũre joarocahi musare. Cohamacu tíre musare masichu cahmare.

¹³ Á jina Tito musa yoirire to quiti yahuchu tuhona tuaro wahchehi sã.

Tito cãhu tuaro wahchere. Tirore musa noano mehne musa piti bocachu tuhona, musa mehne to wahcherire tuhona sã cãhu noano wahchehi.

¹⁴ Wahmanopu musa cahapu to wahahto pano musa mehne yu wahcherire, noana musa jirire yahuhiti tirore. Yu ã yahuchu yu niriro sehta noano yoayuhti musa tirore. Á jicu tirore yu nirire buo tieraja. Musare quihõno ã yahurucuja sã. Tó sehta Tito cãhñre quihõno sã yahuhiti musare to ñuriro sehta.

¹⁵ Musa cahapu to suchu ño payoa mehne tirore piti bocayuhti musa. Musa ã piti bocachu, noano yahtiina, yuhduñcaro marieina musa jichu ñayuhti tiro. Á jiro musare cahñ namono nina tiro.

¹⁶ Mipũre noano yahtiina, Cohamacu to cahmano sehta musa noano yoa pahñoina musa jichu noano masija yuhu. Á masicu tuaro wahcheja.

8

Cristo yaina jina, painare ã wanocano cahmana marine

¹ Sã coyea, ahri yu yahuhitire musare masichu cahmaja sã. Cristo yaina Macedonia yahpa macaina Cohamacu cahñ mehne to pja ñua mehne ti yoirire musare yahuhitja.

² Tina ñano yuhduñpahta, niñeru maeraina jipahta niñerure cahño marieno ã wanocahre pjacõoinare Jesu yainare. Cristo mehne tuaro wahcheina jia, tina Judea yahpa macainare noano mehne ti cjuare ã wanocahre.

³ Musare niita nija. Tina ti cjuaro puro wahre. Jierara. Bui curero wahre. Sã sinibasaerapachuta pjacõoinare wahre tina.

⁴ Cohamacu yainare pjacõoinare tuaro yoadoho dua, “Macedonia macainare tuaro wa duaja sã”, nire tina sãre.

⁵ “Õ puro waahca”, tinare sã ni tuhoturiro bui curero wahre tina. Õ sehe yoahre tina: Wahmanore niñerure ti wahto pano mari pahtoro Cristo to cahmano sehta yoa

pahñori jihre tina. Á yoa tuhsu, Cohamacu to cahmano seheta sã cãhure ño payoa mehne yãhtiri jihre. Á yoaina jia tina niñerure wahre.

⁶ Tí á wa tuhsuchu ñuna Titore sã sehe õ sehe nihi: “Corinto macainare mu buhe ðucariro seheta noano mehne pjacuoinare ti wahtore buhe pahñoga”, nihi sã tirore. Musa cãhu painare pja ñuna, musa yoadohoto sehe á nihi tirore.

⁷ Musa sehe jipihtiare noano yoaina ji tuhsura: Cristore potocãta noano wacũ tuara musa. Á jina to yare noano yahura musa. Á yoa Cohamacu yare noano masina musa. Á masina, Cohamacu to cahmano seheta tuaro yoa duara musa. Á yoa sãre cahña musa. Õ seheta noano yoaina ji tuhsura musa. Musa á noaina jipacheta mahanocã ðahsasina mini musare. Pjacuoina pinihtare musa pja ñuchu cahmaja sã. Á jina jiape nino marieno tinare noano mehne musa pjíro wachu cahmaja sã.

⁸ Á nicu musare dutii waro nieraja. Á ni yahuita nija musare. Paina pjacuoinare ti tuaro yoadohore musare yahui nija. “¿Potocãta pja ñuna jijari musa?” ni masi duai nija.

⁹ Mari pãhtoro Jesucristo sehe marine to pja ñurire masina musa. Tí to pja ñuri potocã tjira. Tiro muanopu pjíro cjuariro jiparota ahri yahpapu taro pjacuoriro wahari jire. Á yoaro mari yaro jiborirore yariaro pjacuoriro wahari jire. Õ sehe wahari jire tiro mari sehe to yare pjíro mari cjuãhto sehe, tiro mehne mari á jirucho to sehe.

¹⁰ Musare á yahuita nija noare musa masihto sehe. Õ sehe ni tuhutuja yãhu sehe pja cuoinare musa wahtire: Cũ cãhma wahara pja cuoinare musa wahtire musa wihbóri baharo. Tí yãhdoro noano yoayuhiti musa. Paina ti wa duahto pano musa sehe pjacuoinare wa dua muhtayuhti.

¹¹ Á jina musa wa dua muhtariro seheta mipure noano waga tinare. Á yoana pjíro cjuaina jina, pjíro waga. Mahanocã cjuaina jina, mahanocã waga.

¹² Tuaro musa wa duachu tíre musa warire Cohamacu wahcherohca. Á jina noho musa wa duaro puro waga. Musa wariro purota musa wachu wahcherohca Cohamacu. “Pjacuoinare wa yãhdoga”, musare nino nierara tiro.

¹³ “Pjacuoinare waga”, nicu tinare pjíro cjuã duticu nieraja. Á jicu musa sehere pjacuoina jichu yoa duaeraja.

Musare cãno potori cjuã duticu á nii nija.

¹⁴ Mipure musa sehe pjíro cjuara. Á cjuana paye baro maerainare wa masina musa. Baharo musare paye baro maerachu tina

cãhu wa masina musare. Musa á cahma wana cãno potori cjuãnahca jipihtina Cristo yaina.

¹⁵ Õ sehe nina Cohamacu yare ti joari pũ: “Pjíro nariro cãhu paina bui curero cjuerare. Mahanocã nariro cãhure ne mahanocã ðahsaerare”, nina Cohamacu yare ti joari pũ.

Tito tó mehne macaina mehne Corintopu wahaha

¹⁶ Á yoa musare yu yoadohoriro seheta Tito cãhu musare yoadoho duara. Cohamacu sehe musare to yoadoho duachu yoahre tirore. To á yoachu ñucu “Noana”, nija Cohamacure.

¹⁷ Titore musa cahapu sã waha dutichu tiro noano mehne yãhtihre. Tirore sã waha dutihto panoputa to basita musa cahapu tuaro waha dua tuhsuriro jire.

¹⁸ Tirore paio Jesu yairo mehne piti dahrerocahi sã tirore. Tito pitire jipihtina paina Jesu yaina noano ño payora. Noaa buheare to noano yahuriro jichu ñua tirore noano ño payora.

¹⁹ Á jia Jesu yaina tirore cahmahre sã mehne to tinino wahahto sehe. Tí niñerure pjacuoina cahapu sã naachu sã mehne wahahtirore cahmahre tirore. Á jia tí niñerure sã wabasachu ñua “Marire yoadohoriro jira”, niahca masa Cohamacure. Sã á wabasana tinare tuaro mari yoadoho duaire masichu yoanahca tinare.

²⁰ Á jina ahri niñerure, pjíro Jesu yaina ti warire naabasana, noano ñu wihbonahca ti warocarire, “Sãre yahusãri”, nina.

²¹ Mari pãhtoro to ñurocaroi quihõno, noano yoa duaja sã. Masa ti ñurocaro cãhure quihõno yoa duaja.

²² Á yoana tana paioire mari coyeirore warocanahca Tito cãhu mehne. Sã piti dahrerocarirore payu tahari painare to noano yoadohochu ñuhi sã. Á jiro mipure musa sehe painare musa yoadoho duachu ñuno tiro tó pano to yoariro yãhdoro noano musare yoadoho duara.

²³ Tito sehere musare yahuihtja. Tiro yu piti jira. Musare yu yoadohochu tiro yãhu mehne dahrariro jira. Paina tiro mehne wahahtina Jesu yaina ti beserina ti warocarina jira. Tina Cristo yare yoara paina tirore ti ño payohto sehe.

²⁴ Á jina cahña mehne noano mehne tinare piti bocaga musa. Musa á yoachu ñua paina Jesu yaina sehe musa cahiare masiahca. “Noano piti bocaahca Corinto macaina”, ni yahu tuhsuhi painare. Musa á noano piti bocachu ñua tí sã yahuri cjiri quihõno ti jichu masiahca paina Jesu yaina.

9

Jesu yainare pjasçoinare ti wahtore yahuha Paulo

¹ Å yoana Cohamacu yainare musa yoadohohtore musa wahtore masi tuhsara musa.

² Painare musa yoadoho duaare masija yuhu. Å masicu Macedonia yahpa macainare õ sehe ni yahuhi: “Corinto macaina, ti ya yahpa Acaya yahpa macaina cãhu Jesu yaina sehe painare yoadoho dua tuhsahre. Cũ cãhma yuhdura ti yoadoho duariro”, ni yahu tuhsahi tinare musare. Musa ã yoadoho duachu tuhõa payu tina cãhu pjasçoinare yoadoho duahre.

³ Musare ã ni yahuriro jicu mipure ahnrinare mari coyeare musa cahapu warocai tai nija, Macedonia yahpa macainare yu yahuriro seheta musa yoahõ sehe. Å jicu pjasçoinare musa wahtore musa cahmachu musa cjuayuhto sehe ahnrinare warocai nija.

⁴ Tinare warocæracu Macedonia yahpa macaina mehne musa cahapu sucu, musa wahtire musa cjuærachu ñucu buõ tisãboa yuhu musare. “Pjasçoinare waahca”, musare yu ni tuhõuri baharo musa waerachu ñucu buõ tisãboa yuhu. Musa cãhu buõro yuhdubõa.

⁵ Å jicu musa cahapure yu suhto pano tinare mari coyeare waroca muhtai nija. “Pjasçoinare wanahca”, pano musa nirire musa cjuayuhto sehe tinare waroca muhtai nija. Musa wahtire musa cahmachuchu tina sehe musare yahu quihõahca. Musa wahtire musa cjuayu tuhsachu wahchea mehne musa wa duarire masiahca jipitina. Musare sã wa dutiri jisi ti. Musa mu sũro musa wari jiaha.

⁶ Å jina ahrire wacũga musa: Mahaa yaparicã toariro mahaa pocacã nanõhca. Payu yapari toariro payu poca nanõhca. (Tõ sehe jira pjasçoinare mari wachu. Mahanocã mari wachu, Cohamacu mahanocã warõhca marine. Pjõro mari wachu, pjõro marine warõhca.)

⁷ Å jina cãina musa “Õ puro wanahtja”, ni waga. Niñerure cahõno marieno waga. “Marine wa dutire”, nino marieno waga. Wahchea mehne wainare cahõna Cohamacu.

⁸ Tiro sehe musa cahmano yuhdoro musare warõhca. Å jina jipiehtia musa cahmarire duhsaro marieno cjuã pahõõnahca. Å jia painare musa wachu cãhure noano mu suaõca musa cjuãa.

⁹ Õ sehe nina Cohamacu yare ti joari pũ: “Pjasçoinare pjõro wara Cohamacu. Noano mehne masare ã yoarucura tiro”, nina to yare ti joari pũ.

¹⁰ Å jiro toaa dicha tiri baharo toariro to toahti capare wara Cohamacu. Baharo

to toarire dicha tichu yoara to chãhtire. Pjasçoinare musa pjõro wachu toarirõro to wariro seheta musa cãhure pjõro warõhca Cohamacu. Tõ sehe dihta musare warõhca pjasçoinare musa wa namõhto sehe.

¹¹ Å tjira. Pjõro warõhca musare painare pjõro musa ã warucuhõto sehe. Å jia musa warõcari niñerure pjasçoinare sã wachu payu tina sehe Cohamacure wahchea mehne “Noana”, niahca.

¹² Å yoana pjasçoinare Cohamacu yainare wana, tinare yoadohora musa. Å yoadohõna wahchea mehne Cohamacure “Noana”, ti nichu yoanahca musa.

¹³ Å painare musa yoadohochu ñua, Cohamacure ñõ payõa mehne durucuaõhca masa. Tinare paina cãhure pjõro musa wachu ñua Cohamacure “Noa yuhduariro jira”, niahca masa. Õ seheta niahca Cristo ya buhea noaa buhea ti niriro seheta musa yoachu ñua tinare musa wachu ñua.

¹⁴ Å jia Cohamacu musare tinare to wa dutichu musa sehe tinare musa pja ñuchu tina sehe musare cahõa mehne sini payõahca Cohamacure.

¹⁵ Cohamacu marine noa yuhdũaro yoara. To ã yoarire masina “Noa yuhdũaro yoara”, nijihna mari tireõro.

10

Jesu buhe duti to cũriro to jiare yahuha Paulo

¹ Mipure yuhu Paulo, musare yahuihtja. Cãina musa mehne macaina õ sehe nina yuhure: “Mari mehne jiro painare yuhdũrõca duaerariro, wiho jiro yoaro sehe jira. Å jiparõta pa sehẽpu jiro marine cuiro marieno tuhtirocara”, nina musa cãina yuhure. Cristo sehe ne suaerariro, masare noano yoariro jira. Tiro yoaro seheta yuhu cãhu ji duaja.

² Å jicu musare ahrire tuaro mehne yahuihtja: Musa cahapu yu sũchu noano yoaga musa “Paulo sãre tuhtiri”, nina. Cãina yuhure õ sehe nina: “Tiro to mu sũro, Cohamacu to dutiro marieno yoara”, nina yuhure cãina. Tõ sehe niina pinihtare tuhtibõca yuhu.

³ Sã cãhu ahri yahpa macainata jina nija. Å jipanahta ahri yahpa macaina ti mu sũro ti yoaro sehe yoeraja sã, Cohamacu dutiare yoana.

⁴ Surara cahma wajã ti yuhdũrõcariro seheta sã sehe ñaare yuhdũrõca duaja. Tí ñaare yoã duaeraja. Sã ã yoachu sã wamoã ahri yahpa macaina ti wamoã yoaro sehe jierara. Surara ti wamoã ti cjuaro seheta sã sehe Cohamacu to tuaare cjuaja. Tí tuaã mehne Cohamacure cahma dutierinare cohãja sã. Masa ti mu sũro ti masiare ti

yaba cjihti jierachu masichu yoaja sã tí tuaa mehne.

⁵ Tuhsu, jipihitina yuhduruca duainare, ti mu sũro tuhoutuinare, Cohamacure masi dutieraina sehere duhuchu yoaja sã. Á yoa tí tuaa mehne Cohamacure cahmaerainare Cristore noano yuhtiina ti jichu yoaja sã. Cristo to cahmano seheta tinare tuhotechu yoaja sã.

⁶ Á yoa, paina musa mehne macaina Cristore ti yuhdurucachu ñuna tinare buhiri dahrenahca sã. Musa sehe musa noano yuhtiri baharo Cristore yuhdurucainare á buhiri dahrehinata jinahca sã.

⁷ Yu pjacu dihtare masina musa. Yu jia tia sehere ne masierara musa. “Cristo yaina jija”, niina jina, õ sehe masiga musa: Sã cãhu musa yoaro sehe Cristo yaina tjija.

⁸ “Mari puhtoro ya buheare noaa buheare buhe dutiro, cõre sãre”, nicu payu tahari musare á ni yahupaihta buo tieraja yuhu. Sãre á buhe dutiro musare yoadohoitinare cõre sãre. Musare dojomehnehtinare cõno nierare sãre.

⁹ Ó sehta potõ ni yahuja musare “Cuirí”, nicu. Áheta yu joarocarí pũre ñuna musa ñu cuachu cahmaeraja.

¹⁰ Cãina musa mehne macaina õ sehe nina: “Paulo joarocarõ tuhtiro yoaro seheta joaroca mujana marine. Á jiriro jiparota mari mehne jiro ne á jica nierariro jira. Pjacuoriro yoaro sehe jira. Á jia, marine to durucua yaba cjihti jierara”, nina cãina.

¹¹ Tõ sehe niinare õ sehe ni yahuhtija: “Ó seheta yoanahca”, sã ni joarocariro seheta tõ seheta yoanahca sã, musa cahai jina.

¹² Cãina musa mehne macaina “Noano masi pahñoina jija”, ni durucura ti basi. Cuenah, noacaro masiina jijari tina á ni durucua. Sã sehe ti yoaro sehe ne á ni durucusi. Ti basi cahma ñu piti boca “Mari sehe noa yuhdurucaina jija”, nina tina ti basi. Tuhõ masieraina jira tina.

¹³ Sã sehe tina yoaro sehe yoasi. Cohamacu sãre buhe dutiro to cõri dihtare yahuja sã sehe musare. Paina ya dahraare “Yoahi”, nina nieraja. Tiro musare buhe dutiro sãre cõre.

¹⁴ Ó sehe nina, mahñoa nieraja sã. Noaa buheare Cristo yare musare buhe muhtana suhi sã. Á jina Cohamacu sãre buhe dutiro to cõri dihtare buhena nija musare.

¹⁵ Á jina paina ya dahraare “Sã sehe tíre yoahi”, ne nieraja sã. Wiho mejeta Cristore musa wacũ tua namochu cahmaja sã. Á cahmana musare buhe namo duaja sã. Á buhena Cohamacu to dutiriro purota buhe duaja musare.

¹⁶ Á yoa musa ya yahpa yuhdurõpu noaa buheare yahuna wahanahca. Á wahana

paina ti buheri baharo suna, “Sã buhehi”, nisi sã.

¹⁷ Mari yoaare “Sãta yoaja”, nieraro cahmana. Mari puhtoro Jesu to yoa sehere ñuna wahchero cahmana. Tí sehere painare yahuro cahmana.

¹⁸ Masa ti basi “Sã sehe yoahi”, ti nichu ji coerara Cohamacu. Mari puhtoro Cristo “Ahrina noano yoare”, to niina sehere ji coara Cohamacu.

11

“Jesu to cõrina jija sã”, ni mahñoinare yahuha Paulo

¹ Yu jia tiare yahucu tuho masierariro yoaro sehe yahui nija. Á yahuriro yu jipachuta yuhure tuhõsiniga musa mipure.

² Cohamacu musare to cahño seheta tuaro cahña yuhu cãhu musare. Cristo yare musare yu buhechu tuhõna tirore wacũ tua ducare musa. Á jicu ahrire nija musare: Manu tihticoro to manũno cjihto dihtare to cahño seheta, Cristo sehere tuaro cahña painare musa cahñiro yuhdoro. Tõ sehe yoaina ñaa buhiri tia marieina musa jichu musare Cristore wa duaja to yaina cjihtire. Tõ sehe jiinare, “Tinare muhure waihtja”, nihi Cristore.

³ Paina ñaina musare mahñoa, soro jia buheare cahmachu yoaboca musare. Agã Evare mahñoa to masia mehne ticõrore Cohamacure to yuhdurucachu yoari jire panõpore. To á yoariro seheta mipure ñaina musare mahñoa, Cristore musare noano ño payoerachu yoaboca. Á jicu musare cuisãja.

⁴ Tina “Ó sehe jiriro jira Jesu”, ti mu sũro soro ni ti mahño buhepachuta tuhoyuhca musa. Musare sã buheriro sehe jierapachuta musare mahño buheinare tuhoyuhca musa. Tuhsu, “Ó sehe jiriro jira Espiritu Santo”, ti mu sũro soro ni ti mahño buhepachuta tuhoyuhca musa. Musare sã buheriro Espiritu Santo waro jira. Tiro sehere quihõno ti yahuerapachuta musare mahño buheinare tuhoyuhca musa. Tina soro jia buheare ti mahño buhechu noaa buheare ti buherapachuta tíre tuhoyuhca musa.

⁵ Musa mehne macaina “Jesu to cõrina jija”, nimarina yuhure masi yuhdurucaerara. Tinare docarucaeraja yuhu.

⁶ Noano yahu mihñiriro jieraboca yuhu. Noano yahu mihñierapaihta Cohamacu yare noano masija. Yu á masiare payu tahari musare noano masichu yoahi.

⁷ Noaa buheare Cohamacu yare musare buhechu ne wapa cahmaerahi. Musare yoadoho duacu wapa cahmaerahi. Wiho jiriro yoaro sehe jii yuhu. ¿Yu á wapa cahmaerachu noaerajari, musa tuhotechu?

8 Músare yu buhechu paye macari macaina Jesu yaina yuhure niñerure ware. Ti ã wachu ti niñerure ñahai sinino marieno músare buhei tai. Musa sehe yuhure musa waborirore tina sehe yuhure ware.

9 Musa mehne jicu paye baro yuhure dahsapachuta músare niñerure ne sinierahi. Mari coyea Macedonia yahpa macaina Jesu yaina jipihitia yu cahmarire na wihire yuhure. Panopare músare ne cariboerahi yuhu. Baharopu cãhure músare ne caribosi.

10 Cristo potocãta to yahuriro seheta yuhu cãhu mipare músare potocãta yahui nija. Jipihitiro Acaya yahpai jijnare ahri músare yu sinierari cjirire ã yahurucuihtja.

11 ¿Músare yu sinierari cjirire painare yu ã yahurucuchu tãhona, dohse ni tãhotujari musa? “Paulo ã ni yahuro sare cahieraro nina”, ¿ni tãhotujari musa? Jierara. Músare cahija. Músare yu cahiare Cohamacu masina.

12 Wapa cahmano marieno músare yu buhe ducariro seheta sohtori tihtja. Yu buheri wapa yu wapa nachu ñua tina “Jesu to cãrina jija”, ni mahñoina õ sehe niboca: “Paulo noaa buheare buhero, wapa nana. Æ jina sã cãhu to yoaro seheta yoaja”, niboca tina “Paulo yoaro sehe yoaja sã”, ni duaa. “Æ niri” nicu, wapa cahmano marieno buhehtja músare.

13 Tina potocãta Jesu to cãrina waro jierara. Tinare ne cãerare tiro. “Jesu to cãrina jija”, ni mahñoa, sã yoaro seheta jimana.

14 Ti ã mahñoina jichu masi tuhsuja yuhu. Satana cãhu noariro yoaro sehe cohtota mujana. Tiro anjo si siteriro yoaro sehe ji duaro cohtotamana.

15 To ã yoariro jichu masicu Satana yaina “Jesu to cãrina jija”, ni mahñoina Cohamacure yoadohoina yoaro sehe ti mahñoina jichu ñucu, mahñoina ti jiare masi tuhsuja yuhu. Æ mahñoina ti jichu ñano, pihtiri dacho jichu jipihitia ti ñano yoari buhirire buhiri dahrerohca Cohamacu tinare.

To ñano yuhdurire yahuha Paulo

16 Pari turi ahrire músare yahuihtja. Ne “Tuho masierariro jira”, yuhure niena tjiga. Yu ã ni dutierapachuta yuhure musa ã ni tãhotuchu noanohca yuhure. “Tuho masierariro jira”, yuhure ni tãhotupanahta tãhosiniga musa yuhure. Mahanocã yu jia tiare yu yahuchu tãhoga musa.

17 Músare ã yahucu tuho masierariro yoaro sehe yoai nija. Mari puhtoro Jesu yuhure “Mu basi mu jia tiare yahuga”, nierare yuhure.

18 To ã nierapachuta ahrire yahuihtja músare. Ti mu suru “Noaina jija”, niina payu paina ti jichu ñucu yuhu cãhu yu jia tiare músare yahuihtja.

19 Musa sehe tuho masierainare tãhona wahchea mehne ñuyuhca musa tinare. Noacaro masiina jijari musa sehe ã tãhona.

20 Músare cahamaca ti dahrechhu, músare ti wapa cahmachu, musa yare ti machu, ã ñnocahna musa. Æ yoa músare ti doca dahrechhu, musa wahsupurire ti cjãchu, ã tãhotunocahna musa.

21 Noacaro yoajari músare tina. Cue, masare yuhdurucaina jijari tina. Sã sehe tina yoaro sehe yuhdurucaina jieraja.

Æ jina tina yoaro sehe yoeraja. Tina yoaro sehe jierapaihta tina “Õ sehe jina jija”, ti nichu tãhocu yuhu cãhu ãta ni yahuboca. Pari turi tuho masierariro yoaro sehe yoacu, õ sehe ni yahuihtja músare tjoa.

22 Tina “Hebreo masa jija”, nina painare yuhduruca duaa. Hebreo masanota jimaja yuhu cãhu. “Israe masa Cohamacu to beserina jija”, nina tina tjoa. Ti yoaro seheta to beserirota jimaja yuhu cãhu. “Abrahã cjiro panamana ji turiaina jija”, nina tina tjoa painare yuhduruca duaa. Ti yoaro seheta Abrahã panaminota jimaja yuhu cãhu.

23 “Cristo cahamaca jija”, nina tina tjoa. Yuhu cãhu Cristo cahamacanota jija. Tina yuhdoro Cristo yare noano yoaja yuhu. Cuenah, ã nicu tuho masierariro yoaro sehe durucui nija. Tina yuhdoro tuaro mehne dahrai yuhu Cristo yare yoacu. Payu tahari tina yuhdoro Cristo yairo yu jiri buhiri peresu yoare paina yuhure. Tina yuhdoro payu tahari tjanare yuhure masa. Tina yuhdoro Cristo yairo yu jiri buhiri payu tahari masa yuhure wajã duamare. Ti ã wajã duachu mahanocã yuhdai yuhu ti wajãboriro.

24 Cinco tahari judio masa yuhure ñahare. Yuhure ti ñahape tahari treinta y nueve tahari yuhure tjanare.

25 Tia taha paina yuhure ñahare. Æ ñahaa tina pinihta yuhure ñano yucari mehne cjãre. Pa tehe yuhure paina tãa mehne docare. Tia taha dohorã mehne tãcaru doca wahã su, minii. Æ jicu cã dacho, cã ñami pjiri ma dacho macapure ba pahsaí.

26 Payu tahari macaripure buhe tinií sui. Yu ã buhe tinichu cua yuhdare yuhure. Yuhure nu minihto cua nire. Yuhure yacahto cua nire. Yu ya dihta macaina judio masa, judio masa jieraina cãhu yuhure ñano yoahito cua nire. Macaripu, masa marienopu, pjiri mapu cãhure yuhure nu yariahto cua nire. “Mũhu mehne macaina jija”, ni mahñoina cãhu yuhure ñano yoahito cua nire.

27 Cristo yare yoacu tuaro dahraa tii. Æ dahracu ñano wahyaa tii. Payu tahari yuhure wujo ñano puripachuta ã dahrarucua tii. Ñano juca baa tii. Æ yoa ñahma yapioro jia tire yuhure. Payu tahari chua bocaeraa tii.

Yü suhti säaboa cähu ne mariea tire yühäre. Ä yoa yühäre yusa yuhdua tire.

²⁸ Ö sehe ñano yuhdupaihta dachoripe jipihitina paina Cristo yainare, müsa cähare pjiro wacü tühotuja.

²⁹ Ä jicu cäiro Cristo yairo to ä jinocariro to jochu ñacu cahyaja. Paina Cristo yairore ñano yoa dutiboca. Ti ä yoachu ñacu Cristo yairore cuisäacu, tina ñaina mehne suaja.

³⁰ Yahu duerapaihta yu jia tiare yahui tachu, yu mü süro wiho jiriro yu jia tiare müsare wahchea mehne yahuja.

³¹ Cohamacu mari puhtoro Jesu pücyro dachoripe mari ño payohtiro tirota müsare yu mahñoerachu masina. Ahrire müsare quihöno yahuihtja.

³² Damasco wama tiri macaru yu jichu ñano, cäiro puhtoro yühäre ñaha duamare. Jipihitina masa bui puhtoro Areta wama türo to docai jiriro puhtoro pinihta yühäre ñaha duamare. Ä ñaha duaro ti maca macari sahrino, täa mehne ti yoari sahrino macaa sopacaripe surarare cohta dutiri jire.

³³ Ti ä cohtarö watoihä yuhu mehne macaina pjiri puhyropy yühäre duhu säa, ti sahrino macari sopacäpü yühäre duhu borore. Ti sahrino baharo bähusehepu yühäre duhu borore. Ti ä duhu borori baharo duhti wahcäa wahai.

12

Cristo Paulore to ñorire yahuha Paulo

¹ Yü jia tiare wahchea mehne yu yahuchu yaba cjihti jierara. To ä jipachuta yu jia tiare yahu namoihtja müsare. Mari puhtoro Jesu yühäre to ñorire to masichu yoarire yahuihtja müsare.

² Ö sehe ño dycare tiro yühäre: Catorce cahmari waro wahara yühäre Cristo yairore müanopy to naa müjari baharo. Müanopy ñahpichoha buipü yühäre naa müjare. Yu tühotua dihtare to naachu masieraja yuhu. O yu pjacu cähare to naachu ne masieraja. Cohamacu dihta tire masina.

³⁻⁴ Ä jiro paraíso wama tiropy naa müjare yühäre. Yu tühotua dihtare to naachu masieraja yuhu. O yu pjacu cähare to naachu masieraja. Cohamacu dihta tire masina. To ä naa müjachu sücu tópyre to yahuare tühöi. Ti yu tühorire masa ne masierara. Ti to yahurire marine yahu dutierara.

⁵ Tó sehe yühäre to ñorine müsare yahucu, “Yuhu cäirota painare yuhdycariro jija”, niboa yuhu. Ä nieraja yuhu. Yu mü süro masierariro yu jiare ñano yuhdyciro, wiho jiriro yu jiare wahchecu müsare yahuihtja. Ti dihtare wahchecu müsare yahuihtja.

⁶ “Painare yuhdycaraja”, müsare ni yu yahu duachu yu niri cjiri potocä tjöboa. Tó sehe ni yahucu tühö masierariro jieraboa yuhu. Wiho mejeta “Ö sehe painare

yuhdycaraja”, ni yahusi yuhu müsare, “Cua pisaro choro yühäre ñiri”, niscu. Yühäre ñu masina ño payora müsa. Müsa ä ño payopachuta ti yuhdoro yühäre müsa ño payochu cahmaeraja. Yu yoarire ñana, yu niri tühona quihöno müsa ño payoriro yuhdoro yühäre müsa ño payochu cahmasäeraja müsare.

⁷ Cristo noa yuhduare müanore yühäre to ñochu ñiriro jicu, “Painare yuhdycaraja”, niboca yuhu sehe. Ä yu nierahö sehe Satana yu pjacure to duti dahrechü ñano “Noanohca”, niri jire Cohamacu. Yühäre duti dahreri jire Satana yühäre ñano wahachu yoaro. Ahri dohatiro potaca säano to purino seheta yühäre purina.

⁸ Ö yu dohatirore yühäre yuhdo duticu sinia timai Cristore mari puhtorore. Tia taha sinia timai.

⁹ Ö sehe ni yuhtia tire yühäre tiro: “Ö mü dohatiro pinihtare mühare yuhdychu yoasi yuhu. Ä mühare yuhdoerapaihta mühare cahija. Yu cahia mehne noano jiihca mühu. Dohaticu ñano yuhdyciro, wiho jiriro jicu yu tuaare noano masichu yoaihca mühu. Tuaina yuhdoro mühu sehe yu tuaare masare masichu yoaihca”, ni yuhtia tire tiro yühäre. To ä nichu tühoca ñano yuhdyciro, wiho jiriro yu jiri cjirire masicu wahcheja. Ä jicu ñano yuhdyciro, wiho jiriro yu jiare müsare wahchea mehne yahuihca. Ö seheta ni yahuihca Cristo to tuaa mehne yu noano jiare müsa noano ñu masihtö sehe.

¹⁰ Ä jicu Cristo yairo yu jiri buhiri yühäre purichu wahcheja. Paina ñano yühäre ti ni durucucha, ñabiaro yuhdycu wahcheja. Yühäre ti ñano yoarucucha, ñano yuhdycu Cristo tuua mehne cäno pjaja tirore wacü tuacu. Ä jicu wahcheja.

Corinto macainare Cristo yainare pjiro cahya tühotuha Paulo

¹¹ Yü jia tiare yahucu tühö masierariro yoaro sehe yoahi yuhu. Yu ä yahupachuta ti müsa ya buhiri jira. Müsa sehe yu jia tiare painare noano yahuboa. Yuhu yu mü süro jicu yaba cjihti jieraboa yuhu. Ä jiboriro jipaihta “Jesu to cürina, masi pahñoina jija”, ni mahñoinare docarücaeraja yuhu.

¹² Potocäta ñano yuhdyciro jipaihta Cohamacu tuua mehne yoa ñomai müsare. Ä ñocu Jesu to cüriro yu jiare ñoi nimai müsare.

¹³ Ö seheta yoamai. Paye macari macainare Jesu yainare müsa cähare cäno potori yoaa timai yuhu. Wiho mejeta müsa dihtare cariboerahi. Müsa dihtare paye barore sinierahi. Zyü ä sinierachu ñaa nijari, müsa tühotuchü? Ti ñaa jichu ti ñaare boga müsa yühäre.

¹⁴ Pua taha müsa caharu yu süri baharo pari turi waha duaja tjöa. Töpy sücu müsare

caribosi yuñu. Paye barore sinisi yuñu musare. Musa yare cahmaeraja. Cristo ya sehere musa yuñtiina jichu cahmasāja yuñu. Masa pohna sehe ti pucsumare ti cahmaare waerara. Ti pucsuma sehe ti pohna cahmaa sehere wara. (Tó seheta musa yu pohna yoaro sehe jiina yu cahmaa sehere wasi musa.)

¹⁵ Á jicu yuñu pinihta yu cñaa sehere wa duaja musare yoadohocu tascu. Musa cahamacuño yoaro sehe ji duaja musare yoadohocu tascu. Musa sehere yu á tuaro cahipachuta yuhñare musa sehe pjiroca cahña, yu tuhotchucu.

¹⁶ Á jicu musa mehne jicu musare cariboerahi. ¿Potocã tjjarita, musa tuhotchucu? Wiho mejeta cãina musa mehne macaina ó sehe niboca: “Paulo paye baro marine na duaro mahñore marine”, niboca.

¹⁷ ¿Musa á niriro seheta yoariro jicu, dohse tire yoari yuñu, musa ñuchu? ¿Musa cahapu yu warocarina yaba barore yuhñare mahño mabasari tina musare, musa ñuchu? Mahño maerari jire tina.

¹⁸ Sohó jiri pjaru musa cahapu Titore waha duti tuhsahi tirore. Á jicu pairore Cristo yairore tiro mehne piti dahre warocahi. ¿Tito paye barore musare mahño mari, musa ñuchu? Mahño maerari jire. Tiro yu yoaro seheta Cohamacu to cahmano seheta yoariro jira. ¿Á jiro yu yoaro sehe yoerari tiro, musa ñuchu? Yu yoaro seheta yoari jire.

¹⁹ “Ñano yoeraja sã”, ni ducatanã nieraja sã. Cristo yaina jija. Á jina Cohamacu to ñarocaroi musare yahuna niija. Yu coyea, yu cahña, musare yahuhi musa sehere yoadoho duana. Musare yahuna, sã sehere musare cahmachu yoana nierahi.

²⁰ Tóru yu sachu yu cahmano sehe yoaina jieraboca musa. Á jicu musare tuaro cuisãaja. Á yoa musa cahmano sehe yoariro jieraboca yuñu cãhu, tóru sachu. Soro musa yoachu ñucu yahuihca musare. Tóru yu sachu musa sehe cahma sayoina, painare pahsu tiina, ñaco suaeraina, musa mu saro painare yuhñaraca duaina, painare ñano durucuina, ñaa quiti dahreina, “Painare yuhñaracaja” niina, musa cahmachunore dojomehneina jiboca musa. Á jina musa jirore dojomehnena niboca musa. “Tire yoari” nicu, cuisãaja yuñu musare.

²¹ Tóru yu sachu musare yuhñare buo tisãachu yoaboca Cohamacu. Jipihinare panopu ñano yoainare, ti ñaare cahyaerainare ñucu tuaro cahyaihca yuñu. Numia mehne ñano yoainare, mña mehne ñano yoaã numiare, wuana tiinare, ñaare goa pjinare ñucu cahyaihca yuñu.

Paulo yahu batoaha

¹ Mipure musa cahapu wahacu tia taha suihca tópure. Pua taha tópure su tuhsai. Ó sehe nina Cohamacu yare ti joari pui: “Cüirore mari buhiri dahrehto pano tiaro tirore yahusãno cahmana. Tiaro mariachu pñaro tirore yahusãno cahmana. Ti á yahusãri baharo buhiri dahre masija mari”, nina Cohamacu yare ti joari pui.

² Panopure ñano yoaina cjiri musa jichu musare, jipihitina paina cãhñare ahñire cuaro mehne yahui. Cã taha musa चाहai pari turi sucu musare ahñire yahui. Mipure musa mehne jieracu pari turi musare ahñire yahurocahtja tjoa: Mipure musa cahapure sucu, panopu ñano yoainare paina cãhñare potocãta buhiri dahrehtja yuñu.

³ Yu á yoachu ñana, Cristo to cüiro yu jia tiare to tuaa mehne yu buherire masinahca musa, musa masi duariro seheta. Cristo sehe musare dutiriro tua yuhñaracu sariro jira. Á jiro to tuare ñona musare.

⁴ Mari yoaro sehe pjacu tiro, to tuare ñoeraro tiro wiho jiriro yoaro sehe crusapu yariari jire. Á yariaparota Cohamacu to tuaa mehne catiriro jira tiro mipure. Tiro crusapu jiro wiho jiriro to jiriro seheta sã cãhu wiho jiina jija. Á jipanahca Cohamacu tuaa mehne jinahca musare yoadohona tana.

⁵ Á yoa musa sehe cãina musa basi ó sehe ni tuhutuga: “¿Potocãta Cristore wacü tuajari yuñu?” ni tuhutuga musa cãina. “¿Potocãta Cristo to cahmano seheta jijari yuñu?” ni tuhutuga musa cãina. Musa á jierana to yaina waro jierara musa. To yaina waro musa jichu Cristo musa mehne jiro nina. ¿Tire masierajari musa?

⁶ Sã sehe “Jesu yaina, to yare yahu duti to cürina jija”, ni mahñoina jieraja. To yaina, to cürina waro jija sã. Tire musa masichu cahmaja yuñu.

⁷ Á jicu musa ñano yoaeraho sehe Cohamacure sini payoja musare. Áta sini payoja sã noaare, Cristo yare musa yoahto sehe. Musa á yoachu ñana sã ó sehe niboca: “Corinto macainare buhena, quihõno buhei sã”, niboca sã painare sãre ño payo dutina. Á ño payo dutieraja sã. Tí yaba cjihti jierara. Á jina Cohamacure sini payona, musa ya cjihtire sini payona niija. Paina sãre “Mahñoina jira”, ti nipachuta noaare, Cristo yare quihõno musa yoachu pinihtare cahma yuhñaja sã.

⁸ Ó sehe dihta musa noaare yoachu cahmasāja sã. Cristo yare, potocã jiare soro ni yahu masieraja sã.

⁹ “Cristo cahmaare yoerara musa”, ni musare yahusã masierana, wiho jiina yoaro sehe jiboca sã, musa ñuchu. Noanohca. Noaare, Cristo yare yoana musa sehe wiho

jiina jierara. M̄sa ā jich̄n̄ ñana wiho jiina yoaro sehe s̄a jipanahta wahcheja. Ā jina Cristore wacū tuaina, noano yahtiina m̄sa wahahtore Cohamac̄re sini payona nija s̄a m̄sare.

¹⁰ Ā jic̄n̄ m̄sa mehne jierac̄n̄ m̄sare ahri tjure joarocayui nija. M̄sa cahap̄n̄ s̄ac̄n̄, ñano yoaina m̄sa jich̄n̄ ñac̄n̄ m̄sare buhiri dahreih̄tja. Cristo yah̄are to dutiriro se-heta m̄sare buhiri dahreih̄tja. Ȳn̄ ā buhiri dahrerahto sehe ahri tjure m̄sare joarocayui nija. Cristo yah̄are to dutiriro se-heta m̄sare yoadohotirota jija. M̄sare dojomehnehtiro jieraja.

¹¹ Mip̄are ȳn̄ coyea, ahrire yahu batoih̄tja m̄sare. Noano wahcheina jirucuga m̄sa. Cristore wacū tua namoga. Ā yoana noaina, tirore yahtiina jiga. M̄sa mehne macaina mehne c̄ano mehne jiga. M̄sa basi noano mehne jiga. M̄sa ā jich̄n̄ ñano m̄sa mehne Cohamac̄n̄ jirohca. Tiro marine cahma cah̄ich̄n̄ yoariro, marine noano mehne jich̄n̄ yoariro jira.

¹² Ā yoana m̄sa mehne macainare noano mehne piti bocasiniga.

¹³ Jip̄ihtina ō macaina Cohamac̄n̄ yaina m̄sare noa dutira.

¹⁴ Mari puhtoro Jesucristo m̄sare to cah̄ia mehne, Cohamac̄n̄ c̄ah̄n̄ m̄sare to cah̄ia mehne Esp̄iritu Santo m̄sa mehne jirucuriro to yoadohoa mehne noano jiga m̄sa.

Gálatas

Galacia wama tiri yahpa macainare Jesu yainare joarocaha Paulo

¹ Yuhú Paulo, Cristo yare buhe dutiro to cūriro jija. Masa ti cūriro jieraja yuhú. Ā yoa masa sehe yuhúre Cristo buhe dutiro to cūhtore yuhúre yahuerare. Cohamacú Jesu Pucuro sehe Jesure yariaritore masoriro yuhúre cūre to yare buhehtirore. Jesucristo cūhú yuhúre cūre. Ti ā cūriro jicu ahrire joarocaja musare.

² Yuhú musare Jesu yainare Galacia yahpa macainare noa dutija. Yuhú mehne macaina Jesu yaina cūhú musare noa dutira.

³ Cohamacú mari Pucú, mari puhtoro Jesucristo mehne musare noa dutija. Cohamacú to yoadohoa mehne noano jiga musa.

⁴ Tiro Jesucristo sehe mari űaare yoari buhirire yariari jire. Mipure masa ti űaare yoari dacho jira. Ā jiro ahri dacho baroihta tiro yariari jire Cohamacú mari Pucú to cahmariro seheta marine yuhúchú yoaro taro. Ā to yuhúchú yoachú űaare mipure ti yoariro seheta yoa duasi mari.

⁵ Ā yoa jipihtia dachoripe tirore mari Pucure űo payojihna. Āta yoajihna.

Cohamacú masare to yuhúchú yoahti buhea cānota jira. Paye buheapú mariahna

⁶ Cristo musare cahūno to yaina cjihtire musare cūre. Ā jicu musare cūriro yare cohāna, soro jia buhea sehene dói musa cahmachú űu cūaa wahaja yuhú.

⁷ Paye buhea noaa buhea yoaro sehe jia buhea waro jierara. Ti ā jierapachúta cāina musa cahai jina musare cariboa, soro jia buheare buhea, noaa buheare ni dojomehne duara.

⁸ Ā yoa musare sā buhe muhtari cjirire mari cohāchú soro jia buhea sehene mari buhechú Cohamacú marine buhiri dahrejaro. Tuhsú, anjo muano macariro ā to buhechú tiro cūhúre buhiri dahrejaro Cohamacú.

⁹ Pano sā niriro seheta mipure pari turi nihtja tjoa: Cūiro musare sā buherire cohāno, soro jia buheare to buhechú Cohamacú tirore buhiri dahrejaro.

¹⁰ Ā nicú “Tiro dihta noano buheriro jira”, yuhúre ni dutii nieraja. Cohamacú sehe yuhúre “Noano buhere muhú”, to nichú cahmaja. Masare wahchechú yoacú tacú soro jia buheare buheboa yuhú. Ā buhecu ne Cristo cahamacúno jieraboa yuhú.

Paulo Cristo to buhe duti to cūriro to jiducarire yahuha

¹¹ Yuhú coyeyá, ahrire musa masichú cahmaja yuhú: Noaa buheare yu buheri cjiro masa ya buhea jierara.

¹² Ti buhea masunore yu tuhori jierara. Ā jia paina masa yuhúre ti buheare yahuerare. Jesucristo sehe yuhúre ti buheare masichú yoare.

¹³ Panopure yu coyeyá judio masa ti yoaa tiro sehe yu yoariro jichú masina musa. Ō sehe yoaa tii yuhú: Jesu yainare tuaro űano yoacú tinare noano wajá pahűonoca duamai.

¹⁴ Sā űuchúsuma ti buherire tuabiario yoa duacú yu coyeyá yu cāno potori bucarina yuhúdrogo yoa muhtariro jia timai yuhú.

¹⁵ Yu ā jiriro jipachúta yu masa bajaualto pano Cohamacú yuhúre bese tuhsúri jire. Ā jiro yuhúre cahūno tiro to yairo cjihto, to cahamacúno cjihto cūre yuhúre.

¹⁶ Ā yoa to cahmano seheta to macunore yuhúre masichú yoare to yare noaa buheare judio masa jierainare yu buhehti cjihtire. To ā yoachú “¿Dohse ni buhero cahmacari yuhúre?” ni masare sinitu űueralhi yuhú.

¹⁷ Ā yoa Cristo to cūrina yu pano jirina cahapure Jerusalēpure sinitu űu wahaerahi. Arabia yahparú wahaí yuhú. Ā jicu Damascorú majare wihii tjoa.

¹⁸ Tia cahma baharo Pedrore űucú wahaí yuhú Jerusalēpu. Tópure puá somana waro jii.

¹⁹ Ā yoacú painare Cristo to cūrinare űueralhi. Santiago dihtare mari puhtoro bahurore űu.

²⁰ Ō sehe ni joarocacú Cohamacú mehne ne mahűore joaeraja.

²¹ Baharo Siria yahparú, Cilicia yahparú cūhúre wahaí.

²² Tópure yu suchú ti pjare Judea yahparú jina Jesu yaina yuhúre ne űu masierasinire.

²³ Ā jia ahri dihtare yuhúre masi ducare tina: “Panopure marine űano yoariro mipure noaa buheare to cohā duari buheare buhero nina”, ni masi ducare tina.

²⁴ Yuhúre ā masia Cohamacure “Noa yuhúdarigo jira”, nire tina.

2

Paina Cristo to cūrina Paulore piti bocca dóihta cahmana

¹ Catorce cūhmari baharo pari turi Jerusalēpu wahacú Bernabé mehne wahaí. Tito cūhú wahare yuhú mehne.

² Cohamacú yuhúre to waha dutichú tópure wahaí. Jerusalēi jicu Jesu yaina puhtoa ti sahsero ti cahmachuchú űucú noaa buheare judio masa jierainare yu buherire yahui tinare. “¿Judio masa jierainare noaa buheare yu buhechú noajari, musa tuhutuchú?” nicú, ā ni

yahui tinare. Æ ni yahui tinare panopu yu buherire mipare yu buheri cahure ti noano masihto cjihtore, ture "Noana", ti nihto cjihtore. Ti a nierachu yu buheri cjiri yaba cjihti jieraboa.

³Yuhu mehne macariro Tito judio masuno jierariro jiro, circuncisiore yoerariro jira. To a yoamahnoerariro to jipachuta Jesu yaina puhto "Muhu cahu circuncisiore yoaga", nierare tire.

⁴Ti a nierapachuta caina "Jesu yaina jija", ni mahnoina wacuenoca sa mehne sa, tire circuncisiore ti yoachu cahmamare tina. Jesu yaina mari jina "Panopu macare ti dutiriro sehe yoana ti mehne yuhdasi", ni tahotuja mari. Mari a ni tahotuina jichu mari yoare nu duaa tina sehe sa mehne mahno saare. A yoaa sa nuhusuma ya dutiare yoa duti duaa, ti dutiare no payorucuina jichu yoa duamare sare tina.

⁵Ti a yoa duapachuta noaa buheare quihono musa noano masihto cjihtore ne mahanoca mehne tuho duerahi sa tinare.

⁶A yoa Jesu yaina puhto noaa buheare yu buherire ti tahori baharo "O sehe ni yahu namoga judio masa jierainare", ni yahu quihore tina yuhare. Jesu yaina puhtoare wiho jiina yoaro seheta tahotuja tinare. Cohamacu sehe jipihtinare cano potori tahotura. A jicu ata tahotuja yuhu cahu. Tina sehe yu buheriro sohtoare buhedoho masierare.

⁷A jia judio masa jierainare yu buheaire Cohamacu yuhare to curire tuhoa, "Toihta jira", nire tina. Judio masare buheare Cohamacu Pedre to curiro seheta to seheta yuhu cahure cure judio masa jierainare yu buhehtiro cjihtore.

⁸Judio masare Pedre buhe dutirirota yuhu cahure tirota buhe dutire judio masa jierainare.

⁹A jia Santiago, Pedro, Joao mehne "Jesu yaina puhto", ti niina noaa buheare buherire Cohamacu yuhare to curire tuhoa "Toihta jira", nire tina. A niata yuhare Bernabe mehne noano wahchea mehne wamomaca nahare sare piti tia. A jina judio masa jierainare buheina jija sa. Santiago cahu sehe judio masare buheina jira. "Ata wahajaro", nii sa sa basi.

¹⁰A nipahta tina judio masare pjacoinare yoadoho dutire sare. Pjacoinare yoadohohtiro jiita nija yuhu.

Antioquai Paulo Pedre tuhtiha

¹¹A yoa Pedre Antioquapu to suri baharo quihono to yoerari buhiri tuhtii tire.

¹²O sehe yoare tiro: Santiago to warocaina Antioquapu ti suhto panoca, Pedro sehe judio masa jieraina mehne

churo nire. Santiago warocaina judio masa jierainare "Circuncisiore yoaga" niina, judio masa panopu macaina ya dutiare yoa dutiina jire. To a churo watoi tina sare. A churo jiparota tina to cahapu ti suchu nuho, tinare cuiro, Pedro judio masa jierainare duhunoca, pari turi tina mehne churo wahaerare. "Mipare wihiina yuhare tuhtiri" nino, judio masa jieraina mehne chu namoerare.

¹³To a mahno cureriro seheta to yoachu nuha, paina judio masa cahu tire nu cu, tina cahu to seheta yoare. A jiro Bernabe masa noariro jiparota tina yoaro seheta yoare tiro cahu.

¹⁴A jicu judio masa jierainare ti duhuri buhiri noaa buhea ti nihiro seheta tina ti yoerachu nuhu, jipihtina Jesu yaina panoi Pedre yahu: "Judio masa ya dutiare yoa dutiina ti nuarocaroi judio masa jieraina mehne mu chu duerachu nuha o sehe ni tahotuboca tina judio masa jieraina: "Jesu yaina dihta jina judio masa yoaro sehe yoajihna mari cahu", ni tahotuboca. A ni tahotuchu yoara muhu tinare. Dohseacu tinare judio masare nu cuchu yoa duajari muhu a piti ti duhucu? Judio masuno jipaihta judio masa jieraina yoaro sehe yoamare muhu. A yoacu judio masa yoaro sehe yoerare muhu. A yoariro cjiro jipaihta dohseacu judio masa jierainare judio masare nu cuchu yoa duajari muhu?" nii tire.

Judio masare paina masa yoaro seheta Jesure wacu tua dutiha Cohamacu

¹⁵Sa sehe judio masa masa bajuana, paina nuho yoaina judio masa jieraina yoaro sehe jieraja sa.

¹⁶A jiina sa jipachuta Cohamacu dutiare Moise cjiro to curire yorina sa jichu "Noaina jira", ni nuaraboa Cohamacu sare. Tire mari masija. A yoa Jesucristore mari wacu tuachu Cohamacu marine "Noaina jira", ni nuho. Tire masina, sa cahu Jesucristore wacu tuaja tire sa wacu tuari mehne sare "Noaina jira", Cohamacu to ni nuho cjihtore. To dutia cjiro sa yorina jichu "Noaina jira", ni nuaraboa Cohamacu sare. Ne ti dutia yoaa mehne noaina jierara masa, Cohamacu to nuhu.

¹⁷Wiho mejeta Cristore mari wacu tuaa mehne noaina Cohamacu yaina mari waha duachu, nuaina mari jiare masichu yorohca Cristo. A Cristo mari naare marine masichu yoaro nuaina marine jichu yoajari tiro, musa tahotuchu? Ne mahanoca mehne yoerara.

¹⁸Sa dutia yoaa mehne yuhdu duamarina cjiro jipanahta ti buheare cohai. A cohapanahata pari turi ti buheare yoana ti

dutiare sã yoa pahñoerari buhiri potocãta buhiri tinahca sã.

¹⁹ Cohamacu dutiare Moise cjirore to cûrîre cãno pjaeraja mari. Æ jia, tí dutia marine duti namoerara. Cohamacu to tuaa mehne to yaina jija mari. Cristo mehne crusai yariaina yoaro sehe jija mari.

²⁰ Æ jina yariarîro to mu sũro to yoaerarîro seheta mari mu sũro yoaeraja mari. Cristo ya tuaa mehne yoaja. Æ yoa mipure Cohamacu macũno wacũ tuaa mehne jirucuja mari. Tiro Cohamacu macũno marine cahĩre. Æ jiro mari ya buhirire yariare.

²¹ To dutia yoaa mehne noaina Cohamacu yaina mari wahachu Cristo to yariari sehe ne yaba cjihti jieraboa. Cohamacu marine to cahĩre, Cristo to yariarîre wiho jia yoaro sehe jichu yoa duaeraja yuhũ sehe. Æ jicu “Dutia mehne yãhdũihca”, ne nieraja yuhũ.

3

Cohamacu dutia Moise cjirore to cûrîre, wacũ tuaa cahũre yahuha Paulo

¹ Yũ coyeya, mũsa Galacia macaina tuho masieraina ji wama tira mũsa. Jesucristo crusai to yariari buheare jipihtina ti ñũrocaroi mũsare yahui. ¿Æ jina mipure to yare mũsa yãhdũrucãhtore paina mũsare ti dojomehnechu dohse yoana tinare yahtiri mũsa?

² Ahrîreta yahu duaja mũsare: Dutiare mũsa yoaa mehne Espĩritu Santore cjuãerara mũsa. Noaa buhea sehere tuhona Cristore mũsa wacũ tuaa mehne Espĩritu Santore cjuãara mũsa.

³ Espĩritu Santo mehne mũsa Cristo yaina ji ducana mipure mũsa mu sũro mũsa yoaa mehne Cohamacu caharu mũsa waha duachu ña nina. Tuho masieraina jira mũsa, Æ yoana.

⁴ ¿Noaa buheare mũsa yoari buhiri payũ tahari mũsa ñano yãhdũna wiho warota ñano yãhdũnocana niri mũsa, Æ wahana? Wiho waro jierara mũsa Æ wahari.

⁵ ¿Dohse mũsa yoari wapa Espĩritu Santore mũsare wari Cohamacu, mũsa tuhõtuchũ? To dutiare mũsa yoari wapa waerare tiro. To buheare noano mũsa tuhõchu ñũno tirore mũsa wacũ tuari baharõpũ Espĩritu Santore ware tiro. ¿Cohamacu mũsa watoĩ to tuaa mehne yoa ñono dohse jiro baro Æ yoa ñojari tiro, mũsa tuhõtuchũ? To dutiare mũsa yoari wapa Æ yoa ñoerare tiro. To buheare noano mũsa tuhõchu ñũno tirore mũsa wacũ tuari baharõpũ Æ yoa ñore tiro.

⁶ Abrahã cjiro Cohamacure wacũ tuaa tiri jire. To Æ yoachu tirore Cohamacu “Noarîro jira”, ni ñua tiha.

⁷ Æ jina ahri yũ nihtire masiga mũsa: Cohamacure wacũ tuainata potocãta Abrahã

cjiro panamana ji turiaina waro pa turu macaina yoaro sehe jira.

⁸ Panõpũ Cohamacu yare ti joari pũĩ õ sehe ni yahua tiha: Judio masa jieraina Cohamacure ti wacũ tuachu ñũno “Noaina jira”, ni ñua Cohamacu. To Æ ni ñũhtore Cohamacu pano masiyuro, tiro noaa buheare Abrahãre pano yahu mũhta tuhsua tiha. “Mũhũ mehne ahri yahpa macainare jipihtinare noano yoaihtja”, nia tiha Cohamacu Abrahãre.

⁹ Æ jiro Abrahã cjiro Cohamacure noano tuho wacũ tuaa tiha. To Æ wacũ tuachu ñũno Cohamacu tirore noano yoaa tiha. Æ yoa paina masa Cohamacure ti wacũ tuachu, tina cahũre noano yoarõhca Cohamacu, Abrahã cjirore to yoiriro seheta.

¹⁰ “Moise cjirore to cûri dutia mehne Cohamacu yaina wahanahca”, ni tuhõtũina buhiri tiina jira. To joari pũĩ ãta nina: “Cohamacu dutiare to ya tjuĩ ti joarîre yoa pahñoeraina buhiri tiina jira tina jipihtina”, ni joaa tiha.

¹¹ Cohamacu yare ti joari pũĩ õ sehe nina: “Cohamacure wacũ tuainare ‘Noaina jira’, ni ñua Cohamacu. Æ wacũ tuaa jipihtia dachõripe Cohamacu mehne Æ jirucuahca”, nina Cohamacu yare ti joari pũĩ. To Æ nichũ ahri yũ nihtire mari noano masija: To dutiare ti yoaa mehne masa noaina wahaerara, Cohamacu to ñuchũ.

¹² Dutia yoaa mehne Cohamacu caharu waha duaina Cohamacure wacũ tuarara. Õ sehe nina Cohamacu yare ti joari pũĩ: “Dutiare yoaa mehne noaina waha duainare tí dutiare yoa pahñõno cahmana tinare, duhsaro marieno”, nina Cohamacu yare ti joari pũĩ. Wiho mejeta to dutiare yoa pahñoeraina jira masa. Æ jia Cohamacu ñũrocaroi noaina waha masierara.

¹³ Æ jia tí dutia marine buhiri tichũ yoara. Mari Æ buhiri tichũ ñũno Cristo sehe to basi mari yaro jibõrore buhiri tiriõ waharo, mari buhiri tibõrore tiro sehe cohãbasare marine. Cristo to buhiri tihtore yahuro õ seheta ni joaa tiha panõpũre: “Jipihtina yucãcãpũ ti duhu õina buhiri tiina jira”, ni joaa tiha panõpũre.

¹⁴ To Æ ni yahu joarîro seheta Æ yoari jire Cristore. Cohamacu Abrahã cjirore “Ahri yahpa macainare noano yoaihtja”, to niriro seheta yoaro niri jire masare. Æ yoari jire Cristo mehne. Tiro yariari jire Cohamacu judio masa jierainare noano to yoahto cjihtore. Æ yoaro Jesucristo mehne Cohamacu Abrahãre to niriro seheta tuhsũri jire. Æ yoari jire tiro tirore mari wacũ tuari baharo Espĩritu Santore mari cjuãto cjihtore.

To buherire quitĩ mehne yahu namoha Paulo

¹⁵ Y_h coyea, masa ya quiti mehne tí y_h nirire yahuihtja musare: Cüiro paio mehne “Õ sehe yoajihna mari”, ni cüno mehne tí joa cü pachuta paio tí püre soro ni dojomehne joa noano masierara. Ä yoa tuhs_u, tí püre “Quihõno jierara”, ni masierara tiro.

¹⁶ Tí püre cüno potori tí joa cüiro seheta “Musare noano yoaihtja”, Cohamac_u nino, Abrahäre to panamino ji turiariro cühäre ni yahu cüno nia tiha. Ä ni yahu cüno paina to panamana ji turiainarpare ni yahu cüno niera tiha. Cäiroreta to panamino ji turiariro dihtare ni yahu cüno nia tiha Cohamac_u. Tiro Abrahä panamino Cristo jira.

¹⁷ Mip_ure noano yahuihtja musare: Abrahä cühäre Cohamac_u “Musare noano yoaihtja”, to ni cüri baharo cuatrocientos treinta cühäri yähäri baharo to dutiare Moise cjirore cüa tiha. Ä cüno Abrahä cühäre Cohamac_u “Musare noano yoaihtja”, to yahu cüri cjirore boro taro niera tiha.

¹⁸ Cohamac_u marine yähäch_u yoaro, dutiare mari yoa mehne marine yähäch_u yoerara. Dutiare yoa mehne mari yähäch_u Cohamac_u “Musare noano yoaihtja”, to ni yahu cüri sehe yaba cjihti jieraboa. Wiho mejeta to dutia marisinch_u Abrahäre ä ni cü mühta tiha.

¹⁹ Ä jiro dohse jiro baro to dutiare cüri Cohamac_u? To dutiare cüha tí dutiare mari yähärcarire mari noano masihtõ sehe. Ä jiro panop_ure Cohamac_u “M_h panami mehne masare noano yoaihtja”, Abrahäre to niriro to wihito pano Cohamac_u to dutiare c_uaa timaha masa. Cohamac_u to dutiare to cüch_u to anjoa sehe türe duti turiaa tiha. Ä yoa Moise cjirore tí cüch_u, tiro sehe masare cü turiaa tiha tjoa.

²⁰ To dutiare Moise cjiro to cü turiach_u Cohamac_u to basita masare cüera tiha. Ä cüeraparota Cohamac_u “Muhäre noano yoaihtja”, Abrahä sehäre ni yahu cüno, to basita ä ni yahu cüa tiha.

²¹ Cohamac_u Moise cjirore to dutiare cüno, tó pano Abrahäre to ni yahu cüire “Y_h niriro sehe yoasi yahu”, nino niera tiha tiro. Abrahäre to niriro seheta yoaro taro nia tiha. To dutia yoa mehne Cohamac_u yaina wahana tí pja pinihta dutiare mari yoa mehne noaina wahaboa mari.

²² Wiho mejeta Cohamac_u to yare tí joari pü sehe jipihntina ñaa buhiri tiina, ñaare duhu masieraina tí jirire yahua tiha. Ä ni yahua tiha Cohamac_u “Musare noano yoaihtja”, pano to niriro seheta to yoalto cjihtore. Ä yoaro Jesucristore wacü tuinare noano yoara tiro pano to niriro seheta.

²³ Jesucristo ya buheare mari tühõto pano, tirore mari wacü tuahto pano Cohamac_u Moise cjirore to cüri dutia dihtare

masimahi mari. Ä masimarina jina ñaa buhiri tiina, peresup_u jiina yoaro sehe tí ñaare duhu masieraina jina, dutia dihtare masiina jimahi mari.

²⁴ Ä jia Cristo to wihito pano Cohamac_u dutia sehe marine yahure dahra cohtariro to pühtoro pohnare to yahuriro seheta. Ä yahure marine baharo Cristore mari wacü tuaa mehne Cohamac_u “Noaina jira”, marine to ni ñuhto cjihtore.

²⁵ Mip_u pinihtare Cristore mari wacü tulari pja jira. To ä jich_u dahra cohtariro yoaro sehe to dutia sehe marine yahu namoerara. Marine dutirucu namoerara.

²⁶ Ä jina Cristo Jesure wacü tuaina jina Cohamac_u pohna jira musa.

²⁷ Jipihntina musa co mehne bautisarina jira Cristo yaina musa jiare ñona tana. Ä yoana to yaina jina, Cristo yoaro sehe jiina wahana nina musa.

²⁸ Mip_ure p_ua curua jierara musa. Judio masa jieraina, judio masa mehne p_ua curua jierara jieraina mehne p_ua curua jierara musa. M_ua, numia mehne p_ua curua jierara musa. Jipihntina musa Cristo yaina jina, cü curuata jira musa.

²⁹ Cristo yaina jina, Abrahä Cohamac_ure to wacü tuariro seheta yoaina jina, Abrahä panamana waro jira musa. Musa ä jiina jich_u Cohamac_u Abrahäre “Musare noano yoaihtja”, to ni yahu cüiro seheta musa cühäre noano yoarohca tiro. Cristo yaina musa jich_u ñano musare noano yoarohca.

4

¹ Õ sehe jira ahri quiti mehne y_h yahu namoch_u: To p_ucuro baharo to yare nahtiro wahma bucuariro jirop_u jipihntia to ya jipachuta dahra cohtariro yoaro seheta ne paye baro maerariro yoaro seheta jira tiro.

² Ä jia tiro wahma bucuariro to jich_u tirore ñ_u wihboina to yare ñ_u wihbora. Ä yoa to p_ucuro to quihõri pja m_u s_uch_u to p_ucuro yare c_uarohca to macano.

³ Õ seheta wahma bucuariro yoaro seheta jimai mari cüh_u. Ä jiina mari jisinch_u dahra cohtainare tí dutiriro seheta Moise cjirore to cüri dutia, mari ñ_uch_us_uma panop_u macaina tí cüri dutia cüh_u marine dutisinimare.

⁴ Mari ä jiina jipachuta to quihõri pja m_u s_uch_u Cohamac_u to macanore warocari jire. Ä to warocach_u to macano cäcoro numino mehne masa bajuari jire. Ä jiro tiro judio masano masa bajuaro Cohamac_u dutia Moise cjirore to cüri cjirore yoarucuriro jiri jimare.

⁵ Mari cühäre tí dutiata dutisiniri jimare. Ä jiro marine yähäch_u yoahrtiro cjihtore

warocari jire Cohamacu to macanore, to pohna waro mari wahahto cjlhtore.

⁶ Æ jiro to pohna musa jichu ñano, Cohamacu macano to yairo Espiritu Santore musa mehne jhtiore warocari jire Cohamacu. To yairo Espiritu sehe Cohamacure “Mai”, niriro jira.

⁷ Æ jina musa Cohamacu to yoadohoa mehne dahra cohtaina jierara musa mipure. To pohna jira musa. Æ jina to pohna jina, Cohamacu to wahtire cjuanahca musa.

Paulo Galacia macainare Jesu yainare cuisáha

⁸ Panopu Cohamacure musa masierasini-ina jina “Cohamacu jira”, musa nia masarine ño payona tí masarine dahra cohtaina jiri jimare musa. Musa ã ño payoina potocáta cohamana waro jierari jire.

⁹ Æ jirina cjiri jipanahta mipure Cohamacu warore masina musa. Jierara. Tiro pinihta musa sehere masina. ¿To ã masipachata dohse yoana ahri yahpa macaina ya buhea sehere cahmajari musa tjoa? Ti ya buhea mehne noano yuhdu duapanahca ne yuhdusi musa. Æ yoa baharo Cohamacu jipihnta dachoripe musare to wahtire cjuasi musa. Æ yoana tí buhea mehne yuhdu duana, pari turi ti ya dutiare dahra cohtaina yoaro sehe wahana nica musa.

¹⁰ Cãa dachorire, cãa sãrine, cãa puhibãcare, cãa cahmarine bose numarine dahre dutira musa. “Mari ã yoaa mehne dutia mehne yuhdanahca”, ni tuhutumana musa.

¹¹ Musa ã ni tuhotuchu musare tuaro yu buheri cjiri yaba cjihti jieraboca, yu tuhotuchu.

¹² Yu coyea ahrire tuaro dutiiltja musare: Cristore yu tuhoturiro sehetu musa cãhu tirore tuhotuga. Panopu dutia yoaa mehne yuhdu duaina jierari jimare musa judio masa jieraina jina. Mipure sehere yuhdu cãhu musa yoaro sehetu wahai dutia yoaa mehne yuhdu duaeracu. Æ jina Cristore yu tuhoturiro sehetu musa cãhu ãta tirore tuhotuga. Musa mehne yu jichu ne ñano yoaerare musa yuhure.

¹³ Ahrire masina musa. Tõpu dohatiriro jicu, pa seheru waha masieracu noaa buheare musare buhe ducái.

¹⁴ Yu ã dohatiriro jipachata, yuhure pumeborina musa jipanahta, yuhure yabierare musa. Æ jina yuhure “Waharisa”, nierare musa. Æ jina Cohamacu yairo anjore, Jesucristo cãhure musa piti bocaboriro sehetu yuhure noano piti bocare musa.

¹⁵ ¿Mipure dohse wahari yuhdu mehne musa wahchea? Musare ahrire niiltja:

Cãno pjana musa caparire orewe na yuhure waboa musa.

¹⁶ ¿Yuhdu mehne macaina jipanahta mipure quihõno musare yu yahuchu ñu tuhtijari musa yuhure?

¹⁷ Sohõ jina soro ni buheina musare tuaro cahmasãana. Ti tuhoutua soro jira. Noaa jierara. Tina musare yuhure yuhduracachu cahmana, tina sehere musa cahmahto sehe.

¹⁸ Noano mehne musa noano wahahto sehe musare ti cahmasãachu noa niboa. Æ yoa tõpurre yu mariachu cãhure ti ã cahmasãachu noa niboa.

¹⁹ Yu pohna, nihi wahcõricoro to ñano yuhdaro sehetu musare ñano wacũ tuhoutuja yuhu. Pu Cristo yoaro sehe musa jichapu musare wacũ duhuihca.

²⁰ Michapucacã musa mehne jicu tuhtiro marieno wahchea mehne musa mehne yu sahuduchu noaboa yuhure. Musare pjiro tuhoutu nija yuhu.

Agar Sara mehne ti jiri cjirire yahuha Paulo

²¹ Tuhoga musa yuhure. Cohamacu to dutiare yoaa mehne yuhdu duaina jipanahta to dutia sehere noano masierara musa.

²² Õ sehe nia tiha Cohamacu yare ti joari pui: Abrahã purgo pucuro jia tiha. Tirore dahra cohtaricoro Agar wama tiri-oro mehne cãiro pohna tia tiha. Æ yoa to namono poto Sara wama tiricoro mehne cãiro pohna tia tiha.

²³ Wiho mejeta tirore dahra cohtaricoro macano masa mari yoaro sehetu masa bajuaa tiha tiro. To namono poto macano sehe Cohamacu “Cãirocã pohna tinahca musa”, to niriro sehetu masa bajuaa tiha tiro sehe.

²⁴ Ahri quitu marine noano piti dahre yahura: Cohamacu puu taha masare “Musare yoadohihta”, to nia yoaro sehetu jira ahri numia purgo numia. Cãcoro Sinaí wama tidupu to dutiare wari yoaro sehe jira. Ticoro Agar jira. Ticoro mehne mari piti dahre buhechu judio masa cãhu dutiare yoarucua mehneta yuhdu duaina ticoro yoaro sehe jira. Tina dahra cohtaina yoaro sehe jira.

²⁵ Ticoro Sinaí wama tidu Arabiapu jidu yoaro sehe jiricoro jira. Mipure Jerusalé macaina judio masa dutia yoaa mehne yuhdu duaina dutiare dahra cohtaina yoaro sehe jira. Æ jia mari piti dahre buhechu tina ticoro yoaro sehe jira dahra cohtaricoro to jia tiriro sehe. Tina Cohamacu pohna jierara.

²⁶ Pacoro sehe Abrahã namono poto manopu jiri maca Jerusalé wama tiri maca yoaro sehe jira, mari piti dahre buhechu. Ticoro dahra cohtaricoro jieraro, to macano cãhu dahra cohtariro jierari jire. (Æ yoa Jesucristore wacũ tuaina mari jina,

Sara macano yoaro sehe jija. Mari cāhu Cohamacu Moise cjirore to cūri dutia mehne yūhdu duaina jieraina jina, dahra cohtaina yoaro sehe jieraja.)

²⁷ Cohamacu yare ti joari pūi ō sehe ni joaa tiha Cohamacu pohna warore, Sara yoaro sehe jiricorore yahuro:

“Pohna marienicoro, wahchega.

Ā yoa wahchea mehne sañurucuga, niji wahcōno purīnore masieraricoro jico. Mūhu sehe manū tiricoro yūhdoro payu pohna ticohca.

Ā jico wahchega”,

ni joaa tiha panopure to pohna tihto pano Sara yoaro sehe jiricorore yahuro.

²⁸ Yū coyea, Cohamacu to niriro seheta Isaa masa bajuua tiha. Mari cāhu tiro yoaro sehe Cohamacu to niriro seheta to pohna jija mari.

²⁹ Wiho mejeta tí pjarure masa yoaro sehe masa bajuariro ñano yoaa tiha pairore Espiritu Santo to niriro seheta masa bajuarirore. Mipū cāhure āta jira to jiriro seheta.

³⁰ Wiho mejeta ō sehe nina Cohamacu yare ti joari pūi: “Dahra cohtaricoro macano to pūcuro yare cja masierara. To namono poto macano sehe to pūcuro yare cja masina. Ā yoa ticorore dahra cohtaricoro cjirore to macano mehneta cohānocahga”, ni joaa tiha.

³¹ Yū coyea, ne dahra cohtaricoro pohna yoaro sehe jieraja mari. Wiho mejeta to namono poto pohna yoaro sehe jija mari.

5

Jesu Cristo yare noano tuho ñahana, tīre duhuena tjiga

¹ Dutia yoaa mehne yūhdu duaina tí dutiare dahra cohtaina ti dutipeina yoaro sehe jira. Cristo yaina wahana ti dutipeina mari jiare wijaana, Cristo mehne yūhduja mari. Ā to yūhdachū yoarina jina, to yare ā yoarucuga, “Tí dutia yoaa mehne yūhdūnahca”, ni tūhoturo marieno.

² Mipure yūhu Paulo ahrire yahuihtja musare: “Circuncisiōre mari yoari mehne yūhdūnahca”, musa ni tūhotuna, Cristo musare to yoadohore yaba cjihti jierachū yoana nina musa.

³ Jipihina circuncisiōre musa yoari mehne yūhdu duainare pari turi ō sehe ni yahuihtja yūhu: Circuncisiōre musa yoari mehne yūhdu duana, paye Cohamacu dutiare yoa pahñorana, yūhdūsi musa.

⁴ Dutia yoaa mehne yūhdu duaina jina Cristo sehene cohāre musa. Ā yoaina jina, Cohamacu musare to cahīre, musare to yūhdachū yoa duaire cahmaerara musa.

⁵ Wiho mejeta mari sehe Espiritu Santo to tuaa mehne Cohamacure wacū tuaja. Mari

ā wacū tuachū “Noaina, ñaa buhiri marieina jira”, ni ñana Cohamacu marine. To ā ni ñachū marine to yūhdachū yoahtore masija mari.

⁶ Cristo Jesu yaina jina circuncisiōre mari yoaachū ne yaba cjihti jierara. Circuncisiōre mari yoaerachū cāhure ne yaba cjihti jierara. Wiho mejeta Cristo pinire wacū tuana painare cahīnahca mari. Tí wacū tuaa sehe wiho waro jia nierara. Tí waro jia nina.

⁷ Musa Cristore noano wacū tuasinimare. ¿Diina baro noaa buheare yūhdarūca dutiari musare?

⁸ Ti ya buhea Cohamacu musare to pohname cūriro to ya buhea jierara.

⁹ Ahri yū nihtire wacūga musa: Mahanocā pāo bucharo trigo yūbure noano saherucu sūra. (To ā saherucu sūriro seheta yū coyea judio masa ya buhea sehene musa cahmarucuchū ñaa payu masa musa mehne macaina cāhu tí buheare cahmaboca tina cāhu.)

¹⁰ Mari puhtoro Cristore wacū tuaja mari. Ā jicu ahri yū nihtire masija yūhu. Cristo to yoadohoa mehne paye buheare baharopure cahmasi musa. Tīre masija yūhu. Musare dojomehne cohtaina dohse jiina jica. Tinare Cohamacūhu buhiri dahrerohca.

¹¹ Yū coyea, “Dutia yoaa mehne yūhdūnahca”, ti nia buheare yū buheriro jichū judio masa yūhure ñano yoaeraboa. Cristo crusai to yariari buheare yū buheri buhiri tina ñano yoara yūhure. Cristo ya buhea mehne judio masa ya buheare yū buhe morechū yūhure ñano yoaeraboa tina.

¹² Musare dojomehne cohtaina musare mahanocā musa pjacu macari cahsarocāre yihso dutiina ti basi dihta yihsojaro.

¹³ Yū coyea, “Dutia mehne yūhdūnahca”, ni tūhotu dutierara Cohamacu musare. Wiho mejeta “Dutia mehne yūhdūnahca”, ni tūhotuina jierapanahta “To dutiare yūhdarūcajahna”, ni wacūena tjiga. Ā yoa musa mehne macainare cahma cahīna, tinare dahra cohtaina yoaro seheta yoadohoga tinare.

¹⁴ Cānota dutiare noano yoana, Cohamacu dutiare yoa pahñona nija mari. Ō sehe jira tí dutia: “Mū basi mū cahīno seheta mū cahai jiina cāhure cahīga”, ni dutia tiha.

¹⁵ Ā jina wahiquina suaina yoaro sehe musa basi cahma sayoena tjiga. Tuhsū, cahmachena tjiga. Musa mehne macaina jipihinare “Dojomehneri”, nina noano yoaga musa.

Masa ñaare ti goa pjaare, Espiritu Santo to cahmaa cāhure yahuha Paulo

¹⁶ Espiritu Santo to cahmariro seheta jirucuga musa. Ā jina musa ñaare musa goa pjaare yoana tjiga.

17 Ñaare mûsa goa pjachu tíre mûsa yoachu, Espírítu Santo ñu yabira. To ã ñu yabichu tí ñaare duhunahca mûsa. Á jina ñaare mûsa goa pjana, tíre yoana, Espírítu Santore ñu tuhtira mûsa. Á ñu tuhtina to cahmano sehe yoaerara mûsa. Á jina mûsa goa pjaare mûsa yoa duaro seheta yoa masierara mûsa.

18 Á yoa Espírítu Santo to cahmaare yoaina jina “Dutia mehne mari yuhdunahca”, ni tuhotuerara mûsa.

19 Masa ñaare ti yoaere mari noano masi tuhsuja. Ó sehe jira ti: Numino mehne ñano yoaa, muno mehne ñano yoaa, wûana tia, tó sehe jia ñaare buo tiro marieno yoaa,

20-21 “Cohamacu jira” ti nia masarine ño payoa, puti sitea, paye yaya ti yoaa, ñu tuhtia, cahma sayoa, doaa, suaa, to basi dihta cjuu duaa, ñu tuhti cahma tju waa, cá curua macaina pa curuare ñu tuhtia, paina yare tuaro cahmaa, cahaa, cahaa bose numarine dahrea, tó sehe jia jira ñaare yoaa. Panopu musare cuaro mehne yu niriro seheta mipu cáhure nihtja: Tí barore yoaina puhtoro Cohamacu to sáho jiropure manopure ne susi.

22-23 Espírítu Santo sehe marine ó sehe yoaina jichu yoara: Masare cahina, wahcheina, cuiro marieina, so suaeraina, painare noano yoaina, noaina, duhuro marieno Cohamacu cahmaare yoaina, painare yuhduracaja duaeraina, noano mehne yoaina, ti ñaa goa pjaare yoaeraina jichu yoara marine tiro. Tó sehe yoainare “Á yoaena tjiga”, ne cáiro nierara.

24 Cristo Jesu yaina jina mari ñaa goa pjaare yoa namoeraja.

25 Espírítu Santo marine Cohamacu mehne á jirucuchu yoarohca. Á jina to cahmano seheta yoaaruina jijihna mari.

26 “Painare masi yuhduracaja sã”, ni tuhotuina jiena tjijihna mari. Á jina mari mehne suachu yoaena tjijihna painare. Á yoana mari mehne macaina noano ti wahachu ñuna tinare sua tuhotuena tjijihna.

6

Mûsa mehne macainare yoadohoga

1 Yu coyea, cáiro mûsa mehne macariro to ñaare yoachu ñuna, Cristore noano wacú tuaina jina niji siaroca dero tirore yoadohoga noaare pari turi to yoahto cjihto sehe. Á yoana mûsa cáhu “Ñaare goa pjari”, nina noano yoaga.

2 Mûsa mehne macaina ti ñano yuhdúchu cáhure yoadohoga tinare. Mûsa á yoana Cristo to dutiro seheta yoana nina mûsa.

3 Cáiro wiho jiriro jiparota “Painare yuhduracaja”, ni tuhoturo, to basi mahñoa dihtare tuhoturiro jira.

4 Cáina mûsa sahsero mûsa yoarire “Ahri noaa jira. Ahri ñaa jira”, ni masiga. Á masina mûsa yoari noaa jichu mûsa basi wahchenahca. Á jina “Painare yuhduracaja”, nisi mûsa. Á nierana painare mûsa yuhduracari mehne wahchesi mûsa.

5 Á jiro Jesu yairo to mu saro Cohamacu yare yoara. Pairo masuno tirore tíre yoadoho masierara.

6 Á jina noaa buheare buherirore paye baro mûsa cjuare tirore waga mûsa to yahuare tuhoina.

7 Toari masuno ñaa yaparire toaro ñaa dichare cjuarohca. Noaa yaparire toaro noaa dichare cjuarohca. (Tó seheta mari cáhu ñaare yoana ñaare cjuanahca. Á jiro mari ñari buhiri buhiri dahrerohca. Noaare yoana noaare cjuanahca. Á jina noano jinahca.) Á jina “Sã ñaare yoachu Cohamacu sãre buhiri dahresi”, ni tuhotuena tjiga. Ñaare yoaina Cohamacure bujupaina jira. Cohamacure bujupainare buhiri dahrerohca tiro.

8 Mari ñaare goa pjana, tíre yoana, tí mehneta yarianahca. Á jina pichacapu wahanahca. Espírítu Santo sehe to cahmaare mari yoachu tiro marine jipihtia dachoripe manopu jirucuchu yoarohca.

9 Á jina noaare yoana tíre pumena tjijihna mari. Cohamacu to quihõri pja jichu noaare cjuanahca mari pumerana.

10 Á jina jipihtinare mari ñuinape noano yojijihna mari. Mari coyea Jesu yaina pinihtare paina yuhdoro noano yojijihna.

Paulo yahu batoaro, noa duti batoaha

11 Bujua letrari mehne yu wamomaca waro mehne musare yu joarocarire ñuga mûsa.

12 Musare circuncisiõre yoa dutiina masa tinare ño payochu cahmana. Cristo crusai to yariari buheare mari buheri buhiri masa ñano yoara marine. Ti á yoachu ñua ah-rina musare circuncisiõre yoa dutira “Judío masa ya buhea sehene yoaja”, nia. Á ti yoa dutichu judío masa tinare ñano yoaeraboca. Á jia circuncisiõre yoa dutira.

13 Musare circuncisiõre yoa dutiina sehe Cohamacu to dutiri cjiire yoa pahñoerara. Á jia circuncisiõre musare ti yoa dutiri baharo mûsa yuhtichu ñua, judío masa tinare musare dutiinare ño payoboca. Ti á ño payohti cjihtire musare circuncisiõre yoa dutira tina.

14 Mari puhtoro Jesucristo crusai yariariro ya buhea dihtare jipihtinare wahchea mehne yahu duaja. Ne paye buheare á ni yahu duaeraja. Á crusai to yariachu ahri

yahpa macaa ñaare watĩno yuhũre yoa dutiro bihoerara. Ā yariaro tí ñaare yuhũre cahmaerachũ yoare tiro.

¹⁵ To ā yoachũ Cristo Jesu yaina mari jichũ circunciõre mari yoachũ ne yaba cjihti jierara. Circunciõre mari yoerachũ cãhũre ne yaba cjihti jierara marine. Wiho mejeta pari turi masa bajuaina yoaro sehe, Cohamacũ cahmano seheta yoaina, marine to cohtotachũ pinihta wiho waro jierara.

¹⁶ Jipihtina ahri yũ buherire yoaina, Cohamacũ yaina waro jina, cuiro marieno noano jiga mũsa. Ā jina Cohamacũ to pja ñũa mehne jiga mũsa.

¹⁷ Mari puhtoro Jesure dahra cohtariro yũ jiri buhirĩ yũ pjacũre cami tija yuhũ. Yũ ā jiro jichũ mipũre paina yuhũre cariboea tjijaro.

¹⁸ Yũ coyea mari puhtoro Jesucristo mũsare jipihtinare to cahĩa mehne noano yoajaro. Āta yoajaro.

Efesios

Efeso macainare joarocaha Paulo

¹ Yuhũ Paulo musare Efeso macainare joarocaja. Yuhũ Jesucristo yare buhe dutiro to cūriro jija. Cohamacũ to cahmano seheta Jesu yuhũre to yare buhehtirore cūre. Ā jicũ musare Cohamacũ yainare Jesucristore ā wacũ tuarucuinare joarocaja yuhũ.

² Ā joarocacũ yuhũ musare noa dutija. Cohamacũ mari Pucũ, ā yoa mari puhtoro Jesucristo cāhũ musare noano yoa, noano jichũ yoajaro.

Cristo yaina mari jichũ ñũno Cohamacũ noano yoara marine

³ Cohamacũ, mari puhtoro Jesucristo Pucũro marine noano yoarucura Cristo yaina mari jichũ ñũno. Jipihtia to ya mũano macaa noaa mehne tiro marine noano yoarucura. Espĩritu Santo mehne marine ā noano yoarucura. To ā yoariro jichũ ñũna noano ño payoa mehne tirore noano wahche payojihna.

⁴ Ō sehe yoaa tiri jire tiro marine to yainare: Ahri yahpare to bajuamehnehto pano mipure to yaina jihtinare beseyu tuhsua tiri jire tiro marine. Ā besea tiri jire marine ñaa buhiri marieina mari jhto sehe. Ā yoana ñaa buhiri marieina jija mari, Cohamacũ to ñũchũ. Ā jiro marine “Ñaa buhiri tiina jira”, nisi tiro.

⁵ Panopũ ō sehe nia tiri jire tiro marine: “Yũ macũ Cristo tinare to yoabasari mehne tina yũ pohna jiahca”, ni cūa tiri jire marine panopũ. To ji coariro seheta to cahmariro seheta ā wahachũ yoaa tiri jire tiro marine.

⁶ Wiho jiina mari jipachũta marine to ā noano yoachũ ñũna ño payoa mehne tirore noano durucujihna. To macũno to cahĩriro yaina mari jichũ ñũno noano marine yoara tiro. Ā jina tirore noano durucujihna.

⁷⁻⁸ Cristota jira marine pichacapũ waha-borinare yuhũchũ yoariro. Cristo mari ñaa buhirire yariabasaro, to dire cohã, mari ñaa yoari buhirire cohãri jire. Mari ñaa yoari buhirire to cohãchũ ñũno, Cohamacũ sehe mari ñaa buhirire bonocahna. Marine ñaa dihtare yoaborinare ā cahmano marine noaputiaro yoari jire Cohamacũ. Ā yoa marine to ā yoinare noano waro tũho masiina wahachũ yoari jire.

⁹⁻¹⁰ Tũho masiina wahachũ yoa, baharopũ to yoahtere marine masichũ yoare. Panopũ painare tũre masichũ yoerari jire tiro. Ō sehe jira baharopũ to yoahto: Tiro to cahmariro seheta to tuhoturiro seheta jipihtinare cū curuata Cristo yaina jichũ yoarohca. Ā jiro jipihtiare to ya jichũ yoarohca.

To quihõri pja mũ sachũ mũano macainare, ahri yahpa macaina cāhũre, cū curuata to yaina jichũ yoarohca tiro. Ā yoa mũano macaare, ahri yahpa macaa cāhũre to ya jichũ yoarohca. Ā jiro Cristo sehe jipihtina bui puhtoro jirohca. Ā yoa jipihtia pũro jirohca. Ā jihtiro ji dutia tiha Cohamacũ tirore.

¹¹ Ā yoaro Cristo yaina mari jihtore masino panopũ Cohamacũ marine bese tuhsua tiha to yaina mari jihtinare. Ahri jipihtiare to yoarire, baharopũ to yoahto cāhũre, “Ā waharohca”, ni cūyua tiha tiro to tuhoturiro seheta, to cahmariro seheta yoaro taro. Ā yoaa tiha tiro to yare sã yoahto cjihtore.

¹² Sã sehe judio masa Cristore cahma mũhtaina jina sãre to yuhũchũ yoahtere cohta mũhtaina jija. Cohamacũ sãre besea tiha to yare sã yoahto cjihtore. Cohamacũ yare sã ā yoachũ ñũna, paina tirore ño payo, “Tuariro jira”, ti nihto sehe Cohamacũ sãre besea tiha.

¹³ Mũsa cāhũ quihõno durucuaeta noaa buheare tũhore. Tĩ buhea “Cohamacũ cahapũ mũsa waha duachũ, ō sehe jira”, ni yahura marine. Tũre tũhona tirore wacũ tua, noano tũhona to yaina wahare mũsa. To yainare ō sehe niri jire Cristo: “Mũsare Espĩritu Santore warocaihtja”, ni yahu cūri jire.

¹⁴ Ā jiro tirore mũsa wacũ tua, noano tũhochũ ñũno to yairo Espĩritu Santore ware musare. Ā jiro Espĩritu Santo mari mehne jiro Cohamacũ yaina mari jia tiare masichũ yoara tiro sehe. Ā yoa Espĩritu Santo parore masichũ yoara. Cohamacũ mari ñaa buhirire bore marine yuhũchũ yoaro. Ā jiro baharo to cahapũ naanohca marine to yainare. Marine to naahto pano Espĩritu Santo sehe Cohamacũ cahapũ mari sũri baharo to yare mari cjuahtere masichũ yoara marine. Cohamacũ marine ā yoara tirore ño payoa mehne “Noariro jira”, mari nihto cjihtore.

Paulo Cohamacũre sini payoha Jesu yainare

¹⁵⁻¹⁶ Cristore wacũ tuaina mũsa jichũ tũhorocacũ Cohamacũre ā sini payorucuja musare. Mari puhtoro Jesucristore mũsa wacũ tuarire, jipihtina to yainare mũsa cahĩre tũhorocacũ Cohamacũre “Noana”, nija.

¹⁷ Ō seheta tirore sini payoja musare: Cohamacũ mũano macariro mari puhtoro Jesucristo Pucũro, noa yuhũariro to yare mũsa noano masihto sehe sini payoja. Ā yoaro tirore mũsa noano masihto sehe sini payoja musare.

18 Ā jicu paye yu nihti cāhare masa noano masihto sehe musare sini payoja Cohamacare. Tiro musare yuhduchu yoaro, to yaina cjihtire yoare. To ā yoachu noa yuhduara marine. Tíre masa masihto sehe sini payoja musare Cohamacare. Ā yoa marine to wahtire noa yuhdua tí waro tí jichu cāhare masa masiyuhto sehe sini payoja musare Cohamacare.

19 Ō sehe cāhare masa masihto sehe sini payoja musare Cohamacare. Cohamacare wacū tuaina mari jichu űno to tuaa mehne marine yoadohora tiro. Tiro sehe paina bui tua yuhduariro jira. Tí cāhare masa masihto sehe sini payoja Cohamacare.

20 Tí to masia mehne, to tuaa mehne tiro Cristo yariarore masori jire. Ā maso tuhsuro, muanopu to potu buhusehei Cristore dujichu yoari jire Cohamacu, jipihinare dutihtiro to jihto sehe.

21 Tóí dujiro jipihina muano macaina puhtoa buí, ā yoa jipihina ahri yahpa macaina dutiina buí jiro jira Cristo. Mipure jipihina ahri dacho macaina bui puhtoro jira. Baharopu jipihina pa tjuru macaina cāhare ti bui puhtoro jihtiro cjihtota jira tiro.

22 Ā yoa jipihina bui cūri jire Cohamacu Cristore. Ā yoaro jipihitiare pu tichu yoari jire tirore. Ā jiro Cristo yaina cū curua jiina bui puhtoro sōri jire tirore. Ti dapu jira tiro sehe.

23 Cristo yaina cū curuata jina, to pjacu yoaro sehe jija mari. Cristo jipihitropu ā jirucura. Ā jina mari to yaina mehne to jirucuchu, to jiro seheta wahana nija. Ā wahana to jia tiare űona nija.

2

Cohamacu marine cahño, pja űno yuhduchu yoaha marine

1 Cohamacu yuhduhcaina, űaa buhiri tiina yariaina cjiro yoaro sehe jiri jimare musa, Cohamacu to űuchu.

2 Panopure ahri yahpa macaina Cohamacare yuhduhcaina yoaro sehe yoaucuri jimare musa cāhu. Ā yoana watño to dutiro seheta yoaucuri jimare musa. Tiro watño ahri yahpai dutiro Cohamacare yuhduhcaina puhtoro jira. Watña puhtoro cāhu jira tiro.

3 Panopure jipihina mari ā dihta yoarina jimai. Mari űaa dihtare goa pjamai. Mari mu sūro, mari tuhotu, mari cahmano seheta yoamai. Ā yoaina jina jipihina paina yoaro seheta, mari cāhu űaa buhiri tiina jirucumai. Mari ā jiina jiri buhiri, Cohamacu to buhiri dahreborina jimai.

4 Mari ā jiina jipachata, Cohamacu marine tuaro pja űno, noano cahiri jire marine.

5 Ā cahī yuhduro, Cohamacare yuhduhcaina, yariaina yoaro seheta mari jipachata Cristo mehne marine catichu yoari jire.

6 Ā jiro Cristo yaina mari wahachu, Cohamacu Cristo mehne marine maso, ā yoa muanopu Cristo mehne dujihinare marine sō daporu jire, tiro mehne dutihtina cjihti mari jihto sehe. Cristo yaina jina, āta wahaina baro jija mari, Cohamacu to űuchu.

7 Ō seheta noano yoara tiro marine to pja űarire, to tuaro cahirire baharopu jihinare masichu yoaro taro. Cristo yaina mari jichu űno ā yuhduchu yoara tiro marine.

8 Cristore wacū tua, mari noano tuhochu űno Cohamacu marine pichacapu waha-borinare yuhduchu yoara. Marine pja űno, marine cahño marine yuhduchu yoara. Mari mu sūro mari noano yoaa mehne Cohamacu cahapu waha masieraja mari. Cohamacu sehe marine yuhduchu yoara. Ā jiro tiro mehne mari ā jirucutore cūna marine.

9 To ā cūchu mari mu sūro noaare mari yoari wapa jierara tí.

“Sā mu sūro yuhduhi”, niboca”, nino ō sehe dutiri jire tiro: Mari mu sūro yuhdu dutierara marine.

10 Cristo yaina jichu yoare marine Cohamacu sehe noaa dihtare yoahina mari jihto sehe. Panopu noaare mari yoahire cū tuhsua tiri jire tiro marine.

Cristore cjuana mari noano jija

11 Ā jina panopu musa jia tirire mipu cāhare wacūga musa. Cristo yaina jierasina judio masa jieraina jina musa coyea yoaro sehe yoarina jiri jimare musa. Circuncisōre yoeraina jire musa mipu musa jiro seheta. Musa ā yoeraina jichu űna sā judio masa sehe circuncisō yoaina sehe musare ō sehe nia tii. “Circuncisōre yoeraina jia, Cohamacu yaina jierara”, nia tii musare. Circuncisōre yoaina mu pjacarire mahanocā cahsarocāre yihso narina jira.

12 Panopu Cristo yaina jierari jimare musa. Sā judio masa sehe Cohamacu to beseina jia tii. Sā ā jichu “Musare yuhduchu yoihtja”, ni cūa tiha Cohamacu sāre. Musa sehe to ā ni cūrina jierari jimare. Ā yoa Cohamacu to beserinare űu tuhtiina jisiniri jimare musa. Musa űaa buhirire pichacapu wahahtina jiri jimare musa. Cohamacu maeraina jina pichacapu butiborina jia tiri jimare musa.

13 Mipu sehere Cristo Jesu yaina jira musa. Panopu Cohamacare űu tuhtiina jipanahta, mipure to yaina jira musa. Cristo musa űaa buhiri crusapu to di cohāri mehne Cohamacu yaina jichu yoare musare.

14 Sā judio masare cahma űu tuhtiina musa jichu űno Cristo marine “Musa

basi cahma ñu tuhtiena tjiga”, ni yahure. Masare noano yahuriro jira tiro. Sã judio masa, judio masa jieraina mehne pua curua mari jichu ñuno, tiro cã curuata yoare marine. Ducatari sahrĩnoe ti tju site cohãno yoaro sehe mari cahma ñu tuhtirire duhuchu yoare tiro.

15-16 Õ sehe tĩre yoare tiro: Mari ñaa buhirire crusapu yariaro marine pichacapu wahaborinare yuhduchu yoare. Å yuhduchu yoaro to yaina jichu yoare marine. Å yoaro pua curua mari jimarirore cã curuata wahma curua jichu yoare marine. Å yoaro panopu mari cahma ñu tuhtina mari jimarirore marine cãnoi noano jichu yoare. Å yoaro judio masa sã dutia cjirire cohãre tiro. Tĩ dutia marine pua curua ji dutiri jimare. Mipure cã curuata jija mari. Cristo Cohamacu yaina jichu yoare marine.

17 Å yoa Cristo noaa buheare marine yahuro tari jire. Mũsa judio masa jieraina Cohamacu yare cjueraina jiri jimare. Mũsa ã jichu ñuno musare yahuro tari jire tiro. Sã judio masa sehe Cohamacu yare cjuai. Sã cãhure yahuro tari jire. Å yahuro taro jipihtina marine cã curuata noano mehne ji dutiro tari jire tiro.

18 Mipure jipihtina mari judio masa, judio masa jieraina cãhu Cohamacu mari Pucu mehne noano ji masija mari. Espĩritu Santo to yoadohoa mehne mari Pucu mehne noano ji masija mari. Cristo sehe marine ã noano jichu yoari jire.

19 Å jina mipure pa dihta macaina yoaro sehe jierara mũsa. Mipure Cohamacu yainare ñu tuhtina jierara mũsa. Cohamacu yaina mehne macaina jira mũsa. To ya curua macaina jira mũsa.

20 Cohamacu ya durucuaare yahu turina, sã cãhu to yare buhe dutiro to cĩrina jina to ya durucuaare musare yahu ducal sã, wahma wuhure Cohamacu ya wuhure ti dahre ducariro seheta. Tĩ wuhũ ti cũ mũhtari tãca yoaro sehe jiroro Cristo sehe marine yuhduchu yoariro mariachu mari ne yuhdueraboa.

21 Å jiro to tuaa mehne marine to yainare cã curuata jichu yoare tiro, Cohamacu wuhure ñaa marieni wuhure ti dahreboriro seheta. To ã yoachu to tuaa mehne noaina wahaja mari, Cohamacu to ñuchu. Mari ã jichu ñuno, tirota mari mehne jirucura.

22 Å jina Cristo yaina jina jipihtina paina to yaina mehne cã curua wahare mũsa cãhu. Mũsa ã wahachu Cohamacu to Espĩritu Santo mũsa mehne jiro nina, Cohamacu ya wuhũ to jiboro seheta.

3

Judio masa jierinare noaa buheare

yahuriro jija Paulo

1 Å to ya curua macaina masa jichu ñucu yuhu Paulo musare sini payoja Cohamacure. Cristo Jesu yare musare jipihtina judio masa jierinare yu yahuri buhiri peresupu jija yuhu.

2 Cohamacu wiho jiina mari jipachata, marine cahĩno, noaa buheare musare judio masa jierinare yuhure yahu dutiro cũre. Tĩre masi tuhsure mũsa.

3 Panopu masare to yahuerari cjirire Cohamacu baharopure yuhure masichu yoare. Ahrire mahanocã yahu musare joaroca tuhsuhi.

4 Yu ã joarocarire buhena Cristo to yare yuhure to masichu yoarire masinahca mũsa.

5 Tĩ to yahuri cjirire panopu macainare tiro yahuera tiha. Mipu sehene sãre Jesu to cĩrinare Cohamacu yare yahu mũhtaina cãhure sã jipihtina tirore dahra cohtinare to yahuri cjirire masichu yoare Cohamacu. To yairo Espĩritu Santo sehe sãre masichu yoabasare Cohamacure.

6 Õ sehe jira to yahuri cjiri: Sã judio masa dihtare Cohamacu yuhduchu yoarara. Judio masa jieraina cãhure yuhduchu yoarohca tiro. Å jina sã judio masa, mũsa judio masa jieraina mehne Cristo yaina jina, cã pjacu yoaro sehe cã curuata jija mari. Å jina mari jipihtina Cristo Jesu yaina jina cãno potori Cohamacu “Musare yuhduchu yoaihtja”, ni to yuhduchu yoaina jija mari.

7 Cohamacu yuhure pja ñuno, yuhure cahĩno ahri noaa buheare yahuhtirore yuhure cũre. To tuaa mehne ã cũre yuhure tiro.

8 Jipihtina Jesu yaina ti doca macariro waro jija yuhu. Yu ã jipachata judio masa jierinare noaa buheare yahuhtirore cũre Cohamacu yuhure. Tĩ buhea Cristo noa yuhduariro to jiare, noa yuhdua to cjuare to wahtire yahura marine.

9 Yuhure ã cũno Cohamacu “Õ sehe yuhduchu yoaihtja masare”, nino to yuhduchu yoahtore noano yahu pahũohtirore cũre yuhure tiro. Å jiro panopu macainare ti buheare ne yahu pahũoerasinia tiha Cohamacu. Jipihtiare bajuamehneriro jira tiro.

10 Mipure noaa buheare yahu dutiro cũre marine to yainare tiro to noano masi pahũoare masichu yoaro taro. Masi pahũoriro to jia tiare mũano macaina puhtoare masichu yoa duari jire. Å yoaro taro noaa buheare buhe dutire marine Jesu yainare.

11 Ahri yahpa to jilto panoputa “Masare pichacapu wahaborinare yuhduchu yoaihtja”, nia tiha Cohamacu. Å niriro jiro mipure mari puhtoro Cristo Jesu yaria to

masa mʷjano mehne to niriro seheta marine yʷhdʷchʷ yoara Cohamacʷ.

¹² To ʷ yʷhdʷchʷ yoachʷ miþure Cristore wacʷ tuana to yaina wahaja mari. To yaina jina wacʷ tuaa mehne, cuiro marieno Cohamacʷ mehne durucu masija mari.

¹³ Noaa buheare mʷsare yʷ buheri buhiri miþure peresupʷ jicʷ yʷ ñano yʷhdʷchʷ ñana cahyaena tjiga. Noaa buheare yʷ yahuchʷ tʷhona Cohamacʷ yaina wahare mʷsa. Yʷ ʷ yoari buhiri peresui jija. ʷ jicʷ mʷsare yʷ yoadohori buhiri ñano yʷhdʷchʷ nija. Mʷsa noano yʷhdʷchʷ sehe ʷ wahaja yʷhʷ. Tire masina wahcheqa mʷsa. Tire tuaro wahche dutija mʷsare.

Cristo masare tuaro cahina

¹⁴ ʷ jicʷ ahri jipihtia Cohamacʷ mari Pʷcʷ to yoarire wacʷchʷ tiro pano na tuhcuca caha sʷcʷ sini payoja mʷsare.

¹⁵ Tiro jipihtia curuari macaina mʷanopʷ jiina, ahri yahpai jiina cʷhʷ ti Pʷcʷro jira. Jipihtinare bajuamehneriro jira tiro.

¹⁶ Tire ʷ sehe ni sini payoja mʷsare: Tiro masi pahñoriro jira. Tua yʷhdʷariro jira. ʷ jicʷ to tuaa mehne mʷsare noano to wacʷ tuachʷ yoahto sehe sini payoja. Espiritu Santo to yoadohoa mehne ʷ yoarohca.

¹⁷ ʷ sini payocʷ Cristore mʷsa wacʷ tua namohto sehe tiro mʷsa mehne to noano jihto sehe sini payoja mʷsare. ʷ jicʷ painare noano cahina mʷsa jihto sehe sini payoja mʷsare.

¹⁸⁻¹⁹ Jipihina paina Cohamacʷ yaina cʷhʷ mʷsa mehne Cristo masare to tuaro cahiare mʷsa masihto sehe sini payoja. Tiro jipihina masare cahʷ yʷhdʷariro jira. To ʷ cahʷ yʷhdʷarire noano masi pahñohto basioerara. ʷ jipachʷta to ʷ cahiro to jia tiare mʷsa noano masihto sehe sini payoja mʷsare. ʷ yoa to cahiare mʷsa masichʷ cahmaja Cohamacʷ mʷsa mehne to noano jihto sehe. Noa yʷhdʷariro, ñaa marieriro to jiro seheta mʷsa wahahto sehe to cahiare mʷsa masichʷ cahmaja. ʷ jicʷ to cahiare mʷsa masihto sehe sini payoja mʷsare Cohamacʷ.

²⁰⁻²¹ ʷ yoa Cohamacʷ pjiro ño payoa mehne “Tiro tuariro jira”, nijihna. To tuaa mehne noaa sehere cohtota masina marine tiro. Marine noaina jichʷ yoa masina. Mari siniri yʷhdoro yoa masina tiro. Mari cahmaare mari tuhotori yʷhdoro yoa masina tiro. Cristo Jesu yaina to ya curua macaina jina jipihina dachoripe jipihina Cohamacʷ ño payojihna. ʷ yoa jihna.

4

Cristo yaina jina cʷ curuata jija mari

¹ ʷ jicʷ yʷhʷ, mari puhtoro Cristo to cahmaare yʷ yoari buhiri peresupʷ jiriro jicʷ, mʷsare ʷ sehe ni tuaro dutija: Cohamacʷ to yaina cjihtire mʷsare besea tiri jire. ʷ to beserina jina to cahmano seheta yoaina jiga mʷsa.

² “Sʷ pinihta masi yʷhdʷchʷcaina jija”, ni tuhutuina jiena tjiga. Painare noano mehne yoaga suaro marieno. Mʷsa mehne macaina mʷsare ti ñano yoapachʷta tinare cahia mehne noano yoaga.

³ ʷ jina Espiritu Santo to yoadohoa mehne noano mehne cʷno mehne jirucuga mʷsa. ʷ yoana cahmachea marieno jinahca mʷsa.

⁴ Cʷ pjacʷ yoaro seheta cʷ curuaihta jija mari. ʷ yoa Espiritu Santo cʷairota jira. Cohamacʷ to yaina cjihti mʷsare besea tiha mʷsare yʷhdʷchʷ yoaro taro. ʷ jina to yʷhdʷchʷ yoahtore cohtasinina mʷsa. Cʷnota jira mʷsa cohtaro.

⁵ Mari puhtoro Cristo cʷairota jira. To yahua, mari wacʷ tuaa cʷhʷ cʷnota jira. To yainare bautisarire yahua cʷhʷ cʷnota jira.

⁶ ʷ jiro Cohamacʷ cʷairota jira. Tiro jipihina Pʷcʷro jira. ʷ jiro jipihina mari puhtoro jira. Jipihinare marine to cahmano seheta yoachʷ yoa masina tiro. Jipihina mari mehne jira. ʷ yoa jipihitropʷ jira tiro.

⁷ Cʷ curua mari jipachʷta jipihina marine cʷinare mari yoa masihtire cʷre marine Cristo. Tiro to cʷiro seheta yoa masija mari. Tiro marine ʷ cʷno paye barore to ʷ wanocaboriro seheta yoaro nire tiro.

⁸ ʷta nina Cohamacʷ yare ti joari pʷpʷ: “Cohamacʷ ñu tuhtinare to yʷhdʷchʷcari baharo tiro tinare naa mʷjaa wahare. ʷ naa mʷjano tiro payʷ ʷ wanocare ahri yahpa macaina sehere”, ni joa tiha panopʷre.

⁹ “Tiro mʷjaa wahare”, to nichʷ wahmanore mʷanopʷ jiriro ahri yahpapʷre to tari cʷhʷre mari masija. Ahri yahpapʷre to duji tarire mari masija.

¹⁰ ʷ jiro ʷpʷre duji tariro tirota jira mʷjaa wahariro. Jipihitro bui mʷjaa wahari jire tiro, jipihitropʷ jiro taro.

¹¹ Tiro jira “Ahri yahpa macainare payʷ ʷ wanocariro”, ti niriro. Masare to ʷ wanocano seheta tiro payʷ ti yoa masihtire cʷri jire masare. ʷ sehe cʷri jire tiro: Cʷinare Cristo to yare yahu duti to warocahinare cʷri jire. Painare Cohamacʷ ya durucuare yahu turiahtinare cʷri jire. Noaa buheare buhe tinihtinare painare cʷri jire. Cristo yaina cahmachuinare ñu wihboina cjihtire, noano buhehtina cjihtire cʷri jire painare.

¹² Tʷ sehe yoa, dahrahtina cjihtire cʷri jire marine painare to yainare mari yoadohohto sehe Cohamacʷ mari masi noano

namohto sehe. Ā cūri jire marine to yainare tirove mari wacū tua namohto sehe.

¹³ Ā jina mari jipihtina noano mehne cāno mehne jinahca. Āta jiro cahmana marine Cristore wacū tuaina jina. Ā jina mari jipihtina Cohamacū macanore noano masinahca. Ā yoana Cristo tuariro, noano masiro to jiro sehetā mari cāhū noano masiina, Cohamacūre noano wacū tuaina wahanahca.

¹⁴ Mari ā wahana macanacā yoaro sehe jisi mari. Macanacā noano tuho masierasinica. Paina ti buhechū “Ahri potocā jira”, ni ti mahño mihnia mehne ti mahñochū tinacā yoaro sehe jiina soro jia buheare cahmana. Ā yoa paina ti soro buhechū ti buhea sehere cahmana tjoa. Pjiri ma macaa pahcōri ti ā cohtotarucuro sehetā tō sehe ā cohtotarucuiina jira tinacā yoaro sehe jiina. Tina yoaro sehe jisi mari.

¹⁵ Ō sehetā yoanahca mari: Mari mehne macainare cahma cahīna, potocā noaa buheare cahma yahunahca mari basi. Ā yoana macanacā bucūa tuho masiina ti wahariro sehetā mari cāhū tuaina, Cohamacū yare noano masiina wahanahca. Cristo to jiro sehe wahanahca. Tiro jira mari dapu.

¹⁶ To yaina jina to pjacū yoaro sehe cū curuaihta jija mari. Ā jina mari capari, mari cahmori, mari dahpori cū pjacū ti noano jiro sehetā mari cāhū payū jipanahta cāno potori noano jija. Mari ā cāno potori mari jihto sehe Cristo yoadohora. Ā jina mari wamomaca mari pjacūre to noano yoadohoro sehetā mari noano yoadohoja paina Cristo yainare. Mari mehne macainare Cristo yainare noano cahīna, tinare noano yoadohona, tuaina Cristore wacū tua namoina wahanahca mari.

Cristo yaina wahana mari űaa yoaare duhu, noaa sehere cohtotaja mari

¹⁷ Ā yoa mari pahutoro Cristo to dutiro mehne ō sehe nihtija musare: Cohamacūre cahmaeraina waro yoaro sehe yoena tjiga musa. Tina ti tuhotua sehe űaa dihta jira. Ā jia ti tuhotua yaba cjihti jierara.

¹⁸ Ā jia nahitianoi ti űū masieraro sehetā tina Cohamacū yare ne masieraputiara. To yare ne tuhoeraputiara. Tuho duaerara tina. Ā jia Cohamacū to noano ji dutiriro sehetā jierara tina.

¹⁹ Ā jia tina űaare yoaa ne buo tieraputiara. Ā yoa ne cahyaerara. űaare ti goa pjaa dihtare yoarucura. Jipihtia ti űaare yoaare duhu duaerara.

²⁰ Musa sehe ā yoaerare, Jesure masi dūcana.

²¹ Potocā to yare tuhoina musa jichū, Jesu yare noano masiina musa jichū musa sehere tina yoaro sehe yoa dutierara tiro.

²² Ā jina űano wetē tia suhtire musa tjuwe cohāno sehetā panopū musa yoari cjirire duhunocahga. Tī pjare űaare yoarucuiina musa jichū ti űaa sehe musare dojomehnenno niri jimare. “űaare yoana, noano wahchenahca”, ni tuhotuina jipanahta ne potocā wahcherare musa.

²³ Ā yoa musa tuhotuare noaa sehere Cohamacū to cahmano sehetā cohtotaro cahmana musare.

²⁴ Ā jina noaa sehere cohtotaina jiga musa. Tō sehe jiina Cohamacū yoaro sehetā jira. Musā ā jiina jina, noaare yoarucunahca. Ā yoana űaare űū yabinahca.

²⁵ Ā jina mahño namoena tjiga musa. Musā mehne macainare quihōno yahuga, mahñono marieno. Mari cū pjacū yoaro sehe cū curua macainata jina nija. Ā jina musa mehne macainare mahñoena tjiga.

²⁶ Paina mehne suana, űaano yoena tjiga. Ā jina suana, cū dacho waro noano suarucuenā tjiga.

²⁷ Yoari pja suana, watīno to cahmano sehe yoana nica. Ā yoena tjiga watīno musare “Dojomehneri”, nina.

²⁸ Musā mehne macaina Jesu yaina musa jihto pano yacaina jirina cjiri pari turi yacaena tjiga. Ā yoana mipū sehere noano dahraga musa wapataa mehne pjacūoinare musa yoadohohto sehe.

²⁹ Ne űano durucuenā tjiga “Painare dojomehneri”, nina. Noaare durucuna painare yoadohora Cohamacū cahmaare musa masi namohto sehe. Ā jina noaa dihtare durucuga.

³⁰ űaare yoana Espīritu Santore cahyachu yoana nica musa. Ā yoena tjiga. Mipūre pihtiri dacho pano Cristo marine to naahto pano Cohamacū to Espīritu Santo marine űū wihbora űaare mari yoaerahto sehe. Ā jiro Cohamacū yaina mari jiare masichū yoara tiro marine. Ā jina tirove cahyachū yoena tjiga.

³¹ Ā jina ne painare űano yoa namoena tjiga. Cahma sayo namoena tjiga. Painare sua, űano ni sañurucu namoena tjiga. Painare űano quiti dahre namoena tjiga. Ne painare űano ni tuhotu namoena tjiga.

³² Ā yoa musa mehne macainare noano mehne noano yoaga. Cristo yaina musa jichū űūno musa űaa buhirire bonocahre Cohamacū. Tō sehetā musa cāhū paina musare ti űano yoachū űūna ti űaa yoarire bonocahga.

5

“Cohamacu pohnare õ sehe jiro cahmana”, ni yahuha Paulo

¹ Æ yoa Cohamacu pohna to cahîina jina Cohamacu to jiro sehe jiga musa.

² Æ jina painare ã cahîrucuga. Cristo marine cahîno, mari ñaa buhiri yariari jire. Æ yariaro Cohamacure ji coachu yoari jire tiro. Æ jina marine to cahîriro seheta musa cãhu painare cahîga.

³ Æ jina Cohamacu yaina jina ne numia mehne ñano yoaena tjiga. Numia cãhu musa mehne ñano yoaena tjiga. Paye ñaare tó sehe jia ñaare yoaena tjiga. Paye barore cahma yuhduracaena tjiga. Ne ã yoararo cahmana musare, Cohamacu yaina jina.

⁴ Æ yoana buoro durucueraro cahmana musare. Tuho masieraina yoaro sehe durucueraro cahmana musare. Æ jina ñano ni bujperaro cahmana musare. Ahri sehene yoaro cahmana musare. Cohamacu mehne durucuga musa. Æ durucuna tirore “Noano yoahre muhu sãre”, nino cahmana.

⁵ Paye barore goa pjana, tîre tuaro cahmana, “Cohamacu jira”, ti nia masurine ti ño payoro seheta yoana nija mari tîre. Æ yoa numia mehne ñano yoaina, ñaa ditare tuhotuina, paye barore goa pjaina Cohamacu Cristo mehne puhtoro ti suho jiropu ne wahasi tina. Tîre noano masija mari.

⁶ Õ sehe yoaina ti yoari buhiri buhiri dahrerohca Cohamacu tirore yuhduracainare. Æ jina paina musare “Ahri ñaa jierara”, ti ni mahñochu tuhoena tjiga.

⁷ Æ jina tó sehe yoa yuhduracainare ne piti tiena tjiga.

⁸ Cristo yaina musa jihto pano ã jirina cjirita jire musa cãhu nahitianoi jiina yoaro seheta. Mipû sehene to yaina jina buhriaroi jiina ti ñu masino seheta, Cohamacure noano masina musa. Cohamacu yaina noaare yoara. Æ jina tó seheta yoaga musa cãhu.

⁹ Æ jina Cristo yaina jina buhriaroi jiina yoaro seheta noaare, Cohamacu cahmaare, mahñoño marieno yoarucunahca musa.

¹⁰ Noaare mari yoachû ñuno mari puhtoro Cristo wahchera. Tó sehe jiare, mari puhtore wahchechu yoaa sehene masi wahcãga musa. Æ masina tîre yoaga.

¹¹ Cristore cahmaeraina nahitianoi jiina yoaro seheta ñaa ti yoaa, ñaa waro jira. Æ jina tina yoaro seheta musa sehe yoaena tjiga. Noaa buheare Cristo yare yahuga tinare. Æ yoa ti ñaa yoaare tinare masichu yoaga buhriaroi mari ñu masino seheta.

¹² Masa ti ñuenoi tina ñano yoa cohtara. Ti ã yoarire durucuna mari buo tiboa. Æ yoaa ñaputiaro yoara tina.

¹³ Æ jina tinare noaa buheare mari yahuna ñaputiina ti jia tiare masichu yoana nija mari tinare buhriaroi mari ñu masino seheta.

¹⁴ Tó seheta noaa buheare tinare yahuna, ñaina ti jia tiare masi pahñochu yoana nija tinare. Æ jia õ sehe ni yahura paina:

“Ne, carîina ti tuhoeraro seheta yahure tuho dueraina, tuhoga musa carîina ti wahcãno seheta.

Æ yoana yariaina tuhoeraina ti jiro seheta Cohamacu yare tuhoeraina ji namoena tjiga.

Musa ã yoachû ñuno, Cristo buhriaro yoaro sehe jirore musare noano masichu yoarohca”, ni yahura.

¹⁵ Æ jina dachoripe noano yoaga musa. Tuho masieraina yoaro sehe jiena tjiga. Tuho masiina jiga.

¹⁶ Mipû macaina masa ñabiaro yoarucura. Æ jina musa sehe noaare, Cristo yare musa yoa masino seheta ã yoarucuga musa.

¹⁷ Æ yoana tuho masieraina jiena tjiga. Cohamacu to cahmaa sehene noano masiga. Æ masina tîre yoaga.

¹⁸ Æ yoa cahaena tjiga. Cahainare ñano wahahto cua yuhduara. Æ jina pahmoa core pjîro cahmaena tjiga. Espîritu Santo sehene pjîro cahmaga musa mehne to noano jihto sehe. Tirore noano yuhtiina jiga.

¹⁹ Musa basi Cohamacure ño payoa basaare cahma durucuga. Æ yoa Salmore Cohamacu yare basaare, paye tirore ño payoa basaa cãhure tirore basa payoga musa. Noano wacû ño payoa mehne basa payoga. Æ yoana mari puhtoro Cristore wahche payoga.

²⁰ Cohamacu mari Pucu jiphtiare musare to warire, to yoari cãhure wahchena, “Noana”, ã nirucuga musa tirore. Mari puhtoro Jesucristo yaina jina mari Pucure “Noana”, ã nirucuga musa.

“Musa cãhu wuhu macaina Jesu yaina jina, õ sehe yoaga”, ni yahuha Paulo

²¹ Æ yoa musa mehne macainare noano ño payoa mehne cahma yuhtiina jiga Cristore noano ño payoia jina.

²² Musa namosãnumiare yahuihtja mipure. Mari puhtoro Cristore mari yuhtiro seheta musa manusumare noano mehne yuhtia numia jiga.

²³ Jesucristo marine yuhduchu yoare to pjacu yoaro sehe jiina to ya curua macaina mari jihto sehe. Æ yoa mari to ya curua macaina mari puhtoro to jiro seheta musa manusuma musa namosãnumia bui puhtoa jira.

²⁴ Cristo yaina jina tirore ā yuhtirucuja mari. Tó seheta mūsa manu tia numia mūsa manūsumare noano yuhtirucua numia jiga.

²⁵ Mūsa manūsumare yahuhtija tjoa mipure. Cristo marine to yaina jichū yoaro taro, marine cahīno, mari yaro jiborirore yariari jire. Ā jina marine to cahīro seheta mūsa cūhū mūsa namosānumiare noano cahīrucuga.

²⁶ Cristo ya buheare tuhona Cohamacū yaina wahahi mari. Ā jina to ya buheare “Quihōno jira”, ni mari tuhaturi baharo, mari űaa buhirire cosawere tí buhea mehne. Co mehne marine ti bautisachū cūhure mari űaa buhirire Cristo to cosawerire űona nija mari.

²⁷ Ā cosawere tiro marine to yaina cjihti yoaro taro. To ā cosawechū ne űaa buhiri marieina jinahca, Cohamacū to űuchū.

²⁸ Mūsa namosānumiare cahīna, mūsa basi mūsa pjacurire mūsa cahīno seheta tí numiare cahīga. Mari namore cahīna jina mari pjacure cahīna jija.

²⁹⁻³⁰ Ne mari pjacurire űano wahachū cahmaeraja. Mari chūare chūna noano yoana nija mari pjacurire. Cristo yaina jina to pjacu yoaro sehe to ya curua macaina jija mari. Ā jiro marine noano yoara tiro. Cristo marine to noano yoariro seheta mari cūhū mari pjacure noano yoaja. (Ā jina mari namosānumia cūhure āta noano yoaro cahmana marine.)

³¹ Āta nina Cohamacū yare ti joari pūi: “Ā yoa mūno to pūcusūmare wijaaro to namono mehne jirohca. Ā jia tina pūaro jipahta cāiro yoaro sehe jiahca”, ni joaa tiri jire panopure.

³² Ahri to joari cjirire paina noano tuhoerari jire. Tire ō sehe ni yahuhtija mū sare. Ō sehe ni yahuro nica: “Cristo to yaina mehne cū pjacu yoaro seheta cū curuata jira”, ni yahuro nica.

³³ Ā jicu mū sare ō sehe ni yahu namoihtja tjoa: Mūsa pjacurire mūsa cahīno seheta mūsa namosānumiare cahīga. Ā yoa mūsa manūsumare noano űo payoga mūsa.

6

¹ Mipure mūsa pohinare yahuhtija. Mari puhtoro Cristo yaina jina mūsa pūcusūmare noano yuhtiina jiga. Mūsa ā yoana, quihōno yoana nina.

²⁻³ Ō sehe nia tiri jire Cohamacū dutia: “Mūsa pūcusūmare noano űo payoga”, ni dutia tiri jire tiro. Ahri dutia mehne Cohamacū yahu namoa tiri jire. Ō sehe nia tiri jire: “Mūsa pūcusūmare űo payona, ahri yahpapū yoari pja wahchea mehne jinahca mūsa”, ni yahua tiri jire. Ā ni yahuro ahri dutiare mari yuhtichū mari noano wahahtore coā

cūno nia tiri jire. Ā jina to niriro seheta mūsa pūcusūmare űo payoga.

⁴ Mipure ti pūcusūmare yahuhtija: Mūsa pohinare ā tuhtirucuenta tjiga, “Suachu yoari”, nina. Mari puhtoro Cristo to cahīa mehne to yoadohoa mehne tinare noano bucūoga. Ā yoa quihōno ti yoerachū űana tinare noano yahuga.

⁵ Mipure dahra cohtainare yahuhtija: Cua pisaro mehne, űo payoa mehne ahri yahpa macainare mūsa puhtoare, mū sare dahra dutiinare noano yuhtiina jiga. Mahñono marieno noano yuhtiina jiga. Cristore mūsa yuhtiyo seheta tinare yuhtiga mūsa.

⁶ Tí űurocaro dihtare yuhtiina jiena tjiga. Tó sehe yoaina masa dihtare tinare űu jicoachū cahmana. Mūsa sehe Cristore dahra cohtaina mūsa jiro seheta mūsa puhtoa cūhure ā yuhtirucuga. Cohamacū to cahmano seheta noano wahchea mehne yuhtiina jiga.

⁷ Ā jina Cristore yuhtiina mūsa jiro seheta wahchea mehne yuhtiga mūsa puhtoa cūhure. Masa dihtare yuhtiina jierara mūsa.

⁸ Ā yoana ahrire wacūga mūsa: Mari jipihina noaare mari yoachū űuno mari puhtoro Cristo noano yoarohca marine. Dahra cohtainare, dahra cohtaina jieraina cūhure noano yoarohca.

⁹ Mipure puhtoare dahra dutiinare yahuhtija: Mū sare dahra cohtainare noano yoaga. Tinare noano yū yoa dutiro seheta yoaga mūsa cūhū tinare. Tinare noano mehne dutiga, tuhtiyo marieno. Mūno macariro Cohamacū potocāta ti puhtoro jira. Mūsa yairo puhtoro jira tiro cūhū. Ā jina jipihina mūsa tirore dahra cohtaina dihta jira. Ā jiro tiro cāno potori űana mū sare jipihinare. Ā jina mū sare dahra cohtainare noano mehne dutiga, tuhtiyo marieno.

Cristo yaina watīnore ti dūcataare yahuha Paulo

¹⁰ Ahrire yahu batoihtja mū sare: Cristore noano wacū tuaina jiga mūsa. Mari puhtoro Cristo mūsa mehne jira. Ā jina tua yuhduriro to jia mehne wacū tuaina jiga.

¹¹ Watīno marine mahñono, űano yoa dutira marine. Cohamacū marine dūcatara űaare mari yoerahto sehe. Marine to dūcataa surara to dūcatari suhtiro, comaa suhtiro yoaro sehe jira. Ā jina tí suhtirore mūsa sāano seheta Cohamacū to dūcataare noano cūa pahñoga.

¹² Jesu yaina mari jichū, marine űu tuhtiina masa waro jierara. Mūno macaina űaina, tuaina, tina sehe jira marine űu tuhtiina. Watia ahri yahpa macaina puhtoa jira. Ā jia tina cūhū jira marine Jesu yainare űu tuhtiina.

¹³ Ā jina mipure ducatarī suhtirore mūsa sāano seheta Cohamacu musare to ducatahto sehe to yare noano cjuā pahñoga. Ā yoana watīno musare to ñano yoa dutichu, musare to ñano yoa duachu, tirore ducatanahca. Ā yoa tirore yuhdurucanahca.

¹⁴ Ā yoana tuaina jiga. Cohamacu musare to ducatahto cjihtore õ sehe yoaga mūsa: Surara to comaa suhtirore to tuā dihori dare sari dare noano tuā diho to ducatarīro seheta, Cohamacu yare potoca yahuare noano wacūga mūsa, watīnore mūsa ducatahto sehe. Ā yoa, surara to comaa suhtiro mehne to yajeripohñare to ducatarīro seheta Cristo to yoadohoa mehne quihōno yoaina jiga mūsa, watīnore mūsa noano ducatahto sehe.

¹⁵ Surara to dahpo suhti mehne to dahporire to noano ducatarīro seheta noaa buheare noano masiga mūsa, watīnore mūsa ducatahto sehe. Tí buhea marine noano jichu yoara.

¹⁶ Surara to ducatarī tu mehne to ducatarīro seheta Cristore noano wacū tuarucuga mūsa, watīnore mūsa ducatahto sehe. Buea yucu mehne musare to buéboro seheta watīno musare ñano yoachu yoa duara. Ā jina Cristore noano wacū tuana, watīnore ducatanahca mūsa.

¹⁷ Surara to comaa chapea mehne to ducatarīro seheta musare pichacapu wahaborinare Cristo to yuhduchu yoarina jiga mūsa, watīnore mūsa ducatahto sehe. Surara to ñosari pjī mehne to ducatarīro seheta Cohamacu ya buheare noano masiga mūsa, noano mūsa ducatahto sehe. Ā jina painare noano yahuga to yare. Tí Cohamacu ya buheare Espiritu Santo marine yahura.

¹⁸ Ā watīnore mūsa ducātana Cohamacare dachoripe ā sinirucuga. Espiritu Santo to yoadohoa mehne ā sinirucuga. Ā yoana noano wacū masiga. Ā sinina, pumena tjiga. Jipihina Cohamacu yainare ā sini payorucuga.

¹⁹ Ā yoana yuhū cūhūre sini payoga Cohamacare. Ō sehe ni sini payoga: Noaa buheare, panoru ti masierari cjirire noano yu yahuhto sehe sini payoga yuhūre. Ā jina cuiro marieno yu yahuhto sehe sini payoga yuhūre.

²⁰ Cristo to yare yahu dutiro yuhūre warocare. Yu ā yahuri buhiri peresupu jija mipure. Ōi jipacata cuiro marieno to yare yu yahuhto sehe sini payoga yuhūre. To yare yahuhtiro jiita nija yuhū.

Paulo noa duti batoaha

²¹ Mipure Tíquico mūsa cahapu sūro yu jia tiare musare yahu pahñonohca. Tiro

mari coyeyiro mari cahīro jira. Ā jiro mari pūhtoro Cristore dahra cohtarīro ā jirucura.

²² Sā jia tiare musare yahu duticu tirore warocai nija mūsa noano wahchehto sehe.

²³ Cohamacu mari Pucu mari pūhtoro Jesucristo cūhu musare Jesu yainare tirore wacū tuainare noano jichu yoajaro. Ā jiro musare noano cahma cahichu yoajaro.

²⁴ Jipihina mari pūhtoro Jesucristore cohtotaro marieno cahrucuinare musare noano jichu yoajaro.

Filipenses

Peresupɔ jiriro ahri tjure joarocaha Paulo

¹ Yuhɔ Paulo, Timoteo mehne Jesucristo dahra cohtaina jija sã. Ā jina jipihntinare musare Jesucristo to noaina wahachɔ yoainare Filipo macainare joarocaja sã. Musa puhtoah cãhure, musare yoadohoina cãhure joarocaja.

² Cohamacɔ mari Pɔcɔ, mari puhtoro Jesucristo mehne musare noa dutija. Cohamacɔ to yoadohoa mehne noano jiga musa.

Paulo Jesu yainare Cohamacɔre sini payoaha

³⁻⁶ Cohamacɔ musare noaa sehere cohtotachɔ yoaro nina. Ā jiro musare to ā yoa dɔcariro seheta sohtori dahrerohca tiro. Ā jina Jesucristo ahri yahpapure to wihichɔpɔre ñaa marieina jinahca musa. Wahmanopure Jesu yaina musa jiri baharo, mipɔ cãhure yoadohoro musa yuhure noaa buheare yu buhechɔ. Musa ā yoaina jichɔta Cohamacɔre “Noana”, nija yuhɔ. Musare wacũɔ õ sehe dihta nija yuhɔ. Musare Cohamacɔre sini payoɔcɔ, wahchea mehne sini payoja.

⁷ Musare yu ā tuhotchɔ noa nina. Noaa buheare “Potocã tjira”, puhtoare yu ni tua yuhdɔrɔcachɔ musa yuhure yoadohore. Tí buheare potocã ti jiare tinare yu yahuchɔ yoadohore musa. Peresui yu jichɔ cãhure musa yuhure yoadohore. Cohamacɔ marine noano yoaro, to yare cõre marine. Musa yuhure yoadohore. Ā jina to cõrire mari cãno potori yoana nija. Ā jicɔ yu yajeripohna mehne tuaro wacũja yuhɔ musare.

⁸ Jesucristo to cahia mehne tuaro musare wacũja yuhɔ. Yu ā wacũchɔ Cohamacɔ tĩre masina.

⁹ Musare õ sehe ni sini payoja yuhɔ Cohamacɔre: Cohamacɔ yare noano masia mehne, tuho masi pahõoa mehne painare musa cahĩ namohto cjihore sini payoja yuhɔ musare Cohamacɔre.

¹⁰ Noa yuhdɔare musa masichɔ cãhure sini payoja musare. Musa ā masina Cristo ahri yahpapɔ to tjua tachɔ noaare yoaina, ñaa buhiri marieina jinahca musa.

¹¹ Ā jiina jina noaare, Cohamacɔ cahmaare yoanahca musa. Musare ā yoachɔ yoarohca Jesucristo sehe. Cohamacɔ noabirariro tuariro to jiare ñono taro, jipihntina tire ti ño payohto cjihore to cahmaare musare yoachɔ yoarohca.

Paulo Cristo yairo to jia tiare yahuha

¹² Yu coyea, ahrire musa noano masichɔ cahmaja yuhɔ. Mipɔre peresui jiriro yu jiro watoi noaa buhea sehe ā mu tãrucuro nina. Paina masa tí buheare cahmaina waha namoa nina.

¹³ Ā yoa Cristo yairo yu jiri buhiri peresui yu jirire masi pihtira puhtoro ya wuhɔ macaina surara. Jipihntina paina cãhɔ õi jiina tĩre masina.

¹⁴ Ā jia peresui yu jichɔ ñua, payu mari coyea Jesu yaina mari puhtoro Jesure wacũ tua namoa nina. Ā wacũ tuaa, cuiro marieno noaa buheare painare buhera tina.

¹⁵ Cãina Cristo yare buheraborina jipahta yuhure ñu tuhtia, Cristo yare buhera paina tina sehere ñu wahãchɔ cahmaa. Paina sehe noano mehne Cristo yare buhera.

¹⁶ Noaa buheare yu ni tua dɔcatahti cjihire Cohamacɔ yuhure to cõrire noano masina ahrina sehe. Ā masia tina cahia mehne Cristo yare buhera.

¹⁷ Paina sehe yuhure ñu tuhtia, masa tina sehere ti ñu wahãchɔ cahmaa, Cristo yare buhera. Ā yoa peresui yu jichɔ tina yuhure ñano yuhdɔchɔ yoa duara.

¹⁸ Noanohca. Cristo yareta buhea nina. Tina Cristore potocã cahierapahta Cristo yareta buhera. Paina sehe noano mehne buhera. Jipihntina tina to yare ti buhechɔ wahcheja. Ā jicɔ wahche namoihca yuhɔ.

¹⁹ Cohamacɔre musa sini payori mehne Jesucristo Espiritu to yoadohoa mehne Cohamacɔ to wioriro jiihca yuhɔ peresupɔ jiriro. Tĩre masija. Ā jicɔ ā wahcherucuihca yuhɔ.

²⁰ Õ seheta yoaihca yuhɔ. Dachoripe yu yoariro seheta mipɔ cãhure cuiro marieno Cristo yare buheja masa tireno noano ti ño payohto sehe. Õ seheta yoa duaja yu yoarire yu buheri cãhure yu bɔoro yuhdɔerahto sehe. Catisinicɔ waro õ seheta yoa duaja. Tina yuhure ti wajã duapachɔta õ seheta yoa duaja.

²¹ Catisinicɔ Cristo yare yoasiniihca. Yariacɔpɔ pinihta tí yuhdoro noano tjuaihca yuhɔ.

²² Ā nipacɔta catisinicɔ Cristo yare yu yoa namohto sehe cati namosini duaja. Ā nipaihta yariaa cãhure cahmaja. ¿Di baro sehere yuhɔ cahmabocari? Masieraja yuhɔ.

²³ Yu õ sehe ni durucuchɔ mijo nina yuhure. Cristo mehne tuaro ji duaja. Ā jicɔ mipɔre tiro cahapɔ waha duaja. Catia yuhdoro ahri sehe noa yuhdɔrɔcara.

²⁴ To ā jipachɔta musare yu yoadohohto cjihore sehe catisinino cahmana yuhure.

²⁵ Tĩre masicɔ õi musa mehne yu jisinihtore masija yuhɔ. Ā jisiniihca musa Cristore

wacū tua namohto cjihtore tí wacū tuua mehne m̄sa wahchehto cjihtore.

²⁶ Ahri yahpai jisinic̄a m̄sa cahap̄a pari turi yu wahach̄a m̄sa wahchenahca. Cristo Jesu yuhare to yoadohoch̄a masina, “Tur- ariro jira tiro”, ni ño payonahca m̄sa tire.

²⁷ Mip̄are ahri dihtare yahuihtja musare. Cristo ya buhea ti niriro seheta jirucuga m̄sa. Wacū tuaina jiga. Ā yoa cahma tju waro marieno noaa buheare ni tuaga. Ō seheta yu mariach̄a c̄uhare yu jich̄a c̄uhare m̄sa yoach̄a cahmaja. Ā jiina m̄sa jich̄a t̄horoca duaja yuh̄a.

²⁸ M̄sare ñu tuhtiinare cuiena tjiga. M̄sa ā cuierach̄a ñua Cohamac̄a yaina m̄sa jich̄a masiahca tina. Ā masia tina pichacap̄a ti wahahto c̄uhare masiahca. Cohamac̄a m̄sare to yuhd̄uch̄a yoah̄to c̄uhare masi- ahca. Ō seheta masich̄a yoara Cohamac̄a masare.

²⁹ Cristore m̄sa wacū tuahtore Co- hamac̄a c̄uha m̄sare. Ahri c̄uhare c̄uha tiro. Cristo yare m̄sa yoari buhiri m̄sa ñano yuhd̄ahto cjihto c̄uhare c̄uha Cohamac̄a.

³⁰ Ō sehe jira tí. Cristo yaina m̄sa jiri buhiri paina m̄sare ñano yoara. M̄sare ti yoariro seheta yuh̄a c̄uhare ñano yoara tina. M̄sa mehne yu jich̄a yuh̄are ti ā yoach̄a ñare m̄sa. Mip̄a c̄uhare yuh̄are ti ā yoach̄a t̄horocayuh̄ti m̄sa. Ā jina mari c̄ano po- tori ñano yuhduja.

2

Cristo wiho jiriro to s̄ari baharo, jipi- htina bui p̄htoro cjihto wahaha

¹⁻² Cristo m̄sare noano yajeripohna tich̄a to yoach̄a Cristo to cah̄a mehne m̄sa wahchena, yuh̄are noano wahchech̄a yoaga m̄sa. Ā yoa Esp̄ritu Santo jipihtina m̄sa mehne to jich̄a painare cah̄ina, pja ñuina jina, yuh̄are noano wahchech̄a yoaga m̄sa. Ahri yu nihtire m̄sa yoach̄a wahcheihca: C̄ano potori noano yajeripohna tiga m̄sa. Tuhs̄a, c̄ano potori t̄hotuina ji, m̄sa basi cahma cah̄iga. Ā yoa c̄ano mehne noano jiga.

³ M̄sa ya dihtare t̄hotuina, painare yuhd̄ar̄uca duaina jiena tjiga. Ā t̄hotunocaina jiga m̄sa. Ā jina painare noano ño payo, ō sehe ni t̄hotuga: “Tina sehe yu yuhdoro noaina jira”, ni t̄hotuga.

⁴ C̄airo painare yoadoho duaeraboca. To ya cjihti dihtare t̄hotuririro jiboca. Tiro yoaro sehe yoena tjiga. Paina c̄uhare yoad- ohoga.

⁵ Cristo Jesu painare yuhd̄ar̄uca duaer- ariro to jiriro seheta m̄sa c̄uh̄a painare yuhd̄ar̄uca duaeraina jiga.

⁶ Tiro sehe Cohamac̄a waro jiparota “Co- hamac̄a mehne c̄ano potori yu jiare ne wi- jaasi yuh̄a”, ni t̄hotuerari jire tiro.

⁷ Ā ni t̄hotueraro tiro Cohamac̄a mehne c̄ano potori to jiare wijaa, ōp̄a taro, mas̄nota masa bajuaro, tiro dahra cohtariro yoaro sehe ji d̄ucari jire.

⁸ Ā jiro tiro mas̄no c̄ano potori pjacu tiriro jiro, wiho jiriro waro s̄ari jire. Ā s̄ano “Crusapu wajāga tire”, ti nich̄a tiro yuhd̄ar̄ucaerari jire. Crusap̄ta variahtiro jiparota tiro yuhd̄ar̄ucaerari jire.

⁹ Ā jiro Cohamac̄a jipihtina ti ño pay- ohtirore c̄uri jire Jesure. Ā jiro jipihtina bui p̄htoro s̄ori jire Cohamac̄a tire,

¹⁰ jipihtina m̄sano macaina, ahri yahpa macaina, yariaina c̄jiri yahpa puhichap̄a jiina c̄uh̄a Jesu wamare t̄hoina ti na tuhca caha s̄a ti ño payohto sehe.

¹¹ Ā p̄htoro s̄ori jire tire Cohamac̄a jipihtina “Jesucristo mari p̄htoro jira”, ti nihtiro cjihtore. Ā nia Cohamac̄are mari P̄sare ño payoa nina.

Cristo yaina buhriaro yoaro sehe jia, noaare masare yahu, masich̄a yoara

¹² Ā jina yu cah̄ina yu coyea Jesu yaina m̄sa mehne yu jich̄a m̄sa yuh̄tirucuriro seheta, mip̄a yu yoarop̄a jich̄a c̄uhare pano m̄sa yuh̄tiriro yuhdoro yuh̄tiga yuh̄are. Ā jina pichacap̄a wahaborina to yuhd̄uch̄a yoarina jina, Cristo yoaro sehe wahana tana, Cristo to yoadohoro mehne ñaa marieina jiga. Ā jina ño payoa mehne papero marieno Cohamac̄a yare yoaga.

¹³ Cohamac̄a noaa sehere m̄sare cah- mach̄a yoaro nina to cahmano seheta m̄sa yoah̄to sehe. Ā jiro t̄re m̄sa yoah̄tore yoad- ohoro nina Cohamac̄a. (To ā yoach̄a tí yu niriro seheta Cohamac̄a yare yoaga m̄sa.)

¹⁴ Jipihtiare yoana nureno marieno, m̄sa basi jiape ni durucuro marieno yoaga.

¹⁵ Cohamac̄a pohna jira m̄sa. Ā jina nureno marieno jipihtiare yoaga m̄sa ñaa buhiri marieina, ñaare yoaeraina m̄sa jihto cjihto sehe. Ā yoaga m̄sa masa mah̄ñoina, ñaina watoi dojomehnenno marieno m̄sa jihto cjihto sehe. Tina ñaina watoi jina buhriaro to ñu masich̄a yoaro seheta noaa buheare buhena masich̄a yoara m̄sa ahri yahpa macainare.

¹⁶ Tí buheare m̄sa t̄ho ñahari baharo Co- hamac̄a mehne ā jirucuhtina wahare m̄sa. Tí buheare ahri yahpa macainare m̄sa ā buhech̄a ñ̄uca m̄sa mehne wahcheihca. Ā jicu m̄sare yu buherire “Wiho waro buher- arı jica yuh̄a”, niñca yuh̄a. Ā jicu Cristo ahri yahpap̄a to tjua tach̄a m̄sa mehne wahcheihca. Ā jicu buoro yuhd̄asi yuh̄a.

17-18 Cristore m̄sa wacū tuachū Cohamacū m̄sare ñū jicoarohca. To ā ñū jicoachū masicū m̄sare Cristo yare yū buheri buhiri yūh̄re ti wajā duapachuta wahcheihtja. Ā jina mari jipih̄tina cāno potori wahchenahca. Tō seheta m̄sa cūh̄re cahyaro marieno wahchero cahmana yūh̄ mehne, yū yariari baharo.

Timoteore, Epafrodito cūh̄re yahuha Paulo

19 Mari p̄htoro Jesu to cahmachū soaro mehne Timoteore m̄sa cahapū waroca duaja yūh̄ m̄sa jia tiare masicū tacū. Ā masiip̄ta wahcheihca.

20 Tiro Timoteo yū yoaro seheta m̄sa noano jhto cjihtore potocāta pj̄ro tūhotura m̄sare. Pairo to yoaro sehe jiriro mariahna yūh̄ mehne.

21 Paina sehe jipih̄tina ti cahmaa dihtare yoa duaa, Cristo Jesu to cahmaa sehene yoa duaerara.

22 Timoteo sehe noano yoariro to jiare masina m̄sa. Yū macū yoaro seheta tiro yūh̄ mehne noaa buheare yahuha tihre.

23 Ā jicū p̄htoa yūh̄re ti dohse yoah̄tore masicūta, Timoteore m̄sa cahapū waroca duaja.

24 Ā yoacū mari p̄htoro Jesu to yoadohoa mehne soaro mehne yūh̄ cūh̄ m̄sa cahapū wahaihtja.

25-26 Yūh̄re yoadoho dutina m̄sa Epafroditore warocari jire yū cahapū. Tiro yū coyeiro Jesu yairo yūh̄ mehne dahrariro, yū piti, Cohamacū yare buhe tuariro jira. Tiro m̄sare tuaro wacūroca. Ā jiro to dohatirire m̄sa tūhochū masino tiro sehe pj̄ro cahya tūhotuhre. Ā pj̄ro to tūhotuchū ñucū “Tirore m̄sa cahapū waroca tjuro cahmana yūh̄re”, ni tūhotuja yūh̄ mip̄re.

27 Potocāta tiro tuaro dohatihre. Mahano yariabiho yūhdūh̄re. To ā tuaro dohatipachuta Cohamacū tirore pja ñūno, yūhdūchū yoahre. Tiro to yariachū yūh̄ sehe pano yū cahyariro yūhdoro tuaro cahyaboa. Ā jiro Cohamacū yūh̄ cūh̄re pja ñūh̄re tirore yūhdūchū yoaro.

28 Ā jicū mip̄ pinihtare soaro mehne tirore m̄sa cahapū waroca duaja pari turi m̄sa tirore ñū, m̄sa yajeri sāhto sehe. M̄sa ā wahchechū ñucū yūh̄ cūh̄ wahcheihtja.

29 Ā jina tirore Epafroditore mari p̄htoro yairore mari coyeirore noano wahchea mehne piti bocaga. Ā yoana painare tiro yoaro sehe jinare ño payoa mehne ñūga.

30 Tiro Cristo yare yoadohomahno mahano yariabiho yūhdūre. M̄sa sehe yūh̄re yoadoho masierachū tiro sehe yūh̄re yoadohomahre. Ā yoaro yariamahre tiro.

3

Noano yoaa warore yahuha Paulo

1 Mip̄ pinihtare ahrire yahu batoihtja. Mari p̄htoro yaina m̄sa jina wahchega. Ahri buheare pano yū yahurire pari turi m̄sare yahu joarocacū ji coaja yūh̄. Ā jicū m̄sare ahrire yahucū yoadohoi nija m̄sare.

2 Noano yoaga m̄sa. Ñaare yoarucuina, dieya yoaro sehe jiina ñaina circuncisiōre yoa dutia, m̄sa pjacurire yihso duara. Noano yoaga m̄sa ā yoa dutiina sehe “Soro ni buheri”, nina.

3 Tina circuncisiōre yoapahta Cohamacū dutiare noano yoerara. Mari sehe potocāta Cohamacū dutiare noano yoaina jija mari. Espiritu Santo to yoadohoa mehne Cohamacūre ño payoja mari. Ā jina Jesu yaina mari jiare wahchea mehne painare mari yahuja. “Sā m̄ s̄uro Cohamacū dutiare bihoja”, ne ni tūhotueraja.

4 Ā ni tūhotuerariro jipaihta “Tinare doca dahrenocaja”, ti yoaro sehe niriro jicū ā tjiboa yūh̄ cūh̄. Pairo “Tinare doca dahrenocaja”, ni yūhdūcū duara. Yūh̄ sehe tiro yūhdoro ā niboa yūh̄.

5 Ō sehe yoariro jimai yūh̄: Ocho dachori yū masa bajuari baharo circuncisiōre yoari jire yūh̄re. Israe masūno jicū Benjami ya curua macariro jija yūh̄. Yū p̄cusuma hebreo masa ti jichū potocāta hebreo masūno warota masa bajuari. Cohamacū dutiare quihōno pahño duacū fariseo curua mehne sāamai yūh̄.

6 “Cohamacū ya jip̄cū”, nicū noano yoamai. Ā yoacū Jesu yaina sehene ñano yoaa timai yūh̄re. Potocāta Cohamacū dutiare yoacū t̄re yūhdūcūro marieno yoa pahñoi.

7 Panop̄re “T̄i noaa jip̄cū”, ni tūhotumai. “T̄i yū ā ni tūhoturi cjiri panop̄ yū jia tiri yaba cjihti jierari jira”, ni tūhotuja mip̄re. Ō seheta ni tūhotu d̄caci yūh̄ Cristore wacū tuacū tacū.

8 Cristo Jesu yū p̄htoro yū masichū pinihta noa yūhdūara. Ā jicū paye sehene masa “Noaa jira”, ti nirire “T̄i jipih̄tina yaba cjihti jierari jira”, ni tūhotuja yūh̄. T̄i jipih̄tiare duhunocai Cristo ya sehene yoai tai. Ā jicū t̄re yū duhurire “Wiho jia waro jiri jira”, ni tūhotui Cristore noano masicū tacū tiro mehne macariro jicū tacū.

9 Ā jiro yū m̄ s̄uro noano yū yoari wapa “Noariro jira”, ni ñuerara Cohamacū yūh̄re. Ā jiro Cohamacū dutia Moise cjirore to cūrire yū yoari wapa cūh̄re “Noariro jira”, ni ñuerara. Cristore yū wacū tuari baharo “Noariro jira”, ni ñūna tiro yūh̄re. Cohamacū sehe marine buhiri marieina jichū yoara, tirore mari wacū tuachū.

¹⁰ Ā jicu pano yu ni tuhutu mahtamari cjrيره duhunocaja Cristore noano masicu tacu. Cohamacu tuaa mehne Cristo masa mujari jire. Ti tuaa mehne ji duaja. Ā yoa ti tuaa mehne noaare yoa duaja. Cristo crusapu yariari jire mari ñaa yoari buhirire cohāno taro. Ā jicu to yare yu yoari buhiri tiro yoaro seheta ñano yuhdu duaja yahu cāhu.

¹¹ Ā jicu Cristo to masa mujariro seheta masa mujahitiro jilhca yuhu cāhu. Cristo yuhure to ā masa mujachu yoahore wacu cohtaja yuhu.

¹² Ahri jipihtiare ā nicu, “Cristo yare yoa pahñonocaja yuhu”, ni tuhutueraja. Yu ā ni tuhutuera pachuta Cristo sehe to yairo yoa tuhsare yuhure. Ā jicu to yare tiro cāhure noano masi namo duacu tuaro mehne to yare yoaja yuhu. Ā yoahitiro cjihtore besere tiro yuhure.

¹³ Yu coyea, “Cristo yare noano yoa pahñonocaja”, ni tuhutueraja. Ā tuhutuera paihta ahri pinihtare yoaja: Pano yu yoari cjrيره ā ñunocaja. Tire pjiro tuhutueraja. Ā yocacu Cristo yare noano yoa pahñonoca duacu, tire tuaro yoaja mipure.

¹⁴ Murocaperiro to wapata duariro seheta Cristo yare tuaro yoaja yuhu yu wapatahtore yu ñahahto sehe. Cristo yairo yu jichu ñano Cohamacu ti yu wapatahtore yuhure waro taro manopu pjirocara yuhure to cattia mehne yu catirucuhito sehe.

¹⁵ Ō sehe yu tuhuturiro seheta tuhutuga masa cāhu Cristore noano masiina jina. Wiho mejeta, ahri musare yu yahurire masa tuho duaerachu, soro masa tuhotuchu Cohamacu musare noano masichu yoarohca.

¹⁶ Ā jina to yare mari masirire noano yoa sohtori tijihna.

¹⁷ Yu coyea, masa jipihitina yuhure ñu cūga. Ā jina paina sā yoaro sehe yoinare noano ñuga masa tinare masa ñu cūhto sehe.

¹⁸ Payu tahari painare yahui yuhu musare. Mipu cāhure tuaro cahyacu tinareta yahuja musare. Payu tina Cristo crusai to yariari buheare ñu yabiina jira.

¹⁹ Tina pichacapu waahitina jira. Ti ñaa goa pjaa sehere tuaro cahmana tina. Tuhsu, ti buo tiboare yoa, tire “Noaa jira”, nina tina. Ahri yahpa macaa dihtare noano tuhutura tina.

²⁰ Mari sehere mari ya maca manopu jira. Ā jiro tōputa marine yuhduchu yoahitiro, mari puhtoro Jesucristo tarohca. Ā jina to tahtore cohtana nija mari.

²¹ Tiro taro mari pjacurire wiho jia pjacurire soro sehe jia pjacuri dihta cohtatarohca tiro. Ā yoaro to ya pjacu yoaro sehe noa yuhduari pjacure si siteri pjacure warohca marine to tuaa mehne. Jipihitina

bui puhtoro sāari jire tiro ti to tuaa mehne. Ā jiro jipihtia puro jira tiro ti tuaa mehne.

4

Dachoripe mari puhtoro mehne wahchega

¹ Ā jina yu coyea, yu cahīina, tuaro yu wacūina, yuhure wahchecu yoaina, pano masa wacu tuariro seheta mipure musare yu yahu joariro seheta mari puhtoro Jesure tuaro wacu tuana, to yare ne duhuena tjiga masa.

² Ahrire yahuihtja musare Evodiare, Sintique cāhure: Jesu yaina numia jira masa. Ā jina cahma sayoro marieno noano mehne jirucuga masa.

³ Muhu sehe potocāta yu piti warota jira. Māhu cāhure yahuihtja: Ti numia yuhu mehne, Clemente mehne, paina yu piti tiina mehne dahrare noaa buheare sā buhechu. Cohamacu tina jipihtina wamare joa ōha to ya tjui. Jipihtia dachoripe catiare to warina wamare to joa ōri tjui joa ōha. Ā jicu ti numiare “Cāno mehne noano jiga”, ni yahuga muhu.

⁴ Dachoripe mari puhtoro mehne wahchega. Pari turita yahuihtja tjoa: Wahchega.

⁵ Noano yoaga jipihitinare masa yoaro seheta. Mari puhtoro Cristo to tahto mahānocā duhsara.

⁶ Ne cahya pjiro tuhutuena tjiga. Cohamacure noano yahu pahñoga. Ā yoana tirore siniga. Ā sinina, “Noana”, niga tirore.

⁷ Masa ā yoachu noano jichu yoarohca musare Cohamacu. To ā yoachu noa yuhduara. Ahri mari noano jia noa yuhduara. Masa jina, marine to ā noano jichu yoarire noano tuho ñaha masieraja mari. Cristo Jesu yaina mari jichu marine noano jichu yoaro, Cohamacu marine noano yajeripohna tichu yoarohca. Ā yoaro cahya tuhutuera chu yoarohca marine.

Noaare tuhutuga

⁸ Ahrire yahu batōi tai nija musare, yu coyea. Quihōno jiare, masa ti ño payoaire, noano yoare, ñaa mariare, ji coare, masa “Noaa jira”, ti niare tuhutuga masa. Noa yuhduu ti jichu tireta tuhutuga. Masa noare ñaa ti wahchea sehere masa cāhu wahche tuhutuga.

⁹ Musare yu buheriro seheta ā yoarucuga masa. Ā yoana, yuhure ñu cūga masa. Masa ā yoachu Cohamacu musare noano jichu joariro masa mehne jirohca.

Filipo macaina Paulore ti wari cjrيره yahuha tiro

¹⁰ Mipu pinihta yoari pja baharo masa pari turi yuhure wacūina masa yoadohoare

wahcheja. Ā wahchecu mari pūhtoro Cristore “Noana”, nija. “Yuhure boaa wahare mūsa”, nieraja yuhu. Panopure yuhure yoadoho duapanahta yoadoho masierare mūsa.

¹¹ Yuhure mūsa yoadohore yahucu yuhure duhsarire mū sare yahui tai nieraja. Mū sare paye barore cahmacu ā nii nieraja. Yu cjuaa mehne ji masija yuhu.

¹² Paye baro cjueracu cūhu noano ji masija yuhu. Ā yoa pjiro cjuacu cūhu noano ji masija. Dachoripe jūca baacu cūhu jipoaja. Yapiro jūca cūhu jipoaja. Pjiro cjuacu cūhu jipoaja. Yuhure paye baro mariachu cūhure jipoaja.

¹³ Cristo yuhure tuachu yoariro mehne jipihitiare Cohamacu to cahmaare yoa masi pahŋoja yuhu.

¹⁴ Yu ā jipoariro yu jipachuta yu ŋano yuhduchu mūsa yoadohona yuhure noano yoare mūsa.

¹⁵ Noaa buheare yu buhe dučachu Macedonia yahpai jiro cjiro yu wahachu mūsa dihta yuhure yoadohore. Tīre masina mūsa.

¹⁶ Ā yoa Tesalōnicai yu jisinicu ŋana yuhure yoadohona cāa tahari warocari jire mūsa.

¹⁷ Paye barore sinicu ā nicu nieraja. Painare mūsa yoadohochu Cohamacu mū sare noano yorohca. Mūsa ā yoadohori wapa Cohamacu mū sare to noano yoachu cahmaja yuhu.

¹⁸ Mipure yuhure noano wa pahŋohre mūsa. Yu cahmari yuhdoro wahre mūsa yuhure. Yuhure Erafrodito mehne mūsa warocari baharo paye baro ne duhsaerara yuhure. Cohamacu wuhuru inciensore jū mū Cohamacure ti noano ji coachu yoariro seheta yuhure mūsa wari cūhu Cohamacure noano ji coachu yoara.

¹⁹ Cristo yaina jira mūsa. Ā jiro jipihitiare mū sare duhsarire warohca Cohamacu mū sare, noa yuhduca to cjuare.

²⁰ Jipihitia dachoripe mari Pacure Cohamacure ŋo payojihna. Āta yoajihna.

Paulo noa dutiha

²¹ Jipihitina Cohamacu yaina, tōpu jiina, Jesucristo yaina noajaro. Mari coyea cūhu Jesu yaina yuhu mehne macaina mū sare noa dutira.

²² Jipihitina Cohamacu yaina, ō macaina, Jesu yaina noa dutira. Roma macaina bui pūhtoro ya wūhu macaina pinihta tuaro noa dutira.

²³ Mari pūhtoro Jesucristo mū sare to cahŋa mehne noano yoajaro.

Colosenses

Colosa macainare joarocaha Paulo cāhū

1-2 Yūhū Paulo mari coyeyiro Timoteo mehne mūsare Colosa macainare joarocaja sã. Yūhū Jesucristo to yare buhe dutiro to cūriro jija. Cohamacū to cahmano seheta Jesu yāhure to yare buhehtirore cūre. Ā jina mūsare sã coyeyā Cristore wacū tuarucuinare joarocaja. Ā jina Cohamacū mari Pācū mehne mūsare noa dutija. Ā jina tiro mehne noano jiga mūsa.

Jesu yainare Paulo sini payoha Cohamacure

3 Mūsa ya cjihtire Cohamacūre sini payona “Noana”, ā nirucuja sã. Tiro sehe mari pūhtoro Jesucristo Pūcūro jira.

4-5 Tirore “Noana”, nirucuja sã mūsa jia tiare tūhorocana. To ya buhea potocā jia buheare mūsa tūhororo seheta jipihtia dachoripe mūanorū mūsare jichū yoarohca Cristo sehe. To ā yoahitiro jichū tīre mūsa ā cohtarucu wama tira. Ā jina Cristo Jesure wacū tua wama tira mūsa. Tuhsū, to yainare cahī wama tira mūsa. Mūsa ā jina jichū Cohamacū mehne wahche tirore “Noana”, nija sã.

6 Jipihtirore Jesu yaina potocā jia buheare noaa buheare ti yahuchū tūhoa masa Cohamacū yare cahmaa, noaa sehere cohtota namoa nina. Mūsa cūhū noaa buheare Cohamacū mūsare to cahāre quihōno mūsa tūho dūcari baharo tina yoaro sehe Cohamacū yare cahmana, noaa sehere cohtota wama tira mūsa.

7 Ahrieta mūsa cāhure Epafra noaa buheare yahuri jire. Tiro sã tuaro cahīro sã mehne Cristore dahra cohtariro, Cristo yare ne duhuerariro jira. Mūsare sã buhe masierachū tiro sehe sāre cohtotariro jiro, mūsare buheri jire.

8 Tiro jira mūsa jia tiare sāre yahuriro. Espiritu Santo to yoadohoa mehne Jesu yainare mūsa cahīre yahure sāre.

9 Ā jina mūsare tūhorocana mūsare sã tūhorocari dachoihta dōihta ā sini payorucuja sã Cohamacūre. Cohamacū to cahmaare mūsa masi pahōohtō sehe tirore sini payoja sã. Espiritu Santo yoadohoro mehne Cohamacū yare noano masiina mūsa jihito sehe sini payoja sã.

10 Ō seheta sini payoja sã mari pūhtoro Cristo to cahmano seheta noano mūsa yoahiti cjihtire. Mūsa ā yoachū űano tiro wahcherohca. Ā jina jipihtia noaare mūsa yoahito sehe sini payoja. Cohamacūre mūsa masi namohtō sehe sini payoja.

11 Ahri yū yahuiti cāhure sini payoja sã. Cohamacū ya tuaa noa yūhūara. Cohamacū tī tuaa mehne mūsa tuahtore mūsare sini payoja. Ō seheta sini payoja mūsa űano yūhūpanahta wahchea mehne mūsa cāno pjahto sehe.

12 Cohamacū to yaina cjihtire marine jichū yoari jire. Ā yoaro to waare cjuahitina cāhure yoari jire marine tiro. To jiropū buhriaropū mari cjuahitire warohca tiro. To ā yoachū űana tirore mūsa “Noana”, nihto cjihtore sini payoja sã mūsare.

13 Tirota marine pichacapū waha-borinare yūhūchū yoari jire. Tō panore űaare yoa duhu masieramai mari. űariro sehe nahitianoī jiriro marine dutiriro jisiniri jimare. Cohamacū sehe to macūnore to cahīrore pūhtoro sōno mūanorū marine jichū yoari jire. Ā jina to macūno mehne jinahca.

14 To macūno mehne marine yūhdora Cohamacū. To macūno to yariaro mehne mari űaa yoari buhirire bori jire Cohamacū.

Masa Cohamacū mehne ti cahma ti pū buhūseheri ti űu tuhtichū űano Cristo bosaha

15 Jesu Pūcūrore űmahnoerara. To macūno sehe to Pūcūro to dohse jia tiare űona masare. Tiro to macūno jipihtina pano jipihtia pano ji tuhsūri jire. Ā jiro jipihtia pūro, jipihtina bui pūhtoro jira tiro.

16 Cohamacū to dutichū to macūno sehe to Pūcūro mehne jipihtinare, jipihtiare bajuamehneri jire. Mūanorū jiare ahri yahpapū jia cāhure bajuamehneri jire. Mari űūgire mari űūgerari cāhure bajuamehneri jire. Mūano macaina űmahnoerainare pūhtoare, dutiinare, jipihtinare bajuamehneri jire. Ā jia jipihtina to yaina cjihti jimari jire. Jipihtia cāhū to ya cjihti jimari jire.

17 Jipihtina pano jipihtia pano Cristo ji tuhsūri jire. Ā yoa to tuaa mehne jipihtia cāhū jipihtina cāhū mipūre jia nina.

18 Mari to yaina jipihtina to pjacū yoaro seheta to ya curua macaina jija. Ā jiro tiro mari dapu mari pūhtoro jira. Tiro yariaro masa mūja mūhtariro jira jipihtina bui pūhtoro, jipihtia pūro jiro taro.

19 Cristo to Pūcūro mehne cāno potori to jiro seheta jira. To ā jichūta cahmana Cohamacū sehe.

20 Jipihtina to Pūcūrore cahma űū tuhtia tiri jire. Ā ti cahma űū tuhtichū űūno Cristo tinare “űū tuhtiena tjiga”, ni yahuri jire. Mūano macainare ahri yahpa macaina cāhure to Pūcūrore “űū tuhtiena tjiga”, ni yahuri jire Cristo. Ā yoa mūano macaa ahri yahpa macaa cāhū noano tī jichū cahmari jire tiro. Ā mari űū tuhtirire duhuchū yoa duari jire tiro crusapū yariaro to di cohāno.

To Pucuro to cahmariro seheta ã yoari jire Cristo.

²¹ MUSA cãhure ãta yoari jire tiro. To Pucurore ñu tuhtiina tiro mehne jieraina jimari jire musa cãhu. Ñaare yoari jimare musa.

²² Æ jimarina musa jipachata tiro to yariaro mehne to Pucurore musare ñu tuhtierachã yoari jire tiro. Æ yoari jire tiro noaina ñaa buhiri marieina musare to yoahito cjihtore. Musa ã jichã tiro musare tó sehe jiiñapure to Pucurore warohca.

²³ Æta warohca tiro musa tirore wacũ tuarucuchã. Æta yoarohca tiro noaa buheare musa tuhõrre musa boerachã ti buheare musa ã yãhtirucuchã. Tí buheare noaa buheare jipihtina ahri yahpapure jina tuhõri jire. Æ jicã yuhã cãhu Paulo Cristore dahra cohtariro jicã, tí buheareta yahuriro jija.

Jesu yainare tina mehne macainare yoadohohtinare cãhu Paulo

²⁴ Cristo mari ñano yoari buhirire ñano yãhduri jire. Æ jicã yuhã cãhu musare yã buheri buhiri ñano yãhdũca wahcheja. Æ ñano yãhdũca Cristo marine to cũrre yoa sohtori tí nija. Æ jicã wahcheja. Cristo yare mari yoari buhiri mari ñano yãhdũca namohto dahsasina mini. Æ jicã tirore musa wacũ tuahtore ñano yãhdũca, wahcheja yuhã. To pjacã yoaro sehe jina to ya curua macaina jira musa.

²⁵ Jesu yainare yoadohohtirore cũre Cohamacã yuhãre. Musa ya cjihtire yoahitirore yuhãre cũre tiro. To yare jipihtirore yahu pahõhtirore cũre yuhãre.

²⁶ Tí to yare panopure payã tjururi macainare yahu pahõera tiri jire Cohamacã. Mipure ahri tjuru macainare to yainare tãre noano yahu pahõnocare juna.

²⁷ “Judio masa jieraina ya cjihtire yã ya buhea noa yãhdũara”, ni to yainare tãre yahuri jire. Pano to yahuerari cjiire yahuri jire. Æ sehe jira to ya: Cristo to yaina mehne jira. To ã jichã to yaina muanopã Cohamacã cahapã noa yãhdũaropã jiahca. Tí jira panopã ti masierari cjiire Cohamacã ya.

²⁸ Cristoreta yahuja. Jipihtinare cuisãana tinare buheja sã. Noano masia mehne buheja sã noano Cristore masare masichã yoana tana. Æ buheja sã to yare noano yoaina ñaa buhiri marieina tinare jichã yoana tana.

²⁹ Ahri jira yã dahraa. Cohamacã to ya tuaa mehne yuhãre to wari tuaa mehne tuaro dahraja yuhã, to yare buhesã.

2

¹ Ahrire musa masichã cahmaja yuhã. Musa ya cjihtire, Laodicea macaina ya cji-

htire, jipihtina paina ya cjihti cãhure tuaro dahraja yuhã. Jipihtina musa yuhãre ñueraina ya cjihti cãhure tuaro dahracã musare tuaro yoadohoja yuhã.

² Æ seheta musare yoadohoja yuhã musa noano yajeripohna tihto cjihtore. Musa mehne macainare musa cahma cahõto cjihto cãhure ã musare yoadohoja yuhã. Cohamacã ya panopã to yahuerari cjiire Cristore masichã yoaã jira. To yare musa masichã noa yãhdũara. Cristore musa noano masihto cjihtore, tiro mehne musa noano jihto cjihto cãhure tuaro yoadohoja musare.

³ Paina ti masierari cjiire, noa yãhdũare Cohamacã to masiare Cristo dihta noano masichã yoara marine.

⁴ Ahrire nija musare “Paina musare tuhõ wisiachã yoaã durucua mehne mahõri”, nica.

⁵ Yuhã musa watõ jierapacata yã wacũno mehne musa watõ jiro yoaro seheta tuhõtuja. Æ jicã Cristore musa noano wacũ tuarucurire, quihõno musa yoari cãhure masichã wahcheja yuhã.

⁶ Æ jina Cristore musa wacũ tua dũcariro seheta ãta tirore wacũ tuaa mehne dachõripe noano jirucuga.

⁷ Tirore noano masiina jiga musa. Æ yoa dachõripe tirore masi namoga pano musare paina ti buheriro seheta. Æ yoa Cristore wahche, “Noana”, nirucua jiga musa.

Cristo yaina jina noaa sehẽre cahmaja mari

⁸⁻¹⁰ Noano yoaga musa. Masa ti mã sũro ti mahõ buheare tuhõena tjiga musa. Tina panopã macaina ti mã sũro ti niare buhera. Tí ã nia yaba cjihti jierara. Ahri yahpa macaina ti mã sũro ti tuhõtuare buhe, Cristo ya sehẽre buherara. Cristo Cohamacã to jiro seheta jiro jiro, ahri yahpapã pjacã tiro, Cohamacã warota jirota nina. To yaina jina Cohamacã mehne noano jija mari. Tirota jira jipihtina anjoa pahõto bui paina baueraina bui pahõro jiro. Tãre masina mahõare buheinare tuhõena tjiga.

¹¹ Circuncisiõre ti yoariro seheta mahanocã pjacã cahsarocãre ti yihso cohãriro seheta Cristo ñaa buhiri tiina musa jia tiare cohã, duhuchã yoari jire. Ahri circuncisiõ masa ti pjacũrre mahanocã cahsarocãre ti cohãri jierara. Ahri circuncisiõ yoaro sehe yoaro, Cohamacã sehe ñaa buhiri tiina mari jia tiare cohãna Cristore mari wacũ tuachã ñano.

¹² To yaina jina bautisarina wahari jire musa. To bautisarina wahana õ sehe ñona niri jire musa: Panopã macaa musa ñaa yoarire musa duhurire ñona niri jire musa. Tí musa ñaa yoari buhirire musa ya cũboro seheta tãre duhuri jire musa. Cristo masa mũjano noanopã wahari jire. To ã waharo

seheta Cohamacure wacū tuana “Tiro tariro jira”, niina jina noaa sehene cohtotari jire mūsa. Tiro Cohamacū sehe Cristore masoriro jira. To bautisarina wahana noaa sehene mūsa cohtotarire ñona nina mūsa.

¹³ Panopure ñaa buhiri cjuarina mūsa jiri buhiri pichacapū wahaborina jimari jire mūsa. Ā wahaborina jimari jire mūsa Cohamacū yaina jierasinina. To dutiare cjuaraina jimari jire mūsa. Mipure Cohamacū marine tiro mehne ā jirucuhinare yoari jire. Cristo to yariaro mehne ā yoari jire tiro marine. Ā yoaro jipihina mari ñaa yoari buhirire bonocari jire tiro.

¹⁴ Cohamacū to dutiare ti joari cjurire yuhdurucaina mari jipacheta Cristore mari wacū tuachū ñano tiro marine buhiri ti dutiare. Cristo crusapū to yariaro mehne Cohamacū sehe mari ñaa buhirire cohānocahna panopū to dutiare, marine buhiri ti dutiare to cohānocaboriro seheta. Crusapū yariaro ti tañopū panopū macaa dutiare ti joari pūre to cja puha ōboro seheta ti dutiare cohānocahna.

¹⁵ Masa ti ñurocaroi wafia puhtoare Cohamacū yuhdurucari jire. Wiho jiina, tuaraina tjuanocari jire tina sehe. Ā yoaro tinare buoro wahachū yoari jire, surara ti yuhdurucainare masare ti naa ño ti buoro wahachū yoaro seheta. Crusapū yariaro Cristo wafiare yuhdurucari jire.

Muano macaare Cohamacū yare cahmaga

¹⁶ Ā yoa paina mūsa chuare mūsa sihnia cūhure ñaa musare “Buhiri tiina jira”, ni ñuboca. Ti ā ni ñuchū ā ñunocahga tinare. Sūripe jia dachorire, somanaripe jia dachorire, bose numari mūsa yuhdoerachū ñaa musare “Buhiri tiina jira”, ni ñuboca tina. Ti ā ni ñuchū ā ñunocahga tinare.

¹⁷ Panopū ti chūa dutiare, bose numarine yuhdo dutiare, paye dutia cūhure cūri jire Cohamacū marine buhero taro. Ti dutia mehne baharopū to dohse yoahore Cohamacū yoa ñono niri jire. Cristo to jia tia cjihtire yoa ño curero niri jire masare. “Tiro ō sehe waharohca”, nino ā yoa ñono niri jire. Ā yoa ñohti cjiiti jiri jimare ti dutia.

¹⁸ Ō sehe nimana ti dutiare yoa dutiina. “Soro jiare bajuachū ñūhi sā” nia, tina Cohamacure ti ño payoboro sehe anjoare ño payomana. Ā jiina jia “Masi pahñonocaja sā”, ni tuhotumana tina masa ti mū sūro ti tuhoturiro seheta. Ā jia tina painare yuhdurucaraina, noaina yoaro sehe yoa ñomana musare. Ā yoa “Quihōno yoaerara mūsa”, ni yahusāna musare. Ti ā ni yahusāchū, tinare ā ñunocahga.

¹⁹ Tó sehe yoapahta musare yahusāina Cristo to dutiro sehe yoaa nierara. Cristo

sehe to yaina dapu ti puhtoro jira. To yaina sehe to pjacū yoaro sehe jiina to ya curua macaina jira. Mari cohāri dohsaa mari wa dari cūhū mari pjacure cā pjacū jichū yoara. Tó seheta Cristo sehe to yainare cānoi noano mehne jichū yoara. Ā yoa marine yoadohora Cohamacū cahmaare mari noano yoahore sehe.

²⁰ Ā yoa Cristo yaina jina tiro mehne yariarina yoaro sehe jira mūsa, Cohamacū to ñuchū. Ā jina ñaare mūsa yoirire duhurina jira mūsa. Ā jina ahri yahpa macaa ñaa buheare, masa ti mū sūro ti buheare cahmaeraborina jira mūsa. Ā jiborina jipanahta dohse yoana masa ti mū sūro ti dutiare yuhtijari mūsa?

²¹ Ō sehe ni dutira ti mū sūro dutiina: Ahri barore chūena tjiga. Ahri barore ne chū ñūena tjiga. Ahri barore pihaena tjiga. Tó sehe ni dutira tina.

²² Mari paye barore chūchū dói pihtia wahara. Tó sehe jia barore pihtia barore tuhotua nina ā dutiina. Ti ā dutichū ahri yahpa macaa dutia dihta jira ti dutia. Masa ti mū sūro ti buhea dihta jira ahri buhea. Ā jia yaba cjihti jierara.

²³ Ti dutiare yoaina Cohamacure ño payoia yoaro sehe jimana. Ā yoa painare yuhdurucaraina yoaro sehe yoa ñomana. Ti pjacurire ñano yoaa Cohamacure ño payoia seheta yoa ñomana tina. Ti ā yoachū ti ya dutia sehe masi pahñoina ya dutia yoaro sehe jimana. Ā jierara. Ti dutiare yoapahta ti ñaare goa pjaare duhuerara. Ā jia ti dutia sehe yaba cjihti jierara.

3

¹ Ā yoa Cristo yaina jira mūsa. Ā jina Cohamacū tuaa mehne Cristo to masa mujariro seheta ti tuaa mehne pano mūsa ñaa yoirire duhu, noaa sehene cohtotare mūsa. Ā cohtotaina jina muano macaare Cristo yare cahmaga mūsa. Tópure muanopū Cohamacū poto buhusehei dujira tiro.

² Muano macaa Cohamacū yare noano tuhotuga mūsa. Ahri yahpa macaare ne wacū nunūena tjiga mūsa.

³ Cristo yaina jina tiro mehne yariaborina seheta mūsa wahana ahri yahpa macaare pjiro tuhotuena tjiga. Ā jiro Cristo mehne mūsa jirucuhore cahno tuhsari jire Cohamacū.

⁴ Ā yoa Cristo muanopū marine ā jirucuhinare yoariro si sitea mehne to tachū tiro mehne wahanahca mari. Ā wahana tiro mehne muanopū Cohamacū yare cjuannahca.

Cristo yaina jierasinina ñaare yoamai mari

⁵ Á yoa ahri yahpa macaa ñaa msa yoaare duhunocahga msa: Numino mehne ñano yoaare, mmo mehne ñano yoaare, ñaa yuhduaro yoaare, paio namonore goa pjaare, pacoro mananore goa pjaare, ñaa goa pjaare duhunocahga msa. Paye barore tuaro cahmaina jiena tjiga. Paye barore cjona, tire tuaro cahmana "Cohamacu jira", ti nia masarine ti ño payoro seheta yoana nija mari tire.

⁶ Ti ñaare yoaina Cohamacure yuhduracaina jira. Ti á yoa yuhduracachu ñano tinare buhiri dahrerohca.

⁷ Panopare msa sehe ti ñaare yoarina jina tina mehne macaina jiri jimare msa.

⁸ Wiho mejeta mipare ahri ñaare duhu pihtinocahga msa: Suaare, sua yuhduare, painare ñano ni tuhotuare, painare ñano quiti dahreare, ñano durucuaire ti jipihtiare duhunocahga.

⁹⁻¹⁰ Msa sehe Jesu yaina wahana ti ñaa yoaare duhu tuhsari jire. Á jina msa tuhotuare cohtotaina jira msa. Msaare noaa sehere cahmachu yoaro nina Cohamacu to yoaro sehe msa jihto sehe. Ó seheta yoara tiro noano tirore msa masi namohto sehe. Á jiina jina msa mehne macinare mahñoena tjiga.

¹¹ Cristo yaina jina judio masa, judio masa jieraina cahu cño poterita jira msa, Cohamacu to ñuchu. Circuncisiore yoaina, yoeraina cahu Cristo yaina jia cño poterita jira, Cohamacu to ñuchu. Pa yahpa macaina, masieraina, msa ya yahpa macaina cahu Cristo yaina jia cño poterita jira, Cohamacu to ñuchu. Dahra cohtaina, dahra cohtaina jieraina cahu Cristo yaina jia cño poterita jira, Cohamacu to ñuchu. Jesu jipihtina to yaina mehne jira. Wiho jiro jierara tiro, to yaina ti ñuchu.

¹² Á yoa Cohamacu to beserina, noaina, to cahña jina ó sehe jiga msa: Painare pja ñaina, painare noano yoaina, painare yuhduraca duaeraina, painare niji siaro dero yoaina, msare ti ñano yoapachata á tuhotunocaina jiga msa.

¹³ Msa mehne macaina mehne suana, dóhta msa basi msa suarire pjaga. Mari puhtoro msa ñaa yoari buhirire bohre. Á to boriro seheta msa cahu msa mehne macaina msare ti ñaa yoarire boga.

¹⁴ Ahri dutia mehne ó sehe ni dutija msare: Painare cahga. Msa á yoana noano jipihtina mehne cño mehne jinaha.

¹⁵ Cristo marine noano jichu yoara jiapé ni durucueraina mari jihto sehe. To á yoachu noano jiga msa, msa basi. Ó seheta jihtina cjihtire to yaina cjihtire bese cñi jire Cohamacu msare. Á jina to pjaca

yoaro seheta cñi curuata jira msa. Á yoa Cohamacure "Noana", ni wahcheina jiga msa Cohamacu mehne.

¹⁶ Cristo ya buheare noano wacurucuga msa. Noano masi buhega to yare. Cua pisaro mehne tire yahuga. Á yoa tuhsu, Salmore, Cohamacu yare basaare, paye tirore ño payoa basaare tirore basa payoga. Noano wacú ño payoa mehne basa payoga. Á basana to yare noano wacúga msa. Á yoana Cohamacure "Noana", ni wahcheina jiga msa Cohamacu mehne.

¹⁷ Jipihtia dohse jia msa yoaare noano yajeripohna ti yoaga mari puhtoro Jesu to wahchehto sehe. Cristore ño payora msa. Á yoa tirore ño payoa mehne noaa dihtare durucuga. Á yoana Cristo to yoadohoa mehne Cohamacu mari Pucure "Noana", ni wahche payo siniga tirore.

Jesu yainare noano mehne ti jihti dutia ó sehe jira

¹⁸ Msa manu tia numia, msa mansumare noano yuhtiga msa. Áta yoaro cahmana mari puhtoro Cristo ya numia jina.

¹⁹ Msa namo tiina sehe, msa namosanumiare cahga. Á yoa ti numiare ne tuhtiena tjiga.

²⁰ Msa ti pohna cahu, msa pucsumare yuhduracaeraina jiga. Msa á yoachu ñano mari puhtoro noano ji coara.

²¹ Msa ti pucsuma cahu msa pohñare suachu yoena tjiga "Cahyachu yoari", nina.

²² Msa tinare dahra cohtaina, msa puhtoare ahri yahpa macinare noano yuhtirucuga. Ti ñurocaro dihtare yuhtina jiena tjiga. Ti mariachu cahure yuhtina jiga. Mari puhtoro Cristore cua pisaro msa ñariro seheta noano mehne yuhtiga msa puhtoa cñure.

²³ Potocata Cristo yaina jina noano yuhtira msa tirore. Á jina msa puhtoare ahri yahpa macinare yuhtina, tina dihtare yuhtina nierara. Cristo cñure msa yuhtiboro sehe yuhtinata nina msa. Á yoana msa puhtoa ti dutiro seheta tuaro mehne dahraga, Cristo ya dutia ti jiboriro seheta.

²⁴ Msa á yoachu Cristo msare noano yoarohca. "Msare waihtja", to niare msare warohca mari puhtoro. Tire masina msa. Mari puhtoro Cristore dahra cohtaina jira msa. Á jiro tiro sehe msa puhtoro waro jira.

²⁵ Ñaare yoainare buhiri dahrerohca mari puhtoro. Á yoainare cñiro dñsaro marieno cño potori buhiri dahrerohca tiro.

4

¹ MUSA puhtoa sehe, musare dahra cohtainare potocāta noano yoaga tinare. MUSA cūhu puhtoro cjuara. MUSA puhtoro mUSA cjuariro sehe mūano macariro jira.

² DACHORIPĒ COHAMACŪRE siniga mUSA. Noano wacū tuhoto siniga. Ā yoana "Noana", niga COHAMACŪRE.

³ SĀ ya cjihti cāhure sini payoga tjoa. Cristo yare paina pano ti masierari cjirire buhena nija sĀ. Tinare sĀ noano masichu yoahito sehe sini payoga COHAMACŪRE. Cristo yare yu buheri buhiri yuhu mipare peresupu jija.

⁴ Ā jicu mUSA ā sini payochu cahmaja to yare yu noano yahuhto cjihto sehe. Cristo to dutiriro seheta yu yahuhto cjihto sehe sini payoga.

⁵ Jesu yaina jieraina mehne jina noano yoaga mUSA. Cristo yare yahuga tinare. Tina mehne mUSA jiro puro āta noano yoaga.

⁶ PAINA mehne sahūduna noano ji coaro mehne sahūduga. Noaa dihtare durucuga. PAINA musare ti sinituchu noano masi yuhtiga tinare.

Noa duti batoaha Paulo

⁷ TIQUICO mari coyeiro Jesu yairo jira. Tiro mari cahīro, Cristo yare buhero, sĀ mehne dahrariro jira. Ā jiro Cristo yare ne duhuerara tiro. Tiro yu jia tiare musare yahurohca.

⁸ MUSA cahapu tirore warocai nija yuhu sĀ jia tiare mUSA masihto sehe, musare wahchechu yoahitiro cjihtore.

⁹ ONÉSIMO mari coyeiro mari cahīro mehne piti dahre warocai nija. Tiro cāhu Cristo yare ne duhuerara. MUSA mehne macariro jira. Tina puaro sĀ ore dohse sĀ yuhdarire yahuahca musare.

¹⁰ ARISTARCO peresupu jiriro yuhu mehne macariro musare noa dutira. Marco cāhu noa dutira. Tiro Bernabé tañano jira. Tirore yahuroca tuhsai musare. MUSA cahapu to suchu űuna noano mehne tirore piti bocaga.

¹¹ Jesu "Justo" ti ni pisuriro cāhu noa dutira musare. Ahrina tiarota yuhu mehne dahraina judio masa waro jira. Judio masa waro tina dihta COHAMACŪ yare yuhu mehne buhera. Ō sehe buheja sĀ COHAMACŪ yaina masa ti wahahto sehe, COHAMACŪ ti puhtoro to jihto sehe. Tina yuhare noano yoadohoina jira.

¹² EPAFRA mUSA mehne jiriro cjiro musare noa dutira. Tiro Cristore dahra cohtariro jira. COHAMACŪRE sinino, mUSA ya cjihtire tuaro sini payorucura tiro. COHAMACŪRE noano wacū tuarucuhtina, to cahmano sehe yoahitina mUSA jihto sehe ā sini payorucura tiro COHAMACŪRE.

¹³ Tiro mUSA ya cjihtire tuaro sini payore musare pjiro tuhoturo. Laodicea macaina

ya cjihtire, Hierapoli macaina ya cjihti cāhure tiro tuaro sini payore. To ā yoariro jichu űncu musare yahurocai nija.

¹⁴ DUHTURU Luca mari cahīro musare noa dutira. Dema cāhu noa dutira.

¹⁵ NOAJARO mari coyea Jesu yaina Laodicea macaina. Ninfa cāhu noajaro. Jesu yaina ticoro ya wahuai cahmachuina cāhu noajaro.

¹⁶ AHRI pūre yu joarocari pūre mUSA mehne macainare mUSA buhe tuhsari baharo Laodicea macaina cāhure warocaga. Ā yoa tinare Laodicea macainare yu joarocari pūre mUSA cāhu buhega.

¹⁷ Ā yoa ō sehe niga Arquipore: "Mari puhtoro Jesu yairo mu jichu to yare buhehtiro cūre muhare. To ā cūchu noano buhe sohtori tiga mahu", niga tirore.

¹⁸ Yuhu Paulo, yu wamomaca mehne ahrire joaja. Musare noa dutija yuhu. Peresui yu jiare wacū, sini payoga mUSA COHAMACŪRE. Noano jiga mUSA. COHAMACŪ to cahia mehne musare noano yoajaro. Āta yoajaro.

1 Tesalonicenses

*Paulo cāhũ joarocaha Jesu yainare
Tesalónica macainare*

¹ Yũhũ Paulo, Silvano, Timoteo sã tiaro ahri pũ mehne musare noa dutija. Mũsa sehe Tesalónica macaina mari Pũcu Cohamacũ yaina jira. Mari pũthoro Jesucristo yaina cũhũ jira mũsa. Ā jina Cohamacũ mari Pũcu, mari pũthoro Jesucristo ti cahĩa mehne musare noa dutija. Cohamacũ yoadohoa mehne noano jiga mũsa.

*Jesu yaina Tesalónica macaina sehe
Jesure noano wacũ tuaha*

² Cohamacũre sinina, jipihtina Jesure mũsa wacũ tuare wacũna “Noabiara sãre”, nirucuja sã musare. Cohamacũre sinina, mũsa ya cjihtire Ā sini payorucuna nija sã.

³ Mũsa sehe Jesucristore noano wacũ tuyuhca. Ā wacũ tuana, Jesu yare yoayuhca mũsa. Jesucristore, paina cãhare cahĩyuhca mũsa. Ā cahĩna, Jesu yare tuaro yoana niyuhca mũsa. Jesucristore mari pũthorore wacũ tuarucuyuhca mũsa. Ā wacũ tuarucuna musare to yũhdohtore masina, tĩre cohtana niyuhca mũsa. Ā yoa tĩrore wacũ tua duhuerayuhca mũsa ñano yũhdũpanahta. Cohamacũ mari Pũcũre sinina, tĩre mũsa Ā yoarire wacũja sã.

⁴⁻⁵ Sã coyera, Cohamacũ to cahĩina jira mũsa. Musare to beserire masija sã. Sohõ jiri pja musare noaa buheare buhena Ā yahunocana nierahi musare. Espĩritu Santo to tuaa mehne noaa buheare buhena nii musare. Ā buhena ti buhea quihõno jichũ noano masii sã. Ā jina mũsa watoi sã jina, sã yoarire masina mũsa. Musare yoadohona Ā yoi sã. Musare buheina jina Cohamacũ to beserina mũsa jichũ masija sã.

⁶ Sohõ jiri pjarũre mũsa ñano yũhdũina jina, noaa buheare cahmare mũsa. Mũsa Ā cahmachũ, Espĩritu Santo sehe musare noano wahchechũ yoare. To Ā yoachũ mũsa sehe sãre ñũ cũ, sã yoiaro seheta yoare. Ā yoana Jesu cãhare ñũ cũre mũsa.

⁷ Ā jia Jesu yaina Macedonia yahpa macaina, Acaya yahpa macaina cũhũ Jesu yare mũsa yoarire masire. Ā masia tina cũhũ musare ñũ cũ, mũsa yoiaro seheta yoara.

⁸ Macedonia yahpa macaina Acaya yahpa macaina cũhũ mari pũthoro yare mũsa buhechũ tũhorocare. Cohamacũre mũsa wacũ tuarire tũhorina sehe tina dihta jierare. Jipihtiro macaina mũsa wacũ tuarire tũhoyuhti. Ā jia sã tinare yahuerapachũta tĩre masi tuhsure tina.

⁹ Ā jia mũsa cahai sã tinirire, sãre mũsa noano piti bocarire yahure tina jipihtiro macainare. Ā yoa Cohamacũ sehere wacũ tuana, “Cohamacũ jira”, mũsa nia masurine mũsa cohãnocarire, Cohamacũ ya sehere mũsa yoarire yahure tina jipihtiro macainare. Tiro Cohamacũ sehe catiriro, Cohamacũ waro jira.

¹⁰ Ā yoa “Cohamacũ macũnore mũanopũ tahtĩrore Tesalónica macaina cohtaa nina”, ni yahura masa musare. To macũnore yariariro cjirore Cohamacũ masori jire. To Ā masochũ to macũno Jesu sehe marine ñabiario to buhiri dahreborinare yũhdori jire.

2

*Tesalónica wama tiri macapũ to
dahrarire yahuha Paulo*

¹ Mũsa cahai jina sã Ā jinocana niera tii. Musare noano yoadohoina jia tii sã. Tĩre noano masina mũsa, sã coyera.

² Ā yoa Filipoi jina ñano sã yũhdũirire, sãre ñano ti yoarire potocãta masina mũsa. Sãre ti Ā yoapachũta Cohamacũ to yoadohoa mehne cuiro marieno Cohamacũ yare noaa buheare buhei sã mũsa cãhare. Sãre masa payũ ti ñũ tuhtipachũta noaa buheare buhei sã musare.

³ Musare buhena noano sã masirire buhei sã musare. Ā buhena musare dojomehne duana nierahi. Ā yoa mahũoerahi.

⁴ Cohamacũ to cahmano seheta buheja sã. Noa buheare buhehtina cjihtire Cohamacũ besere sãre. To Ā beserina sã jichũ to ya buheare sã buhechũ noa nina, Cohamacũ to ñũchũ. Ā jina õ seheta buheja sã. Masa ti tũho ji cohtire buhena nieraja sã. Cohamacũ sehe sãre to ñũ ji cohto cjihtore to yare buheja sã. Tiro sehe mari tũhutuare, dohse mari yoa duaare noano masina.

⁵ Noa buheare buhena tũho ji coaa dũseri mehne buhena nierahi. Ahrire masina mũsa. Ā yoa sã buhena, musare paye barore wapa cahmana nierahi sã. Ahrire Cohamacũ masina. Potocã nii nija.

⁶ Ā buhena masa sãre ti ñũ wahãhti cjihtire yoana nierahi sã. Musare paina cãhare sãre ñũ wahã dutina tana nierahi.

⁷ Ā ñũ wahã dutierapanahũta Cristo to cũrina jija. Ā jina musare wapa cahmaboa sã. Ā yoa puhtoa yoaro sehe musare dutiina jiboa sã. Wiho mejeta numino wihãrirocãre to noano bũcũoriro seheta noano niji siaroca dero yoi sã musare.

⁸ Ā jina musare noano cahmana, Cohamacũ yare noaa buheare buhei sã musare. Ā yoana ti dihtare yoeraĩ musare. Musare noano yoadohoi sã catisinina waro. Sã cahĩina mũsa jichũ musare Ā yoadohoi sã.

⁹ Ä musare cahina tuaro yoadohoi sä musare. Tire wacüna musa, sä coyea. Cohamacu yare noaa buheare buhena musa cjuaaare sini cariboerai musare. Ä jina dachoru, ñamipü cühäre dahrai sä.

¹⁰ Noano, musare ñano papero marieno, mahñono marieno musare Jesu yainare sä yoarire masina musa. Cohamacu cüha tire masina.

¹¹ Ä jina ti pücro to pohñare to noano yahu to wahchechu yoariro seheta musa cühäre yahuna wahchechu yoai musare. Tire masina musa.

¹² Pühtoro Cohamacu to süho jiropu, noa yuhduaropu musare pjiorcare. Ä jina to yaina musa jichu Cohamacu to cahmariro seheta musare ji dutii sä.

¹³ Cohamacu yare musare sä yahuri cjiire musa tuhona, ö sehe ni tuhature musa: “Masa ti mü suro ti buhea jierara. Cohamacu ya buheata jira”, ni tuhature musa. Tire musa tuhature masina wahcheja sä. Ä jina Cohamacu sinina “Noana”, nirucuja sä tire. Tóhta jira. Musare sä buhea Cohamacu durucua potocä jiata nina. Ä jiro Cohamacu musa Jesure wacü tuaina jichu to ya buhea mehne musare noaa sehere cohtotachu yoaro nina.

¹⁴ Jesucristore wacü tuainare Judea yahpa macainare ti yoariro seheta musa cühäre yoare paina. Judea yahpa macainare Jesu yaina sehere judio masa ñano yuhduchu yoare. Musa cühäre musa ya dihta macaina äta ñano yuhduchu yoare.

¹⁵⁻¹⁶ Judio masa sehe Cohamacu yare yahu mühtaina cjiire panopu macainare wajäa tiri jire. Ä jia mari pühtoro Jesu cühäre wajäri jire tina. Tuhsu, tina säre cohäre. Cohamacu tina cahyachu yoahre. Ä yoaina jia, payu musare ñu tuhtira tina. Judio masa jierainare Cohamacu yare sä yahu duamai tina cühäre pichacapu waha-borinare “Cohamacu yuhdojaro”, nina. Sä ä yahu duapachuta judio masa sehe säre ne Cohamacu yare painare yahu dutierare. Ä yahu dutieraa pjíro buhiri ti namoa nina tina. Mipäre tinare tuaro Cohamacu buhiri dahrerohca juna.

Paulo Tesalónica macaina cahapu parituri tini duamaha

¹⁷ Sä coyea, mipäre mahanocä musa mehne jierana musare wacüna nija. Ä jina musare tuaro ñu duana, musa cahai waha duamai.

¹⁸⁻¹⁹ Cäa tahari yuhu Paulo musare ñui waha duamai. Yu ä waha duapachuta Satana sehe sä wahaborirore ducatare. Ä jina wahaerahi sä. Säre wahchechu yoaina musa jichu musare ñu duamai. Mari pühtoro Jesu ahri yahpau to tjua tachu musa sehe

säre wahchechu yoanahca. Ä jina wahchea mehne musa mehne Jesu panoi ducanahca.

²⁰ Äta jira. Musare ñano Jesu sehe “Noano buheri jira musa”, ninohca säre. Ä jina noano wahcheja sä.

3

¹⁻² Ä yoa musare yoari pja ñerana musare tuaro tuho duana tire wacüna, Timoteore musa cahapu warocai. Tiro mari coyeiro Jesu yairo Cohamacu dakra cohtariro jiro, sä mehne noaa buheare buheriro jira. Ä jina tire warocai Jesucristore noano musa wacü tuahti cjihtire, musa wahchehti cjihti cühäre. Tire warocana sä sahsero Atena wama tiri macai tjuai.

³ Musa ñano yuhdupanahta Jesu yare musa cohäerahto cjihtore warocai sä Timoteore. Jesu yaina jina ñano yuhduanahca mari. Tire masina musa.

⁴ Musa mehne to panopure jisinina mari ñano yuhduhtoreta yahu tuhsu musare. Ä jina sä niriro seheta mari ñano yuhdui. Tire musa noano masina.

⁵ Ä jicu musare yoari pja ñeracu musare tuaro tuho duai. Ä jicu Jesure musa wacü tuarire masii tai Timoteore warocai yuhu. “Watino musare ñano yoa dutiri” nicu, “Musare sä buheri cjiire musapu duhuri” nicu, tire warocai yuhu.

⁶ Ä yoa mipäre Timoteo musa cahapu jiriro sä cahapu tju wihihre. Ä tju wihiro noaa quitire säre yahure tiro. Jesure musa noano wacü tuare, painare musa cahäa cühäre tiro yahure säre. Ä ni tuhsu säre musa noano wacürire, musare sä ñu duariro seheta musa cüha tuaro säre musa ñu duarire yahure säre tiro.

⁷ Ä jina sä coyea, mipäre sä ñano yuhdupanahta musa Jesure noano wacü tuachu tuhona sä wahcheja.

⁸ Jesure musa noano wacü tuarire to yare musa cohäerarire tuhona noano yajeri säaja sä.

⁹ Musare ä ni tuhutuna, Cohamacu to ñurocaroi sä tuaro wahcheja. Ä wahchena Cohamacu “Noana”, nija sä.

¹⁰ Dacho cühäre, ñamipü cühäre Cohamacu sinija sä musare sä ñuhti cjihtire. Jesu yare musa noano masi pahñochu yoa duaja sä noano musa tire wacü tua namohto sehe.

¹¹ Cohamacu mari Pücu to basi, mari pühtoro Jesu cüha säre ti yoadohochu cahmaja sä musa cahapu sä wahahto sehe.

¹² Ä yoa mari pühtoro Jesu jipihtina musa mehne macainare, jipihtina paina cühäre cahä namochu yoajaro musare. Musare sä

cahĩriro seheta tuaro cahĩ namochu yoajaro musare.

¹³ Musare noano to yoadohochu, buhiri marieina, ñaa marieina jinahca musa, Cohamacu mari Pacu to ñuchu. Mari puhtoro Jesu jipihtina to yaina buhiri marieina mehne ahri yahpapu tjua taro ã jiina jichu yoajaro musare.

4

“Cohamacure ji coachu yoa duana õ sehe yoaga”, ni yahuha Paulo

¹ Mipure Jesu mari puhtoro to dutiro mehne musare õ sehe ni yahu batoaja: “Cohamacure ji coachu yoa duana õ sehe yoaga”, ni buhei sã musare. Sã ã buheri baharo sã buheriro seheta yoayuhti musa. Musa ã yoariro seheta yoa namoga. Tire tuaro yoa dutija musare.

² Jesu mari puhtoro to buhe dutiro mehne musare sã buherire noano masina musa.

³ Ahrire musare yahu namoihtja: Musa õ sehe jichu cahmana Cohamacu: Ñaare yoaeraina, Cohamacu yare yoaina jiga. Æ jina numia mehne ñano yoaena tjiga. Musa cahu numia mu mehne ñano yoaena tjiga.

⁴ Ñano yoapero marieno, ño payoro mehne musa namosãnumiare cjuaga. Cohamacu musa tire masichu cahmana.

⁵ Cohamacure cahmaeraina Cohamacure masieraina ñaare goa pjaa, numia mehne ñano ti yoariro seheta yoaena tjiga musa cahu.

⁶ Musa ã yoachu cahmaerara Cohamacu to yairore musa coyeirore musa ñano yoerahto sehe. Musa ã ñano yoana musa coyeirore yuhdurucana nica. Mari puhtoro Cohamacu ti ñaare ti yoachu ñano buhiri dahrehtiro jinocanota nina. Æ jina tire yahu tuhsu musare “Ti buhirire buhiri tiri”, nina.

⁷ Ñaare yoahina cjihtire beserari jire marine Cohamacu. Ñaare yoaeraina cjihtire beseri jire marine.

⁸ Æ jina jipihtina musa ahri sã buherire yuhdurucana, masa ya buhea sehene yuhdurucana nierara musa. Cohamacu ya sehene yuhdurucana nina. Tiro musare Espiritu Santore wariro jira.

⁹⁻¹⁰ Musa coyeare Jesu yainare musa cahĩhtire Cohamacu musare buhe tuhsuri jire. To ã buhechu potocãta Jesu yainare Macedonia macainare jipihtinare noano cahĩna musa. Musa ã cahĩchu ñana “Musa coyeare cahĩga”, ni buheraja musare. Tinare cahĩ tuhsura musa. Æ ni buhe namoerapanahata ahri sehene musare dutija. Mipure painare musa cahĩno seheta cahĩ namoga musa.

¹¹ Æ yoa musa basi cahma ñu tuhtiro marieno jiga musa. Painare soro ni durucena tjiga. Æ ñnocahga tinare. Æ jina musa ya dahraa sehene noano dahraga. Panoputa musare ã yoa duti.

¹² Æta yoaga musa, paina musare ti ño payohto sehe, paina yare musa cariboerahto sehe.

Ahri yahpapore Jesu to tjua tahtore yahuha Paulo

¹³ Coyea, mipure yariarina cjirire yahuihtja musare: Jesure cahmaeraina Cohamacu cahapu wahasi. Æ jia tina mehne macaina ti yariachu ñna tuaro cahyara. Yariarina cjiri ti wahahtore quihõno noano musa masichu cahmaja sã, paina ti cahyariro seheta musa cahyaerahto sehe.

¹⁴ Jesu to yariari baharo masa mujari jire. “Ti potocãta jira”, nija mari. Æ niina jina ahri cahure “Potocãta jira”, nija mari. Cohamacu sehe to yaina cjirire yariarina cjirire masa mujachu yoaro, baharopu Jesu mehne na tarohca. Ti cahure “Potocãta jira”, nija mari.

¹⁵ Jesu to tjua tachu to yaina yariarina cjiri catiina pano masa muja muhtaahca. Mari puhtoro Cohamacu ya yahua tjira ahri.

¹⁶ Õ sehe jirohca Jesu to tjua tachu: Mari puhtoro to basi tuaro sañurucu muhtanohca. Æ jiro to anjoa puhtoro tuaro pisurohca. Æ to pisuchu Cohamacu to corneta bisiro coa tarohca. Ti ã yoachu Jesu yaina yariarina cjiri masa muja muhtaahca.

¹⁷ Baharo catinare, yariarina cjiri mehne Cohamacu muanopu me yehsea cururipu mujachu yoarohca. To ã yoachu mari puhtoro Jesure piti bocanahca mari. Æ piti bocana jipihtia dachoripe mari puhtoro Jesu mehne jirucunahca mari.

¹⁸ Ahri yu yahurire musa mehne macainare yahuga. Æ ni yahuna wahchenahca musa jipihtina.

5

¹ Yu coyea, Jesu to tjua tahti dachore “Ahri dachoi tjua tarohca” ni, musare yahu joarocaró cahmaerara.

² Mipu musa masino seheta to tjua tahti dachore marine masihtó basioerara. Yacariro ñamipu wacũenoca to yacaro taro seheta ahri yahpapore mari puhtoro wacũenoca tjua tarohca. Ahrire musa basita noano masina.

³ “Mipure mari noano jinocaja. Cuaro mariahna marine”, masa ti ni wacũchu dóicãta ñano waharohca tinare. To ã wahachu tina duhti masisi. Niji wahcõricoro wacũenoca to purino tuhoturo seheta wacũenoca ã waharohca masare.

4 Y_u coyea, m_usa sehere ã wahasi. Yacariro w_uh_u p_urore to c_uoriro seheta m_usa sehere ã wahasi. Jesu taro m_usare c_uosi. Nahitianoi jiina ti ñ_u masieraro seheta paina Jesure ne masierara. M_usa sehe tina yoaro sehe jierara.

5 M_usa jipihtina Jesu yaina jira. Æ jina buhriaroi ti ñ_u masino seheta Jesu to tah-tore masina m_usa. Paina nahitianoi jiina seheta tirore masieraina yoaro sehe jieraja mari.

6 Æ jina car_ina yoaro sehe Cohamac_ure t_uho n_uneraina jiena tjijihna mari. Paina ãta yoara. Tina yoaro sehe yoarena tjijihna mari. Carieraina yoaro sehe quih_ono yoaina, noano wac_u masiina jijihna mari.

7 Car_ina ñamip_u car_ina. Æ jia cahaina ñamip_u cahara.

8 Mari sehe buhriaroi jiina yoaro sehe Jesure masiina jina, noano wac_u masiina jijihna. Æ yoa surara comaa suhtiro mehne to cutirore to s_aa d_ucatariro seheta Cohamac_ure wac_u tuaga m_usa, wat_ino-re to d_ucatahto sehe. Æ yoana Cohamac_ure, paina c_uh_ure cah_iga. M_usa ã yoach_uta Cohamac_u m_usare ñ_u wihborohca. Æ jina m_usare pichacap_u wahaborinare Jesu to y_uhdoh-tore “Potocã tjira”, niga m_usa. M_usa ã niina jich_u surara to dapure comaa chapea mehne to pisa d_ucatariro seheta wat_ino m_usare to ñ_uno yoa duach_u Cohamac_u tirore d_ucatarohca.

9 To buhiri dahrehtinare marine beseri jire Cohamac_u. Jesucristo mari p_uhtoro pichacap_u wahaborinare to y_uhdoh-tina cjihtire marine beseri jire tiro.

10 Jesu mari ya cjihtireta yariari jire tiro mehne mari jihto sehe. Catiina, yariaina c_uh_u tiro mehneti jahca. Æ jina jipihtina tiro mehne jinahca mari to yaina jina.

11 Æ jina m_usa mehne macainare mip_u m_usa wahchech_u yoariro seheta m_usa basita wahchech_u yoaga tjoa. Æ yoana m_usa basita Cohamac_ure wac_u tua namoch_u yoaga m_usa mehne macainare.

Jesu yainare Paulo yahu batoaha

12 M_usare buheinare, Cohamac_u dutiare m_usare yahuhtinare mari p_uhtoro buhe dutiro taro beseri jire. To ã ni beserinare noano ño payoga m_usa. M_usa ã ño payoch_u cahmac_u tuaro dutija m_usare.

13 Ti dahraare ti yoach_u tinare cah_ia mehne noano ño payoga. Æ yoa m_usa mehne macaina mehne cahmacheno marieno jiga.

14 M_usare sã coyeare, ahrire tuaro dutija: Dahra duaerainare dahra dutiga m_usa. Cahyainare wahchech_u yoaga m_usa. Jesure wac_u tuaera cureinare yoadohoga. Tina

jipihtina mehne noano suaro marieno ji coaro jiga m_usa.

15 Cãiro m_usare to ñ_uno yoach_u ñ_una tirore ñ_uno yoa cahmaena tjiga. Æ jina m_usa mehne macainare, jipihtina paina c_uh_ure noano yoaga.

16 Æ yoana dachoripe ã wahcherucuga m_usa.

17 Æ jina Cohamac_ure ã sinirucuga dachoripe.

18 M_usa ñ_uno y_uhd_upanahta Cohamac_ure wahche, “Noana”, niga. M_usa noano y_uhd_uri pja c_uh_ure “Noana”, niga tirore. Æ nina Cohamac_u to cahmano seheta yoana nica m_usa. Cristo Jesu yaina m_usa jich_u ñ_uno m_usa ã nich_u cahmana tiro.

19 Espiritu Santore yahti duaeraina jiena tjiga.

20 Espiritu Santo to masia mehne paina sehe m_usare buhera. Ti ã buhech_u tí buheare cahmaeraina jiena tjiga.

21 Paina m_usare soro ti ni buhech_u tí Cohamac_u ya jierach_u masiga m_usa. Æ jina Cohamac_u ya buhea ti jich_u c_uh_ure masiga m_usa. Æ masina noaa buhea dihtare cahmaga.

22 Æ yoana jipihtia ñaare cahmaena tjiga m_usa.

23 Cohamac_u marine noano jich_u yoariro jira. Tiro to basi m_usare to yainare noaina ñaa marieina jich_u yoa namojaro m_usare. M_usa pjacuri c_uh_ure m_usa catia c_uh_ure noano ñ_u wihbojaro. Mari p_uhtoro Jesucristo ahri yahpapure to tjua tahto pano m_usare Cohamac_u noano ñ_u wihbojaro ñaare m_usa yoerahto sehe. To ã yoach_u Cristo to tach_u ñaa marieina jinahca m_usa.

24 Æta jich_u yoarohca Cohamac_u. Tiro m_usare beseriro to niriro seheta yoara.

Paulo cãh_u noa dutirocaha

25 Sã ya cjihtire Cohamac_ure sini payoga m_usa, sã coyea.

26 M_usa mehne macainare noano mehne piti bocasiniga.

27 Jipihtina Jesu yainare ahri tjure buhega m_usa. Jesu mari p_uhtoro to dutia mehne ahrire m_usare dutija y_uh_u.

28 Jesucristo mari p_uhtoro to cah_ia mehne m_usare noano yoajaro.

2 Tesalonicenses

Paulo cãhu joarocaha Jesu yainare Tesalónica macainare

¹ Yũhu Paulo, Silvano, Timoteo cãhu ahrire musare joarocaja tjoa. Musa sehe Tesalónica macaina mari Pũcu Cohamacu yaina jira. Mari puhtoro Jesucristo yaina cãhu jira musa.

² Æ jina Cohamacu mari Pũcu, mari puhtoro Jesucristo mehne musare noa dutija. Cohamacu yoadohoa mehne noano jiga musa.

Ahri yahrapure Cristo tjua taro buhiri dahrerohca

³ Cohamacure sinina Jesure musa wacũ tuare wacũna “Noabiara sãre”, nirucuja sã Cohamacure. Sã Æ nichu noa nina. Dachoripe Cohamacure musa noano wacũ tua namona niyuhca. Æ yoana dachoripe musa mehne macainare cahĩ namona niyuhca musa. Æ jichu Cohamacure “Noabiara sãre”, sã nichu noa nina.

⁴ Paina musare ñano ti yoapachuta Jesure wacũ tuarucuyuhca musa mipu cãhure. Æ yoa tirore wacũ duhuerayuhca. Musa Æ yoachu ñana tĩre musa yoarire paina Cohamacu yainare wahchea mehne yahuja sã.

⁵ Æ wacũ tuarucuna Cohamacu mari puhtoro yaina musa jiri buhiri ñano yuhduna niyuhca musa. Æ jiro puhtoro Cohamacu to saho jiropure waha dutira musare. To Æ dutichu to quihõno yoariro jichu masija mari.

⁶ Æ yoa Cohamacu quihõno yoariro jira. Æ jiro musare ñano yuhdũchu yoaina sehere ñano yuhdũchu yoarohca tiro.

⁷ Æ yoaro musa ñano yuhdurina cjiri jichu tiro musare noano jichu yoarohca. Sã cãhure noano jichu yoarohca. Mari puhtoro Jesu to yaina anjoa tuaina mehne, picha pohna mehne mũanopu bajuaro noano jichu yoarohca marine, ñano yuhdurina cjirire.

⁸ Æ yoa Cohamacure masierainare, mari puhtoro Jesu to buheare noaa buheare yuhdurĩcarinare Cohamacu buhiri dahrerohca.

⁹ Cohamacu tinare õ sehe buhiri dahrerohca: Pichacapu tina ñano yuhdurucuahca. Æ jia tina tuariro mari puhtoro Jesu cahai ne ji masierara. Æ jia tua yuhdurario to jiare ñasi tina.

¹⁰ Æta waharohca tí dachoi Jesu to tjua tahti dachoi. Tí dachoihta tiro tarohca noaina tirore wacũ tuaina “Noariro, tuariro jira Jesu”, ni wahchea mehne ti ño payohto cjihore. Musare sã buherire musa noano

tũhore. (Æ jina musa cãhu tiro mehne jinahca.)

¹¹ Æ jina Cohamacure Æ sini payorucuja sã musa ya cjihore. Æ sehe ni Cohamacure sini payoja sã: To cahmano seheta yoahntinare musare to cũriro seheta musa jihntina cjihore sini payorucuja sã musare. Musa noaina ji duanata niyuhca. Æ jina Cohamacu to tuaa mehne noaina musa ji duariro seheta musa jihti cjihore sini payorucuja sã. Musa Cohamacure wacũ tuayuhca. Æ wacũ tuana to yare yoayuhca musa. Tĩre musa noano yoa namohti cjihore Cohamacure sini payorucuja sã musare.

¹² Æ yoana mari puhtoro Jesucristore painare ño payochu yoanahca musa. Musa Æ yoachu Jesucristo yaina musa jichu ñana paina ño payoahca musare. Cohamacu to cahĩ mehne, mari puhtoro Jesucristo cãhu to cahĩ mehne Æ waharohca.

2

Ñano yoarucurirore yahuha Paulo

¹ Mĩpure mari puhtoro Jesucristo ahri yahrapure to tjua tahtore, tirore mari cahmachu mari piti bocahtore yahu namo duaja yahu. Æ seheta tuaro yahu duaja musare, sã coyea:

² Paina musare õ sehe niboca: “Mari puhtoro to tjua tahti dacho, pihtiri dacho jiropu nina”, niboca musare. Ti Æ nichu tũhona, tũho saena tjiga. Æ yoa tũho wisiena tjiga. “Cohamacu yuhure Æta niri jire”, niboca musare paio. Pairo cãhu musare buhero Æta niboca. Pairo cãhu Æta ni joarocaboca, “Yũhu Paulo tjija”, ni mahũo joarocaro.

³ Paina musare ti Æ mahũochu tũhoena tjiga musa. Tí dachoi ahri yahpa to pihtihito panocã payu masa Cohamacure duhuahca. Æ jiro tí dachoi ñano yoarucuriro pichacapu wahahtiro bajuarohca jipihtina ti ñũhtiro cjihore.

⁴ Tiro Cohamacu warore, paina bajueraina masa ti ño payoina cãhure jipihtina masare ño payo dutisi ñano yoarucuriro. Tiro õ sehe ni tũhoturohca. “Ahrina jipihtina bui puhtoro jija yahu”, ni tũhoturohca. Æ jiro Cohamacu wũhũ dujiro “Yũhu sehe Cohamacu jija”, ninohca.

⁵ Musa mehne jisinicu tĩreta yahui. ¿Tĩre wacũerajari musa?

⁶ Mĩpure paio sehe ñano yoarucurirore ne ji dutierasinina. Æ yoa tirore ji dutierarirore masina musa. Tiro sehe to dutichu to quihõri dacho jichu ñano yoarucuriro bajuarohca.

⁷ Mĩpure masa ti ñuenoi tiro yoaro seheta paina ñaare yoa tuhsura. Ti Æ yoapachuta ñaare yoa dutierariro to wahahto pano tiro ñano yoarucuriro sehe jisi.

⁸ To wahari baharo pinihtare ñano yoarucuricrota bajuarohca. Baharo mari puhtoro Jesucristo tirore yuħduꝛucarohca. Ahri yahpapu to si sitea mehne tjua taro, to ðusero mehne putirocaro, tirore wajã boarohca.

⁹ Ñano yoarucuriro sehe watino tuua mehne taro, payu bajuamehnerire, mahñoa bajuamehnerire yoa ñonohca.

¹⁰ Payu ñaa to yoa ñoa mehne to ã mahñochu pichacapu wahahtina sehe tirore tuohca. Tina sehe noaa buheare cahmaerare. Ti ã cahmaerachu Cohamacu tinare pichacapu wahahtinare yuħdosi. Tina pinihta ñano yoarucuriro mahñoꝛiro to yoirire “Potocã tjira”, niahca.

¹¹ Æ jiro noaa buheare ti cahmaerari buhiri Cohamacu tinare wisiomehnenohca. Æ wisiaa mahñoare cahmaahca tina.

¹² Æ jiro jipihtina noaa buheare tuho ðuerainare, ñaa ðihtare yoa ji coainare tirota buhiri dahrerohca.

“Cohamacu musare beseha to yaina jichu yoaro taro”, ni yahuha Paulo

¹³ Musa sã coyea, mari puhtoro Jesu to cahñina jira musa. Ðoꝛipatu wahmanopureta musare pichacapu wahaborinare to yuħdohtina cjihtire Cohamacu beseri jire musare. Musare beseri jire Espiritu Santo to tuua mehne to yaina ñaa marieina musare jichu yoaro taro. Æ jiro noaa buheare “Potocã tjira”, nihtina musa jichu ñuno musare beseri jire. To ã beserina musa jichu ñuna Cohamacure wahche, “Noana”, nirucuja sã.

¹⁴ Noa buheare musare sã buhechu Cohamacu musare beseri jire mari puhtoro Jesucristo to masa mujariro seheta musa cãhu musa masa mujahto cjihtore.

¹⁵ Æ jina yu coyea, noano wacu tuaina jiga musa. Æ jina sã durucua mehne sã joarocaa puꝛi mehne musare sã buherire noano wacũga musa. Æ yoa ti buheare yuħduꝛucaena tjiga.

¹⁶ Mari puhtoro Jesucristo to basi, Cohamacu mari ꝑucu cãhu marine cahña, jipihtia dachoripe marine wahchechu yoare. Marine cahña marine pichacapu wahaborinare yuħdoahca. Æ jina Cohamacu to yuħdohtore noano masina wahcheja mari.

¹⁷ Jesucristo, mari ꝑucu mehne musare noano yoajaro pjiro musa wahchehto sehe. Æ yoa jipihtia noaare musa yoahto sehe, musa noano durucuhto sehe Cohamacure musare sini payoga.

3

“Sã ya cjihtire Cohamacure sini payoga”, ni joaha Paulo cãhu

¹ Miꝑu sã coyea, sã ya cjihtire Cohamacure sini payoga mari puhtoro Jesu to buhea

payu masare sã buhehto sehe. To buheare musa noano cahmariro seheta paina cãhu ti buheare ño payoa mehne ti cahmahto sehe sini payoga musa Cohamacure.

² Cãinata Jesure wacu tuara. Paina sehe to yare tuho ðuaeraa, Jesure wacu tuaerara. Æ jina ñaina masa sãre ti ñano yoa ðuachu Cohamacure sini payoga musa sãre to yoadohto sehe.

³ Mari puhtoro Jesu to niriro seheta yoariro jira. Æ jiro musare tirore wacu tuachu yoarohca. Æ yoa tuhsu, watino musare to ñano yoa ðutichu tiro musare yoadohorohca.

⁴ Cohamacu musare to yoadohorire masija sã. Æ jina musare sã ðutiriro seheta musa yoachu cãhure masija sã. Æ yoa ãta yoarucunahca musa. Ti cãhure masija sã.

⁵ Cohamacu musare to cahñare musare masichu yoajaro. Æ jina Cristo yoaro sehe ñano yuħduꝛupanahta cãno pjaina jichu yoajaro musare mari puhtoro.

Marine tuaro dahraro cahmana

⁶ Jesucristo mari puhtoro to ðutiro mehne õ sehe ni ðutija musare: Jesu yainare dahra ðuerainare, musare sã buheriro seheta yoerainare, tinare piti tiena tjiga. Æ ñunocahga tinare.

⁷ Sohõ jiri pja musa mehne sã jichu tuaro sã dahrachu ñure musa. Æ jina sã yoariro seheta musa cãhure dahraro cahmana. Tire noano masina musa.

⁸ Æ jina musa chũare wapa marieno chũerahi sã. Æ yoa dachopure, ñamipũ cãhure tuaro dahrai sã “Musa chũare sã siniri”, nina.

⁹ Sã buheri wapa musare wapa cahmaboa sã. Æ wapa cahmaborina jipanahta wapa cahmaerana tuaro dahrai sã, musa sehe sãre musa ñu cũhto sehe.

¹⁰ Musa mehne jina, õ sehe ni buhei musare: “Dahraeraina chũea tjijaro”, ni buhei sã musare.

¹¹ Cãina musa mehne macaina ne dahra ðuaerayuhca. Æ dahra ðuaeraa, painare ã yahu wajamacanoca, caribobiaro yoayuhca tina.

¹² Mari puhtoro Jesucristo to ðutiro mehne ã dahra ðuerainare õ sehe nija: Noano wahchea mehne dahrajaro tina ti noano jihto sehe, ti ya chũare ti chũhto sehe.

¹³ Sã coyea, musa sehe noaare yoarucuna pumena tjiga.

¹⁴ Cãina to macaina ahrire sã joarocarire yuħduꝛucaboca. Ti ã yoachu ti yoirire noano ñuga. Æ ñuna tinare piti tiena tjiga ti buoro wahahto sehe.

¹⁵ Æ piti ti duhupanahta tinare ñu tuh-tiena tjiga. Tina musa coyea, Jesu yaina

tjira. Ti ã jichu ti yuħdaruocarire yahuga tinare tire ti yoaerahto sehe.

Paulo tinare noa duti batoaha

¹⁶ Mari puħtoro Jesu marine noano jichu yoariro mehne dachoripe noano jirucuga musa. ã jicu “Mari puħtoro musa jipihtina mehne jirucujaro”, nicu musare noa dutija.

¹⁷ Yuhu Paulo, yu wamomaca mehmeta mipure yu basita joa batoai nija: ã joacu musare noa dutija. Jipihtia yu joarocaa purine õ sehe dihta yu wamomaca mehne joa batoaja yuhu. Yu õ sehe dihta yu joa batoachu ñana yu joarocari pu to jichu masinahca musa.

¹⁸ Mari puħtoro Jesucristo to cahã mehne noano yoajaro musare jipihtinare.

1 Timoteo

Paulo Timoteore joarocaha

¹⁻² Yuhũ Paulo ahrire muhũre Timoteore joarocaja. Cohamacũ marine pichacapũ wahaborinare yuhdoriro jira. Jesucristo yare buhe dutiro to cũriro jija yuhũ. To Pucaro, to Macano Jesu mehne ti dutiriro seheta ti cũriro jija yuhũ. Jesuta marine yuhdora. Ā jina marine to yuhdohtore masina, tíre cohtaja mari. Muhũre Timoteore Jesu yare buhei. Yu ā ni buhechũ tuhocũ Jesure wacũ tua ducare muhũ. Ā jicũ muhũ potocāta yũ macũ yoaro sehe jicũta nina. Cohamacũ mari Pucũ mehne, mari puhtoro Jesucristo mehne muhũre noa dutija. Ā yoa muhũre cahĩa, pja ñaa ti yoadohoa mehne noano jiga muhũ.

Paulo mahñoa buheare buhe dutieraha

³ Sohõ jiri pjare Macedonia yahpapũ wahacũ muhũre Efesoi cũ yuhdu wahcãi. Tõi cãina ti ya buheare mahñoa buheare buheina jire. Ti buheare mu buhe dutierahtiro cjihtore cũ yuhũ muhũre.

⁴ Tina ti mu sũro ā buhemacanocahna. Ā yoa ti coyea panopũ macaina cjiri ti mu sũro ti buherire ā buherucura. Tĩ buhea mehne paina mehne cahma sayorucura. Cohamacũ marine to dutirire noano yoachũ yoerara tina ā buhea. Cohamacũ ya sehere yoana tirore wacũ tuaja. Ā jicũ ti mu sũro ti buherire buhe dutierahtiro cjihtore cũ muhũre.

⁵ Ā cũi muhũre Jesu yaina painare ti cahĩhti cjihtire. Ñaa buhiri mariea mehne, noaa wacũa mehne, potocã Cohamacũre wacũ tuaa mehne painare ti cahĩhti cjihtire ā cũi muhũre.

⁶ Cãina ahri noaa buheare cohã tuhsũ paye buhea sehere cahmana tjoa. Ā ti cahmachũ, ti buhea sehere ti cahma sayochũ tõ wahaerara. Tĩ buheare ti cahma sayoa yaba cjihti jierara.

⁷ Tina Cohamacũ dutiare buheina ji duamana. Ā buhe duapahta ti buheare tina ti basi noano masierara. Tĩ buheare masina yoaro sehe buhepahta ti buheare ne masierara tina.

⁸ Cohamacũ dutiare Moise cjiro marine to cũri cjirire quihõno mari buhechũ noaa dutia jira. Tíre mari noano masija.

⁹⁻¹⁰ Tĩ dutiare buhena ahrire masino cahmana: Tĩ dutia noaare yoainare ti buhehti cjihti jierara. Ahrina sehere ti buhehti cjihti jira. Puhtoare cohã duainare, dutiare yuhdurucainare, ñaa dihtare yoainare, ñano buhiri tiinare, Cohamacũre ño payoerainare, Cohamacũ yare cahmaerainare,

ti pucũsumare wajãinare, ti pocosãnumia cũhũre wajãinare, paina masare wajãinare, numia mehne ñano yoainare, mũa mehne ñano yoaa numiare, cahma numia mehne ti ñano yoariro seheta mũa sahsero o numia sahsero jipahta ti pjacũri mehne ñano yoainare, masa pohnaire paina cãhũre duhti yacainare, mahñoinare, painare mahñoa mehne yahusãinare Cohamacũ dutia Moise cjiro marine to cũri cjiri sehe tinare buhehti cjihti jira. Ā yoa paina jipihtinare noaa buheare yuhdurucainare buhehti cjihti jira Cohamacũ to dutia.

¹¹ Tĩ buhea noaa buhea sehe noariro Cohamacũ to ya buheata jira. Tĩ buhea sehere yuhũre Cohamacũ buhe dutire.

Cohamacũ Paulore to pja ñuare yahuha tiro

¹² Ā yũ buhechũ Jesucristo mari puhtoro yuhũre tuaare waro yuhũre yoadohoro. “Paulo noano buherohca yũ yare”, ni tuhature Jesu yuhũre. Ā jiro yuhũre besero tirore yoadohohtiro cjihtore cũre yuhũre. To ā yoachũ “Noana”, nija yuhũ tirore.

¹³ Tõ panopũre Cristore yũ ñano durucupachũta, to yainare ñano yũ yoapachũta, tiro yuhũre beseri jire. Tirore masierasinicũ tirore ñano yoacũ “Ñano yoai nica yuhũ”, ni tuhotueraçũ. Yu ā masierasinicũ ñano tiro pja ñuare yuhũre.

¹⁴ Ā pja ñano, Cohamacũ mari puhtoro yuhũre tuaro cahĩno, noano yoare yuhũre. Ā yoa Cristo Jesure wacũ tuachũ yoare yuhũre tiro. Ā yoaro painare cahĩchũ yoare yuhũre Cohamacũ.

¹⁵ Yuhũ sehe paina yuhdoro ñaa yuhduariro jimai. Ñaina mari jipachũta Jesucristo ahri yahpapũ tari jire ñainare pichacapũ wahaborinare yuhdohtiro cjihti. Tĩ potocã tjira. To ā jiriro jichũ jipihtina tíre masijaro.

¹⁶ Ñaa yuhduariro yũ jipachũta tiro yuhũre pja ñuare. Ā pja ñano Jesucristo suaro marieno yuhũre to noano yoarire masichũ yoaro nire painare baharo tirore wacũ tuahĩtare masichũ yoaro taro. Ā wacũ tuahĩtina mũanopũ ā jirucuahca.

¹⁷ Cohamacũ jipihtia dachoripe masa bui puhtoro jira. Tiro ne yariaerara. Mari mehne to jipachũta tirore ñueraja mari. Tiro dihta Cohamacũ waro jira. “Potocãta noariro, tuariro jira tiro”, nijihna tirore. Jiphtia dachoripe tirore ño payojihna. Āta yoajihna.

¹⁸ Timoteo, yũ macũ yoaro sehe jira muhũ. Ā jicũ mipũre ahrire muhũre dutija: Mari coyea Jesu yaina Cohamacũ yare yahu muhtaina baharo mu yoahĩre ti ni muhtariro seheta muhũre dutija. Cristo yare noano yahurucuga. Ā yoa ñano

yuhdɛpahiŋa tiŋore wacū tua duhui tjiga m̄h̄n̄. Tuhs̄, to yare quihōno buherainare potō yahuga duhuro marieno.

¹⁹ Jesure ā wacū tuarucuga. N̄aa buhiri marieriro jiga. Noaa dihtare yoaga. Cāina tíre yoaeraa Jesu yare cohāna. Ā cohāna tiŋore wacū tua duhure.

²⁰ Āta yoare Himeneo, Alejandro mehne. “Watīno to cahmano seheta yoawahnojaro m̄sare”, ni cūi tinare, n̄ano Cohamac̄re ti durucu namoerahto sehe.

2

Cohamac̄re sini payoare yahuha Paulo

¹ Mip̄re ō sehe ni dutija m̄sare. Ahri wiho waro jierara: Jipih̄tina ya cjihtire Cohamac̄re sini payoga. Ā sini payona “Noana. Wahcheja”, niga Cohamac̄re.

² P̄h̄toa, paina masa bui dutiina c̄h̄n̄ ti ya cjihti c̄h̄n̄re Cohamac̄re sini payoga, cahmacheno marieno Cohamac̄re n̄o payoina mari noano jilho cjihtore. Ā sini payona mari Cohamac̄ cahmaare, quihōno yoaina noano ji masija.

³⁻⁴ Tó sehe paina ya cjihtire mari sini payoch̄n̄ noa nina. Tíre mari yoach̄n̄ n̄no Cohamac̄ marine yuhdohtiro sehe marine noano n̄n̄ jicoara. Jipih̄tina pichacap̄n̄ wahaborinare to yuhdoina jich̄n̄ cahmana Cohamac̄. Ā yoa noaa buheare ti masich̄n̄ cahmana tiro. Ā jiro paina ya cjihtire mari sini payoch̄n̄ wahchera tiro.

⁵ Cāirota jira Cohamac̄. Ā yoa Cohamac̄re mari n̄n̄ tuhtich̄n̄ Cohamac̄ c̄h̄n̄ marine to n̄n̄ tuhtich̄n̄ bosariro cāirota jira. Tiro mas̄n̄ota jiriro, Jesucristota jira.

⁶ Wapamonore waparo seheta jipih̄tina ti n̄aa yoari buhirire yariari jire tiro. Cohamac̄ to quihōri pjai tíre masare masich̄n̄ yoari jire.

⁷ Tíre yahuhtiro cjihtore, Jesu to cūhtiro cjihtore tiro yuh̄re beseri jire. Judio masa jierainare Jesure wacū tuaare, noaa buheare buhehtiro cjihtore beseri jire yuh̄re. Potocāta m̄sare yahui nija yuh̄n̄. Mahñoeraja.

⁸ Cohamac̄ yare noano yoaina jipih̄tiro macaina sehe Cohamac̄re ti sinich̄n̄ cahmaja. Ā yoa tina suaro marieno, cahma sayoro marieno tiro mehne ti durucuch̄n̄ cahmaja.

⁹ Ā yoa, numia sehere carera numia yoaro seheta ti suhti tiina jich̄n̄ cahmaja. Ā jia soro bajua pjoari ti pjoarire yoaea tjijaro. Uru dari busaa darire perla yapari dari c̄h̄n̄re busaea tjijaro tí numia painare “Goa pjach̄n̄ yoari”, nia. Ā yoa wapa bujua suhtire sāaea tjijaro tina Jesu ya numia. Painare goa pjach̄n̄ yoaa numia jiea tjijaro.

¹⁰ Ā yoa tí numia noaa sehere yoajaro. Āta yoaro cahmana “Cohamac̄ ya numia jija”, nia numiare.

¹¹ Dihta marieno n̄o payoa mehne buheare tuhojaro tí numia.

¹²⁻¹⁴ Ā jia numia m̄are buhea tjijaro. Ā yoa m̄are dutiea tjijaro. Tí numia sehe dihta mariea numia jijaro. Adāore Cohamac̄ bajua mehne m̄htari jire. To baharo Evare bajua mehneri jire. Ā yoa watīno to mahñoch̄n̄ tuhorio Adāo jierari jire. To mahñoch̄n̄ tuhorico sehe Eva jiri jire. Ā to mahñoch̄n̄ tuho, Cohamac̄re yuhd̄n̄caricoro wahari jire ticoro. Ā jia numia sehe m̄are dutiea tjijaro.

¹⁵ Numino ji m̄htaricoro to yuhd̄n̄capach̄n̄ta numia ti pohna tich̄n̄ n̄no tinare Cohamac̄ yoadohorohca. Tí numia pohna tia numia sehe Cohamac̄re ti wacū tuarucuch̄n̄ tiro yoadohorohca tinare. Ā yoa masare, Cohamac̄ c̄h̄n̄re ti cah̄rucuch̄n̄, noaa numia ti jirucuch̄n̄, quihōno yoaa numia ti jich̄n̄ Cohamac̄ tinare yoadohorohca.

3

Jesu yaina p̄h̄toa ti yoah̄tire yahuha Paulo

¹ Masa Jesu yaina p̄h̄toa ji duaa, noaare yoa duaa nica tina. Tí potocāta jira.

² Jesu yaina p̄h̄toare besec̄ ō sehe jininare besega: Buhiri marieinare besega “Paina tinare n̄ano ni yahus̄ari”, nic̄. Ā yoa c̄aa numiata namo tinare, noano tuho masiinare, quihōno yoainare, paina ti n̄o payoina, masare wahchea mehne ti wuh̄re sāa ta dutiinare, painare noano buhe mih̄n̄inare besega m̄h̄n̄.

³ Ā besec̄n̄ cahaerainare, cahmacherainare, masare noano yoainare, cahma sayoerainare, niñerure cah̄erainare besega m̄h̄n̄.

⁴ Ā yoa m̄a beseina ti ya wuh̄n̄ macainare noano yahuina, ti poh̄nare noano n̄o payoa mehne yuh̄tich̄n̄ yoaina, noano yahuina jijaro.

⁵ Tinare yuh̄tich̄n̄ yoa masieraa, noano yahu masieraa, Jesu yaina c̄h̄n̄re noano yahu, yuh̄tich̄n̄ yoa masieraboca tina.

⁶ Jesu yaina p̄h̄toa ji duaina Jesu yaina wahma sāaina jia, tina p̄h̄toa ji masierara. Wahma sāainare Jesu yaina p̄h̄toa m̄sa c̄uch̄n̄ tina “Noa yuh̄d̄n̄aina jija”, ni tuhotuboca. Ti ā ni tuhotuch̄n̄ Cohamac̄ tinare buhiri dahre dutirohca watīnore to yoariro seheta. Watīno c̄h̄n̄ āta ni tuhotua timaha Cohamac̄re yuhd̄n̄ca duaro.

⁷ Ā yoa p̄h̄toa ji duaina Jesu yaina jieraina ti n̄o payoina jiro cahmana tinare. Noano yoaina ti jich̄n̄ n̄n̄a paina n̄o payoahca tinare. Ā jia masa tinare

ñano quti dahresi. Æ jiro watino tinare dojomehne masisi.

Jesu yainare yoadohoina ti yoatire yahuha Paulo

⁸ Æ yoa Jesu yainare yoadohohtina sehere besecu õ sehe jünare besega: Tina masa ti ño payoinare, noano potocãta durucuinare, cahaerainare, niñerure cahierainare, mahñoa mehne wapata duaerainare,

⁹ Cohamacu to yahuri buhea to nino se-heta yoainare, ñaa buhiri marieinare be-sega muhu.

¹⁰ Tinare mu besehto pano Jesu yainare yoadohoina ji duainare ti yoarire ñuga muhu. Tinare mu Æ ñari baharo tina sehe ñaa buhiri marieina, ñaare yoeraina jia, Jesu yainare yoadohoina sãajaro tina.

¹¹ Æ yoa ti namosãnumia õ sehe ti jichu cah-maja mari. Masa ti ño payoa numia, masa noaa numia, ñano quti dahrera numia, tuho masia numia, jipihtiare noaare yorarucua numia ti jichu cahmaja mari.

¹² Jesu yainare yoadohohtinare besecu cãa numiata namo tinare, ti pohnare paina ti wuhu macaina cãhure noano yuhtichu yoainare besega.

¹³ Æ jia mu beseina Jesu yainare ti yoadohochu paina tinare noano ñu ji coahca. Æ jia tina yoadohoina sehe noaa buheare, Jesucristore ti wacu tuaa cãhure cuiro marieno buheahca tina.

Cohamacu ya buheare yahuha Paulo

¹⁴⁻¹⁵ Mipure mu caharu waha duai ni-maja. Æ waha duapaihta mipure wa-haerasinicu ahri pui yahu, muhure joarocai nija. Jesu yaina cahmachuina watoi musa dohse yoathore muhure yahu joarocai nija, “Michapucaca yuhu wahaerasini-boca”, nicu. Jesu yaina Cohamacu catiriro yaina jira. To yaina potocã jia buheare Cohamacu ya buheare cãara. Æ cãaa, tire buherucura.

¹⁶ Ahri potocã tjira. Marine Cohamacu to buheri cjiri, panoru mari noano masierari cjiri noa yuhduu buhea jira. Ahri buhea õ sehe jira:

Tiro Cristo mari pjacu seheta pjacu tiroiro masa bajuari jire.

Noariro, ñaa marieriro to jichu ñore Espiritu Santo sehe.

Anjoa cãhu tirore ñari jire.

Æ yoa buhe duti to cürina paye yahpari macainare to yare buhei sã.

Æ jia ahri yahpai masa payu tirore wacu tuare.

Baharo muanoru Cohamacu naahre tirore. Ti jira noaa buhea.

4

Noa buheare cohãrina cjirire yahuha Paulo Timoteore

¹ Espiritu Santo ahrire noano yahura: Pih-tiri dacho panocã cãina masa Jesu ya bu-heare cohãhca. Æ cohãa mahñoa buheare watia ya buhea sehere tuho nuñahca tina.

² Ti buheare mahñorucuina yahuahca masare. Tina mahñorucuina sehe “Ñaa buhiri mariahna sãre”, ni tuhotuina jira. Æ jia tina ti ñaa yoaare ne tuhotuerara.

³ Õ sehe ni buheahca tina: “Namo tiena tjiga. Ahri chuare chuena tjiga”, ni buheahca tina. Ti Æ chu dutierapachuta Cohamacu chuare bajuamehnenno mari chuhti cjihtire noaare cüri jire tiro. Mari Cristore wacu tuaina jichu noaa buheare mari masiina jichu, mari ya cjihtire ti chuare bajuamehnea tiri jire tiro. Ti chuare cãana tirore “Noana”, mari nichu cahmana tiro.

⁴ Jipihtia Cohamacu to bajuamehneri cjiri noaa jira. Æ jina to bajuamehneri chuare nana, Cohamacure “Noana” nina, tire marine cohãeraro cahmana. Tire marine chu ji coaro cahmana. Æ jicu paina ti chu dutier-achu tuhoecu tjiga tinare.

⁵ To bajuamehnea noaa ti jichu yahu tuhsa tiri jire Cohamacu. Æ jia tirore “Noana”, mari ni wahcheri baharo ti chu to yari chu noaa waro jia nina.

Jesucristore dahra cohtarirore noarirore yahuha Paulo Timoteore

⁶ Ahri ya yahurire Jesu yainare mari coyeare buhecu Jesucristore dahra cohtariro noariro jira muhu. Æ buhecu noaa buheare, quihõno mu tuhori cjirire muhure ti yahuriro seheta noano mu masirire yahuriro jiihca muhu.

⁷ Æ jicu ti mu sãro ti buherire, Cohamacu ya jieraare tuhoi tjiga. Cohamacu cahmaa sehere yoaporiro jiga muhu.

⁸ Mu murgocapochu noa curera. Mu murgocaporiro yuhdoro Cohamacu cahmaare mu yopochu noa yuhduara muhure. Cohamacu cahmaare yopocu mipure noano jiihca muhu. Mu yariari baharoru cãhure masa mujacu noano jiihca muhu.

⁹ Ti potocãta jira. Jipihtina tire yu nirire masinare “Potocãta jira”, nino cahmana tinare.

¹⁰ Jipihtina tire ti nihti cjihtire Cohamacu cahmaare ti yoalti cjihtire mari tuaro dahraja. Æ jina ñano yuhduja mari, paina marine ñano ti yochu. Cohamacu catiriro, jipihtinare pichacaru wahaborinare yuhdoriro jira. Tirore wacu tuaina pinihtare tiro yuhdorohca. Æ jina to yuhdohto cjihtore masina, cohtaja mari.

¹¹ Ahri jipihitia yu nirire dutiga Jesu yainare. Á yoa tíre buhega muhu.

¹² Wahmuño mu jichu ñaa paina Jesu yaina muhare yuhduraca duaboca. Ti á yoerahto sehe õ sehe yoa ñoga tinare. Masare cahíga. Á yoa Jesure wacu tuarucu, buhiri marieriro jiga. Wahmuño jipihita mu á yoachu ñaa muhare yuhduracasi tina. Á jia mu durucurire tahoa, mu yoirire ñaa muhare ñu cūahca.

¹³ Á jicu mu caharu yu syhto pano Jesu yainare Cohamacu yare ti joari pūre buhe tuhsu, musa cahmachupe tahari tinare á yahurucuga.

¹⁴ Jesu yaina mehne macaina puhtoa Cohamacu yare yahu tuhsu mu bui ti wamomacarine duhu payore. Ti á duhu payochu Cohamacu ya cjihtire mu yoa masihto sehe cūre muhare Cohamacu. To á cūire boesa tjiga. Á yoa tíre á yoarucuga.

¹⁵ Ahri dutiare tuaro cahmaga. Á cahmacu ahri dutiare á yoarucuga muhu. Mu á yoari baharo noaare mu yoa namochu jipihitina ñuahca.

¹⁶ Muhu sehe noano yoaga, “Soro yoari”, nica. Á yoa noano buhega muhu, “Soro buheri”, nica. Á jicu mu basita pichacaru wahaboriro yuhdoriro jiihca. Á jia muhare tuhorina cūhu pichacaru wahaborina yuhdurina jiahca.

5

“Paina Jesu yainare õ sehe yoaga muhu”, niha Paulo Timoteore

¹ Ne bucurore tuhtiesu tjiga. Mu pucure mu noano yoiriro seheta bucuro cahure noano mehne yahuga. Á yoa mu bahanare mu noano yoiriro seheta wahma yapia cahure noano ño payoro mehne tinare yahuga.

² Á yoacu mu pocore mu noano yoiriro seheta bucū numia cūhure noano ño payoa mehne yahuga. Mu bahana numiare mu noano ño payoriro seheta nuhmia cahure ñano goa pjarō marieno, noano ño payoa mehne yahuga tina numiare.

³ Á jicu wapewahyaa numiare potocāta pjasnoa numiare ño payoa mehne yoadohoga ti numiare.

⁴ Wapewahyoro pohna tiricoro to jichu, o panamana tiricoro to jichu cahure tina sehe ticorore yoadohojaro. Á yoadohoa Cohamacu masare ti coyeare to yoa dutirire yoa nina tina. Á yoa tina ticorore ti waramonore waraa nica ticoro to bucūori wara. Ti á yoachu ñuu Cohamacu noano wahchera.

⁵ Pjascoricoro, wapewahyoro coyea marienicoro jiro, Cohamacu ticorore to yoadohohto cjihtore cohtara ticoro. Á

jiro ñaminipe, dachoripe ticoro Cohamacu mehne á durucurucura.

⁶ Pacoro sehe wapewahyoro á yoa-macanocaricoro carericoro jiro, ticoro catiricoro jiparota pichacaru butihticoro ji tuhsura.

⁷ Ahri jipihitia yu yahurire Jesu yaina cahure yoa dutiga muhu, noaa dihtare ti yohti cjihtire. Ti á yoachu ñaa paina tinare “Ñano yoa nina”, ni masierara.

⁸ Cūiro to coyeare ñu wihboeraro, to pohna, ti pocoro cahure noano ñu wihboeraro “Jesu yairo jija”, ni masierara. Á jiro Jesure cahmaeraina yuhdoro ña yuhdurario jira tiro.

⁹ Wapewahyaa numiare yoadohonahca musa. Ó sehe besega musa yoadohohti numiare. Ti wamare joa õhti pūi joai tai õ sehe besega ti numiare: Sesenta cahmari sūeraricorore to wamare joa õi tjiga. Tuhsu, tó pano pūaro cjirore manu tiricoro wape wahyoro to wamare joa õi tjiga. Cūirota manu tiricoro wapewahyoro wamare joa õga.

¹⁰ Ti numiare, “Noaare yoa numia jira”, masa ti nia numiare, ti pohnare noano bucnoa numiare besega. Á yoa tuhsu, ti wūhusei painare noano sāa ta dutia numiare, dahra cohtaina yoaro sehe Jesu yainare yoadohoa numiare, ñano yuhdurinare yoadohoa numiare, noaa dihtare yoa numiare besega. Ti numiare musa yoadohohti numiare bese tuhsacu, ti wamare joa õga muhu.

¹¹ Wiho mejeta wapewahya numia nuhmia curero ti jichu ti numia sehene besei tjiga. Á jicu ti pūi ti wamare joa õi tjiga. Baharo tina muare goa pja, Cristore cohā, pari turi manu tiboca.

¹² Tina Cristore “Pari turi manu tisi sā. Mu yainare yoadohonajtja”, niri numia jipahita baharopure ti niriro seheta yoeraboca ti numia. Ti á yoerari buhiri buhiri tiaha.

¹³ Ti numia õ sehe yoa numia jira: Dahraera numia jipora. Á jia paina ya wūhusepu waharucu, ñaa quiti dahre, ti numiare mari sinituerapachata ti mu sūro mari jia tiare á yahurucura. Tuhsu, ti yahu dutierari cjirire yahura ti numia.

¹⁴ Á jicu ti õ sehe yoachu cahmaja yuñu: Wapewahya numia nuhmia curero jia numia manu tjarō. Á manu tia, pohna tjarō. Ti ya wūhu macainare noano ñu wihbojaro. Mari ya numia wapewahyaa numia ti á yoachu marine ñu tuhtiina marine “Ñaaare yoa nina”, ni tuhti masierara.

¹⁵ Mipū pinihtare cāa numia wapewahya numia Cristo yare duhu, watīno cahmaa sehere yoa tuhsura. Á jicu á ni yahuja muhare. Á

¹⁶ Jesu yaina ti coyeacoro wapewahyoro to jichu tina to coyea ticorore yoadohojaro. Paina Jesu yaina sehe ticorore yoadohoea tjijaro. Á jia tina paina Jesu yaina ticorore coyea cjuaricorore yoadohoeeraa, paye numia wapewahya numia coyea mariea numia sehere yoadoho masina.

¹⁷ Jesu yaina puhtoa masare ti noano buhechu ti dahraare ti noano yoachu ñana ji coaro mehne ñuga tinare. Á yoa noano wapaga tinare. Cãina tina mehne macaina Cohamacu yare yahuina, masare buheina cãhu jira. Tina pinihtare paina yãhdoro ji coaro mehne ñuga.

¹⁸ Cohamacu yare ti joari pui õ sehe nina, dahrariroro ti wapahtore yahuro: “Wachu trigo yaparire to dahpori mehne suhti weriroro to chu duachu to duserore ducataena tjiga”, ni joaa tiri jire. Á yoa pa pui õ sehe nina: “Dahrariroro to dahrari wapare waro cahmana”, nina Cohamacu yare ti joari pui. (To á nichu tuhona Jesu yaina puhtoare ji coaro mehne ñu, noano wapaga tinare.)

¹⁹ Jesu yaina puhtorore to ñano yoachu ñano cãirota paina Jesu yaina cahmachuinare yahusã masierara. Puhtoro to ñaare yahusãhtina tiaro jia, tiore yahusã masina. Tiaro mariachu puaro yahusã masina.

²⁰ Á yoa ñaare yoarucuriroro jipihtina masa watoti to jichu tiore tuhtiga, cuia, paina ñaare ti yoerahto cjihtore.

²¹ Á jicu Cohamacu, Jesucristo, to bese-rina anjoa cãhu ti ñarocaroi ahrire dutija muhure: Mipũ muhure yũ dutiri cjiirire yoa pahñoga. Á yoariro jicu jipihtinare Jesu yainare cãno potori yoaga. Pairore soro, pairore soro yoai tjiga.

²² Painare Cohamacu dahraare mu cũhti cjihtire ti bui mu wamomacarine mu duhu payohto pano soaro marieno noano tuhotu pahño, tinare besega. Tina ñaina jiboca. Á jiinare Cohamacu dahraare cũi tjiga. Á cũi muhũ cãhu mu beseina ti ñaare yoaro seheta yoai nica. Tõ sehe yoai tjiga. Á yoa ñaa marieriro jiga muhũ.

²³ Suroca pjaro cariro jira muhũ. Mipũre co dihtare sihnimana muhũ. Á jicu mahanoã vino cãhure sihniga muhũ. Co jira tí.

²⁴ Cãina ti ñaare yoachu mari ñuja. Á jina Cohamacu tinare to buhiri dahrehtore masija mari. Paina sehere ti ñaa yoarire mari masieraja. Ti ñaa yoarire baharo masinahca.

²⁵ Tõ seheta cãina noaare ti yoachu tíre mari masija. Paye ti noaa ti yoerarire mari masierapanahca baharo masinahca mari. Tíre puohto basierara.

6

¹ Dahra cohtaina Jesu yaina sehe ti puhtoare noano ño payojaro. Ti á ño payochu ñua paina Cohamacure, mari buhea cãhure ne ni dojomehne masierara.

² Ti puhtoa Jesu yaina ti jichu ñua tinare dahra cohtaina sehe Jesu yaina jia, tinare ñuipoa ño payoeraboca. Á yoeraro cahmana. Ti puhtoa Jesu yaina ti jichu pinihtare tinare dahra cohtaina noano ño payojaro tinare. Á ño payoa dahra cohtaina sehe Jesu yainare, ti cahñinare ti coyeare yoadohoa nina. Ti puhtoare Jesu yainare dahra cohtaina jia, Jesure cahmaerainare ti ño payoriro yãhdoro Jesu yaina sehere ño payojaro puhtoa ti cahña ti jichu. Ahri yũ yahurire buhega. Á jicu ahrire dutiga.

Cohamacure ño payoa cãhure noano jia cãhure yahuha Paulo

³ Soro jia buheare buheriro mari puhtoro Jesucristo ya buheare noaa buheare “Potocã tjira”, ni tuho duaerara. Á tuho duaeraro, mari ya buheare Cohamacure ño payoa buheare cahmaerara.

⁴ Á jiro tiro “Masi pahñoriro jija”, ni parota tíre ne masierara. Á masieraro, tuho masierariro yoaro seheta tuaro cahma sayo duara tiro. Á yoa Cohamacu yare á nimacanoca sayorucuriro tjira. Masa tiro yoaro sehe jiina cahma sayoa, paina ti noano wahachu ñu tuhtia, cahma ñu duaeraa, noano mehne jierara. Tuhsu, painare ñano quitu dahre, masierapahta masare ñano ni tuhotura tina.

⁵ Tina ñaa dihtare tuhotuina, potocã jiare ne masieraina á cahma sayorucuina jira. Á yoa “Cohamacu yare buhena niñerure wapatanahca mari”, ni tuhotura tina.

⁶ Mari ya mahanocã mari cjuaa mehne wahchena, Cohamacure ño payona, to cahmano seheta yoana, potocãta noano jina nija.

⁷ Ahri yahpapũre masa bajuana ne paye barore na taerahi mari. Á yoa mari yariari baharo wahana ne paye barore naa masieraja mari.

⁸ Á jina mari chuare mari suhti cãhure cjuana payere cahma namoena tjijihna. Mari cjuaro purota wahchejihna mari.

⁹ Pache puã ji duainare watino ñaare to yoa dutichu tina sehe jiape ñaare yoarucuina jiboca. Á yoaa tina payu tahari tuho masieraina seheta paye barore tuaro cahmaa, ñaa yoare duhueraa, ti basita ñano yãhdura. Á duhueraa pichacapũ wahaahca tina.

¹⁰ Niñerure tuaro cahmaa, jiape ñaare yoa ducara masa. Cãina niñerure cahña, tuaro cahmaa, Jesure wacũ tua duhua, payu tahari ñano yãhdura tina.

Cohamacu yare yoana ñaare duhuga

¹¹ Mũhũ pini Cohamacu yairota jira. Ā jicu ahri ñaare yoai tjiga. Noaa sehere cahmaga. Cohamacu yare yoaga. Ā yoacu Jesure wacũ tuaga. Painare cahũga. Ñano yũhdũpaihta cũno pjaga. Ā yoa painare noano dero yoaga.

¹² Surara cahmachero tuaro to yoariro seheta, mũhũ cũhũ Cohamacure wacũ tuacu to yare tuaro yoaga. Mũanopũ Ā jirucuhtiro cjihtore Cohamacu beseri jire mũhũre. Ā jicu Cohamacure mũ wacũ tuaare payũ masare noano yahuhre mũhũ. Ā jicu ñano yũhdũpaihta tirore wacũ tua duhui tjiga. Mũanopũ Ā jirucuhtiro jiga.

¹³ Cohamacu jipihtinare, jipihtiare jichũ yoariro jira. Jesucristo sehe Poncio Pilatore Cohamacu yare noano yahuriro jira. Ā jicu tina Cohamacu, Jesucristo cũhũ ti ñarocaroi ahrire mũhũre yoa dutiĩhtja:

¹⁴ Mũhũre Cohamacu to dutirire yoa pahũonocahga. Jesucristo to tjua tahto pano masa mũhũre ñaare ti ne yahusãerahto cjihtore to dutirireta yoarucuga.

¹⁵ To quihõriroihta Cohamacu Cristore tjua tachũ yoarohca. Cohamacu noariro, tiro dihta masare dutiriro jira. Ā jiro jipihitina paina pũhtoa ti bui pũhtoro jiriro jira tiro.

¹⁶ Tiro dihta ne yariaerariro jira. To si sitea mehne jiriro jira. To si sitea cahapũ waha masierara masa. Ā yoa tirore masa ne ñuerare. Mipũ cũhũre tirore ñuerara. Tiro sehere ño payojihna. Ā jina “jipihitia dachoripe tuariro jira tiro”, nijihna tirore. Āta yoajihna.

¹⁷ Ahri yahpa macaina pache pũare õ sehe ni dutiga mũhũ: “Painare yũhdũrucaja”, ni ti basi tũhotuea tjijaro tina. Ti pache ti cjuaa pihtia wahaahca. Ā jia ti cjuaa dihtare wahchea tjijaro. Cohamacu sehere tuaro wahchejaro. Jipihitia pototi mari cahmaare wariro jira tiro. Tiro sehere wacũ tuajaro tina pache pũa.

¹⁸ Ā jia tina noaa sehere yoajaro pjiro noaare yoaina ti jilto sehe. Ā yoa ti cjuare waina jijaro.

¹⁹ Ti Ā yoachũ mũanopũ Cohamacu cahai ti ya jahca. Ti ya tõpũ jia, ne butisi. Ā jia tõpũ Ā jirucuhca tina.

Paulo Timoteore duti batoaha

²⁰ Timoteo, mũhũre Cohamacu to cũrire to buhe dutirire noano yoanohũ. Boi ninohũ mũhũ. Cãina masa Cohamacure cahmaeraina yoaro seheta mahũõare, tũho masieraina ya buheare durucurucura. Ā durucua “Noano masiina ya buhea jira”, nimana tina. Ā ti ni durucua tũho nũnũi tjiga.

²¹ Cãina tí durucua tũho nũnũina Cristo yare cohãnocare. Cohamacu to cahĩa mehne mũsare noano yoajaro.

2 Timoteo

Paulo Timoteore pari turi joarocaha

¹ Yuhu Paulo, ahrire muhare Timoteore joarocaja tjoa. “Jipihitina Jesucristore wacu tuaina manopu a jirucuahca” ni, cure marine Cohamacu marine yuhduchu yoariro. To a ni cure yahuhtiro cjihtore yuhare bese cure Jesu. A cuno Cohamacu to cahmano seheta yoaro nire yuhare.

² Muhu Timoteo yu cahiro jira. Muhare Jesu yare yu buhechu tuhocu tirore noano wacu tua ducare muhu. A jicu yu macu yoaro sehe jira muhu. A jicu Cohamacu mari Pucu, mari puhtoro Jesucristo mehne muhare noa dutija. A yoa muhare pja nuu, cahia tina ti yoadohoa mehne noano jiga muhu.

Masare Cristo yare ti yahurire yahuha Paulo

³ Namipu dachopu cahure Cohamacu mehne durucucu mu ya cjihtire sini payocu muhu mehne wahcheja. A wahchecu Cohamacure “Noana”, nija yuhu. Panopu macaina yu coyea Cohamacu yare ti yoariro seheta yuhu cahu “Buhiri tija”, ni tuhuturo marieno mipure to yare yoaja.

⁴ Sohō jiri pjare yu wahachu mu tii nunu tirire wacucu muhare tuaro nu duaja muhu mehne noano wahche duacu.

⁵ A jicu Jesure potocata mu wacu tuarire wacuja yuhu. Mu nuhocora Loida, mu poco Eunice cahu Jesure wacu tua muhtarē mu pano. A yoa mipure muhu cahu tirore mu wacu tuachu noano masija yuhu.

⁶ A jicu ahrire muhare wacuchu yoa duaja. Mu bui yu wamomacarine yu duhu payochu Cohamacu yare mu yohti cjihtire tuaare ware muhare. Ti tuaa mehne yoa namoga muhu.

⁷ Cohamacu marine Espiritu Santore wari jire. A jiro masare marine cuierachu yoara Espiritu Santo. A yoaro tuaina, masare cahina, tuho masina marine jichu yoara tiro.

⁸ A jicu mari puhtoro ya cjihtire painare yahucu, buo tiecu tjiga muhu. Yuhu to yare yu yoari buhiri peresui jiro jija. Peresui yu jichu yuhare buo tisai tjiga muhu. Wiho mejeta noaa buheare mu buheri buhiri nana yuhducu “Noanohca”, niga muhu cahu. Mu a nana yuhduchu Cohamacu muhare yoadohorohca.

⁹ Cohamacu sehe marine pichacaru wahaborinare yuhduchu yoare. A yoa noaina to yaina jihitina cjihtire tiro besea tiri jire marine. Mari noano yoari mehne besera tiri jire marine Cohamacu. To mu sro to

cahmariro seheta yoaro ahri yahpare to buamehnehto pano marine cahino, tiro marine besea tiri jire. Marine a cahino marine yuhduchu yoahitirore Jesucristore warocari jire Cohamacu.

¹⁰ Mipure Jesucristore marine yuhduchu yoahitirore warocaro, marine potocata to cahiare noano masichu yoaro niri jire Cohamacu. Jesu marine to yainare pichacaru wahaerachu yoare. A yoaro “Yuhare wacu tuana Cohamacu mehne a jirucuahca” nino, buhriaro marine to nu masichu yoaro seheta noaa buheare marine masichu yoaro tari jire tiro.

¹¹ Ti buhea noaa buheare yahuhtiro cjihtore to cuhtiro cjihtore besea tiri jire yuhare.

¹² A to beseriro jicu mipure nana yuhduja yuhu. O sehe nana yuhduchata yuhu buo tieraja. Yu wacu tuarirore Jesure masija yuhu. Tuariro jira tiro. A jiro yuhare to yare buhe duti cuno noano yoadohorohca yuhare. A yoa ahri yahparu to tjua tahto pano, “Muhare yuhduchu yoahitja”, to niriro seheta sohtori tiarohca yuhare. Yuhare yuhduchu yoarohca tiro. Tiro noano masija.

¹³ Muhare noano yu yahurire yoa pahoga. Cristo Jesu yaina jina tirore noano wacu tuaja mari. A yoa painare noano cahija. A jicu tirore a wacu tuarucuga muhu. Tuhsu, painare noano cahirucuga.

¹⁴ Espiritu Santo mari mehne jiro to yoadohoro mehne noaa buheare noano yoaga. Quihono buhega. Soro ni buhecu tjiga.

¹⁵ Jipihitina Asia yahpa macaina Jesu yaina yuhare yoadoho duaeraa cohā wahcāa wahare. Tina mehne macaina paru Figelo, Hermógenes āta yoare tina cahu. Ti a cohā wahcāire masi tuhsara muhu.

¹⁶⁻¹⁷ Ti a cohāpachata Onesiforo sehe payu tahari yuhare yoadohoro noano yajeri sāachu yoare. A yoaro peresui yu jichu tiro yuhare buo tisāerare. A jiro Romai yu jichu a macarucuri jire yuhare. A macarucuro yuhare bocare. A jiro tirore, jipihitina to ya wuhu macaina cahure pja nuohca Jesu mari puhtoro. To a yohto sehe tirore sini payoja.

¹⁸ A yoa ahri yahparu Jesu mari puhtoro to tjua tahti dachoi tirore pja nuohca. To a yohto sehe tirore sini payoja. Efesoī payu tahari yuhare to yoadohorire noano masina muhu.

2

Nano yuhduparota Jesu yairore cāno pjaro cahmana

¹ Mũhũ sehe yũ macũ yoaro sehe jiriro, Jesucristo marine noano yoariro to yoadohoro mehne tirore wacũ tuarucuga.

² Ā yoacũ payũ masare yũ buherire mũ tuhõrre paina cãhũre buhega mũhũ. Tina mũ buheina Cohamacũ yare yoarucuina jijaro. Ā jia painare buhe turiaina jijaro.

³ Surara ñano yũhdũparota to cãno pjariro seheta mũhũ cãhũ Jesu yairo jicũ ñano yũhdũcũ cãno pjaga mũhũ.

⁴ Surara to pũhtoro dutia sehere yoara tirore wahchechũ yoaro taro. Ā yoaro tiro surara jieraina yoaro sehe wiho jiare yoaerara tiro. (Mũhũ cãhũ tó seheta Cohamacũ dutia dihtare yoaga.)

⁵ Mũrocaperiro mũroca dutiina ti dutiare quihõno yoarero to mũroca yũhdũri wapare na masierara. (Ā jicũ mũrocaperiro ti dutiare quihõno to yoariro seheta Cohamacũ dutiare quihõno yo pahũõga mũhũ.)

⁶ Ā yoa wese dahrariro wapũ tiro mehne noano dahrariro sehe ti wese maca dichare noano na mũhta, noano wapataro. (Ā jicũ mũhũ cãhũ tiro yoaro sehe Cohamacũ yare mũ noano yoachũ tiro mũhũre noano yoarõhca.)

⁷ Jipitiare noano masichũ yoarõhca Jesu mari pũhtoro mũhũre. Ā jicũ mipũre mũhũre yũ nirire noano wacũ tuhõtuga.

⁸ Ā jicũ Jesucristore wacũga. Tiro pũhtoro Davi cjiro panopũ macariro to panamino ji turiariro jia tiri jire. Ā jiro yariaro masa mũjari jire tiro. Noaa buheare buhechũ to ā waharireta buhei nija.

⁹ To yare buhechũ ñano yũhdũja yũhũ. Ā jicũ tíre yũ buheri buhiri ñaare yoariro yoaro sehe peresupũ jija yũhũ. Yũ ā jipachũta Cohamacũ ya durucuare buhe duhuchũ yoa masierara masa.

¹⁰ Ā yoa Cohamacũ to beserinare buhechũ payũ tahari ñano yũhdũja yũhũ, tina cãhũ Jesucristo yaina ti jihti cjihtire. To yaina jia tina pichacapũ wahaborina sehe to yũhdũchũ yoahtina jiahca. Ā jia tina Cohamacũ mehne ā jirucuahca.

¹¹ Ahri yũ yahuhti potocã tjira: Cristo crusapũ to yariariro seheta wahana, yariaina ti yoare ti duhuriro seheta mari ñaa yoarire mari duhuna, Cristo mari mehne macariro ā jirucurohca.

¹² Ā yoa to yare mari yoari buhiri ñano yũhdũpanahta cãno pjana pũhtoro to suho jiropũre tiro mehne pũhtoata jianhca mari cãhũ.

“Cristore sã masieraja”, mari nichũ, tiro cãhũ marine āta ninõhca.

¹³ Tirore mari yũhdũrucachũ ñano to niriro seheta marine yoarõhca. To niriro seheta yoariro jira tiro.

Ne mahõerara tiro.

Cohamacũ to ñũ ji coainare, to yare buheinare yahuha Paulo Timoteore

¹⁴ Ahrire mũhũ mehne macainare wacũhu yoaga. Ti mũ sũro durucu ti yũhdũrucaa yaba cjihti jierara. Ā jia tinare tuhõinare ñano yoachũ yoaa, tinare dojomehnena. Ā jicũ mari pũhtoro to ñarocaroi õ sehe ni yahuga tinare. “Ā ni durucuena tjiga mũsa”, niga tinare.

¹⁵ Mũhũ sehe Cohamacũ yare noano buhega. Ā yoa Cohamacũ yare tuaro yoaga. Mũ ā yoachũ ñano “Noano yoare mũhũ”, ninõhca Cohamacũ mũhũre. Ā jicũ mũ buherire to ñũchũ bũo tisi mũhũ. Ā jicũ to buheare noano masiga mũhũ. Tíre quihõno buhega.

¹⁶ Ti mũ sũro durucu yũhdũrucaina ñaare ā yoarucu, Cohamacũ yare yoarera. Ā jicũ ti ā ni durucuare ā ñũnocahga. Tinare tuhõi tjiga mũhũ.

¹⁷ Tina ti durucu sehe camino to ñano baa mũjano yoaro sehe jira. Camino to ñano baa mũjano seheta ti durucua cãhũ paina Jesu yainare ñaina wahachũ yoaaahca. Ā durucuina mehne macaina Himeneo, Fileto cãhũ jira.

¹⁸ Tina “Jesu yaina masa mũja tuhsũre”, ni buhea, noaa buheare duhunocahre tina. Ā soro buhea cãina Jesu yainare tirore wacũ tua duhuchũ yoahre tina.

¹⁹ Ti ā ñano buhepachũta Cohamacũ ya buhea sehe ne cohtotaerara. Ā sehe nina to buhea: “Mari pũhtoro Jesu to yainare masina”, nina. Ā yoa õ cãhũre nina: “Jipihina, ‘Jesu yaina jija’, niina ñaare duhunocajaro”, ni yahura Cohamacũ ya buhea.

²⁰ Mari piti dahre buhechũ masa pja wahwari yoaro sehe jira. Pjiri wũhũi uru, plata mehne ti yoaa wahwari jira. Tuhsũ, ti wũhũi paye wahwari yucũcũ mehne, dihi mehne ti yoaa wahwari jira. Uru, plata mehne ti yoaa wahwari noare ti posahti jira. Paye wahwari wiho jiare ti posahti jira.

²¹ Ā yoa ñaare yoaerario uru wahwa noari wahwa yoaro sehe jirohca. Ā jiro tiro sehe Jesu ya dihtare yoarucuriro jirohca. Wũhũ pũro noari wahwa mehne noare to yoariro seheta, ñaare yoaerario Jesu ya cjihtire noare yoarõhca.

²² Wahmũno jira mũhũ. Ā jicũ wahma yapia ñaare goa pja ti yoariro seheta yoai tjiga mũhũ. Ā jicũ noare yoaga. Jesure wacũ tuarucuga. Tuhsũ, tirore, masa cãhũre cahĩga. Ā yoa mũhũ mehne macaina Jesu yaina mehne jicũ cahmacheno marieno noano jiga mũhũ. Tina Cohamacũre yũhtiina tirore sinirucuina cãhũ āta yoajaro.

²³ Ā jicu tūhoturo marieno ti durucu yūhdūgūcaare mūhū cūhū tūho nūnūi tjiga. Tuhsū, mūhū cūhū durucu yūhdūgūcaai tjiga. Ā durucu yūhdūgūcaā masa ti basi cahma suara.

²⁴ Cohamacūre dahra cohtarirore durucu yūhdūgūcaeraro cahmana. Ā yoa jipihtinare noano yoariro, buhe mīhniriro, dōicāta suaerariro tirore jiro cahmana.

²⁵ Ā jiro paina tiro mehne ti durucu yūhdūgūcachū tiro tinare yahuro noano mehne suaro marieno yūhtiro cahmana tirore. To ā yūhtichū űna Cohamacū to yoadohoa mehne tina sehe ti űna yoaare cahyaboca. Ā jia noaa buheare masi dūcaboca.

²⁶ Tinare wafīno sehe peresu yoaro sehe jīnare cjamare to cahmaare yoahina cjihtire. Ā jia quihōno ti tūhoturi baharo noaa buheare masia, wafīnore cohānoacaħca.

3

Pihtiri dacho cjihtore yahuħa Paulo Timoteore

¹ Pihtiri dacho panocāre űnano yūhdūħaħca masa. Tīre noano masiga mūhū.

² Tī pjare masa painare wacū payoeraina, niħerure cahma yūhdūgūcaina, “Painare yūhdūgūcaja”, ni ti basi tūhotuina, tīre painare ā ni yahuruina, Cohamacūre űnano durucuina, ti pūcsūmare yūhdūgūcaina, ti wapachūta “Noana”, nieraina, Cohamacūre űno payoeraina jiaħca.

³⁻⁴ Ā jia masare cahīeraina, paina mehne sua, tīre bo duaeraina, űnaa quiti dahreina, ti mū sūro űnano yoarucuina, masare ā cjarucuina, noaare űnū yabiina, tina mehne macainare űnano yoina, tūhotua marieina, “Masi pahūoina jija”, ni tūhotuina jiaħca masa. Tina űnaare ti goa pjaare yoa ji coaina jia Cohamacū sehere cahmaeraina jiaħca.

⁵ Ā jia tina masa ti űnucaroi Cohamacūre űno payopaħta “Cohamacū wiho jiriro jira”, ni tūhotumana tina. Ā niinare piti tii tjiga mūhū.

⁶ Tina mehne macaina tūho masieraa numia ya wūhūsei sāa, tī numiare mahūoare buhera. Tī numia sehe ā űnaare yoarucua numia, tuaro űnaare yoa duara.

⁷ Tī numia wiho jia buheare ā buherucua numia jia, soro jia buheare tūhoa numia jia, Cohamacū ya buhea sehere ne masierara.

⁸ Panopū Jane, Jambre yaya jirina Moise cijirore ti űnū tuhtiriro seheta pihtiri dacho panocā jīna masa noaa buhea sehere űnū yabiahca. Tina űnaa dihtare tūhotuina jiaħca. Ā jia Jesure wacū tuaina waro jierara.

⁹ Tō sehe yoaina mahūoa bihosi. Baharo ti mahūoare tūho masieraina ti jia cūħure

jipihtina masiaħca. Jane, Jambre mehne ti mahūoare panopū masa ti masiriro seheta āta masiaħca pihtiri dacho panocāi jīna ti mahūoare.

Paulo Timoteore duti batoaha

¹⁰ Yū buheare, yū yoaā tiare, yū jia tiare, Jesure yū wacū tuaare masina mūhū. Yū ā jiriro jichū, suaro marieno yoariro yū jichū, masare cahīriro yū jichū, űnano yūhdūpaiħta yū cūno pjachū masina mūhū.

¹¹ Ā yoa yūħure ti űnano yoaare, yū űnano yūhdūare masina mūhū. Antioquīai, Iconioi, Listrai yūħure űnabiario ti yoari cūħure masina mūhū. Yū ā wahachū űnūno mari pūhtoro Jesu sehe yūħure yoadohore.

¹² Jipihtina Jesucristo yaina ti ji duachū Cohamacū to dutiriro seheta ti yoarucu duachū paina tinare űnano yoaahca. Tī potocā tjira.

¹³ űNaina sehe mahūo buheina cūhū űnabiaina wahaahca. Painare mahūoa, ti basi cūhū mahūoare tūhoa, āta űnabiaina wahaahca.

¹⁴ Mūhū sehe mūħure yū buherire, noano mū tūhorire ā wacūrucuga. Ā jicu yū buheriro seheta yoaga. Mūħure buherinare masina mūhū.

¹⁵ Mūhū wiħāriro jicūpūta Cohamacū yare ti joari pūre masi dūcari jire. To yare ti joari pūi ō sehe ni yahura mūħure: “Jesucristore wacū tuaina dihtare pichacapū wahaborinare yūhdūchū yoara Cohamacū”, ni yahura mūħure.

¹⁶ Cohamacū yare ti joari pūi jipihtiare Cohamacū sehe joa dutia tiri jire. Ā jina tī pūre buhena mari masi namoĵa. Tī pūre buhena Cohamacū dutiare mari yoahire masija. Ā buhena mari űnaa yoirire “Āhri űnaa jica”, ni tūhotuja mari. Ā jiro tī pū marine noaa sehere cohtota dutira. Ā jiro dachoripe mari noaare yoarucuhti cjihtire yahura tī pū.

¹⁷ Cohamacū yairo to ya pūre buhero, masi pahūonohca. Ā masino jipihtia noaare yoa masinohca tiro.

4

¹ Jesucristo jipihtina bui pūhtoro, tĵua tahtiro, catīinare, yariaina cūħure buhiri dahre dutihtiro to űnucaroi mūħure ō sehe ni yahuiħtja. Cohamacū cūhū to űnucaroi ō sehe ni yahuiħtja mūħure.

² Dachoripe masa ti tūho duachū ti tūho duaerachū cūħure Cohamacū yare yahuga. Ā yahucū masa ti űnaa yoari buhirire masichū yoaga tinare. Ā yoa ti űnaa yoirire “Yoa namoena tĵiga”, ni yahuga tinare. Noaa sehere yoa dutiga. Ā buhecū ne suaerariro, pumerariro jiga mūhū. Ā jicu ne painare buhe duhui tĵiga.

³⁻⁴ Baharo, pa tehepüre masa noaa buheare tuho duasi. Ä tuho duaeraa ti cahmano seheta yoaa, ti tuho ji coaa dihtare buheinare cahmaahca tina. Ä jia mahñoa buheare payu buheinare cjuaaahca. Tina ä yoaa noaa buhea sehene cohä, ä ti buhemacanocarige tuho nuñwahca. Ä jicu noaa buheare buhe duhui tjiga muhu.

⁵ Muhu cühu ä jicu dachoripe tuho masiro jiga. Ñano yuhdupaihta cäno pjaga. Ä yoacu noaa buheare ä buherucuga. Cohamacu muhure to yoa dutirire yoa pahñonocahga muhu.

⁶ Yuhu Cohamacu yare yu yoari buhiri yu yariahto mahanocä duhsara. Ä jicu mahaa dachoricä catisiniihca. Ä jicu mipüre muhure dutija.

⁷ Yu yariahto panocä ahrire yahuihtja: Jesu noaa buheare yuhure buhe dutiro to cürire noano buhe sohtori tihi. To dutiare noano yoa pahñonocahi. Ä jicu ñano yuhdupaihta tirore ne wacü tua duhuerahi.

⁸ Mipüre Cohamacu yare yu yoari wapare muanoru wihboro nica. Ä jiro mari puhtoro buhiri dahre dutiro quihöno yahuriro to tjua tahti dachoi to yare yu yoari wapare warohca yuhure puhtoro to pisari soro uru mehne ti yoari sorore yuhure to waboriro seheta. Paina cühure to tjua tahtore cohtainare tirore cahñinare to yare ti yoari wapare warohca Jesu.

Paulo yahu namoha Timoteore

⁹ Yu caharu cjero ñui taga muhu.

¹⁰ Dema ahri yahpa macaa jipihtiare tuaro cahmano yuhure yoadoho duaeraro yuhure cohä wahcäa wahahre Tesalónicaru. Crescente cühu Galacia yahparu wahahre. Ä yoa Tito Dalmaciaru wahahre.

¹¹ Luca dihta yuhu mehne jira. Marco yuhure noano yoadohohtiro jira Cristo yare yu buhechu. Ä jicu tirore na tahga muhu.

¹² Ä yoa Tíquicore Efesoru warocahi.

¹³ Öru tacu, yu bui säari suhtirore, Troai Carpo ya wuhui yu cüri suhtirore na tahga. Ä yoa sohö jia tjuri joaa tjuri cühure na tahga. Sohö jia cahsari joaa cahsari pinihtare tuaro cahmaja yuhu. Ä jicu ti cahsari cühure na tahga.

¹⁴ Alejandro comaare dahrariro yuhure ñabiaro yoare. Ä jiro to ä yoari buhiri Cohamacu tirore buhiri dahrerohca.

¹⁵ Tiro Alejandro mari buheare tuaro ñu yabire. Ä jicu tiro muhure “Ñano yoari” nica, tirore ñacu noano wacü masiga.

¹⁶ Masare beserirore peresu yoa dutirirore yu yoarire, yu buheri cühure tirore yu coä yahuchu ne cüro baro Jesu yairo yuhure yoadohoerare. Jipihtina yuhure yoadohoeraa cohä wahcäa wahahre. Ti

ä cohäpachuta yuhure ti cohäri buhiri Cohamacu buhiri dahrero tjijaro.

¹⁷ Yu ä wahapachuta Cohamacu yuhure yoadohohre. Ä jiro to buheare yu noano yahuihti cjihtire to tuaare wahre yuhure, jipihtina judio masa jieraina ti buheare ti tuhohti cjihtire. Ä jiro yuhure ñano ti yoa duapachuta yuhure ti wajäborirore yuhduchu yoare mari puhtoro suaina yayare yuhure to yuhduchu yoaboriro seheta.

¹⁸ Jipihtina yuhure ñano yoainare yuhducaro, yuhure yoadohorohca mari puhtoro. Ä jiro muanoru puhtoro to suho jioru yuhure ji dutiro yuhure yuhduchu yoarohca tiro. Ä jina “Tiro noa yuhduariro, tua yuhduariro jira”, nijihna mari jipihtia dachoripe. Äta nijihna.

Paulo noa dutiha Timoteo cahai jainare

¹⁹ Prisca, Aquila, Onesiforo ya wuhu macaina cühu noajaro.

²⁰ Erasto Corinto tjuahre. Tróximo Miletoi dohatia wahahre. Ä jicu tirore töi cühi yuhu.

²¹ Puhiro pano cjero taga muhu. Eubulo, Pudente, Lino, Claudia cühu, jipihtina paina Jesu yaina mehne muhure noa dutira.

²² Mari puhtoro Jesucristo muhu mehne jirohca. Ä jiro Cohamacu to cahia mehne musare jipihtinare noano yoajaro.

Tito

Paulo Titore joarocaha

¹ Yuh Paulo Cohamacure dahra cohtariro, Jesucristo yare buhe dutiro to cūriro jija. Cohamacu to beserina Jesure ti wacū tuahti cjihtire noaa buheare ti masihti cjihtire Jesu buhe dutiro yuhare cūre. Tí buhea Cohamacu to dutiro seheta mari yoahtere yahura.

² Á jicu jipihtia dachoripe Cohamacu yaina muanoru ti jirucucne cāhure buheja tinare. Cohamacu ne mahñoa marieriro ahri yahpare to bajuamehnehto pano õ sehe ni cūa tiri jire marine: “Muanoru ā jirucunahca”, ni cūa tiri jire marine.

³ Á jiro to quihōri pjai Cohamacu to ni cūriro yahu dutire masare. Tó seheta yuhare ni yahu dutire tiro. Marine pichacaru wahaborinare yuhdoriro jira tiro.

⁴ Mūhare Titore Jesu yare buhei. Yu ā buhechu tuhocu Jesure wacū tua ducare mūhu. Á jicu mūhu potocāta yu macu yoaro sehe jicāta nina. Mūhare ahrire joarocai nija. Cohamacu mari Pus mehne, Jesucristo marine yuhdoriro mehne mūhare noa dutija. Mūhare pja űna, cahia ti yoadoho mehne noano jiga mūhu.

Creta wama tiri nūcoi Tito to yoahtere yahu quihōna Paulo

⁵ Creta wama tiri nūcoi mūhare yu cūchu Jesu yaina ti buhehto cjihto dūhsasinire tí pjare. Á jicu ti yoahtere yahuhtiro cjihtore cūi yuh mūhare. Á yoa macaripe macaina Jesu yaina puhto cjihtire bese duticu cūi mūhare.

⁶⁻⁸ Tina puhto Cohamacure dahra cohtaina jira. Á jicu tinare besecu noainare besega soro yoerainare. Á besecu, cāa numiata namo tinare, “Painare yuhdūcaja”, ni tuhotuerrainare, suaerainare, cahaerainare, cahmacherainare, paina yare mahñoa mehne tuaro na duaerainare besega. Á besecu ti wūhsere sāa sūinare noano űn wihboinare, noaa sehere noano ji coainare, tuho masiinare, noaare yoarucūinare, űaa marieinare, űaare yoerainare, caparo marieno dahrainare besega. Á yoa mū besehtina pohñare õ sehe jiina jiro cahmana: Jesure wacū tuaina, noano yoarucūina, jipihñinare noano yuhñiina jiro cahmana puhto pohñare.

⁹⁻¹⁰ Á yoa noaa buheare quihōno mari buherucuro seheta ne duhueraina jijaro puhto mū besehtina. Á jia tina noaa buheare yahuina jahca paina tí buhea mehne tí wahchehto sehe. Á yoa noaa buheare űn yabiinare buhea, tí ya mahñoa tí jichu

masichu yoahca tina. Á jicu noano besega Jesu yaina bui puhto jihtinare.

Payu ti puhtoare yuhdūcaina, noano tuhutu durucueraina, mahñoina jira mipare. Á yoaina judio masa pinihta űbiaro yoaa nina. Tí ya buhea tí potocā jierachu tinare masichu yoaro cahmana.

¹¹ Tina judio masa sehe niñerure wapata duaa mahño buhera. Á yoeraro cahmana tinare. Á buhea cāa wūhuse macainare jipihñinare Cohamacu ya sehere cohāchu yoaa nica tinare. Tí ā yoachu tinare ā yoa dutieraro cahmana.

¹² Tí yare panoru yahuriro tina mehne macariro jiparota õ sehe ni yahuri jire: “Creta nūco macaina ā mahñorucūina jira. Tina nūcu macaina wahiñuina yoaro sehe suaina jira. Á yoa ā churucūina jia ne dahra duaeraa, capa buñina jira”, niri jire tiro to ya nūco macainare.

¹³ To ā nia potocā tjira. Tí ā jichu űcu tinare tuaro tuhtiga Jesu ya buhea sehere noano tí masihto cjihtore.

¹⁴ Á jicu judio masa panoru macaina tí mū sūro tí nimacanoari cjiirire, Jesu yare potocā jiare cahmaeraina tí dutia cūhure Creta macaina tí tuho nūnerahto cjihtore tuhtiga tinare.

¹⁵ Buhiri marieina noa dihtare tuhutura. űaare yoarucūina, Jesure wacū tuaeraina sehe űaa dihtare tuhutura. Tina tí tuhotua sehe űaa yuhdūara. Á jia noa sehere bese masierara.

¹⁶ Tina “Cohamacure masija sā” nipahta, űaare yoara. Á yoaina tí jichu űna Cohamacure masieraina tí jichu masija mari. Á jia tina űaa yuhdūaina, Cohamacu yare yuhdūcaina jira. Ne noaare yoa masierara.

2

Noa buheare quihōno yahu dutiha Paulo Titore

¹ Mūhu sehe buhesu noaa buhea tí nino seheta noano buhega.

² Bucunare õ sehe ni yahuga: Cua pisaina, masa tí űo payoina, tuho masiina, Jesure noano wacū tuaina, Jesure, masa cūhure cahñina, űano yuhdūpahta cāno pjaina jijaro tina.

³ Bucu numia cūhure āta ni yahuga: Cua pisaa numia, Cohamacure űo payoa numia, űaa quiti dahrera numia, cahaera numia jijaro tí numia cūhu. Á jia numia jia, noaare buhejaro paye numiare.

⁴⁻⁵ Paye numiare õ sehe ni buhejaro bscu numia: Tí manūsmare, tí pohna cūhure tí cahñtore, tuho masia numia, paina mūa mehne űano yoeraa numia, cū wūhu macaina jiina noano űn wihboa numia, masa noaa numia, tí manūsmare noano

yáhtia numia ti jiltore buhejaro tí numia Cohamacu ya buheare paina ti dojomehner-ahto sehe.

⁶ Á yoa wahma yapia cáhure õ sehe ni yahuga: Túho masina jijaro tina.

⁷ Múhu sehe noa dihtare yorucuga mähure ti ñu cúhto sehe. Buhecu ne mahñono marieno buhega. Á buhecu cua pisaro mehne buhega múhu.

⁸ Á buhecu noano túho masino mehne noano buhega ne paina “Ahriró ñano yoro nina” ni, mähure ti yahusäerahto sehe. Mú á buhechu ñaa marine ñu tuhtiina jipahta marine wiho warota yahusä masierara. Marine wiho waro á yahusämacanoca buoro wahaahca tina.

⁹ Á yoa dahra cohtainare õ sehe ni yahuga: Ti púhtoare noano yúhtiina jijaro. Á jia ti púhtoare noano wahchechu yoajaro. Á dihta yoajaro. Á jia ti púhtoare puríno yúhtiea tjijaro.

¹⁰ Á yoa ti púhtoa yare yacaea tjijaro. Tuhsu, noaina, ti púhtoa dutiare quihõno yorucuina jijaro. Á noano yúhtiina ti jichu ñaa Cohamacu marine yúhdoriro to buheare túho ji coaahca paina.

¹¹ Masare to cahíare Cohamacu masare ño tuhsare. Á cahíno jipihtina pichacapu waha-borinare Cohamacu tuaro yúhdo duara.

¹²⁻¹³ Masare á cahíno Cohamacu marine õ sehe ni buhera: Cohamacure ñu yabi-are, ñaa goa pjaare duhunoca dutira marine. Cohamacu tuariro, Jesucristo marine yúhdoriro to si siteare mari ñahti dachore, noari dachore mari cohtana nija. Á jiro mari cohtari dacho panoi túho masiina, noare yorucuina, Cohamacu cahmaare yorucuina, marine ji dutira Cohamacu.

¹⁴ Tiro Jesucristo mari ya cjihtireta yari-ari jire jipihtia mari ñaa yoare duhuchu yoaro taro marine to yaina wahachu yoaro taro. Mari ñaa yoari cjirire to á coháchu mari ñaa yoari buhiri marieina jinahca. Á jina tuaro noare yoa duaina jinahca.

¹⁵ Ahri jipihtiare tí nucu macainare Jesu yainare buhega múhu. Ti púhtoro jinocaita nina múhu. Á jicu tinare yahuga. Ti ñaare yoachu ñucu yahuga tinare. Jipihtina paina mähure ño payoa mehne yúhtijaro.

3

Jesu yaina ti yoahti cjihtire yahuha Paulo

¹ Ó sehe ni yahuga tó macaina Jesu yainare: Ti púhtoare paina tinare duti-ina cáhure noano yúhtiina jijaro. Jipihtina noare yoahtina jijaro.

² Á yoa painare ne ñano quiti dahrea tjijaro. Á jia masa noaina, jipihtinare ño payo-ina jijaro.

³ Panopure mari cáhu túho masieraina, yúhdurucaina, mahñoare túho nunúina, ñaare yoa ji coaina, tíre goa pja duhu masieraina, dachoripe ñaare yorucuina, paina ti cjaare cjoina jia timai mari cáhu. Á yoa marine paina ñu tuhtire. Mari cáhu tinare ñu tuhtimai.

⁴⁻⁵ Á jirina cjiiri mari jipachuta Cohamacu marine pichacapu waha-borinare yúhdachu yoare. Á yúhdachu yoaro to noariro jiare, masare to cahíca cáhure marine ñono nire tiro. Noano mari yoari mehne yúhdachu yoerare marine. Marine pja ñuno mari ñaa yoari buhirire cosaro, Espiritu Santo mehne marine yúhdachu yoare. Á yoaro marine to pohna wahachu yoare. Á to yoachu Espiritu Santo sehe noaina mari jiltina cjihtire cohtotachu yoare marine.

⁶ Jesucristo marine yúhdachu yoariro to yaria masa mujaa mehne Cohamacu to yairo Espiritu Santore ware marine pjiro to tuaa mehne marine yúhdachu yoahtiro cjihto.

⁷ Marine cahíno, marine noano yoa duare. Á yoa duaro tiro to yairo Espiritu Santore marine ware ñaa buhiri marieina mari jilto cjihtore, manopu mari á jirucuhto cjihtore. Mari á jirucuhtore masina, tíre cohtana nija.

⁸ Tí yu niri potocáta jira. Á jicu tíre yu ni joariro seheta masare buhecu tí dutiare yoa pahño dutiga múhu. Á jicu Cohamacure wacú tuainare tíre buhega noare ti noano yoahto cjihtore. Ahri yu ni buheri noa buhega jira. Á jia jipihtina masa ahri buheare ti túho nunúchu wiho waro jierara.

⁹ Paina ti durucua sehe yaba cjihti jier-ara. Á jia masierapahta ti ni yúhdurucare mu túho nunúchu yaba cjihti jierara. Á jia ti coyee panopu macaina ti jia tiare ti ni yúhdurucare, Cohamacu Moise cjirore to dutirire ti ni yúhdurucare tí jipihtiare noano mu túho nunúchu yaba cjihti jierara. Á jicu tíre túho nunúci tjiga.

¹⁰ Músa mehne macariro á ni yúhdurucariro mäsare cahma tju wachu to yoachu ñucu “Yoaí tjiga”, niga tirore. Pua taha tíre tirore mu yoa dutierari baharo to yúhtierachu ñucu tirore piti tiecu tjiga.

¹¹ Tó sehe yoariro ñaa dihtare goa pjaru-curiro jira. To á jichu ñuna to ñariro to jichu masija mari.

Paulo duti batoaha

¹² Nicopolipu puhiro puro jii tai nija. Á jicu Artemare o Tíquicore mu cahapu yu waroca máhtachu yu warocahtiro tópure to suchu, Nicopolipu yuhare piti bocaga múhu tiro mehne.

¹³ Æ yoa dutiare noano mihnirirore Zena wama tirirore, Apolo cãhare noano yoadohoga ti wahahto cjihtore. Æ yoacu ti cahmaare jipihtiro tinare waga “Paye baro duhsari”, nicu.

¹⁴ Æ jia Jesu yaina mari mehne macaina noaare yoapojaro paye barore duhsainare ti yoadohohto sehe noaare yoarucuina ti jihto sehe.

Paulo noa dutirocaha Jesu yainare

¹⁵ jipihtina yãhã mehne macaina mãhãre noa dutira. Tõi jiina Jesu yaina sãre cahãina noajaro. Cohamacu to cahãa mehne musare jipihtinare noano yoajaro.

Filemón

Paulo Filemo wama tirirore joarocaha

¹ Yuhũ Paulo, Jesucristo yairo yu jiri buhiri peresupũ jija. Yuhũ, mari coyeiro Jesu yairo Timoteo mehne muhare Filemore joarocaja sã. Muhũ sã cahĩro Cristo yare sã mehne dahradohoriro jira muhũ.

² Å jina Jesu yaina mu ya wahuĩ cahmachuina cãhũre joarocaja sã. Mari coyeacoro Jesu yacoro Apia cãhũre joarocaja sã. Arquipo cãhũre joarocaja sã. Arquipo sehe sã yoaro sehe Cristo yare yahuriro jira.

³ Å jina Cohamacũ mari Pũcũ, mari puhtoro Jesucristo mehne musare noa dutija. Cohamacũ to macũno mehne ti cahĩa mehne, ti yoadohoa mehne noano jiga musa.

Filemo painare to cahĩare, Cristore to wacũ tuaare yahuha Paulo

⁴⁻⁵ Yu coyeiro Jesu yairo Filemo, Cohamacũre muhare sini payocũ muhare wacũcũ “Noana”, nija tirore. Cristore mu cahĩcũ, tirore mu wacũ tuachũ, paina Cohamacũ yainare mu cahĩcũ tuhorocahi yuhũ. Å jicu Cohamacũre “Noana”, ni wahcheja.

⁶ Cristore mari wacũ tuana cãno potori to yaina jina nija mari. Å wacũ tuaina jina, Cristore mari noano cahĩna, pjĩro noaare cjanahca mari. Tĩre musa noano masihtõ sehe sini payoja Cohamacũre.

⁷ Coyeiro, mipũre painare mu cahĩcũ tuhocũ wahcheja yuhũ. Jipihtina Cohamacũ yainare noano wahchechũ yoayuhũ muhũ. Mu ã yoachũ tuhocũ wahcheja yuhũ.

Paulo Onésimo ya cjihtire sini payoha Filemore

⁸⁻¹⁰ Å jicu mipũre Onésimore muhare dahra cohtarirore mu yoahũre muhare sini payo duaja. Peresupũ yuhũ mehne to jichũ Cristo yare yahuhi yuhũ tirore. Tĩre tuhorõ Cristore cahmahre tiro. Å yoaro tiro Cohamacũ yairo wahahre. Å waharo yu macũ yoaro sehe jiriro jira. Å jicu yuhũ Paulo bucũro jicu Cristo yare yu buheri buhiri peresui jicu muhare yahurocaihũta Onesimore mu yoahũre. Cristo buhe dutiro to cũriro jija yuhũ. Å jiriro jicu tirore mu yoahũre dutiboa yuhũ. Å jiriro jipaihũta muhare dutisi yuhũ. Cahĩa mehne muhare yahurocaihũta tó purõta.

¹¹ Cristo yairo to jĩhto pano Onésimo muhare dahra cohtariro jiro yaba cjihti jierasiniri jire. Muhare noano yoadoho masierasiniri jire. Mipũ pinihtare tiro muhare, yuhũ cãhũre noano yoadoho

masiriro jirohca. Mipũre Cristo yairo jiro wiho jiriro waro jierara.

¹² Å jicu mipũre tirore muhare waroca tjui nija. Å jicu tirore noano piti bocaga muhũ. Tirore tuaro cahĩja.

¹³ Noaa buheare yu buheri buhiri peresupũ yu jiro watõ tirore yuhare yoadoho dutiboa yuhũ tirore warocaeraca. Yuhũ mehne tjuã dutiboa yuhũ. Muhũ sehe yuhare mu yoadoho masierachũ tiro sehe yuhare yoadohoriro tjuaboa, tirore warocaeraca.

¹⁴ Yuhare yoadohoriro to jipachũta tirore muhare waroca tjuja. Muhũ sehe tirore “Paulo mehne tjuasiniga”, mu nichũ masicũ yuhũ mehne tirore tjuã dutiboa yuhũ. Yuhũ sehe “Yuhũ mehne cũga tirore”, ni duaeraja muhare. Å jicu tirore waroca tjui nija.

¹⁵ Tiro Onésimo mahaa numaricã muhare to duhti wahcãri baharo pari turi muhũ mehne jira. Cohamacũ to cahmario seheta muhare duhti wahcãri jire tiro Cohamacũ yairo to wahahto sehe, yu tuhotuchũ. Å jiro pari turi muhũ mehne jiro ã jirucurohca muhũ mehne.

¹⁶ Å jiro tiro mipũre dahra cohtariro jierara. Dahra cohtariro bui curero jiriro jira tiro, yu ñuchũ. Mipũre tiro mu coyeiro Jesu yairo jira. Å jicu tirore tuaro cahĩja. Muhũ sehe yu yuhdoro tirore cahĩihca. Mu ã cahĩro jiro dahra cohtariro jisniparõta mipũre dahra cohtariro to jiriro sehe jierara tiro. Tiro mu coyeiro Jesucristo yairo jira.

¹⁷ Å jicu yuhare mu piti bocaboriro seheta Onésimo cãhũre noano piti bocaga. Muhũ mehne macariro yu jichũ tuhotucũ tiro cãhũre noano piti bocaga muhũ.

¹⁸ Å jicu muhare soro to yoariro jichũ muhare to wapamoriro jichũ yuhũ sehe tĩre wapaihũta.

¹⁹ Yuhũ Paulo yu basi ahũre muhare yahu joaihũta: Yuhũ sehe wapaihũta muhare. Muhare yu buheri baharo Cristo yairo wahacũ jipihtia dachõripe Cohamacũ mehne jirucũhtiro jira muhũ. Muhare yu ã buheri baharo muhũ cãhũ yuhare pjĩro wapamoriro jiboca. Mu ã jipachũta muhare wapaihũta to wapamonore.

²⁰ Yu coyeiro yu cahĩro mari puhtoro Cristo yairo jira muhũ. Cristo yairo jicu yu coyeiro jira muhũ. Å jiriro jicu yuhare noano wahchechũ yoaga. (Å jiriro jicu Onesimore noano piti bocaga.)

²¹ Ahri yu yahurire noano yoaihca muhũ. Yu yahuri yuhdoro yoaihca muhũ. Tĩre masicũ muhare joarocai nija.

²² Ahri cãhũre yahuihtũ muhare. Musã cahapũ yu wahahto sehe Cohamacũre sini

payoyuhti m̄sa ȳh̄are. M̄sa ã sini pay-
orire tiro ȳhtiboca. “Jai” to niçh̄a cahmaja
ȳh̄u. ã j̄ic̄a m̄sa cahap̄u ȳu sahti tahtiare
cahnoyuga m̄h̄u.

Paulo noa duti batoaha Filemore

²³ Epaфра m̄h̄are noa dutira. Tiro sehe
Cristo yare to yoari buhiri ȳh̄u mehne
peresup̄u j̄īro j̄ira.

²⁴ ã j̄ia Marco, Aristarco, Dema, Luca
mehne m̄h̄are noa dutira. Cristo yare ȳu
buhech̄u tina sehe ȳh̄u mehne buheina
j̄ira.

²⁵ Mari puhtoro Jesucristo to cah̄ã mehne
m̄sare noano yoajaro.

Hebreos

Cohamacu macyno to Pucuroge yuhubasaha masare

¹ Panopy Cohamacu paun tahari mari coyeare panopy macaina cjrيره to yare yahua tiri jire. Paun to beserina to yare yahu turiaa tiri jire. To yare yahu muntaina cjrيره yahu dutiro, a yahua tiri jire tiro mari coyeare.

² Mipure pihtiri dacho panocai jia dachore to macanore to yare to yahu dutichu tiro sehe marine yahua tire. Tiro to Pucuro to yoa dutiro mehne ahri yahpare, muanano cahure yoariro jira. To Pucuro sehe pihtiri dacho panocai jipihtiare cjuahitirore cua tiri tirore.

³ A jiro to macyno sehe to Pucuro si siteare cjuariro jiro, cano potori to Pucuro yoaro seheta jiro, to Pucuro to jia tiare marine nona. A yoa to macyno to tuua mehne to dutichu ahri yahpa, muanano cahu a jirucura. A yoa mari nono yoari buhirire to cosari baharo muanopy to Pucuro tua yuhduariro pototo buhusehei dujiri jire tiro, to puhtoro jiare nono.

Cohamacu macyno anjoa bui jira

⁴ Tiro Cohamacu macyno wama tira. Ti wamare curi jire Cohamacu tirore. A wama tiro paina bui puhtoro jira. A jiro tiro anjoa yuhdoro tua yuhduaricario jira.

⁵ To yaina anjoa sehere Cohamacu ne o sehe ni yahuerari jire: "Yu macu jira mahu. Michare yu macu mu jiare masichu yoai-hca",

niri jire Cohamacu to macanore. Anjoa sehere ne o sehe ni yahuerari jire. Tinare ahri cahure ne yahuerari jire:

"To pucuro jija yuhu.

A yoa tiro yu macu jira",

niri jire Cohamacu to macanore. Anjoa sehere ne o sehe ni yahuerari jire. (A jiro to macyno tina yuhdoro tua yuhduaricario jira.)

⁶ Pa tehe to macanore wahma masa bajuarirore ahri yahpai cuno o sehe niri jire Cohamacu tirore:

"Jipihitina yu yaina anjoa na tuhcuca caha su, nono payoahca tina yu macure",

niri jire tiro.

⁷ A yoa to yaina anjoa sehere yahuro taro o sehe niri jire tiro:

"Yu yainare dahra wihnono yoaro sehe pjacu tichu yoaja yuhu.

Tina yuhure dahra cohtaina jira.

Tinare pichaca yoaro sehe pjacu tichu yoaja yuhu",

ni yahuri jire Cohamacu.

⁸ Tinare a niparota to macyno sehere o sehe niri jire:

"Mahu Cohamacu jipihitina bui puhtoro a jirucuihca.

Quihono dutiuhca mahu mu yainare.

⁹ Mahnono marieno yoare, noano yoare tuaro cahmana mahu.

A jicu naa yoare nu yabira mahu.

Mu a jirore jichu nucu yahu mu Pucu jipihitina paina yuhdoro muhare wahchechu yoahi",

niri jire Cohamacu to macanore.

¹⁰ Ahri cahure niri jire tiro to macanore "Puhtoro", ni pisuro:

"Puhtoro, wahmanopure ahri yahpare, muanano cahure bajuamehnere mahu mu basi.

¹¹ Ti jipihitia cohtota pihtia wahaahca.

Mahu sehe ne cohtotasi.

A jirucuihca mahu.

Ti jipihitia suhtiro to baa boraro seheta pihtia wahaahca.

¹² Ti jipihitia muanore ahri yahpa cahure cohtotachu yoaihcaca mahu.

Muanano suhtirore mu cohaboro seheta ti jipihitiare cohtotachu yoaihcaca mahu.

Suhtirore tjuwe na mu cohtotaro seheta ti jipihitia cohtotaahca.

Mahu sehe ne cohtotasi.

A jirucuihca mahu",

niri jire Cohamacu to macanore.

¹³ Ne anjoa sehere ahrire yahuerari jire Cohamacu:

"Yu pototo buhusehei dujiga mahu.

Puhtoro jira mahu.

A jicu muhare nu tuhtiinare doca dahre, yuhduaricabasaihtja.

Tina bui puhtoro jiihca mahu",

niri jire Cohamacu to macanore.

¹⁴ Jipihitina anjoa sehe Cohamacure dahra cohtaina jira. A jiro Cohamacu warocara tinare to yaina anjoare Cristo to yuhduchu

yoahtinare yoadoho dutiro.

2

Cohamacu yare noaa buheare marine a tuhutonocano cahmaerara

¹ A yoa Cohamacu macyno waro marine yahuriro to jichu masina to yahuaire mari tuhorige noano wacuno cahmana marine, "Tire bori", nina.

² Anjoa masare Cohamacu dutia cjrيره ti yahu cu turiariro seheta ti dutiare yuhduaca dutierari jire. A jia masa sehe anjoa ti yahurire ti yuhduacachu nono Cohamacu tinare quihono buhiri dahreri jire.

³ Anjoa ti yahurire mari yuhtiri yuhdoro Cristo sehere yuhtiro cahmana. Tiro mari puhtoro marine to yuhduchu yoahutore yahu

mæhtari jire. Æ jia tirore tæhorina sehe to yahurire marine yahu turiare marine noano masichu yoaa taa. Æ jiro tí buheare marine to yuhdæchu yoahti buheare mari ã tæhotunocachu Cohamacu tuaro marine buhiri dahrerohca. Tíre duhti masieraja mari.

4 Tí buheare tuho muhtaina painare ti buhero watoi Cohamacu sehe tí buhea quihõnota ti jichu ñono nire. To tuaa mehne ñono nire. Æ yoa payu tahari to tuaa mehne yoa ñono, tí buheare quihõno ti jichu ñono nire. Æ yoaro to yainare ti yoahtire to cahmano seheta cûri jire to buhea quihõno ti jiare ti masihti. Espiritu Santo sehe jira marine ã yoa masichu yoariro.

Jesucristo mari yoaro seheta pjacu tiriro masa bajuaha

5 Pihitiri dacho baharoi jiina Cohamacu cahai jiina michapucacã yu yahurina cjiri bui puhtoã jisi anjoa sehe. Tina anjoare puhtoã sõsi Cohamacu.

6 Wiho mejeta cãiro Cohamacure to durucurire õ sehe ni joari jire panopu:

“Masa wiho jiina ti jipachuta tinare wacûna muhu. Masare noano yoara muhu.

7 Mahaa numuricã anjoa docai masare cûri jire muhu.

Æ cûpacuta mipare tinare tuaare wacu puhtoã sõri jire muhu.

8 Mu ã sõchu ahri yahpa macaa bui jipihtia bui jira masa”,

niri jire panopu macariro Cohamacure. Æ cûno ahri yahpa macaina wahiquina jipihitina bui, jipihtia bui cûri jire Cohamacu. Masare to ã puhtoã sõpachuta jipihtina ahri yahpa macaina, ahri yahpa macaa bui jierasínica masa.

9 Æ tina bui jierasínipanahta, Jesu sehene masija mari. Mahaa numuricã anjoa docai Cohamacu to macano cûhare cûri jire, mari yaro jiborirore yariahtirore. Cohamacu marine cahíno Jesure mari yariaborirore to yariachu cahmari jire. Æ jiro to ã yariachu ñano tirore tuaare waro, puhtoro sõri jire tirore.

10 Cohamacu jipihtiare bajuamehneriro jira. Æ yoa jipihtia to ya dihta jira. Æ jiro Jesure to yaria dutichu, tiro sehe mari ñaa yoari buhirire cohãri jire. Æ cohãri jire tiro masa payu to yaina jihtinare muanopu naano taro. Jesu to ñano yuhdæchu masare yuhdæchu yoahtiro Cohamacu to waha dutiro seheta yoaro niri jire tirore. To ã yoachu pinihta noa nina. Æ jiro Jesu sehe marine yuhdæchu yoariro waro, mari puhtorota jira.

11 Jipihtina masare ti ñaa yoari buhirire Jesu, to cosawerina mehne pucu tira Cohamacure. Æ jiro mari Pucu cãirota jira.

Mari Pucu to jichu Jesu marine to yainare to cosawerinare “Yu coyea jira”, ni pisuro ne buo tierara. To ã ni pisurire musare yahuihtja.

12 Õ sehe nino niri jire tiro:

“Cohamacu, mu jia tiare yahuihtja yu coyeapare.

Jipihtina yu yaina panoi muhare ño payocu ‘Tuariro jira’, ni yahuihtja yuhu tinare”,

niri jire tiro to Pucare.

13 Ahri cûhare niri jire tiro:

“Cohamacure wacu tuaihcã yuhu”,

niri jire tiro. Ahri cûhare niri jire tiro:

“Õi jija yuhu.

Cohamacu pohna mehne õi jija.

Yuhare to cûrina yu coyea mehne õi jija’, niri jire tiro to yainare ‘Yu coyea’”, ni pisuro.

14 “Cohamacu pohna”, to niina pjacu tiina mari jichu ñano, Jesu sehe mari ya pjacu yoaro sehe jiriro tari jire. Æ jiriro tari jire tiro crusapu yariaro taro, watñore butichu yoaro taro. Tiro watño sehe yariachu yoariro jira.

15 Æ yoa watñore butichu yoaro, marine yuhdæchu yoare. Mari sehe dachoripe mari yariahtore cuimai. Æ cuiina jina pichacapu wahaborina jimai mari. Æ jiina mari jichu ñano tiro marine yuhdæchu yoare.

16 Æ yuhdæchu yoaro anjoa sehene yoadohoro taerari jire tiro. Abrahã panamanare Cohamacu yainare mari sehene yoadohoro tari jire.

17 Æ taro tiro mari coyeiro warota tari jire. Cãno potori mari yoaro sehe pjacu tiriro tari jire. Æ taro mari yuhtahtire mari ñaa yoari buhirire Cohamacure cohã dutiro taro niri jire. Æ yoaro mari sacerdotea puhtoã bui puhtoro to yoariro sehe yoaro taro niri jire. Mari yoaro sehe jiro marine noano pja ñuna. Æ yoa marine noano yoadohoro. Æ jiro tiro mari sacerdotea puhtoã ti bui puhtoro jiro nina Cohamacure dahra cohtariro jiro.

18 Tiro ñano yuhtari jire. Æ jiro watño tirore ñano yoa dutimari jire. Yoerari jire tiro. Æ ñaare yoerariro jiro, tiro sehe mari cûhare ñaare yoerachu yoa masina. Watño to ñaare to yoa dutichu ñano marine ñaare yoerachu yoa masina Jesu.

3

Jesu Moise cjiro bui jiriro jira

1 Jesu to ã jiriro jichu ñana tirore noano wacûga masa. Yu coyea Jesu yaina, Cohamacu to beseina jira masa. Tiro Jesu sehe Cohamacu to warocariro jiro mari sacerdotea puhtoã ti bui puhtoro jira. To buheare noaa buheare mari quihõno tuho,

buheja. Tiro sehe Cohamacu warocariro, mari sacerdotea bui pũhtoro to jia tiare noano wacũga musa.

² Cohamacu tirore marine to yũhdũchu yoahtere to cũchu tiro sehe to cũriro seheta yoari jire. Ne yũhdũcaerari jire. Moise cjiro cũhu Cohamacu yaina Israe masare yoadohoro ne yũhdũcaerari jire. Āta yoari jire Jesu cũhu.

³ Moise cjirore ti ño payoriro yũdoro Jesu sehere ño payoro cahmana marine. Ō sehe jira ti mari piti dahre buhechu: Wũhũre mari ño payoriro yũdoro wũhu dahreriro sehere ño payoro cahmana marine. Ā jiro Jesu sehe wũhu dahreriro yoaro sehe jiriro to jichu Moise cjirore mari ño payoriro yũdoro tiro sehere ño payoro cahmana marine.

⁴⁻⁶ Ō sehe jira ti: Mari Cristo yaina Cohamacu ya curua macaina jija. Cristo sehe wũhũre to cũboriro seheta marine to ya curua macaina cjihtire cũno nina. Masa sehe wũhũse yoaina jira. Cohamacu sehe jipihtiare yoariro jira. Moise cjiro sehe Cohamacu ya curua macainare yoadohorucuriro jiro, baharopũ Cohamacu to yahũtere yahua tiri jire masare. Cristo sehe Cohamacu macũno jiro, Cohamacu yare yoarucuriro jiro, Cohamacu ya curua macaina bui pũhtoro jira. To Ā jiriro jichu ñana Moise cjirore mari ño payoriro yũdoro Cristo sehere ño payoro cahmana marine. Ā jina mari sehe Cristore wacũ tua duhuerana, marine to yũhdũchu yoahtere Ā wahcherucuna to ya curua macaina jija mari.

Cohamacu to yainare tiro mehne ti noano sochu cahmana

⁷ Ā jina Cristore mari wacũ tua duhuerah-tore ō sehe yoaro cahmana marine. Ō sehe nina Espĩritu Santo:

“Michare yũhu Cohamacu musare yũ yahuchũ, yũhti duaeraina jiena tjiga.

⁸ Noano yũhtiga musa yũhũre. Panopũ Israe masa masa marienopũ jia, Āta yũhdũcarucure yũhũre.

Ā jina tina yoaro sehe yoaena tjiga musa yũhũre.

⁹ Tũpũre cuarenta cũhmaro waro tinare yũ tuaa mehne yoa ñomai.

Yũ Ā yoa ñopachũta tina sehe ō sehe ni tũhotua timare: ‘¿Ñaaere mari yoachũ ñũno Cohamacu marine buhiri dahrebocari?’ ni tũhotua timare.

Ā ni tũhotua ñano yoa ñua tire.

¹⁰ Ti Ā yoachũ ñũcu tina mehne suai.

Ā suacu ō sehe nii: ‘Tina yũ durucuaere tũho duaeraa, soro jia buheare Ā wacũmacarucua nina.

Ya sehere ne yũhti duaerara’, nii tinare.

¹¹ Ā jicu tina mehne suacu ō sehe ni yahui: ‘Tina yũhu mehne macaina ne jisi.

Ā jia wapũ tiro marieno jisi tina’, ni yahuri jire Cohamacu”, niri jire Espĩritu Santo sehe.

¹² Ā jina yũ coyera, noano yoaga musa, “Cohamacure cohãri”, nina. Musã ñaaere tũhotuna, Cohamacure catirore wacũ tu-aerana, tirore cohãboca musa. Ne cũiro musa mehne macariro Ā yoaero tjijaro.

¹³ Ā jina ahri sehere yoaro cahmana musare: Musa mehne macainare dachoripe Cohamacu yare musa basi cahma durucuga “Ñaaere yoari”, nina. Ñaaere yoana, “Ti mehne wahcheja” nina, mahũoere tũhotuna nija mari. Ā ni tũhotuena tjiga. Ñaaere yoaru-cuna Cohamacu ya sehere ji coeraja mari. Ā yoana ñaaere duhu duaeraja. “Ā yoari” nina, musa mehne macainare Cohamacu yare musa basi cahma durucuga. Cristo to tahto pano dachoripe tire Ā cahma durucuruga.

¹⁴ Wahmanore Cristore mari wacũ tua dũcariro seheta tũ sehetã mari wacũ tuaru-cuna, mari catiro puro to yare duhuerana, tiro mehne macaina jija.

¹⁵ Ō sehe nina Cohamacu yare ti joari pũ: “Michare yũhu Cohamacu musare yũ dutichũ noano yũhtiga musa yũhũre.

Panopũ macaina Israe masa yũ yahupachũta ño payo duaeraa, yũhũre yũhti duaerare.

Ā jina tina yoaro sehe yoaena tjiga musa, niri jire Cohamacu”,

ni joaa tiri jire panopũre.

¹⁶ Ā yoa Cohamacu to yahurire tũhomarina jipahta tina tirore yũhtierari jire. Tina jipih-tina Egiptopũ jiina Moise to na wiorina jipahta tirore ne yũhtierari jire.

¹⁷ Ā jia Ā ñano yoarucua, cuarenta cũhmaro Cohamacure suachu yoa mujaa tiri jire. Ti Ā yoari buhiri masa marienopũ yariari jire tina.

¹⁸ Tirore ti Ā yũhti duaerachũ ñũno ō sehe cua pisaro mehne niri jire tiro: “Tina yũhu mehne macaina ne jisi. Ā jia wapũ tiro marieno ne jisi tina”, niri jire tiro.

¹⁹ To Ā nichũ tũhona ahri sehere masinahca mari: Tina Cohamacure ti wacũ tuaerari buhiri tiro mehne macaina ji masierari jire.

Ā jia tiro mehne noano so masierari jire.

4

¹ Ā jiro panopũ macainare tiro mehne ti noano sohtore cahmano, tinare “Yũhu mehne wapũ tiro marieno sonahca”, ni cũri jire Cohamacu. Mari cũhũre Āta ni

cūri jire tiro. Ā jina cuaro mehne Cohamacu yehdugacaena tjijihna mari, “Cohamacu yare yoa moñori”, nina. Ā yoa moñona tiro mehne noano sosi mari.

² Panopu macaina cjiri Cohamacu yare ti tuhoriro sehta mari cahu noaa buheare tuhohi. Tina tuho muhtaina cjiri sehe tuhoa, “Cohamacu ya waro jira”, ni tuhoterari jire. Ā jia ti tuhori cjiri yaba cjihti jierari jire.

³ Mari sehe tirore wacu tuana Cohamacu mehne macaina jija. Ā jina tiro mehne noano jinocahna, tiro mehne sonahca. Wapu tiro marieno jinahca. Cohamacu to niriro sehta jira ti. Ō sehe niri jire tiro tirore yuhtieraina cjirire:

“Tina mehne suacu cuaro mehne ō sehe ni yahui: ‘Tina yuhu mehne macaina ne jisi.

Ā jia wapu tiro marieno ne jisi’, ni yahui”, niri jire Cohamacu yare ti joari pu. Ahri yahpare to yoari baharo dahra duhusiniri jire tiro. Yoari pja dahra duhuparota tina sehere tiro mehne so dutierari jire tiro.

⁴ Ahrire mari masija. Seis dachori ahri yahpare to yoari baharo to dahra duhurire yahuro ō sehe niri jire Cohamacu ya durucua re ti joari pu:

“Seis dachori baharo jipihtiare to dahraare pahono, Cohamacu dahra duhuri jire”,

niri jire to yare ti joari pu.

⁵ Ā yoa pari turi Cohamacu yare ti joari pu ō sehe ni yahura tiro mehne noano jierainare:

“Tina yuhu mehne macaina ne jisi.

Ā jia wapu tiro marieno ne jisi, niri jire Cohamacu”,

nina to yare ti joari pu.

⁶ Noaa buheare tuho muhtaina tirore ti yehdugacari buhiri tiro mehne macaina jisi tina. Ā jia tiro mehne wapu tiro marieno jisi tina. Paina sehe tiro mehne macaina jiahca. Ā jia tiro mehne wapu tiro marieno soina jiahca.

⁷ Ā jiro masare to yehdugacu yohti dachori paye dachorire cūri jire pari turi Cohamacu. Ti dachorita mipure jira. Payu cūhmari baharo Israe masa cjiri Cohamacu ti tuho muhtari baharo ti dachorire yahuri jire Davi cjiro sehe. Cohamacu tirore to yahu dutichu yahuri jire tiro. Cohamacu ya durucua ti joarire musare yu yahua dachorire ō sehe ni joari jire Davi cjiro:

“Ahri dachorire yuhu Cohamacu musare yu yahuchu yehdugacaro marieno noano yuhtiga musa yuhare”, ni joari jire panopure.

⁸ Ti pjapure Josué cjiro Israe masare Cohamacu to wari yahpai na sari jire. “Yuhu mehne wapu tiro marieno soina jiahca” nino, ti yahpai ti sohtore nino nierari jire

Cohamacu. Ti yahpai so dutiro, paye dachori to yehdugacu yohti dachorire cūeraboa tiro.

⁹ Wiho mejeta seis dachori baharo ahri yahpare to yoari baharo Cohamacu to dahra duhuriro sehta mari to yaina cahu tiro mehne wapu tiro marieno mari sohto jirohca. Tiro mehne mari noano jilto jirohca.

¹⁰ Cohamacu sehe to dahrarire duhunocasiniri jire. Tó sehta tiro mehne soina cahu mari wapu tirire duhunocanahca.

¹¹ Ā jina mari to yaina noano yoajihna. Cohamacu yare noano yuhtijihna tiro mehne mari noano sohto sehe. Panopu macaina mari coyca cjiri ti yehdugacari baharo Cohamacu mehne macaina ji masierari jire tina. Tina yoaro sehe yoena tjijihna mari.

¹² Cohamacu ya durucua marine catichu yoara. Noaa sehere marine cohtotachu yoara. Ā jia to ya durucua wiho jia jierara. Ā yoa nosari pji pu buhuseheri siori pji mehne dihirore ti yihso nu ti masiriro sehta to ya durucua cahu mari jia tiare noano masichu yoara. To durucua mari tuhochu, tíre mari buhechu mari jia tiare, mari tuhota cuhare noano masi pahochu yoara marine.

¹³ Ne Cohamacu mari jia tiare mari dohse yoarire nau masieraja mari. Jipih-tiare to bajuamehnerire, to bajuamehnerina cuhare nu na tiro. Ā jina mari yoarire tirore yahu yuhuro cahmana marine.

Jesu tuariro mari sacerdotea puhto bui puhtoro jira

¹⁴ Jesu Cohamacu macano to Pacaro cahapu tjuariro jira. Tiro tuariro mari sacerdotea puhto bui puhtoro jira. Ā jiro marine Cohamacu sini payora. To Ā jiro jichu nu na mari sehe to yare noano yuhtijihna. Tirore noano wacu tuarucujihna.

¹⁵ Tiro mari sacerdotea puhto bui puhtoro mari nano yehdugacu nano noano pja nu iriro jira. Mari naa goa pjaare masina tiro. Watino jipihtiare naare marine to yoa dutiriro sehta tiro cuhare naare yoa dutimari jire. To ā yoa dutipachuta tiro naare yoarerari jire. Ā naare to yoa dutimariro jiro, marine pja nu no tiro yoadoho masina marine.

¹⁶ Ā jina cuaro marieno Cohamacu sini jihna. Tiro marine cahna. Ā jiro tirore mari sinichu tiro sehe pja nu no, marine yoadohorohca. Watino marine to naare yoa dutichu, mari nano yehdugacu cuhare tiro marine yoadohorohca.

5

¹ Sacerdotea puhto bui puhtoro besero, masunore besera Cohamacu. Ā to beseriro jiro sacerdotea puhto bui puhtoro sehe tiro mehne macainare

yoadohoro taro, Cohamacure dahra cohtariro jira. Ā jiro ti ñaare ti yoari buhiri Cohamacure sinibasara tiro mehne macainare. Wahiquirore wajã jũ m̄ono, Cohamacure sinibasara.

² Sacerdotea puhtoa bui puhtoro paina masa yoaro sehe noano masi pahñoerariro jira. Ā masi pahñoerariro jiro paina masierainare yoadoho masina. Ā jiro noano yoeraina cãhure noano yoadoho masina.

³ Ā jia sacerdotea noano yoa pahñoeraina jia ñaa buhiri tiina jira tina cãhu. Ā jia ti basi ti ñaare ti yoari buhiri wahiquirore wajã jũ m̄uo, Cohamacure sinina. Paina masare yoadohoa taa, ti ñaa buhiri ti sinibasariro seheta ti basi ti ñaa buhiri cãhure sinina Cohamacure.

⁴ To basi to m̄u s̄uro sacerdotea puhtoa bui puhtoro sãaerara. Cohamacu sehe tirore besero, sacerdotea puhtoa bui puhtoro s̄ona. Panopu macariro Aarõ cjirore to cãuro seheta paina sacerdotea puhtoa bui puhtoro cãhure cãna tiro.

⁵ Tõ seheta Cristo cãhu to basi to m̄u s̄uro sacerdotea puhtoa bui puhtoro sãaerari jire. Cohamacu sehe tirore puhto s̄ono, õ sehe niri jire:

“Yũ macu jira m̄uhu.

Michare yũ macu m̄u jiare masichu yoai-hca”,

niri jire Cohamacu.

⁶ Pa tehe õ sehe niri jire Cohamacu Cristore: “Jipihitia dachoripe sacerdote jirucuihca m̄uhu.

Melquisede to jiroro seheta sacerdote jirucuihca m̄uhu”,

niri jire to macunore.

⁷ Cristo ahri yahpai jiro sañurucua mehne, yahco mehne Cohamacure tuaro siniri jire tiro “Yãhure masoga”, nino. Cohamacu sehe tirore yariare maso masiriro jira. To ã sinichu Cohamacu tãhori jire tirore. Cohamacu cahmaa dihtare to yoachũ ñãno Cohamacu sehe to sinirire tãhoro, tirore yãhtiri jire.

⁸ Cristo Cohamacu macano jiparota ñano yãhduri jire tiro. Ā ñano yãhduro yãhtiri jire Cohamacure. Ā yãhtiro noano yãhtiare masiri jire.

⁹ Ā ñano yãhduro, crusapu yariaro jipihitina tirore yãhtitinare yãhdũchu yoahiro wahari jire.

¹⁰ Ā jiro Cohamacu sehe tirore sacerdotea puhtoa bui puhtoro cãri jire. Ā jiro Melquisede sacerdotea puhtoro to jiroro seheta jira Cristo.

Cristo yaina tirore wacũ tua duhuchũ cua nina

¹¹ Payũ õ sehe jiare musare yahu namo duaia sã. Sã ã yahu namo duapachuta musa sehe dapu bũtiina jira. Ā jina musare sã yahuchũ mijo nina sãre.

¹² Yoari pja Cristo yaina jimana musa. Ā jina mipure painare buheinapu ji tuhsũboa musa. Musã ã jianapu jiborina jipachuta paina musa sehere buheahca tjoa. Cohamacu yare mijoera curea buhea dihtare tãhora musa. Wihãinacã pẽcho dihtare ti sihni masino seheta musa cãhu mijoera curea dihtare noano tãhora. Wahma buhe dũcaina yoaro sehe jira musa.

¹³ Pẽcho sihniina wihãinacã jisninina. Tina yoaro seheta musa cãhu jira mijo cureare tãhoerana. “Ahri ñaa jira. Ahri noaa jira”, ni bese masierara musa.

¹⁴ Chũare chũina sehe bũcũna jira. Tina yoaro sehe jiina noano tũho masiina noano buheina jira. “Ahri ñaa jira. Ahri noaa jira”, ni bese masina tina sehe.

6

¹⁻² Ā jina Cohamacu yare noano masina, noano yãhtiina jijiina. Cristo yare wahmanore mari buhe dũcana õ sehe masi dũcai: Mari m̄u s̄uro mari yoaa yaba cjihti jierara. Mari noano yoaa mehne yãhdũsi mari. Cohamacure wacũ tuaro cahmana marine. Ahrire wahmanopure buhe dũcare marine. Ā jia bautisaare, wamomacirire marine ti duhu payoare, yariaina ti masa m̄ujaare, ahri dacho to pihitiri baharo Cohamacu to buhiri dahrehtore, to buhiri dahrehtina ti ñano yãhdũrucuhto cãhure ahri cãhure wahmanopure marine buhe dũcare. Õ sehe jia buheare masi tuhsũ, paye sehere noano buhe namojihna tjoa.

³ Ā jina Cohamacu to cahmachũ ãta yoanahca mari.

⁴ Mari ã yoerana Cohamacu yare duhuboca mari. Cohamacu yare masiina jipahta tũre duhuinare ne pari turi pano ti ñaa tãhotumarire cohtotachũ yoa masierara. Tõ sehe jiina Cohamacu tinare to noano yoahore masia, Espiritu Santo to yoaa tiare mahanocã masimare.

⁵ Ā yoa Cohamacu ya durucuaire tãhoa noaa durucua ti jichũ masimare. Tuhsũ, pihitiri dacho baharopu Cohamacu to tuaa mehne mari ã jirucuhore, masare to buhiri dahrehto cãhure tina masimare.

⁶ Ā jianapure Cristo yare duhurinare pari turi ti ñaa tãhotumarire tinare cohtotachũ yoa masierara. Tõ sehe yaina Cohamacu macunore pari turi crusapu ti cãã puharo seheta tirore yoaa nina. Ti ã yoachũ ñãna paina masa Cristore bũjũpera. Ti ã yoachũ tinare ti ñaa tãhotumarire tinare cohtotachũ yoa masierara.

⁷ Õ sehe jira tí mari piti dahre buhechu: Noari yahpare pjíro coro tachú tí toaa noano du, dicha tira. Á jiro tí wese puro dichare cjuara to chuhtire. Tí yahpa Cohamacu noano to yoari yahpa jira. (Tó seheta noano yoara tiro to yaina cáhure.)

⁸ Wiho mejeta agá pota mehne, tja mehne tí yahpa diaro yaba cjihti jierara. Á jiri yahpa Cohamacu to jú coháhti yahpa jira. Á jiro tí yahpare jünocanhoca. (Tó seheta yoara tiro tirore duhuinare.)

Cristore ã ño payorucuinare yuhdúchu yoara Cohamacu

⁹ Yú cahíina, músare ã ni yahupaihta música sehere “Cristore duhuina jira”, nii nieraja. Música sehe Cristo to yuhdúchu yoaina jira. Á jina noare yoana nica música. Tíre masija yuhu.

¹⁰ Noano mari yoari wapa quihõno marine noano yoariro jira Cohamacu. Á jiro to yare música tuaro dahrari wapare bosí tiro. Tírore cahíina noano yoadohore música tírore. Paina Cristo yaina cáhure yoadohore música. Á yoa tinare yoadohosinina nica música. Á yoaina música jichú ñano bosí tiro.

¹¹ Música catisinino puro painare música cahírucuchú, música yoadohorucuchú cáhure cahmaja sã, baharopu Cohamacu yare música duhuri nina. Música ã noano yoachú ñano noano yoarohca Cohamacu músare.

¹² Á jina música capa bujuina música jichú cahmaeraja sã. Paina Cristo yaina ñano yuhdúpahta to yare ne duhuerara. Tí ã yoachú ñano Cohamacu “Músare waihtja”, to nírire tinare wa pahíonohca. Á jina música cáhú tina yoaro seheta yoarucuga.

¹³⁻¹⁴ Panopu Cohamacu Abrahã cjirore õ sehe ni cúa tiri jire: “Yú wama mehne ahrire potocã nii nija mûhãre. Mûhãre noano yoaihtja. Á yoacu mü panamana ji turiainapare payu masa jichú yoaihtja”, ni yahu cúa tiri jire Cohamacu Abrahã cjirore. Á ni yahu cüno to ya wama mehne ã ni yahuro níri jire. Pairo tiro bui jiroiro ne mariachu to ya wama mehne to basita ã ni yahua tiri jire.

¹⁵ “Mûhãre noano yoaihtja”, Cohamacu to ni cürire Abrahã cjiro sehere noano to cohtachú ñano to níro sehetá tírore noano yoaa tiri jire.

¹⁶ “Cohamacu mehne potocã nina nija”, masa sehe nia, tina tí bui jiroiro wama mehne ã ni yahua nina. “Cohamacu mehne potocã nii nija”, cüiro to nichú tãhoro tiro pairo mehne cahma sayoriro “Potocã tjira”, ninohca. Á jia cahma sayo duhua hca tina.

¹⁷ Cohamacu Abrahãre “Mûhãre noano yoaihtja”, ni cüno to ya wama mehne ã ni yahua tiri jire. To ã ni yahurire tãhona “Potocã tjira tí. Á yoa to níri ne cohtotasi” ni, masija mari. Tíre mari masihtó sehe to

ni cüri mehne “Yú wama mehne potocã nii nija”, ni yahua tiri jire Cohamacu.

¹⁸ Á jiro puaro to ni durucuri mehne potocã to nírire masichú yoari jire Cohamacu marine: To ni cüri cáhú “Yú wama mehne potocã nii nija”, to ni yahuri cáhú tí puaro mehne to ni durucurire yahua tiri jire tiro. To ni cüri cáhú, “Yú wama mehne potocã nii nija”, to ni yahuri cáhú ne cohtotaerara. Cohamacu ne mahíõerara. To ã jiroiro jichú masina, marine to yoadohore macana, tírore noano wacú tuana, wahchea mehne marine to yuhdúchu yoahore cohtanahca mari.

¹⁹⁻²⁰ Á to yuhdúchu yoahore cohtana, wacú tuaina jija mari. Á jina cuieraja. Sacerdotea puhtoa bui puhtoro Cohamacu to jiri tahtia waropu sãano, ducatarí suhtirore yuhdú sãahna. Á sãano masa ya cjihtire sini payobasara Cohamacure. To ã yoariro seheta Jesu cáhú baharo mari wahahto seheta müanopu Cohamacu cahapu waharo, mari ya cjihtire sini payobasara Cohamacure. Tõpu mari wahahto pano tiro sehe wahari jire. Á jiro jipihtia dachoripe sacerdotea puhtoa bui puhtoro jira tiro. Melquisede sacerdote to jiroiro seheta sacerdotea puhtoro jirucura tiro cáhú.

7

Melquisede sacerdote to jiroiro seheta Jesu sacerdote jira

¹ Melquisede cjiro sehe Salẽ wama tiri maca macaina bui puhtoro jia tiri jire. Sacerdote jiro Cohamacu tuarirore, müano macarirore sini payobasariro jia tiri jire. Á jiro paina puhtoare Abrahã cjiro cahma wajã yuhdúruca tuhsu, to tjua tachú waro Melquisede cjiro to ya macai jiroiro Abrahã cjirore piti bocaro sua tiri jire. Á piti bocaro tírore sini payobasaa tiri jire Cohamacure: “Noano yoaga ahrirore”, ni sini payobasaa tiri jire Cohamacure Abrahã cjirore.

² To ã piti bocahto pano Abrahã cjiro sehe tírore ñu tuhtiinare wajã tuhsu to wajãrina cjiri puhtoa yare naa tiri jire. To ã nari cjirore mahanocã waa tiri jire Melquisede cjirore. Cohamacu to dutiriro puocãta mahanocã waa tiri jire Melquisede cjirore. Melquisede cjiro to wama sehe “Bui puhtoro noano yoariro jira”, nino nina. Tiro cjiro Salẽ wama tiri maca macaina puhtoro to jichú to wama õ sehe nino nina: “Bui puhtoro noano jichú yoariro”, nino nina. “Salẽ” nino, “Noano jia”, nino nina.

³ Ne Melquisede cjiro pucúsumare, to pano ji muhtainare to coyeare ti yahu joa õri maria hna. To masa bajuarire, to yariari cáhure yahu joa õri maria hna. Á jiro ã jirucuro yoaro sehe jira tiro cjiro. To ã jiroiro

jichu Cohamacu tiro mehne marine piti dahre buhera. Cohamacu to macano to sacerdotete to jirire marine buhera. Melquisede cjiro sacerdotete ã jirucuriro yoaro sehe jira. Tiro yoaro seheta Cristo cahu sacerdotete ã jirucuriro jira.

⁴ Æ jiro Melquisede ne wiho jiriro jiera tiri jire. Abrahã mari ñuchu cjiro puhtoro waro jiparota mahanocã to tjua narire tiro sehene waa tiri jire. Mahanocã waa tiri jire Melquisedere.

⁵ Æ jia Cohamacu dutia Moise cjirore to cûri dutia jipihtina paina Israe masare tó purota wapa dutira. Æ dutiro Levi panamana ji turianare ti coyea waparire ñaha dutiro, cûa tiri jire. Levi panamana sacerdotete waha tiri jire. Æ jia Israe masa Abrahã panamana ji turiana jipahta ti sacerdoteteare wapaa tiri jire.

⁶ Melquisede sehe Levi panamino ji turiaro jieraparota wapa naa tiri jire Abrahãre. Cohamacu "Muhure noano yoaihtja", to ni cûriro jiparota Abrahã sehe Melquisedere wapaa tiri jire. Æ jiro Melquisede sehe Cohamacure Abrahãre sini payobasaro noano yoa dutia tiri jire.

⁷ Noano yoa dutiriro Melquisede cjiro sehe to noano yoa dutiriro bui Abrahã bui jira. Tiro mari noano masija.

⁸ Mari mehne macaina sacerdotete marine mahanocã wapa naina mari yoaro seheta masa jira. Æ jia yariahtinata jira tina cahu. Ahriro Melquisede sehe Abrahãre mahanocã wapa nariro cjiro ã catirucuriro yoaro sehe jira, mari piti dahre buhechu. To yariarore yahueraro, ãta nino nia tiri jire Cohamacu yare ti joari pûi.

⁹ Mipû macaina Levi panamana ji turiana sacerdotete jia, mahanocã wapa nana. Æ jiina ti jipachuta Abrahã Melquisedere mahanocã waparo jipihtina Levi panamana ji turiana ya cjihtu cãhure wabasaro sehe yoaro nia tiri jire. Æ jia tina cahu Melquisedere mahanocã wapaina yoaro sehe jira.

¹⁰ Melquisedere Abrahã to wapari pjare Levi sehe masa bajuerasinia tiri jire. Æ masa bajuerasiniparota to ñuchuno cjiro Abrahã pjacupû to jiboriro seheta Levi sehe ji tuhsuro nia tiri jire. Æ jiro Melquisede Abrahãre to piti bocachu Levi cahu to ñuchuno cjiro mehne jiro sehe jiro nia tiri jire. Æ jia Levi, to panamana ji turiana mehne Melquisedere mahanocã wapaina yoaro sehe jia, tina to docai jia nia tiri jire.

¹¹ To dutiare cûno Cohamacu Levire to coyea cãhure sacerdotete ji dutia tiri jire. Æ jia to dutia ti niriro seheta tina sacerdotete wahiquinare wajã jã muo, sinibasaa tiri jire Cohamacure masa ya cjihtire. Ti

ã yoari mehne mari yãhduna, paio sacerdotete soro sehe jiriro sacerdotete cahna namoeraboa mari. Æ jina paio sacerdotete cahmaja mari mipure, Melquisede yoaro sehe jirirore. Levi ya curua macariro Aarõ cjiro yoaro sehe jiina sacerdoteteare mipure mari cahmaeraja.

¹² Æ jina sacerdotete mari cohtotana, marine dutia cãhure cohtotaro cahmana marine. (Sacerdotete ti yoadohoa mehne mari yãhdæararo seheta ti dutia mehne mari yãhdæeraja. Æ yoana ti dutiare cohtota pahõno cahmana marine.)

¹³ Aarõ, Levi cahu ti ya curua macaina dihtare sacerdotete sãa duti muhtaa tiri jimare Cohamacu to dutiare cûno. To ã dutipachuta mipure mari puhtoro sacerdotete to sõriro pa curua macariro jira. Tí curua macariro ne sacerdotete jierasinare.

¹⁴ Tiro Cristo Juda ya curua macariro masa bajuari jire. Tiro mari noano masija. Moise cjiro sehe sacerdotete sõno, Juda ya curua macainare ne cûiro sacerdotete sõera tiri jire.

¹⁵ Ahrire masina, õ sehe mari noano masija: Mipure wahma to sõriro sacerdotete Cristo Melquisede yoaro sehe jiriro jira.

¹⁶ Panopû macaa dutia ti niriro seheta Levi ya curua macaina dihta sacerdotete sãari jire. Mipure to sõriro sacerdotete ti yoaro sehe jiriro sacerdotete sãerari jire. Tiro Cohamacu tuua mehne jipihtia dachoripe jiriro jira. Æ jiro ti tuua mehne sacerdotete sãari jire tiro.

¹⁷ Æ sehe nina Cohamacu yare ti joari pûi: "Jipihtia dachoripe sacerdotete jirucuihca muhu.

Melquisede sacerdotete to jiriro seheta sacerdotete jirucuihca muhu, nia tiri jire Cohamacu to macanore",

ni joaa tiri jire panopû.

¹⁸ To dutia to cû muhtari dutiare masa ti bihoerachu yaba cjihti jierari jire. Æ jiro ti dutiare duti namoerari jire Cohamacu.

¹⁹ Moise cjirore to cûri dutia mehne ne yãhdæarara masa. Æ jiro mipû sehene Cohamacu marine to yãhdæchu yoahtore marine cûre. To ã yoachu mipure tiro cahapû waha masija mari. Æ yoa tiro mehne durucu masija.

²⁰ Æ yoa Cristore sacerdotete sõno, "Yu wama mehne potocã nii nija", nino tirore sõri jire to Pucaro. Paina sacerdoteteare tirore to yoiriro sehe wama payo sõerari jire.

²¹ Cristo sehe Cohamacu tuaro to yahuri mehne sacerdotete sãari jire. Æ sehe nia tiri jire to Pucaro Cristore:

"Yuhu mu puhtoro yu wama mehne muhare potocã yahuihtja.

Ahrire ne duhu cûno marieno yahuja muhare.

Jipihtia dachoripe sacerdote jirucuihca mahu”, ni cūa tiri jire Cohamacu to macanore.

²² Ā “Yu wama mehne potocā nii nija”, to nino mehne cūno, wahma buheare noaa buheare marine cūno, marine to yuhduchu yoahtere cūno nia tiri jire. Panopu macaa dutia yuhdoro mari noano jihtore cūno nia tiri jire. Ā cūno Cohamacu “Musare yuhduchu yoaihtja”, to niriro seheta yoaro taro, Jesure warocari jire marine yuhduchu yoah tiro cjihtore.

²³ Ji muhtaina sacerdotea ti yariachu űna paina cohtota sāana tjoa. Ā jia tina payu sacerdotea wahara.

²⁴ Jesu sehe ā jirucura. Ā jia tirore cohtotaina mariahna sacerdotea.

²⁵ Ā jiro tiro ā jirucuro, Cohamacure ā sini payobasarucura to yaina ya cjihtire. Ā yoa Cohamacu mehne ti ā jirucuro sehe masare yuhduchu yoa masina tiro. Jipihtina tirore wacu tuaina Cohamacu cahapu wahaahca. Ā jiro Jesu jira pototi tinare yuhduchu yoariro.

²⁶ Ā jiro Jesu jira mari sacerdotea puhtoa bui puhtoro. Tiro pinihtare tuaro cahmaja mari. Ne űaa buhiri marieriro jira tiro. Masa yoaro sehe ne űaare yoaerare. Ā jiro Cohamacu tirore űaina cahai jirirore naahno, muanopu cū, jipihtina paina bui puhtoro sōri jire.

²⁷ Paina sacerdotea yoaro sehe jierara tiro. Tina sehe dachoripe wahiquinare wajā, jū muoa, Cohamacure sinia tihre. Ti basi ti űaa yoari buhirire sini muhtaa tihre. Baharo paina masa ti űaa buhiri cūhare sinibasaa tihre tina. Ā jia payu tahari tina Cohamacure sinia tihre. Jesu sehe sacerdote jiro, cū tahata to yariaa mehne siniri jire Cohamacure masa ti űaa buhirire cohāno taro. Ā yariaro to basi to pjacure to catia cūhare Cohamacure to waboriro seheta yoaro niri jire.

²⁸ Cohamacu dutia Moise cjirore to cūri cjiri sacerdotea puhtoare sāa dutira. Ā sāapahta űaa marieina jierara ā sacerdotea sāa. Tí dutia baharo jia buhea mehne Cohamacu “Yu wama mehne potocā nii nija”, to nino mehne to yahuri buhea mehne to macuno sacerdotea puhtoro sāari jire. Tiro sehe űaa marieriro ā jirucura.

8

Cohamacu “Musare yuhduchu yoaihtja”, ni cūna tjoa Moise cjirore to cūrire cohtotaro. Tíre yahubasariro jira Jesu

¹ Tí jipihtiare yahuna, ahri pinihtare musare yahuna nija: Musare sā yahuriro sacerdotea puhtoa bui puhtoro tiro pini mari yairo waro jira. Muanopu Cohamacu

tua yuhduariro to puhtoro dujira cahai to pototo buhusehei dujira Cristo mari sacerdotea puhtoro.

² Ā jiro ahri yahpa macari wuhui, masa ti yoari wuhui sacerdotea dahraare yoaerara tiro. Muanopu jiri wuhupure mari puhtoro to yoari wuhupure sacerdotea dahraare yoara tiro. Tí wuhui pinihta Cohamacu waro ya wuhui jira.

³ Jipihtina ahri yahpa macaina sacerdotea puhtoa wahiquinare wajā jū muoa, wara, Cohamacure űo payoa. Āta yoa dutia tiri jire tinare. Mari yairo sacerdote cūhare wa dutia tiri jire Cohamacure mari űo payohto sehe. Mari űaa buhirire tirore wa dutia tiri jire. Ā jiro Cristo mari űaa buhiri yariaro wahchechu yoari jire Cohamacure sacerdotea puhtoa Cohamacure waa ti wahcheriro seheta.

⁴ Mari judio masa mari dutia ti niriro seheta ahri yahpapu sacerdotea masa ti űaa buhirire wara Cohamacure sinia. Ahri yahpapu sacerdotea ji tuhsara. Ā jiro Jesu sehe mari yairo sacerdotea ahri yahpapu jisininu, sacerdote jieraboa tiro sehe.

⁵ Ahri yahpa macaina sacerdotea ti dahraare ahri yahpa macari wuhuihta dahraa. Tí wuhui Cohamacure ti űo payorire űana muano macari wuhupure tirore mari űo payohtore masi cureja. “Tí wuhui yoaro sehe jira”, nino nia tiri jire Cohamacu tūcu Moise cjirore to wuhure dahre dutiro. To ā dahrehto panocā Cohamacu ō sehe nia tiri jire tirore: “Tūcu muhare yu űoriro seheta ti wuhui to jiriro seheta yu ya wuhure quihōno dahrega”, nia tiri jire Cohamacu tirore.

⁶ Mipu sehene Jesu sacerdote jiro to dahraa paina sacerdotea ya dahraa yuhdoro jira. Wiho waro jierara. Cohamacu marine “Musare yuhduchu yoaihtja”, to ni yahuri cjiri panopu macaa dutia Moise cjirore to cūri dutia yuhdoro jira. Marine to yahuri cjiri tí dutia yuhdoro marine noano jichu yoaahca. Ā jiro marine Cohamacure yuhduchu yoabasariro jiro, Cristo sehe paina sacerdotea yuhdoro jira.

⁷ Wahmanopure to dutiri cjiri mehne mari yuhdueraja. Tí dutia mehne mari yuhduchu, paye buheare cūeraboa Cohamacu.

⁸ Wiho mejeta tí dutiare ti yoa pahño masierarire yahuro ō sehe nia tiri jire to yainare Israe masare:

“Ō sehe nina mari puhtoro: ‘Noano tuhoga. Baharopu paye buheare “Ō sehe yoadohoihtja musare”, ni yahuihtja yu yainare Israe masare, Juda ya curua macaina cūhare.

⁹ Tí buhea ti űuchusama cjirore yu yahu cūri cjiri yoaro sehe ne jisi.

Y_u basi tinare Egipto yahpai jiinare na wioç_u tinare yahumai.

Y_u ã ni yahurire yahduç_ucare tina.

Ti ã yoach_u ñuc_u tinare ã ñnocahi.

¹⁰ Æ jicu baharop_u Israe masare õ sehe ni yahuihtja: Y_u dutiare tinare wacüch_u yoaihtja.

Æ jia y_u dutiare yuhtiahca.

Æ jicu yuh_u Cohamac_u ti puhtoro, tinare ñu wihboriro jilhtja.

Tina sehe y_u yaina masa jiahca.

¹¹ Æ jia ti pjare tina mehne macainare ne tina õ sehe cahma nisi: “Mari puhtorore Cohamac_ure masiga m_usa”, ne ni cahma buhesi.

Tina jipihtina yuh_ure masi tuhsahca.

Wihãinacã, bæcuna cãh_u yuh_ure masiina dihta jiahca.

¹² Æ jicu ti ñaa yoari buhirire boihca yuh_u.

Tinare buhiri dahresi yuh_u.

Ti ñaa yoari buhirire pari turi wacüsi yuh_u’, nia tiri jire mari puhtoro”,

nina Cohamac_u yare ti joari püi.

¹³ Mip_ure marine wahma buheare cüno, panop_u macaa dutiare duhuro nire. Æ yoa muna dutia cjirire mahanocã to duhuri baharo ti dutia cjiri cohtotaa wahara.

9

Ahri yahpa macari tahtiare m_uano macari tahtia cãh_ure Cohamac_ure ño payori tahtiare yahuha

¹ Wahmanore Cohamac_u to dutiare Moise cjiroro cüno masa tireore dohse ti ño payohto cãh_ure cüa tiri jire. Æ yoa Cohamac_ure ti ño payohti wuh_u cãh_ure yoa dutiro cüa tiri jire.

² Ti wuh_u wahiçuina cahsari wuh_u jia tiri jire. P_ua tahtia cjuaa tiri jire. Pjiwacüri tahtia ti sãa s_u muhtari tahtia Cohamac_u ya tahtia wama tia tiri jire. Ti tahtiai ti sihã buhriadu jia tiri jire. Æ jiro mesa cãh_u jia tiri jire. Ti mesa bui Cohamac_ure ti wari pão pisaa tiri jire.

³ Pa tahtia suhti cahsari mehne ti ducatari tahtia jia tiri jire. Ti tahtia Cohamac_u to jiri tahtia waro wama tia tiri jire.

⁴ Ti tahtiai uru mehne ti yoari altar, ciensore ti jã m_uori altar jia tiri jire. Æ yoa uru noaa mehne ti duhu õri caro tõi coãa tiri jire. Ti caro puhichap_u uru wahwa manã wama tia ch_ua p_usa tiri wahwa jia tiri jire. Æ jiro ti caro puhichap_u Aarõ to tjuadu cjiro püri tidu jia tiri jire. Æ yoa p_ua pjĩ tãa pjĩni Cohamac_u to dutiare to joa õa pjĩni cãh_u ti caro puhichap_u sãa tiri jire.

⁵ Ti caro bui p_usaro anjoa masu jia tiri jire. Ti masu Cohamac_u to si siteare, ti tahtiai to jiare ñoa nia tiri jire. Ti caro mohano bui ti w_ua dup_uri mehne mohaa tiri jire. Ti caro mohano bui masa ñaa buhirire ti

warire wajã site payoa tia tiri jire sacerdotea puhtoro. Tõ purota yahuihtja ahri wuh_u macaare mip_ure.

⁶ Æ yoa ti wuh_ure ti noano cahnoru baharo sacerdotea dachoripe ti sãa s_u muhtari tahtiai sãa s_u, ti dahraare yoa tia tiri jire.

⁷ Sacerdotea puhtoa bui puhtoro dihta pa tahtiap_u sãa tiri jire. Cuhmaripe cü tahata to sãari dacho baroihta sãa tiri jire tiro. Æ sãano ti wajãriro wahiçuro ti waroro dire na sãano, Cohamac_ure ño payoa tiri jire. Di marieno ne sãaera tiri jire. To basi wacüenoca to yoari buhirire, to ñaa buhirire, jipihtina paina Israe masa wacüenoca ti yoari buhirire, ti ñaa buhirire dire na sãa tiri jire tiro Cohamac_ure sini payoro taro.

⁸ Jipihtia ahri mehne Espiritu Santo õ sehe ni marine buhero nina: Ti wuh_ui Moise cjiroro to cüri wuh_ui mari ño payosinina, to cüri dutiare yoahntina jisnina, wiho jina Cohamac_ure ño payona wahaeraboa mari. Sacerdotea puhtoa bui puhtoro dihta Cohamac_u to jiri tahtia warop_u sãa masina. Æ jina wiho jina ti ño payoa wahaeraro seheta ãta jiboa mari cãh_u Moise cjiroro to cüri dutiare cjuasinina.

⁹ Ahri jipihtiare Cohamac_ure ño payori wuh_up_ure jiare marine cüno, marine mip_u macainare buhero niri jire Cohamac_u. Wahiçuinare wajã jü m_uoa, masa Cohamac_ure ti ño payori mehne ne Cohamac_u cahap_u wahasi. Ti ã yoari mehne ti ñaa yoari buhirire cosawerara.

¹⁰ Æ wahiçuinare waa, ti ch_ua, ti sihnia, ti pjac_u cosaa, ti õ sehe yoa mehne Cohamac_ure ño payoa timari jire. Ahri ti ã yoari wiho warota jira mip_ure. Æ yoa ti dutia Moise cjiroro to cüri dutia marine noaina wahach_u yoaerari jire. Ti dutiare yoapanahnta m_unanota jirucunocaja mari. Mari tuhotuare cohtotaeraja mari. Æ jia wahma buheare Cohamac_u to cüri baharo muna dutia sehe yaba cjihti jierara.

¹¹ Cristo sehe mari sacerdotea puhtoro jiro ta tuhsari jire. Æ jiro marine noaare cü tuhsari jire. Cohamac_ure ño payori wuh_u m_uanop_u sacerdotea puhtoro to dahrari wuh_u paina sacerdotea ti dahraa wuh_use yuhdoro noari wuh_u jira. M_uano macari wuh_u jira. Ti wuh_u ahri yahpa macari wuh_u jierara. Æ yoa masa ti yoari wuh_u jierara.

¹² Cristo m_uanop_u Cohamac_u to jiro warop_u cü tahata sãari jire mari ñaaere yoari buhirire Cohamac_ure waro sehe yoaro taro. Tõp_u m_uanop_u õp_u to jiri tahtia waro yoaro sehe jira mari piti dahre buhech_u. Æ yoaro cabritoa dire, wach_uacã dire na sãa, waerari jire tiro. Tiro sehe to ya di warore Cohamac_ure to waro sehe yoaro niri jire yariaro. Jipihtia dachoripe Cohamac_u

mehne mari jirucuhto sehe to dire cohāri jire. Mari űaa buhirire yariari jire.

¹³ “Yariainare pihana m̄asa p̄jac̄u wete tiina jira”, ni c̄ua tiri jire Cohamac̄u Moise c̄jirore. T̄o sehe jia űaare wete tiare co-sawea tiri jire cabritoa dire ti wari mehne. Wach̄ua dire ti wari mehne, wach̄uac̄are ti j̄ari nitine ti wari mehne t̄o sehe jia űaare cosawea tiri jire.

¹⁴ T̄o sehe jia űaare wahīquina dire ti wari mehne, nitine ti wari mehne ti cosaweriro seheta t̄i ȳhdoro Cristo sehe to dire to cohāno mehne mari űaare yoirare noano cosawe pah̄onocahna. Tiro űaa marieriro jiro, crusap̄u yariaro to basita to p̄jac̄u to catia mehne Cohamac̄ure waro sehe yoari jire. Esp̄iritu Santo ā jirucuriro to yoadohoa mehne ā yoari jire tiro. Ā yoa mari űaa yoari buhirire Cristo to cosawech̄u űano mari űaa buhirire Cohamac̄u bonocahno, mari űaa yoirare duhuch̄u yoara. T̄i űaa buhirire c̄juasinina pichac̄ap̄u wahahtina jimai mari. To cosawerina jina, Cohamac̄u catiriro yare yoina jija mari.

¹⁵ Ā jiro “Ō sehe m̄sare ȳhd̄uch̄u yoaihtja”, masare Cohamac̄u to ni yahu c̄uch̄u Cristo sehe to yahure yahubasariro jira. Ā yahubasara tiro Cohamac̄u to beserinare ȳhd̄uch̄u yoaro taro. To ā ȳhd̄uch̄u yoach̄u j̄ip̄htia dachoripe tiro mehne jirucunahca mari to yaina. Ā jina mari to yainare Cohamac̄u to wahtire c̄juanahca mari. Moise c̄jirore to c̄uri dutia dihta jich̄u masa ti űaa buhiri jisinia tiri jire. Ā yoa crusap̄u yariaro t̄i p̄jata ti űaa yoari buhirire ȳhd̄uch̄u yoari jire tiro to yainare.

¹⁶⁻¹⁷ Masano baharo to coeyare to wahtire joa ōyura papera p̄ui. To wahtire yahuro taro joa ōyura. T̄i p̄ure joa ōyuriro to yari-aerasinich̄u t̄i p̄u yaba c̄jihti jierara. To coyea to c̄juarire na masierasininina. Wiho mejeta, to yariach̄u űaa t̄i p̄ui to ni joariro seheta to yare naahca tina.

¹⁸ To yariahto pano t̄i p̄u to yaba c̄jihti jieraro seheta yariaro marieno di wijaro marieno Cohamac̄u Moise c̄jirore to c̄uri dutia c̄uh̄u ne yaba c̄jihti jieraboa. Ā jiro wahīquiro dire sacerdote to waj̄a siteri baharo to dutiare quih̄nota yoaro nia tiri jire.

¹⁹ Ā yoaro ō sehe yoa m̄htaa tiri jire Moise c̄jiro: Cohamac̄u to c̄uri dutiare masare yahu pah̄noa tiri jire. Baharo wach̄uac̄ dire, cabritoa dire co mehne morea tiri jire. Tuhs̄u, hisopo wama tid̄u d̄ap̄u mehne oveja p̄joiari soh̄a mehne ti űimiori p̄joiarire tor̄ea tiri jire. T̄i d̄ap̄u mehne dire soharo, Cohamac̄u dutiare to joari t̄ju bui waj̄a site payoa tiri jire. J̄ip̄htina masa bui c̄uh̄ure waj̄a site payoa tiri jire.

²⁰ Ā yoaro ō sehe nia tiri jire tiro: “Cohamac̄u marine to yahuri c̄jiri to dutiri c̄jiri ahri di mehne ti potoc̄a jich̄u masija mari. Ahri dire űana to niriro seheta marine to yoah̄tire masija mari. T̄i dutiri c̄jirire ȳhti dutiri jire tiro marine”, nia tiri jire Moise c̄jiro.

²¹ Ā yoaro masare to yoiriro seheta Cohamac̄ure ti űo payori w̄uh̄u wahīquina cahsari w̄uh̄ure, j̄ip̄htia t̄i w̄uh̄u jia c̄uh̄ure waj̄a sitea tiri jire.

²² Ā t̄jira. To dutia ti niriro seheta payu űaare di cohāno mehne cosawero cahmana. Mahanoc̄a duhsaa űaare paye baro mehne ti cosawech̄u noana. Ā jiro Cohamac̄u mari űaa yoari buhirire ne bosu to di coh̄erach̄u.

Cristo to dire cohāno, to yaina ti űaa yoari buhirire cosaweha

²³ T̄i j̄ip̄htia Cohamac̄ure ti űo payori w̄uh̄u, t̄i w̄uh̄u jia c̄uh̄u m̄ano macari w̄uh̄u jia yoaro seheta jiri jire mari piti dahre buhech̄u. M̄ano macari w̄uh̄u sehe potoc̄a Cohamac̄u ya w̄uh̄u waro jira. Ā jia ahri yahpa macari w̄uh̄ure, t̄i w̄uh̄u jia c̄uh̄ure wahīquina dire to waj̄a siteri mehne cosawero cahmari jire. T̄i ȳhdoro m̄anop̄u wahahtinare ti űaa buhiri c̄juainare cosawero cahmana. Ā jiro wahīquina ȳhdoro jiriro ya di to cohāno mehne tinare ti űaa yoari buhirire cosawero cahmana.

²⁴ Ā yoa Cohamac̄ure ti űo payori w̄uh̄u masa ti yoari w̄uh̄u jira. M̄ano macari w̄uh̄u yoaro seheta jira t̄i w̄uh̄u c̄uh̄u, mari piti dahre buhech̄u. Ā jiro Cristo sacerdote jiro marine sini payobasaro taro ahri yahpa macari w̄uh̄ure s̄aerari jire. Potota m̄anop̄u wahari jire tiro Cohamac̄u panoi marine sini payobasaro taro.

²⁵ Mari judio masa mari sacerdotea p̄htoa bui p̄htoro c̄uh̄maripe Cohamac̄u to jiri tahtia warop̄u s̄aa tiri jire wahīquina dire waro taro. Cristo sehe to dire Cohamac̄ure waro sehe yoaro taro, yariaro payu tahari s̄aerari jire.

²⁶ Payu tahari yariariro jiro, ahri yahpa to jiro puro payu tahari yariaboa tiro. Payu tahari tiro mari űaa buhirire yariarucuriro jiboa. Wiho mejeta pihtiri dacho panoc̄a m̄ip̄ure marine j̄ip̄htinare ȳhd̄uch̄u yoaro taro c̄u tahata bajuari jire tiro ahri yahpai. Ā bajuari jire to yariaa mehne mari űaa buhirire cohāno taro.

²⁷ J̄ip̄htina masa c̄u tahata yariaahca. T̄i ā yariari baharo masa noinare, űaina c̄uh̄ure beserohca Cohamac̄u.

²⁸ C̄u tahata mari yariaro seheta Cristo c̄uh̄u c̄u tahata yariari jire payu masa ti űaa yoari buhirire cohāno taro. Baharo pari turi tarohca. Mari űaa yoari buhirire coh̄

tuhsæriropu jirohca. Æ jiro pari turi mari ñaa yoari buhirire cohãno taro nisi. Æ taro tirore cohtainare wahchea mehne tirore ñu duainare yuhduchu yoaro tarohca.

10

¹ Cohamacu to dutia Moise cjirore to cûri cjiri noaa buhea yoaro seheta jipahta, cãno potori jierara. Ti dutia ti yoa dutiriro seheta cahmaripe wahiquinare wajã, jũ muo, Cohamacure ño payorucura. Ti ã yoaa mehne masa ti ñaa yoari buhirire cohæerara.

² Ti mehne ti ñaa yoari buhirire cohãa, cû tahata Cohamacu ti ño payori baharo “Mipure ñaa buhiri mariahna sãre”, ni tãhotuboa masa. Æ jia pari turi wahiquinare wajã jũ muo Cohamacure ño payoeraboa. Ti ã yoarise duhunocaboa.

³ Cahmaripe wahiquinare wajã jũ muo, Cohamacure ti ño payochu ti tinare ti ñaa yoari buhirire wacûchu yoara. Tô purocãta yoadoho duara ti tinare.

⁴ Wachua di mehne mari ño payori mehne, cabritoa di mehne mari ño payori mehne ne mari ñaa yoari buhirire cohæerara.

⁵ Ti potocãta jira. Ti ã jichu ñano Cristo ahri yahpãre to tahto pano õ sehe nia tiri jire Cohamacure:

“Wahiquinare jũ muo ti wachu, trigo pohcare ti wachu cãhure muhu ñucu ñu ji coaerara muhu.

Æ jicu yu pjacure yoare muhu yu ya pjaca cjihtore.

⁶ Ñaa yoari buhirire ti cohãhtore wahiquinare wajã ti jũ muochu ñucu ñu ji coaerara muhu.

⁷ Mu ã ñu ji coaerachu ñucu õ sehe nihi muhure:

“Õi jija. Mu cahmano seheta yahpãre yoai wahaihtja.

Æta yuhure ni yahura mu ya tjupũ, nihi yuhũ”,

nia tiri jire Cristo to Pucãrore.

⁸ “Wahiquinare jũ muo ti wachu ñucu, trigo pohcare ti wachu cãhure ñucu ñu ji coaerara muhu”, ni yahu mahtaa tiri jire tiro. Wahmanopure to dutia wahiquinare, trigo pohca cãhure ti waa mehne ti ño payo dutipachuta ã nia tiri jire tiro.

⁹ Æ ni tuhsu õ sehe ni namoa tiri jire: “Õi jija. Mu cahmano seheta yahpãre yoai wahaihtja”, nia tiri jire. To ã nichu õ sehe masija mari. Panopu wahiquinare wajã jũ muoa mehne ti ño payori cjirire duhuchu yoaro paye buhea sehere cûno niri jire Cohamacu. Æ cûno mipure Cristo to yariaro mehne masare yuhduchu yoarohca Cohamacu.

¹⁰ Jesucristo to pjacure waro, yariaro, jipihitina mari to yainare mari ñaa buhirire cohãri jire. Cû tahata to pjacure wari jire

mari ñaa yoari buhirire cohãno taro. Æ yoaro Cohamacu to cahmano seheta yoaro niri jire.

¹¹ Jipihitina mari judio masa mari yaina sacerdotea dachoripe Cohamacure ño payori wãhi dahrarucura. Æ dahrarucua dachoripe mananota wahiquinare wajã, jũ muo, Cohamacure sinirucura. Ti ã wajã jũ muopachuta ti mari ñano yoari buhirire ne cohæerara.

¹² Cristo sehe cû tahata mari ñaa yoari buhirire yariaro, mari ñaa yoari buhirire noano cohã pahñonocari jire. Tire cohã tuhsu wahaah wahari jire to Pucãro cahapu to poto buhusehei dujiro waharo. Puhtoro jiro tãpu dujira.

¹³ Tãpu dujiro cohtarõ nina. Tirore ñu tuhtinare Cohamacu sehe to yuhduwacabasahtore cohtarõ nina Cristo.

¹⁴ Æ jiro cû tahata to yariaro mehne ti ñaa yoari buhirire to cohãbasarinare ñaa buhiri marieina ti ã jirucuchu yoara tiro.

¹⁵ Ti potocã tjira. Æta ni yahura Espiritu Santo marine. Õ sehe ni yahura tiro:

¹⁶ “Õ sehe nina Cohamacu: “Baharopure õ sehe ni yahuihtja Israe masare, “Yu dutiare ti wacũapu cũihtja””, ni yahuihtja”,

nina tiro.

¹⁷ Õ sehe ni namona Cohamacu:

“ Ti ñaa yoari buhirire yu dutiare ti yuhduwacari cãhure pari turi wacũ namosi yuhũ”, nina tiro”,

ni yahura Espiritu Santo.

¹⁸ Mari ñaa yoari buhirire to ã bochu pari turi mari ñaa yoari buhiri yariahtirore cahmaeraja mari.

Cohamacu cahai sãna cuiro marieno tiro mehne mari durucuboriro seheta tiro mehne durucu masija mipure

¹⁹ Æ jina yu coyera Cristo to yariaro mehne to di cohãno mehne mipure mari cãhu cuiro marieno Cohamacu to jiri tahtia waropu sãana, tiro mehne durucu masija. Æ yoana tirore sini masija.

²⁰ Mari catirucuhito cjihtore Cohamacu marine ã coã yoaro niri jire. Cristo sehe mari ñaa yoari buhirire yariaro to di cohãri mehne Cohamacu mehne durucu masija mari. Sacerdotea puhtoa bui puhtoro ti tahtiapu to sãariro seheta Cristo sehe Cohamacu cahapu sãri jire mari ñaa yoari buhirire bo dutiro waharo. Ti tahtia macari suhtirore ducatarì suhtirore to tãhrẽ cohãboro seheta Cristo to pjacure cohãri jire Cohamacu mehne mari jirucuhito sehe.

²¹ Æ jiro Cohamacu ya wãhi dahrariro mari Yairo Sacerdote tua yuhduariro jira tiro.

²² Ā jina Cohamacure sinijihna mahñono marieno. Tireno noano wacū tuaa mehne, cuiro marieno tireno sinijihna. Cristo mari ñaa yoari buhirire to cosaweinapu jija. Ā jina “Buhiri tiina jija mari”, ni tūhotuina jieraja mari. Ā yoa wete mariea co mehne mari cosawero seheta Cristo to cosaweinapu jija. Ā jiina jina Cohamacure sinijihna.

²³ “Musare yūhdūchu yoaihtja”, to niriro seheta yoarohca. Ā jina tiro marine to yūhdūchu yoahtore noano masija mari. Tīre masina, ne boena tjijihna. Cohamacure ā wacū tuarucujihna.

²⁴ Mari mehne macainare cahīna, tinare yoadohojihna mari jipihtina mari cahma cahī yoadohohto sehe.

²⁵ Ā jina noano cahmachurucujihna Cohamacu yare yoana tana. Paina sehe ti cahmachumarire duhua nina. Tina yoaro sehe yoarena tjijihna. Mari mehne macainare wahchechu yoajihna. Ahri yahpapure mari puhtoro to tahto mahanocā duhsara. Tīre masina tuaro wahchechu yoajihna mari mehne macainare Jesu yainare.

²⁶ Potocā jia buheare noaa buheare mari masipanahta ñaare mari pari turi ā yorucuchū mari ñaa yoari buhirire cosawe namohto basioerara.

²⁷ Ā jiro tō sehe yoinare cua nina. Jipihtina tireno ñu tuhtiinare buhiri dahrero, tuaro jūnoi cohānohca Cohamacu tinare. Ā jia to buhiri dahretore cuiina dihta jimana tireno duhuina.

²⁸ Cohamacu dutia Moise cjirore to cūri cjirore yūhdūrcainare buhiri dahrea, mari coyera judio masa wajāna tinare. Ne pja ñūno marieno wajāna tinare. Tiaro ti yahusāchu tūhoro beseriro ti yūhdūrcarire masino tinare buhiri dahre dutira. Tiaro mariachu pūaro ti yahusāchu tinare buhiri dahre dutira. To ā dutichū tinare wajāna.

²⁹ Tī yūhdoro Cohamacu macūnore ñu yabiina to buhiri dahretina jiaha. Cohamacu Cristo to di cohāno mehne mari ñaa yoari buhirire cohāna. To ā cohāhtore yahuri jire tiro marine. Ā jia tina ti ñaa yoari buhirire cohāna jipahta baharo pari turi ñaare yorucua ti ñaa yoari buhirire to cohārire to di cūhure “Wiho waro jira”, nia nina. Ā niina, to buhiri dahretina waro jia niaha. Ā niina Espiritu Santore ñano ni durucuina jira. Tiro tinare cahīro jira. Ti ā ñano durucuchū ñano tuaro buhiri dahrerohca Cohamacu tinare.

³⁰ Ahrire mari noano masija. Cohamacu to basita ō sehe nia tiri jire: “Yūhu jija buhiri dahretiro. Ti ñaare yoari buhiri buhiri dahreihtja yūhu”, nia tiri jire tiro. Ō sehe ni namoa tiri jire: “Yūhu ñano yoinare yū yainare buhiri dahreihtja”, nia tiri jire tiro.

³¹ Cohamacu catiriro marine to buhiri dahrechū cua yūhdūara.

³² Panopu masa jirire wacūga masa. Tī pjare Cohamacu yare wahma masi dūcana payu tahari ñano yūhdūpanahta to yare duhuerare masa.

³³ Cāa tahari masa ti ñūrocaroi paina musare ñano ni, ñano yoapere musare. Paina Jesu yainare ti ñano yoachū ñūna, tinare pja ñu, tinare piti tire.

³⁴ Tī peresu yoinare pja ñūre masa. Tuhsu, masa yare ti mapachata wahchea mehne, “Noanohca”, nire masa. Ahri yahpa macaa yūhdoro noaare cjuara masa mūanopu. Tī noaa ā jirucuahca. Tīre masina, masa cjuare ti machū cahyaerare masa.

³⁵ Ā jina cuiena tjiga. Cohamacure ā wacū tuarucuga. Masa ā yoachū ñūno tiro noano yoarohca musare.

³⁶ Cohamacu “Musare ō sehe yoadohoihtja”, to ni cūrire noano cohtaga masa ñano yūhdūpanahta. Ā cohtaina jina to cahmaare yoanahca masa. Ā yoana to ni cūrire cjuanahca.

³⁷ Ō sehe nina Cohamacu yare ti joari pūi: “Mahanocā duhsara Cristo to wihito.

Ā taro dōi wihi bahrañonohca.

³⁸ Yū yaina noaina sehe yūhure wacū tuarucuahca.

Ā yoa yaina jirucuahca.

Yūhu mehne ā jirucuahca.

Yū yare cohāna sehene ñu yabija yūhu”, nia tiri jire to ya durucua ti joari pūi.

³⁹ Mari sehe Cohamacu yare cohāna jieraja mari. Ā jina pichacapu wahahtina jieraja mari. Cohamacure wacū tuaja mari. Ā jina to yūhdūchu yoina jija.

11

Wacū tuare yahuha

¹ Ō sehe jira wacū tuaa: Cohamacure wacū tuana, marine to noano yoahtore noano masija mari. Cohamacu to niriro seheta to yoaerasinipachata to yahuare “Potocā tjira”, ni tūhotuja mari tireno wacū tuana. Tireno ñuerapanahca, tireno wacū tuana, “Potocā tjira”, ni tūhotuja mari to yahuare tūhona.

² Panopu macaina Cohamacure ti wacū tuachu ñūno ñu ji coaa tiri jire tiro sehe.

³ Cohamacu to durucua mehne jipihtiare bajuamehnea tiri jire. Ā jiro tiro mari ñuerari mehne jipihtia mari mipu ñūare bajuamehnea tiri jire. Tīre mari noano masija Cohamacure wacū tuana pinihca.

⁴ Cohamacure wacū tuaro Abe sehe corderore wajā, jū mūo, Cohamacure ño payoro “Noana”, nia tiri jire. To wahmino Caī yūhdoro noanore waro, ño payoa tiri

jire tiro Cohamacure. Ā jiro Cohamacu to warire wahchea tiri jire. Ā wahchero “Noariro jira”, ni ñua tiri jire tiro Abere. Ā Cohamacure to wacū tuachu ñua mari tirore ñu cūja. To yariari baharo jipachuta to wacū tuarire ñu cūja mari.

⁵Enoco Cohamacure to wacū tuachu ñuno wahchea tiri jire Cohamacu. Ā wahchero tirore to cahapu na m̄uo tiri jire. Āta nina Cohamacu yare ti joari p̄ui. To na m̄ori baharo ne masa tirore boacaera tiri jire. To na m̄oriro jiro ne yariaera tiri jire.

⁶Cohamacure wacū tuaerana, tirore wahchechu yoa masieraja mari. Cohamacure wacū tuaerana, tirore ño payo masieraja mari. “Potocāta tiro Cohamacu warota jira. Ā jiro tirore mari ño payochu marine noano yoara tiro”, mari ni tuhotuerana tirore sini masieraja mari.

⁷Noé Cohamacure wacū tuaro, tirore to yahurire noano yuhtia tiri jire. Baharopu ti ñano wahahtore to yahuchu tuhoro noano yuhtia tiri jire tiro. Ā yuhtiro, pjiria dohoriare yoaa tiri jire. Ā yoa tia dohoria mehne tiro to coyea mehne dia mininore yuhdua tiri jire. Ā wacū tuariro jiro ahri yahpa macaina ñaina ti wacū tuaerarire ti pichacapu ti wahahto cāhure ñono nia tiri jire. Ā jiro to wacū tuachu ñuno “Noariro jira”, ni ñua tiri jire Cohamacu tirore.

⁸Abrahā cjiro cāhu Cohamacure wacū tuaro tirore yuhtia tiri jire. Pa dihtapure tirore to wahti dihtapure Cohamacu to waha dutichu tuhoro Abrahā yuhtia tiri jire. To ya dihtai jiro wjaa waharo, to masierari dihtapu s̄ua tiri jire.

⁹“Ahri dihtare m̄uhure waihtja”, Cohamacu to nichu tuhoro tirore wacū tuaro ti dihtaihta tjuaa tiri jire tiro. Tóí jiro pa dihta macariro jiparota tóíhta tjuanocaa tiri jire. Tirore, to macuno Isaa cāhure to panamino Jacobo cāhure tina cāñare “Ahri dihtare musare waihtja”, ni yahua tiri jire Cohamacu sehe. Ā jia tina ti dihtai jia, wahuquina cāhsari wuhusei jia tiri jire munano jieraina jia.

¹⁰Tóí jisinia tiri jire Abrahā Cohamacu mehne to jiltore cohtaro. Pa macapu Cohamacu to jiri macapu m̄uanopu to wahahtore cohtaro nia tiri jire tiro. Tí macare dahrea tiri jire Cohamacu. Ā jiro tí maca ne pihtisi.

¹¹Cohamacure wacū tuaro Abrahā cjiro bucuro waro jiparota, to namono Sara mehne pohna tia tiri jire. To namono pohna marienicoro to jipachuta, “To niriro seheta yoarohca”, Cohamacure nino, tirore wacū tuaro pohna tia tiri jire Abrahā.

¹²Ā jiro Abrahā bucuro waro jiparota pohna tia tiri jire. Ā jia to panamana ji turi-

ainapu payu wahanocari jire. Ñahpichoha perire, padu pohcaricā cāhure mari quihōna bihoeraro seheta to panamana ji turiaina cāhure quihōna bihoeraja mari.

¹³Jipihina ahrina yu yahuina cjiropu Cohamacure wacū tua tuhsuinapu yariaa tiri jire. Cohamacu tinare “Musare waihtja”, to ni quihō cūrirore s̄uerahahta yariaa tiri jire. Tíre ñahaerapahta Cohamacu to niriro seheta yoari p̄ja baharopu ti cjuahitre masia tiri jire. Ā jia ō sehe nia tiri jire tina: “Ahri yahpai tiniina jija. Pa yahpa macaina jija”, nia tiri jire tina.

¹⁴Tó sehe niina pa yahpare ti ya yahpa cjihtore cohtaa nina. Tíre mari noano masija.

¹⁵“Pa yahpa macaina jira”, nicu panopu ti cohāri yahpare nicu nieraja. Pa yahparu ti ji muhtari yahparu waha duaa, wahaboa.

¹⁶Noa yuhduari yahpa sehere cahmaa nia tiri jire. Tí yahpa m̄uanopu jira. Tí ā cahmachu ñuno “Cohamacu s̄a puhtoro jira”, ti nichu tuhoro buo tierara Cohamacu. Tí ya maca cjihtore dahrebasa tuhsua tiri jire tiro.

¹⁷⁻¹⁸Cohamacu Abrahāre to macunore Isaare wajā jū m̄uo dutia tiri jire. Tirore ñu duaro ā dutia tiri jire, “¿Potocāta yuhure wacū tuajiri?” nino. Cohamacure wacū tuaro to niriro seheta yoaa tiri jimare Abrahā. “M̄u macu Isaa mehne m̄u panamana ji turiainare payu cjuaihc̄a muhu”, Cohamacu to niriro jipachuta to macunore wajāno taro nia tiri jimare Cohamacure ño payoro taro.

¹⁹“Yu macu Isaare yu wajāchu Cohamacu tirore masonohca”, ni tuhoturo tirore wajāno taro nia tiri jimare. Ā niriro jiparota Cohamacu tirore ducata, wajā dutiera tiri jire. To p̄ucuro to ā wajāboriro jiro, masariro yoaro sehe jia tiri jire Isaa, Abrahā to ñuchu. Ā jiro Abrahā tirore catirirore pari turi cjuaa tiri jire.

²⁰Isaa Cohamacure wacū tuaro, to pohñare Jacobore, Esaú cāhure “Baharopu Cohamacu musare pjiro noano yoarohca”, nia tiri jire.

²¹Cohamacure wacū tuaro Jacobo to yari-ahto panocā José pohñare, m̄uare “Cohamacu musare pjiro noano yoarohca”, nia tiri jire Jacobo. Na tuhcuca caha s̄u, to tjuadu mehne tjuā ñaha caha s̄u, Cohamacure ño payoro, “Cohamacu musare noano yoarohca”, ni cūa tiri jire.

²²Cohamacure wacū tuaro José to yari-ahto panocā Israe masa Egiptoi jiina ti wi-jaahore yahuyua tiri jire. Ā ti wijaahore masiyuro to yariari baharo to pjacu cjirore naa dutia tiri jire to pohñare.

²³Cohamacure wacū tuua, Moisecāre tia s̄u waro n̄uo cjuaa tiri jire to p̄ucus̄uma, to masa bajuari baharo. Noarirocā to jichu ñua tirocāre m̄uo tiri jire. Tí yahpa macaina

bui puhtoro ti pohmare to wajā dutirote yuhduḡcanocaa tiri jire tina. Tirore cuiera tiri jire.

²⁴ Moise cjirore buḡcoricoro Egipto yahpa macaina bui puhtoro macono jia tiri jire. Ā to buḡcorio jiro Cohamacu wacu tuaro “Ticoro macano”, tirore ti ni pisuchu cahmaera tiri jire Moise.

²⁵ Cohamacu yuhduḡcariro jiro tirore buḡcoricoro caharu mahaa numaricā noano jiboa. Ā jiboriro jiparota ti yuhdoro tiro Cohamacu yaina mehne nāno yuhdu duaa tiri jire.

²⁶ Ā nāno yuhduro Cristore ti bujupehto seheta ti bujuperiro jia tiri jire. Baharopu to noano yoari wapa Cohamacu tirore to noano yoahore masino nāno yuhdu duaa tiri jire Cristo to nāno yuhduhto seheta. Jipihitina Egipto macaina ti noaare ti cjuaro yuhdoro tiro Cohamacu sehene tuaro cahmaa tiri jire. Nāno yuhduparota, Cohamacu cahmaa tiri jire.

²⁷ Cohamacu wacu tuaro, Egipto macaina bui puhtoro tiro mehne to suachu cuieraa tiri jire Moise. Ā cuierarō tī yahpai jiriro tī yahpare cohā wahcāa wahaa tiri jire. Ā waharo Cohamacu bajuerarirore to űboriro seheta cuierarō jia tiri jire. Cohamacu tirore to yoa dutirine ne duhuera tiri jire Moise cjiro.

²⁸ Cohamacu wacu tuaro Moise cjiro Israe masare Cohamacu to yuhduchu yoahore masia tiri jire. Ā masino Cohamacu to dutiriro seheta Israe masa ti sopacarire ōa pĵinine di mehne wajā site dutia tiri jire tiro. Ti ā yoachu nāno anjo masare wajāro ti masa wahmisumare wajāboriro Israe masa ti wahmisumare wajāera tiri jire.

²⁹ Cohamacu wacu tuaa, Israe masa “Sohāri ma”, ti niri mapu co watoi jiri wahsai co marieni wahsai wahaa wahaa tiri jire. Ti ā wahachu nāno Egipto macaina cāhu tinare nū cū, nūnū ti wahcāmaa, mini yariaa wahaa tiri jire.

³⁰ Cohamacu wacu tuaa Israe masa Jericó wama tiri maca macari sahrīno tāa mehne ti yoari sahrīno sē butiri sahrīno baharo buhusehei soroa majarea tiri jire. Siete dachori waro ti macare soroa tinia tiri jire. Tōpe dachori ti soroa tiniri baharo ti sahrīno sehene bora pihitia wahaa tiri jire.

³¹ Cohamacu wacu tuaro tō pano mēa mehne nāno yoarucuricoro cjiro Rahab wama tiricoro, tī maca macaricoro Israe masare yoadohoa tiri jire. Ti macare ti cohāhto pano mahinacā Israe masa tōpu sāa ti duhti űchu ticoro tinare yoadohoa tiri jire. To ā yoadohochu nāno Israe masa wajāera tiri jire ticorore. Tī maca macainare Cohamacu yuhduḡcainare wajāpahta ticoro sehene wajāera tiri jire.

³² Painare Cohamacu wacu tuainare yahu namoboa yuhū. Ā yahu duapaihta payare ā Cohamacu wacu tuainare yahu joa pahūo masieraca yuhū. Payu jira tina. Gedeō, Baraca, Sansō, Jeftē, Davi, Samue, Cohamacu yare yahu muhtaina cāhu ahrina jipihitina yu yahuborina jira.

³³ Cohamacu wacu tuaina cāina paye yahparipu jia, ti yahpari macainare cahma wajā yuhduḡcaa tiri jire. Ā yoa paina noano dutiina jia tiri jire. Cohamacu tinare “Musare yoadohoihtja”, to niri seheta tinare yoadohoa tiri jire. Tirore ti wacu tuachu nūno ā tinare yoadohoa tiri jire. Ā wacu tuaa, yaya tinare ti chu duachu ti duserire bilachū yoaa tiri jire tina.

³⁴ Tuaro jūri pichacapū jipahta jūera tiri jire tina Cohamacu wacu tuaa. Paina tinare ti űosa wajā duachu duhti wahcāa wahaa tiri jire Cohamacu wacu tuaa. Tu- aeraina jipahta Cohamacu wacu tuaa, tu- aina wahaa tiri jire. Cohamacu wacu tuaina jia, cahma wajā tuaina jia tiri jire. Ā jia paye yahpari macaina surara tinare wajāa taina ne cāno pjaera tiri jire tinare.

³⁵ Cāa numia Cohamacu ti wacu tuachu nūno ti coyea ti yariachu nūno Cohamacu sehene tinare masobasaa tiri jire.

Paina “Cohamacu cahmaena tjiga”, ti ni peresu yoaina ti űabiaro yoapeina Cohamacu wacu duhuera tiri jire. “Cohamacu masa wacu duhuchū musare wionahca”, nia tiri jimare tinare peresu yoaina Cohamacu yainare. Ti ā nipachata tinare yuhtiera tiri jire Cohamacu caharu tuaro waha duaa. Ā jia tinare űabiaro ti yoapechu yariaa wahaa tiri jire.

³⁶ Painare Cohamacu wacu tuainare nāno ni bujupē tinare tjana mējaa tiri jire. Ā yoa painare dahporire, yaharire duhtenoca peresu yoaa tiri jire.

³⁷ Cohamacu wacu tuainare nāina tāa mehne doca wajāa tiri jire. Painare ti pjacurire seroti mehne yihso ta mējaa tiri jire. Painare űosaa pĵini mehne űosa wajāa tiri jire tina. Ti ā nāno yoapeina oveja cahsari mehne, caba cahsari mehne suhti tiina pjacuoina jia tiri jire. Ā jia paina tinare nāno yoapea tiri jire.

³⁸ Tina Cohamacu wacu tuaina peri yu yahuina noa yuhduaina ti jichū ahri yahu macaina nāina tina mehne jiborina jierara. Ahrina Cohamacu wacu tuaina wahuse marieina jia, masa marienopu, tūyucupū ji sitotaa tiri jire. Ā ji sitotaa, tūyucupū jia coparipu, yahpai jia coparipu cāhene carī sitotaa tiri jire.

³⁹ Ahrina jipihitina Cohamacu ti wacu tuachu nūno wahchea tiri jire tiro. Ti ā wacu tuapachata Cohamacu tinare “Musare

yahduchũ yoaihtja”, to niriro mu sãerasinia tiri jire.

⁴⁰ To yahduchũ yoaerasinirire yahuro õ sehe ni tãhotua tiri jire Cohamacũ. “Ahrina yũ yainare baharopũ jiina yũ yaina mehne cãno potori yahduchũ yoaihtja”, ni tãhotua tiri jire. ã ni tãhoturo to niriro seheta yoarohca. To ã yoachũ noa yãhdũara to pano yoariro yãhdoro.

12

Jesure ã wacũrucujihna mari

¹ ã jina ahrina yũ yahurinare payũ Cohamacũre wacũ tuainare masina, jipihntia ñaa yoare duhunocajihna mari cãhũ. Õ sehe jira mari piti dahre buhechũ: Mũrocaperirore tirore mũroca tuachũ dojomehnea jira paye. To dahpo suhti nũcũa suhti tirore mũroca tuaerachũ yoaboca. Tĩ yoaro seheta Cohamacũ cahmaare mari yoa duachũ dojomehnea cãhũ jira. Ahri cãhũre duhujihna mari. ã yoana mũrocapeina soro marieno ti mũrocaro seheta mari cãhũ Cohamacũ to cahmano seheta soro marieno yoajihna.

² ã jina Jesure ã wacũrucujihna mari. Tirota jira marine wacũ tua dũcachũ yoariro. ã yoa marine wacũ tua namochũ cãhũre yoara tiro. Crusapũ yariaro cãno pjari jire. Baharo to wahchehtore masino crusapũ yariari jire. ã yariaro bũo tiboriro jiparota bũo tierari jire tiro. ã yoaro mipũre Cohamacũ to pũhtoro dujiro poto buhũsehei dujitjiãhno tiro dutiriro jira.

³ Ñaina masa tirore ti ñabiaro yoapachũta cãno pjari jire tiro. Tĩre wacũga mũsa, mũsa cãhũ ñano yãhdũna, “Cãno pjaerari”, nina. Tĩre wacũga mũsa “Tĩrore wacũ tua duhuri”, nina.

⁴ Jesu to ñano yãhdũariro sehe ñaare yoaerapanahta ñabiaro waro yãhdũerasinica mũsa. Ñaina mũsare wajãerasinica.

⁵ ¿Cohamacũ mũsare to pohndare to yahurire bonocajari mũsa? Mũsa ñano yãhdũhtire to yahurire wacũga mũsa. Õ sehe nia tiri jire tiro:

“Yũ macũ, mũhũre yũ yahuchũ yãhũre ã ñũnocai tjiga ñano yãhdũpaihta. Mũhũre yũ tuhtichũ tũhocũ cahyai tjiga.

⁶ Jipihntina yũ cahĩnare yahuja.

ã yoa jipihntina ‘Yũ pohna jira mũsa’, yũ ni ñũnare yãhdũũca dutieraja.

ã jicu ti yãhdũũcachũ ñũcũ tinare buhiri dahreja”,

nia tiri jire Cohamacũ.

⁷ Ñano yãhdũna Cohamacũ yare duhuena tjiga. Cohamacũ mũsare to pohndare buhero nina. Ti pũcũsũma ti pohndare ã yahurucura.

ã yoa tinare buherucura. Tõ seheta yoara Cohamacũ cãhũ marine to pohndare.

⁸ Cohamacũ jipihntina to pohndare ã yahurucura. ã jina mũsare to yahuerachũ to pohna waro jierara mũsa. Pũcũsũma marieina yoaro sehe jira mũsa to yahueraina. ã jina “Sã Pũcũ waro jira”, ni masierara mũsa Cohamacũre, mũsare to yahuerachũ.

⁹ Mari pũcũsũma marine ti yahuchũ tũhona tinare ño payoja mari. Mari pũcũsũmare mari ño payoriro yãhdoro ño payoro cahmana mari Pũcũre Cohamacũre to yahuchũ. ã jina tirore yãhtiro cahmana marine. ã yãhtĩna jina jipihntia dachoripe tiro mehne jinahca.

¹⁰ Mahaa nũmũricã ahri yahpai mari jisinchũ mari pũcũsũma marine yahua, buhiri dahrera. Tĩ mũsũro ti masino pũrocãta marine yahua, buhiri dahrera. Cohamacũ sehe marine noano yahura. ã jiro to masia mehne marine buhiri dahrera marine noaina bũcũa dutiro. ãta yoara tiro marine tiro yoaro sehe noaina mari jihto sehe.

¹¹ Marine to buhiri dahrechũ wahcheraja mari. Wiho mari cahyaja. ã cahyapanahca to ã buhiri dahreri baharo noaina bũcũanahca mari. ã jina soro yoaro marieno noano jinahca.

Cohamacũ marine to dutiare mari yãhtierachũ cua nina marine

¹² ã jina wacũ tuaera cureina jipanahta Cohamacũre wacũ tuaina jiga. Tĩrore duhuena tjiga.

¹³ Noano potori mahare mũsa wahaboro seheta noano potocã yoaga mũsa. Mũsa ã yoachũ ñũ cũa, paina Jesu yaina soro jiare yoasi. Mũsa noano yoachũ ñũ cũa, noano wacũ tuaera cureina cãhũ wacũ tuaina wahahca.

¹⁴ Jipihntina masa mehne noano jiga, cahmacheno marieno. ã yoa ñano yoarucua tjiga. Ñaa buhiri marieina dihta mari pũhtoro Cristore ñũahca.

¹⁵ Noano yoaga mũsa. Cohamacũ mũsare to yoadohochũ tirore noano yãhtiga. Ñaa diaa ti toaare ti dojomehneo seheta mũsa cãhũ Cristo yare duhuena tjiga, “Painare dojomehneri”, nina.

¹⁶ Ne numia mehne ñano yoaina jiena tjiga. ã yoa Cohamacũ yare cahmaeraina jiena tjiga. Cohamacũre cahmaerariro jia tiri jire Esaũ cjiro. Tiro masa wahmino jia tiri jimare. ã jiro to pũcũro to yariari baharo to pũcũro yare cjuãhtiro jisinia tiri jimare. Cohamacũ to pũcũrore to ni cũri cãhũre cjuãhtiro jisinia tiri jimare. ã jiriro jiro cã dacho cã wapaihca chũare cahmano,

tí wapa mehne to baharo sehere to wahmino yoaro cohtotaa tiri jire.

¹⁷ To ã yoari baharo to dohse waharire masina musa. To pucaro tirore to wahtire tuaro cahmaa tiri jimare Esaú. To ã cahmapachuta to baharore to wahmino to yoari buhiri, baharo to cjuaborire waera tiri jire to pucaro Esaúre. Tíre yahco mehne to sinipachata tirore waera tiri jire to pucaro.

¹⁸ Cohamacu to dutiare Moise cjirore to cūchu mari coyea Israe masa cjiro Cohamacu mehne jia tiri jire. Tina tiro mehne ti jiriro seheta musa sehe jierare. Ō sehe yoaa tiri jire tina sehe. Tācūpu Cohamacu mehne jia taa, sua tiri jire. Tu sehe Sinaí wama tidu jira. Tupu ti sūchu tuaro pichaca jāa tiri jire. Ā jiro nahitiano, buiri, tuaro wihtonono cāhu jia tiri jire tu tācū.

¹⁹ Tōpu ti sūchu corneta bisiro coa taa tiri jire. Ā yoa durucua bisiro coa taa tiri jire. To ã durucua bisiro coa tachū tuhoa, masa cāno pjaeraa, “Ā durucu namoeno tjijaro”, tuaro ni sinia tiri jire.

²⁰ Cohamacu cuaro mehne ō sehe ni, dutia tiri jire tinare: “Jipihtina ahdū tācūre pihainare taa mehne doca wajāga tinare. Ahdūre pihariro wahiquire waro to jipachuta tiro cūhure taa mehne doca wajāga tirore. O űosadū mehne űosa wajāga tirore”, nia tiri jire Cohamacu. To ã nichū tuhoa to ã ni dutiare cāno pjaera tiri jire tina.

²¹ Jipihtia tu tācū jiro to űūrire űū cuiro, ō sehe nia tiri jire Moise cjiro: “Cuicu teterei nija”, nia tiri jire tiro.

²² Tó seheta Cohamacu mehne ti ji ducariro seheta jierara musa sehe. Cohamacu mehne jina wahana, Siō wama tidupu mūano macadupu musa sūboro seheta potota Cohamacu mehne durucure musa. Cohamacu catiriro to ya macapu musa sūboro seheta potota tiro mehne durucure musa. Tí maca pa maca wahma maca Jerusalē mūano macari maca jira. Tōpūre payu anjoa peri jira.

²³ Tina Cohamacu mehne wahchea taa cahmachuina jira. Ā jina musa sehe to ya maca macaina jina, tōpu Cohamacu pohna ji mūhtaina mehne musa cahmachuboriro seheta jira. Tina to pohna wamare to joa ōri pūi muanopu ti wamare to joa ōina jira. Tiro Cohamacu sehe jipihtinare besehtiro jira. Tiro mehne macaina jira musa sehe. Ā jina paina noaina Cohamacu yaina mehne cahmachuina seheta jira musa cāhu. Tinareta űaa marieina jichū yoa tuhsari jire Cohamacu.

²⁴ Ā jina Jesu mehne macaina jira musa sehe. Wahmanopu Moise cjirore to duti cūri cjirore cohtotaro “Mūsare yūhdūchu yoihtja yūhū”, ni cūa tiri jire Cohamacu marine. To ã ni cūriro seheta yoariro jira

Jesu. To dire cohā to yariaro mehne ã marine yūhdūchu yoara. Abe cjiro to di cohāchu űūno Cohamacu Abere wajārirore buhiri dahrea tiri jire. Jesu sehe to dire cohā to yariariro mehne noano yūhduja mari. Ā jiro Abe to di cohāri wiho warota jia tiri jire. Cristo sehe to di cohāri baharo noa yūhduaro yoari jire Cohamacu marine. Ā jia to di cohāri wiho warota jierara.

²⁵ Ā jina noano yoaga musa. Cohamacu yare mūsare yahurire noano yūhtiina jiga. Panopu ahri yahpai jiriro Moise cjiro Cohamacu yare to yahuchū tuhoa, payu tíre tuho duaera tiri jire. Ā ti tuhoerari buhirire buhiri dahrea tiri jire Cohamacu tinare. Cristo sehe muanopu jiriro Cohamacu yare yahuriro jira. Ā jiro panopu macainare to buhiri dahreriro yūhgoro buhiri dahrerohca Cohamacu Cristore cahmaerainare. Cristo sehe muanopu jiriro Cohamacu yare yahuriro jira.

²⁶ Tí pjare Moise cjirore to dutiare to cūri pjare Cohamacu to durucuro mehne yahpa űūhmichū yoaa tiri jire. Mipū sehere ō sehe ni yahuri jire tiro: “Ahri yahpa to űūhmichū cū taha yoa namoihtja. Ahri yahpa dihtare űūhmichū yoasi yūhū. Muanopu cāhure űūhmichū yoihtja”, ni yahuri jire tiro.

²⁷ “Ahri yahpa to űūhmichū cū taha yoa namoihtja”, nino jipihtia to bajuamehnerire to cohāntore masichū yoaro niri jire. Puhtoro Cohamacu to sūho jiropure cohāhto basioerara. Ā jiro to bajuamehneri cjirore to cohāchu puhtoro to sūho jiro dihta tjuarohca.

²⁸ Puhtoro to sūho jiropu wahanahca mari. Ā jina puhtoro to sūho jiropure to cohāerachu űūna, Cohamacure “Noana”, nijihna mari. Ā jina tirore űo payoa mehne, cua pisaro mehne to yare yoajihna mari tirore wahchechu yoana tana.

²⁹ Pichaca jāno to cuaro to jiro seheta Cohamacu cuaro choro buhiri dahreriro jira.

13

Ō sehe Cohamacure wahchechu yoaga

¹ Musa mehne macainare cahī duhuena tjiga.

² Masa musa masieraina ti jipachuta tinare musa wūhusepu noano mehne sāa ta dutiga. Paina ã yoaa, masierapahta anjoare ti wūhusepu sāa ta dutiri jire. Ā jina ti yoaro seheta yoaga musa cāhu.

³ Peresui jiinare pja űuga. Musa sehe tina mehne peresui jina musa jiboro seheta tinare pja űuga. Paina ti űano yoaina cāhure pja űuga. Tina yoaro sehe musa cāhu musa űano yūhdūboro seheta tinare pja űuga.

⁴ Wamomaca duhteina jipihtina musa basi noano cahma űo payoga. Ā yoa paina

mehne ñano yoarena tjiga. Jipihtina numia mehne ñano yoainare, mña mehne ñano yoaa numia cãhure buhiri dahrerohca Cohamacu.

⁵ Niñerure cahïna ne jiena tjiga. Õ sehe nia tiri jire Cohamacu: “Mũsare ne cohãsi. Æ yoadohorucuihtja mũsare”, nia tiri jire tiro. Noho puro mũa cjuaa mehne tó purota wahchega. Pjïro cahma namoena tjiga.

⁶ Æ jina cuïro marieno õ sehe ni tãhotunahca mari:

“Mari pũhtoro Cohamacu marine yoadohoriro jira.

Ne cuisu mari.

Masa marine ti ñano yoahore cuisu mari”, ni tãhotunahca mari.

⁷ Cohamacu yare mũsare yahurinare mũsare dutirinare wacũga mũa. Æ yoa noano ti jia tirire noano ti yoaa tirire wacũga. Æ wacũna, Cristore ti wacũ tuariro seheta yoaga mũsa cãhu.

⁸ Jesucristo ne cohtotaerara. Panopũ, mipũ cãhure, baharopũ cãhure to jiriro seheta jirucurohca tiro.

⁹ Payũ buheare soro jia buheare tãhoena tjiga mũsa “Noa buheare sãpũ cohãri”, nina. “Ahrire chũga. Ahrire chũena tjiga”, ni buhera cãina. Æ ni ti nia buheare mari yũhtichũ tí marine yoadohoerara. Æ jiro tó sehe jia buheare mari yoachũ wiho warota jira. Tí marine wacũ tuaina jichũ yoaerara. Cohamacu sehe marine pja ñano wacũ tuaina jichũ yoara. Æ jina to ya tuaa mehne tirore wacũ tuaina jiga mũsa cãhu.

¹⁰ Cristo mari ñaa buhirire yariari jire mari ñaare cohãno taro. Sacerdotea sehe õ sehe niina jira: “Wahiquina mari wajã jã mũoïna, mari waina mehne yũhdanahca”, niina jira sacerdotea. Æ niina ti ñaa yoari buhirire cohãina ne ji masierara. Cristo to crusai to yariaro mehne yũhdũina ji masierara tina Æ ni tãhotuina.

¹¹ Mari judio masa mari sacerdotea pũhtoro Cohamacu to jiri tahtia waropũ dire na sãano wajã sitea tiri jire, masa ti ñaa yoari buhirire cosawero taro. Æ yoa to wajãiro wahiquiro to pjacure tí maca dũhtũ cahapũ jã cohãnocahna.

¹² To yoariro seheta Jesu cãhu maca dũhtũ cahapũ yariari jire, masa ti ñaa buhirire to di cohãno mehne cosawero taro.

¹³ Maca dũhtũ cahapũ to yariachũ ñua, ti ya buheare to cohãchũ ñua judio masa pũhtoa tirore ñu tuhtiri jire. Æ jina mari cãhu tiro mehne macaina jijihna. Mari Æ jichũ ñua, masa mari cãhure ñu tuhtiahca.

¹⁴ Ahri yahpapũ mari ji dojoahtũ maca ne mariahna. Æ jina mipũre mari baharopũ jihiti macare cohtana niãa mari.

¹⁵ Æ jina Jesu to yoadohoro mehne Cohamacu mehne durucuãa mari. Æ jina tirore noano sinijihna. Sacerdote wahiquirore jã mũo, Cohamacure to ño payoriro seheta Cohamacure mari dũseri mehne noano durucu ño payojihna mari. “Cohamacu tuariro jira”, ni ño payorucujihna. Mari Æ nichũ tiro wahcherohca.

¹⁶ Mũa mehne macainare noano yoaga. Æ yoa tinare yoadohoga. Tíre boena tjiga. Mũa Æ noano yoana Cohamacure ño payona nica mũsa. Æ yoana tirore wahchechũ yoana nica.

¹⁷ Mũa pũhtoare noano yũhtiga. Ti dutiro seheta yoaga. Cohamacu mũsare ñu wihbo, buhe dutiro cũre tinare. To Æ cũrina jia mũsare Æ ñu wihborucua nina “Cohamacure yũhdũrcari”, nia. Æ jina tinare noano yũhtiga mũsa. Mũa Æ yũhtichũ ñua wahchea mehne mũsare yoadohoahtca tina. Mũa yũhtierachũ ñua tina cahyaahca. Æ yũhtierana noano jisi mũsa.

¹⁸ Sãre sini payorucuga Cohamacure. Dachoripe noaa dihtare yoa duaã sã. Æ jina “Ñaare yoana niãa”, ni tãhotueraãa sã.

¹⁹ Ahri pinihtare tuaro sini payoga Cohamacure yũhũre: Soaro mehne mũsa cahapũ yũ wahahtore tirore sini payoga.

Ahri pũre joariro noa duti batoaha

²⁰ Cohamacu mari pũhtoro Jesure yariarirore masori jire. Marine noano jichũ yoariro jira. Tiro “Mũsare yũhdũchũ yoaihtã”, ni cãa tiri jire Cohamacu marine. To Æ ni cũrre yoariro marine yũhdũchũ yoariro Jesu sehe jira. Mari ñaa buhirire yariari jire tiro. Æ jiro tiro tuariro oveãare ñu wihboriro yoare sehe jiro, marine to yainare noano ñu wihbora.

²¹ Æ jiro Cohamacu tirore masoriro mũsa cãhure yoadohojaro jipihtia noaare to cahmaare mũsa yoahito sehe. Æ jiro Jesucristo to yoadohoro mehne Cohamacu to cahmano seheta jipihtinare marine noaa sehere cohtotachũ yoajaro. Jipihtia dachoripe Cristore ño payojihna. Æta yoajihna.

²² Yũ coyea, ahrire tuaro mũsare dutiãhtã: Ahri pũ yũ yahurire noano mehne tũhoga mũsa. Ahri mũsare yũ joarocari pũ pjïri tju jierara. Æ jina ahrire noano tũhoga.

²³ Ahri cãhure mũsare yahuihtã: Mari coyeirore Timoteore peresu jirirore wioyũhti. Soaro mehne to wihichũ mũsare ñu wahaãu tirore naãhtã. Yũhu mehne waharohca.

²⁴ Mũa pũhtoare, jipihtina painare Cohamacu yainare tói jïinare noa dutija. Italia macaina Jesu yaina cãhu mũsare noa dutira.

²⁵ Cohamacu to cahã mehne mũsare jipihtinare noano yoajaro.

Santiago

Santiago Israe masare macari warinarine joarocaha

¹ Yuh, Santiago ahri pui musare noa duti joarocai nija. Cohamacure, mari puhtoro Jesucristo cuhure dahra cohtariro tjija yuh. Ajicu Israe masa ya curuari macainare doce curuari macainare Jesu yainare macari warinarine yu coyea musare joarocai nija.

Cohamacu sehe noano masichu yoara

² Yu coyea, rayu jiahca musa niano yuhduhti. A niano yuhduna noano wahchea mehne tuhutuga.

³ A niano yuhduna, potocata Jesure musa wacu tuaare nona ninahca musa. Ajina niano yuhdupanahta Jesure musa noano wacu tuaa jina, tirore wacu tua namoina wahanahca. A wahana musa niano yuhduare cano pjanahca.

⁴ A yoana duhuro marieno a cano pjarucuina jiga musa, tuho masiina, Cohamacu cahmaare noano masiina musa jihto sehe. Ajina duhsaro marieno to yare yoarucuina jinahca musa.

⁵ Cohamacu duhsaro marieno jipihtinare wara. A waro tirore siniinare soro nino marieno wara tiro. To a jiro jichu masina, musa masiht duhsachu tuhutuna, tirore siniga. Musa a sinichu musare masi namochu yoarohca tiro.

⁶ A sinina Cohamacure noano wacu tuatjiahna siniga musa. "Sa sinichu Cohamacu waeraboca sare", ni tuhoutuena tjiga. To sehe ni tuhoutuina pjiri ma macaa pahcōri yoaro sehe jira. Pahcōri ti suroca cohtotaro seheta tina cahu ti wacupure suroca cohtotara. Cano potori yoarerara tina. Ajia Cohamacure wacu tuaerara.

⁷ To sehe ni tuhoutuinare ti sinipachata ne mahanoca ti siniare tinare wasi mari puhtoro Cohamacu.

⁸ Michare ahrire cahmariro jiparota namichacupure soro tuhutura tjoa. Ajia yoarirore to wahaerara.

⁹ Jesu yainare wiho jiiinare Cohamacu sehe puhtoa sōnohca. To a yoahina jia wahchejaro tina.

¹⁰ Ajia Jesu yaina pache puajia ti ya pache pihitihore masia wahchejaro. Ti pache wiho warota jira, Cohamacu to nuachu. Cohori ti doi baa boraa waharo seheta ti pache pihitia wahaahca. Ajia tina cahu wahchejaro.

¹¹ Su muja taro to tuaro sichu tja sehe naia wahara. Ajia yoa cohari cahu nai boraa waha, noaa cohari ti jia cjiri pihitia wahara.

Aja waharohca pache puare ti pachere ti na cahmachuno watoi. Tina ti pache mehneti butia wahaahca.

Nano yoa dutiare yoareriro wahcheriro jira

¹² Nano yuhduro cano pjaro, niano yoa dutiare yoareriro wahcheriro jirohca. To a cano pjachu, to naare yoerachu jipihitia dachoripe mano macaa catiare tirore warohca Cohamacu. "Ti catiare waihca", ni cūa tiri jire Cohamacu jipihitia tirore cahinare.

¹³ Musare ti niano yoa dutichu "Cohamacu yuhure niano yoa dutiro nina", ni tuhoutuena tjiga. Nano yoare tuhouterariro jira Cohamacu. Ajia tiroro sehe masare niano yoa dutiro jierara.

¹⁴ Masa tuaro naare ti goa pjaata tita tinare niano yoachu yoara.

¹⁵ Ajia naare goa pjara masa. Ajia goa pjaa, ti sehene tuhutura. Ajia tuhutua, ti naare yoarucura tina. Ti a yoarucuri buhiri Cohamacu tinare pichacapu cohānohca.

¹⁶ Ajia yu coyea yu cahina, "Cohamacu yuhure to dutichu niano yoahi", ni tuhoutuena tjiga. Potocā jierara ti.

¹⁷ Cohamacu mano macariro marine noaa dihtare wara. Tiro pinihta su dacho macarirore, nami macarirore, nahpichoha poca cuhure bajuamehneriro jiro, tiro sehe to jiroro seheta a jirucunocahna. Ne cohtotaerara.

¹⁸ To cahmariro seheta tiro noaa buhea mehne marine to pohna wahachu yoare. Ajia yoare tiro to pohna ji muhtaina mari jihto sehe.

Potocata Cohamacure no payoa o sehe jira

¹⁹ Yu cahina, yu coyea ahrire noano tuhoga musa. Cohamacu yare noano tuhoga musa. Ajia tuhona, noano tuhuturo marieno durucuena tjiga. Ajia yoa suaena tjiga.

²⁰ Cāiro suariro jiro, Cohamacu to cahmano seheta quihono yoariro jierara.

²¹ Ajia jipihtia musa naa yoarire, musa naare goa pjarire duhuga musa. Ajia jina Cohamacure noano yahtina jina to buheare tuaro cahmaga musa. To ya buheare musa tuaro cahmachu Cohamacu sehe musare pichacapu wahaborinare yuhduchu yoarohca.

²² To yare tuhopenahta to nino sehe yoerana mahnoare tuhutuna nica musa. "To nino sehe yu yoerachu noanohca", ni tuhutuna mahnoare tuhutuna nica musa. Ajia jina to yare tuhona ti sehene yoaga.

²³ Cohamacu yare tuhopenahta, to nino sehe yoerana, to wuhduare nono mehne nuriro yoaro seheta jira musa.

²⁴ Tiro to wuhduare to nuri baharo waha, to nurire boa wahara.

²⁵ Pairo sehe to ñarire to boerariro se-heta Cristo to dutirire tãhoro tíre yoaro, wahcheriro jirohca. Tí dutia Cristo to cahña mehne masare to yãhdũchũ yoahiti buhea jira. Tí buheare ne cohãerariro wahcheriro jirohca. Tiro pinihta to tãhoriro yoariro jira. Æ yoariroro noano yoarohca Cohamacũ.

²⁶ Cãiro to ã durucumacancarire duhu masierara, potocãta Cohamacũre ño payoerara. “Cohamacũre noano ño payoja”, ni tãhoturiro jiparota mahñoare tãhotura tiro. “Cohamacũre ño payoja”, niriro to jipachũta to ño payoa ne yaba cjihti jierara.

²⁷ Potocãta Cohamacũre mari Pũcũre mari ño payona, to cahmano seheta ño payona, õ sehe yoaja mari: Pũcũsuma marieinare, wapewahya numia cãhũre ñano ti yãhdũchũ ñana, tinare yoadohoja mari. Æ jina ahri yahpa macaina ñaare ti yoaa barore ne yoa duaeraja mari. Æ yoana potocãta Cohamacũre ño payoina jija mari.

2

Masare cãno potori noano yoaro cahmana marine

¹ Yũ coyeyã, noa yãhdũariroro Jesucristore mari pãhtorore tãhona, tiore wacũ tuaina jira mũa. Æ wacũ tuaina jina masare cãno potori noano yoaro cahmana mũare.

²⁻³ Æ yoa uru sororire, wamomaca sãa sororire cãariro, wapa tia suhtire sãariro mũa Jesu yaina cahmachuno cahapũ to tachũ ñana tiore noano mehne pitĩ bocaboca. “Õi dujiro jira”, niboca mũa tiore. Æ nipanahta tí pjata pjacũoriro cãhũ ñano suhti tiriro mũa cahai to tachũ ñana tiro sehene noano piti bocaeraboca. “Õi ducuga. O yahpai dujiã”, niboca mũa tiore.

⁴ Mũa ã yoana masare cãno potori yoaerana nica mũa. Æ yoana ñaare tãhotuina masare beseina yoaro sehe jina nica mũa. “Ahriro sehe noariro jira. Ahriro ñariro jira”, ni besemana mũa.

⁵ Yũ coyeyã, yũ cahña, yũhũre tãhoga. Payũ pjacũoina sehene Cohamacũre noano wacũ tuahina cjihtire, pãhtoro to sũho jiropũre jihtina cjihtire besea tiri jire Cohamacũ. “Tõpũre wahanahca mũa”, ni cãa tiri jire Cohamacũ tiore cahñinare.

⁶ Tinare to ã besepachũta mũa sehe pjacũoinare noano yoaerare. Pache pũa sehe mũare ñano yoara. Æ yoaa tina masare beseriro cahapũ mũare naahna mũare yahusãa taa.

⁷ Mũa sehe “Cristo yaina”, masa ti niina jira. Payũ pache pũa sehe Cristore ñano ni durucuina jira. (Æ jiro pjacũoinare mũa ño payoriro yãhoro pache pũare mũa ño payochũ sehene ñaa nina.)

⁸ Cohamacũ dutia mehne macaa dutiare paye dutia bui curero jia dutiare õ sehe ni joaa tiri jire: “Mũ basi mũ cahño seheta mũ cahai jiina cãhũre cahña”, nina Cohamacũ dutia. Ahri dutiare yoana, noaare yoara mũa.

⁹ Wiho mejeta masare cãno potori yoaerana ñano yoana nina mũa. Æ jina Cohamacũ dutiare yãhdũrucaina jira mũa. Æta nina Cohamacũ yare ti joari pũ.

¹⁰ Cohamacũ dutiare yoaina jipanahta cãnotare mũa yoaerachũ paye dutiare mũa yoa pahñopachũta yaba cjihti jierara. Ñaa buhiri tiina jisina mũa.

¹¹ “Pairo namono mehne ñano yoaena tjiga” ni, mũare dutiriro Cohamacũta jira. “Masare wajãena tjiga”, niriro tirota jira Cohamacũ. Pairo namono mehne ñano yoaerapanahta masũore wajãna Cohamacũ to dutiare yãhdũrucaina jira mũa.

¹² Cristo marine tuaro cahño, marine dutira marine yãhdũchũ yoaro taro. To dutiare mari yoarire, mari yoareri cãhũre ñano marine besero tarohca. To ã besehtina jina to dutiare noano yoajihna. Æ yoa to cahmano seheta durucujihna mari.

¹³ Mipũre painare mari pja ñeerachũ Cohamacũ sehe masare to beseri pja jichũ marine pja ñusi. Wiho mejeta painare mari pja ñũchũ Cohamacũ sehe pja ñano, marine buhiri dahresi.

Cristore wacũ tuaina sehe noaare yoara

¹⁴ Yũ coyeyã tãhoga mũa. “Cristore wacũ tuaja yũhũ”, cãiro to nipachũta painare to noano yoadohoerachũ to ã nimari cjiri sehe ne yaba cjihti jierara. Tõ sehe ni wacũ tuamacanocarirore Cohamacũ yãhdũchũ yoasi.

¹⁵⁻¹⁶ ¿Jesu yairo, Jesu yacoro ñaa suhti dihta ti cãuchũ ñana ti chũhti mariachũ ñana dohse yoajari mũa tinare paye baro cãaina jina? “Noano jiga mũa. Æ yoana noano suhti tiga. Æ jina noano chũa mehne yapi wahcãga”, nipanahta ti cahmaare mũa waerachũ mũa ã nimari cjiri ne yaba cjihti jierara.

¹⁷ Æ yoa “Cristore wacũ tuaja”, mũa nipachũta noaare mũa yoaerachũ Cristore mũa wacũ tuaa ne yaba cjihti jierara.

¹⁸ Mũa mehne macariro ahri yũ buherire tãho duaeraro õ sehe masijaro. Noaare yoaeraparota “Cristore wacũ tuaja”, niboca tiro. Noaare yoarero Cristore to wacũ tuare painare masichũ yoa masierara. Noaare yoariro pinihta noaare to yoaa mehne Cristore to wacũ tuare masichũ yoa masina.

¹⁹ “Cohamacũ cãirota jira”, ni tãhotura mũa. Mũa ã ni tãhotuchũ noa nina. Æ jipachũta tó purota Cohamacũre yãhtiro

marieno tirore m̄sa masichu t́i yaba cjihti jierara. Waf́a c̄hu m̄sa tuhoturo seheta tuhotura. Ā yoa Cohamacu to jia tiare masina tina. Ā masia, cuia, teterera.

²⁰ C̄iro noano yoeraparota “Cristore wacū tuaja”, ni tuhoturiro jiro tuho masierariro jira. Cristore wacū tuamaro painare noano yoeraro potocāta Cristore wacū tuarara. Ō sehe ni yahuiht́a m̄sare ahrire:

²¹ Abrahā mari n̄chu cjiro to mac̄no Isaa wama tiriro cjirore wajābasaa tiri jimare Cohamacure. Ā yoaro tirore t̄a mehne ti yoari tuhu bui duhu payoa tiri jimare. Ā duhu payoro Cohamacu to dutiriro seheta to mac̄nore wajāno taro nia tiri jimare Cohamacure n̄o payoro taro. To ā yoach̄u n̄no potocāta Cohamacure to wacū tuarire masia tiri jire Cohamacu. To ā wacū tuariro to jich̄u masino, “Potocāta noariro jira”, ni n̄ha tiri jire Cohamacu tirore.

²² To ā ni n̄chu ahrire masina m̄sa: Abrahā Cohamacure wacū tuaro tirore yuht́a tiri jire. Ā yuht́iro Cohamacure to wacū tuarire masich̄u yoaro nia tiri jire.

²³ Ā jiro Cohamacu yare ti joari p̄i to niriro seheta ā wahaa tiri jire: “Abrahā Cohamacure wacū tuaa tiri jire. To ā yoach̄u n̄no ‘Noariro jira tiro’, ni n̄ha tiri jire Cohamacu tirore”, ni joaa tiri jire Cohamacu yare ti joari p̄i. To ā ni n̄chu masia “Abrahā Cohamacu mehne macariro jira”, nina masa tirore.

²⁴ Ā jina ahri yu yahuht́ire masina m̄sa: “Cohamacure wacū tuaja” niriro, to noano yoerach̄u n̄no Cohamacu sehe tirore “Noariro jira”, ni n̄nerara. Cohamacure wacū tuariro sehene potocāta to noano yoach̄u n̄no “Noariro jira”, ni n̄ha Cohamacu tiro sehene.

²⁵ Āta ni n̄ha tiri jire Cohamacu Rahab wama tiricore m̄a mehne n̄no yoarucuricoro cjirore. Josué cjiro to warocarinare noano piti boca “Noano s̄a tahga”, nia tiri jire ticoro. Ā yoaro tina ti tjuaa duach̄u ticoro sehe pa maha sehene n̄o tiri jire tinare “Tinare n̄u tuht́iina wajāri”, nino. To ā yoach̄u n̄no “Noaricoro jira”, ni n̄ha tiri jire Cohamacu ticorore.

²⁶ Ā tjira. Mari p̄ac̄p̄ure catia mariach̄u ji masieraja mari. Ā jiro catia marieno mari p̄jac̄u yaba cjihti jierara. Tó seheta “Cohamacure wacū tuaja”, nipanahta painare mari noano yoerach̄u potocā jierara mari wacū tuaa. Ā jiro mari noano yoaa mariach̄u mari wacū tuaa yaba cjihti jierara, catia marieni p̄jac̄u to yaba cjihti jieraro seheta.

3

Mari duseroi wijaaare yahuha

¹ Cohamacu yare masare buheina to yare ti noano yoerach̄u n̄no tina pinihtare masare buheraina yuhdoro Cohamacu buhiri dahrerohca. Tiro masina m̄sa, yu coyea. Ā jina m̄sa mehne macaina masare buheina payu jiena tjiga.

² Jipihitina payu tahari mari n̄aare yoaja. C̄iro n̄aare durucuerariro Cohamacu cahmaare noano yoariro jira tiro. Ā jiro paye n̄a c̄hure yoerara.

³ Ō sehe jira ahri mari piti dahre buhech̄u: Cawalo to duseroi comaa p̄ji to n̄ahmanore n̄a dihohti p̄jine mari c̄ja, tirore mari majarerucach̄u yoana tana. Ā yoana t́i p̄ji comaa p̄ji mehne tirore to wahahto mari waja majareruca dapoja. Ti p̄jica mahari p̄jica to jipachuta t́i p̄ji mehne tirore wahach̄u yoaja mari. (Ō seheta mari dusero mahanocā to jipachuta t́i dusero mehne pj́iro n̄ano yoaja mari.)

⁴ Dohoria quti mehne piti dahre yahu namoiht́a m̄sare: Busoca p̄jiria to jipachuta tiare wihnono to tuaro wārocachuta oturiro sehe mahari p̄jica mehne tia nohoi to waha duaroi oturocara.

⁵ Tó seheta jira mari duseroi wijaa. Mari dusero mahanocā to jipachuta t́i dusero mehne pj́iro yoaja mari. Mahari pichacacā pj́iro to jū wahc̄no seheta mari dusero mehne pj́iro n̄aare yoaa masija.

⁶ Ā jiro mari dusero pichaca yoaro sehe jira. Mari duseroi wijaa jipihitia n̄aare yoach̄u yoara marine. Pichaca to jū ducaro seheta mari duseroi wijaa mehne mari noano jiborirore n̄abiario yoaja mari. N̄aare durucuna waf́ino to dutiro seheta mari yoana nija.

⁷ Jipihitinare n̄cu macainare wahiquinare, minichahcare, chihchō wahc̄inare, wahire mari masa sitich̄u yoa masija. Mari payu tina barore masa sitich̄u yoa tuhsuja. Ā jia tina noano tuho masina.

⁸ Tinare mari yuhtich̄u yoapachuta mari dusero sehe n̄aare durucuro ne tjuera-putiara. Ā jiro nuina ti niji siariro seheta mari dusero sehe ne niji siaeraputiara. Mari duseroi wijaa n̄abiaa jira. Ā jiro n̄ma painare to wajāno seheta marine paina c̄hure n̄abiario wahach̄u yoara mari duseroi wijaa.

⁹ Mari dusero mehne Cohamacu mari puhtoro mehne mari noano durucuja. Ā durucupanahta masa Cohamacu yoaro sehe jinare to bajumehnerina ti jipachuta tinare n̄abiario ni durucuja mari.

¹⁰ Cū duseroihta noaa durucua c̄hu, n̄aa durucua c̄hu wijara. Yu coyea, ā ni durucueraro cahmana.

¹¹ M̄aca pohta m̄u wiori copai noaa co, n̄aa co c̄hu ne wijaarara.

¹² Y_h coyea, higueraç_u olivo pocare dicha tierara. Tuhs_u, sec_u higuera pocare dicha tierara. Æ yoa máca pohtai m_u wiori copai moa tia co to wijaach_u moa mariea co wijaerara. (Tó seheta mari d_useroi noaa durucua, ñaa durucua mehne wijaach_u yoaeraro cahmana. Æ ni durucuaeraro cahmana.)

Noano masia waro ò sehe jira

¹³ Cãina m_usa mehne macaina noano masiina jira. Noano masiina m_usa jia tiare ò sehe yoa ñonahca m_usa. “Paina yuhdoro noano masija sã”, niena tjiga. Æ nienata noaare yoaga m_usa. Æ noaare yoana potocãta noano masiina jira m_usa.

¹⁴ Wiho mejeta paio paye barore to c_uach_u ñ_una t_ure tuaro cahmaina jina, paina mehne suarucuína jina, painare yuhduruc_u duaina jina, “Noano masiina jija sã”, niena tjiga m_usa. M_usa ã niina jina mahñoina jira m_usa.

¹⁵ Æ yoaina ti tuhotua ne Cohamac_u ya tuhotua jierara. Ti tuhotua Cohamac_ure yuhduruc_ucaina ti ñano tuhotua jira. Ti tuhotua sehe wafno ya jira.

¹⁶ Masa ti c_uaaare tuaro cahmaina, painare yuhduruc_u duaina ã cahma sayorucura. Æ yoaina jia jipihitia ñaare yoarucura.

¹⁷ Paina sehe Cohamac_u yare noano masiina sehe tina pinihta ã yoamacanocaa nierara. Æ yoa tina ne cahma sayorara. Æ jia masa noaina, painare noano yuhtiina, pja ñ_uina, masare yoadohoina, masare c_uno potori yoaina jira tina. T_ure yoaa, mahñono marieno yoara tina.

¹⁸ Æ yoana cahmachea marieno jina, painare “Cahmachea tjiga”, mari ni yahuna, noaina wahach_u yoana nija mari masare.

4

Ahri yahpa macaa ñaare cahmana, Cohamac_ure cahmaeraina jira m_usa

¹ ¿Dohse jiro baro m_usa cahma sayojari? ¿Æ jina dohse jiro baro cahmachejari m_usa? Ñaare goa pjana, cahmache duara m_usa. Noaare yoa duapanahita ñaare yoara m_usa.

² Paye barore m_usa cahmana. Æ cahmana masare wajãna m_usa ti yare nana tana. Pairo paye barore to c_uach_u ñ_una t_ure m_usa tuaro cahmana. Æ cahmapanahta t_ure na masierara m_usa. Æ yoa t_ure cahma sayorucura m_usa. Cohamac_ure sinierana, m_usa cahmaare ne bocaerara.

³ Æ yoa sinina, m_usa ya cjihti dihtare sinimana m_usa, m_usa cahmano seheta yoarucuna tana. Paina ya cjihti sehene sini payoerara m_usa. Æ jiro m_usa sinich_u Cohamac_u m_usa siniare waerara.

⁴ Cohamac_ure cohãina jira m_usa. Ahri yahpa macaa ñaare cahmana, Cohamac_ure cahmaeraina jira m_usa. Ahri yahpa macaa ñaare cahmaina Cohamac_ure cahmaeraina ji tuhs_ura. ¿T_ure masierajari m_usa?

⁵ Ò sehe nia tiri jire Cohamac_u yare ti joari p_ui: “Cohamac_u Esp_uritu Santore mari mehne j_uhtirore c_uh_ure. Æ jiro Esp_uritu Santo sehe marine cah_uno, ñaare mari tuaro cahmapachuta cahmasãerara tiro. To manano to namonore to cah_u doaro seheta marine tuaro cah_una Esp_uritu Santo”, ni joa tiri jire panopure. To ã ni joari wiho warota jierara. Potocãta jirota nina.

⁶ Æ yoa Cohamac_u marine noano yoadohora tirore mari noano yuhtihto cjihtore. Ò sehe nina Cohamac_u yare ti joari p_ui: “Yahu pinihta painare masi yuhduruc_uaja’ nirirore, Cohamac_u ñ_u tuhtira. Pairo sehene ‘Ñariro, wiho jiriro jija’, niriro sehene Cohamac_u yoadohora”, nina to yare ti joari p_ui.

⁷ Æ jina Cohamac_ure noano yuhtiina jiga m_usa. Æ yoa wafno_ure yuhtiina tjiga. M_usa ã yuhtierach_u ñ_uno tiro sehe m_usare duhti wahcã m_urocaa waharohca.

⁸ Cohamac_ure noano yuhtiga m_usa. M_usa ã yoach_u tiro sehe m_usare yoadohorohca. Ñ_uina jira m_usa. Æ jina ñaare yoa namoena tjiga. Ñaa c_uh_ure cahmana, noaa c_uh_ure cahmaina jira m_usa. Æ jina m_usa ñaa tuhotumarire cohtotaga. M_usa ã yoach_u ñ_uno Cohamac_u m_usa ñaa yoari buhirire cohãnohca.

⁹ M_usa ñaa yoarire tuaro cahyana, buj_una witiga. Æ yoana m_usa ñaare yoari buhirire tiiga. T_ure wahcheina jiena tjiga. Æ jina m_usa ñaa yoarire ñano yajeriphona tiga.

¹⁰ “Ñariro, wiho jiriro jija yahu”, nina Cohamac_ure ño payoga. M_usa ã yoach_u ñ_uno tiro sehe ño payoga mehne noano yoarohca m_usare.

Ti coyeare Jesu yainare ti basi ñano quiti dahre dutieraha

¹¹ Y_h coyea Jesu yaina jina, m_usa basi ñano quiti dahrena tjiga. M_usa coyeirore ñano quiti dahrena, tirore buhiri dahre duti duaina jina nica m_usa. Cristo ya dutia sehe masare buhiri dahrehti dutia ji tuhs_ura. Æ jina masare ñano quiti dahrena Cristo ya dutiare ò sehe nina nica m_usa: “Marine noano dutierara Cristo ya. Æ jina mari m_u suro buhiri dahre dutijihna”, nina nica m_usa masare ñano quiti dahrena. Æ nina

Cristo ya dutiare ñano ni durucuina tjuara musa. Á jina tí dutiare yoeraina tjuara.

¹² Masare dutiare wariro, masare beseriro Cohamacuta jira. Masare pichacapu wahaborinare tirota yuhduchu yo masina. Á yoa tirota masare pichacapu cohã masina. Á jina mari sehe masare “Ñaina jira”, ni masieraja. Cohamacu dihta mari coyere besetiro jira.

Ñamichapure dohse mari jhtore masieraja mari

¹³ Mipure yahure tuhoga musa. Ó sehe niina tuhoga yuhure: “Míchare, ñamichacare pa macapu jina wahanahca. Tópure cū cahma jina, paye baro dua, nuchanahca. Á yoana wapatanahca mari”, nina caina musa mehne macaina Cohamacare wacūno marieno. Á niina jina, yuhu sehere tuhoga musa. Tó sehe niinare ahrire yahui tai nija:

¹⁴ Ñamichapure dohse musa jhtore masierara musa. Me ti ji, dói pihti muano seheta jira mari jia tia. Me mahanocã jiro, pihtia wahara. Tó seheta mari cãhu mahanocã jina, yarianahca.

¹⁵ Á jina ó seheta ni tuhóturo cahmana musare: “Cohamacu to cahmachu jinahca mari. Á jina ó sehe yoanahca mari”, ni tuhóturo cahmana musare.

¹⁶ Á jipanahta mipure “Mari mu suro ó sehe yoanahca”, nirucumana musa Cohamacare wacūno marieno. Tó sehe nirucuna painare yuhdurucaina jina, ñaare yoara musa.

¹⁷ Á jina noaare mari yoahire masipanahta tíre yoerana ñaare yoana nija mari.

5

Pache pure yahua Santiago

¹ Pache pura musa mipure tuhoga yuhure. Baharopure musa ñano yuhdanahca. Á jina tii sañurucuga musa.

² Musa pache ba pihtia wahaahca. Á yoa musa suhtire casipoca cãhu chu pahñoahca.

³ Ahri dachorire, pihtiri dacho pano niñerure musa pjíro wihbochu ne tí yaba cjihti jierara. Musa á wihbochu ñano niñerure musa cahichu masina Cohamacu. Ti niñeru to wapo wijiboriro seheta ti niñeru pihtia waharohca. Á jina niñerure musa cahiri buhiri ñano yuhdanahca pichacapu musa jũchu musa pjacure jũ pjaro seheta.

⁴ Musa weserire dahra cohtinare wapaerare musa. Tinare mahñore musa. Á jiro tinare musa wapaerari niñerure ñano, musa mahñorire masina Cohamacu. Musare dahra cohtaina wapa na dua, sañurucura tina. Ti á ni sañurucuchu mari puhtoro Cohamacu tinare tuhora.

⁵ Ahri yahpapure payu pache mehne jia tira musa. Á jina musa ji coa dihtare yoaa tira musa. Á jina pjiriro wachu ti noano nuriro yoaro sehe jira musa. Pjiriro wachu pjíro to churi baharo tirore ti wajãhti cuhtupu na wahcãna. Tó seheta musa cãhure pjíro musa cjuari baharo musare to buhiri dahrehtoru na wahcãnohca Cohamacu.

⁶ Noainare ñano ti yoerapachuta peresu yoa wajã dutire musa tinare. Musa á yoachu tina sehe musare yuhdurucã masierare.

Cristo to tjua tahtore noano cohta dutiha marine Santiago

⁷ Á jina yu coyera, mari puhtoro Cristo ahri yahpapure to tjua tahtore noano cohtaga. Wese puro to toaa dicha tihti pjare noano to cohtaro seheta noano cohtaga. Puhiro to ducachu. baharoru coro to ta namochu cãhure to toapure “Coro ta saajaro” nino, to wesere to noano duhtore noano cohtara tiro.

⁸ Tó á cohtariro seheta musa cãhu noano cohtaga. Mari puhtoro to tjua tahto mahanocã dũhsara. Á jina Cohamacare á wacū tuarucuna to tahtore á cohtarucuga musa.

⁹ Yu coyera musa basi nurena tjiga Cohamacu musare to buhiri dahrerahito sehe. Á yoa ahrire wacũga musa. Buhiri dahrehtiro to tahto mahanocã dũhsara.

¹⁰ Yu coyera, ñano yuhdurupanahta mari puhtorore noano cohtaga Cohamacu yare yahu muhtaina cjiri ti yoariro seheta. Tina ti cãno pjariro seheta cãno pjaga musa cãhu tinare ñu cãna.

¹¹ Á yoa ahri yu yahuhire wacũga musa. Ñano yuhdurupahta Cohamacare duhueraina wahcheina jira. Panoru macarirore Job wama tiriro cjirore tuhore musa. Tiro ñano yuhduraparota Cohamacare duhuerari jire. Á jiro to ñano yuhduri baharo Cohamacu tirore noano yoari jire. Cohamacu mari puhtoro noano pja ñuriro jiro áta yoari jire tiro. Tí jipihtiare masina musa.

¹² Yu coyera ahrire noano tuhoga tjoa. Ó sehe ni wama payora nija: “Muano macariro mehne potocã nina ñaja”, nina masare tuho dutia. Tuhsu, “Ahri yahpa mehne potocã nina ñaja”, nina masa. Paye mehne cãhure wama payora tina. Tina yoaro sehe á ni wama payoena tjiga. Ahrire musare tuaro dutija. Musa painare yahuna, noano potota yahuga tinare. Wama payoro marieno ni yahuga tinare. Á musa potocã yahuchu ñano Cohamacu soro musa niri buhirire buhiri dahresi.

¹³ Musa mehne macariro ñano yuhduriro jiro, Cohamacare sinijaro tiro. Pairo wahcheriro jiro Cohamacare wahchea mehne basajaro.

¹⁴ Músa dohatina, Jesu yaina pũhtoare pjirocaga músa. Músa ā pjirocachũ tina sehe mú sare se mehne wisõahca mari pũhtoro Jesu wama mehne to tuaa mehne. Ā wisõ tuhsũ, mari pũhtoro Cohamacũre mú sare sini payoahca tina.

¹⁵ Ā ti sini payochũ “Mari sinino se-heta tiro yoarohca”, ti ni tũhotuchũ Co-hamacũ mú sare dohatiinare músa dohatiare yũhdũchũ yoarohca. Ā yoa músa ñaa yoari buhiri músa dohatiina jichũ ñaa mú sare sini payoahca. Ti ā sini payochũ ñũno músa ñaa yoari buhirire borohca Co-hamacũ.

¹⁶ Ā yoa músa mehne macaina mehne músa ñaa yoarire cahma pũ buhuseheri yahuga. Ā ni tuhsũ, músa basi Cohamacũre cahma sini payoga. Músa ā sini payochũ músa sini payoinare Cohamacũ yũhdũchũ yoarohca. Noaare yoaina músa jichũ Co-hamacũre tuaro músa sini payoriro seheta yoarohca tiro. Ā jia músa sini payoa tua nica. Wiho jia jierara.

¹⁷ Cohamacũ yare yahu mũhtariro cjiro Elia wama tiriro mari yoaro seheta masũno jia tiri jimare. Ā jiro “Coro taero tjiaro” ni, tuaro sinia tiri jire Cohamacũre. To ā ni sinichũ tia cũhma noano pa cũhma dacho macai ahri yahpapũre ne coro taera tiri jire.

¹⁸ Pari turi tjoa Cohamacũre corore to sinichũ coro taa tiri jire. Ā jiro pari turi ahri yahpai yucũri bucũa, dicha tia tiri jire. (Ā jia Cohamacũre mari sinia wiho jia jierara.)

¹⁹ Yũ coyea, músa mehne macariro Cohamacũ yare duhuriro cjiro Cohamacũ yare pari turi to cahmahto cijhtore tirore yahuna, noano yoana nina músa.

²⁰ Ā yoa ahrire masiga músa: Cohamacũre duhuriro cijore Cohamacũre pari turi cahmachũ yoana, pichacapũ wahaborirore yũhdũchũ yoana nica músa. Ā jiro payũ to ñaa yoari buhirire Cohamacũ bo pahñonohca.

1 San Pedro

Jesu yainare macari waharinare joaroc-aha Pedro

¹ Yuhu, Pedro, Jesucristo buhe dutiro to cūrirota jija. Ā jicu musare yoaro macaa macaripu waha siterinare Ponto yahparu, Galacia yahparu, Capadocia yahparu, Asia yahparu, Bitinia yahparu ti yahparipu waharinare musare jipihtinare joarocaja yuhu. Musare noa duti joarocaja yuhu.

² Wahmanopare Cohamacu mari Pucu "Ō sehe yoaihtja", to ni wacūyuriro seheta musare besea tiri jire. To ā beseri baharo to yairo Espiritu Santo sehe musare Cohamacu yaina cjihtire sōri jire. Ō seheta sōri jire tiro Jesucristore noano yuhtitina musa jihto sehe, to di cohāri mehne musa űaa buhirire cosarina musa jihto sehe. Cohamacu to cahā mehne musare noano jichu yoajaro.

Jesu yaina jina marine muanopu to naah-tore cohtana nija mari

³⁻⁵ Cohamacu marine tuaro pja űuno, Jesucristo yariaro to masa mujari mehne marine pichacapu wahaborinare yuhdachu yoare tiro. Ā marine yuhdachu to yoachu pari turi mari masa bajuairo seheta Cohamacu to pohmata wahaja mari. Ā waha tiro mehne mari ā jirucuhore noano masija mari. Ā jiro musare noano yoaro taro musare cohtarō nina. Tiro mehne musa ā jirucuhire cūnohca tiro. Ā jina ā jirucunahca musa. Tōpu Cohamacu musare to wahto ne baasi. Ahri yahparu mari ya ti wete wahāno seheta, ti űaia waharo seheta Cohamacu musare to wahto ne ā wahasi. Ā jia ne pihtisi. Ā jiro tirore musa wacū tuachu, Cohamacu to tuaa mehne musare űu wihboro, yuhdachu yoarohca. Pihtiri dacho jichu musare to yuhdachu yoarire masichu yoarohca tiro. Marine to ā pja űuchu űana, Cohamacure mari puhtoro Jesucristo pucurore űo payo, "Noana", nijihna tirore.

⁶ Ā to yuhdachu yoahntina jina, mahano ahri yahpai musa jiro puro payu tahari musa űano yuhdapanahca wahchera musa.

⁷ Ā űano yuhdapanahca Cohamacure duhuerana musa tirore noano wacū tuarire masichu yoana nica musa. Uru ahri yahpa macaa pini pihtia wahaahca. Uru yuhdoro musa wacū tuaa sehe wiho waro jierara. Ā jia masa uru to jiare masi duaa doha űana. Urure ti doha űano seheta musa wacū tuare Cohamacu űu duaro "űano yuhdajaro", niboca musare. Musā ā űano yuhdari baharo potocāta tirore musa noano wacū tuarucuchu, Cristo űo payoa mehne

musare "Noano yoahre musa", ninohca. Ahri yahparu tjua taro ā ninohca.

⁸⁻⁹ Tirore Jesucristore musa űuerapanahca cahāna musa. Ā yoa mipure tirore űuerapanahca tirore wacū tuara. Ā wacū tuana, tuaro wahchera musa. Cohamacu ā musare to wahchechu yoachu pjiro wahchera musa. Tī wahchea noa yuhduara. Cohamacu musare pichacapu wahaborinare yuhdachu yoarohca musa tirore noano wacū tuachu. Ā jina pjiro wahchera musa.

¹⁰ Cohamacu musare to ā yuhdachu yoahore, musare to tuaro cahāre panopu macaina Cohamacu yare yahu muhtaina cjiri tīre masi duaa, buhe, sinitu űua tiri jire. Ā jia tīre yahuyū joaa tiri jire.

¹¹ Cristo to űano yuhdahore, to masa mujahore, jipihtina bui puhtoro to suho jihtore tina to masa bajuahore panopu yahuyū tuhsua tiri jire. Jesucristo to yairo Espiritu Santo to yoadohoa mehne ā yahuyua tiri jire tina. Ā yahuyua tina Cohamacu yare yahu muhtaina cjiri ti yahurire noano masi duaa sinitu űua tiri jire tina Cohamacure. Espiritu Santo "Cristo wihrohca", to nirirore "¿Dohse jichu wihrohca?" ni sinitu űua tiri jire tina. "¿To wihichu dohse waharohcari?" nia, tō cahāre sinitu űua tiri jire.

¹² Tī ti yahuyuri cjiri ti basi ti masihtu cjihti jiera tiri jire. Tīre tinare masichu yoaa tiri jire Cohamacu. Mari sehe mari masihtu cjihti jiri jire Cohamacu yare yahu muhtaina cjiri ti joari cjiri. Muanopu tairō Espiritu Santo to yoadohoa mehne mipure noaa buheare musare sā yahuja. Panopu musa masihtu cjihtire ti yahuyuri cjiri tita jinocaata nina mipure musare sā yahua. Tī buheare anjoa cāhu tuaro masi duaa tiri jire.

Cohamacu marine űaa marieina ji dutira

¹³ Ā jina noano wacū masitjiāhna jiyuga musa. Ā yoana noano tuho masiina jiga. Cristo to tjua tachu Cohamacu musare noano to yoahore wacūga. Ā yoa tīre noano cohtaga.

¹⁴ Panopu Cohamacure masierasinina űaare goa pjaina jimare musa. Mipure tīre yoana tjiga. Ā yoaerana ti pohna ti pucsumare noano ti yuhtiro seheta Cohamacure yuhtiga musa.

¹⁵ Ā yoana to yaina cjihtire musare beseriro űaa marieriro to jiro seheta musa cāhu űaa marieinata jiga. Ā jina noaa dihtare yoaina jiga.

¹⁶ Āta ni joaa tiri jire Cohamacu yare ti joari pūi: "űaa marieriro jija yuhu. Yu ā jichu musa cāhu űaa marieina jiga", ni joaa tiri jire.

¹⁷ Tiro Cohamacu jipihtina cāinare ti yoarire ñano cūno potori besera tinare. Ñainare, noinare besera. To ā beseriro jichu tirore “Yū Pūca” ni duana noano yoaga. Ahri yahpai mūsa jiro puro cua pisaro mehne Cohamacure ño payoro mehne noano jirucuga mūsa jiape nino marieno.

¹⁸ Mūsa ñuchūsuma cjiri ti yoari cjiri ne yaba cjihti jierari jire. Mūsa cāhu ti yoariro sehe yoaina mūsa jipachuta Cristo mū sare to yaina cjihti yoare. Wapamoinare ti wapamorire ti boriro sehetā tiro sehe mūsa ñaa yoari buhirire potota bonocare. Tīre noano masina mūsa. Mū sare ā yoaro plata mehne, uru mehne wapa wioerare tiro mū sare ā yoaro. Plata, uru butia wahaahca.

¹⁹ Tiro sehe oveja noariro, wete mari-eriro yoaro sehetā jīro Cristo to di mehne to yariari mehne mūsa ñaa yoari buhirire cohā, mū sare yūhdūchu yoare. To di mehne marine ā yoaro wiho waro ā yoaro nierare.

²⁰ Панопре ahri yahpare to bajuamehne-hto pano Cristo to ā wahahto cjihtore masi tuhsua tiri jire Cohamacu. Mipū sehene pihtri dacho panocā to jichu, Cristore noano masichu yoare Cohamacu mū sare.

²¹ Cristo to yoadohoro mehne Cohamacure wacū tuara mūsa. Cohamacu sehe Cristore yariarirore masori jire. Ā yoaro tirore muanopre cūno jipihtinare tirore ño payochu yoari jire Cohamacu. To ā yoachū tirore Cohamacure wacū tuara mūsa. Mūsa ā wacū tuachū tiro noano yoara mū sare. Ā jina mū sare to yūhdūchu yoahtere noano masi, cohtara mūsa.

²² Noaa buhea ti niriro sehetā yoaina jina, mūsa ñaa yoari buhirire cohārina jira mūsa. Ā jiina jina potocāta mari coyeare Jesu yainare cahī masina mūsa. Ā jina mūsa mehne macainare mūsa yajeripohnari mehne tuaro cahga.

²³ Ā yoa pari turi wahma masa bajuaina yoaro sehe jiina Cohamacu pohna wahare mūsa. Mari pūcasūma ti pohna tirina jina baharo yarianahca. Tī yoaro sehe jierara Cohamacu pohna mūsa wahachū. Cohamacu to buhea mehne to catichū yoaa buhea mehne to pohna wahare mūsa. Tī buhea mehne Cohamacu mehne ā jirucunahca mari.

²⁴ Ō sehe nina Cohamacu yare ti joari pūi: “Jipihtina masa tja yoaro sehe jira.

Ā yoa noaa ti cjuaa, tja cohorī yoaro sehe jira.

Tja ñaia wahara. Cohorī cāhu buru bora, baa wahara.

Tī yoaro sehetā yariara masa cāhu.

²⁵ Mari puhtoro ya buhea sehe ne pihtisi. To niriro sehetā ā waharohca”, ni joaa tiri jire. Tī buhea mū sare ti yahuri cjiri noa buheata jira.

2

¹ Ā Cohamacu pohna jina jipihtia ñaa yoaa, mahñoare, ti baharo bñhusehei ñano yoa cohtaare, paina ti cjuaaare cjoare, painare ñaa quiti dahreare tīre duhuga mūsa.

² Ā yoa wahma masa bajuaina pēchore ti tuaro cahmano sehetā mūsa cāhu noa buheare Cohamacu yare tuaro cahma namoga. Ā cahma namoga mūsa tirore mūsa wacū tua namohto sehe, to yūhdūchu yoaina mūsa wahahto sehe.

³ Ā yoaga mūsa mari puhtoro mū sare to noano yoaaare masiina jina.

Cristo catichū yoariro tāca yoaro sehe jiro jira

⁴ Cristo catichū yoariro tāca yoaro sehe jiro jira. Wahu dahreina cāria tācare ti cahmaeraro sehetā masa tirore cahmaerare. Cohamacu sehe tirore to ñuchū to beseriro noa yūhdūariro jira. To ā jiro jichū tirore wacū tuaga.

⁵ Mūsa cāhu wahu macaa tāca yoaro sehe jira. Mūsa ā jina Cohamacu ya wahu macaa tāare noano ti cūriro sehetā mūsa to yaina cāhu noano mehne jinahca mūsa. Ā yoana Cohamacu ya wahu macaina noaina sacerdotēa jinahca mūsa. Ā jina sacerdotēa wahiquinare wajā jū mūoa Cohamacure ti wariro sehetā Jesucristo to yoadohoa mehne Cohamacu yare noano yoanahca mūsa. Mūsa ā yoachū ñū ji coarohca Cohamacu.

⁶ Ō sehe nina Cohamacu yare ti joari pūi: “Tāca wahu ti cū muhtari tāca marieno wuhure yoa dūca masierara.

Tó sehetā Cristo marieno yū yaina waha masierara masa.

Ā jiro tiro wiho jiro jierara.

Ā jicū tirore Jerusalēpū mipure cūi nija.

Tiro yū beseriro noa yūhdūariro jira.

Ā jia tirore wacū tuaina wahche, ne buo tisi”,

ni joaa tiri jire Cohamacu yare ti joari pūi.

⁷ Tirore wacū tuaina sehe noa yūhdūaro wahaahca. Ā jiro wiho jiro jierara tiro. Tirore wacū tuaraina sehe soro wahaahca. Tinare ō sehe nina Cohamacu yare ti joari pūi:

“Ahiro Cristo tāca yoaro sehetā jira.

Tācare wahu dahreina ti cohāno sehetā masa tirore cohāahca.

Tī ā yoapachuta mipure wahu dahreina wuhure yoaa ti cū muhtari tācare ti cūno sehetā Cohamacu tirore puhtoro sōre”,

ni joaa tiri jire.

⁸ Ō cāhure nina Cohamacu yare ti joari pūi: “Murocariro tācare doca wahā suro to wacū wahcānore ne snerara.

To seheta tãca yoaro sehe jirirore Cristore cahmaerana, tirore yuhduŕucana, Cohamacu cahapu susi mari”, ni joaa tiri jire panopu. Tina Cohamacu ya buheare yuhtierare. Cohamacu panopu “Å waharohca”, to niriro seheta Cristore cahmaerare tina. Å yoahtinare cãa tiri jire Cohamacu tinare.

Õ sehe jira Cohamacu yaina

⁹ Musa sehe Cohamacu to beserina jira. Tiro mari puhtoro to yaina sacerdotea tirore dahra cohtaina jira musa. Å jina to ya curua macaina ñaa marieina Cohamacu yainata jira musa. Åta jira musa. Cohamacu noa yuhduare to yoarire painare yahuhtina cjihti jira musa. Musare besea tiri jire nahitianoï jiina musa jiboro seheta ñaare yoarucu dutieraro. Å besero noano buhriaroi jiina ti noano ñu masino seheta, Cohamacure noano masiina, to yare yoarucina ji dutira musare.

¹⁰ Panopure Cohamacu yaina jierari jire musa. Mipu pinihtare to yaina jira musa. Panopure musare pja ñariro musare mariasiniri jire. Mipu sehere musare Cohamacu pja ñure.

Cohamacu yare yoaina jiga musa

¹¹ Yu cahina, ahri yahpai ji dojoahatina jierara musa. Cohamacu yaina jira musa. Musa å jiina jichu ahrire tuaro yahuja musare: Musa ñaare goa pjaare ne yoaena tjiga. Ti ñaare yoana, Cohamacure ñu tuhtina, ñaina wahana nica musa.

¹² Cohamacure cahmaeraina watoi jina noano yoaina jiga musa, musare “Yahusaari”, nina. Musa å yoaina jichu tina mipure musare ñano yahusa duapahta, musa noano yoare masiahca tina. Å masia, tina Cohamacure “Noariro, tuariro jira”, niahca. Õ seheta niahca Cristo ahri yahpapu to tjua tachu.

¹³ Mari puhtorore yuhti duana ahri yahpa macaina puhtoã cãhure yuhduŕucaina jiena tjiga musa. Ahri yahpa macarirore musa jipihntina bui puhtoro jirirore tiro cãhure yuhtiga.

¹⁴ Puhtoare yuhduŕucainare buhiri dahre dutiro, warocara tiro tirore yoadohinare. Å yoa noano yoainare “Noano yoare musa”, ni dutiro warocara tiro. To å warocachu, tina cãhure yuhtiga musa.

¹⁵ Musa noano yoachu ñua tuho masieraina ti mu saro musare quiti dahre duapahta quiti dahre masierara. Musa åta yoachu cahmana Cohamacu. Å jina musa puhtoare yuhtiga.

¹⁶ Cohamacu musa puhtoro jira. Painare dahra cohtaina jierara musa. Å jipanahta “Sãre dutiriro mariaha. Å jina ñaare yoanahca”, ni tuhotuena tjiga “Ñaare yoari”,

nina. Cohamacure dahra cohtaina jira musa. Å jina tirore noano yuhtiina jiga musa.

¹⁷ Jipihntina masare ño payoga. Mari coyega Jesu yainare cahiga. Cohamacure cua pisaro mehne ñuga. Ahri yahpa macaina jipihntina ti bui puhtoro jiriro cãhure ño payoga.

Cristo ñano yuhduro to cãno pjariro se-heta cãno pjaga musa cãhu

¹⁸ Dahra cohtaina, cua pisaro mehne musa puhtoare yuhtiina jiga. Noaina, musare noano yoaina dihtare yuhtiina jiena tjiga. Musa mehne suaina cãhure yuhtiga musa.

¹⁹ Musa ñano yoaerapachuta musare ti buhiri dahrechü Cohamacu to cahmano seheta tire musa cãno pjachu “Noano yoare musa”, ninohca Cohamacu musare.

²⁰ Musa ñano yoari buhiri tina musare ti buhiri dahrechü tire musa cãno pjachu ti yaba cjihti jierara. Ti yaba cjihti jierapachuta noano musa yoapachu ti buhiri dahrechü tire noano mehne musa cãno pjachu Cohamacu “Noano yoare musa”, ninohca musare.

²¹ Å ñano yuhduhtinare ji dutire Cohamacu musare to yainare. Cristo musa ya cjihtire ñano yuhduare tirore musa ñu cũhto sehe.

²² Tiro ne ñano yoarerare. Å yoa ne mahñoerare.

²³ Tirore ti tuhtichu, tiro sehe tinare tuhti cahmaerare. Tirore ti ñano yoapachuta “Cjãihtja tinare”, ne nierare tiro. Ti å yoapachuta tinare Cohamacu to buhiri dahrethore quihõno to yoahtere masino, “Yu Pucapu tinare buhiri dahrerohca”, ni tuhoture tiro.

²⁴ Tiro to basi crusapu mari ñaa buhirire yariare. Å waha yariare pari turi mari ñaare yoerahto sehe, Cohamacu cahmaa sehere mari yoahto sehe. Tiro ñano cami tire marine pichacapu wahaborinare yuhduchu yoaro taro.

²⁵ Oveja wisia ti butiro seheta mari cãhu pichacapu butihtina jimai. Mipu sehere Cristore ovejare ñu wihborirore yoaro sehe jirirore, marine ñu wihborirore wacũ tuaja mari. Å wacũ tuana, to yaina wahi mari.

3

Wamomaca duhteinare õ sehe yoaro cahmana tinare

¹ Å yoa dahra cohtainare yu dutiriro seheta musa namosãnumiare dutihtja. Musa manusumare yuhduŕucaena tjiga tina Cohamacu ya buheare ti cahmahto sehe. Cãina tina to ya buheare cahmaeraina jia, tinare musa yuhduŕucaerachu ñua Cohamacu ya buheare cahmaboca tina. Ti buheare musa yahuerapachuta to yare cahmaboca tina.

² Āta cahmaboca tina mŕsa noano yoaare, mŕsa űo payoa cŕhŕre űna.

³ Mŕsa numia, carea numia yoaro sehe yoarena tjiga. Ā yoa mŕsa pjoarire wuhawe sapahtaa numia, uru darire bŕsaa numia, wapa ti yuhdŕa suhtire sŕa numia jiena tjiga mŕsa, mŕsare “Goa pjachŕ yoari”, nina.

⁴ Ā yoa mŕsa cua pisaro mehne painare niji siaroca mehne yoaa numia jina, noano suhdŕua numia jina, ahrireta űu ji coachŕ yoaga. Ahrireta mŕsa yoachŕ wiho waro jierara, Cohamacŕ to űŕchŕ.

⁵ Ő sehetu yoaa tiri jire panopŕ macaa numia Cohamacŕ yu numia cjiri. Tŕ numia Cohamacŕre wacŕ tuaa numia jia, ti manusumare yuhdŕŕcaera tiri jire.

⁶ Tŕ sehetu Sara cjiro to manŕno Abrahŕ cjirore noano mehne yuhtia tiri jire. Ā jiro tirore “Puhtoro”, ni pisua tiri jire. Ā jina mŕsa noano yoaa numia jina, cuiro mariea numia jina, Sara cjiro pohna numia yoaro sehe jira mŕsa cŕhŕ.

⁷ To noano yoariro sehetu mŕsa cŕhŕ mŕa mŕsa namosŕnumiare noano yoaga. Tŕ numia mari mŕa yoaro sehe tua numia jierara. Ā jina űo payoa mehne noano yoaga tŕ numiare. Cohamacŕ jipihtia dachoripe tiro mehne mari jihtore marine to wariro sehetu tŕ numia cŕhŕre warohca tiro. Tŕ Ā jiina jichŕ tŕ numiare noano yoaga. Cohamacŕre mŕsa siniare mŕsa dojomehnerahto sehe tŕ numiare noano yoaga.

Noano ti yoapachŕta paina tinare ti űano yoaare yahuŕa Pedro

⁸ Ahri mehne yahu batoihtja: Mŕsa jipihhtina cŕno mehne noano mehne jiga. Ā jina mŕsa mehne macainare noano pja űuina jiga. Mŕsa coyea Jesu yainare pŕbuhuseheri cahma cahŕga. Ā jina noano yoaga tinare. Ā yoa “Wiho jiina jija”, ni tuhotuga.

⁹ Paina mŕsare űano ti yoachŕ tinare űano yoa cahmaena tjiga. Mŕsare ti tuhtichŕ tinare tuhti cahmaena tjiga. Mŕsare ti Ā yoapachŕta noano yoaga tinare. Ā yoana “Noano jiga”, niga tinare. Tŕre yoahhtina cjihtireta to yaina cŕre mŕsare Cohamacŕ sehe mŕsare noano yoaro taro.

¹⁰ Āta nina Cohamacŕ yare ti joari pŕi: “Mŕsa noano wahchea mehne ji duana ne űano ni durucuena tjiga.

Painare mahűoena tjiga.

¹¹ űaa yoaare duhunocahga.

Noaa sehere yoaga.

Cahma mŕsa basi űu tuhtiro marieno jiga.

Mŕsa noano jihtore tuaro cahmaga.

¹² Cohamacŕ cahmaare yoaina mari puhtoro Ā űu wihborucuro nina.

Tirore ti siniare Ā tuhorucuro nina.

űano yoaina sehere tiro űu tuhtira”,

ni joaa tiri jire.

¹³ Noare mŕsa tuaro yoachŕ paina sehe mŕsare űano yuhdŕchŕ yoa dua bihosi tina.

¹⁴ Noano mŕsa yoapachŕta mŕsare űano yuhdŕchŕ ti yoachŕ űano Cohamacŕ mŕsare noano yoarohca. Ā jina painare cuiena tjiga. Ā yoa pjŕro tuhotuena tjiga.

¹⁵ Cristore “Sŕ puhtoro jira” ni, mŕsa tuhotuna, űo payoga tirore. Ā yoana Cristore mŕsa wacŕ tuaare, Cohamacŕ mehne mŕsa jihtore paina ti sinituhto pano tinare mŕsa yuhtihore noano masiyuga. Ā yuhtina niji siaro mehne, noano űo payoa mehne yahuga tinare.

¹⁶ Noaina jiga. Ā jina “űaare yoaja”, ni tuhotusi mŕsa. Ā jia Cristo yare noano yoaina mŕsa jichŕ paina mŕsare űaa quitŕ dahrea, bŕoro wahaahca tina.

¹⁷ űaare mŕsa yoari buhiri mŕsa űano yuhdŕchŕ noaerara. Ā yoa Cohamacŕ cahmachŕ noaere mŕsa yoapachŕta mŕsa űano yuhdŕchŕ noa nina tŕ pinihta.

¹⁸ Ő sehetu yuhdŕre Cristo. Cŕ tahata jipihtina ti űaa buhirire yariare tiro. Noariro jire. Ā jiro űaina mari jichŕ mari yaro jiborirore űano yuhdŕre tiro. űano yuhdŕre tiro marine Cohamacŕ yaina wahachŕ yoaro taro. To pjacŕ yariaa wahare. Ā yariaparota to catia mehne masari jire.

¹⁹ Ā masariro jiro tiro ti buhiri dahrehtore cohtaina cjiri presu jiina cjiri yariarina cjirore buheri jire.

²⁰ Tina cohtaina panopŕ Cohamacŕre yuhtieraina cjiri jia tiri jire. Tŕ pjapŕre Noe cjiro to jiri pjapŕre, pjiria dohoriare dohoro nia tiri jire. Tiare to dohoro watoi Cohamacŕre yuhtieraina cjirore ti yuhtichŕ cahmano yoari pja cohtaa tiri jimare Cohamacŕ. Ā yoa mahainacŕ ochota dia miniore yuhdŕa tiri jire.

²¹ Minia ti yuhdŕiro sehetu bautisaa mehne yuhdŕara masa. Mari pjacŕre mari wete tju cosaro sehe jierara bautisaa. Soru sehe jira bautisaa. “űaa buhiri marieina jija”, mari ni masihtu cjihtore Cohamacŕre “Mŕhŕre wacŕ tuaja”, mari ni yahua jira ahri bautisaa. Ā yoa Jesucristo to masa mŕjari mehne yuhdŕa mari.

²² Tiro Jesucristo mŕanopŕ wahari jire Cohamacŕ poto buhusehei jiro, tiro mehne dutiro taro. Ā jiro tiro anjoa bui, mŕano macaina puhtoa bui, dutiina bui ti puhtoro jira.

4

Cristo yaina jina noa sehere cohtotaina jinahca

¹ Mari űano yuhdŕna űano yoaare duhunocaja mari. Cristo űano yuhdŕari jire. Ā jina

tiro ñano yuħduro to cuierariro seheta to suærariro seheta musa cãhu to yoariro seheta yoaga.

² Õ seheta yoaga musa ñaare musa goa pjaare pari turi musa yoærahto sehe, Cohamacu cahmaa sehere musa yoarucuhto sehe.

³ Папору Cohamacure cahmaeraina ñaare goa pjaare ti yoariro seheta yoarucuri jimare musa cãhu. Буо tiro marieno ñano yoana, ñaare goa pjaare yoana, cahana, cahaa bose numurine yoana, “Cohamacu jira”, musa nia masurine, Cohamacu to ñu yabia masurine ño payona ahri sehereta yoari jimare musa. Á jina to purota yoa batoaga.

⁴ Á jia ti ñaputiare yoana mehne musa jisinicu mipure musa tire yoærachu ñua tina sehe ñu cãaa wahara. Á yoa musare ñano quti dojomehnena.

⁵ Ti á yoachu ñuno ti ñaa yoarire Cohamacu sehe sinitu ñano, yahu yuħdu ditirohca tinare. Tiro catinare, yariaina cãhure besehtiro buhiri dahrehtiro jira.

⁶ To á besehtiro jichu jipihtina masa sehe mipu yariarina cjrيره noa buheare yahure Cristo ti yariahto pano. Õ seheta ni yahure ti pjacurire Cohamacu to yaria dutipachuta. Á yahure tiro Cohamacu jipihtia dachoripe to jiro seheta tiro mehne ti jirucuhto cjhutore.

⁷ Pihtiri dacho cjhito mahanocã duhsara. Á jina noano tuho masiina jiga, mipure Cohamacu mehne musa durucuhto noano.

⁸ Painare cahina payu tahari ñaare ti yoapachuta á ñunocaja mari. Á jina musa mehne macainare á cahirucuga. Paye dutia yuħdoro tãreta yoaga.

⁹ Musa mehne macainare ne nureno marieno musa wuhusepu sãa ta dutiga tinare.

¹⁰ Cohamacu musare cãinare musa yoa masihtipe cãri jire. To á cũchu, musa yoa masiriro seheta musa mehne macainare tire noano yoaga. To cãriro seheta painare noano yoadohona, Cohamacu to cãriro seheta noano yoana nica musa.

¹¹ Musa Cohamacu yare noano yahuina jina, Cohamacu to yahuboriro seheta noano yahuga musa cãhu. Masare yoadohoina jina Cohamacu to cãri tuaa mehne painare yoadohoga. Ti jipihtiare yoana Cohamacure masa ti ño payohto sehe á yoarucuga. Jesucristo sehe tire musa yoachu yoadohorohca. Tirore jipihtia dachoripe ño payoa, “Tuariro jira”, nino cahmana jipihtinare. Áta nijaro.

Jesu yaina ti jiri buhiri ti ñano yuħduare yahuha Pedro

¹² Yu cahina, mipure ñaputiaro yuħduna, “Cue, soro jiro wahaca yuħure” ni, wacũ

cuaena tjiga. Musa ñano yuħduchu Cohamacu musa tirore wacũ tua namochu yoa duaro, “Ñano yuħdujaro”, nino nica tiro.

¹³ Cristo to ñano yuħduriro seheta musa cãhu á wahana, wahchega musa. Á wahchena Cristo to si sitea mehne to tjua tachu musa noano wahchena.

¹⁴ Cristo yaina musa jiri buhiri paina musare ti tuhtichu Cohamacu to yairo Espiritu Santo to si siteriro musa mehne jiro nina. Á jina wahchega musa.

¹⁵ Á yoa masare musa wajãri buhiri, musa yacari buhiri, paina ti yoarire ñuna tinare musa soro ni dojomehneri buhiri musa ñano yuħduchu ñaa nina.

¹⁶ Á jipachuta Cristo yaina musa jiri buhiri ñano yuħduna, buo tiena tjiga. Ñano yuħdũpanahta Cristo yaina musa jiare wahchena, Cohamacure “Noana” ni, ño payoga musa.

¹⁷ Cohamacu to yaina ti yoarire ñuno to besehti pja jiro nina mipure. Jipihtina mari to yaina mari yoarire ñuno bese muhtanohca “Ahri ñaa jira. Ahri noaa jira”, nino. ¿Á bese muhtano dohse yoarohcari to yaina jieraina sehere? Tirore yuhtieraina sehere tuaro buhiri dahrerohca.

¹⁸ Õ sehe nina Cohamacu yare ti joari pũ: “Noaina yuħduahca. Ti á yuħduhto mijo curera. To á mijo curechu Cohamacure cahmaeraina sehe ne yuħdusi. Basioerara tinare”, nina Cohamacu yare ti joari pũ.

¹⁹ Á jina Cohamacu to cahmachu musa ñano yuħduina jina, noaare musa yoarire ne duhuena tjiga. Á yoa musare bajuamehnerirore musare ne duhuerarirore tirore wacũ tuarucuga musa.

5

Jesu yaina ti yoahore yahuha Pedro

¹ Mipure Jesu yaina cahmachuina puhtoare yahuhtja. Yuħu Jesu yaina puhtoro jija. Musa cãhu ti puhtoa tjira. Musare yu yoaro sehe puhtoa jinare ahrire yahui tai nija yuħu. Cristo to ñano yuħdurire ñuriro cjiro jicu, myanopu Cristo mehne yuħduhtiro jicu ahrire musare yahuhtja:

² Cohamacu yaina oveja yoaro sehe jira. Musa sehe ovejare ñu wihboina yoaro sehe jira. Tinare Cohamacu musare to cãinare musa yaina masare noano ñu wihboga. Á yoana Cohamacu to cahmariro seheta noano yajeripohna tia mehne tinare ñu wihboga. Á tinare ñu wihbona, “Sã ñu wihbori wapa niñerure wapatanahca”, niena tjiga musa. Wahchea mehne tinare ñu wihboga. Wahchea mehne tinare ñu wihboga.

³ Á ñu wihbona tinare ñano dutipena tjiga. Á jina noano yoaga musa Jesu yaina musare ti ñu cũhto sehe.

⁴ Músa ã yoana Cristo jipihtinare marine ñu wihboriro to tjua tachu puhtoro to pisari soro noano si siteri sorore musare to waboriro seheta tiro musare noaare to watore cjanahca. Tí musa cjahti ne phtisi. Æ jina tiro mehne yuhdunahca musa.

⁵ Tinare yu dutiriro seheta musa wahma yapia cahu tinare musa puhtoare yahtiina jiga. Æ yoa musa mehne macainare jipihinare ño payoa mehne yoadohoga. Õ sehe nina Cohamacu yare ti joari pui: “Masare yuhduruca duainare Cohamacu ñu tuhtira.

Painare ño payoina sehere ‘Wiho jiina jija’, ni tuhotuina sehere noano yoara tiro”,

nina to yare ti joari pui.

⁶ Æ jina Cohamacu tuariro musare to dutichu “Wiho jiina jija” ni, tirore ño payoga. Músa ã yoachu to quihõri pja jichu musare paina ño payoahca to dutiro mehne.

⁷ Tiro musare pjíro tuhotu ñu wihbora. Æ jina ne pjíro tuhotuena tjiga musa sehe.

⁸ Æ yoa wacú masi jinohbu. Musare ñu tuhtiriro wafino yairo suariro to maca churo seheta musare ñano yuhdachu yoa duara. Æ yoa musare ñano yoa dutira.

⁹ Jipihitropu ahri yahpapare paina Jesu yainare ñano yuhdachu yoa, ñano yoa dutira wafino. Tíre masina, tirore yahtiena tjiga. Æ jina Cristore tuaro wacú tuaga musa.

¹⁰ Æ yoa mahanocã musa ñano yuhduri baharo Cohamacu musare yoadohorohca. Musare noaina jichu yoarohca. Tirore musa wacú tua namochu, tirore musa ne duhuerachu yoarohca musare. Tiro jipihitia dachoripe manopu Cristo mehne musa jhtore musare cûriro jira. Tiro Cohamacu jira jipihinare pja ñuriro.

¹¹ “Jipihitia dachoripe tiro tuariro jira”, ni ño payojihna tirore. Æta yoarucujihna.

Noa duti batoaha Pedro

¹² Ahri pûcãre mahari pûcãre musare yu waroca duachu Silvano sehe yuhare joabasahre. Tiro Jesu yairo yu coyeiro, Jesu yare ã yoarucuriro jira, yu tuhotuchu. Musare noano yahu duaja. Æ jicu “Ahri buhea potocãta Cohamacu musare to cahia buhea jira”, ni yahucu musare ahri pûre joarocaja. Æ jina ahri buheare ne duhuena tjiga musa.

¹³ Musare to yaina cjhtire to beseriro seheta Jesu yaina Babilonia macaina cahare besea tiri jire Cohamacu. Tina sehe musare noa dutira. Marco yu macu yoaro sehe jiriro cahu musare noa dutira.

¹⁴ Músa mehne macainare noano mehne piti bocasiniga.

Jipihitina Jesucristo yaina noano jiga musa.

2 San Pedro

Jesu yainare joarocaha Pedro

¹ Yuhũ Simo Pedro Jesucristo buhe dutiro to cūrirota jija. Tirore dahra cohtariro jija. Jesucristo, Cohamacu waro jiro, ñaa buhiri marieriro jiro marine cāno potorita yuhdachu yoariro jira. Ā jiro tirore musa wacū tuachu, to yaina wahachu yoare musare. Musa ā wacū tuachu wiho waro jierara, Cohamacu to ñachu. Ā to yaina musa wahachu mari cāno potorita to yaina jija. Ā jicu musare joarocaja.

² Ā yoa Cohamacu cūhure mari puhtoro Jesu cūhure masi namona ti cahña mehne noano jirucunahca musa. Ā noano musa jitho sehe musare sini payoja. Ā nicu musare noa dutija. Cohamacu musare pjíro noano yoa namojaro.

Ō sehe jira Cristo yaina

³ Cohamacu ñaa marieriro jiro, to tuaa mehne marine to yaina jithinare bese cū tuhsua tiri jire. To ā bese cūchu tuhona, tirore masina to yaina wahaja mari. Ā wahana Cohamacure masi namona, to tuaa mehne to cahmano seheta noaina jinahca mari.

⁴ Tí to tuaa mehne marine noa yuhduaro yoare. “Ō seheta musare noano yoaihtja”, to niriro seheta marine noa yuhduaro yoara. Marine to ā yoachu ñana Cohamacu to jiro seheta waha namonahca mari. Ā jina ahri yahpa macaa ñaare, mari ñaare goa pjaare mari duhunocaja. Tí ñaa sehe marine dojomehne yuhduamahre.

⁵ Cristore noano wacū tuaina ji tuhsua musa. Ā jina ō sehe yoa namoga tjoa: Noaare yoaina jiga musa. Ā jina Cohamacu cahmaare noano masiina jiga musa.

⁶ Ñano yoa duapanahta Cohamacu cahmaa sehere yoarucuina jiga musa. Ā yoa Cristo yaina musa jiri buhiri ñano yuhdūpanahta ā cāno pjarucuga musa. Ā jina Cohamacure ño payoina, to cahmaare yoaina jiga musa.

⁷ Ā yoa musa mehne macainare cahma ño payoina, tinare noano yoadohoina jiga musa. Ā yoa jipihitina paina cūhure cahñina jiga.

⁸ Musa ō sehe yoa namochuta noa yuhduara. Musa ā yoa namona, noano yoaina jirucunahca. Ā jina Cristo to cahmaare noano yoarucuina jinahca musa. Wiho waro jiina jisi musa. Ā yoa Cristore musa wacū tuari wiho waro jisi. Yũ niriro seheta musa yoa namochu pinihtare noa yuhduara.

⁹ Musa ā yoa namoerana Cohamacu yare ne masieraputiara musa. Ā yoa namoeraina jina capari ñueraina o capari noano ñu bocaeraina yoaro sehe jina, Cohamacu cahmaare ne masierara musa. Ā yoa namoerana Cristo musa ñaa yoari buhirire to cohāri cjirire ne wacū payoerara musa. Āta bonoca duara musa.

¹⁰ Ā jina, yũ coyey, Cohamacu to yaina cjihtire musare to ji dutichu yuhtire musa. Ā yuhtiina jina, to yare ne wacū duhuerana to cahmaare tuaro yoarucuga. Musa ā yoarucuna potocāta Cohamacu mehne jinahca musa. Ā yoa potocāta to beserina jinahca musa. Ā yoana to yare duhuina jisi musa.

¹¹ Musa ā to cahmano sehe yoaina jina mari puhtoro marine yuhdachu yoariro Jesucristo to suho jiropu noano wahanahca musa. Tópu tiro mari puhtoro ā jirucurohca. Potocā to yaina waro musa jichu ñuno “Noano mehne yũhũ mehne jiga musa”, ni-nohca Jesu musare.

¹² Ā yoa ahrire musare ā wacūchu yoarucuihtja. Ahri musare yũ yahurire masi tuhsuhre musa. Ā masina Cohamacu yare musa tuhoriro seheta noano yoana nina musa. Ā yoaina musa jipachuta ahri musare yũ yahurire ā wacūchu yoarucuihtja musare.

¹³⁻¹⁴ Mahanocā duhsara yũ variahto. Tíre noano yahure mari puhtoro Jesucristo yuhure. Ā jicu catisinicu waro ahri yũ yahurire musare ā wacūchu yoarucuihtja. Yũ ā yoachu noa nina.

¹⁵ Ā jicu ahri yũ yahu joari cjirire musare jia cū pahñoihca yũ yariari baharo musa noano masihto sehe. Ā jina ahri yũ yahurire ā wacūrucunahca musa.

Cristo to tuariro to jia tiare ñaha Pedro cūhu

¹⁶ Ā yoa Cristo to tuaa cūhure to tahto cūhure musare yahuna, sā mu suro yahuna nieraja. Masa ti mu suro ti masia mehne ti yahua jierara musare sā yahua. Tuariro to jiare sā basita ñu.

¹⁷ Cristo to tua yuhduariro to jiare säre ñore Cohamacu mari Pucu. To ā ñochu tiro sehe noano si siteriro jire. To ā si sitechu ō sehe nino coa tare to si sitero watoi: “Ahiri yũ macu, yũ cahñiro jira. Tiro mehne tuaro wahcheja”, nino coa tare Cohamacu tua yuhduariro.

¹⁸ Muanopu to ā nino coa tachu tuhoi sā. Tūcu buipũ Cohamacu to jiri tūcu Cristo mehne jii sā.

¹⁹ Tíre ñurina jina, Cohamacu yare yahu muhtaina cjiri panopu macaina ti joari cjiri potocā ti jichu noano masija sā. Tí joari cjirire noano ñu buherucuna noano yoana

nina musa. Tí ti joari cjiri Cohamacu yare marine noano masichu yoara. Ahri yahpai ñaare ti yoari yahpai nahitianoi mari jiboro seheta buhriaro marine to noano ñu masichu yoaro seheta Cohamacu noano masichu yoara marine. Á jina Cohamacu yare ti joarire á buherucuga. Á buherucuna Cristo to tjua tachupu buhe duhunahca. Á tjua taro to yare mari masierarire marine noano masi pahñochu yoarohca.

²⁰ Jipihitia ahri yu yahuri yuhdoro ahri sehene noano masiga musa: Cohamacu yare yahu muhtaina cjiri panopu ti joari cjirire mari mu saro tire buhena, “Ó sehe nino nica”, ni masieraja.

²¹ Ne masa ti mu saro Cohamacu yare joaera tiri jire. Panopu macaina cjiri Cohamacu yare ti joachu Espiritu Santo sehe ti joatore tinare masichu yoaa tiri jire.

2

Cohamacu yare potocã buherainare yahuha Pedro

¹ Panopu mari coyea judio masa mehne macaina “Cohamacu yare yahu muhtaina jija”, ni mahñoina jia tiri jire. Ti yoaro seheta mipu cãhure musa mehne macaina á ni mahñoina jahca. Tina potocã ti buheboro seheta mahñoa sehene buheahca. Á buheha Cristo ya sehene dojomehneahca. Á yoa Cristo to yuhduchu yoaborina jipahta tirore “Sã puhtoro jira”, ni tuhottuerara. Tí jipihitiare ti á yoari buhiri dóihita Cohamacu tinare tuaro buhiri dahrerohca.

² Á mahño ti buhechu tuhoa tina ti ñaare goa pjariro seheta payu masa tinare ñu cü ñano yoahca. Tí á ñano yoachu ñua paina masa cãhu noaa buheare ñano quitidahreahca.

³ Á jia tina mahñoina niñerure wapa cahmaa, mahñoa, ti mu saro ti yahua buheare buheahca musare. Tí á buheri buhiri Cohamacu tinare tuaro buhiri dahrerohca yuhduro marieno. Panoputa á yoainare buhiri dahre duti tuhsua tiri jire tiro.

⁴ Tó seheta panoputa Cohamacu ñaina anjoa cãhure to buhiri dahrehtore cü tuhsua tiri jire. Tinare pichacapu nahitianopu peresu yoaa tiri jire. Á yoaro pihitiri dacho baharo tinare buhiri dahrerohca.

⁵ Tó seheta panopu macainare Cohamacure cahmaerainare tiro buhiri dahrea tiri jire. Á yoaro jipihitiro ahri yahpare miono, jipihitina masa ñainare mio wajãa tiri jire. To á miohto pano Noe cjiro sehe tí pja macaina cjirire noaare yoa dutiro yahua tiri jimare. To á yoaro watoi Cohamacu ahri yahpare miono, Noéne tiro mehne macaina cãhure yuhduchu yoaa tiri jire. Tina jipihitina to yuhduchu yoarina ocho masa jia tiri jire.

⁶ Tó seheta Sodoma wama tiri maca macaina cjirire Gomorra wama tiri maca macaina cjiri cãhure Cohamacu buhiri dahrea tiri jire. Tí macarine pichaca mehne noano jü pahñonocaa tiri jire. Á yoaro baharopu jihtinare tirore cahmaerainare ñono nia tiri jire. Ñainare to buhiri dahrehtore ñono nia tiri jire tinare.

⁷ Á yoaro Lote wama tiroro cjiro sehene yuhduchu yoaa tiri jire. Lote sehe noariro jia tiri jire. Á jiriro jiro Sodoma macaina Cohamacu dutiare yuhdurucaina ñabiaro ti yoachu ñano pomea waha, ñano tuhottua tiri jire.

⁸ Tiro noariro ñaina watoi jiro, dachoripe ñabiaro ti yoachu ñano, ñano ti durucuchu tuhoro ñano yajeripohna tia tiri jire.

⁹ Tirore to yuhduchu yoachu ñuna ahri yu yahutire masija mari. Cohamacu mari puhtoro tirore cahmainare ti ñano yuhduchu ñano tinare yoadohrohca. Á jiro ñaina sehene peresu yoaro tinare cãhara pihitiri dacho jichu to buhiri dahrehto sehe.

¹⁰ Ñaare tuaro goa pjainare Cohamacure yuhdurucainare tina pinihtare ñano buhiri dahrerohca tiro. Ahrina musa mehne macaina mahño buheina ñaare yoaa, ne cuierara. Á yoa buo tierara tina. “Painare masi yuhdurucaja”, ni tuhottuina jira tina. Á jiina jia muano macaina tuainare ne ño payoerara, cuiro marieno ñano ni bujupera tinare.

¹¹ Anjoa sehe ne ti yoaro sehe yoerara. Tina sehe mahño buheina yuhdoro tuaina jira. Á jipahta tina ne bujupera mehne muano macaina tuainare ñano yahusãerara Cohamacure, “Painare yuhdurucaja”, nieraina jia.

¹² Wiho mejeta ahrina mahño buheina sehe nucu macaina wahiquina yoaro sehe tuho masieraina jira. Nucupu boca sua ti wajãhtina yoaro sehe jira tina. Tí cahmano seheta yoara tina. Á jia ti masierainare bujupere, ñano ni durucu cohtara. Á yoaina jia wahiquina yariahtina ti jiro seheta tina cãhu to buhiri dahrehtina jirucuahca.

¹³ Tinare ti ñano yoari buhiri buhiri dahrerohca Cohamacu. Tina ñaare goa pja yuhduara. Á yoaa dachopu masa ti ñarocaroi to jipachuta ñano yoarucura. Musa mehne bose numu yoaa, tí bose numui ñaare yoa yuhduara. Á jia musa bose numure ti wete dahreho seheta tinare musa ñu cãhu tí ñaa pihara musare.

¹⁴ Á yoaa numiare ñua, ñaha duara tina. Tuhsu, ñaare á yoarucu duara. Cohamacure wacü tuaera cureinare ñaare yoa dutia, tó sehe jiinare tinare ñu cãhu yoara. Á yoa ti sahsero paye barore, niñeru cãhure mahño

ma mihiina jira. Tina Cohamacu to buhiri dahrehtina jira.

¹⁵ Tina Cohamacu yare buheraa, soro jia buhea sehere buhera. Ā yoaa Balāa yoaro sehe yoaa nina. Balāa, Beor macaño jia tiri jire. Tiro sehe panopu to űaa yoaro mehne niűerure wapata duaa tiri jimare.

¹⁶ To ā yoachu űuno Cohamacu tuhtia tiri jire tire. To burro durucueraricoro jiparota masuno yoaro sehe to purore durucu tuhtia tiri jire. To ā tuhtichu tuħoro Balāa tuaro to űaare yoa duamarire duhunocaa tiri jire. Tuħo masierariro to yoa duamarire duhunocaa tiri jire.

¹⁷ Ahrina mahűoina mări pohtaripu co marieno yoaro sehe jira. Co mariea mări pohtari ti yaba cjihti jieraro seheta tina mahűoina ne yaba cjihti jierara. Ā yoa me curuari meano macaa core waboa curuarire wihnono to wārocachu ti curuari yaba cjihti jierara. Ā ti yaba cjihti jieraro seheta, tina mahűoina cāhu masare yoadohoera, ne yaba cjihti jierara. Ā jiro nahitiano warore yoa tuhsua tiri jire Cohamacu tōpu tinare buhiri dahrero taro.

¹⁸ Tina mahűoina ti durucua yaba cjihti jierara. Masiina yoaro sehe masare ā buhemacanocahna. Ō sehe ni buhera tina: “Mari cahmano seheta mari yoachu noa nina”, ni buhemana tina. Ti ā ni buhechu masa tuħoa űaare goa pjaa, ti ya buheare cahmana. Paina masa Cohamacare potocāta wahma cahma ducaina mahanocāta wahara ti űaare ti duhuri baharo, quihōno yoeraina mehne macaina ti jiri baharo. Tinare mahűoina ti buhechu tuħoa űaare cahmana tjoa Cohamacu yaina jiborina jipahta.

¹⁹ Tinare ō sehe ni buhera mahűoina: “Mari cahmano seheta mari yoachu noa nina”, ni buhemana tina. Ti ā ni buhepachuta ti niriro sehe wahaerara tinare. űaare duhu duaeraa, tīre duhu masieraputiara. Ti ā duhu masierachu, ti űaa ti puħtoro yoaro sehe jira.

²⁰ Mari puħtoro Jesucristore marine yuħdachu yoarirore wahma cahma ducaina sehe ahri yahpa macaa űaare duhunocamare. Ti ā duhuri baharo pari turi űaare yoaa tjoa, űabiaro waro tjuara tina. Cristore ti masiħto pano ti ji muħtariro yuħdoro űabiaro tjuara juna, pari turi űaare yoaa tjoa.

²¹ Ā űabiaro tjuaa, Cohamacu tinare to dutiare yuħdurucua, noaa buhea sehere ti ne masi muħtaerachu noabiaboa tinare.

²² Ā jia pari turi űaare yoaa, masape ti ni durucuruciriro seheta yoaa nina tina. Ō sehe ni durucura masa: “Diero toa tuhsu pari turi to toa cūri cjiřire chura. Ā yoa yesere ti cosari baharo pari turi tiro űari sahbai cuhsara tjoa. (Tō seheta yoara noaa

buheare cahmamarina cāhu pari turi űaare cahmaa tjoa)”, ni durucura masa.

3

Cristo ahri yahpapu to tjuu taħtore yahuha Pedro

¹ Yu cahűina, masare cū pū joaroca tuhsu. Ā jicu ahri pūre mipure masare joarocai nija tjoa. Tuhsu puu taha joarocacu ahri jipihitiare masare wacūchu yoa duai nija noaa dihtare masa tuħotuħto sehe.

² Panopu macaina noaina Cohamacu yare yahu muħtaina cjiři ti yahu joari cjiřire wacūga masa. Mari puħtoro marine yuħdachu yoariro Cristo to dutia cāhure wacūga. Tī dutiare sā to cūřina masare buhei.

³ Ahrire masa masichu tuaro cahmaja. Ā jina wahmanore ahrire wacū muħtaga: Pihitiri dacho panocā Cohamacu yare bujupaina jiaħca. Tina űaare goa pjarucuina jiaħca. Ō sehe ni bujupeahca:

⁴ “Cristo ‘Tjuu taiħtja’, niparota ne tjuu tasi. Ĵtjuu ta duaparota doħsearo ne bājuerajari tiro? Ahri yahpa to ji ducari baharo mari űuchusuma muna ti yariari baharo jipiħtiro soro sehe waharo marieno ā jirucura. Ā jiro ahri yahpare taħtiro muanopure mariaħna”, ni bujupaina jiaħca.

⁵ Ā ni bujupera ahri sehere ne wacūerara tina: Panopure Cohamacu to dutiro mehne ahri yahpare, muano cāhure bajuamehnea tiri jire. Ā yoa tuhsu ahri yahpai co dihta jiriro cjiřore yahpa jichu yoaa tiri jire tiro. Ā yoaro co mehne ahri yahpa mipu to jiro seheta ahri yahpare yoaa tiri jire tiro.

⁶ Ā yoa baharopu ahri yahpare miono, cohā pahűoa tiri jire ahri yahpa macaare ahri yahpa macaina cāhure. (Ā jiro ahri yahpare cū tahata soro wahachu yoa tuhsua tiri jire Cohamacu.)

⁷ Ā soro wahachu yoaparota mipure muanore, ahri yahpa cāhure pari turi coħtotachu yoerasinire tiro. Tiro to dutiro mehne ahri yahpare muano cāhure mipure ti jiro seheta jirucu namochu yoaro nina. Ā jiro coħtaro nina baharo jipiħtiřopure jūno taro. Ā coħtaro nina Cohamacu tireo cahmaerainare buhiri dahrero taro. Ā buhiri dahrero tinare pichacapu cohānoħca.

⁸ Yu cahűina ahrire wacūga masa: Mil cāħmarine “Yoabiari pja jira”, mari ni tuħotupachuta cū dachota jira Cohamacu to űuchu sehere.

⁹ “Cohamacu to niriro sehe ne so yoaeraputiara”, nina masa. Ā jierara. Masare noano yoa duaro coħtasinino nina. Ne cūiro masunore pichacapu cohā duaerara tiro. Ā jiro jipiħtina pano ti űaare tuħotumarire

ti duhuchu, Cohamacure ti cahmachu cahmasinina tiro.

¹⁰ Nampure yaca bucuro to wacuenoca yacaro saariro seheta Cristo ahri yahpape wacuenoca tarohca. To tachu to tuaro bisichuta muano macaa pihtia wahaahca. Ju pihtia wahaahca. A yoa ahri yahpa, ahri yahpa macaa cahu ju pihtia wahaahca. Cohamacu ahri yahpa macainare buhiri dahrero taro nina.

¹¹ "Ahri jipihtia pihtia wahaahca", Cohamacu to nichu tuhona naare duhuina, Cohamacu cahmaare yoaina jiro cahmana marine.

¹² Mari puhtoro Cristo ahri yahpape to tahtore cohtaina jina, soaro mehne to tachu yoaga musa. Ti dachoi muano macaa ju pihtia wahaahca. Jipihtia ju sipia wahaahca.

¹³ To a cuaro wahahto to jipachuta mari sehe Cohamacu to ni curo sehta jipihtiare to cohtotahtire cohtaja mari. Jipihtia ti ju pihtiare baharo o sehe jirohca. Manopu cahu ahri yahpape cahu wahma jahca. A yoa ti papure noa dihtare yoaahca jipihtina. Ahrireta cohtaja mari.

¹⁴ A yoa yu cahina, mari puhtoro to tahtore cohtaina jina Cohamacu to nurocaroi noano yoaina jiga musa naa buhiri marieina musa jihto sehe. A noano yoaina jiga musa Cohamacu musa mehne to wahchehto sehe.

¹⁵ Yoa cureri pja to bajuerachu nuna ahrire masiga musa. Masa tirore cahmaina to yuhdachu yoahcina duhsasinina mini. A jiro tinare cohtasinino nina Cohamacu. Ata ni musare joarocari jire mari coyeiro mari cahiro Paulo. Cohamacu to masia mehne tire joarocari jire tiro.

¹⁶ A dihta ni joarocara Paulo to joarocaa taharipe. Cristo to tahtore, naare yoeraina mari jihto cahure yahuro o sehe dihta ni joarocari jire tiro. Caa tahari mijo cureare tiro yahu joarocari jire. Paina ne masieraina, tuho masieraina mahnoa mehne to a nirire cohtota mujana. To a niri jipachuta soro ni cohtota yahura tina. Paye Cohamacu yare ti joaa puri cahure to sehta yoara tina. Ti a yoachu nuno Cohamacu tinare tuaro buhiri dahrerohca.

¹⁷ Yu coyea, yu cahina ahri jipihtiare ti a wahahto pano yahuyui nija musare. A jina ahrire masina, noano yoaga musa. Naaina musare soro ni ti buhechu ne tuhoena tjiga tinare, "Cristore wacu tua duhuri", nina.

¹⁸ A jina mari puhtoro marine yuhdachu yoaroro Cristore noano wacu tua namoga musa. Tirore, marine to cahia cahure noano masi namoga musa. Mipure, jipihtia dachoripe tirore noano wahche payojihna mari. "Noariro, tuariro jira", nijihna mari tirore. Ata nijihna.

2

1 San Juan

Jesucristo catiare wariro jira

¹ Jesu Cohamacu ya duserore yahuriro jira. Dóiputa wahmanoputa jiriro tiro masare Cohamacu mehne ã jirucuchu yoariro jia tiri jire. Mipure sã tirore yahu joana nija. Tirore tuhona, catiuro warore tirore ñui sã. Æ tjira. Tirore ñuna, sã wamomacari mehne tirore dahra ñui sã.

² Ahriro Cohamacu mehne ã jirucuchu yoariro ahri yahpau to masa bajuari baharo tirore sã ñui. Æ jina tirore yahuja sã musare. Tiro jipihtia dachoripe to Pucuro mehne jirucuriro to jichu, mipure Cohamacu tirore ñore sãre. Tíre yahuja sã musare.

³ Cohamacu mehne macaina jija sã. To macano mehne macaina cãhu jija sã. Æ jina musa cãhu sã mehne macaina, Cohamacu mehne macaina, to macano mehne macaina musa jilto cjihtore sã ñurire, sã tuhore musa cãhure sã yahuja.

⁴ Ahrireta sã joaja noano mari wahchehti cjihtire.

Buhriaro to wete marieno seheta Cohamacure ñaa yoaa ne mariahna

⁵ Ahri buhea Cohamacu macano sãre to yahuri cjiro jia nina. Miputa ahrire yahunahca sã musare: Cohamacu buhriaro yoaro sehe jira. Buhriaro wete marieno to jiro seheta tirore ne ñaa yoaa mariahna. Ñaa sehe nahitiano yoaro sehe jira. Cohamacure ne ñaa yoaa mariahna. To Æ jia tiare yahuja musare.

⁶ Æ jina nahitiano jiiina yoaro seheta mari ñaare yoaina jipanahta "Cohamacu mehne macaina jija" nina, mari mahñona nija. Æ yoa Cohamacu yare quihõno yoeraja.

⁷ Æ yoa buhriaropu jiiina yoaro seheta Cohamacu to yoariro seheta mari noaa sehere yoana, paina Jesu yaina mehne noano jina nija. Mari Æ yoaina jichu Cohamacu macano Jesu to di cohãno mehne, crusai to yariari mehne jipihtia mari ñaa yoari buhirire cohãna.

⁸ "Yuhu pini ne ñaare yoeraja", ni wacãna, mahñoare tuhutuna nija mari. Mari Æ ni tuhutuna Cristo yare potocã jiare ne masieraja.

⁹ Wiho mejeta Cohamacure mari ñaa yoarire mari yahuchu tiro quihõno yoariro jiro, mari ñaare borohca. Æ boro jipihtia mari ñaa buhirire cosawerohca tiro. To niriro seheta yoariro jira tiro.

¹⁰ "Ñaare yoeraja" nina, "Cohamacu mahñoriro jira", nina nija mari. Æ seheta niina to buheare cahmaerara.

Cristo marine yoadohora

¹ Yu pohna, musa ñaare yoerahto sehe ahrire joai nija. Yu Æ ni joapachuta ñaare yoaboca musa. Musa Æ yoachu ñano Jesucristo noariro musa ya cjihtire to Pucurore ò sehe ni sini payorohca: "Ahrina ti ñaare yoari buhirire buhiri dahrei tjiga", ni sini payorohca to Pucurore.

² Cristo mari ñaa yoari buhirire cohãriro jira. Mari ñaa yoari buhirire mari dihtare cohãerara. Jipihtiro macainaru cãhure ti ñaa yoari buhirire cohã masina tiro.

³ Cohamacu to dutiare yoana, tirore potocãta noano masija mari.

⁴ Cãiro Cohamacu dutiare yoeraaparota "Yuhu Cohamacure masija" nino, tiro mahñoriro jira. Æ jiro Cristo yare potocã jiare ne masierara.

⁵ Pairo sehe Cohamacu dutiare yoariro Cohamacure tuaro cahiro jira. "¿Cohamacu mehne macaina jijari mari?" ni masi duana, ò sehe mari masinahca:

⁶ "Cohamacu mehne macariro jija", niriro Jesucristo yoaro seheta noaare yoariro jiro cahmana tirore. To Æ yoariro jichu ñuna "Cohamacu mehne macariro jija", ni masija mari.

Wahma dutiare yahu ducaha

⁷ Yu cahina, ahri dutia mipure musare yu yahuhto wahma dutia jierara. Ahri dutia musa wahmanopure cjuariro cjiro muna dutia tjira. Ti dutiare musa tuho tuhsare.

⁸ Mipu sehere musare yu yahuhto muna dutia jiparota wahma dutia cãhu jira. Cristo, musa cãhu ti dutiare yoara. Miputa nahitiano to pihti wahcãchu mari ñu masino seheta mari masierare masi ducã wahcãna nija mari. Æ jiro buhriaro mehne mari ñu masino seheta Cristo musare potocã jiare masichu yoaro ta tuhsare.

⁹ "Yuhu buhriaropu jiriro yoaro seheta Cohamacu dutiare yoariro jija", cãiro nipaarota, painare ñu tuhtiriro jiro, tiro Cohamacu dutiare yoeraara.

¹⁰ Æ yoa pairore cahiro pinihta buhriaropu jiriro yoaro seheta Cohamacu dutiare yoariro jira tiro. Æ jiro ñaare pari turi yoa duaerara.

¹¹ Pairore ñu tuhtiriro sehe nahitianopu jiriro yoaro seheta jiro nina. Tiro capari ñuerariro yoaro seheta jira. To wahahtore ñu masierara tiro.

¹² Yu pohna, Cristo to yariaro mehne musa ñaa yoari buhirire cohãri jire. Æ jicu musare yahu joai nija.

¹³ Musa pucusuma cãhu, musa Cristore wahmanopure jirirore masina musa. Musa Æ masiina jichu musa cãhure yahu joai nija. Musa wahma yapia ñariro watñore

yuhdurucare musa. Musa ã yuhdurucaina jichu musa cãhure yahu joai nija.

¹⁴ Yu pohna, Cohamacu mari Pucuare musa masina. Musa ã masiina jichu musare mipure yahu joai nija. Musa pucusuma, musa Cristore wahmanopure jiriore masina musa. Musa ã masiina jichu musare yahu joai nija. Musa wahma yapia potocãta musa Cohamacure wacũ tuaina jira. Æ jina musa Cohamacu yare yoara. Æ yoana, musa ñariro watĩnore yuhdurucare. Æ jicu musare yahu joai nija.

¹⁵ Ahri yahpare ahri yahpa macaa ñaare cahmaena tjiga. Ahri yahpa macaa ñaare cahmaina jina Cohamacu mari Pucu sehere cahmaerara musa.

¹⁶ Ñaina ti basi ñaare ti goa pjari, ñaare ti ñu duari mari Pucu Cohamacu ya jierara. “Noano cjuã pahñoriro, masi pahñoriro jija yuh. Ne cãiro masano yuhure yuhdurucaerara”, masa ti ni tuhota mari Pucu Cohamacu ya jierara. Ti jipihtia ahri yahpa macaa jira.

¹⁷ Ahri yahpa, ahri yahpa macaa cãhu masa ti cahmari cjiri pihtia wahaahca. Cohamacu cahmaare yoariro sehe jipihtia dachoripe Cohamacu mehne jirucurohca.

Cristore ñu tuhtiriro sehere yahuha Joã

¹⁸ Yu pohna, ahri dacho to pihtihto mahanocã duhsara. “Cristore ñu tuhtiriro tarohca” ni, Jesu yaina musare yahu tuhsare. Mipure Cristore ñu tuhtiina payu ji tuhsare. Ti ã jichu ñuna mipure pihtihti dacho cjihto mahanocã to duhsachu masija mari.

¹⁹ Ahrina Cristore ñu tuhtiina sehe mari mehne jipahta potocã mari mehne macaina jierare. Æ jia tina marine cohãnocare. Tina mari mehne macaina jia, mari mehne jiboa. Marine cohãnocare. Ti ã cohãchu mari mehne macaina ti jierachu masija mari.

²⁰ Cristo Espiritu Santore musa sehere ware. Æ jiro Espiritu Santo musa mehne jira. Æ jina musa jipihtina Cristo yare potocã jiare masi tuhsara.

²¹ Musare yahucu “Cristo yare masierara musa”, ni tuhoteraja yuh. Musa Cristo yare masiina jichu ñucu musare yahuja. Cristo ya ne mahñoa jierara. Ti cãhure masiina musa jichu masija yuh.

²² Ahriro jira mahñoriro: “Jesu Cohamacu masare yuhduchu yoa duti to warocariro Cristo waro jierara”, niriro sehe mahñoriro jira. Potocãta Cristore ñu tuhtiriro jira tiro. Cohamacure, to macano cãhure cahmaerariro jira Cristore ñu tuhtiriro.

²³ Õ sehe tjira: Jesure cahmaerariro sehe to Pucuro cãhure cahmaerariro tjira. Jesure cahmariro sehe to Pucuro cãhure cahmariro jira.

²⁴ Wahmanopure Cohamacure musa tuhori cjirire noano wacũga. Tĩre wacũna, Jesu mehne macaina jinahca musa. Æ yoa to Pucuro mehne macaina jinahca.

²⁵ Tĩreta Jesu marine yahure. Õ sehe jira to yahuri cjiri: “Musa jipihtia dachoripe Cohamacu mehne jirucunahca”, ni cũre Jesu marine.

²⁶ Paina musare mahñoa nina. Ti ã mahñoare masicu musare yahu joai nija.

²⁷ Æ ti mahñoina musa jipachuta musa sehere Cristo Espiritu Santore wa tuhsare. Espiritu Santo musa mehne jira. Musa mehne jiro musare buheriro jira. Æ jiro tiro jipihtiare musare yahura. To yahua potocãta jira. Mahñoare yahuerara tiro. Æ jina paio musare buhehtirore cahmaerara musa. Espiritu Santo to niriro sehetã yoaga musa mipure. Æ yoana musa Cristo yare tuhona, tiro mehne macaina jiga.

²⁸ Æ tjira. Yu pohna, Cristo mehne macaina jiga musa. Æ jina Cristo to tahti dachore musa cuisu. Æ jina tiro to tahti dachore musa buo ti duhtisi.

²⁹ Cristo noaare yoariro to jichu musa masina. Tĩre masina ahri cãhure masiga musa. Jipihtina noaare yoaina Cohamacu pohmata jira. Ahri cãhure masiga musa.

3

Musata Cohamacu pohna jira

¹ “Musa yu pohna jira” nino, tuacaro cahĩ yuhdurucajari Cohamacu marine. To ã cahĩina jinata to pohna jija mari. Ahri yahpa macaina ñaina Cohamacure masierara. Æ jia Cohamacu pohna mari jichu ñuna tina mari cãhure masierara.

² Yu cahĩina, mipure Cohamacu pohna jija mari. Æ jipanahta baharo mari jikti cjihtire mari noano masierasiniya. Æ masierapanahta ahri sehere masija. Cristore mari ñuna, doĩhta mari tirore ñu masinahca. Æ jina Cristo marine to bajuachu tiro to jiro sehetã mari cohtotannahca.

³ Jipihtina ahrire masiina Cristo to tah-tore cohtaina tirore ñu cãa ñaare yoa duerara.

⁴ Ñaare yoana to dutiare yuhdurucana nija. Æ jia jipihtina ñaare yoaina Cohamacu dutiare yuhdurucaina jira.

⁵ Cristo masare ti ñaa buhirire cohãhtiro cjihto bajuari jire. Tiro ne ñaare yoarerara. Tĩre masina musa.

⁶ Æ jia jipihtina Cristo yaina ñaare yoarucuerara. Pairo sehe ñaare Æ yoarucuriro Cristore wacũ tuarero, ne tirore masierara. Æ jiro Cristo yairo jierara.

7 Y_u pohna, mäsare mahñoinare ne tãhoena tjiga. Jipihtina noaare yoina Cristo yoaro sehe noaina jira.

8 Pairo sehe ñaare ã yoarucuriro watño yairo jira. Watño pinihta dóihta ñaare yoariro jia tiri jire. Ñ jiro watño to ñaare yoare, to ñaare yoa dutia cãhure duhuch_u yoah tiro cjihto Cohamac_u mac_uno bajuari jire.

9 Cohamac_u pohna jina Cohamac_u yoaro seheta jiina jija. Ñ jinata ñaare yoarucueraja. Cohamac_u mari P_uc_u to jich_u mari sehe ñaare yoarucu masieraja.

10 Õ sehe jiiinare Cohamac_u pohñare masinahca: Cohamac_u pohna watño pohna yoaro sehe jierara. Ñaare yoarucuina, painare cahñeraina Cohamac_u pohna jierara.

Musa mehne macainare cahñga

11 “Mari mehne macainare cahñjihna”, ni buheare wahmanop_ure tãho tuhs_ure musa.

12 Mari Cañ to ñano yoariro seheta yoaena tjijihna. Tiro watño yairo jiro, to bah_urore wajãa tiri jire. ¿Dohse yoaro tirore wajãri, musa tuhotuch_u? Tíre yahuihtja musare: Cañ to yoari cjiri ñaa jia tiri jire. To bah_urore sehe to noaare yoariro jich_u ñ_u tuhtiro to wahmino sehe tirore wajãa tiri jire.

13 Ñ jina y_u coyea, ahri yahpa macaina musare ti ñ_u tuhtich_u “¿Dohse jiro baro marine ñ_u tuhtijari tina?”, ni tuhotuena tjiga.

14 Mari pichacap_u wahaborina jimai. Mip_ure m_uanop_u ã jirucuh_utina cohtotari- nap_u jina nija mari. Jesu yainare cahñna, Cohamac_u marine to cohtotach_u yoarire masija mari. Masare cahñerario pichacap_u wahah tiro jira.

15 To coyeirore ñ_u tuhtirore masare wajãriro jira, Cohamac_u to ñ_uch_u. Masare wajãina ne m_uanop_u Cohamac_u mehne jirucusi. Tíre noano masina musa.

16 Masare cahñare õ sehe masinahca. Jipih- tia dachoripe Cohamac_u mehne mari jihto cjihtore Cristo yariaro marine tuaro cahñre. Ñ yariaro marine to ã cahñurucire masich_u yoaro nire. Ñ jina Cohamac_u to cahmach_u mari cãhure Jesu yaina yaro jiborirore yari- aro cahmaboca.

17 Pay_u cjariro Jesu yairore pjac_uorirore ñ_uparota tirore pja ñ_ueraro, Cohamac_ure cahñerara tiro.

18 Y_u pohna, mari cahñ sehe mari d_usero dihta wijaero tjijaro. Masare mari cahñna, potocãta tinare yoadohoro cahmana ma- rine.

Cuio marieno Cohamac_u cahai ji masija mari

19 Tó seheta cahñna mari potocã Cohamac_u yaina mari jia tia cãhure masinahca. Ñ jina Cohamac_u cahai ne cuio marieno mari ji masija.

20 Ñ jina “Ñaa buhiri jica y_uhure”, mari ni tuhotupanahta, Cohamac_u cahai cuio marieno ji masija. Tiro sehe mari y_uhdoro tuariro jiro jipihtiare masi pahñoriro jira.

21 Y_u cahñna, noaare yoana, “Noaa sehene yoana nija”, ni tuhotuna, Cohamac_u cahai mari cuio marieno ji masija.

22 Cohamac_u to dutiare, to cahmaa cãhure mari yoach_u, tirore mari sinino purota tiro warohca.

23 Õ sehe dutira tiro marine: “Cohamac_u mac_uno Jesucristore wac_u tuaga. Ñ yoa Cristo marine to dutirore seheta musa mehne macainare cahñga musa”, ninota du- tira marine.

24 Cohamac_u dutiare yoariro Cohamac_u mehne macariro jiro nina. To ã jirore jich_u, Cohamac_u tiro mehne macariro jira. Cohamac_u mari mehne macariro to jiare mari masi duach_u marine to wariro Espiritu Santo tíre marine masich_u yoarohca.

4

Mahñoare ti buhech_u, Cohamac_u yare ti buhech_u cãhure noano ñ_u masi dutiha

1 Y_u cahñna, paina “Cohamac_u yairo Espiriture cjuaja”, niina ti jipachuta ti buhea mahñoa jira. Paina sehe Espiritu Santo warore cjuaina ne mahñono marieno buhera tina. Pay_u “Cohamac_u yare yahu muhtaina jija”, nipahta mahñoina jira mip_ure. Jipihtiro_u jira tina. Ñ jina paina musare ti buhea sehe mahñoa buhea jich_u ñ_u masiga musa. Cohamac_u ya ti jich_u cãhure ñ_u masiga musa.

2 Cohamac_u yairo Espiritu Santore cjuainare musa ñ_u masi duana, õ sehe masinahca: “Jesucristo ahri yahpap_u mari yoaro sehe pjac_u tirore bajuari jire” ni, buheina Cohamac_u yairo Espiritu Santore cjuaina jira tina. Ñ jina ã ni buheinare ñ_u masinahca musa.

3 Paina sehe “Jesu ahri yahpap_u mari yoaro sehe pjac_u tirore bajuari jire” ni, buheina Cohamac_u yairo Espiritu Santore cjuainera jira. Ti ya tuhotua Cristore ñ_u tuhtirore to tuhotore seheta jira. “Cristore ñ_u tuhtirore tarohca”, ti nirire tãho tuhs_ure musa. Ñ yoa to ya buhea ahri yahpap_ure wihi tuhs_ure.

4 Musa sehe y_u pohna, Cohamac_u yaina jira musa. Ñ jina “Cohamac_u yare yahu muhtaina jija sã” ni, mahñoinare yuhduruca tuhs_ure musa. Musa mehne jirore Espiritu Santo sehe tua yuhdurucara. Ñ jiro ahri yahpa macaina yairo watño y_uhdoro tuara. Ñ jina mahñoinare yuhdurucare musa. Ñ jina ti buheare cahmaerare musa.

5 Mahñoina sehe ahri yahpa macaina ñaina jira. Ñ jia tina ahri yahpa macaa ñaare

ti buhech^u ahri yahpa macaina ñaina sehe tinare noano tũhora.

⁶ Mari sehe Cohamac^u yaina jija. ã jia Cohamac^ure masiina marine noano tũhora. Paina sehe Cohamac^u yaina jieraa, marine ne tũho duaerara. Ti ã tũho duaerach^u ñana ti ya buhea Cohamac^u ya buhea ti jierach^u masinahca mari. Paina sehe marine ti tũhoch^u ti ya buhea noaa buhea ti jich^u cãhure masija mari.

Cohamac^u painare tuaro cahĩrucuro jira

⁷ Y^u cahĩina, Cohamac^u marine painare cahĩch^u yoariro jira. To ã yoariro jich^u ñana mari mehne macainare cahĩjihna mari. Masare noano cahĩina sehe Cohamac^u pohna jira. ã jia tina Cohamac^ure noano masina.

⁸ Cohamac^u jipihtinare tuaro cahĩrucuro jira. To ã cahĩrucuro to jich^u masare cahĩeraina sehe Cohamac^ure masierara.

⁹ Cohamac^u marine to cahĩare mari masi duana, õ sehe masinahca: Cohamac^u sehe to mac^uno^{re} cãirota jirirore marine yũdch^u yoahrtiro cãjhtore ahri yahpapure warocari jire. ã warocaro marine to cahĩare marine masich^u yoaro niri jire.

¹⁰ Cahĩa waro õ sehe jira: Cohamac^ure mari cahĩri cjiri sehe potocã cahĩa waro jierara. Marine Cohamac^u to cahĩa sehe potocãta cahĩa waro jira. ã yoa to mac^uno^{re} mari ñaa buhirire cohãhtiro cãjhtore warocaro marine tuaro cahĩna tiro.

¹¹ Y^u cahĩina, Cohamac^u ã tuaro marine to cahĩch^u ñana mari cãh^u mari mehne macainare cahĩjihna.

¹² Masa sehe ne Cohamac^ure ñerare. Tirore ñeraina mari jipachuta mari mehne macainare mari cahĩch^u, Cohamac^u sehe mari mehne ã jirucuro nina. ã jiro potocãta marine cahĩ namorucuch^u yoara tiro.

¹³ Cohamac^u sehe marine to yairo Espĩritu Santore ware. ã jina Espĩritu Santore cãjana, Cohamac^u mehne mari noano jia tiare, tiro sehe mari mehne to noano jia tia cãhure masija mari.

¹⁴ ã yoa Cohamac^u mari P^uch^u to mac^uno^{re} ahri yahpa macainare yũdch^u yoahrtiro cãjhtore to warocarire sã ñui. Tĩre ñana painapure tĩre yahuja sã.

¹⁵ Cohamac^u mehne macariro õ sehe niriro jira: “Jesu Cohamac^u mac^uno jira”, niriro tiro pini Cohamac^u mehne macariro jiro nina. ã yoa Cohamac^u cãh^u tiro mehne macariro jiro nina.

¹⁶ ã yoa marine Cohamac^u to cahĩare masija mari. Cohamac^u jipihtinare tuaro cahĩrucuro jira. ã jiro cãiro masare cahĩrucuro jiro, Cohamac^u mehne macariro jira. ã jiro Cohamac^u cãh^u tiro mehne macariro jira.

¹⁷ ã jina mari noano cahĩ namorucuja Cohamac^ure, paina cãh^ure, buhiri dahreri dacho jich^u mari cuiro marieno mari jihto cãjhtore. ã jina cui^u mari ahri yahpai Cristo yoaro sehe jina.

¹⁸ Painare cahĩa mehne ne cuiro mari-ahna. Cohamac^u marine to cahĩare masina mari ñano wahahtore ne cuieraja. Masa cui^u tinare buhiri dahrehtore cuiina jira. ã jiro cuiriro sehe Cohamac^u cahĩare masierariro jira.

¹⁹ Marine Cohamac^u cahĩ mahtari jire. ã jina mari cãh^u tirore cahĩja.

²⁰ Cãiro “Cohamac^ure cahĩja”, niriro jiparota paio^{re} ñu tuhtiriro jiro, mahĩoriro jira tiro. Tiro to ñurirore cahĩeraro, Cohamac^ure cahĩ masierara tiro, tirore ñeraro.

²¹ ã jiro õi jira marine Cristo to dutia: Cohamac^ure cahĩro jic^u m^u cahai jiriro cãhure cahĩga.

5

Cohamac^u pohna ahri yahpa macaa ñaare yoa duaerara

¹ Jipihina Jesure “Cohamac^u masare yũdch^u yoa duti to warocariro Cristo jira” niina, Cohamac^u pohna jira. Paina p^uch^uore cahĩna, to pohna cãhure cahĩja mari.

² Tõ sehetã Cohamac^ure cahĩna, to dutiare noano yoana to pohna cãhure mari cahĩna nija.

³ To dutiare noano yoana Cohamac^ure cahĩna nija. Cohamac^u to dutiare mari yoach^u marine war^uerara. Mari jipihina Cohamac^u pohna jina, ahri yahpa macaa ñaare cahmaeraja mari. ã jia to dutiare mari yoach^u war^uerara.

⁴ Cohamac^ure wacũ tuana ne ahri yahpa macaa ñaare cahmaeraja. ã jina tirore mari wacũ tuari baharo ñano yoa duaeraja.

⁵ Ñaare cahmaerana õ sehe niina jija mari: “Jesu Cohamac^u mac^uno jira”, niina jina ahri yahpa macaa ñaare cahmaeraina jija mari.

Cohamac^u mac^uno^{re} yahuha Joã

⁶ Jesucristo ahri yahpap^u to tach^u tirore Joã co mehne to bautisarire masina, crusap^u to di cohãri cãhure masina, Cohamac^u mac^uno to jiare masija mari. To bautisari dihta Cohamac^u mac^uno to jiare marine masich^u yoerara. To di cohãri cãh^u marine tĩre masich^u yoara. Espĩritu Santo “Jesucristo Cohamac^u mac^uno jira”, ni yahura marine. Tiro potocã ni yahuriro jira.

⁷ ã jia Jesu Cohamac^u mac^uno to jiare tiaro marine yahura:

⁸ To macuno to jiare Espiritu Santo sehe marine yahura. Á yoa Jesure co mehne to bautisari cãhure masina, Cohamacu macuno to jiare masija mari. Á jina mari ya cjihtire to yariarire to di to cohãrire masina, Cohamacu macuno to jiare masija mari. Á jia tí sehe cãno potori marine masichu yoara Jesu Cohamacu macuno to jiare.

⁹ Masa ti yahuare tuhona “Potocã tjira”, nija mari. Á niina jipanahta Cohamacu to macunore to yahuchu masa ti yahua yuhdoro tiro sehere noano tuhoro cahmana marine. Cohamacu waro to jichu to macunore to yahuare tuhoro cahmana marine.

¹⁰ Á jia jipihtina Cohamacu macunore wacũ tuaina Jesure yahua buheare noano tuhora. “Potocã tjira”, ni tuhutura tina Jesure yahua buheare. Cohamacu to macunore to yahuare tãhoerariro “Cohamacu mahñoriro jira”, niriro jira tiro.

¹¹ Cohamacu marine jipihtia dachoripe to catia mehne á jirucuchu yoarohca. Cohamacu macuno yaina mari jichu ñuno á jirucuchu yoarohca marine. Ahri jira Cohamacu marine to yahua.

¹² Cohamacu macuno yaina jia to catia mehne á jirucuahca. Paina tirore cahmaeraina sehe to catia mehne ne á jirusi.

Yahu to joa batoa jira

¹³ Musa Cohamacu macunore wacũ tuaina Cohamacu catia mehne á jirucunahca. Tíre musa masihtí cjihtire musare yahu joai nija.

¹⁴ Cohamacu to cahmariro seheta mari tirore dohse jiare mari sinichu tiro marine noano tuho nunuhca. Á mari sinina “Potocãta noano tuhora tiro”, ni masija mari.

¹⁵ Tirore mari sinichu, tiro marine tuhora. To á tuhore masina, tirore mari sinino purota to wahtiro jichu cãhure masija mari.

¹⁶ Musa coyeiro to ñaare yoachu ñuna, tí ñaa Cohamacu pichacapu to waha dutia ñaa jierachu, tirore sini payobasaga Cohamacure. Á jiro Cohamacu tirore yoadohoro to catia mehne á jirucuchu yoarohca tirore. Cohamacu pichacapu to waha dutieraina dihtare sini payobasaga musa. Paye ñaa sehe Cohamacu pichacapu to waha dutia ñaa waro jira. Cãiro tí ñaa warore to yoachu “Tirore sini payobasaga musa”, nieraja yehu.

¹⁷ Jipihtia ñaa yoa ñaa warota jira, Cohamacu to ñuchu. Ti á jipachuta paye ñaa Cohamacu pichacapu to waha dutia ñaa jierara.

¹⁸ Cohamacu macuno Jesu sehe Cohamacu pohñare noano ñu wihbora. To á ñu wihbochu watino sehe Cohamacu pohñare ne ñano yoa masierara. Á jia Cohamacu pohña

sehe ñaare á yoarucuerara. Ahrire mari masija.

¹⁹ Mari sehe Cohamacu yaina jija. Watino sehe ahri yahpa macaina puhtoro jira. Ahri cãhure mari masija.

²⁰ Cohamacu macuno ahri yahpãre taro marine noano masichu yoare tiro. To á yoachu potocãta Cohamacu waroreta mari noano masija. Ahri cãhure mari masija. Cohamacu macuno Jesucristo yaina jija mari. Á jina potocãta Cohamacu waro mehne macaina jina nija. Ahriro yu niriro potocãta Cohamacu waro jira. Á yoa ahriro to macuno to catia mehne á jirucuchu yoariro jira.

²¹ Yu pohña, “Cohamacu jira”, ti nia masarine ño payoena tjiga.

2 San Juan

Jesucristo yare, potocã cahña cãhure yahuha

¹⁻² Yũhũ bũcũro mũhũre Cohamacũ to besericorore mũ pohna cãhure ahri pũre joarocaja. Jesucristo yare yãhtiina jija mari. Tiro to buhea cãhũ mari mehne jipihitia dachoripe ã jirucuahca. ã jicũ potocãta mũsare cahñja yũhũ. Yũhũ dihta cahñcũ nieraja mũsare. Paina Jesu yare masiina tina cãhũ potocãta cahñna mũsare.

³ Cohamacũ mari Pũcũ, Jesucristo to macũno cãhũ potocãta ti cahña mehne marine noano yoaahca. ã jia pja ñũa mehne marine noano jichũ yoajaro tina.

⁴ Cohamacũ mari Pũcũ marine to dutiriro seheta cãina mũ pohna to yare yãhtiina ti jichũ masicũ wahcheja yũhũ.

⁵ Yũ cahñicoro, mipũre mũhũre yũ dutihtõ wahma dutia jierara. Wahmanopũre ahri dutia marine dõipũta ji tuhsũri jire. Õ sehe dutira marine. Mari mehne macainare cahñjihna.

⁶ To dutiare yoa pahñona mari tirore cahñja. Wahmanopũre mũsa tuhõriro seheta mipũ cãhure õ sehe dutira mũsare. Painare ã cahñrucuina jiga.

Payũ mahñõina jira

⁷ Payũ mahñõina “Potocã Jesucristo ahri yahpũpũ mari yoaro sehe pjacũ tiriõ masa bajuerari jire”, niina cãhũ ahri yahpa macainare buhea wahare. Tõ sehe niina mahñõiro, Cristore ñũ tuhtũriro yoaro sehe jiina jira.

⁸ Noano yoaga mũsa. Cohamacũ ya wapare mũsa noano yoari wapare boena tjiga. Mũsa ã boerachũ Cohamacũ noa yũhdũaro yoarõhca mũsare.

⁹ Jipihitia Cristo yare yũhdũrucaina, Cristo yare quihõno buheraina Cohamacũ yaina jierara. ã yoa Cristo yare ne cohãeraina Cohamacũ mari Pũcũ, to macũno mehne macaina jira tina.

¹⁰ Cristo ya buheare ne cahmaerariõ, paye buheare yahuriõ mũsa cahai to tachũ, tirore mũsa wãhũi sãa ta dutiena tjiga. Tirore piti bocaena tjiga.

¹¹ Paye buheare yahuriõ Cristo yare cahmaerariõ ñano yoara. ã jiro tirore piti bo-caririõ sehe ñano yoaririõre yoadõhoro nina.

Yahu joa batoa jira

¹² Payũ mũsare yahu duapaihta tũre joa duaeraja. Mũsare ñũi waha duaja. Mũsare ñũcũ mũsa mehne sũhũduihtja mari noano wahchehti cjihũre.

¹³ Cohamacũ to besericoro mũ baho pohna sehe mũhũre noa dutira.

3 San Juan

João Gayo wama tirirore “Noairi jira”, nija

¹ Yuhũ buçaro muhare Gayore potocã yu cahĩrirore ahri pũre joarocaja.

² Yu cahĩriro, Cohamacũ mehne macariro mujichũ masija yuhũ. Tiro mehne mu noano jiriro seheta mu noano yuhduhti cjihtire, mu pjacu dohatiro marieno mu jilhi cjihtire Cohamacũre sini payoja muhare.

³ Mahainacã Jesu yaina yu cahai wihia mu jia tiare yahuhre yuhũre. “Cristo to cahmano seheta potocãta yoa namono nihre Gayo”, ni yahuhre tina yuhũre. Ti ã ni yahuchũ tuhocu tuaro wahchehi yuhũ.

⁴ Musa Jesu yare yu buherina cjiri to cahmano seheta musa yoachũ tuhocu tuaro wahcheja.

⁵ Yu cahĩriro, Jesu yainare yoadohocu noano yoara muhũ. Mu ñũ masieraina ti jipachata, tinare yoadohocu noa yuhduaro yoara muhũ.

⁶ Tina panopũ mu ñũ masieraina sehe Jesu yainare õi cahmachuinare sãre õ sehe ni yahuhre: “Gayo Jesu yainare noano cahĩna”, ni yahuhre panopũ mu ñũ masieraina sehe. Baharo mu ya macare ti yuhdu wahcãchũ ñũcu tinare noano yoadohoga Cohamacũ to wahchehto sehe.

⁷ Tina Jesu yare buhe tinia wahaa, Cohamacũre cahmaeraina ti yoadohochũ cahmaerara.

⁸ Æ jina tinare Jesu yare buhe tiniinare yoadohojihna mari. Tinare ã yoadohona nija potocã jiare ti yahuhti cjihtire.

Diotrefe to ñaa yoirire yahuha João

⁹ Tó macainare Jesu yainare mahanocã joarocamahi. Yu ã joarocapachata Diotrefe to basi ti puhtoro yoaro sehe ji duaro, yuhũre tuho duaerayuhca.

¹⁰ Musa cahai yu sũri baharo to yoirire musare yahu pahũoihtja. Sãre ñano durucuyuhca tiro. Mahũoa payũriro jira tiro. Æ yoa paye ñaa cãhure yoayuhca tiro. Jesu yainare to yare buhe tiniinare ne tiro to wuhũre sãa ta dutierayuhca. Æ yoa paina tó macaina Jesu yaina sehe buhe tiniinare ti sãa ta dutichũ ñũno tiro sehe “Buhe tiniinare sãa ta dutiena tjiga musa ya wuhũsepũre”, ni yahusãyuhca tinare. “Musa ya wuhũsepũ buhe tiniinare musa sã ta dutiri buhiri mari Jesu yaina mari cahmachuri wuhũpũre sãaena tjiga musa sehe”, niyuhca Diotrefe tó macainare Jesu yainare.

¹¹ Yu cahĩriro ñainare ñũ cũi tjiga. Noano yoaina sehere ñũ cũga. Noare yoaina

Cohamacũ yaina jira. Ñaare yoaina Cohamacũre masierara.

Demetrio noaa to yoirire yahuha João

¹² Jipihtina noano durucura Demetrio sehere. Æ yoa to yoirire ñũa noano to yoiriro jichũ masina masa. Sã cãhũ tirore ãta ni yahuja. Sã yahua sehere potocã jichũ masina musa.

Yahu batoaha João

¹³ Muhũre payũ yahu duamahi. Æ yahu duapaihta tũre joaeraja.

¹⁴ Mahanocã baharota muhare ñũ duaja. Æ jina tóru mari basi sũhũdunahca.

¹⁵ Noano jiga muhũ. Mari mehne macaina õ macaina Jesu yaina cãhũ muhare noa dutira. Tó macaina mari mehne macaina jipihina noajaro.

San Judas

Juda Jesu yainare joarocaha

¹ Yuhū Juda Santiago bahuro Jesucristore dahra cohtariro mūsare Jesu yainare ahri pūre joarocaja. Mūsare Cohamacu mari Pucu besea tiri jire. Ā jina to cahīa mehne noano jira mūsa. Ā yoa mūsare Jesucristo űu wihboro nina.

² Noa dutija mūsare. Cohamacu mūsare pja űuno to yoadohoro mehne to cahīa mehne noano jiga mūsa.

Mahñoina ti buheare yahu dūcaha Juda (2P 2.1-17)

³ Cohamacu marine pichacapu waha-borinare to yuhdūchu yoa sehere tuaro joaroca duamahi mūsare, yu cahīinare. Ā joa duapaihta mūsare mipure mahñoa buheare cahma sāaeracu mūsare joarocaja. Ā jina Jesucristo ya yahua sehere tuaro yahuga. Ahri yahua sehere tuhona, mari Cohamacare noano wacū tuaja. Ahri yahua sehe Jesu to cūrina to yainare ti yahuri cjiri āta jirucunocahna cohtotaro marieno.

⁴ Mahainacā masa űaina Cohamacare cahmaeraina wacūenoca mūsa cahai wihire. Mūsa mehne jia tina ō sehe ni yahumana mūsare: “Cohamacu yaina mūsa jichū, tiro cahīna mūsare. Ā jiro numia mehne mūsa űano yoachū tiro mūsare ne buhiri dahresi”, ni yahumana tina. Ā jia mari puhtorore cūirota jirirore Jesucristore “Cohamacu macūno jierara”, ni yahumana tina. Ō sehe ni yahuinare Cohamacu to buhiri dahrehtore yahua tiri jire panopure. To yare ti joari pūi ā ni yahua tiri jire.

⁵ Mipure mūsare payere wacūchu yoa duaja. Ahrire mūsa masipachūta pari turi ahrire mūsare wacūchu yoa duaja. Cohamacu judio masare Egiptoi jiinare to naa wiori baharo tina mehne macainare tirore wacū tuaerainare tiro wajāa tiri jire.

⁶ Ā yoa paina cūhare wacūga mūsa. Paina anjoa sehe Cohamacu dutiare yoa duaera tiri jire. Ā jia tinare to ji duti to cūrirore tina ji duaera tiri jire. Ā yoa ti jimarirore cohānocaa tiri jire tina. Ti ā cohāchu űuno Cohamacu nahitianopu tinare peresu yoa tiri jire. Ā jia tina pihtiri dacho pano comaa dari mehne duhterina yoaro sehe jirucuaḥca tina to peresu yoarina. Ā jiro pihtiri dacho jichū tinare buhiri dahrerohca Cohamacu.

⁷ Āta yoa tiri jire paina cūhu. Tina cūhare wacūga mūsa. Tina Sodoma wama tiri maca macaina, Gomorra wama tiri maca macaina ti macari cahacāi jia macari macaina cūhu numia mehne űano yoa tiri

jire. Soro yoa cūhare yoa, tina mūa sehe ti basita ti pjacuri mehne űano yoa tiri jire. Numia cūhu āta yoa tiri jire. Ti ā yoari buhiri Cohamacu tinare jū pahñonocaa tiri jire. Tinare jāno Cohamacu jipihtina tirore yuhdūrcainare to buhiri dahrehtore masare űono nia tiri jire. Tinare to buhiri dahreri pichaca ne yatisi.

⁸ Tina Cohamacu to buhiri dahrerina cjiri yoaro sehta mipu cūhare āta yoarucura mahñoare buheina. Tina tuho masieraina yoaro sehta ti pjacuri mehne űano yoara. Ā yoa Cohamacu dutiare ne cahmaerara tina. Ā yoa mūano macaina si siteinare tina sehe űano durucu cohtara.

⁹ Noaina anjoa sehe tuaina jipahta ā ni durucuerara. Miguel wama tūro anjoa puhtoro sehe Moise pjacu cjirore cahmano, watīno mehne cahma sayoa tiri jire. Tua yuhduariro jiparota tiro “Watīno yuhdoro yuhū pinihta tuaja”, ni tuhotuera tiri jire. Ā jiro to mū sūro watīnore űano durucuera, tirore tuhtiera tiri jire. Ā jiro ō sehe nia tiri jire watīnore. “Cohamacapu mūhare tuhtijaro”, nia tiri jire Miguel watīnore.

¹⁰ To ā yoariro jipachūta ahrina mahñoina sehe ti masierainare űano durucu cohtara. Ā yoa wahiquina tuho masieraina ti mū sūro ti yoaro sehta tina mahñoina cūhu yoara. Ā yoaina jia, pichacapu wahaahca.

¹¹ Tinata űano yuhduahca. Caī cjiro to yoariro sehta űano yoara tina cūhu. Ā jia Balāa to yoariro sehta tina niñerure na duaa, mahñoare buhera. Ā yoa Coré to puhtorore cohā duariro cjiro yoaro sehta tina cūhu to sehta yoara. Ā jia tiro yoaro sehta tina cūhu pichacapu wahaahca.

¹² Tina mahñoina sehe mūsa cahma cahīhti bōse numarine chuā, űo payoa marieno mehne tina ti cahmano pape, ti sahserota chuare bora painare waro marieno. Wete yoaro sehe tina mūsa bōse numarine noaa dachori jiborirore dojomehne cohtara. Me curuari wiñnono to wārocaa curuari, co mariea me curuari ti yaba cjihti jieraro sehta tina mahñoina ne yaba cjihti jierara. Ā yoa dicha tiri pja jichū dicha tieraa yucuri yoaro sehe jira tina. Ti yucuri puā tahapu yariaa wahara. Cū taha dicha tieraa yucu, yariaa yucuri yoaro sehe waha tuhsara. Ti yucurire ti duhari baharo pari turi yariaa wahara tjōa. Ti yucuri yoaro sehta jia yaba cjihti jierara tina mahñoina.

¹³ Ā yoa pjiri ma macaa pahcōri bujua pahcōri yoaro sehe jira tina. Ti pahcōri ti cjārūca ōchu, wete tia sahpo wahara. Dohse jiare tina mahñoina ti yoachū pahcōri macaa sahpo wete tia sahpo ti waharo sehta mahñoina ti űaa yoa jira. Ā yoa si mū wahcāa pōca űahpichoha pōca yoaro sehe

jira tina. Tí ñahpichoha poca ti wahahti mahare duhunoca, ti ã cohtotarucuro seheta tina cãhũ quihõno buheraa, ã cohtotarucura. Ti ã yoari buhiri nahitianopũ, ñanopũ ã jirucuahca tina mahñoina.

¹⁴⁻¹⁵ Enoco panopũ macariro cjiro Adão panamana seis baharo to panami tiroiro õ sehe nia tiri jire tinare mahñoinare: “Tãhoga yũhure. Cohamacũ payũ to yaina anjoa noaina mehne jipihtina ñainare ti ñaa buhiri buhiri dahrero tarohca. ã yoaro jipihina Cohamacũre ñũ tuhtiinare ti ñaa yoari buhirire tinare buhiri dahrero tarohca Cohamacũ. Cohamacũre ñano ti durucuri buhiri cãhure tinare buhiri dahrero tarohca”, ni yahuyua tiri jire Enoco.

¹⁶ Tina mahñoina painare tuhtiina, nurerucuína ti ñano wacũa dihtare yoara tina. ã yoa “Painare masi yũhdũrucaja sã”, nirucura tina. ã jia ti cahmano sehe yoa duaa, paina ti cjuare na duaa, mahñõ cũ durucura tũho ji coaroputa.

Jesu yainare yahu namoha Juda

¹⁷ Mari puhtoro Jesucristo buhe duti to cũrina ti buherire wacũga mũsa, yũ cahĩina.

¹⁸ Õ sehe ni buhere tina marine. “Ahri yahpa to pihtihto panocã Cohamacũre, mũsa to yaina cãhure ñano durucu bujũpeina jahca. Tina Cohamacũre cahmaeraa, ñaare ti goa pjaare yoahca”, ni yahure Jesu to cũrina mũsare.

¹⁹ Jesu yainare ti basi ti cahma ñũ tuhtichũ yoara tina mahñoina sehe. ã yoa tina ñaina ti mũ sũro yoaina jia, Espiritu Santore ne cjuarera tina. Ti ñaa goa pja dihtare yoara tina.

²⁰ Mũsa sehe yũ cahĩina, Jesucristo ya buheare noano tũho namoga, noano wacũ tuaina mũsa jihto sehe. Tí buhea sehe ñaa mariea buhea noa yũhdũara. Espiritu Santo yoadohoa mehne Cohamacũ mehne durucuga mũsa.

²¹ Cohamacũ mũsare tuaro cahĩina. Tíre masina tirore noano yũhtiina jiga mũsa. ã yũhtiina jiga, Jesucristo mehne mũsa ã jirucũhtire mũsa cohtaro watoi. Tiro marine pja ñũno mũanopũ ã jirucuchũ yoarohca.

²² Cristo yare “Quihõno jieraboca”, ni tuhotuinare pja ñũga.

²³ Painare yoadohoga pichacapũ ti wahaerahto sehe. ã jina painare pja ñũga mũsa. Tinare yoadohona mũsa cãhũ ti ñaa yoare ñũ cũena tjiga. Wete tiri suhtirore mũsa cahmaeraro seheta, paina ti ñaa yoare cahmaena tjiga mũsa, “Tí ñaa yoare ñũ cũ yoari”, nina.

Juda Cohamacũre to ñõ payoa jira

²⁴ Cohamacũ mari puhtoro marine ñũ wihbo masina ñaare mari yoerahto sehe. ã jiro tiro si siteriro marine ñaa buhiri

marieinare mũanopũ to cahapũ cũ masina. ã marine tõpũ to cũchũ mari wahchenahca.

²⁵ Tiro Cohamacũ cũirota jira. Pairo mariahna. Pichacapũ wahaborinare marine yũhdũchũ yoariiro jira. Tiro sehe panopũ, mipũre, jipihtia dachoripe cãhure noa yũhdũariro, mari bui puhtoro jiroiro, tua yũhdũariro, jipihtinare dutiroiro jira. To ã jiroiro jichũ mari puhtoro Jesucristo to yoadohoa mehne tirore ñõ payoa mehne wahchejihna. Ata yoajihna.

Apocalipsis

Baharopure ahri dacho to dohse wahahtore marine masichu yoaha Jesucristo

¹ Ahri pui Jesucristo marine to masichu yoarire yahu joarocai nija. Cohamacu sehe tire yahu dutiro cūri jire tire, to yainare tire dakra cohtainare masichu yoa dutiro. Ā jiro michapucacāta to dohse wahahtore masichu yoari jire tiro. Mahanocā duhsa mujano nina to ā wahahto. Jesucristore to ā cūchu tiro sehe anjore tire yuhare Joāore yahu dutiro warocai jire.

² Ā jicu yahu Joāo jipihitiare yu űnirire yahu joarocai nija. Cohamacu ya durucuaru Jesucristo ya buheare yahu joarocai nija.

³ Ahri pui baharopu to dohse wahahtore yahu joai nija. Mahanocā duhsa mujano nina ahri jipihiti ti ā wahahto. Ā jia jipihiti ahri pūre buheina, yu yahuare noano tūhoina yu yahuriro sehe yoaina wahcheina jahca.

Siete curuari macainare Jesu yaina cah-machuinare joarocaha Joāo

⁴ Yuhū, Joāo musare siete curuari macainare Jesu yainare Asia yahpa macainare joarocaja: Cohamacu to cahia mehne musare noa dutija. Ā yoa to yoadohoa mehne noano jiga musa. Tiro panoputa ā jirucururo jia tiri jire. Mipū cūhure ā jirucura. Baharopu tarohca. To pūhtoro dujiro panoi jiina siete pjacu bajueraina jira. Tina ti cahia mehne noano jiga musa tjoa.

⁵ Jesucristo to cahia mehne noano jiga musa tjoa. Cohamacu yare mahūono marieno yahuriro jira tiro. Ā jiro to yariari baharo to masa mujari baharo ne pari turi yariasi tiro. “Ō sehe masa mujaaahca yu yaina”, ni űn quihō muhtaroro jira tiro. Ā jiro jiro jipihiti ahri yahpa macaina pūhtoa ti bui pūhtoro jira tiro. Marine cahūno to di cohāri mehne mari űnaare cosawere tiro.

⁶ Ā cosawero marine pūhtoa sōre tiro. Sacerdotea marine wahachu yoare tjoa. Cohamacu Jesu Pūcuro to yare yoahuinare marine sacerdotea sōre tiro. Jipihiti dachoripe “Tuaroro jira”, ni wahche payorucunahca mari jipihiti tire. Jipihiti bui pūhtoro ā jirucura tiro. Āta jirucujaro.

⁷ Noano wacū masi cohtaga musa. Me curuari watoi duji tarohca Cristo. To ā tachū űnaahca jipihiti. Tirere cjā puha wajārina cjiri cāhu tire űnaahca. To ā tachū űna ahri yahpa macaina tire cahmaeraina jipihiti curuari macaina tuaro cahya, tiiaahca. Āta yoajaro.

⁸ Ō sehe nina mari pūhtoro Cohamacu: “Yuhū jipihitiare bajuamehneroro jija. Ā yoa jipihitiare pihtichu yoahitiro jija. Tua yuhdurucaroro jija yuhū. Panopu ā jirucua ti. Mipū cūhure ā jirucuja. Baharopu taihtja”, nina Cohamacu tua yuhdurucaroro.

Cristore si siterirore to űnirire yahuha Joāo

⁹ Yuhū Joāo musa coyero Jesu yairo jija. Ā jicu musa yoaro seheta yuhū cūhu Jesu yare yu yoari buhiri űnāno yuhdahi. Ā yoa musa yoaro seheta yuhure ti ā űnāno yoapachuta Jesu yoadohoa mehne Jesure cohāerahi. Mari cāno potori pūhtoro to saho jiro macaina cjihti jija. Yu ya dihta macaina ti cohāriro jicu Patmo wama tiri űncopu jiji. Cohamacu yare, Jesucristo to buheri cūhure painare yu buheri buhiri tōpū ti cohāriro jiji.

¹⁰ Tōi yu jichū cū dacho domingo jichū Espiritu Santo yuhure cahānopu űono nihere. To ā űochū yu baharo buhusehei tuaro durucua bisiro coa tahre. Corneta to tuaro bisiro seheta tō seheta bisiro coa tahre to durucua.

¹¹ Ō sehe nino coa tahre yu tūhochū:

—Mipū mu űnūhtire joari pui joa ōga. Mu ā joa ōri baharo siete curuari macainare Cohamacu yainare warocaga ti pūre. Tina siete curuari Asia yahpai jia macari macaina jira. Efeso macainare, Esmirna macainare, Pērgamo macainare, Tiatura macainare, Sardis macainare, Filadelfia macainare, Laodicea macainare mu űnūhtire joarocaga —nino coa tahre yuhure.

¹² To ā nichū tūhocū majarerūcahi yuhure durucurorore űni tai. Ā majarerūcacu siete sihāa pocare ti duhu payoa yucure uru mehne ti yoari yucure űni.

¹³ Ti yucū watoi ducurorore masūno yoaro sehe bajurorore űni. Tiro yoari suhtiro to dahporipū sari suhtirore sāaroro jihre. Ā jiro uru mehne ti yoari cahsaro mehne to pēbuhu bui tūā dihororo jihre.

¹⁴ Ā yoa to pjoa yaja pjoari yoaro sehe noano yehsehre. To capari pichaca pohna yoaro sehe sihre.

¹⁵ To dahpori bronca wama tiri comaa siri comaa yoaro sehe si sitehre. Broncere pichaca mehne ti noano jaweri baharo tire wahtara noano si pa dutia. Ti noano wahtaroro yoaro sehe to dahpori noano si sitehre. Ā yoa to durucua payu poayeri yoaro sehe tuaro bisiro coa tahre.

¹⁶ To wamomaca poto buhusehei siete űnāpichoha pocare cjahre. Ā yoa to duseroi űnosari pjī pū buhuseheri siori pjīne cuhcūhure. Ā yoa sū dacho macaroro to tuaro minoano seheta to wuhdūa tuaro si sitehre.

¹⁷ Ā jicu tire űnūca to dahpori cahai doca caha sūhi yariaroro yoaro sehe. Yu ā doca

caha sachu ñano tiro to wamomaca potu buhusehe mehne yuhare duhu payo ò sehe nihre:

–Cuii tjiga. Yuhu jipihtiare bajuamehneriro jija. Á yoa jipihtiare pihtichu yoahitiro jija.

¹⁸ Catiriro jija yuhu. Yariariro jimai. Mipure ñuga. Jipihitia dachoripe á catirucuriro jija yuhu. Á yoa yariaina ti jiroi puhtoro jija. Yariaina ti jiro macari sopaca sawire yu cjuaboriro seheta tópu jinarine na wio, pari turi catichu yoa masija yuhu.

¹⁹ Á jicu mipu wahahtore ñucu, joa óga. Baharopu to dohse wahahto cáhure ñucu joa óga mñhu.

²⁰ Ahri siete ñahpichoha pocare yu potu buhusehei yu cjuaa pocare yahuihtja mñhure. Siete sihãa pocare ti duhu payoa yucu uru yucu cáhure yahuihtja. Ó sehe jia yahuaire panopu masare ne yahuera ti. Ó sehe jira tí: Siete ñahpichoha poca siete curuari macaina yu yaina cahmachuina puhtoia jia nina mari piti dahre buhechu. Á jia siete sihãa pocare ti duhu payoa yucu siete curuari macaina yu yaina jia nina mari piti dahre buhechu –nihre yuhare.

2

Efeso macainare Jesu yainare joa dñca dutiha Joãore

¹ Á ni tuhsu ò sehe ni namohre yuhare joa dutiriro:

–Efeso macaina yu yaina, ti puhtoro cáhure ò sehe ni joarocaga mñhu: “Yu wamomaca potu buhusehei siete ñahpichoha pocare cjuariro jija. Á jicu siete sihãa dapoia yucu uru mehne ti yoa yucu watoi tiniriro jija. Á tiniriro jicu musare ò sehe ni yahuja:

² Jipihitia musa yoarire masi pahñoja. Yu ya cjihitire tuaro musa dahrarire, yuhare musa wacü tua duhuerari cáhure noano masija. Ñaare yoainare musa ñu yabichu cáhure masija. Á yoa ‘Jesu buhe dutiro to cürina jija’, nimarinare quihõno ti buherachu, quihõno ti yoerachu ñana, mahñoina ti jichu masire musa.

³ Yu yare musa yoari buhiri musa ñano yuhdũpanahta yuhare ne duhuerare musa.

⁴ Á noano yoaina jipanahta cãnore tó yoerare musa. Ahri jira tí: Yuhare musa noano cahĩ muhtariro seheta mipure yoerara musa.

⁵ Yuhare musa cahĩ muhtarire wacũga musa tjoa. Mipure yuhare musa cahĩera curerire wacũga. Á yoa Cohamacu yare tuaro cahmaga tjoa. Á cahmana, yu yare musa yoa muhtariro seheta yoaga tjoa. Musã á yoerachu sihãriare yu duhu payodu musa ya dare yu dapodure musare nanocaihtja. (Á nicu ò sehe ni yahui nija musare. Musã

tó macaina yuhare cohãboca. Á cohãna tó purota pihtinahca musa ñaa yoare duhuerana.)

⁶ Yuhare cahĩera cureina jipanahta ahrire noano yoare musa: Nicolaita wama tiina ti ñaa yoarire ñu yabira musa. Yuhu cãhu ti yoarire ñu yabija.

⁷ Cahmori tiina jira musa. Á jina musa ya curuari macainare yu yainare Espiritu Santo to yahurire tuhoga musa. Ó sehe nina tiro: ‘Jipihtinare Jesure wacü tua duhuerainare Cohamacu masare to cũno paraiso wama tiro macadu dichare chu dutihtja. Tu dicha catichu yoaã jira’, nina Espiritu Santo”, ni yahu joarocaga Efeso macaina yu yainare, ti puhtoro cáhure.

Esmirna macainare Jesu yainare joaroca dutiha Joãore

⁸ Esmirna macaina yu yainare, ti puhtoro cáhure ò sehe ni joarocaga mñhu: “Yuhu jipihtiare bajuamehneriro jija. Á yoa jipihtiare pihtichu yoahitiro jija. Yariaa wahai. Pari turi catija tjoa. Á jicu ò sehe ni yahuja musare:

⁹ Musã ñano yuhdarire masija. Pjacuoina musa jichu cáhure masija. Á jipanahta Cohamacu yare noaare pjiro cjuara musa. Paina sehe ‘Judio masa jija’, nimarina mahñoina jira. Tina musare ti ñano quiti dahrerire masija. Tina Satana yaina jira.

¹⁰ Mipure musa ñano yuhdũhtire cuena tjiga. Tuhoga musa. Watĩno musare Cohamacure duhu dutiro cáina musa mehne macainare peresu yoa dutirohca. Diez dachori waro ñano yuhdũnahca musa. Ti á ñano yoachu musare ti á wajãmoñopachuta yuhare yu ya cáhure cohãena tjiga. Musã á yuhare cohãerachu ñucu jipihitia dachoripe Cohamacu cahapu musare á jirucuchu yoahitja.

¹¹ Cahmori tiina jira musa. Á jina musa ya curuari macainare yu yainare Espiritu Santo to yahurire tuhoga musa. Ó sehe nina tiro: ‘Jipihtina Jesure wacü tua duhueraina pichacapu wahasi. Ti yariari baharo pichacapu wahasi’, nina Espiritu Santo”, ni joarocaga Esmirna macaina yu yainare, ti puhtoro cáhure.

Pérgamo macainare Jesu yainare joaroca dutiha Joãore

¹² Pérgamo macaina yu yainare, ti puhtoro cáhure ò sehe ni joarocaga mñhu: “Yuhu ñosari pjĩ pu buhuseheri siori pjine cjuariro jija. Musare ò sehe ni yahuihtja:

¹³ Musã yoarire, musã ya maca macaina ti yoari cáhure masija. Tó macaina puhtoro Satana jira. Tó macaina Satanare ño payoia Antipare yu yare noano yahuriro cjireore wajãre. Tirore ti á wajãchu

ñapanah̄ta yu yare yoarucuna yuh̄re ne wacū tua duhuerare m̄sa.

¹⁴ M̄sa ā wacū tua duhuerapanah̄ta mah̄nocā yuh̄re yuh̄d̄ur̄care m̄sa. Cāina m̄sa mehne macaina Balāa ya buheare cahmana. Panop̄ Balāa puhtoro Balac wama tirirore ō sehe ni buhea tire: ‘Israe masare yuh̄d̄ur̄ca duacu “Cohamacu jira”, m̄sa nia masarine ño payo m̄sa duhu payoa ch̄are ch̄u dutiga tinare. Ā yoa numia mehne ñano yoach̄u yoaga tinare’, ni buhea tire Balāa cjiro. Cāina m̄sa mehne macaina to buheare cahmana.

¹⁵ Ā yoa paina m̄sa mehne macaina Nicolaita wama tiina ya buhea sehere duhu duerara.

¹⁶ Ā jina m̄sa ñaa tuhotumari cjirire tuhotu cohtota, Cohamacu yare tuaro cahmaga tjoa. M̄sa ā cahmaerach̄u ñuc̄u soaro mehne m̄sa cahapu wahacu, ā ñano yoaina mehne cahmacheihca yu d̄userop̄u jiri pj̄i ñosari pj̄i mehne.

¹⁷ Cahmori tiina jira m̄sa. Ā jina m̄sa ya curuari macainare yu yainare Esp̄ritu Santo to yahurire tuhoga m̄sa. Ō sehe nina tiro: ‘Jipihtinare Jesure wacū tua duhuerainare manā wama tiri ch̄are to n̄ori ch̄are waihtja. Yehsea t̄aa c̄uh̄re waihtja tinare. Tí t̄are wahma wamare yu joa ōa t̄aa jahca. Paina tí wamare ne masisi. Tí t̄are naina dihta tí wamare masiahca’, nina Esp̄ritu Santo”, ni joarocaga Pérgamo macaina yu yainare, ti puhtoro c̄uh̄re.

Tiatira macainare Jesu yainare joaroca dutiha Joāore

¹⁸ Tiatira macaina yu yainare, ti puhtoro c̄uh̄re ō sehe ni joarocaga m̄hu: “Yuh̄u Cohamacu mac̄no yu capari picha pohna yoaro sehe sira. Ā jia yu dahpori bronze wama tiri comaa ti wahtari comaa yoaro sehe si sitera. M̄sare ō sehe ni yahuja:

¹⁹ M̄sa yoarire masija yuh̄u. Cohamacure paina c̄uh̄re m̄sa cah̄irire, yuh̄re m̄sa coh̄erare, painare m̄sa yoadohorire, ñano yuh̄d̄ur̄panah̄ta yuh̄re m̄sa duhuerarire masija. Wahmanop̄u m̄sa yoariro yuh̄doro m̄ip̄u sehere noano yoa namona nina m̄sa. Tí c̄uh̄re masija yuh̄u.

²⁰ M̄sa ā noano yoaina jipanahta ō sehe yuh̄re yuh̄d̄ur̄c̄ahre m̄sa: Jezabe wama tiricoro ‘Cohamacu yare yahu m̄htaricoro jija’, ni mah̄ñoricoro m̄sare to ñano buhech̄u tuhona ticorore tuhtierare m̄sa. Mah̄ño buhero yu yainare yuh̄re dahra cohtainare numia mehne ñano yoach̄u yoara. Ā jiro ‘Cohamacu jira’, ti nia masarine paina ño payo ti duhu payoa ch̄are ch̄u dutira ticoro yu yainare.

²¹ To ñaare to cahyahtore cohtasinimai. Yu ā cohtapach̄uta m̄sa mehne to ñano yoare duhu duerare.

²² Yuh̄re tuhoga m̄sa. Ticorore dohatic̄u yoaihtja. Ticoro mehne ñano yoaina c̄uh̄re dohatic̄u yoaihtja. Ā jia tina pj̄iro ñano yuh̄d̄ur̄ahca. Āta yoaihca tinare ticoro mehne ti ñano yoare ti cahyaerach̄u, t̄re ti duhuerach̄u.

²³ Ā yoa ticoro ya buheare cahmainare waj̄aihtja. Yu ā yoach̄u ñaa jipihtina yu yaina yu noano masiriro jich̄u masiahca. Masa ti tuhotuare ti goa pjaā c̄uh̄re masija. Yu ā masiriro jich̄u masiahca tina ticorore yu buhiri dahrech̄u ñaa. Jipihtina m̄sa ñaare yoari buhirire buhiri dahreih̄tja m̄sare. Ā yoa m̄sa noaare yoari wapa sehere noano yoaihtja m̄sare.

²⁴ Paina m̄sa mehne macaina Tiatira macaina ticoro ya buheare cahmaerare. M̄sa sehe Satana ya buheare ‘Pano to yahuerari cjiro’, ti nia buheare cahmaerare m̄sa. Ā jicu m̄sa sehere duti namosi yuh̄u.

²⁵ Ahri dihtare yoa duti namoihtja m̄sare: M̄sa cahapu yu tahto pano yu buheare m̄sa masirire ne mahanocā duhuena tjiga.

²⁶⁻²⁷ Jipihtina ñaare duhuinare yu yare ā yoarucuinare puhtoa s̄oihtja. Yu P̄acu yuh̄re to puhto s̄oriro seheta m̄sa c̄uh̄re puhtoa s̄oihtja. Jipihtia yahpari macaina bui puhtoa s̄oihtja m̄sare. Ā puhtoa s̄āana, m̄sa docai jinare jipihtia yahpari macainare tuaro dutinahca m̄sa. Dihi biatore mari yuc̄acu mehne pohach̄u d̄oi to wahtiaro seheta Cohamacure yuh̄d̄ur̄c̄ainare āta yoanahca m̄sa.

²⁸ Ā jicu m̄sare yu yare ne duhuerainare bohrea m̄ja tach̄u m̄ja tariare waihtja m̄sare.

²⁹ Cahmori tiina jira m̄sa. Ā jina m̄sa ya curuari macainare yu yainare Esp̄ritu Santo to yahurire tuhoga m̄sa”, ni joarocaga Tiatira macaina yu yainare, ti puhtoro c̄uh̄re.

3

Sardis macainare Jesu yainare joaroca dutiha Joāore

¹ Sardis macaina yu yainare, ti puhtoro c̄uh̄re ō sehe ni joarocaga m̄hu: “Yuh̄u siete pj̄acu bajuerainare Cohamacu yainare dutiriro jija. Ā yoa siete ñahpichoha pocare cjuariro jija. M̄sare ō sehe ni yahuja: M̄sa yoarire masija. Ō sehe ni tuhotumana paina m̄sare: ‘Tina Cohamacu yare noano yoa pah̄ñoina jira’, ni tuhotumana m̄sare paina. Tí ā ni tuhotupach̄uta Cohamacu yare noano yoarerara m̄sa.

² Ā jina noano yoaga m̄sa ‘Ñaare yoari’, nina. Cohamacu yare m̄sa masirire noano wacūga, ‘To yare duhuri’, nina. Cohamacu to ñach̄u noano yoa pah̄ñoesirire m̄sa.

³ Æ jina yu yare musa tuho muhtarire noano wacūga musa. Æ wacūna yu yare yoaga tjoa. Cohamacu yare pari turi cahmaga tjoa. Yu nino sehe musa yoaerachū wacūenoca musare buhiri dahreih̄tja. Yacariro wacūenoca to yacaro s̄ariro seheta musare wacūenoca buhiri dahreih̄tja.

⁴ Cāina musa mehne macaina Sardis macaina ñaare yoarucuina jierara. Wete marieni suhtirore musa s̄aboriro seheta tí suhtirore musa wete piho duaeraro seheta ti ñaa yoaare piha duaerare musa. Æ noaina jina, yehseri suhtiro s̄aina yuhū mehne tinahca musa sehe. Æ yoah̄tina cjihti jira musa.

⁵ Jipihtina yu yare duhueraina āta yehsea suhti s̄aina jiahca. Æ yoa yuhū mehne Æ jirucuhtina tí wamare to joa ðri pūi tina cāhu tí wamare joa ðina jiahca. Tí wamare to joa ðire pahā cohāsi yuhū. Yu Pucu to ñurocaroi, anjoa cāhu tí ñurocaroi yu yaina musa jirire yahuihtja tinare.

⁶ Cahmori tiina jira musa. Æ jina musa ya curuari macainare yu yainare Espiritu Santo to yahurire tuhoga musa”, ni joarocaga Sardis macaina yu yainare, ti puhtoro cāhure.

Filadelfia macainare Jesu yainare joaroca dutiha Joāore

⁷ Filadelfia macaina yu yaina, ti puhtoro cāhure ð sehe ni joarocaga muhu: “Yuhū ñaa marieriro jija. Yu nino seheta yoariro jija. Davi cjiro panopu macariro puhtoro dutiriro waro sawire cjuariro jiro masare to dutiriro seheta tuaa mehne dutiit̄h̄tja yuhū cāhu. Tí tuaa mehne yu yoa dutichū ne paina t̄ire d̄ucata masierara. Yu yoa dutierachū ne paina t̄ire yoa masierara.

⁸ Jipitiare musa yoaare masija yuhū. Wacū tuaera cureina jipanahta yu buheare noano tuho, t̄ire ne duhuerare musa. Æ jicu yu yare cūi musare t̄ire buhe duticu. Æ jia paina ‘T̄ire buhena tjiga’, ni d̄ucata masierara musare.

⁹ Æ jicu ð sehe yoaihtja: Paina musa cahai jiina Satana yaina jira. ‘Judio masa jija’, nipahta judio masa waro jierara. Tinare musa panoi na tuhcuaha caha s̄u musare ño payochū yoaihtja tinare. Yu Æ yoachū ñaa musare yu cahiare masiahca tina.

¹⁰ Musare yu yare yu duhu dutierachu tuhona noano yuhtire musa. Musa Æ yoachū ñucu ahri yahpa macaina jipihtina tí ñano yuhduht̄i pja jichū musare d̄ucataih̄tja musa ñano yuhduerahto sehe. Tí pja jipihtina tí ñano yuhduht̄i pja jirohca.

¹¹ Mahanocā duhsara ahri yahparū yu tjua tahto. Yu yare musa masirire boena tjiga. Æ yoa yuhure Æ yuhtirucuga, musa noano yoari wapare ‘Butiri’, nina.

¹² Æ jicu yu yare Æ yoarucuinare yu Pucu ya wuhū macaina cjihtire cūihtja tinare. To ya wuhū macaa botari tí yoari pja tí jirucuro seheta Cohamacu mehne jirucuchū yoaihtja tinare. Æ jia Cohamacu mehne macaina Æ jirucuahca. Æ jicu Cohamacu wuhū macaa botaripū yu joa ðno seheta tinare tí pjac̄aripū ð sehe ni joa ðihtja: Cohamacu yu Pucu wamare, to ya maca wama cāhure joa ðihtja. To ya maca wahma maca Jerusalē jirohca. Tí maca muanopu Cohamacu caharu tari maca jirohca. Yuhū wahma wama cjuaihca. Tí wama cāhure joa ðihtja tí pjac̄aripū.

¹³ Cahmori tiina jira musa. Æ jina musa ya curuari macainare yu yainare Espiritu Santo to yahurire tuhoga musa”, ni joarocaga Filadelfia macaina yu yainare, ti puhtoro cāhure.

Laodicea macainare Jesu yainare joaroca dutiha Joāore

¹⁴ Laodicea macaina yu yainare, ti puhtoro cāhure ð sehe ni joarocaga muhu: “Yuhū Cohamacu jipihtia to yoarire, to yoah̄ti cāhure yoa sohtori tiriro jija. Yuhū potocā yoariro jija. Æ jicu mah̄ño marieno yu ñurire Æ yahurucuro jija. Jipihtia yu Pucu to yoarire yoabasiriro jija yuhū.

¹⁵ Jipihtia musa dohse yoarire masija yuhū. Yuhure wacū tuaina jipanahta mahanocā wacū tuaina jira musa. ð sehe jira tí: Co yus̄era co s̄u mehne pjiroca si putia co yoaro sehe jira musa. Tó sehe jia core mari ji coaeraro seheta yuhure wacū tuaera cureina musa jichū yuhū cāhu musare ji coaeraja. Yuhure musa noano wacū tuachu noaboa yuhure. Yuhure musa wacū tuaerachū ña niboa yuhure. Yuhure musa wacū tuaerari yuhdoro mahanoā wacū tuaina musa jichū ña yuhduara.

¹⁶ Musa Æ jichū ñucu ñu yabi yuhduaja yuhū. Ñaa core yu cho cohāno seheta yuhure mahanoā wacū tuainare ñu yabi yuhduaja yuhū.

¹⁷ Æ jina ð sehe ni tuhutumana musa: ‘Jipitiare cjuaja. Ne yaba duhsaerara marine’, ni tuhutumana musa. Æ nipanahta pjac̄uoina yoaro sehe jira musa. Æ jina capari ñueraina tí ñu duaare tí masieraro seheta Cohamacu yare ne masierara musa. Æ jina suhti marieina tí buo tiro seheta Cohamacu to ñurocaroi musa ñaa yoarire buo tihtina jira musa.

¹⁸ Musa Æ jiina jichū ñucu ð sehe ni yahuihtja musare: Uru warore musa nuchuboro seheta noaare yu cjuare naga musa. Musare yuhure wacū tuachu yoaihtja. Æ jina potocāta Cohamacu ya mehne pjiro cjuanahca. Æ yoa yehseri suhtirore musa nuchū musa s̄aano seheta yu di cohāri mehne yu yariaro mehne musa ñaa yoaare

cosawerina jiga. Ā yoana noaa suhti sãaina ti bno tieraro seheta m̄asa ñaare cosawerina jina bno tisi m̄asa cãhu. Ā yoa m̄asa caparire m̄asa co tiri baharo noano m̄asare bajuro seheta Cohamacu yare noano tuhoga, m̄asa noano masihto sehe.

¹⁹ Jipihitina yu cahĩnare yahuja. Ā jicu yu cahĩna ti jichu ñncu, ti tũhoerachu tinare quihõno yoa dutija, tinare yoadohocu tacu. Ā jina yu ya sehere tuaro cahmaga. Ā yoa m̄asa ñaare tũhotumari cjrيره cohtota, ti ñaare duhuga.

²⁰ Tuhoga yuhure. M̄asa wuhure bihari wuhure yu sũrcu yu sãa dua yu pisurucuboro seheta, m̄asa mehne macariro ji duai nija. Yu ā ji duachu tũhoina jina yuhure m̄asa mehne ji dutiga. Yu yaina jiga. M̄asa ā ji dutichu m̄asa mehne jiihtja. Ā jicu mari suho churo seheta m̄asa mehne noano jiihtja. Ā jina yuhu mehne macaina jinahca m̄asa.

²¹ Watĩnore yu yũhdũrcari baharo yu Pũcu pũhtoro to dujiro cahai dujija, yuhu cãhu duticu tacu. Tó seheta m̄asa cãhu ñaa yoarire m̄asa yũhdũrcari baharo yu pũhtoro dujiro cahai dujinahca, m̄asa cãhu dutina tana. M̄asare yu cahai dujichu yoaihtja.

²² Cahmori tiina jira m̄asa. Ā jina m̄asa ya curuari macainare yu yainare Espĩritu Santo to yahurire tuhoga m̄asa”, ni joarocaga Laodicea macaina yu yainare, ti pũhtoro cãhure —nihre yuhure joa dutiriro.

4

M̄sanopũ Cohamacure na tuhcuca caha su ti ño payoare ñnha Joã

¹ Yuhure to ā ni yahuri baharo m̄sanopũ pjõari sopacare ñnhi. Pari turi corneta to tuaro bisiro seheta tuaro durucua bisiro coa tahre yu tũhochu. Ō sehe nihre yu tũhochu:

—Ōpũ m̄uja taga. Ahri yu yahuhti cjihti baharopũre wahahtore m̄uhure ñoihtja. Yu niriro seheta ā waharohca —nino coa tahre m̄sanopũ.

² To ā ni yahuchũta tõpũ m̄uja sũcu Espĩritu Santo tuaa mehne ñni nihĩ. Ā jicu pũhtoro dujiroro m̄sanopũ ñnhi. Tõĩ cãiro dujihre.

³ Noano si siteriro dujihre. Diamante wama tia tãa yoaro seheta, rubĩ wama tia tãa yoaro seheta noano si siteriro dujihre tiro. Ā jiro buhini soro esmeralda yoaro sehe si siteri soro dacho macai dujihre tiro.

⁴ Ā yoa to dujiro cahai veinticuatro dujiare ñnhi. Tĩ dujia pũhtoa dujia yu ñn m̄ũhtariroro duji soroahre. Tĩ dujiapũ veinticuatro Jesu yaina pũhtoa dujihre. Yehsea suhti tiina jihre. Ā yoa pũhtoa ti pisaa sorori uru sororire pisaina jihre tina.

⁵ Yu ñn m̄ũhtariro dujiroi orocasitehre. Ā yoa soro sehe jiro choro bisiro coa tahre.

Wũpo cãhu bisiro coa tahre. Tĩ dujiro panoi siete sihãa poca jihre. Siete sihãa poca mehne to piti dahre buhechu Cohamacu yaina siete pjacu bajueraina jihre.

⁶ Ā yoa to dujiro panoi pjiri ma yoaro sehe vidro yoaro sehe sipari ma jihre. Noano co sitiri ma yoaro sehe jihre.

Ti dujiro cahai pititiaro soro sehe bajuina jihre. Ti pjacuri panoi ti baharo bũhusehe cãhure payu capari tiina jihre tina.

⁷ Yu ñn m̄ũhtariro soro bajuriro yairo sohãriro yoaro sehe bajuhre. To baharo jiriro wachu yoaro sehe bajuhre. Ti baharo jiriro masũno wũhdua sehe wũhdua tiriro jihre. Tina tiaro baharo jiriro cja to cãmũadapũrire saño dujiriro yoaro sehe bajuhre.

⁸ Tina seis dũpuri wua dũpuri tiina jihre.

Ā jia ti wua dũpuri pũ bũhuseheriputa payu capari tia dũpuri jihre. Ā yoa dachoripe, ñaminipe ā dururucua nihre. Ne durucu duhuerare. Ō sehe ni durucuhre:

“Noariro, noariro, noariro Cohamacu mari pũhtoro tua yũhdũariro jira.

Tiro panopũta ā jirucua tiri jire.

Mĩpũ cãhure ā jirucura.

Baharopũ tarohca”,

ni durucurucua nihre.

⁹ Ā ni durucua tina pititiaro soro bajuina to tuaare durucua nihre pũhtoro dujiroi dujiriroro. Ā durucua, tĩrore jipihitia dachoripe jirucuriroro wahche payoa “Noana”, nia nihre.

¹⁰ Ti ā yoa payochu ñna veinticuatro Jesu yaina pũhtoa sehe pũhtoro dujiroi dujiriro panoi na tuhcuca caha su, tĩrore ño payohre. Tiro jipihitia dachoripe jirucuriro jira. Ā ño payoa ti pũhtoa pisaa sororire to dujiro panoi doca payohre. Ā doca payoa ō sehe nihre tina:

¹¹ “M̄ũhu Cohamacu sã pũhtoro waro jira.

Tuariro, noariro jira m̄uha.

M̄ũhu sã ño payoriro jii nina.

M̄uhure ā ño payorucuro cahmana sãre.

Jipihtiare bajuamehneriro jira m̄uha.

M̄u cahmariro seheta ti jipihtiare bajuamehnea tiri jire m̄uha”, nihre tina Cohamacure, tõi dujiriroro.

5

Joari pũre turẽri tiare cordero cãhure yahuha Joã

¹ Baharo tõi dujiriro to wamomaca potu bũhusehei to cjuari pũre joari pũre ñnhi. Tĩ pũ pũ bũhuseheri to joari pũ to turẽri tia jihre. Ā yoa siete wihtã ñahaa mehne to wihtã ñahari tia jihre.

² Tĩ tiare turẽri tiare ñn tuhsu, tuariro anjore ñnhi. Tiro tuaro durucua mehne ō sehe ni yahuhre:

—¿Ahri tiare wihtā ñahaare pahrēboriro ñaa buhiri marieriro diro sehe jijari, m̄asa t̄ahotuch̄u? —nihre tiro anjo.

³ Ā niparota tí tiare pahrēhtirore bocaerare. M̄anop̄u, ahri yahpap̄u, catiina watoí, yaria tuhsaina watoí ne tí tiare ñahaare pahrēhtiro mariahare. Ā jiro tí tiare buhehtiro mariahare.

⁴ Ā jic̄u pahrēhtirore, tí p̄ure ñuhtirore tí bocaerach̄u ñuc̄u tuaro tihi yuh̄u.

⁵ Ȳu ā tiich̄u ñano c̄airo Jesu yaina puhtoa mehne macariro ō sehe nihre yuh̄ure:

—Tiic̄u t̄jiga. Tí tiare ñahaare c̄airo pahrē masina. Tiro Juda ya curua macariro turariro jira. Turariro jiro “Yairo sohāriro”, tí ni pisuriro jira. Tiro puhtoro Davi panamino jí turariro jira. Wat̄inore yuh̄dar̄ucariro jira tiro. Ā jiro tiro tí tiare siete ñahaare pahrē masiriro jira —nihre tiro yuh̄ure.

⁶ To ā nich̄u t̄hoc̄u puhtoro dujiro panoí cordero to ducuch̄u ñuhi. Cuatro soro bajuina, Jesu yaina puhtoa tina watoí ducuhre tiro cordero. Tiro tí wajāriro cjiro sehe bajuhre. Siete sahari tiriro, siete capari tiriro jihre. Tí siete sahari ā yoa siete capari mehne to piti dahre buhech̄u Cohamac̄u yaina pjac̄u bajueraina siete bajueraina yoaro sehe jira. Tina to yaina pjac̄u bajueraina jipihtiro ahri yahpap̄u Cohamac̄u to warocarina jihre.

⁷ Ā jiro cordero sehe puhtoro dujiro cah̄ap̄u s̄uro, tireto to potó buh̄usehei to c̄uari tiare tuāwe nahre.

⁸ To ā tuāwe nach̄u ñua cuatro soro bajuina, veinticuatro puhtoa c̄uh̄u cordero panoí na tuh̄cua caha s̄u, tireto ño payohre. Tina puhtoa jipihtina arpa wama tia buap̄ut̄eare, uru wahwari c̄uh̄ure c̄uahre. Tí wahwari incienso noano wahpaa posa tia wahwari jihre. Tí incienso mehne to piti dahre buhech̄u Cohamac̄u yaina tireto tí sini payori yoaro sehe jihre.

⁹⁻¹⁰ Ā tireto ño payoa ō sehe ni wahmaa basaare tina basa payohre tireto:

“Muh̄u tí wajāriro cjiro jira.

Ā jic̄u m̄u di cohāri mehne s̄ā ñaa yoari buhirire cohāre muh̄u Cohamac̄u yaina s̄ā jihto sehe.

Ā jic̄u jipihtia curuari macainare cāinare, jipihtia d̄useri durucuinare cāinare, jipihtia yahpari macainare cāinare s̄ā ñaa yoari buhirire m̄u di cohāri mehne cosawere muh̄u Cohamac̄u yaina s̄ā jihto sehe.

Sāre jipihtinare Cohamac̄u yaina c̄jirtire c̄ure muh̄u.

Ā jic̄u sacerdot̄ea c̄uhre muh̄u s̄āre Cohamac̄ure dahra cohtaina s̄ā jihto sehe.

Ā yoac̄u ahri yahpa macaina bui puhtoa s̄ohre muh̄u s̄āre.

Ā yoariro jic̄u tí tiare wihtā ñahaare pahrēhtiro jira muh̄u”, ni basa payohre tina corderore.

¹¹ Pari turi ñacu millones anjoa perire ñuhi. Puhtoro dujirore cuatro soro bajuinare, veinticuatro puhtoare anjoa sehe tinare soroa d̄ac̄u s̄uhre. Tina anjoa perituaró tí sañurucu payoch̄u ñuhi.

¹² Ō sehe ni tuaro sañurucu payohre tina: “Cordero tí wajāriro muh̄u jipihtinare dutiriro, jipihtiare c̄uāriro, masi pahñoriro, tua yuh̄dar̄uāriro jira muh̄u. Masa tí ñaa buhiri tí wajāriro m̄u jich̄u ñana ā ni ño payoja muh̄ure.

‘Noabiariro jira’, ninahca muh̄ure.

Muh̄ure noano durucunahca”, ni sañurucu payohre anjoa peri.

¹³ Ā jic̄u paina c̄uh̄ure tí sañurucu payoa coa tach̄u t̄uhohi. Jipihtina m̄uano macaina, ahri yahpa macaina, catiina, yariaina cah̄ap̄u jiina c̄uh̄u, pjiri ma macaina, jipih̄tiro p̄u jiina ō sehe ni durucu payoa coa tahre:

“Cohamac̄ure to dujirop̄u dujirirore, Cordero c̄uh̄ure m̄usare puarore noano durucunahca.

M̄usare wahche payonahca.

‘Noa Yuh̄d̄uāina, Tua Yuh̄d̄uāina jira’ nina, jipihtia dachoripe ā nirucunahca m̄usare”,

ni durucu payoa coa tahre.

¹⁴ Ā jia tina cuatro soro bajuina tí ā durucu payoch̄u tuhoa “Āta ni durucu payojaro”, nihre. Ā jia Jesu yaina puhtoa sehe na tuh̄cua caha s̄u Cohamac̄ure, Cordero c̄uh̄ure ño payohre.

6

Papera tiare to nari tiare wihtā ñaharire pahrēna Cordero

¹ Baharo papera tiare to nari tiare Cordero wihtā ñaha muhtanore pahrēhre. To ā pahrēch̄u ñuhi. To ā pahrēri baharo c̄airo soro bajuina mehne macariro, “Ñana taga”, nihre. Ā nino w̄p̄o yoaro sehe bisihre tiro.

² To ā niri baharo ñuhi yuh̄u. Yehseriro cawalore ñuhi. Tiro bui pisariro buedure c̄uahre. Tireto puhtoro pisari sorore wahre paio sehe. To ā wari baharo tiro sehe tireto ñu tuhtiinare yuh̄dar̄ucaro wahahre.

³ Baharo c̄u wihtā ñahanore pahrē tuhs̄u Cordero pa wihtā ñahanore pahrēhre tjoa. To ā pahrēri baharo paio soro bajuina mehne macariro “Ñana taga”, to nich̄u t̄uhohi tjoa.

⁴ Ā jic̄u paio cawalore sohārirore ñuhi tjoa. Tiro bui pisarirore tuaare wahre paio sehe. Ahri yahpa macainare cah̄u wajā dutihtirore c̄uhre tireto. Ā jia jipihtiro

macaina cahma wajāahca ahri yahpapu. Ā yoa pjiri pjī űosari pjīne wahre tire.

⁵ Baharo puarore pahrē tuhsu Cordero parore pahrēhre tjoa. Ā jicu puaro ti durucuri baharo paio soro bajuina mehne macariro “Ñuna taga”, to nichu tuhohi.

To ā niri baharo űirirow cawalore űuhi. Tiro bui pisariro balanza quihōnore cjuhahre.

⁶ Tire yu űiri baharo soro bajuina watoi ō sehe nino coa tahre:

—Cū dacho dahrari wapa mehne trigore cū kilota nuchuahca masa. Cū dacho dahrari wapa mehne cebada wama tia yaparire tia kilota nuchuahca masa. (Trigo, cebada cūhu pihtia wahaahca. Ā jia tí wapa buju niahca.) Wiho mejeta chua dahrea sere, vino cūhure dojochu yoaena tjiga — nino coa tahre.

⁷ Baharo tiarore pahrē tuhsu Cordero parore pahrēhre tjoa. To ā pahrēri baharo paio soro bajuina mehne macariro ji bato tiriro “Ñuna taga”, nihre tjoa.

⁸ To ā nichu tuhocu wapoariro cawalore űuhi. Tiro bui pisariro “Yariachu yoariro” wama tihre. Ā yoa to baharo tariro “Yarina ti jiro” wama tihre. Ā jiro tinare tuare wahre paio sehe. Ahri yahpapure cuarta parte masare wajā dutihre. Cahma wajāa mehne, juca baa mehne, dohatia mehne, wahiquina nūcari macaina suaina mehne tōpeina masare ti wajāhtore cūhre tinare.

⁹ Baharo pititiaro wihtā űahaare pahrē tuhsu Cordero paro űahanore pahrēhre tjoa. To ā pahrēchū altar docai Jesu yaina ti wajārina ti catiri yajeripohnarine űuhi. Cohamacu yare ti yahuri buhiri, “Jesu yaina jija”, ti ni yahuri buhiri tinare wajāri jire.

¹⁰ Tina sañurucua ō sehe nihre Cohamacure:

—Muhu sā puhtoro, űaa marieriro, mahñono marieno, mu niriro sehetā yoariro jira muhu. ¿Ahri yahpa macainare, sāre wajārinare dohse jichu buhiri dahreihcari muhu? —ni sañurucuhre tina.

¹¹ Ā jiro tinare yehsea suhti yoaa suhtire wahre. Tinare ā waro ō sehe nihre tinare:

—Sosiniga. Paina masa coyera Jesu yaina masa yoariro sehetā mipu cūhure noaa buheare buhesinia nina. Musare ti wajārirow sehetā tina cūhure ti wajā pahñoho duhsasinina. Ā jina tinare jiphtinare ti wajāhto pano mahanocā sosiniga masa — nihre tinare.

¹² Baharo cinco wihtā űahaare pahrē tuhsu Cordero paro wihtā űahanore pahrēhre tjoa. Tōre to ā pahrēchuta tuaro yahpa űuhmihre. To űuhmini baharo sū dacho macariro űirirow choro wahahre. Niri suhtiro yoaro sehetā űirirow choro wahahre. Ā yoa sū űami macariro di yoaro sehe sohārirow wahahre.

¹³ Ā yoa űahpichoha poca yahpapu boraa wahahre. Yucucu dicha yahsaare wiñono to wā bure bororo sehetā űahpichoha poca boraa wahahre.

¹⁴ Ti ā wahari baharo muano butia wahahre. Papera tiare mari turēchu to bajueraro sehetā bajuerare muano. Ā yoa jiphtia tūyucu cūhu nūcopo cūhu pa sehepu surucahre.

¹⁵ To ā wahachu űua, ahri yahpa macaina bui puhtoa coparipu tūyucu macaa taa dopapu cūhure duhtihre. Paina puhtoa, surara puhtoa, pache puā, tuaina, jiphtina tinare dahra cohtaina, dahra cohtaina jieraina cūhu tōihta duhtimahre.

¹⁶ Ā duhtia tūyucure, taa cūhure ō sehe nihre:

—Sā bui bora pjaga. Sāre nuoga. Siro puhtoro to dujirow dujirow cui yuhduaja. Cordero suaro, sāre űano buhiri dahreohca. “Ā buhiri dahreri”, nina nuoga sāre.

¹⁷ Jiphtinare tuaro ti buhiri dahrehti dacho ji tuhsura. Ā jia ti buhiri dahrehtore ne cūro duhtiro bihoeraro, cūno pjasi —nihre tina jiphtina.

7

Israe masa pjacurire Cohamacu to wama űa ohtore yahuha Joāo

¹ Baharo pititiaro anjoare űuhi. Tina jiphtiropu wahahre. Cūro norterpu waharo tōpu tari wiñonore taerachu yoahre. Baharo surpu, paio sū muja taropu, paio sū sāanopu wahahre. Norterpu wahariro yoaro sehetā yoahre tina cūhu. Ā jiro ahri yahpapu, pjiri mapu cūhure ne wiñono taerare. Ne cādu yucucure wiñono wā űuhmichu yoerare.

² Ā yoa paio anjore űuhi tjoa. Sū muja taropu taro nihre tiro. Cohamacu catiriro to wama űa űnore na taro nihre tiro. Ā na taro paina pititiaro anjoare tiro sañurucuhre. Tina anjoa sehe ahri yahpare, pjiri ma cūhure Cohamacu to dojomehne dutiina jihre.

³ Tinare sañurucuro ō sehe nihre anjo:

—Cohtasiniga. Cohamacure dahra cohtaina ti wuhduā pocare to wamare űna tana nija. Sā ā ohto pano ahri yahpare, pjiri mare, yucari cūhure dojomehnesinina tjiga masa —nihre tiro paina pititiaro anjoare.

⁴ Ā jiro Cohamacu to wama mehne ti wuhduā pocare ti ohtinare “Ōpeina jira”, ni yahuhre yuhure cūro. Israe masa doce curuari macaina ciento cuarenta y cuatro mil masa ti ohtina jiyuhti.

⁵ Ahrina jiyuhti ti ohtina: Doce mil masa Juda panamana ji turiaina ti ohtina jihre.

Paina doce mil masa Rubē panamana ji turiaina ti ōhtina jihre. Paina doce mil masa Gad panamana ji turiaina ti ōhtina jihre.

⁶ Paina doce mil masa Aser panamana ji turiaina, paina doce mil masa Neftalí panamana ji turiaina, paina doce mil masa Manase panamana ji turiaina ti ōhtina jihre.

⁷ Paina doce mil masa Simeo panamana ji turiaina, paina doce mil masa Leví panamana ji turiaina, paina doce mil masa Isacar panamana ji turiaina ti ōhtina jihre.

⁸ Paina doce mil masa Zabulō panamana ji turiaina, paina doce mil masa José panamana ji turiaina, paina doce mil masa Benjami panamana ji turiaina ti ōhtina jihre. Tōpeinata jipihtina masa ciento cuarenta y cuatro mil to wama mehne ti ōhtina jihre.

Payu yehsea suhti tiinare yahuha Joāo marine

⁹ Baharo payu masare űhi. Jiphtia yahpari macainare, jiphtia curuari macainare, jiphtia duseri durucuinare, jiphtia macari macainare cāinare Cristore cahmaina ditare tōi ducuinare űhi. Pūhtoro to dujiro panoi, Cordero panoi ducuhre tina masa. Payu masa jihre. Ā jia quihō bihoina jierare. Yehsea suhti tiina jihre tina. Ā yoa pjaa pō pūrine cjuahre.

¹⁰ Ā jia tina jipihtina ō sehe ni tuaro sañurucuhre:

“Cohamacu jira säre yuhdachu yoariro.

Tiro to dujiroi dujiro jira.

Cordero cūhu säre yuhdachu yoariro jira”, ni sañurucuhre tina.

¹¹ Ā jia jipihtina anjoa, Jesu yaina pūhtoa cāhu, soro bajuina mehne pūhtoro to dujiro cahai ducuhre. Ā ducua to dujiro panoi doca caha su, Cohamacure wahche payohre.

¹² Ō sehe ni wahche payohre tina:

“Ā tjira.

Cohamacu sā pūhtoro mūhure noano durucuja.

Noa yuhduariro, masi pahñoriro jira mūhu.

Mūhure ‘Noana’, nija.

Mūhure ño payoja.

Tua yuhduariro jira mūhu.

Mu tuaa mehne yoariro jira mūhu.

Tō seheta jirucuriro jira mūhu jiphtia dachoripe.

Ā tjira”,

ni wahche payohre tina.

¹³ Ti ā nichu tūhoro cāiro Jesu yaina pūhtoa mehne macariro yūhure ō sehe ni sinituhre:

—Āhrina yehsea suhti tiinare masijari mūhu? —Āti tarirore masijari mūhu? —ni sinitu űhure yūhure.

¹⁴ To ā nichu tūhoca:

—Masieraja —ni yūhtih.

—ĀNoa jijari tina? —ni sinituhire tirore.

Yu ā nichu tūhoro ō sehe nihre yūhure:

—Āhrina űbiario yūhdari dacho jichu cāno pjaina jira. Ti suhti cosawerina ti jiro seheta Cordero to di cohāno mehne ti űaa buhirire cosawerina jira. Ā jia noano yehsea suhti tiina jira.

¹⁵ Ā to cosawerina jia Cohamacu to dujiro panoi tirore ā ño payorucura. Dachoripe, űaminipe tirore ā ño payorucura, sacerdotea Cohamacu wūhi ti yoariro seheta. Ā jiro tina mehne ā jirucuro, tinare yoadohorohca Cohamacu “Soro wahari”, nino.

¹⁶ Ne pari turi jūca baasi tina. Ā jia űahma yapiosi tina. Ne sū dacho macariro siro tinare ne jū pjasi. Tuaro sia tinare űano yūhdachu yoasi.

¹⁷ Pūhtoro dujiro potoi ducuriro Cordero tinare űu wihborohca. Ovejare űu wihboriro yoare sehe tinare űu wihborohca. Ā űu wihboro māri pohtaripu catichu yoaa māri pohtaripu tinare mu tā wahcānohca, ovejare űu wihboriro to mu tāno seheta. Ā yoaro ā wahcherucuhu yoarohca tinare. Ā jia ne pari turi tiisi tina —ni yūhure Jesu yaina pūhtoa mehne macariro yūhure.

8

Seis papera ti wihtā űahaare pahrē tuhsuro parore pahrēha Cordero

¹ Seis papera ti wihtā űahaare pahrē tuhsuro parore pahrēre tjoa Cordero. To ā pahrē tuhsuchu cā hora dacho macai tōpu muanopu noano dihta marieaa wahahre.

² To ā wahari baharo siete anjoare Cohamacu panoi ducuinare űhi. Tinare siete cornetarire wahre paio.

³ Pairo anjo uru wahare inciensore posa tihti wahware cjuariro altar cahapu su, ducuhre. Tōi to ducuchu payu inciensore tirore wahre, jipihtina Cohamacu yaina tirore ti siniri mehne morehtire. Ā jiro uru altarpu Cohamacu to dujiro panoi jiri altarpu ti inciensore jū muohre Cohamacure.

⁴ Ā jia anjo to cjuari wahwa macaa inciensore altarpu to poho siteri baharo ti incienso macaa me Cohamacu yaina tirore ti siniri mehne mujaa wahahre.

⁵ Ā wahari baharo altar macaa niti mehne ti wahwa wahpa wahachu, yahpai poho cūnocahre. To ā poho cūnocachata wapo pja, soro sehe jiro bisi maa, oroca site maa, yahpa űuhmi muahre.

Cornetarire yahuha Joāo

⁶ Baharo siete anjoa cāina ti cornetarire putia taa nihre.

⁷ Cūro anjo to yariare puti mūhtahre. To ā putichu co poca yusua poca pichaca mehne, di mehne morea poca yahparu bora su cahahre. Ti bora su cahachuta yahpa jūa wahahre. Ō puro jāhre: Ahri yahpa dacho

maca saro caharoi jãa wahahre. Æ jiro tó puro posata yucari cãhu jãa wahahre. Tó puro posata tja cãhu jãa wahahre.

⁸ Anjo cãiro to Æ puti mæhtari baharo paio anjo to yaria cornetare putihre tjoa. To Æ putichu pjidi tãcu yoaro sehe bajudu noano jãrucudu pjiri mapure waharoca ñoaa wahahre. Æ jiro yahpa to jãriro puro tó purota pjiri ma di ma dojoo wahahre.

⁹ Æ jia pjiri ma macaina wahi dacho maca mahano sãboro waroi yariaa wahahre. Tópe basota dohoa baso cãhu minia wahahre pjiri mapure.

¹⁰ Pãaro anjoo ti putiri baharo paio anjo cãhu to yaria cornetare putihre tjoa. To Æ putichu pjiria ñahpichohaca, sihãria yoaro sehe siria yahparu bora sã cahaa wahahre. Ahri yahpa macaa mári dacho macabo cureroi tópe mári bui bora sã cahaa wahahre ñahpichohaca. Tópe co wijaa copari bui cãhure bora sã cahaa wahahre.

¹¹ Tópe márita suãa mári wahahre. To Æ wahachu payu masa tí mári macaa core, tí copari macaa co cãhure sihnimaa, yariaa wahahre. Tia ñahpichohaca “Suënia”, wama tihre.

¹² Tiaro anjoo ti putiri baharo paio anjo cãhu to yaria cornetare putihre tjoa. To Æ putichu sã dacho macariro, ñami macariro cãhu dacho maca sãboro waroi dojoo wahahre. Ñahpichoha peri cãhu dacho maca sãboro waroi jia poca tópe pocata dojoo wahahre. Tópe poca muano macaa poca noano buhrierare. Dachopu pititia horari waro sã dacho macariro ne buhrierare. Ñamine pititia horari waro sã ñami macariro, ñahpichoha poca cãhu ne buhrierare.

¹³ Baharo ñaroca muohi tjoa. Muonopu wurirore cjare ñuhi. Æ jicu to sañurucuhu tuhohi. Õ sehe nihre tiro:

—Ñabiara. Ñabiara. Tiaro anjoo mipu putierasiniina ti putiri baharo pinihtare ñabiario waharohca. To Æ wahachu ahri yahpai jiina ñabiario yuhduhahca —nihre tiro.

9

¹ Baharo pititiaro anjoo ti putiri baharo paio anjo to yaria cornetare putihre tjoa. To Æ putichu ñahpichohaca yoaro sehe jiriro anjo muonopu bora tarirore ñuhi. Yu Æ ñano watoi tírore cuãri copa macari sawire wahre.

² Æ jiro tiro tí copare to pjõochu pichaca me wijahhre. Pjiri pichaca macaa me yoaro seheta pjiro me wijahhre tí copare. Æ wijaa to me dóhta sã dacho macarirore, muano cãhure butia wahachu yoahre.

³ Æ yoa tí me puhichai jiina poreroa yahparu tahre. Pichõno soroo tí tuaro puríno seheta tina cãhu tuaro puríhre.

⁴ Æ jiro tjare, yucãrire, paye toaare ñano yoa dutierare tinare. Masa dihtare ñano yoa dutihre tinare. Cohamacu to wamare tí wuhduca pocare õmahnoeraina dihtare ñano yoa dutihre tinare poreroare.

⁵ Æ ñano yoa dutiparota tinare wajã dutierare. Tinare wajã dutieraparota cinco sãri waro tinare ñano puríchu yoa dutihre. Pichõno soroo tjoaa tí puríno seheta puríchu yoaina jihre poreroa cãhu.

⁶ Tinare tí Æ puríchu yoachu masa yariaa waha duaahca. Tí Æ yaria duapachuta tinare yaria dutisi.

⁷ Poreroa sehe cawaloo yoaro sehe bajuhre. Tí cahma wajãhto pano cawaloare tí suhti sãariro seheta tó seheta bajuina jihre tina poreroa cãhu. Tí dapu pocaí pãhtoa tí pisaa sorori uru sorori yoaro sehe bajuhre. Tí wuhduca poca masa yoaro sehe bajuhre.

⁸ Tí pjoari numia pjoari yoaro sehe jihre. Æ yoa tí piri yaya piri yoaro sehe jihre.

⁹ Pë buhu dãcatari cahsaro comaa cahsaro yoaro sehe bajuhre tí cutiro. Æ yoa tina tí wachu payu cawaloo mucocaina tí mucocaroo sehe tí wua dãpuri bisihre. Cawaloo tunua busore wajaina tí cahma wajãnopu waha, tí bisiro seheta bisihre poreroa wua dãpuri.

¹⁰ Æ yoa pichõno soroo tí pichõno tiro seheta, tjoariaca tí cjuaro seheta jihre tina poreroa. Tí pichõri mehne tjoaa, cinco sãri waro masare puríchu yoahre.

¹¹ Tina puhtoro cjuaina jihre. Cuãri copa puro jihre tí puhtoro. Tiro anjo jihre. Hebreo ya mehne Abadón wama tihre tiro. Griego ya mehne Apolión wama tihre. (Apolión “Pitichu yoariro”, nino nina.)

¹² Poreroa masare ñano tí puríno yoari baharo ahri tí ñano yuhdu mæhtariro cjiro pihtia wahahre. Tó baharo pãa taha pari turi ñano yuhduasinhca masa.

¹³ Baharo cã wamomaca pihtiina anjoo tí putiri baharo paio anjo to yaria cornetare putihre tjoa. To Æ putichu Cohamacu panoi ducuri altarpu uru altarpu durucua bisi wijaro coa tahre. Tí altar macaa sahari pititia saharipu durucua bisi wijaro coa tahre.

¹⁴ Æ durucuro cornetare putiriro anjore yahuhre:

—Eufrates wama tiri ma pjiri mapu perezupu jinnare anjoare wioga. Tina pititiaro anjoo jira —nino coa tahre.

¹⁵ Æ nino coa tachu tahoro anjo sehe tinare pititiarore wiohre, payu masare wajãhtinare. Ahri horare, ahri dachore, ahri sãre, ahri cãhmare quihõno cohtaa nihre tina pititiaro anjoo. Tí cohtariro mu sara. Æ jia wajãa taa nina. Jipihtina dacho maca doca curero masare wajãahca.

¹⁶ Ā yoa ti surarare “Ōpeina jira”, ti nichu tūhohi. Tina cawaloa bui pisaina jihre. Doscientos millones surara jihre.

¹⁷ Ā yoa cawaloare tina bui pisaina cūhare űhi. Tina cawaloa bui pisaina ti pē buhure dūcataa suhti, comaa suhti, sohāa suhti, yahsaa suhti, ewa sehe bajua suhti jihre. Ā jia cawaloa ti dapu poca yaya sohāina yoaro sehe bajuhre. Ti dūseripū pichaca, me, azufre wama tia me cūhu wijaahre.

¹⁸ Ā jia cawaloa dūseri wijaa masare wajāhre. Jipihtina dacho maca mahano suboro waroi tōpeina masare wajāhre. Pichaca mehne, me mehne, azufre mehne payu masare wajāhre.

¹⁹ Tina cawaloa ti dūseri mehne wajāhre. Ā yoa ti pichōri mehne wajāhre tjoa. Ti pichōri sohtoapu agāa dapu poca yoaro sehe bajuhre. Ā jia ti pichōri mehne űano yoahre tina masare.

²⁰ Payu masa yariaeraina ti wajā dūharina sehe ti űaa yoarire ne duhuerare. Wafiare űo payo duhuerare. “Cohamacu jira”, ti nia masari cūhare űo payo duhuerare. Ti masari uru mehne, plata mehne, bronce wama tiri comaa mehne, taa mehne, yucari mehne ti yoari masari jihre. Ti masari sehe űerare. Tūhoerare. Tinierare.

²¹ Paye űaa cūhare tina ne cahyaerare. Masare ti wajārire, numia mehne ti űano yoarire, ti yacari cūhare ne cahyaerare tina. Ā jia yaya ti yoaro sehe yoaa, ti cūhare ne cahyaerare tina.

10

Mahari tiacāre papera tiacāre na taha anjo

¹ Baharo pairo tuariro anjo muanoru to duji tachu űhi. Me curua watoi tahre. Ā yoa buhini soro to dapu bui pisahre. To wūhdūa sū dacho macariro yoaro sehe si sitehre. To űuchūa pichaca yoaro sehe bahuhre.

² Ā yoa mahari tiacā papera tiacāre to pjāri tiacāre cūahre tiro. To dahporo potō buhūsehe macari dahporo mehne pjiri māpu tū cūhre. To dahporo cō buhūsehe macari dahporo sehe macarocai tū cūhre.

³ Ā ducuro yaya ti sañurucuro sehetā tiro tuaro sañurucuhre. To ā sañurucuri baharo sietē wūpoa yahua coa tamahre.

⁴ Ti ā yahuchū tūhocū joa dūcamahi. Yu ā joa dūcapachūta muanoru yūhūre ō sehe ni durucuro coa tahre:

—Sietē wūpoa ti nirire painare yahui tjiga. Ā jicu tīre joa nai tjiga —nino coa tahre yūhūre.

⁵ To ā niri baharo pjiri mapu ducururo, macarocai ducururo anjo to wamomaca potō buhūsehe siōroca mūohre muanoru.

⁶ Ā siōroca mūono Cohamacu ā catirucururo wama mehne wama payohre. Tiro Cohamacu sehe jipihtiare muanore, mūano macaare, ahri yahpare, ahri yahpa macaare, pjiri mare, pjiri ma macaare yoariro jira. Ā wama payoro ō sehe nihre anjo:

—Cohamacu mehne potocā nii nija. Tō purota cohtanahca.

⁷ Seis anjo cornetarire ti putiri baharo pairo anjo to putichū Cohamacu panoru “Ō sehe yoaihtja”, to niriro sehetā ā yoarohca. Panoru masare tīre noano yahuera tiri jire. Baharo tirore dahra cohtainare, to yare yahu mūhtaina sehere noano yahu pahūoa tiri jire tiro. Tī to yahu cūirire mipure yoarohca tiro —nihre anjo.

⁸ To ā niri baharo muanoru yūhūre durucuro coa tariro pari turi durucuro coa tahre tjoa. Ō sehe nino coa tahre yūhūre:

—Pjiri māpu ducururo macarocai ducururo siro anjo cahapu wahaga. Ā wahacu papera tiacāre to cūari tiacāre naga —nino coa tahre yūhūre.

⁹ To ā nino coa tachū tūhocū anjo cahapu wahahi. Tirore papera tiacāre yū sinichū tūhoro ō sehe ni yūhtihre yūhūre:

—Naga. Ā jicu ahri tia papera tiacāre chūga. Mū wahma chūchū mi yoaro sehe noano bisirohca. Mū pjaropu mū būrori baharo sūea waharohca —nihre yūhūre.

¹⁰ To ā nichū tūhocū ti tiacāre anjore yū nari baharo chūhi. Yu wahma chūchū mi yoaro sehe bisihre. Yu chū būrori baharo yū pjaropu sūea wahahre.

¹¹ Yu ā chūri baharo ō sehe nihre yūhūre: —Pari turi macari macaina, yahpari macaina, payu dūseri durucuína, tina bui pūhtoa cūhu baharo ti dohse wahahatore, Cohamacu tinare to dohse yoahō cūhare yahuyuga mūhu —nihre yūhūre.

11

Pūaro Cohamacu yare yahuhinare yahu joaha Joāo marine

¹ Baharo yūhūre quihōdure wahre Cohamacu. Tjuađu puro yoadu jihre tū. Ture waro ō sehe nihre yūhūre:

—Yu ya wūhūre quihōi wahaga. Tī wūhu macari altar cūhare quihōga. Ā yoa tuhsu, tī wūhi yūhūre űo payoinare quihōga.

² Sopaca wija sūrcari wapare noari wapare quihōi tjiga. Tī wapa yūhūre cahmaerainare ti cūri wapa jira. Tina cuarenta y dos sari waro Cohamacu ya macare tī maca macaina cūhare űano yoaaahca. Ā jicu quihōi tjiga ti ya wapare noari wapare.

³ Ā jicu yū yare yahuinare pūarore warocaihtja. Mil doscientos sesenta dachori waro yū yare yahuahca. Masa ti coyea ti

yariari baharo ti sãa suhti barore sãaina jahca tina yu yahu dutiina –ni yahuhre yuhure.

⁴ Ahri yahpa macaina bui puhtoro Cohamacu panoi puadu Olivo wama tia yucu ducura. Puadu sihã payoa yucu cãhu ti yucu cahai ducura. Tí yucu mehne piti dahre to buhechu ahriina puaro to yare yahuina ti yucu yoaro sehe jira.

⁵ Á jia tinare ñu tuhtiina tinare ti ñano yo duachu tina sehe ti dusero macaa picha pohna mehne jã pahñoahca tinare ñu tuhtiinare. Ó sehetã tinare ñano yoainare wajãahca tina puaro Cohamacu yare yahuina.

⁶ Á yoa tina puaro ti coro ta dutierachu coro tasi. Á jiro Cohamacu yare ti yahuro puro coro tasi. Á jia márine di mári wahachu yoahca tina. Á jia ahri yahpare ñano wahachu yoahca. Jipihtia dohse jiare, jipihtina dohse jiinare masare ñano wahachu yoahca. Ti dohse yoa duaro puro á ñano wahachu yoahca ahri yahpare.

⁷ Tí á yoa pahñochu waro caãri copapu jiriro ñariro nãcu macariro wijaarohca. Á wijaaro Cohamacu yare yahuina mehne cahmachenohca. Á cahmacheno tua yuhdurucaro tinare wajãnohca.

⁸ To á wajãri baharo ti pjacuri cjiri pjiri maca macari mahapu coãahca. Yahuina puhtorore ti cjã puha wajãri maca jira ti maca. Tí maca macaina ñaina jia Sodoma macaina, Egipto macaina yoaro sehetã jia, tí pjare Sodoma, Egipto cãhu wama tirohca ti maca mari piti dahre buhechu.

⁹ Á coãã tia numu noano coãã, pa numu dacho macai ti pjacuri ti mahai coãahca. Á jia jipihtia yahpari macaina, jipihtia curu-ari macaina, jipihtia duseri durucuina tópe numuri waro ti pjacurire ñurucuahca. Á ñurucua tópe numuri waro ti pjacurire ya dutisi.

¹⁰ Tí á yariarina jichu ñua ahri yahpa macaina wahcheahca. Á wahchea bose numure yoaa, ti basi paye barore á wanocahca. Tina puaro Cohamacu yare yahuina masare ñano yuhduchu yoarina jiri jire. Á jia ti á yariachu ñua wahche yuhduhca ahri yahpa macaina.

¹¹ Á jiro tia numu baharoi pa numu dacho macai Cohamacu ti pjacurire masonohca. To á masochu tina pari turi wahcãrucu suahca. Tí á wahcãrucu sachu ñua jipihtina cui yuhduhca tinare.

¹² Baharo tina puaro manopu tuaro durucuro coa tachu tuhoahca. Ó sehe ninohca tinare:

–Ópu mija taga musa –nino coa tarohca. To á nichu tuhoa me curua watoi mujaa wahaahca. Tí yabirina cjiri ti mujachu

ñuahca.

¹³ Tí á mujachuta yahpa tuaro ñuhminohca. To á ñuhmichu tí maca macaa wuhuse décima parte boraã wahaahca. Á jia yahpa ñuhmino mehne siete mil masa yariaã wahaahca. Paina duhsaina sehe cuãã wahaã, Cohamacure muano macarimore “Tuariro jira”, ni ño payoahca tireore.

¹⁴ Ahri jipihtia ti á wahari baharo puã taha masa ñano yuhdu tuhsaina jahca. Tí á yuhduri baharocãta pari turi dóihtã masa ñano yuhduahca tjoa.

Seis cornetarire ti putiri baharo paio putiha

¹⁵ Baharo seis cornetarire ti putiri baharo paio anjo to yariare putihre. To á putichu manopu tuaro durucua coa tahre. Ó sehe nia coa tahre:

“Mipu Cohamacu Cristo mehne ahri yahpa macaina bui puhtoã jahca.

Á jia jipihtina bui puhtoã á jirucuahca”, nia coa tahre.

¹⁶ Á yoa Cohamacu panoi puhtoã dujiaru dujiina veinticuatro Jesu yaina puhtoã Cohamacu panoi caha su, tireore ño payohre.

¹⁷ Á ño payoa ó sehe nihre:

“Sã puhtoro Cohamacu, tua yuhdururo jira muhu.

Muhu panopu á jirucua tiri jire.

Mipu cãhure á jirucua muhu.

Mu tuaã mehne masa ti puhtoro mu jirucachu ‘Noana’, nija muhure.

¹⁸ Jipihtina ahri yahpa macaina muhure cahmaeraina muhu mehne suamare.

Mipure tinare mu buhiri dahrehti pja jira.

Yariaina cãhure mu buhiri dahrehti pja jira.

Á jiro mu yaina sehere noare ti yoari wapore mu wahti pja jira.

Cãina tina muhure dahra cohtaina mu yare yahu muhtaina jira.

Á yoa tina, paina mu yaina mehne jipihtina muhure ño payoina jira.

Á jicu puhtoare, wiho jiina cãhure mu yaina ti jiri wapa noano yoaihca muhu.

Á jiro ahri yahpa macainare dojemehne cohtainare mu cohãhti pja jira mipure”, ni ño payohre puhtoã Cohamacure.

¹⁹ Tí á yoari baharo muano macari wahu Cohamacu ya wuhu to pjõori wuhu jihre. Á jina tí wuhui jiri carore ñahi sã. Tí caro puhichapu Cohamacu masare to dutiare joã õã pjini tãã pjini sãahre. Sã á ñuchuta orocasite mua, wapo pja mua, soro jiro bisi mua, yahpa ñuhmi mua, co poca yusua poca manopu payu bora tahre.

12

Numinore pinono cãhure yahuã Joãõ

¹ Baharo ahri yahpa to dohse wahahtore manopu ñohre. To á ñori wiho waro jierara.

Õ sehe ñu muhtahi: Muanopu numinore ñuhi. Ticoro to suhtiro sã dacho macariro yoaro sehe si sitehre. Sã ñami macariro bui ducuhre. Puhtoro to pisari soro barore doce ñahpichoha poca cjuari sorore pisaricoro ducuhre.

² Æ ducuro mahanocã dahsahre to pohna tihto. Æ jiro ticoro sañurucuhre.

³ Baharo pari turi ñuhi muanopu: Pjiriro pinonore sohãrيره ñuhi. Siete dapu poca tiriho jihre. Jipihitia to dapu poca puhtoia ti pisaa sorori barore pisaa dapupoca jihre. Æ jiro diez sahari tiriro jihre tiro.

⁴ To pichõno mehne ñahpichoha pocare wahba siteroca borohre. Jipihitia ñahpichohare dacho macabo cureroi wahba siteroca borohre. Æ jiro numino pohna tihticoro panoi ducuhre pinono. To macanocã to bajuachu charo taro nimahre.

⁵ Baharocãta cjuã tuhsahre wihãrirocãre. Jipihitia yahpari macaina ti puhtoro cjihto jihre tirocã. To Æ puhtoro tuariro jichu, masa tireore yuhduruca cãno pjasi. To Æ masa bajuachuãta Cohamacu to dujiro cahapu tirocãre naa wahcãa wahahre.

⁶ To Æ yoachu numino sehe masa marienopu duhti wahcãa wahahre. Cohamacu to cahnoyuriropu duhti wahcãahre ticoro. Tôpãre mil doscientos sesenta dachori waro Cohamacu ticorore ñu wihborohca.

⁷ Wahmanore muanopu cahma wajã ducãa tiri jire. Miguel wama tiriro anjo to yaina anjoa cãhu pinono mehne cahmachea tiri jire. Ti Æ cahmachechu pinono to yaina anjoa mehne Miguere cahmachea tiri jire.

⁸ Æ yoã Miguel cãhu pinonore yuhduruca tiri jire. Æ jiro pinono yaina anjoa cãhure muanopu ji namo dutiera tiri jire.

⁹ Æ jiro pjiriro pinonore cohãnocãa tiri jire Cohamacu. Tiro pinono watĩnota jiro nina. Satana wama tiriro jira. Panopu tiro pinono pjacu tiriro jia tiri jire. Tiro jipihitiro yahpa macainare mahñoriro jira. Tireore to yaina anjoa mehne muanopu jirirore yahparu cohã boroa tiri jire.

¹⁰ Baharo muanopu sañurucuro coa tachu tuhohi:

—Mipãre Cohamacu masare yuhdachu yoahre juna. Mipã pinihtare Cohamacu mari puhtoro jiro tahre to tuaare ñono taro. To warocariro Cristo cãhu to puhtoro jiare to tuaare ñohre jipihitinare. Watĩnore muanopu jirirore yahparu cohã borohre. Æ cohã bororo to tuaare ñohre Cohamacu. Tiro watĩno sehe dachoripe, ñaminipe Jesu yainare “Ahrina ñaina jira”, ni yahusãno niri jire Cohamacure. Æ jiro mari coyeare Jesu yainare yahusãriro jiri jire.

¹¹ Cristo Cordero wama tiroto to di cohãri mehne mari coyeã Jesu yaina tireore wacũ tuaina ti ñaa yoari buhirire cohãre tiro. Æ wacũ tuaina jia watĩnore yuhdurucare. Æ yoã Cohamacu yare yahua, watĩnore yuhdurucare. To yare ti yahuri buhiri paina tinare ti wajã duapachuta, tina cuieraã, Cristo yare duhuerare.

¹² Æ jina musa muanano macaina wahchega. Watĩnore yahparu to cohã borochu ñuna wahchega. Wiho mejeta ahri yahpa macaina, pjiri ma macaina cãhu pjacuoina wahanahca musa sehe. Ahri yahparu tireore to cohã borori baharo musa cahapu jira watĩno. Tireore to buhiri dahrehto mahanocã dahsara. Æ jiro sua yuhduara tiro. Musa cahapu sũro, pjacuoina musare tjuachu yoarohca tiro —ni sañurucuro coa tachu tuhohi.

¹³ Pinonore yahparu to cohã borochu ñuno, pinono sehe numinore, wihãrirocã pocorore nanu ti wahcãhre.

¹⁴ Æ jiro ticorore pjiriro cja to wua dũpãrيره wahre Cohamacu, masa marienopu to wu duhti wahcãhto sehe. Tôpu to sãri baharo tia cãhma noano pa cãhma dacho maca waroi ticorore ñu wihbohre Cohamacu. To Æ ñu wihbochu pinono ticorore ñano yoã masierare.

¹⁵ Tôi to jichu ñuno pinono pjiro core cho cohãhre ticorore mũroca byrochu yoaro taro.

¹⁶ To Æ yoachu yahpa sehe ticorore yoadohohre. Pinono to dũseroi wijaa core yahpa sehe wihmi na pahñonocahre.

¹⁷ To Æ wahachu ñuno pinono sua yuhduahre. Æ suaro cãina ticoro panamana ji turiaina mehne cahmacheno wahahre pinono. Tina sehe Cohamacu dutiare yoaina jia, Jesu ya buheare noaa buheare ne duhueraina jihre.

¹⁸ Æ yoã pinono pjiri ma dahtu cahai ducuhre.

13

Pũaro nuçu macainare yahuha Joã

¹ Æ yoã nuçu macarirore tí mai jirirore to wahcã wihichu ñuhi. Tiro sehe siete dapu poca, diez sahari tiriro jihre. To sahari puhtoia ti pisaa sorori barore pisahre. To dapu pocare to wamare joã õri dapu poca jihre. Tí wama to ñari wama jichu ñu yabira Cohamacu.

² Tiro nuçu macariro yairo dohroriro yoaro sehe bajuhre. Æ jiro oso yoaro sehe dahpori tiriro jihre. Yairo sohãriro pjiriro wãru yoaro sehe dũsero tiriro jihre. Æ yoã pinono sehe to tuaare wahre nuçu

macariroro. Ā waro tirore to puhtoro dujiroi cūno, tiro yoaro sehe payu masare dutichu yoahre pinono nucu macariroro.

³ Cū dapu nucu macariro dapu ti wajamaro dapu yoaro sehe bajuhre. To ā bajupachuta to camino sehe yatia wahahre. Tí dapu to catichu űna, cūaa wahahre jipihitina ahri yahpa macaina. Ā cūaa, nucu macariroro űo payohre. Ā jia tiro mehne macaina wahahre masa.

⁴ Ā yoa nucu macariroro pinono to tuaare to wachu űna masa sehe tirore pinonore na tuhcuca caha su, űo payohre. Ā jia nucu macariro cūhare na tuhcuca caha su, tirore űo payohre. Ā űo payoa ō sehe nihre:

—Ne paio ru yoaro sehe tuariro mari-ahna. Pairo mūhare ne yūhdurūca masierara —ni űo payohre masa nucu macariroro.

⁵ Ā yoa tiro nucu macariro “Tua yūhdurūcariro jija”, to nipachuta Cohamacure to űano durucupachuta ā tuhotunocasinihre Cohamacu sehe. Ā jiro cuarenta y dos sūri waro tiro nucu macariro masare dutisinimahre. Tó purota to puhtoro jiltore cūre Cohamacu.

⁶ Ā jiro tiro Cohamacure űano durucuhre. To wamare, to wūhare, muanoru to jiro macaina cūhare űano durucuhre nucu macariro.

⁷ Ā yoaro Cohamacu yainare cahma wajāno tinare yūhdurūcahare. To ā yoapachuta ā űunocasinihre Cohamacu. Cohamacu to ā yoa dutierachu yoeraboa. Ā jiro jipihitina ahri yahpa macaina bui puhtoro sāasinimahre nucu macariro. Jipihitina yahpari macaina bui, macari macaina bui, jipihitia dūseri durucuina bui puhtoro sāasinimahre tiro.

⁸ Ā jia jipihitina ahri yahpa macaina tiro nucu macariro panoi na tuhcuca caha su tirore űo payohre. Ahri yahpare Cohamacu to bajuamehnehto pano to yaina cjihtire ā jirucuhitnare ti wamare joa ō tuhsua tiri jire. Tí tju to ā joa ōri tju Cordero ti wajāro ya tju jira. Tí tju ti wamare joa ōeraina dihta nucu macariroro űo payohre.

⁹ Cahmori tiina jira mūsa. Ā jina tuhoga.

¹⁰ Jipihitina Cohamacu yaina peresu wahahtina, baharo peresu wahaahca. Jipihitina tina űosari pji mehne ti űosa wajāhtina, baharo tí pji mehne yariaahca. Tíre masina mari Cohamacu yaina űano yūhdurūpanahta tirore cohāena tjiijihna. Ā yoa tirore wacū tuarucujihna.

¹¹ Baharo paio nucu macariroro űūhi tjoa. Yahpa puhicharu jiriro to wijaachu űūhi. Pua sahara ovejā sahara yoaro sehe bajua sahara sahara tiriro jihre. Ā yoa pinono yoaro sehe durucuhre.

¹² Ā jiro nucu macariro ji muhtariro sehe baharo jiriro sehere puhtoro sōhre. To ā puhtoro sōriro sehe jipihitia yahpari macainare ji muhtariroro űo payochu yoahre. Ji muhtariro nucu macariro ti wajamaro camino yatiriro jihre.

¹³ Ā yoa baharo jiriro nucu macariro bajuamehneare yoahre masa ti űu cuahto sehe. Ā yoaro masa ti űurocaroi pichaca pjiri pichaca muanoru bora tachu yoahre.

¹⁴ Ā yoa ji muhtariro to űurocaroi paio nucu macariro sehe bajuamehnea mehne masare mahñohre “Ahriro mūsa űo payohtiro jira”, nino. Tiro masare mahñono, ji muhtariro masare masare yoa dutihre tirore ti űo payohto sehe. Tiro ji muhtariro űosari pji mehne ti űosariro jiparota catiriro jihre. Tiro yoaro sehe bajuri masareta yoa dutihre paio nucu macariro masare.

¹⁵ Ā yoa baharo jiriro nucu macariro sehe ji muhtariro masare catichu yoahre masare to dutihtō sehe. Ā jiro tí masare űo payoerainare wajā dutihre masare masu sehe.

¹⁶ Ā yoaro jipihitnare ti wamomacari poto buhūsehei ti wūhdūa poca cūhare joa ō dutihre nucu macariro baharo jiriro. Wiho jūnare, puhtoare, pache puare, pjacūoinare, dahra cohtainare, dahra cohtaina jierainare, jipihitnare ti wamomacarine ti wūhdūa poca cūhare joa ō dutihre.

¹⁷ Tiro ji muhtariro nucu macariro to wamare, to númerore joa ōerainare ne nuchū dutierare. Tuhsu, tinare dua dutierare.

¹⁸ Tíre noano wacū masiga mūsa. Tūho masiina jina nucu macariro to númerore noano űu masiga. Tí número mūno wama yoaro sehe jira. Tí número seis cientos sesenta y seis jira.

14

Cohamacu to yūhdurūchu yoaina cūnota wahma basaare basaha

¹ Baharo Siō wama tidu tācu bui ducuriroro Corderore űūhi. Tiro mehne ciento cuarenta y cuatro mil masa jihre. Tina to ya wamare to Pucaro ya wama cūhare ti wūhdūa pocare ti joa ōrina jihre.

² Tinare yu űuchūta muanoru durucuro coa tahre. Pjiri poaye to bisiro seheta wapo pjiro to bisiro seheta bisiro coa tahre to durucua. Ā yoa arpa wama tiare ti buaputēno seheta bisiro coa tahre to durucua.

³ Tó puhtoro to dujiro चाह pititiaro soro bajuina, Jesu yaina puhtoā cūhu paina jihre. Ā jia tina panoi ciento cuarenta y cuatro mil masa ducuhre. Tó ducua cūnota wahma basaare basaa nihre. Tí basaare tina dihta masihre. Ahri yahpai jūina ciento cuarenta

y cuatro mil Cristo to yuhduchu yoaina dihta ti basaare masihre.

⁴ Ne tina cū tahacā numino mehne ñano yoaerare. Ā yoa Corderore ñu cūina jia, to yare ā yoarucuina jihre. Ā jiro tinare ñaina mehne jīnare to yuhduchu yoahinare naahre Cohamacu sehe. Ā to yuhduchu yoarina jia, Cohamacu yaina cjihti, Cordero yaina cjihti cūhu ji muhtaina jihre.

⁵ Tina mehne macaina ne cāiro mahñoriro mariahna. Ā jia Cohamacu to tuhochu ñaa buhiri marieina jihre tina.

Tiaro anjoa yahuroca boroha

⁶ Baharo muanopu wūrirore anjore ñahi. Tiro ahri yahpa macainare jipihtia curuari macainare, jipihtia duseri durucuinare, jipihtia yahpari macainare noaa buheare yahutiro jihre. Tí buhea ne cohtotaeraa, ā jirucura.

⁷ Ā jiro anjo sañurucuro ō sehe niroca borohre:

–Cohamacu cui, ño payoga. “Tua yuhduariro, noa yuhduariro jira”, niga tirore. Mipure tiro masare to buhiri dahrehti pja jiro nina. Tiro muanore, yahpare, pjiri mare, mári pohtari cūhare yoariro jira. Ā jina tirore na tuhcu caha su, wahche payoga –ni sañurucuhre anjo.

⁸ To ā niri baharo paio anjo muanopu wūriro ō sehe niroca borohre:

–Tinare cohānocahre. Pjiri maca Babilonia wama tiri maca macainare cohānocahre Cohamacu. Tina to cohārina sehe jipihtina painare ñano yoachu yoare. Masa tinare ñu cūa ñaare goa pja, tīre yoare. Cahaina vinore ti tuaro goa pjaro seheta tina ñaare tuaro goa pjare Babilonia macainare ñu cūa –ni yahuroca borohre paio anjo.

⁹⁻¹⁰ Tina pñaro anjoa ti ā niri baharo paio anjo ti baharo wūriro ō sehe tuaro niroca borohre:

–Jipihtina nacu macarirore ño payoinare, to masare ño payoinare, ti wuhduca pocare, ti wamomacarine to wamare joa ñrina cūhare buhiri dahretho Cohamacu. Tina mehne suaro, tina pinine tuaro waro buhiri dahre- rucurohca Cohamacu. Nucu macarirore ño payoina jipihtina pichacaru wahaahca. Topu tuaro purīnohca tinare pichaca mehne, azufre wama tia mehne ti wijāri pichaca mehne. Noaina anjoa, Cordero cūhu ti ñurocaroi ñano yuhduahca tina.

¹¹ Tí pichaca ā me tirucurohca. Ne yatisi. Tinare ā purīrucuchū yoara. Jipihtina nacu macarirore na tuhcu caha su ño payoinare ā purīrucurohca. Dachoripe, ñaminipe ā purīrucunocanohca. To masare ño payoina, to wamare ti joarina cūhu tó seheta ñano yuhduahca –niroca borohre anjo.

¹² Tí ā ñano yuhduchu ñina Cohamacu yaina to dutiare yoaina, Jesure cohāeraina

jina, to yare duhuena tjiga. Ñano yuhdupanahta Cohamacu yare cohāena tjiga.

¹³ Baharo muanopu yuhare durucuro coa tachū tuhohi. Ō sehe nihre yuhare:

–Ahrire joaga muhu. Cohamacu yaina tirore cohāeraina jina mipare musa yariari baharopu cūhare wahcheina jira musa – niroca borohre yuhare.

To ā niri baharo Espiritu Santo sehe ō sehe ni namohre tjoa:

–Ā tjira. Potocā tjira. Tina tuaro ti dahraare duhu, soahca. Muanopu ti wahachu noano ti yoiare wacūnohca Cohamacu. Ā yoa ti ā yoiari wapa tinare noano yoarohca. Ā jia tina wahcheina jira –ni namohre Espiritu Santo.

Wese macaa toaa dichare mari bese nano seheta Cohamacu to yainare bese nanohca. Ñaina sehere soro bese daporohca

¹⁴ Baharo me curua yehseri curuare ñahi. Tí curua bui masano yoare sehe bajuriro dujihre. Tiro uru soro puhtoro to pisari soro barore pisahre. Ā yoa yoiari pji siori pjine cjuahre tiro.

¹⁵ Baharo paio anjo Cohamacu wūhi jiriro wijaa tahre. Ā wijaa taro tuaro sañurucuhre me curua bui dujirirore:

–Mu yoiari pji mehne wese macaa dichare ahri yahpa macaa dichare dute naa pahñoga. Mipure to quihōri pja sara. Mipū dica sehe sohā tuhsahre –nihre anjo.

¹⁶ To ā nichū tuhoro to yoiari pji mehne ahri yahpa macaa dichare naa ducahre me curua bui dujiriro.

¹⁷ Baharo paio anjo cūhu mūano macari wūhi Cohamacu wūhi jiriro wijaa tahre. Tiro cūhu yoiari pji siori pjine cjuahre.

¹⁸ Ā yoa paio anjo altar caharu jiriro wijaa tahre. Tiro sehe altar macari pichacare ñu wihboriro jihre. Ā wijaa taro yoiari pji siori pjine cjuarirore ō sehe ni sañurucuhre:

–Mu yoiari pji mehne ahri yahpai jiri wese, se wese macaa dichare naaga. Se sehe ñi tuhsahre –ni sañurucuhre.

¹⁹ To ā nichū tuhoro anjo to yoiari pji mehne ahri yahpa macaa se tōhorine yihso nahre. To ā yoiari baharo tí tōhorine se tōhorine to tu tihāhti cohāhre. To ā cohāriro seheta Cohamacu tirore cahmaerainare tuaro suaro, cohānohca.

²⁰ Tí maca duhtu cahai ti tu tihāhti tí se tōhorine tu tihāhre. Tóti ti tu tihāchu di wijaaahre. Di ma yoaro sehe jihre tí di. Trescientos kilómetros yoiari ma, cū metro noano pa metro dacho macai cuāri ma jihre.

15

Masa ti ñano yuhduhtore anjoa cū ba- toaha masare

¹ Baharo muanopu soro jirore ñuhi. Tíre ñua masa cúa wahaca. Ahri yahpapure to dohse wahahtore marine ñohre. Á jiro tí wiho waro jia nierara. Ó sehe ñuhi: Siete anjoa jihre. Cohamacu suaro, siete tahari masare buhiri dahre batoaro taro nihre. Á jia tina siete anjoa sehe buhiri dahre dutiro to cūhtina jihre.

² Anjoare yu ñuri baharo pjiri mare noano co sitiri ma yoaro sehe jiri mare ñuhi. Tí ma pichaca mehne jiri ma jihre. Á yoa nucu macaritore to masu cūhure yuhdugcainare ñuhi. Tina to wamare to númerore cjueraina jihre. Tina yu ñuchu pjiri ma co sitiri ma duhtu cahai ducuhre. Tói ducuina arpa wama tiare buaputēare cjuhre. Tí buaputēa Cohamacu to wari jihre.

³ Á jia Cohamacure dahra cohtariri Moise cjiro ya basaa cūnota basaa nihre tina. Cordero ya basaa cūhure basaa nihre. Ó sehe ni basahre:

“Sā puhtoro mūhu Cohamacu tua yuhduariri jira.

Mu yoarire ñua ñu cúa wahaja sā.

Mu yoari noa yuhduara.

Mūhu jipihitia yahpari macaina bui puhtoro jira.

Noano mahñoño marieno, quihōno yoarucura mūhu.

⁴ Jipihitia mūhure wahche payoahca.

Jipihitia mūhure ‘Tuariri jira’, niahca.

Mūhu dihta ñaa marieriro jira.

Jipihitia yahpari macaina mu cahapu sua, na tuhcuca caha su, mūhure wahche payoahca.

Áta yoaa hca tina jipihitia noano mu yoarire ñua”,
ni basaa nihre tina.

⁵ Baharo muanopu ñuroca mucu, Cohamacu wūhure pjōori wūhure ñuhi. Tói Cohamacu to ya tahtia waroi to dutia to joaa pjīni taa pjīni ti wihbori pjīni jihre.

⁶ Tí wūhure yu ñuchuta siete anjoa tí wūhu puhichapu jirina wijaa tahre. Tina Cohamacu to buhiri dahre dutiro to cūhtina jihre. Tinape tí buhiri dahrehtire cjuhre tina siete anjoa. Noaa suhti, wete maria suhti, si sitea suhti tiina jihre. Á jia tí cutiro bui uru cahsaro mehne tuā dihōrina jihre.

⁷ Tí wūhupu jirina tí wijaa tachu pittiaro soro bajaina mehne macariro tinare siete anjoare siete uru wahwarire wahre. Tí wahwari Cohamacu suaa to buhiri dahrehti mehne noano wahpaa wahwari jihre tí wahwari. Tiro Cohamacu ā jirucuriro jira.

⁸ To ā wachu Cohamacu wūhu puhichapu to si sitea mehne to tuaa mehne me tí sahsea wahahre. To ā me wūhu wahachu ne masa tí wūhure sāa masierare. Siete anjoare Cohamacu buhiri dahre dutiro to cūriro seheta

masare tí buhiri dahre batoari baharo pari turi tí wūhupu sāa masina tjoa. To buhiri dahrehto pano sāa masierare.

16

Cohamacu masare to buhiri dahrehtore yahuha

¹ Baharo Cohamacu wūhu tuaro durucuro coa tahre. Siete anjoare yahuro nihre:

–Siete wahwarihi posa tiare yahpapu pio siteroca borona wahaga. Yahpa macainare Cohamacu to niriro seheta buhiri dahresiniga mipure –ni durucuro coa tahre.

² To ā nino coa tachu tuhoro ji muhtariri anjo to cjuari wahwai posa tiare yahpapu pio siteroca borohre. To ā pio sitechu nucu macariro wamare joa ōrina, to masure ño payoina ñano camí tihre. Tí camí tuaro purihre tinare.

³ To ā pio siteri baharo paio anjo tjoa to cjuari wahwai posa tiare pio siteroca borohre tjoa pjiri mapu. To ā pio sitechuta tí ma di ma wahahre. Yariariro di yoaro sehe jihre tí di. Á wahachu tí ma puhichapu jiina yaria pihtia wahahre.

⁴ Puarō tí ā pio siteri baharo paio anjo tjoa to cjuari wahwai posa tiare pio siteroca borohre tjoa máripu, tí mári pohtaripu cūhure. To ā pio sitechu mári di mári dihta wahahre.

⁵ To ā wahachu ñano paio anjo márire cohtariri ō sehe nihre:

–Cohamacu mūhu ñaa marieriro jira. Mipu cūhure ā jirucuriro jira mūhu. Panopu cūhure ā jirucua tíre mūhu. Á jicu masa tí ñano yoachu ñucu quihōno tinare buhiri dahrehe mūhu. Di márine yoacu noano yoahre mūhu.

⁶ Nucu macariro yaina sehe mu yainare wajāa, di cohāchu yoahre. Mu yare yahuina cūhure wajāa, di cohāchu yoahre. Tí ā wajāri buhiri mári di mári wahahre. Á yoa tinare dire mu ā sihnicu yoachu noa nina. Ó seheta mu yoachu cahmahre tina –nihre márine cohtariri anjo.

⁷ To ā niri baharo altarpu durucuro coa tahre:

–Á tjira. Cohamacu sā puhtoro tua yuhduariri jira mūhu. Mahñoño marieno, quihōno masare bese, buhiri dahrera mūhu –ni durucuro coa tahre.

⁸ Tiaro anjoa tí pio siteri baharo paio anjo to cjuari wahwai posa tiare pio siteroca borohre tjoa sū dacho macariro bui. To ā pio sitechuta sūre masare tuaro sichu yoahre Cohamacu.

⁹ Á jiro sū dacho macariro masare tuaro sihre. Á jia Cohamacu tinare to buhiri dahre dutichu masia, tiore ñano durucuhre masa. Á ñano yuhdupahta Cohamacure

maca duaerare. Cohamacure “Tuariro jira”, ni wahche payo duaerare.

¹⁰ Pititari anjoa ti pio siteri baharo paio anjo tjoa to cjuari wahwai posa tiare pio siteroca borohre tjoa nucu macariro to dujiro bui. Puhtoro dujiro jihre to dujiro. To a pio siteri baharo nucu macariro to yaina ti jiri yahpapa nahitiano wahahre. A jia to yaina masa nana purichu bahca dihohre.

¹¹ Tinare nana puripachuta, nana cami tipahta, ne ti naa yoirire cahyaerare. A yoa ture duhuerare. A jia Cohamacu tinare to cami dahrechu masia tirore mnao macarirore nana durucuhre.

¹² Cu wamomaca pihtiina anjoa ti pio siteri baharo paio anjo tjoa to cjuari wahwai posa tiare pio siteroca borohre tjoa Eufates wama tiri ma pjiri mapu. To a pio sitechuta ti ma sihbi cahaa wahahre. Sa mija taro macaina puhtoa ti yaina masa mehne ti mare ti pahā tahto sehe a yohare.

¹³ Baharo tiaro watiare taharo bucna yoaro sehe bajuinare nuhi. Cāiro pinono puhichapu jiro to duseropu wijaa tahre. Pairo watino nucu macariro duseropu wijaa tahre. Pairo watino “Cohamacu yare yahuriro jija”, ni mahñoriro duseropu wijaa tahre.

¹⁴ Tina tiaro watia bajuamehneare yoaina jihre. Jipihtiromo macaina puhtoare cahmachuchu yohare tina cahma wajā dutia taa. Ti a cahma wajāhti dacho Cohamacu tua yuhduariro jipihinare to dutihti dacho, pihtihti dacho jira.

¹⁵ O sehe nihre Jesu: “Nuga musa. Yacariro wacuenoca to yacaro taro seheta yahu cahu wacuenoca taihtja. Yu tahtore noano cohtariro wahcheriro jirohca. To yare noano cahnoriro, to suhti sārairo jira wahcheriro. A yoiriro jiro yu tachu buo tisi tiro suhti marieriro yoaro sehe jieraro”, nihre Jesu.

¹⁶ Baharo tiaro watia yahpari macaina bui puhtoare cahmachuchu yohare tinare. Ti cahmachuno Hebreo ya dusero mehne “Armagedon” wama tihre.

¹⁷ Seis anjoa ti pio siteri baharo paio anjo tjoa to cjuari wahwai posa tiare me curuari cahapu pio siteroca borohre tjoa. To a pio siteri baharo puhtoro dujiropu Cohamacu wahu jiri dujiropu tuaro durucuro coa tahre:

—Tó puro tjica —nino coa tahre.

¹⁸ To a nichuta orocasite mua, wapo pja mua, soro jiro bisi mua, cuaro yahpa nuhmihre. Ahri yahpai masa ti ji ducari baharo ne tó sehe naca yahpa nuhmiera tihre. Paye nuhmia yuhdoro cuaro yahpa nuhmihre.

¹⁹ A to nuhmichu pjiri macare tia maha yihti muaa wahahre. A jia bujua macari ahri yahpai jia macari boraahahre.

A jiro Babilonia wama tiri maca pjiri maca macainare wacuhre Cohamacu tinare buhiri dahrero taro. Ti naare yoari buhiri tina mehne tuaro suahre. A suaro tinare tuaro buhiri dahrehre.

²⁰ To a yochu jipihitia nucoro, tūyucu cahu cohō pihtia wahahre. A jia ne mariahare.

²¹ A yoa bujua poca co poca yusua poca yahpapa masa bui bora tahre. Jipihitia poca co poca cuarenta kilos nucu poca jihre. Tina bui ti a bora tachu Cohamacu masare to tuaro buhiri dahrechū masia nana durucuhre masa Cohamacure.

17

Mua mehne nana yoarucuricorore nabiaro yoaricorore buhiri dahre dutirohca

¹ Baharo sieteh wahwarire chuaina anjoa mehne macariro yu cahapu wihiro o sehe nihre yuhare:

—Nui taga. Payu mari bui dujiricorore mua mehne nana yoarucuricorore nabiaro yoaricorore Cohamacu to buhiri dahrehore nuhihca muhu.

² Ahri yahpa macaina puhtoa ticoro mehne ti nana yoaboro seheta ticoro yoaro seheta yoare tina. Cohamacu ya sehene cahmaerare. Ahri yahpa macainare to cahachu yoaboro seheta tina mehne to nana yoaboro seheta ticoro masare naare goa pjachū yoare. A yoaro naare yochu yoare masare —ni yahuhre anjo yuhare.

³ To a niri baharo Espiritu Santo sehe to bajuamehneare yuhare nohre. Anjo sehe masa marienopu naahre yuhare. Tó numinore nuhi. Ticoro nucu macariro sohāriro bui pisaricoro jihre. Nucu macariro sehe to pjacu payu wama ti joa oriro jihre. Ti wama nana wama Cohamacu to nu yabia wama jihre. A yoa sieteh dapu poca tiri, diez sahari tiriro jihre nucu macariro.

⁴ Tuhsu, numino sehe noano yahsa suhti puhtoa ti sāa suhti sehe jiare sārairo jihre. Sohāa suhti cahure sārairo jihre. Payu urure, wapa tia tāare, perla yapari cahure oā suhtire sārairo jihre ticoro. Uru wahware chuahre ticoro. Ti wahwai posa tia nana to yoari jihre. Mua mehne nana yoaro pjiro nana yohare ticoro. Ti naare nu yabira Cohamacu.

⁵ To wuhduai to wama ti joa oricoro jihre. Ti wamare noano masieraja mari. Ti wama piti dahre buheri wama jira. Ahri jira ti wama: “Pjiri maca Babilonia wama tiri maca jira. Jipihitia nana yoare goa pjaare yoa ducaricoro, Cohamacure cahmaerachu yoaricoro jira” ni, to wuhduai ti joa oricoro jihre.

⁶ A jicu ticoro payu Cohamacu yainare wajāricoro to jichu masihi. Cahaare to wahchero seheta tinare wajāno ti di

cohāchũ wahchehre ticoro. Jesu yare ti yahuri buhiri ticoro wajāhre tinare. Ticorore ñũcũ, ñũ cũaa wahahi.

⁷ —¿Dohseacu mũhu ñũ cũaa waharide? —nihre anjo yuhũre—. Mũ masierarire mũhũre yahuihtja. Numinore mũhũre yahuihtja. To pisariro cāhũre yahuihtja. Tiro nũcu macariro, siete dapu poca tiro, diez sahari tiro jihre.

⁸ Tiro panopũ jiro jire. Mipũre marihna tiro. Baharo tiro cũāri copapũ jiro wijaa tarohca. To ā wijaa tari baharo pichacapũ waharohca. Ahri yahpa macaina tirore ñũ cũa, ño payore tirore. Ahri yahpa to jilto pano Cohamacũ to yaina cjihtire ā jirucuhinare ti wamare joa ða tiri jire. To joa ðeraina jire nũcu macarirore ño payoina. Tiro sehe panopũ jira tiri jire. Mipũ sehere mariahna. Baharo pari turi bajuarohca tjoa. Ā jia to bajuachũ ñũa masa tirore ñũ cũaa wahaahca.

⁹ Mipũre yũ yahuhitre masi duana, noano tũhonahca mũsa. Ā yoana noano masina jiga. Nũcu macariro dapu poca siete dapu poca siete tũyucũ jira, mari piti dahre buhechũ. Tĩ tũyucũ bui pisara ticoro mũa mehne ñano yoarucuricoro. Tĩ dapu poca siete pũthoa yoaro sehe jira, mari piti dahre buhechũ. Payũ masa bui pũthoa jira.

¹⁰ Cinco pũthoare cohā tuhsũre. Pairo tina baharo jiro pũtoro jira mipũre. Pairo sehe baharo pũtoro sãanohca. Ā sãano mahanocā pũtoro jirohca tiro.

¹¹ Ā jiro nũcu macariro panopũ jĩ mũhtariro, mipũ marieriro tina siete pũthoa baharo pũtoro jirohca. Siete pũthoa mehne macariro jira. Baharo pichacapũ waharohca.

¹² Nũcu macariro sahari diez sahari diez pũthoa yoaro sehe jira mari piti dahre buhechũ. Payũ masa bui pũthoa jira. Tina pũthoa sãaerasinihre. Baharopũ pũthoa sãa mahanocā pũthoa jiahca. Yoari pja jĩ dutisi tinare. Ā pũthoa jia nũcu macariro mehne pũthoa jiahca.

¹³ Tina diez pũthoa cãno potori tũhotuina jira. Tina nũcu macarirore ti ya yahpari macaina bui pũtoro sũahca.

¹⁴ Ā jia Cordero mehne cahma wajāahca. Tĩ ā cahma wajāpachuta Cordero to beseina mehne tirore ne cohāeraina mehne tinare yũhdũrũcaahca. Tiro jipihtina paina pũthoa bui pũtoro jira. Ā jiro tinare yũhdũrũcarohca —ni yahuhre yuhũre anjo.

¹⁵ Ahrire yuhũre yahu namohre anjo:

—Mũ mehne ñano yoarucuricoro mări bui dujire. Tĩ mări ahri yoaro sehe jira mari piti dahre buhechũ: Yahpari macaina, payũ curuari macaina, payũ duserire durucuina yoaro sehe jira tí mări.

¹⁶ Nũcu macariro, diez pũthoa mehne mũa mehne ñano yoarucuricoro ñũ yabi-ahca. Tina diez pũthoa nũcu macariro mehne ticoro yare ma pahũo, suhti marienico-oro cohāahca ticorore. Ā yoaa to pjacũre chũahca. Tĩ ā yoari baharo ticorore jũ pahũoahca.

¹⁷ Tina diez pũthoa cãno potori tũhotua nũcu macarirore ti ya yahpari macaina bui pũtoro sũahca. Tinare ā yoachũ yoare Cohamacũ, to cahmano seheta yoaro taro. Ā jiro nũcu macariro sehe pũtoro jirohca. Jipihtina Cohamacũ panopũ to yahuriro seheta to yoari baharo nũcu macarirore cohānohca.

¹⁸ Ticoro mũ ñũricoro mehne ð sehe ni piti dahre buhera: Ticoro pjiri maca Babilonia wama tiri maca yoaro sehe jira. Jipihtina paina pũthoa bui jira tí maca macaina —nihre anjo yuhũre.

18

Babilonia wama tiri maca to cohāri maca jira

¹ Baharo paio anjo mũanopũ dujiarirore ñũhi. Tiro pũtoro waro jihre. To si sitea jipihtiropũ noano buhria sahsea nahahre.

² To ā dujiari baharo ð sehe ni tuaro sañurucu yahuhre:

—Cohāri jihre. Babilonia wama tiri maca pjiri maca macainare cohāri jihre. Mipũre wafia, payũ ñaina pjacu bajueraina cũhũ tí macai jia nina. Ñaina baro wahiũina wũina peri cũhũ masa tí ñũ yabiina tí macai jia nina.

³ Jipihtia yahpari macaina tí maca macainare ñainare ñũ cũa, tina cũhũ ñano yoare. Ā yoa yahpari macaina bui pũthoa tí maca macaina numia mehne ñano yoare. Ticoro ā mũa mehne ñano yoarucuricoro jiro wapa tiare nuchũa tire. Pjĩro to ā nuchũchũ ahri yahpa macaina pache duaina pjĩro wapatare —ni yahuhre anjo.

⁴ Baharo pari turi mũanopũ durucuro coa tahre. Ō sehe nihre:

—Yũ yaina ahricoro mũa mehne ñano yoarucuricoro mehne jiena tjiga mũsa. Ticoro mehne mũsa jichũ mũsa cũhũre buhiri dahreohca. Ā jina to ñano yoare ñũ cũena tjiga.

⁵ To ñano yoari payũ jinocahna. To ñano yoarire pari tju mari duhu payo mũochũ tí tju sehe mũanopũ wahā sũnocaboa. Ā jia to ñano yoari payũ jinocahna. Ā jiro to ñano yoarire wacũna Cohamacũ. Ā wacũno ticorore buhiri dahre dutirohca.

⁶ Ticoro tuaro to buhiri dahrehticoro jijaro. Masare to ñano yoachũ yoariro seheta ticoro cũhũre ñano yũhdũchũ yoajaro.

Masare ã ñano to yoariro seheta tí yuhdoro ticorore ñano buhiri dahrejaro.

⁷ Ticoro “Noaricoro jija”, ni tuhutumare. Æ ni tuhuturo, wapa bujmare pjíro cjuare ticoro. To wapa bujmare pjíro to cjuaro purota ticorore pjíro ñano yuhduchu yojaro. Tó purota ticorore cahyachu yojaro. To basi ò sehe ni tuhutumana ticoro: “Ói puhtorocoro yoaro sehe jiricoro dujija. Wapewahyoro jieraja. Æ jico ne ñano yuhduci yuhú”, ni tuhutumana ticoro.

⁸ Æ ni tuhoturico to jichu wacúenoca ticorore buhiri dahrehto jirohca. Ticoro dohati, yariainare yahco tií, júca barohca. Tuhsu, ticorore já borohca. Musa puhtoro Cohamacu ticorore buhiri dahre dutiriro tua yuhduariro jira. Æ jiro tó seheta yu niriro seheta ticorore buhiri dahre dutirohca – nino coa tahre muanopu.

⁹ Æ jia ticoro yoaro sehe jiri macare Babiloniare Cohamacu to buhiri dahreri baharo ahri yahpa macaina puhtoa tuaro cahya, tiiahca. Tí maca macaina mehne ñano yoaina jire. Æ jia tí maca to júchu ñua tiiahca tina.

¹⁰ To ã júchu ñua tina puhtoa yooropu ñurocarucahca, “Mari cühure buhiri dahreri”, nia. Tóí ñurocaruca ò sehe niahca:

–Cue, pjacüori maca jira, Babilonia. Sí maca pjiri maca tuari maca jimahre. Wacúenoca sí macare buhiri dahrehre – niahca tina.

¹¹ Jipihtopu macaina pache duaina tí macare ñua tuaro cahya tiiahca. Tí maca to pihtichu ñua, ti pachere nuchüina mariachu ñua cahyaahca tina. Æ jia tiiahca.

¹² Ti na tarire urure, platare, wapa bujua táare, perla wama tia poca cühure nuchüina mariaha. Æ yoa paye ti na tari cjirire suhti noaa suhtire, yahsaa suhti puhtoa ti sãa suhti yoaro sehe jia suhtire, seda wama tia suhtire, sohãa suhtire nuchüina mariaha. Æ yoa paye ti na tarire yucüri me sitia yucürire nuchüina mariaha. Æ yoa paye ti na tarire marfil wama tiro mehne ti yoirire, wapa bujua yucüri mehne ti yoirire, bronca wama tiri comaa mehne ti yoirire, comaa mehne ti yoirire, marmol wama tiro mehne ti yoirire nuchüina ne mariaha.

¹³ Æ yoa paye ti na tarire canela wama tiare ti chüare coachu yoare, paye ti chüare coachu yoare, inciensore, mirra wama tia me sitiare, paye me sitiare nuchüina mariaha. Æ yoa paye ti na tarire vinore, chua wajaa sere, trigo pohcare noano ti sahaweri pohcare, trigo yaparire, wachüare, corderoare, cawaloare, tunua buso cawaloa ti wajaa busore nuchüina mariaha. Dahra cohtainare nuchü tinare

cjuaina cühü mariaha. Masa ti jipachüta tinare nuchüina jimahre. Mirpüe mariaha. Æ jia cahyaahca pache duaina.

¹⁴ Æ jia ò sehe niahca tina tí maca macaina cjirire:

–Ade, ñacaro wahajari. Jipihtia musa cahüri cjiri pihtia wahahre. Æ yoa jipihtia noaa musa cjuari cjiri pihtia wahahre. Æ ti pihtia wahachu türe pari turi bocasi musa – niahca pache duaina.

¹⁵ Tina tí macare pachere duaa, pjíro wapatamare. Æ jia tina tí macare yooropu ñurocarucahca, “Mari cühure buhiri dahreri”, nia. Æ ñurocaruca tí macare tuaro cahya, tiiahca.

¹⁶ Æ sehe niahca tí macare:

–Cue, pjacüoina jira sí maca pjiri maca noari maca macaina cjiri. Sí maca numino yoaro seheta noare cjuahre. Numino sehe noaa suhtire, yahsaa suhti puhtoa tí sãa suhti yoaro sehe jia suhtire, sohãa suhti cühure sãahre. Æ yoa uru, wapa bujua tãa, perla wama tia poca òa suhtire sãahre. Tó seheta yohare sí maca macaina.

¹⁷ Æ jia wacúenoca sí maca buti pihtia wahahre – niahca tí macare.

Æ yoa jipihtina dohoa buso mehne tiniina, tí buso pua, ti mua, paina pjiri mapu dahra wapataina cühü tí macare yooropu ñurocarucahca.

¹⁸ Tóí ñurocaruca tí macare to júchu ñua ò sehe ni sañurucuahca:

–Noaa macari sí maca yoaro sehe jia macari ne paye macari mariaha –ni sañurucuahca tina.

¹⁹ Æ cahyaina jia ti dapu poca bui dihtare oré payoahca. Æ jia tuaro yahco tiia ò sehe niahca:

–Cue, pjacüoina jira sí maca macaina cjiri. Noari maca jimare. Jipihtina dohoa buso cjuaina pjiri mapu tiniina sí maca macaa pache mehne noano wapatahü mari. Æ yoa dóihtia sí maca macaa buti pihtia wahahre – niahca buso macaina.

²⁰ Tí macare to cohächu ñua wahchega musa muano macaina. Cohamacu yaina, Jesu to cürina, to yare yahu muhtaina jipihtina musa wahchega. Tí maca macaina masare ñano yuhduchu yoare. Tí ã yoi buhiri buhiri dahrehre Cohamacu. Æ jina wahchega musa.

²¹ Æ yoa tuariro anjo pjiria tácare arëni soro puro jiria tácare na wahcò, pjiri mapu doca ñohre. Æ doca ñono ò sehe nihre:

–Ahria táca to bora ñojario seheta pjiri maca Babilonia wama tiri maca tuaro boraro bisirohca. To ã borari baharo tí macare pari turi ñusi masa.

²² Tí macare butia wahachu yoorohca. Æ jia tí macaí basaare musa basarucuriro

sehe ne coa tasi. Arpa wama tiare m̄asa b̄araput̄urucuro sehe, flauta wama tia pocare, corneta c̄ah̄are m̄asa putirucuro sehe pari turi tí macai coa tasi. Ā yoa tí maca mariach̄u pari turi tí macai dahraina dahra. Ā yoa t̄aca mehne m̄asa soari c̄ah̄are t̄ahomahnosi.

²³ Ne tí maca to buhria cōaruro sehe ne jisi. Ā yoa wamomaca d̄ah̄teina m̄asa b̄ose n̄am̄are m̄asa dahreruro sehe pari turi ne coa tasi. Tí maca macaina pache duaina nuch̄aina mehne paina ȳhdoro c̄jah̄are m̄asa. Ā jina yaya wijō wij̄ina yoaro sehe yoana jipihtiro macainare mah̄noh̄re m̄asa. M̄asa ā yoarire ñ̄n c̄aa, Cohamac̄u seh̄ere cahmaerare masa —nihre tuaruro anjo.

²⁴ Tí maca macaina Cohamac̄u yare yahu m̄ah̄tainare paina to yaina c̄ah̄are jipihtiro macainare waj̄ari jire.

19

¹ Babilonia to dohse wahahtore ȳu ñ̄uri baharo m̄uanop̄u paȳu masa sañurucua coa tahre ȳu t̄ahoch̄u. Ō sehe ni sañurucuh̄re: “Aleluya.

Cohamac̄ure noano durucujihna. Cohamac̄u marine ȳhd̄uch̄u yoaruro jira. Tirore noano ñ̄o payojihna. Tua ȳhd̄uaruro jira tiro.

² Mah̄no marioeno quih̄ono masare buhiri dahrera tiro.

Ñ̄aricorore m̄aa mehne ñ̄ano yoarucuricorore ñ̄n c̄aa jipihtiro macaina, ahri yahpa macaina ñ̄ano yoh̄are.

Ticoro seh̄ere buhiri dahrehre Cohamac̄u. Ā jiro tirore dahra cohtainare ticoro to waj̄ari buhiri buhiri dahrehre tiro”, ni sañurucua coa tahre.

³ Pari turi sañurucua coa tahre: “Aleluya. Cohamac̄ure noano durucujihna. Tí maca ñ̄ari maca to j̄uri maca ā me tirucuroh̄ca”, ni sañurucua coa tahre.

⁴ Ā yoa veinticuatro Jesu yaina p̄ah̄toa, pitiario soro bajuina mehne na tuh̄cua caha s̄u, Cohamac̄ure to dujiro i dujirore wah̄che payoh̄re. Ō sehe ni wah̄che payoh̄re tina: “Amén. Aleluya. Ā tjira. Cohamac̄ure noano durucujihna”, nihre tina.

⁵ Baharo p̄ah̄toro dujirop̄u ō sehe nino coa tahre:

“Mari p̄ah̄toro Cohamac̄ure wah̄che payoga.

Tirore dahra cohtaina, tirore ñ̄o payoia, wiho jiina, p̄ah̄toa c̄ah̄u jipihtina m̄asa tirore noano durucuga”, nino coa tahre.

Cordero to wamomaca d̄ah̄tehti n̄m̄u b̄ose n̄m̄u yeh̄uaha Joāo

⁶ Baharo paȳu masa ti durucuch̄u t̄ahohi. Pjiri poaye, w̄p̄o mehne to bisiro coa taro seheta durucua coa tahre ȳu t̄ahoch̄u:

“Aleluya.

Cohamac̄ure noano durucujihna.

Tiro mari p̄ah̄toro sehe p̄ah̄toro s̄aa tuhsure. Tua ȳhd̄uaruro jira tiro.

⁷⁻⁸ Cordero to wamomaca d̄ah̄tehti pja jira mip̄are.

To wamomaca d̄ah̄tehticoro noano ti cahno tuhs̄aricorop̄u jira.

Ticorore noari suhtiro wete marieni suhtirore wah̄re.

Tí suhtiro Cohamac̄u yaina noaare ti yoari yoaro sehe jira, mari piti dahre buhech̄u.

Ā jina ti wamomaca d̄ah̄tehti pja to jichu wah̄chejihna mari.

Cohamac̄ure ‘Tua ȳhd̄uaruro jira’, nijihna”, ni durucua coa tahre.

⁹ Tí ā niri baharo anjo ō sehe nihre ȳah̄are:

—Ahrire joa naga: “Cordero to wamomaca dah̄teri n̄m̄u b̄ose n̄am̄are to pjirocarina wah̄cheina jira”, ni joa naga —nihre anjo ȳah̄are.

Ā ninota ō sehe ni namoh̄re:

—Potoc̄a tjira ahri ȳu yahuri. Cohamac̄u ya durucua jira —ni namoh̄re ȳah̄are.

¹⁰ To ā nich̄u t̄ahoc̄uta tiro panoi na tuh̄cua caha s̄u, tirore ñ̄o payoi tai nimahi. Ȳu ā yoai cahach̄u waro ō sehe nihre tiro ȳah̄are:

—Tire yoai tjiga. M̄u yoaro seheta ȳah̄u c̄ah̄u Cohamac̄ure dahra cohtarirota jija. M̄u coyea Jesu yaina jipihtina to ya buheare duhueraina yoaro sehe ȳah̄u c̄ah̄u Cohamac̄ure dahra cohtarirota jija. Ā jichu Cohamac̄ure na tuh̄cua caha s̄u, tiro seh̄ere ñ̄o payoga —nihre anjo ȳah̄are.

Cohamac̄u yare yahu m̄ah̄taina cjiri panop̄u macaina Espiritu Santo to yoadohoro mehne Jesu ya buheareta yahuyua tiri jire.

Cawalo yehseriro bui pisarirore yahuha Joāo

¹¹ Baharo m̄uano par̄i m̄aa wahach̄u ñ̄uhi. Tó cawalo yehseriro jihre. Tiro bui pisariro ō sehe wama tihre: To niriro seheta yoaruro potoc̄a yoaruro wama tihre tiro. Quih̄ono masare ñ̄aina, noainare bese, tirore ñ̄u tuhtina mehne cahma waj̄ana.

¹² To capari picha poh̄na yoaro sehe jihre. Ā yoa to dapui paȳu p̄ah̄toa pisa sorori jihre. Ā jiro to pjac̄ai wama joa ōriro jihre. Tí wamare tiro dihta masihre. Paina masierare.

¹³ To s̄ari suhtiro yoari suhtiro di wah̄ari suhtiro jihre. Tiro ō sehe wama tihre: Cohamac̄u ya d̄aserore yahuriro wama tihre tiro.

¹⁴ Ā jia to yaina surara mʻano macaina tiro baharo wahare. Yehseina cawaloa bui pisaina noano yehsea suhtire, wete mariea suhtire sʻaina jihre.

¹⁵ To duseroi űosari pĵine siori pĵine cuhcũhre. Tĵi pĵi yahpari macainare to yuħduꝛucahti pĵi jihre. Ā jiro to tuaa mehne to dutichũ ne cũiro tirore yuħduꝛucaro bihosi. Cohamacũ tua yuħduꝛuaro payũ yahpari macaina mehne sua yuħduꝛara. To ā suachũ cawalo bui pisariro tinare tuaro buhiri dahrerohca.

¹⁶ To suhtiroi, to űuchũcũ cũhure ahri wamare joa ōri jihre: “Jipihitina paina puħtoa bui puħtoro”, ni joa ōri jihre.

¹⁷ Baharo sũ siroi ducurirore anjore űahi. Jipihitina mʻanopũ wainare yucaa perire saũurucu mʻohre tiro. Ō sehe ni tuaro saũurucu mʻohre:

–Cahmachuna taga. Cohamacũ to bose namũi chuna taga.

¹⁸ Payũ yahpari macaina bui puħtoare, surara puħtoare, surara perire, cawaloare, tina bui pisainare, jipihitina paina masare, dahra cohtainare, dahra cohtaina jierainare, paina puħtoare, wiho jũinare tina jipihitina ti pĵacũri cĵirire chuna taga –nihre anjo yucaare.

¹⁹ Baharo nũcũ macarirore, ahri yahpa macaina bui puħtoa ti surara peri cũhure űahi. Tina cahmachuhre cawalo bui pisariro mehne to yaina surara peri mehne cahma wajāa taa.

²⁰ Tĵi ā cahma wajāchũ cawalo bui pisariro nũcũ macarirore peresu yoahre. Pairo “Cohamacũ yare yahu muħtariro jija”, ni mahũoriro cũhure peresu yoahre. Tiro mahũoriro sehe nũcũ macariro to űurocaroi bajuamehneare yoariro jihre. To bajuamehnea mehne nũcũ macariro to wamare wahainare to masure űo payoinare mahũohre “Ahri Cohamacũ ya jira”, nino. Tina puarore to peresu yoari baharo tinare catiinareta pichacapũ cohāhre. Tĵi pichaca pĵiri ma puro jiri pichaca pĵiri pichaca azufre mehne jũri pichaca jihre.

²¹ Ā jiro dũhsainare ti surara peri cĵirire űosari pĵi mehne to duseroi jiri pĵi mehne wajāhre cawalo bui pisariro sehe. Ā to wajāri baharo yucaã peri ti pĵacũri cĵirire chũa, yapi yuħduã wahahre.

20

Mil cũhmari waro Cristo to yaina mehne masare dutirohca

¹ Baharo pairo anjo mʻanopũ to dujia tachũ űahi. Cũari copa macari sawire, pĵiri da, comaa da cũhure cĵuahre tiro.

² Ā duji wihiro pinonore űahahre tiro. Tiro pinono panopũ pinono sehe pĵacũ tiriro jiro, watĩno Satana wama tiriro jihre. Tirore

űahano tirore dũhtehe mil cũhmari waro peresu yoaro taro.

³ Ā dũhte tuhsũ, cũari copapũ cohāhre tirore jipihitia yahpari macainare mil cũhmari waro to mahũoerahto sehe. Ā cohā tuhsuro ti copare biha, wihtā űahanacahre. Ā jiro mil cũhmari baharo pari turi mahaa dachoricā tirore wiosinohca.

⁴ Baharo puħtoa dujiaare űahi. Tĵi dujiai dujia cũhure űahi. Tinare masa bui dutihtinare cũhure Cristo. Paina cũhure űahi. Tina sehe Jesu yare Cohamacũ yare ti yahuri buhiri ti dapu pocare dũte cohārina cĵiri jihre. Nũcũ macarirore to masũ cũhure ne na tuhcuã caha sũ űo payoerare. Ā yoã ti wuħduã pocare ti wamomacari cũhure to wamare joa ō dutiereã tina. Ā jia paina tinare ti wajāri baharo masaa wahahre tĵoa. Masahre tina mil cũhmari waro Cristo mehne puħtoa jia taa.

⁵ Paina Cristo yaina yariaina cĵiri sehe masaerasinire. Ti wajārina ti masari baharo mil cũhmari puħtoa ti jiri baharo paina cũhũ masaa wahaahca. Ā jia ti wajārina cĵiri Cristo yaina to baharo masa muħtaina jihre.

⁶ To maso muħtaina sehe tuaro wahcheina jiahca. űaa marieina jiahca tina. Ā jia pichacapũ wahasi tina. Masa pichacapũ wahaã, pari turi ti yariaro sehe wahara. Ā jia tina to maso muħtaina pichacapũ wahaerara. Tina yaria masa muħtaina sacerdotea jiahca, Cohamacũre, Cristo cũhure űo payoa taa. Ā jia mil cũhmari waro Cristo mehne masa bui puħtoa jiahca.

⁷ Mil cũhmari baharo Satanare peresui jirirore wiorohca.

⁸ To ā wiori baharo ahri yahpa macainare mahũono waharohca tiro. Gog wama tinare, Magog wama tiina cũhure mahũono waharohca. Ā jia tina to mahũoãre tuhoã, ti surara perire cahmachuahca cahma wajāã taa. Tina surara peri payũ jiahca. Pĵiri ma macaa padũ pohcaricā payũ ti jiro seheta payũ surara jiahca.

⁹ Tina ahri yahpapũre waha siteã, Cohamacũ yaina ti jiri macare Cohamacũ to cahĩri macare soroã wahaahca. Tĵi ā soroari baharo Cohamacũ tinare mʻano macari pichaca mehne jũroca bororohca.

¹⁰ Ā wahari baharo watĩnore tinare mahũorirore pichacapũ cohānohca. Tĵi pichaca pĵiri ma puro jiri pichaca azufre mehne jũri pichaca jira. Tũpũ nũcũ macarirore “Cohamacũ yare yahu muħtariro jija”, ni mahũorirore cohā tuhsũhre. Tũi ti jichũ dachũ, űamipũ cũhure ā űano purũrucurohca tinare.

Cohamacũ masare buhiri dahre batoara

¹¹ Baharo pjiro puhtoro to dujirore noano yehserore ñahi. Tí dujiro bui dujiriro cãhure ñahi. Tóí to dujichu, ahri yahpa macaa cãhu mũano macaa cãhu pihtia wahahre. Á pihtia wahaa pari turi ji namoerare.

¹² Á yoa puhtoro panoi yariaina cjiri ti ducuchu ñahi. Tina wiho jiina, puhtoa cjiri cãhu jihre. Tóí ti ducuchu joa òa tjurire pjõohre. Tí tjuri masa ti yoarire ti joa òa tjuri jihre. Á jiro beseriro ti tjurire ñu tuhsu ti yoarire masihre. Tíre masino yariainare besehre ñaina, noainare. Baharo pa tju cãhure pjõohre. Tí tju Cohamacu mehne á jirucuhinare ti wamare joa òri tju jihre.

¹³ Baharo pjiri mapu yaria miniina, diapu ti cohãrina cãhu wahcã mujaa wahahre. Á yoa yahpa puhichapu jiina, yariaina ti jirupu jiina cãhu mujaa wahahre. Tí á mja sachu tóí dujiriro ti yoarire masi pahñono, tinare besehre ñaina, noainare.

¹⁴ Baharo yariarore, yariaina ti jiro cãhure cohãnocahre Cohamacu pari turi mari yariaerahto sehe. Pichacapu cohãnocahre. Tí pichaca pjiri ma puro jiri pichaca pjiri pichaca jihre. Pichacapu wahaina sehe pari turi yariaina seheta wahara.

¹⁵ Á jiro á jirucuhina ti wamare Cohamacu to joa òri tjui jipihina ti wamare joa òmahnoeraina sehene pichacapu cohãhre tiro.

21

Mũano, yahpa cãhure wahmaare cohtotarohca Cohamacu

¹ Baharo mũano, ahri yahpa cãhure wahmaare to cohtotarire ñahi. Mũanopu ji mũhtari, yahrapu ji mũhtari, pjiri mapu ji mũhtari cãhu pihtia wahahre. Mariahre.

² Á yoa yuhu João noari macare, wahma macare Jerusalêne ñahi. Tí maca mũanopu Cohamacu cahapu to duji tachu ñahi. Wamomaca dũhtehticorore noaa suhti mehne wahma suora wamomaca dũhtehtirore wahchecu yoaro taro. Tó seheta ti macare cahnoyure Cohamacu, to yainare wahchecu yoaro taro.

³ Tíre yu ñuri baharo puhtoro dujiropu to sañurucuro coa tachu tuhohi:

—Ñuga. Mipure masa watoi jiro nina Cohamacu. Tina mehne jirohca tiro. Á jia to yaina jahca tina. Á yoa Cohamacu to basi tina mehne macariro jiro, ti yairo Cohamacu jirohca.

⁴ Á jiro á wahcherucuchu yoarohca tiro tinare. Á jia pari turi cahyasi tina. Á jia ne pari turi yariasi tina. Ne ñano yajeripohna tia, yahco tia, puria cãhu mariahca tinare. Ahri jipihtia panopu macaa cjiri pihtia wahahca —ni sañurucuro coa tahre.

⁵ Baharo puhtoro dujiropu dujiriro ò sehe nihre:

—Ñuga. Jipihtiare wahma cohtotachu yoaihca —nihre.

To á niri baharo yuhure ò sehe nihre tjoa:

—Ahri yu niare joa naga. Yu nia potocã tjira. Á jiro yu niriro seheta á waharohca. Á jicu yu niare joa naga —nihre yuhure.

⁶ Baharo ò sehe nihre tjoa yuhure:

—Tó puro tjica. Yuhu jipihtiare ba-juamehneriro jija. Á yoa jipihtiare pihtichu yoahiro jija tjoa. Nahma yapioina tuoro ti core cahmano seheta yu cahapu waha duaina Jesure cahmaahca. Á jia Jesure yahtiahca. Tiro catichu yoaa co yoaro sehe jira. Tirore cahmainare wapa cahmano marieno yuhu mehne á jirucuchu yoaihtja tinare.

⁷ Jipihina yuhure wacũ tua duhuerainare ò sehe yoaihtja: Tí yairo Cohamacu jiihtja. Á jia tina sehe yu pohna jahca.

⁸ Wiho mejeta cuia yu yare duhuina, yuhure cahmaeraina, ñabiaare yoaina, masare wajãina, numia mehne ñano yoaina, mua mehne ñano yoaa numia, yaya, “Cohamacu jira”, ti nia masurine ño payoina, jipihina mahñoina pichacapu wahahca. Tóí pjiri ma puro jiri pichaca pjiri pichaca azufre mehne jãno nina. Tõpu wahaina pari turi ti yariaro sehe wahaa nina —nihre yuhure.

Wahma maca Jerusalêne yahuha

⁹ Baharo cãiro anjo yu cahapu wihihre. Tiro siete wahwari cjuaina, to buhiri dahre dutiro to cũina anjoa mehne macariro jihre. Á wihiro, ò sehe nihre yuhure:

—Ñui taga. Cordero to wamomaca dũhticorore ñoihca mũhure —nihre anjo yuhure.

¹⁰ To á nini baharo Espiritu Santo yuhure Cohamacu ya macare ñohre. Ó sehe bajuo ñohre yuhure: Muadu tãcu buipu yuhure na mujahre. Tõpu Jerusalêne Cohamacu ya macare noari macare ñohre yuhure. Cohamacu cahapu mũanopu jiri maca duji taro nihre ahri yahrapu.

¹¹ Cohamacu to si sitea mehne si siteri maca jihre tí maca. Wapa tia tãa yoaro sehe si sitehre. Diamante wama tia tãa yoaro sehe si sitehre. Á yoa vidro yoaro sehe noano co sitiri maca jihre tí maca.

¹² Pjiri sahrĩno muari sahrĩno ti sahrĩ sãari maca jihre tí maca. Doce sopacari tihre tí sahrĩno. Tí sopacaripe cohtahre anjoa. Tí maca macaa sopa pahmaripu Israe masa curuari doce curuaripe ti wama wahãhre.

¹³ Sũ muja taro sehe tí sahrĩno cjuahre tia sopaca. Norte sehe tia sopaca jihre. Sur sehe tia sopaca jihre. Sũ sãano sehe cãhure

tia sopaca jihre. Jipihtiro doce sopacari waro cjuahre tí sahrño.

¹⁴ Tí sahrño doce tãa bui pisahre. Tí tãape Cordero te cürina doce to cürina sã cãina wama wahãhre.

¹⁵ Å yoa anjo yuhure yahuriro quihõdu uru mehne tí yoadure cjuahre. Tí macare, tí maca macaa sopacarire, sahrño cühure quihõno taro nihre.

¹⁶ Tí maca to yoaro purota sahre. Muanõ cãhu tó purota muahre. Å yoa anjo to quihõdu mehne tí macare quihõhre. Tí maca dos mil doscientos kilómetros yoari maca jihre. Tó purota sari maca jihre. Tó purota muari maca jihre.

¹⁷ Å jiro tí maca macari sahrñore quihõhre anjo. Sesenta y cinco metros muari sahrño jihre. Masa mari quihõno sehetã quihõno nihre tiro anjo.

¹⁸ Tí sahrño diamante wama tia tãa mehne to yoari sahrño jihre. Å yoa tí maca sehe uru mehne to yoari maca jihre. Tí uru wete marieã jia vidro yoaro sehe noano co sitihre.

¹⁹ Tí sahrño docai jia tãare payu soro jia wapa tia tãa wahãhre. Tí tãa sahrñoi pisaa tãa doce tãa jihre. Ji muhtaria tãcare diamante wama tia tãa wahãhre. Tõ baharo jiria tãcare zafiro wama tia tãa wahãhre. Puaria baharo jiria tãcare ágata wama tia tãa wahãhre. Tiaria baharo jiria tãcare esmeralda wama tia tãa wahãhre.

²⁰ Pittia poca baharo jiria tãcare ónice wama tia tãa wahãhre. Cũ wamomaca pitia poca baharo jiria tãcare rubí wama tia tãa wahãhre. Seis poca baharo jiria tãcare crisólito wama tia tãa wahãhre. Si-ete poca baharo jiria tãcare berilo wama tia tãa wahãhre. Ocho poca baharo jiria tãcare topacio wama tia tãa wahãhre. Nueve poca baharo jiria tãcare crisoprasa wama tia tãa wahãhre. Diez poca baharo jiria tãcare jacinto wama tia tãa wahãhre. Once poca baharo jiria tãcare amatista wama tia tãa wahã batoahre.

²¹ Å yoa doce sopa pahmari doce perla mehne to yoaa pahmari jihre. Tí pahmaripe cũ yapa perla yapa mehne to yoaa pahmari jihre. Å jiro tí maca macari maha uru mehne to yoari maha jihre. Tí uru wete marieni uru jihre. Å jiro vidro yoaro sehe noano co sitiri maha jihre tí maha.

²² Tí macai Cohamacu wuhure ñherahi. Mariahre. Tí macai jipihtirõpã mari puhtorore Cohamacu tua yuhduarirõre, Cordero cühure ño payora masa. Å jiro tí maca jipihtiro Cohamacu wuhu yoaro sehe jihre.

²³ Tí macai Cohamacu to si sitea noano buhriahre. Cordero cãhu sihãria yoaro sehe buhriahre. Å jia sũ dacho macariro cühure

ñami macariro cühure tõi ti buhriachũ cahmaerare.

²⁴ Å yoa ahri yahpai ti buhria mehne jia-ahca jipihtiro macaina. Å jia jipihtia yahpari macaina puhtoã tí macapũ noa yuhduã tí cjuaaare na wihiahca.

²⁵ Å yoa dachore tí maca macaa sopacari pjõori sopacari jiahca. Tõpũ ne ñami marianõhca. Å jia ti sopacarire ne bihasi. Å susurucuahca.

²⁶ Å yoa jipihtia yahpari macaina noaare tí cjuaaare tí macapũ naa wihiahca.

²⁷ Ñaa sehere tí macapũ ne naa wihisi. Buõ tichũ yoaina, ñaaare yoaina cãhu tí macapũ ne wahasi. Mahñoina cãhu wahasi. Cordero to joari tjui tí wama wahãina dihta tí macapũ wahaahca. Tí tju to yuhduchũ yoaina tí wamare to joã õri tju jira. Tí tjui tí wama wahãina ã jirucuahca.

22

¹ Baharo noari mare catichũ yoari mare ñõhre yuhure anjo. Tí ma noano co sitiri ma Cohamacu, Cordero cãhu tí dujiropũ tari ma jihre.

² Å yoa tí maca macari maha dacho macai buruahre tí ma. Tí ma pũ buhseheri duhtũ cahai catichũ yoaa yucũ ducuhre. Tí yucũ sũripe dicha tihre. Cũ cühmare doce tahari dicha tihre. Å yoa tí yucũ macaa pũri mehne noano co tiaha jipihtia yahpari macaina.

³ Tí macare ne ñaa marianõhca. Tí macai Cohamacu to dujiro jirohca. Cordero to dujiro cãhu jirohca tõi. Å jia jipihtina masa tõi jiina tinare dahra cohtaina tina pano na tuhcuã caha sũ, tinare wahche payoahca. Å jiro tõi ñaa marianõhca.

⁴ Tina Cohamacure ñũ piti boca dujiahca. Å yoa ti wuhduã pocai to wama wahãina jiahca.

⁵ Tõpũre ñami marianõhca. Å jia sihãa pocare cahmasi tõi jiina. Sũ to buhriachũ cühure cahmasi. Mari puhtoro Cohamacu to buhriaro jirohca. Å jia tí macai jiina pa sehe macaina bui puhtoã ã jirucuahca.

Jesucristo ahri yahpau to tjua tahto mahanocã duhsara

⁶ Baharo anjo yuhure õ sehe nihre:

—Jipihtia ahri ti yahuri cjiri potocã tjira. Å jia ti niriro sehetã waharõhca. Mari puhtoro Cohamacu to yare yahu muhtainare masichũ yoari jira. Tiro sehe mipũre to yairo anjore warocahre tireore dahra cohtainare masichũ yoaro taro. Baharocã to dohse wahahtore masichũ yoaro taro to yairo anjore warocahre — nihre anjo yuhure.

⁷ Jesu sehe õ sehe nihre:

—Tuhoga musa. Mahanocã duhsara yu tjua tahto. Ahri tju macaa yahuare

yuhduracaeraina wahcheina jiahca —nihre Jesu.

⁸ Yuhu João ahri jipihtiare yu joa narire tuhohi. Á yoa tíre ñuhi. Á jicu yu tuhori baharo, yu ñuri baharo yuhure ñoriro anjo panoi na tuhcuca caha samahi. Tirore ño payoi tai nimahi.

⁹ Yu á yoachu ñano ó sehe nihre yuhure: —Tíre yoai tjiga. Mu jiro seheta jiriro yuhu cahu Cohamacure dahra cohtarirota jija. Mu coyea Cohamacu yare yahu muhtaina, jipihitina ahri tju macaa dutiare yoaina cahu ti jiro seheta yuhu cahu Cohamacure dahra cohtarirota jija. Á jicu Cohamacu panoi na tuhcuca caha su, tiro sehere ño payoga —nihre anjo yuhure.

¹⁰ Á yoa ó sehe ni yahu namohre yuhure: —Ahri tjui baharo to dohse wahahtore yahura. To á wahahto mahanocá dñhsara. To á mahanocá dñhsachu ahri tjui yahurire nuoi tjiga muhu.

¹¹ Tí pja yu yahuri pjare ñaina sehe á yoarucuwahnojaro ñaare. Ñaputiina cahu ñabiaro yoarucuwahnojaro. Noaina sehe noano yoarucujaro. Á yoaga ñaa marieina á ñaa marieina jirucujaro ti pjare —nihre anjo yuhure.

¹² Ó sehe nihre Jesu: —Tuhoga musa. Mahanocá dñhsara yu tjua tahto. Musare yu yainare yu wahtore na tai tai nija. Á jicu noaare musa yoari wapa musare noano yoaihtja.

¹³ Yuhu jipihtiare bajuamehneriro jija. Á yoa jipihtiare pihtichu yoahitiro jija tjoa.

¹⁴ Jipihitina wete mariea suhtire sáaina ti jiro seheta ti ñaa yoari buhirire cosaweina ti macaru saahca. Á sa, tí maca macaa yucu catiare waa yucu dichare chuhca. Á jia wahcheina jiahca tina.

¹⁵ Tí macaru sneraina sehe ahrina jira: Ñabiaina, yaya, numia mehne ñano yoaina, mu mehne ñano yoaa numia, masare wajaina, “Cohamacu jira”, ti nia masurine ño

payoina, mahño ji coaina, mahñoa payuina cahu jira tí macaru sneraina —nihre Jesu.

¹⁶ Á yoa ó sehe ni yahu namohre Jesu:

—Yuhu, Jesu yu yairo anjore warocahi musare yu yainare ahri tju macaare yahui tai. Puhtoro Davi panamino ji turiariro jija yuhu. Yuhu bohrea muja tachu muja taria noano si siteria ñahpichoca yoaro sehe jiriro jija —ni yahu namohre Jesu.

¹⁷ Espiritu Santo Jesure “Tjua taga”, nina. Jesu yaina to wamomaca dahtehticoro yoaro sehe jiina cahu “Tjua taga”, nina. Jipihitina ti “Tjua taga”, nirire tahoina cahu “Tjua taga”, nijaro Jesure.

Ñahma yapioina core tuaro ti cahmano seheta Cohamacu caharu waha duana Jesure tuaro cahmaga. Tiro catichu yoaa co yoaro sehe jira. Tirore cahmainare wapa cahmano marieno á jirucuchu yoarohca Cohamacu.

¹⁸ Yuhu João, jipihitina ahri tju macaare Cohamacu yare tuhorinare musare ó sehe ni cua pisaro mehne yahuihtja. Ahri buhea mehne paye buhea mehne more suhu yahu namoina Cohamacure yuhduraca nina. Tí á yuhduracachu ñano jipihitia ahri tjui to buhiri dahrehtore to yahuriro seheta cunohca tina cuhure. Á jiro tó seheta tina cuhure buhiri dahrerohca.

¹⁹ Á yoa ahri tju macaa yahuaare yahu dñhaina Cohamacure yuhduracaina jira. Tí á yuhduracachu ñano catichu yoaa yucu dichare tinare chu dutisi. Á jia á jirucusi tina. Tuhsu, to ya macaru noari macaru waha dutisi. Tí yucu, tí maca cahu ahri tjui ti yahuripú jira.

²⁰ Jipihitia ahri tju macaare yahuriro ó sehe nina:

—Á tjira. Mahanocá dñhsara yahrapu yu tjua tahto —nina tiro.

Á tjia. Sá puhtoro Jesu tjua tahga.

²¹ Mari puhtoro Jesu to cahia mehne jipihitina musa noano jiga.